

F E R V S I N



I O A N N E M

0

XXIX Ex 95
Bibliotheca Capituli
Ritus graeco-catholici
Premisliensis.

IN SACROSAN- CTVM IESV CHRISTI DO-

MINI NOSTRI EVANGELIVM SECVN-

dum Ioannem, piæ & eruditæ iuxta Catholicam
doctrinam Enarrationes, pro concione expli-
cata, Anno Domini M. D. XXXVI.

Moguntia.

ACCESSIT OPERI, EIVSDEM DIVI

IOANNIS APOSTOLI EPISTOLA PRIMA,

item pro concione non minus eruditè quàm piè enarrata,

Moguntia in summa æde, Anno

M. D. XLV.

PER FRATREM IOANNEM FERVM,

summæ apud Mogunt. ædis Concionatorem, &
Cœnobij D. Francisci Guardianum.



MOGUNTIAE,

Apud Dinum Victorem, excudebat Franciscus Behem

Typographus, Anno M. D. LIX.



Insc. Cat. Coll. Parosl. Soc. Iesu. ad S. Joanne

STATE OF

NEW YORK

IN SENATE

January 1, 1880

REPORT

OF THE

COMMISSIONERS OF THE LAND OFFICE

IN RESPONSE TO A RESOLUTION

PASSED BY THE SENATE

APRIL 1, 1879

ALBANY:

WEDDERBURN & COMPANY, PRINTERS.

MOGENTHAU,

Agent, New York, Exchange Building.

Copyright, 1880, M. D. LIX.

P. XVI. 748

REVEREDISSIMO IN CHRI-

STO PATRI, AMPLISSIMO PRINCIPI ET DO-

MINO, DOMINO SEBASTIANO, SANCTAE SAE-

dis Moguntinae Archiepiscopo, Sacri Romani Imperij per Germa-

niam Archicancellario, ac Principi Electori, &c. Domino

& Principi suo Colendissimo.



Ondum mirari apud me desij, Reuerendissime in Christo Pater & Do-
mine, Amplissime Princeps, nec ut arbitror vnquam mirari desinam,
quo nam aduerso casu aut fato, in id inciderim, vnde vel maxime
semper abhorruit animus meus. Nihil enim minus vnquam mihi proba-
ri potuit, quam praeproperum illud in plerisque vel ostentandi ingenij,
vel aucupandae gloriae, vel denique etiam sectarum promouendarum

studium: quo adacti, tantum non ad libros scribendos insaniunt, & quicquid vel somnia
uerint, vel coram tribus aniculis pro concione effutierint, statim non suae tantum farinae
hominibus, sed toti etiam mundo publicandum & legendum extrudunt. In quos & o-
lim, dum illud Ecclesiasticis tractarem: Librorum scribendorum nullus est finis, me in pu-
blica concione acriter inuectum, etiamnum recenti memoria teneo. Nec enim video, quid
praeproperi illi & abortiui scriptores, Ecclesiae Dei prodesse possint, aut in quibus intēpe-
stina eorum opera indigeat Ecclesia. Atque vtinam eidem Ecclesiae nihil haecenus ob-
fuisent, cuius tamen contrarium omnibus constat, Nā huiusmodi scriptoribus debemus,
quicquid malorum hodie in Ecclesia videmus: quo magis admiror, quomodo adduci po-
tuerim, ut quod in alijs semper & tantopere improbaueram, ipse quoque imitarer. Ea
quidem ita mihi conscius sum, & hoc etiam teste conscientia Deoq; cordium inspectore
proloquor, me tamen si pluribus iam annis in aurea hac Celsitudinis Vestrae Moguntia,
partim in templo coenobij nostri, partim etiam in summa ade Moguntina (nescio quo
auditorum fructu, certē magno meo labore) qualemcunque concionatorem egerim: nul-
lo tamen vnquam tempore non dico sperasse, sed ne cogitasse quidem aut etiam somnias-
se futurum, ut in publicum ederentur Lucubrationes meae, multo minus ut a quoquam
hoc mihi persuaderi sinerem, aut mea sponte illas cuiquam hominum excudendas obtru-
derem. Verum nunc imprudens in vtrumque incidi, Nam & persuaderi hoc mihi passus
sum, & ipsemet hac de causa nedum in immensos labores, verum etiam in certa pericu-
la me conieci: futurus (quod certo mihi persuasi) ob hanc meam temeritatem, omnium eo-
ruditorum fabula. Quanquam reuera nihil minus quam temeritatis me arguere poterit,
quisquis rē hāc ita ut acta est perfecte cognouerit. Nihil enim hic proprio instinctu, om-
nia autē aliorū impulsu me egisse, vel illis ipsis testibus, qui me huc impulerunt, viris sa-
ne nedum fide dignis, verum etiam magna & auctoritate & eruditione praeditis: et quo-
rum aliqui iam dudum suis etiam ipsorum Lucubrationibus sese mundo non conspicuos
tantum, verum etiam admirandos praestiterunt, probare possem. Hi enim qua praediti
sunt & eruditione & eloquentia, denique & persuadendi efficacia, cum me conuiuio ad
hoc ipsum (ut arbitror) instructo comiter exceperint, nihil quidem minus quam tale
quippiam cogitantem aggressi, sicque violentis illis suis persuasionibus urgere coeperunt,
ut quod elabi possem, non inuenirem. Reclamabam totis viribus, nihilque non excusatio-
nis in medium proferebam. Asserebam librorum huiusmodi iam dudum satis superque,
immo & ad nauseam vsque mundo obtrusos esse. Obiciebam Lucubrationes meas vni
mihi, idque ex tempore & festinanter, stiloque triuiali & plane nec erudito nec expoli-
to esse scriptas, denique in tot annis ne semel quidem a me relectas. Allegabam hu-
ius saeculi exactissima iudicia, quibus nihil nisi quod ad summum vsque expoliturum
a ij & elabo-

EPISTOLA

& elaboratum sit placere possit? Affirmabam me & cura domestica, longaque in decan-
 tandis horis Canonicis mora, denique & crebris concionibus ad populum prapediri, quo
 minus exactam, & ut necessitas ipsa exigeret, huic negotio operam impendere possem.
 Adyiciebam & illud, me & etate iam prouectum, & continuis magnisque laboribus,
 quos coram vno eodemque populo, viginti duobus annis concionando insumpsissem, fra-
 ctum & defatigatum, rude potius donandum quam nouis laboribus subiiciendum. Deni-
 que, ut nihil intentatum relinquerem, si qua pateret elabendi via, assereram & illud, Ni-
 hil tale attentari debere, citra Reuerendissimæ Dominationis vestræ voluntatem & con-
 sensum, quandoquidem Casareo mandato cautum esset, nihil nisi ex autoritate eorum,
 qui Ecclesiæ gubernaculis præsident, typis excudendum. Hæc quidem ego pro excusatio-
 ne mea. At illi reiectis & confutatis omnibus quæ obieceram, in sententia persistebant,
 donec tandem euincerent, ut Annotationes, quas in Euangelium Ioannis iam dudum con-
 gesseram, vni eorum videndas traderem: futurum sperans, ac certo mihi persuadens, ip-
 sum, ubi vel vnam pagellam perlegisset, sententiam suam de ædendis huius farinae scrip-
 tis mutaturum. Atqui cum ego hoc agi crederem, & (quod ad hanc rem attinet) nihil
 amplius sollicitus, in vtramque aurem dormire: Interim libellus ille meus, ne à quidem
 relectus, prælo subiiciebatur excudendus, paucisque exactis diebus, Typographus me a-
 diens, duos primos terniones, iam typis excusos, iamque R. D. vestræ oblatos &
 præostensos, mihi nedum admiranti, verumetiam obstupescenti offerebat, simul
 etiam asserens eandem Reuerendissimam Dominationem vestram, non solum eius
 in me sollicitando & impellendo industriam collaudasse, verum insuper & mandas-
 se, ut porro in negotio hoc pergeret, nihil veritus vel meam difficultatem, vel etiam
 expostulationem. Hic igitur quid agerem Colendissime Princeps? Lupi tenebam auribus,
 videbam ipsum opus me volente nolente excudi, nec mihi tantum vel tēporis vel virium
 suppetere, ut eidem operi vel aliā faciem (quod ad stili munditiam pertinet) superinduce-
 re: Vel saltē quæ vel emendanda vel adyicienda vel refecanda essent, emendare, adyice-
 re, aut refecare possem. Non enim me fugiebat, plerosque huius Euangelij locos, pleniorē
 & accurratiorē magisque dilucidam enarrationem exigere: sed nec illud ignorabam, me
 prioribus illis annis cum nouitius adhuc concionator essem, nec eo tum iudicio præditus,
 ut omnia & singula ad vnum, exactamque Ecclesiasticæ doctrinæ regulā expendere pos-
 sem, obuia quæque ex quibuscunque etiam authoribus, quicquid ad dilatandas & ampli-
 candas conciones facere videbatur, his annotationibus infarcisse: quorum tamen (ut inter
 relegendum percepi) pleraque vel emendaßem vel refecaßem, si per otium licuisset. Atqui
 nunc omnium horum, præter ea sola, quæ vel ad Græmaticæ vel Orthographiæ regulas emen-
 danda erant, nihil præstare potui. Ob quam causam & diu veritus sum, nomen meū ascri-
 bere, & reuera nunquā ascribi passus fuisset, nisi me vnius Reuerendissimæ Dominationis
 vestræ nomē & autoritas permouisset, quam & alias sciebam nō semel egre tulisse,
 solitam illam meam in subeundis arduis quibusque negotijs difficultatē, quæ ut illi quidem
 nimia videri potest, mihi tamen omnino necessariam esse plane sentio & experior. Satis
 enim perspectū habeo, quā mihi sit curta suppellex domi, didicique vel aliorum exēplo,
 me non alieno, sed meo metiri pede. Insuper & scio quā turpe sit, supra vires aliquid at-
 temptare, nihilque aliud ad huiusmodi conatus sequi quā confusionem: Nihilominus ta-
 mē ob ampliissimi Nominis vestri reuerentiam, passus sum me in hac re persuaderi, ne per-
 petuo audire cogar, me in omnibus rebus difficile esse. Nā alioqui ita me Deus amet, nihil
 tale vnquā ausurus vel facturuserā. Quid enī attinebat ea rursus ceu noua ingerere, q̄ ali-
 iā dudū et veteres et recēiores tā exacte tradiderāt? Immo quid attinebat me corniculā
 alienis plumis vestitā in publicū prodire, & singulis auib; suas agnoscētib; & repetē-
 tib; irridendam præbere? Nihil enim in toto hoc opere, quantumuis magno, meum est,
 aut meum esse agnosco. Aliorum nedum sensus, verumetiam verba sunt, quæ hic le-
 guntur. Ex omnibus enim quotquot habere potui: Potissimum autem (quod ad veteres
 Ecclesiæ

Ecclesie doctores attinet) ex Augustino, Cyrillo, Chrysostomo, Theophylacto, Ruperto Tuitiensi, Alberto magno, Dionysio Carthusiano & alijs, quæ ad piam Evangelici cõtextus expositionem accommodata videbantur, desumpsi, ne immutatis quidem (ut dixi) eorum verbis. Nihil enim aliud querebam, quam ut pijs auditoribus prodessem, fidelẽq; expositorum agerem. Insuper nec ipsos Neotericos (et si pleriq; eorum ob noua dogmata nõ admodũ bene apud Catholicos audiant) cõtemnendos duxi. Pluraq; enim & ex ipsis, potissimũ autẽ ex Ioãne Brẽtãio, itẽq; (quod ad nouissima illa Christi in crucẽ verba attinet) etiã ex Oecolampadio, suis etiã ipsorũ verbis in hac mea transtuli. Verũ ea tantũ, quæ bona, Ecclesiasticaq; doctrinæ cõsona videbãtur, & quæ viri illi nõ in schismate, sed in Catholica Ecclesia didicerãt. Adeo nihil in toto hoc opere, industriæ meæ ascribo, præter vnum illud, ex singulis videlicet optima quæq; colligendi, & in hunc ordinẽ redigendi laborẽ & studium. Hac laude cõtentus (si tamen aliqua laude & cõmendatione dignũ videbitur) nihil aliorum mihi arrogo, nec ulli suam gloriã præripio, aut alteri debita mihi vsurpo, sed quod ipsa Veritas habet, ingenue cõfiteor, ne quis me furti arguere possit. Utinam licuisset mihi apud meos delitescere, aliorumq; laboribus frui, & quæ scripserã, nõ alijs quã mei similibus cõmunicare, ijs enim forte nõnihil prodesse poteram, ut qui ob ingenij tarditatẽ, nec veteres cum fructu, nec recentiores citra periculum legere valentes, in his meis, vtrorũq; sententijs & veras & probatas, reiectis quibsq; vel minus necessarijs, vel nõ admodum sanis dogmatibus, simul inuenturi essent. Verũ cessò tam anxie excusare, quod mutare nõ possũ. Pio Lectori iã dudũ satisfactũ esse puto, quẽ & hanc meã qualẽcunq; operam boni consulturum, bona spe ducor. Aliorum enim qui secus affecti sunt, iudicia nihil moror, nec delicatis auribus mea hæc minus placitura admodum curo. Reuerẽdisimæ Dominationi vestræ (quod primo omnium dictum oportuit) vel vni & soli post Deum, si nõ in omnibus placuisse, certe vel morem gessisse satis mihi sit. Itaq; de his ne verbum quidem addam. Quod ad rationẽ assumpti huius operis attinet, Lector pius in ipsa Præfatione deprehendet, quibus videlicet causis ad enarrationẽ huius Euangelij pertractus fuerim. Caterum, ut vel tandem quo volo perueniam, Reuerẽdisimæ Celsitudini vestræ, hoc quicquid est operis dedicare æquum duxi, non tam ob id, ut sub eiusdem Celsitudinis vestræ amplissimo nomine, velut numine quodam protectum, foelicius in publicum exeat, maioremq; hominũ gratiã demereatur, quã ut erga tandem Celsitudinem vestrã, perpetuã illam & pñam pectoris mei obseruantiam, quã à multis annis eidem exhibere in summa semper voluptate habui, declararẽ. Adiuxi huic operi iuxta R. C. vestræ voluntatem & iussũ, etiã enarrationes meas in priorem Diui Ioannis Epistolam, verum in cõpendium redactas, ne videlicet ipsum volumẽ iã plus iusto amplũ, in nimia & non tolerandam magnitudinem excresceret. Dignetur oro R. D. V. hanc qualemcunq; meam operam, huncq; concionum mearũ (quod ad editionem attinet) primum factum, cum primis autem promptam meam & voluntatẽ & obedientiam parato vultu, clementiq; & paterno affectu agnoscere & excipere, meq; cum eis qui mihi commissi sunt, solita sua gratia & clementia fouere & cõmendatos habere. Deus Opt. Max. R. C. vestram in suam gloriã, suãq; Ecclesiæ decus & institutionem, quã diutissime nobis incolumen conseruare dignetur, Amen. Datum Montagie Postridie Diui Bartholomæi. Anno Dominicæ Incarnationis supra Milesimum quingentesimum quinquagesimo.

Reuerendiss. Celsitudinis V.

Obsequentijs.

Frater Ioãnes Ferus, vacãte Cathedra Ecclesiæ Montaginae Cõcionatoris vices vtcunq; supplens, Cõnobijque Diui Francisci Guardianus,

IN EVANGELIVM IOANNIS PROLOGVS.



VDITE me, quoniam de rebus magnis locuturus sum. *Aperientur labia mea, vt recta predicient. Veritatem meditabitur guttur meum, & labia mea deestabuntur impium. Iusti sunt omnes sermones mei, non est in eis prauum quid, neque peruersum. Recti sunt intelligentibus, & equi inuenientibus scientiam. Accipite disciplinam meā, & non pecuniam, doctrinam magis, quā aurum eligit. Melior est enim sapientia cunctis opibus, & omne delectabile ei non potest comparari. Prouerb. viij.*

Experientia ipsa fateri nos cogit, non satis esse ad conseruationem vitæ naturalis, semel tantum cibum sumere. Imò nisi subinde sumatur cibus, vita ipsa consistere nequit: quia humidum radicale citò à calore naturali consumeretur, nisi subinde per sumptionem cibi & potus instauraretur. Sic infirmitas naturæ nostræ, tentationumque varietas facit, vt ad conseruationem vitæ spiritualis, non satis sit semel audisse verbum Dei, nisi crebro audiatur. Ob eam causam, cum viderim vos ea, quæ ex Ecclesiastæ proposueram, alimenta auidè degustasse, operæ pretium visum est, etiam alios cibos apponere. Sic enim mādāt Dominus: *Mat. 12.* Omnis scriba doctus in regno caelorum, similis sit homini patrifamiliās, qui profert de thesauro suo noua & vetera. Et quidem in promptu est, quod apponi possit: *1. Tim. 3.* Omnis enim scriptura diuinitus inspirata, utilis est ad docendum, ad arguendum, ad erudiendum in iustitia, vt perfectus sit homo Dei, ad omne opus bonū instructus. Verū illud me aliquo modo incertum reddit, quod videam vos non similiter affectos, nec eadem appetere. Quod si eam discretionem adhiberemus spirituali conuiuiō, quā corporali adhibemus, non opus esset huiusmodi admonitione. In externis siquidē paterfamiliās facturū conuiuium amicis, etsi nesciat, quid quemque iuuat aut delectet, studet tamen pro viribus, quæ sibi optima videntur apponere: sperans fore, vt & ipsis placeant, econtra quilibet inuitatus, etsi nesciat, quales cibos pater ille familiās instruxerit, nihil tamē non magnū sibi pollicetur, seque egregiè refocillādum sibi persuadet. Quod si quid apponitur sibi con-

trariū, nō ob id statim surgit, aut succenset patrifamiliās, sed cogitat, non sibi soli conuiuiū præparatū esse, bonique consulit, quod alij eo cibo delectātur: interim non desperat aliquid superuēturū, quo & ipse delectetur. Hæc, inq̃, discretio summē necessaria esset in cōuiuiō spirituali, quā vt & nunc adhibeatis, summopere rogo. Mihi quidē animus est, & fuit semper optima quæque vobis pponere: propter quod etiā nunc, quamuis sentiam me longē imparē huic oneri ferēdo, cōfissus tamē de diuino auxilio, Euangeliū secundū Ioannē prædicare institui, nō ob aliud, q̃ vt vobis prodesse possim. Quanquā aut sit res magni laboris, omnia tamen facili perferam, si vnū hoc à vobis impetrauerō, vt boni cōsuletis etiā ea, quæ vidētur ardua & difficilia (qualia nō pauca in hoc Euangelio occurrent.) Certō enim vobis polliceor, quod in processu huius Euangelij occurrēt, quæ iucundissima sunt, & summē cōsolatoria. Sed de his hactenus. Nūc paucis ostendā, quibus causis permotus, hoc Euangeliū potissimū enarrandū assumpserim. Harū aut prima est & præcipua, ipsum nomē Christianū, quod gerimus, & de quo gloriamur. Quid autem Christiano magis cōgruit, q̃ eius & verba & facta attendere, à quo nomen habet, nempe Christi! Non enim Christianū te facit, si Aristotelem aut Platonē, Bartholū aut Baldum, Auicennā aut Auerroē, Virgiliū aut Homerū, Tulliū aut Demosthenē subinde legas: sed si verba & facta Christi, & mēti imprimas, & opere exequaris. Atqui Ioānes nihil aliud habet, q̃ verba & facta Christi, eaque selectissima. Dein de nullus Euangelistarū tā clarē & diffusē de Christi diuinitate scripsit, vt Ioannes.

A Atqui

2
Atq[ue] (vt infra audietis) nō parū refert, imō
summa cōsolatio est, scire, quod Christus
3 nō tm̄ homo fuerit, sed & Deus, Dei fili-
us. Præterea cū Euangelii hoc potissimū
cōtra Hæreticos scriptū sit, videbatur mi-
hi summope cōgruere huic infelicissimo
æuo nostro, in quo fermē oēs hæreses re-
4 pullulascunt. Ad hæc, cū Euangelii hoc
vbicq[ue] singularē quandā præ se ferat gra-
uitatē, nō parū cōducere potest ad corri-
gēdos mores nostros, quos ad leuitatē &
petulantia plus satis declinasse videmus.
5 Demū, cū & Christus & Apostoli p̄di-
xerint, in nouissimis dieb[us] futura tēpora
periculosa, nosq[ue] in ea tēpora vel experiē-
tia teste inciderimus, nihil opportunius
videbatur, q[uam] Euangelii hoc, quod abūdē
remedia & cōsolationes subministrat, cō-
tra oīa aduersa & tentationes. His igitur
alijsq[ue] causis permotus, Euangelii hoc e-
narrare institui, cui nō immeritō præmissi
hæc Sap. verba: [Audite me, &c.] Ea sig-
dem verba iustissimē dicere nobis potest
sanctus hic Euangelista. Verē enim de re-
bus magnis loquitur in suo Euāgelio, imō
de rebus maximis: deinde nō erronea, sed
recta docet. Præterea labia eius detestan-
tur impiū gregē, scilicet hæreticorū, quos
mirabiliter confundit hoc libro. Deniq[ue]
iusti sunt oēs sermones eius, nihil in eis p̄-
uersum, tametsi solis sapiētibus aperiant[ur]:
Impiis autē clausi sunt. Sūma, sapiētia quæ
in hoc Euāgelio traditur, verē pretiosior
est cūctis opib[us], quare & meritō audiēda,
& plus q[uam] pecunia amāda est. Gloriae san-
ctus, se in via testimoniorū Dei delectari,
sicut in oībus diuitijs, multo magis nobis
hoc Christi testimoniū scrutandū est, imō
toto corde exquirendū, tota anima cōcu-
piscendū, superq[ue] aurū & topazion dilige-
dū. Nā si Euangelici negotiatores sumus,
Mat. 13. & bonas margaritas quærimus, ecce vna
pretiosa margarita inuēta est. Vbi enim
vlla, quæ maioris p̄rij sit, reperiri potest?
Hanc animarū verus amator Deus, dile-
ctæ Ioannis animæ p̄ monumento dile-
ctionis præcipuē fixit in pectore, vt Ver-
bū, quod Maria sola protulit in carne, ip-
sum huius sociā virginitas, præ oībus vi-
ua mortalib[us] p̄meret voce. Danda ergo
Ibidem. sunt oīa, vt hæc sola margarita cōparari
queat, omnesq[ue] carnaliū sordes affectuū
ab oculis cordis abstergēdæ sunt eis, qui
in schola Christi venerabilibus studēt li-

teris, vt hæc aliquatenus, valeāt aquilam
prosequi. Sed de his satis. Nūc anteq[uam] rem
ipsam aggrediamur, quorundā obiectio-
nibus respōdere cogor. Neq[ue] enim necessa-
riū duco, authore huius libri cōmendare,
cū eius laus abundē in Euāgelio cōscri-
pta sit nemoq[ue] nō fide dignū eū iudicet.
Neq[ue] hic pluribus agā, q[uod] sit Euangelii,
& quomodo audiendū: hæc enim in Mat-
thæo satis ostēdi, sed tantū quorundā ob-
iecta diluā. Primō enim nō desunt, q[uod] cū
ex Græcis didicerint, Euangelii esse bonū
nuntiū, persuadent sibi, nihil aliud in Ec-
clesia prædicandū esse, nisi quod lætū est,
q[uod]les sunt promissiones. Quandoquidem
Christ[us] dixerit. Prædicatē Euangelii, &c.
Et Paulus: Euangelii virtus Dei est, in sa-
lutē omni credēti. Cūq[ue] audierint aliquē,
ad pietatis opera inducentē, statim eū dā-
nant, vt prædicatōrē legis, & nihil minus
q[uam] Euangelicū prædicatōrē eū iudicant.
Atq[ue] hinc est, quod multi neglectis quæ
ad pietatē pertinet, solo nomine glorian-
tur. Itē ex Euāgelio accipiūt tantū, quæ
arridēt. An nō hoc est Christū illudere, &
iterū crucifigere? An nō hoc est Filiū Dei
& spūm gratiæ cōculcare, & blasphemare?
Audi igitur falsē Euangelice, Christus
doctrinā suā nō ob id Euangelii nomina-
uit, vt deinceps nihil nisi promissiones
p̄dicandæ sint, omnisq[ue] doctrina de ope-
ribus abolita sit. Nā & ipse frequēter ad
opera pietatis nos hortatur, & Apostoli
in suis Epistolis nihil nō agūt, vt ad bona
opera nos extiment, maximeq[ue] eos de-
testantur, qui libertatē vertunt in occasi-
onem carnis, & velamen malitiæ. Ideo
autem Christus doctrinā suā lætū
nuntium nominat, quod ea non, vt lex,
pœnis & minis ad bonū cogit, sed bonis
& promissis allicit. Sic igitur vetus Testa-
mentum, tametsi plures habuerit adiun-
ctas promissiones, vt patet in Prophetis
& Psalmis: quia tamen hæc promissiones
nondum impletæ erant, nomen legis ob-
tinuit. Vnde & Christus etiam Psalmos
legem nominat. Nōne, inquit, in lege ve-
stra scriptum est: Ego dixi dii estis: Sic
doctrina Christi, tametsi multa doceat de
operibus, quia tamen promissiones nunc
per Christum impletæ sunt, & implētur,
Euangelii nomen obtinuit. Sicut igitur
implet cum Patribus veteris Testamenti
egisset, qui omisissis promissionib[us], solam
eis

Marc. 16.
Roma. 1.

Heb. 10.

Gal. 2.
1. Pet. 2.

Ioel. 10.

eis legem prædicasset, per hoc enim
 eos ad desperationem adegisset: sic impiè
 facit, qui Christicolis, neglecta doctrina
 operum, solas promissiones inculcat, per
 hoc enim eos in vanam securitatem, imò
 leuitatem inducit, quemadmodum vide-
 mus. Summa, sicut lex non exclusit pro-
 missiones, imò multas adiunctas habuit:
 sic Euangelium non excludit opera, imò
 summè ea commendat. Hæc ideo pluribus
 exposui, propter eos, qui de Euange-
 lio gloriantur, cum nesciant quid sit Eu-
 uangelium. Præter hos sunt alij, qui ob-
 gannunt: Quid, inquit, necesse fuit scri-
 bere Euangelia, cum Christus non dixe-
 rit: Scribite Euangelium, sed prædicare
 Euangelium? Imò promiserit olim, se nō
 in tabulis lapideis, sed in cordibus homi-
 num scripturum legem suā. Atque hinc
 quidam in tantam insaniam perueuerūt,
 ut scripturam in totum reiiciant, ac no-
 uas visiones & reuelationes quærāt è cæ-
 lo. Quod animaduertens diabolus, statim
 se in angelum lucis transfiguratur, eosque
 mirabiliter decipit, ut videmus. Audi igitur,
 verum quidem est, melius esse, Euan-
 gelium Christi in corde habere scriptum,
 quàm in membrana. Deinde oportuerat
 quidem Christianos nō indigere auxilio
 literarum, sed tam mundum habere cor,
 spiritu Dei purificatum, ut illarum vice
 gratia Spiritus sancti vteremur & vncti-
 one, & deinde alijs Euangelium viua vo-
 ce traderemus, ideo & Christus nihil scri-
 psit, sed ore prædicauit. Quia verò hanc
 excussimus gratiam, secundas diuitias,
 quibus Euangelium per scripturam tra-
 ditum est, non contemnimus. Verè enim
 nunc nobis euenit, quod olim ante Chris-
 tum natum euenerat. Quemadmodum
 em̃ magni illi & diuini viri, utpote Noë,
 Abraham, Isaac, Iacob, &c. qui ante datā
 legem vixere, non ex literis & libris disce-
 bant, sed munda præditi mente, spiritus
 illustratione illuminabantur, atque in
 hunc modum Deo cum illis ore ad os
 colloquente, quæ Deo placita erant,
 cognoscebant, at postquam deteriores fa-
 cti sunt homines, concessit tandem mise-
 ricors Deus & scripturas, ut vel per illas
 diuinæ voluntatis essent memores, &
 suas cognosceret miseras, ita & Christus
 suis Apostolis coram in sua persona lo-
 cutus est, & Spiritus sancti gratiam mis-
 sit doctoris loco. Verum, quoniam hære-
 ses pullulaturæ erant, & purissima Chri-
 sti doctrina humanis figmentis conspur-
 canda ab impijs, operæpretium visum est
 Deo & Christo, ut scriberentur & Euan-
 gelici libri, quo discerentes ab illis veritas
 tem, non ab hæresum mendacijs decipe-
 remur, sed omnia, & doctrina & vita, ad
 hanc regulam, tanquam ad lydium lapi-
 dem, ordinaretur. Quod ni factum esset,
 nunquam vsque ad nos fides inuiolata
 peruenire potuisset. Si enim etiam nunc,
 cum mundus plenus sit sacrorum Bibli-
 orum libris, tamen diabolus quasi vi
 quadam veritatem è manibus extorques-
 re conetur, quid fieret, si nulla esset scri-
 ptura? Nihil enim æquè odit, ut scripturam,
 nec immerito. Nam vbique per
 illam traducitur, & manifestatur, alio-
 qui sub bona specie latiturus. Non igitur
 est, quod subfannes scripturam, sed est
 unde gratias agas. Verum rursum obla-
 trant alij. Et quid, inquit, opuserat,
 ut Ioannes scriberet Euangelium, cum
 iam tria essent conscripta, nempe Mat-
 thæi, Marci, Lucæ, &c. Audi causam. Sū-
 ma necessitas Ecclesiæ Ioannem compu-
 lit. Missio enim eo in exilium à Domitia-
 no, irruperant in Ecclesiam hæretici,
 quasi in destituta pastore ouilia lupi,
 Marcion, Cherintus, Ebion, cæterique
 Antichristi, qui Christum negantes fuis-
 se ante Mariam, simplicitatem Euan-
 gelicæ fidei peruersa maculauere doctrina.
 Quid hic ageret Ioannes, reuersus
 ab exilio? Omnes iam Apostoli mor-
 tui erant. Nōne officij sui erat, Christi
 gloriam defendere? Non enim parua res
 agebatur, non de terminis aut regni legis
 bus disceptatio erat, sed de ipsis regis no-
 strinatalibus. Fecit igitur sanctus ille
 Apostolus, quod suum erat, fidetè pro-
 siliuit in medium, & magno vocis Euan-
 gelicæ tonitru, verbique coruscantis
 fulmine, omne concilium vanitatis,
 cunctamque Ecclesiam malignantium,
 vbique terrarum perterruit, ac dissipauit,
 apertè protestans de Christo, quod
 filius vnicus, & consubstantialis, ac per
 hoc hæres legitimus Patris æterni
 sit. Nec immerito tam ardentè diuini-
 tatem Christi defensauit. Plurimum
 siquidem refert, imò summa nostra
 consolatio in hoc consistit, quod
 A ij Chris

Christus non tantum homo, sed & Deus est. Alioqui quomodo potuisset nobis remissionem peccatorum polliceri, si Deus non esset, cuius solius est, peccata dimittere? Deinde quomodo ratum erit Testamentum, quo caelestem nobis hereditatem legauit, si legitimus possessor ipse caeli non fuit? Quomodo autem caelum possessio eius fuit, si ipse de caelo non venit, sed à Maria initium sumpsit? Opportune ergo nostrae spei fidus hic testis subuenit, dum ingenui testatoris antiqua iura proloquens, non solum caelum, sed & omnia quae sunt, eius esse, & per ipsum facta esse diffinit. An non videtur haec iusta causa fuisse scribendi Euangelia? imò iustissima: alioqui omnis spes nostra periisset. Præterea cum videret alios Euangelistas aliqua verba & opera Christi breuiter attigisse tantum, aliqua etiam omisisse (quandoquidem, ut & ipse fatetur, nemo omnia Christi verba & opera scribere potuit) indignum putauit, tot egregia

verba & facta Christi, quae in hoc Euangelio continentur, silentio transire. Ne quid igitur nobis deesset ad perfectam consolationem, hoc Euangelium conscribere voluit. Non igitur est, quod ipsi succenseas, sed est, de quo summe gratias agas. Sed fortasse non deerunt, qui haec omnia boni consulent, mihi tamen vitio dabunt, & praesumptionis arguent, qui cum nihil sim, audeam hoc Euangelium enarrare. Ad quod breuiter respondeo: Ingenuè fateor, me opus supra vires meas aggredi, sed scio quis dixerit: Aperios tuum, & implebo illud. Deinde ingenuè fateor, in hoc Euangelio altissima mysteria contineri, quae nemo satis explicare potest: sed nunquid ideo tacendum est? Nonne Paulus dixit: Quaecunque scripta sunt, ad nostram doctrinam?

&c. Quod igitur nobis deest precibus à Deo petamus, &c.

Psal. 80.

INCIPIIT EVANGELIUM SECUNDVM IOANNEM.

CAPVT I.



VMMA totius Euangelij huius haec est.]

Primò exponit quis sit Christus. Deinde cur venerit. Postremò, quid gesserit. Et primùm à Diuinitate Christi orditur. In hoc enim, ut supra dixi, omnis nostra consolatio consistit. Hic nobis nō satis est discere, quod Christus sit Deus & homo, & quomodo naturae illae coniungi potuerint, & huiusmodi multa arguta. Sed hoc potius considerandum, quod necesse fuerit, eum, qui remissionem peccatorum praedicaturus erat, esse Deum, in cuius figuram Pontifex in lege laminam ferebat in fronte, cui inscriptum erat nomen Dei. Et addidit Textus: Ut sit ei placatus Dominus. Quo praesignatum est, eum qui nos reconciliaturus esset, oportere esse Deum, alioqui coram eo consistere non posset.

Iam cum Ioannes statim à principio ostendat, Christum esse Deum, non est, quod de reconciliatione nostra, aut voluntate Patris erga nos, dubitemus, qui Christo credimus: sed simpliciter sciamus, quod sicut Christi sumus, ita & Patris. Securè igitur cum Paulo dicimus: Si Deus pro nobis, quis contra nos? Deus qui iustificat: quis est, qui condemnet? &c. Verè ingens consolatio, eum habere ducem & praecessorem, qui Deus est. Hoc petebat Moyses, quum diceret: Si non tu ipse praecedas, non educas nos de loco isto. Quomodo enim scire poterimus nos inuenisse gratiam, nisi gradiaris nobiscum? Hanc consolationem magnificè praedixerunt Prophetæ. Sic enim Esaias ait: Praecedet vos Deus, & congregabit vos Deus Israel, &c. Et Sophonias: Rex Israel Deus in medio vestri, non timebitis malum vltra, &c. Nunc Textum audiamus.

Rom. 8.

Exod. 33

Esai. 41.
Soph. 3.

In

In principio erat Verbum, &c.]

Hic primò vides quàm verè dixerit Christus: Beati mundo corde, quoniam ipsi Deum videbunt. Item Sapiens: Anima iusti plus videt, quàm septem speculatores sedentes in excelsis ad speculandum. Item Esaias: Nemo poterit habitare cum igne deuorante, nisi qui ambulat in iustitijs, &c. Iste in excelsis habitabit, &c. Regem in decore suo videbit, &c. Verè enim munditia cordis iuuat Ioannem, vt claritatem solis æterni, plus cæteris diuinæ visionis animalibus, irreuerberata potuerit mentis acie contemplari. Verè enim plus vidit quàm omnes Philosophi, qui se sapientes mundi iactabant. Verè regem in decore suo vidit, &c. Nec aliud est quod nos adeò impedit à tam clara visione Dei, quàm immunditia cordis, & impietas. Deinde vel ex hoc primo verbo vides, sanctum Ioannem non sine causa dictum esse filium tonitru. Hoc enim verbo, velut tonitru & coruscante fulmine, omne concilium vanitatis perterruit & dissipauit. Præterea vides hic, quàm meritò sanctus ille Ioannes inter alia animalia, aquilæ comparatur. Aquilæ enim conditiones sunt, quòd supra alias aues volat, in excelsis ponit nidum suum, inde contemplatur escam, &c. Et quidem hæc omnia Ioannes, huius verbi ac sempiterni principij contemplator excelsus, magnificè consecutus est. Verè enim eleuatus est vt aquila: transcendit omnia cacumina montium: transcendit oēs cæpos aeris, omnes altitudines syderum: transcendit omnes choros & legiones angelorum, apertos intendens oculos in radios diuinitatis. In arduis posuit nidum suum, id est, æterni huius euangelij sui monumentum. In Petris mansit, id est, in soliditate veritatis, atque inde contemplatus est escam: illam scilicet, quam & attingere meruit, huius verbi sempiternam gloriam. Et quamuis in hoc Euangelio nobis, filijs suis potissimum Christi sanguinem lambendum proponat: non immeritò tamen etiam verus radios solis obtutus nostros dirigit, vt paulatim discamus per humanitatem Christi ascendere ad eius diuinitatem.

In principio erat Verbum, &c.]

Triâ hîc in exordio obseruanda sunt. Primum, quomodo Testamentorum veteris & noui initia sibi respondeant. Dum vetus ordiretur, dixit Moyses: In principio creauit Deus cælum & terram. Dicit Ioannes dum nouum fundat. In principio erat verbum. Moyses: Terra erat inanis & vacua. Ioannes: Verbum erat apud Deum, & Deus erat verbum. Moyses: Tenebræ erant super faciem abyssi. Ioannes: In ipso vita erat, & vita erat lux hominum, &c. Moyses: Spiritus Dñi ferebatur super aquas. Ioannes: Et verbum caro factum est. Vter istorum altiori exorsus est tono? Vter solidiora iecit fundamenta? Sine dubio Ioannes. Nec mirum. Nam Moyses carnalibus scribens, congruè à mutabili natura sumpsit exordium, & corporum digestionem, dispositionem, ordinem, ante omnia demonstrat. Nouum verò testamentum, quia fulgor est luminis æterni & spiritualis, spiritualibus quoque viris traditum est, congruè à spiritualibus, æternis & penitus inmutabilibus incipere debuit. Hinc igitur discamus, quantum excellat nouum Testamentum vetus, imò discamus, quantum nos præcellere debeamus eos, qui sub vetere Testamento vixerunt. Cum enim maiora nobis data sint, maiora etiam à nobis exiguntur. Cui enim multum datum est, multum ab eo exquiretur. Deinde considerandum, cum Ioannes sine dubio loquatur de Christo filio Dei, cur eum potius nominauerit verbum, quàm Filium. Huius autem plures rationes adduci possunt. Primò ideo nominat Filium Dei verbum Dei, vt intelligatur, esse spiritualis & simplex generatio, non materialis, carnalis, seu mutationi admixta: sed intellectualis, inuisibilis, inuariabilis, & immanens. Quoniam verbum propriè dictum, est interior mentis conceptus, intelligibilis dictio, & prolata intus notitia. Alioqui si dixisset, In principio erat Filius, statim caro imaginari potuisset carnalem generationem. Secundo, cum intentio Ioannis in hoc Euangelio sit, pro virili sua exponere, nedum quis sit Christus in natura, hoc enim nemo satis explicabit, sed etiam & potissimum quantum in se bonorum habeat, potius eum nominauit verbum,

A iij quàm

quàm Filium. Nomine enim Filij, nihil aliud indicatur, quàm quòd Patrem habet Deum. Nomine autem verbi, multò plura intelliguntur, nèpe omnia, quæ de Filio Dei dici possunt. Est autè Filius Dei, virtus & sapientia Patris. Item imago Dei inuisibilis, in quo complacuit omnem plenitudinem inhabitare, hoc est, iustitiam, potètiā, bonitatem, veritatem, misericordiam, &c. Quæ ineffabiliter impressa sunt Filio. Itè, Filius Dei est splendor gloriæ Patris, & figura substantiæ eius. Item est veritas & vita. Item, est lux omnia illuminās. Denique Christus est, qui solus nobis Patrem manifestauit, & nos docuit. Deum enim nemo vidit vnquam: Vnigenitus Filius enarrauit nobis. Vt igitur perfectissimè nobis innotesceret Christus, Ioanneseum nominauit Verbum, potius quàm Filium, quasi diceret, Christum, quem tibi hoc libro descripturus sum, non simpliciter debes cōsiderare vt filium Dei, sed vt talem Filiū, qui etiam virtus & sapientia Dei est, imago, splendor gloriæ, figura substantiæ Dei, lux, vita, veritas, &c. Vide quanta bona sub nomine verbi comprehendat, ad consolationem nostram. Præterea ideo Christum filium Dei, nominat verbum Dei, vt ostendat, se non contrarium esse Moy si, imò eadem scribere, quæ Moyses in principio sui libri commemorauit: nempe, quòd Deus per verbum omnia fecit. Cum igitur etiam Moyses huius verbi tam honorificè meminerit, imò constanter asserat, hoc verbum ante omnes creaturas in Deo fuisse, & per ipsum omnia facta esse, quid nobis vitio vertūt Iudæi, quod idem dicimus? Sed nec hoc iuste reprehendere possunt, quòd verbum Dei dicimus filium Dei. Quanquam enim hoc nec in homine, nec in Angelo sit, quòd verbum dicatur filius (neque id mirum, cum verbum & hominis & angeli non sit substantia, sed accidens) tamen in Deo verissimum est. Verbū enim Dei substantia est, quia est in Deo vbi accidens esse non potest. Non tamen alia substantia est, quàm substantia Dei. Cum igitur verbum Dei, à Deo productum sit, propriissimè dicitur genitum esse. Nam gignere nihil aliud est, quàm substantiā producere. Quòd si à Deo genitū est, filiū esse Dei verbū Dei, negare non possumus. Postremò etiam ideo Ioannes Christum nominat verbum Dei, vt corda nostra excitaret ad amorem, & reuerentiam etiam externi verbi, in scriptura expressi: quod quamuis non sit ipsum essentiale & viuum Dei verbum, de quo Ioannes hic loquitur (alioqui etiam impius, habens scripturam, rashaberet Deum, lucem, vitam, &c.) Est tamen scriptum hoc verbum, quasi vox quædam diuini verbi, & vehiculum, quo ipsum essentiale Dei verbum in nos traducitur. Quare summa deuotione audiendum est. Nihil enim à verbo illo Dei verbo procedit, quod non & ipsum bonum sit. Huius igitur diuini verbi ac filij Dei diuinitatem, describere volens Ioannes, breuibus quidem verbis vtitur, sed efficacissimis. Pauca, inquam, de diuinitate Christi dicit, ne qua humana cogitatione subuertantur curiosi. Quod enim in lege prohibitum fuit, ne quis curiosius sancta sanctorum specularetur, significatum est, nullam humanam cogitationem ad res diuinas, & incomprehensibiles carni, referendam esse. Hinc & Paulus ait: Per sapientiam Deum in sapientia non potuisse cognosci, ideo per stultitiam crucis cognoscendum esse. Et Moyses gloriā Dei per petrae foramen speculari ait: ita & nos ad cognitionem Dei, nisi per Christi carnem, peruenire non possumus. Ob eam causam Ioannes pauca quidem præmittit de diuinitate Christi, plura autem subnectet, quæ Christus in carne & docuit, & fecit, & passus est. Quamuis autem pauca sint verba, quæ de diuinitate præmittit: tamen efficacissima sunt contra hæreticos, imò verè sagittæ Domini sunt, in quarum luce imus, & fulgurans hasta eius in cuius splendore nos quidem gradimur. Sed hæretici potenter prosteruntur ijs præmissis. Nunc ad textum accedamus.

1. Cor. 1
Colos. 1
Hebr. 1
Ioan. 14
Ioan. 1
Ioan. 1
Genes. 1
Exo. 3
Atac. 3

autem

In principio erat Verbum.]

Multa hic admodum subtiliter discunt Scholastici: nos rem simplicissimè tractabimus. Primò igitur diligenter attendenda sunt, quæ hic de diuinitate verbi dicuntur, vt certum habeamus fundamentum fidei nostræ.

autem fides certa esse potest, nisi quæ in-
nititur viuo & vero Deo. Cum igitur
iam inde ab initio mundus non credat,
Christum esse verum Deum, quemad-
modum & Paulus ait: Prædicamus Chri-
stum Iudæis scandalum, Gentibus stul-
titiæ, &c. Deinde etiam quidam hære-
tici è nobis egressi, quamvis non erant
ex nobis, id palam etiam affirmare ausi
sunt, Christum non esse Deum: quos &
Ioannes ob id Antichristos nominat.
Præterea diabolus nihil non agat, ut fi-
dem nostram labefactare possit: admo-
dum necessarium est, hæc Ioannis verba
diligentissimè attendere, ut primò om-
nium certò sciamus, Christum esse verum
Deum, sicque solidum habeamus funda-
mentum, cui tutò inniti possimus. Si e-
nim Christus non esset verus Deus, iam
verè nos in arenam ædificaremus. Singu-
la autè verba, quæ Ioannes hic ponit, sin-
gulos hæreticos impugnant, ut mirum
sit, eos tam manifestis verbis nihil per-
motos esse. Verum propria eos ratio se-
duxit, cui plus crediderunt, quàm Ioan-
ni. Quod ne & nobis contingat, simpli-
citer in his verbis cōsistamus, & intel-
lectum nostrum captiuemus in obsequium
Christi. Verbum igitur, de quo Ioannes
tam magnificè loquitur, non est verbum
aliquod humanum, nec Angelicum, imò
nec est verbum illud scriptum, quod nos
Dei verbum nominamus. Hæc enim om-
nia creaturæ sunt, sed est viuum illud
& essentialè Dei verbum, ratio perpetua,
sapientia sempiterna, intellectus incom-
prehensibilis, veritas incommutabilis, imò
ipse vnigenitus Filius Dei. Cur autè ver-
bum dicatur, supra expositum est. Hoc
verbum hic Filius Dei erat. Non dicit
siebat vel creabatur, ut mentitur Arrius,
sed erat. Deinde signanter ponit præteri-
tum imperfectum. Hoc enim, & præteri-
tum, & præsens includit. Dei enim pro-
prium est, semper esse & consistere. Hinc
ad Moysen dicitur: Qui est, misit me ad
vos. Et Christus: Antequam Abraham fie-
ret, ego sum. Verba enim substantiua, de
Deo dicta, non significant motus tempo-
rales, sed sic exponi possunt secundum
Hieronymum. Est, quod nūquam deest:
Erit, quod nunquam deerit: Erat, quod
nunquam deerat: Fuit, quod nunquam
defuit. Non igitur verbum hoc ita fuit,

ut iam non sit: nec ita modò est, ut olim
non fuerit. Vides quàm apertè hic Arrii
commentum reiiciatur. Sequitur: Erat
in principio. Hoc sic potest intelligi, ut
sit dictio orationis inceptiua, quemad-
modum Latini dicere solent: In primis,
vel primùm, vel principio, sine præposi-
tione, vel in principio, id est, intempora-
neum, incomprehensibile, & ineffabile,
quemadmodum de excellenti aliquo di-
cimus: Ille primas tenet. Vel in principio,
hoc est in Patre, qui meritò principium
dicitur: quia ab eo omnis paternitas in
cælo & in terra nominatur. In hoc prin-
cipio erat verbum, sicut infra dicitur, Vn-
nigenitus, qui est in sinu Patris. Et Chri-
stus ipse: Ego in Patre, & Pater in me est.
Simplicissimè autem illud principium
intelligamus, de quo Moyses: In princi-
pio creauit Deus, &c. Hoc principium fuit,
quando creaturæ incœperunt esse. Ante
hoc enim nullum fuit principium, quia
Deus nō incœpit esse. In hoc igitur prin-
cipio verbum iam erat, id est, tunc
cum creaturæ condi inciperent. Sequi-
tur ergo, quòd ante omne creaturarum
principium fuerit Deus. Confundantur
igitur Ebion & Cherinthus, qui dicunt,
Christum ante Mariam non fuisse. Cōfun-
dantur & Iudæi, qui dicunt, nos nouum
& recentè Deum adorare. Quod autem
Filius Dei ab æterno fuerit, etiā ex alijs
probat. Sic enim in Prouerbijs sapien-
tia Dei dicit: Dominus possedit me in
initio viarum suarum, &c. Ad longum.
Et Christus ipse: Claritatè, inquit, apud
te habui, priusquam mundus fieret: Et
quid multis opus: cum ipse Moyses aper-
tissimè testetur, verbum Dei fuisse à prin-
cipio. Dixit, inquit, Deus: Fiat lux, &c. Si
dixit, iam verbum erat ante creaturas.
Obserua item, quòd non dixit: Verbum
erat ipsum incipere, sed in principio, ut
Arrio præcluderet viam. Si enim ipsum
verbum factum esset, ut mētitur Arrius,
iam verbum non fuisset in principio, sed
fuisset ipsum incipere. Iam quum cogita-
tur de hoc principio, itur in abyssos æter-
nitatis: hic fide in tenebras ingrediendum
est, quæ sentit ante omnia, post omnia,
& in omnibus esse Deum. Multum autem
consolationis, ex primo hoc verbo habe-
re possumus. Si enim Christus, Filius
Dei, in quem credimus, fuit in principio

A iiii ante

Ephes. 3.
Ioh. 1.Ioh. 10.
Gene. 1.Prou. 8.
Ioh. 17.

Gene. 1.

Exod. 3.
Ioh. 8.

ante omnia, & ab æterno : certum est, quod etiam erit post omnia, & in æternum: quemadmodum in Esaia dicit: Ego sum primus & nouissimus, &c. Quod autem hoc dicatur de Filio, patet ex eo quod sequitur: Et nunc Dominus misit me, & Spiritus eius. Ergo quum in morte exeundum est extra omnes creaturas, nec ratio videt, quo concedendum sit: fides nostra stat immobilis, nihil dubitans, quin ingrediatur in Deum. Certi igitur sumus, quod etiam si reliquerint nos omnes creaturæ, tamen perpetuo manebit is, in quem credimus, quo quid magis consolatorium est morituro, &c.

Et Verbum erat apud Deum.]

Paulatim Ioannes nos ducit ad altiora. Primò enim asseruit, verbum non è Maria initium sumpsisse, sed in principio fuisse. Nunc indicat ubi fuerit. Erat, inquit, apud Deum. Verè dictum. Vbi aliàs esset, cum extra Deum nihil adhuc esset. Vide autem quàm magnificè huius verbi dignitatem hic insinuet. Quid enim est quod apud Deum erat, nisi quod in magno erat honore, in summa dignitate, in magna dilectione. Erat apud Deum, sed non quemadmodum apud diuitem aurum, quod tantum est in arca, non in ipsius substantia. Verbum autem erat apud Deum, quemadmodum apud sapientem sapientia, apud fortem fortitudo. Nam & in Iob dicitur: Apud ipsum est sapientia, & fortitudo. Signanter autem dicit, apud Deum: per hoc enim indicat, verbum & Filium discriminatam esse personam, & aliam à Patre, ut non de personis dubites, cum alteram audis esse, vel fuisse apud alteram. Refellitur igitur hoc verbo Sabellius, qui trinitatem abnegans, Patrem, Filium, & Spiritum sanctum, non tres personas esse asserbat, sed vnā tantum tribus nominibus designatam, propter diuersas operationes: Ita, quod Deus diceretur Pater, ratione creationis. Idemque diceretur Filius, ratione resurrectionis. Idemque diceretur Spiritus sanctus, ratione sanctificationis. Ob eam causam etiam sectatores eius dicti sunt Patripassiani, quia cum non fecerent personas, dicere cogebantur, etiam patrem passum & crucifixum. Ho-

rum errorem Ioannes destruit, cum dicit: Et verbum erat apud Deum. Cum autem verbum sit apud Patrem, & Pater Deus sit immensus, illocalis, & incircumscripibilis, vniuersa transcendens, implens, conseruans, ac ambiens: consequitur, quod etiam verbum & filius talis sit. Hinc igitur duplex nobis consolatio consurgit. Primò enim, si apud Deum erat Christus secundum diuinitatem, & nunc etiam secundum humanitatem ad dexteram Dei sit, non est, quod deinceps pesseremus, qui tam potentem habeamus aduocatum: imò accedamus cum fiducia ad thronum gratiæ, &c. Secundò, si Christus apud Deum erat & est, & Deus est vbique. Ergo & is, in quem nos credimus, vbique est. Nihil igitur est, quod animum despondeamus in aduersis quibuscunque cum præsentem habeamus Christum, filium Dei.

Et Deus erat Verbum.]

Sicut superiori sententia personas diuinas distinxit contra Sabellium: sic hac sententia substantiam coniungit, ac vnā esse testatur in duabus personis Dei, & verbi sui, contra Arrium. Signanter autem dicit: Deus erat, ne quis putaret, Christum tantum nomine esse Deum, vel communicatione appellationis vocari Deum. Quemadmodum & Moyses dictus est Deus Pharaonis, & iudices vocantur dii: Ego dixi dii estis. Item, Dijs non detrahes. Hii, inquam, non natura dii erant, sed tantum communicatione appellationis dii vocati sunt. De Christo autem dicitur: Deus erat, ad innuendum, quod non appellatione tantum, sed natura Deus sit. Quod ut clarius innotesceret, Ioannes non dixit: Verbum erat Deus, sed præpostero ordine verborum, Deus erat verbum, hoc est, id quod nos dicimus Deum & adoramus, erat verbum illud, de quo loquor. Vide quàm potenter hic Arrium prosterнат. Constat igitur ex hoc verbo, quod Filius & Pater vnus est Deus, quia vna est eorum essentia. Nec differunt, nisi quod Pater imaginem imprimit, Filius est imago impressa. Pater effulget. Verbum verò est fulgor idem, qui effulget. Summa autem consolatio

Mar. 16.

Hebr. 4.

Iob. 12.

Exod. 7.
Psal. 81.
Exo. 22.

latio in hoc consistit, quod Christus Deus
 Rom. 8. verus est. Hinc enim gloriari licet: Si
 Deus pro nobis quis contra nos, &c.

Hoc erat in principio apud Deum.]

Hoc repetit, ne ex verbo proximè
 præcedenti Sabellianus quisquam putet
 unitatem essentiae tollere distinctionem
 personarum. Ex utraque enim parte pu-
 gnat contra hæreticos, hinc contra Ar-
 rium: illinc contra Sabellium. Magna
 siquidem attentione & discretionem o-
 pus habet, qui verbum Dei prædicat,
 ne dum unū errorē destruit, ad alterum
 viam aperiat. Tria igitur hæc breui sen-
 tentia complexus est. Primum in eo quod
 dicit: Hoc, refert proximam sententiam:
 Verbum Deum esse, & verbi diuinita-
 tem indicat. Secundum quod dicit: [Erat
 in principio,] facit patri coæternum ver-
 bum. Nam quum verbum sit patris sa-
 pientia, & virtus, & splendor. Et Deus
 nunquam fuerit sine sapientia, potentia,
 aut splendore, constat quod nunquā ab
 eo absuit verbum. Tertium quod dicit:
 [Apud Deum,] notat discrimen perso-
 narum. Hæc sunt quæ de Christi diuini-
 tate Ioannes adducit. Sunt autem talia
 tantæque, quæ adorare quidem licet fide,
 comprehendere autem ratione nō licet.
 Et similitudines rerum creaturū, mysteria
 creatoris utcunque velut pertrāsennam
 delineāt, veritatem exprimere ad viuum
 non possunt. Proinde pura & simplici fi-
 de credenda sunt. Sunt tamen aliqui, qui
 ex hoc exordio euangelij totam trinita-
 tem colligant. Cum enim Ioānes tria no-
 minet: Principium, verbum, & Deum:
 per principium intelligunt patrem, per
 verbum, filium: per Deum, spiritum san-
 ctum. Quod autem Ioannes vltimò ad-
 dit: [Hoc erat in principio, &c.] Secundū
 illos habet sensum. Hoc quod est esse pa-
 trem, siue principium: hoc quod est esse
 verbum, siue filium: hoc quod est esse
 Deum, siue spiritū sanctum, erat in prin-
 cipio. Sic igitur quamuis qui sola ratio-
 ne ingreditur in ea, quæ mundum condi-
 tum præcesserint, nihil nisi meras tene-
 bras inuenit: qui autē fide præditus est,
 inuenit æternum patrem, filium, & Spi-
 ritum sanctum. Sicut enim Deus antor-
 sum & retrorsum omnia aspicit, sic & fi-
 des quia oculis Dei prædita est, quæ sunt

Spiritus sancti, & sequitur verbum in
 abscondita ducens. Non autē dicit: Hæc
 erant in principio, ne quis tres substantias
 à se inuicē separatas: putaret esse Deum.
 Sed dicit: Hoc, ut significetur unitas es-
 sentiae.

Omnia per ipsum facta sunt.]

Hactenus verbi naturam diuinā pau-
 cioribus quidem, quā ratio humana fe-
 rat, sed fidei sufficientibus verbis Ioan-
 nes descripsit. Nunc quid ipsum verbum
 operetur, cum in omnibus creaturis, tum
 maximè in homine, paucis indicabit. Pau-
 latim igitur nunc descendit, ut qui vera
 bum ipsum in sui natura comprehende-
 re non possunt, saltem ex operibus eius
 ipsum cognoscere studeant. Ob id enim
 Deus creatione seipsum manifestauit, ut
 ex visibilibus innotesceret eius virtus &
 diuinitas. Singula aut verba emphasim ha-
 bent. Non dicit: Verbum ante omnia fa-
 ctum est, ut mentitur Arrius, sed per ver-
 bū alia facta sunt. Nec dicit: Aliqua per
 verbū facta sunt, sed omnia. Omnia per
 ipsum facta sunt: nempe ea quæ Moyses
 in principio libri sui enumerat, primis
 sex diebus facta: Videlicet cælum, terra,
 lux, firmamentum, arbores, & arbuta,
 Sol & Luna, pisces & volucres, bestiae, &
 reptilia, denique & ipse homo. Deinde o-
 mnia per ipsum facta sunt, siue throni,
 siue dominationes, siue principatus, &c.
 In summa, vniuersa creatura, maior, mi-
 nor, infera, supera, corporalis, spiritualis
 omnis substantia, quantumcūque etiam
 videatur mala, per ipsum facta est. Nul-
 la forma, nulla compages, nulla concor-
 dia partium, nulla qualiscunque substan-
 tia, quæ potest habere numerum, pōdus,
 & mensuram, nisi per illud verbum, & ab
 illo verbo creatore est, cui dicitur: Om-
 nia in numero, pōdere, & mensura dispo-
 suisti. Quod autem omnia per verbum
 facta sint, etiam ex alijs locis probatur.
 Primò enim manifestè id dicit Moyses, &
 cæt. Deinde Psalmus: Dixit, & facta sunt.
 Item: Verbo Domini cæli firmati sunt.
 Item: Omnia in sapientia fecisti, &c. Quid
 autem est verbū Dei, nisi sapientia Dei?
 Hac igitur sententia, excitamur ad consi-
 derandum verbi potentiam. Cum enim
 per verbum ipsum omnia facta sint, pla-
 nè constat, ipsum verbum omnipotens
 esse.

Roma. 1

Genes. 1

Colos. 1

Sapie. 11

Genes. 1
 Psal. 103

- Quis igitur non se audeat omnipotenti committere? Qui omnia potest, quomodo te vnum non posset conseruare? Qui tantam fortitudinem etiam quibusdam creaturis, utpote angelis, & alijs tribuere potuit, cui dubium est, quin maiorem sibi reseruauerit? Qui creaturam aliquam singulari fortitudine, vel utilitate praeditam habet, putat se securum: quanto magis qui verbum Dei habent? Secure igitur nos huic aeterno verbo & filio Dei committamus, clamantes cum Centurione: Domine dic verbum, & sanabitur, &c. Deinde hic vides, quam merito nos Christiani omnia bona, ab ipso Christo, verbo, & filio Dei speremus, Cum enim certum sit, quod omnes creaturae perfectiones suas ex hoc ipso verbo acciperint, quid mirum, si & homo suam ab eo perfectionem expectet? Huc pertinet
- Matt. 8.** quod Christus saepius nos ad se vocat, tanquam ad fontem omnis boni, &c. Verissimè igitur Christus dicit: Beati qui audiunt verbum Dei, & custodiunt illud. Et David: Mihi adhaerere Deo bonum est, ponere in Domino Deo spem meam. Item, Audiam quid loquatur in me Dominus, quoniam loquetur pacem in plebem suam. Quatum autem hoc verbum pios omnes consolatur, tantum impugnat haereticos. Cesset igitur blasphemia Arij, qui dicit etiam ipsum verbum factum esse, quum Ioannes hic manifestissimè verbum ipsum extra numerum creaturarum discernat, dicens: [Omnia per ipsum facta sunt,] non ipsum inter omnia, vel ante omnia factum est. Cesset etiam fabula illa Manichaei, de malo principio, vel deuota, nescio qua, gente tenebrarum, à quibus fingit prodijisse ea, quae videntur esse mala: Ut diabolus, homo: Item animalia nocua, &c. Nulla enim creatura mala est per naturam. Vidit enim Deus cuncta quae fecit, & erant valde bona. Quod autem aliquae malae sunt, hoc est per accidens malitia: Sic diabolus per vitium quidem malus est, sed substantia eius per naturam mala non est. Sic de homine, alijsque rebus nociuis dicendum. Noli igitur ob id malum aliquod principium fingere eorum, quae tibi molesta sunt. De poena tua peccatum tuum accusa, non creatorem. Ad superbiam enim nostram domandam, etiam vilissimis rebus nos subiicit, ut sunt muscae & pulices, &c. quemadmodum & Pharaonis superbiam edomitam videmus, &c. Simpliciter igitur fateamur omnia, & quae commoda, & quae incommoda sunt, per verbum facta esse: Haec quidem ad Dei iustitiam, illa autem ad Dei misericordiam declaranda. Deum, hic vides quam ob causam non Pater nec Spiritus sanctus, sed verbum & Filius humanam assumpsit naturam. Quia enim omnia Dei opera per verbum fiunt, oportuit & redemptionem hominis, quod maximum Dei opus est, per verbum fieri, ut quod recens hominem creauerat, ipsum quoque collapsum restauraret.
- Exod. 8.**
- Et sine ipso factum est nihil.]*
- Ne quis putet, post primam rerum creationem verbum Dei quiescere, & sinere cuncta pro sua libidine ferri: Addit. [Sine ipso factum est nihil,] quasi dicat, nedum verbo condita sunt omnia, sed & in ipso omnia subsistunt. Hinc Paulus: Portans omnia verbo virtutis suae: Et nedum per verbum facta sunt omnia in exordio, sed & ipsum verbum etiam nunc in creaturis operatur. Sic Christus ipse dicit, Pater meus usque modo operatur, & ego operor. Et Paulus: Viuus est sermo Dei, & efficax, &c. Item ipse operatur omnia in omnibus. Sicut igitur praecedens sententia, ad primam creationem rerum attinet, sic haec ad generationes, corruptiones, & alias quolibet aliarum creaturarum transmutationes & operationes referenda est, ut eas sine verbo Dei, fieri non credamus. Docet igitur haec sententia Deo ascribere quicquid siue prosperi, siue aduersi à creaturis experimur. Stat enim sententia: [Sine ipso factum est nihil.] Huc pertinet, quod in Esai. 54
- Esai. 54** facta Dominus dicit. Ego sum Dominus faciens pacem, & creans malum. Hinc Iob, cum à diabolo affligeretur, dixit: Dominus deus dicit, Dominus abstulit, &c. Si igitur nihil sine ipso fit, gratias age, si quid boni à creaturis accipis, siue à terra, siue à caelo, &c. Item gratias age verbo si quid boni tu ipse facis. Item, si nihil sine ipso fit, Noli ergo timere diabolum, aut impios homines, qui nihil sine permisso Dei possunt: sed Deum time, qui potest & corpus & animam perdere. Ex verbo igitur Dei habet terra, quod fructificet: nubes, quod
- Mat. 10**

quodd pluuias & rorem dāt, &c. pñ, quodd bona operantur, & quæq; creaturæ suas operationes, &c. Hanc sententiam pulchre confirmat, si sic legamus. [Sine ipso factum est nihil, quod factum est.] Quamquam Chrysostomus hanc adiectionem ideo appositam velit, ne quis & spiritum sanctū inter creaturas numeret, id quod Arrius fecit. Innuit igitur Ioannes, se tantum loqui de his rebus, quæ factæ sunt. Hæ enim omnes per verbum factæ sunt. At qui spiritus sanctus non est factus. Nihil igitur ex hoc loco colligere potest Arrius ad defensionem suæ erroris. Non desunt autem qui hunc locum eo trahunt, ne quis suspicetur, Deum esse authorem peccati, sicque exponunt. [Sine ipso factum est nihil,] id est, peccatum sine ipso factum est. Hæc quamvis sit pia & vera sententia, tamen non videtur hic ab Ioanne intentæ.

In ipso vita erat.]

Hic locus variè legitur apud expositores, tum Græcos, tum Latinos. Primò siquidem hæretici nonnulli, sic distinguunt. Quod factum est in ipso, vel per ipsum, erat vita. Hoc Arrius ad Spiritum sanctum traxit, quem per vitam intelligit, vultque ex hoc probare Spiritū sanctum esse creaturam. Manichæus generaliter ex hoc concludit, etiam lapides & alia habere vitam & animam. Hilarius, tamen etiam sic distinguat, tamen alium affert sensum, nempe hunc: Quod factum est per ipsum verbum, nempe eius incarnatio, passio, resurrectio, &c. Vita nostra sunt, & ad vitam nobis prosunt, vel vitam conferunt. Augustinus, & Latini plerique, sic distinguendum esse volunt. Quod factum est, [in ipso vita erat,] ut sit sensus, Quicquid vnquam factum est, antequam fieret, vitam, imaginem, & ideam suam habuit in Dei verbo, secundum quam ad extra formatū est. Quemadmodum architectus totam structuram prius habet intus in mente, quam eā exhibeat in opere. Nulla igitur noua voluntas, qua aut mundum condidit, aut aut post longa & multa secula Filium misit. Quicquid enim vnquam factum est, antequam fieret, in ipsius præscientia erat. Nec solum nouerat ab initio, quæ vel qualia conderet, suoque statu

singula disponderet: sed etiam quædam perdita ad suam gloriam recuperaret. Inde est, quod suum certum seruat omnis natura cursum, nihilque sit sub sole nouum, quia videlicet semel de immutabili voluntate posuit præceptum, dum semel & simul omnia creauit, qui viuit in æternum. Sic omnino manet altitudo insuperabilis consilij diuini, quod habuit super salutem generis humani. Nec enim electos alios vocauit, quam quos ante secula præsciuit, & prædestinauit: neque tanquam præuentus à diabolo, aut circumuentus, nouum aliquid excoGITauit, quando verbum misit in carnem, sed sic definitum erat. Quod igitur factum est, in ipso iam viuebat. Vel aliter: Quod factum est, hoc est, ipsa opera Domini antequam fierent, iam erant vita ipsius verbi, hoc est, quasi ludus quidam, in quo mirè delectabatur, etiam antequam fierent, quemadmodum sapientia Dei dicit: Et delectabar per singulos dies, ludens coram eo omni tempore, ludens in orbe terrarum: Et delitiæ meæ, esse cū Filijs hominū. Hæc quanquā pia sunt, videtur tamen nimis coacta. Non enim intentio Ioānis fuit, scribere quomodo creaturæ ab æterno habuerunt suas imagines in verbo, sed quid ab ipso verbo & Filio Dei nos sperare debeam⁹. Magis igitur mihi arridet sententia Chrysostomi, qui hæc verba (Quod factū est) superiori sententiæ annectit, ut supra dictum est. Et deinceps nouum versum incipit: [In ipso vita erat.] Hic igitur Ioannes incipit orationem suam accommodare ad Euāgelium, & renouationem humanam. Ac primò quidem hoc verbo rationem reddit superioris sententiæ. Qui enim scire velit, quomodo per verbum omnia potuerint fieri. Respondet Ioānes. [In ipso vita erat. Sicut enim si ex profundissimo & iugl fonte quantumuis aquæ haurias, nihil tamen ex his diminuitur. Et sicut lux, quantumuis hominum multitudinem illuminet, nihil ob id splendoris amittit: sic Deus, & antequam mundum conderet, & postquam condidit, idem perfectus atque integer permanet, nihil tanto & tam admirabili opificio minor, nihil imbecillior: quia in ipso vita erat: Pal. 33.] Et apud te est fons vitæ,

Eccle. 18

Rom. 8

Prou. 8

Pal. 33

Deinde

Deinde hoc verbo indicat, veram animæ vitam non aliunde esse, quàm à viuo illo verbo Dei. Vnde & à Ioanne dicitur. Verbum vitæ. Et Christus ipse: Ego sum resurrectio & vita, &c. Hoc enim verbū viuificat, & restaurat omnes in se credentes, omnesque collapsos recreat, non tantum eos qui sequuntur eius incarnationem vsque ad finem mundi, sed etiam illos qui præcesserunt iam inde ab initio mundi. Christus enim expandit manus suas & ad posteros, & ad priores: & sicut pertingit vsque ad vltimum hominem in orbe terrarum futurum, ita in priora pertingit vsque ad primum hominem conditum. Iesus enim Christus heri & hodie, ipse & in secula. Ex fide in hoc verbum Adā pristinæ imagini Dei restitutus est: Ex hoc verbo omnes patriarchæ & prophætæ & pii reuixerunt, ante peccatis mortui, & inferno obnoxii. Simplicissime igitur hoc loco vitam intelligas, non illam, qua cunctæ creaturæ, siue rationales siue irrationales, cōstant: sed qua credentes in vitā pristinā restaurantur, vt liberati à morte, peccatis, & in inferno, vitam habeant æternam. Obserua autem, quod dicit, In verbo vita erat. Ergo qui verbum fide apprehendit, is vitam habet. Qui autem verbum negat, & Christum solū hominem fatetur, quem admodum Cherinthus, is vitam habere non potest. Si enim Christus nihil aliud esset quàm homo, vitam nobis conferre nō posset: Caro enim non prodest quicquam. Quia autem eius caro deitate plena est, ideo de ipsa dicit: Caro mea verè est cibus, non propter carnem, sed propter inhabitantem deitatem. Præterea, quia in solo Dei verbo vita est, & extra ipsum nulla vita esse potest. Hic est quod impij, etiam si corporalem habeant vitam, eam tamen seruare ac retinere non possunt, quia non credunt in verbū fontem vitæ: Pij autem etiam si videantur mori, tamen quia fide verbū Dei tenent, etiam vitam in perpetuum conseruant. Demum quia in verbo vita est, constat quod mors aboleri non potuit, nisi per verbum. Hinc est quod non Pater, nec Spiritus sanctus, sed verbū caro factum est, vt viuificaret mortuos. Vide igitur quantum consolationis breuissima hæc sententia contineat: [In ipso vita erat.]

Quid autem dulcius aut optabilius vita? Dicamus igitur cum Psalmo: Non discedimus à te Domine: tu viuificabis nos, & nomen tuum inuocabimus. Quod enim ire possumus, cum tu solus habeas verba vitæ æternæ? Nec est aliud nomen sub cælo, in quo possimus vitam & salutem consequi, quàm nomen Iesu.

Et vita erat lux hominum.]

Dulcis quidem & iucunda res est vita. Verum quid prodest vita, nisi adsit & lux? Quale mihi gaudium esse potest, ait Tobias, qui in tenebris sedeo, & lumen cæli non video? Si vita iucunda esse non potest sine corporali lumine, quid iucundum esse posset homini, ignorantia & peccatorum tenebris obcæcato? Vt igitur certi simus, perfectam beatitudinem à Christo Dei filio sperandam, addit: [Et vita erat lux hominum.] Non autem loquitur de externo & visibili lumine, quod oritur super bonos & malos, & illuminat terram. Nec loquitur de lumine naturali rationis, quod mali æquè habent, vt boni: sed loquitur de lumine gratiæ, quod cognoscimus Deum, & per tenebras peccati & mortis penetramus. Sicut igitur Christus vera vita est, sic & verum lumen est. Hinc Zacharias: Visita uit nos oriens ex alto, illuminare his, qui in tenebris & umbra mortis erant. Signanter autem dicit: [Vita erat lux,] ad innuendum, quod in Christo est fundamentum & veritas, & non sola apparentia sicut in homine. Nam sicut dicit Lucas de ipso: Erat vir potens in opere & sermone. Et alibi: Coepit Iesus facere & docere, ubi semper opera doctrinam præcedunt, aliàs esset hypocrisis, si verba sola essent sine operibus. Et sicut ipse de Ioanne dicit: Ille erat lucerna ardens & lucens: Sic & hic, vt Christus cognoscatur, vera & infallibilis lux, prius nominat vitam, & postea lucem. Deinde signatè dicit: [Lux hominum:] Quamuis enim hæc lux super omnia quæ facta sunt, luceat, suam tamen ipsius imaginem in sola exprimit hominis anima. Reliquæ enī creaturæ corporales vel tantum sunt, vt lapides: Vel sunt & viuunt, vt arbores: Vel sunt, viuunt & sentiunt, vt pecora. Homo autem post angelum solus in hoc honore positus est, quod ad quærendum & in

Psal. 79.

Ioan. 6.

Acto. 4.

Tob. 5.

Luc. 4.

Luc. 24.

Acto. 10.

Ioan. 6.

& inueniendum creatorem suum, factus est idoneus. Et quanquam idem Dei verbum Christus, etiam Angelos illuminet: quia tamen non Angelis, sed hominibus scribitur Euangelium, satis visum fuit dicere, eum esse vitam hominum. Generaliter autem dicit: Christum esse lucem hominum, sine respectu personarum. Non enim Iudaeorum tantum Deus est, sed & Gentium, imò omnium, qui in ipsum credunt, cuiuscunque conditionis aut sexus sint, &c. Hæc igitur sententia manifestè damnat eos, qui plus æquo extollunt lumen rationis. Si enim Christus lux est hominum, ergo non ratio. Deinde si lumen rationis sufficit ad salutem, quid opus fuit alio lumine? Postest quidem etiam ratio humana lumen

Rom. 10
Psal. 4.
Gene. 6.
Psal. 37.
Esai. 60.
Ioan. 8.
Psal. 33.

appellari. Iuxta illud: Signatum est super nos lumen vultus tui Domine. Verum hoc lumen nos non potest ducere ad perfectam Dei cognitionem, nec sufficienter nobis ostendere potest viam salutis, nec ducere nos potest per opacum illum specum mortis. Quod enim in omnibus membris & potentijs nostris videmus euenire, hoc & in ratione vsu venit. Quis dubitat quod homo sit per æternum verbum Dei creatus in omnibus potentijs, & tamen nihil boni in ipso esse Moyses testatur: Cuncta, inquit, cogitatio hominis, prona ad malum. Sic & caro, Dei creatura est, & tamen ad luxuriam inclinata est. Sic cor, Dei creatura est, non tamen inclinatum est ad humilitatem, & proximi charitatem, imò maxime inclinatum ad superbiam & amorem sui. Sic ratio lumē quidem est à Deo datum, quo scimus bona esse facienda, & mala fugienda: plærunque tamen, imò nonnunquam in electione fallitur, nisi adsit lumen diuinum. Monemur igitur hoc verbo, vt non rationi nostræ, sed Dei verbo, quod vera lux est, obtemperemus. Huc pertinet, quod David ait: in lumine tuo videbimus lumen. Item: Non lucebit tibi amplius Sol & Luna, sed Dominus Deus tuus erit lux tua. Si Deus lux tua est, nullæ tenebræ tantæ erunt, quas non possis penetrare. Sicut enim Deus mori non potest, sic nec lumen eius extinguī potest. Hinc Christus: Qui sequitur me, non ambulat in tenebris, &c. Accedite igitur ad eum, & illumini-

namini, & facies vestrae non confundentur.

Et lux in tenebris lucet, &c.]

Per tenebras intelligere possumus peccata, vt sit sensus. Ex hominibus carnem assumpsit, & inter homines propter peccata tenebriosos cōuersatus est: imò omnium hominum peccata in se recepit & tamen ab ijs non est infectus. Peccatū enim non fecit, nec inuentus est dolus in ore eius, solusque inter mortuos liber mansit. Vel per tenebras possumus intelligere creaturas irracionales, quæ omnes quidem de hac luce participant, verum eam non comprehendunt, nec cognoscunt, cum ratione careant. Vel per tenebras ratio humana intelligitur, quæ ad diuinam lucem comparata, nihil nisi tenebræ est. In his tenebris, hoc est, ratione nostra lucet lux diuina. Iuxta illud: Signatum est super nos lumen vultus tui, &c. Sed quotus quisque est, qui eam comprehendit, imò qui eam cognoscit? Simplicissimè autem per tenebras intelligere possumus impios, quia in ignorantia nascuntur: tū quia propter mala opera lucem fugiunt, & tenebras amant: tum quia nullum certum habet iudicium, sed malum dicunt bonum & econtrā: tum denique, quia semper timent, quemadmodum hi qui in tenebris sunt. Tenebras autem eos nominat Hebraica phrafi, qua reliquæ pro reliquis, saluatio pro saluatis, circuncisio pro circuncisis, frequenter ponitur. Sic tenebræ, pro tenebrosos & incredulitate ac peccatorum nebula obscuratis sumitur. Semper autem hæc lux inter impios luxit, quia Christus semper mundo iam inde ab orbis initio prædicatus est: sed tenebræ eam non comprehenderūt, hoc est, impij non crediderunt. Annuntiata est hæc lux Canaan, his qui in diluuiο perierunt, Sodomitis, Aegyptijs, Israelitis, sed increduli contempserunt. Annuntiata & nunc Gentibus, sed nec illæ apprehendūt. Vidimus enī quanto contemptu, quāta incredulitate, quantaq; subsannatione, nunc passim Euangelij sermo audiatur. Est enim Christus, & fuit semper lapis offensionis, & petra scandali. Non igitur est, quod alios accusemus, cum eadem & nos faciamus. Atque hoc maxime, vel Christo

1. Pet. 2.
Psal. 87.

Psal. 41

Ioan. 3.
Esai. 58.

Esai. 23.

B sto

Ioan. 3. Ito teste, condemnabit mundum, quod lux venit in mundum, imò lux in mundo, & tamen dilexerunt homines magis tenebras, quàm lucem. Potest autem hæc sententia specialiter retorqueri aduersum Cherintum, qui cum clarā & manifestam veritatem, quæ illucebat, videret: eam tamen non comprehendit, sed in tenebris mansit, quem admodum & hæretici omnes, tametsi manifestissimam scripturam contra se habeant, tamen excæcati veritatem videre non possunt. Verè magna miseria, imò horrendū Dei iudicium, apertam lucem & veritatem non videre.

Fuit homo missus à Deo, cui nomen erat &c.]

Hactenus Ioannes quasi quadam præfatione indicare voluit, quid de Christo scripturus sit, nempe quod sit Deus, vita, & lux hominum, tametsi pauci acceptent: atque adeo totum Euangelium breui capitulo absolvit. Nunc historiam suam incipit, quæ usque in finem libri docemur, quo ordine restauratio hominis gesta sit, quid Christus egerit, quid docuerit. Ideo autem Ioannem introducit, ne quis forte ea, quæ hactenus de Christo dixit, in gratiam hominis, Christi dicta putaret, & ob id minus credibilia iudicaret. Adhuc igitur sibi alium testem: Vt in ore duorum testium, stet omne verbum, Non tamen quencunque testem citat, sed eum, qui apud omnes authenticus erat, quem nemo rejicere poterat. Omnes enim sciebāt, manum Dei esse cum illo. Apud omnes celebre erat nomen eius, & meritum miraculum natiuitatis, & sanctitas vitæ mirabilis, dignitas prædicationis, & autoritas Baptismatis. Dignum igitur est, vt his duobus testibus frequens præstemus auditorium, tum propter ipsorum vitam, tum propter testimoniorum constantiam & concordiam. Deinde historiam suam à Ioanne auspiciatur, quia idem fecerunt & alij Euangelistæ. Sic enim Marcus ait: Initium Euangelij Iesu Christi. Sicut scriptum est: Ecce mitto, &c. Et Lucas: Fuit in diebus Herodis, &c. Imò congruentissimè à Ioanne auspiciantur Euangelium. Nam & Christus ipse dixit.

Lex & Prophetæ usque ad Ioannem: A diebus autem Ioannis regnum cælorum vim patitur, &c. Et idem Christus non ante prædicaui Euangelium, quàm à Ioanne esset baptizatus: tunc enim doctor salutis constitutus, dicente Patre: Hunc audite, &c. coepit prædicare. Præterea etiam ideo à Ioanne incipit, vt ostendat etiam in nobis salutem nō aliunde incipere, quàm à Ioanne, hoc est, prædicatore. Christus enim etiam nunc præsens est, & lux in tenebris lucet. Imò propè est in corde & in ore nostro verbum, nec est, quod quis dicat: Quis ascendet in cælum, & illud inde deducet, &c. Verum, vt supra dictum est, tenebræ ipsum non comprehendunt. Opus igitur habemus Ioanne, qui verbū præsens nobis digito ostendat, & annuntiet. Quomodo enim credent, de quo non audierunt? Ob eam causam & Christus primò emisit Apostolos, tuncque inccepit salus mundi, cum in omnem terram exiit sonus eorum. Errant igitur, qui verbum externū, vt minus necessarium contemnunt. Potest quidem Deus etiam sine verbo fidem infundere: vt plurimū tamen hoc medio fidem dat. Et tu quis es, qui respondeas Deo? Pauca tamē hic Euangelista de Ioannis vita scribit, tum quia alij Euangelistæ ad longum eam descripserunt: tum quod omnibus satis notus esset Ioannes. Imò vno verbo huius testis conditionem ostendit: [Fuit, inquit, homo, &c.] Singula autem verba emphasim habent. Primò enim cum hactenus de verbo semper dixerit: Erat, & erat, ad innuendum, quod verbum esse nec coepit, nec desijt. Iuxta illud Psalmistæ: Cæli peribunt, tu autem permanes, & omnes vt vestimentum veterascent. &c. Item, Verbum Domini manet in æternū. De Ioanne autem loquēs, qui nō semper fuerat, imò iam defunctus erat: [Fuit inquit, homo.] Congruè autem hominem cum nominat, fuit enim hoc nomine dignissimus, vt qui non fuit ex eorum numero, qui cum in honore essent, non intelligentes, comparati sunt timentis insipientibus. Homo igitur erat Ioannes, sed multum suscipiendus, lōgè dissimilis hominibus alijs, vt pote, quo maior non surrexit: adeo magnus, vt longè ante per prophetam Angelus dictus sit.

Addis

Mat. 11. Addit [Missus à Deo,] ne quis putet Io-
 Mala. 3. annē nihil aliud fuisse quā hominem,
 atque adeo mendacem : quandoquidem
 omnis homo mendax. Deinde ideo dicit
 eū missum à Deo, ne quis putet eum esse
 ex eorū numero, quib⁹ dicitur. Ipsi cur-
 rebant, & ego non mittebam eos. Quod
 Hier. 23. autem Ioānes à Deo missus sit, apertē tes-
 Luc. 3. tatur Lucas. Factum, inquit, est verbum
 Domini super Ioannem filium Zacha-
 riæ, &c. Imò hoc ipsum longē antē præ-
 dixerat Malachias: Ecce, inquit, mitto an-
 gelum meum, &c. Quāvis autem etiam
 Mala. 3. alij Prophetæ, à Deo missi sint : hic tamē
 spirituali modo missus est. Primo,
 siquidem quia dies aliorum velociores
 cursores fuerūt: quia prius viam vniuer-
 sę carnis intrauerūt, quā præstolatum
 Domini mererentur videre aduentum.
 Hic autem eo tempore missus est, quo
 eum videre posset, & præsens præsentē
 nuntiare. Deinde sic missus est, vt supra
 naturam veniret, natus ex vtero senectu-
 tis & sterili, quod solum Dei opus est, vt
 nasciturum nascendo præueniret, prædi-
 caturum prædicando præcurreret, bap-
 tizaturum baptizando præiret, moritur-
 um moriendo præcederet: Postremò
 singulariter missus est, cui nusquam sub-
 sistere, nusquam diuertere, nullum vaca-
 uit cum seculo sermonem habere : non
 domum, non agrum possidere, nec affi-
 nes agnoscere: sed vrgente sermone Do-
 mini, vrgente negotio mittentis pariter
 & subsequētis, nudus & expeditus cur-
 rare habebat ante faciem eius, velut qui
 ad hoc solum factus erat & natus, vt pa-
 raret vias eis. Et huic nomen erat Ioan-
 nes, non ab hominibus, sed à Deo : non
 casu, sed ob certam causam impositum.
 Quia enī totius prædicationis eius sum-
 ma fuit Domini gratia: congruē à gratia
 nomen sortitus est. Hactenus igitur Euā-
 gelista hunc testem nobis commendare
 voluit, ne quid dubitarem⁹ de eius tes-
 timonio.

Hic venit in testimonium.]

Etiam alij prophetæ de hoc lumine
 testificati sunt, sed hic venit in testimo-
 nium, ad hoc factus vel natus est: ad hoc
 positus in sublimi : ad hoc tanta circā
 eum miracula facta sunt, vt ab omnibus
 visus testimonium perhiberet. Ideo Chri-

stus voluit eum tantæ esse authoritatis
 etiam apud homines, ne quis de eius testi-
 monio dubitaret.

Vt testimonium perhiberet de lumine.]

Non egebat Christus vlllo testimonio
 pro se, quia veritas suum ipsius sufficiens Ioan. 5.
 testimonium est, sicut infra dicitur. Ego
 ab homine testimonium non accipio: ha-
 beo enim testimonium maius Ioanne,
 &c. Nobis autem opus erat testimonio
 Ioannis : nam Christus nulla diuinitatis
 specie extrinsecus fulgebat, imò obdu-
 ctus erat fragilitate carnis, & humilitate
 crucis: adeo, vt cum iam triginta esset an-
 norum, adhuc putaretur esse filius Io-
 seph, quēadmodum & olim Esaias præ-
 dixerat. Vidimus eum, & non erat ei as-
 pectus, &c. Imò adeo humilis venit Chri-
 stus, vt diceret: Beatus, qui nō fuerit scan-
 dalizatus in me. Deinde, quia opus redē-
 ptionis humanæ eo modo perfecturus
 erat, qui omnino alienus erat à sensu, &
 æstimatione carnis, vtpote antea mori-
 turus, quā glorificaretur: antea mortis
 ficaturus, quā viuificaret. Demū, quia
 omnino nouum quiddam erat prædica-
 turus, oportuit præire testem, quō con-
 scientiæ electorū confirmarentur, vt cre-
 derent hunc esse Christū, &c. Vides igitur,
 quantum nobis condescenderit diu-
 na benignitas: habes igitur vnde gratias
 agas.

Vt omnes crederent per illum.]

Vides nostri causa missum Ioānem.

Non autem dicit, vt crederent in il-
 lum, sed per illum : Fides enim in solum
 Deum referenda est. Si autem Ioannes
 non ob aliud missus est, quā vt creda-
 mus per illum. Ergo fides est summa ius-
 titiæ Christianæ, quemadmodum & ali-
 bi dicitur: Iustus ex fide viuit.

Non erat ille lux, &c.]

Differentiam facit inter Ioannem, &
 Christum, ne quis in Ioanne, aut alio-
 quouis sancto subsistat. Non, inquit,
 erat lux vera : non erat Ioannes lux il-
 luminans: non erat ipse lucis substantia.
 Erat autem talis lux, quales & Apostoli,
 quibus dictum est : Vos estis lux mun-
 di, lux scilicet aliunde suscepta, lux non
 essentiali bono, sed accidentali dono.

B ij Mirare

Mirare igitur Ioannem, sed tanquam montem, non tanquam veram lucem. Mons enim quantumvis altus sit, tamen longe adhuc abest à cælo. Item quamvis mons prius quidem radijs solis illustretur, quàm terra alia: tamen non est ipsa lux. Imò mons ipse quantumvis magnus sit, tamē in tenebris manet, nisi lumine vestiatur. Sic igitur & nos mirari debemus sanctos, sed ita tamen, vt magnam distinctionē faciamus inter ipsos, & Christū. Altiores quidem sunt alijs hominibus, sed altior Christus. Lucem gratiæ in ipsis videmus, sed ipsi eam non à se habent: Christus igitur lux est, ipsi testes & prædicatores lucis. Respelluntur hoc verbo, qui seipsos & sua inuenta prædicant. Hij enim non perhibent testimonium de vero lumine, sed sua somnia pro vera luce adorari volūt. Summa, prædicatoris officium est, testificari de lumine.

Erat lux vera, quæ illuminat omnem hominem, &c.]

Ne quis putet, Christum non aliam esse lucem, quàm Ioannes, aut quilibet alius sanctus: repetit quod supra dixerat de luce, & plenius exponit. Deinde etiam ideo toties & tam diligenter, diuinitatem Christi inculcat, quia etiam inter Christianos pauci sunt, qui verè credant ea, quæ Ioannes in exordio Euangelij sui scribit, tametsi plerique hoc Euangelium auro includant, & semper secum circumferant. Qui enim propterea impiè agit, timens se fame cruciandum, si piè viueret, is non credit Christum esse Deum. Qui aduersa quæque Diabolo, malis hominibus, stellis, aut fortunæ ascribit: is non credit quod per ipsum omnia facta sunt, & sine ipso factum est nihil. Qui suis operibus & meritis, absque Christo vitam adipisci conatur, is non credit Christum vitam nostram esse. Qui rationi suæ plus credit quàm verbo Dei, is non credit Christum esse lucem hominum. Quid igitur prodest hoc Euangelium circumferre, si non credas? Summus honor huius Euangelij est, vt credas: tunc enim verè potens est Euangelium contra diabolum, & omnia aduersa. Quemadmodum enim nihil contra Deum præualere potest diabo-

lus, sic nec contra eum, qui in Deum confidit, & fide verbo adhæret. [Erat lux vera.] Singula verba emphasim habent. Primò congruentissimè Christus dicitur lux. Sicut enim tripliciter se habent corpora ad lumen solis, sic tripliciter se habent corda ad lumen istud.

Quædam enim corpora non recipiunt lucem, nisi ad manifestationem turpitudinis suæ. Quædam recipiunt eam ad sui illustrationem & pulchritudinem. Quædam recipiunt eam in sui profundum, vt perspicua, lapides preciosi, &c.

Sic Christus vera lux in impijs & excæcatis nihil aliud agit, quàm quod manifestat eorum turpitudinem. Quemadmo-

Ioan. 15.

dum de Phariseis dixit: Si non venissem, peccatū non haberent: hoc est, nemo eos tam cæcos putasset. Alij sunt, qui exterius pulchritudine quadam compositionis venustantur per hanc lucem, sed deuotionem interiorem non habent. Tertij autem lucem hanc etiam in seipsis recipiūt, & hij lucēt sicut luminaria in mundo. Dicitur autem Christus lux vera, ad

Phil. 2.

differentiam aliorum luminum. Nam & oculi hominis dicuntur lumina, non tamen sunt lux vera: quia in nocte nihil vident. Sic sol externus, lux quædam est, sed non vera: quia tantum illuminat eos, qui oculos sanos habent. Sic ratio nostra lux est, sed non vera lux: quia etsi luceat in externis, nihil tamen videt in spiritalibus. Sic homo quilibet illuminatus, dicitur lux, quemadmodum Apostolus dicit: Vos estis lux mundi. Non tamē sunt lux vera, sicut supra de Ioanne dictū est.

Matt. 5.

Sic verbum externum & doctrina, lux quædam est, sed non vera. Nihil enim prodest doctrina, si non Deus intus illuminet. Solum igitur vnum Dei verbum lux vera est, id est, non participata aut defectiua, sed plena & substantialiter clara, in qua natura lucis perfectissimè reperitur. Vnde Ioannes, Deus lux est, & non sunt in eo tenebræ ullæ. Omne autē creatum, habet aliquid tenebrositatis admixtum. Nam & ipsa minoratio lucis, ipsa distantia seu dissimilitudo à luce diuina, est tenebrositas quædam, comparatione quoque lucis diuinæ, appellatur quasi caligo. Hinc Iob: Luna non splendet, & cæli non sunt mundi in conspectu eius. Addit Ioannes:

Iob. 15.

[Quæ

[Quæ illuminat.] Et hoc ponit, vt sciamus, qualis lux sit, Christus, nempe non illuminata, sed illuminās, Christus enim non tantum est doctor, sed & effector salutis. Illuminat, id est, nouū lumen creat in cordibus electorum, sine quo nouo lumine, quædam tenebræ, quoddam ignorantiae lumen naturæ est. Illuminat autem omnem hominem venientē in hunc mundum. Hoc quidam de lumine rationis, & naturalibus donis Dei intelligunt, quæ Deus omnibus communicat. Iuxta illud: Signatum est super nos lumen vultus tui. Item, Super quem non consurgit lumen eius. Alij hunc textum eō trahunt, quod Deus cuilibet homini Angelum dat custodem, &c. Melius autē intelligitur de lumine gratiæ. Non autē intelligas omnes homines, quotquot fuerunt, sunt, & erunt, à Christo illuminari: non enim omniū est fides, pauci sunt electi, & reliquæ solū saluantur: Nō sensisse autem Euangelistā, quod omnes illuminentur, ex eo apparet, quod ait: Et tenebræ eum nō cōprehenderunt. Item, Mundus eum non cognouit. Item, Sui non receperunt eum. Sensus igitur est: Illuminat omnem hominem, quantum in se est: quia esset omnibus lumen sufficiens, & omnibus innotuit, sed quidam sua sponte oculos claudunt. Sic dicimus, sol omnes illuminat, cum tamen solū videntes illuminet. In hunc modum loquitur Paulus: Deus vult omnes homines saluos fieri. Vel illuminat omnem hominem, id est, quotquot illuminantur, per solū Christum illuminantur. Hoc modo loquendi vtitur etiam Psalmista: Alleuat Dominus omnes qui corruūt, nō quod omnes corruentes alleuentur, sed nemo talium alleuatur, nisi per Deum. Vel illuminat omnem hominem, id est, ex omni genere quosdā, ex Iudæis, Gentibus, doctis, indoctis, viris, fœminis, seruis, liberis, &c. Iuxta hūc sensum dicit infra: Si exaltatus fuero, omnia traham ad me. Item, Benedicetur in ipso omnes Tribus terræ, id est, quidā ex omnibus, &c. Additur: Venientem in hunc mundum. Hoc quidam referunt ad lumen ipsum, vt sit sensus: Illuminat omnem hominem veniens in mundum, vel per aduentum suum in mundum, hoc est, ex eo, quod verbum caro factum est.

Communiter autem refertur ad hominem: Illuminat omnem hominem, venientem in hunc mundum. Ideo autem dicit. In hunc mundum, quia in hac vita Christus nos illuminat per fidem. Iuxta illud: Quam diu sum in mundo, lux sum mundi. In alio autem mundo, Christus tradet Regnum Deo & Patri, vbi coram cognoscemus Patrem. Ideo illic cessabit fides, & mutabitur lumen, quod nunc habemus in perpetuam claritatem, & claram visionem. Videmus nunc per speculum in ænigmate: tunc autem facie ad faciem videbimus.

In mundo erat.]

Posset quis dicere, quomodo homines illuminare potest, qui apud Patrem est: Item, quomodo illuminare potuit omnes homines ab exordio mundi, cum ipse in nouissimis diebus primū in mundum venerit: Huic respondet Ioānes: [In mundo erat.] Est enim Deus vbique per essentiam, præsentiam, potentiam. Ipse siquidem omnia penetrat, sua quoque potentia ad omnia se extendit, & suo conspectui omnia patent. Hinc dicitur: Cælum & terram ego impleo. Si in mundo erat, etiam antequam se in visibili carne ostenderet, etiam nunc in mundo est, posteaquam eandem carnem suam oculis nostris subtraxit. Nihil igitur excusationis habent impij. Non enim procul est ab vnoquoque nostrum: Et prope est Dominus omnibus inuocantibus eum in veritate. Hinc Christus dicit: Beati, qui non viderunt & crediderunt.

Et mundus per ipsum factus est, &c.]

Hoc addit, ne quis putet, eum non aliter esse in mundo, quā alia creaturæ. In mundo erat, non vt creatura, sed vt creator, & gubernator. Deinde hoc addit vt manifestius appareat hominis cæcitas, de qua statim subdit.

Et mundus eum non cognouit.]

Mundus aliquando, sumitur pro vniuersitate creaturarum, vt cum dicitur: Mundus per ipsum factus est. Aliquando sumitur pro bonis & malis hominibus indifferenter, vt cum dicitur:

B ij si

Ioan. 3. sic Deus dilexit mundum. Aliquando
Ioan. 15.

pro impijs omnibus, vt cū dicitur: Vos non estis de hoc mundo, sed ego elegi vos de mundo, &c. Aliquando & quidem frequenter mundus significat sapientes & potentes: hi enim soli conspiciuntur in mundo. Hoc autē loco mundus significat, nedum impios generaliter sed etiam eos, qui in mundo maximē conspicui sunt, vt sapientes & potentes. [Mundus eum non cognouit.] hoc est, quamuis Christus semper fuerit in mundo, quia per eum creatus est, & per eum adhuc administratur: nunquam tamen fuit cognitus, aut verē glorificatus ab hominibus huius seculi, vt maximē manifestū fuerit illis à Deo per visibilia patefactū, quod de Deo cognosci potest. Deinde, quanquā idem Christus & Dei verbum, visibiliter in mundo apparuerit, & omnibus annuntiatus sit, tamen sapientibus huius seculi nihil aliud est, quā stultitia. Si igitur mundus etiam eū nō cognoscit, qui præsens est, & per quē factus est, verē magna cæcitate obuolutus est. Vbi igitur sunt, qui lumen rationis supra modum extollunt: qui de sua sapientia plurimum confidunt: qui denique dicunt, non alio lumine nobis opus esse, quā naturali lumine: Deinde vides hic & mundi ingratitudinem, qui ne cognoscit quidem eum, à quo beneficia recipit, tantum abest, vt gratias agat. Vno igitur hoc verbo Ioānes mundū arguit, & summæ cæcitatis, & summæ ingratitudinis. Quid autē sani esse potest, vbi cæcitas & ingratitudo omnia occupat? Quis vel ob hoc solū, non toto corde auersetur mundum & mundanos? Atque hoc est, de quo omnes prophetae conqueruntur, vt cum dicit Esaias: Cognouit bos possessorem suum, Israel autem me non cognouit, &c. Sicut igitur ex cæcitate ingratitudo, ex ingratitudine omnia mala semel oriuntur: sic econtra ex cognitione Dei gratitudo, ex ingratitudine omnia bona proueniunt.

In propria venit.]

Adhuc clariùs hominum & cæcitate & ingratitudinem indicat: Venit, inquit, id est, visibilē se præbuit. Tunc autem visibilem se præbuit, cum carnem induit. Porro carnem induisse,

nihil aliud est, quā quod Paulus ait: Se ipsum exinaniuit, forma serui sumpta, &c. Item, Tentatum per omnia pro similitudine, &c. Quid hic Christi aduentus, hæc Christi humiliatio, aliud indicat, quā magnitudinem diuinæ misericordiæ: Deinde: [In propria venit,] hoc est, in mundum à se creatum: Vel, [In propria venit,] scilicet ad filios Israel, quos sibi magnis beneficijs in populum peculiarem, & in propriam hæreditatem acquisierat. Vel, [In propria,] hoc est, in terram Iudææ. Quamuis enim Domini sit terra & plenitudo eius, non immerito tamen lucis & veritatis patria hic dicitur Iudæa: quia præ cæteris mundi prouincijs, eā dorauerat Deus lege, patriarchis, prophetis, templo totius mundi celeberrimo. Hinc & Psal. dicit: Facta est Iudæa sanctificatio eius, &c. Item. Notus in Iudæa Deus, &c. Obserua autem, quod nō dicit: In propriam venit, sed in propria: non enim tantum accessum, sed & perseverantiam monstrare volebat, vt venisse & stetit in Iudæorum patria illum significaret.

Et sui eum non receperunt.]

Hoc est, non solum à sapientibus huius seculi repulsam passus est, verum etiā à suis, qui videbantur coram mundo sanctissimi: gloriantes in lege, requiescentes in Deo, habentes formā cognitionis per legem, &c. Atque hoc iam multo terribilius est, quā quod suprà dixit: Mundus eum non cognouit. Huc pertinet exprobrationes illæ, quas sparsim legimus in prophetis: Vt: Tota die expandi manus meas ad populum non credentem, &c. Item, Præuaricatione præuaricata est in me domus Israel. Negauerūt dominum, & dixerunt. Non est ipse, &c. Imò à suis nedum non receptus est, sed etiam crucifixus. Huc pertinet parabola de agricolis malis, occidētibus Filiū Patris familiās, &c. Sic etiam nunc quoque Christus, nusquam minus recipitur, nusquam plus contemnitur, quā apud suos, qui de eius nomine gloriantur. Pertinet etiam hic locus ad timorem, vt reuelato & prædicato Christo, non simus torpidi & securi. Quanquam enim Ioannes nullam poenā hic commemoret, contemptoribus huiusmodi illatam, tamen aliunde scimus

Philip. 2
Hebr. 4.

Psal. 13.

Psal. 113.
Psal. 75.

Roma. 2

Esaï. 65.
Hier. 5.

Mat. 23

scimus contemptum illum seuerissimè ex operibus iustitiæ quæ fecimus nos, Tit. 3.
punitum esse. Imò satis poenarum & ma-
lorum est, non cognoscere saluatorem,
etiãsi nulla alia externa infligantur.

Quotquot autem receperunt eum, &c.]

Ne quis putaret neminem ex illo po-
pulo eum recepisse, hoc addit: [Quot-
quot, &c.] Plures enim etiã ex illo po-
pulo eum lætanter susceperunt, vt patet
Rom. 11. ex Euangelij. Vnde & Paulus: Cæcitas
quidem ex parte contigit in Israel, non
tamen in totum reiecit Deus populum
suum. Nam & ego Israelita sum, &c. O-
missis igitur incredulis, ostendit Euange-
lista quantum bonorum fideles per Chri-
stum consecuti sint, & consequantur. Ge-
neraliter autem loquitur, ne quis putet,
hæc ad solos eos pertinere, qui ex Iudæis
conuersi sunt. [Quotquot, inquit, recepe-
runt eum,] siue Gentes, siue Iudæi: siue
seruus, siue Dominus: siue mas, siue mu-
lier: siue adolescentes, siue seniores: siue
reges, siue priuati. Obserua hîc insignem
Dei misericordiam, qui neminem reijcit.
Erubescat igitur humana superbia, quæ
tam facile quoslibet inferiores contem-
nit, nec dignatur alloquio, cùm Deus nec
indignissimos nos reijciat. Obserua etiã
filiij Dei summam erga nos charitatem,
qui cùm esset vnigenitus filius, noluit ta-
men manere vnus, sed voluit esse primo-
genitus inter multos fratres. Si tam libe-
raliter filius Dei totam hæreditatem su-
am nobis communicat, cur non & nos
vel partem hæreditatis nostræ cum pau-
peribus communicamus? Dedit, inquit,
eis potestatem filios Dei fieri. Quod ma-
ius homini beneficium cõtingere potest?
Magnum erat olim esse populum Dei.
Psal. 32. Iuxta illud Psalmistæ: Beatus populus,
cuius est Dominus Deus eius: populus
quem elegit Dominus, &c. Verùm hoc
longè maius est. Primò enim filium esse,
est in gratia patris esse, proinde filijs iræ
Galat. 4 opponitur. Secundò, esse filium Dei, est
esse hæredem Dei. Si enim filij, & hære-
des. Ergo omnia Dei Patris bona, nostra
erunt. Hoc igitur vno verbo summa E-
uangelij expressa est. Vnde autè hæc tā-
ta nobis gratia? Ipse, inquit, dedit, Dei do-
num est. Sicut enim filij etiã carnales,
non merentur filij esse aliquo opere: ita
hic filij non fiunt aliquo suo merito. Nō

sed secundum suam misericordiam saluos
nos fecit. Signanter autem obserua, quòd
non dicit: Fecit eos filios Dei, sed: Dedit
eis potestatem. Primò, vt ostenderet, mul-
ta nobis opus esse diligentia, vt adoptio-
nis nobis per baptisma impressam imagi-
nem, puram seruemus & intactam, con-
tra eos qui putant satis esse, quod in Ba-
ptismo filij Dei effecti sunt: interim au-
tem per totam vitam stertunt, imò impiè
viuunt. Deinde ideo dicit: Dedit eis po-
testatem, quia his qui nunc per fidem
Christum recipiunt, datur potestas filios
Dei fieri, filiatione gloriæ consummata
in patria. Præterea ideo dicit: Dedit eis
potestatem, quòd nemo nobis potest au-
ferre hanc potestatem, nisi primò nos
bisipissis abstulerimus. Hinc Paulus: Quis
Rom. 8. nos separabit à charitate Dei? &c. Signā-
ter autem addit: His qui credunt in nomi-
ne eius. Hoc enim verbo indicat quid sit
recipere Christum. Non enim satis est,
eum tecto recipere, cibum & potū minis-
trare: hoc enim & impij possunt. Itē, hoc
modo sola caro Christi recipitur Christi
aut nō tantū caro est, sed & verbū. Et quia
verbum est, ideo non recipitur nisi fide.
Potestas igitur filios Dei fieri, non his
data est, qui Christum vt hominem tan-
tū recipiunt: sed his qui eum, vt viuum
Dei verbum, vera fide suscipiunt. Hinc
est quòd fidei attribuitur iustificatio, quia
fides Christum verè recipit. Non tamen
simpliciter dicit: Qui credunt in eum, sed
qui credunt in nomine eius. Nomen au-
tem Christi est sapientia, iustitia, redem-
ptio. Si igitur quis se crediderit Christi
1. Cor. 2. iustitiæ, aut redemptioni, iam non rema-
nebunt peccata, mors euanescet. Nam ta-
les fiunt homines, qualis Christus est, si
se ei totos crediderint, &c. Credere namq̃,
est semen verbi Dei amore susceptum,
impregnata mente portare, quod tantæ
virtutis est, vt animæ substantiam in suū
vigorem trāsferens, ex hominibus deos,
ex filijs iræ, filios gratiæ faciat, fiatque
vt in loco vbi dicebatur, Nō plebs mea, Osee. 1.
ibi vocentur filij Dei. Vel aliter, credere
in nomine eius, est illum credere saluato-
rem mundi, & pro saluatore colere, ac
monitis acquiescere.

Qui non ex sanguinibus.]

B iij Quia

Quia de filiis Dei dixerat, ne quis putet vanam esse appellationem filiorum, his verbis indicat quomodo filii Dei nascantur. Primò, inquit, non nascuntur filii Dei ex sanguinibus, hoc est, carnali generatione. Sanguinē enim vocat carnalem propagationem. Ea autem natiuitate nō nascimur filii Dei, sed filii iræ. Deinde nō nascuntur filii Dei, ex voluntate carnis: Hoc referri potest ad eos, qui ex sanctis patribus nati sunt, tamen carnaliter. Ad hanc natiuitatem nihil confert sanctitas parentum carnalium, quia parentes, quārumcunque sancti sint, non tamen ex eo generant filios, quod sancti vel Christiani sunt, sed quod homines sunt, id est, nō per Christi gratiam, sed per carnis naturam, atque ideo non in Christo generāt, sed in Adam. Igitur non minus hi, qui ex circumcisione, quā qui ex præputio: nō minus hi, qui ex iustis, quā qui ex iniustis, non minus hi qui ex Christianis, q̄ qui ex Gentibus nati sunt, opus habent regeneratione. Hinc Christus generaliter dicit: Nisi quis renatus fuerit denuò, &c. Postremò nec ex voluntate viri, nascuntur filii Dei, hoc est, non ex arbitrio hominis. Hæc enim tertia generatio arbitraria est, qua Profelyti ad legem Moysi, & ad populum Israel se conferebant, qua se ad populum fidelem conferunt hodie Iudæi, vel Turcæ: ij voluntate humana, non spiritu renati, externa obseruatione cum populo fidei vtētes non sunt filii Dei. Est igitur sensus huius loci. Primū, filii Dei non sunt, qui quocunque modo secundum naturam nascuntur. Secundò, nec illi quidem, qui ē sanctis patribus nati sunt. Tertiò, nec illi qui eandem legem, idem euangelium discunt, audiūt, obseruant externo habitu. Hæc omnia vno verbo dixit Psalmista: Non congregabo conuenticula eorum de sanguinibus, &c. Hoc igitur verbo primò damnat in totum veterem natiuitatem, atq; adeo & omnes vires naturæ, quæ naturali propagatione transfunduntur in Sobolem. Deinde hic locus retundit arrogantiam Iudæorum, qui se ideo pro filiis Dei sanctis venditabāt, quod carnaliter ē sanctis patribus prognati erant. Neq; enim omnes qui sunt ex Israel, & semē sunt Abraham, filii sunt, sed qui ex promissione. Præterea hic locus in ordinem redigit omnia

humana consilia, conatus, voluntates, vires, arbitria. Non enim est in toto homine, imò in vniuerso mundo, vel mica virium, quibus posset generari filius Dei: ē solo enim Deo, solius Spiritus sancti cōfilio, per potentiam verbi nascuntur. Ad quam natiuitatem nihil facit sanctitas parentum, nihil cognatio iusta, nihil ratio humana, nihil prudentia carnis, sed sola Dei voluntas, propositum, electio. Nam Moysi dicit: Miserebor cui voluero, & commiserabor quemcunq; commiseror. Ideo subdit:

Sed ex Deo nati sunt.]

Solius enim Dei opus est, creaturæ renouatio, & maximè hominis. Sic autē nascimur ex Deo. Primò mittit verbum suum, hoc enim est quati semen, quemadmodum Paulus ait: Per euangelium ego vos genui. Et Iacobus: Volūtariē genuit nos verbo veritatis. Deinde ipsum Dei verbum mortificat carnem cum suo lumine, & aliam lucem præstat, qua homo eleuatur ad cognitionem gloriæ dei, iustitiæ, & misericordiæ Dei donatæ in Christo. Lumen autem fidei sequitur voluntas, voluntatem amor: sic homo paulatim totus renouatur. Obserua, quod nō dicit. A Deo, sed, [Ex Deo nati sunt,] hoc enim significantius est. Nam ex Deo nasci, est participem fieri eius naturæ, hoc est, in eandem transformari imaginē & speculari gloriam Domini. Item, participem fieri lucis sapientiæ, iustitiæ, veritatis Dei, &c.

Et Verbum caro factum est.]

Quod alij Euangelistæ pluribus verbis descripserunt, nempe incarnationem & natiuitatem Christi, hoc Ioannes vno hoc verbo explicat. [Verbum caro factum est.] Breue quidem verbum, sed omni acceptione dignissimum, vt vel hinc conijcere liceat, nō abs re patres nostros tantam deuotionem habuisse erga huius Euangelij exordium, vt non contenti in Ecclesia hoc audire, etiam secum circumferrent, vel auro inclusum, non ad superstitiones, vt nunc fit, sed ad ostendendum quod hæc verba pro summo thesauro aestimarent, id quod vere sunt, si fide accipiantur. Verūm hæc ipsa salutaria verba, multis nihil aliud quā venenum

Exo. 33.

1 Cor. 4
Iacob. 1.

1 Cor. 5

fuer

fuerunt, id nimirum agente diabolo, vt optima quæque vel omnino nobis auferat, vel per hæreticos corrumpat. Sic multi in hoc verbo offenderunt. Alij enim dixerunt quod deitas mutata sit in carnē. Alij dixerunt quod solam carnem, non autem animam assumpserit humanam, vt Apollinaris. Alij dixerunt quod non veram carnem assumpsit, sed phantasticam, vt Manichæus. Alij dixerunt quod carnē non ē Virgine sumpserit, sed ē cælo aduenerit, vt Valentiniani. Et quis omnium errores & insanias enumerare potest? Nos verum sensum istorum verborum inuestigabimus. Primò igitur non vacat mysterio, quod præmittit coniunctionē, Et: Per hoc enim coniungit hanc sententiam cum his, quæ in exordio dixit, vt significet, se non de alio verbo loqui, quàm de eo quod erat in principio, & apud Deum, & Deus: hoc ipsum verbum, inquit, caro factum est. Atque hic iterum refellit Cherintum. Deinde non dicit: Deus vel lux, vel vita, carnem assumpsit, sed: [Verbum caro factum est,] ne quis suspicari possit, etiam Patrem & Spiritum sanctum incarnatos, quemadmodum Sabellius dixit. Nam tota trinitas vnus est Deus, vna lux, vna vita. Verbum igitur nominat, vt audiat Sabellius, solam personam Filij incarnatam. Ideo autem potissimum Filius carnem assumpsit, non Pater, aut Spiritus sanctus. Primò, quia si alia persona, quàm Filius, esset vnita carni, duo essent filij, vnus filius Dei, alius filius Virginis. Secundò, sicut per Filium, qui est ars & verbum Patris, facta est creatio, sic per eandem personam debuit fieri re-creatio. Tertiò, quia verbum est media persona in diuinis, ideo ei etiam conuenit incarnatio, & ratio mediatoris. Quartò, quia per opus redemptionis adoptamur in filios, non autem potest fieri adoptatio in filium, nisi per filium naturalem. Quod autem dicit: [Verbum caro factum est,] non sic intelligatur, quasi verbum mutatum sit in carnem, & quod iam nihil nisi caro sit, non item Deus: alioquin vana esset spes nostra. Sola enim caro Christi nihil nobis prodesse posset, nisi diuinitate plena esset. Imò maledicto obnoxij essemus, quod in solum hominem & carnem consideremus. Sed nec sic intelligendum est, quod solam carnem, &

non animam sumpserit, quemadmodum Apollinaris somniauit, Venit enim Christus, saluum facere quod perierat. Totus autem homo in corpore & anima perierat: vt igitur totum hominem saluaret, totum hominem, id est, corpus & animam assumpsit. Deinde, si solam carnem sine anima assumpsisset verbum Dei, vbi quæso radicem suam fixisset? Solus quippe rationalis spiritus, capax est verbi diuini. Præterea, si Christus tantum assumpsisset carnem, non esset Deus & homo: caro enim est tantum altera pars hominis. Sicque vana esset omnis spes nostra, quæ in eo vel maximè consistit, quod Christus perfectus est Deus, perfectusque homo. Caro igitur hoc loco totum hominem significat, id quod aliàs quoque non infrequens est in scriptura. Sic enim Dauid ait: Ad te omnis caro veniet. Et Esaias: Videbit omnis caro salutare Dei. Et in Iohel. Effundam de spiritu meo super omnem carnem. Et Christus ipse: De disti ei potestatem omnis carnis. In his locis caro totum hominem significat, quemadmodum interdum etiam anima totum hominem significat, vt cum dicitur. In septuaginta annis ingressus est Iacob in Aegyptum, &c. Non sine causa tamen Ioannes hic dicit. [Verbū caro factū est,] cum clarius dicere potuerit, [Verbū homo factū est.] Primò enim per hoc indicare voluit, Christum nedum animam humanā, sed & verā humanā carnē, non phantasticā & apparentem habuisse, vt Manichæus somniat. Secundò cum verbū incarnatū duo fecerit, per visibile enim nos duxit ad inuisibilis Dei notitiā, & per dolores passionis satisfecit pro peccatis nostris. Ideo Ioānes carnem nominauit quæ magis est visibilis & passibilis. Tertiò per hoc nos admonere voluit insignis illius humiliationis, in quā se filius Dei nostri causa cōiecit, quæ non tam manifestè appareret, si dixisset. [Verbum homo factū est.] Nam hominis vocabulū habet aliquā apparentiam honestatis, carnis autem vocabulo nihil contemptius. Primò enim omnis caro, quantumcunque subleuat, fœnum est, & omnis gloria eius flos fœni. Deinde caro peccato infecta est, adeo, vt Paulus dicat. Non inuenio in carne mea bonū. Itemque caro concupiscit aduersus spiritum. Itē, Video aliā legē in mēbris meis repugnantē, &c. Tertiò, caro varijs

Luc. 19.

Psal. 64.
Esai. 40Iohel. 2.
Ioan. 17.

Gen. 46

Esai. 40
Rom. 7.Ioan. 6.
Hier. 17.

etiam

etiam externis malis obnoxia est. [Verbum igitur caro factum est,] hoc est, descendit in extremam humiliationem, quæ admodum Esaïas ait, Reputauimus eum nouissimum virorum. Et Christus ipse: Ego sum vermis, & non homo, opprobrium hominum, & abiectio plebis. [Deinde verbum caro factum est,] hoc est, peccatum & maledictio. Sic enim Paulus ait: Deus eum, qui non nouit peccatum, pro nobis peccatum fecit. Et iterum: Pro nobis maledictum factus est. [Demum verbum caro factum est,] hoc est, cruci obnoxium, & morti. Summam igitur consolationem hoc vnum verbum nobis præbet. Si enim fieri potuit, vt filius Dei in tantam abiectiōem se dimitteret, potest & fieri, vt nos per ipsum subleuemur ad cælestia. Si summa iustitia potuit fieri peccatū & maledictum, poterimus & nos peccatores & maledicti, liberari à peccato & maledictio per ipsum. Postremo, si fieri potuit, vt fili⁹ Dei in humana natura cruci subijceretur, poterit & nos è cruce liberare. Hæc igitur incarnatio Christi, confortat fidem nostram, vt iam dictum est. Secundo, erigit & spem nostram, quomodo enim possumus diffidere de beneuolentia eius, qui nostram naturam habet sibi vnitam? Tertiò, hæc incarnatio etiam accendit charitatem: quem enim non mouerent hæc tanta beneficia, tantaque dilectio ad redamandum Deum? Nec alia causa est nostri & torporis & diffidentiae, quam quod hæc nō cogitamus.

Et habitabit in nobis.]

Primò in nostra natura, quam induit, quæ fuit velut templum & tabernaculū verbi assumptis, & diuinitatis intus latentis: vnde & corpus suum, templum vocat. Vel: [Habitauit in nobis,] id est in nostris, hoc est, humanæ naturæ legibus. Nam solummodo hoc excepto, quod supra naturam conceptus & natus est, aliàs toto ordine suo natura hominis cucurrit. Nam & comedit, & bibit: esuriuit, sitiuit, dormiuit, &c. Hinc igitur discat Manichæus, Christum non phantasticam aut apparentem habuisse carnem, sed veram. Vel tertiò: [Habitauit in nobis,] hoc est, inter nos, quæ admodum Baruch dicit: Post hæc in terris visus est, & cum hominibus conuersatus. Hinc & Paulus: Deus manifestatus est in carne, iustificatus in spiritu, visus est angelis, prædicatus est Gentibus, &c. Hoc prædixit Zachariæ: Gaude, inquit, & lætare Sion, quia ecce ego venio, & habito in medio tui. Et per Esaïam: Propter hoc sciet populus meus nomen meum, quia ecce qui loquebar, adsum. Multum autem consolationis hoc verbum in se continet. Primò enim, si Deus in natura nostra habitat, ergo perpetuo scedere se nobis coniunxit. Nunquam enim nos deseret, aut deserere potest, quandiu in natura nostra habitat. Hinc in Esaia dicit: Sicut in diebus Noë iuraui, ne inducerem aquas diluuij, sic nunc iuraui, ne irascat tibi. Deinde si filius Dei in legibus naturæ humanæ incessit, ergo habemus pontificem, qui potest nobis compati, vt qui & ipse tentatus sit per omnia, absq; tamen peccato: Item, si ipse formas crucis in se sumpsit, non possunt non esse salutare eadem formæ, nempe quas ipse sanctificauit. Demum, si ipse nobiscum habitat vsq; ad cōsummationem sæculi, non est quod despondeamus animam in quacunque aduersitate.

Et vidimus gloriam eius, gloriam quasi, &c.]

Gloria est clara cum laude notitia, vel gloria est late patens præconium. Vel gloria est multorum ore prædicata laus datio. Sensus igitur est. Quamquam seipsum exinaniuit, forma serui sumpta, &c. clarè tamen innotuit cum laude, quia & ab angelis prædicatus, & à stella indicatus fuit. Item late patens præconiū habuit. Huic enim omnes prophetæ testimoniū perhibent, &c. Præterea ore multorum prædicatus fuit. Nam ex ore infantium & puerorum, ore senum, vt Simeonis, ore dæmonum, ore hominum, ore cælestis patris, &c. Vidimus igitur gloriam eius, hoc est, vitam miraculis clarā, vidimus eum transfiguratum, vidimus eum resurgentem à mortuis, ascendente ad cælos, mittenteque spiritum sanctū, Atque hæc est gloria, soli vnigenito cōpetens Dei filio. Habuit & Moyses suam gloriam & claritatem, habuerunt & sancti suam gloriam. Verum solus hic gloriam habet vnigeniti à Patre. Hæc enim dictio, [Quasi,] hoc loco non est dictio similitudinis, sed confirmationis & definitionis

1. Tim. 3

Zach. 1.

Esaï. 53

Galat. 3.

2. Cor. 5

Esaï. 52

Esaï. 54

Hebr. 4.

Ioan. 2.

Act. 10.

Baruc. 3.

1. Cor. 3

nitiois certissimae: Quasi dicat cōspexit
mus talē gloriā, qualem deceat & credibi
le sit habere vnigenitum & dilectissimum
filium Dei. Vel gloriā plane dignā
vnigenito Filio, & quā certissimē decla
rarit Iesum esse vnigenitum Dei: vel tan
tam gloriā, quāta nullus filiorum Dei
glorificari dignus habitus est, nisi solus
vnigenitus. Hoc igitur verbo Ioannes
nos prae-munit, ne offendamur humilita
te Christi. Ideo tot testes gloriā eius ad
ducit. Vidimus, inquit, non ego solus,
sed plures alij. Viderunt gloriā eius Ap
postoli: viderunt septuaginta discipuli,
viderunt quingenti fratres, quibus post
resurrectionem apparuit. Viderunt tria
millia hominum, quos Petrus in prima
sua concione conuertit, viderunt & illa
quinque millia hominum, quos in secun
da concione conuertit. An non testium sa
tis habes? Et hi omnes non auriti tantum
testes fuerunt, sed oculati. Vidimus, in
quit, &c.

Plenum gratia & veritate.]

Hæc est gloria Christi, gloria quam
solus vnigenitus habet, quam & Esaias
pulchrē prædixit. Præparabitur, inquit,
in misericordia solium eius, & sedebit su
per ipsum in veritate. Est autem Christus
plenus gratia, hoc est, omnibus Dei do
nis. In ipso enim inhabitat omnis plenu
do deitatis corporaliter. In eo sunt om
nes thesauri sapientiæ, & scientiæ con
diti. Neque enim huic dedit Deus spiritum
ad mensuram, sed effudit in eum opulen
ter, vt Psalmus ait: Diffusa est gratia in
labijs tuis. Et in Esaiā: Spiritus Domini
super me, eo quod vnixerit me, &c. Est ite
veritate plenus, quia in ipso omnes pro
missiones sunt, amen & etiam. Ideo dicit:
Ego sum via, veritas, & vita. Porro quum
Christo plenitudinem tribuit, palam ei
diuinitatem tribuit. Soli enim Deo com
petit plenitudo omnis boni. Vide igitur
quantum preconium, quamque fidele testi
monium Christi, contineat verbum hoc.
Verē enim homo iste diues & nobilis,
de thesauro altissimi prodiiit: corpuscu
lum eius sacculus est auri preciosi, tene
illum, dum rescinditur per iniuriā mor
tis, & apprehende quod in illo est talentū
gratiæ & veritatis.

*Ioannes testimonium perhibet pro ipso,
& clamat.]*

Hic alium adducit testem. Omi
nino enim nos prae-munire vult, ne quū
ad verba Christi peruentum fuerit, quic
quam dubitemus. Et alij quidem Euange
listæ frequenter veteres prophetas citāt,
vt cum dicunt: Hoc autem factum est, vt
impleretur quod dictum est per Prophe
tam, &c. Hic autem noster Euangelista,
vt pote qui cæteris sublimius loquutus
est, non mortuos, sed viuū, & qui Christū
præsens præsentē ostendit, & baptizauit,
in testem producit. Simpliciter autem
eum nominat sine aliquo cognomine, tū
quia satis fide dignus est, in quem verē
nomen Ioannis competit, hoc est, qui gra
tia Dei plenus est, tum quia is Ioannes,
quem producit, omnibus notus erat: ni
hil igitur opus erat cognomine. Dein
de Ioannes, inquit, non se prædicat, nec
agnoscit, quod vulgus ei tribuebat. Non
enim arundo erat vento agitata, vel ad au
rem popularem mobilis, sed testimoniū,
inquit, dat de illo Christo scilicet, omnes
que a se in illū dirigit. Nec simpliciter tes
timonium dat, sed clamat, inquit, hoc
est, magno affectu, sublimiq; voce, tanq
certus de veritate. Nec tantum in præte
rito clamauit, sed etiam adhuc in præsen
ti: [Clamat, inquit, & testimonium per
hibet.] Nam eius vox etiā nunc in Euan
gelij auditur. Eadē igitur nobis dicit nūc,
quæ olim Iudæis dixit. Vide Matthæū.

*Hic est quem dixit: Qui post me ventu
rus est, &c.]*

Breuitē, & quasi per anticipationē,
hic recenset summam huius testimoniū,
quod Ioannes dedit Christo. Nam post
modum narraturus est, vbi vel quando
Ioannes hæc dixerit. Hic, inquit, quem
scilicet indico, qualis qualis vobis vide
tur, est de quo dicebā, hoc est, de quo ante
obscurē vaticinatus sum. [Post me ventu
rus est,] hoc est, prædicatione sua; baptis
mo, & miraculis me sequetur, meo min
isterio cessante, sequetur ipsius opus. Ante
me factus est, hoc est, mihi præpositus &
maior, & dignior me factus: adeo vt non
sim dignus soluere calciamentum eius. Hoc
modo loquendi & Daniel vsus est,
quū dixit: Lapis q; abscissus erat de mōte,
sine

Matth. 12

Mat. 11

Matth. 3

Lucæ 3

Marcia

Ioan. 1

Dan. 2. sine manibus, creuit, & factus est magnus & impleuit terram. Eo modo loquendi & Baruch dicit: Facti sumus subtus, & nō supra, hoc est, humiliati sumus, & nō exaltati. In hunc modum Manasses, primo-
 Gen. 48 genitus ipsius Ioseph, dicere potuisset ad Ephraim minorem fratrem suum, quem Iacob ipsi Manassi prætulerat. Qui post me venit, ante me factus est. Confundatur igitur Arrius, qui ex hoc verbo probare conatus est, Christum esse creaturā: quum Euangelista suprà tam manifestè probauerit, Christum secundum diuinā naturam non factum esse, sed semper fuisse, non creaturam, sed creatorem. Verum hoc Arrius noluit videre, sicut nec id, quod statim sequitur: [Prior me erat] Mos enim hæreticorum est, tantum ea decerpere, quæ pro ipsis videntur esse, nō attento quid præcedat, aut sequatur. Sequitur: [Quia prior me erat,] secundum diuinitatem, secundum quam ne dum prior Ioanne erat, sed & antequam Abraham fieret, erat: imò & ante ipsum quoque
 Ioan. 8. Luciferum genitus erat. [Prior, inquit, me erat,] quia apud Deum erat, & Deus erat. Vel: [Prior me erat,] hoc est, ipse est principalis ille, qui mittendus erat, quem omnes pī expectarunt. Ego non sum principalis ille missus, sed tantum minister & testis eius. Hæc igitur summam de testimonio Ioannis perstrinxit, ubi vides, quā pulchrè sibi cor respondeant duo illi testes. Alter præcipuus Euangelistarum, alter maximus prophetarum. Sic igitur duo illi Cherubini mutuò se respiciunt, versis vultibus in
 Exo. 37. 1. Ioan. 2 propitiatorium, hoc est in Christū ipsum, qui est propitiatio pro peccatis nostris.

Et de plenitudine eius omnes accepimus.]

Hic redit Euangelista ad id, unde digressus erat. Dixerat enim: Plenus gratia & veritate. Nunc subdit. [Et de plenitudine eius, &c.] Vbi primò vide, quantam faciat differentiam inter Christum & nos. Ipsi tribuit plenitudinem. Nos autē non plenitudinem, sed de plenitudine eius accepimus. Legitur quidem, Stephanum plenum fuisse fide & fortitudine. Et beatam Virginem plenam fuisse gratiæ, nec tamen ille nec hæc plenitudinem Christi accepit, sed de plenitudine. Potest

autem locus hic primò generaliter intelligi de omnibus creaturis. Quicquid enim visquam est, quod vel subsistit tantum vel sentit, viuit, intelligit, hoc ipsum non aliunde, quā de plenitudine Christi habet. Omnia enim per ipsum facta sunt. Ipse aperit manum suam, & implet omne animal benedictione. Secundò potest intelligi de donis illis quæ communiter & boni & mali habent, qualia sunt sapientia, sciētia, intellectus scripturæ, &c. Omnia, inquam, hæc non aliunde quā ex plenitudine Christi accepimus. Quid enim habes quod non accepisti? Hinc Paulus: Vnicuique data est gratia iuxta mensuram donationis Christi, &c. Et iterum: Diuisiones gratiarum sunt, idem autem spiritus, &c. ad longum. Melius autem est ut hunc locum intelligamus de gratia iustificante. Sicut enim in prima natiuitate de plenitudine Adam omnes accepimus, sic in regeneratione de plenitudine Christi omnes accipimus. Plenitudo autem Adæ fuit peccatum, ira Dei, maledictio, & mors. Et de hac plenitudine eius omnes accepimus. Primò enim omnes in peccatis nascimur. Secundò, omnes nascimur filij iræ. Præterea etiam maledictio obnoxij sumus. Maledicta enim sunt, nō solum quæ nos agimus, sed & quæ in nos aguntur. Maledicta est cordis nostri cogitatio, ratio, os, manus, pedes. Maledicta sunt nobis omnia contingentia, siue læta, siue tristia. Hinc est, quod in lætis intumescimus, in tristibus frangimur, & desperamus. Demum etiam mors & infernus in nos redundarunt. Adam enim portas mortis, sua inobedientia nobis aperuit, inferni ignem suo delicto accendit. En is est thesaurus, hoc est patrimonium, hæc hæreditas, quam nobis prius parens reliquit. Econtra autem plenitudo Christi est, iustitia, gratia, benedictio, & vita. Ex hac plenitudine credentes in ipsum, primò accipimus iustitiam, & remissionem peccatorum. Iustificamur enim gratis per redemptionem, quæ est in Christo, quæ proposuit Deus propitiatorem per fidem in sanguine eius, &c. Deinde ex plenitudine Christi accipimus gratiam & fauorem Dei. Gratificauit enim nos dilecto filio suo. Præterea ex plenitudine eius accipimus benedictionem. Credentibus enim in Christum, omnia

Psa. 144

1. Cor. 4

Ephes. 4
1. Co. 12

Psal. 50

Ephes. 2

Rom. 3

omnia benedicta sunt, nedum prospera, sed & ipsa crux, & quaecunque aduersa.

Quia lex per Moysen gratia & veritas, &c.]

Rom. 8. Diligentibus enim Deum, omnia cooperantur in bonum. Postremo & vitam & plenitudinem eius accipimus. Christus enim bona sua, victoriamque, qua vicit omnia mala, credentibus communicat. In cuius figura vnguentum defluebat à capite, summi sacerdotis in barbam, & vestimentum. Summa, sicut per vnius inobedientiam, peccatores constituti sunt multi: sic per vnius iustitiam, iusti constituuntur multi. Et sicut in Adam omnes moriuntur, sic in Christo omnes viuificabuntur. Obserua hic, quod etiam sanctissimi homines ingenuè fatentur, se omnes de plenitudine Christi accepisse, quemadmodum & olim propheta prädixerat: Haurietis aquas in gaudio, de fontibus saluatoris. Qui igitur nos sumus, qui putamus nihil nobis opus esse Christo!

Et gratiam pro gratia.]

Aliqui exponunt. Accepimus gratiam aeternae beatitudinis pro gratia fidei praesentis, ad quam nos gratis sine vlllo meritum respectu vocauit. Vtrunq; autem scilicet & praesens iustitia, & futura remuneratio, congrue gratia dicitur, quia vtrumque à Deo datur: Gratiam, inquit, & gloriam dabit Dominus. Alij sic: [Gratiam pro gratia] id est, Euangelium pro lege, vtrunq; congrue gratia dicitur, quia gratis data sunt, etiam Moysè teste: Scito, inquit, quod non propter iustitias tuas dedit tibi Dominus terram hanc, &c. Alij sic exponunt: [Gratiam pro gratia,] id est, nouam pro veteri, maiorem pro parua. Habebant & veteres multa singularia dona, vtpote legem, circūcisionem, promissiones, testamentum, templum, sacrificia, adoptionem, &c. Haec autem omnia perfectius nos habemus. Pro lege enim nos habemus spiritum, pro circūcisione carnali, spiritualem, pro testamento veteri, nouum & aeternum, pro templo naturali caelum, pro vitulis & ouibus in sacrificio oblati, ipsam Christum, &c. Simplicissimè autem sic intelligitur. Accepimus gratiam, id est, propterea quod Christo filio suo, cuius nos fratres sumus, & in quem credimus, faueat: Hic, inquit, est filius meus dilectus, &c.

Hac sententia comparationem facit Moysen & Christum, ne quis putet, etiam Moysen ea potuisse praestare, quae Christus praestitit. Comparat autem inter se Moysen & Christum, legem & Euangelium, non tanquam bonum & malum, sed tanquam perfectum & imperfectum. Primò igitur Moysi vnum tantum tribuit, nempe legem: Christo autem duo ascribit, nempe gratiam & veritatem. Deinde Moysi, quod minus est, tribuit, Christo autem, quod maius est. Quauis ipsa lex in se bona sit, tamen si non adsit gratia, nihil sapit, nisi hypocritas, quando enim eam audit ratio simulat & mentitur opus legis, quum interim cor sit alienum à charitate, &c. Deinde lex ipsa tantum ostendit peccatum & iram, ostendit morbum, non autem potest sanare. Praeterea lex tantum figuras habet.

Omnia enim in figura contingebant illis. Per Christum autem gratia facta est, hoc est, reconciliatio, quam nulla lex praestare potest. Maius autem est sanare, quam tantum ostendere morbum. Deinde per Christum & veritas facta est, tum quia nos verè iustos facit, dat enim spiritum, quo lex impletur, tum quia per ipsum promissiones Dei impletæ sunt. Cesset igitur Iudæorum blasphemia, dicentium: Nos scimus, quod Moysi locutus est Deus, hunc autem nescimus unde sit. Et nos enim recipimus Moysen, sed longè illi praeferrimus Christum. Moyses enim tantummodo legem dedit, Christus autem gratiam & veritatem. Imò ne Moyses quidem author legis fuit, sed tantum minister. Christus autem author est gratiae & veritatis, non tantum minister. Ideo Ioannes signanter dicit: Per Moysen non facta, sed data est lex. Gratia autem & veritas per Christum non tantum data, sed & facta est.

Deum nemo vidit vnquam: Vnigenitus, &c.]

Rationem ponit, quare Moyses non potuerit, quod potuit Christus. Quia, inquit, nec Moyses, nec quisquam alius vnquam Deum vidit, tantum abest ut Deus fuerit, Christus autem nedum Deum

C vidit

- vidit, sed & Deus est, & in sinu Patris, id est, in ipsius gratia semper mansit, alij omnes de sinu Patris ceciderunt. Ideo de ipso dicitur: Speciosus forma prae filiis hominum, &c. Quod autem dicit: [Deum nemo vidit unquam,] communiter intelligitur de diuina essentia, quam nemo videre potest oculis corporeis. Quod autem alij dicuntur Deum vidisse, ut Iacob: Vidi Dominum facie ad faciem. Et Esaias: Vidi Dominum sedentem, &c. hoc est, aut per imaginariam visionem, aut in aliquo typo vel specie. Stat enim sententia: Non videbit me homo & viuet. Melius autem intelligitur de voluntate Dei erga nos, quam nemo unquam cognouit aut vidit, nisi per Christum & in verbo Dei. Voluntas autem Dei est saluare: Non, inquit, est voluntatis meae, ut moriatur impius, sed ut conuertatur, & viuat. Hoc autem ex lege non discimus, quae Deum non aliter proponit, quam iudicem: Unigenitus autem Filius, nobis manifestauit hanc Patris voluntatem. Hinc dicit: Pater, manifestauit nomen tuum hominibus, &c. Item, Voluntas Dei est, per crucem ducere ad gloriam. Quis autem hoc unquam credidisset? Filius igitur enarrauit nobis. Sicut enim ipsum per crucem ad gloriam subuexit, sic & nos subuecturus est. Christus igitur est ipsissima facies Dei, & imago, qua perfectissime cognoscitur homo. Qui igitur Christum vel verbum Dei fide arripit, is verè Deum, Deique voluntatem cognoscit. Hinc Ioannes, Scimus quoniam Filius Dei venit in mundum, & dedit nobis sensum, ut cognoscamus Deum. Et Ioannes 14 Christus ipse, Qui videt me, videt & Patrem meum.

Et hoc est testimonium Ioannis, &c.]

Hic tandem ad plenum describit testimonium Ioannis de Christo, idque quam potest diligentissime. Non solum enim indicat quid de Christo dixerit, sed & coram quibus ea dixerit, quando, & ubi, vel quo in loco. Multum enim attinet ad rem, scire tempus & causam. Hinc enim dignosci potest, utrum ex hominibus, an de caelo sit testimonium eius, id est, ea quae de Christo testatus est, utrum ex coniectura humana, an ex spiritu prophetico habuerit. Deinde cum alij Euangelistae ut plurimum ea tantum descripserint, quae Ioannes co-

ram populo & dixit & fecit, hic noster Euangelista, tanquam maius aliquid dicturus, illud testimonium producit, quod coram doctis & potentibus Ioannes Christo dedit. Maius enim est, veritatem coram magnatibus confiteri, quam solum coram plebe. Nam saepe videmus vsu venire, quod coram magnatibus quidam negant ea, quae constanter coram populo affirmauerant. Ioannes autem hic nedum coram plebe, sed & coram magnatibus, nedum semel, sed & subinde interrogatus, veritatem constanter confessus est.

Quando miserunt Iudaei ab Hierosolymis, &c.]

Non statim ab initio legatos miserunt ad Ioannem, sed cum iam fama eius per totam Iudaeam diuulgata esset, omnesque iam scirent, insignem quendam hominem in deserto apparuisse, qui manifestè diceret Christum breui assuturum, tunc miserunt legatos, iam enim oriebatur dissidium in fide. Pars siquidem Pharisaeis, pars Ioanni Baptistae, pars Christo adhaerebant. Et vulgus partim in veteri (sic enim vocant) & maiorum suorum fide perdurare volebant, partim nouae fidei (sola enim insperata & incognita, noua putari, ut maxime vetustissima sint) sese addicebant. Itaque cogebatur à summis Iudaicae religionis concilium, ut de rebus fidei dispicerent, & certò statuerent, quid credendum, quid non credendum esset. Atque in hoc summe commendandi fuissent, si nihil aliud quam veritatem quaesissent. Nihil enim commendabilius est in pastore, quam si vndique regi prospiciat. Nihilque in eodem damnable, quam si tantum seipsum pascat, nihil de salute ouium sollicitus. Imò in hoc facto etiam Christianae Reipublicae praesidibus in exemplum ponendi essent, si intentio mala non fuisset. Verum exitus acta probabit. Videbis enim eos sub hoc praetextu boni non ipsam veritatem, nec populi salutem, sed tantum sua quaesuisse. Haec est enim carnis natura, quod semper suis affectibus & cupiditatibus, bonam aliquam speciem praefert, atque in hunc modum occultatur daemonium illud meridianum. Sic igitur & Iudaeorum Primates, magnifice omnia in specie faciunt. Primo enim concilia congregant, idque in Metro-

Metropolitana ciuitate. Deinde etiam so-
lennes legatos mittunt, vt facilius & po-
pulo, & ipsi Ioanni persuaderent, se nihil
aliud, quam veritatem quætere. Sciebant
tempus aduentus Messiae adesse, propte-
rea, quod sceptrum à Iuda ablatum erat,
& quod Danielis hebdomadae iam com-
pletæ erant, vel in proximo compleretur.
Quamuis autem duo præ manibus es-
sent, Ioannes scilicet & Christus, inter
quos alterum coniciebant esse illum
Messiam, per prophetas promissum. Ma-
lebant tamen Ioanni Messiae honorem
deferre, quam Christo. Ideo non ad Chri-
stum, sed ad Ioannem nuntios mittunt.
Primo enim Iudicio propriæ rationis æ-
stimabant Ioannem digniorem hoc ho-
nore. Eius enim natiuitas apud Iudæos
celebriserat, nobilitate generis commen-
dabatur, sanctitate vitæ, nouitate victus,
solitudine, vestimentis, baptismo, discipu-
lorum frequentia, plebis animos in sui
admirationem prouocarat. Sic caro sem-
per eos tantum suscipit, veneratur, & ho-
nore dignos arbitratur, qui externa ali-
qua re conspicui sunt, vt pote generis no-
bilitate, diuitijs, fauore hominum, vel et-
iam externa sanctitate, etiam si re ipsa
sint indignissimi. Sic ad honores subue-
huntur, qui nobilitate, potentia, diuitijs
pollent, etiam si sint stupidissimi & Mo-
richo stultiores. Deinde ideo ad Ioannem
mittunt, non ad Christum, quia offende-
bat eos humilitas Christi. Indignum ius-
dicabant tanto honore, qui tam pauper
esset: turpeque ipsis videbatur, tam hu-
miliem habere Messiam. Ecce hoc est inge-
nium mundi, semper horret crucem, pu-
det eum humilitatis, & paupertatis: inde-
corum putat cum eis conuersari, qui cru-
ce premuntur, etiam si sint sanctissimi, vt
patet de diuite & Lazaro. Denique om-
ni honore indignos arbitratur, qui pau-
peres & humiles sunt, etiam si sint doctis-
simi. Non igitur abs re Christus dixit:
Beatus, qui non fuerit scandalizatus in
me. Præterea etiam suis commodis pro-
spiciebant in eo, quod ad Ioannem mit-
tunt nuntios. Videbant Christum iam
dissimilem & contrarium operibus eo-
rum, iamque timere incipiebant, ne Chri-
stus inclementius inueheretur in super-
biam & auaritiam eorum: hoc enim vel
maximè (teste Sapiente) eos in Christo

offendit. Contrarius, inquit, est operi-
bus nostris, factus est nobis in traductio-
nem cogitationum nostrarum, &c. Ideo
Ioanni eum honorem deferunt, speran-
tes futurum, vt Ioannes, etiam si Christus
non esset, tamen nomen tam honorifi-
cum vltro delatum agnosceret, sicque in
eorum potestate esset, vt qui ipso delat-
tione tantum honorem adeptus, ne his-
cere contra eos auderet. Iam enim Chri-
stum ad suas cupiditates attemperare
volebant, imò tale volebant habere Chri-
stum, qui ipsis deuinctus esset, vt timore
etiam territus, non loqueretur, nisi placis-
ta ipsis. En hoc est, quod sub specie il-
la bona quærebant. Non tamen est,
quod ipsis ob hoc succenseamus. Omnes
enim nos similiter affecti sumus. Eos e-
nim cupimus prælatos, rectores, prædi-
catores, qui nostris affectibus accommo-
di videntur. Nec, si in potestate nostra es-
set, quenquam pateremur, qui oblisteret
affectibus nostris, imò ne Deum quidē.
Sic nos præterquam neglecto Christo, cum
eius verbum nobis contrarium est, Io-
annem quærimus, hoc est, alium quem-
piam, à quo mitiora speramus, qui onere
legis nos liberet, & carnaliter securos fa-
ciat, &c. Demum ad Ioannem mittunt,
non amore Ioannis (nam & ipsum vide-
bant contrarium suis affectibus) sed odio
& inuidia Christi, vt si hunc honorem Io-
annes agnosceret, haberent iustam occasio-
nem in Christum seuiendi, & doctrinam
eius damnandi. Hinc ipse Christus dicit:
Vos misistis ad Ioannem, & voluistis ad
tempus exultare in luce eius, id est, obtu-
listis ei honorem Messiae, & voluistis eo
interim abuti donec opprimeretis me,
&c. Huc pertinet, quod Christus de se ip-
so sub parabola nobilis cuiusdam, qui pe-
regre profectus, regnum quoddam sibi
subiungere volebat. Ciues, inquit, eius ode-
rant eum, & legationem miserunt, dicen-
tes: Nolumus hunc regnare super nos,
&c. Ex his igitur satis patere mundi inge-
nium arbitror.

Et confessus est, & non negauit, &c. I

Hoc est, non retractauit testimonium
ante à Christo datum, sed ingenuè rursus
Christo suam auctoritatem asseruit.
Item confessus est, se non esse, quod non
erat, & non negauit, se esse quod erat.

C ij

Con

De nobis Laurentia

Ioan. 54

Luc. 194

Contrarium faciunt impij, qui negant se esse, quod sunt, hoc est, nolunt videri peccatores, & fatentur, sibi que ipsis asserunt, quod non sunt, hoc est, simulant se sanctos. Affirmatiue autem dixit: [Confessus est,] cum apertius dicere potuerit: Negauit se esse Christum. Sed hoc significantius est, quia volebant Pharisei, ut totam prædicationem retractaret. Ideo ait. [Confessus est,] hoc est, constanter confessus est verbum suum. Præterea eandem sententiam tertio repetit: [Confessus est, Non negauit, Confessus est.] Hoc autem ideo fecit. Primo, ut inculcet & exprobet Iudæis incredulis suam impietatem, qui omnes Ioannem velut virum Dei sanctum suscipiebant, noluerint tamen ei credere, de Christo testimonium ferenti. Secundo, ut pios Iudæos in fide Christi contineat, nihil deterritos Phariseorum persecutione, qua Christum persecuti sunt: quasi dicat, Sciant illi quantumque velint, vobis satis sit, quod Ioannes ille Baptista, quem suo ipsorum testimonio tanquam prophetam venerabantur, clarissime testatus est hunc esse verum Messiam. Tertio, per hoc nobis voluit insigne Ioannis constantiam ob oculos ponere. Fortem enim & inuictum animum habeat necesse est, qui fauorem & odium hominum æquè cõtemnit, quiq; nec promissis nec minis, à veritate abducitur. Quis est hic, & laudabimus eum? Rara est huiusmodi constantia. Atqui Ioannes poterat vno verbo omnium potentium fauorem mereri, & magna vitare pericula. Nihilominus tamen in veritate persistit, quanuis non ignorabat, rem hanc non solum sibi authoritatis hactenus possessæ iacturam, sed etiam grauem apud Iudæos inuidiam allaturam. Iustissime igitur Christus testatur, ipsum non fuisse arundinem, quæ omni vento moueretur.

Doctrina Hinc igitur discamus, etiam nos potius ducere veritatem & fidem, quam fauorem & odium hominum. Hoc enim Christus ipse voluit, cum regnum cælorum thesauro comparat, qui merito omnibus diuenditis comparandus sit, &c. Qui enim dubitat propter regnum cælorum externa contemnere, vel qui fauorem aut odium hominum plus ponderat, quam fidem & veritatem, is nondum verè Christianus est. Qui enim amat patrem aut

matrem plus quam me, non est me dignus: Et qui non renunciat omnibus quæ habet, non potest meus esse discipulus, ait Christus. Deinde ex hac Ioannis in asserenda veritate constantia discamus, & nos constantiam seruare in verbis nostris. Sic enim Christus docet: Sit sermo verus, Est est, Non non. Nihil enim magis animi leuitatem indicat, quam inconstantia verborum. Hinc Paulus hoc nomine potissimum gloriatur, quod prædicatio sua non fuerit Est & Non, hoc est, inconstans, quemadmodum eorum prædicatio est, qui aliud coram populo, aliud coram potestate, aliud in publico, aliud in priuato docent.

Non sum ego Christus.]

Quasi dicat, Non sum ego lux, sed nuncius lucis mox exorituræ. Non sum ego medicus, qui sanare possit, sed tantum ostendo morbum. Non sum ego sponsus, sed præcursor sponsi. Non sum ego verbum, sed vox verbi. Hic igitur vides, quod Ioannes integri & fidelis famuli sumus est officio. Nam domini sui gloriam, nec Iudæis ultro deferentibus, sibi usurpare volebat, nec illum fraudare sua. Aequè enim detestandum est in Christiano, si vel Deum fraudet sua gloria, vel sibi ipsi ascribat, quod Dei est. Suspensio adiudicatur, qui rem alienam inuito domino contrectat. Quam igitur penam nos meremur, qui non contenti sumus, quod Deum subinde sua fraudamus gloria, & nobis eam usurpamus, sed etiam palam eum blasphemamus?

Helias es tu? Et dixit, Non.]

In Malachia promissum fuit, Heliam prophetam venturum ante Domini aduentum. Verum cum locum (ut & cæt.) Iudæi carnaliter tantum intelligebant, ideo quærun de Helia Hhesbite, quem scriptura tradit in curru igneo raptum. Proinde etiam Ioannes, sermonem suum ad eorum intellectum attemperans, respondet, se non esse Heliam Thesbitem, cum alioqui Ioannes verè sit ille Helias, de quo Malachias dixit, Sic enim & Christus de ipso dicit: Si vultis recipere, ipse est Helias, qui venturus erat, id est, qui venturus à Malachia prædictus est. Item in alio loco: Dico vobis, Heliam iam

Luc. 14o

Doctrina

Mat. 5o

2. Cor. 1

Mala. 4

4. Re. 2o

Mat. 11o

vea

Mat. 11.

Mat. 13.

Mat. 10.

Mat. 17. venisse, & non agnouerunt eum. Ideo au-
 Luc. 1. tem Ioānes & à Malachia & à Christo di-
 citur Helias, quia in spiritu & virtute He-
 liae praecessit Christum, hoc est, eodem
 spiritu, eadem virtute ministerium suum
 impleuit. In vtroque enim spiritus san-
 ctus opera efficacissima fecit, vtriusque
 Eccl. 48. verbum tanquam ignis & facula arde-
 bat. Ambo in deserto erant, ambo zela-
 bant gloriam Dei, & animarum salutem,
 ambo insultabant regibus, ambo perse-
 cutionem passi sunt propter iustitiam.
 Ioannes igitur, etsi nō in persona, tamen
 in spiritu & virtute erat Helias. Hoc au-
 tem non aperte Iudaeis indicauit. Non
 enim erant digni, qui mysterium hoc dis-
 cerent, eo quod maligno animo haec scis-
 citabantur. Superbis enim & arrogantibus,
 & sua quaerentibus, occultantur my-
 steria Dei, humilibus autem patent. Ab-
 Mat. 11. scondisti, inquit, haec à sapientibus & pru-
 dentibus, & reuelasti ea paruulis.

Propheta es tu? Et respondit, Non.]

Non videtur quaestio haec facta de
 Deut. 18. propheta illo, quem Moyses praedixit
 suscitandum post se. Is enim propheta
 non aliu erat, quam Christus, de quo
 ante quaesierant. Simpliciter igitur quae-
 runt, an sit propheta quispiam, quales
 fuerunt Esaias, Hieremias, & caeteri. Ne-
 gat autem Ioannes, se esse prophetam:
 quia aliud erat prophetarum, aliud Ioan-
 nis officium: Prophetarum ad vetus testa-
 2. Pet. 1. mentum pertinent, Ioannes autem ad no-
 tum. Omnes enim prophetae & lex usque
 ad Ioannem, &c. Deinde prophetarum
 officium erat, verbum Domini, ante
 quam caro fieret, carnem assumpturum
 esse, dictis & factis praesignare, & praefigu-
 rare. Ioannes autem non in vmbra futu-
 rorum, sed in veritate erat praesentium:
 neque praese ferebat propheticum sermo-
 nem, cui attendendum esset, tanquam lu-
 cernae lucenti in caliginoso loco sed digi-
 to praetento monstrabat verum Solem
 exortum. Idcirco & Christus eum nomi-

Mat. 11. nauit plus quam prophetam. Sic igitur
 Ioannes tria de se negauit. Primo nobili-
 tatem potestatis & dignitatis, cum dicit:
 [Non sum Christus.] Secundo magnitu-
 dinem virtutis & sanctitatis, cum dicit:
 [Non sum Helias.] Tercio, excellentiam
 sapientiae, & illuminationis, cum dicit:

[Non sum propheta.] Verè igitur dicere
 potuit: Dñe, nō est exaltatum cor meū,
 neque elati sunt oculi mei, &c. Sic enim &
 Hier. 94. Hieremias docet: Non gloriatur sapiens
 in sapientia sua, nec fortis in fortitudine
 sua, &c. Sed in hoc gloriatur quod gloriatur,
 scire, & nosse me, &c. Sic Ioānes fecit. Vult
 em dicere, Quid est, quod à me excellēs &
 praeclarū quaeritis? En habetis Christū,
 qui solus omnia est, praeter quo ego nihil
 sum, ne propheta quidem, si cum ipso
 conferar.

*Quis ergo es? Ut responsum demus his,
 qui miserunt nos.]*

Hic tandem produnt indignabunda
 quaestione simulationem suam, hypocris-
 ticam, & quasi minas admiscunt, cum ob
 hoc vel maxime ipsum laudare debuiss-
 sent, quod Domini gloriam sibi ipsi non
 ascriberet. Verum, ut supra dixi, aliud
 querebant, & Ioannem vel blanditijs,
 vel minis ad sibi assentiendum inducere
 conabantur: Ipse autem nihil motus, sim-
 pliciter veritatem fatetur.

Ego, inquit, vox clamantis.]

Singula autem verba emphasim suam
 habent. Primo enim Vocem se nominat:
 quia sicut vox verbum praecedat, sic Io-
 annes Christum praecessit. Praeibis, in-
 quit, ante faciem Domini. Deinde sicut
 vox verbum declarat, sic Ioannes Chris-
 tum. Ecce, inquit, agnus, &c. Praeterea
 sicut vox deficit, verbum autem audiu-
 tum proficit, sic Ioannes dicit: Illum op-
 portet crescere, me autem minui. Postre-
 mo, sicut vox inutilis est absque verbo,
 sic inutilis erat praedicatio Ioannis sine
 Christo. Non simpliciter autem dicit: [Ego
 vox sum,] sed addit: [Ego vox clamantis,]
 quod aliqui sic intelligunt. Quasi dicat,
 Non mea vox sum, sed eius, qui clamat,
 hoc est, Christi. Christus enim tripliciter
 clamauit. Primo, intentione deuotionis.
 Iuxta illud. In diebus carnis suae, preces
 & supplicationes Deo cum clamore va-
 lido & lachrymis obtulit, &c. Secundo
 clamauit instantia praedicationis. Sicut
 in psalmo dicit. Laboravi clamans, rau-

Psa. 116

Hier. 94

Luc. 11

Ioan. 3

Hebr. 5

Psal. 68

- Ioan. 7.** Ioannes vox erat. Melius autem intelligitur, ut idem sit vox clamantis, id est, vox clamans. Sic enim Hebraei frequenter loquuntur, ut: filius perditionis, hoc est, filius perditus. Vocem igitur clamantem se dicit Ioannes, ad confusionem illorum, qui cum pastores & Episcopos se iactent, nihil tamen aliud interim, quam otium quaerunt: Canes muti sunt, non valentes latrare, cum eorum officium potissimum sit, Euangelium annuntiare. Sic enim Apostolis dictum est: Euntes praedicare Euangelium omni creaturae. Signanter autem addit: [In deserto.] Ad literam enim in deserto praedicabat. Deinde in Iudaea deserta, vel in proximo deserenda. Vel: [In deserto,] hoc est, mundo, qui verè desertum quoddam est inuium & inaquosum, in quo reptilia sunt, & animalia multa, pauci autem homines rationem sequentes. Allegoricè autem in deserto Ioannes clamat, hoc est, in cordibus eorum, qui verè sentiunt se desertos ab omnibus, in nulla re temporali confidunt, sed à solo Deo pendent: hi enim soli fructuosè audiunt Ioannem. Itaque qui lætum illud nuncium audire velit, & dignus effici euangelica gratia, is exeat ex urbibus, in quibus sunt opes, diuitiae, &c. Exeat etiam Hierosolymam, in qua erat templum, hoc est, nec in externis rebus, nec in sua iustitia confidat, sed prorsus in desertum secedat, clamans cum Daniele: Peccauimus, iniuste egimus, &c. Tibi Domine iustitia, nobis autem confusio faciei nostrae, &c. Et infra: Non enim in iustificationibus nostris prosternimus preces nostras coram te, sed in miserationibus tuis multis. Præterea subdit, ac clariùs seipsum exponit, dicens: [Parate viam Domini] hoc est, apparate, complanate, impedimenta remouete. In viam nanque est Dominus, viam vitæ præsens ingressus est, ad grande opus proficiscitur. Ecce enim tanquam sponsus processit de thalamo suo, exiit ut gygas ad currendam viam, à summo caelo egressus eius, &c. Nolite igitur consistere, nolite offendicula ponere. Nam super quæ ceciderit lapis hic, comminuet eum. Væ enim illis, quorum scelere in mortem cecidit. Deinde: [Parate viam Domini] hoc est, recipite aduenientem Christum, date locum Spiritui sancto. Resipiscite, & agnoscite peccata. Rectas facite semitas, id est, abijcite peccata, implete legem, facite fructus dignos poenitentiae. In hunc modum Ioannes viam Domini non parat, quia quanto plus ad resipiscentiam & impletionem mandatorum nos hortatur, tanto magis ad Christum nos compellit, sine quo nec resipiscencia fieri, nec lex impleri potest. Tale igitur erat officium Ioannis, quale in libro Genesis legitur, quod cum Ioseph à Pharaone exaltatus circumdiceretur, prece clamabat, ut omnes coram eo genu flecterent, & praepositum scirent vniuersae terrae Aegypti. Signanter autem dicit: [Parate vias Domini,] non vestras. In Esaiâ enim dicit Dominus. Non sunt viæ meae, viæ vestrae, &c. Viæ enim hominū sunt ambitio, hypocrisis, externum opus sine fide, non sunt hæc viæ, quibus Dominus ad nos venit, sed fides, spes, charitas. Postremò ne videatur propria auctoritate hoc munus sumpsisse, citat Esaiam. [Ego, inquit, vox clamantis, &c.] sicut dixit Esaias Propheta. Quasi dicat, reseruoluite caput quadragesimum Esaiæ, illic videbitis, qui sum, & quod, aut unde sit officium meum. Non autem abs re illic nos remittit. Primò enim manifestis verbis propheta in eodem loco prædicit futurum, ut ante Christi aduentum vox clamans in deserto audiretur. Deinde ne quis putet vanam aliquam vocem, aut insanum clamorem audiendum, non obscurè indicat, eandem vocem ad hoc ordinandam, ut Domino paretur via, ut omnis mons & collis humilietur, & praua fiant directa. Postremò etiam idem propheta ostendit, quid ea vox clamare debeat. Primò enim iubetur clamare, omnis caro scenu, & omnis gloria eius quasi flos sceni. Exiccatum est scenum, & decidit flos, verbum autem Domini manet in æternum. Secundò iubetur ascendere in montem, & dicere: Ecce Deus vester. Ecce Dominus Deus in fortitudine veniet, & brachium eius dominabitur, ecce merces eius cum eo, & opus eius coram illo. Atque hæc duo omnium maximè Ioannes clamauit. Primò enim docuit, omnia, quibus confidunt homines, nihil aliud esse, quam scenum, hoc est, vanitatem, solum autem verbum Dei, solidum esse fundamentum.

damentū. Deinde annuntiavit Christum propediem appariturum.

Et qui missi fuerant, erant ex Pharisæis.]

Quamuis suprà satis dixerit, cuius conditionis fuerint missi illi, hic tamē clari⁹ describit, nec sine causa. Primò enim hoc verbo indicat, insignem eorum obstinationem, quasi dicat: Quotquot hæcenus audierunt Ioannem clamantem, moti sunt ad poenitentiam, etiam publicani & milites, indeuotum alioqui hominum genus. Hi autē, cum essent ex Pharisæis, hoc est, sanctissima Iudæorum secta, Ioannemque audissent coram positum clamantem, nihil tamen moti sunt. Sic verè nullum hominū genus est, quod minus moueatur verbo Dei, quàm hi, qui in sua iustitia confidunt. Quicquid enim audiunt de poenitentia, non putant ad se pertinere. Sunt enim ipsi è numero nonagintanouem iustorum, qui non egent poenitentia. Hinc est, quòd Christus eandem obstinationem eis identidem exprobrat. Si, inquit, in Tyro factæ fuissent virtutes, quæ in vobis factæ sunt, olim poenitentiam egissent. Et iterum: Publicani & peccatores, præcedent vos in regno cælorum. Deinde hoc verbo insignem eorum cæcitatem indicat, quasi dicat: Quanquam præ se ferret perfectam scripturæ scientiam, nondum tamen intelligebant responsum Ioannis, cum tamen expressis verbis dixisset, quis esset, à quo missus esset, cuiusque autoritate faceret quod faciebat. Nemo enim tam doctus est, qui non plurima ignoret. Imò nemo minus verum scripturæ sensum capit, quàm qui superbè scripturarum notitiam sibi vendicat. Quem docebit scientiam, ait propheta: Et statim respondet: ablactatos à lacte, auulsos ab vberib⁹, &c. Quòd autem non intellexerint responsum Ioannis, patet ex eo, quod sublecerunt:

Quid ergo baptizas, si tu non es Christus?]

Quasi dicat, Cum nihil præterquam euanida vox sis, & neque Christus, neque Helias, neque propheta quispiam, quis igitur tibi autoritatē dedit noua quædam docendi, veteresque ritus innouandi? Scimus Messia omnia innouaturum:

scimus & prophetis, vtpote autoritate Dei præditis, aliqua licuisse, quæ alijs non licent: tibi autem nihil horum permissum est, cum etiam te teste, non sis propheta. Hoc igitur verbo iam incipiūt territare eum, quasi aliquid innouare aut sum sine autoritate superiorum. Et profecto nisi Ioannes fuisset, hoc est, gratia Dei plenus & confirmatus, non mirum, si hoc ictu concidisset. Verum quemadmodum & suprà ore laudantium, sic & nunc ore terrentium & comminantium, probatus fuit vt verum aurum. Deinde hoc verbo calumniam ei struunt, quasi conaretur baptismo suo peccata abluere. [Quid, inquiunt, baptizas?] Quid homines vana spe lactas: cum non possis verè homines mundare. Nam id solius Dei est. Tu autem ne propheta quidem es. Præterea Deus est, qui solus abluere potest. Sic enim dicit: Ego effundam super vos aquam mundam, & mundabimini ab omnibus inquinamentis, &c. Item: Effundam aquas super sitientem. Et iterum: Exit fons patēs domui Iuda, in ablutionem peccatoris & menstruatae. Ecclesi. 27. Esai. 44. Zach. 13.

Ego baptizo in aqua.]

Modestissimè respondit, nihil motus iniuria. Non autem dicit, quis ei autoritatem dederit. Nam hoc ex Esaiâ satis indicauerat: sed tantum exponit baptismum suum, ne quis in eo confideret, & Christum contemneret. [Ego, inquit, baptizo in aqua, hoc est, exterius lauo corpora, non intus purgo à culpa. Ego baptizo in poenitentiam, vt mortificemini, & cognoscatis vos ablutione indigere: Non autem remitto peccata: sed sicut prædicatio mea perfecta non est, sed tantum præparatoria, sic baptismus meus tantum indicat futurum quæpiam, qui vt ego baptizo aqua, baptizabit in spiritu sancto. Et quid opus multis: ego tantum, quod minimum est, in baptismo præsto, nempe aquam. Nam tria ad baptismum perfectum pertinet. Tres enim sunt, qui testimonium dant in terra: spiritus, aqua, & sanguis. Inter hæc autem aqua minimum est. Ioannes autem non potuit dare Spiritum sanctum, quia Iesus nondum erat glorificatus. Sed nec potuit dare sanguinem, quia sanguis Christi nondum erat effusus: Hinc in Actis dicitur: Ioannes Ioan. 7. Act. 2.

C iij baptiz

A^{do.} 19 baptizauit aqua, vos autem baptizabimini Spiritu sancto. Hinc Paulus baptizatos baptismo Ioannis, iterum baptizauit. Atque hic vides, quæ sit differentia inter baptismum Ioannis & Christi, Ioannis baptisma tantum aquam habet, nostrum autem baptisma, quod & Christi est, habet aquam, deinde & sanguinem hoc est, meritum & passionem Christi. Præterea & Spiritum sanctum habet, ideo à peccatis mundare potest. Vel aliter: [Ego baptizo aqua,] hoc est, & doctrina mea, & baptismus tantum ad mortificationem, quæ per aquam significatur, spectant. Christus autem baptizat in Spiritu sancto: nam eius & doctrina & baptismus verè viuificant.

Medius autem vestrum stetit.]

Verè in medio stetit: quia secundum diuinitatem omnibus præsens est. Secundò, quia medius est inter Deum & nos, nempe, mediator Dei & hominum, &c. **1. Tim. 2** Tertio medius: quia omnibus, & propè & à longè positus, se exhibet ad vsum, quemadmodum lignum vitæ olim in paradisi medio positum fuisse dicitur. **Gene. 2** Simplicissimè autem intelligendo, [Medius vestrum stetit] id est, inter vos apparere, conuersari, & viuere dignatus est. Vel: [Medius vestrum,] id est, inter vos planè contemptus, ac ignotus viuit. Nam nihil magni præ se fert, sed per omnia fratribus similis factus est, absque tamè peccato. **Hebr. 4** Hoc igitur verbo, omnè & Judæis & nobis, excusationem eripuit. Nemo dicere potest: quis ascendet in cælum, vt ad eum perueniat, &c. En medius, inquit, vestrum stat. Et, propè est verbum in ore & corde tuo. Nec quisquam dicere potest: Non audeo tantus peccator ad eum accedere. En medius nostrum stat: omnino se ad humilitatem nostrā inclinauit, ne quis vereatur accedere. Non igitur est, quod **Esaï. 3** dicas, quis potest habitare cum igne deuorante, &c. En frater tuus effectus est.

Quem vos nescitis.]

Si in medio stetit, quomodo eum nō viderunt: quia tantū quæ in speciem magna erant, attendebant. Ideo Christum nulla externa specie fulgentem, non videbant. Sic nos tantum magnifica spectamus, interim Christum in pauperi-

bus suis non videmus. Atqui illorum eccitas magis veniam meretur, quàm nostra. Non enim mirum, quod non videbant Christum, qui adhuc paruus tantum lapis erat. Iam autem creuit, & factus est mons magnus, & impleuit totam terram. Insigniter igitur cæcus sit oportet, qui eum nunc non videt.

Dan. 2

Ipsa est, qui post me venturus est.]

Hæc suprà exposita sunt. Vide ibidem. Post Ioannem venit Christus: quia post eum & conceptus & natus est, post eum etiam cœpit prædicare, &c. Itē post eum venit, quia omnibus humilibus humilior fuit. Vidimus, inquit, eum nouissimum virorum. Hinc & seipsum vocat minorem in regno cælorum. Qui, inquit **Esaï. 53** minor est in regno cælorum, maior est **Matt. 11** Ioanne: hoc est, ego qui minor Ioanne reputor, longè maior eo sum. Ante Ioannē autē factus est, hoc est, ipsi præpositus æternitate, quia in principio erat verbū. Dignitate, quia verbū erat apud Deum. **Ioan. 14** Gratiae causalitate, quia etiā Deus erat, cuius est gratiam dare.

Cuius non sum dignus vt soluam corrigiam.]

Alij Euangelistæ habent: Non sum dignus calciamenta eius portare, quod sic exponunt: Calciamentum Christi, est eius incarnatio. Cupiebat autem Ioānes hæc calciamenta portare, hoc est, Christi incarnationem & passionem, quantum uis coram mundo cōtemptam, vnā cum Apostolis per vniuersum mundum portare & annuntiare, sed non tam diu viuturus erat, Ideo dicit: [Non sum dignus calciamenta eius portare,] hoc est, cum Apostolis mysteriū incarnationis, & resurrectionis gloriam annuntiare. Allegoricè Ioannes non fatetur se dignum, vt Christi calciamentum soluat, hoc est, vt sponsam Christo debitam ducat. **Deu. 25** Mos enim erat in lege, vt qui sponsam iure propinquitatis sibi debitam alteri cederet, calciamentum solueret. Subindicat igitur Ioannes, se omnibus modis indignum esse, cui Christus sponsam suam cedere debeat. Simplicissimè autem intelligi potest. [Nō sum dignus, &c.] Hoc est, vt vilissimi mancipij obsequiū ei præstet. Hoc

Gene. 2. Hoc autem verbo primò confitetur diuinitatem Christi: quia si Christus tantum homo fuisset certè Ioannes fuisset dignus ei calceamentum soluere. Nam homo dignus est, vt homini seruiat: quia ad mutua ministeria conditi sumus. Deinde omnem gloriam operum nostrorum, hoc verbo damnat. Si enim Ioannes indignum se fatetur, quid tu gloriaris de meritis tuis? Mera igitur gratia, mera misericordia est, accepisse vt seruias.

Hac in Bethania facta sunt, &c.]

Hic nominat locum, vt fortius fiat testimonium Ioannis. Deinde iterum damnat Iudaeorum impietatem, vt qui tam propè habebant Ioannem, nihil tamen consilij ab eo quærebant. Cæterum, quod nos Bethaniam, alij Bethabaram legunt.

Altera die vidit Ioannes Iesum.]

Ex hoc textu primò videmus, quod Ioannes non semel tantum Christo testimonium dedit, sed sæpe: & ob eam causam etiam Christus, sæpe eum adiit, vt illi præberet occasionem clarius de se testificandi. Deinde hic videmus, quonam modo Deus fidem & deuotionem suorum remuneret. Prædicauerat Ioannes breui affuturum Messiam, nondum tamen eum cognoscebat, sed indies eum expectabat, vndique circumspectans, si quo modo eum videre posset. Cum ergo sic staret in excelsis speculator ille, omni mundo sublimior, desiderio vulneratus, & cælum pulsans gemitibus, salutem suam videre sistens, vt eam & viuus ostenderet, & mortuis annuntiaret: vidit Iesum venientem ad se. Sic enim Deus deuotionem suorum, per sui manifestationem remunerat, quem admodum infra dicit: Qui diligit me, diligetur à Patre meo, & ego diligam eum, & manifestabo ei meipsum. Magnum autem præmium est, videre Deum. Sic Iacob à fratre suo è paterna domo fugatus, visione nocturna Dei exhilaratus est.

Ioan. 14. Idem cum rediret è Mesopotamia, angelica visitatione consolatus: Vidi, inquit,

Gene. 32. Dominum, & salua facta est anima mea.

Iob. 42. Sic Iob post multas tribulationes, viso Domino, cõualuit. Auditum, inquit, auris audiui te: nunc autem & oculus meus videt te. Sic Simeon viso Domino, ne viuere quidem amplius in hoc seculo cupiebat: Nunc dimittis, inquit, Domine ser-

Lucæ. 2. bat: Nunc dimittis, inquit, Domine ser-

uum tuum, &c. Eodem modo & Ioannes vidit Iesum, non secundum formam hominis tantum, sed secundum eam formam, qua speciosus est præ filiis hominum. Vidit eam speciem & pulchritudinem Christi, de qua David: Specie tua & pulchritudine intende prospere, procede & regna. Vidit denique illam, qua protestatus fuerat per eum factam esse gratiam & veritatem. Præterea hic videmus, quomodo & quo ordine Christus se suis manifestet. Venerat Christus & antea ad Ioannem, cum scilicet adhuc vtero matris concluderetur vterque, verum tunc non vidit eum Ioannes, sed tantum ex auditu cognouit. Vt enim facta est vox saluationis tuæ, ait Elisabet, in auribus meis, exultauit infans in vtero meo. Altera autem die, hoc est, subsequenti tempore, ne dum audiuit, sed & vidit eum. Sic quamdiu prima hæc dies durat, non videmus Deum, sed tantum audimus. Ambulamus enim per fidem, non per speciem. Cum autem superuenerit altera dies, nempe dies resurrectionis, tunc videbimus eum, sicuti est. Si igitur cupis in futuro tempore videre Iesum, iam nunc hoc die, id est, hoc præsentis tempore eum audi, & cum Ioanne exulta in verbo eius.

Demum hic videmus, quantam prærogatiuam nos nunc habeamus præ veteribus. Prima siquidem die, hoc est, tempore veteris testamenti, saluatorem quidem desiderabant plerique, sed nemo eum videbat: nunc autem in hac altera die, hoc est, tempore gratiæ, visibilis etiam apparuit. Verum non omnes eum vident, sed Ioannes tantum, hoc est, illi tantum, qui sunt vasa gratiæ & misericordiæ. Hi nunc dum vident eum, sed vident eum ad eos venientem, imò pro ipsis mortuum, proque ipsis interpellantem.

Ecce Agnus Dei, qui tollit peccata mundi.]

Ex abundantia cordis os loquitur, ait Christus. Nec fieri potest, vt qui Deum videt, non præ gaudio exclamet. Sic Ioannes suauitatem Dei, quam ex corporali pariter & spiritali eius aspectu dupliciter delectatus degustauit, nobis protinus degustandam gratulationis voce refudit. Qui enim matris adhuc vtero clausus exultauit ad præsentiam Christi, quid mirum,

Psal. 44

Lucæ. 1.

2. Cor. 5

1. Ioan. 3

Lucæ. 2

mirum, quod & nunc viso Christo, præ gaudio exclamauit. Hac autem breuissima exclamazione, primò vtrâq; in Christo confessus est naturam, diuinam scilicet & humanam. Nam ex eo, quod homo est, potuit quasi agnus mansuetus portari ad victimam, deditque corpus suum percutientibus, & genas suas velentibus. Ex eo autem, quod Deus est, potuit peccata tollere, ascendens ad prædam, & rugiens apud inferos vt catulus leonis, non valente resistere antiquo prædone Diabolo, &c. Deinde hoc breui verbo summam Euangelij comprehendit. Lætum enim illud nuntium, quod nos Euangelij dicimus, nihil aliud est, quàm prædicatio de remissione peccatorum per Christum. Præterea ex hoc loco etiâ colligere licet, differentiam inter sacrificia veteris legis, & sacrificium Christi. Non sine mysterio autem Ioannes dicit: [Ecce agnus Dei,] cum potuisset dicere: ecce Messias, ecce rex Israel, ecce Filius Dei, &c. Primò enim hoc verbo exprimere voluit Christi innocentiam. Cum enim Christus inter alios ad baptismum venisset, poterant homines suspicari, etiâ ipsi opus fuisse baptismi, quæadmodum alij peccatores opus habebant ablutione. Huic igitur suspicioni occurrit Ioannes dicēs: [Ecce agnus Dei.] Quasi diceret, is verè innocens & immunis à peccato est. Quod autem baptismum recepit, non ideo factum est, vt ipse mundaretur, sed vt per ipsum aqua sanctificaretur, vt deinceps esset fons patens domui Iuda in ablutionem peccatoris & mēstruatæ. Deinde agni nomine, indicare voluit Christi summam mansuetudinem. Pote rat quidem & alto terribiliori nomine Christum nominare, quemadmodum Esaias eum nominat, velocem spoliato rem, festinum prædatorem. Item Deum fortem: & Ioannes eum vocat in Apocalypsi leonem. Verum, quis non statim ad hæc nomina contremisceret? Vt igitur nemo vereatur eum accedere, nominat eum agnum. Nihil mansuetius agno, nihil minus timetur, nihil minus nocere consuevit. Vult igitur dicere: Securi accedite, non enim leo, sed agnus est. Nec misit Deus Filiū suum, vt iudicet mundum, sed vt saluet. Præterea nomine agni multiplicem etiam vtilitatem, quam

Christus affert, exprimere voluit. Agnus enim possessori suo & lanam præbet ad vestitum, & carnes ad cibum. Sic Christus nos vestit & pascit. Lana eius, est eius iustitia, innocentia, passio, merita, &c. Hæc nobis præbet, quibus tegamus igitur nominiam nostram, ne appareat nuditas nostra in iudicio. Idè & corpus suum in cibum nobis præbet, manducandum spiritualiter in fide, corporaliter in Sacramento. Denique agni nomine subindicare voluit, Christum verum esse sacrificiū quo Deus placatur. Secundum legem enim, omni die agnus mane & vesperi offerebatur in iuge sacrificium. Offerebantur deinde & alia animalia, &c. Verum impossibile erat, vt sanguine animalium deleantur peccata. Ideo Christus in Psalmo dicit: Sacrificium & oblationem nolui, tunc dixi, ecce venio: quasi dicat, quando nullum sacrificium, nulla oblatio te reconciliare potuit, eni meipsum offero. De me enim scriptum est, vt faciam voluntatem tuam. Voluntas autem tua est, hominem reparare. Hanc voluntatem nemo facere potest, nisi ego solus. Ecce igitur agnus Dei. Ecce verum illud iuge sacrificium, quod semel quidem oblatum est in cruce, eius tamen memoria, omni die renouatur. Si igitur sanguis hircorum aut vitulorum, & cinis vitulæ aspersus, inquinatos sanctificat ad emundationem carnis, quanto magis sanguis Christi, &c. emundare potest conscientiam nostram ab operibus mortuis. Maxime aut Ioannes nomine agni alludit ad figuram agni paschalis, innuitque eam in Christo verè impletam. Notum quippe est, quod per immolationem agni, liberatus est populus Dei ab Aegyptiaca seruitute, & Pharaonem cum omnibus Aegyptijs, quorum duritiam decem plagæ non vicerant, per manum Moyse, solus agni cruor contriuit, cæsis omnibus primogenitis Aegypti, filiosque Israel per mare rubrum transire fecit, submersis Aegyptijs. Sic genus humanum sub Diabolo captiuum, nemo liberare potuit, nisi sanguis Christi. Lex quidem vtunque Diabolum exterruit: tunc enim pii homines Diabolo resistere coeperunt, sed tamen omnino euadere aut vincere eum non potuerunt, nisi effuso sanguine Christi. Nulla igitur opera nostra, nulla sacrificia,

Exo. 29.

Hebr. 9.

Psalm. 39.

Hebr. 9.

Zach. 13.

Esaiæ. 9.

Esaiæ. 9.

Apoc. 5.

Ioan. 3.

Exod. 12.

cia, nos liberare possunt, sed tantum Christi sanguis. Non enim in brachio suo posederunt terram viventium sancti patres, sed brachium tuum, & illuminatio vultus tui, eos perduxit: nec meritis suis id adepti sunt, sed quia tu complacuisti in eis. Non igitur in arcu meo sperabo, & gladius meus non saluabit me, ait Dauid: Non sperabo in meritis meis, sed in sanguine Christi. Hoc igitur vult Ioannes quum dicit: Ecce agnus Dei. Quasi diceret: Hic est purissimus ille agnus, quem Deus iuxta vaticinium Esaia, sibi gratissimam victimam destinauit, ad expianda peccata totius mundi: Hic est quem agnus ille Mosais adumbrabat, cuius innoxius cruor filios Israel ab angeli vindice gladio tutos reddidit: Ipse adeo non obnoxius ulli peccato, ut vnus idoneus sit peccata totius orbis tollere, adeo charus Deo, ut solus illius tram vertere possit in misericordiam: adeo mansuerus, & amans salutis humanæ, ut paratus sit pro peccatis omnium poenas dependere, & in se recipere mala nostra, ut nobis conferat sua bona. Signanter autem dicitur: [Agnus Dei,] id est, Deo charus, vel [Agnus Dei,] id est, à Deo nobis datus. Agnus typicus in lege, sumebatur à grege: hic autem non è grege acceptus est, sed à Deo datus pro peccatis nostris. Atque ita vides, hoc nomine gratiam Dei commendari. Non enim nos meruimus ut offerretur, sed ipse se vultro obtulit: Oblatus est, quia voluit. Sequitur:

Qui tollis peccata mundi.]

Hic prima est expressa prædicatio remissionis peccatorum, atque hic exponitur quale futurum sit regnum Christi, id est, non carnale, sed spirituale, iustitiæ scilicet, & pacis. Non solum autem certum aliquod peccatorum genus tollere potest Christus, sed generaliter omnia peccata. Nec solum vnius hominis, sed omnium: nec solum Iudeorum, sed & Gentium, imò totius mundi. Hinc etiam ipse Ioannes sanctus dicit: Ego à te des beo baptizari. Facti enim sumus ut imus mundi omnes. Huc pertinet, quod Christus ait Petro: Si non lauro te, non habebis partem mecum. Hæc igitur, ut supra dixi, summa est totius Euangelij.

Nam quid in vniuerso Euangelio aliud querendum est, quam remissio peccatorum: qua acquisita, omnia bona Dei acquiruntur. Tollit autem Christus peccata: quia confitentibus & credentibus tegit peccata per suam iustitiam, ut non conspiciantur coram Dei iudicio. Hinc Dauid ait: Beati quorum tecta sunt peccata, & cætera. Deinde ita tollit peccata, ut iustitiam doceat. Qui enim mortem tollit, vitam largitur: ita qui peccata tollit, iustitiam donat. Non enim Christus ita tollit peccatum, quemadmodum carnales interpretantur, quasi amplius nullum sit peccatum. Vel, quasi nunc liceat vnumquemque pro sua libidine viuere, sed ita tollit peccata, ut deinceps viuamus Deo & iustitiæ. Hinc Paulus: Sicut præbuiſtis membra vestra arma iniquitatis, sic nunc præbete membra vestra arma iustitiæ. Præterea etiam sic Christus tollit peccata, quia est exemplar peccatorum purgandorum: quo enim medio ipse peccatum mortificauit, eodem & in nobis mortificabit. Cruce autem mortificauit, proinde etiam eodem medio in nobis vtitur ad expurganda peccata. Hinc Paulus: Quos præsciuit eosdem & prædestinauit conformes fieri imaginis filij sui, &c. Non expurgantur peccata voluptatibus, &c. imò magis augentur, sed cruce. Noli igitur tantopere fugere & horrere crucem, per quam audis reliquias peccatorum tuorum expurgari.

Hic est, de quo dixi: Post me venit vir, &c.]

Hoc verbo Ioannes non admonet omnium, quæ ab exordio prædicationis suæ de Christo dixerat. Prædixerat autem adesse regnum cælorum. Item ex Esaia: breui futurum ut omnis caro videret salutare Dei, atque eo tempore futurum, ut omnis mons & collis humiliaretur, & cætera. Item, in proximo affuturum, qui ventilabrum haberet in manu, ad expurgandam aream suam, &c. Omnia hæc & similia hoc verbo includit: [Hic est de quo dixi] Hic nesci pe est, qui poenitentibus adfert regnum cælorum. Hic est salutare Dei, qui montes, hoc est, superbos humiliat. Valles autem, hoc est, humiles exaltat, & praua corrigi.

Matt. 3.
Esa. 64.
Ican. 13.

Psal. 34.

Rom. 8.

Rom. 8.

Matt. 3.
Luc. 3.
Esa. 40.

Matt. 21.

git, viamque ad caelum hactenus impeditam planam reddit. Hic denique est, qui ventilabrum suum habet in manu: ipsi enim dedit pater omne iudicium, &c.

Post me venit vir, qui ante me factus est.]

Obserua quod Ioannes ferme vbiq; vtranque in Christo naturam confitetur: hominem enim manifeste confitetur, cum Ioan. 5. virum nominat. Christus autem non simpliciter homo est, sed vir: hoc est, nulla mollitie resolutus, sed omni virtute constans, solidus, & perfectus. Vir dicitur quasi virens, nedum natura, sed & gratia, virtute, sapientia, & magnificis factis. Hinc & in Luca dicitur: Vir potens opere, & sermone. Huc pertinet, quod in Malachia dicitur: Statim veniet ad templum suum dominator, quem vos quaritis, &c. Ob eam causam & in lege signanter offerri iubetur agnus, masculus, & anniculus. Quod autem addit: [Ante me factus est, & ante me erat,] divina in Christo fateretur naturam, vt supra satis expositum est.

Et ego nesciebam eum.]

Hoc addit Ioannes, ne quis suspicaretur eum ex favore, aut propter consanguinitatem, tanta de Christo dixisse: [Nesciebam, inquit, eum.] Nunquam antea hac eum videram: nunquam cum ipso verbum contuleram. Ego enim a pueritia in deserto vixi, procul ab hominibus etiam cognatis. Vide quanta diligentia Ioannes hominum suspensiones praevinire studet, ne quis de testimonio suo male suspiceretur. Sed quomodo hic dicit. [Ego nesciebam eum,] cum adhuc in utero matris positus, Christum agnouerat praesentem? Praeterea adueniente Christo ad baptismum, prohibuit eum dicere: Ego a te debeo baptizari: quod certe signum est quod eum cognouit. Facilis est responsio. Nesciebat Ioannes Christum, quia per propriam rationem eum non cognouerat. Quia enim Christus formis crucis rectus erat, & est, nunquam per rationem cognoscitur. Quis enim credat eum esse Dominum mortis, quem videt morientem? Hinc Christus ipse dicit. Nemo venit ad me, nisi Pater eum traxerit. Et. Nemo nouit Filium, nisi Pater. Vnde

& Petro dicitur: Caro & sanguis non reuelauit tibi, sed pater meus. Hic est quod sapientes mundi, nunquam cognoscunt Christum. Si enim cognouissent, nunquam Dominum gloriae crucifixissent. Quod autem Ioannes Christum cognouit, non ex rationis iudicio, sed ex reuelatione Dei est. Sicut enim olim Samuel missus vngere regem ex filiis Isai, sciebat quidem vnum ex ipsius filiis a Deo electum, sed ignorabat quidnam esset, donec a Domino certificaretur: sic Ioannes sciebat Christum adesse, sed non cognoscebat personam eius, nisi per reuelationem Dei.

Sed vt manifestetur in Israel, &c.]

Christus missus est, vt poenitentiam ageret pro peccatis hominum, sicut Esaias ait: Omnes nos peccauimus, & posuit Dominus in eo iniquitatem omnium nostrum. Quanquam autem Christus sciret, se ideo venisse, vt tanto pro cunctis officio fungeretur, humiliter tamen apud se latebat, expectans in forma serui iubentis patris imperium, videlicet vt totum opus suum non voluntatis propriae, sed verae & perfectae foret obedientiae. Illo autem sic expectante patris mandatum, venit Ioannes clamans: Poenitentiam agite, &c. Hac publica voce sanctus ille sanctorum, qui solus erat idoneus ferre poenitentiam pro peccatis electorum, vocatus accessit ad opus suum, imo ad caeleste sanctuarii in conspectu Dei Patris Spiritu sancto designatus in summum sacerdotem, qui non aliam oblaturus erat hostiam, nisi carne propriam, quam & statim quadraginta dierum, & quadraginta noctium ieiunio: deinde omnibus poenitentiae modis afflictam tandem pro peccatis nostris oblaturus erat Deo Patri hostiam in odorem suauitatis. Vt igitur manifestetur in Israel: Ego veni, inquit, hoc est, vt inciperet & ipse poenitentiam suam pro nobis, missus sum ego poenitentiam praedicare. Quia autem hoc sic debebat fieri, vt falleretur diabolus, nec ante sciret hunc hominem pro omnibus satisfacere, quam opus perfectum esset: ideo Ioannes non ad Christum dicit: Poenitentiam incipe pro nobis, sed in generali loquitur ad omnes, vt dum idem in pluribus cernitur, occasio suspicionis de vno ad praesens subtrahatur. Sic olim & Samuel

Matt. 21
Mat. 16

1. Cor. 2

1. Re. 15

Esai. 53

Matt. 5

Matt. 4

1. Re. 16

vinctus

Samuel, vincturus regem ex filiis Isai, sacrificaturum se simulat, vt falleret Saul. Vel aliter: [Vt manifestetur, &c.] hoc est, vt omnes magis idonei essent ad gratiam suscipiendam per ipsum, prae-missus sum ego ad praedicandam poenitentiam. Aliter, Vt manifestetur omnibus eius humilitas in exemplum alijs, veni ego baptizans. Hinc enim quum Ioannes eum prohibere vellet, dixit Christus: *Mat. 3.* Sine modo. Sic enim decet nos implere omnem iustitiam. Aliter: [Vt manifestetur, &c.] id est, vt homines ad eius baptismum recipiendum, humiliter se subderent, praemissus sum ego morem baptizandi exercere. Quis enim nunc audeat contemnere, vel non necessaria iudicare baptismum, & alia Sacramenta, quum videat Christum ipsum baptismum Ioannis se subdidisse? Si Christus serui baptismi non dedignatus est, cur tu immundus refugis baptismum Domini?

Et testimonium perhibuit Ioannes.]

Hic demum indicat, vnde Christum agnouerit, quem vt supra dictum est, ratione carnali nunquam cognoscere potuisset. Ex duobus autem Christum cognouit, ex signo scilicet & verbo Dei. Sic & nos ex his duobus Christum cognoscimus. Ex verbo scilicet, & signis, vel operibus.

Vidi Spiritum descendantem sicut columbam, &c.]

Non aliud signum Ioanni monstratum est, quam quod prophetae dixerunt signum futuri Christi, nempe Spiritus sanctus. Hinc Esaias dicit: Egredietur vir *Esaia. 11* ga de radice Iesse, & requiescet super eum *Esaia. 61.* Spiritus Domini, &c. Et iterum: Spiritus *Esaia. 42.* Domini super me, eo quod vnixerit me, *Psal. 44* &c. Et iterum. Ecce puer meus electus, posui super eum Spiritum meum. Et Dauid: Vnxit te Deus, Deus tuus, oleo laetitiae. Hinc Ioannes: [Vidi, inquit, spiritum:] quasi diceret, hoc in ipso vidi signum, quod omnes prophetae vt certissimum Christi signum praedixerunt. Addit: [Descendentem de caelo.] Non quod Christus tunc primum Spiritum sanctum accepit. Fuit enim eo plenus ab instanti conceptionis: sed quod tunc spiritus in eo reuelatus est. Ab eo enim tempore omnibus

apparuit, eum Spiritu sancto esse plenum. Ab eo etiam tempore plenitudo ipsius, se coepit diffundere a capite in barbam, imò vsque ad oram vestimenti, id est, vlt. *Psal. 132.* que ad infimos credentes. Descendere igitur hoc loco nihil aliud est, quam praesentiam suam signo exteriori declarare, quemadmodum & saepe alias Dominus dicitur descendisse, hoc est, praesentiam suam signo aliquo declarasse, vt in subuersione Sodomorum, & in datione legis. Addit: [Quasi columbam,] ne quis suspicaretur malum fuisse aliquem spiritum. Sicut enim Noe duas aues admodum dissimiles ex arca emisit, coruum scilicet & columbam, sic in Ecclesia duo sunt genera spirituum, malorum scilicet & bonorum. Qui igitur gloriatur de spiritu, primum videat vtrum coruo vel columbae similis sit. Si spiritus tuus ad immunditiam, rapacitatem, contentionem, &c. te ducit, non columba, sed coruus est. Super Christum igitur in specie columbae apparet spiritus. Primo, vt nemo dubitaret bonum esse spiritum. Secundo, vt certi essemus, per Christum restituendam veram pacem, quemadmodum columbarum oliuae, hoc est, signum pacis, ad Noe in arcam detulit. Tercio, vt ostenderetur, primum Christi aduentum esse humilem & mansuetum, quemadmodum de eo Esaias praedixit, Calamum quassatum non confringet, & linum fumigans *Esaia. 42.* non extinguet. Quarto etiam ideo spiritus in specie columbae apparuit, vt deinceps hoc signo discerni posset Ecclesia Christi, ab Ecclesia malignantium. Verè enim Christi Ecclesia est, quae columbam habet, & columbinos mores. Vbi autem coruini mores sunt, ibi nihil minus quam Ecclesia Christi est. Postremo etiam hoc addit Ioannes: Et mansit super eum. Accipit quidem & alij Spiritum sanctum, verum in solo Christo semper mansit & manet. In ipso enim habitat etiam corporaliter: Ipse verum templum est Spiritus sancti. Huc pertinet, quod Ezechiel *Ezec. 47.* vidit, aquam egredientem a latere dextro templi. Vide ibidem de virtute eius aquae, signat enim gratiam Christi. Caeterum quod Spiritus sanctus potissimum apparuit, cum Christus baptizaretur, confirmatio est baptismi nostri, ne dubitemus, nos in eo Spiritum sanctum

D accipere.

accipere.

Et ego nesciebam eum.]

Repetit quod supra dixerat, ad maiorem confirmationem. Nunquam enim cognouit Christum ratione humana, sed tantum spiritu, & reuelatione diuina. Ideo subditur.

Sed qui misit me baptizare in aqua.]

Nulli dubium est, quin Deus eum miserit. Hoc enim & Malachias & Esaias prophetæ testantur. Et Euangelista nos-
Mala. 3.
Esai. 40.
Sup. c. 1. ter supra apertissime dixit Ioannem à Deo missum. Obserua, quod Ioannes fer-
Hier. 6. me semper, ubi de Baptismo suo loquitur, addit: [In aqua.] Sic supra dixit Iuda-
Lucæ. 1.
Acto. 2. eis: Ego Baptizo in aqua. Et iterum. Propterea ego veni in aqua Baptizans. Hoc autem ideo facit, ne homines con-
Ioa. 1. siderent in Baptismo, quem ipse dabat. Non enim erat ex eorum numero, qui populum docebant confidere in menda-
Zach. 13 cio, dicentes: Pax pax, cum non sit pax: sed omnes à se ad Christum dirigit, qui solus petra est, super quam securè ædifi-
Tit. 3.
Acto. 19. ficamus.

*Super quem videris Spiritum descen-
dentem.]*

Hoc est signum, quo Pater de Filio testificatus est, ut supra dictum est. Obserua autem, quod non simpliciter dicit: [Super quem videris spiritum descenden-
Lucæ. 1.
Acto. 2. tem.] Nam & super prophetas factus est Spiritus Domini, & super Mariam super-
Ioa. 1. uenit Spiritus sanctus. Et denique, super Apostolos idem spiritus venit. Signanter igitur addit: Et manentem super eum. In solo enim Christo verè mansit, ipsius contentus mansione pectoris, ut Eccle-
Zach. 13 sia canit. Quia igitur Christus Spiritu sancto plenus est, ideo de plenitudine eius omnes accipere possumus. Et quia Spiritus super eum mansit & manet, ideo ipse est fons ille patens, & indeficiens ve-
Tit. 3.
Acto. 19. na, ad ablutionem peccatoris & mens-
Tit. 3.
Acto. 19. struata.

Hic est qui baptizat in Spiritu sancto]

Baptizari in Spiritu sancto, est gratiâ Spiritus sancti accipere, qui non modò quid sit peccatum ostendat, sed & auxi-
Tit. 3.
Acto. 19. lium aduersus peccata præbeat, dolendo præterita, repellendo instantia, atque ita de seruis peccati, faciat filios Dei: de filijs

iræ, filios gratiæ: de ignotis & aduentis, ge-
1. Re. 17. nus regale & sacerdotale. Hoc ante Chri-
1. Cor. 11
Matt. 3 sti aduentum nemo facere poterat, id quod
1. Cor. 11
Matt. 3 diabolus toti generi humano exprobra-
1. Cor. 11
Matt. 3 bat. Quid, inquit, venistis ad prælium,
1. Cor. 11
Matt. 3 date ex vobis virum, qui mecum inerat
1. Cor. 11
Matt. 3 singulare certamen. Huic autem certami-
1. Cor. 11
Matt. 3 ni nemo se offerre audebat, donec veni-
1. Cor. 11
Matt. 3 ret verus David, Christus scilicet, qui so-
1. Cor. 11
Matt. 3 lus abstulit opprobrium ex Israel. Con-
1. Cor. 11
Matt. 3 grue igitur de ipso dicitur. [Hic est, qui
1. Cor. 11
Matt. 3 baptizat in Spiritu sancto.] Dupliciter
1. Cor. 11
Matt. 3 autem Christus baptizat in Spiritu san-
1. Cor. 11
Matt. 3 cto. Primò remissionem peccatorum dando.
1. Cor. 11
Matt. 3 Secundò diuersarum ornamenta gratia-
1. Cor. 11
Matt. 3 rum conferendo. Huc pertinet, quod Io-
1. Cor. 11
Matt. 3 annes apud Matthæum dixit: Ipse baptiza-
1. Cor. 11
Matt. 3 bit Spiritu sancto, & igni. Spiritu sancto
1. Cor. 11
Matt. 3 baptizat, cum peccata remittit: igni autem
1. Cor. 11
Matt. 3 baptizat, cum eiusdem sancti spiritus fer-
1. Cor. 11
Matt. 3 uore accensos, fortes in amore, constan-
1. Cor. 11
Matt. 3 tes in fide, lucentes scientia, & calentes
1. Cor. 11
Matt. 3 bono zelo efficit. Ex hoc igitur loco, pri-
1. Cor. 11
Matt. 3 mò videmus differentiam inter baptis-
1. Cor. 11
Matt. 3 mum Christi & Ioannis. Ioannes siquis
1. Cor. 11
Matt. 3 de aqua, Christus Spiritu sancto baptizat:
1. Cor. 11
Matt. 3 Ioannes mortificat per legem, & parat
1. Cor. 11
Matt. 3 conscientiam ad futuram viuificationem:
1. Cor. 11
Matt. 3 Christus autem viuificat propter Euan-
1. Cor. 11
Matt. 3 gelium, & conscientiam iam lege pertera-
1. Cor. 11
Matt. 3 ritam exhilarat atque pacificat. Sicut au-
1. Cor. 11
Matt. 3 tem Ioannes non solo verbo, sed & ex-
1. Cor. 11
Matt. 3 terno baptismo mortificationem do-
1. Cor. 11
Matt. 3 cuit: sic Christus viuificationem non so-
1. Cor. 11
Matt. 3 lo verbo, sed etiam per Sacramentum bap-
1. Cor. 11
Matt. 3 tismi, verbo annexum offert & præstat.
1. Cor. 11
Matt. 3 Hinc & baptismus à Paulo dicitur laua-
1. Cor. 11
Matt. 3 crum regenerationis. Deinde ex hoc loco
1. Cor. 11
Matt. 3 vides, quidnam in causa sit, quod Paulus
1. Cor. 11
Matt. 3 baptizatos à Ioanne, rebaptizauit. Nunc
1. Cor. 11
Matt. 3 autem nemo rebaptizatur, etiamsi à ma-
1. Cor. 11
Matt. 3 lo ministro fuerit baptizatus. Necessario
1. Cor. 11
Matt. 3 enim rebaptizandi erant, qui tantum a-
1. Cor. 11
Matt. 3 qua abluti erant à Ioanne. Baptizati au-
1. Cor. 11
Matt. 3 tem baptismo Christi, nullatenus sunt
1. Cor. 11
Matt. 3 rebaptizandi. Hic enim est, qui baptizat
1. Cor. 11
Matt. 3 in Spiritu sancto. Nec obstat, etiâ si mini-
1. Cor. 11
Matt. 3 ster malus sit. Sâctitas enî baptismi eiusque
1. Cor. 11
Matt. 3 efficacia, non pendet à ministro, sed ab eo,
1. Cor. 11
Matt. 3 super quem descendit columba, & cui
1. Cor. 11
Matt. 3 dicitur: [Hic est qui baptizat.] Nâ si pro
1. Cor. 11
Matt. 3 diuersitate meritorum, baptismus san-
1. Cor. 11
Matt. 3 ctus esset, cum diuersa sint merita, sequeretur
1. Cor. 11
Matt. 3 quod & diuersa essent baptismata, & tâto
1. Cor. 11
Matt. 3 quisque

quisque melius baptisma putare accipere, quanto à meliore accepisset ministro, quemadmodum olim Donatus afferebat, & alij quidam. Contra hos igitur militat hoc verbum: [Hic est, qui baptizat, &c.] Vnus siquidem est, qui baptizat: vnus & solus, qui sanctificat. Vnus est & fons, vnus riuus baptismi salutaris, qui per qualescunque canales influat, hic est qui baptizat, de cuius ore profluit ipsa vis sacramenti purificans, emundans, viuificans totum fidelem hominem. Vbi cunque igitur audieris verbum hoc integre prolatum: Ego te baptizo in nomine Patris & Filij, & Spiritus sancti, ibi est absque dubio hic ipse, & hic idem baptizat. Quid enim est Paulus? quid Apollos? quid Cephas? Ministri Christi sunt in hoc sacramento, non authores: serui, non domini: canales, non fontes. Vnus enim hic est fons, vnus Dominus, vnus author, qui baptizat quidem in aqua per ministros, baptizat autem tantum per seipsum in Spiritu sancto. In Sacramentis itaque quibuscunque non ministrum attendas, sed Christum, qui author est Sacramentorum, & ab ipso habet suam efficaciam.

Eph. 4

1 Cor. 3

Et ego vidi, & testimonium perhibui: quia hic est Filius Dei.]

Tria haec de Christo dixit Ioannes. Primo, Ecce agnus Dei. Secundo, Hic est, qui baptizat in Spiritu sancto. Tercio nunc addit: [Hic est Filius Dei.] Atque in his tribus totum depinxit Christum. Quia igitur agnus est Deo oblatus, ideo peccata abstulit, & auferre potest. Quia autem ipse est, qui Spiritu sancto baptizat, ideo & gratiam conferre potest. Quia autem & Filius Dei est, potest & regnum caelorum nobis dare. Quid igitur amplius desideras? Hic igitur accedat qui peccatorum remissionem, gratiam, & beatitudinem desiderat, &c.

Altera die iterum stabat Ioannes.]

Haec Ioannes fidelem se probauit seruum, ex eo, quod omnes generaliter à se ad Christum dirigebat. Nunc autem, ut manifestius appareat, quam fidelis fuerit, etiam proprios discipulos ad Christum dirigit, Et cum alij indigne fecerant, si à discipulis suis deseratur, Ioannes

solus gaudet, quod discipuli se relicto, ad Christum trāseunt. Ob eam causam, quum iam in carcerem coniectus esset, reliquos discipulos ad Christum misit. Quod igitur stetit Ioānem asserit, iuxta literam quidem situm hominis indicat stantis, & aliquid quod officij sui esset, instanter agentis vel dicentis. Iuxta altiore autem sensum, magnam ac semper suspensam eius intentionem insinuat, quia videlicet Christo non solum exterius officio suae praecursionis deserviebat, sed etiā interi⁹ erecto mentis affectu iugiter astabat. Cū enim Christus statim post baptismum in desertum abierit, non dubium est, quin Ioannes ad reditum Domini toto effectū tetenderit, ut iterum videret eum, quem videre salus agnosceris, gloria praedicantis, gaudium erat demonstrantis. Stabat ergo in altitudine cordis speculator vitae, & salutis. Stabat praeterea in culmine perfectionis, in apice contemplationis, in stabilitate virtutū. Optimū enim est, gratia stabilire cor secundū Apostolum. Et: Sapiens permanet ut sol, stultus vero ut luna mutatur. Demum etiam mysticam significationem habet, quod Ioannes dicitur stare, Christus autem ambulare. Nam legis Mosaeicae typū gerebat Ioannes, Christus Euangelicae professionis erat author. Lex igitur, quae iam ad summam lineam peruenerat, stabat veluti non progressura longius, sed mox cessatura, & Christo venienti cessura, suōsq; illi discipulos traditura. Christus obambulabat, veluti semper in maius progressurus, & vndique caelestis doctrinae discipulos collecturus.

Matt. 16

Matt. 4

Hebr. 12
Eccle. 27

Et ex discipulis eius duo.]

Hi videlicet magistrum suum statum imitabantur, & erant primitiae plebis illius, quam non sibi, sed Domino parabat ille praecursor eius.

Et respiciens Iesum ambulantiem.]

Notanda diligenter narrationis series in superficie quidem brevis & lucida, intrinsecus autem pondere mysteriorū grauida. Quid enim est ambulans Iesus, nisi mutabilitatis nostrae particeps factus Filius Dei? qui hominibus non antecognitus, ex eo cognosci atque diligi coepit, ex quo ambulare coepit, de caelo veniens

Dij in yte

in utero Virginis, de utero in praesepe, de praesepe ad crucem, de cruce ad sepulchrum, de sepulchro rursus ad caelum. Extunc, inquam, nosci & diligere coepit, sicut scriptum est: Oleum est fufum nomen tuum, ideo adolescentulae dilexerunt te.

Cant. 1.

Ecce Agnus Dei.]

Quasi diceret, Quid est, quod me tanquam veram lucem, verum redemptorem, & iustificatorem suspicitis? Ego non sum is, qui saluare possim. En is est agnus ille Dei, hunc sequimini salutis authorem: huic enim soli, vos mea doctrina & baptismo parauit. Cur autem agnum eum vocauerit, supra dictum est. Id ipsum autem nunc repetit, non sine admiratione. Verè enim mirum est, quod agnus vincere potuit leonem. Verè enim agnus Christus, nam summam humilitatem, patientiam, mansuetudinem, in praelium attulit: Contra verè leo diabolus, summam enim iram, potentiam, omnesque mundi vires, contra Christum armavit, & tamen agnus vicit leonem. Potuisset quidem in maiestate & virtute diabolus deicere, sed hic modus placuit, ne diabolus conqueri posset se potestate superatum. Deinde, ne nos desperemus, quum diabolus etiam contra nos omnes suas vires exercit. Times igitur leonem diabolus, cogita agnum Christum.

Et audierunt eum duo discipuli, &c.]

Hic vides, quàm ardua res sit credere. Saepius audierant Ioannem de Christo testificantem, imò & ipsum Christum iam semel atque iterum viderant, nec tamen quisquam audebat se Christo credere, propter eius humilitatem, donec Christus tertio venit ad Ioannem: tunc enim aliqui ausi sunt credere, sed tantum duo. Idem & nobis contingit: Non omnium est fides, inquit Paulus. In rebus prosperis facile est bene sperare. Verum vitam sperare, vbi nihil nisi mortem vides, &c. hic opus, hic labor est. At in tali casu vix pauci Christum sequuntur, & cum ipso perseverant.

2. The. 3

Et sequuti sunt Iesum.]

Quia enim veri cultores fuerant le-

gis, ipsius testimonio profecerunt ad Evangelicam perfectionem, hoc est, ex fide in fidem. Sequebantur autem taciti, flagrantes amore sublimioris doctrinae, sed interpellare non audent eum, cum quo nulla intercesserat familiaritas. Nec ita tim Dominus ad eos conuertitur. Non enim statim in initio conuersionis, maiestatis suae diuinam praesentiam sequentibus aperit, sed eundem est, & tam diu rumina sunt ea, quae per carnem gessit, donec altissima eius diuinitas se quoque manifestet.

Rom. 1.

Conuersus Iesus, & vidēs eos sequētes.]

Bene dicitur conuersus, quia antequam supradicto modo ambularet, totus auertus erat, id est, propter peccatum generi humano iratus. Vnde Esaias. Peccauimus & tu iratus es, & auertisti faciem tuam. Ad hos igitur conuertit vultum misericordiae. De quo in Psalmo dicitur: Deus tu conuersus, viuificabis nos. Et iterum: Conuertere Domine, & eripe animam meam: Huc pertinet, quod Paulus discernit vultum Moyse, & vultum Christi. Vultus enim Moyse terruit: terruit & descensus Dei ad populum. Vultus Christi, est vultus misericordiae & gratiae. Signatè autem dicit. [Vidit eos sequentes se.] Ad hos enim solos Christus oculum & vultum misericordiae conuertit, qui se sequuntur. Hinc in propheta dicit: Conuertimini ad me, & conuertar ad vos. Item: Respectus eius in electos illius. Et in Psalmo: Oculi Domini super metuentes eum, &c.

Esai. 64

Psal. 34.

Psal. 6

2. Cor. 3.

Exod. 19

Zacha. 1

Sapi. 4

Psal. 32.

Quid queritis?]

Primum interrogat, quid quaerant, quia hoc vnum requirit Christus à sequentibus, ut credant. Iuxta illud, Cognitio eius iustificabit multos. Et iterum: Hoc est opus Dei, ut credatis. Deinde etiam ideo hoc interrogat: sunt enim multi inter eos, qui Christum sequi videntur, qui nesciunt quid quaerant, id est, credunt quidem ut putant, sed nesciunt, cuius spiritus sint, vel quam intentionem habeant. Aut enim confitentur se nosse Deum, & factis negant: Aut honorant Christum labijs, & corde longè absunt: Aut aliud quam salutem animae, in Christo quaerunt. Sic Iudas, cum alijs Christum secutus est, & tamen diabolus fuit. Sic

Esai. 53.

Ioan. 6.

Tit. 1.

Esai. 29.

Ioan. 6.

Acto. 8. Sic Simon Magus baptismum quidem suscepit, & tamen in felle amaritudinis mansit. Sic quotidie reprobi, cum electis in Ecclesiam intrant. Quilibet igitur sibi dici putet à Domino: [Quid quaeris?] hoc est, interroget cōscientiam, nū Christus, an seipsum quaerat.

Rabbi, vbi habitas?]

Psalm. 41. Ipso statim nomine professi sunt, se teneri desiderio discendi: nimirum magistrum nominantes, se discipulos eius factentur. Et dū domiciliū eius, vbi sit, percontantur, declarant se semper cum ipso velle manere, quasi dicerent. Te magistrum quaerimus, tuam doctrinam obuijs vlnis excipiemus, tecum habitare cupimus. Sic verè Christiani, nedum Christum cognoscere quaerunt, sed & cum ipso habitare cupiunt, semper cogitantes supernam patriā. Sic David: Hæc recordatus sum, & effudi in me animā meam, quoniam transibo in locum tabernaculi admirabilis, vsque ad domum Dei: Et iterum: Vnam petij à Domino, hanc requiram, vt inhabitem in domo Domini omnibus diebus vitæ meæ. Et Paulus: **Philip. 1. Cant. 1.** Cupio dissolui, & esse cum Christo. Sic sponsa in Canticis: Indica mihi, quem diligit anima mea, vbi pascas, vbi cubes in meridie.

Venite, & videte.]

Ioan. 6. Matt. 11. Psalm. 33. Christus delectatus ipsorum responso, non excusat instantem noctem, non iubet eos redire postridie, nec signis tantum indicat domum: sed comiter blandēque ad domesticum colloquium inuitat. Omnes enim quotquot ad se venerint fide excipit, nec quenquam rejicit, imò omnes ad se vocat: Venite (ait) ad me omnes, qui laboratis & onerati estis. Ideo & David ait: Accedite ad eum, & illuminamini, Quod autem dicit: [Venite, & videte,] & non, Hic aut illic habito, significare videt, quod nemo rectè Christum agnoscere potest, nisi per fidem sensum Christi experiatur. Is autē fidei sensus nō fit sine ministerio verbi. Quicūq; igitur quaerit, vbi Christus habitet, vbi Deus maneat, is audiat verbum, ac sequatur, & tunc verè Christum inueniet. **Exo. 13.** Est enim verbum velut columna nubis, quæ præcessit filios Israel in deserto. Vn

de & Petrus. Habemus, inquit, propheticum sermonem, cui benefacitis, attendentes tanquam lucernæ lucenti, & cæter. Et David: Lucerna pedibus meis verbum tuum.

Venerunt & viderunt, & c.]

Felices, quibus hæc contingunt. Videntibus enim creatoris habitationem, angusta est omnis creatura. Sic Paulus raptus in cælum, nesciuit vtrum in corpore, vel extra corpus esset, & c.

Et manserunt apud eum die illo.]

Opportuna determinatione usus est, cum dicit, [Die illo.] Non enim tunc relicti omnibus, secuti sunt illum, nec semper cum illo manserunt, sed tantum die illo. Vnde & postea perfectè vocati sunt à Christo, nimirum postquam Ioannes traditus fuerat in carcerem. Vides igitur Evangelistas non sibi ipsis contradicere. Spiritualiter autem aliqui tantum vno die apud Christum manent, alij diutius: Diuisiones enim gratiarum sunt. Sic Paulus excellenti magnitudine reuelationis audiuit arcana verba, quæ non licet homini loqui: Cæterorum autem singuli in sua subleuantur mensura. Alijs enim quinque talēra, alijs duo, alijs tantum vnum dantur: Vnicuique secundum virtutem suam.

Hora autem erat quasi decima.]

Scilicet appetente iam nocte. Memoria autem vespertinæ horæ. Primò, vt doceat nos, quanto ardore discipuli ad Christum aspirarint, quod nulla mora ne nocte quidem prohibiti, ipsum secuti sunt. Sic enim solet conscientia lege terzita, & peccatorum conscia facta, nullum periculum, nullos gladios, nullos ignes formidare, modò ad Christum conscientia exhilaratorē peruenire possit. Dissimiles his discipulis sunt, qui indies cōversionem suam procrastinant, nec ad Deum conuertuntur, etiam si viderint decimam esse horam, hoc est, mortem propinquam. Contra hos loquitur Salomon: Manè semina semen tuum, & vespere non cesset manus tua: quia nescis, quid magis oriatur, hoc aut illud. Deinde ad decimam horam eos vocatos dicit, vt innuat, etiam Apostolos nō propter aliquod meritum, **D iij sed**

Mat. 20 sed sola Dei misericordia vocatos, quem
admodum & hi, qui circa vndecimā ho-
ram in vineam venerant, non ex ipso-
rum meritis, quia vna tantum hora la-
borauerant: sed ex sola gratia patrisfami-
liās, integram mercedem acceperunt.
Præterea hoc verbo docemur, ne quis
desperet, etiamsi circa decimam horam,
hoc est, in senectute, vel in termino vitæ,
se ad Dominum conuertat. Nulla enim
hora nimis sera est, quamdiu hic sumus:
hinc & latro iam iam moriturus, gratiam
inuenit. Cæterum etiam ideo vespertinæ
Luc. 23. horæ meminit, quia non incipientibus
seculis, sed post magnum eorum pro-
gressum, saluatoris nostri mysterium
reuelatum est: In nouissimis enim die-
bus, vt scriptum est, docibiles Dei ef-
fecti sumus. Mysticè autem, decima hora
Esaï. 54. veniunt ad Christum, quia lex siue deca-
logus, mittit nos ad Christum, quem
admodum Paulus ait: Lex pædagogus
noster fuit ad Christum. Nemo enim
Galat. 3. venit ad Christum, nisi prius per legem
acceperit sensum peccati. Quia igitur hi
ex lege didicerant se peccatores, & ege-
re gratia Christi, ideo decima hora ve-
niunt. Nec quicquam aliud in causa est,
quod nos nō similiter accurrimus, quā
quod nondum ad decimam horam per-
uenimus, hoc est, nondum per legem
territi sumus. Demum, sicut agnus pas-
Exod. 12. calis iubebatur decima die mensis tolli
à grege, sic hi verum agnum decima ho-
ra inuenerunt.

*Erat autem Andreas, frater Simonis,
&c.]*

Putant aliqui ipsum Ioannem, qui
hæc scripsit, fuisse alterum ex his duo-
bus, humilitatisque gratia suum nomen
reticere. Id quod & de Luca suspicantur,
eò quod ex duobus euntibus in Emaus,
Luc. 24. alterum tantum nominauerit. Andræam
autem nominat, ad insignē gloriam eius
virī. Cum enim magna gloria sit, sequi
Dominum, verè, maxima laus Andrææ
est, quod primus omnium se ausus fuit
credere Christo. Repetit autem Euange-
Eccle. 23. lista, quidnam Andræam permouerit:
Audierat, inquit, à Ioanne, &c. Hi enim
Euangelium rectè audiūt & suscipiunt, qui
prius in lege instructi sunt. Qui autem ad
Euangelium accedunt, non prius territi

per legem, hi plerumq; peiores & leuior-
res fiunt: id quod indies videmus.

*Inuenit hic primò Simonem fratrem
suum.]*

Hic primò vides, quæ sit fidei energia.
Quā primum enim per fidem in Chri-
stum renati sumus, mox gestit animus
se alteri effundere, & declarare quantū
boni inuenerit. Neque fieri potest, vt or-
tiosa sit fides. Confitetur enim Christum
vel ore, vel charitate in proximum: non
enim potest bono animo videre se libe-
rata, fratrem suum in malis esse. Nihil
igitur non agit, vt & fratri succurratur.
Deinde, hic vides longè aliam esse con-
ditionem, temporalium & spiritualium
bonorum. Temporalia, quo pluribus
communia sunt, eò minus talium ad v-
numquēq; redit. Spiritualia autē etiamsi
pluribus communia sint, omnibus ta-
men sufficiunt. Quæ igitur amentia est,
eas diuitias tam anxie quærere, quæ ne
vnius quidem hominis desiderium ex-
saturare possunt, neglectis his, quæ om-
nibus abundantissimè sufficere possent?
Quod autem frater fratrem inuenit &
adduxit, felix erat nascentis Ecclesiæ
auspicium, quæ constat fraterna charitas
te concordiaque mutua. Hoc enim in
Ecclesia perpetuò fit, & fieri debet, vt fra-
ter adducat fratrem. Omnibus enim no-
bis verus ille Ioseph dicit: Non videbitis
Gen. 47. faciem meam, nisi adduxeritis & fratrem
vestrum.

Inuenimus Messiam.]

Ex hoc vno verbo, ex hac parua scin-
tilla videmus, quanta in ipsis fuerit flama
sancti desiderij. Messias Hebraicè,
Græcè Christus, vnctus Latinè interpre-
tatur. Vocatur autem Christus hoc no-
mine, propterea quod à Deo vnctus sit
rex & sacerdos. Glorietur igitur Andræ-
as, se inuenisse verum regem, & verum sa-
cerdotem. Hæc enim est gloriatio Chri-
stianorum. Quid autem maius continge-
re potest, quā eum inuenire regem, qui
à peccatis, morte, diabolo, & inferno nos
liberare, eumque sacerdotem, qui cum
Deo nos recōciliare potest? Quotusquis-
que autē est, qui hunc Messiam, vel quærat,
vel inueniat? Miseri nos sola temporalia
quærimus, atque inde gloriamur, nō at-
tendētes, quod in Propheta dicitur: Si po-
Hic. 49. fueris

Amos, 9 fueris nidū tuū vt aquila, inde detrahā te. Et iterum: Si posueris in cælum nidum tuum, inde traham te. Inuenerunt autem discipuli Mesiam, adhibita lucerna, hoc est, testimonio Ioannis. Alioqui nunquā eum inuenissent, vt qui nondum clama-
Esaï, 42. bat, nec contendebat, nec audiebatur in plateis vox eius. Sic & nos adhibita scri-
2. Pet., 1. ptura, Christū inuenire possumus. Hinc Petrus: Habemus firmiorem propheticum sermonem, cui benefacitis, attendentes tanquam lucernæ lucenti in loco caliginoso, &c.

Et adduxit eum ad Iesum.]

Semel expertus Domini comitatē & benignitatem, fidenter fratrem suum adduxit. Et quoties nos eandem Domini benignitatem experti sumus, nec tamen audemus accedere. Quod autem fratrem non aliō, quā ad Christum adduxit, dā-
Luc, 10. natur cæcitas nostra, quibus non satis est proprium periculum & peccatum, nisi & filios, & fratres, & amicos, in eadem pericula & laqueos diaboli coniecimus. Pauci enim sunt, qui ad Christum, plures autem, qui ad mundum suos tra-
Luc, 10. hunt.

Intuitus autem eum Iesus.]

Non solum faciem hominis contem-
Sapi, 1. platus, in qua tamen relucebat, pectoris sinceritas, sed animum potius columbi-
Luc, 10. na simplicitate præditum, & ob hoc ap-
Luc, 10. tum Euangelicæ doctrinæ, delectatus sincero illius affectu, vltro eum compella-
Luc, 10. lat: Sinceritatem enim & simplicitatem cordis diligit Deus. Hinc Sapiens: In simplicitate cordis quærite illum. Inuenitur enim ab his, qui non tentant eum, &c.

Tu es Simon filius Ioanna: tu vocaberis, &c.]

Aliqui legunt Iona, alij Ioanna. Iona columbam, Ioanna gratiam significat. Vtrumque autem Petro conuenit. Est enim filius columbæ, propter simplicitatem, & filius gratiæ, propter electionem. Hoc igitur primo alloquio, animum Petri ad considerandam latentem diuinitatem subleuat, ne humilitate carnis offenderetur. Argumentum enim diuinitatis est, quod præuidet, & quod nomen, & quis sit pater eius. Deinde multo certius

argumentum est, quod significat futurū, vt perseveret Petrus. Nec simpliciter dicit, Tu vocaris Simon, aut filius Ioannæ: sed, [Tu es Simon,] inquit, per quod indicat, eum vtrique nomini respondere. Fuit enim Petrus & obediens, & simplex, vel gratia dignus. Iam cū omnibus Christianis gaudendum sit in hoc seculo, quod nomina eorum scripta sunt in cælis: quāto gaudio exultare potuit Petrus, cū videret nomen suum quasi in capite libri scriptum esse: Non enim aliquem adhuc Dominus proprio vocauerat nomine, nec postea quenquam tam familiari descripsit inspectione, nec tam amica expressit intentione.

Tu vocaberis Cephas, hoc est, Petrus.]

Ridiculum est, quod quidam hic volunt Cephas idem esse, quod caput, cū Ioannes ipse dicat: Cephas Syriacè, idem significare, quod Græcis πέτρος. Decepti autem fuerunt similitudine dictionum, quod idem putauerunt esse Cephas & κεφάλι, cū hoc Græcum sit, illud Syriacum, teste Hieronymo. Cephas igitur nihil aliud hoc loco significat, quā saxum aut petram. Causa autē huius cognominis additi, fuit certa illa fidei expressio, qua Petrus interrogatus à Christo, quid de se sentiret, respondit: Tu es Christus Filius Dei viui. Tunc enim hoc nomen Petrus accepit, dicente Christo: Tu es Petrus. Hoc Christus hic futurū prædixit, ideo non ait: Tu iam es Petrus, sed: Tu vocaberis in futuro, quando scilicet fides tua tantum robur collegerit, vt aduersus omnia Satanæ tentamenta possit inconcussa consistere. Petrus igitur cognominatus fuit. Primo propter soliditatem fidei. Secundo, quia Christo, qui vera illa petra & fundamentum Ecclesiæ est, constātissimè & immediatè adhæsit. Ideo Christus ait: Ego rogaui pro te, vt nō deficiat fides tua. Nec mirum quod Simon ille ob eam causam Petrus dicitur, cū ob eandem causam pii omnes dicantur lapides viui, quāuis Apostoli, primi super Christū in fundamēto locati sint. Hinc Paul⁹ dicit: Nos ædificatos sup fundamētū Apostolorū & prophetarū. Et in Apocalypsi: Spiritualis Hierosolyma duodecim fundamenta habet. Præterea etiam ideo dictus est Petrus, quia primus post

D iij Christe

Christum Ecclesiae pastor fuit, cui com-
 missa est ecclesia. Omnium maximè autè
 ideo hoc nomen cōsequutus est, quia Ec-
 clesiae typū gerebat, quæ vera petra est,
 & super petram firmissimam ædificata.
 In Petro igitur Christus omnes creden-
 tes erudiuit, vt ex nomine & cognomine
 eius discerent fidei rationem. Quod enim
 in Petro contigit, hoc in omnibus credē-
 tibus quotitidie contingere videmus. Ini-
 tiō siquidem vocatur Simon, quod inter-
 pretatur audiēs vel obediens. Hic enī inci-
 pere oportet: Fides enim ex auditu. De-
 inde additur cognomen, [Petrus] id est,
 firmus, non in se, sed quia innititur super
 petram. Hæc igitur ordine sese consequū-
 tur, audire, obedire, & perseverare: hæc
 ad omnes nos pertinent. Præterea sicut
 Petro, quàm primum ad Christum ven-
 nit, permutatum est nomen, sic & nobis
 accedentibus ad Christum, datur aliud
 nomen, quod os Domini nominavit, vt
 qui prius dicebamur filij Adæ, peccato-
 res, maledicti, &c. nunc dicamur filij Dei,
 iusti, benedicti, &c. Demum sicut Petrus
 post acceptionem illius nominis, nunc
 blandis verbis à Domino compellatur,
 nunc durioribus increpatur, aliquoties
 Sathan vocatur, nunc confidens Christo
 adhæret, nunc abnegat, nunc iterum resi-
 piscit: Ita cum quouis credētium, & vni-
 uersa Ecclesia Domini agitur, &c.

In crastinum voluit exire in Galileam.]

Non erat contemptior Iudææ regio,
 quàm Galilæa, quòd ex ea nemo magni
 nominis vnquam fuisset ortus. Et tamen
 Christus illuc proficiscitur, quia nihil tā
 humile est, quod Christus dedignetur,
 dummodo adsit desiderium salutis. Non
 dedignatur Christus etiam casas pauper-
 um intrare. Sic Deus semper opera sua
 humiliter incipit, & paulatim ad maiora
 ducit. E contra mundus magnificè quidē
 incipit, sed miserabiliter concludit.

Inuenit Philippum.]

Videbatur fortè obuius factus Philip-
 pus, sed res tota gerebatur diuina prou-
 dentia, cui iam ab æterno decretum erat,
 quos vellet Ecclesiae primores esse, & ab
 æterno prædestinauerat, quos in tempo-
 re vocaturus erat. Felix quem Christus
 sic inuenit. Hinc Dauid orat: Erraui sicut
 ovis, quæ periit, quære seruum tuum,

&c. Alioquin nisi Dominus te quæsierit,
 & reduxerit, nunquā errare desistes: Post-
 quam, inquit, conuertisti me, egipocnis
 tentiam.

Sequere me.]

Breue verbum, sed efficax, quia à viuo
 & vero verbo Dei prolatum. Immerito
 igitur Apostoli leuitatis à Porphyrio ac-
 cusantur, quòd ad vnum verbum, Chris-
 tum sequuti sunt. Vbi enim verbum lo-
 quentis est efficax, & animus audientis
 suapte natura promptus, quid mirum,
 quòd statim effectus sequitur?

Erat autè Philippus à Bethsaida, &c.]

In Matthæo legimus Bethsaidam ve-
 nam fuisse ex ciuitatibus, quibus Chris-
 tus horrendum illud Væ comminatus
 est. Væ tibi, inquit, Bethsaida, &c. Et ta-
 men ex eadem ciuitate tres Apostolos es
 legit, quo facto insigniter commendatur
 gratia Dei, qua etiam ex massa peccato-
 rum, imò è medio Babylonis & Sodo-
 mæ, suos eripere potest, & eripit.

Inuenit Philippus Nathanaelem.]

Ea quæ hætenus de discipulis dicta
 sunt & dicuntur, admonere nos debent
 vocationis nostræ. Sicut enim Simon ab
 Andræa fratre, & Nathanael à Philippo
 ad Christum adducti, ab eodem benignè
 suscepti sunt: sic & nos, per alios ad Chi-
 stum adducti sumus in baptismo, & ni-
 hilominus misericorditer suscepti sumus.
 Multum igitur debemus his, qui ad fidē
 nos perduxerunt: sed lōgè plus debemus
 ei, qui tam benignè nos suscepit. Quòd
 autè & suprā Andræas, & hic Philippus
 tam sollicitè alios quæsierunt, & inuen-
 tos ad Christum adduxerunt, magnæ di-
 lectionis & veræ charitatis indicium, imò
 & necessitatis ministerium est. Vnicuique
 enim mandauit Deus de proximo suo,
 ideo quilibet ipsorum putabat sibi à Chri-
 sto dici id, quod olim Ioseph fratribus
 suis dixit. Non videbitis faciem meam,
 nisi adduxeritis mihi fratrem vestrum.
 Nec alia causa est, quòd nostro tempore
 nemo alium ducit ad Christum, nec præ-
 lati subditos, nec patres familiās familiā,
 imò nec parentes filios suos: nihil, inquā,
 aliud in causa est, quàm quòd deest nobis
 vera charitas. Deinde, quòd non putas-
 mus

mus magni referre, quilibet enim cogitat, quid mihi de proximo? nunquid custos fratris mei sum ego? nec interim attendimus, quod Deus sanguinem eorum quos nobis commisit, requireret de manibus nostris, si per negligentiam nostram percant. Hic denique vides, quæ sit causa, quod Ecclesia indies decrescit. Quamdiu enim vnus alium adducebat, ecclesia creuit per totum mundum: nunc autem, cum quilibet tantum seipsum curet, quid mirum, quod decrescit ecclesia? Obserua etiam, quod quidam hunc Nathanaelem volunt eundem esse, quem alij Euangelistæ Bartholomæum nominant, quod hinc colligunt, quod vbicunque nomina Apostolorum recensentur, semper Bartholomæus sequitur Philippum, quæ admodum & hic Philippum in numero discipulorum sequitur Nathanael. Est autem Nathanael idem, quod à Deo datus.

Quem scripsit Moyses & propheta, inuenimus, &c.]

Quod Andracas supra vno verbo dixerat: Inuenimus Messiam, hoc Philippus hic diffusius dicit. Magnam autem cordis alacritatem hæc verba præ se ferunt: quasi diceret, en lætum apporto nuntium, quem tanto tempore expectauimus, quem tantis suspirijs desiderauimus, de quo tam magnificè omnes prophetae cecinerunt, en vel tandem hoc felicissimo æuo inuenimus: nobis datum est videre, audire, quod multi reges & prophetae videre & audire non potuerunt, &c. Vel aliter Iesum filium Ioseph à Nazareth inuenimus, & certis signis probauimus, ipsum esse, quem scripsit Moyses & prophetae, &c. Obserua hic, vnde gaudeant verè Christiani, non si temporalia affluant, sed si Christum inuenerint, &c. Tripliciter autem Moyses scripsit de Christo. Primo expressis verbis, cum dicit: Prophetam vobis suscitabit Dominus ex fratribus vestris, &c. Secundo, cum varia instituit sacrificia & cultus diuinos, quæ omnia Christum adumbrarunt. Tertiò etiam eo ipso de Christo scripsit, quod legem dedit. Quia enim legem dedit obseruatu difficilem, imò impossibilem: (vel Petro teste) tacitè insinuauit, alium esse legis impletozem, ad quem sit accedendum, vt iustificemur. Quod autem & prophetae

de Christo scripserint, omnibus notum est. Philippus igitur & legis & prophetarum mentionem facit, quia ad legisperitum loquebatur, quem & nouerat incredibili desiderio teneri Messiae venturi, & ob hoc in legis & prophetarum oraculis diligentissimè obuersari solitum. Exprimit etiam nomen Christi: [Inuenimus, inquit, Iesum,] vt ostendat, nomen optimè concordare his, quæ prophetae scripserunt de Messia. Nam Iesus idem est, quod Saluator. Quod autem dicit eum filium Ioseph, secundum vulgi opinionem loquitur. Nondum enim plenè instructus erat, nec sciebat Christum virginis esse filium, & in Bethlehem natum, iuxta scripturas.

A Nazareth potest aliquid boni esse?]

Aliqui hunc textum legunt affirmatiuè, quasi Nathanael, vt legisperitus, certo affirmauerit, possibile esse, vt boni aliquid è Nazareth prodiret: alioqui (inquiunt) Christus etiam non commendasset. Melius autem legitur dubitatiuè. Libenter audierat lætum illud nuntium à Philippo, placebat & nomen Iesu: verum hoc vno offendebar scrupulo, quem illi tacite mouebat prophetia, quæ palam promittit Christum exoriturum è Bethlehè. Deinde offendebar humilitate loci, vbi Christus nutritus erat, quemadmodum & infra quidam offenduntur, qui videntes & tempus & omnia alia congruere, sola tamen humilitate eius offendebar, vt vel hinc videas, quàm arduum sit credere, & quàm non sine causa Christus dixerit: Beatus, qui non fuerit scandalizatus in me. Semper enim caro solet offendi rebus abiectis, propterea, quod non spiret nisi alta & magnifica. Deus autem sua præclara opera abscondit sub aduersa forma, vt sit mirabilis in operibus suis. Sic Christus semper apparet carni alijs formis, alio modo, quàm cogitat caro.

Veni, & vide.]

Philippus rudis adhuc & nihil nisi simplicem fidem habens, non poterat explicare nodum hunc. Inuitat igitur Nathanaelem ad ipsum fontem, non dubitans, quin viso & audito Iesu, statim sit crediturus. Hinc docemur, ad Christum eos adducere, quos vel ob nostram insufficienciam, vel ipsorum obstinationem persuadere non

non

non possumus. Emphasim autem habet, quod dicit: [Veni & vide,] quasi diceret, adeo certa sunt quæ attuli, ut primo statim congressu visurus sis me, nihil vani attulisse. Certissima sunt, quæ nobis de Christo nunciata sunt, nec quicquam aliud restat, quam ut veniamus, & videamus.

Vidit Iesus Nathanael venientem ad se.]

Et hic planè Saluator apertis gratiæ suæ oculis vidit, illis nimirum oculis, quibus omnes nos, antequam essemus, vidit & prædestinavit. Deinde, vidit eum venientem ad se, nec poterat ignorare, quæ mente veniret ad se, sed quod in simplicitate cordis quæreretur Deum. Scriptum enim est: Quæ sunt in corde hominum, oculi tui videt, & in libro tuo omnes scribentur: & homo videt in facie, Deus autem videt in corde.

Ecce Verè Israelita, in quo dolus non est.]

Hic vides, quàm verè dicat Sapiens: oculi Domini lucidiores sole, &c. Nescit enim Nathanaelem in corpore vidit, sed & abscondita cordis eius intuitus est. De duobus autem eum commendat. Primum, quod verè Israelita fuit, quo verbo opportunam facit Israelitarum distinctionem.

Nem. Non enim omnes, qui secundum carnem ex Israel sunt, hi Israelitæ sunt: sed hi tantum, in quibus non est dolus, qui recto sunt corde, & Deum videre sitiunt, sanctumque Israel in fide & simplicitate cordis imitantur, reputantur Israelitæ. Quemadmodum & apud nos, non omnes verè Christiani sunt, qui Christiani vocantur, sed hi tantum, qui fide & opere in Christum tendunt. Non igitur est, quod vel Iudæi de nomine Israelis, aut nos de nomine Christi gloriemur, cum soli hi commendentur à Christo, qui verè Israelitæ sunt. Talis autem erat Nathanael, nec obstat, quod super prænonnihil humilitate Christi offensus dicitur. Omnis enim qui in Christum credit, gemellus est, carnalis scilicet & spiritualis, qua parte est carnalis, ea peccatum habet, & circumfert quocumque ierit: est enim radici carnis infixum & agnatum. Spiritualis autem est, qua Christum credit & possidet, per quem peccata carnis mortificantur & expurgantur. Sic Christiani, peccatores quidem adhuc sunt

propter carnem, iusti tamen & sancti dicuntur, propterea quod Spiritus sanctus opus suum in ipsis incepit. Sic Nathanael, quamvis offensus fuerat humilitate patriæ Christi, quia tamen coeperat simplici credulitate accedere, ideo verus Israelita dicitur. Deinde etiam ob id commendatur, quod nullus in eo fuerit dolus. Dolus est, cum aliud agitur, aliud fingitur. Dolum igitur in se habet, qui cum verè sit peccator (quales omnes sumus) egenus atque medico, tamè dissimulat se esse peccatorem, nec medicum quærit, aut eius ope se indigere credit. In eo autem homine dolus non est, qui ingenuè fatetur se peccatorem esse, & indigere gratia Dei, nec unquam de iustitia sua præsumit. Horum autem admodum pauci sunt: adeo, ut David audeat eos beatos pronunciare, in quibus dolus non est. Obserua quod Christus non dicit, Nathanaelem non habere peccatum: (quis enim sine peccato est?) sed dicit, nullum in eo fuisse dolum. Nihil enim obesse poterit peccatum, si non accesserit dolus, sed assit simplex confessio. Hæc igitur sunt, quæ Christus in homine commendat: fides, simplicitas, & propriæ infirmitatis confessio.

Vndeme nosti?]

Vel ex hoc verbo videmus eum fuisse se verum Israelitam. Falsi nanque Israelitæ nimium delectantur laudibus suis, non attendentes, utrum laus ipsorum ex hominibus, an ex Deo, vera an falsa sit. Hic autem nihil moratus hominum laudem, à Deo laudari præoptat. Deinde hic vides, quod cor Christi desiderio ardens, sollicitè subinde omnia tētat, omnia inuestigat, donec plenè Christum agnoscat: neque ei satis fit externis rebus, nisi occulto spiritus tractu confirmetur. Hoc quærens Nathanael dicit: [Vndeme nosti?]

Priusquam te Philippus vocaret, cum esset sub ficu, &c.]

Hoc verbo Christus evidentissimè declaravit, se non latere quamvis occultas hominum cogitationes, ac per hoc se aspertius Nathanaeli insinuat, adeoque eius animo illabatur, ut efficacissimè Nathanael senserit diuinitatem eius, id quod mox confitetur voce. Tripliciter autem Christus diuinitatem suam hoc verbo manis

Psal. 31.

manifestavit. Primò, quòd absentem longe positum vidisse se dicit, id quod Dei proprium est. Secundò, quòd se scire ostendit, à Philippo vocatum Nathanaelem: colloquium fuerat duorum, nec quisquā erat arbiter, qui potuisset renunciare. Tertio, ex his indicijis palā fecit, etiam totius colloquij argumentum sibi non ignotū fuisse, cuius tamen non refricat mentionem, ne verecundē & simpliciter percontanti, videatur exprobrare incredulitatē. Hinc igitur discite, quòd Deus nedum videt nos ubique, sed & audit verba nostra, imò & cogitationes cōspicit. Allegoricē, vidit Christus non solum Nathanaelem, sed etiam omnes electos sub ficu oculis misericordiae. Primus siquidem parens noster, post peccatum confugisse scribitur ad folia ficus. Sub hac ficu vidit Christus electos suos, eorumq; misertus, iam disponebat misericorditer, quo illos ordine, à praevaricationis reatu liberaret.

Rabbi, tu es filius Dei, tu es Rex, &c.]

Haec est vera confessio fidei nostrae, quòd Christus est filius Dei, & rex Israel: Quia enim rex est, potest nos eripere à tyrānide peccati, mortis, & inferni. Quia autem filius Dei est, potest nobis conferre regnum caeleste. Obserua autem hic stupiditatem nostram, qui à pueritia Christum edocti sumus, necdum tamen intantum profecimus, ut in adversis possimus & ore & corde dicere: [Tu es filius Dei, &c.] Cum Nathanael semel tantum divinitatem Christi expertus, in hanc confessionem proruperit. Vide autem mirū Dei consilium, cum Nathanael non minus insigniter Christum confessus sit, quam Petrus, non tamen legitur, quòd in Apostolum electus sit. Cur hoc: quia volebat Deus per infirma & contemptibilia mundum ad se pertrahere, ideo Petrum Piscatorem Nathanaeli legisperito prætulit: Nec tamen Nathanaelem legisperitum reiecit, ne quis putaret, solos pauperes & inscios posse saluari.

Quia dixi tibi: Vidi te sub ficu, credis, maior, &c.

Hoc est, utcumq; nunc me declaro orbi, postea autem plenius & multo celebrius me ipsum aperiā, & ostendam q̄ sim. Nam miraculis, resurrectione, ascensione,

&c. manifestissimē me declarabo filium Dei, & regem Israelis me esse. Magnum est, quòd nos peccatores respexit, sed maius, quòd iustificavit. Haec autem planē de seipso sperare potest quilibet fidelis. Quantacumq; enim nunc accepimus, certi tamen sumus, quòd maiora videbimus in futuro. Si igitur non statim vides quae optas: Expecta, si moram fecerit Dominus, quia veniens veniet. Deinde, qui parua quae habet, fideliter exponit, meretur maiora percipere. Huc adduci potest illud Psalmistae: Os meum aperui, scilicet confitendo ad salutem, quod credidi ad iustitiam, & attraxi Spiritum sanctum, qui in ampliori cognitione veritatis, bonum meum implevit desiderium. Summa, hoc verbo Christus nihil aliud vult, quam fidem semper augescere in pijs, quemadmodum & Paulus de incremento fidei loquitur. Probatio, inquit, spem operatur: Spes autem non confundit. Item: Ut probetis quae sit voluntas Dei bona, beneplacens, &c.

Amen dico vobis, Videbitis caelum apertum.]

Hoc loco Christus alludit ad scalam illam, quam vidit Iacob, imò manifestē dicit, in se verē implendum, quod Iacob in somnis viderat. Primò enim à tempore Christi, verē caelum apertum est: quia paries inimicitiarum per ipsum dirutus est. Deinde ipse scala est, quam vidit Iacob: quia nemo ascendit in caelum, nisi qui descendit, & per ipsum habemus accessum ad Deum. Haec scala caelum & terram tangit, quia Christus omnia implet: Caelum, inquit, mihi sedes est, & terra scabellum pedum meorum. Secundò, quia Christus non magis in caelo, quam in terra est Dominus & gubernator. Ascendunt & descendunt angeli in hac scala. Primò quia ad literam saepe descenderunt ad Christum, in annuntiatione, natiuitate, &c. in deserto, in passionē, in resurrectione, & ascensione eius. Secundò, quia per Christum angeli & homines reconciliati sunt. Ipse enim pacificavit & quae in caelis, & quae in terra sunt. Tertio, quia in Christo omne auxilium situm est, omnis defensio & potestas. Per angelos enim dicitur Dominus operari

Abac. 2.

Psal. 118

Rom. 9.

Rom. 8.

Gen. 28.

Ephes. 2.
Ioan. 3.Ephes. 2.
Esai. 66.

Colos. 3.

Pfal. 90. & defendere. Iuxta illud: Angelis suis mā dicitur, quæ non secundum consuetum naturæ cursum fiunt, omnemque creaturæ virtutem excedunt, qualia sunt, quod mare transeuntibus Israelitis viam præbuit. **Exod. 14.** Item, quod Sol tempore Iosue à cursu suo stetit, &c. & similia. Huiusmodi miracula Deus frequenter & in veteri, & in nouo testamento fecisse legitur. **Iosue 10.** Primo, vt ad hæc insolita stuperent, & ad cognitionē laudemq; Dei mouerentur homines, quibus quotidiana Dei opera viluerunt. Congruum quidem erat, vt ex omnibus Dei operibus consurgeremus in laudem Dei, quemadmodum de Dauide legim⁹, quod quia non facimus, subinde nos miraculis excitat, & in stuporem vertit. Sic aquam in vinum miraculosè conuertit, vt vel hinc discamus, eiusdem Dei opus esse, neq; minus miraculum, quod aqua pluuialis vinum fit in vitibus, quod tamen nemo miratur, propterea quod omni anno contingit. Sic semel quinque panibus pavit quinque millia hominum, vt hoc facto admoneremur eum esse qui omne hominum genus perpetuò pascit. Sic plerisq; mortuis vitam, infirmis sanitatem, cæcis visum miraculosè dedit, vt omnes intelligerent se non aliunde vitā, sanitatem, visum, &c. habere, quam per ipsum. Admoniti autem & propriam ingrati tudinem agnoscerent, & deinceps diligentius Dei circa eos opera attenderēt. Deinde etiam ideo Deus frequenter miracula, hoc est, supernaturalia opera fecit, vt per hæc ostenderet, potentiam suam non esse alligatam naturæ legibus, disceretque homo bene sperare de Deo, etiā si naturalia media defecerint. Hinc est quod potentiam suam ferme in omnibus his rebus miraculosè ostendit, quæ hominī aduersa contingere possunt. Sic aliquos in fame mirabiliter seruauit, vt viduam Sarepthanam, &c. aliquos in aqua, vt filios Israel: aliquos in igne vt tres illos, Ananiam, Azariam, Misaelem: aliquos inter bestias, vt Daniele: aliquos inter medios hostes, vt Helisæum. Sic aliquos è carceribus, vt Paulum: aliquos à calūnia, vt Susannam, &c. liberauit, ne quis nostrum diffidat, si simile quid ipsi acciderit. Omnium maximè autem miracula ideo fecit, vt essent signa certaq; indicia ac quasi sigilla Dei, è quibus discerni posset verbum Dei à verbo hominum, & doct.

Roma. 1. non infirmor? Item: Sapientibus & insipientibus debitor sum. Obserua autem, quod prius dicit: Ascendentes, &c. Ascendere enim primum oportet ad Deum per fidem: Descendere autem posterius est, quia fructus ascensus est prædicatio verbi, & opus charitatis. Demum etiam Dominus innititur huic scalæ, quia Christus Deus est, & omnia Dei bona in Christo sunt. Quæ omnia sunt plenissimè reuelata per resurrectionem, ascensionem, & Spiritus sancti missionem.

Caput secundum.



ACTENVS Euāgelista noster, breuibus quodam verbis, sed verè incomprehensibilibus, carnali rationi ostendit diuinitatem Christi, per æternam emanationē à patre. Nunc quasi attemperans se ad captum nostrum, incipit eandem declarare per opera miraculosa. Deinde sicut superiori capite audiui mus, quomodo Christus per Ioannem manifestatus est, sic in hoc capite & deinceps audiemus, quomodo seipsum manifestauerit. Imò quod Christus supra Nathanaeli promisit, dicēs: Maiora videbis, nunc incipit præstare. Quia autem miraculis Christus seipsum manifestauit, quæ admodum infra dicitur, hoc est initium signorum, quod fecit Iesus, & manifestauit gloriam suam. Et iterum: Opera quæ ego facio, illa testificantur de me, &c. Idcirco aliqua de miraculis præmittenda sunt. Primo igitur quamuis qui verè æstimare velit, omnia Dei opera, & in creatione, & in conseruatione creaturarum verè miracula sint: (De ipso enim scribitur: Tu es Deus, qui facis mirabilia) vsus tamen inoleuit, vt ea tantum miracula

Iosue 10. **Exod. 14.** **Psal. 103.** **Ioan. 6.** **3. Re. 7.** **Exod. 14.** **Dan. 3.** **Dan. 6.** **4. Re. 6.** **Dan. 13.**

doctrinis daemoniorum. Hinc est quod hi maxime miracula fecerunt, per quos verbum Dei orbi praedicatum est: Quales fuerunt Moyses & prophetae, Christus, & Apostoli. Huc pertinet quod Christus ait: Si mihi non creditis, operibus credite. Si non facio opera patris mei, nolite credere mihi, &c. Hinc & Nicodemus: Scimus quod a Deo venisti magister: Nemo enim potest haec signa facere, quae tu facis, nisi fuerit Deus cum eo, &c. Obserua tamen quod in veteri testamento plerumque miracula iram Dei indicant, vt est exustio Sodomae, submersio Pharaonis, repentinus interitus Dathan & Abiron, &c. Nec mirum: Nondum enim paries inimicitarum ruptus erat. In nouo autem testamento, omnia Christi miracula nihil aliud spirant quam insignem Dei misericordiam: adeo vt discipulis Christo suadentibus, vt ignem e caelo super quosdam ingratos mitteret, dixerit: Nescitis cuius spiritus estis: Non venit filius hominis animas perdere, sed saluare. Merito legitur gratias agimus Deo, qui nos hoc tempore gratiae non minis & poenis, sed promissis tantum & donis ad se allicit. His praemissis, nunc literam attendamus.

Et tertia die nuptiae factae sunt, &c.]

Quod diem etiam determinat, continentio est ad praecedentia. Supra enim dixerat: Vna dierum Andream & Simonem, ad Christum accessisse, & altera die Philipsum & Nathanaelem. Nunc continuando dicit: [Et tertia die nuptiae factae sunt, &c.] Posset autem cuiquam videri, Christum a casu in has nuptias incidisse: verum qui attendit sine nutu Dei nec solum arbitris decidere, is facile videbit Dei consilio & prouidentia haec sic ordinata esse. Ceterum de nuptiarum vel matrimonij institutione, liber Genesis clare testatur. Qualiter autem nuptiae celebrandae sint, ex Tobia videri potest. Itidem ex Paulo, quomodo in matrimonio viuendum sit. Ex eodem Paulo videre potest differentiam inter coniugium & caelibatum. In Galilaea autem Christus & praedicare, & miracula facere cepit, vt impletur quod in Esaia dictum est: Primo tempore alleuiata est terra Zabulon, &c. vt Matthaeus asserit. Obserua autem, quod non diu comoratus est in Galilaea, quin

edito miraculo inciperet declarare, non fuisse vanum Ioannis de se testimonium. Latere enim non potest, quem Spiritus sanctus inhabitat. Non enim potest abscondi ciuitas, supra montem posita. Matth. 23

Et erat mater Iesu ibi.]

Si (vt aliqui volunt) Ioannis Euangelistae fuerunt haec nuptiae, certum est, matrem Iesu affinitatis causa illic affuisse. Verum quicquid de illo sit, certum est, eam non leuitatis causa affuisse. Ex hoc autem loco videmus, etiam veteres quadam solemnitate inchoasse matrimonia, & sub pluribus testibus. Raro enim bonum sortiuntur exitum, clandestina matrimonia. Multitudo autem testium ingens consolatio est eorum qui pie in coniugio viuunt: certa autem damnatio eorum qui matrimonij fide violant. Deinde videmus hic, morem fuisse apud veteres, vt honestae matronae vocarentur, e quarum aspectu & doctrina, sponsae ad vitae honestatem informarentur. Quis autem nescit omnis honestatis speculum fuisse matrem Christi? Vnde facile coniecti potest, nuptias has non in leuitatibus, sed in tempore domini celebratas esse, quando quidem tales, tamque Deo dignae personae interfuerunt. Demum habes in hoc loco insigne exemplum charitatis & humilitatis in virgine beata. Quum enim ipsa Virgo esset, non tamen dedignata est venire ad nuptias. Et quamuis maximis donis conspicua esset, nihil tamen hinc sibi ascripsit, nec alios longe minora dona habentes contempsit. Eandem & humilitatem & charitatem, etiam prius ostenderat circa cognatam suam Elizabeth. Hinc & nos discamus charitatem & humilitatem. Vnusquisque donum habet a Deo, alius quidem sic, alius autem sic. Et sicut virginitas, continentia, viduitas, habent honorem suum, sic & nuptiae non carent suo. Proinde, qui donum continentiae & castitatis corporalis habet (nam castitatem mentis omnes habere tenentur) is vtatur eo in Domino, & gratias agat: non inde gloriatur, non infletur, non alijs insultet, nec se ob id iustiores aestimet, aut pluribus in caelo coronis dignum, verum omnia haec ipsi Deo aestimanda relinquat. Dona enim nos non comendant Deo, sed donorum vsus. Hinc Ibidem

E Pau

Paulus: Circuncisio nihil est, præputium nihil est. Ita & virginitas (quod ad solum opus externum attinet) nihil est, matrimonium nihil est, sed observatio mandatorum Dei. Sicut enim in utroque statu saluari potest homo, si assit observatio mandatorum Dei: sic in utroque potest damari homo, si tantum de statu gloriatur, nihil autem curet de observatione mandatorum Dei. Ideo legimus illas quinque tamen virgines, quia tamen saturæ erant, à Domino exclusas. Merito igitur Paulus Mat. 25. Rom. 12 monet, ut non plus sapiamus, quam oportet sapere: sed sapiamus ad sobrietatem, & unicuique sicut Deus diuisit mensuram fidei. Itemque ut affecti simus, quemadmodum Christus, & unusquisque per humilitatem alium iudicet superiorem, &c.

Vocatus est autem & Iesus & discipuli.]

Fieri potest, ut ex speciali & deuotione & fide ipsum ad se inuitarint, sperantes feliciter omnia successura, si Christus eos sua præsentia dignaretur. Ex eodem affectu & Dauid olim arcam Domini, in domum suam transtulit, & Zachæus Christum cum gaudio suscepit in domum: neuter etiam suo desiderio frustratus est. Nam & illius domus propter arcam Domini benedictione repleta: & huius domui per Christum salus facta est. Sic nec hi suo desiderio fraudati sunt. Scriptum est enim: Qui recipit prophetam in nomine prophetæ mercedem prophetæ accipiet, &c. Quod si ob solam affinitatem Christum inuitarunt (id quod fieri potuit) nihil magni de ipso sperantes, voluit tamen Christus post se relinquere benedictionem, ut nos alliceret ad hospitalitatem. Hoc enim facto palam ostendere voluit, se abundè remuneraturum quicquid ex charitate in alios boni cōferamus, id quod & olim in Abraham & Loth ostendit, qui susceptis angelis hospitio abundè remunerati sunt. Quod autem Christus, tam facilem & promptum se exhibuit inuitantibus, consolatio nostra est. Hinc enim videmus, quod nullum spernit, dummodo nomen eius inuocet, & gratiam eius quærat: Delitiae, inquit, meæ esse cum filiis hominum. Hinc & in Euangelio dicit: Omnem qui venit ad me, non eiciam foras. Et in Apocalypsi: Ego sto ad ostium, & pulso, si quis aperuerit mihi, intrabo ad eum, &c. Quod autem etiam ad nuptias venire dignatus est, ingentem consolationem præstat coniugatis. Nam alioqui possent videri ad Christum minime pertinere, quandoquidem & Christus virgo permansit, & matrem Virginem habere voluit. Multa enim sunt, quæ coniugatos offendere, imò ad desperationem adigere possent. Primo enim non est aliquis status, qui tantas habeat molestias ut coniugium: imò ferme perpetuam habet crucem annexam, ob quam vel solam causam plerique eum statum abominantur, quamuis hoc pios nihil offendant: quo enim plures habent molestias, eo magis ac magis Dominum agnoscere discunt. Deinde status hic nihil magni, quod ad externam speciem attinet, videtur præ se ferre, imò videtur ad solos imperfectos pertinere, quum interim virginitas & cælibatus præclarum quid sit, etiam coram mundo, & insuper à Christo & Paulo insigniter commendetur & suadeatur. Accedit ad hæc, quod matrimonium etiam ab antiquo malè audit à sapientibus huius sæculi. Hinc Cato prudentissimus dixisse legitur: Si absque scemina posset esse mundus, conuersatio nostra non esset absque dijs. Itemque alius: Mulier est necessarium malum. Itemque: Sapienti non est ducenda vxor, &c. Demum etiam illud posset coniugatos offendere, quod in Ecclesia quoque fuerunt, qui coniugium palam damnauerunt. Ne igitur coniugati omnino desperarent, Christus ipse ad nuptias venit, atque hac sua præsentia statum conjugalem confirmauit, ut bonum & Deo placitum: quemadmodum & in alio loco etiam verbis eundem statum commendat. Quid autem magis consolatorium esse potest, quam scire, statum tuum Deo placere? Hoc vel solum omnes matrimonij molestias mitigare posset. Quod autem Christus etiam miraculum, & quidem primum, in nuptijs fecit, eo ipso facto obligauit, ac quasi spondit se matrimonio affuturum. Quum enim propter uxorem omnes amici, imò & parentes relinquenti sint, videtur contrahens matrimonium prorsus ab omnibus derelinqui. Itaque docet Christus hoc miraculo, se

Mat. 19
1. Cor. 7

Mat. 12

Gene. 28

se pro coniugibus sollicitum esse, & satis opum, victus & amictus tibi fore, si Christum inuitaueris ad nuptias, id est, si in Domino contrahas, modo satis confidas, & vocationi tuæ diligenter inseruias. **Pro. 10. Psal. 49** Scriptum est enim: Benedictio Domini diuites facit. Et iterum: Inuoca me in die tribulationis, eruiam te, & honorificabis me.

Deficiente autem vino.]

Ex hoc clarè videmus, pauperum fuisse has nuptias, nec tamen Christus eos accedere erubuit. Hoc autem fecit ad exemplum diuitum, ne pauperes fastidiant. Hinc Paulus: Scitis gratiam Christi, quoniam quum diues esset, propter nos egenus factus est. Deinde fecit hoc etiam ad consolationem pauperum: nihilo enim Deo ingratiore sunt ob paupertatem. Hinc **Jacob. 1** Iacobus: Deus elegit pauperes in hoc mundo, diuites autem in fide, &c. Moraliter autem ubicunque Christus habitabat, ibi deficit vinum carnalis iucunditatis & voluptatis. Hinc Paulus: Quæ prius mihi erant lucra, reputavi iam ut stercore, omniumque quæ retro sunt, oblitus, &c. Diligenter itaque hic obseruandum, quod Christus non scribitur interfuisse nuptijs Pilati aut Caiphæ, vbi erat diuitiarum affluentia, & vbi præ opum multitudine, nihil deesse potuit pompæ nuptiarum: sed ad sponsum tenuis fortunæ diuertit, hoc ipso facto significans se in paupertate, infirmitate, & in extremis calamitatibus potissimum inueniri, & præsto adesse, modo inuocetur. Iuxta illud: Adiutor in opportunitatibus, &c. Et iterum: Cum ipso sum in tribulatione, &c.

Vinum non habent.]

Chrysostomus duriusculè hoc verbū exponit: Optabat, inquit, mater, vt Christus iam hominum gratiam conciliaret sibi, & ipsa clarior filij gratia efficeretur, & fortasse aliquo humano afficiebatur affectu, quemadmodum & fratres eius, cum dicerent: Ostende te ipsum mundo, cupidi eius miraculis sibi famam comparare, itemque Nazaritæ, cum dicerent: Quanta audiuius à te facta in Capharnaum, fac & hic in patria tua. Alij autem ferme omnes mitius hoc verbum exponunt, quibus & ego subscribo. Quamuis

enim non probem eos, qui nimia superstitione sanctorum errata excusant, quasi prorsus quicumque sanctorum nomine censentur, sine omni peccato fuerint (hoc enim partim infirmorum fidem offendit, qui infirmitates in se sentiētes, à quibus sanctos alienos fuisse falsò prædicantur, se eò salutis peruenire posse non sperant. Partim etiam gloriam Dei, & misericordiam Christi obscurat, qui omnes sub peccato includit, vt omnium miseretur) hoc tamen Virginis sanctæ verbum verè pium fuisse non dubito. Nam & fidem & charitatem præ se fert, & quidem insigniter. Nam quis dubitat pium esse quod ex fide & charitate procedit? Primò igitur charitatis est, quod ipsa alijs conuiuantibus sollicita est: charitas enim otiosa nō est, imò magna semper operatur. Quod autē non pro se, sed pro alijs curat, signū est certissimū veræ charitatis: Ea enim non quærit quæ sua sunt. Deinde fide eius indicat, quod alijs aliò spectantibus, vnde vinum sumerent, imò iam desperabūdis (nam omnibus cōsilijs obstabat paupertas) sola virgo ad Christum confugit, non dubitās illū etiam, vbi omnia alia defecerint, posse succurrere. Nec mirū, quod à filio hæc petere aut sperare ausa fuit. Plura siquidem diuinitatis eius testimonia habebat. Ex verbis enim angelis, Pastorum, Magorum, Simeonis, Iosannis, imò & ex ipsa voce patris, & specie columbæ, certificata erat de eius diuinitate. Sic pius quisque etiam si omnia externa media deficiant, & omnes alij desperent, ipse tamen illud adhuc refugium habet, vt ad Deum recurat, quemadmodū Iosaphat ait: Exemplo sint, Moyses super mare rubrum constitutus, Helizæus à Syrijs in ciuitate circumdatus, Iudas Machabæus, &c. E contra mundus in necessitate ad externa media cōfugit, quæ si defecerint, iam planè desperat, vel experiētia teste.

Quid mihi & tibi est mulier?]

Mirantur nonnulli nec immeritò, cur Christus hic tam durè, & vt videtur, iniuciliter matri respondeat: maxime cum alijs etiā sub interminatione mortis præceperit, vt parentibus obediant. Maledictus, inquit, qui non honorat patrem & matrem, imò ex hoc Christi responso, Eij Mas

Manichæus asserere voluit eam non fuisse matrem veram Christi, quandoquidem eam non matrem, sed mulierem nominat, quin potius videtur omnino non agnoscere eam. Posset etiam nunc inscia iuuentus, ex hoc verbo offendi, ut & ipsa parentes contemnere inciperet. Ad hæc itaque mala præcauenda, quidam verbū hoc Christi mitigare volentes, in hunc sensum exponūt: [Quid mihi, & tibi est, &c.] hoc est, quid mea vel tua interest, vnum ne habeant vel non? Mea quidem non interest: non enim propter temporalia, sed propter spiritualia præstanda missus sum. Sic enim & alio loco, cuidam de temporalibus interpellanti, respondit: **Luc. 12.** Quis me constituit iudicem, & diuisorem inter vos? Sed nec tua interest, hæc externa curare: dicit enim Paulus: Virgo cogitat quæ Domini sunt, &c. Denique nec hora mea adhuc adest, nimirum prædicante adhuc Ioanne, quem prius oportet incarcerationi, antequam ego me palam ostendam mundo. Pia quidem sunt hæc, sed tamen huic loco minime congruunt. Nam in Græco est, *τί ἐμοὶ καὶ σοὶ*? Quid mihi tecum? atque ad eum modum omnes ferme expositores exponunt. Nec quenuquam offendat ipsa duricies verborum. Primò enim per hoc vel maxime hæreticis illis respondere voluit, qui asserabant Christū ante Mariam non fuisse, atque ob id ipsum tam rigidè verbum hoc protulit, ut vel hinc admonerentur cæci homines, Christum maius aliquid in se habuisse, quàm quod ex Virgine sumpserat. Alioqui nunquam dixisset, [Quid mihi tecum mulier?] Deinde hoc verbo Christus explicare voluit, quæ sit ratio & natura fidei. Fides enim vera per charitatem operatur, ac per eandem omnes homines agnoscit, ut proximos & fratres, omnibus seruire vel benefacere contendit, tantum abest, ut parentibus non subueniat, & deferat. Verùm ubi salutis negotium agitur, & Dei gloria aliud exigit, ibi fides neminē præter Deum agnoscit, ne parentes quidem. Sic Christus parentibus quidem subditus fuit, ut qui maxime: adeo ut etiam in cruce cū aliud non posset, vel verbo matrem cōsolatus sit. Vbi autem in negotio patris versatur, ibi neminem agnoscit, ne matrem quidē. Sic cū in templo inuentus esset, dixit:

Nesciebatis quod in his quæ patris mei sunt, oportet me esse? Et alibi: Quæ est mater mea, & qui sunt fratres mei: &c. Sic & hic: [Quid mihi tecum mulier?] quasi diceret: Hactenus tuæ voluntati me præbui morigerum, quod nunc restat, ex arbitrio patris gerendum est, nō ex humano præscripto. Alibi mater fuisti, posthac mihi nihil aliud eris quàm mulier, quoties versor in negotio patris. Sic & nobis præceptum est ut parentes honoremus, atque ob eam causam Rechabite vel maxime commendantur, quod custodierint mandata patris sui. Quantum verò ad fidem attinet, oportet nos parentes odisse. Hinc Christus ait: Qui venit ad me, & nō odit patrem suum & matrem, &c. non potest meus esse discipulus. Hinc & se venisse dicit, ut separet hominem aduersus patrē, & filiam aduersus matrem, &c. Sicut igitur impius est in parentes, qui in operibus charitatis ipsis deest: sic impius est in Deum, qui parentum gratia Christum relinquit, aut aduersus Dominū operatur, vel officium à Deo mandatum, non exequitur. Pietas est parentibus in externis seruire. At nihilo minus pium est, pro Dei gloria parentes non agnoscere. Hinc Moyses ait: Qui dixerit patri suo vel matri, nescio vos, & fratribus suis, ignoro illos, & nescierunt filios suos, hi custodierunt legem tuam, &c. Præterea, hac dura responsione etiam docere voluit Christus, nullum donum corporale, nullamque prærogatiuam carnis, nos Deo commendare aut gratos facere, nisi adsint & dona spiritualia iustificantia. Sic magnū quidem donum est prophetia, attamen etiam Balaam prophetauit, nec tamē ob id Deo gratus fuit: imò & ipse Caiphas prophetauit. Sic magnum donum est, miracula posse facere, & tamen multi hoc habentes, in iudicio audient à Christo, **Matt. 7.** Non noui vos. Sic & virginitas carnis donum insigne est, tamen interim fatuæ virgines excluduntur. Sic magnum erat, quod filij Zebedæi Christo secundum carnem sanguine iuncti erant, & tamen hi ipsi audiunt: Sedere ad dexteram meam & sinistram, non est meum dare vobis, sed quibus paratum est, &c. Maximum autem inter dona corporalia est, esse matrem Christi, non tamen est donum iustificans, imò nihil profuisset Virgini, nisi

**Luc. 2.
Mat. 12.**

**Exo. 10.
Hier. 35.**

**Luc. 14.
Mat. 10.**

Deut. 35

**Num. 23
Ioan. 18**

1. Cor. 7

**Luc. 2.
Ioan. 19.**

Matt. 23

Mat. 20

nisi & dona iustificantiā habuisset. Hinc
 Lucæ 1. Elizabet non dixit: Beata es, quia Christi
 corporalis mater effecta es, sed: Beata
 quæ credidisti. Dona autem iustificantiā
 sunt, fides, spes, & charitas, atq; hæc sunt,
 quæ commendant nos Deo: In hoc, in-
 quit, gloriatur, qui gloriatur nosse me:
 Hierc. 9 quia ego sum Dominus, faciens miseris
 cordiam, &c.]

Nondum venit hora mea.]

Ex hoc loco Mathematici vel Astro-
 logi, qui omnia & auspicantur & agunt
 ad electionem horarum, errorem suum
 statuere conantur, quasi Christus non po-
 tuerit miracula facere, nisi certa hora, &
 bono, vt vocāt, aspectu syderum. Verū
 hæc friuola sunt: Nō enim Christus à stel-
 lis regitur, sed rector est stellarum. Hinc
 Mar. 28. in Matthæo dicit: Data est mihi omnis
 Ioan. 10. potestas in cælo & in terra. Et iterum: Po-
 testatem habeo ponendi animam meam,
 & iterum sumendi eam. Nemo eam tollit
 à me, sed ego ipse eam pono. Augustinus
 hanc horam refert ad horam passionis,
 quando in cruce pendens, matrem agno-
 uit. Quasi diceret: Nunc te non agnosco,
 quia miracula facere à te non habeo, cum
 autem venerit illa hora passionis, te ag-
 noscam, quia à te habeo, vt pati possim.
 Hæc quanquam pia sint, melius tamen
 est, vt ad miracula referatur, vt sit sensus:
 Penes me est statuere, quando succurren-
 dum sit, non penes te. Tempus autem &
 hora faciendi miracula est, cum id exigit
 gloria Dei. Hinc est, quod Christus nun-
 quam amicorum vel cognatorū affecti-
 bus miracula fecit, etiamsi sæpius ab eis
 ob id ipsum interPELLARETUR, vt supra os-
 tensum est. Ob eam causam nec coram
 Lucæ 23. Herode miraculum vllum facere dignaba-
 tur. Deinde tempus & hora faciendi mi-
 racula tunc est, cum necessitas hominum
 id exigit. Misericordia enim Dei maximè
 speciosa est tempore necessitatis, non mi-
 nus quàm nubes, pluuiæ, in tempore sic-
 citatis. Hinc & in Esaia dicit: Tempore ac-
 cepto exaudiui te, &c. Nondum autem a-
 derat necessitas, nec adhuc omnes sciebāt
 vini defectum, ideo Christus differebat
 miraculum, quo magis omnibus inno-
 resceret vini defectus, & necessitati, non
 ostentationi datum videretur. Ob eandē
 causam & tam diu distulit incarnationē,

vt homo penitus agnosceret suam dam-
 nationem, & tanto gratius esset beneficia
 um, quanto diutius expectatum. Ob eam
 dem causam solet etiam nūc electos suos
 ad inferos vsq; deducere, vt vel hinc sen-
 tiant, quanta sit misericordia Dei, eos in-
 de reducentis.

Quæcunque dixerit vobis facite.]

Voluntatis eius conscia, & de poten-
 tia eius non dubitans, opportuna com-
 monitione ministrorum animos præpa-
 rat. Illud nimirum, procurabat pia ma-
 tris sollicitudo, ne famulorum increduli-
 tas, aut non paratum obsequium, obsta-
 ret, quo minus conuiuium subueniretur.
 Timebat item, ne si quid inconsuetū præ-
 ciperet, amentiae deputarent, nondum
 veram eius experti virtutem, quemadmo-
 dum propinqui eius, cum Apostolos elia-
 geret, & quibuscū nomina mutaret, exie-
 runt, vt tenerent eum, putantes eum in
 Marc. 3. furorem versum. Et quid aliud curat pius
 quilibet paterfamilias, quàm ne vel ipse
 vel familia quicquam agant quo minus
 digni efficiantur Dei beneficio. Hinc Iob
 quotidie pro filiis suis sacrificabat: Ne
 forte, inquit, benedixerint filij mei Do-
 mino in cordibus suis, & peccauerint. Ex
 hoc autem loco petenda est vera oratio-
 nis Christianæ forma. Primò enim ve-
 niendum est fiducia solius misericordiae
 Dei, & nequaquam prærogatiua meriti
 nostri, alioqui audiemus: Quid mihi tes-
 cum est? Hinc est, quod Daniel oraturus
 Dan. 9. dicit: Nō in iustificationibus nostris pro-
 sternimus orationes nostras, sed in mise-
 rationibus tuis multis & magnis. Secun-
 dò simpliciter necessitatem nostram co-
 ram Deo aperiamus, omnem effectum
 committentes eius voluntati, quæadmo-
 dum & Virgo mater simpliciter dicit: Vi-
 nū non habent. Sic leprosus orabat: Do-
 mine, si vis, potes me mūdare. Et David:
 Si dixerit, non places, præsto sum, faciat
 vt vult. Tertiò, sicut Virgo mater, quā-
 uis duram audierat responsonem à Chri-
 sto, imò quasi apertam recusationem, nō
 tamen indignatur, non desperat, quin
 potius, perinde ac si apertam habeat pro-
 missionem, seruis mandat, vt faciant
 quodcunque iusserit filius: ita nos affe-
 ctos esse oportet in orationibus nostris,
 vt pergamus in vocatione nostra, nec de
 Dei

Dei bonitate diffidamus, etiam si omnia contraria videantur. Sic oramus pro vita æterna, sed contraria sunt affectus prædestinationis, afflictio, peccatū, & mors: nihilominus tamen perseverandum. Sic Moyses pergebat in liberando Israel ex Aegypto, ut maxime omnia aduersa accidere videbat. Sic David in acquirendo regno semel promisso. Sic Ezechias in defendenda vrbe Hierosolyma. Sic & mulier Chananæa aliquoties repulsa, tamen non desperabat, nec cessabat. Huc pertinet, quod in Elia dicit: Non usque in finem irascar, &c. Hinc Petrus monet, ut instemus orationi, & commendemus fidei creatori animas nostras.

Erant autē ibi lapideæ hydriæ sex, &c.]

Hic tandem accedit ad ipsum miraculum describendum, ac pluribus quidem utitur verbis, quorum tamen nullum non facit ad confirmationem miraculi. Primo enim miraculum auget multitudo hydriarum. Deinde ipsarum capacitas, quæ quamuis ad nostras mensuras non facile exigi possit quanta fuerit, facile tamen coniectur, non parum vini fuisse, quod Christus mirabiliter exhibuit. Præterea miraculo fidem facit, quod eæ hydriæ nullum alium liquorem vnquam accepissent, quàm aquam, ne quis forte suspicaretur hic dolum. Hydria enim vas est aquæ, nam ὕδωρ aquam significat. Ad hoc facit, quod dicuntur positæ secundum purificationem Iudæorum. Ea autem (teste Marc. 7. Marco) talis erat, ut nisi subinde lotis manibus non manducarent, imò à foro venientes, nisi prius loti, non manducabāt. Erat enim Iudæorum gens admodum superstitiosa in operibus, non solum legis, sed & humanarum traditionum, id quod ex Matthæo liquet. Denique ad miraculi fidem facit, quod non ipse, sed ministri hydrias implent. Deinde, quod usque ad summum implent eas, ne quis possit dolum suspicari. Præterea quod Christus nullis precationibus præuijs, imò ne contactu quidem aquæ vel hydriarum, sed solo nutu & voluntate, aquam in vinum conuertit, id quod solius Dei est: hoc enim neque Moyses, neque Prophetarum quispiam potuit, ut vel ex hoc vno videre possimus, quod Christus nedum plus quàm Ionas aut Salomon, sed & plus quàm

Moyses est. Quid igitur mirum, si pius homo in ipso omnem suam fiduciam collocat? Postremo ad miraculi fidem facit, quod non aliquis est conuiuius, sed ipse Architrachus, qui cæteris temperatius bibere solet, pronunciat esse vinum, quod ministri afferrebāt: nec vulgare aliquod vinum, sed optimum, adeo, ut ea de causa sponsum obiurgaret: Omnis, inquit, homo, &c. Vide igitur, quàm nihil frustra circa hoc miraculum vel factum sit à Christo, vel scriptum à Ioanne. Quia enim hoc erat initium signorum, necesse erat ad fidem confirmandam, ut eo modo & fieret & scriberetur, ne quis posset suspicari dolum. Alioqui enim Christus ad primam matris interpellationem, poterat hoc miraculum facere, & Ioannes vno verbo dicere poterat: Iesus ad nuptias conuertit aquam in vinum, nisi putasset plurimum conducere ad fidem nostram, ut ea diffusius describeret. Obserua autem, quod Dominus nec de nihilo vinum, quo conuiuas lætificaret, nec de nihilo panem fecit, quo turbas esurientes satiaret: nec aliquid omnino in tota suorum serie signorum de non existentibus fecit, sed vel existentia in maius aut melius prouexit, ut hic, vel corrupta in integrum reformauit, ut infirmos curando, vel destituta restituit, mortuos suscitando. De nihilo autem nullum miraculum fecit. Non enim mentitur scriptura, quæ dicit: Qui viuit in æternum, creauit omnia simul. Simul quippe omnia, id est, prima rerum elementa de nihilo creauit. Ideo dicitur: In principio creauit Deus cælum & terram, sex autem diebus operatus rerum omnium species, non de nihilo creauit, sed ex eisdem elementis verbi imperio formauit. Et die quidem septimo, requieuit ab omni opere, scilicet ut nullam nouam deinceps speciem produci iubeat: operatur tamen usque modò, dum easdem gubernat & multiplicat, maximeque humanum genus, quod in melius commutat.

Omnis homo primò bonum vinum ponit. I

Allegoricè hic ostensum est, quod diuerso modo mundus & Christus suos conuiuas recreant. Mūdus enim primo loco omnia bona promittit, omnia prospera pollicetur, cæterum in fine, nihil nisi ægritudines, afflictiones, calamitates, denique

& mortem nobis relinquit. Christus autem primo loco suorum humeris crucem, persecutionem, & mortem imponit, omnibus malis eos obijciens, postremo autem non tam gaudio eos perfundit conscientiae, quam vita. Hinc in Matthæo dicitur: *Beati estis, cum maledixerint vobis, &c. Gaudete & exultate &c. Et in Luca: Beati qui fletis nunc, quia ridebitis*

Hoc fecit initium signorum Iesus, &c.]

Lucæ. 6. Magnū sanē & præclarum fecit initium signorum, quo tanquam fulgurea coruscatione feriret oculos hominum, ut ad considerandam cæli faciem attoniti leuarent intuitum, id est, ad consideranda cætera quoque, quæ adhuc facturus erat, diligentes & attenti oculos cordis intenderent. Ideo sequitur:

Et manifestauit gloriam suam.]

Ioan. 1. Hoc enim factū & illi viderunt, & nos audimus, imò oculis, etsi non corporeis, tamē oculis fidei videmus gloriam eius, gloriam quasi vnigeniti à patre, plenum gratiæ & veritatis. Verē beati oculi, qui *Luc. 10.* hæc vident: & aures, quæ hoc audiunt. Quis enim desperationi locus relictus est, cum videamus Christum nostrum nihil non posse!

Et crediderunt in eum discipuli eius.]

Hic est fructus huius miraculi, imò omnium, quæ vnquam fecit, & facit Deus. Quid enim aliud in operibus suis quibuscumque quærit, quam ut ei credamus, nec quicquam te didicisse ex miraculis præsumas, si non inde tua in Deum fiducia crescat. Quis igitur non videt, quam frustra nos ea & legamus & audiamus. Nihil enim minus scimus, quam credere Deo, &c. Præter hoc autē, quod Christus hoc miraculo suam gloriam manifestauit, etiam plura alia docet, nempe nuptias esse probatas: & quod ipse Deus de victu nostro sollicitus est, modo fideamus, & diligenter vocationi nostræ inserviamus, id quod ex alijs scripturæ locis apertè monstrauit, ut est. *iii. Reg. iiij.* & *Matth. vi.* Sed de his supra dictum est in exordio huius capituli. Moraliter per nuptias intelligitur coniunctio Dei cum anima hominis fidelis, de qua dicitur: *Osee. 2.* Sponsabo te mihi in misericordia & mis-

erationibus, & sponsabo te mihi in fide, &c. In his nuptijs sponsus est Christus, sponsa anima, ut Paulus Ephesijs scribit. Merito autem sponsus dicitur, quia ubi alij sibi desponsatis aurum & argentum offerunt, ibi Christus suæ sponsæ proprium sanguinem obtulit. Hæc nuptiæ celebrantur, & celebrari debent in Chana Galileæ, hoc est, in zelo transmigrationis ab hoc exilio ad veram patriam. His nuptijs adest & mater Iesu, & discipuli: quia quamuis tota fidelium Ecclesia vna sit sponsa, quælibet tamen anima specialiter copulatur Christo. In his nuptijs omnium maximè opus est vino internæ consolationis, alioqui frustraneum est, quicquid foris exhibetur. Habet quidem sponsa & conuiuæ sex hydrias, quæ externè quidem purificant & splendidum reddunt, non tamen internè consolantur, nisi Christus aquam in vinum vertat. Prima hydria est misericordia in miseros. Hæc est hydria Rebeckæ, quæ celeriter deponitur de humeris, ut bibat indigens homo, & iumenta. Hæc hydria duas habet metretas, quia & in corde habet compassionem, & in opere præstat subuentionem. Secunda hydria, est commotio zeli in malignos. Hæc est hydria Gedeonis, hæc hydria capit ternas metretas: quia amore veritatis accenditur intus, & ad ea, quæ corrigere valet, correptionem fraternæ charitatis exhibet foris, ad ea autem, quæ corrigere non valet, gemitum ponit orationis. Tertia hydria, est spiritus contribulatus in sacrificio deuotionis. Hæc est hydria Helix, quam super sacrificium quadruplicatam superin fundi iussit. Hæc hydria continet duas metretas, quia & propriam deplorat miseriam, & anxie suspirat ad gratiam. Quarta hydria, est prægustatio quædam supernæ dulcedinis. Hæc est hydria, quam inter templi vasa reponi fecit Salomon, quam & remouit Ioas, quam denique in totum abstulit Nabuchodonosor: hæc hydria habet metretas ternas. Aliquando enim fit prægustatio hæc in intellectu tantum, scilicet in veritatis visione: aliquando in affectu tantum: aliquando in utroque, sicut Paulo cōtigit. Quinta hydria, est cōsideratio mortalitatis, hæc est hydria, quæ confringitur super fontem. Habet autem duas metretas, dum

Ephes. 5.

Gen. 24.

Iudic. 7.

3. Reg. 2.

3. Reg. 7.

4. Re. 12.

Hier. 52.

2. Co. 12.

Eccle. 12.

scilicet & necessitatem moriendi cogitamus, & incertitudinem horæ. Sexta hydrya, est diuini verbi meditatio, hæc est hydrya viduæ Sarepthanæ, quæ nunquā exhauritur. Habet autem tres metretas, 3. Re. 17. fidem enim ædificat, mores instruit, & ad superna erigit. Hæc quamuis nonnihil externè purificent, tamen omnino insipida sunt, nisi Christus interueniat. Tunc autem aquam in vinum vertit, quando quæ insipida sunt, amabilia reddit, & quæ grauiæ erant, leuiæ facit. Allegoricè, per nuptias has intelligitur vnio duarum naturarum in Christo: Hæ nuptiæ factæ sunt tertiâ die. Non enim tempore legis naturæ, nec tempore legis scriptæ, sed tempore gratiæ. Christus carnem assumpsit. Facta est autem hæc vnio in Chana Galilææ, hoc est, ex magno zelo, quem gerebat Deus pro homine, contra adulterum diabolium. Senarius hydryarum numerus perfectus, sanctos patres vniuersos significat, qui diuersis temporibus, id est, sex mundi ætatibus diuisi Christum expectabant. Et hi omnes æquam sapientiæ salutaris habebant, hoc est, cognitionem, & promissiones, aut scripturas de futuro Christo, sed non æqualiter, aliqui metretas continebant binas, aliqui ternas. Plus enim indicatum est Moyfi, quàm Abraham: & Dauidi quàm Moyfi, &c. Verum quantumcunque & legem & prophetas haberent, tamen omnia insipida erant, vsq; ad aduentum Christi. Per Christum autem aqua mutata est in vinum, quia insipida litera legis conuersa est in vinum dulcissimum Euangelij. Hoc vinum ex aqua factum, ministri & Apostoli nobis propinarunt, & adhuc offerunt. Primò tamè omnium Architriclino offerunt, quia nihil inde sibi ascribunt, sed omnia ad Deū referūt. Sic igitur reficiuntur fideles in Ecclesia gaudentes, & admirantes admirabile Dei consilium, quo non ab exordio, sed quasi in fine mundi, hoc vinum primò dare voluit mundo. Interim autem aspirant ad perfectas illas nuptias, ad quas post finem huius vitæ introducuntur fideles, vbi perfectè Deo vnientur & indissolubiliter, & vbi omnis aqua in vinum vertetur, hoc est, omnia aduersa in gaudium perpetuum conuertentur, quando scilicet absterget Deus omnem lachrymam

ab oculis sanctorum, &c. Verè igitur beati, qui ad cœnam nuptiarum agni vocati sunt: beatiore, qui ad eas pertingūt: beatissimi autem, qui & ipsi sponsæ nomine digni inueniuntur.

Post hæc descendit Capharnaum.]

Manifestauerat Christus semel gloriā suam, sed tantum coram amicis & discipulis: nunc iterum ad tempus se abscondit: nolebat enim præcursores suos ad huc prædicantem, à cœpto cursu impedire, donec ad debitum finem pertingeret, quo facto insigne exemplum veræ modestiæ ostendit. Deinde noluit calumniatoribus ansam calumniandi præbere. Si enim Ioanne adhuc prædicante, & ipse cœpisset publicè prædicare, non desuissent, qui eum vel æmulatione vel inuidia, hoc facere calumniarentur. Decet autem 1. The. 5. tem prædicatorem, vt etiam ab omni specie mala abstineat, omnique prorsus mala suspitione careat. Alioquin facile cõtemnitur prædicatio, vbi in prædicatore æmulatione, inuidia, contentio, aliique carnales affectus videntur, id quod nostris temporibus experimur. Hinc Paulus monet: Nemini, inquit, dantes vllam 2. Co. 6. offensionem, vt non vituperetur ministerium nostrum. Descensus autem hic Christi in Capharnāum, non tam declinuem terrarum situm, quàm humilitatis ipsius magnam innuit dignationem, quia videlicet Deus ad homines, sanctus descendit ad peccatores. Capharnāum enim peccatrix erat ciuitas, intantum, vt huic quoque exbrobrauerit Christus: Et tu, inquit, Capharnāum, &c. Non tamè indignatur Christus illuc ire, imò & manere cum suis. Nec in villo loco Galilææ plura signa fecit, quàm in Capharnāum, vt vel hinc videas, quàm paratus sit in profundo peccatorum iacentibus subuenire: Non, inquit, voluntatis meæ est, vt moriatur impius, sed vt cõuertatur. Quā 1. Tim. 5. uis hac sua dignatione, parum profecerit apud Capharnaitas. Cæterum, quod matrem & fratres, qui eum per ciuitates & castella circueuntem sequi non poterant, non alibi, quàm in Capharnāum reliquit, insigne charitatis est exēplū, quo docemur. Primò, vt curam geramus eorum, qui nobis commissi sunt. Qui enim suorum & maxime domesticorum curam

Apoc. 21
Apoc. 3

1. The. 5

2. Co. 6

Matt. 11

Ezec. 18

Mat. 25

1. Tim. 5

curam non habent, fidem negant, &c. Secundo, ut infirmorum imbecillitates tolleremus, quemadmodum Paulus monet ne statim contemnamus eos, qui Christum per quæque ardua sequi non possunt, sed relinquamus eos in villa consolationis: (sic enim interpretatur Capharnäum) crebrisque consolationibus eos fulciamus, donec & ipsi grandescant in Christo. Allegoricè autè statim post conuersionem aquæ in vinum, Christus descendit Capharnäum: quia postquam resurgendo à mortuis mortalitatis nostræ aquam, in immortalitatis suæ vinum transtulit, & dato Spiritu sancto, insipidam aquam legis, in nouum mustum Euangelij conuertit, relictisq; Iudæis, ad consolandas gentes transiit.

Ipsæ & mater eius & fratres, &c.]

Fratres Christi non intelligas ex eadem matre genitos, id quod Heluidius voluit: neque ex ipso Ioseph genitos, sed cognatos. Sic enim scriptura cognatos fratres nominat. Sic Loth dicitur frater Abraham, & Iacob frater Laban, &c. Obserua autè, quales comites habeat Christus, matrem, fratres, & discipulos. Hi sunt, de quibus in Esaia dicit: Ecce ego & pueri mei, quos dedit mihi Dominus, &c. Itemque in Zacharia: Mittam, inquit, manum meam ad paruulos, &c. Hic est pusillus ille grex, cui pater regnum dare decreuit. Contendendum igitur omnibus nobis est, ut in eorum numero inueniamur. Cum autem matrem Christi esse, & carnaliter cognatos non omnibus datum sit, ad hoc saltem nitamur, ut simus eius discipuli: hoc enim nulli denegatur, dicente Christo: Omnis qui venit ad me, non eijciam foras. Quanquam spiritaliter nedum discipuli, sed & fratres & mater Christi esse possumus: Quicumque, inquit, fecerit voluntatem patris mei, ille meus frater, soror, & mater est.

Et propè erat Pascha Iudæorum.]

Paschæ festum celebrabatur, in memoriam liberationis ex Aegypto. Eius festi ritus erant comestio agni in vespera, & azymorum panum per septem dies. Signanter autem dicit: [Erat pascha Iudæorum.] Nos enim longè aliud pascha habemus: nam agnus noster spiritualis,

est Christus, scilicet pro nobis immolatus, & azyma nostra sinceritas & veritas sunt. Denique & ipsa liberatio spiritualis est, scilicet à diabolo & peccatis, de qua 1. Co. 15 Paulus: Eripuit nos de potestate tenebrarum, &c. Obserua, quòd sicut Christus in ipso festo paschæ primò se Hierosolymis manifestauit, sic in eodem festo, vltimò à Iudæis visus est, sed differenter. In priori siquidem festo, admodum seuerum se ostendit, ut sequitur: In posteriori autem, se benignissimum exhibuit: adeò, ut in cruce pendens, cum clamore & lachrymis pro peccatoribus oraret. Vtrunque autem, hoc est, tam seueritatem, quam benignitatem in festo paschæ ostendere voluit: tunc enim ex omnibus partibus conueniebant Iudæi. Omnibus autem necessarium est, ut sciant Deum & iustum, & misericordem: Misericordiam & iudicium, inquit, cantabo tibi Domine. Primò autem seueritatem ostendit, ut hinc discamus quid nobis deberetur, nisi Christus in se trāstulisset mala nostra,

Et ascendit Iesus Hierosolymam.]

In lege præceptum erat, ut omne masculinum Iudæorum, ter in anno ascenderet ad locum sacrificiorum. Christus autè qui prius cœpit facere quàm docere, id præceptum seruauit, tum ut futurorum hæreticorum dicentium legem Mosaiacam à Diabolo traditam, errorem destrueret: tum ut nobis exemplum daret, cum omni diligentia obediendi diuinis præceptis, nimirum ipso facto iam docens, quod postea verbo docuit: Exemplum dedi vobis, &c.

Et inuenit in templo vendentes oues, &c.]

Alij Euangelistæ hoc factum esse scribunt à Christo, posteaquam a sello insidens, in die palmarum Hierosolymam intrasset proximus passioni: nec dubium est, quin tale quid eo tempore factum sit, quandoquidem tres Euangelistæ illud asserunt constanter. Volunt autem aliqui, quòd Ioannes, cuius propositum fuit, testimonia diuinitatis vndique colligere, ideò hoc factum primo loco scripsit, non quòd primo tempore factum sit, sed quòd magis insigne diuinitatis testimonium sit, quàm alia. Verum huic repugnat, quod infra

infra dicitur: cum redisset Iesus in Galilaeam, receperunt eum Galilaei, cum omnia vidissent, quae fecerat Hierosolymis in die festo. Fateri igitur cogimur, plusquam semel eiectiones à Christo negotiatores illos. Quomodo enim totis tribus annis, tantam impietatem passus fuisset in templo, imò fidèter affirmare licet, quòd nedum semel atque iterum, sed & quoties huiusmodi negotiationes & latrocinia inuenit, zelatus est, & comedit eum zelus Domini. Ideo quod Ioannes hic scribit, confirmatio est eius, quod alij Euangelistae scripserunt. Nam alioqui posset aduersarius quispiam dicere, quòd in vltima illa eiectione non diuinitatis nutu Pharisei quieuerint, sed metu turbarum, quae multae partim cum illo venerant, partim venienti cum ramis palmarum & laudibus obuiam exierant. Vt ergo totum, quod factum est, diuinitatis eius virtuti indubitanter ascribendum esse sciamus, illo quoque tempore hoc illum fecisse testatur Ioannes, quo parum notus adhuc, nulla turba fuerat comitatus. Emphasim autem habet, quod dicit: [Inuenit vendentes in templo, &c.] Dum per prophetas eos arguerat, quòd templum eius dehonestarent, quaquam ipsi crebrò id negarent: Quid, inquit, niteris bonam ostendere viam tuam, en ego iudicio contendam tecum. Et in alio loco: Ego sum, ego vidi, dicit Dominus. Et in Psalmo: Existimasti iniquè, quòd ero tui similis: arguam te, & statuam contra faciem tuam. Huc igitur pertinet, quod Ioannes ait: [Inuenit vendentes.] Quasi diceret, quod toties in eis arguit, quod ipsi constanter semper negauerunt, hoc ipso facto deprehendit: Vae homini, què Deus saepius monitum, in malo opere deprehendit. Si enim discipulos nihil quidem mali operantes, sed tantum à bono cessantes & dormientes, tamen arguit, quid faciet illis, qui in manifestis peccatis deprehenduntur! Huc pertinet, quod Christus ait: Si infidelis seruus dicat, Tardat Dominus meus, & coeperit percutere conseruos suos, &c. veniet Dominus serui illius in die, qua non sperat, & diuidet eum, ponetque partem eius cum hypocritis. Obserua, quòd tunc vel maxime Iudaeorum genti exterminium imminabat, & ira Dei, cum eorum religio maxi-

mè ad auaritiam declinasset. Quod si verum est, imò quia verum est, meritò rimendum nobis est: nam & nostra religio planè ad quæstum & auaritiam declinauit, vt infra dicitur. Statuerant autem pontifices & Pharisei, licitum esse in templo vendere res ad sacrificia & oblationes necessarias, ne parum magnificus esset cultus Dei: sed hoc praetextu suum quæstum augebant. Sic enim solet caro suis affectibus nomen aut cultum diuinum praetexere, verum non irridetur Deus, qui cor aspicit.

Et cum fecisset quasi flagellum de funiculis.]

Longè alium se hic Christus exhibet, quàm in nuptijs, illic enim benignè indigentibus subuenit, hic autem seuerè peccantes corripuit, vt videas verum esse illud Psalmistae: Cum sancto sanctus eris, & cum peruerso peruertèris. Potest quidem Deus infirmitates nostras tolerare, non autem pertinaciam & proteruiam. Mirum autem alicui videri posset, quòd Christus alioqui in omnibus & erga omnes mitis & benignus adeò, vt nedum conuitia, sed & verbera & mortem patienter sustinuerit, hic praeter morem suum se tam seuerum exhibuit. Per hoc autè primò ostendit, se Dei gloriam zelare, id quod summè necessarium erat auspiciaturo tantum officium. Si enim post tam manifesta indicia, tamen vt blasphematores Dei eum condemnarunt, quid futurum erat, si nihil tale in Christo vidissent. Deinde hoc facto ostendit grauissimum esse, & grauissima poena dignum, in loco sancto, aut sub pietatis vel diuini nominis & cultus praetextu peccare. Sic enim olim in Esaia praedixerat: In terra, inquit, sanctorum iniqua gessit, & non videbit gloriam Dei, &c. Hinc & in Hieremia miratur: Quid, inquit, est, quòd dilectus meus in domo mea facit scelera multa, &c. Vbi singula verba emphatica sunt, & peccatum exaggerant. Congruè autem flagello, ex funiculis facto, deturbauit eos. Quid enim aliud sunt peccata, nisi funiculi, quibus peccator constringitur? Vae, inquit, qui trahunt iniquitatem quasi in funiculis. Qui igitur peccatum peccato addit, iam funiculos auget & prolongat, quibus tandem eijcitur. Sic Iudas

Ioan. 4.

Psal. 68.

Mat. 21.

Hier. 2.

Hier. 7.

Psal. 49.

Mat. 20.

Mat. 24.

Gala. 61.

Psal. 17.

Matt. 26.

Esa. 26.

Hier. 22.

Esa. 58.

Mar. 26. dabantur: Veniet, inquit, super vos omnis sanguis iustus, qui effusus est à sanguine Abel, &c. Et iterum: Implete mensuram patrum vestrorum, &c.

Omnes eiecit de templo.]

Historiæ testantur, quod Deus etiam in dijs Gentium non potuit ferre blasphemiam nominis sui. Quamuis enim dii Gentium essent dæmonia, quia tamen pro Deo vero honorabantur, redundabat eorum contemptus in veri Dei, diuinique nominis blasphemiam: quāto minus id ferre potuit aut debuit in templo, suo nomini dicato? Vide aut, quā facile vnus & solus, tot tamque potentes eiecit, vt ne resistere quidem possent aut auerent: Cum exacuero, inquit, vt fulgur gladium meum, & iudicium arripuerit manus mea, reddā vltionē hostibus meis, &c. Verè igitur dixit Nahum: A facie indignationis eius, quis stabit? Hæc autem vendentium eiecit, Iudæis portendit magnum & miserabile malum, nēpe eiectionem nedum à terra sua, sed etiam ab Ecclesia Dei. Sicut enim ante primā templi destructionē dixerat Deus: Vae Asis, virga furoris mei & baculus, in manu eius indignatio mea: sic postea Romanus exercitus, fuit funiculus ille, quibus impij Iudæi exterminati sunt. Et merito funiculus dicitur: Durus enim fuit ad cædendum, & fortis ad ligandum & captiuandum: verè funiculus iræ Dei lorūmque ferreum.

Oues quoque & boves.]

Etiam irracionales creaturæ propter peccatum hominis flagellantur à Deo. Hinc Moyses: Si non obedieris, maledictus tu, & omnia tua, &c. Ad longum. Per hoc autem, quod etiam animalia eiecit, significabatur finem adesse sacrificiorum legalium: Sacrificium, inquit, & oblationem nolui, tunc dixi, Ecce venio. Tempus enim erat, vt cessaret figura, veritasque succederet, ac vnicum illud sacrificium, quod Christus est, offerretur.

Et numulariorum effudit es.]

Deu. 23. Hos adhuc durius tractat. Dupliciter enim peccabant, & quod vsuras committebant, quod lege prohibitum erat: &

quod in loco sacro, ac pietatis prætextu id faciebant. Denique & mensas subuertit, ne facillè impium opus repetere possent.

Et his, qui columbas vendebant, dixit, &c.]

Hos mitius tractat. Pauperes enim erant: Columbae enim pauperum mercimonia sunt, & necessitate potius peccabant, quā malitia, tamen arguit eos. Quamuis enim maius sit ex malitia peccare, non tamen impunè feres, etiā si externa necessitate aut paupertate coactus pecces. Deus enim peccatum odit.

Auferte ista hinc, & nolite domum Patris.]

In alio Euangelista dicit: Vos fecistis domū Patris mei speluncā latronū. Hic autem mitius: Nolite, inquit, domū Patris, facere domū negotiationis, nimirum quia illic loquebat Scribis & Phariseis, qui reuera sub specie diuini cultus, quasi in spelunca latentes, prædam & latrocinium de populo faciebant. Hic autem pauperibus colūbas vendentibus loquitur, qui nesciebāt, quid esset inter dextrā & sinistrā. Obseruandum hic etiam contra hæreticos Ebionitas, quod Christus non simpliciter dicit: [Domū Patris, sed Patris mei,] hoc enim verbo indicat, se speciali quodā modo Filium Dei esse: nempe ex natura. Vide igitur cæcitatē Ebionitarum, audierunt Mariam dicentē, fili quid fecisti nobis sic? &c. Nec audierunt Christum inferentē: Nesciebatis, quod in his quæ patris mei sunt, oportet me esse? Quod si mitē illum balatum agni māsueti fortē non attenderunt, quomodo saltem hunc rugitum leonis non audierunt, in tempestate & turbine vias suas agentis, & omnia terrore aspectus sui subuertētis, ac dicētis: [Domū Patris mei, nolite facere domū negotiationis] Hactenus igitur quid Christus in externo illo templo fecerit audiuius & expauimus: nec immerito. Cum enim constet, quod templum illud tantum vmbra fuerit veri templi, & omnia quæ Iudæi in ipso fecisse leguntur, saltem aliquo modo ad cultum Dei pertinebant: nihilo tamen minus, Christus tantam seueritatem ostendit, quid non pœnarum inferet his,

his, qui manifestis vitijs verum tēplum Dei dehonestant! Verum autem templum Dei Christus est, in quo habitat omnis plenitudo diuinitatis corporalis: extra hoc templum, nullæ orationes exaudiuntur, nullæque sacrificia accepta sunt. Quicquid, inquit, in nomine meo petieritis, dabit vobis Pater. Ex hoc templo primus Iudas domum negotiationis fecit: hunc sequutus est Simon Magus, hos imitantur quicunque sub nomine Christi, se suæque quærent. Deinde domus Dei est quilibet fidelis: Nescitis, inquit Paulus, quod templum Dei estis, & Spiritus sanctus habitat in vobis! Noli igitur ex domo Dei facere domum negotiationis: Empti, inquit, estis pretio magno, glorificate & portate Deum in corpore vestro. Qui autem hoc templum Dei violauerit, disperdet illū Dominus. Præterea templum & domus Dei, est ecclesia credentium, Paulo teste: Super hanc domum verè aperti sunt oculi eius, huius domus decorem summè zelatur: Zelatus sum, inquit, Ston, zelo magno, &c. Et post pauca: Qui tangit vos, tangit pupillam oculi mei. Hanc domum Petro committere noluit, nisi prius tertio stipulatus ab eo, an eum diligeret. Quis autem non videt hanc Dei domum, nunc verè factam domum negotiationis? Circuite vias Hierusalem, & videte si inueniatis virum, qui faciat iustitiam, &c. A minore usque ad maximum omnes auaritiæ student. Quis enim enarrare potest, quantis technis, fraudibus, imposturis, circūventionibus, vulgus Christianorum sese mutuo defraudant: quis nobilium, & principum, iudicum, scribarū, legisperitorum, medicorum, &c. fraudes, rapinas, & noua subinde inuenta, ad exhauriendas pauperum fortunas, vel numerare posset: quis denique sacerdotum ac religiosorum, & pontificum, inexplebilem auaritiā ac imposturas non videt? Apud hos omnia venalia sunt, nedum oues & boues, beneficia scilicet quæ vocant, & officia maiora & minora, sed etiam columbæ, hoc est, Spiritus sancti dona, & spiritualia bona, quæ gratis expendere iussi sunt, utpote, quæ gratis etiam acceperunt. Inter hos inueniuntur, qui palam omisissis spiritualibus, numularios agunt, ac tantum terrentis inhiant. Denique & mēsas & sedes suas adeo firmauerunt mūdānis præsidijs, ut non facile eiici possint. Verum nihil tam firmum, quod Deus non deicere possit. In summa, quicquid olim prophetae in auaritiā Iudæorum inuecti sunt, etiā in nobis impletur, ut est illud: Quicumque volebat, implebat manum suam, & fiebat sacerdos. Item: Principes in muneribus iudicabant, & sacerdotes in pretio docebant, &c. Item, Quis ex vobis claudit ostia, & accendit altare gratuito? &c. Interim Christus ex cælo clamat: [Nolite domum Patris mei facere domum negotiationis,] sed quis eum audit? Interdum etiam quæ malè congesti ramus, semel eripit ac aufert nobis, vel per bella, vel per incendium, vel per Tyrānos: nec sic tamen emēdamur. Insuper & in plerisque locis mēsas numulariorum hoc est ecclesias & altaria, quibus ad quæstum abutimur, subuerti permittit, ad terrorem scilicet aliorum, nec sic tamen emēdamur. Quid igitur restat, nisi ut flagello facto, cum ira omnes eiiciat: Propter multitudinem, inquit, adinventionum tuarum, eiiciā te de domo mea: non addam, ut diligam te. Hoc quotidie petunt electi, cum orantes dicunt. Secundum multitudinem impietatum eorum, expelle eos: quoniam irritauerunt te Domine. Quis igitur dubitat breui hoc futurum, quando & Deus ipse hoc comminatus est, & sancti hoc iugiter petunt: maxime, cum & nos non cellemus augere peccata, ac multiplicare funiculos, quorum alioqui heu nimium erat, &c.

Recordati verò sunt discipuli eius, etc.]

Occupatio est. Posset enim quis dicere, qui sit, ut Christus hic tam seuerus sit cum alibi dicat: Discite à me, quia mitis sum & humilis corde. Respondet Evangelista, quod Christus hoc loco præter morem crudelis videtur, non libido, non inuidia, non temeritas est, sed diuinus zelus, & indignatio iusta. Zelus autem est feruor quidam, seu intensa affectio, ex amore procedens, per quem homo conatur ea excludere, quæ consecutionem boni optati impediunt. Sicut autem duplex est amor, carnalis scilicet, & spiritualis: sic duplex est zelus, videlicet, alter carnalis, de quo Paulus: Cum sit inter vos zelus & contentio, nonne carnales estis, &c. Alter spiritualis, diuinus & caritatiuus, quo

Colof. 2

Ioan. 16

Mat. 26

Acto. 8.

1. Cor. 3

1. Cor. 6

1. Cor. 3.

1. Tim. 3.

Zach. 1.

& 2.

Ioan. 21.

Hier. 5.

Hier. 6

Mat. 10.

3. Re. 11.
Mich. 3.

Mala. 1.

Cice. 94

Psalms. 5

Matt. 11

1. Co. 10

quo nititur homo ea excludere, quæ dis-
uino honori, aut proximorum contra-
riantur salutē. Hoc zelo correptus fuit
Exo. 32. Moyses, alioqui mitissimus, in trucidan-
Num. 25. dis idololatriis: similiter & Phinees in cō-
3. Re. 18. fessione fornicantium, & Helias in occi-
Acto. 7. dendis prophetis Baal, & Stephanus, dū
primoribus Iudæorum dicit: Duri cer-
uice, & incircuncisi corde, & proditores
& occisores estis, &c. Hic zelus Christū
ē cælo traxit. Malē enim eum habebat,
dum sui tam miserē à Satana tractaren-
tur, peccatis, morte, & inferno. Ex eodē
zelo non potuit pati contemptū, & des-
honestationem Dei. Congruē igitur hic
Psal. 68. ex Psalmo adducitur versus hic: Zelus
domus tuæ comedit me. Idem enim psal-
mus totus in persona Christi dictus est.
Verē autem dictum est: Zelus domus
tuæ comedit me. Infirmitas enim huma-
nitatis ei uis orat in illo psalmo, quæ cū
diuinitatem in se habitantem ita contem-
peret, ut inter homines ambulans, homi-
nibus non compareret, repente sic illum
commouit zelus patris sui, ut ipsa infir-
mitas eius quasi non compareret, dum
diuinitatis fulgurantis splendor se exes-
rens, naturam infirmam operuit, vel abs-
condit. Obserua autem, quod zelus res-
ctus non est cuiusuis spiritus: proinde ne-
mo hunc sua autoritate sibi usurpet, ne
ex zelo fiat scelus, & omnino curandum
est, ut sit zelus iuxta sententiā. Sūt enim
qui videntur habere zelum, cū tamen
nihil aliud sit, quā inuidia, quemadmo-
dum Iudæi contra Christum. Alij viden-
Ro. 10. tur habere zelum Dei, sed interim sua
quærun, quales sunt, qui sub titulo re-
formationis, aliorum bona inuadunt ac
diripiunt. Alij videntur habere zelum,
cū nihil nisi temeritas sit, quales sunt,
qui alios reformare volunt, se ipsos au-
tem negligunt. Verus zelus à se ipso in-
cipit. Si igitur vis zelū ostendere, corri-
Ecd. 30. ge primo te ipsum: Miserere animæ tuæ
placens Deo. Deinde, si quid peruersi in
alijs vides, corrige quantum potes. Si es-
mendare non potes, tolera, geme, ora, no-
li ppter ea te à domo Dei separare, alio-
qui præda eris dæmonibus. Obserua itē
circa hunc locum, quod soli discipuli
recordati sunt hoc scriptum esse. Im-
pij enim quantumcunque viderint vel
audierint, nihil tamen horum cogitant,

imò tantū in peiorem partem omnia
dijudicant.

Quod signum ostendis nobis, &c.]

Hactenus quamdiu cælum tonuit, ra-
næ tacuerūt, quamdiu diuinitas fremuit
de illo carnis suæ habitaculo, Iudæi con-
ticessentes contra hiscere ausi non sunt.
At ubi tonitruum quieuit, rursus erum-
punt: sic omnes impij, cū iram Dei sen-
tiunt, tacēt, & simulant poenitentiam, quæ
admodū impius Achab. Cæterū, quā
primū ira Dei quieuerit, rursus insanit
unt ad peccata & impietatem, id quod in
Pharaone pulchrē expressum est, vide au-
tem insaniam Iudæorum, propria con-
scientia ipsis dictabat, se male egisse, & iu-
stē punitos esse, & tamē quærūt cur hoc
fecerit. Sic impij, etiā si sciant se malos &
malē agere, tamē nolunt corrigi. Atqui
multo satius erat correptionē, quæ solis
verbis fit, acceptare, quā flagellū Do-
mini expectare. Deinde & hoc insanie
proximū est, quod signum petunt, cū
iam non vulgare signum vidissent in tam
potētē electione. Manifesta quidem diui-
nitatis indicia fuerunt, quod Lazarū sus-
citauit, cæcum à natiuitate illuminauit,
quod ad Iordanem audita est vox patris,
quod trāsfiguratus in monte, gloriā osten-
dit triūphantis: inter omnia tamen signa
mirabilius esse videtur, quod vnus ho-
mo, & eo illo tempore admodū contem-
ptus, Scribis & Phariseis cōtra se sæuien-
tibus, & vidētibus lucra sua destrui, pos-
tulerit ad vnus flagelli verbera tantā ei
cere multitudinem, mensāq; cōfringere,
& talia facere quæ magnus vix posset ex-
ercitus. Nihilominus tamen Iudæi ad
huc signum quærunt, quasi dicerent: si
Deus pater tuus est, & si vindicas patris
tui contumeliā, ede miraculū aliquod, ut
intelligamus te patris autoritate id face-
re. Si ista facis autoritate tua, temeritas
est: si diuina, quod signum profers, ut cre-
damus tibi? Zelatus est Moyses, sed zeli
sui signa ostendit: zelatus est & Phinees,
sed à Deo comprobatus est, &c. Sic im-
pijs nullum signum satis est, semperq;
maiora quærunt, quemadmodum & dia-
ues ille in inferno: Si quis, inquit, ex mor-
tuis ad eos ierit, credent. Sed frustra
quærunt signa: non enim dabuntur eis.
Signorum enim satis vidimus, interim
audiant

3. Re. 27.
Exod. 8.

Exo. 32.
Nu. 25.

Luc. 16.

audiant Moysen & prophetas.

Soluite templum hoc, & in tribus die-
bus, &c.]

Non dat eis signum, quale ipsi vel-
lent, sed quale decebat sapientiam Dei da-
re. Sciebat enim eos nihilo meliores fu-
turos, ut qui tantum ex curiositate hoc
quaererent, imò calumniaturos, etiamsi
quod miraculum ad ostentationem edi-
disset, ut interim taceam, quod nihil opus
erat nouo miraculo, cum tam manifestum
Matt. 22 diuinitatis iudicium vidissent. Non igitur
etiam hic aliud signum adulterae ge-
nerationi dedit, quam signum Ionae pro-
phetæ, hoc est, resurrectionem suam, ne-
que id abs re. Nullo enim alio signo effi-
caciùs declarauit diuinitatem suam, quam
resurrectione: Hinc enim declaratus est
Roma. 1 Filius Dei. Moyses nanque & cæteri san-
cti omnes, mortui quidem sunt, sed nemo
illorum resurrexit. Quod si etiam aliquos
homines reuixisse legimus, nemo tamen
præter unum Dominum Iesum, seipsum
excitauit ad vitam. Solus enim ipse, po-
Ican. 10 testatem habuit ponendi animam, & iterum
sumendi eam. Deinde, nullo alio sig-
no Iudæi ita confusi sunt, ut resurrectio-
ne Christi. Ut interim taceam, quod om-
nes impios nihil adeo terret, quam quod
Christus potestatem in cælo & terra, om-
nesque aduersarios, subiectos pedibus suis
habet. Nec tamen manifestè eis resurrex-
tionem suam prædixit, sed sub ænigma-
Matt. 28 te: non enim ei crediderunt, quando ne-
Psa. 109 tunc quidem crediderunt, cum iam resur-
rexisset. Deinde nec digni erant, ut eis ap-
pertè mysteria regni Dei reuelarentur,
sed iusto Dei iudicio excæcandi erant, ut
videntes non viderent, &c. Præterea etiam
Matt. 23 ideo Christus interdum obscurius locu-
tus est, ut hi, qui iam erant, vel futuri erant
digni reuelatione mysteriorum regni Dei,
in tempore suo recordarentur verborum
eius, & ad cognoscenda vel credenda fa-
cta sequentia, dictis eius præcedentibus
adiuuarentur. Congruè autem corpus
suum, Dei templum, mortem, solutionem
Colos. 2 templi: resurrectionem autem, eiusdem
Ioan. 16 excitationem nominat. Primum enim cer-
Ioan. 2 tum est, Christum verum Dei templum
Ioan. 1 esse, per vetus illud præfiguratum: In ip-
so enim corporaliter habitat omnis plenitudo
diuinitatis, in ipso omnes oras-

tiones factæ exaudiuntur, in ipso solo
propitius Deus reperitur: ipse enim est
propitiatio pro peccatis nostris, & de ple-
nitudine eius omnes accepimus. Deinde
in passione verè solutum est corpus Christi
ab anima eius, & sanguis à corpore,
vniuersaque membrorum cōpago, præ-
nimia corporis distensione soluta est. Iux-
ta illud: Dinumerauerunt omnia ossa
mea, &c. Congruè igitur passionem suam
nominat solutionem templi. In resurrex-
tione autem, templum illud in inte-
grum restitutum est, nunquam deinceps
Rom. 6 destruendum: Mors enim illi ultra non
dominabitur.

Quadraginta & sex annis edificatum
est, &c.]

Etiam hic vides ingenium carnis, quæ
omnia carnaliter tantum intelligit, quasi
verò Deus nusquam alibi, nisi in templo
illo Hierosolymitano, habitare potuerit:
cum tamen Salomon ipse, eiusdem tem-
pli primus ædificator, dixerit. Ergo ne-
credendum, quod Deus in manufactis
habitaret: Si cæli te capere non possunt,
quæto minus domus hæc. Sic caro quic-
quid de libertate, regno, cultu diuino, aut
beatitudine dicitur, omnia carnaliter tan-
tum intelligit. Quadraginta autem & sex
annis, reædificatum dicitur templum:
quia primo anno Cyri fundatum est, po-
stea per Cambysem prohibitum usque
ad sextum annum Darii, quo consum-
matum est. Mystice autem tot diebus cor-
pus hominis in utero materno forma-
tur. Sic igitur etiam imprudentes verum
dicunt, quod templum de quo Christus
loquitur, id est, corpus eius, quadraginta
sex diebus ædificatum fuit, ut Augusti-
nus vult.

Hoc aut dicebat de templo corporis sui.]

Hoc verbo iterum percutit hæreticos
qui Christi diuinitatem negabant. Quum
enim Christus ipse dicit se habere tem-
plum, planè indicat se Deum esse. Non
enim alicui creaturæ, sed Deo templa
ædificantur. Hoc autem templum Filius
Dei, longè dignius est externo illo tem-
plo: hoc enim manu factum habitato-
rem non habens Deum, dirutum est, il-
lud autem Christi templum non manu
factum, iam æternum, dirui non potest.
Deinde

Eze. 47. Deinde ex hoc Christi templo, iuxta Ezechielem, à laterè dextro aqua egressa est, & omnes ad quos peruenit aqua ista, salui facti sunt. De illo templo à Scribis & Phariseis sanguis effluere non cessat, quem sibi met imprecati sunt, dicendo :
Mat. 27. Sanguis eius super nos, & super filios nostros.

Quum autem surrexisset à mortuis, recordati, &c.]

Quòd Christus dixerat, Soluite templum hoc, &c. nec Iudæi, nec discipuli eo tempore intellexerant, vtrorunque tamen mentibus idem verbum insedit, sed dissimiliter. Vnde etiam in alijs aliū fructum protulit. Siquidem Iudæi memores, hunc sermonem tãquam capitale crimen obiecerunt illi. Nos inquirunt, audiuimus eum dicentem: Possum destruere templum hoc manufactū, &c. Et iterum pendenti in cruce conuitiantes dicebant:

Mat. 26. Vach qui destruis templum Dei, &c. Discipuli autè quod assequi non poterant, tamen recordantes in pectore quid sibi vellent, admirabantur, donec peracta resurrectione, Spiritus sanctus illos doceret & hæc & alia. Nec mirum, quòd idem verbum Christi non eundem fructū in omnibus protulit. Nam & auditores, nō eodem animo verba Christi audiebāt. Atque hinc videre potes quidnam in causa sit, quòd idem verbum Dei nō in omnibus fructificat, imò quibusdam malè cedit, vt Paulus ait: Bonus odor Christi sumus, alijs quidem odor vitæ in vitam,

Phil. 1. Mat. 13. alijs odor mortis in mortem. Soli enim hi fructum bonum afferunt, qui verbum Dei in corde bono & optimo suscipiūt. Si igitur vis, vt verbū Dei in te fructificet, cura vt sis terra bona. Alioqui quod secus viā, aut supra petrā, aut inter spinas cadit, infrugiferum manet. Maxime aut perit, quod in coenā, hoc est, in voluptuosos cadit. Obserua autè hic circa discipulos, veras & optimas pij hominis conditiones, Primò enim verbum Dei sincero corde audit, deinde id ipsum nedum memorie commendat, sed & vita exprimit: Beati enim qui audiunt, & custodiūt verbū Dei. Præterea, etiā si non intelligat, non tamen statim rejicit, imò quò minus intelligit, eò magis admiratur, eòq; studiosius pulsatur, donec ei aperiat. Postres-

mo etiā si non omnia Dei verba recentim memoria teneat, tamen vel parū admonitus, facilè eorū recordatur. Impiorum conditiones omnino his contrariæ sunt.

Et crediderūt scripturæ, & verbo, etc.]

Etiam hic alias pij hominis conditiones vides. Ex vno enim verbo Christi, quod videbant impletum, in tantam fidem profecerunt, vt deinceps omnibus Christi verbis auderent credere, imò nedum verbis Christi, sed & toti scripturæ sacræ. Atque hoc est transire ex fide in fidem: ex fide scilicet eorum, quæ videamus impleta, in fidem eorum, quæ nō dum impleta sunt. Hinc est quòd etiam Paulus toties precatur, vt crescamus in fide & agnitione Christi, donec occurramus in virum perfectum: adeò vt etiam in media morte & desperatione, nihil dubitemus de Deo. Ideò enim Christus aliqua prædixit, quæ statim impleta sunt, vt est eius passio & resurrectio, &c. Vt cum videremus ea impleta, neque de cæteris dubitarem. Qui autem in Christo didicerit verbum Dei magni aestimare, eo firmitatis deueniet, vt & toti scripturæ credere possit. Quid autem felicius esse potest eo homine, qui verè & syncerè credit, quæ scriptura sacra proponit? Fieri enim non potest, vt talis homo non totis viribus impietatem odiat, & pietatem amplectatur.

Quum autem esset Hierosolymis in die festo, &c.]

Scinditur incertum studiū in contrariā vulgus, ait Poeta, id quod verè contingit Christo prædicante. Alij enim ipsi adhærebant, alijs in errore persistebant, alijs insuper veritatē persequerentur, nonnulli eā cōplexi, paulò post deserebant. De his nūc loquitur, cum dicit: Multi credebant &c. Credebant quidē, sed tantum carnalia in ipso quærebant, indignierāt, quibus Christus mysteria sua crederet. Talium enim vanitatē etiā Psalmista arguit. Vanum est, inquit, vobis ante lucē surgere. Nam ante lucē surgunt, qui ante tempus exaltari quærunt, qui non recto ordine ad festiuitatem gloriæ nituntur, id est, qui nō prius humiliantur, vt postea merito exaltentur, cū Paulus dicat, tunc nos futuros socios consolatio

Eij mus

mus participes passionis: tunc nos conregnaturus Christo, si prius simul patiamur. Hi autē credebāt Christū tēporaliter regnaturum, & carnaliter impleturum, quæ de ipso prædicta sunt. Deinde fides eorum tātū ex miraculis collecta erat, non ex verbis Christi. Ea autē fides minime firma est: cessantibus enim signis cessat & fides, id quod videmus in filiis Israel, qui tam diu credebant, quā diu signa videbant, cessantibus signis planē desperabant. Huiusmodi homines & Christus arguit, cū diceret: Nisi signa & prodigia videritis, non creditis. Ea autē fides firma est, quæ verbo Dei innitur.

Exo. 15.
Ioan. 4.

Iesus autē nō credebat eis semetipsum.

Quasi diceret, non curabat eorū verba, nec mouebatur eorum applausu, vt qui eorum feruorē mox refrigescere cognoscebat, non igitur eis vt perfectis amicis credebat & fidebat, nec occultorum doctrinam tanquam fidelibus discipulis credebat: sciebat enim, quod non adhærerent sibi constanter, nec erat cor eorū rectum cum eo. Qualis enim quisque est, talem experitur erga se Deum. Cū sancto enim sanctus est, cum peruerso peruersus. Sic fictē credentibus non seipsum credit: e contra autē firmiter credentibus, nedum seipsum credit, sed & sua, seque ipsum totum eis dat. Hinc Chananeæ dicit: O mulier, magna est fides tua, fiat tibi sicut vis. Et Apostolis: Vos dixi amicos, quia omnia quæ audiui à Patre, nota feci vobis. Et iterum: Vos estis qui permansistis mecum, &c. & ego dispono vobis regnum, &c. Felix igitur est, qui in Christum credit, sed multo felicius, cui Christus se credit: hoc enim nō omnibus contingit. Sic plerique videntur credere Christo, fidemque suam supra modum iactāt, interim autē Christus seipsum eis minimē credit, vt quos vel in manifestos errores, vel in horrenda peccata incidere permittit. Discāt igitur hic euāgelici prædicatores, non statim omnia mysteria doctrinæ sublimis, rudium animis committere, sed paruulis in Christo lac potum dare, donec & ipsi grādescent, quemadmodum & Christus: Adhuc, inquit, multa habeo vobis dicere, sed non potestis portare modō. Deinde discant, non projicere sanctum canibus, nec mar-

Ioan. 16.

Mat. 7.

garitas ante porcos. Discat & omnis Christianus, non confidere in homine, nec ponere carnem brachium suum. Quamuis enim vera charitas non cogitat malum, non est suspicax, sed omnia bona sibi de proximo pollicetur & sperat: fides ramen in solo Deo sperat & confidit, non in homine. Scit enim quod omnis homo mendax, & quod Aegyptius homo, & non Deus, & quod vana salus hominis.

Hier. 17.
1. Co. 13.

Psal. 115
Esa. 31.
Psal. 59
2. Ti. 2.

Eō quod ipse nosset omnes, &c.]

Causam addit, cur seipsum non se eis credebat: Nouit Dominus qui sunt eius, nouit quibus mysteria sua committat. Hoc autē verbo subindicat humani cordis peruersitatem, qua fit, vt rarus inueniatur, qui fidelis sit: Cor enim hominis prauum & inscrutabile. Omnes suarum rerum studiosi sunt, in necessitate non constant, sed derelinquunt nos vana nos, & omni auxilio destitutos. Huc pertinet proueria: Proximus sum egomet mihi. Item: Tunica pallio propior est. Hinc Esaias monet: Quiescite ab homine, cuius spiritus in naribus eius est, hoc est, nolite confidere, &c. Hanc pessimam naturam Christus in homine agnoscebat, ideo non credebat semetipsum eis. Hic igitur vides, cur in solum Deum turbemur confidere: Is enim solus est, qui fallere nequit. Deinde hic vides causam, cur Deus vasis iræ non confert gratiam: Ipse, inquit, nouit omnes, quod idem est, ac si quis dicat de prouido aliquo homine. Noluit vasculis illis vel illis vinum suum infundere, eō quod illa sciret cœno plena esse, & non erat opus, vt quis pro illo iret inspicere: ipse enim per semetipsum ea perspexit. Non igitur dicat figmentum factori suo, Quid me ita finxisti, sed sibi imputet, si Dei dona non habet, imō emundet se ab omni iniquitate, & fiet vas honoris, vt Paulus ait: Pulchrē autē Ioannes etiam hic Christi diuinitatem ostendit contra hæreticos. Humanorum enim cordium cognitio, solius Dei est, qui ea formauit. Hinc ad Samuelem dicitur. Homo videt ea quæ patent: Deus autē intuetur cor. Et Salomon: Tu solus nosti corda hominum. Et in Hieremia: Ego Dominus scrutans corda & renes. Sic & Iob: Nudus

Hier. 17.

Esa. 21

Rom. 9.

2. Ti. 2.

1. Re. 16.
3. Reg. 8

Hier. 17. Nudus est infertus coram eo, & nullum
Iob. 26. est operimentum perditioni. Item, Ocu
Ecl. 13. li domini lucidiores sole, profundū abyf
Hebr. 4 si & hominum corda prospiciunt, &c. In
summa, Omnia nuda & aperta sunt ocu
lis eius. Omnia autem hæc Ioānes Chri
sto tribuit: Ipse, inquit, noscebat omnes:
ipse sciebat quid esset in homine: ipse
nullius testimonio egebat. Diligenter au
tem obseruanda sunt hæc verba. Quia e
nim Christus omnes cognoscit, frustra
sub ouina pelle se abscondit lupus. Et
quia nō indiget alicuius testimonio, fru
stra erit & est omnis excusatio: Ego, in
quit, sum, ego vidi, &c. Et quia ipse scit
quid est in homine, nemo propter suam
infirmiorem desperet, quandoquidem
Deus nouit figmentum nostrum. Sed nec
Psal. 102. quisquam de sua fortitudine præsumat,
Mat. 26. quemadmodum Petrus fecit, quē Chri
stus frustra infirmitatis propriæ admo
nebat. Multo minus quisquam peccata sua
Psal. 38. Deo abscondita credat: Imperfectū, in
quit, meum viderūt oculi tui, &c. Ex hoc
igitur capite, quatuor Christianorum ge
nera colligere possumus. Aliqui enim sunt
verè Christiani, hi per discipulos designā
tur. Aliqui manifeste mali Christiani, hi
signantur per eos quos ē templo eiecit
I. Cor. 6. Christus. Lata enim est sententia, quod
omnis fornicator aut auarus, &c. non ha
bet partem in regno Christi & Dei, imò
pars eorum in stagno ignis. Aliqui sunt
Apo. 21. desides & ignaui Christiani, neque calidi,
neque frigidi: Hi signantur per eos, qui
ad nuptias conuenerant, Aliqui sunt fal
si Christiani, qui sub nomine & verbo
Christi, & ipsi errant, & alios seducunt.
Apo. 3. Hi signantur per eos, qui credebant
quidem in Christum, sed Christus
non se credebat eis. Det Domi
nus, vt veri Christiani
inueniamur.

Caput tertium.



*T erat homo ex Phari
sæis, &c.]*

Hoc capite Euange
lista noster singulari di
ligentia describit collo
quiū illud Christi cum

Nicodemo, nec immerito. Est enim nota
tu dignissimum vt in quo non aniles fa
bulæ, sed res notatu dignissimæ, imò
summa Christianæ doctrinæ tractatur.
Præterea in hoc colloquio vtraque per
sona adeo sui similis est, tamque sincerè
ter suum agit officium, Nicodemus in
quærendo, Christus in respondendo, vt
vel ex hoc vno petendum esset exem
plum, tam prædicatoribus quàm audito
ribus imitandum: quandoquidem expe
rientia testis est, quod omnium maximè
hoc tempore Ecclesiam perturbant indi
creti prædicatores, & carnales audito
res. Singula aut verba emphasim quandā
habent. Primo coniunctio (Et) annectit
hoc capitulum his, quæ proximè præce
dunt, vbi dictū est, quod multi credebāt
in Iesum, quorum vnus hic ponitur, sed
tanquā perfectior alijs. Siquidem huic se
credit & manifestat Christus, alijs autem
non ite: ex eadem causa, quàm & supra
posuit. Sicut enim illis se non credidit,
sciens ipsos non firmos permansturos, sic
hunc præuidens firmū, seipsum illi crea
dit. Nā & postea idem Nicodemus, non
semel fidē suam in Christum egregie testa
tus est, primò cum apud Phariseos eum
defendens: Nunquid, inquit, lex nostra
dānat hominem, antequā sciatur causa
eius? Maxime autem, cum Christum ab
alijs crucifixū ipse solēniter sepeliuit. Vi
des igitur etiā hic, cur Deus vni plus tri
buat vel gratiæ vel sapientiæ, quā alteri.
Nēpe, quia vnus magis dispositus est ad
accipiendum, quàm alius. Hic autem dis
positus est ad accipiēda Dei dona, q ardē
ter ea quærit & esurit. Iuxta illud: Beati
qui esuriunt, & sitiunt iustitiā, ipsi satura
buntur. Itē, Esuriētes impleuit bonis &c.
Deinde is meretur maiora, qui acceptis
bene vtitur, & grat⁹ est. Iuxta illud. Quia
in pauca fuisti fidelis, supra multa te con
stituam, &c. Talis erat Nicodemus, non
aut alijs, ideo Euangelista eum hominem
nominat, vt hoc nomine dignū, non na
tura tantū, sed quia ratione vtebatur.
Ad hoc enim Deus homini nedū sensus,
sed & rationē, & insuper legem suā dedit, Eccle. 17.
vt à malo retraheret, atq; ad omne bonū
extimularet, ne esset sicut equus & mu
lus, quib⁹ nō est intellectus. Erant quidē
etiam illi, quibus Christus seipsum non
credebat, natura homines, sed quia non
R iij ratio

Sup. c. 2

Ioan. 74
Ioan. 19Matt. 5.
Luc. 11.

Mat. 25.

Psal. 31.

rationabilitate quærebant quæ nesciebant, quodammodo homines nō erant. Sicut igitur ē multis, qui in Christū crediderunt, solum Nicodemum hominis vocabulo dignatus est Euangelista, sic verē inter innumeros Christianos, vix vnū aut alterum inuenies, qui ratione & non affectibus ducatur. Hominis igitur cognomine indignus est, qui non secundum rationem, sed tantum secundum sensuilitatem viuit. Item, qui velut iumentum computrescit in stercore suo. Itē nūquam nec ad Deū, nec ad cælum respicit, cum Deus etiam, Poeta teste, ideo dederit homini os sublime, vt ad cælum nō ad terram oculos leuaret. Item homines, dici non merentur, qui vel occultē mordent, vt serpentes: vel apertē alijs nocēt, vt bestiae. Iam vide, quā paucos verē homines inuenias in tāto numero hominum, vt non mirum sit, paucos esse Christianos. Qui enim non meretur dici homo, quomodo posset esse Christianus? Erat autē hic Nicodemus ex Phariseis, hoc est erat & doctus, & coram mundo iustus. (Nā Pharisei & scientia & externa iustitia conspicui erant. Vnde & Paulus eorū sectam certissimam nominat inter alias) & tamen hic Nicodemus tam doctus & iustus, non erubescit à Christo nedum discere, sed ea discere, quæ ad iustitiam pertinent. Hic igitur manifestē superbia nostra confunditur, qui si vel paululū sapiētiæ vel iustitiæ nos habere nobis persuademus, omnes cōciones & scripturas cōtemnimus, quasi nihil nobis necessarias. Quo fit, vt apud nullos contemptius sit verbum Dei, quā apud eos, qui vel de scientia vel iustitia sua præsumunt, cum tamē certum sit, quod nullus tam doctus sit, qui non plura ignoret: nec rarō cōtingat, vt quis se iustum esse præsumat, qui tamen nondum scit, quid sit vera iustitia & vbi quærenda. Præterea etiā ideo ex Phariseis fuisse dicitur, quia cum ipsi secundum nomen suum verē à Deo diuisi essent. (Nam Phariseus diuisum vel segregatum significat) Nicodemus, qui hactenus inter eos erat, nunc ab eis exiens, vni adhæsit, vni verbo Dei se coniunxit. Demum, ne quis putaret solos populares Christo adhæsisse, addit Ioannes: [Erat princeps Iudæorum.] Quāuis enim Deus infirma mun-

di elegerit, vt fortia quæque confunderet, tamen nec omnes doctos, aut potentes abiecit. Quod autem pauci ex eis salui fiant, vel hinc satis perspicui potest, quod ex tot principibus vnus Nicodemus credidit. Difficile enim credere possunt, qui gloriam mūdi amant: Quomodo, inquit, potestis credere, qui gloriā ab inuicē accipitis, &c. Insigniter igitur fortis fuit hic Nicodemus, vt quæ nec diuitiæ, nec mundi gloriā à pietatis studio retardare potuerunt, cum pleriq; alij tam facile ab his capiantur.

Hic venit ad Iesum nocte.]

Prædixerat enim propheta, tempus esse requirendi Dominum, cum venisset, qui doceret iustitiam. Piam itaque sollicitudinem in Nicodemo indicat, quod venit, & omnibus alijs relictis & posthabitis, ad hoc vnum se accinxit, vt pietatem disceret. Sic nimirum, qui discere vult à Christo, omnia alia seponat, ne semen verbi Dei inter spinas cadat, & ab eisdem suffocetur. Quod autem ad Iesum venit, fidei est, sic enim olim in Esaia prædictum est de Christo: Venite ascendamus ad montem Domini, &c. Et docebit nos vias suas, &c. Et in Psalmo. Accedite ad eum, & illuminamini, &c. Quod autem nocte venit, vel ideo factum est, vt in secreto posset colloqui cum Christo, nullo impediēte. Quo monemur, vt accessuri ad Christi doctrinam, seponamus nedum curas & sollicitudines mundi, sed etiam omnem arrogantiam & proteritiam, ac totos nos cōmittamus eius doctrinæ. Scriptum est enim: Qui appropinquant pedibus illius, hoc est, qui totos se humiliant & deiiciunt, hi accipient doctrinam eius. Vide autem, quā dissimilis fuerit hic Nicodemus alijs Phariseis. Illi nocte miserunt ad comprehendendum Iesum, hic autem ad audiendum eum nocte venit. Illi hora sua malè vsi sunt & potestate tenebrarum, hic doctrinæ aptum nocturni silentij bene captauit otium: & illi quidem comprehendendo & ligando amiserunt Saluatorem Christum, hic interrogando & audiendo, inuenit & tenuit Christū Dei verbum. Scriptum est enim: Beatus homo, qui audit me, & qui vigilat ad fores meas quotidie, &c. Summa, hic erat & est

Ioel. 1.

Act. 26.

1. Cor. 1.

Ioan. 5.

Osee. 19.

Mat. 13.

Esaia. 40.
Psal. 33.

Deut. 33.

Ioan. 18.

Prou. 8.

Matt. 3. princeps verorum Iudaeorum: illi autem erant & manserunt genimina viperarum. Vel ideo nocte venit ad Iesum, quia & p[ro]debat eum, qui inter Iudaicæ gentis principes præminebat, humilis Iesu discipulum videri. Deinde timebat, ne cui prius confessus in synagoga tribuebatur, & synagoga eiiceretur. Nec mirum, si tantæ adhuc imperfectionis erat, cum etiam sanctissimi homines non careant huiusmodi affectibus. Sic Gedeon noctu confregit statuam Baal, propter timorem ciuium suorum, Iudic. vi. Sic etiam discipuli in passione Christi latent, nec prodire audent, &c. Nihil enim difficilius vincitur & expellitur, quam amor sui, & timor mundanus. Hæc enim duo: plerumque omnino impediunt à salute. In tenebris igitur ad Christum venit Nicodemus, quia adhuc in tenebris erat: ut qui nondum renatus esset. Solis enim renatis dicitur: Eratis aliquando tenebræ, nunc autem lux in Domino.

Rabbi, Scimus quia à Deo venisti magister.

Hoc verbo primo videmus, Nicodemum perturbati fuisse animi, ob varietatem dogmatum. Nam Pharisei, inter quos educatus erat, iustitiam tribuebant operibus: Christus autem iustitiam tribuebat fidei. Non autem poterat Nicodemus Christi doctrinam refellere, quæ tot miraculis confirmabatur: Nec omnino ei credere audebat, ne videretur legem & opera damnare. Cum igitur hunc nodum per seipsum dissolvere non posset, ad Christum accessit, in hoc vno multo prudentior quam nos sumus, qui etiam si ob varietatem dogmatum non nihil dubitemus, non tamen consilium quaerimus. Deinde hoc verbo pia ipsius mentem videmus. Nam cum eo anno ad Christum accessisset, ut eum de rebus dubijs interrogaret, in præsentia tamen positus, nihil omnino interrogat, sed tantum Christum præconijs celebrat: [Rabbi] inquit, &c. Quasi diceret, tanta sunt quæ me fugiunt, ut ipse nesciam, quid primo, quod ultimo, interrogare debeam: Tu igitur, qui à Deo nobis magister datus es, doce ea, quæ maximè necessaria sunt. Sic pius quisque nihil præscribit Deo, sed discipulum se exhibet, non magistrum. Scit enim scriptum esse. Ego Dominus docens te vtilia, ideo omnino se Deo com-

mittit, ac boni consulit, quicquid è verbo Dei audierit: scit enim se pluribus indigere, semperque cogitat, quod Nicodemus hic ore proloquitur: [Scimus, quia venisti magister à Deo, &c.] Contra, impij volunt ea tantum doceri, quæ sibi placent, eaque taceri, quæ displicent: quod si non fiat, statim verbum Dei negligunt. Deinde, quemadmodum Nicodemus hic facit circa doctrinam, sic pius quisque etiam in alijs rebus facit, ut in oratione. Quantumcumque enim secum decreuerit, quid à Deo petere velit, tamen cum orare incipit, omnia in Dei ponit voluntate, dicens: *Matt. 6.* Fiat voluntas tua. Nunc verba inspiciamus. [Rabbi, &c.] Putabat se Nicodemus magnum titulum Christo dedisse, cum cum Rabbi nominasset: Pharisei enim omnium maxime id ambiebant, ut vocarentur ab hominibus Rabbi. Verum hæc quamvis esset magnifica opinio de Christo, longe tamen erat infra illius dignitatem. Nihil enim aliud eum esse suspicabatur, quam prophetam aliquem, cui Deus faueret, & adesset in edendis miraculis. Atqui Christus nedum magister, sed & Deus erat. Hinc Petrus longe sublimiori titulo eum insigniuit: Tu, inquit, es Christus filius Dei viui. Et Apostoli eum non tantum magistrum, sed & Dominum vocabant: Vos, inquit, vocatis me magister & Domine, & bene dicitis, &c. Hoc autem Nicodemus non dum poterat, quia nemo potest dicere: Dominus Iesus, nisi in Spiritu sancto. Sequitur: [Scimus quia à Deo venisti, &c.] Quasi diceret, sanctitate vitæ & miraculis tuis ita conclusus sum, ut nihil mali de te suspicer, quicquid alij de te dixerint. Obserua, quod in plurali loquitur: [Scimus] inquit. Quo verbo innuit, Phariseos non ex ignorantia, sed ex certa malitia dixisse: In Beelzebub eiicit daemonia, &c. Item, Hunc nescimus unde sit. Quomodo enim ex tot miraculis non deprehendissent, quod Magi apud Aegyptios ex vno miraculo deprehenderant, nempe, digitum Dei esse, qui hæc operaretur? Claret igitur ex hoc verbo, *Matt. 12.* quod Iudæi in Spiritum sanctum peccauerunt, quod peccatum nunquam eis remittetur, neque hic, neque in futuro, nisi ad Christum conuertantur. Quod autem subdit: [A Deo venisti magister,] satis innuit, Christum eum esse, de quo Moyses

ses prædixerat: Prophetam suscitabit vobis Deus similem mei, &c. Tantum enim duo præcipui prædicatores, & magistri à Deo dati sunt, Moyses scilicet & Christus, ille vt legem, hic vt Euangelium mundo annuntiaret.

Nemo enim potest hæc signa facere, quæ tu, &c.]

Verissimè dictum. Fecerunt & Magi signa, verum ex potestate dæmonum, nec tamen quæcunq; facere possunt, vt patet in Magis Pharaonis. Fecerunt etiam prophetae, Apostoli, alijq; sancti signa, verum non ex virtute propria. Christus autem ex propria potestate fecit signa, quod patet ex ipsius verbis. Sic enim ad leprosum ait: Volo, mundare. Sic ad mortuum: Adolescens tibi dico surge. Sic ad dæmonem. Surde & mute spiritus ego tibi præcipio vt ex eas, &c. In hunc modum nemo alius potuit signa facere. Ex hoc autem loco vides, Nicodemum ex eorum numero fuisse, qui miraculis moti in Christum crediderunt: quamuis longè perfectius q̃ alij. Illi enim tantum signa attendebant, non etiam verba Christi, ideo cessantibus signis, omnes à Christo defecerunt. Hic autem præter signa, etiam verbum Christi requirebat, ideo omnibus alijs negantibus, hic in fide persistit, vt patet Ioannis annis decimo nono. Si igitur Nicodemus solis miraculis permotus, tantum tribuit Christo, vt non dubitaret ipsum à Deo esse, quanto magis nos in ipso omnem fiduciam collocare debemus, qui supra signa etiam vocem patris audiuius dicentem: Hic est filius meus dilectus, &c. Ipsum audite.

Amen amen dico tibi, &c.]

Solum ex Phariseis Nicodemum Christus benigno dignatur alloquio & responso. Alijs enim Phariseis interrogantibus, aut duriter respondit, vt cum dixit: Quid me tentatis hypocritæ. Item, Quare & vos transgredimini præcepta Dei, propter traditiones vestras, &c. Aut omnino nihil eis respondit, vt cum interrogarent, in qua potestate hæc faceret, &c. Nec mirum: Omnes enim eorum interrogationes aut erant captiosæ, aut inuidiosæ & malignæ, aut infideles & procaces. Huius verò Nicodemi interrogatio, ciuilis erat

& candida. Non enim cōuenit Christum, vt contendat pertinaciter, aut astute cum in sermone capiat, aut vt tentet malitiosè, sed vt discat. Sic & nunc qui Dominum quærere vult, in simplicitate cordis quærat eum. Intuenitur enim ab his, qui non tentant eum: E contra Spiritus sanctus disciplinæ effugiet fictum. Hoc autem suo responso, Christus insigne exemplum præbuit omnibus prædicatoribus. Primo siquidem Nicodemum, quamuis in tempestiue interpellantem, non repulit, quo facto primum ostendere voluit, se semper paratum ad recipiendum prodigum filium à peccatis reuertentem. Deinde hoc facto docuit omnes pastores, vt parati sint omni tempore commissio sibi gravi consulere: Alioqui sanguis percussus de manibus eorum requiretur. Ad hoc igitur omnibus nobis persuadendum, quamuis Nicodemus admodum rudis esset in rebus spiritualibus, vt infra patebit, tamen benignè eum Christus tractat, ac paulatim ruditatem eius ad maiora prouehit. Sic enim de ipso prædictum est: Non contendet, nec clamabit, nec audietur in plateis clamor eius. Iuxta hoc exemplum & Paulus præcipit, vt firmiores tolerant infirmitates imperfectorum, &c. Præterea, quamuis Nicodemus in vtranque patrem claudicaret, animumque suum & mundo & Deo partiretur, non tamen eum ob id coarguit, sed dissimulat, quemadmodum medicus multa dissimulat & patitur ab infirmo, itemq; mater in filio: non tamè ob id eum expellit, imò & tenerius eum fouet, quò infirmior est. Sic Christus hic egit, de ipso enim scriptum est: Calamum quassatum non comminuet, & linum fumigans non extinguet. Alioqui quemadmodum Helias Israelitis olim dixit: Quousque claudicatis in duas partes? Si Dominus est Deus, sequimini eum: si autem Baal est Deus, sequimini eum. Sic & Christus hic potuisset Nicodemo dicere: Non potes duobus Dominis seruire, Deo scilicet & mundæ gloriæ. Itemque: Quem mei pudebit apud homines, huius & me pudebit apud Patrem meum, imò cum Nicodemus dixisset: Scimus, quia à Deo venisti, potuisset Christus dicere: Cur ergo tames? cur non aperte confiteris? cur nocte aduenis? Verum nihil horum facit, qui enim

Sapientia

Luc. 15.

Ezech. 3.

Esai. 42.

Rom. 15.

Esai. 42.

3. Re. 18.

Matt. 6.

Luc. 6.

enim aliàs deiecto sunt animo, non duri-
 ter tractandi sunt, sed leniter fouendi,
 ne omnino desperent. Hinc Salomon:
 Prou. 31. Date syceram mercentibus, & vinum his,
 qui amaro sunt corde, vt obliuiscantur
 egestatis suæ, &c. Sed iam ipsa verba atten-
 damus. Primò, vt somnolentum audito-
 rum excitet, præmittit: [Amen, amen.]
 Hoc autem verbum in Ioanne plærung-
 geminat, nō aut in alijs Euāgelistis: q̃a ni-
 mirū quæ Ioānes scribit, maiora & diuini-
 ora sunt, & idcirco cōcitatioe .i. gemina-
 to semper affirmationis clamore, magis
 attentum efflagitant auditoris animum.
 Quamuis etiam sic possit intelligi, quod
 Amen dictum sit pro ipso nomine veri-
 tatis, quæ est ipse filius Dei. Iuxta illud:
 Apoc. 3. Hæc dicit, Amen testis fidelis, &c. vt sit
 sensus, cum dicit: [Amen, amen dico.]
 Quasi diceret, Ego veritas veritatem vo-
 bis dico. Deinde est & aliud, quod hic ob-
 seruare debemus, nempe ineffabilem Dei
 bonitatem, qua ita nostræ imbecillitati
 condescendit, vt non contentus simplici
 verbo sua nobis verba & promissiones
 annunciare, sed insuper addat & iuramen-
 tum, videlicet, vt hæredibus gratiæ per
 hoc ostenderet immobilitatem consilij
 sui, nosque per duas res immobiles, quib-
 Hebr. 6. bus impossibile est mentiri Deum, fortis-
 simum solatiū habeamus. Summa, cum
 audieris Christum sæpissimè dicentem:
 2. Cor. 1. Amen amen dico vobis, &c. certus sis,
 quod in ipso non sit. Est & Nō, sed omnia
 in ipso sint. Est, hoc est, vera & certissima.

Nisi quis natus fuerit denuo, &c.]

Nihil expressè interrogarat Nicodem⁹,
 & tamen Christus primò omnium de res-
 Matt. 12. generatione respondet. Per hoc autē do-
 cuit prædicatores, vt primò faciāt arborē
 bonam, & deinde bonos fructus requi-
 rant, hoc est, vt primò doceant fidem, qua
 homo iustificatur, & deinde opera bona.
 Hoc autem vno & breui verbo, summā
 totius Christianæ doctrinæ comprehen-
 dit. Homo quidem ad beatitudinem crea-
 tus est: verum, quia propter peccatū ma-
 Gene. 1. ledictionem incurrit, factum est, vt nedū
 ipse omniāque eius, sed & omnes posteri
 eius maledicti sint. Quia igitur ex Adam
 nati sumus, omnes inuites & abomina-
 biles facti sumus in corpore & anima, &
 omnibus viribus nostris. Nisi igitur per

gratiam Dei renascamur, ac planè ex fi-
 lijs Adæ, filij Dei efficiamur, frustra
 sunt omnia quæ agimus, conamur, cogi-
 tamus aut loquimur, imò vani sumus &
 nos ipsi, & omnis ratio, voluntas, vires,
 & opera nostra. Itaque qui cupit intrare
 regnum Dei, oportet vt nouus homo ef-
 ficiatur. Sic & qui cupit videre regnum
 Dei, hoc est, intelligere mysteria regni
 Dei, & hanc cœlestem doctrinam, quem
 Gen. 28. admodum Deus ipsi Iacob ostendit rez
 2. Co. 10. gnum Dei in scala illa erecta, & eis sepo-
 nat carnalem suam prudentiam, abneget
 rationem suam, contemnat vires suas, ac
 totum se tradat captiuum verbo Dei.
 Hoc igitur verbo Christus omnes nos ac
 omnia nostra damnat, vt eò fortius nos
 ad quærendum à se auxilium prouocet.
 Deinde hoc verbo omnem fidutiam in
 nos vel opera nostra nobis extorquet, ac
 baculum illum arūdineum nobis aufert,
 vt discamus in sola Dei misericordia fi-
 dere. Fides enim est baculus senectutis no-
 stræ firmissimus, quo solo possumus Ior-
 danem istum tentationum pertransire,
 cuius figura in Iacob præcessit, &c. Hinc
 Gen. 32. igitur discite, quam ob causam Deus ope-
 ra nostra & conatus plærunque in scrip-
 ptura damnat. Non enim hoc facit, vt ad
 desperationem nos inducat, aut quod boni
 na piorum opera ipsi non placeant, sed vt
 doceat nos in sola Dei misericordia spe-
 rare. Denique ex hoc verbo quilibet dis-
 cat, num veteri illi homini similior sit, q̃
 nouo, hoc est, Christo. Si enim vetus ille
 homo adhuc in te impunè viuit, iam ad
 te pertinet verbum illud Christi: [Nisi na-
 tus fueris denuo, &c.]

*Quomodo potest homo nasci, cum sit se-
 nex.]*

Diligenter obseruandum hoc inter
 Christum & Nicodemum colloquium.
 Nam vtrāque persona, & potentia, & sa-
 pientia, & iustitia conspicua erat, sed dissi-
 militer. Nicodemus enim princeps erat
 Iudæorum, Christus autem princeps cœ-
 lorum: Ille mundanā habebat sapiētiam,
 Christus erat sapientia Patris: Ille iustus
 erat apud homines, Christ⁹ autem iustus
 erat apud Deum, imò omnis iustitiæ au-
 thor, & hominum iustificator. Nullo mo-
 do autem vel potentia, vel sapientia, vel
 iustitia humana, conferri potest potentiæ
 sã

sapientiae aut iustitiae Dei. Quāvis enim homo homini comparatus, vnus alteri nobilior, sapientior aut iustior videatur, tamen si ad Dei potentiam, sapientiam, iustitiam aspiciamus, omnes aequaliter sumus infirmi, insci & peccatores, nec vnus vel pilo excellit alium. Omnes enim egemus gratia Dei. Hinc est, quod Nicodemus inter Iudaeos tam potens, tam doctus, tam iustus, statim in primo congressu omnem animi ferociam & confidentiam, in se vel sua seponit, ac Christo palmam praebet: Tu, inquit, à Deo venisti Magister. Sic igitur ad primum Christi verbum cum omni sua sapientia succumbit Nicodemus, vt nec verba Christi intelligeret, tantum abest, vt respondere posset. Attamen non mirum est, quod verba Christi non intellexerit. Animalis enim homo non sapit ea, quae Dei sunt: Stultitia enim est illi, &c. Nunquam tale quid audierat Nicodemus, nec aliam natiuitatem nouerat, quam carnalem. Hoc tamen in ipso commendandum est, quod non cessat interrogare. Alij Pharisei audito Christi verbo, risissent atque abiissent, hic autem perseuerat pulsando, donec aperiretur ei. Sic enim pius quisque per vias & plateas circuit, quærens quem diligit, nec quiescere potest, donec inuentum introducat in domum & cubiculum suum. Sic perturbata conscientia, quiescere nequit, donec veram pacem inueniat, quam tamen nusquam nisi in solo Christo inuenit, etiamsi omnem substantiam suam in medicos expendat, quemadmodum in muliere videmus, fluxu sanguinis laborante, imò ob eam causam Christus interdum obscure locutus est, vt pius quisque haberet ansam quærendi. Cæterum, quod Nicodemus verba Christi impossibilia iudicat, hinc provenit, quod ea ratione naturali, & cogitationibus carnalibus apprehendit, quemadmodum & hi faciunt, qui corpus Christi in Sacramento negant. Atqui hic manifestè vides, quod humanae rationes & carnales cogitationes impediunt intellectum verbi Dei. Cum igitur nos fideles simus, oportet vt omnis cogitationibus carnalibus, fidem sequeamur. Quod si verba Christi hæc, seposita carnali ratione, intelligas, nihil absurdum aut impossibile videbis, imò si spiritaliter ea intelligas, videbis nedum pos-

sibile, sed & necessarium esse, vt quantumuis etiam senex renascatur. Quod enim quis magis inueteratus est in malitia, eodem magis opus habet regeneratione, ne nimio peccatorum pondere in profundum deprimatur. Sic & spiritaliter potest homo reuerti in vterum matris. Si enim hominem in natura corrupta post lapsum attendas, mater nostra est concupiscentia & peccatum: in his enim & concepti & nati sumus. Quot autem sunt, qui etiam post baptismum ad ventrem matris huius, hoc est, ad concupiscentiam & peccatum reuertuntur, in quos competit illud propheticum: In die ortus tui, non est praecisus vmbilicus tuus, adhuc enim adhæres impiæ matri. Si autem hominem attendas secundum primam sui creationem, mater nostra est gratia. Ex gratia enim creati, & ad tantam dignitatem euecti sumus. De cuius vtero nunc malè nati & proiecti sumus, quando in primo parente deserta Paradisi requie, propter peccatum expulsi, in hoc exilium decidimus. Cuius natiuitatis infelicitatem, deplo-
rat Iob, cum dicit: Pereat dies, in qua natus sum, &c. Et tamen ad vterum huius matris, id est, gratiae redire possumus. Sic enim redierunt Manasses, Dauid, Petrus, & innumeri alij.

Nisi quis renatus fuerit ex aqua & spiritu, &c.]

Paulatim Nicodemum ad maiora perducit, seque subinde clariùs ei manifestat. Cum enim supra simpliciter dixisset, necessariam esse regenerationem, hic explicat quomodo ea fiat. Item, cum supra tantum de visione regni caelorum dixisset, hic mentionem facit de ingressu, quod longè maius est. Sic Deus se à principio non statim homini totum ostendit. Primò enim quasi stat post parietem, & respicit per cancellos. Deinde paulatim sese magis ac magis aperit, quò feruentius homo quæsierit, ducitque eum de virtute in virtutem, donec videat Deum deorum in Sion, iamque cum Patriarcha Iacob ex-
clamet: Vidi Dominum facie ad faciem, & salua facta est anima mea. Ad hanc autem perfectam Dei cognitionem, non omnes perueniunt, sed: Qui manè, inquit, vigilauerit ad me, inueniet me, &c. Quod autem dicit de aqua & spiritu, sic accipi potest,

Rom. 3.

1. Cor. 2.

Lucæ 11.

Cant. 3.

Lucæ 8.

Psal. 50

Ezec. 16

Iob. 3.

Cant. 2.

Psal. 83.

Gen. 32.

Prou. 8.

Gen. 2. ut sit Metaphorica locutio. Terra siquis-
 dem infimum elementum est, & crassius
 quàm alia: subtiliora autem & superiora
 sunt aqua, aër, ignis. Constat autem, quòd
 primus homo è terra factus est. Acceden-
 te igitur peccato, factum est, vt homo iã
 nihil aliud sapiat, quàm terrã: nihil aliud
 sciat aut possit, quàm peccare, ac propter
 peccatum maledici, mori & dãnari. Quia
 igitur tam male cessit prima natiuitas è
 terra, necessaria erat alia natiuas, quæ fie-
 ret è superiorib⁹ & subtiliorib⁹ elemētis,
 vt sunt aqua, aër, ignis. Vt enim regnum
 cælorum intrare possimus, omnino ne-
 cesse est, vt ex crassa illa, ponderosa ac ter-
 restri, fiat subtilis ac spiritualis creatura.
 Matt. 7. Huc adduci potest, quod Christus dicit,
 Paucos esse, qui per angustam illam por-
 tam intrare possint ad vitam, nimirum,
 quia terreni sunt & crassi, sarcinisque tem-
 poralium rerum onusti. Ob quã causam
 & in alio loco asserit, difficulter fieri pos-
 se, vt diues ingrediatur regnum cælorũ.
 Mat. 19. Vel aliter, Per aquã potest intelligi mor-
 tificatio. Nam & aliàs frequenter crux &
 tribulatio per aquam significatur, vt est
 Psal. 17. illud: Assumpsit me de aquis multis. Itẽ:
 Psal. 68. Intrauerunt aquæ usq; ad animã meam.
 Per spiritum autem vel aërem, qui est vi-
 ta omnium spirantium, viuificatio signi-
 ficatur, vt sit sensus, Nemo intrare potest
 in regnum cælorum, nisi prius moriatur
 secundum veterem hominem, & reuiuif-
 cat in nouum hominem. Primus enim
 gradus iustificatiõis est mortificatio: hæc
 enim præcedere debet. Sic enim Christus
 ait: Qui vult venire post me, abneget se
 ipsum, &c. Item: Si vis perfectus esse, vade
 Mat. 16. vende omnia quæ habes, &c. Item: Si qs
 Mat. 19. venit ad me, & non odit patrem suum &
 matrem, &c. Secundus gradus est viuifica-
 tio: Et mortificatio quidem fit per legem.
 Ea enim mortificat, humiliat, ac deijcit:
 Viuificatio autem fit per Euangelium:
 per ipsum enim promittitur gratia, qua
 Matt. n. homo spem & animũ recipit. Clamat e-
 nim Christus in Euangelio: Venite ad me
 omnes, qui laboratis, &c. Hoc audiens
 homo, & reipsa experiens, incipit amare
 tam benignum redemptorem, ac in om-
 nibus ei obtemperare studet, planeque
 nouus homo efficitur, nouosque mores
 induit. Huc pertinet quod Ioannes ait de
 Christo: Ipse baptizabit vos Spiritu san-

cto & igni. Primò enim spiritum dat
 Christus, hunc sequitur ignis ille diui-
 nus, quo homo, quemadmodum ignis,
 sursum tendit, & totus in amorem Dei
 & proximi inardescit. Ad literam autem
 textus hic pertinet ad sacramentum bap-
 tismi, atque in eum sensum exposuerũt
 ferme omnes veteres hunc locum: Non
 enim tam facillè ad tropos confugiebant,
 vt quidam ex nostris faciunt. Cũ au-
 tem baptismus sit primum sacramento-
 rum, à paucis quidem satis intellectum,
 à plerisque autem etiam impugnatum,
 diligenter attendenda sunt verba Christi.
 Primò igitur, quòd Christus doctrinam
 suam à baptismo auspicatur (nam hæc-
 nus nihil legitur docuisse) clarè ostendere
 voluit, à baptismo incipiendum esse
 Christianismum. Sicut enim in rebus ex-
 ternis nulla huius mundi commoda sen-
 tire potest homo, nisi prius nascatur, sic
 nec spiritualium potest esse particeps bo-
 norum, nisi prius in baptismo renasca-
 tur. Huc pertinet, quòd filijs Israel, ex
 Exo. 14. Aegypto egressis, primò omnium oc-
 currit mare, per quod transire eos oport-
 tebat: deinde solitudo, post hoc manna,
 subinde Iordanis, demum terra pro-
 missa. Sic tendentibus ad regnum cælo-
 rum, primò occurrit baptismus, Secun-
 dò tentationes variæ in mundo, Tertiò
 variæ è supernis consolationes, Quar-
 to mors, qua transita ingrediuntur ter-
 ram promissam. Deinde obserua, quòd
 Christus hic generaliter loquitur, & nula-
 lum excipit, ne quis putet, liberum esse,
 an quis velit vel nolit baptizari. Baptis-
 mus enim omnibus necessarius est ad sa-
 lutem: Non, inquit, potest intrare in reg-
 num cælorum, qui non renatus est. Nec
 obstat, quòd quidam etiam Martyres nõ
 fuerunt baptizati: hoc enim non ex con-
 temptu baptismi prouenit, sed quia ip-
 sum habere non potuerunt, tametsi ar-
 denter desiderarent. Vnde creditur eos
 vel proprio sanguine, vel interna Spiritus
 sancti gratia baptizatos fuisse. Deus
 enim non alligauit potetiam suam sacra-
 mentis. Ordinata quidem voluntate per
 sacramenta dat gratiam, nihilominus ta-
 men potest & sine sacramentis eam da-
 re. Tertiò obserua, quòd Christus verba
 hæc loquitur ad hominem Iudæum. Ad-
 men, inquit, dico tibi, &c. Iudæi autẽ iam
 ante

- ante habebant circūcisionem, vt signum
 fœderis, nihilominus tamen Christus e-
 tiam eis imponit baptismum, quo clarè
 ostendit, Circūcisionem iam cessare de-
 bere: nec iniuria. Nam circūcisio erat sig-
 num, quàm priora. Nam Noë quidem
 signū accepit, verū extra se, in nubibus.
 Abrahā signū accepit in corpore, sed tātū
 in vna parte corporis. Noster aut baptis-
 mus totum corpus occupat, quo signifi-
 catur, nunc adesse plenitudinem gratiæ,
 &c. Quarto obserua, quòd Christus duo
 quædam in baptismo coniungit valde dis-
 similia, aquam scilicet & spiritum, quorū
 vnum corporale & visibile est, alterum
 spirituale & inuisibile: nimirum, vt dupli-
 cis substantiæ hominem perfectè mun-
 daret. Homo enim, ex corpore & anima
 constat. Sicut autem vtrumque à Deo
 creatum est, vtrumque per peccatum col-
 lapsum, sic Christus vtrumque restituere
 voluit, nempe vt totus homo per ipsum
 saluaretur. Ob eam causam inuisibili ope-
 rationi suæ visibilia sacramēta adiunxit,
 vt quælibet pars hominis haberet sibi cō-
 ueniens remedium, corpus corporalia,
 anima autem spiritualia. Sic in baptismo
 spiritus hominis habet Spiritū sanctum,
 quo sanctificatur, corpus verò aquam,
 qua non minus sanctificatur. Neque ab-
 surdum est, etiam per aquam sanctificari
 corpus: quemadmodum enim aqua viri-
 bus ignis intensius calefacta, non aliter
 quàm ignis vrit, sic hīc aqua Spiritus san-
 cti operatione, quem sibi adiunctum ha-
 bet, in diuinam reformatur virtutem,
 qua baptizati corpus abstergit. Ita au-
 tem in baptismo aquam & spiritum
 coniunxit Deus, vt qui baptismum ex-
 ternè accipit ritè ac debito modo & for-
 ma, & non ficto animo, is verè intus acci-
 pit & Spiritum sanctum, quo anima à pec-
 catis abluitur. Hinc est, quòd etiam in
 propheta hæc duo coniunxit Deus: Es-
 fundam, inquit, super vos aquam mun-
 dam, &c. Et dabo vobis spiritum nouum,
 &c. Quòd si dicis, quid opus fuit addere
 aquam, cum potuisset solo spiritu nos
 mundare à peccatis? Respondeo, cur ho-
 minem ex terra creauit, cum potuisset eū
 ex nihilo creare? Nōne ideo, quia sic ei
 complacitum est? Et tu quises, qui res-
 pondeas Deo? Nunquid dicit figmen-
 tum ei, qui se finxit, quid me ita feci-
 sti? Potissima igitur ratio, cur per aquam
 nos
- Rom. 4
 Gene. 17
 Galat. 3
 Galat. 5
 Gene. 17
 Psal. 68.
 Gen. 17.
 Gene. 9
 Gen. 17.
- Ezec. 36
 Genes. 1
 Rom. 9

nos regenerare voluit, est ipsius voluntas & beneplacitum. Secunda ratio, ut per sensibile signum fidem nostram confirmaret. Tertia, ut subiiciendo nos corporalibus elementis, superbiam nostram edomaret. Quarto etiam ideo in aqua regenerationis sacramentum instituit, quia aquam omnes habere possunt, nec quisquam se excusare potest. Quinto, quia aqua familiare est elementum Spiritui sancto. Nam & in principio spiritus Domini ferebatur super aquas, & ex ea pleraque animalia creauit. Sexto, quia in aqua omnia illa sensibilibus videtur, quae in baptismo inuisibiliter operatur Deus, ut sunt mortificatio, sepultura, resurrectio, vita. In aqua enim velut in sepulchro caput immergentibus, vetus homo sepelitur, emergentibus autem nouus resurgit: inde quam facile nobis est immergi, & emersos respirare, tam facile est Deo veterem hominem sepelire, & nouum reducere. Huc pertinet, quod Paulus ait: Consepulti sumus cum Christo per baptismum in mortem. Item, Noster vetus homo simul crucifixus est, &c. Vides igitur non sine causa aquam adhiberi ad regenerationem. Hoc autem olim figuratum est per aquam expiationis. Item per aquam illam, quam Ezechiel vidit exire à latere dextro templi, &c. Item, per fontem illum, quem per Zachariam promisit Deus, &c. Potissimum autem per aquas diluuii, quemadmodum Petrus ait: Omnes has figuras potes adaptare, ut placet, &c. Quinto circa hoc Christi verbum obserua, quod non dixit: Nisi quis baptizatus fuerit, sed nisi quis renatus fuerit, ne quis de solo externo baptismo gloriaretur. Non enim te saluabit baptismus, nisi renascaris. Renatus autem est, qui spiritu mentis suae renouatus est, qui veterem hominem exuit cum actibus suis, & nouum induit, &c. Verum multi illorum, qui baptizantur, non renouantur spiritu mentis suae, exemplo sit Simon Magus, &c. Huiusmodi homines malis fecibus comparantur, qui vtero quidem concipiuntur, sed non viuificantur, aut vitam inspiratam protinus admittentes, abortiu proiciuntur. Item similes illis sunt, qui mare quidem transierunt, sed in deserto prostrati sunt, & repromissionis terram non introierunt. Sexto obserua, quod baptismus nominatur à Christo spiritualis

natiuitas, idque conuenientissimè. Nam sicut in generatione carnali concurrunt pater & mater, sic in spirituali: Deus pater est, Ecclesia autem mater. Et Deus quidem spiritum dat, Ecclesia autem aquam. Secundo, sicut in natiuitate corporali, homo nascitur ad vitam, lucem, & ad huius mundi bona, sic in baptismo, homo nascitur ad vitam animae, veram lucem, & bona caelestia. Tertio, sicut homo tantum semel nasci potest, sic tantum semel baptizari. Qui autem baptismum iterat, sacramentum illudit. Ad hoc adducit Augustinus figuram de Ismaele, ludente cum Isaac, propter quem lusum & ipse Ismael cum matre è domo electus est: videbatur enim lusum, sed verè persecutio erat, quemadmodum Paulus dicit: Sic lusum videtur iterum baptizare, sed verè illud sio est & persecutio, ob quam meritò ab Ecclesia eijciuntur reiectores. Talis olim erat Donatus, qui causatus nescio quid in ministris, rebaptizabat homines, quasi baptismus super bonitatem ministri fundatus sit, & non potius super verbum Domini. Qualiscunque enim sit minister, tamen baptismus in se bonus est, nec melior efficitur ex bonitate conferentis, nec peior ex malitia ministri. Hinc est quod Paulus arguit eos qui de ministris gloriabantur. Quis, inquit, est Paulus? quis Apollo? Nunc diuisus est Christus, &c. Itaque sicut Esau, tametsi de libera natus, non tamen ad hereditatem admissus est: Econtra autem Dan & Neptalim, Gad & Azer, quamuis de ancillis nati, tamen inter alios possessionem accipiunt. Sic plerumque in Ecclesia contingit, ut à bono ministro baptizatus, malus efficiatur: & econtra à malo baptizatus, bonus fiat. Praedictum Donatum sequuntur & nostri Anabaptistae, imò non parum deteriores sunt. Primo enim vniuersam damnant Ecclesiam, quae baptizauit paruulos iam inde ab initio. Nam & Paulus legitur baptizasse Stephanæ domum, hoc est, totam familiam, in qua verisimile est, etiam pueros fuisse. Secundo baptismum paruulorum nihil valere dicunt, cum fateri cogantur, non paucos fuisse in pueritia baptizatos, qui postea Spiritu sancto pleni fuerunt. Certum est autem, quod Spiritus sanctus solis his dona sua iustificancia tribuit, qui ad eum pertinent, quales sunt soli baptizati.

Si igitur baptismus paruulorum nihil esset, non eis dedisset ampliorem gratiam. Tertio nolunt pueros Christianorum partem habere in signo foederis, cum videant in veteri Testamento praeceptum fuisse, vt & paruuli & adulti signū circumcisionis haberent, audiantq; Christum claman-
 tem: *Sinite paruulos venire ad me, &c.* Quarto paruulos sacramento indigne nos censent, quos Christus benedicere dignatus est, quod vtiq; maius est. Nam ipsius benedicere, est fauere, diligere, dare, &c. Si igitur gratiam Dei potest accipere paruulus & benedictionē: cur non posset etiam accipere gratiae signum? Scriptum autem est, quod Christus amplexatus paruulos, benedixit eos. Et vt semel omnia dicam: quomodo inefficax potest esse baptismus paruulorum, cum fiat in nomine Patris, & Filij, & Spiritus sancti, & super eos inuocetur nomen sanctae Trinitatis? Contra deliramenta igitur illorū hoc vnum oppone, quod sicut nemo potest denuo corporaliter nasci, sic nemo potest aut debet denuo baptizari, quandoquidem Christus baptismū nominat natiuitatem spirituale. Sufficiat igitur tibi quod semel baptizatus es, tantum hoc age, vt baptismō conformiter viuas, & ea quae ibi promissisti, impleas, &c. Demū etiam illud obseruandum, quod Christus ait: [Nisi quis renatus fuerit, &c. non potest intrare in regnum caelorum.] Vbi vides, quid obsteterit, quod patribus ante mortē Christi clausa fuit porta caeli: nimirum, quia nondū erant baptizati. Christo autem mortuo, & sanguine cum aqua ex latere eius profluente, tum demum baptizati sunt, ac Christo resurgente, meruerunt intrare regnum caelorum. Sic igitur verbum illud Christi, tripliciter possumus exponere, vt dictum est. Primo, vt sit comparatio quaedam, hūc habens sensum. Sicut terra infimum est elementorum, & nunquā sursum, sed semper imā petit, sic homo ē terra formatus, & insuper per peccatum corruptus, non se potest subleuare ad regnum caelorum, nisi fuerit regeneratus. Secundo potest verbū Christi intelligi, vt sit metaphora, aliud scilicet significans, quā verba sonent, & tūc est sensus, nemo peruenire potest ad regnum, nisi prius sibiipsi & peccato moriatur, & per Christum viuificetur, & in nouum hominem transformetur. Tertio potest hoc Christi dictum intelligi secundum literam, de baptismo scilicet, vt modo dictum est.

Gen. 17. deant in veteri Testamento praeceptum fuisse, vt & paruuli & adulti signū circumcisionis haberent, audiantq; Christum cla-

Man. 10. manentem: *Sinite paruulos venire ad me, &c.* Quarto paruulos sacramento indigne nos censent, quos Christus benedicere dignatus est, quod vtiq; maius est. Nam ipsius benedicere, est fauere, diligere, dare, &c. Si igitur gratiam Dei potest accipere paruulus & benedictionē: cur non posset etiam accipere gratiae signum? Scriptum autem est, quod Christus amplexatus paruulos, benedixit eos. Et vt semel omnia dicam: quomodo inefficax potest esse baptismus paruulorum, cum fiat in nomine Patris, & Filij, & Spiritus sancti, & super eos inuocetur nomen sanctae Trinitatis? Contra deliramenta igitur illorū hoc vnum oppone, quod sicut nemo potest denuo corporaliter nasci, sic nemo potest aut debet denuo baptizari, quandoquidem Christus baptismū nominat natiuitatem spirituale. Sufficiat igitur tibi quod semel baptizatus es, tantum hoc age, vt baptismō conformiter viuas, & ea quae ibi promissisti, impleas, &c. Demū etiam illud obseruandum, quod Christus ait: [Nisi quis renatus fuerit, &c. non potest intrare in regnum caelorum.] Vbi vides, quid obsteterit, quod patribus ante mortē Christi clausa fuit porta caeli: nimirum, quia nondū erant baptizati. Christo autem mortuo, & sanguine cum aqua ex latere eius profluente, tum demum baptizati sunt, ac Christo resurgente, meruerunt intrare regnum caelorum. Sic igitur verbum illud Christi, tripliciter possumus exponere, vt dictum est. Primo, vt sit comparatio quaedam, hūc habens sensum. Sicut terra infimum est elementorum, & nunquā sursum, sed semper imā petit, sic homo ē terra formatus, & insuper per peccatum corruptus, non se potest subleuare ad regnum caelorum, nisi fuerit regeneratus. Secundo potest verbū Christi intelligi, vt sit metaphora, aliud scilicet significans, quā verba sonent, & tūc est sensus, nemo peruenire potest ad regnum, nisi prius sibiipsi & peccato moriatur, & per Christum viuificetur, & in nouum hominem transformetur. Tertio potest hoc Christi dictum intelligi secundum literam, de baptismo scilicet, vt modo dictum est.

Ibidem. Contra deliramenta igitur illorū hoc vnum oppone, quod sicut nemo potest denuo corporaliter nasci, sic nemo potest aut debet denuo baptizari, quandoquidem Christus baptismū nominat natiuitatem spirituale. Sufficiat igitur tibi quod semel baptizatus es, tantum hoc age, vt baptismō conformiter viuas, & ea quae ibi promissisti, impleas, &c. Demū etiam illud obseruandum, quod Christus ait: [Nisi quis renatus fuerit, &c. non potest intrare in regnum caelorum.] Vbi vides, quid obsteterit, quod patribus ante mortē Christi clausa fuit porta caeli: nimirum, quia nondū erant baptizati. Christo autem mortuo, & sanguine cum aqua ex latere eius profluente, tum demum baptizati sunt, ac Christo resurgente, meruerunt intrare regnum caelorum. Sic igitur verbum illud Christi, tripliciter possumus exponere, vt dictum est. Primo, vt sit comparatio quaedam, hūc habens sensum. Sicut terra infimum est elementorum, & nunquā sursum, sed semper imā petit, sic homo ē terra formatus, & insuper per peccatum corruptus, non se potest subleuare ad regnum caelorum, nisi fuerit regeneratus. Secundo potest verbū Christi intelligi, vt sit metaphora, aliud scilicet significans, quā verba sonent, & tūc est sensus, nemo peruenire potest ad regnum, nisi prius sibiipsi & peccato moriatur, & per Christum viuificetur, & in nouum hominem transformetur. Tertio potest hoc Christi dictum intelligi secundum literam, de baptismo scilicet, vt modo dictum est.

Ioan. 19. mirum, quia nondū erant baptizati. Christo autem mortuo, & sanguine cum aqua ex latere eius profluente, tum demum baptizati sunt, ac Christo resurgente, meruerunt intrare regnum caelorum. Sic igitur verbum illud Christi, tripliciter possumus exponere, vt dictum est. Primo, vt sit comparatio quaedam, hūc habens sensum. Sicut terra infimum est elementorum, & nunquā sursum, sed semper imā petit, sic homo ē terra formatus, & insuper per peccatum corruptus, non se potest subleuare ad regnum caelorum, nisi fuerit regeneratus. Secundo potest verbū Christi intelligi, vt sit metaphora, aliud scilicet significans, quā verba sonent, & tūc est sensus, nemo peruenire potest ad regnum, nisi prius sibiipsi & peccato moriatur, & per Christum viuificetur, & in nouum hominem transformetur. Tertio potest hoc Christi dictum intelligi secundum literam, de baptismo scilicet, vt modo dictum est.

Quod natum est ex carne, caro est.]

Bonus doctor, cui non opus est, vt quisquam cum interroget, non expectet, vt cum Nicodemus interrogaret, quare nemo, nisi renatus, posset intrare regnum caelorum: sed ipse vltro rationem reddidit. Praedicatoris enim est, rationem reddere doctrinae suae, eamque ita scripturis firmare, ne quis dubitare possit. Oportet enim, vt certa sit doctrina, cui per fidem inniti debemus. Ideo autem Christus rationem adfert dicti sui, ne quis praesumat sine regeneratione, per propriam sapientiam, iustitiam, aut vires humanas, se posse intrare regnum caelorum, id quod plerumque facimus. Quantumcunque enim insci, iniusti, & infirmisimus, magni tamen semper aestimamus nostram sapientiam, iustitiam, vires, &c. Hanc igitur iactantiam Christus hoc vno verbo reprimit: [Quod natum, inquit, est ex carne, caro est.] Hoc est, vanitas & nihil, quantumcunque arduum videatur: Omnis enim caro foenum, & omnis gloria eius sicut fenum, ait Esaias, &c. Caro igitur hoc est, fragile quiddam est, quicquid sumus, habemus vel possumus, ipsū corpus eiusque dotes, anima, ratio, voluntas, vires, &c. Quid igitur de his gloriaris, aut in ipsis confidis? Deinde vides hoc verbo, vnde sit, quod etiam qui ē iustus & Christianis parentibus nascuntur tamen nihil nisi peccatores sunt: nimirum, quia non ex spiritu, sed ex carne nascuntur. Deinde hoc verbo Christus ad primam originem nostram nos ducit, vt vel hinc discamus quā necessaria nobis sit regeneratio. Constat autem quod omnes ex Adam procreati sumus. Iam tametsi cōditus fuerit homo, ad imaginem & similitudinem Dei, hoc est, nedum rationalis, sed & bonus, sanctus, iustus, &c. tamen in hoc statu non generauit filios: neque enim in paradiso, sed post eiectionem suam incepit generare. Eo autem tempore iam peccauerat, ac per inobedientiam Dei iram incurrerat, & quāuis adhuc imaginem Dei, hoc est, rationem & formam hominis haberet, tamen Dei

Ioan. 16.

Esa. 40.

Gene. 1.

Gene. 4.

Dei similitudinem, ac optima quæque bona, qualia sunt, iustitia, innocentia, gratia, immortalitas, &c. perdiderat. In summa, nihil aliud erat, quam seruus peccati, omnibus bonis spoliatus, diaboli mancipiū, mortis & inferni captiuus, ac expressa quædam imago, & similitudo Sathanæ. Ex tam mala ergo radice, quid boni vel sperari potest? Nunquid colligunt de spinis vinas? Atqui ex hoc fonte omnes nos prodiiimus. Constat igitur, quod non alij nascimur, quam ipse Adam erat, cum generare inciperet. Lupus enim non parit agnum, nec musca elephantem, nec homo angelum, nec caro spiritum. Huc pertinet quod Sapiens ait: Erat, inquit, semen maledictum ab initio, &c. Et Paulus: Per vnum hominem peccatum intrauit in orbem terrarum, &c. Et iterum: Omnes natura filij iræ sumus. Et in Psalmo: Omnes declinauerunt, simul inutiles facti, &c. Omnes igitur op⁹ habemus regeneratione. Caro enim & sanguis, regnū Dei nō possidebunt. Et: Omnis auarus, aut fornicator, aut immundus, non habet hæreditatem in regno Christi & Dei. Item, Neque fornicarij, neque adulteri, neque molles, &c. regnum Dei possidebunt. Item, Timidis & incredulis, & homicidis, &c. pars illorum erit in stagno ardenti, &c. Summè igitur terret hoc dictum omnes, qui carnis cupiditatibus seruiunt. Vide igitur quid agas. Si cælum desideras, oportet vt primo homini multum dissimilis sis, alioqui si nihil nisi caro es, nunquam intrabis cælum. Noli igitur errare: Deus non irridesur, quin potius omnes gratiam quaeramus, dum tempus habemus. Præterea hoc verbo satis indicatur, quàm misera creatura sit homo sine gratia. Primò enim præter carnem nihil sapit, intelligit, aut potest, atque adeo nec vllis suis viribus regnum Dei acquirere valet: Non, inquit, est in carne mea bonum, velle quidē adiacet mihi, perficere autem non inuenio. Postremò ex hoc verbo vides causam, cur homo tam multis repletus sit miserijs, internè & externè: Vt quod tot affectibus, periculis, infirmitatibus obnoxius est: quod pronus ad omnia mala, tardus ad bonum: quod difficulter acquirit scientiam, quod instabilis est in bono, quod denique morti obnoxius est, &c.

Vnde enim hæc omnia mala, nisi quod ex carne natus est. Non igitur mirum, quod Paulus exclamat: Infelix ego homo, quis me liberabit de corpore mortis huius, &c. Item Hieremias: Maledicta dies in qua natus sum, &c. Sic enim clamabunt omnes damnati, quia nullum videbunt remedium. Ab his autem malis sola gratia per Iesum Christum nos liberat, teste Paulo.

Et quod natum est ex spiritu, spiritus est.]

Omnis noster defectus, vt iam audiui, in hoc consistit, quod spiritu careamus, & nihil nisi caro sumus. Spiritum autem non aliunde acquirere possumus, quàm à Deo, qui & ipse spiritus est, & solus potest spiritum bonum dare petentibus se, quemadmodum olim promisit in Ezechiele. Hoc autē non alio modo fit quàm per regenerationē. Sicut enim per natiuitatem carnalem, naturam carnis cum omnibus malis induimus, sic in natiuitate spirituali, Spiritum sanctum cum omnibus bonis accipimus. Non enim qui ex voluntate carnis, neque qui ex voluntate viri, neque qui ex sanguinibus, sed soli illi qui ex Deo nati sunt, filij Dei & capaces Spiritus sancti sunt. Hinc & Esaias ait: A facie tua Domine concepimus, & peperimus spiritū salutis, &c. Hinc & hic dicitur: Solus ille efficitur spiritus vel spiritualis, qui ex spiritu natus est. Spiritus igitur nō ex nobis ipsis habemus, sed à Deo petendus est. Deinde hoc verbo subindicat, quàm nobilis creatura efficiatur, qui renatus est, Spiritum sanctum accepit. Is enim non amplius caro est, non quaerit carnalia, sed spiritus est, spiritualia intelligit, quaerit, amat, carnalia despicit, magna & mira agit, ac etiamnum in carne constitutus, quodammodo extra carnem est, imò non in mundo existens, iam in cælis conuersationem habet, ac omnium quæ retro sunt oblitus, ad ea tantum aspiciat quæ ante se sunt, quemadmodū David: Vnam petij à Domino, &c. vt inhabitem in domo, &c. Vide igitur, num carnis vel spiritus plus habeas.

Non mireris, quod dixi tibi, Oportet vos, &c.]

Pulchro enthymemate colligit, necessariam

G ij riam

riam esse regenerationem. Primò ponit maiorem: Omne quod natum est ex carne caro est. Substituamus nos minorem. Sed omnes homines nati sunt ex carne peccatrice, Deum nesciente, mundum diligente, post concupiscentias suas eunte. Concludit Christus: Ergo nihil mireris, quòd dixi, &c. Quin potius mirandum esset, si dixisset hominem non renatum, posse intrare in cælum. Nam hoc fortasse quis sic acciperet, quasi Deo placerent peccata. Hoc enim primò contra ipsius iustitiam, deinde etiam contra decorem regni ipsius esset, quod nihil coinquinatum admittit. Imò omnino sibi repugnant homo non renatus, & regnum Dei. Nam homo nō renatus, caro est, regnum autem Dei, spiritus est. Totum enim in Spiritu sancto est, totum in spiritu consistat & veritate, nihil habet terrenum, nihil admittit caducum, nihil vanum habet aut ineptum. Paulo autem teste, caro & spiritus sibi inuicem contraria sunt. Nam caro repugnat aduersus spiritum, & econtra, id quod pii homines in seipsis sentiunt, quemadmodum idem Paulus testatur: Video, inquit, aliam legem, &c. Quomodo igitur fieri posset ut homo carnalis ad spirituale illud regnum accessum haberet? Non igitur mireris, &c.

Spiritus vbi vult spirat, &c.]

Poterat Nicodemus, tanquam rudis adhuc dicere: Quis ergo poterit intrare in regnum cælorum, sicque ab omni spe regni Dei decidere, quemadmodum apostoli quum audissent, quòd facilius esset, camelū per foramen acus transire, quàm diuitem in regnum cælorum, quasi desperabundi dicebāt. Quis ergo potest saluus fieri? Verū ibidem statim adiecit Christus: Quod impossibile est apud homines, possibile est apud Deum. Sic & hic, ne Nicodemus omnino desperaret se posse regenerationem illam consequi, atque adeo regnum cælorum intrare, quandoquidem verè apud homines impossibile est, ut carnalis homo ex spiritu inuisibili renascatur, subdit Christus modum, quo hoc fieri potest: [Spiritus vbi vult, &c.] Obserua autem, quòd quidam hic per spiritum ventum intelligunt, id quod nō absurdum est. Nam sæpe in scriptura spiritus pro vëto ponitur, ut quum dicitur:

Stetit spiritus procellæ, &c. Item, Flauit spiritus eius, & fluent aquæ. Spiritus autem dicitur aër, vel ventus: quia per ipsum spiramus, & quia comparatus ad corpora nostra, subtilior est. Hoc igitur quasi externo exemplo Christus subindicat natiuitatem illam spiritualem, nulla ratione humana posse comprehendere. Quasi si diceret: Non mirum est quòd ratio tua, & prudentia carnis tuæ hanc renascentiam spiritualem non capiat. Nam si huius spiritus vel venti, quem auditus sensu accipis & tactu, ne viam quidem nosciscis, vnde veniat aut quò vadat, quoniam pacto diuini spiritus operationem scrutaberis? Deinde cum triplex legatur formatio hominum. Adam enim ex terrā formatus est, mulier ex costa, omnes alij ex semine: nullam tamen harum, quo modo & qua ratione fiat, consequi possumus, cum tamen crassiora sint. Quid igitur mirum, si spiritualem illam regenerationem non intelligamus, quæ lōgè altior & subtilior, imò planè diuina est, &c. Fide igitur hæc credenda sunt, non ratione perscrutanda, &c. Attamen ut vel aliqua ex parte videre possimus diuini illius spiritus operationem in hominibus, externo exemplo id ipsum ostendit. Sumit autem ventum vel aërem pro exemplo, tum propter conuenientiam nominis (nam & aër spiritus dicitur) tum quia aër est, quasi medium quoddam inter corporea & spiritualia. Plures autem aëris vel venti conditiones sunt, per quas vtcunque videre possumus, quid Spiritus sanctus in nobis operetur. Prima est: [Spiritus vbi vult spirat.] Quod verbum non sic accipiendum est, quasi voluntate aliqua feratur ventus, sed tantummodo liberum eius à natura impetum per hoc significat. Mos enim scripturæ est, ita etiam de inanimatis loqui, ut cum dicit: Vanitati subiecta est creatura non volens. Hoc igitur verbo gratia simul & omnipotentia Spiritus sancti demonstratur. Nam quod non debet, & tamen vult, gratia est: quod autem vbi vult spirat, omnipotentia. Sicut igitur ventus libere fertur solo impetu suo, nec ullis humanis legibus constringitur, sed vbiq; spirat, in terra, in mari, interdum etiā viscera terræ ingreditur, ut fit in terræ motu: sic & Spiritus sanctus in suis operationibus liber-

Psa. 147

Gen. 2

Rom. 8

Psa. 106

rimus.

rimus est. Primò, quia nullus eum cogere potest: nullius enim debitor est, sed ex gratia dat quicquid dat. Quis enim dedit illi, vt retribuat ei? Secundò, quia nullus eum retinere vel prohibere potest. Non enim est in hominis potestate, prohibere spiritum. Tertiò, etiam in hoc liber est, quòd cui vult miseretur, & quem vult indurat. Potest enim si vult, ex vase iræ, facere vas misericordiae: & ex vili luto facere vas gloriosum, item ex humili materia, insigne opus. Sic Dauidem ex pastore fecit nedum regem, sed & prophetam: Petrum ex piscatore apostolum: Matthæum ex publicano euangelistam: Paulum ex persecutore doctorem. Omnia autem hæc agit secundum propositum voluntatis suæ. Hinc Hesther ait: Si decreuerit nos saluare, continuo liberabimur, quasi diceret: Non tibi deest facultas, tantum vt velis. Idem petebat & Dauid, cum diceret: Cõplaceat tibi Domine, vt eruas me. Item cum diceret: Memento nostri Domine in beneplacito populi tui. Secunda venti conditio est, quòd quamuis sit inuisibilis, tamen potenter operatur. Turres deiicit, montes & saxa scindit, arbores radicitus euellit quandoque. Sic Spiritus sanctus excelsa quæque potest humiliare, vt patet in Nabuchodonosor & Antiocho. Po-
test & corda hominũ conuertere, & quantumuis dura & saxea corda ad poenitentiam emollire, vt patet in peccatrice, & latrone, & Zachæo, &c. Potest etiam immitia corda ad mansuetudinem mutare. Hinc in Zacharia dicit: Quis tu mons magnus: qui tamen coram Zorobabele ris in planum. Loquitur autem de rege Persarum, quem timebat Zorobabel, & subdit ibidem, quomodo id fieri possit: Non in exercitu, inquit, nec in robore, sed in spiritu meo. Demum potest etiam incredulos radicitus euellere, quemadmodum Dauid ad impium quendam dicit: Destruet te Deus, & emigrabit de tabernaculo tuo, & tollet radicem tuam de terra viventium. Tertia venti conditio, quòd per omnia se transfundit, omnia implet, omnia penetrat, nec quisquã aërem excludere vel effugere potest. Sic Spiritus sanctus primò omnia implet, quemadmodum Sapiens ait: Spiritus Domini repleuit orbem terrarum. Nam Spiritus sanctus nihil aliud est quã virtus Dei, omnium viuificatrix, foetrix & consumatrix: Spiritus enim oris eius, omnis virtus eorum, ait Dauid. Deinde Spiritus sanctus omnia penetrat: nihil enim eum impedit, nec ignis, nec aqua, nec carcer quantumcunque fortis, quò minus penetrare possit ad suos. Sic tribus illis etiam in igne affuit: Danieli in lacu leonũ. Moyse in deserto, Paulo in carcere. Imò etiam ipsam hominis animã penetrat, quẽadmodum Sapiens ait: Spiritus sapientiæ in animas sanctas se transfert, quò clarè indicatur Spiritum sanctũ esse Deũ. Nam nulla creatura animæ substantiam penetrare potest, nec ventus, nec angelus, &c. Præterea Spiritũ sanctum nunquam effugere potes, vt non ab ipso arguantur peccata tua: Quò, inquit, ibo à spiritu tuo, &c. Itẽ, Non est qui se abscondat à calore eius: Dies enim Domini, & reuelatio eius, quasi si quis fugiens leonẽ, incidat in vrsũ, & ab vrsũ liberatus, percutiatur à vipera. Non igitur ab ipso, sed ad ipsum confugas, alioqui nunquã effugies. Quarta venti vel aëris conditio est, quòd corporibus hominum nonnunquã vitam, interdum mortẽ affert, quum scilicet corruptus vel infectus est: sic Spiritus sanctus vitam, & nihil non bonorum pijs præstat: est enim Spiritus modestus, suavis, disertus, incoquinatus, &c. Nihilominus tamen impios horrendo iudicio suo excæcat, & in reprobũ sensum tradit. Iuxta illud: Miscuit Dominus Aegypto spiritum vertiginis, &c. Item, Quia non acceperunt charitatem veritatis, dedit eis operationem erroris, vt credant mendacio, &c. Quinta aëris cõditio, quòd interdum tranquillus & tacitus, intredũ violentior est: Sic Spiritus sanctus quibusdã tacitè & in silentio illabatur, ad alios autem, vt pote pertinaces, venire nõ potest, nisi prius impetu quodam eos deiiciat. Sic Nabuchodonosor nõ credidit, donec è regno eiiceretur, &c. Tunc primũ aperuit oculos, &c. Sic Paulus non nisi prostratus, & visu priuatus, Christum agnouit: Hoc figuratũ est in eo, quòd antequã Dominus ad Heliam loqueretur, præcessit ingens ventus, & post vètum, commotio, post commotionem ignis, post ignẽ, sibilus auræ tenuis. Sexta venti cõditio, quòd aliquando ab Oriente, aliquando ab Occidente, aliquando ab alijs mundi

- partibus spirat: sic sanctus Spiritus non semper eodem medio illabitur, nam He-
 4. Re. 3. lisæus audito Psalte, Spiritu sancto inspi-
 Ato. 2. ratus est: Apostolis congregatis & oran-
 Ato. 10. tibus, Spiritus sanctus superuenit. Cor-
 nelius prædicante Petro, Spiritum san-
 ctum accepit. Virgo Maria sub silentio,
 Spiritu sancto repleta fuit, &c. Septima
 aeris vel venti conditio est, quod vocem
 eius audis, tamen nescis unde veniat, aut
 quò vadat. Quamuis enim in signo per-
 cipiat, è qua parte mundi spiret flatus
 venti, tamen non scitur causa agens cum
 determinata perceptione, nec scitur de-
 terminatus locus elevationis eius, nec
 etiam defectionis: ideo Ecclesiastes dicit:
 Eccle. 11. Ignoras quæ sit via spiritus. Et Psalmista:
 Psal. 134. Ipse producit ventos de thesauris suis. Sic
 vocem Spiritus sancti audis, primò in te
 ipso, quemadmodum David ait: Audiã
 Psal. 84. quid loquatur in me Dominus. Plærum-
 que enim contingit, quod homo sentit se
 interiùs tangi, doceri, accendi, rapi, resol-
 ui, & absorberi. Sicut in Osee prædictum
 Osee. 2. est: Ducam eam in solitudinem, & lo-
 quar ad cor eius. Imò & ipse Nicodemus
 nunquam salubriter ad Christum
 venisset, nisi hanc vocem spiritus intus
 audisset. Nemo enim venit ad Christum,
 Ioan. 6. nisi pater traxerit eum. Sed nescit ho-
 mo unde veniat, &c. id est, quomodo cor
 intret aut inde recedat: Vel nescis ex
 quo consilio Dei veniat, & ad quæ beatitu-
 dinem deducat te. Deinde vocem Spiritus
 sancti audimus in pio homine. Sic in
 Christo Iudæi audiebant vocem spiri-
 tus. Nam vt dicit Lucas: Mirabantur
 Lucæ 4. omnes in verbo gratiæ, quod procedebat
 de ore eius, verum nesciebant unde ve-
 niret, ideo dicebat: Unde huic hæc scien-
 tia, qui literas non didicit! Sic Nicodemus
 audiebat vocem spiritus in Christo. Verè enim
 vox erat spiritus. Nam non ad carnalia, sed ad spiritualia ducebat,
 tamen Nicodemus nesciebat unde esset.
 Dicebat enim: Quomodo possunt hæc fieri! &c. Sic adhuc contigit,
 &c. Audimus aliquem verba Dei loquentem,
 vocem quidem spiritus agnoscimus, sed quomodo
 is qui loquitur gratiam acceperit, vel ad quem
 fructum vel finem eadem gratia processura sit,
 ignoramus.
- Sic est omnis qui natus est ex spiritu.*
 Sicut ventus vel aer, liberè fertur suo
 impetu, & Spiritus sanctus liberè opera-
 tur, sic & Spiritu sancto afflatus liber est,
 quemadmodum Paulus testatur: Vbi
 spiritus Dñi, ibi libertas. Hoc aut nò intelligendū
 est de carnali libertate peccadi, quæ ipsissima
 seruitus est, sed de libertate spiritus, quæ quis
 liber efficitur à peccato, vt non ei inseruiat: à morte,
 vt non in ea pereat: à Sathana, vt non sit eius
 captiuus. Item quæ quis sponte & hilariter non
 coactus legibus, sed Spiritus sancti instinctu,
 ad omnia bona rapitur: adeò, vt nullis indigeat
 legibus. Vbi autem caro adhuc est, illic nulla
 libertas esse potest, imò perpetua seruitus. Qui
 enim facit peccatum, seruus est peccati, nec
 huiusmodi carnales quicquam nisi coacti faciunt.
 Opus igitur habent legibus. Virga enim & onus
 asino, ait Sapiens. Et Paulus: Iustis nò est
 lex posita, sed ad ulteteris, homicidis, &c.
 Imò nedum lege coerceri debent, sed & gladio. Quem
 autem Christus spiritu suo dignatus fuerit, & in
 veram libertatem asseruerit, is verè liber est.
 Secundo, sicut ventus fortem habet operationem,
 itidemq; & Spiritus sanctus, sic est omnis,
 qui natus est ex spiritu: Fortes enim facit
 Spiritus sanctus homines pios. Sic Gedeon
 indutus Spiritu sancto, intrepidus contra
 hostes in pugnam processit & vicit, quemadmodum
 & pius quisq; dicit, Si cōsistant aduersum
 me castra, non timebit cor meū. Sic Samson
 irruente in se spiritu Domini, omnia vincula
 quibus constrictus erat, dirupit, id quod etiam
 fidelis quisque facit spiritaliter: Omnes enim
 laqueos diaboli rumpit. Sic Petrus & Apostoli
 accepto spiritu, fortes effecti sunt, quam fortitudinem
 Paulus exprimit, cum dicit: Quis nos separabit
 à charitate Dei? &c. Præterea, Sicut ventus
 longè quidem subtilior est, & agilior quàm
 quacunque corpora, Spiritus sanctus autem in
 infinitum sic est omnis, qui natus est ex spiritu.
 Totus enim agilis & spiritalis efficitur, ac
 facile se leuat ad cælestia, &c. Demum, sicut
 ventus ex parte quidem sentitur, auditu scilicet
 & tactu, non tamen omnibus sensibus, non
 enim videri potest, & Spiritus sanctus
 auditur quidem, sed non videtur. Sic est omnis
 qui natus est

est ex spiritu. Habet enim aliquid in se, quod videtur, nempe corpus & opera. Habet etiam aliquid quod non videtur, scilicet Spiritus sancti gratia, & interna consolatio. Sic & in regenerationis sacramento, aqua quidem videtur, sed non spiritus.

Quomodo possunt hæc fieri?

Hic primò vides, quàm difficulter spiritualia intelligant, qui carnalibus assueverunt. Huiusmodi igitur homines indigent crebris admonitionibus. Nam & gutta cauat lapidem, non vi, sed sæpe cadendo. Deinde hic vides verè dixisse Christum. Vocem eius audis, & nescis unde sit, &c. Qui enim verbo Dei non credit, vel ei repugnat, aut impossibile iudicat, is verè nescit unde sit. Nam si sciret Dei verbum esse, diceret cum Iob, Scio Dominus mine, quia omnia potes. Item cum Ezechia: Bonus sermo Domini. Imò cum ipso Abraham nihil omnino causans vel submurmurans, ipsum verbum sequeretur. Miratur autem Nicodemus, quomodo fieri possit, ut homo corpore, carnem & sanguinem habens, possit aeris vel venti leuitatem consequi, vel in spiritum conuertri. Vbi iterum vides, quàm nihil carnalis homo sapiat eorum quæ Dei sunt. Deinde miratur, quomodo ex aqua possit renasci homo, & non miratur quomodo homo vel ex terra, vel ex costa, vel ex semine nascatur, cum hæc non minus sint mirabilia. Sic & nos ea tantum ad rationis regulam expendere volumus, quæ in verbo Dei audimus, cum interim videamus Deum & fecisse & facere innumera, quæ omnem rationem excedunt. Si vides Deo non fuisse impossibile, verbo omnia creare, sustinere, &c. cur ea sola impossibilia iudicas, quæ in verbo Dei audis? Obserua hic, quod Nicodemus tametsi rudis, multò modestius interrogat, quàm alij Pharisæi. Illi enim cum non intellexissent verbum Christi, dicentis, Soluite templum hoc, &c. statim quasi illudentes & insultantes responderunt: Quadraginta & sex annis ædificatum est, &c. ideo Christus non respondit eis. Sic & in alio loco, cum dixisset, quæ non intelligebant, proterve responderunt: Quem te ipsum facis? Item: Nunc scimus quia dæmonium habes.

Denique & lapidibus eum obruere annisi sunt, ideo & Christus se ab eis abscondit. Hic autem Nicodemus modestè interrogat studio discendi, ideo & respondere meretur. Verè enim dixit Sapiens. In simplicitate cordis quærite illum: Inuenitur enim ab his qui eum non tenent, &c.

Tu es magister in Israel, &c.]

Hic iterum Christus fungitur officio boni doctoris, cuius est nedum docere, sed & increpare & obsecrare, &c. ut Paulus docet. Hactenus igitur Christus docuit, nunc increpat, postea etiam consolaturus. Singula autem verba emphasim habent. Primò: [Tu es magister:] Quasi diceret, Qui prophitetur se magistrum, nihil nescire debet eorum, quæ ad suum officium pertinent. Quid igitur inani titulo gloriaris, cum tanta nescias? Hoc igitur verbo ad humilitatem eum prouocat, ut deposito omni supercilio, humilem & docilem se præbeat discipulum. Tales enim requirit Christi schola. Unde & in alio loco Apostolus dicit: Vos autem nolite vocari Rabbi: vnus est enim magister vester. Secundò addit: [Tu es magister in Israel,] quasi diceret: Cum Israel significet eum, qui Deum videt, vel fortem cum Deo, illique populus & legem & prophetas acceperit, oportebat ut nullus ex populo harum rerum inscius esset, sicut de eis prædictum est: Cognoscent me omnes à minore usque ad maximum. Qui sit igitur, ut tu huius populi doctor tam ignarus sis? Si tales sunt doctores, qualis erit populus? Si lumen quod in te est tenebræ sunt, ipsæ tenebræ quantæ erunt? Si caput adeò languet, nihil mirum quod & membra langueant. Hoc autem verbo pulchrè ostendit, quidnam populum Iudaicum in tantam impietatem & mala perduxerit, nempe quod speculatores eius cæci fuerunt, &c. Item, quod & sacerdos & propheta nescierunt, &c. Hinc in alio loco dicitur: Propterea ductus est populus meus in captiuitatem, quia non habuit scientiam. Et iterum: Propter vos Sion quasi ager arabitur, &c. Et Hieremias. Accessi, inquit, ad optimates, & ecce hi magis confregerunt iugum, ruperunt vincula. Quasi diceret: Iam non miror tam im-

G iij pium

pium esse populum, cum tam malos habeat pastores. Sic & nunc omnium malorum causa in ecclesia est, quod hi qui deberent esse lux mundi, tenebricosi sunt: **Matt. 5.** qui sal terrae esse deberent, ipsi insipidi sunt: quique alios docent, seipsos non docent, imò qui docent non adulterandum, **Roma. 2.** adulterantur, &c. Tertio emphasum habet & illud, quod subdit: [Et hæc ignoras!] Quasi diceret, nihil alienum à scriptura aut nouum doceo, sed hoc ipsum, quod scriptura ubique docet & clamat. Non vides scripturam ubique hominis peccatum, maledictionem, damnationem, infirmitatem, miseriam ob oculos ponere? Non vides, prophetas aperte prædixisse, hominum genus per unum Christum restitutum? Imò, quid impossibilia iudicas, quæ dixi de regeneratione, cum scriptura & figuris, & apertis verbis etiam modum regenerationis ostenderit. Quid enim, quod Deus ex aqua, & pisces, & volucres creauit, quid, quod ex latere dormientis Adæ mulierem formauit? quid, quod per diluuium mundum repurgauit? quid, quod per mare rubrum Israelitas traduxit? quid, quod eisdem tot purificationis modos per legem præscripsit? quid denique, quod Naaman non alibi quam in aqua mundatus est à lepra? Quid hæc, inquam, omnia significant, nisi baptismi nostrum. Ad hæc prophetæ non semel apertis verbis hæc prædixerunt. Hinc in Ezechiele: Effundam super vos aquam mundam, & dabo vobis spiritum novum, &c. Itē Zacharias: Erit fons patens domui Daud, &c. Qui fit igitur, ut tu legis doctor, hæc ignores? Vides quomodo præsumptione humanam confundat. Quāvis Christus hoc verbo non tam Nicodemum perstringat, quam eos qui in cathedra Moyse sedebant, gloriantes quod ipsi essent duces cæcorum, lumē eorum qui in tenebris sunt, &c. quum tamen nondum non docerent, sed ne intelligerent quidem, quod præcipuum erat. Quamobrem & congruē Christus eos sepulchris dealbatis comparat. Summa, vel ex hoc **Matt. 23.** **Roma. 2.** vno loco videmus, etiam tunc velamen fuisse super cor eorum, iamque in ipsis impletam fuisse diuinam illam sententiam, ut videntes non viderent, & audientes non intelligerent.

Amē dico tibi, quod scimus, loquimur.]

Etiam hic Christus doctoris officium agit. Videbat se nihil acturum in Nicodemum, quamdiu ille pergeret sola humana ratione verba sua metiri. Studet igitur ei, postpositis cogitationibus carnalibus, crederet quæ ratione consequi non posset. Ad hunc igitur finem, doctrinæ suæ certitudinem indicat: [Amen, inquit, dico tibi, &c.] Quasi diceret: Non fabulas loquimur, nec ex coniecturali præsumptione, quemadmodum hi, qui à semet ipsis loquuntur, propriam gloriam quaerentes, aut qui de cordibus suis prophetant: sed quod scimus & vidimus, rem certam in veritate existentem, verum scripturarum sensum, quarum profiteamur magisterium, loquimur & testamur, securus igitur crede. Hoc autem verbo docet, audituris verbum Dei necessariam esse fidem, alioquin frustra audient, cum verbum Dei ea proponat, quæ videri non possunt. Per fidem enim ambulamus, non per speciem. Hinc & Esaias ait: Si non credideritis, non permanebitis. Discant & hic prædicatores, quid docere debeant: nepe non sua somnia, id quod falsi prophetæ olim faciebant, sed nec hominum opiniones: verum ea sola, quæ sciunt & vident, hoc est, quæ certa sunt & indubitata, ne discant auditores confidere in mendacio, & inniti super baculum arundineum. Deinde quæ sciunt, docere debent, hoc est, alijs communicare quod à Deo acceperunt, ne similes fiant inutili seruo, qui pecuniam domini sui abscondit: itēque illis qui clauem quidem habent scientiæ, nec tamen ipsi ingrediuntur, nec alios ingredi permittunt. Obserua autem quod Christus hic in plurali loquitur, quod aliàs non facit. Quia enim testari se dicit, & loquelam suam testimonium nuncupat, testimonium autem vnius legitimum non est, sed in ore duorum vel trium stat omne verbum, recte ergo non ait: Quod vidi hoc testor, sed quod scimus & vidimus, seipsum scilicet & Patrem intelligens, sicut & alibi dicit: Ego sum qui testimonium perhibeo, & testimonium perhibet qui misit me. Deinde hoc verbo ostendit, se idem docere, quod prophetæ docuerunt: Non, inquit, solus hæc loquor, sed omnes prophetæ eadem loquuntur. Simplicissimè autem intelligi potest, ut de se &

Ioan. 7.
Ezec. 13

2. Cor. 9.
Esaiæ. 7.
Hierc. 23

Matt. 23

Luc. 11

Deut. 19

Ioan. 8.

& Ioanne loquatur: Nos, inquit, qui nunc prædicationis nomine celebres habemur, vera doceamus, cognita loquimur. Quæ enim Ioannes docet, reuelatione
 Lucæ 3. diuina accepit. Iuxta illud: Factum est verbum Domini super Ioannem, &c. Certissima autem est cognitio, quæ ex Dei reuelatione habetur: est enim Deus verax, omnis autem homo mendax, quæ autem ego doceo, ex patre cognoui & vidi. Vbi obiter indicatum est, quæ sit differentia inter cognitionem Ioannis & Christi: Ioannes quidem sciuit vera esse quæ doceret, Christus autem vidit. Quid enim nescire, quid non videre posset, qui Deus est, qui omnia regit, & implet, qui denique semper est in sinu Patris? Hinc & ad Iudæos dicit: Quæ vidi apud Patrem meum
 Ioan. 8. loquor. Et ad discipulos: Omnia quæ audiui à Patre meo, nota feci vobis. Hæc autem Christi verba maxime faciunt ad confirmationem fidei nostræ: Hinc enim videmus, quàm securè verbis & doctrinæ Christi inniti possimus.

Et testimonium nostrum non accipitis]

Hoc idem & in alijs locis conqueritur, vt infra patebit, Signanter autem dicit in plurali: [Testimonium nostrum,] subindicans, hoc non sibi soli fieri, sed etiam alijs factum esse. Hoc enim & Moyses, & omnes prophetæ conquesti sunt, Iudæos scilicet esse duræ ceruicis, contemptores verbi Dei, &c. Non tamen dicit, Tu non accipis, ne eum omnino confundat, sed in generali tantum: Vos, inquit, & Pharisei non accipitis, nec intelligitis nec credere vultis: iuste igitur vobis auferetur regnum Dei. Hinc & alibi quoque dicit: Quoties volui congregare filios tuos, & noluiisti? Ex hoc autem verbo videmus, etiam ad nos pertinere omnia quæ hactenus dicta sunt. Neque enim solus Nicodemus regeneratione opus habet, nec solus verba Christi non intelligit, nec solus tamen magister sit in Israel, diuinarum tamen rerum inscius est: denique nec solus est, qui testimonium Christi non suscipit, sed plerique inter nos quoque tales sunt, &c.

Si terrena dixi vobis, & non creditis, &c.]

Per terrena hic primò intelligi pos-

sunt, externæ illæ & terrestres similitudines, quibus Christus frequenter usus est, vt supra de vento. Sensus igitur est, Si aeris huius naturam & impetum cum sentias, non tamen ingenio consequi potes, quomodo consequeris hæc longè sublimiora? Si exemplum à terrenis sumptum non creditis, quonam pacto altiora credetis? Vel per terrena intelligi potest baptismus & doctrina Ioannis, vt sit sensus: Si baptisma Ioannis, quod ad meam regenerationem collatum adhuc terram sapit, non creditis, quomodo doctrinam meam credetis? Simplicissimè autem potest intelligi pro doctrina lactis, vt sit sensus. Hactenus adeò me vestræ imbecillitati accommodaui, vt nihil sublime, sed humilia tantum & planè puerilia docuerim, quæ captum non excedunt humanum: non enim potui vobis loqui vt spiritalibus, sed vt carnalibus. Vnde & quasi infantibus lac vobis potum dedi, non solidum cibum, nec tamen sic creditis vel intelligitis, saxis stupidiores. Deinde vt doctrinam nostram ad infirmitatem captus auditorum accommodamus, ita & vitam nostram pro ingeniorum varietate instituimus. Venit enim Ioannes non edens nec bibens, &c. sed hac via nihil apud vos proficitur, nedum enim ei non creditis, sed etiam dicitis eum habere dæmonium. Veni ego ipse vobiscum familiaris, edens, & bibens: & ecce rursum est quod columniamini, &c. In summa, cantauimus vobis, & non saltastis, lamentauimus, & non plorastis. Hoc igitur verbo Christus indicat se nullum non lapidem mouisse, vt nos ad resipiscentiam alliceret. Nulla igitur nobis relicta est excusatio, si in peccatis & infidelitate maneamus, &c.

Et nemo ascendit in celum, nisi qui, &c.]

Exprobrata totius ordinis Pharisæi ruditate, redit nunc ad argumentum disputationis, apertius docens, vnde vera iustitia petenda sit. Vide autem, quàm pulchrè ordinem seruet. Primò docuit necessariam esse regenerationem. Secundo ostendit, eam fieri per aquam & spiritum, adiecit & causam, itémque hominis regenerati conditiones. Nunc indicat, vbi Spiritus sanctus, & per quem quærendus sit, namquam omnes habere possumus.

Pate-

Patet igitur, quod non intelligunt hunc locum, qui ex eo colligunt, neminem ad caelum vel peruenisse vel peruenire posse, cum scriptura ubique testetur, electis

Matt. 5. æternas in caelo mansiones paratas. Sic enim Christus ait: Beati pauperes, quoniam ipsorum est regnum caelorum. Hinc **Ioan. 14** & omnes nos iubet thesaurizare in caelo. Et cuidam dixit: Vende omnia, &c. & habebis thesaurum in caelo. Et Apostolus: Assumam vos ad meipsum, ut ubi sum ego, & vos sitis. Et ad Patrem: Volo ut ubi ego sum, & illi sint mecum. Et Paulus: Scimus quoniam si terrestris domus nostra dissoluitur, quod ædificatio nem habemus in caelo, &c. E quibus omnibus patet, quod verbum hoc Christi aliò spectat. Sunt igitur, qui locum hunc tantum ad mores trahunt, videlicet, ut qui ascendere velit ad caelum, is exemplo Christi prius descendat, hoc est, se indignum agnoscat gratia. Deinde sit & permaneat in Ecclesia, quæ regnum caelorum in plerisque parabolis dicitur: Qui enim ab ea se segregant, ad caelos ascendere nequeunt. Hæc quamquam pia sint, tamen huic loco non satisfaciunt. Potest igitur hoc verbum primo sic exponi, [Nemo ascendit, &c.] Hoc est, hætenus omnibus hominibus clausum fuit caelum, nec quisquam ascendere potuit aut aperire, nisi solus filius hominis. Propter peccatum autem clausum erat hominibus caelum, neque id mirum, cum & Paradisus propter peccatum homini clausus fuerit, imò plerumque etiam è terra eiiciantur homines, quemadmodum Iudæis sæpe euenisse legimus, & propter peccata Psalmista cuius etiam impio, tale quid minatur. Propterea, inquit, quia scilicet gloriaris in malitia, &c. Deus destruet & euellet te, &c. Iam cum omnes homines peccato obnoxii fuerunt, quantumcunque sancti, præter unum Christum, qui peccatum non fecit, nec inuentus est dolus in ore eius, &c. Cõstat, quod nullus præter Christum caelum aperire potuit. Deinde potest hoc verbum intelligi, quod solus Christus propria virtute ascenderit. De ipso enim scribitur: Eleuatis manibus ferebatur in caelum: nec mirum, quia non solum hominis, sed & Dei Filius & Deus erat. Hoc autem nemo alius potuit propria virtute: Omnes enim alij per Christum suffulti, ascendunt, clamantque: Trahe me post te, imò alij omnes in Christo, tanquam in scala ascendunt, quemadmodum supra etiam de angelis dixit: Videbitis caelum apertum, & angelos Dei ascendentes, & descendentes super Filium hominis. Hoc autem etiam in hominibus impletur: nam quotidie videmus, quod pii homines certatim ascendunt. Regnum enim caelorum vim patitur, &c. Et alij quidè iam primum ascendere incipiunt. Alij iam aliquousque profecerunt. Alij tã alte ascenderunt, ut non amplius videant terram, imò cum Paulus omnium quæ retro sunt obliuiscantur, ac capite caelum attingant dicentes, Nostra conuersatio in caelis est. Alij iam intrant in gaudium Domini sui, interim descendunt angeli consolantes, adiuuantes, defendentes: nec Deus ipse innixus scalæ, clamare cessat: Venite ad me omnes, qui laboratis, &c. Quod si hoc spectaculum vel ad momentum videre possemus, profecto pueret nos ignauia nostræ, quod alijs ad caelum irrumpentibus, nos in luto terræ hæremus. Præterea etiam sic potest verbum hoc intelligi, quod scilicet solus Christus iure ac merito ascendit in caelum. Ipsi enim iure debetur caelum, quia naturalis Dei Filius est. Ideo dicit: Omnia tua mea sunt. Et David, Cælum cæli Domino, terram autem dedit Filijs hominum. Omnes autem alij, qui vel vnquam ascenderunt, vel ascensuri sunt, tantum ex gratia hoc habent, nullo iure, sed tantum quia misericorditer hoc promissit Deus. Neque enim opera nostra etiam qualiacunque, tãta sunt, ut huiusmodi remunerationem ex æquo vel condigno mereantur, nisi quatenus ea Deus misericorditer acceptat. Hinc Paulus: Non sunt condignæ passionibus huius temporis, ad futuram gloriam. Et idem dicit, Pondus illud gloriæ futuræ, supra modum excedere omnes passionibus præsentibus. Ex his itaque colligit: Gratia salutis estis, non ex operibus, ne quis gloriatur. Demum etiam sic potest intelligi verbum prædictum, quod nullus hominum sua iustitia potest consistere aut apparere coram Deo, nisi Christus solus. Nec mirum: Omnes enim declinauerunt, simul inutiles facti sunt, &c. Quod si etiam aliqua bona iustitiæ opera in nobis appareant,

Cant. 1.
Supr. 1.6

Matt. 11.

Philip 3
Matt. 25

Mat. 11.

Ioan. 17
Psalm. 113.Rom. 8.
2 Cor. 4
Ephes. 2a

Psalm. 119.

pareant, tamen semper plus peccatorum habemus, vt merito Dauid exclamet: Si iniquitates obseruaueris Domine, quis sustinebit? Præterea etiam bona opera nostra nonnihil habent imperfectionis, imò plærunque aut per vanam gloriam, aut aliud quiddam veteris hominis vitium inficiuntur, vt verissimè dictum sit: Omnes iustitiæ nostræ tanquam pânus menstruatae. Vnde & Dauid precatur: Non intres in iudicium cum seruo tuo, quia non iustificabitur apud te omnis viuens. Si igitur iustitia nostra coram Deo consistere nequit, quomodo potuisset nobis aperire cælum, mereri Spiritum sanctum, ac reconciliare Deo? Christus autem coram Deo apparere audet, quia Filius Dei est, alijsque omnibus damnatis & perditis, solus ipse gratiâ Dei habet, solus iustitiâ possidet, solus deniq; in se omnia Dei bona habet. Deinde etiam sola eius iustitia Patri grata est, quia nullis peccatis permixta, imò purissima & ex summa charitate, & dilectione Patris profecta est. Vt cognoscat, inquit, mundus, quia diligo Patrem, facio sicut mandatum mihi dedit Pater. Et Paulus: Obediens fuit vsque ad mortem, &c. Solus igitur potuit nobis mereri apertionem cæli, gratiam Patris, & Spiritum sanctum. Hoc itaque verbo Christus nos humiliare voluit, ne vnquam de nobis ipsis præsumamus, aut iustitia nostra. Non vt nihil boni operemur, sed vt seruos inutiles nos sciamus & agnoscamus, etiamsi omnia quæ præcepta sunt, fecerimus. Deinde hoc verbo docuit, vt omnia bona ab ipso & per ipsum quæramus. Verissima enim sententia est: Nemo ascendit in cælum, &c. hoc est, nullus gratus esse potest Deo, nisi per Christum: per ipsum enim nos sibi gratificauit. Nullus remissionem peccatorum accipere potest, nisi per Christum: ipse enim est propitius pro peccatis nostris. Nullus Spiritum sanctum accipere potest, nisi per Christum: In ipso enim requieuit Spiritus Domini. Et de plenitudine eius omnes accepimus. Nullus iustitia Deo grata est, nisi iustitiam & merita Christi suis operibus superinduxerit, vt pius pater agnoscere possit tunicam filij sui. Nullus coram iudicio Dei consistere potest, nisi patronum & aduocatum habeat Christum: Ipse enim est aduocatus noster apud Patrem. Denique nullus omnino potest ascendere in cælum, nisi sit membrum in corpore Christi, hoc est, nisi Christo per fidem, spem & charitatem incorporetur. Si igitur cupis ascendere in cælum, vnum fias corpus cum Christo, permane in Ecclesia, quæ est corpus Christi, noli te à corpore separare. Verum attendamus & alia verba. Primò non abs re Filium hominis se nominat, cum potuisset se nominare hominè, vel Deum. Primò enim hoc verbo fidem nostram confirmauit, ne dubitemus, nos participes esse posse bonorum eius, quandoquidem ipse nostræ naturæ particeps factus est. Poterat quidè de terra aut aliunde nouum plasmare hominem, quem assumeret, sic quidem esset caro & sanguis, vt nunc, sed non nostra caro & sanguis: homo quidem, sed non proximus nobis: homo, sed nō Filius hominis. Quis autè credere posset, Filium Dei sua nobis bona communicare velle, si eum videret nostram naturam refugisse & abominatum esse? Vt igitur ceterò sperare possimus eius bona, ipse ex eadem massa carnem sumere voluit, qua omnes nos nascimur. Deinde hoc verbo auget spem nostram. Si enim possibile fuit, vt Deus fieret Filius hominis, potest & fieri, vt & homo fiat Dei filius. Præterea hoc verbo, cum se nominat Filium hominis, charitatem nostram accendere voluit, vt redamemus eum, qui tanta dignatione nos dilexit, de quo infra. Cæterum quod dicit Filium hominis descendisse, non sic intelligas, quasi corpus secum è cælo attulerit, nihilque de virgine sumpserit, sed tantum per eam transierit, quemadmodum Valentiniani hæretici dixerunt. Verum hac loquendi figura, insinuare voluit vnitatem personæ in ipso, ne quis putaret, duas in Christo esse personas, sicut duas constare eum habere naturas, quemadmodum Nestoriani hæretici senserunt. Quia igitur vna tantum est in Christo persona, fit, vt & humana de Deo, & diuina de homine dicantur. Sic Filius hominis dicitur de cælo descendisse, quia scilicet assumpta humanitas, vna est persona cum verbo, quod descendit. Sic infra, Filium hominis, qui adhuc erat in terra, dicit esse in cælo: Filius, inquit hominis

hominis, qui in caelo est, quia nimirum cum homine in terra loquente, Deus qui in caelo & ubique est, una persona est. *Vere* igitur qui descendit, ipse est, qui ascendit, licet aliter vestitus, humana scilicet natura & corpore suo mystico. Descendit Deus, ascendit Deus & homo. Solus descendit, sed plures cum eo & post eum ascendunt, videlicet totum corpus suum mysticum, omnia membra sua. Vbi enim fuerit corpus, illic congregabuntur & aequilae.

Ephes. 4

Mat. 24

Et sicut Moyses exaltauit serpentem, &c.]

Etiam hoc verbo altius quiddam, & quod ad rem hanc vel maxime pertineat, docet, nempe quomodo nobis caelum aperturus, & Spiritum sanctum promittiturus esset, itemque per quid nos Spiritum sanctum accipere possimus. Meruit autem Christus nobis Spiritum sanctum sua passione. Spiritum autem eundem nos fide accipimus: haec igitur duo hic indicat. Non autem sine causa. Nicodemum hoc loco admonet futurae passionis. Primo enim hoc facto & ipsum & omnes nos admonere voluit, ut gravitatem nostrae damnationis attendamus, quasi diceret, verum quidem est, quod solus Filius hominis vos Patri reconciliabit, hoc tamen non fiet, nisi prius persoluto debito, quod homo Deo debet. Magna mihi subeunda est pro vobis satisfactio, ne igitur putes iocum esse quod dico, sed nec peccata tua tam leuia esse tibi persuadeas, nam alioqui nihil opus erat tanta tamque seuera satisfactione. Secundo ideo passionem suam praedicit, ne postea scandalizetur, sed sciat diuino consilio hoc fieri, ob quam causam etiam Apostolis saepe passionem suam praedixit. Hinc est, quod Nicodemus etiam in morte Christi fortior alijs inuentus est, propterea, quod hic de eadem passione praemonitus erat. Nec tamen aperte Christus ei passionem suam praedixit, sed tantum per figuram, tum quod loquebatur legis perito, tum ut ostenderet vtrumque testamentum inter se consentire, tum denique, ut vno hoc exemplo eum induceret ad alia etiam inuestiganda, quemadmodum & alibi dicit: Scrutamini scripturas, &c.

Mat. 20

Ioan. 19

Ioan. 5.

pente producit, cum potuisset & agnum paschalem aut alia sacrificia, quibus non minus Christi passio praefigurabatur, producere. Nimirum, quia in hac figura non tantum ipsa Christi passio proposita est, sed & causa passionis, & conditiones patientis, denique & fructus passionis, & quomodo eius participes efficiamur. Insuper etiam ideo hanc figuram potissimum adduxit, quia vix alia est, quae manifestius confundat Iudaeos, crucem Christi irridentes. Cum enim dicunt, quomodo potest saluare, qui crucifixus est? Nos respondemus, quomodo potuit serpens aeneus res inanimata, & vita carens, vitam conferre? Caeterum, historia quam Christus hic citat, in Numeris scripta est, quam paucis explicabimus. Primo enim, sicut ob id vel maxime quondam igniti serpentes in populum immisisti sunt, quod nauseabant super cibo, quae Deus ipsis dederat, sic homo quamprimum nauseare coepit ad verbum Dei (id quod Eua fecit) statim infernali serpenti obnoxius fuit. Secundo, sicut multi ex populo periisse scribuntur, antequam Deus remedium hoc de aeneo serpente ostenderet, sic multi in peccatis mortui fuerunt, antequam Christus veniret. Tercio, quemadmodum eo tempore quantumvis populus clamaret, nullus tamen ex eis nec sibi nec alijs subuenire potuit, imo ne quidem ipse Moyses potuit, sed solus Deus. Sic multi quidem patrum morsus Diabolici serpentis deplorauerunt, nullus tamen se ipsum vel alios curare potuit, imo quantumvis etiam ad legem recurrerent, tamen nec ipsa quicquam aliud poterat, nisi morbum ostendere. Nihil igitur restabat, nisi a solo Deo auxilium sperare. Quarto, sicut Deus et si potuisset illos solo verbo sanare, tamen addidit signum, sic in sanatione spirituali verbo suo addidit etiam Christus signa, hoc est, Sacramenta. Quantumvis autem videretur impossibile, quod serpens aeneus, res scilicet inanimata, salutem conferre posset, nullus tamen eorum hoc signum contempsit aut neglexit: sic nec nos contemnere debemus Sacramenta. Potest enim Deus saluare, & bona sua communicare, etiam per humilia media. Quinto quamvis populus Israeliticus crebra mala incurreret in deserto, tamen contra nullum

Numer. 21

Genes. 3

lum illorum legimus datū fuisse signum aliquod, nisi contra morsus serpentum: sic quamvis homo pluribus malis internis & externis obnoxius sit, ut sunt famines, sitis, &c. Item tristitia, timor, &c. tamen nullum contra hæc mala spiritale signum habemus, propterea, quod nihil talium malorum nobis nocere possit, si de sit peccatum. Nulla siquidem nobis nocere potest aduersitas, si nulla nobis dorminetur iniquitas. Contra morsus autem serpentis, hoc est, peccata, signum nobis dedit Deus, Christum scilicet, quem Simon meon fatetur in signum esse positum, &c. Congruè autem peccatum dicitur serpentis morsus. Primò, quia à serpente ortū habuit: Inuidia enim Diaboli, mors illa introiit in orbem terrarum. Secundò, quia totum infecit hominem, animam scilicet & corpus, rationem, voluntatem, omnes denique vires, omnia membra, imò & totum humanū genus, quem admodum & ictus serpentis totum corpus infecit. Sextò, vel maximè obseruandum, quod non aliud signum veteribus illis dedit, quàm serpentē. Potuisset quidem & alia signa dare, verum ita conueniebat, ut quia serpens vulnerauerat, etiam serpens mederetur: sic enim & in medicinis venenum veneno expellitur. Atque tamen in hoc erat differentia, quod serpens qui momorderat, venenum habebat, is autem qui sanabat, nullum habebat venenum, imò ne serpens quidē erat, sed tantum serpentis simulachrum. Sic potuisset quidem Deus alio modo hominem redimere, sed hic modus conuenientissimus erat, ut per hominē Christum homini lapsō mederetur, & mors mortem occideret, hoc est, serpens serpentem fugaret: ita tamen, ut homo nocens, per innocentem saluaretur, & mors iusta hominis, per mortem iniustam Christi aboleretur. Adam enim serpenti, consentiendo, virus serpentinum imbibit: cum quo & totam posteritatem infecit, quem admodum & Paulus ait: per vnum hominem peccatum intrauit in orbem terrarum, &c. Et ob id etiam omnes homines, hoc est, filij Adam, à Christo duntur gentimina viperarum. De Christo autem dicit Paulus: in similitudinem hominum factus, & habitu inuentus ut homo. Et in alio loco dicit: Misit Deus Filium in similitudinē carnis peccati. Unde & à plerisque non tantum peccator iudicatus, verum etiam tanquam Magus & seductor in crucem sublatuſ est, quod quid aliud est, quàm serpentis similitudinem gerere? Quantumcunque tamen Christus filius Adæ & peccator, nihilque differens ab alijs peccatoribus videbatur, tamen verè venenum non habuit: peccatum enim non fecit, nec dolus inuentus est in ore eius. Septimò, in figura illa manifestè exprimitur, non ligneum aut lapideum, sed æneum serpentem fieri iustum. Natura autem æris est, quod non ferro cedente, sed igni conſtante formatur. Deinde admodum sonorum est. Præterea etiam diuturnum, & rubigine corrumpi difficillimè potest. Sic verè corpus Christi, non maritali opere, sed veri ignis conſtatione, id est, Sancti spiritus operatione, conceptum est. Et idem Christus cum hominibus loquens, non ut veri serpentes, id est, susurriones aut detractores, occultè aliquid insibilabat, sed tanquam sonorum æs clarè concrepans, publicè prædicabat, sicut de se ipso dicit: Ego palam locutus sum mundo, &c. Præterea caro eius tanquam ænea nulla cuiuslibet vitij rubigine solubilis extitit. Octauò præceptum fuit Moysi, ut serpentem exaltaret, nimirum ut omnes eum conspiciere possent, ne quis eo bono fraudaretur, itemque ne quis proteruè illum intueri contemnens, quicquam excusationis haberet: Sic, inquit, exaltari oportet Filium hominis. Verè oportuit. Primò, ut omnes viderent, ubi salutem quærere deberent. Deinde, ut omnibus ob oculos poneretur insignis illa Dei dignatio. Præterea, ut Iudæorum ingratitude & cæcitas manifestior fieret, ut qui eum ad mortem adegerunt, qui omnibus vitam attulit: eum, inquam, noluerunt videre, qui coram omnibus ut verus mediator Dei & hominum, inter cælum & terram exaltatus fuit. Insuper etiam sic exaltari oportebat Filium hominis, ut scilicet in toto mundo prædicaretur electis in bonum, ne quis eorum periret: reprobis autem in malum, ut nullam excusationem haberent. Non sine causa autem Christus passionem suam, non confusionem aut humiliationem nominat, sed exaltationem.

H Nam

Lucæ. 2.
Sapient. 2.

1. Pet. 2.

Lucæ. 2.

Ioan. 12.

Rom. 5.
Matt. 12.
Philip. 2.

Rom. 8.

- Luc. 24.** Nam primò per passionem & crucem sitatem suam ei exponit, & quàm potè verè intrauit in gloriam suam, vt ipse test miserabiliter. Quartò, oculos in met dicit: Cui & Paulus astipulatur, pro eum totaliter figit, imò & animum, Hebr. 4.
- Philip. 2.** pter hoc, inquit, (nempe quia seipsum nec auertit donec accipiat. Hoc modo exinanituit vsque ad mortem) Deus illum fides Christum aspicit. Primò enim lum exaltauit, & dedit illi nomen, &c. fides nos in miseria nostra conseruat, ne omnino desperemus. Secundo fides ostendit, Christum nobis posse succurrere. Tertiò fides facit, vt etiam nihil meriti, tamen benè de Christo speremus. Quartò fides facit, vt cum fiducia ad thronum gratiæ accedamus, & petamus. Quintò fides facit, vt oculos cordis & corporis in Deum intendamus, non auertentes, donec exaudiat, quemadmodum Psal. 121.
- Ag. 14.** Vbi interim notandum, quòd etiam nostra crux & passio, verè exaltatio nostra est. Per multas enim tribulationes intramus in regnum cælorum, &c. Noli igitur crucem abicere, aut sub ea desperare. Deinde etiam ideo exaltatio, dicitur passio Christi, quia per ipsam gloriòse triumphauit de hostibus suis. Per hoc enim, quo visus est condemnari & vinci, condemnauit & vicit huius mundi Principem. Præterea hæc ipsa passio ostendit, cum inuictum esse à tristitia, quemadmodum prius non potuit vinci à voluptate, cum Diabolus diceret: Dic vt lapides isti panes fiant. Itemque: Hæc omnia dabo tibi, &c. cum tamen hæc duo, voluptas & tristitia, potenter dominium exerceant in genus humanum. Tantam autem tristitiæ machinam Diabolus Christo adhibuit, vt omnes contra illum moueret: discipulos, vt negarent: milites, vt illuderent: Iudæos, vt crucifigerent: prætereuntes, vt blasphemarent: & tamen cum expertus est inuictum. Verè igitur per passionem suam exaltatus est, hoc est, apparuit inuictus. Diligenter igitur obserua circa hunc locum, quòd crux dicitur exaltatio, vt non deficias in aduersitate, quando quidem hic vides, per crucem nos ad gloriam perducere. Vnde & Iacobus ait: Omne gaudium æstimate fratres, cum in tentationes varias incideritis: Beatus enim, qui suffert tentationem &c. Nonò, serpens ille æneus solùm proderat his, qui eum aspiciebant, quo docemur, quid agere debeamus, ne frustra Christus nobis crucifixus & exaltatus sit. Oportet autem vt eum aspiciamus, non oculis carnis (hoc enim nihil confert ad salutem: Nam multi eum sic viderunt & oderunt) sed oculis fidei. Cæterum quomodo hic fidei aspectus fiat, è paupere aliquo discere possumus. Is enim cum diuitem aliquem videt obuium, primò gaudet adesse aliquem, qui possit adiuuare. Deinde etiam si eum non cognoscat, nec quicquam de eo meritis sit, tamen bene de ipso sperat. Tertiò cum fiducia necessitatem suam ei exponit, & quàm potè test miserabiliter. Quartò, oculos in eum totaliter figit, imò & animum, nec auertit donec accipiat. Hoc modo fides Christum aspicit. Primò enim fides nos in miseria nostra conseruat, ne omnino desperemus. Secundo fides ostendit, Christum nobis posse succurrere. Tertiò fides facit, vt etiam nihil meriti, tamen benè de Christo speremus. Quartò fides facit, vt cum fiducia ad thronum gratiæ accedamus, & petamus. Quintò fides facit, vt oculos cordis & corporis in Deum intendamus, non auertentes, donec exaudiat, quemadmodum dñ David ait: Ad te leuaui oculos meos, Ecce sicut oculi seruatorum, &c. In hunc modum oportet vt aspicias Christum, alioqui nihil tibi proderit vel eius opus lentia, vel eius passio. Ideò enim exaltatus est in cruce, ideò prædicatus in toto mundo, ideò etiam exaltatus in gloria, vt in ipsum credamus, ad ipsum curramus, & omnia bona ab ipso speremus & quæramus. Sicut igitur in figura illa, tria concurrebant, Deus enim sanitatem præstabat: Medium per quod dabat, erat serpens æneus: Sanitatem autem accipiebant, qui serpentem intuebantur. Sic & in iustificatione nostra fit, Christus iustificat, Verbum Euangelij & Sacramenta sunt media & instrumenta, per quæ iustificat: Fides iustificationem accipit, nam soli credentes iustificantur. Decimò in figura illa expressum est, quid aspicientibus serpentem conferebatur, nempe Num. 21.
- Iacobi. 1.** tres, cum in tentationes varias incideritis: Beatus enim, qui suffert tentationem &c. Nonò, serpens ille æneus solùm proderat his, qui eum aspiciebant, quo docemur, quid agere debeamus, ne frustra Christus nobis crucifixus & exaltatus sit. Oportet autem vt eum aspiciamus, non oculis carnis (hoc enim nihil confert ad salutem: Nam multi eum sic viderunt & oderunt) sed oculis fidei. Cæterum quomodo hic fidei aspectus fiat, è paupere aliquo discere possumus. Is enim cum diuitem aliquem videt obuium, primò gaudet adesse aliquem, qui possit adiuuare. Deinde etiam si eum non cognoscat, nec quicquam de eo meritis sit, tamen bene de ipso sperat. Tertiò cum fiducia necessitatem suam ei exponit, & quàm potè test miserabiliter. Quartò, oculos in eum totaliter figit, imò & animum, nec auertit donec accipiat. Hoc modo fides Christum aspicit. Primò enim fides nos in miseria nostra conseruat, ne omnino desperemus. Secundo fides ostendit, Christum nobis posse succurrere. Tertiò fides facit, vt etiam nihil meriti, tamen benè de Christo speremus. Quartò fides facit, vt cum fiducia ad thronum gratiæ accedamus, & petamus. Quintò fides facit, vt oculos cordis & corporis in Deum intendamus, non auertentes, donec exaudiat, quemadmodum dñ David ait: Ad te leuaui oculos meos, Ecce sicut oculi seruatorum, &c. In hunc modum oportet vt aspicias Christum, alioqui nihil tibi proderit vel eius opus lentia, vel eius passio. Ideò enim exaltatus est in cruce, ideò prædicatus in toto mundo, ideò etiam exaltatus in gloria, vt in ipsum credamus, ad ipsum curramus, & omnia bona ab ipso speremus & quæramus. Sicut igitur in figura illa, tria concurrebant, Deus enim sanitatem præstabat: Medium per quod dabat, erat serpens æneus: Sanitatem autem accipiebant, qui serpentem intuebantur. Sic & in iustificatione nostra fit, Christus iustificat, Verbum Euangelij & Sacramenta sunt media & instrumenta, per quæ iustificat: Fides iustificationem accipit, nam soli credentes iustificantur. Decimò in figura illa expressum est, quid aspicientibus serpentem conferebatur, nempe Num. 21.
- Ioan. 15.** culis carnis (hoc enim nihil confert ad salutem: Nam multi eum sic viderunt & oderunt) sed oculis fidei. Cæterum quomodo hic fidei aspectus fiat, è paupere aliquo discere possumus. Is enim cum diuitem aliquem videt obuium, primò gaudet adesse aliquem, qui possit adiuuare. Deinde etiam si eum non cognoscat, nec quicquam de eo meritis sit, tamen bene de ipso sperat. Tertiò cum fiducia necessitatem suam ei exponit, & quàm potè test miserabiliter. Quartò, oculos in eum totaliter figit, imò & animum, nec auertit donec accipiat. Hoc modo fides Christum aspicit. Primò enim fides nos in miseria nostra conseruat, ne omnino desperemus. Secundo fides ostendit, Christum nobis posse succurrere. Tertiò fides facit, vt etiam nihil meriti, tamen benè de Christo speremus. Quartò fides facit, vt cum fiducia ad thronum gratiæ accedamus, & petamus. Quintò fides facit, vt oculos cordis & corporis in Deum intendamus, non auertentes, donec exaudiat, quemadmodum dñ David ait: Ad te leuaui oculos meos, Ecce sicut oculi seruatorum, &c. In hunc modum oportet vt aspicias Christum, alioqui nihil tibi proderit vel eius opus lentia, vel eius passio. Ideò enim exaltatus est in cruce, ideò prædicatus in toto mundo, ideò etiam exaltatus in gloria, vt in ipsum credamus, ad ipsum curramus, & omnia bona ab ipso speremus & quæramus. Sicut igitur in figura illa, tria concurrebant, Deus enim sanitatem præstabat: Medium per quod dabat, erat serpens æneus: Sanitatem autem accipiebant, qui serpentem intuebantur. Sic & in iustificatione nostra fit, Christus iustificat, Verbum Euangelij & Sacramenta sunt media & instrumenta, per quæ iustificat: Fides iustificationem accipit, nam soli credentes iustificantur. Decimò in figura illa expressum est, quid aspicientibus serpentem conferebatur, nempe Num. 21.
- nititas. Qui percussus (inquit) aspiciebāt serpentem, sanabantur. Ingens quidem bonum sanitas est, sed tantum temporale, sic Christus hic exprimit, quid credentes in se consequantur. Vt omnis (inquit) qui credit in eum, non pereat, sed habeat vitam æternam. Hæc autem longe maiora bona sunt, imò maxima. Quid enim est, Non pereat, nisi, neque peccatum, neque mors, neque Diabolus, neque mundus, neque infernus, nec quodcumque aliud malum credentem obruere potest? Et quid est quod dicit: (Sed habeat vitam) nisi quòd credenti promittit omnia ea bona, sine quibus nulla vita iucunda est: qualia sunt sanitas, pax, securitas, gaudium, opes, & cæt? Quid autem est quod addit. (Æterna

(Aeternam) nisi quod credētibz etiam spiritualia & vera bona promittit, nempe veram sanitatem cordis, verum gaudium animi, pacem cum Deo, securitatem conscientiae, omnia denique Dei bona, idque non ad certum tempus, sed in perpetuum: Iam, quid aliud quaerimus, quam ne pereamus, sed vt vivamus? Vide autem insaniam nostram, qui haec ipsa in externis magno labore quaerimus, sponte autem à Christo oblata recusamus. Ex omnibus igitur iam dictis, satis ostensum puto, quantam consolationem fidelis quisque è passione Christi & cruce accipiat. Hoc est enim signum illud, de quo Esaias: in tempore illo erit radix Iesse, & qui stat in signum populorum, in ipso gentes sperabunt. Et paulò post: Levabit Dominus signum in nationes, & congregabit profugos Israel. Verè enim hoc signo nos Dominus congregavit, alioqui planè desperatos. Rideant igitur Iudaei, quātumvis velint signū hoc nostrū, nos interim dicamus cum Petro: Domine, ad quem alium ibimus? verba vitae aeternae habes. Et cum Psalmista: Non descendimus à te, vivificabis nos, & nomē tuū invocabimus. Aduertendum & hoc in figura supradicta, quod vnus serpens erectus, satis fuit contra innumeros morsus serpentum, imò contra varia genera serpentum. Deus (inquit Moyses) ductor fuit tuus in solitudine magna & terribili, in qua erat serpens statu adurens, & scorpio, & diplas, &c. Sic vnus Christus nudum innumera peccata, sed etiam omnia peccatorum genera auferre potest, originalia scilicet, & actualia, peccata cordis, operis, & cogitationis, &c.

Sic Deus dilexit mundum, Vt Filium, &c.]

Hoc verbo Christus ad ipsum fontem & originem omnis nostrae salutis nos ducit, quasi diceret: Quod tam aperte vobis via salutis monstratur, itemq; offertur, qui passione & morte sua vobis salutem & gratiam mereatur, non ex meritis vestris est, sed ex sola Dei bonitate ac dilectione. Vos enim, quantum in vobis est, semper mansissetis in peccatis, morte, & inferno, nisi Deus ex gratia vobis subvenisset. Sicut igitur

origo salutis vestrae à Deo est, sic & in eundem omnia referenda sunt: vt in omnibus, & per omnia honorificetur Deus, & Pater Domini nostri, &c. Cæterum, verba quæ Christus hic ponit, talia sunt, vt qui nesciret cur doctrinam suam vocaret Euangelium, vel ex hoc vno loco id discere posset. Quid enim lætius & magis consolatorium nunciari posset, quàm quæ hic dicuntur? Verum verba ipsa expendamus. Primò, non dicit: [Sic Deus dilexit electos, sed mundum,] hoc est, dum adhuc in mundo, & de mundo, imò nihil quàm mundus essent, hoc est, peccatores, damnati, ac inimici Dei. In hoc (inquit Ioannes) est charitas, non quasi nos dilexerimus eū, sed quia ipse prior dilexit nos, &c. Et Paulus: Cōmendat charitatē suam erga nos Deus, quod cum adhuc essemus inimici, Christus pro nobis mortuus est, &c. Deinde non dicit, dulciter allocutus est mundum, aut beneficijs persecutus est: sed, [Dilexit.] Quo verbo promptitudinem & affectum cordis indicauit, quasi diceret, ex animo fauuit. Vide autem, quantum consolationis vel hoc vnum verbū in se contineat. Si enim Deus nos dilexit, dū adhuc inimici essemus, quanto magis nunc diliget, posteaquam filij effecti sumus? Vides omnem nobis diffidentiae occasionem sublatam esse, maximè, cum in Esaiā simile quiddam legamus: Etiam, inquit, si mater obliuiscatur infantis vteri sui, ego tamen tui non obliuiscar. Addit autē Christus ad haec signum certissimum paternae erga nos dilectionis. [Vt filiū, inquit vnigenitū daret.] Circa quod verbū primò obseruandum, quod Christus hic Filium Dei se nominat, quemadmodū supra se dixit Filiū hominis. Vtroq; autem nomine summè nobis cōmendatur Christus, quia enim Filius Dei est, ideo potest seruare: quia autem Filius hominis est, seipsum fratribz negare non poterit. Ne quis autem putet, eum tantum filium esse adoptiuum, quēadmodum & alij sancti, addit: [Vnigenitum.] Vt autē sciant Ebion, Cherintus, Arrius, & reliqua haereticorum fex, Christum verum Deum esse, subdit: vt omnis qui credit in illum, &c. Dupliciter enim hic Christus se ostēdit Deum esse. Primò, quod vult vt in eum credamus, qui honor & cultus est

H ij soli

feli Deo debitus. Secundò, quòd asserit se posse seruare, ne pereamus, itemque vitam æternam dare, quòd & ipsum Dei proprium est. Iam cum Christus Dei Filius & Deus sit, certum est, quòd nihil non bonorū habet. Hunc igitur talem, tantumque, tamque opulentum, Deus nedum ostendit, sed planè dedit, vt noster esset, quantus quantus est, vnà cum omnibus bonis suis. Dedit autem eum primò in carnem & naturam nostram, ne quem eius diuinitas terreret. Deinde dedit eum in passionem & mortē, vt quod nos rapueramus, ipse solueret, quo quid maius dici posset? Quis enim vt seruo parceret, filium proprium flagellaret?

Psal. 68. Deus autem, vt inimicis parceret & ingratis, Filium in mortem tradidit. Dedit etiam nobis ipsius iustitiam & merita, atque adeo quicquid vnquam & fecit & passus est, vt perinde de eis gloriari possimus, ac si nostra essent, quòd vel solum à desperatione nos præseruare poterit. Postremò dedit eum etiam in Sacramento, vt manducantes corpus eius, dubitare non possimus, cum nobis datum ac nostrum esse. Vides quantum consolationis hoc vno verbo nobis proponatur. De hoc autem mirificè gloriatur Paulus:

Rom. 8. Si Deus, inquit, pro nobis, quis contra nos? Qui etiam proprio filio non pepercit, &c. vsque ad finem capituli. Sed cur, inquis, filium misit? Audi, vt omnis qui credit in illum, &c. hoc est, vt ex ipso, & per ipsum cor hominis perfectè quietetur. Nam mens humana adeo profunda abyssus est, vt nulla creatura expleri queat, nec diuitijs, nec potētia, nec sapientia, nec voluptate. Quocunque enim te verteris in vniuerso mundo, nihil reperies, quòd cupiditati tuæ satisfacere possit. Quid igitur illud est, quo cor humanum saturatur? Solus Deus. Sed is videri & palpari non potest. Filium igitur suum misit, vt in eo videretur. Sed dicis, etiam is nunc ab oculis corporeis abest, quomodo igitur apprehendam eum? Respondeo, Non apprehenditur manu corporis, sed manu cordis, quæ est fides. Proinde, in solo Christo per fidem cordis tui sufficientiam & sanitatem reperies: propter ea quòd solus ipse secum ferat totum Deum, vnà cum omnibus suis bonis. Hæc autem fides in

Christum non pudefacit, quia Christus veritas est. Hinc Esaias: Omnis qui crediderit in illum, non confundetur: Fides enim in veritatem directā, nunquam fallitur. Docet igitur hoc verbum, Deum esse & proram & puppem nostræ salutis, hoc est, initium & finem, autorem & consummatorem. Ego, inquit, sum alpha & o. Deinde hoc verbo confunditur torpor noster, quòd tam segnes sumus ad propriam salutem, cum videam⁹ ipsum Deum, qui nostri non eget, tantam habuisse salutis nostræ curam. Reprehenditur etiam hoc verbo ingratitudo nostra, idque multipliciter. Nam piget nos vel minimum quiddam vel dare vel facere, vel etiam pati pro Deo, quæ videmus tanta pro nobis passum, tanta & dedisse & fecisse: imò pauci sunt, qui vel verbo agnoscant hoc tantum beneficium, & gratias agāt, vt verè dicere possit illud propheticum: Nunquid solitudo factus Israel: nunquid obliuiscitur sponsa mortalis? &c. Populus verò meus oblitus est mei diebus innumeris, &c. Præterea hoc verbo omnis nobis excusatio eripitur, in eo quòd nihil arduum aut magnum à nobis exigit Deus pro hoc tanto beneficio, sed tantum vt credamus in eum quem misit, insuper & faciliè coniungatur ex hoc verbo, magnam poenā imminere ingratis. Quò enim maius beneficium contemnitur, eò grauius iudicium sequitur. Præterea admonet hoc verbū, ne nos ipsos peccatis dedecoremus, quos Deus tãto honore dignos iudicauit. Noli animam tuam tam vilem aestimare, o homo, propter quam Christus mortuus est. Omnium autem maximè hoc verbo incitatur ad redamandū Deum, quem admodum Ioānes docet. Diligamus, inquit, Deum, quoniam ipse prior dilexit nos, &c. Sic David: Diligam te Domine virtus mea, &c. Et iterum: Benedic anima mea Dominum, & noli obliuisci omnis retributionis eius, &c. Et Esaias: Nomen tuum & memoriale tuum in desiderio animæ meæ. Anima mea desiderauit te in nocte, & cætera.

Non enim misit Deus Filium suum, vt iudicet.]

Iudicare in scriptura interdum idem

Apoca. 1

Hierem. 2

1. Io. 3. 4.
Psal. 17.
Psal. 103.
Esai. 26.

Esai. 2.

Idem est, quod regnare, imperare, guberna-
 re, ut cum dicitur: Iudicabit pauperes
 Psal. 71. populi, &c. Item: Samson vel Samuel ius-
 dicauit populum, id est, rexit & guberna-
 uit. Secundum hoc igitur militat ver-
 bum istud contra carnalem Iudaeorum
 opinionem, qui sperabant regnante Mes-
 sia terrenum regnum, & carnale saeculus
 affuturum. Sed non misit Deus Fili-
 um suum, ut ita iudicet, hoc est, ut tem-
 poraliter regnet, & curet terrena,
 sed ut saluet, hoc est, ut agat ea, quae sa-
 lutis aeternae sunt. Hinc est, quod cuidam
 de quodam temporali negotio eum in-
 terpellanti respondit: Quis me constituit
 iudicem, & diuisorem inter vos? imò ob-
 cam causam quaesitus ad regnum, fugit.
 Et Pilato interroganti de regno suo, re-
 spondit: Regnum meum non est de hoc
 mundo. Deinde hoc dicto differentiam
 Ioan. 18. indicat inter suam & Moyse doctrinam,
 quasi diceret, Moyses doctrina sua & le-
 ge peccatum ostendit & Dei iram, ac per
 hoc omnes homines damnauit: Mea au-
 tem doctrina longè alia est, Non enim
 missus sum ut peccata ostendam, & iu-
 dicium Dei praedicem, sicque homines
 condemnem, hoc enim Moyses sufficien-
 ter egit: sed missus sum, ut lege terri-
 tos Euangelio recrearem & subleuarem, com-
 minantemque legem in iustificantem
 gratiam commutarem. Nam ut decens
 erat damnantis legis Moysen (qui ser-
 uus erat) ministrum esse, sic me decet
 (qui sum Filius Dei) à maledictione le-
 gis orbem liberare, & misericordiae cu-
 mulò aegritudinem mundi curare. Cum
 igitur iustificans gratia damnante legè sit
 longè praestabilior, constat, eum serui-
 lem conditionem omnino excedere, qui
 potestate diuina, ut Deus à peccatorum
 vinculis hominem liberat. Potissimum
 autem hoc verbo Christus primū suum
 aduentum à secundo discernit. Poterat
 enim Nicodemus audito aduentu Filij
 Dei expauescere, quemadmodum & o-
 lim Adam ad vocem Domini expauit,
 & se abscondit, quādoquidem mala con-
 scientia nihil aliud sperare potest à Deo,
 nisi iram & poenam, non autem nescie-
 bat Nicodemus, utpote legis doctor,
 quā seuerè Deus olim peccatores pu-
 nierit, & quā terribilia prophetae de
 futuro iudicio & die Domini praedixe-
 rint, &c. Merito igitur expauescere pote-
 rat, audiens Filium Dei iam missum: Soph. 1.
 eum igitur Christus hoc verbo conso-
 latur, quasi diceret, venturus quidem est
 Filius Dei etiam ad iudicium illud tre-
 mendum, verū tempus illud nondum
 est: nunc enim misericordiam praemitt-
 ere placuit Deo. Si enim etiam nūc con-
 tra homines venisset Filius Dei, non hu-
 manam carnem induisset. Et si iudicatu-
 rus venisset, non se iudicandum praebuisset.
 Non igitur misit Deus Filium, &c.
 Sed huic contrarium videtur, quod alibi
 dicit: In iudiciū veni in hunc mundum,
 &c. Obserua igitur, quod Deus diuer-
 simodè iudicat. Primò enim iudicat,
 cum merita singulorum discutiens, sin-
 gulis sua praemia decernit. Hoc autem
 fiet in nouissimo die, de hoc Christus hic
 loquitur. [Non misit Deus Filium, ut
 iudicet,] non enim merita in primo ad-
 uentu discutit, sed gratiam omnibus of-
 fert. Interim autem etiam nunc iudicat,
 dum vel suos defendit, vel impios punit,
 vel bonos à malis signo aliquo vel facto
 discernit, vel denique ingratas bona sua
 auferit. Omnia enim haec iudicia Dei sunt
 & dicuntur. Et de his dicit: In iudiciū ve-
 ni in mundum, &c. quotidie enim
 ea exercet. Quod autem Christus in pri-
 mo suo aduentu non venerit peccatores
 dānare, sed saluare: satis patet ex Euange-
 lio. Nam & verbis & exemplis ostendit,
 se non contra, sed pro peccatoribus ve-
 nisse. Verbis, ut cum dicit: Non est opus
 valetibus medicus, &c. Item: Venite ad
 me omnes qui laboratis, &c. Exempla
 autem sunt, Matthaeus, Zachaeus, pecca-
 trix, Latro, & adultera illa, cui dixit, Nec
 ego te condemnabo, vade, noli amplius
 peccare. Hoc igitur verbo summè nobis
 commendatur misericordia Dei, tum
 quod patienter nos expectat, cum statim
 posset punire: tum quod misericordiam
 & gratiam prius obtulit & offert, quā
 iudicium, ut scilicet pauciores vel si fie-
 ri posset, nulli essent, in quos iudici-
 um exerceret. Non enim voluntatis
 eius est mors impij, nec in perditione no-
 stra laetatur. Verè igitur nunc imple-
 tum cernimus, quod olim per Moysen
 praedixit: Viuo ego, inquit, imple-
 bitur omnis terra gloria mea.
 In omnibus enim mundi partibus,
 H iij fideles

Ioan. 9

Matt. 9.
Matt. 11
Ioan. 8.Ezec. 18.
Sapien. 14.

fideles hanc Dei misericordiam collaudant. Diligenter autem obseruandum est in hoc verbo, quod Dei voluntas est, non perdere, sed seruare. Non enim ideo aduersa & crucem immittit vt perdat, sed vt seruet. Nō ideo per verbū suum peccata nostra arguit ac poenam minatur, vt perdat, sed vt ad poenitentiam inuiter. Sic collige & in omnibus alijs, quae Deus nobiscum operatur. Verissimum enim est, quod vita in voluntate eius est, etiamsi iram & indignationem praeseferat. Quod autem tam pauci seruantur, nō medici culpa est, sed aegroti, qui vel medicinam respuit, vel ea abutitur, vel insuper etiam in medicum insanit. Hinc Christus: Si non venissem, &c. peccatum non haberent, nūc autem excusationem non habent de peccato. Quid enim vltra facere debuit, quod non fecit? Sic Moyses ante mortem dicebat populo: Testor caelum & terram, quod proposuerim vobis bonum & vitam, benedictionem & maledictionem. Et Paulus: Innocens ego sum à sanguine vestro. Non enim subterfugi, quo minus ostenderem vobis omnem consilium Dei, &c.

Qui credit in eum, non iudicabitur.]

Dixerat se ad saluandum mundū missum: nunc indicat quonam modo hominibus salutem communicet. Deinde quia latenter subindicauerat futurum iudicium, nunc etiam statim ostendit modū, quo illud effugere possimus. Vtrūque autem fit per fidem in Filium Dei. Obserua autē quibus Christus haec dicit, nempe his qui salutem quaerunt, & iudicium Dei effugere cupiunt, quales sunt territae illae conscientiae, quae peccati grauitatem & sentiunt & detestantur, ac iustitiam sitiunt, his, inquā, haec & similia verba dicuntur: nam Euangelium solis pauperibus annuntiatur, & vinum illud solis moerentibus corde datur, vt obliuiscantur malorum suorum, sic & mustum illud nouum, vt res nouos requirit: Hinc in Esaia dicit: Euangelizare pauperibus misit me, mederi afflictis corde, &c. Verbum igitur hoc nihil ad eos pertinet, quibus adhuc peccata placet, quales sunt Pseudoeuangelici, qui in omnia vitia se praecipitant, interim de fide gloriantes, quasi omnia eis salua sint, quod

sciant Christum dixisse: [Qui credit in me, non iudicabitur,] qualique nihil referat, siue bene, siue malē viuamus. Huiusmodi enim non homines, sed porci immundi sunt, indigni quibus haec margaritae proiciantur, imò planē nullam in Euangelio Christi partem habent, vt qui eodem vtuntur ad praetextum suae malitiae. Neque digni sunt, vt Christum tam consolatoriē loquentem, verū vt Moyses subinde maledictiones inculcantem, audiant. Tu autem pie homo, animū adfer salutis sitientē, & certō videbis, quod ingentem consolationem tibi adferent verba haec. Ideo autem Christus fidei salutem ascribit. Primō, ne Nicodemus putaret ipsum nouum aliquod onus impositurum, id quod Moyses fecerat. Non igitur graue aliquid exigit Christus, non circumcisionem aut victimas, &c. sed fidem. Et quid leuius posset imponere? Qui credere Deo dedignatur, quid pro Deo faciet? Facilis igitur aditus datus est ad salutem, ne quis sponte periens, haberet quod suae malitiae praetexeret. Secundō ideo fidei salutem tribuit, vt Nicodemus à fiducia operū legis auocaret. Hoc enim vitio maximē laborabāt Pharisei. Non, inquit, o Nicodeme, ex operibus legis iudicium Dei euadere poteris, aut salutem consequi, sed ex fide in Filium Dei, in misericordiam Dei, in merita mediatoris, alioqui, quid opus fuisset Christo, si ex operibus legis contingere posset iustitia? Tertio, ideo fidei attribuit salutem, quia fides radix est bonorum operum, Qui enim credit in Christum, ea quoque credit quae Christus dixit, inter quae praecipuum est, quod supra dixit: Nisi quis natus fuerit denuo, non potest intrare in regnum Dei. Hoc qui verē credit, iam festinat renasci, renatus autem iam, alius homo est, iam à vetusto patre recessit, & ad nouum accessit, alienatus est ab Adam, alterius semen est. Quare ergo iudicaretur? Sic qui Christo credit, etiam alia eius praecepta obseruat. Verū igitur est quod dicit: [Qui credit, non iudicabitur.] Hinc igitur disce scripturas concordare. Aliquando enim operibus promittitur vita aeterna, vt cum dicitur: Qui bona fecerunt, ibunt in vitam aeternam, qui verò mala egerunt, in resurrectione iudicij. Aliquando fidei pro-

mittitur

mittitur vita æterna, vt hic: [Qui credit, non iudicatur.] Et suprâ: Omnis qui credit in eum, nō pereat, &c. Fidei enim promittit vita æterna, vt radici bonorū operū, operibus aut vt fructibus radicis. Certū est enim quod De⁹ sola ea opera probat, quæ ex fide sunt: Quicquid enim nō est ex fide, peccatum est. Quemadmodū igitur ea opera quæ non procedunt ex fide, sed vel ex timore, vel consuetudine, vel propter humanam laudem fiunt, nihil moratur Deus. Imō acceperunt, inquit, de huiusmodi hominib⁹ mercedem suam. Sic econtra ea sola fides Deo probatur, quæ per dilectionem operatur pro loco & tempore. Non igitur ab inuicem segreganda sunt hæc duo, fides scilicet & opera, alioqui neutrum illorum Deo placebit. Præterea etiam ideò fides saluare dicitur, quia per eam Christo incorporamur, ac ipsius membra, vnumque cum ipso corpus efficiamur. Corpus autem & membra Christi non iudicabuntur, aut iudicari vel damnari possunt, imō ipsi alios iudicabunt. Iudicabunt, inquit, sancti nationes, & dominabuntur populis. Et Christus: Sedebitis super sedes iudicantes, &c. Et Paulus: Nescitis quia angelos iudicabimus. Verissimè igitur dictum est: Qui credit in eum, non iudicatur, &c.] Postremò ideò fidei salus tribuitur, quia fides soli Deo gloriam tribuit: credit enim eum bonum, misericordem, veracem. Quid igitur mirum, si talis fides omnia à Deo impetret, cum in scriptura dicat Deus: Qui glorificat me, glorificabo eū. Et iterum: Sperauit in me, exaudiam eū, eripiam eum, &c.

Qui non credit, iam iudicatus est.]

Sicut superiori sententia fidei salutem ascribit, sic hic incredulitati ascribit damnationem, & quidem iustissimè. Incredulitas enim Deum summa afficit ignominia: facit enim eum mendacem, ad hæc etiam radix est & origo omnium peccatorum. Meritò igitur qui non credit, iudicio obnoxius esse pronuntiatur. Sicut autem salus & vita aliquando fidei, aliquando bonis operibus ascribuntur, sicut supra dictum est: sic & damnatio interdum ascribitur incredulitati, vt hoc loco: alioquando autem malis operibus, vt cum dicitur: Qui mala egerunt, ibunt in resur-

rectionem iudicij. Et iterum: Ira & indignatio, &c. in omnem animam operantis malum, &c. Incredulitati, inquam, vt radici, peccatis autem, vt fructibus ascribitur damnatio. Signanter autem non dixit. Qui male agit iudicatus est: hoc enim satis docuit Moyses, sed maius aliquid indicare volens: [Qui non credit,] inquit, ne quis putet sola peccata externa iudicio Dei obnoxia esse. Non solum enim externè peccatur, sed etiā internè, vt cum non credimus Deo, non timemus aut diligimus Deum, sed nostra tantum quærimus. Indicat igitur verbum hoc, etiam peccata cordis dānare hominem, & quidem vel maximè: maiora enim sunt, quæ externè committuntur, denique ab ipsis etiam oriuntur externa. Cæterum magna rei exaggeratio est, quod dicit: [Iam iudicatus est.] Iudicati quidem sunt & pī in Adamo, sed quia renati sunt per Christum, non amplius iudicabuntur. Impī verò & iam iudicati sunt, & in ea damnationis sententia permanent perpetuò. Tunc autem iudicati sunt, quando Adam à Deo maledictus est, & à paradiso eiectus, ea enim sententia in omnem eius posteritatem lata est. Deinde qui nō credit, etiam sic iudicatus est: quia nouit Dominus, qui sunt eius: scit qui peruenturi sint ad gloriam, & qui ad flammam, videt qui sint triticum, qui palea, item qui bonum semen, & qui zizania. Præterea iam iudicatus est, quia & ipsa incredulitas condemnatio est. Esse enim extra lucem per se maximū supplicium est. Demum iam iudicatus est, quia quamuis gehēnæ nōdum sit traditus, habet tamen iam supplicij futuri occasiones. Sicut homicida, tametsi sententia iudicis non condemnatur, natura tamen rei condemnatus est. Sic Adā die quo comedit, mortuus est, iuxta verbum Domini. Quamuis enim adhuc viueret, sententia tamen & natura rei mortuus fuit. Omnis igitur incredulus condemnatus est, quia hinc migrans, mox supplicio tradendus est: habet enim iam in se causas damnationis. Hinc igitur perpende, quantum malum sit incredulitas: obserua etiam hic quod impī nihil lucrantur dilatione poenæ, quantumcūq; enim differatur, tamen iā iudicati sunt. Hinc Dauid: Noli æmulari in malignantibus, &c. Item: Ne timueris,

H iij cūm

Ioan. 5.
Rom. 2.

Genes. 3

2. Tim. 4

Gene. 2.

Psal. 36.

Ro. 14.

Matt. 6.

Galat. 5.

Sap. 3.

Mat. 19.

1. Cor. 6

1. Reg. 2.

Psal. 90.

cum diues factus fuerit homo, &c. Quoniam sicut fœnum velociter arescit, &c. Potest igitur etiam ex hoc verbo colligi, quàm necessarius sit nobis Christus, alioqui iam iudicati sumus. Demum vide hic summam in nobis stupiditatem, qui tanto iudicio condemnati, non timemus, imò ne sentimus quidem.

Quia non credit in nomine vnigeniti filij Dei.]

Sicut enim credere & cognoscere Deum, & quem misit Iesum Christum, vita æterna est, sic non credere & nō cognoscere, certissima damnatio est. Secundò, [Quia non credit in nomine, &c.] hoc est, non credit in eum qui veraciter se ostendit filium Dei, scripturis, testimonio Ioannis, voce Patris, signis & miraculis: Si, inquit, opera nō fecissem, quæ nemo alius fecit, &c. Tertiò, [Quia non credit, &c.] hoc est, eum quem Pater honorare decreuit, & nomen illi dedit super omne nomen, nedum non honorat ut talem, sed etiam ignominia afficit. Quartò, [Quia non credit, &c.] hoc est, quia à se excludit omnia bona. Christi enim nomen est Deus, iustus, rex, bonus, salus, vita, lux, iustitia, redemptio. Qui igitur credit in nomen Christi, per fidem accipit Deum, iustitiam, regnum, bonitatem, salutem, vitam, lucem, redemptionem. Nō enim est aliud nomen sub cælo, in quo oporteat nos saluos fieri. Qui autem nō credit in nomen Christi, is omnia iam dicta bona à se excludit, ac per hoc in omnia mala sese coniicit.

Hoc est autē iudicium quia lux venit.]

Ne quis calumniatur Deum sola vi & potestate impios dānare, vel externo exemplo docet iustissimè condemnandos omnes incredulos. Merito enim & suapte culpa perit qui volens & sciens amplectitur id per quod perit, & auersatur, id per quod salus poterat restitui. Atqui tales sunt omnes impij. Non igitur cuiquam Deus facit iniuriam, &c. Vnde & congruè Christus infert. [Hoc iudicium est,] quasi diceret. Ideo merito perit, ideo inexcusabilis est, ideo damnatio eius iusta est, non quia peccauit (alioqui omnes homines damnati essent, quia omnes peccauerūt) sed quia non resipiscit, & iustitiam obla-

tam contemnit & persequitur. Singula autem verba emphasim habent. Primò: [Lux, inquit, venit,] verissima sententia. Nunquam enim cessauit Deus hominē sua luce illustrare. Nam primò ei indidit rationem, qua dirigeretur in actibus suis. Deinde addidit verbum suum. Præterea plurima accendit illi luminaria ante legē & sub lege, sanctos scilicet viros, quorum factis, dictis, vel scriptis lucentibus seipsum videret & agnosceret, ac nuditatem suam erubescēs, pristinum ornatum quæreretur. Postremò venit etiam ipsa substantia lucis, paratum illis ostendens, & facilem introitum regni Dei. Venit, inquam, non enim nos lucem quæsiuimus aut è cælis adducere potuimus, sed sponte & ex gratia venit. Lucem autem se nominat Christus, ut ostendat se non ut iudicem, sed ut saluatorem venisse. Deinde hoc verbo ostendit quidnam in hominibus operari velit, nempe manifestare & illuminare. Lucis enim operationes sunt, quod nedum illuminat, sed & manifestat quæ latebant. Vtrunque Christus operatur. Primò enim manifestat, omnia nostra esse meras tenebras & peccata: atque hic est primus gradus ad iustificationem: Deinde etiam illuminat, hoc est, mōstrat ubi quærenda sit vita & iustitia: & hic est secundus gradus. Mundus autem non admittit primum, non patitur sua damnari, nō igitur peruenire potest ad secundum. Quemadmodum enim ægrotus non ferens vstionem & sectionem, sed contentus potius ex insania se incolumem esse, ad sanitatem peruenire non potest, imò subinde in maiorem infirmitatem labitur, sic mundus falsò credēs, suam sapientiam & iustitiam coram Deo perfectam esse, non patitur sua damnari, proinde magis ac magis è luce Christi dānatur. Hoc autem verbo (Lux venit in mundum) iterum omnem nobis excusationem aufert. Primò enim non possumus prætexere ignorantiam, nisi fortè crassam & affectatam. Deinde non possumus prætexere eius seueritatem, cum non ut iudex, sed ut lux & saluator venerit.

Et dilexerunt homines magis tenebras.]

Mira res & quodammodo incredibilis, si non vel ipsa experientia hoc testetur: Homines, inquit, quos oportebat nihil

nihil amare, nisi quod bonum est, utpote ratione præditos, dilexerunt tenebras, quæ tamen etiam ex sui natura horribiles sunt, nec solum in tenebris iacuerunt, sed dilexerunt, imò defenderunt, ac lucem oderunt, ut vel sic videamus, quò perduxerit hominem diabolus, in quam cæcitatē, deformationem, miseriam. Per tenebras autem intelligit primò ignorantiam & cæcitatē, deinde peccata, hoc est, opera tenebrarum. Dicuntur autem peccata tenebræ, quia directè opponuntur verbo Dei, quod est lucerna pedum nostrorum. Secundò, quia hominem a deo obfuscant, ut vix agnosci possit, an homo vel bestia sit. Tertiò, quia ducunt in æternas tenebras. Præterea per tenebras etiam intelligit omnia, quæ mundus habet & miratur, ut sunt sapientia, potentia, diuitiæ, iustitia, gloria, &c. Hæc enim quantumvis in se præclara videantur, tamen ad diuinam illam lucem collata, meræ tenebræ sunt. Hæc igitur erit hominū cōdemnatio, quòd lux venit, & ipsi dilexerunt ignorantiam: Noluit intelligere ut bene ageret, ait Dauid. Deinde, quòd Christus peccata auferre venit, & viam monstrare ad iustitiam, ipsi autem tanta infania peccatis immergi sunt, ut potius carere velint iustitia, vita, salute, quàm voluptuariam illam & bestialem vitam relinquere. Præterea, Christus venit nedum ostendere, sed & dare veras diuitias, gloriam, potentiam, iustitiam, sapientiam, &c. Homines autem diligunt tenebras suas, hoc est, fictitias diuitias, gloriam, iustitiam. Tantum enim curant, ut iusti, diuites, potentes sint corā mundo, nihil curantes de spiritualibus & diuinis. Vides igitur, quàm pulchrè ingeniū mundi declarauit. In hæc autem mala & peccata, homo seipsum impulit, non cogitur à Deo, ideo dicit: [Dilexerunt, &c.] Vnusquisque enim à propria concupiscentia tentatur, non à Deo.

Erant enim opera eorum mala.]

Rationem ponit, cur lucem non amplexi sint homines, quia, inquit, mali erant, & mala opera eorum. Lux enim in se quidem delectabilis, sed odiosa oculis ægris, quemadmodum & panis palato faucio. Vide autem, quid hæc lux deprehenderit in mundo, nempe mala opera,

nihil boni inuenit.

Omnis qui male agit, odit lucem, &c.]

Pulchra & cōgrua similitudine & piorum & impiorum conditiones describit. Sicut enim adulteri & scortatores amant noctem, diem oderunt: Qui enim dormiunt, nocte dormiunt, &c. Sic omnes impij præsens sæculum diligunt, futurum oderunt, & mendacio protecti, à veritate se abscondunt. Econtra, sicut operosi & pudici noctem fastidiunt, diemque tardum æmulo lumine præueniunt: sic omnes, qui ex Deo sunt, peccata sua oderunt, iustitiamque esuriunt & sitiunt, præsens sæculum fastidiunt, conscientiam ubique futuri regni Dei veritatem requirunt. Obserua, quòd Christus non dicit, Omnis qui malum agit, odit lucem: nam & pij malum interdum faciunt, hoc est, peccant, nec tamen odiunt lucē, nec fugiunt, imò currunt ad lucem, ut videant suos defectus, & grato animo sunt in eos, qui eos arguunt, quemadmodum Dauid erga Nathan, &c. Qui autem malè agunt, hoc est, studiosè, instanter & perseueranter, hi odiunt lucem: Non quòd sua opera mala semper velint occulta esse, nam interdum gloriantur in rebus pessimis, sed quòd nolunt argui, ne in minimo quidem: hoc enim est ingenium mundi. Verum hoc ipso nihil aliud lucrantur, quàm quòd ad Dei iudicium seipsos & sua facta referuant, quòd tam tremendum erit impijs, ut dicturi sint montibus: Cadite super nos, & obtegite ab ira agni. Tunc enim scrutabitur Deus Hierusalem in lucernis, & si quis se vel in terram obstruxerit, latere non poterit. Quanto igitur satius esset, nunc correptionem Domini acceptare! Obserua autem conditiones impiorum. Primò malè faciunt. Secundò etiam malè, id est, studiosè. Tertiò in tenebris sunt. Quartò tenebras diligunt. Quintò, lucem non quærunt. Sextò, præsentem lucem non adeunt. Septimò, etiam odiunt lucem: Nimirum, ne conscientiam sentiant. Volunt enim sine remorsu conscientiae peccare, & putant se excusatos, si ignorent.

Qui autem facit veritatem, venit ad lucem.]

Verbum hoc primo sic accipi potest,

ut

vt Christus de seipso loquatur, quasi diceret: Quæ facio, palam facio: quæ doceo, palam doceo: nullius formido iudicium, quemadmodum & ad Annam dicit. Interroga eos, qui me audierunt. Pharisæi autem ferre non possunt, vt alij de ipsorum vita & doctrina liberè iudicent. Deinde intelligitur verbum hoc etiam de pio quoque: [Qui facit veritatem, &c.] Id est, qui cum Deo sentit & iudicat aduersus propriam iniquitatem, qui condelectatur legi Dei secundum interiorem hominem, &c. Qui sic, inquam, seipsum iudicat, damnat, hic venit ad lucem, quid sit bonum indicantem, & regni Dei aditum ostendētem, vt manifestentur opera eius, poenitentiae scilicet, & confessionis. Obserua hic etiam pij hominis conditiones. Primò nedum audit, sed & facit veritatem & iudicium, hoc est, iudicat seipsum. Secundò venit ad lucem, aspirat ad gratiam, item omnia agit secundum præscriptum verbi Dei. Tertio ita viuit, vt non vereatur hominem iudicem. Denique etiam omnia opera eius in Deo fiunt.

Posthac venit Iesus in terrā Iudæam.]

Absoluta cum Nicodemo collocutione, aliud iam & quidem vtilissimum Euāgelista enarrat, nempe vter baptismus, Christi an Ioannis præstantior fuerit & sit. Perspiciebat enim futuros, qui aut nullam differentiam inter baptismum & baptismum facerent, aut ob imperitiam etiam meliorem iudicaret baptismum Ioannis, ideo hic ipsum Ioānem baptistam, de se suoque baptismo differentem, adducit. Collocutus igitur cum Nicodemo Hierosolymis, nunc ad alia loca procedit, non ex inconstantia, sed vt vbiq; disseminaret verbum Dei. Hinc apud Lucam dicit: Oportet me & alijs ciuitatibus euangelizare: ad hoc enim missus sum. Est autem Iudæa quarta pars regni Iudaici, ea scilicet, quam Pontius Pilatus procurabat. Allegoricè autem Iudæa confessionem significat. Vbi igitur est vera confessio & propria infirmitatis, & diuinae laudis, illic spiritualiter implentur, quæ corporaliter hic facta scribuntur. Ad huiusmodi enim homines Christus crebro venit, apud eos moratur, denique eos subinde baptizat Spiritu sancto & igni, ac paulatim transformat.

Et baptizabat.]

Infrà dicitur, quòd Christus non baptizauit, sed tantum discipuli eius. Potest igitur hic locus sic exponi, Christum scilicet sic baptizasse non per se, sed per discipulos. Non tamen eadem efficacia baptizabant ante passionem Christi, quæ postea: quia necdum apertum erat viuifici templi latus dextrum, vt inde cum sanguine aqua egrediens, omnes aquas sanaret. Nondum erat mare rubrum, hoc est, baptismi sacramentum, Christi sanguine sacratum & rubricatum. Denique, nondum agnus occisus erat, quomodo igitur potuissent Apostoli quenquam ex Aegypto educere? Præterea nondum spiritus erat datus, quia Iesus nondum erat glorificatus. Patet igitur, quòd ante passionem etiam Apostolorum Christi baptismus, non habuit totam suam efficaciam. Vnde & nō ante, sed post passionem suam præceptū dedit de baptizandis Gentibus: Euntes docete, &c. Erat igitur etiam eorum Baptismus tunc nihil aliud, quàm inuitatio ad poenitentiam, sicut & Ioannis Baptismus. Potest tamen non absurde concedi, quòd Christus ab exordio, etiam in propria persona baptizauit, præsertim discipulos: postea autem soli discipuli baptizauerint. Vide igitur, quàm efficaciter nos Christus ad baptismum prouocat. Primò enim seipsum submisit baptismum, quamuis non haberet peccatum, nec quicquam à Ioanne accipere posset. Deinde etiam in propria persona baptismum administruit, ne quis seruus peccator contemnat, quod videt Dominum suum & subiisse, & dedisse alijs. Obserua item, quòd Christus eisdem initijs coepit, quibus Ioannes. Nam & apud Matthæum etiam eodem verbo incipit, quod Ioannes: Poenitentiam agite, &c. A baptismum igitur & poenitentia coepit, vt sciamus initium, imò perfectionem Christianismi, esse veteris hominis mortificationem & renouationem in Spiritu sancto. Omnis igitur vita Christianorum poenitentia esse debet, contra leues illos & Pseudochristianos, qui se egregie Christianos putant, si ore Christum confiteantur, etiam si factis negant. Stat enim sententia: Qui vult venire post me, abneget semetipsum &c.

Lucæ 3.
Ioan. 4.

Ezec. 47

Exod. 12
Ioan. 7.

Mat. 28.

Mat. 3.

Mat. 4.

Tit. 7.
Mat. 16.

Baptizabat & Ioannes in Aenon.]

Luc. 3. Vbiunque huius viri mentio fit, insigniter nobis eius pietas innotescit. Id enim verè Christianum est, semper & vbiq; talem se præstare, vt Christus in eo conspiciatur. Sic Ioannes, cum in principio in omnem regionem Iordanis transcurrisset prædicando & baptizando, nunc Christo negotium salutis aggresso, in vno loco tantum baptizat, nimirum Christo cedens, ac iamiam propriam gloriam obscurari cupiens, vt Christi gloria cresceret: Id quod infra ex verbis eius audiemus. Adhuc tamen baptizabat. Primo enim, quia si statim cessasset, æstimate potuissent homines, vana esse quæ supra de sua autoritate dixit, imò & vana esse, quæ de Christo testatus est. Deinde non omnibus adhuc notus erat Christus, non cessauit igitur baptizare Ioannes, vt subinde alios ac alios ad Christum dirigeret. Præterea nihil vtilius sciebat, quàm homines ad poenitentiam inuitare, & in hoc tam præclaro opere vel immori pulchrum ducebat, quandoquidem aliud nihil poterat. Veras igitur Christiani conditiones ex hoc viro colligere possumus. Christiani enim est, Dei gloriam quærere, scandala præcauere, alios ad pietatem adducere, & in vocatone sua in finē vsq; perseuerare. Beatus enim seruus, quem Dominus veniens, in officio inuenit: Amen dico vobis, quod præcinget se, &c.

Et Veniebant, & baptizabantur.]

Indicat hoc verbo pulcherrimè profecisse negotium Euangelicum. Vterq; enim prædicator, & Ioannes & Christus, in officio persistebat, vterque baptizabat, vterque docebat, Ioannes ad Christum mittebat, Christus venientes recipiebat. Denique & populus quod suum erat faciebat: [Veniebant & baptizabantur.] Vides quantum Ecclesiæ prolit, si pastores concorditer & ardentè doceant, tunc enim & plebs ad bonum excitatur.

Facta est autem quæstio de purificatione.]

Mat. 13. Non potest pati Diabolus profectum Ecclesiæ: semper enim nititur superse-

minare zizania. Sic in Paradiso non potuit ferre hominis felicitatem: Sic in deserto absente Moyse, corripit quod Moyses summa diligentia docuerat: Sic florente Ecclesia, semper aut persecutiones, aut errores, aut simile quid excitauit, quò bonum impediretur. Sic hoc loco, hoc agebat & intendebat, vt fidelissimi testis animus à veritate, cui testimonium perhibebat, auerteretur, atque ita baptizantium rupta concordia, baptismi vel poenitentiae remedium, quasi rationabiliter contemni videretur. Primò igitur discipulos Ioannis ad æmulationem & inuidiam incitat contra Christum. Aemulatio autem contentionem gignit. Cæterum, vbi contentiobus res agitur, ibi plærungq; veritas negligitur. Nihil igitur perniciosius in doctore, quàm æmulatio & inuidia. Nec mirum, discipulos Ioannis æmulatione victos esse, cum etiam discipuli Christi hoc affectu non caruerint. Cum enim quidam non sequens Iesum, demonia eiiceret in nomine tamen Iesu, volebant eum prohibere, ni Christus prohibuisset, &c. Sic & Iosue æmulatus legitur pro Moyse: Domine mi, inquit, prohibe eos. Et Moyses: Quid, inquit, æmularis pro me, vtinam omnes prophetent, &c. Deinde, idem Diabolus Iudæos & discipulos Ioannis inter se cõmittit, vt vtriusq; contentiobus vacantes, interim emendationem vitæ & rem ipsam negligerent: Id quod & nunc facit. Omnes enim egregie pugnamus, quilibet pro sua opinione, at interim nullus emendatur. Vide *1. Co. 13.* autem quàm modestè Euangelista de aliorum imperfectione loquatur, quæstionem enim vocat, ciuiliori scilicet vocabulo, quod potuisset contentionem nominare. Verùm charitas non gaudet super iniquitate. Nam proximi peccatū aut regit, aut excusat, aut extenuat. Signanter autem dicitur: [Quæstio facta de purificatione.] Cum enim Iudæi plærassq; ex lege purificationes haberent, Ioannes autem nouum ritum purificationis incepisset, quem deinde & Christus sequebatur, fieri potuit, vt Iudæi quæstionem mouerint, cuius eorum, Christi scilicet an Ioannis baptismus melior esset, discipulis Ioannis summa ope magistri sui baptismum defendentibus, &c. Sic postmodum in Ecclesia quidam quæstionem mouerunt de

baptismo, propter alios & alios ministros. Putabant enim Baptismum melioris ministri efficaciorum esse. Hinc prodire illarum voces: Ego sum Pauli, ego Cephae, &c. ^{1. Cor. 1.} quos acriter redarguit Paulus. Minister enim nihil efficaciae dat vel adimit verbo Domini, proinde nec sacramento. Siue igitur haereticus sit, siue alioqui malus, integritatem sacramenti distribuit, dummodo verbi sacramento annexi, integritatem doceat. Ut baptismus sacramentum est, verbum eius est: Baptizate in nomine Patris, & Filij, & Spiritus sancti. Itaque quisquis in nomine Patris, & Filij, & Spiritus sancti baptizat, is vere baptizat. Alij autem quaestionem moverunt de aqua, num ex vivo flumine sumi debeat vel consecrari, cum non ob id consecratur aqua, quasi in nulla alia dari possit baptismus, sed ut admoneamus Ecclesiam ad gratiarum actionem pro dono baptismi. Sic & aqua in Ecclesia reservatur, ut ministro sit ad manum. Alij ex toto sacramentum illud ludibrio exponunt, ut Anabaptistae, quoad baptismum parvulorum. Huiusmodi autem quaestiones diabolus excitat, ut interim verus baptismus minus negligatur, id quod sit, &c.

Rabbi, qui erat tecum, &c.]

Non satis habebat daemon discipulos corrupisse, etiam ipsum magistrum per eos aggreditur: si quo modo posset eum ad invidiam perducere. In singulis enim verbis vis quaedam latet, quae hominem etiam quantumvis constantem permovere possent, nisi spiritu sancto stabilitus sit. Primo, magistrum adulatorie nominant, quod alias non legitur, ut eum facilius decipiant. Quod si eum etiam alias hoc nomine compellauerint, tamen hic potissimum exprimitur, propter magnitudinem elationis. Deinde rem ipsam vide quam odiose proponunt: Qui erat tecum, inquit, trans Iordanem, seque tuis manibus tanquam minor submiserat, ecce hic nunc baptizat. Item cui tu testimonium dedisti, indisereta humilitate te subiciens illi, & gloriam tuam dans alteri, ecce omnes te neglecto ad eum veniunt. Quis tantis machinis non concidisset? Vides quantis machinis diabolus impetrat pios, non abs re igitur monet Petrus, ut sobrii simus, & vigilemus, &c. Et Paulus: Ne circumveniamur, inquit, a Sa-

^{1. Pet. 5.}
^{2. Cor. 12.}

thana. Non enim ignoramus cogitationes eius. Ipsius enim erga nos malignitatem, vel primi parentis casus, vel ipsius Iob tentatio satis ostendunt: imò si ipsum Christum tentare ausus fuit, quanto minus nobis parceret. Et si Christo adhuc praedicare zizania seminare conatus esset, quid mirum, si idem fecerit dormientibus pastoribus?

Non potest homo accipere quicquam, nisi si datum, &c.]

Hoc est ultimum Ioannis de Christo testimonium, sed in nullo his quae supra dixit dissimile, ut vel hinc videas Ioannem non fuisse arundinem vento agitatam. Saepè enim tentatus est & à Iudeis, & à discipulis, ut sententiam mutaret, sed perstitit. Hinc igitur veram discamus constantiam. Deinde ex hoc loco vides, quod Deus omnes diaboli conatus vertit ad bonum electorum. Ea enim contentio, quam inter discipulos Ioannis excitaverat, omnibus nobis prodest. Nisi enim excitata fuisset, insignia illa verba, quae Ioannes hic dicit, praetermissa fuissent. Sic venditionem ipsius Ioseph, Deus ordinavit ad bonum totius Aegypti, imò etiam ipsorum, qui eum vendiderant. Sic crucifixionem Christi, ordinavit ad bonum electorum. Sic infantia haereticorum, ordinavit ad bonum Ecclesiae: hinc enim excitata fuit ad profundius scrutandum verbum Dei. Vide autem, quibus argumentis Ioannes discipulos suos ab aemulatione ducere conetur. Primo proponit, quod negare non poterant: [Non potest, inquit, homo accipere, &c.] Homo enim in natura sua nihil aliud est, quam putredo, & filius hominis vermis. Deinde homo nihil ex se boni habet: Nō, inquit, habitat in me, hoc est, in carne mea bonum. Et iterum: Non sumus sufficientes, cogitare aliquid ex nobis quasi ex nobis. Et iterum: Quid habes, quod nō accepisti? &c. Quicquid igitur boni habet homo, à Deo habet. Scriptum est enim: Omne datum optimum, & donum perfectum, de sursum est. Item: Perditio tua ex te, ex me auxilium tuum. Item: Omnis sufficientia nostra à Deo est. Quod autem Deus dat, non ex debito, sed ex gratia dat: non igitur potest eum homo cogere ad dandum, nec ei leges praescribere,

^{Mat. 4.}

^{Mat. 13.}

^{Mat. 18.}

^{Gen. 48.}

^{Iob 25.}

^{Rom. 7.}

^{1. Cor. 3.}

^{1. Cor. 4.}

^{Jacob 1.}

^{Olee 13.}

^{2. Cor. 12.}

Mat. 20. bere, quantum & quando dandum, sed nec eum prohibere potest, quod minus etiam alijs det. Hæc itaque tanquam certa & indubitata Ioannes discipulis suis proponit, vt viderent, quod eum impellerent, quasi diceret, Dupliciter peccatis. Primo, quod Christo inuidetis Dei dona, & quantum in vobis est Deum prohibere vultis, ne vt Dominus sua distribuat quibus velit, cum nulla vobis in hoc fiat iniuria. Potest enim Deus cum suis bonis facere quod vult. Nulli⁹ igitur oculus nequam sit, ex eo, quod Deus tam bonus est. Deinde etiam in hoc peccatis, quod non contenti peccatis vestris, etiam me in peccatum impellere vultis: Ego me scio hominem, & nihil ex meipso habere, sed omnia ex Deo: vos autem vultis, vt magna de meipso sentiã, & maiora quam habeo mihi ascribam, imò vultis, vt Deũ prohibeã dare, quibus ipse vult, id quod nihil aliud esset, quam summa ingratitudo & impietas. Vides quomodo hic homo aures suas obfirmauerit contra adulationes. Verè enim dicere potuit illud Dauidis: Oleum peccatoris non impinguet caput meum. Quàm dissimiles nos sumus, quibus nihil dulcius est gloria humana, pro qua etiam consequenda, nihil non & facimus & patimur, imò & perperamus: Nec illos magis fouemus, quam adulatores, cum tamen nihil sit vanius gloria & laude humana, nihilque perniciosius adulate. Docet nos hoc verbum, vt quantumcunque perfecti simus, tamen homines nos agnoscamus, ac nihil ex nobis nos habere ingenuè confiteamur. Secundo, vt contenti simus his quæ accepimus, & gratias agamus. Summa enim ingratitudo est, contemnere quæ accepisti, & alia appetere: Et qui semper suspicit, nec prospicit, facile cadit. Tertio, ne alijs inuideamus sua dona: Vnusquisque enim donum suum habet, &c.

1 Cor. 7

Vos ipsi mihi testimonium perhibetis, &c.]

Ex proprijs eorum verbis eos confutat. Fatebantur enim eum Christo testimonium perhibuisse: tria enim hæc semper inculcauerat. Primo se non esse Christum. Secundo se esse missum ante ipsum, hoc est, vocem clamantem. Tertio etiam

digito Christum indicauerat: atque hæc ipsa publicè fecerat & dixerat. Quàm indecorum igitur fuisset, si vir tantus instans in verbis suis inueniretur. Nihil enim turpius viro mendaci & incōstanti. Deinde quàm malè sibi consulisset si morti vicinus à Christo descisceret, ad quem omnes alios prouocarat. Merito igitur hos cōsultores repellit, malens Christo propitio humilis reputari, quàm irato ab hominibus honorari.

Qui habet sponsam, sponsus est.]

Exemplo probat, quàm impia suaderent discipuli. Quis enim eum non excretur, qui vt amicus ex gratia vocatus ad nuptias, sponsam inuitantis se abduceret, ac sibi copularet? Quanto execrabilius est, Deo hanc iniuriã irrogare? Atqui Christus Filius Dei iam sponsus effectus erat: sponsam enim, hoc est, humanã naturam, quam multo tēpore ambiuerat, iã duxerat. Celebrata erant sponsalia in vtero Virginis, iam appetebant nuptiæ, vt omnes credentes sibi imperpetuũ copularet. Parabantur autem nuptiæ magno sumptu, imò proprium sanguinem daturus erat pro sponsa: vocauerat Ioannẽ ad has nuptias tanquã amicum, vt sponsam adduceret sibi. Quomodo igitur tã ingratus esset in tantũ benefactorem Ioannes, vt alteri desponsatam sibi vsurparet, animas scilicet fideiũ. Obserua, quod Christum nominat sponsum: hoc enim nomine indicat, cur in mundũ venerit. Sicut enim sponsus eam, quam duxit, summè diligit, cum ea se astringit perpetuò mansurum, eam omnium bonorum suorum participem facit, deniq; omnia tam prospera quàm aduersa sponsæ, sua ducit. Sic Christus, qui hactenus solius Dei fili⁹ & hæres fuerat, nunc alios sibi adiuncturus venit, cum humano genere seipsum federe perpetuo astrinxit, quemadmodũ in Osee prædixerat: Desponsabo te mihi in fide, in misericordia, &c. Deinde omnia nostra mala nobiscum tulit & fert, præterea omnia sua bona nobis communicat. Summa, nihil non fecit & facit, quod spōsus pro dilecta sponsa faceret. Imò quẽadmodum vir & mulier matrimonio iuncti, vnum corpus sunt, ita Christus & Ecclesia vnum corpus sunt. Ingentẽ igitur consolationem præstat, quod is, quem nuls

Osee 2.

lum malum obruere potest, quicquid omnia bona habet, nobiscum omnia communia habere vult. Sponsam autem nominat Ecclesiam, imò quamlibet animam fidelē. Primò, ut hinc discamus, unde nobis tanta bona prouenerunt, nempe non aliunde, quam ex hoc felici coniugio, quo Christus nos dignatus est. Deinde, ut hoc verbo admoneamur eorum, quæ Christus à nobis exigit. Sicut enim sponsa amat sponsum, obseruat, & placere studet in omnibus, ipsi adhæret, ab ipso omnia sperat, ipsi seruat fidem. Sic anima se exhibeat Christo. Vult enim ut totos nos illi offeramus.

Mat. 22.

2. Co. 11.

Diliges, inquit, Dominum ex toto corde tuo, &c. Sic Paulus: Vult ut nos ipsos virginē castā exhibeamus Christo.

Amicus autē sponsi, qui stat & audit.]

Sup. c. 1.

Cum supra se dixerit indignum, ut solueret calciamentum Christi, mirum, quod se hic amicum eius dicit, verum hoc non fecit, ut seipsum laudaret, sed ut indicaret, sibi non displicere quæ per Christum fiebant, imò se ex animo eius gloriæ facere, nec vnquam ab eius amicitia se vel le recedere. Quantum igitur ad naturam propriam, erat indignus ut solueret corrigiam, quemadmodum & omnes nos. Quantum autem ad gratiam acceptam, iam verè amicus erat, & quidem præcipuus. Gratia enim ex indignis facit dignos, ex inimicis amicos. Vos, inquit, dixi non seruos, sed amicos, &c. Indicat igitur

Ioan. 15.

Ioannes, se pro maximo habere, quod ut amicus ad nuptias has admissus sit. Deinde conditiones exprimit eorum, qui verè Christi amici sunt. [Stat] inquit, quasi paratus ad quæcunque exequenda. [Audit,] quid sponsus cum sponsa colloquatur: Gaudet de gloria sponsi. Secundò, quod ipse quoque admissus sit. Tertiò & maximè gaudet ad vocem sponsi. De his enim tribus omnes pii gaudent, eoque gaudio ita corda eorum impleta sunt, ut nihil eos perturbare possit. Ad li teram autem Ioannes stabat, quia iam ad finem officij sui peruenerat, nihilque amplius restabat, quam ut ipse tacens audiret, & gauderet de voce sponsi vnà cum alijs.

Hoc gaudium meum impletum est.]

Ostendit hoc verbo, nihil se tantopere optasse, quam ut sponsam Christo dig-

nam adducere posset, summumque ei⁹ gaudium esse, quod audiret certatim tantoque desiderio homines ad ipsum accurrere. Discant igitur ex Ioanne Prædicatores, ut & ipsi soli Christo sponsam adducant, & hinc gaudeant, si Christo plurimos adducere possint, non sibi. Sic seruus Abraham hæ pronus in terram cadens adorabat, cum sponsam reperisset filio Domini sui, quam & summa diligentia, non sibi, sed ipsi Isaac adduxit: sic & Prædicator quisque faciat.

Gen. 24

illum oportet crescere.]

Non corporaliter, iam enim perfectæ ætatis erat, nec in gratia, qua ab instanti conceptionis suæ plenus fuit: sed eo modo oportet illum crescere, quo & Deus dicitur exaltari & magnificari. Est autem sensus: Is qui hactenus humilis & contemptus fuit, in tantum excrescet, ut Dei filius vnicusque humani generis seruus, ab omnibus agnoscatur & prædicetur, nedum in Iudæa, sed & vsque ad finem terræ. Oportet (inquit) sic enim patri concupiscitum est, sic saluti hominum competit, ut ab omnibus agnoscatur.

Me autem minui.]

Non quod Ioannes gratiam, quam habebat, perditurus esset, sed quod Christo in publicum prodeunte, cessare debebat vana illa suspitio, qua plures eum credebant esse Christum, hoc est, Messiam. Hoc igitur verbo discipulos suos nedum in præsentia, sed & in futurum ab æmulatione abducere voluit, quasi diceret: Frustra æmulamini: sic enim decretum est, ut ipse exaltetur. Cesset igitur æmulatio, alioqui nihil nisi vos ipsos excruciaueritis, quin potius ipsi vos illi submitte, ne cum impijs Iudæis iuste damnetur, qui tamen si scirent ipsum esse hæredem, tamen eum occiderunt. Admonemur igitur hac sententia, omnes omnium hominum auctoritates, dignitates, officia, iustitias, sapientias, potentias, cōtemnendas esse, ut sola Christi auctoritas, dignitas, officium, iustitia, sapientia, potentia, statuatur. Summa, ipsius est exaltari, nostrum est humiliari.

Mat. 23.

Qui de sursum venit, super omnes est.]

Hactenus Ioannes discipulos suos arguit,

arguit, nunc docere eos incipit. Oportet enim prius agrum à spinis & vepribus expurgari, antequam semina ei committas. Pulchrè autem excellentiam Christi describit Ioannes in his verbis. Is enim solus excellit omnes alios, in natura, in sapientia, in gratia, & in potentia, quæ per ordinem ostendit Ioannes. Primò, cum omnes nos terrenum habeamus fundamentum, & luteas inhabitemus domos, Christus desursum venit, idque multipliciter. Primò desursum venit, quia è Spiritu sancto conceptus fuit. Secundò, quia naturam habuit incontaminatam, qualis in primo homine creata fuit, cum omnes alij deorsum (in peccatū scilicet) ceciderint. Tertio, quia è cælo venit. Quarto, & omnium maximè, quia à Deo exiuit. Est enim splendor gloriæ, figura substantiæ eius. Verè igitur desursum venit. Deinde etiam super omnes est, in hoc cætiam Angelos excellens. Est enim Rex Regum, & Dominus dominatium. Omnis enim creatura seruituti subiecta est, solus autem Deus regnat. Vides igitur Christum excellere omnes creaturas, tam homines quàm angelos. Nec mirum: Quantumcunque enim altus sit mons, tamen altius est cælum. Sic nulla creatura quantumvis perfecta, filio Dei comparari potest. Hoc igitur verbo rationem reddit Ioānes, cur dixerit: Illum oportet crescere, me autem minui, quasi diceret: Aequum est, diuinis cedere humana, cælestibus terrena, perfectis imperfecta.

Qui de terra est, de terra loquitur.]

Omnis humana sapiētia terram sapit, quia ipse homo de terra originem sumpsit. Sic ab initio fuere, qui nouas artes inuestigarunt & inuenerunt, vt in Genesi legimus. Sic & nunc mundus præclaras & ingeniosas artes habet, sed quæ nihil faciunt ad beatitudinem. Hinc Propheta: Filij Agar exquisierunt prudentiam, sed eam, quæ de terra est, viam autem disciplinæ non inuenerunt. &c. Sic igitur & nunc qui terra est, terram loquitur, nisi fuerit illuminatus. Deinde, etiamsi de cælestibus loquatur homo, tamen non nisi ad aures loquitur, nequaquam autem in corda hominum. Summa, qui de terra nati sunt, nihil præter terram sapiunt aut loquuntur: Sic & omnes hominum

doctrinæ, nihil quàm mortua litera sunt, nisi Christus sua cælesti voce eam viuificet.

Qui de cælo venit, super omnes est.]

Doctrina Christi omnes alias excellit. Ipse enim solus habet doctrinam viuificantem, & cælestem: ipse habet verba vitæ æternæ, apud eum est fons vitæ: & in lumine eius videmus lumen æternum. Hinc Baruch: Ipse adinuenit omnem viam scientiæ, & dedit eam Iacob, &c. Quòd autem hoc de Christo loquatur, patet ex sequentibus: Post hæc in terris visus est, &c.

Quod vidit & audiuit, hoc testatur.]

Commendat doctrinam Christi à certitudine. Quod enim visu & auditu deprehendimus, de hoc certò loqui possumus. Audierunt quidem & Prophetæ à Deo, quod prædicarunt, sed in terra positi, nec quisquam eorum spiritualia illa & diuina vidit, nisi in somnis, aut per visiones imaginarias. Christus autem omnia perfectius audiuit & vidit, quia in cælo fuit, & è cælo venit, & quod maius est, in corde Patris fuit, imò ipsum Dei verbum & sapientia est. Vides igitur, quàm certa sit doctrina Christi, fidesque nostra. Tu igitur ei fidere possumus. Meritò ergo Paulus monet, vt videamus, ne quis desit gratiæ. Non enim accessistis, inquit, ad montem tractabilem, &c. sed ad montem Sion, &c. Videte igitur, ne recusetis loquentem, &c.

Et testimonium eius nemo accipit.]

Cum admiratione quadam & increpatione hæc dicit. Quasi diceret, etiam homo vel tantillo alijs eruditior, semper aliquos habet & inuenit, qui scientiæ eius mirentur & audiant, quæ tamen verana esse probatur, & Filius Dei tantus legatus, tam legitimus testis, tam certa afferens, non inuenit, qui eius testimonium accipiat. Nemo enim eorum, qui reprobati sunt, & ad sinistram statuendi, testimonium eius recipit. Qui enim non est ex Deo, non audit verba Dei. Deinde nemo, id est, pauci accipiunt, respectu eorū, qui id contemnunt, eo modo loquendi, quo Paulus dicit: Omnes quæ sua sunt quaerunt. Et Michæas: Perijt sanctus

I ij de

Mich. 7. de terra, &c. Maior enim pars hominum
1cb. 11. dicit Deo: Recede à nobis, scientiam via-
rum tuarum nolumus. Et illud Esaie: Lo-
Esa. 30. quimini nobis placencia, &c. cesset à facie
nostra sanctus Israel. Quod si etiam sunt,
qui audiant, tamen pauci qui verè testi-
monium eius accipiunt. Hinc in Zacha-
ria: Solam tertia pars hominum Deo ad-
hæret. Et in Luca: Vix quarta pars semi-
nis fructificat, semperq; Christianorum
pusillus est grex. Obserua autem, quod
Ioannes non acius in eos inuehitur, sed
tantum infelicitatem & ingratitude-
eorum deplorat. Deinde eos diuino iudi-
cio relinquit, quod non effugerent. Lata
enim est sententia: Hæc est mundi con-
demnatio, quod lux venit in mundum, &
dilexerunt, &c.

Luc. 15.
Su. eo. c.

*Qui autem accepit eius testimonium,
signauit, &c. I*

Multipliciter intelligitur. Primo sic:
qui accipit testimonium eius, signauit, id
est, sua fide & confessione confirmat &
protestatur, quod Deus verax sit, & pro-
missi seruans, atq; ita Deo summū hono-
rem impendit, vt non mirum sit, quod fi-
dei tantum tribuatur. Scriptum est enim:
1. Reg. 2. Qui me glorificat, glorificabo eum. Fi-
des autem Deum glorificat, cum veracē
credit. Vel: qui accipit, & c. ob signat, hoc
est, accipit in corde suo signum vel testi-
monium, quod quæ loquitur Christus,
verba Dei veracia sunt. Hoc autem sig-
num, est Spiritus sanctus, corda nostra
veluti sigillum certificans, hunc esse filiū
Dei, & huius verbum, esse verbum Dei.
Hinc Christus: Cum venerit paracletus,
&c. ille testimonium perhibebit de me,
&c. Et Paulus ob signauit nos, deditque
Ioan. 15. arram spiritus in cordibus, &c. Certi igitur
2. Cor. 1. sunt fideles Christum esse verum
Deum, eiusque verbum, verbum esse
Dei, hoc protestantur, hoc in cordibus
suis signarunt, hoc in frontibus suis sig-
no crucis depingunt, corde credentes ad
Rom. 10 iustitiam, ore autem confitentes ad sa-
lutem. Vide igitur credentis felicitatem.
Primo ipsi Christus Deus est & Salua-
tor. Deinde Spiritum sanctum accipit.
Postremo, quia credendo in Christum
etiam Patrem honorat, ipsum quoque
Patrem habet. Quid autem felicius eo
homine qui habet Patrem, & Filium, &

Spiritum sanctum: E contra autem incre-
dulus & impius quisque nihil horum ha-
bet: non Patrem, quia eum non creden-
do mendacem facit, atque adeo inhono-
rat eum: Deinde nec Spiritum sanctum
habet: Postremo etiam Christus ipsi non
est Deus & Redemptor. Nihil igitur in-
felicius est homine infideli. Non enim
frustra dictum est: Qui me contemnunt,
erunt ignobiles. Et supra: Qui non cre-
dit, iam iudicatus est.

Quem Deus misit, verba Dei loquitur. I

Persistit adhuc in cōmendanda Christi
doctrina, vt efficacius persuadeat. Missi
quidem sunt & alij à Deo, vt Moyses &
Prophetæ, sed tanquam serui, hic autem
tanquam filius, tanquam radius à Sole,
ex ipsa scilicet substantia Patris. Exiui,
inquit, à Deo, & veni in mundum, hoc
nullus aliorum dicere potuit. Deinde et-
tā alij locuti sunt verbū Dei, sed tantum
ministerium: hic autē ita loquitur verbū Dei
vt ipsemet sit verbum Dei. Item loquitur
verba Dei, idque cum effectu: quod
enim foris loquitur, hoc intus cordi im-
primere hominibus potest, hoc nemo al-
ius potuit. Scribam, inquit, legem meam
in cordibus. Præterea, ita verba Dei lo-
quitur, sicut Deum loqui decet, & quæ
nemo nisi Deus loqui potest, vt cum di-
cit: Ego & Pater vnum sumus. Item: Ana-
tequam Abraham fieret, ego sum. Item:
Ego sum via, veritas, & vita. Qui igitur
Christum audit, Deum audit: & qui
Christum fide possidet, Deum posse
fidet.

*Non enim ad mensuram dat Deus spi-
ritum. I*

Hoc verbo excellentiam gratiæ in
Christo indicat. Alijs enim per partes in
pondere & ad mensuram datur spiritus.
Vnicuiq; inquit, nostrum data est gratia,
secundum mensuram donationis Chris-
sti, &c. Et iterum: Alij per spiritum da-
tur sermo sapientiæ, &c. Nullus autem
est, qui omnia habeat, nec mirum, angus-
tiora enim sunt vascula nostra, quàm vt
tantam plenitudinem capere possint: imò
plurimum nobis conducit, quod pluraq;
nobis defunt. Hinc enim discimus, dona
Dei esse quæ habemus, nobisq; ipsis dici-
mus illud Pauli: Quid habes quod non
accepisti? Deinde per hoc in humilitate
con-

1. Reg. 2.

Su. eo. c.

Ioan. 10

Hier. 16

Ioan. 10

Ioan. 8.

Ioan. 14

Ephel. 4

1. Co. 12

1. Co. 41

con

conferuamur, qui aliàs in superbiam incideremus, si nihil nobis deesset. Tertiò, per hoc etiam ad charitatem incitatur, quòd quidem semper alter alterius ope & auxilio opus habet. Iam, cum omnes nos spiritum ad mensuram accipiamus. (Non enim plenitudinem, sed de plenitudine accipimus) nò igitur possumus alijs spiritum largiri. Potest quidem homo pro alijs orare, vt accipiant & ipsi Spiritum sanctum: potest & alios promouere, excitare ad susceptionem Spiritus sancti: sed ipsum spiritum largiri non potest. Hinc Moyses: Quis tribuat, vt omnis populus prophetet, & det eis Deus spiritum suum. Christo autem non ad mensuram datus est Spiritus, sed in plenitudine: Plenus enim est gratia & veritate. Hinc Esaias dicit: Requiescet super eum Spiritus Domini. Et Dauid: Vnxit te Deus, Deus tuus oleo lætitiæ præ confortibus tuis. In huius signum integra columba super eum apparuit. Summa, Christo datus est Spiritus affatim abundanter, & in tota plenitudine. In ipsum enim effusus est, non cõmunicatione, aut participatione, aut adoptione, quòdmodum in nos, sed natura. Nos contenti sumus micis, quæ cadunt de mensa. Ipse omnia Dei bona in se habet. Et quia Spiritum non ad mēsuram accepit, potest etiam nobis eundē cõmunicare, & in nos effundere. Huc pertinet, quòd oleum super caput summi sacerdotis effusum, in barbam & vsq; ad oram vestimenti eius descendit. Hæc igitur ingens consolatio nostra est, scire vbi gratiam & Spiritum recuperare possumus, quandoquidē eadem bona subinde perdimus: Qui indiget sapientia (inquit Iacobus) postulet à Deo, &c.

Pater diligit Filium.]

Causam ponit, cur tanta Christo colata sint bona. [Pater, inquit, diligit Filium.] Si parentes carnales thesaurizant filiis suis, & hunc affectum non aliunde quàm à Deo habent, quanto magis talis parens tali filio thesaurizasse credendus est: Diligit autem Filium non ad mensuram, sicut nos, sed toto corde, tota virtute, tota dilectione, toto spiritu suo. Quid igitur retineret, vel vbi abscederet, quod nò daret in manu eius? Summè autem obseruandum, quod ait: [Pater diligit Filium.] Si

enim diligit, nihil ei gratius aut acceptius facere possumus, quàm vt eū diligamus, quem ipse diligit. Ideo, inquit, Pater amat vos, quia vos me amastis, &c. Deinde si Pater diligit Filium, non igitur impunis erit, qui Filium contemnit, blasphemat, & pedibus conculcat, quemadmodum Paulus ait. Id enim etiā per Moysen prædixit: Qui prophetam illum non audierit, ego ultor existam.

Omnia dedit ei in manus.]

Hoc est, in potestatem eius. Nam manus potestatem significat, vt cum dicitur: Manus mea fundauit cælos. Item: In manu forti, id est, magna potentia. [Omnia] id est, omnia Patris bona, vt sunt iustitia, vita, salus, beatitudo, &c. Deinde [Omnia] hoc est, omnes creaturas, cælum, terram, mare, & omnia quæ in eis sunt. Præterea: [Omnia,] hoc est, omnem suam potentiam, qua & pios protegere & eripere, impios perdere possit. [Omnia] deniq; vitæ scilicet & mortem, cælum & infernum, salutem & perditionē, prospera & aduersa. In summa, nulla sit hic exceptio: [Omnia dedit ei in manus,] vt quantus Pater est, tantus sit & Filius, quantum Pater habet & potest, tantum habeat & possit Filius. Hinc Christus: Omnia, inquit, mea tua sunt, & tua in ea sunt. Et iterum: Omnia mihi tradita sunt à Patre meo. Et iterum: Philippe, qui videt me, videt & Patrem. Et hæc quidem Christus ab æterno habuit secundum Diuinitatem. Nunc autē etiam secundum humanitatem ea habet, ideo in passione orabat: Clarifica me ea claritate, quam habui apud te, priusquam mundus fieret. Sic Daniel iam olim viderat Filio hominis datam à Deo omnem gloriam & regnum. Et hæc igitur Ioannes summam Euangelij, paucis verbis complexus est. Reuera enim lætum illud nūcium quod nobis prædicatur, nihil aliud est quàm quòd Christus, in quem credimus, deus sursum, hoc est, Deus est. Secundò, quòd solus cælestia & salutifera docere potest, nam alij de terra loquuntur. Tertiò, quòd spiritum & gratiam nobis conferre potest. Quarto, quòd omnia habet & potest. Hic igitur est verus ille Ioseph, quem Deus exaltauit super totam Aegyptum, & præcepit, vt omnes coram eo genu flectant. Hic Ioseph verus est, qui

I iij magna]

magna horrea plena frumentis habet, pro famelicis expendenda. Ad hunc nos Pater dirigit, quemadmodum Pharao Aegyptios à se ad Ioseph reiciebat. Ite, *Gen. 41.* inquit, ad Ioseph, & quodcunque ille dixerit, facite. Sic & Pater caelestis: Hic est Filius meus dilectus, &c. ipsum audite. Hic est, qui solus in fame seruire potest. Ad hunc igitur accurramus, dicentes cum Aegyptijs: Serui tui sumus: Salus nostra in manu tua est: Tantum tu respice nos, & liberè seruiemus Regi. Ad hoc nos inducit Ioannes, cum subdit:

Qui credit in Filium, habet vitam eternam.

Conclusio est eorum quae dixit, quasi diceret: Quandoquidem ita placuit Deo per unum filium suum omnia nobis dare, restat ut in eum credamus, hoc est, ut eum, pro tali tantoque agnoscamus, ea omnia quae iam dicta sunt, ab ipso speremus, eademque in ipso quaeramus, ipsum ut talem tantumque veneremur ac diligamus, ipsique ut tali obtemperemus. Omnia haec Ioannes comprehendit in hoc verbo, quum dicit: [Qui credit in eum.] Non enim loquitur de fide vana & ociosa, qualem nos fingimus, sed de fide viua & efficaci, cum omnibus quae ex ipsa sequuntur, qualia sunt spes, *Rom. 5.* charitas, timor filialis, cultus Dei, observatio mandatorum. Obserua autem quod non dicit, vitam aeternam accipiet, in futuro, sed iam habet, in spe scilicet, quae non confundet eum. Deinde, quia Deum habet, qui vera vita est. Qui enim Deum habet, etiam in media morte vivit, & in medio etiam inferno perire non potest.

Qui autem incredulus est, non videbit vitam.

Non promissis tantum, sed etiam suppliciorum formidine, nos ad Christum compellit. Incredulus autem est, qui eam fidem non habet, quam supra proximè descripsi, quantumvis de ociosa fide sibi placeat. Obserua autem quod non dicit: Incredulus non vivet, sed non videbit vitam. Habent enim etiam mali animas

immortales. Deinde etiam corporaliter in iudicio resurgent, sed non videbunt, hoc est non sentient veram vitam. Videbunt quidem iustos in gaudium Domini intrare, sed idipsum gaudium in seipsis non videbunt. Hinc David: Peccator, inquit, videbit & irascetur, &c. Et Esaias: Tollantur impij, ne videant gloriam Dei: videant & confundantur.

*Psal. 111.
Esai. 26.*

Sed ira Dei manet super eum.

Ira Dei pro supplicio plerumque accipitur. Iram autem peccatoribus etiam in alijs locis comminatur Scriptura, ut cum Paulus dicit: Thesaurizas tibi iram in die iudicii. Signanter autem non dicit: Ira filij, ne quis contemnat, sed: [Ira Dei] inquit, quia nihil gravius, quam vel sola etiam David deprecatur: Domine, inquit, ne in ira tua corripas me. Antefaciem enim indignationis eius nemo stabit, nam eius ira, velut ignis, etiam petras dissolvit. Nec dicit: Ira Dei veniet, sed manet: ab eo enim tempore quo Adam peccavit, ira Dei super eum & omnes eius posteros non renatos mansit. Sic & supra dixit: Qui non credit, iam iudicatus est. Sicut igitur piorum vita in Christo abscondita, tunc autem apparebit, quum Christus redierit, sic impij, tamen iam iudicati sint, tamen iudicium eorum tunc manifestabitur omnibus. Haecenus igitur arsit & luxit lucerna haec (Ioannes) nunc occultanda est, imò & extinguenda impij Herodis sacrilegio. Deinceps igitur Christus in publicum prodibit. Obserua autem in Ioanne, quod magno spiritu incepit. Deinde fortiter & constanter in finem usque perseveravit. Nouissimò autem felicissimè cōclufit. Verè enim felix conclusio, qua tam ingenuè fidem

Rom. 2.

*Psal. 6.
Nahum.*

*Ioan. 1.
Colos. 3.*

Luc. 3.

suam confessus est, ac utilissimum discipulis suis testamentum reliquit. Utinam hoc Ioannis exemplum omnes imitarentur, &c.

Cap.

Caput quartum.



N hoc quarto capite Christus in publicum prodit, ac varijs modis ineffabilem illam erga nos dignationem manifestat. Videlicet, quod nostræ prauitatis defectus & labores sustinuit: quod mulieri peccatrici tam pie, tamque diffusè loqui dignatus est: quod ignorantes tanta cum charitate instruxit: & quod pro conuersione hominum tanta prodigia fecit.

Vt cognouit ergo Iesus, quia audierunt,
[C. 1.]

Sedauerat Ioannes quantum poterat quæstionem illam à discipulis suis oram: nihilominus tamen scandalum illud iam latius serpebat, & ad Phariseos etiam peruenerat. Hic iam indubiè vterque, tam Ioannes quam Christus, imò & populus eos audiens, conuitijs proscindebantur, vt vel hinc discamus vitare offendificula, quemadmodum Paulus docet: Nemini dantes vllam offensionem, vt non vituperetur ministeriū nostrum, quin potius tam pie conuersemur, vt qui detractant de nobis tanquam de malefactoribus, ex bonis operibus nos considerantes, glorificent Deum. Obserua quod quamuis Ioannes & Christus multa bona in populo facerent, nihil tamè horum audiebant, sed tantum hoc, quod inter eos æmulatio orta videbatur. Solet enim mundus ea tantum obseruare quæ mala sunt, nō autem bona: Maxime autem id agunt inuidi. Cæterum quod pharisei reprehensione dignū iudicabant in Christo, hoc nos summo cum gaudio amplectimur & exosculamur, nempe quod ipse se discipulos facit, & baptizat. Alij enim discipulos quidem docere possunt ad exempla, sed non possunt discipulos facere, hoc est, præstare, vt verè discipuli sint, intelligentes & obseruantes quæ audiunt. Christus autem etiam intus docere potest, & legem suam cordibus inscribere. Solus igitur magistri nomine dignus est, ideo Apostolis dicit: Nolite vocari Rabbi. Vnus est enī magister vester Christus. Securè igitur de eo dicimus: Ipse nos docebit vias suas, verum ita, vt

etiam ambulemus in semitis eius. Deinde summè nos consolatur, quod ipse baptizat non solum Spiritu sancto & igni, sed etiam externè lauacro aquæ in verbo. Ipse inquam baptizat. Non igitur est quod propter ministros minus bonos dubitemus de baptismo. Ipsi enim tantum ministri sunt, Christus autem baptizat.

Quoniam Iesus non baptizaret, sed discipuli eius.]

De hoc nonnihil etiam suprā dictum est. Ideo autem Christus non ipse baptizabat, ne videretur æmulari contra Ioannem. Vndique enim id curabat, ne quis vel de se, vel Ioannis doctrina, mali quidpiam suspicari posset. Secundo, quia maius habebat officium, nempe prædicandi. Omnes enim baptizare possunt, sed nō omnes docere. Hinc & Apostoli baptizandi ministerium alijs committentes, ipsi verbo doctrinæ instabant. Hinc Paulus, Non misit me Dominus baptizare, sed Euangelizare. Tertiò ideo non baptizauit, ne baptizati ab eo, putarent se melius baptismum habere, quàm baptizati ab Apostolis, sicque efficacia sacramenti non ipsi Deo, sed ministris ascriberetur, quemadmodum Corinthij non de Baptismo, sed de baptizantibus gloriabantur, propter quod acriter eos arguit Paulus: Diuisus, inquit, est Christus, &c. Gratiago Deo, quod neminem vestrum baptizauerim, &c. Sic Donatistæ hæretici, propter quorundam ministrorum malam vitam, homines denuò baptizabant, quasi prius baptisina nullius fuisset efficaciam propter ministri vitam. Et quid aliud Anabaptistæ nostri toties spiritum suum iactantes, sentire videntur, quàm apud eos vel ab eis nullum baptismum posse conferre, qui spiritu carent? Ob hanc igitur causam Christus noluit baptizare, vt sciamus baptismum suam efficaciam habere non ab homine, sed à Deo, qualiscunque sit minister. Minister enim bonus, baptismo nihil confert, propter suam bonitatem, nec malus minister (dummodo baptizet vt oportet) nihil aufert vel adimit baptismo. Christus enim ipse est, qui baptizat: Non qui plantat aut rigat est aliquid, sed qui incrementum dat, Deus.

I illij Reliq

Reliquit Iudæam, et venit iterum in Galilæam.]

Ex hoc verbo colligere possumus, Phariseos mali aliquid contra Christum machinatos: alioqui, si cognouisset eos ex his quæ ad eos peruenerant, incitari ad bonum, non eos reliquisset. Reliquit igitur Iudæam, quia videbat se nihil agere posse, quandoquidem plerique putabant eum ex æmulatione contra Ioannem hæc agere. Vbi enim non est auditus, non effundas sermonem, ait Sapienter. Et iterum alius: Qui erudit derisorem, ipse sibi iniuriam facit. Secundò, hoc facto nos docuit, id quod Paulus monet, nempe ut honore inuicem præueniamus. Sic Christus, tametsi maior, cessit Ioanni, nec in publicum prodijt quando lucerna hæc super candelabrum staret. Poterat quidem famam Ioannis obscurare, idque Ioannes ipse optabat, sed noluit Christus, & ad tempus secessit. Multum enim facit ad profectum auditorum, si in doctoribus videant humilitatem & concordiam. Sicut econtra nihil æquè auditores offendit, quàm peruicacia & discordia prædicatorum, quemadmodum nunc vel maximè videmus. Tertio ideo reliquit Iudæam, ne aduersarios sua præsentia plus irritaret, nos interim docens, ne irriterimus crabrones, ac sua sponte incitatos, fortius ad mala prouocemus. Sic & Paulus: Non vosmetipsos defendentes, sed date locum iræ. Quarto ideo secessit, non quòd mortem timeret. Ob id enim venerat in mundum, ut pro hominibus moreretur, sed quia nondum tempus erat, vix dùm inceperat prædicatione Euangelij, ideo secessit. Euangelio autem satis prædicato, sponte ad passionem se obtulit: Interim docens nos, ne sponte in pericula nos præcipitemus sine causa. Quanquàm autem potuisset etià inter medios aduersarios seipsum, vel inuisibilem facere, id quod fecit cum eum præcipitare vellent, ubi transiens per medium illorum ibat: vel potuisset etià diuino quodam impetu aduersarios cohibere, què admodum eos in hortu vno verbo profstrauit, tamen voluit per omnia fratribus similis esse. Primò ne quis putaret eum non verum, sed phantasticum corpus habuisse, & ex consequenti non ver-

rum hominem fuisse. Multum enim refert scire Christum verum hominem fuisse. Alioqui si non verum corpus habuisset, non verè passus fuisset, sicque nondum redempti essemus. Secundò, ut & nos in tentationibus fiduciæ spem per ipsum concipiamus. Alioqui si Christus mox ut aduersa sibi contigissent, ea potenti sua manu ab humeris abiecisset, quomodo nos possemus bene sperare, qui tale quid minime valemus? Imò quomodo possemus in aduersis positi credere, nos filios esse Dei, quum nihil minus sentiam? Ideo Christus dissimulata Filij potentia in extremam impotentiam se transformauit, ut nos videntes eum similia perpeßum, quæ nos patimur, & tamen nihilominus Dei Filium, & Deo dilectum fuisse, sciamus etià nos nihilominus Deo dilectos esse, si varijs tentationibus nos subijciat.

Oportebat autem eum transire per Samariam.]

Samaria Metropolis fuit in regno decem tribuum, ab ea autem tota regio Samaria appellata fuit. Samaritani autem qui vel quales fuerint, in Regum libris scriptum legimus. Vide autem insignem Euangelistæ prudentiam, poterant Iudæi scandalizari ex eo quòd ad Gentes diuertebat, hoc autem præueniens Euangelista: Non sua sponte, inquit, illuc diuertit, sed oportebat eum transire per Samariam, cum vellet descendere in Galilæam. Deinde poterant & discipuli dicere, cur nobis præcepit, ne in ciuitates Samaritanorum intraremus, cum tamen ipse nunc eos instruat, Iudæis relictis? Respondet euangelista: [Oportebat eum illic transire.] Sicut autem ignis naturalè vrèdi vim nunquàm amittit, sic omnino impossibile est, opus sapietiae à sapietia non proficisci. Non igitur mirum, quòd mulierem alioque Samaritanos discendi audios instruxit, tametsi aliò properas, & præter morem suum. Sūma: [Oportebat,] hoc est, proposito vel consilio suæ diuinitatis congruebat, ut per illos alienigenas iter faceret, & illud quod de nobis, qui alieni eramus, consilium habebat, præfiguraret.

Venit ergo in ciuitatē quæ dicitur Sichar.]
Sichar ipsa est, quæ aliàs dicitur Sichem, in

Eccle. 32
Prov. 9.

Rom. 12

Ibidem.

Matt. 21

Luc. 4

Ioan. 18

4. Re. 17

Mat. 10

in qua Dina filia Iacob deflorata fuit, propter quod & omnes ipsius ciuitatis habitatores, à filijs Iacob interempti fuerunt. Iuxta eam ciuitatem Iacob reuersus, Mesopotamia aliquandiu moratus est, emitque partem agri à filijs Emor, vbi & altare Domino cōstruxit, &c. Eum agrum postea ipsi Ioseph extra sortem dedit. Tibi, inquit, do vnam partem extra fratres tuos, quam tuli de manu Amor- rhæi, &c. Quod intelligendum est de prædicta inuasiōe vrbis Sichem per filios Iacob. Vel, Tuli cum de manu Amor- rhæi in gladio & arcu, id est, in fortitudi- ne mea, hoc est, pecunia, quam multo su- dore acquisiui. De hoc igitur prædio hic loquitur.

Erat autem ibi fons Iacob.]

Gen. 26. Legitur Isaac plures puteos fodisse in Gerara, sic possibile est quod etiam Iacob illum puteum foderit. Pro dignitate igitur & memoria tanti patriarchæ, insig- nis & notus erat fons ille. Quemadmo- dum autem Iudæi de ciuitate David, & templo Salomonis gloriabantur, sic Sa- maritani de priorum patriarcharū man- sionibus qui in illis locis habitauerant, sese contra Iudæos defendebant & sola- bantur, cum tamen nihil de pietate ipsius Iacob haberent, quemadmodum & Iu- dæi nihil de sanctimonia Davidis. Quod autem fons ille Iacob à Iudæis, qui natu- rales filij ipsius Iacob erāt, transierat in possessionem alienigenarum, signum es- rat, quod vera hæreditas eorum, hoc est, promissiones patrum, & regnū Dei tran- situra essent ad Gentes, id quod Christus futurum prædixit: Auferetur à vobis regnum, &c. Sicut autem fons ille etiam inter Gentiles, nomen tamen pristinum obtinuit, sic nunc etiam in ecclesia Gen- tium, celebris est memoria patrum, nec ob id honorem suum perdiderunt, quod filij eorum à Deo apostatauerunt.

Iesus autem fatigatus ex itinere.]

Ex hoc verbo primò videmus, Chris- tum non ambuisse, vel etiam habuisse fa- stum & abundantiam rerum: nulla enim hic vel de equis vel de vehiculis mentio fit. Damnatur igitur hoc loco fastus & auaritia nostra, vt quibus nihil saties est, cum videamus Christum Dei Filium,

cæli & terræ regem, pedestrem incedere. Atqui, quos Deus ab æterno præsciuit saluandos, hos & prædestinavit, vt fiant conformes imagini filij eius. Vide igitur, quàm conformes nos simus Christo. Ip- se laborem otio prætulit, nos omni la- bore postposito, otium quaerimus. Chri- stus inopiam passus est, nos in omnium rerum abundantia luxuriāmur. Christus id solum spectauit, vt Dei voluntas per- ficeretur, & homini succurreretur, nos so- lum hoc agimus, ne fastus noster decre- scat, etiam si gloria Dei & salus proximi periclitentur. Secundò videmus ex hoc verbo, Christum strenuè, non ignauiter incessisse, vt nos doceret cum omni dili- gentia facere opus Dei. Hinc Sapiens. Iu- stus cor suum tradet ad vigilandum di- luculo, &c. Et Esaias. De mane, inquit, vi- gilabo ad te. E contra autem de pigris di- citur: Sicut ostium vertitur in cardine suo, sic piger in lectulo. Tertiò, videmus ex hoc verbo, Christum eisdem affecti- bus obnoxium fuisse quibus obnoxia sunt corpora aliorum hominum. Hinc enim est, quod post laborem fatigatur, fa- tigatus quietem & sessionem appetit, de- nique & sitit, & pro siti refocillanda fon- tem adit. Hæc autem omnia indicant eum verum fuisse & esse hominem, & ex consequenti verè nos per ipsum redem- ptos, id quod plurimum facit ad confor- tationem fidei nostræ. Quarto, videmus ex hoc verbo ineffabilem eius dignatio- nem, qua ita nobis compassus est, vt no- biscum quoque infirmaretur quemad- modum mater nedum compatitur filio, sed quodammodo cum ipso infirmatur. Hinc est quod in alio loco seipsum galli- næ comparat. Quoties, inquit, volui con- gregare filios tuos, sicut gallina, &c. Nam hoc animal præ omnibus alijs, vel maxi- mè cum pullis suis infirmis quasi infir- matur. Ideo autem Christus nedum pec- cata nostra in se recepit, sed & externas quoque molestias, vt eo melius nobis mederi possit, quemadmodum medicus tunc optimè mederi potest, cum quàm proximè ad ipsum infirmum accedit, ni- hil offensus ergastuli fetore aut immu- ditia. Secundò ideo has molestias in se re- cepit, vt doceret se esse pontificem no- strum apud Patrem. Pontificis enim est, pro populo curare, orare, intercedere, infirmis

Rom. 8.

Eccle. 39

Esai. 66

Pro. 20

Mat. 23

Hebr. 5

infirmittates & peccata populi in suos humeros transferre, id quod ex lege satis patet. Tertiò, vt vel ex hoc ipso non dubitemus ipsum nobis compati: Non, in *Hebr. 4.* quit, habemus pontificem, qui non possit compati. Nam & ipse tentatus est, & didicit ex his quæ passus est, compassio- nem. Alioqui quomodo nobis compati posset, ac nostris affectibus tangi, nisi & prius eisdem affectibus & infirmitatibus subiectus fuisset? Quum igitur legimus eum esurientem, sitientem, fatigatũ, morientem, &c. certi sumus ipsum non ignorare quo animo nos in eisdẽ malis affecti simus, & quãto auxilio opus habeamus. Demum etiam ideo modestias nostras in se recepit, vt vel in seipso ostenderet, externa mala, quantumuis grauiã, nihil obesse posse pijs. Sicut enim infirmus, videns amarum aliquem potum à medico prægustatum sine periculo, etiam ipse securus bibit, certus nihil sibi nociturũ, quandoquidem medico non nocuerit. Sic & nos cum videamus Christũ, amarum illum calicem passionum prægustasse, nihil ei obfuisse, securẽ bibamus & nos, crucemque nostram post Christum portemus. *Mat. 16.*

Venit mulier de Samaria haurire aquã

Rursus Euangelista de muliere scribit, pro ratione charitatis, quæ solet libenter aliena delicta excusare vel celare. Charitas enim non gaudet super iniquitate. Quãuis igitur hæc mulier scortum esset, honestius tamen eam mulierẽ, non scortum nominat. Signanter autem dicit, quod mulier aliud quærens, nempe aquam, Christũ inuenit. Sic & nobiscum agitur. Immeritis enim, & plerumque neque petentibus, neque quærentibus, imò & aliud quærentibus & agentibus, salus nobis contingit. Sic Sauli quærenti asinas, *1. Re. 10.* obtigit regnum. Sic pastoribus pro grege *Luce 2.* suo excubantibus, annunciat Christus. *Matt. 4.* Sic Andræas & Petrus iacentes rete in *Matt. 9.* mare, à Christo vocabantur. Sic Matthæus, Paulus, &c. aliud agentes, salutẽ à *Act. 9.* Christo acceperunt. Summa, tam diu nostra tantũ, hoc est, carnalia curamus, donec Christus sua sponte sese nobis contra omnem nostram opinionem obtulerit. Hinc est, quod sponsa clamat: Trahe me post te. Et Propheta: Conuertere nos

Deus salutaris noster. Nisi enim Christus gratia sua nos præuenierit, semper manemus in peccatis, sicut & mulier illa quæ illis venerat, talis & rediisset, nisi Christus eam præuenisset.

Da mihi bibere.]

Iudæi adeo contemnebant Samaritanos, imò omnes Gentiles, vt nec colloquio eos dignarentur. Ideo mulier illa videns Christum Iudæum esse, non ausa fuisset eum alloqui, nisi Christus prior illam compellasset. Sic cum omnes peccauerimus, & sciamus Deum peccatis offensum, & ob id peccatoribus infensum, nemo nostrum ausus fuisset Deum alloqui, nisi ipse prior nos alloquutus fuisset. Nunc autem tutò & confidẽter eum alloquimur, & necessitates nostras ei prædicamus, quemadmodum & mulier hæc postmodum ausa fuit cum Christo familiariter loqui. Cæterum eo ipso autem, quod mulierem & gentilem, & peccatricem alloquitur, indicauit se nullum hominem contemnere: Non enim est acceptor personarum Deus. Vide autem Dei *Act. 10.* mirabilia, Christus fugit Iudæam, in qua erant sacerdotes, Pharisei, qui videbantur sancti, incessu, vestitu, & vita religiosa, ad scortum verò nihil tale sperans, salutem suam offert: non quod vel peccata ei placerent, aut iustitiæ opera displicerent, sed quod peccatores facilius ad agnitionem sui, ac ex consequenti, ad salutem adducuntur, quàm qui de sua iustitia præsumunt. Hinc & in alio loco dicit: *Mat. 23.* Meretrices & publicani præcedent vos in regno, &c. Sicut autem Christus mulierem ad respondendum prouocat, sic semper etiam nos varijs occasionibus ad bonum incitat. Et sicut ab ipsa aquam petit, cum potuisset diuina virtute aquã extrahere, sic & à nobis exigit, vt ei in salute nostra cooperemur, cum posset nos sine operibus saluare. Eodem modo posset & pauperes per seipsum sustentare, hoc tamen à nobis exigit, & nobis ipsos offert, vt eò iustius nos remunerare possit, & abundantius. Petit autem bibere, non tam propter corporalem sitim, quàm propter desiderium salutis nostræ. Sitis Dei est, quod vult omnes homines saluos fieri quantum in ipso est. Hinc Paulus: Legatione fungimur pro Christo, *1. Tim. 2.* tanq̃

tanquam Deo per nos exhortante, &c. Reconciliamini Deo. Omnibus igitur nobis dicit Christus: [Da mihi bibere.

Discipuli autem eius abierunt in ciuitatem, &c.]

Humilitatem Christi ostendit hoc verbum, nempe quod solus manet apud fontē. Deinde hoc interferit Ioannes, ne quis putet Christum mulierem coram discipulis de occulto peccato arguisse, indeq; occasionem accipiat, etiam aliorum peccata occulta manifestādi. Signanter igitur ostendit Christum solum fuisse. Hinc igitur discamus proximum peccantem primum occulte arguere, &c. Ex hoc autem loco videmus apostolos nullam vel paruam pro ventre curam habuisse. Primum enim nihil secum habent alimentorū, deinde cum iam sexta esset hora, hoc est, tempus meridianum, alijq; homines iam saturati, vel somno vel luxu indulgerent, ipsi tunc primum cibos emere pergunt. Sic & in alio loco, obliti sunt secum panes sumere, aliquando etiam propter inopiam spicas terebāt manibus, & manducabāt: Imo Christus ipse esuriens, ad ficum processit, fructū quærens. Econtra autem nos primam curam ventri damus, atque vtiā nō omnem, nec attendimus Christum dicentem: Primum quærite regnum Dei, &c. Allegorice Samaria gentilitatem significat. Ea fontem habebat nedum aquis abundantem, sed etiam nomine celebrem, sapientiam mundanam vel philosophiam: verum non fons, sed puteus erat. Omnis enim mundana sapientia, non supra terrā, sed in terra consistit. Qui enim de terra est, de terra loquitur. Hanc mundanā Philosophiam, stulta gentilitas credebatur esse a quam viuam. Ideo ad eam certatim curabat, ut vel secundum Stoicos, curiositatem, vel secundum Epicureos, omnem expleret cupiditatem, donec tandem aliquando Christum inueniret super fontem. Postquam enim Christus fatigatus in itinere humanitatis suæ, doloribus, contumelijs, denique & morte venisset ad prædium, quod dedit Iacob Ioseph filio suo, id est, ad gloriam soli Filio Dei debitam, ibique sedisset ad dexteram scilicet Patris, longè exuperans vniuersum humanæ cupiditatis vel philosophicæ sapientiae profundū: Ab eo, inquam, tempore misertus huius mulieris, gentilis scilicet populi, reuocare eam cœpit ab insipido illo fonte, ac ostendere verum fontem aquæ viuæ. Hoc autem non factum est, nisi hora sexta. Non enim tempore Adam, nec Abraham, nec Moyse, nec Dauidis, sed in nouissima hora mūdi: Tunc enim primum reuelatum est mysterium, à sæculo absconditum, nempe Gentes esse coheredes, &c.

Quomodo tu Iudæus cum sis postulas à me, &c.]

In lege præceptum erat Iudæis, ne sceleratus inirent cum Gētibus, &c. Huic præcepto additum erat ex Pharisaica traditione, ne etiam ciuilia commercia cum Gentibus haberent. Deinde stimulabat eos ingenta superbia, qua omnes alias Gentes præ se contemnebant, quam eorum superbiam Prophetæ subinde coarguunt, nunc Sodoma eos requant, nunc etiam Samariæ præferentes: speciali tamen odio ferebantur in Samaritanos, tum quia Samaritani terram eorum possidebāt, tum quia multas molestias eis intulerant post reditum à Babilone. Hæc Iudæorum & superbiam & ostentum sciens mulier, miratur quod Christus tam comem se ostenderet. In eū modū & fidelis quisque miratur, quod Deus olim tam seuerus in peccatores, nūc tam benignus & misericors ostendit se, etiam erga indignissimos, semperque in ore habet illud Psalmi. Domine, quid est homo, quod memor es eius? Item illud Davidicum: Quis ego sum, & quæ domus Patris mei, &c. Ex hoc autem loco alijque similibus pseudeuangelici occasionem sumunt contemendi omnes sine discrimine leges & ordinationes, sub hoc prætextu, quod etiam Christus hæc externa non curarit. Ad hæc respondeo, Primum enim Paulus dicat: Quæcūque lex loquitur, his qui sub lege sunt loquitur, constat Christum huic præcepto non obligatum fuisse, non enim erat sub lege, sed suprā, imo ipse legislator. Sic & nunc soli hi liberi sunt à legibus, qui Spiritu Dei aguntur. Hi enim iam suprā legem sunt. Nam iusto non est lex posita. Alij autem nedum legibus, sed & gladio cohibendi sunt.

Secundò

Secundò, transgressor legis dici non potest, qui intentionem legislatoris seruat, etiam si à litera legis discedat: imò nōn unquam se offert casus, vt necessarium sit discedere à litera legis, alioqui summum ius summa iniustitia esset. Præceptū autem erat Iudæis, ne cum Gentibus fœdera inirent, præcipue ob hanc causam: Ne peccare, inquit, te faciant, &c. Hanc autem legis intentionem Christus etiam manducans & bibens cum Gētibus, melius obseruauit quàm Iudæi, qui literam legis strenuè obseruabant, cum interim cum omnibus peccatis vel similes, vel etiam peiores essent Gentilibus. Præterea Christus etiam nunquam à litera legis discessit, nisi aut cogente necessitate, aut suadente charitate, vt in sanandis infirmis in sabbato. Exemplum igitur hoc Christi non possunt prætexere hi, qui sine necessitate, & contra charitatem, atq; adeò cum scandalo, aliorum bonas ecclesiæ constitutiones contemnunt.

Si scires donum Dei, & quis est, qui dicit, &c.]

Suprà à muliere petit aquam, hic se pollicetur daturum. Vtrunque enim agit Christus: Petit à nobis, & dat nobis, petit pauca, nempe aquæ haustum. Dat autem ingentia, nempe totum fontem viuæ aquæ. Nihil enim sunt quæcunq; dare vel facere, aut etiam pati possumus ad futuram gloriam, &c. Quàm stulti igitur sumus, qui haustum vnum negamus Deo, cum interim audiamus eum pollicentem totum fontem. Singula autē verba emphasim habent. Primò enim: [Si scires,] inquit, quasi diceret, quod erras, quod in peccatis permanes, quod salutē non quæris, non ex malitia, sed ex ignorantia est. Per hoc autem non tam mulierem excusat, quàm Iudæos obscure taxat, qui non ex ignorantia, sed ex malitia peccabant. Videbant enim, tamen ostendebant, vnde & excusationem non habebant, præsertim Legisperiti. Deinde **Ioan. 15.** hoc verbo subindicat, quantum malum sit ignorantia. Qui enim ignorat Dei donum, quando quæret ea? Et qui ignorat Dei voluntatem, quando eam perficiet? Et qui iudicium Dei ignorat, quomodo illud timebit? Hinc Christus ciuitati Hierusalem: Si cognouisses & tu, &c. Tria au-

tem verba Christus ex ordine ponit. Primò. [Si scires donum.] Secundò addit (Dei) ne vulgare aliquod donum suspicaretur. Tertiò: [Et quis sit qui dicit tibi, &c.] Hæc enim tria ignorabat mulier, adeoque tota gētilitas. Primò, quod Deus vellet dare. Secundò, quod nedum externa, sed & spiritualia, vitam scilicet & salutem, dare vellet. Tertiò, quod ea per solum Christum dare constituisset. Nos autem scimus, Deum paratum esse ad dandum, deinde scimus, quod etiam spiritualia & æterna bona dare velit. Postremò scimus, quod in solo Christo hæc quærenda sint. Sensus igitur est: [Si scires donum Dei,] hoc est, gratiā & beneficium eius, quod nunc tibi adhuc ignorare offertur per me, vltro à me petisses, &c. vel aliter, Existimas te cognoscere Deum, sed nondū perfectē cognoscis: ignoras enim me Filium Dei, & Spiritum sanctum, qui verē donum Dei est. Tunc autem perfecta esset cognitio tua, si nedum Patrem, sed & Filium & Spiritū sanctum scires, imò ea cognitio præstaret tibi vitam æternam. Hæc est, inquit, vita æterna, vt cognoscant te solum Deum, &c. **Ioan. 17.** Ex hoc igitur videmus, cognitionē Dei esse initium, imò perfectionem & finem salutis nostræ. Non igitur mirandum, quod pauci saluantur: maior enim pars hominum Deum ignorat, & quod peius est, refugit eius cognitionem.

Forsitan petisses ab eo.]

Forsitan additur, quia multi sunt, qui tametsi sciant donū Dei, & quis sit Christus, non tamen petunt. Deinde quod dicit: [Petisses ab eo,] significat dona Dei non dari aut communicari, nisi petentibus. Hinc & subinde in Euangelio petere nos iubet, nec quicquam leuius aut facilius exigere possiet. Quem enim piget vel verbo petere, quando grauius quid adimpleret? Nulla igitur nobis remanet excusatio, si spiritualia bona non consequamur, signum enim est, quod ea non petimus. **Matt. 7.**

Dedisset tibi aquam viuam.]

Hic non apponit forsitan, quia Deus fidelis est, seipsum negare nō potest. Hinc Christus: Petite, & accipietis. Obserua autem, quod daturum se dicit aquam, non quam

1. Tim. 2.
Ioan. 16.

quamcumque sed viuā. Sic & Esaias prædixit: Haurietis aquas de fontibus saluatoris. Hæc autem aqua Spiritus sanctus est. Primò, quia purificat. Iuxta illud. *Ezech. 36* fundam super vos aquam mundam, & mundabimini. Secundò, quia germinare facit. Hinc iustus dicitur quasi lignū plantatum iuxta aquas, quod fructum suum dat in tempore suo. Tertiò, quia sitim extinguit, de quo infra. Quarto, quia etiam concupiscentiæ ignem extinguit, &c. Dicitur autem aqua viua non putris, quia hominem viuificat, facitque animam agilem, ascensiones in corde suo semper disponentem. De hac aqua biberat Paulus, cum diceret: Omnium quæ retrò sunt, oblitus sum, &c. Hanc autem aquam promittit etiam peccatrici, vt doceat, se gratis & nullo merito, nec personæ respectu, salutem suam communicare. Cæterum, ne quis se excusare possit, ostendit etiam hauritorium, quo eam haurire è fonte possit, nempe orationem. Iam, cum Deus per legem suam ardua à nobis petat, nempe, vt Deum diligamus ex toto corde, vt diligamus inimicos, contemnamus terrena, feramus crucem, &c. necessarium est, vt ab ipso petamus Spiritum sanctum, alioqui nulla nobis remanet excusatio, si ea non impleuerimus, quæ præcepit, quandoquidem nunc dicit: [Si petisses, dedisset tibi.] Ex hoc fonte hauserunt Apostoli veram erga omnes dilectionem, martyres constantiam, virgines castitatem, omnesque piumundi contemptum.

Domine, neque in quo haurias habes, etc.]

Hic vides ingenium carnalis hominis. Primò sicut supra Nicodemus audiens regeneratione opus esse, nihil aliud cogitabat, quàm carnalem illam generationem: Et Iudæi audientes Christum de templo loquentē, nihil aliud cogitabant, quàm materiale illud templum: sic etiam mulier hæc nihil aliud cogitat, quàm aquam naturalem, eodem modo & mundus in vniuersum, quicquid in scriptura legit vel audit, de vera vita, libertate, veris diuitijs, potentia, tantum carnaliter intelligit, quemadmodum & Iudæi promissiones per Christum complendas, tantum carnaliter intelligunt. Summa animi malis homo non sapit ea, quæ sunt Spi-

ritus Dei, &c. Deinde, mulieri stulta videtur esse promissio Christi, propter tria. Primum, quòd caret situla aut vna, qua aquam hauriat: Alterum, quòd nullus ibi fons viuus conspiceretur, vnde posset habere aquam viua: Tertium, quòd præferre se videtur sancto Patriarchæ Iacob. Ad eum modum etiam Christi promissiones, in quibus promittit vitam, redemptionē, &c. rationi humanæ & prudentiæ carnis videntur stultæ & absurdæ. Sic enim cogitat, Quomodo potest præstare aquam viua, cum non habeat situlam, hoc est, quomodo potest conferre iustitiam, cum ipse careat iustitiæ fama: En, inquiunt, hominem comedonem, socium Publicanorum. Item promittit vitam, sed ecce etiam ipse moritur. Deinde cogitat ratio. Si solus Christus aquam viua dare potest, quid ergo fecit lex: nonne & ipsa fuit aqua vitæ? Postremò, si omnes per ipsum solum saluatur, quomodo igitur salui facti sunt patres, qui ante ipsum fuerant? En hæc sunt cogitationes carnis, imò hæc sunt tentationes diaboli, quibus fidem nostram labefactare nititur, vt incipiamus dubitare de verbo Dei: quem enim eò perduxerit, hunc postea facile præcipitat, id quod videmus in primis parētib. Semper igitur cum Apostolis orandum & dicendum. Domine adauge nobis fidem. Item cum alio, Credo Domine, adiuua incredulitatem meam.

Nunquid tu maior es patre nostro Iacob, &c.]

Nedum absurdam iudicat promissionem Christi, verum etiam impossibilem, ideo antithesi quadam comparat Christum cum Iacob, quasi diceret: Quomodo posses tu nobis præstantiora conferre quàm Iacob, cum ille sanctus fuerit, tu autem nulla sanctitate conspicuus es: Ille Deum vidit facie ad faciem, tu non multos admodum homines nosse videris: Ille Dei victor factus, vnde & Israelis cognomen sortitus est, tu nec imbelles homines vincere potes, &c. Deinde ex hac Christi cum Iacob cōparatione colligit, nihil sibi opus esse aqua viua, quam ille pollicebatur, quasi diceret. Si vsque adeo nostra retulisset, fontem habere viuum, potuisset etiā hoc Iacob, qui Deo acceptissimus erat impetrare. Nunc cum

K ipse

Esai. 12

Ezech. 36
Psalm. 1

Psalm. 83

Philipp. 3

Matt. 11

Gen. 32

Luc. 176

Mar. 94

Gen. 22

Ioan. 3

Ioan. 2

1. Cor. 2

ipse contētus fuerit puteo, nobisque de-
derit non fontem, sed puteum, quid no-
bis opus est alia aqua? Huc pertinet,
quod summè commendat puteū illum,
vt quod bonus sit, quandoquidem & Ia-
cob & filij eius inde biberint. Deinde,
quod copiam aquæ haberet: ita, vt etiam
sufficeret pro pecoribus. En hoc est inge-
nium mundi, suam aquam extollit, hoc
est, diuitias, potentiam, sapientiam, & iu-
sticiam mundanam, atque ea sibi suffice-
re putat, nihilque sibi opus esse sapien-
tia aut iustitia Christi, allegat ad hoc,
quod etiam sancti inde biberint. Quid
mihi opus, inquit, doctrina Christi &
Pauli, cum ex Ethicis Aristotelis quasi
bet discere possim virtutes? Item quid
mihi opus est iustitia Christi, cum tot o-
pera meritoria habeam? Hæc igitur falsa
persuasio multos decipit. Obserua circa
hunc locum, quod Samaritani gloriaban-
tur de Patriarcha Iacob, cum tamen in
minimo eum non imitarentur, quemad-
modum Iudæi de Abraham, quibus Chri-
stus dixit: Si filij Abraham estis, opera A-
brahæ facite, &c. Sic & nos gloriamur de
patribus, &c.

Ioan. 8.

*Omnis qui biberit ex aqua hac, sitiet,
&c.]*

Sicut Christus vbique & semper pa-
ratus est dare petentibus, sic & nūc prō-
ptus est ad respondendum interroganti.
Nulla igitur nobis remanet excusatio.
Stat enim sententia. Si petisses, dedisset
tibi. Deinde vides hic, quod paulatim
eam ducit ad maiora. Primò enim ab
ea petijt aquam, ea cunctante, promisit
meliolem aquam: Nunc eiusdem aquæ
virtutem plenius explicat. Sic à nobis
primò exigit legem, quam cum præsta-
re non possumus, ad se vocat, promit-
tens Spiritū sanctū, quo legē implere pos-
simus: Deinde semper perfectius se mani-
festat, donec ad salutē perducatur. Hoc autē
verbo Christus dānat oīa ea, quæ mun-
dus miratur, vt sunt diuitiæ, voluptas, po-
tētia, sapiētia, & iustitia politica, hæc enī
sunt, quæ nos quærimus, extollimus, &
quib⁹ sitim nostrā extinguere cupimus,
sed frustra. Stat enim sentētia: [Omnis q
biberit ex hac aqua, iterū sitiet.] Sic diui-
tiæ, voluptates, &c. sitim, hoc est, concu-
piscētiā, non extinguūt, sed excitant.

Sic nulla sapientia, potentia aut iustitia
mundana, nulla denique opera humana,
veram iusticiam largiri, aut mentem no-
stram exaturare possunt. Est enim mens
humana latior, quā vt vlla creatura ex-
pleri possit. Et humanæ iustitiæ sordida
iores sunt, quā vt possint nos iustos
reddere, aut Deo commendare. Sic qui
ex lege quærit iusticiam, quantumcūq;
boni operetur, non tamen quietem asse-
qui potest consciētiæ, imò eò magis irri-
tatur conscientia, lege subinde eam accu-
sante, vt tandem cogatur soli misericor-
diæ Dei fidere, & dicere: Serui inutiles su-
mus. Et non iustificatur in conspectu tuo
omnis viuens, &c.

Luc. 17.
Psalm. 141.

*Qui autem biberit ex aqua, quam ego
dabo, &c.]*

Aqua, quam Christus dat, Spiritus ^{Gen. 1.}
sanctus est. Hic enim est fons ille Paradi-
si, qui exinde in quatuor capita diuiditur.
Ex eo enim habemus aquam munditiæ,
de qua dicitur: Effundā super vos aquam
mundā, &c. Deinde aquā sapiētiæ salut- ^{Esai. 55.}
taris. Tertiò aquā gratiæ. Quartò aquam ^{Eccles. 15.}
gloriæ. Signanter autem dicit: [Ego da-
bo.] Ipse enim Spiritum sanctum nobis
meruit, vnde infra dicit: Paracletum vos
bis mittet Pater in nomine meo. Item: ^{Ioan. 14.}
Si non abiero, scilicet in mortem, Pa- ^{Ioan. 16.}
racletus non veniet ad vos. Qui de
hoc fonte Spiritus sancti bibit, non si-
tiet amplius. Primò, quia exaturatur
iustitia, salute, vita, atque adeo omni cœ-
lesti gaudio: Habet enim virtualiter om-
ne bonum, quandoquidem Deum om-
nis boni fontem habet. Hinc Dauid ait: ^{Psal. 11.}
Nihil deest timentibus eum. Et iterum: ^{Psal. 64.}
Satiabimur in bonis domus tuæ, &c.
Deinde non sitiet iterum, quia non am-
plius curat mundanam sapiētiā, po-
tētiā, gloriā, &c. contentus gloria
Dei, Dicitque cum Paulo: Mundus mihi ^{Gala. 6.}
crucifixus est, & ego mundo. Sig-
nanter autem dicitur: Non sitiet in æ-
ternum, licet enim ad tempus habeat
sitim spiritualem, suspirando ad patri-
am, cupiendūq; perfectiorem gratiā, atq;
aliorum salutem, non tamen semper sic
sitiet, sed veniet tempus, in quo reple-
bitur in bonis desiderium eius, in fu-
tura scilicet vita, de qua Psalmista: Sa- ^{Psal. 103.}
tiabor cum apparuerit gloria tua. ^{Psal. 166.}
Nec

Ecol. 24. Nec obstat, quod in Ecclesiastico dicitur: Qui edunt me, adhuc esurient, & qui bibunt me, adhuc sitient. Duplex enim est desiderium. Primum rei non adeptæ, ut acquiramus, & hoc non habent pñ. Secundum desiderium vel potius amor rei adeptæ, ut magis habeatur, & imperpetuum seruetur citra fastidium. In hunc modum sitiunt pñ.

Fiet in eo fons aquæ salientis, &c.]

Mat. 25. Pulchrè describit gratiæ operationē. Primò, inquit, gratia argumētatur, quæ admodum ille, qui quinque talenta acceperat, alia quinque superlucratus est. Secundò efficitur fons, quia per sinum cordis, sapientiæ & scientiæ riuos diffundens, totum animæ alueum implet. Tertiò paulatim in verbo vitæ per meatum oris prorumpens, hortos vicinos, areasque longè positas, affatim irrigare incipit. Sic in Paulo aqua illa Spiritus sancti in tantum fontem excreuit, ut ab Hierosolymis vsque ad Illyricum omnia repleuerit Euangelio. Quartò efficitur aqua saliens, qui enim Spiritum sanctum habet, is verè habet venam scaturientem à peccato in iustitiam, à damnatione in salutem, à morte ad vitam, à terra ad cælum. Signanter autem salire dicitur in vitam æternam. Illuc enim resilit, unde venit, ad Deum scilicet, à quo omne datum optimum & donum perfectum, &c. Deinde bibentis animā, etsi in infernum descēderit, saliendo in vitā æternam sustollit, ubi non esuriat, nec sitiat, nec percutiat eam æstus aut sol. Hac igitur gratiæ commendatione, Christus nos excitare & allicere voluit, ut fortius eam quæramus. Vide autem cæcitatem nostram, omni studio ad cisternas nostras recurramus, & viuum illum fontem, in quo solo omnia habere possemus, negligimus? *Hiere. 2.* quid tibi in via Aegypti, ait Hieremias, ut bibas aquam turbidam, &c. En duo mala fecit populus meus, me dereliquerunt fontem aquæ viuæ, & foderunt sibi cisternas, &c. Audiamus igitur eum clamantē. Omnes sitientes, venite ad aquas, &c. Item: Si quis sitit, veniat ad me.

Domine da mihi hanc aquam, ut non sitiam, &c.]

Piè quidem videtur petere, sed tan-

tū carnalia petit, quod ex eo patet, quod in fine dicit: Neque veniam huc haurire, hoc enim tantum quærebat, ne tanto labore aquam haurire cogeretur. Atqui Christus non dixerat: Si biberis de aqua, quam ego dabo, non opus habebis amplius hic haurire. Deus enim externum laborem & molestias non aufert, etiam si gratiam suam conferat homini. Nam gratia Dei animam reficit, non corpus ad otium. Verum caro etiam ex spiritalissimis Dei verbis, tantum otium & carnis libertatem quærit. Sic carnalis homo audiens promissiones gratuitas Christi statim infert. Nunc bene mecum accipietur, si gratis omnia Dei bona contingunt, hæc doctrina mihi arridet, hactenus enim omnes vires meas enervauerunt ieiunia, durum erat orare, & præcepta Dei seruare, &c. Nunc si sola fide saluatur, pro libidine mea viuam, ociabor, nihil bonorum operum faciam, &c. At qui Christus nusquam dicit: Qui in me credit, non amplius tenetur ad bona opera, aut potestatem habet faciendi quicquid libet. Sed ita dicit: qui biberit de aqua, &c. non sitiet. Ex quo patet, quod his tantum loquitur, qui esuriunt & sitiunt iustitiā, ad solos hos pertinent Dei promissiones, non ad otiosos, non ad eos, quibus adhuc placent peccata. Omnes, inquit, sitientes, venite ad aquas, &c. Et Christus non alios vocat, quam sitientes. Si quis sitit, inquit, veniat ad me, &c. *Esaï. 55. Ioan. 7.* Quantumuis autem mulier illa verbum hoc carnali intentione protulerit, pius tamen quisque hoc veraciter à Christo petit. Videt enim in se, nondum extinctam illam sitim, hoc est, affectum ad externa, videlicet ad auaritiam, vanam gloriam, voluptatem, inuidiam, his affectibus aliquando vincitur. Reuersus autem ad cor, clamat cum Paulo: infelix ego homo, quis me liberabit? &c. gratia Dei per Iesum. Ideo clamat: Domine da mihi aquam tuam, ut non amplius sitiam externa illa, nec ad extra curram, sed ut in te solo me oblectem.

Vade, voca virum tuum, & veni huc.]

Non respondet ad verbum mulieris, videbat enim omnem admonitionem esse frustraneam, quàm diu mulier peccatum suum non agnosceret. Sicut enim

K ij qui

qui sanus est, nihil vel medicos vel medicinas curat, imò irridet eos, qui his videntur. Cum autē infirmari coeperit, longè aliter affectus est, imò nihil non agit, ut medicos & medicinam habere possit, &c. Sic Euangelium facile contemnitur, dum non sentitur peccatum: reuelato autem peccato, tum demum ad peccati remissionem anim⁹ ardet. Sic nihil aliud obstabat vel impediēbat mulierē illam, quàm quòd nōdum sentiebat peccatum. Ut igitur sollicita fiat ad iustitiam quærendam, Christus eam inducit in peccati agnitionem. Vide autem quàm clementer id faciat, poterat dicere, peccatrix es, sic & sic egisti, nisi poenitentiam egeris, peribis. Sic, inquam, poterat eam durè arguere, sed vsa est arte sua Dei sapientia, ut nec illam molesta verecundia pulsaret, & tamen necessariam peccati confessionem eliceret. [Vade, inquit, voca virum tuum.] Virum nominando admonēbat ipsam peccatorum suorum, ut admonita cogitaret peccatorum suorum turpitudinem & periculum, humilique confessione remedium quæreret. Ideo enim Deus nos ad confessionem peccatorum nostrorum inducit, ne ipse cogatur nobis ea ob oculos ponere in iudicio. Quid, inquit, vis ut iudicio contendam tecum? &c. Quasi diceret. Miser homo, quid ita impoententia tua me prouocas ad iudicium. Longè melius faceres, si peccata agnoscens, ad poenitentiam te conuerteres, &c. Insignis autem Dei misericordia in hoc apparet, quòd non statim punit, sed ad poenitentiam inducit, peccatorumque confessionem non poenis extorquet, sed lenibus verbis elicere studet. Sic primum hominem post tam graue peccatum, dulcibus tamen verbis alloquitur: Adam ubi es? Nimirum, ut confessionem ex eo eliceret. Sic impiū Cain & homicidam, dulcibus tamen verbis ad confessionem peccati allicit. Vbi, inquit, est Abel frater tuus? &c. Sic & Dauidem, postquam & adulterium & homicidium perpetrasset, primò occultè sub parabola quadam ad agnitionem peccati inducit. Sic Esaias Ezechiam regem in superbiam prolapsū, dulciter compellit: Qui, inquit, sunt viri illi, &c. nimirum, ut confessionem peccati sine duriori obfurgatione eliceret. Verè igitur clemens

medicus est Christus, qui acrisore medicina non vexat aegrotum, nisi lentorem frustra impenderet. Morali ter, sensualitas in homine mulier est, quæ non debet regere, sed regi. Ratio autem vir est, qui regere debet sensualitatem. Monet igitur Christus carnaliter viuentes, vi virum, hoc est, rationem adhibeant. Animam enim habere, & rationem non adhibere, bestialis vita est.

Non habeo virum.]

Admonita fuit peccatorum, nullam autem adhuc audis confessionem, imò quasi Christo persuasura, ut crederet eam tam castam: [Nō, inquit, habeo virum.] Sic nihil difficilius extorqueri potest ab homine quàm confessio, imò ut plurimum ad excusationes se conuertit, quasi eum decipere possit, cuius oculis omnia nuda & aperta sunt, qui & in Propheta dicit: Ego sum, ego vidi. Hac autem actione vel excusatione peccatorum, nihil aliud agimus, quàm quòd Deum ad iram prouocamus. Hinc Adam confiteri nolens, à Deo audit peccatum suum, & insuper maledicitur. Sic contigit & ipsi Cain, &c. Sic Dauidem non statim confitentem acriter obiurgat Nathan. Idem contigit Ezechiae, idem videbis & in muliere. Merito igitur Dauid: Non declines inquit, os meum in verba malitiæ, ad excusandas excusationes in peccatis. Et in alio Psalmo: Dixi, inquit, confitebor aduersum me iniustitiam meam domi no, &c.

Bene dixisti, Non habeo virum, &c.]

Cum occultè admonita peccatum agnoscere non vellet, manifestè confunditur, quemadmodum & aliàs flagellis ad se cōpellit, quos beneficijs allicere nō potest. Est autē sensus, Bene dicis, quòd non habes virum coniugē: es enim scortū & turpiter viuis, ut maximè celes turpitudinē tuā. Deinde hactenus prostituisti pudicitiam tuam quinq; viris, tanta est castitas tua, præterea nunc sexto adhæres, qui non est maritus tuus, sed clancularius scortator: interim tamen honesta videris, tergis os tuum, dicens: Non sum operata malum. Vide quàm exactè singula peccata excutiantur, cum ad iudicium Dei peruentum fuerit.

Hinc

Luc. 13

Hier. 2.

Gene. 5.

Gene. 4
2. R. c. 12.

4. re. 20

Hebr. 4.

Hier. 6.

Gen. 5.

Gen. 4.

Pla. 146.

Pla. 31.

Pro. 30.

Hinc cōminatur Iudæis, se scrutaturum Hierusalem in laternis. Et cuilibet im-
 pio dicitur: Arguam te, & statuam contra faciem tuam. Hoc igitur verbo mulier ita in peccati cognitionem ducitur, ut iudicium quoque peccati sentiat. Non autem in eo iudicio perit, quādoquidem Christum habet præsentem. Sic quamdiu tempus gratiæ est, quantūcūq; condemnent nos conscientia, tamen effugere possumus iudicium per Christū: Væ autem ei, qui tempus gratiæ excesserit. Allegoricē, Ecclesia cum adhuc gentilis esset, quinque sensibus corporis luxuriata in omni concupiscentia carnis & oculorū, quæ in mundo est, tandem ad hoc desuoluta fuerat, ut pro viro suo legitimo, factore scilicet & amatore animarū Deo, diabolum reciperet, & in ligno & lapide cū illo fornicans, qui non erat suus vir, sed naturæ suæ hostis: nō amator, sed interemptor: non sponsus amoris, sed author mortis: homicida, nō medicus: diabolus, nō Deus. Hæc igitur ad Christum veniēs, ingenuē & verē confessa est, se nō habere virū, &c. Obserua, quod à muliere petente aquā viuam, Christus exigit confessionē. Sic confessio peccatorū necessaria est petentibus gratiam.

Domine, ut video propheta es.]

Hic iam seriō loqui incipit mulier: Imō quod maius est, mulier meretrix & pagana incipit quærere iustitiam, neque id mirum, iam enim peccatum suum agnoscebat, imō propter peccatum iam sentiebat damnationem suam. Sic & nos videmur quidem ante peccati ostensionē, bellē valere & securi esse, etiam si peccatorum nobis conscij sumus, tamen somniamus ea remissa, sed Domino peccata reuelante, mors ob oculos ponitur, & infernus accenditur. Hinc oritur sitis iustitiæ & gratiæ, in hoc iudicio perit omnis humana iustitia, & omne auxilium carnale. Hinc oriuntur clamores illi: Domine, ne in furore tuo arguas me, &c. Itemq; De profundis clamaui ad te Domine, &c. Hic est ignis ille, quem Deus in ira sua succendit, qui & ardebit vsque ad inferni nouissima, nisi Dominus sua gratia eum restinguat. Vide autem, quid agat mulier, primò non indignatur contra Christum, quod eam

confuderit. Non enim Deo, sed nobis ipsis irasci debemus, si quid propter peccata patimur: Iram, inquit, Domini porta bo, quia peccaui ei, donec iudicet iudicium meum. Secundò non fugit, quomodo enim effugere posset Deū, vel etiam conscientiaē vermem, quem semper secum portat? Sed recta ad Christum pergit, ut qui eam terruerat iterum consolaretur. Sic nos quoque faciamus. Qui enim nos percutit, humiliat, occidit, & in infernum ducit, is solus nos potest sanare, exaltare, viuificare, & ex inferno rescducere. Obserua autem, quomodo mulier illa ex vno Christi colloquio profecerit: quem enim primò Iudæum nominauerat, mox Dominum appellat, nunc prophetici tituli honorem tribuit, postea etiam Messiam appellat, quod & ipsum ignauiam nostram coarguit. Prophetam autem eum cognouerat ex reuelatione occultorum. Vbi enim occulta cordis manifestatur, ibi nulla dubitatio relinquitur, quin in prophetante solus Deus loquatur, præter quē corda prospicere nemo alius potest.

Patres nostri in monte hoc adorauerunt.]

Hic iam virum adducit mulier, hoc est, rationem: Non enim amplius quærit carnalia, sed spiritualia. Sitebat iam iustitiam, sed nesciebat ubi ipsam quæreret. Sciebat ex Moyfi libris, quos habebant Samaritani, plerunque sanctos patres in montibus orasse. Sic enim Abraham in monte immolare voluit filium. Sic Moyses in montem ascendit, visurus Dominum. Sic Loth in monte saluatur. Sic Helias in monte videt Deum, &c. Ad hæc sciebat Iacob Patriarchā in eo loco habitasse, & adorasse. Atque is mōs erat mōs Garizim, ut quidam volunt. In quo benedictiones publicatæ fuerant. Ex his igitur Samaritani statuebant cultum suum. Econtra audiebant Iudæos asserentes templum Hierosolymitanum diuino cultui esse deputatum, imō videbant se omnino à Iudæis contemni, quasi omnino à Deo reiecti essent. Anxia igitur mulier à Christo quærit. Primò num ad gentes quoque pertineat salus promissa. Secundò an ad salutem consequendam sufficiat cultus Samaritanorum, vel necessarius sit cultus Iudaicus.

K iij Atque

Sopho.
Psalm. 49

1. Ioan. 2

Psalm. 6
Psalm. 129
Deut. 32

Mich. 7.

1. Reg. 2

1. Re. 16

Gen. 22.

Exo. 24

Gen. 19.

3. Re. 19

Gene. 33

Deut. 17.

Atque hic est scopus huius quaestionis. Ex hoc autem verbo mulieris, videmus vtrunque gentem pro suis externis ritibus delectatam, alterius religionem contempnissse, cum possibile fuerit, quod neutra interno cultu Deum coleret. Quem admodum & nunc maxime propter externa digladiamur, interim spiritualium omnino expertes.

Mulier crede mihi, quia venit hora, &c.

Euangelicae pietatis mysterium aper-
turus, primo omnium exigit fidem, sine
qua nullus est auditor idoneus. Euange-
licae doctrinae, nec idoneus cultor Euan-
gelicae religionis. Fides enim purificat
corda, redditque idonea, quibus credan-
tur tanta mysteria. Verba igitur Christi
auditorio, necessaria est fides, alioqui nisi
credideritis, non intelligetis. Impie igitur
faciunt, qui ad verba Christi solam
rationem adferunt, quemadmodum sa-
cramentarii nostri, &c. Deinde non dicit
Christus: Crede in me, nondum enim scie-
bat mulier eum esse Christum, sed: [Cre-
de mihi,] tanquam prophetae, quando
quidem Prophetam me esse dixisti. Praeterea
etiam mulieris nomine eam compellat, quasi
diceret. Tibi o mulier dicam, quod viris
nondum dixi, tibi me credam, qui nondum
me credidi Iudaeis: Venient dies & in
proximo sunt, quos patres vestri, qui in
monte hoc adorauerunt, imo & multi re-
ges & prophetae, qui in Hierosolymis a-
dorauerunt, non viderunt. Vestri autem bea-
ti oculi paulo post videbunt, quando vos,
qui modo ut alieni a templo Dei, despi-
cimini a Iudaeis, adorabitis Deum inuo-
cantes patrem, hoc est, vere cognoscetis
Deum, non ut iudicem, sed ut patrem,
eumque ut talem adorabitis. Hoc igitur
verbo ad primam quaestionem respondit,
nempe quod etiam ad gentes peruentu-
ra esset salus. Non enim Iudaeorum Deus
tantum, sed etiam gentium. Quod autem
addit: Neque in monte hoc, neque Hie-
rosolymis adorabitis patrem, respondet
ad alteram quaestionem, asserens, neque
Samariticum, neque Iudaicum cultum
iustificare: Quomodo enim sanguis hyr-
corum posset mundare a peccatis? De-
inde subindicat, vtrunque cultum in
proximo cessaturum. Nam & genti-
um cultus ut impius omnino abolen-

duerat, & Iudaeorum cultus in melius
commutandus. Praeterea hoc verbo indi-
cat, omnem de locorum praerogativa
controversiam esse tollendam. In nouo
enim testamento non vni alicui loco al-
ligatus est cultus Dei, sed in omni loco
dominationis eius benedicitur Deus a fi-
delibus. Sic enim in Malachia praedixit:
A solis ortu & occasu, magnum erit no-
men in Gentibus, & in omni loco of-
fertur, &c. Haec autem summa consolati-
o nostra est, quod ubique Deum inue-
nire possumus: alioqui si omnibus nobis
Hierosolymam pergendum esset, quis
non videret, quam pauci saluarentur. Non
igitur reliquit lapidem super lapidem in
templo illo Hierosolymitano, ut om-
nes sciamus, legem illam de vno lo-
co cultus diuini iam abrogatam, quod
ad externa attinet. Nam spiritualiter
omnes nunc in vno Christo, vero Dei
templo adoramus & sacrificamus.

Vos adoratis, quod nescitis, &c.

Ne videatur legem eiusque cultum
& figuras damnare, distinguit inter am-
bos cultus. Vos, inquit, Samaritani, nesci-
tis, quid adoretis. Merito autem haec au-
diebant. Nam primo male de Deo sentie-
bant, putantes eum esse corporeum &
locale, de quo in actis apostolorum, &c.
Deinde cultus eorum non habebat ver-
bum Dei, quomodo igitur certi esse po-
terant, eum Deo placere? Tantum enim
sequebantur propriam rationem & exem-
pla patrum. Sic enim ratiocinabantur: si
domino placet vitulus carnalis Hieroso-
lymis oblati, quanto magis placebit vi-
tulus aureus, cum preciosior sit & diutius
duret? Item, si patribus sanctis licuit in
hoc monte Deo seruire, cur idem nobis
non liceret? Atqui in cultu diuino non se-
quenda est ratio humana, aut exem-
plum sanctorum, sed verbum Domi-
ni: Non, inquit, facies, quod tibi bo-
num videtur, sed quod ego praecipio.
Quod autem Iacob in monte Samariae
cultum diuinum instituit, privilegio
fidei fecit: nondum enim erat lex da-
ta, de vnico loco electo. Post legem
autem datam, quae cultum Dei praescri-
bebat, nemo ex fide poterat in alijs
locis, ut in excelsis, lucis & monti-
bus, cultum Dei instituire, nisi spe-
ciali

Psal. 103
Malac. 1

Luc. 19

Act. 17

Deut. 12

3.Re.18. ciali priuilegio, quemadmodum He-
lias fecit in monte Carmeli. Verè igitur
dicit: [Vos adoratis, quod nescitis,] non
enim habebant verbum Domini in cul-
tu suo. Præterea cultui diuino etiam im-
miscabant idololatriam, simul enim cole-
bant etiam alios deos.

Nos adoramus quod scimus.]

In hoc, inquit, præstat cultus Iudæo-
rum cultui vestro, quod ipsi melius quam
vos de Deo sentiunt. Item, quod il-
lius cultum nullo prophano deorum
cultu contaminant, & quod in loco
ab ipso præscripto, & ritibus ab ipso tra-
ditis eum colunt. Obserua autem, quod
Christus seipsum connumerat Iudæis,
tum quia secundum opinionem mulie-
ris loquebatur, quæ eum putabat Iudæum:
tum quia verè ex Iudæis natus erat: tum
etiam vt ostenderet, veros Iudæos, hoc
est, confessores ad se pertinere.

Quia salus ex Iudæis est.]

Rebr. 2. Primò, quia Christus saluator omniū
ex semine David secundum carnem na-
tus est. Non enim angelos apprehendit,
sed semen Abraham. Secundò, quia Iudæi
Rom. 9. habebant testamenta, legislationem, ado-
ptionem, promissiones, ex quibus etiam
Christus est secundum carnem. Tertiò,
quia eam salutem quam Christus ex Iu-
dæis natus meruerat, apostoli qui & ipsi
Iudæi erant, orbi annunciauerunt. Quar-
tò, quia omnia bona orbi ex Iudæis pro-
uenerunt: De Syon enim exiuit lex, &
verbum Domini de Hierusalem. Quin-
tò, quia illorum delicto salus gentibus
contigit. Nam ipsorum delictum diuitiæ
Esaiæ 2. sunt mundi, & diminutio eorum diuitiæ
sunt gentium: ipsis enim euangelium re-
spicientibus, ad gentes transferunt aposto-
li. Ob eam igitur causam monet Paulus,
Rom. 11. ne insolescamus contra eos, quandoqui-
dem nobis salus ex eis prouenit, & ipsi
Apo. 13. aliquando iterum inferendi sunt in bonā
Rom. 11. radicem, vnde excisi sunt propter incre-
dulitatem.

*Sed venit hora & nunc est, quando
veri, &c.]*

Hoc verbo verum Dei cultum descri-
bit. Nam adorare hoc loco, nō est solum
orare, aut genua flectere, sed hoc verbo
simul omnia comprehenduntur, quæ ad
cultum diuinum pertinent, vt sunt, exter-

no cultu Deum colere, externis precibus
inuocare, sacrificare, & vt vno verbo di-
cam, Deo seruire. Cum igitur sciamus, 1. Cor. 6
magno precio noseptose esse à Christo,
vt iam non nobis, sed ei viuamus, qui nos
Lucæ 14. tanti emit. Item, cum sciamus ideo Deū
visitasse & fecisse redemptionem plebis
sue, vt sine timore de manu inimicorum
nostrorum liberati, seruiamus illi, in san-
ctitate & iustitia coram illo, omnibus
diebus nostris: congruum est, vt hoc Chri-
sti verbum diligenter obseruamus. Non
rarò enim contingit, quod quis putat se
Deum colere, & ei gratum aliquid facere,
cum nihil minus faciat. Cuius exemplum
habemus in Saule, &c. In Iudæis excelsa
1. Re. 17. ædificantibus, &c. In ritibus gentilium,
imò in his, qui putabant se obsequium
præstare Deo, persequendo apostolos,
cum nihil minus facerent. Deinde etiam
Ioan. 16. ob id verbum hoc Christi obseruandum
est, quod Diabolus iam inde ab initio
mundi, semper conatus est falsos cultus
inducere, vt homines à vero Dei cultu
abduceret, id quod videmus factum in ge-
tibus, in Iudæis, imò in nobis ipsis. Sin-
gula autem verba Emphasim habent. Pri-
mò enim cum dicit: [Venit hora, & nunc
est.] Hoc ipso verbo se ostendit plus esse
quàm prophetā. Nam prophete vt plu-
rimùm de futuris loquuntur, vt cum di-
cunt: Erit in nouissimis diebus, &c. Nec
Esaiæ 26. mirum, quod enim promittebant, hoc
ipsi præstare non poterant. Christus au-
tem non solum de futuro, sed etiam de
præsenti loquitur: quia quod promittit,
hoc ipsum iam præstare potest. In ipso es-
nim sunt omnes promissiones, Amen & 2. Cor. 1
etiam. Cōgruè igitur dicit: [Venit hora,
& nunc est,] quasi diceret: Nunc tempus
impletionis est, apud prophetas solum
promissiones erant, vnde & plerique ir-
ridentes dicebant: vbi est verbum Domini?
Hies. 17. Veniat, apud me autem & promissio-
nes sunt, & exhibitio promissorum. Dein-
de non dicit, Omnes homines adorabunt
Patrem: nam etiam nunc plerique non
dum cognoscunt Deum, quomodo igitur
possent eum adorare? Nec dicit, Om-
nes qui orant, adorabunt Dominū: pler-
ique enim à Deo plæraque petunt, nec
tamen eum verè adorant. Nec dicit, Om-
nes adoratores adorabunt eum in spiritu
& veritate. Nam & Iudæi adorant Deum
K iiii sed

sed non in spiritu & veritate. Signanter igitur dicit: [Veri adoratores,] quo verbo subindicat, multa requiri ad verum adoratorem. Non enim in verbis consistit verus Dei cultus. Nam multi olim Christo dicent: Domine Domine, quos tamen ipse non agnosceret. Sed nec in externa specie consistit cultus Dei: oportet enim ut cor adsit, imò totus homo. Tertiò non dicit, Adorabunt Deum, se Patrem. Hoc enim verbo primò ostendit Deum, qui olim iudex erat, iam nobis mutatum esse in Patrem. Deinde latenter subindicat, quis sit verus adorator, nempe qui Deum colit non tantum ut Deum, sed ut Patrem, hoc est, non tantum eum externè veneratur, sed ei credit, in eum sperat, eum diligit, & timet ut Patrem. Quartò, modum ipsum indicat veræ adorationis, cum dicit in spiritu & veritate. Quid autem est adorare Patrem in spiritu, nisi spiritum adoptionis filiorum accepisse, in quo clamamus: Abba Pater. Et quid est, adorare Patrem in veritate, nisi in filio eius manendo (qui dicit: Ego sum veritas) Patrem inuocare, & in nomine Filii orare. Idem ergo est ac si manifestè dixisset, Veri adoratores manifesta & necessaria distinctione personarum, adorabunt unum Deum, Patrem & Filium & Spiritum sanctum: imò adorabunt Patrem per Filium in Spiritu sancto. Ideo autem spiritum hic præponit veritati, quia sicut nemo venit ad Patrem, nisi per Filium: ita Filium nemo cognoscit, nisi per Spiritum sanctum. Nemo enim potest dicere: Dominus Iesus, nisi in Spiritu sancto. Imò ipsa vera adoratio proprium opus est Spiritus sancti. Nam quid oremus sicut oportet nescimus, ipse autem spiritus, postulat pro nobis, &c. Vel aliter: Dupliciter colebatur Deus in mūdō ante aduentum Christi, à Iudæis carnaliter vel visibiliter, à Gentibus hypocriticè: videbantur enim Gentes Deum colere, cum vera esset idololatria. Sic & Christus in vero Dei cultu duo coniungit, spiritum & veritatem. Spiritum opponit carnali cultui Iudæorum: veritatem autem, fictitio cultui Gentium, ut sit sensus. Veri adoratores deinceps Patrem adorabunt, non fictitio cultu, sicut Gentes, sed vero, non tamē carnali cultu, quemadmodum Iudæi, sed spirituali & interno, fide scilicet,

spe & charitate. Cum itaq; dicit: Adorabunt in veritate, tollit omnes ritus fictitios Gentilium. Cum autem addit: in spiritu, tollit omnes cæremonias Iudæorum, facitque vnum modum diuini cultus, ut iam nulla sit distinctio inter Iudæum & Græcum, seruum & liberum, &c. sed quicumq; inuocauerit nomen Domini, saluus fiat. Vel aliter: Adorare Patrem in spiritu, est corde credere ad iustitiā. Adorare autem in veritate, est ore confiteri ad salutem. Vel aliter: Adorabunt in spiritu & veritate, hoc est, in praxi, quam spiritus operatur, & in contemplatione. Itē: Adorabunt Patrem non secundum literam, sed in spiritu, spiritualiter scilicet implentes, quæ Iudæi secundum literam carnaliter obseruabant, non carnem circuncidentes, sed cor: non pecora offerentes irrationalia, sed corpora propria hostiam viuam, sanctam, &c. En habes paucis expressum, quis sit verus cultus Dei. Si igitur quæris montem aliquem caelo propinquum, vel templum aliquod sacrum, in quo certò exaudiaris: in cor tuum descende, cura, ut tu templum Dei sis, illic ora, sacrifica, imò potius ad Christum accede, qui verum est Dei templum, ac in ipsum crede, in nomine eius pete omnia, hoc enim verè est spiritu & veritate adorare.

Nam & Pater tales querit, qui adorant, &c.]

Hoc est, non contentus esse vult deinceps externo tantum cultu, sed maius quiddam & perfectius exigit. Neque id mirum. Primò enim externus cultus vel honor, non est verus honor, id quod etiam in externis videmus. Externè enim interdum eos honoramus, quos odimus. Secundò, cum Deus se nobis plus manifestauerit, quam veteribus illis, turè etiam maiorem & perfectiorem à nobis cultum exigit. Illi enim eum cognouerunt ut Deum, nos autem eum cognoscimus ut Patrem. Tertiò, ipsum tempus exigit perfectiorem cultum: Quamdiu enim paruuli eramus (inquit Paulus) sub elementis mundi huius eramus seruiletes, imò sub tutoribus & actoribus eramus, &c. Cum autem iam assit plenitudo temporis, congruit, ut ad maiora tendamus, quemadmodum Paulus: Cum, inquit, essem paruulus, sapiebam ut

Rom. 31

Rom. 10

Ibidem

Hier. 4

Rom. 12

Galat. 4

1. Cor. 13

ut

vt paruulus, &c. Cùm autem factus sum vir, euacuauit quæ erant paruuli, &c. Ad hanc igitur regulam expende cultum nostrum, & vide num Iudaico vel Christiano cultui similior sit, &c. Imò certus sis, te nondum verum esse adorantem, etiã si omnia externa exactissimè obserues, nisi adores Deum in spiritu & veritate.

Spiritus est Deus, & eos qui adorant, &c.

Hoc verbo rationem adfert prædictorum. Si enim Deus corporalis esset, vno in loco eum coli deberet: Nunc autem quia spiritus est, nulli vni loco est alligatus. Deinde si corporeus esset, fortassis delectaretur pecudum victimis: Nunc autem cùm sit Spiritus, nihil horum curat, ideo in Psalmo dicit: Non suscipiam de domo tua vitulos, neque de gregibus tuis hircos: Meæ sunt omnes feræ sylvarum. Si esuriero non dicam tibi, &c. Et subdit: Immola Deo sacrificium laudis, & redde altissimo vota tua. Præterea, si Deus esset corporeus, fortassis delectaretur in puritate corporali, in parietibus templorum, in externis canticis & cæremoniis, organis, &c. Nunc autem quia Spiritus est, maius quid exigit, non tamen priora contemnens, nempe cor & mentem, imò totum hominem, alioqui etiam nobis dicit: Populus hic frustra me colit, nam labijs me honorant, cùm cor eorum longè absit.

Scio quia Messias venit, qui dicitur Christus.

Samaritani habebant libros Moysei, ideo sciebant promissum quendam insignem Prophetam. Sic enim Iacob prædixit: Non auferetur sceptrum de Iuda, &c. donec veniat qui mittendus est. Et Moyses: Ipse Prophetam suscitabit vobis Deus de fratribus vestris, &c. Dupliciter igitur possumus hoc verbum mulieris intelligere. Primo, vt quòd Christus dixerat tanquam arduum quid, & nihil magno pere ad rem pertinens, in aliud tempus reiecerit, quemadmodum hi qui nostro tempore scripturæ sanctæ lectionem, verbiq; diuini auditum eo vsque differre volunt, donec vel per concilium definiantur, vel Prædicatores cõcorditer doceant, nullam interim curã salutis agentes, &c.

Melius autem intelligitur, quòd mulier hoc verbo ipsum Messiam inuestigare voluerit. Sciebat eum venturum, audierat autem à Christo nunc horam esse, vt veri adoratores in Spiritu sancto adorarent Patrem, è quo verbo colligebat Messiam iam adesse. A Christo igitur petit, vt si ipse esset Messias, ingenuè fateretur. Sin autem, saltem ostenderet vbi eum inuenire posset, vt vel tandem optatam conscientia quietem recuperare posset. Christus igitur qui Iudæis sæpius importunè quærentibus obscurè respondit, huic studiosè quærenti seipsum manifestè ostendit.

Ego sum qui loquor tecum.

Breue verbum, sed efficacissimum. Fattendo enim se esse Messiam, quid aliud innuit, quàm se esse eum, qui verè à Deo vinctus sit in Regem & Sacerdotem, adeò vt ad se confugientes, nedum possit defendere vt Rex, sed etiam Deo reconciliare vt verus Sacerdos. Quid autem dulcius audire posset conscientia terribilis peccatis, & iudicio Dei? Sic peccatrix illa tam diu flebat, donec à Christo audiret verbum: Confide, remittuntur tibi peccata tua. Sic latro in cruce breue verbum audiens, securus moriebatur. Sic hæc mulier hac vna voce Christi, non solum plenam iustificationem accepit perfidem, sed etiam certificatur in conscientia sua, hunc verum esse illum Christum, qui est iustitia, sanctificatio, redemptio nostra. Hæc est illa vox, quã si Christus in cor nostrum loquatur, fieri non potest, quin summam gratiæ diuinæ dulcedinem sentiamus, adeoque omni gaudio cælesti perfundamur. Felix igitur, qui in nouissima mortis angustia hanc vocem audire meretur. Sicut enim mulieris illius conscientiam nihil aliud vsquam pacificare potuit, sed sola hæc & admodum paruula vox Christi, mortificatam viuificat, desperatam consolatur, tristem lætificat, turbatam pacificat. Ita & nos peccatis obruti, in mortem & desperationem coniecti, non aliam habemus vitam aut consolationem, quàm in Christo Iesu per Euangelium. Est enim Euangelium potentia Dei, ad salutem omni credenti.

Hinc sponsa petit: Ostende mihi faciem tuam, sonet vox tua in auribus meis, &c. Vt igitur tẽpore angustia vocem illam audire

Ioan. 10

Luce 7
Luce. 23

1. Cor. 1

Roma. 1
Cant. 2

audire mereamur, studeamus & nunc eam crebro audire, &c.

Et continuo venerunt discipuli, & mirabantur.]

Pharisaicæ superstitionis nonnihil adhuc habebant discipuli, putabant enim non communicandum esse Gentilibus. Nondum enim sciebant mysterium illud à sæculo absconditum, Gentes scilicet, esse cohæredes promissionum. Sic & postea reuelato Spiritu sancto, mirabantur, quod etiam Gentibus dedisset Deus poenitentiam ad vitam. Quod autem non temere quærunt, cur cum muliere loquatur, nihilque mali suspicantur, reuerentia est erga præceptorem. Alioqui si Phariseis similes fuissent, statim dixissent: Ecce hominem socium publicanorum & meretricum. Item, Si hic esset propheta, sciret utique, quæ & qualis esset mulier hæc, quia peccatrix est. Hic itaque discamus, quales nos exhibere debeamus in considerandis operibus, & iudicijs Dei. Rom. 9. Mirari debemus, sed tacere. Quis enim tu es qui respondeas Deo!

Reliquit ergo mulier hydriam suam.]

Hic videmus, quos fructus ex se producat vera fides. Primò enim mulier cognito Christo obliuiscitur prioris & sitis & aquæ. Secundò, etiam hydriam relinquit. Tertio, totam ciuitatem implet bona fama Christi. Quarto, alios secum ad Christum adducit. Sic qui semel gustauerit Christum, eumque per fidem accepit, is primò obliuiscitur eorum quæ prius malè sitiebat, quemadmodum Paulus sitiens, & spirans minas & cædes Christianorum, cognito Christo, statim obliuiscitur eorum quæ pontifices mandauerant, sed ad Dominum conuersus: Domine, inquit, quid tu me vis facere? Sic Matth. prius sedens in Theloneo sitiens pecunias, vocatus à Christo, statim surgens secutus est. Secundò qui aquam, quam Christus dat gustauerit, etiam hydriam negligit, hoc est, vel temporalia & terrena, sicut Petrus: Ecce, inquit, nos relinquimus omnia, vel corpus proprium, quod Paulus vas fictile, Salomon autem hydriam conterendam nominat. Talis enim homo etiam corporis & ventris curam abijciens, pro anima sollicitus est.

Quantumcunque enim hydriam corporis ornes & foueas, tamen scito eam conterendam in proximo. Hinc Christus monet: Thesaurizate vobis thesauros in cælo. Et iterum: Primùm quærite regnum Dei, &c. Tertio, qui bonum verbum Dei semel gustauit, ad ciuitatem pergit, hoc est, ad ciuium vnitatem, Ecclesiam scilicet, quemadmodum & Saulo dicitur: Vade in ciuitatem, & ibi dicetur tibi quid te oporteat facere. Postremò etiam alios ad Christum adducit, non abscondens in terra pecuniam Domini sui, quemadmodum infidelis ille seruus, sed adimplens illud Petri: Vnusquisque sicut accepit gratiam, in alterutrum illam ministrantes, &c. Talem se exhibuit in exordio Ecclesia illa ex Gentibus collecta. Audito enim Christi nomine, statim curam carnis in concupiscentijs facere oblita est, cupiditatem suam vel curiositatem, quam inani philosophia vel fluxis rerum temporalium voluptatibus implere satagebat, abiecit, omnique onere deposito, solum Christi nomen pectore & ore baiulans, mundum omnem clamore boni nuncij impleuit, inuitans ad credendum, festinans ad generandum spiritualium turbam filiorum: adeo ut grande miraculum fieret omnibus mundi amatoribus, imò in tantum præualuit in ea virtus aquæ viuæ, ut non solum cupiditates abiectas rursum bibere non appeteret, sed etiam ipsa animarum fictilia vasa, corpora scilicet, sponte abijceret, ac in mortem traderet: sic multitudo martyrum coronata est. Vide autem, quàm nihil horum fructuum nos proferamus. Tantummodo enim etiam num sitimus temporalia, quasi nihil adhuc audierimus de meliori illa & viuâ aqua. Deinde adeo corpus curamus, quasi nesciamus nos animam habere, &c. Quomodo igitur potest in nobis esse viuâ fides, quæ tam nihil vitalium operum ostendit?

Venite & videte hominem, qui mihi dixit, &c.]

Hæc est mutatio dexteræ excelsi, quæ enim paulo ante scortum erat, nunc fit apostola: & quæ prius alios ad peccata alliciebat, nunc ecouerso omnes ad Christum trahere cupit. Vide autem emphasim verborum. Primò enim dicit se inuenisse

Ephes. 3.
Acto. 11.

Matt. 11
Lucæ 7.

Rom. 9.

Acto. 9.

Mat. 11.
2. Co. 4.

Ecd. 12.

Matt. 6.

Acto. 9.

Matt. 10.

1. Pet. 4.

Rom. 13.

Psalm. 76.

nisse Messiam, ne forte quis propter eius leuitatem minus crederet, ad videndum igitur & audiendum eos prouocat. Deinde cum Christus vnum tantum ei peccatum reuelasset, ipsa tamen vt fortius moueret homines: Dixit, inquit, mihi omnia quae feci. Ex vno enim reuelato, non dubitabat etiam alia eum scire. Praeterea non assertiue dicit eum esse Christum, sed interrogatiue, volens nimirum, vt ipsi rem diligentius attenderent. Ex hac igitur muliere discamus, ne quis de se vel de alio desperet. Qui enim mulierem hanc tam cito potuit conuertere, poterit & nos in melius mutare. Semper igitur orandum est: Conuerte nos Deus salutaris noster, &c.

Exierunt ergo de ciuitate, & venerunt, &c.]

Haec Samaritanorum facillitas ad credendum, Iudaeorum duritiam, imò malitiam arguit, qui quamuis ex lege & prophetis scirent Christum venturum, viderentque Ioannem digito monstrare Iesum, imò ipsum Christum viderent miracula facientem, non tamē accurrebant, imò etiam mortem ipsi meditabantur. Samaritani autem cum nihil horum haberent, ad vnius mulieris, imò & peccatricis verbum, certatim exierunt ad Christum, & quem Iudaei extra suam ciuitatem eiecerunt, & crucifixerunt, huc hi obuiam exeunt, & in ciuitatem recipiunt. Merito igitur dicit Christus: Si in Tyro & Sidone factae fuissent virtutes, &c. Itaque. Viri Niniuitae surgent in iudicio, & condemnabunt generationē hanc, &c. Et nos igitur exemplo Samaritanorum, exeamus ad Christum extra castra, imò properium eius portantes. Stat enim & expectat, imò vocat nos: Venite ad me omnes qui laboratis, &c. Itemque: Transite ad me omnes qui concupiscitis me, &c.

Interea rogabant eum discipuli, &c.]

Quamuis fatigatus esset Iesus, & esuriret, non tamen comedit, plus desiderans salutem hominum, quam corporis quantumuis necessarium cibum. Vt vel hoc suo exemplo discipulos, eorumque successores admoneret, quanta sollicitudine sibi commissas oves curare deberent. Maledictus enim, qui facit opus Domini ne-

gligenter. Ob eandem causam & tertio interrogauit Petrum, Num se amaret, quasi diceret: Si non me amas, & tuo & aliorum periculo pastor eris. Vbi interim vide oscitantiam nostram, qui nihil horum cogitamus. Deinde quod discipuli Christo doctori & cibos offerunt, & rogant, vt comedat, exemplum est charitatis, ne pigeat nos his terrena impendere, à quibus spiritualia accepimus. Hinc Paulus: Communicet autem is qui catechizatur, ei qui se catechizat in omnibus bonis, &c.

Ego cibum habeo manducare, quem vos nescitis.]

Christus vbique captat occasionem, homines à corporalium rerum cura ad spiritualium studium euehendi, quemadmodum supra mulierem, ex mentione aquae, pellexerat ad cognitionem euangelicæ fidei. Ita hic discipulos adhuc rudes, ex occasione cibi prouocat ad studium euangelizandi. Sic & in alijs locis ita vbique condescendit paruulis, vt non omittat, qualemcumque rem occasio sibi obiecerit, quin per eius similitudinē illis quasi prae oculis exhibeat inuisibilia mysteria regni Dei. Quid enim omittit, qui non regum nuptias, nec piscatorum fagenas, nō margaritas negotiatorum, nec veteres vtres vinariorum, non ficus aut vineas, imò ne granum sinapis, quod omnium minimū est, praeterit? Ita de singulis similitudines caelestium carnalibus explicat, vt tanquā in notis & vulgaribus speculis solis imaginem videant, qui eius splendorem aegris oculis non vident.

Nunquid aliquis attulit ei manducare?]

Qualis vnusquisque est, talia & loquitur, & sentit. Hinc apostoli adhuc carnales, de carnali cibo loquuntur, & sermonem Christi carnaliter intelligunt, quem admodū & supra de muliere audiuimus. Frequenter autē Christus obscure loquitur, vt hominē excitet ad vltius querendum. Doctrina enim Christi nō oscitantem, sed studiosum & vigilantē auditorem requirit. Ex hoc autē verbo colligimus Christū oblatos ab alijs cibos accipere consueuisse, non quod ipse talium indigeret. Ipse enim est, qui dat escā omni carni, sed vt offerētibus merces multiplicaretur. Sic à nobis exigit opera bona, nō quod

Ioan. 21

Rom. 15

Galat. 6

Psalm. 84

Mat. 11

Mat. 12

Mat. 13

Mat. 12

Eccles. 24

Hier. 48

Sua. 4

Psalm. 139

quod ipsi hinc aliquid fructus accrescat. **Psal. 15.** (Bonorum enim nostrorum non eget) sed ut eo copiosius nos remunerare possit.

Meus cibus est, ut faciam voluntatem, &c.]

Quasi diceret, Non ideo in mundum veni, ut aliud non agam, quam ut edam, bibam, & cutem curem, &c. sed aliud est quod ego esurio, quod ardentissimis votis desidero, multo amplius quam famelicus cibus, quodque multo amplius me delectat, quam quicunque cibus corporis, nempe ut faciam voluntatem, &c. **Ioan. 6.** Voluntas autem Patris est, ut omne quod dedit mihi, non perdam ex eo, &c. Imò voluntas Patris est, ut eos quos ab æterno prædestinavit, per me filium suum in tempore vocaret, iustificaret, glorificaret. **Rom. 8.**

Ut perficiam opus eius.]

Opus Dei secundum aliquos est ipsa lex, quam Christus adimplere venerat. Vel aliter, & melius: Opus Christi speciale est homo, atque adeo ipsius hominis saluatio. Hoc opus in paradiso quidem coeptum erat, sed non perfectum, impediendo diabolo, & interueniente peccato. Missus igitur erat filius Dei, ut hoc opus perficeret, quod tamen fieri non poterat, nisi ipse pro homine moreretur. Indicat igitur Christus hoc verbo, sibi non solum iucundum esse, homines vocare ad gratiam, sed etiam pro hominibus mori, ut opus Dei perficiatur. Quasi diceret, cum videam Gentes salutis sitientes esse, optarem vel nunc mori, ut eò citius salus ad Gentes perveniret. Obserua igitur circa hoc verbum, insignem & ineffabilem Christi dilectionem, qui salutem nostram dicit esse cibum suum. Per hoc autem iterum discipulos admonet sollicitudinis & dilectionis, quam pastor debet omnibus suis. **Ioan. 10.** Deinde hoc ipso verbo nos ad bonum incitat: si enim cibus eius est, facere voluntatem Patris, ergo qui Dei voluntatem facit, Christum cibatur. Vides igitur, te non frustra laborare. Item, si Christi cibus est, pro hominum salute mori, ergo Christum cibatur, qui proximo benefacit. **Mat. 25.** Huc pertinet, quod alibi dicit: Quod uni ex minimis meis fecistis, mihi

fecistis. Postremo etiam consolatur nos hoc verbum. Sicut enim Christi passio, voluntas, & opus Patris est, ita passio omnium qui sunt Christi, voluntas & opus Patris est. Hinc Paulus dicit se implere id, quod deerat afflictionibus Christi. Ergo sicut Christus per passionem glorificatus est, sic glorificabuntur & hi, qui in Christo sunt. Discant igitur hic filii adoptivi exemplo naturalis filii Dei, quanto studio implenda sit voluntas Dei. Discant deinde, ut cum præcipue cibum Deo offerant, quem ipse desiderat, hoc est, ea agant, non quæ ipsis bona videntur, sed quæ ipse exigit, nempe ut voluntatem Patris faciamus. Huc pertinet figura de Iacob & Esau, quorum primus à matre edoctus, cibos patri offerens, quibus libenter vesceretur, benedictionem reportavit, cum interim alter frustra venationem sequeretur. Sic sunt quidam, qui magna & ardua moluntur, nihil interim curantes de his quæ Deo placent, verum frustra laborant. Hinc in Michæa, quærenti cuidam quid dignum posset offerre Deo, &c. respondit Propheta, Ostendam tibi, ô homo, quid sit bonum coram Deo. Nihil curat magnasillas venationes tuas, sed hæc exigit, nempe facere iudicium in teipso, diligere misericordiam, quo ad proximum, & sollicitum ambulare cum Deo, &c. Sicut igitur Christus voluntatem Patris perficiens, benedictionem promeruit omnium Gentium, sic à Christo benedici non meretur, qui non facit voluntatem Patris: Non, inquit, omnis qui dicit mihi, Domine Domine, sed qui facit voluntatem Patris, intrabit in regnum cælorum. **Mat. 7.**

Nonne vos dicitis, quia adhuc quatuor, &c.]

Sicut supra sub nomine aquæ & cibi, ad spiritualia nos prouocauit, sic hic sub nomine messis, idem facit. Est autem correctio, quasi diceret. Vos dicitis messem procul abesse, quatuor scilicet mensibus, at ego dico eam prope adesse.

Leuate oculos vestros, & videte regiones.]

Quasi diceret, Videte Samaritanos, quomodo exeat, properent, & sitiant salutem: digni profecto qui in horreum Domini

Domini recondantur. Hoc autem verbo respondet ad cogitationes discipulorum, imò ad futuras calumnias Iudæorū, quas si diceret, Miramini, quòd cum muliere loquutus sum, & nunc magis admiratio: ni vobis erit, cum videritis me apud Samaritanos commorari, imò Iudæi hoc factum calumniabuntur. Atqui videtis, quòd quasi violenter rapiunt ad se regnum Dei, tanta est eorum deuotio, vt nō possim eis denegare meipsum, quamuis sciam me potissimum ad oues domus Israel à Patre missum. Sicut enim infidelis dispensator esset, qui maturas segetes non in horreum Domini conueheret, sed perire sineret in agro, sic ego officio meo & voluntati Patris nō satisfacerem, si eos qui tā opere sitiunt gratiam, vacuos remitterem. Deinde hoc verbo etiam Apostolos prouocare vult, vt & ipsi sitiāt horum salutē, quasi diceret: Quis non libenter merat, si videat labori suo respondere fructum? Quis non libenter salutis viā monstret his, qui eam auidē sitiunt & quaerunt? Atqui leuate oculos mentis, videte regiones, non vnā, sed omnes: quoniam albae sunt ad messem: quales enim hos Samaritanos videtis, tales vbiq; inuenietis, qui cupidē verba vestra audient, tantummodo ne cessetis. In hunc modū etiam Moysen de futuro successu olim praeuocauit, vt alacrior opus aggredere tur, imò & Hieremiā & Ezechielem. Praeterea hoc verbo pulchrē sub nomine messis Apostolorū officium adumbravit. Primò enim sicut messem praecedere cōsuevit seminatio, sic praedicationem Euangelij, praecedit lex in peccati cognitionē ducens. Secundò, sicut metere non possumus ante maturitatem segetū, sic frustra praedicatur Euangelium his, qui nondū sunt maturi, hoc est, nō sitiunt aut quaerunt salutem. Hinc Christus: Nolite sanctum dare canibus, &c. quod idem est, ac si dicat, Nolite metere, vbi videtis nondū maturas segetes. Tertiò, sicut in messe omnes fructus non messoribus, sed domino agri aduehuntur, sic in officio Apostolorum omnis fructus ad Deū refertur: Quid, inquit, est Paulus? quid Apollo? Ministri Christi sunt, &c. Quartò, sicut in messe vna cum tritico inuehuntur & paleae & stramen, imò etiam immixta zizania. In horreo autem expurgantur, sic per praedicationem Euangelij, & boni & mali in Ecclesiam introducuntur, qui tamē in fine procul à se inuicem separandi sunt. Quintò, sicut ē messis huius anni seruantur semina ad futuram messem, sic Apostoli ex his, quos Domino messuerunt, aliquos reseruarunt, qui postea in futurum meterent, quemadmodum Paulus post se reliquit, quasi semina quaedam futurae messis, Timotheum & Titum. Insuper cum Christus dicat, iam adesse messem, differentiam ponit inter vetus & nouum testamentum. Sicut enim messis longē appetibilior est quā seminatio, sic nouum Testamentum longē praestantius est veteri. In veteri siquidem Testamento pauca quaedam semina habuerūt sancti, hoc est, paucas promissiones. Nos autem copiam frugum, hoc est, scripturarum sanctarum habemus. Item in veteri lege patres primò acceperunt semen, hoc est, verbum Dei: In nouo, Apostoli idem verbum Dei per orbem euulgarūt. In veteri Testamento plurimum laboris fuit. Circuibant enim tanquam peregrini & aduenae. Itemque euntes ibant & flebant propter absentem Christum, mittentes semina sua. Nihil tamen fructus videbant, nisi in spe. Nam à longe salutabant promissam patriam: Omnes enim mortui sunt, non acceptis promissionibus, &c. Summa, in veteri lege seminatum est. Nam lex paedagogus noster fuit in Christo, & quaecunque in illo tempore fiebant, erant quasi semina futurorum in Christo reuelandorum. In nouo igitur Testamento metitur, quod in veteri per umbras seminatum est: Vt Benedictio horrei & agri, quae olim seruantibus legem promittebatur, semē est. Benedictio verò spiritualis, qua benedixit nos Pater in caelestibus, messis est. Terra Canaan semen est, terra aeternae Patriae est messis. Pax externa, semen est: Pax conscientiae messis. Remissio peccatorum caeremoniale, est semen: Remissio verorum peccatorum, est messis. Ideo Esaias de nouo Testamento dicit: Laetabuntur coram te, sicut qui laetantur in messe, &c. Monet igitur Christus, vt leuemus oculos, & attendamus quae & quanta donata sint nobis. Verē enim nunc hyems transijt, imber abiit & recessit, &c. Hinc Paulus: Hora est de somno surgere: nunc enim

Mat. 13.

Hebr. 11.
Psal. 125Hebr. 11.
Galat. 3.

Ephes. 2.

Esaias 9.

Cant. 2.
Rom. 13

L enim

enim propior est nostra salus, quàm cum credidimus. Vide igitur, ne pigrum illum imiteris, qui in messe non colligit, merito esuriturus in hyeme: quin potius imitare formicam, quæ in æstate parat cibum suum. Demum admonemur hoc verbo etiam alterius messis, quæ in fine mundi erit, in qua messores erunt Angeli, qui colligent malos è medio iustorum, & zizania è medio tritici segregabunt, in æternum interitum. Merito igitur monemur, ut leuemus oculos, præcogitemus futurum iudicium & mortem: Nam vtrunq; præ foribus est. Verè enim regiones albæ sunt ad messem, & nouissima hora est, in proximo iudicium Dei se manifestabit. Cum inquit, dicent: Pax & securitas, tunc repentinus eis veniet interitus.

Et qui metit mercedem accipit.]

Non facile laboriosum aliquid aggre-
ditur homo, nisi sciat fructum aliquem inde secuturum: Nam spes mercedis hominem ad laborem trahit. Sic Abraham egressus de terra sua, promissionibus Dei confidens: Domine Deus, inquit, quid dabis mihi? Et Petrus: Ecce nos reliquimus omnia, quid ergo erit nobis? Eadem poterant & hic dicere Apostoli. Præuenit igitur eos, & ostendit laborem eorum insigniter remunerandum. Primò, inquit: [Qui metit, mercedem accipit.] Hoc intelligi potest de illa mercede, de qua dicitur: Dignus est operarius cibo & mercede sua. Significat igitur studiosè laborantibus in messe Domini non defutura temporalia, quemadmodum & Petrus dixit: Qui reliquerit domum, &c. centuplum accipiet in hoc sæculo. Sic enim Apostoli pro vno parente relicto, centum, imò innumeros acquisierunt, qui corpori necessaria offerrent, &c. Secundo, Qui metit, inquit, non tantum mercedem accipit, sed etiam colligit. Quid autem maius vel opere possemus, quàm ut omnia nostra opera bona ita in vnum colligerentur, ut ne vnum quidem excideret. Alij dispergunt sua, quantumcunque etiam videantur colligere. Qui enim non colligit cum Christo, dispergit. Hinc diuiti avarè colligenti contra Deum, dicitur: Stulte, quæ congregasti cuius erunt? Tertiò colligit fructum in vitam

æternam. Vides quàm non frustra laborarent Apostoli, hic accipiunt corporalia, & in futuro æternam vitam. Considera hic Dei benignitatem, poterat nihil non arduum nobis imponere, utpote seruis emptitijs, sine mentione præmij, at ipse econtra leuia quidem imponit, & immensa promittit.

Vt simul gaudeant, & qui seminat, & qui metit.]

Ne quis seminatores illos veteris Testamenti, qui ad hanc messem non peruenierunt, putaret ab hac remuneratione exclusos, addit, eos simul gauisuros cum Apostolis: Neutri enim carebunt fructu suo. Non enimerit sicut in externis, ubi plærunque non ad eum qui seminauit, sed ad alium aliquem deuenit fructus messis. Illic enim messor quidem gaudet, sed discruciat seminator: hic autem simul gaudebunt. Consolatio est prædicatoribus, imò omnibus Reipublicæ seruientibus, quòd etiam si parum fructus eorum labores consequantur, tamen ipsi præmio suo apud Deum non carebunt.

In hoc enim verum est verbum, &c.]

Præmonet Apostolos, ut sciant, se non semper sementem suam ad maturitatem perducturos, quemadmodum nec Prophetæ, ut eò facilius ferant hominum vel duritiam vel ingratitudinem, neque ob id à labore cessent, sed semper bene sperent in futurum.

Ego misi vos metere, quod non seminastis.]

Probat quod dixerat. Sunt autem verba emphatica. Primò, [Ego, inquit, vos misi,] hoc est, non vestro merito in hoc officium electi estis, ut infra dicit: Non vos me elegistis, sed ego elegi vos. Secundo, [Misi vos metere,] quasi diceret, Labor vester nedum minor est eo, què Prophetæ habuerunt, sed etiam delectabilior: quia fructum habet & affert secum. Si igitur Prophetæ ad suos illos magnos & iniucundos labores tam alacres & strenui fuerunt, quid vobis agendum est? Tertiò addit: [Quod non seminastis.] Non tanta perituliistis, ut veteres illi. Nec enim de terra vestra egressi estis, quemadmodum Abraham, ut vobis extra domum seminantibus surges

surgeret messis, id est, benedictio, qua vniuersae cognationes terrae benedicuntur. Nec scientiam vel prophetiam habuistis, ut possitis seminare, imò haecenus fuistis homines sine literis idiotae, nec agrum Domini vel verbo vel opere colere sciebatis. Monet igitur hoc verbo discipulos, ut gratiae Dei ascriberent, quae per eos facturus esset Deus.

Alij laborauerunt, & vos in labores, etc.]

Non dicit, Alij seminauerunt, sed laborauerunt, ut indicet, non solos Apostolos laboraturos. [Et vos in labores eorū introistis:] Hoc est, quae illi inceperunt, vos complere habetis: Illi Christum venturum praedixerunt, vos Christum venisse praedicabitis. Docet igitur hoc verbo, etiam prophetarum voluntatem fuisse, homines ad Christum adducere, itemque pulchrè inter se conuenire nouum & veteris testamentum. Non enim aliud docet Apostoli quàm Prophetæ, sed in eundem laborem successerunt, licet clarius omnia doceant. Sic & in generali etiam nunc verbum istud in omnibus nobis verificatur. Verè enim aliq̃ pro nobis laborauerunt, Christus patiendo, Apostoli scribendo & praedicando, &c. Nos autem laboribus eorum fruimur, vtinam feliciter & grato animo.

Ex ciuitate autem illa multi crediderunt.]

Hic vides, quae sit messis illa, de qua supra dixit, & quomodo Samaritae fuerint albi ad mellem & maturi: Quia, inquit, crediderunt in eum, magna de eo sentiebant, magna de ipso sperabant, ipsum desiderabant, &c. Haec erat maturitas illius messis. Vnde & Christus statim appositum manum. Sed quinam fuerunt hi: profecto non Iudaei, sed Samaritani. Sic igitur impletum est illud Esaiæ. Quæsierunt me, qui prius ignorabant: Inuenerunt, qui non quæsierunt me: econtra autem tota die expandi manus meas ad populum non credentem, &c. Ad maiorem autem ipsorum laudem facit, quod non vnus aut alter, sed multi crediderunt: Vna enim arista non facit mellem. Multi igitur ex Gentibus credunt, cū interim Prophetæ omnes clament cōtra paucitatem Iudaeorum credentium: Vae mihi, inquit Michaeas,

quia factus sum quasi qui racemos colligit, &c. Et Hieremias: Vae mihi mater mea, vt quid me genuisti, &c. Omnes maritanos illos cōmendat, quod ex vna ciuitate tam multi credunt, cum tempore etiam Loth in quinque ciuitatibus non potuerint inueniri decem viri iusti, imò in Hierusalem tāta tamq̃ sancta ciuitate, ne vnus quidem inueniri potuerit, qui faceret iustitiam & veritatem: Circuite, inquit, vias Hierusalem, si inueniatis vnum, &c. Sed vnde Samaritanis illis tanta fides? Ex verbo mulieris. Fides enim ex auditu, alioqui quomodo crederent in eum, de quo nihil audissent? Quale autem fuit verbum mulieris? Dixit mihi omnia, quae feci: hoc verbum, quod alios à Christo alienasset, ne ab ipso confunderentur, hos ad Christum adduxit. Conscientia enim terribilis, non curat, si externè pudeat, dummodo remedium inueniat. Qui autem peccatum non sentiunt, occultant, tegunt, ne confundantur. Verum hoc nihil illis proderit coram Deo: Eius enim oculis omnia nuda & aperta sunt. Quanto igitur satius erat, ad tempus modico rubore suffundi, quàm perpetuam confusionem portare? Omnia autem haec ideo tam exactè describit Euangelista, ad maiorem cōfusionem Iudaeorum: Verè enim Christus non inuenit tantam fidem in Israel. Deinde hoc exemplo Samaritanorum, nos excitare voluit ad similia, &c.

Cum autem venissent ad eum, rogabant, &c.]

Vnde alienigenis illis & peccatoribus tanta fiducia, vt Christum auderent interpellare: Nimirum ex his, quae à muliere audierant. Deinde cū viderent eum non respulisse mulierem, sperabant etiam se admittendos. Sic ex Dei bonitate, quam in scriptura audimus, & in multis peccatoribus videmus, etiam nos concipimus fiduciam adeundi ad Iesum: Alioqui, nisi ipsius misericordia nobis perspecta esset, quis auderet appropinquare, nedum aliis quid petere. Sic & olim fratres ipsius Ioseph, peccatorum suorum memores, non ausi fuerunt ipsum interpellare, donec videbant eum omnis simultatis oblitum, in oscula ipsorum ruere. Obserua autem, quod Gentiles illi nihil ter-

L ij renum

renum à Christo petunt, sed vt apud eos maneret. Quis eos hoc petere docuit, nisi fides? Hæc enim non terrena quærit, sed ipsum Deum: Tibi, inquit, dixit cor meum, quæsiui vultum tuum, &c. Et Moyses: Si inueni, inquit, gratiam, ostende mihi faciem tuam. Scit enim fides ei qui Deum habet, nihil bonorum deesse posse: Dominus, inquit, pars hæreditatis meæ, tu es qui restitues hæreditatem meam mihi. Nihil vnquam tale Hierosolymitæ à Christo petierunt: quid igitur mirum quòd eos reliquit? Aliquando inuitarunt cum ad mensam, sed inuidiosè: Aliquando cum tota die prædicasset, cogebatur vesperi exire in Bethaniam. Tandem etiam violentè & cum pœna, eiecerunt eum extra ciuitatem. In illa enim ciuitate vulpes foueas habebant, & volucres cæli nidos, id est, malitiosi & superbiæ pennis elati dæmones, mentium infidelium hospitia compleuerant. Filius autem hominis non habebat in ea, vbi caput reclinaret. Obserua item, quàm dissimiles hi Samaritani fuerint Geracenis illis, qui Dominum rogabant, vt excederet de regione illorum: Hi autem rogant, vt maneat.

Et mansit apud eos duos dies.]

Hic vides, quòd Christus facilè se tene ripatitur ab his, qui sincero corde eum quærent: Alioqui, qui in Christo nihil aliud quàm externa quærent, quemadmodum Nazaritæ, qui volebant, vt patriam suam miraculis illustraret: Vel qui insidiosè quærent, vt Pharisei, hos fugit. Deinde hic vides, quòd nullius quantuis etiam peccatoris dedignatur hospitium, dūmodo is eum roget, id quod summa consolatio nostra est. Mansit autem duos dies, non vnum tantum, vt ostenderet se his, qui eum verè quærent & in præsentī & futuro sæculo affuturum, quo quid iucundius vel annuntiari posset? Non autem mansit vltra duos dies. Primò, quia nondum aderat tempus, vt totus apud Gentes maneret, què admodum nunc: oportebat enim, vt prius Iudæis offerret Euangelium. Deinde nolebat Iudæis odij maioris & inuidentiæ materiam dare. Sciebat Iudæorum inuidiam, nouerat odium in Samaritanos, & nōdum aderat tempus, vt illis

ob inuincibilem incredulitatem repulsis, demigraret ad Gentes. Sic igitur temperauit negotium, vt nec Iudæi possent conqueri, se ab eo spreto, sibi que antepositos Samaritanos, nec Samaritanorū piā credulitatem omnino destitueret. Nam quòd per Samariam fecerat iter, necessitatis erat: quòd ab ipsis rogatus bi duo illic commoratus est, humanitatis erat, quam nemo poterat calumniari. Insinem igitur charitatem hoc facto ostendit erga Iudæos: cum enim in Gentibus plus fructificare posset, tamen ad Iudæos reuertitur. Merito igitur dicit: Quoties volui congregare filios tuos, & noluiisti? Sic Deus abundè dona sua etiam nobis confert, ne quis conqueri possit se neglectum.

Et multo plures crediderunt, &c.]

Vide profectum fidei, primò crediderunt propter verbum mulieris. Nūc propter verbū Christi: Prius multi, nūc multo plures. Magna narrat mulier de Christo, nūc maiora experiuntur in se. Sic olim regina Saba, fatebatur se vix dimidium audisse comparatione eorum, quæ videbat in Salomone. Sic pius quisque magna quidem audit de Christo in scripturis, sed multo maiora sentit in corde. Fides incipit ex verbo Apostolorum: confirmatur autem, cum Christus intus docet & obsignat Spiritu sancto. Hinc Paulus. Ego plantaui, &c. Deus autem incrementum dedit.

Iam non propter tuam loquelam credimus.]

Ne viderentur leues, & omni vento doctrinæ moueri, ac propter vnus mulieris verbum tanta de Christo sperare, Ipsi, inquit, audiuius. Quid Christus apud eos docuerit non exprimitur, sed ipso facto videmus, non puerilia fuisse, sicut & aliàs dicitur: Docebat sicut potestatem habens. Quid enim aliud audis etiam nūc ex ore sapientiæ, nisi veritatem, mansuetudinem, & iustitiam, propter quæ mirabiliter illum dextera sua ducebat. Audierunt, inquam, veritatem docentis, mansuetudinem ad credendum inuitantis, iustitiam non accipientis personam siue Iudæi, siue Samaritani. [Scimus (inquit) quia hic est verè saluator mundi.] Vide certitudinē fidei, nec mirū, quia innititur sum

summæ veritati. Eodem modo & Ecclesia, ex Gentibus collecta, nec Christum vidit nec signa eius, sed tantum audiuit, nec tamen dubitat eum esse Christum. Verè autem saluator est Christus, ad differtentiam aliorum. Nam & Ioseph dictus est saluator mundi: Et Iosue Iesus appellatus est. Et de iudicibus dicitur, Misit eis saluatorem. Hi enim tantum externa quædam præstiterunt & temporalia, Christus autem verè saluat populum suum à peccatis eorum, imò & à morte, diabolo, inferno, & omnibus malis.

Post duos autem dies, exiit inde.]

Cur tantum duos dies manserit apud Samaritanos, iam supra dictum est. Exiit autem ab eis, non ut iterum obliuiscerentur gratiæ, quam ab ipso acceperant, sed ut absentia eius maiori desiderio arderent. Ideo enim plerumque se ad tempus abscondit, ut instantius quæramus.

Ipse enim Iesus testimoniū perhibuit, etc.]

Hic Ioānes abrumpit historiam. Huc enim pertinet, quæ Lucas scripsit de Nazaritis Christum accusantibus, quod non in patria sua faceret, quæ in alijs locis fecerat. Quibus Christus proverbium hoc obijcit: Non est propheta acceptus in patria sua, propter quod dictum & præcipitare eum volebant. Sicut igitur Lucas hoc verbo indicat causam, cur in patria sua, nulla aut pauca miracula fecerit, sic Ioannes eodem verbo hic causam indicat, cur Christus in Galilæam veniens, patriam suam præterierit: Non, inquit, in Nazareth venit, sed in Galilæam præterita Nazareth. Ipse enim Iesus testimonium perhibuit, quia propheta non est acceptus in patria sua. Apparet ex hoc verbo, quod interrogatus fuit, cur patriam suam præterieret. Non tamē sic intelligas, quasi Christus externum honorem & ciuiles venerationes quæserit. Qui enim venerat ut ministraret alijs, non ut sibi ministraretur, quomodo humanum honorem quæsillet? Alium igitur honorem quærebat Christus, nempe fidem. Nam fidem alicui habere, summus honor est. Proinde nec Deus nec Christus filius eius, maiori honore coli aut posunt aut volunt, quam fide. Hunc honorem apud Cōpatriotas non habuit. Sic enim & affectus hominum & familiaritas con-

temptum pariunt, & pleræque res non ob aliud in precio sint, quam quod è longinquo venerint. Merito igitur eos & prius reliquit, & nunc præterit. Infelicissimi planè fuerunt Nazaritæ illi, quos saluator, hoc est, vita, lux, gaudium, pax, & omne bonum præterit. Quid enim aliud eis restabat, nisi mors, tenebræ, tristitia, & omne malum: quod quamuis tunc non sentirent, postea tamen senserunt, & sentient in futuro iudicio. Propter duas autem causas, patriam suam præterijt, non quia inanis gloriæ esset cupidus, sed quia optimè sciebat prædicationem, fidei fructum ibi facere non posse, ubi prædicator contemneretur. Deinde non parum gratiæ in hoc illis præstitit, qui cum neglecturi sermonem eius essent, huius contemptus supplicia effugerunt, quæ daturus omnes scimus, qui prædicationem veritatis parui faciunt. Cæterum, sicut Christus nusquam minorem honorem habuit, quam in patria sua, imò in tota Iudæa. (In propria enim venit, & sui eum non receperunt) sic & nunc nusquam minus curatur, quam apud eos, qui videntur esse proximi, ut etiam nunc verissimè conqueri posset: Factus sum opprobrium vicinis meis, &c.

Cum ergo venisset in Galilæam exceperunt, &c.]

Etiam hoc ponit ad condemnandam Iudæorum incredulitatem. Sicut enim supra Samaritani ad prædicationem verius mulierculæ credunt, alienigenam ad hospitium pertrahunt, Messiam mundi quæ Saluatorem profitentur, cum nullo miraculo eos dignatus fuisset Iesus: sic nunc Galilæi crassa, & legis imperita natio, apud quam nullus vnquam extiterat propheta, visis miraculis, credere coeperunt. Hierosolymitani autem sacerdotes, Scribæ & Pharisei, qui videbantur & religionis apicem tenere, & legis peritia præcellere, tum facta tum dicta Iesu pertinaciter calumniabantur. Sic & apud nos pauperum humilis credulitas, diuitum & magnatum damnat duritiem, &c. Viri, inquit, Niniuitæ surgent in iudicio cum generatione hac, & condemnabunt eam, &c. Allegoricè: Christus verè exiuit, à Patre scilicet, & venit in mundum: Exiuit, hoc est, seipsum exinaniuit, &c.

Ioan. 16. Exiit autem post duos dies, hoc est, post
Phil. 2. tempus legis naturalis, & legis Mosaicæ.
Oportebat enim, ut homo prius conuin-
ceretur de sua ignorantia, & impotentia,
antequam Christus veniret. Venit autem
Sapi. 5. in Galilæam, hoc est, mundum, qui verè
Galilæa, hoc est, transmigratio est. Nihil
enim sub sole permanet, sed omnia trans-
seunt velut umbra: Quæcunq; enim vi-
dentur, temporalia sunt, &c. Signanter au-
tem dicitur patriam suam præterisse,
quamvis enim primò ad Iudæos venerit,
tamen postea ob incredulitatem illorum
ad Gentes transiit, relictis Iudæis. Tunc
igitur susceptus est, non ab omnibus, sed
à Galilæis, hoc est, transmigrantibus, qui
Hebr. 13. scilicet agnoscunt se peregrinos & adue-
Phil. 3. nas esse, nec habere hic manentem ciui-
tatem, imò iam in cælis conuersantur: hi
soli eum recipiunt, his solis consolato-
rius est eius aduentus. Sciunt enim ipsum
esse, qui in via ducere potest, itemque
confortare, & demum ad terminum per-
ducere. Ideo autem potissimum eum
suscipiunt, quia audierunt ea, quæ Hie-
rosolymis fecit. Illic enim docuit, sanauit
infirmos, eiecit è templo prophanato-
res, denique & mortuus est. Ob hæc, in-
quam, eum suscipiunt. Primò fide, ut do-
ctorem. Secundò spe, ut saluatorem. Ter-
tiò timore, ut iudicem. Quartò dilectio-
ne, ut pro nobis mortuum.

Venit ergo iterum in Chana, &c.]

Ioan. 2. In Chana cæpit miracula facere: Nunc
ferme reuoluto anno, redit ad Chana.
Hoc autem primo anno pulchrè in suis
actibus præostendit, futuræ prædicatio-
nis siue instans saluationis ordinem, quo
processura esset à tempore suæ natiuita-
tis, vsque ad finem sæculi. Sicut enim
hoc anno primò venit ad nuptias, dein-
de aquas in vinum vertit, tertio Hiero-
solymam ascendit, ibique de passione
sua locutus est, sub metaphora destru-
ctionis templi. Quartò cum Nicodemo
de regeneratione colloquitur, postea
commanens in Iudæa, ut cognouit,
quod detraherent sibi, reliquit Iudæam,
& ad Samaritanos diuertit. Tandem ite-
rum rediit in Chana. Sic in opere no-
stræ redemptionis, primò nuptias cele-
brauit, assumendo & vniendo sibi na-
turam nostram. Secundò insipidam legis

aquam, in nouum mustum Euangelij co-
uertit. Tertio, propalato Euangelio. Hic
Ierosolymam ad passionem properauit.
Quarto, consummata passione, poeniten-
tiam per Apostolos prædicari fecit, & res-
missionem peccatorum per nomē ipsius,
idq; primò in Iudæa. Quintò Iudæis
hanc gratiam respuentibus, diuertit ad
Gentes, ubi vsq; nunc moratur, tandem
iterum reuertetur ad Iudæos, non tamen
ad templum Hierosolymitanum. Nam
ad Israel quidem salus reuertetur, cum
plenitudo Gentium subintroierit: ad tẽ-
plum autem, hoc est, ad hostiarum san-
guinem suscipiendum vel circumcisionis
ritum, Christus nunquam rediturus est.
Ad literam autem iterum rediit ad Chana,
non ut ex miraculo illic ædito laudẽ
aucuparetur, sed ut ex ea semente, quam
occultè iecerat, nunc messiem aliquam
meteret. Deinde ut ipsi præcedenti signo
admoniti, ad maiorem fidem & deuotio-
nem excitarentur. Hoc enim Deus ubiq;
agit in electis suis. Primò, etiam si se ad tẽ-
pus subducit, tamen iterum redit: In mo-
mento, inquit, & ad modicum dereliqui-
te, & in miserationibus magnis colligam
te. Secundò, nihil nõ agit, ut ad maiorem
fidem & deuotionem nos alliciat, nunc
per prospera, nunc per aduersa. Tertio,
etiam fructum & messiem exigit ab his,
quibus semina concredidit, id quod disce-
re possumus ex parabola de ficulnea, quã
subinde visitans paterfamilias, cum non
inueniret fructum in ea, succidi eam præ-
cepit. Et adhuc manifestius de ficul-
nea, cui Christus maledixit: Terra enim,
quæ superuenientem imbrem crebro bi-
bit, & tamen nihil aliud quàm spinas &
tribulos profert, maledicto proxima
est.

Et erat quidem Regulus, &c.]

Historia hæc pulchrè nobis propo-
nit fidei naturam, eius initium, incremen-
tum, & perfectionem. Nam quemadmo-
dum corporis humani ætas suam habet
infantiam, adolescentiam, & virilitatem:
Ita fides sua habet rudimenta, suos profe-
ctus, & sua fastigia. Deinde videbis in hac
historia, humani cordis imbecillitatem
in rebus aduersis, imò in vniuersum vi-
debis, quàm misera creatura sit homo
diuina gratia destitutus. Postremo
videbis,

Luc. 13.
Ioan. 4.

Hebr. 6.

videbis, quàm benignè Deus nostræ imbecillitati condescendat.

Erat quidem Regulus, &c.]

Regulus dictus est homo hic, vel quia regij generis erat, vt quidam volunt, vel quia prophanum aliquem magistratum Cæsaris nomine gerebat: is igitur habebat filium infirmum. Quantumuis enim diuitijs & potentia mundana præditus esset, non tamen præuenire potuit filij infirmitatem, sed nec eandem depellere. Non enim proderunt diuitiæ in die vltionis, & non saluatur rex in virtute sua, nec Gigas in multitudine fortitudinis suæ. Stultus itaque est, qui vel in diuitijs vel in potentia spem suam reponit, cum neutrum eum possit à morte liberare. Cur igitur non veras diuitias & potentiam quærimus?

Hic cum audisset, quòd Iesus veniret, &c.]

Etiam hic vides mundani hominis ingenium. Primò enim quantuncunque malis innumeris sit obnoxius, nō tamen ea præuenit, nec sentit, imò ne credit quidem, se tam miseram creaturam esse, donec in caput ipsius incidant mala, tunc enim primùm sentit se miserum. Sola enim vexatio dat intellectum, Deinde, qui vel diuitijs, vel humana potentia turgēt, nec Deum agnoscunt aut quærunt, donec flagellis admoniti fuerint. Sic Nabuchodonosor, cum è regno eiectus, inter bestias aliquot annos vixisset: Post finē, inquit, dierum, ego Nabuchodonosor leuauī oculos meos, &c. Sic impius Anethochus, cum nihil non malorum contra Deum cæli egisset, tandem plaga infanabili percussus. Iustum est, inquit subditum esse Deo.

Abijt ad eum, & rogabat vt descenderet.]

Quòd homo ille aduerso casu admonitus, ad Christum properat, arguit eos, qui nec flagellati ad Deum conuertuntur, de quibus Hieremias: Percussisti, inquit eos, & non doluerunt, &c. Et in Amos: Percussisti, inquit, vos vento vrente, &c. & non estis reuersi ad me, dicit Dominus. Arguit item eos, qui in aduersis non ad Deum, sed ad Magos, vel dæmo-

num auxilium recurrunt. Deinde quòd pro filio rogat, & impense rogat: nec cessat, nisi exauditus, exemplum est parentibus, vt solliciti sint pro filiorum salute, imò festinent eos Christo commendare, antequam moriantur in mala consuetudine. Adolescens enim iuxta viam suam, etiam cum senuerit, non recedet ab ea. Quòd autem pro salute corporis tantum rogat, infirmitatis humanæ est, qua semper prius sentimus incommoda corporis, quàm mala animæ: cum tamen multò maiora sint spiritualia mala. Minus igitur quàm oportet de Christo sentit, qui corporalia tantum ab ipso petit, quàmquam, & ea ab ipso quærenda sint, sed non sola: Alioqui, quemadmodum adulescenti de rebus externis interpellanti respondit: Quis me constituit iudicem inter vos, sic nobis dicet: Non veni, vt medicus corporum, sed animarum. Postremò quòd rogat, vt Christus secum descendat, infirmam eius fidem indicat, quasi Christus non posset sanitatem conferre, nisi præsens: Imò quasi è vicino tantum esset Deus, & non etiam de longinquo, cum tamen scriptum sit: Prope est Dominus omnibus, qui inuocant eum in veritate. Rogat igitur vt descenderet, quasi medicum accerferet hominē, non Saluatorem Deum. Longe perfectiorem fidem habebat Centurio ille: Domine, inquit, non sum dignus, &c. Nec opus est, vt venias, dic tantum verbum, & sanabitur puer meus. Ea autem fides adeò rara est, vt etiam Christus admiratus dixerit, se talem non inuenisse in Israel, &c. Nam etiam Apostoli fidei suæ imbecillitatem non semel nec obscure prodiderunt, cum in mari periclitantes, Dominum excitarent, quasi dormiens seruare eos non posset, imò quasi vllō modo dormire aut dormire posset, qui custodit Israel. Profectò male nobis consultum esset, si Christus nō nisi corporaliter præsens seruare nos posset: verum meliora scimus, nempe eum & vbique esse, & omnia posse.

Nisi signa & prodigia videritis, &c.]

Mirè responsum suum temperauit Christus. Primò enim non omnino negat, se daturum quod ille petebat, ne in desperationem eum adigeret. Deinde nec

L iij statim

statim dat, quod ille petit: sed differt, vt
 ardentius petat, quemadmodum & Cha
 nanæam diu differebat. Interim autem
 eum arguit de incredulitate, quasi diceret
 ad quid tecum descenderem, cum non
 credas: Si enim crederes, nō me rogares
 vt descenderem, sed vt Centurio peteres
 tantum verbum à me, quo sanaretur fi
 lius tuus. Hoc autem dicit Christus, non
 quod abominetur regulum, aut quod no
 luerit filiū eius sanare, sed vt fidem eius
 imbecillum hac dura tentatione robustio
 rem reddat, ac doceat, eum credere non
 ē miraculis, sed ē verbo. Signanter autem
 obseruandum, quod plurali numero lo
 quitur Christus: [Nisi videritis, &c. non
 creditis,] vt sciamus, eum non soli regu
 lo hæc dixisse. Primò igitur hoc verbo
 Iudæos taxat, qui subinde signa quæres
 bant, aliàs non credituri quantumcunq;
 verbum Dei audirent. Hinc Moyses ad
 Dominum: non, inquit, credent mihi,
 &c. Atque in hoc plurimū degenerabant
 à fide patrum. Quæ enim signa viderat
 Abraham, cum ad verbum Domini exi
 ret de terra sua, &c. Item cum crederet se
 futurum in gentem magnam, &c. Deins
 de etiam nos arguit hoc verbum. Nam
 & nos signa quærimus, hoc est, volumus
 alio modo certificari, quàm per verbum.
 Cum enim audimus remissionem pec
 catorum aliàsque Dei promissiones, tūc
 nos credituros cogitamus, si aliquo sig
 no sensibili certi redderemur. Atque si
 fidelis es, sufficere tibi debet verbū Dei,
 etiam sine signis. Satis enim superque
 nostræ condescendit imbecillitati, quod
 in exordio & legis & euāgelij, verbo suo
 certa signa ceu quædam sigilla adiunxit,
 quibus certi redderemur, ea esse Dei ver
 ba. Nunc autem non amplius pro libidi
 ne nostra signa dat, sed vult vt verbo cre
 damus. Non enim ambulamus per spe
 ciem, sed per fidem. Hinc ad Thomam di
 cit: Beati, qui non viderunt, & credide
 runt. Nō igitur immeritò arguit eos qui
 etiam nunc signa quærent: Primò enim,
 nolle credere sine signis, est contra natu
 ram Dei: fides enim est substantia ear
 um rerum, quæ non videntur, sed spe
 rantur. Secundò, nolle credere sine sig
 nis, etiam Deo iniuriosum est, quasi
 ipse falli aut fallere possit. Tertiò etiam
 periculosum est, plus obseruare signa,

quàm * virtutem verbi Dei. Nam & Dia
 bolus signa facere potest, id quod vide
 mus in Magis Aegypti. Hinc & Moyses
 prohibet, ne prophætæ miracula facien
 ti, & interim contra legem docenti, fides
 habeatur: quia miracula ex falso verbo
 non faciunt verum, sed seducunt. Quod
 si autem vero verbo annexa fuerint, vera
 bum ipsum in sua veritate confirmant
 & obsignant. Postremò fides ex miracu
 lis imbibita, minus constans est: qui enim
 non propter verbum ipsum, sed propter
 miracula credunt, subinde in increduli
 tatem labuntur tempore tentationis, nec
 in fide perdurant, id quod videmus in
 Israelitis subinde cessantibus miraculis,
 dubitantibus, &c.

Domine, descende priusquam moriatur.]

Hoc verbo regulus magis fidei suæ
 infantiam prodit, idque dupliciter. Pri
 mò enim non solum non credit, quod
 Christus solo verbo suo possit sanita
 tem conferre, sed nec credit, quod mor
 tuum filium possit resuscitare. Quid au
 tem hoc aliud est, quàm verè parua fides?
 Quid aliud ab homine medico peteret?
 Atqui malè consultum nobis esset, si
 Christus tantum in hac vita nobis succur
 rere posset, non autem etiam in morte,
 & post mortem. Hinc Christus: Ego, in
 quit, sum resurrectio & vita: qui credit
 in me, etiam si mortuus fuerit, viuet, &c.
 Deinde etiam in hoc prodit incredulita
 tem suam, quod tantopere festinat. Incre
 dulus enim festinat, fides autem expe
 ctat: Qui crediderit, inqt, non festinet. Et
 iterum: si moram fecerit expecta, &c. Si
 cut igitur Chananaeæ mulieri duriter re
 spondit Christus, ac distulit, vt magnani
 mitatem fidei eius omnibus conspicuam
 faceret: Ita & hoc loco, Regulo duriter
 respondit, vt agnitā fidei imbecillitatem,
 fortiolem redderet.

Vade, filius tuus viuit.]

Vide benignitatem Dei, quomodo
 condescendat infirmitati nostræ. Non
 enim semper imperitiā nostram respi
 cit, sed etiam peccantibus & indignè de
 se sentientibus auxilium fert. Ipse enim
 nouit figmentum nostrum, ideo quo
 modo pater miseretur filiorum, sic ipse
 miseretur nostri. Deinde, quamuis du
 ris verbis eum increpauerit, nihilo ta
 men minus præstat, quod ille rogauerat.
 Non

* verbū
 ipsum
 Dei.
 Exod. 7
 Deut. 3

Ioan. 10

Esai. 56
 Abac. 2

Psalm. 136

Psal. 29.
 Psal. 88.
 Non enim in æternum irascitur, neque
 in æternum comminatur Deus. Ira quid
 dem in indignatione eius, sed vita in vo
 luntate eius. Hinc de Christo dicit: Si de
 reliquerint filij eius legem meam, &c. viz
 scribo in virga iniquitates eorum: Misere
 ricordiam autem meam non dispergam
 ab eo, Et Abacuc: Cum iratus fueris,
 misericordiae recordaberis. Summa
 quem prius terruerat, nunc summe con
 solatur. Hinc igitur discamus, bene spera
 re de Deo, etiã cum videtur iratus. [Va
 de, inquit, filius tuus viuit.] Hoc verbo os
 tendit se, etiam absentem, posse sanare.
 In hunc modum & Helizæus per inter
 nuncium mandauit Naaman Syro, vt se
 in Iordane septies lauret, nimirum vt
 homo gentilis hinc disceret virtutẽ ver
 bi Dei. Discamus & nos hinc virtutẽ ver
 bi Dei, hoc enim vnum idemq; dictum,
 & vera de præsentibus prophetia est, &
 sicut ex seruis postea comperit regulus,
 imperium vitæ est. Nedũ enim hoc ver
 bo sanitatem filij prædixit Christus, sed
 etiam effecit: Misit, inquit, verbum suum
 & sanauit eos. Et iterum: Nec herbam
 nec malagma, sed sermo tuus eos sana
 uit. Obserua autem, quod Christus non
 descendit ad filium reguli etiam rogatus,
 cum ad seruum Cæturionis vltro se ven
 turum obtulerit. Per hoc enim primò os
 tendere voluit, se plus posse, quàm ille
 speraret aut peteret. Deinde ostendit, alia
 esse iudicia Dei quàm hominum: Nos
 enim tantũ miramur, & suspicimus eos,
 qui diuitijs, nobilitate, potentia, conspic
 ui sunt: Contemnim⁹ autem pauperes,
 Deus autem humilia respicit, alta autem
 à longè cognoscit. Et plerunque contin
 git, vt qui ab hominibus magnificantur,
 apud Deum nulli sint, & ecõtra, qui apud
 homines pro nihilo reputantur, magni
 coram Deo sint. Discamus igitur in ho
 minibus potius pensare naturam, qua ad
 imaginem Dei facti sunt, quàm acciden
 talia bona, quibus in hoc mundo præ
 fulgent.

*Credidit homo sermoni, quem dixit Je
 sus, &c.]*

En vno verbo duos sanauit, patrem
 & filium, Sicut enim filius è verbo Chris
 ti, tanquam ex herba medica, sanitatem
 recepit: ita & pater ex eo robur fidei con
 cepit. Verbum enim Dei & infirmos sa
 nat, & sanos confirmat. Singula autẽ ver
 ba Emphasim habet. Primò enim quem
 prius regulum, hoc est, mundo deditum
 nominauit, nunc hominem nominat.
 Tunc enim hominis cognomine, digni
 sumus, cum cordis incredulitatem ab
 iicimus. Vel admiratiuè hominem
 nominat, quasi diceret: En homo ille,
 qui hactenus totus mundo deditus es
 rat, quique in primo congressu tam in
 firmam fidem habuit, is nũc ex vno Chri
 sti verbo, tantum robur accepit, vt nudo
 verbo Christi crederet. Arguitur igitur
 hoc verbo incredulitas nostra, qui tot
 tantaq; à Christo audiui⁹mus & vidi
 mus, nec tamen adhuc audemus verbo
 eius cõfidere. [Credidit, inquit, sermoni.]
 Vides quomodo creuit eius fides: Cre
 didit etiam prius, alioqui non accessisset
 ad Christum, sed infantiliter & ex mira
 culis, nunc autem credit, sed viriliter & ex
 verbo, quod vt potens est, ita reddit cre
 dentem etiam potentem. Atque ea de
 mum vera est fides & robusta, hæc effi
 omnia aduersa & contraria videantur, ta
 men non dubitat de verbo, sed certa est
 aliquando implendum verbum Dei, po
 tiusque cælum & terram peritura, quàm
 vnum Dei verbum. Talem fidem habuit
 Abraham, Dauid, Moyses, &c. Signanter
 autem dicit: [Credidit sermoni quem di
 xit Iesus,] quum tamen cum adhuc ni
 hil aliud quàm hominem prophetam es
 se crederet. Hinc igitur discamus etiam
 nos credere his quæ per prophetas & A
 postolos suos docuit Deus, non minus
 quàm si ipsum loquentem audiamus.
 Qui vos, inquit, audit, me audit. Postre
 mò addit: Et ibat, quod vel solum indi
 cat, eum verè credidisse: Nam solo & nu
 do verbo contentus abibat, infidelis au
 tem quisque voluisset certificari, quomo
 do & quando sanandus esset filius, num
 & medicina opus esset, & quæ medicina,
 & quomodo ea vtendum: hic autem con
 tentus est in eo, quod filius ex infirmita
 te liberaretur, quomodo & quando id
 fiat, Deo committit. In quo docemur,
 quæ sit fidei natura, nempe fidutiam de
 Deo concipere, quod seruaturus nos sit,
 quomodo autem, quando aut per quas
 afflictiones, nihil ad nos pertinet. Sic A
 braham egreditur terram suam, nesciens
 quò

Luc. 27

Luc. 104

Gene. 12
Gen. 22

quò sibi effeteundum. Sic expectat posteritatem, quanquam filium iuberetur
 Exo. 14. occidere. Sic Moyses educit filios Israel ex Aegypto, quāquam nesciret, quomodo Deus eos aduersus vim regis esset defensusurus. Sic quum staret ad mare rubrum, nesciens quo euasuri essent, iubet tamen eos consistere visuros magnalia Dei.

Iam autem eo descendente occurrerunt, &c.]

Hic vides quā verè dixerit Dauid: Junior fui, etiam senui, & nō vidi iustum derelictum, &c. Quamprimum enim Regulus ille in Christum credidit, statim sanatur filius, & omnia læta & prospera sunt in domo eius, ideo serui nescientes vnde tanta prosperitas contingeret, læti occurrunt, nunciant, &c. Bene igitur monet Christus: Primum quærite regnum Dei, & iustitiam eius, & hæc omnia adiungentur vobis. Sic monet & Dauid: Res

Matt. 6. uela Domino viam tuā, & spera in eo, & ipse faciet. Et item alius: Credite Do-

Psal. 36. mino & prophetis eius, & cuncta vobis euenient prospera. Hinc Iudæis per Psal-

2. Pa. 30. mistā improperat Deus: Si populus meus audisset me, &c. Pro nihilo forsitan inimi-

Psal. 33. cos eorum humiliassem, &c. Summa, si vitam, pacem, prosperitatem, desideras, & dies bonos, declina à malo, & fac bonum, &c. Timētes enim Dominum, non deficient omni bono, &c.

Interrogabat ergo horam ab eis, &c.]

Seruis læta nunciantibus, pater aliò spectabat. Nunciabant illi corporalem filij sanitatem, ipse autem & filium & seruos ad perpetuam animæ sanitatē perdere cupiens, interrogat horam, &c. Iam enim apud animum suum defixerat, vt si hora recuperatæ sanitatis illa esset, in qua dixit ei Iesus, Filius tuus viuit, iam de diuina illius magni prophetæ potentia non dubitaret, quòd ipse esset Filius Dei, & rex Israel.

Heri hora septima reliquit eū febris.]

Antiqui diem in duodecim horas diuiserunt. Septima igitur hora, proxima est post meridiem, atque hæc ipsa hora est, in qua omnis aeger peius habere incipit secundum naturam: quia tunc sol à

summo cæli incipit declinare, & cum declinatione solis omnis virtus ægri incipit cadere & declinare. Hinc igitur patet quòd hæc curatio non fuit naturalis, sed miraculosa. Vnde in Iob dicitur: Ipse vulnerat & medetur, percutit & manus eius sanabunt. Ingens autem consolatio nobis hoc verbo datur, nempe quòd Christus etiam vbi natura deficit, sanare & adiuuare potest. Non igitur est quòd desperemus, si tātummodo decreuerit, confestim liberabimur: In voluntate enim eius vniuersa sunt posita, &c. Imò ideo Deus opera sua plærunque diuerso modo agit, aliterque quā natura, vt discamus etiam deficiente natura, bene sperare.

Cognouit ergo pater, quòd illa hora esset, &c.]

Confert ipsum opus ad verbū Christi, & ex magnitudine operis agnoscit magnitudinem & virtutem verbi: & quia videt opus planè diuinum esse factum in filio suo, non dubitat quin & verbum ipsum, quod à Christo audierat, planè Dei, non hominis verbum sit. Sic supra Nathanael, cum Christus arcana quædam ei reuelasset: Rabbi (inquit) tu es Filius Dei, &c. Sic Nicodemus: Scimus (inquit) quia à Deo venisti, nemo enim potest hæc signa facere, &c. Discamus itaque & nos diligenter attendere, quæ circa nos agit Deus, factaque cum verbis Dei conferamus, vt vel tandem discamus virtutem verbi.

Et credidit ipse, & domus eius tota.]

Hic iam tertio de fide huius Reguli dicitur. Primò enim credidit cum accederet, sed infantiliter, & ex signis tantum. Secundò credidit verbo, sed vni tantum: hic iam tertio expertus verbi energiam, simpliciter credit, non vni verbo Christi, sed omnibus. Neque id mirum, quòd propter vnum hoc signum credidit. Non enim paruum fuit hoc signum. Per hoc enim Christus manifestè ostendit se vbique esse, vbique & omnia posse, & sola voluntate cuncta perficere, quod quid vel maius, vel iucundius annuntiari posset? Si enim vbique est, & omnia potest, & solo nutu, quid igitur est, quòd tantopere in aduersis trepidemus: quin potius

potius ad eum cum sancto Iosaphat clamamus: Quum ignoramus (inquit) quid agere debeamus, hoc vnum residuum est vt oculos nostros ad Deum leuemus. Quod igitur e verbo filius Reguli sanatus est, confirmat nobis etiam alia verba Christi, vt cum dicit. Ego sum lux mundi: Ego sum resurrectio & vita, &c. Sic i Mattheo, vt confirmet hoc verbum: Remittitur tibi peccata, addit miraculum, dicens: Surge, & ambula. Sic vt hoc verbum: Princeps huius mundi victus & iudicatus est, in sua veritate confirmet, adiecit miracula: Multos demoniacos curans a demonio, &c. Signanter autem addit: [Credidit ipse, & domus eius tota.] Vbi primo videmus, Regulum hunc boni patrisfamilias functum officio, in hoc quod familiam suo exemplo & verbo ad fidem prouocauit. Deinde videmus, vnus hominis infirmitatem profuisse ad salutem vniuersae familiae, vt vel hinc discamus Deum ideo aduersa immittere, non vt nos perdat, sed vt saluet. Nisi enim hic filius infirmatus fuisset, forsitan nemo ex illa familia credidisset. Huc pertinet, quod non seruus, sed filium infirmari permisit, vt eo seruientius pater Christum quaereret. Bene igitur monet Sapiens: Fili mi, noli negligere disciplinam patris tui, &c. Quem enim diligit, corripit, &c. Si familiam illam non dilexisset, permisisset eam in peccatis suis citra omnem admonitionem, &c. Hinc & Iacobus: Omne gaudium, inquit, aestimate fratres, si in tentationes varias incideritis. Obserua autem, quod signanter dicit: [Credidit ipse, & domus eius,] nihil de alijs Capernaitis dicens, sicut supra: Crediderunt (inquit) in eum discipuli eius, nulla mentionem faciens de alijs conuictis: vt vel hinc videamus paucitatem eorum qui verè credunt. Maior enim pars, etiam si videat & audiat, tamen in peccatis manet. Allegoricè: Sicut supradicta mulier Samaritana typus ecclesiae de Gentibus praetulit, sic filius illius Reguli, Iudaicum populum significat. Is enim tunc incepit mori, cum Gentium populus inciperet credere. Regulus autem pro filio rogans, nobilem patrum fidem rectè significat, quae pro salute illius populi apud Christum antiquis meritis etiam nunc intercedit. Facit ad hoc, quod mulier sexta hora ad Christum venit, hic autem septi

ma hora primum sanatur. Ascendente enim Sole iustitiae Christo in caelum, ecclesia de Gentibus credidit. Iudaicus vero populus, illo descendere incipiente, id est, signa & prodigia descensus sui ad iudicium praemittente, crediturus est. Moraliter: Regulus significat superiorem hominis portionem, filius infirmus, sensualitas est vel inferior portio, febris, peccatum. Nam & calorem & frigus habet, inordinatum scilicet amorem & timorem. Causa morbi, id est peccati, est iuuentus, nobilitas, abundantia rerum omnium. Facile enim in morbum labitur homo, vbi haec sunt. Hic morbus certò ducit ad mortem, nisi Christus subueniat. Ad ipsum igitur nobis currendum, imò festinandum est: Ne, inquit, differas conuerti ad Deum, &c.

Hoc iterum secundum signum fecit Iesus.]

Sicut in auri metallis ne minimam quidem venam negligit, qui rem intelligit, utpote quae ad diuitias augendas plurimum faciat, sic in diuinis scripturis, ne vnum iota praetermittendum est, quandoquidem certum est, nihil ibidem superuacaneum esse. Sic Ioannes hoc verbum non temere addit, sed adhuc Samaritanos admiratur, propterea quod Galilaei etiam post alterum signum apud ipsos factum, nondum peruenerant ad perfectionem eorum qui nihil viderant.

Caput quintum.



In hoc capite docemur afflictiones durare & differri, non vt pereamus, sed ad maiorem Dei gloriam: deinde quae sit ratio soluti sabbati. Nam Christus sabbato, quod maxime omnium obseruabile in lege erat, languidum sanauerat.

Post hac erat dies festus Iudeorum.]

Ostensa & Samaritanorum & Regum facta

- facilitate ad credendum, nunc reditū. Dum acciperemus. Adeo sanctam & veteris paschae rationem comprobabat, ut in qua fulgebat memoria veterum beneficiorum, in eadem nouorum cōderet veritatem Sacramentorum. Ioan. 19.
- Est autem Hierosolymis probatica, etc.*
- Locus erat sic dictus, eo quod sacra dotes hostias immolandas illie abluerent. Allegoricè: Hic videmus quis fuerit status mundi ante Christi aduentum: Primò enim multi erant infirmi, imò omnes. Nemo enim mūdus à sorde. Et: Omnes peccauerunt, &c. Deinde varia erant morborum genera. Aliqui enim erāt cæci, nescientes viā salutis: Alij claudi, scientes quidem viam, sed ingredi non valentes: aliqui omnino aridi, non percipientes influxum sensus & motus è capite, hoc est, à Deo. Interim nullum erat remedium, nisi piscina illa, quæ vniuersas Iudæorum caeremonias, imò vniuersum veterum sacrificiorum ritum, atque adeo legem ipsam significat, quæ quinque porticus habet: in quinque enim libris descripta est. Hæc piscina solum Hierosolymis erat, hoc est, tātum apud Iudæos. Atqui quantumuis adesset aqua, nemo tamen ex ea sanabatur, nisi prius è cœlo mota fuisset. Sic lex nullum iustificare potest aut potuit, nisi per Spiritū sanctum scribatur in corde, id quod paucis contigit. In hoc igitur statu, cum esset mūdus, superuenit Christus verus Saluator.
- In his iacebat multitudo magna, &c.*
- Miserabile spectaculum, ubi tot infirmi erant, & tam rara medicina. Atqui etiam nostris oculis tale spectaculum obiectum est. Quocunque enim nos vertimus, videmus aliquos, qui nostro auxilio opus habent. Ad hos autem quinque porticibus peruenire possumus, hoc est, quinque modis subuenire eisdem possumus. Primò corde, per compassionem. Secundò ore, per consolationem. Terriò opere, per supportationem. Quarto facultate, per subuentionem. Quintò etiam per orationem. Ad hæc autē potissimum nos mouere debet incertitudo mortis, & quod post mortem non est locus merendi. Nescit enim homo finem suum, &c. ideo quæcunque potest manus tua, In Eccle. 9.
- stanter*
- Sapi. 11.** retur enim omnium, & dissimulat peccata hominum propter penitentiam. Obserua quod Ioannes non exprimit quale fuerit festum illud: vnde plerique suspicantur festum fuisse pentecostes, quod & pulchrè mysterio congruit. Nam pentecostes festo, effusum est eximium illud donum Spiritus Sancti, quo ab omnibus animæ morbis sanamur. Sed huic obstat, quod supra dixit Christus: Nonne vos dicitis, quod adhuc quatuor menses sunt ad messiem. Claret igitur, quod ante festum Paschæ, hæc cum Samaritanis egit. Cum autem nulla alia festiuitas tūc proximior esset, quàm Paschalis, cogimur hunc locum de festo Paschæ intelligere. Nam nō est verisimile, quod Christus hoc festo neglecto, ad Pentecostē ascendisset. Vbi obserua quod Ioannes quatuor festa paschalia describit, ad quæ Christus ascendit, semperque insigne aliquid in eisdē festis perfecit. In primo siquidem festo, vendentes & ementes expulit, ac primū & maximè necessarium vitæ nostræ sacramentū verbis aperuit, dicens: Nisi quis renatus fuerit ex aqua & spiritu, &c. In hoc secundo festo paschæ veniens ad probaticam piscinam, eandem quam præterito anno verbis tantum commendauerat, factis quoque præfigurat baptismi sui potentiam. Terriò nihilominus anno circa eandem solennitatem facto conuiuio de quinque panibus & duobus piscibus, per occasionem cibi illius, aliud non minus necessarium saluti nostræ condidit Sacramentum, dicens: Nisi manducaueritis carnem
- Ioan. 2.** Filij hominis, &c. Quarto anno in eodem festo patitur, videlicet ut (sicut superioribus annis docuerat) nos in morte ipsius baptizaremur, & carnem eius ad manducandum, sanguinemque ad biben-
- Ioan. 4.**
- Ioan. 2.**
- Ioan. 3.**
- Ioan. 6.**

stanter operare, iuxta Sapientis dictum. Expectant igitur infirmi motum aquæ, hoc est, compassionem cordis tui, & sub-
 1ob. 29. uentionem, &c. Hoc cognoscebat Iob, Oculis (inquit) fui cæco, &c.

*Angelus autem Domini secundum tem-
 pus descendebat.]*

Hoc miraculo insignis Dei misericor-
 dia declaratur. Nam quum se promissi-
 set fore Deum & Patrem seminis Abra-
 hæ, nunquam non ferè præsentia suam
 miraculis testatus est, ut non frustra à
 Deut. 4. Moyse dictum sit: Nō est alia natio, quæ
 habeat deos ita appropinquantibus sibi, ut
 Deus noster adesset nobis. Sic egredienti-
 bus ex Aegypto, varijs & maximis mira-
 culis præsentiam suam circa eos proba-
 uit. Deinde ne videretur discessisse sub
 Helia & Helisæo, rursus se per miracula
 aperuit, ut patet in libris Regum. Postre-
 mō autem, ut nunquam non suam præ-
 sentiam proderet, sub Christi tempus, an-
 gelum mittit ad piscinam, &c. Et quan-
 quam iam verè in carne præsens erat,
 voluit tamen & alia suæ præsentia & po-
 tentia testimonia exhibere. Hoc autem
 facto etiam prælusit ad futurum baptis-
 mi Sacramentum, atque adeo homines ad
 ipsum baptismum præparauit, ut cū vi-
 derent in aqua piscinae morbos corporis
 sanari, non diffiderent etiam in aqua ba-
 ptismi peccata ablui.

*Et qui prior descendebat post motio-
 nem, &c.]*

Etiam hic vides quod Dominus ope-
 ra sua sub contraria specie exequitur.
 Nam per turbidam aquam homines sa-
 nat, quum tamen perspicua & clara aqua
 commodior videatur ad sanitatem. Sic
 aliàs vitam operatur per mortem, qua
 nihil vitæ magis contrarium est: gau-
 dium operatur per tristitiam, &c. Sic
 1 Re. 2. olim Helisæus aquas sanauit injecto sa-
 le, quum aliàs sal aquæ immixtus, steri-
 litatem afferat. Ideo autem contraria spe-
 cie sua opera exequitur, ut rationem no-
 stram cōfundat. Deinde ut sciamus eum
 nihil non posse, quantumuis humilia sint
 aut videantur instrumenta sua media,
 imō eum sua opera perficere posse etiam
 cessantibus medijs, hoc est, etiam om-
 nibus desperatis, Vel turbida aqua sig-

nat crucem, qua Deus nos sanat. Quia
 enim prosperis plerumque abutimur, &
 inde peiores efficiamur, idcirco aquam
 turbat, hoc est, aduersa immittit, ut ad
 Deum recurramus. Videtur quidem
 aqua turbida nihil facere ad sanitatem,
 videtur etiam tribulatio non saluare, sed
 perdere: verum in fine fructum pacatissi-
 mum reddit, exercitatis per eam, ut ait
 Paulus. Postremo per aquam illam pisci
 Hebr. 12. nae, baptismum nostrum præfiguratum est.
 Sicut enim in piscina morbi corporum
 sanabatur, sic in baptismo peccata. Dein
 de sicut aqua piscinae nō sanabat, nisi tur-
 bata vel mota esset ab angelo, ita ineffica-
 cia sunt omnia Sacramenta, & media, ni-
 si à verbo Domini moueantur, hoc est,
 nisi habeant verbi appendicem, & fide
 accipiantur. Præterea, sicut in piscina il-
 la nullus sanabatur, nisi primus descen-
 disset, ita nemo saluatur, nisi per Chris-
 tum primogenitum, fuerit & ipse primos-
 genitus factus. Omnia enim primogeni-
 ta legis, in Christum primogenitum res-
 piciunt, proinde ut credentes, alia bona
 Christi per fidem mutuo accipiunt: ita
 & primogenitura donantur, ut saluen-
 tur. Nam soli primogeniti ad Deum per-
 tinent, ideo & Paulus fidelibus loquens,
 Num. 30. dicit: Accessistis ad concionem primoge-
 nitum qui conscripti sunt in cælis. In
 Exod. 13. hoc autem baptismus noster piscinam il-
 lam excellit, quod non vno loco affixus
 Heb. 12. est, sed vbique haberi potest. Secundo,
 quod non vnum peccatum tantum, sed
 omnia tollit. Tertiò, quod non certis die-
 bus, sed semper pater: Est enim fons pa-
 tens in ablutionem peccatoris & men-
 struata. Nec vnum tantum sanat, sed om-
 nes. Omnis igitur nobis adempta est ex-
 cusatio, si in peccatis remanserimus. Atq;
 hic vides quàm abundè in nouo testamen-
 to gratia Dei effusa sit. Quod si illi tam
 diligenter expectabant mortis aquæ, pro-
 pter sanitatem corporis recuperandam,
 quanto magis nobis accurrendum est ad
 fontem gratia, ad thronum misericor-
 diae, ut gratiam inueniamus in tempore
 opportuno.

Erat autem quidam homo ibi, &c.]

Pulchrè diuus Ioannes in vno homi-
 ne hæc duo connectit, hominis scilicet
 naturam, & adhaerentem morbum.

M

Sic

- Sic enim in quolibet homine duo quædam videmus: Bonum scilicet quod fecit Deus, & malum quod adiecit Diabolus. Invidia enim Diaboli, mors intrauit in orbem terrarum. Et verè miserandum est, tam nobilem creaturam in tanta mala recidisse. Vnde & Christus quasi commiserans: Hanc, inquit, filiam Abraham, quam alligauit Satanas decem & octo annis, nonne oportuit solui, &c. Imò hæc ipsa commiseratio, ipsum è cælo traxit: Dominus, inquit, de cælo in terram prospexit, vt audiret gemitus cõpeditorum, &c. Et tamen plerique nostrum nondum sentiunt se miseros & deplorandos, quàm tamen in medijs malis sint. *Discamus igitur ex hoc loco, quanta mala nobis inuenerit peccatum.* Vnde enim tam variæ infirmitates, nisi ex peccato? Hinc Hieremias: Vide, inquit, quàm amarum sit reliquisse Dominum. Et iterum. Væ nobis, quia peccauimus. Deinde discamus ex hoc ægroto, quanta mala in nobis lateant. Quicquid enim malorum in alijs externè videmus, ea in nobis latent, nec ob aliud Deus miserandos aliquorū hominum morbos ob oculos nobis ponit, quàm vt vel hinc discamus, quàm misera creatura sit homo, quàmque misericorditer nobiscum agit Deus, nos præueniendo & præseruando à malis, in quæ aliàs incideremus. Quicquid enim malorū vni homini contingit, hoc omnibus contingeret, ni manus clementissima Dei præseruaret. Ideo autem Ioannes morbi diuturnitatem tam exactè ponit. Primum, vt miraculi magnitudo commendetur. Secundò, vt doceat, non fortuito hominem hunc tanto tempore morbo affectum fuisse, nec casu ægritudinem dilatam, nec temere ab alijs præuentum, nec sine causa hominem non habuisse, qui eum in piscinam mitteret. Hæc enim omnia voluntate Dei sic dispensata sunt, vt glorificaretur Christus. *Hinc igitur discamus omnes nostras afflictiones potissimum voluntate & opere Dei diutius durare, vt tandem Dominus in nobis glorificetur.* Sic infra de cæco dicitur: Neque hic peccauit, neque parentes eius, vt cæcus nasceretur, sed vt manifestentur opera Dei in eo. Sic Israelitæ non ideo tam diu, tamque diu in Aegypto afflictæ sunt, vt perderentur, sed vt glorificaretur nomen Domini ipsi liberatis, & rege potèntissimo delecto. Sic Iob multis mensibus in grauissimos inferni dolores coniectus est, vt per doloris diuturnitatem, manifestum fieret omnem hominè esse mendacem, Deum autem solum veracem, sicque nomen Dei per illū glorificaretur. Sic & Ioseph diu post somnium suū partim in seruitute, partim in vinculis mansit: sed nulla alia ratione quàm vt nomen Dei per illum glorificaretur: Nomen autem Dei glorificatur, quando facto quopiam manifestatur eius potentia, sapientia, aut misericordia, vt inde pii assurgant in laudem eius, & discant considerare & timere. Hinc igitur & nos discamus patienter ferre manum Domini, nec per insiditatem festinemus; sed per fidem expectemus, certi quòd etiam si Dominus moram fecerit, veniens tamen veniet, & non tardabit: adhuc quidem visus procul est, apparebit tamen in finè, & non mentietur.
- Hunc cum vidisset Iesus, &c.]*
- Quòd inter multos infirmos Christus hunc potissimum videt, imò cognoscit eum multum tempus habere, confirmatio est eorum quæ iam diximus, nempe quòd Dominus, etiamsi tardauerit, tamen veniens veniet. Hinc & Sapiens: In tempore (inquit) erit respectus illorū. Summa autem afflictorum cõsolatio esse debet, quòd Dominus eos videt, & insuper cognoscit eorum afflictiones. Sic in Aegypto vidisse dicitur afflictionem filiorum Israel. Deinde etiam ideo hunc potissimum vidit, quia omnium maxime deploratus erat: Excelsus enim Dominus humilia respicit. Itemque, quia eius calamitas profectura erat ad miraculi magnitudinem. Et demum, quia eius nobis fides conducebat ad exemplum. Sed cur (inquis) non eodem modo & alios respexit & sanauit? Primum respondeo, quia non vt medicus corporū, sed animarum venit, nec externa mala à suis semper aufert, quin potius crucem eis relinquit & prædixit. Deinde quia plerisque magis conducit infirmos esse, quàm sanos.
- Vt sanus fieri!]*
- Magna Dei misericordia, nō expectat ægroti preces, sed ipse eum præuenit, Qui

Rom. 3
Gen. 37

Abac. 2

Sapientia

Exod. 3

Psalm.

Qui enim percutit, ipse idem & sanat. *Osee. 14* Hinc in Osea dicit: Sanabo contritiones eius, diligam eos spontaneè, quoniam a uersus est furor meus ab eis. Huc pertinet quod in Psalmo dicitur: Vidit quum tribularentur, & poenituit eum, secundum multitudinem misericordiae suae. *Psal. 77* Et illud Tobiae: Quum iratus fueris, misericordiam facies. Congruè igitur Iudith nos monet: Non (inquit) ulciscamur nos pro his quæ patimur, sed peccatis nostris deputantes, credamus ea non ad perditionem, sed ad correptionem nobis accidisse. Sicut igitur Christus hic praeuenit ægroti preces, sic immensa sua misericordia, omnium ex fide laborantium vota praeoccupat. Iuxta illud Esaiae: Erit (inquit) antequam clament, exaudiam eos. *Esa. 65* Quamuis autem Christus desiderium pauperis huius iam dudum audierat, & præparationem cordis eius: tamè eum interrogat. Primò, ut eum ad petendum inuiteret, ac desiderium eius exciteret. Deinde, ut occultè doceat, se eum esse qui inuocatus sanare possit. Præterea hac interrogatione ostendit se nullum cogere, sed vnumquemque relinqui in manu consilij sui, num velit sanari: Apposuit (inquit) ei vitam & mortem, bonum & malum, quodcunque voluerit, dabitur illi. Non est igitur, quod expectes, donec Deus te cogat: satis enim superque quod suum est facit, dum gratiam suam tibi offert. Denique hac interrogatione subindicare voluit Christus, neminem ab animi vitijs sanari posse, nisi morbum suum oderit, & salutis desiderio teneatur. Demum etiam hoc verbo Apostolos docet, quod de homine non debet queri qualis sit persona, aut ex qua gente: sed hoc solum, vtrum peccata sua relinquere, & iustitiam operari velit. *Eccle. 15*

Domine, hominem non habeo, &c.]

Quasi diceret, Non deest mihi voluntas, nec etiam spes, sed hominis baiuli auxilio destitutus sum. Igitur si quid potes adiuua: Nam ex ipsa interrogatione tua, videris mihi auxilium polliceri. Hic igitur primò discamus fidem huius hominis, quam ex vna compellatione Christi concepit, ut nihil non magnum ab ipso expectaret. Vbi interim nostra

confunditur incredulitas, qua fit, ut quantumuis benignè nos Christus alloquatur, non tamen ei credimus. Deinde ex hac infirmi responsione videmus eius charitatem, quæ ut non inuidet nec irritatur, ita languidus hic non accusat, non conuitiatur, non maledicit alijs, qui ipsi sum praeuenerunt, sed citra contumeliam aliorum, narrat quod praeueniatur. Præterea etiam non paruam praeferit humilitatem, qua non audet aperte petere, propter suam indignitatē, quem admodum & alibi Publicanus ille non audebat faciem ad cælum leuare. Vides mus insuper in hac languidi responsione insignem eius tolerantiam in cruce. Non enim deuouet seipsum diris, non execratur diem natiuitatis, sed patientissimè suam calamitatem deplorat. Postremò insignem etiam eius spem & longanimitatem hic videmus. quamuis enim tot annis frustratus esset, non tamen desperat: sed exemplo ipsius Abrahæ cōtra spem in spem credidit. Atque hæc sunt quæ Christo placent, vnde protinus hac eius responsione delectatus respondit.

Surge.]

Christus solo verbo sanat, ut ostendat se plus posse, quàm prophetæ. Hi enim orando fecerunt miracula, Christus autem præcipiendo. Hinc turba mirabatur, eò quod loqueretur tanquam potestatem habens, & non sicut Pharisei eorum. Secundò, per hoc ostendere voluit, etiam eos qui motu piscinæ sanabatur, sua virtute sanari. Discamus & nos hic peccatata in baptismo ablui, non virtute aquæ, sed virtute verbi potissimum. Obserua autè quod Christus plus præstat, quàm miser ille sperare poterat. Is enim solummodo sperabat, se à Christo valido homine ad Piscinam deportandum, sed maiora accipit, nempe perfectam sanitatem. Sic Ioseph patienter expectans, nedum fratribus suis superior euadit, sed & toti Aegypto præficatur. Sic Iob, sic Tobias maiora accipiunt, quàm sperare poterant. Discamus igitur patienter expectare: Spes enim non confundet nos: Et omnes qui expectant Deum non confundentur. *Matt. 7*

Tolle grabbatum tuum, & ambula.]

M ij Hoc

Hoc præcepit Christus vt miracu-
lum celebrius reddatur, omnesque vi-
deant eum verè sanatum. Nam lectum
ferre non potuisset, nisi iam membra
firma & robusta facta fuissent. Ob ean-
dem causam & in nuptijs iussit Archi-
triclino vinum prægustandum offerre,
& discipulos fragmēta panum colligere,
& leprosum sacerdotibus se ostendere, vt
clariora fierent & magis conspicua eius
miracula. Deinde etiam ideo hoc langui-
do, sed iam sanato præcepit, vt alij viden-
tes eum in sabbato lectū portare (quod
lege prohibitū erat) quærerent facti cau-
sam, certioresque de miraculo fierent.
Vult enim Deus, vt opera sua conspi-
ciantur, ad aliorum excitationem.

Et statim sanus factus est.]

Rom. 1. Efficacia verbi demonstratur, vt cer-
tò sciamus, Euangelij verbum potētiam
Dei esse ad salutem omni credenti, vt
maximè extrinsecus contemptibile ap-
pareat, & à mundo persecutionem patia-
tur. Discamus igitur verbo fidem adhi-
bere, etiam si interim multa diuersa vi-
deantur. Quod autem infirmus ille præ-
ceptum Christi implet, fidei & confessio-
nis est. Oportet enim vt etiam corā alijs
confiteamur, quæ à Deo accepimus,
neque nomen eius erubescamus, qui
nos sanauit: alioqui & ipse nos nega-
bit coram patre suo. Moraliter: Infirmus

Luce 9. hic peccatorem quemlibet significat. Hu-
lus infirmitas xxxvii. annos habet: quia
à quadragenario numero, qui pœnitentia
est dedicatus, binario differt. Caret
enim dilectione Dei & proximi, & ideo
per pœnitentiam conualescere non po-
test. Hic infirmus seipsum sanare non po-
test: quia homo est spiritus vadēs & non
rediens, hoc est, valens peccare, sed non
resurgere. Sed nec hominem habet, qui
ei auxilio esse possit, tum quia peccatum
nedum naturam vulnerat, sed etiam pri-
uat communionē sanctorum: tum quia
solus & purus homo eum sanare non po-
test, sed oportet quòd sit Deus & homo.

Hunc igitur Christus sanaturus, primò
interrogat num velit sanari. Hoc au-
tem facit cum dicit: Nolo mortem pec-
catoris, sed vt conuertatur, & viuat:
Zach. 1. Item conuertimini ad me, & conuertar
ad vos. Item, Venite ad me omnes qui

laboratis, &c. Deinde eum sanat verbo,
& Sacramentis. Demum ei præcipit, vt
surgat è peccato, tollat lectum suum, hoc
est, diligat proximum. Quandiu enim lā-
guidus eras, portabat te proximus. Nunc
cum sanus effectus sis, porta tu vicissim
& aliorum defectus: Alter (inquit) alte-
rius onera portate, &c. Postremò præci-
pit, vt ambulet ad Deum, &c. Allegoricè
autem, hic homo significat populū Gen-
tilem, qui nedum grauius aegrotabat, cò-
quòd nullum remediū sciebat, sed etiam
diuturnius quàm Iudæi. Nam xxxvii.
annos habebat in infirmitate, id est, o-
lim desperatus erat, perdita corporis &
animæ temporali & æterna salute, frau-
datus vitæ præsentis pariter, & futuræ
veritate. Nam per xxx. annos (qui nume-
rus annorum plena viri ætas est) vitæ
præsentis perfectio, per octo annos vi-
tæ futuræ æternitas (cuius octo sunt
beatitudines, quæque octaua mundi æ-
tate perficietur) rectè figuratur. Hunc
igitur Christus sanauit verbo. Iudæis fru-
stra apud piscinā suam iacētibus, hoc est
frustra in aqua legis cōfidētibus. Sanatus
aut statim lectum suum portare coepit,
hoc est, manifesta veræ sanitatis indicia
ostendit, ac Christo per omnia obediuit.

Erat autem sabbatum in die illo.]

Hoc Ioannes signanter addidit, quia
inde Pharisei calumniæ seminarium ac-
cipiebant. Legis enim præceptum erat:
Nullum facias sabbato opus. Et in Hie-
remia: Custodite animas vestras, & nolite
te portare pondera in die sabbati. Quod
autem Christus præcipit, vt portet le-
ctum, non fecit in contemptum legis.
Non enim venit soluere legem, sed adim-
plere. Verum ideo mandat infirmo, vt
tollat lectum suum in sabbato, vt mani-
festus fieret miraculum. Si enim non
fuisset sabbatum, nemo interrogasset,
cur lectum portaret. Deinde, hoc
facto Christus ostendere & docere vo-
luit, veram sabbati rationem. Hanc e-
nim Iudæi verè nesciebant, quantum-
uis de sabbato suo gloriarentur. Primò
enim putabant, sabbatum tantum pro-
pter otium & cessationem à rebus ex-
ternis institutum, cum longe alia fue-
rit instituentis intentio. Non enim di-
xit: Septimam diem otio celebrabis,
sed

Galat. 6.

Exo. 16.
Hier. 17.

Matt. 9.

Exo. 16.

sed sanctifices. Aliud autem est otiosi, a
 Exod. 31. illud sanctificare: Illud etiam Pagani sci-
 unt, hoc autem soli fideles. Huc pertinet
 quod p Moysen dicit: Videte, vt Sabba-
 tum meum custodiat, vt sit signum in-
 ter me & vos: Vt sciatis, quia ego Domi-
 nus, q sanctifico vos. Ex hoc verbo pla-
 ne patet, Sabbatū Iudaicum vmbra ac
 signum esse, & veritatem habere abscon-
 ditam. Vmbra etenim est nullum seruale
 opus aut externum, vel manuarium fa-
 cere in sabbato, Veritas est, nullum pec-
 catum (quod verē seruale opus est, perpe-
 tuam seruitutem inducens) facere in sab-
 bato, verū sinere, vt per nos Deus sua
 sancta opera exequatur. Sicut in Esaia di-
 citur: Si auerteris pedem tuū, facere vo-
 lun-tatem tuā in die sancto meo, &c. (vo-
 caberis Sabbatum delicatū, &c. Iā quia
 nunquā licet peccare: qui enim Christo
 viuūt, peccato mortuus est,) Sēper enim
 oportet Adamum nostrum ferias agere,
 vt Deus nos sanctificet, ac opera sua per
 nos exequatur, proinde reuelato Euan-
 gelio, perpetuus est sabbatismus. Ideo Pau-
 lus ait: Qui ingressus est in requiē Dei,
 requieuit & ipse ab operibus suis, quēad-
 modū & Deus à suis. Et Esaia. Erit Neo-
 menia ex Neomenia, & Sabbatū ex Sab-
 bato. Deinde Iudaei sola externa & carna-
 lia legis superstitione seruabant, neglectis
 his quae erant praecipua & perpetuo du-
 ratura, nēpe charitate & iustitia, &c. quē-
 admodū Christus eis improperat. Duo
 Matt. 23. igitur nos hoc facto docuit. Primò, Sab-
 batum non propter otium institutū esse,
 sed propter sanctificationem. Secundò,
 charitatem omnibus legibus praeferen-
 dam. Finis enim legis est charitas. Et: Mi-
 Rom. 13. sericordiam volo, non sacrificium. Hinc
 Matt. 9. igitur discamus & nos, quomodo & qua-
 tenus constitutiones nostras seruare de-
 beamus, &c.

Sabbatum est, Nō licet tibi tollere, etc]

Etiam hic videmus, verū dixisse Pau-
 Ro. 10. lum, quod Iudaei aemulationē quidē Dei
 habebant, sed non secundū scientiā. Pri-
 mō enim nesciebant omnia praecepta le-
 gis in vnam charitatem dirigēda, quem-
 admodum Christus probat in Matthaeo:
 Matt. 12. Si, inquit, sciretis, quid est, Misericordi-
 am volo, & non sacrificiū, non condēna-
 seris innocentes. Deinde literā legis tan-

tū ponderabant, non aut intentionē insti-
 tuentis. Sabbatorum otium violasse, ne-
 farium erat apud eos: Proximum autem
 fraudasse, nullius erat momētī. Sabbato
 sustulisse Grabatum, impium haberi vo-
 lebāt: inuidere misero salutem, culpa nō
 erat. Huiusmodi praepostera iudicia, etiā
 in nobis videmus, &c. Et quamuis scirēt
 eum, q ligna in sabbato collegerat, iussu Num. 15
 Domini fuisse occisum, imprudēter ta-
 men illud exemplum ad hunc infirmum
 trahebant. Illic enim fuit cōtemptus, hic
 necessitas: Illic prohibitio Domini, hic
 autem praecceptum eius.

Qui me sanum fecit, ille mihi dixit.]

Non dissimulat beneficiū acceptum,
 & Domini Iesu autoritate, criminis in-
 uidiā à se depellens, significat eum, qui
 rem tantam verbo praestare potuerit, ho-
 mine simul & sabbato maiorem videri.
 Vtinam & nos semper in mente & ob o-
 culos haberemus Dei beneficia: tunc ea-
 nim intrepidē ac feruenter mandatis eius
 obediremus. Cū igitur grauiā tibi vi-
 dētur Dei praecepta, cogita quis ea prae-
 ceperit: itēque, cum mundus te propte-
 rea vituperat, contemnit, dic: [Qui me sa-
 num fecit, ille mihi dixit, &c.]

Quis est ille homo, qui dixit tibi, &c.]

Hactenus in eum, qui sanatus fuerat,
 inuecti sunt: nūc etiam salutis authorem
 calumniare incipiūt. Per hoc igitur pro-
 dunt seipsos, quod nec fidem nec chari-
 tatem habeant. Duo quaedam audierant
 ab homine illo. Primò, Qui me sanum
 fecit: Secundò, Ille mihi dixit: Tolle Gra-
 batum tuum. Primū autem omittētes
 quod bonum erat, illud tantū arrā-
 piunt, quod calumniae proximum vide-
 batur. Sic facit inuidia, non attendit bo-
 na, sed tantū mala, in eo quem odit.
 Debuerant Iudaei ex tanto miraculo fi-
 dem confirmare, potentiam Dei admira-
 ri, ac gloria eum celebrare, interim & sa-
 nato per charitatem cōgratulari, sed neu-
 trum faciunt. Impij enim ē mirabilibus Exod. 7
 Dei obstinatores fiunt, vt & in Pharaō-
 ne videmus. Sic plerunque hypocritae fi-
 cta iustitia tumidi, & fide & charitate va-
 cui inueniuntur, &c.

Nesciebat Iesum quisnam esset.]

M in

Vers

Verbum audierat à Christo, quod si
 Ioan. 20 de apprehenderat. Nō autem norat eum
 de facie, nec hoc quærit Christus: Beati
 enim, qui non viderunt, & crediderunt.
 Cū e contra corporalis Christi præsen
 tia Iudæis nihil profuerit.

Iesus enim declinauerat à turba.]

Subduxerat se Iesus. Primò, vt se ab
 sente testimonium hominis illius suspi
 tione careret. Secundò, ne aduersarios ir
 ritaret. Poterat quidē eos spiritu oris sui
 Philip. 2 perdere, sed seipsum exinanivit vsque ad
 extremam impotentiam, vt exemplo ei
 ius discamus, non tentare Deum, & de
 clinare iratorum insaniam, donec aliquā
 Prou. 27 tulum iræ deferuescat. Graue enim est
 saxum, & ponderosa harena, sed ira stul
 ti grauior vtroque. Tertiò, vt doceret
 nos post perpetrationem magnorum o
 perum, fugere gloriam hominum & ap
 plausum. Quarto, vt & nos quietum lo
 cum quæramus ad vacandum Deo. In
 turba enim plurima sunt obstacula deuo
 tionis & puritatis. Ideo signanter dicit,
 Eum declinasse à turba, nō à loco. A nul
 lo enim loco Iesus declinat: Nam vbique
 est. Sic spiritualiter Deus non declinat à
 Psal. 67 loco suo, qui est Ecclesia: Deus enim in
 loco sancto suo, sed ab his declinat, qui
 turbam faciunt in loco suo, id est, in Ec
 clesia.

Postea inuenit eum Iesus in templo.]

Non semel tantum Deus hominem
 visitat, sed subinde & frequenter, quādiu
 homo non obstinato animo ipsi repug
 nat. Quia autem iam cognitum erat mi
 raculum, nūc vult vt & miraculi author
 cognoscatur. Item, quem à peccatis se
 mel liberauit, hunc deinde prouocat ad
 gratiarum actionem. Obserua autē, quod
 eum in tēplo inuenit, non in delitijs aut
 vanitatibus mūdi. Vnde cognoscere pos
 sumus, eum gratum fuisse Deo pro sani
 tate. Longē aliter nos facimus: Statim
 enim, vt liberati sumus, in maiora mala
 prorumpimus, &c.

Ecce sanus factus es.]

Duo quædam ei inculcat. Primò sani
 tatem acceptam, vt gratus sit. Secundò
 futurum iudicium, vt timeat: hæc enim
 duo omnibus nobis necessaria sunt. Vi
 de autem, quib⁹ verbis eum alloquatur.

Non dicit: Ego te sanum feci, vt exem
 plum nobis daret humilitatis. Deinde
 non dicit: Ego te puniam, si peccaueris, Deu. 28.
 ob eandem causam. Quod autē ait: Noli Leui. 26
 amplius peccare, significat primò, quod
 plerūque morbi ex peccato proueniūt,
 vt patet ex lege. Deinde hic locus arguit
 eos, qui putant incongruum pro pecca
 to, quod breui tempore perpetratur, ho
 minem æternaliter punire. Hic enim ho
 mo non peccauerat triginta octo annis,
 & tamen tanto tempore punitus fuit.
 Tertiò ex hoc verbo videmus maiora
 mala imminere his qui relabuntur: fiunt
 enim nouissima hominum illorum pe
 iora prioribus. Vnde sapiens monet: Fili Mat. 12
 peccasti, ne adicias, &c. Item, Ne semis Eccle. 7
 nes mala in sulcis iniustitiæ, &c. Obser
 ua autē, quod aliter flagellātur iusti, aliter
 iniusti. Illi ad probationem, hi propter
 peccata. Deinde impijs afflictio perditio
 est. Iuxta illud: Populus non est reuer
 sus ad percutiētem se. Pijs verò est disci
 plina, qua docentur effugere iram Do
 mini, & voluntati eius obsequi. Hinc
 Paulus: Dum iudicamur (inquit) à Do
 mino corripimur, vt non cū hoc mundo
 damnemur. Summa, quamdiu sub le
 ge & in peccatis sumus, punimur pro
 pter peccata: Quando autem sub E
 uangelio sumus, punimur ad proba
 tionem, Duo autem in omni afflictio
 ne consideranda sunt, iudicium & mi
 sericordia. Iudicium, quod propter pec
 cata punimur. Misericordia, quod punis
 ens non in hoc punit, vt perdat, sed vt
 conuertat, modò ei credamus. Hinc Na
 hum dicit: Bonus Dominus & confor
 tans in die tribulationis. Et in Psalmo: Psal. 49
 Inuoca me in die tribulationis, eruam
 te, &c. Obserua item, quod Christus
 dicens, Noli amplius peccare, subindi
 cat, se vidisse priora eius peccata, vt
 vel sic eū à peccatis deterreret. Demum
 etiam hoc obserua, quod Christus pri
 mò blandē allocutus est infirmum, nunc
 autem sanato viuendi præcepta dat, & fu
 tura mala pronuntiat, si ingratus fuerit.
 Sic Euangelium primò quidem blandē
 nos alloquitur, nihil de operibus dicit,
 sed citra omnia merita gratiam pollice
 tur. Postea autem etiam viuendi præ
 cepta præscribit, imò & futurum ius
 dicitur comminatur ingratiss.

Qui

Mat. 24
& 25. Qui igitur primam Christi vocem am-
plectitur, qua gratis offert gratiam, is etiā
audiat eum praecepta viuendi proponen-
tem: alioqui, nihil prodest Christum au-
dire in vno, nisi eum audias & in altero:
Mat. 17. Vult enim Pater, vt eum simpliciter sine
exceptione audiamus. Vides igitur, quos-
modo seipfos tam miserē decipiant, qui
tantum ex euangelij promissiones arri-
piunt, alia autem nihil curant.

*Abijt ille homo, & nuntiauit Iudæis,
&c. c.]*

Sunt qui putant hominem maligno
animo hæc Iudæis nūtiasse, id quod sum-
ma fuisset ingratitude: quanquam non
raro videamus, quosdam pro acceptis
beneficijs nedum gratias non referre, sed
insuper pro benefactis mala rependere.
Imò maior pars hominum tantam ingra-
titudinē Deo exhibet, vt quotidie expe-
rimur. Verum, cum charitas non suspi-
cetur malum de proximo, sed semper be-
ne de ipso speret & credat, veresimilius
mihi videtur & magis congruum, si dica-
mus eum bono animo hæc Iudæis nū-
tiasse, nempe vt cognito tanto medico,
cessarent persequi eum, imò & ipsi accu-
rerent, sanitatem animæ accepturi. Cum
enim hactenus multa bona de homine
hoc subindicarit euāgelista (nempe quod
in infirmitate, & fidem, spem, charitatem,
& tolerantiam ostenderit: Et post sanita-
tem recuperatam non alibi, quàm in tem-
plo inuentus sit) nulli dubium est, quin
& hoc in eius commendationem dixerit
Ioannes. Huc pertinet, quod eum homi-
nem nominat, quo nomine indignus fuisset,
si in tantum benefactorem tam ingra-
tus imò tam crudelis fuisset. Maximè au-
tem pia eius intentio, ex verbis ipsius pro-
batur. Non enim quasi accusans dixit,
quod Iesus esset, qui tollere Grabatum in
Sabbato imperasset, sed qui eum sanum
fecisset: quare patet nihil eum aliud vo-
luisse, quàm medicum ostendere. Alioqui,
si maligno animo hæc dixisset, vtique
miraculum ipsum obticuisset, tantumq;
arripuisset id, quod calumniæ proximū
erat, quemadmodum & Iudæi supra fe-
cisse memorantur. Hic igitur vides, quid
faciat & inuidia & charitas. Sicut enim
illi suprā, partem illam quam criminare
non poterant, silentio præterierunt, tan-

tumque arripuerunt quod malum videretur,
sic hic econtrā, partem illam, quam
illi criminabantur, silentio præterit, par-
tem autem nulli patentem reprehensionem
nuntiat insidiatoribus. Sic enim charitas
facit, bona tantum videt in proximo, ma-
la dissimulat, inuidia autem contrarium
facit. Habemus igitur in homine hoc plu-
ra exempla notatu dignissima. Primò es-
nim opus Dei in se factum alijs manifestat,
nec semel tantum, sed subinde: nec opus
tantum, sed & authorem: Hoc enim
à nobis exigit Deus. Hinc Petrus: vos
estis gens sancta, &c. vt enarretis virtutes
eius, qui vos vocauit, &c. Et in Tobia
opera Dei confiteri honorificum est. Secūdo
non contentus est homo ille propria
sanitate, nisi & alijs medicum ostenderet.
Sic & vnicuique nostrum Deus mandauit
de proximo suo. Tertiò etiam è templo
exit ad eos, qui foris erant, vt ad Christum
eos introduceret. Non sic fecissent
hypocritæ, sed suam deuotionem fictam,
charitati & proximorum saluti præposuissent.
Verus autem Christianus, nonnunquam
quieti præponit laborem, propter salutem
proximi. Non enim sibi viuere, sed alijs
proficere studet. Quartò, verbum illud,
quo Iudæi prius offensi erant, nunc obticens,
tantum ea loquitur, quibus moueri in amorem,
& admirationem Christi poterant. Sic verè
pius non addit oleum igni, hoc est, si quē
videt commotum contra alium, non instigat
aut incitat, sed mitigare eum studet. Non
sic faciunt detractores, &c. Quæ autem
hactenus de homine illo dicta sunt, hæc
in hunc vsque diem facit Ecclesia de
Gentibus. Semper enim virtutem & no-
men saluatoris sui confitetur, volentibus
nolentibus Iudæis, imò nonnunquam è
templo exit ad eos foris positos, vel potius
flagellis eiectos, vt eos in templum
reducatur. Verum sicut homo ille frustra
Iudæis Christum nuntiauit, sic & Ecclesia
nunc frustra laborat in Iudæis conuer-
tendis. Stat enim foris senior frater indig-
nans, quod iuniorem filium pater in gratiam
recepit, nec intrare dignatur, do-
nec ipse pater exeat, & per semetipsum
eum introducat.

Propterea persequebatur Iudæi Iesum.]

*Etiā hic se prodit Iudæorum exitio
M iiii digna*

Luc. 15

digna peruersitas. Samaritani in eum cre-
 diderant cum biduo tantum apud eos fu-
 isset, nec aliquod signum fecisset. Galilæi
 cum pauca vidissent signa, tamen redeun-
 tem suscipiunt, & hi tamen inter Iudæos
 ob ignobilitatem & legis imperitiam ma-
 le audiebant. Regulus mundanus scilicet
 homo, ob vnum miraculum cum omni
 domo sua credidit. Hierosolymitæ autē,
 & vrbis nobilitate & templi religione tu-
 mentes, & exacta legis peritia sese vendi-
 tantes, viso tam ingēti miraculo, nedum
 non credunt, sed & persequuntur. Empha-
 sim autem habet quod dicit: Propterea,
 quod hæc faciebat. Iusta nimirum causa
 erat, ob beneficium tantum persequi sal-
 uatorem, cum ob id vel potissimum as-
 mandus esset, quod semper omnibusque
 diebus paratus est succurrere. Hic igitur
 videmus insignem eorum cæcitatem, in-
 dignantur Iesu, quod hominem miseran-
 tē sanasset Sabbato, cum ipsi qui sibi vi-
 debantur legis tenacissimi, non vererentur
 asino in puteum delapso succurrere in
 die Sabbati. In homine sanato calumni-
 antur offensum Deum, sine cuius auxi-
 lio non poterat sanari homo: In asino
 subleuato non existimant violari Sabba-
 ti religionem. Et cum Sabbatum ad re-
 quiescendum miseris feruentibus, & ad
 reparandos artus solutos datum sit, dicen-
 te Moysē: Vt requiescat bos tuus, & ser-
 uus, & ipsi iudicabant opus morte dig-
 num, quod Christus requiem præbuerat
 infirmo laboranti. Deinde videmus hic
 insignem eorum malitiam. Euidētius e-
 rat signū quā vti negari, sanctius quā
 vti reprehendi posset, quid enim sanctius,
 quā homini calamitoso gratis dare salu-
 tem? & tamen cum opus ipsum calum-
 niari non possent, Sabbati violationem
 impugnant. Sic enim inuidia semper in-
 uenit quod calumniatur, quasi Deus non
 possit dispensare in lege sua, vel quasi Sab-
 batum in præiudicium hominis institu-
 tum sit, vel quasi cæremoniæ plus obli-
 gent, quā præcepta charitatis, vel quasi
 Sabbatis non liceat benefacere, cum om-
 nia hæc contrario modo se habeant. Pri-
 mō enim potest Deus in lege sua dispen-
 sare, & excipere quos vult. Sic cōtra præ-
 ceptum: Non occides, excepit magistra-
 tus, quibus commisit gladium: Sic cō-
 tra præceptum: Non facies furtum, dis-

pensauit cum Iudæis, dum eis præcepit,
 vt spoliarent Aegyptum. Deinde Sabba-
 tum ad vtilitatem hominis institutum
 est: Nō enim homo propter Sabbatum,
 sed Sabbatum propter hominē est. Præ-
 terea, non cæremoniis præcepta charita-
 tis, sed præceptis charitatis cæremoniæ ce-
 dere debent. Non enim qui cæremonias
 seruat, sed qui diligit proximum, legem
 impleuit. Demum etiam Sabbatis licet
 benefacere, imō tunc vel maximē tene-
 mur benefacere. Scriptum enim est: Sab-
 bata sanctifices, hoc est, sanctis operibus
 insistas eo die. Non igitur mirandū, quod
 Christus potissimum Sabbatis miracula
 faciebat. Non enim hoc fecit in contem-
 ptum legis, nec vt eos prouocaret, sed
 quia lucerna erat, & vt luceret in tenebris
 in mundum venerat, ideo non in abscon-
 dito, sed super candelabrum ponendus
 erat. Nemo enim accendit lucernam, &
 ponit eam sub modio, sed super cande-
 labrum. Bene ergo in oculis omnium, lu-
 cem suorum operum propalare debebat:
 Bene in Synagogis & in templo, quo om-
 nes Iudæi conueniebant, operari & doce-
 re illum decebat. At illi non qualicumque
 die, sed Sabbatis & Neomeniis aliisque
 festis, solempnes agebant conuentus. Opor-
 tebat igitur, vt tunc cum domus plena
 esset, expanderet lumen corporaliter in
 se inhabitantis diuinitatis, vt oculi sim-
 plices in lumine eius gauderent, & oculi
 nequam excusationem de peccato suo
 non haberent. Hæc enim lucerna nullum
 oculum, ob sui præsentiam, nequam esse
 faciebat, sed tantum à simplici oculo dis-
 tinguebat, quemadmodum artifex per
 ostensionem artis suæ, neminem bonum
 vel malum esse facit, sed tantum ab effe-
 ctis deprehendit & discernit, quis inuidus,
 quis erga se beneuolus sit.

*Pater meus vsque modo operatur, & ego
 operor.]*

Hoc verbo rationem reddit violati
 Sabbati, id quod & in alijs Euangelistis
 fecisse legitur, sed multo aliter. In alijs
 enim adducit exemplum Davidis, qui le-
 gem de panibus propositionis in necessi-
 tate violauit: adducit & exemplum sacer-
 dotum, qui Sabbato violabant legem.
 Itemque eorum, qui ouem collapsam
 fouea extrahunt die Sabbati. Hic autem
 ada

Ioan. 4.

Mat. 11.

Rom. 13.

Exo. 10.

Ioan. 11.

Mat. 10.

Ioan. 10.

Colos. 1.

Ioan. 10.

Deut. 5.

Luc. 14.

Rom. 13.

Exod. 3.

Mat. 11.

adducit auctoritatem Patris, docetque simul & se operari & Patrem. Nec mirū, quod hic sublimius & diuinius rationem reddit: Illic enim discipulos excusat, hic seipsum. Est autem sensus verbi, quasi diceret, Pater meus caelestis, cuius vos videri vultis religiosi cultores, quique vobis Sabbati fuit author, cum orbe sex diebus condito, septimo requieisset ab opere, non ita se obligauit otio, quoniā quies visum est, possit quae velit operari. Nam cum illius Sabbatum adhuc daret, non cessat tamen ab opere, quo gubernat omnia quae condidit, quo subinde res alias ex alijs progenerat, quo collapsa restituit. Sicut igitur ille ob religionem Sabbati, quo dicitur ab opificio mundi conqueuissse, non desinit quotidie bene facere mortalibus, ac rebus omnibus: ita & ego, qui filius illius sum, ab eo & exemplum & potestatem habes, operandi quae faciunt ad salutem generis humani, non impediō religionem Sabbati, quo minus ea perficiam, quae Pater mandauit. Quod igitur in alijs locis dicit: Dominus est Filius hominis etiam Sabbati, hoc loco exponitur, cur & quomodo sit Dominus Sabbati. Deinde hac oratione breuissimē & apertissimē docet, se Patri aequalem in natura & operatione. Quod eiusdem naturae sit, patet ex eo quod non dicit: Pater noster operatur, sed meus. Deinde nō tantum dicit: [Pater meus operatur,] sed cōfessim addit: [Et ego operor.] Ipse enim verbum & viuens consilium atque virtus Patris subsistens est, ac ideo vniuersa operatur cum Patre: Ideo, vt iratos sibi propter Sabbatum, reconciliaret: [Pater meus (inquit) vsq; modo operatur, &c.] quasi diceret, Si creditis nutu & voluntate opificis Dei, Sabbati quoque die omnia gubernari, ac solem quidem oriri, fontes fluere, plantas ē terris prorumpere, &c. cur temere cum accusatis, per quem Pater omnia operatur? Omnia enim Pater non aliter, quā per verbum, virtutem & sapientiam suam, qui Filius eius est, peragit. Subindicat etiam hoc verbo Iudaeorum calumniam, quam sibi impingebant, in ipsum Patrem recidere, vt vel sic eos abstergeret ab huiusmodi calumnijs. Sic enim & alibi ait: Qui me odit, & Patrem meum odit. Sic & nūc quicquid iustis, qui Filij Dei sunt, interrogatur, hoc in ipsum Deum recidit. Qui (inquit) tangit vos, tāgit pupillam oculi mei. Signanter autem pertinet locus iste ad prouidentiam diuinam, quo discimus Deum omnia in omnibus operari. Ex ipso enim tanquam principio, per ipsum tanquam medium, & in ipso tanquam in fine, sunt omnia. Qua sententia, si quis eam ratione metiatur, nihil videtur absurdius: Contra, pī nullam praesentiorē habent consolationem, quā quod sciunt, in manu Dei esse vitam, victum, & mortem ipsorum, omniaque sua regi & disponi praesente Patre. In omnibus igitur aduersis bene confidunt pī homines: Certi enim sunt, quicquid sibi euenerit, ē manu Dei euenisse. Deus autem non affligit vt perdat, sed vt seruet: non mortificat, vt pereamus, sed vt viuificemur. Cogitationes (inquit) meae cogitationes pacis sunt, & non afflictionis. Postremo, hoc verbo latenter etiam minatur Iudaeis, & omnibus impijs, ne putent Deum omnino dormire nūc, & nihil curare nostra, quandoquidem scriptum est, eum requieuisse ab opere suo. Non (inquit) dormit Pater, sed operatur vsque nunc, quibus cunque enim diebus & occidit, & viueret facit, percutit & sanat, & quacunque die apprehenderit hominem dignum morte, quacunque die peccator in manus eius inciderit, non est Sabbatum, quod illum de manu eius possit eruere. Et quia iam vos homicidium contra me cogitatis, scitote, quod Pater meus iam operatur, delet enim vos de libro suo: imo peccatum vestrum stilo ferreo in vngue adamantino scribit, forti scilicet opere, & profunda scriptura, quam in aeternū nemo delebit. Hinc igitur & nos timere discamus.

Propterea ergo magis persequabantur eum.]

Peccatum quod per poenitentiam non diluitur, semper suo pondere ad maiora trahit. Sic hi primō odiunt Christum, secundo persequuntur, nunc etiā interficere quaerunt, vt appareat, non sine causa Paulum in eos torfisse illud Davidicum: Vt loces pedes eorum ad effundendum sanguinem.

Quod Patrem suum dixisset Deum.]

Chrls

Zach. 2.

Rom. 1.

Hier. 29

Gene. 1.

Hic. 17

Rom. 3.

Psal. 139

Ioan. 1.

Christus simpliciter dixit, patrem suum esse Deum, quemadmodum Deus Pater est omnium piorum, sicut in propheta dicit: Factus sum Israeli Pater, & filius meus primogenitus Ephraim: sed Deum ita Patrem suum dixit, quod omnia sua opera, Dei Patris sint opera, hoc est, quod eiusdem sit potentiae, essentiae, gloriae, adeoque planè vnus Deus cum Patre. Et hoc etiam intellexerunt Iudaei ex verbis Christi, vt vel hic videamus Arrii malitiam, qui hoc videre vel non potuit vel noluit, quod Iudaei intellexerunt & viderunt. Nisi enim sic intellexissent, nō habuissent iustam calumniandi causam. In hoc autem mentiuntur, quod Christus se fecerit aequalem Deo: hoc enim co-

Hier. 31. nati sunt & Angelus & homo. Christus autem non rapinam arbitratus est, esse se aequalem Deo. Nec se ipsum glorificauit, vt pontifex fieret, sed qui dixit illi: Filius meus es tu, &c. Vel aliter: Aequalem se Deo facere, blasphemia est in creatura, in Christo autem veritas, quia verè cum Patre est, eiusdem gloriae, potentiae, & naturae.

Phil. 2.
Hebr. 5.

Amen dico vobis, non potest Filius à seipso, &c.]

Cognita malitia illorum, pergit illos clarius, exposita potestate quam à Deo Patre accepisset, deterrere ab impia crudelitate. Mirè autem sermonem temperat. Nunc enim sublimia quaedam loquitur de diuinitate sua, ob causam iam dictam, nimirum, vt diuinæ virtutis sublimitas eos cohiberet ab impia temeritate: Nunc humiliora quaedam admiscens, ne suapte sponte iam offensos plus irritaret ad insaniam. Per hoc autem exemplum dedit prædicatoribus, vt discretionem obseruent in verbis suis. Non enim satis est, docere quæ vera sunt nisi ita doceas, vt ædificet. Videtur autè hoc verbum sonare quandam impotentiam insufficientis naturæ, atque in hūc sensum Arrius hoc verbo vsus est, ad stabiliendum errorem suum: Quomodo, inquit, Filius æqualis esse potest Patri, cum ipsemet dicat: [Nō potest Filius à se quicquam facere:] Verum non attendit miser, quando & quibus Christus hæc dixerit, & quam ob causam tā humiliter de seipso locutus sit, sed nec illud attendit, quod ante & post tam

magnificè de se loquitur sit. Hæc est enim natura hæreticorum, tantum ea obseruare, quæ ipsorum opinioni consonare videntur. Sed valeat Arrius, nos verba ipsa penitus introspeciamus. Primò igitur, ex hoc verbo habemus insigne exemplum pñ cordis, ex eo, quod Christus quantumuis magnificè de se loquatur, tamen Deo Patri cedit authoritatem, & omnia illi accepto fert. Si hæc Filius Dei facit, erubescat miser homo, si quid sibi ipsi attribuit: Quid enim habes, inquit Paulus, quod non accepisti? &c. Deinde verbum hoc quantumuis humiliter sonat, veram tamen, certam, stabilemque Filij Dei omnipotentiam prædicare comprobatur. Si enim potest facere, quicquid videt Patrem facientem, certum est, eum omnipotentem esse. Quis enim alius hoc potest? Præterea, quod maius est, hoc ipso verbo indicat, se non posse, nisi quod bonum est, facere. Qui enim malū facit, à semetipso facit, quia solus facit: quia seorsum extra Deū & Patrē facit. Filius autē nihil potest à seipso facere, ergo nō potest peccare. Quis autem vel angelorum vel hominum, ita castum se habere cor gloriaripotest, vt dicat, quod à seipso quicquam facere non possit? Nam Angelica natura potuit facere malum, & fecit: Et humana natura potuit facere malum, & fecit. Deinde, si Filius nihil potest facere, nisi quod videt Patrem facientem, certū est, quod male facere non potest. Quid enim videt Patrem facientem, nisi omne bonum? Vidit enim Deus cuncta quæ fecit, & erant valde bona. Hoc igitur verbo primò percutit Iudæos, qui calumniabantur eum male fecisse sanando infirmum in Sabbato. Deinde etiam Arrium percussit, qui impio ore delatrauit, Filium Dei esse conuertibilem, hoc est, de bono ad malum flexibilem, quemadmodum homo & Angelus, Sed audi miser, Quid vnquam vidit Filius Patrem suum intus & foris, in cælo & in terra facientem, nisi valde bona? Sed ipse non potest quicquam facere à seipso, nisi quod videt Patrem facientem. Ergo non nisi omne bonum Filius facere potest, & ex consequenti, de bono in malum flexibilis aut conuertibilis non est. Hic igitur discant adoptiuus filij à naturali filio Dei, vt & ipsi nihil faciant, nisi quod viderint Patrem facientem.

1. Co. 4.

Pro. 26.

Gene. 1.

Gene. 1.

tem. Videmus autem, quod Deus Solem suum oriri facit super bonos & malos, &c. quod benignus & misericors est, & præstabilis super malitia, quod denique fidelis est in verbis suis, & sanctus in omnibus operibus suis. In his igitur imitatur Patrem nostrum. Hinc & Christus: Estote, inquit, perfecti, sicut & Pater vester, &c. Et Paulus: Estote imitatores Dei, sicut filii charissimi, &c.

Quæcumque enim ille fecerit, hæc & Filius, &c.]

Præcedenti sententia indicavit, se nihil nisi bonum facere posse: hic autem maius aliquid ostendit, nempe, quod eadē cum Patre operetur, & quod nullum vñquam bonum à Patre factum sit, sine cooperatione Filij. Tria autē magnifica hæc breui sententiola indicat, scilicet quod hæc ipsa faciat, quæ Pater facit, & non alia; nec parrem aliquam ex eis, sed omnia, & quod non dissimiliter, sed similiter, id est, quod Patre faciente per naturalem omnipotentiam, non faciat Filius per accidentalem vel indultam sibi gratiam: quod Patre faciente impassibiliter, non faciat Filius passibiliter: quod Patre faciente inconuertibili imperio, nō faciat Filius conuertibili artificio. Hoc igitur verbum exponit id, quod supra dictū est: Omnia per ipsum facta sunt. Ne quis enim putet, per verbum, vt per instrumentum, omnia fecisse Deum, dicit: [Quæcumq; Pater facit, hæc & Filius facit similiter] id quod instrumentum non potest. Deinde hoc verbo exponit etiā id, quod supra proximē dixerat: Non potest Filius facere, nisi quod videt, &c. Non enim est intelligendum, Patrem & Filium, quædam modum duos artifices, magistrum & discipulum illum facientem, istum in alia materia opus magistri imitantem: sed sic intelligatur Deum Patrem omnia facientem, & cum illo Deum Filium eadem cuncta componentē. Huc pertinet, quod sapientia Dei (quam & Filium Dei nominamus & verbum) apertē de se ipsa testatur: Quādo, inquit, præparabat cælos, aderam, &c. cum eo eram cuncta componens, &c. Vides igitur ex hoc verbo, eandem esse Patris & Filij operationem. Si autem Filius omnia operatur cum Patre, quis non videt, quā securi sedeant Christi

stiani, qui tam potentem habent regem, dummodo sub alis eius permancant: Qui, inquit, habitat in adiutorio altissimi, in protectione Dei cæli commorabitur, &c. dicit Domino: Susceptor meus es tu, &c. per totum psalmum.

Pater enim diligit Filium.]

Hoc verbum supra in testimonio Ioannis explicatum est, ideo autem hic repetitur, vt videamus vnde sit illa tam concors societas, & socialis concordia inter Patrem & Filium, vt alter sine altero nihil faciat: [Pater (inquit) diligit Filium.] Nec mirum. Nam & dilectio facit, quod pater carnalis filio omnia & acquirat & donet externa, libentissimē etiam daturus interna, vt pote sapientiam, prudentiam, probitatem, si posset. Quid igitur mirum, quod Deus omnia cum Filio comunicat quem diligit, non accidentali dilectione, sed essentiali, quæ nihil aliud est, quā Spiritus sanctus. Deinde hoc verbo iterum terret Iudæos, imō omnes impios. Si enim Pater diligit Filium, certe non inultum sinet, si quis Filium contumelia afficiat, & opera eius calumniatur. Hoc ipsum attendant, quicumque Christianos, qui Filij Dei sunt, offendunt vel lædunt: Pater enim diligit filios. Nec sine causa dixit: Qui tangit vos, tangit pupillam oculi mei. Summam autem consolationem hoc verbum pijs omnibus præbet. Si enim Pater diligit Filium, diligit etiam omnes quotquot Filio per fidem incorporati & insiti sunt. Hinc & supra dixit: Accepimus gratiam pro gratia, Et infra: Ipse Pater amat vos, quia me amastis & credidistis, &c. Ab hac autem dilectione Dei, nemo nos separare potest, neque mors, neque vita, &c. Quid igitur timemus? Dominus (inquit) resugium nostrum & virtus, &c. Propterea non timebimus, dum turbabitur terra, &c.

Et omnia demonstrat ei quæ ipse facit.]

Etiā hic humiliter de se loquitur, Christus, quod & ipsum arripuit Arrius, probare volens ex hoc, Filium non esse æqualem Patri. Verū eius insania, vbique in hoc Euangelio redarguitur. Ideo autem Christus tam humiliter de se loquitur, ne si semper magnifica de se diceret,

Psal. 90

Ioan. 3

Zach. 2

Ioan. 7

Ioan. 16

Rom. 8

Psal. 45

Prou. 8

diceret, Iudæis alioqui insanientibus, maiorem insaniendi occasionem daret. Pater igitur Filio omnia monstrat, non quasi depicta in tabulis, nec quasi ignorantem doctrina iuuans (omnia enim Filius Dei velut Deus nouit) sed totum seipsum in natura Filij sic pingens, vt quæcunque in se habeat, in Filio demonstret. Hinc dictum est: Nemo cognoscit Patrem, nisi Filius, & e contra. Igitur, si secreta Patris volueris cognoscere, ad Filiū festina. Ipse enim est expressa imago Patris, & figura substantiæ eius. Sicut enim iudicia eius inscrutabilia, & viæ eius imperuestigabiles, at in Christo & per Christum fiunt nobis iudicia eius cognobilia, & viæ eius apertæ. Sic in Filio videmus, qui præordinati sint ad vitam, nempe, qui in ipsum credunt. In ipso videmus Deum non carnis ficem & damnatorem esse, qualem nobis lex eum depingit, sed Patrem & misericordem. In ipso videmus crucem bonæ Dei voluntate accidere, eamque esse resurrectionis mediatorium, quam lex dicit esse maledictum. Ipsi igitur Pater omnia, & in ipso, vel per ipsum nobis monstrauit, & monstrat omnia. Vel aliter: [Omnia demonstrat ei, non vt sciat quod nesciebat (quomodo enim à quoquam sua instrui posset sapientia?) sed vt diiudicet omnia. Non enim facere quicquam vult, nisi quod Filio suo primum placeat antequam faciat. Neque per hoc quicquam derogatur authoritati Patris, imò plurimum laudis accrescit. Quid enim est Filius, nisi sapientia Patris? Summa autem laude dignus est, qui antequam opus aggrederetur, prius secum pertractat, quo fine vel fructu id faciat, itemque perfecto opere, rursus attendit, num quid ei desit. Sic igitur & Deus omnia Filio demonstrat, hoc est, nihil temere facit, sed omnia sapientissimo consilio. Hinc in Genesi quoties aliquod opus perfectum dicitur, confestim subiungitur: Et vidit Deus quod esset bonum. Hinc & Dauid fidenter exclamat: omnia in sapientia fecisti, &c. Obserua autem, quod signanter dicit: [Demonstrat,] in præsentem, non demonstrauit in præterito. Non enim tantum creationem Deus cum consilio & sapientia perfecit, sed etiam redemptionis opus, imò quicquid vnquam fecit aut facit, sapientissimè facit. Hinc igitur discamus vt

nō temere de operibus Dei loqui, etiam si non intelligamus, quid qua ratione operetur. Quis enim tu es, qui respondeas Deo? Satis nobis sit, quod Pater omnia demonstrat Filio, hoc est, omnia in sapientia facit.

Et maiora his demonstrabit ei, &c.]

Aliqui volunt hoc comminatoriè dictum contra Iudæos, quasi diceret, Magna iam vobis in me demonstrauit Pater bona, verum adeo non mouemini, vt insuper me occidere quæeratis. Propterea prædico vobis: [Maiora his demonstrabit Pater in Filio,] vt vos miremini, hoc est, vt digna admiratione fiant in vobis. Quantum enim gratiæ nunc vobis offert, tantum iræ & iudicij vobis propediem imminuet. Sic plerumque in veteri Testamento comminatur, se adeo puniturum, vt omnes qui viderint, in stuporem conuertantur. Atque hæc comminatio nedum Iudæos, sed omnes impios tangit, qui cum videre Christum humilem nolunt ad salutem suam, olim eum visuri sunt iudicium potentissimum in ipsorum condemnationem. Aliter autem intelligi potest verbum hoc, & melius, vt demonstrare nihil aliud sit, quam per Filium reuelare. Prius igitur dixit: Pater Filio omnia demonstrat, nam omnem suam potentiam, & omnia sua bona Filio impressit, iam inde ab æterno. Nunc autem dicit in futuro: Demonstrabit, hoc est, quod ab æterno impressit Filio, nunc reuelabit, & mundo conspicuum faciet. Sic per miraculum, quo Christus sanauit languidum, triginta octo annorum, declarauit & reuelauit Pater, quod potentiam sanandi corporales morbos Filio suo dederit, hoc est, quod verbum eandem potestatem cum Deo habeat. Sed posthac maiora his morborum corporalium sanationibus opera demonstrabit Filio, ac per ipsum reuelabit. Quid enim prodesset, si Christus tantum in corporalibus succurrere posset? Quæ sunt autem maiora illa? Mortem vincere, è morte resurgere, ascendere in cælum, mittere Spiritum sanctum, iustificare credentes, suscitare mortuos, &c. Obserua, quod Christus minora nominat corporalia beneficia: maiora autem, quæ ad animam pertinent, quam

Gene. 1.
Psal. 103

quàm terrena. Deinde etiam in nobis verificatur hoc verbum: Magna enim Christus nobis in hac vita ostendit, sed longè maiora demonstrabit in futuro. Iam si quis dem Filij Dei sumus, sed nondum apparuit quid erimus, &c. Nunc videmus quidem Deum, sed per fidem, & per speculū in enigmate: tunc autem videbimus facie ad faciem. Vide igitur, quàm apertè in supradictis verbis Christus diuinam suam naturam declarauerit, vt mirum sit Arrium hæc non vidisse. Sed proprium hæreticorum est, ea non videre, quæ contra ipsos sunt. Primò enim in eo, quod ait Christus: Pater meus vsque modo operatur: indicat se eiusdem naturæ cum Patre esse, alioqui non diceret: Pater meus, sed Pater noster. Secundò cum dicit: Non potest Filius ex se facere quicquam: indicat, se idem posse cum Patre. Tertiò cum dicit: Quæcunque facit Pater, hæc & Filius facit, indicat se idem operari cū Patre. Quartò, cum dicit: Pater diligit Filium: indicat, se idem velle cum Patre, & in nullo ab ipso discordare. Quintò, quò dicit: Omnia demonstrat ei, &c. indicat se omnia nosse, & scire cum Patre. Quis igitur tam insanus est, vt cum neget esse Deum, qui cum Deo Patre idem habet esse, posse, operari, velle, & nosse? Omnia igitur hæc faciunt ad confirmationem fidei nostræ contra Iudæos, paganos, & hæreticos. Deinde faciunt hæc, vt securius & constantius Christo adhæreamus, vt quem videmus verum esse Deum, Patri in omnibus coæqualem. Postremò faciunt hæc verba, vt pius quisque eò causatiū ambulet, quandoquidē audit se Dominum habere, qui omnia & potest & scit.

Sicut enim Pater suscitatur mortuos, etc.]

Vide quomodo paulatim nos ad altiora ducat Christus, & subinde seipsum clariùs manifestet. In principio siquidem capitis huius externo signo ostendit se posse corporis morbos tollere. Deinde altius ascendens, ostendit se eandem naturam & voluntatem, idem esse, posse, operari & scire, cum Patre habere. Nunc autem his omnibus omisissis, procedit ad ea quæ magis necessaria nobis sunt, palamque indicat se cum Patre eandem habere potestatem suscitandi mortuos, vi-

uificandi, iustificandi, iudicandi. Atque hæc sunt quæ maxime scitu necessaria sunt: nec enim Christum perfectè cognoscit, qui hæc ignorat. Nihil tibi proderit scire quòd Christus possit morbos corporis tollere, sed nec quicquam tibi proderit, si scias subtiliter de eius diuinitate disputare, nisi simul scias ipsum posse iustificare, suscitare, beatificare. Hæc sunt maiora illa, quæ Pater monstrauit nobis in Filio. Ea autem non ita tantum audientia sunt, vt inde miremur, quemadmodum Iudæi fecerunt, sed vt hinc salutem nostram operemur & quæramus. Duo autem sunt genera mortuorum, quos Pater suscitatur. Primò enim eos suscitatur & suscitatur potest, qui corporaliter mortui sunt: Dominus enim mortificatur & viuificatur, habetque imperium vitæ & mortis, id quod palam ostendit in Ezechiele de ossibus mortuorum resuscitatis, &c. Summam autem Dei potentiam indicatur, quòd etiam in puluerem redactos potest resuscitare, & per spiritum viuificare. Huc pertinet quod generaliter hic dicitur: [Pater suscitatur mortuos,] non enim vnum & alterum potest suscitatur, sed omnes: non eos tantum qui naturaliter moriuntur, sed & eos, qui vel igni concremantur, vel aqua submerguntur, nec eos tantum, quorum corpora incorrupta adhuc sunt, & ossa indispersa, sed & eos, quorum caro computruit, & ossa dispersa vel contracta sunt. In summa, Pater suscitatur mortuos. Per hoc igitur responsum est his, quibus impossibilis videtur resurrectio mortuorum. Deinde etiam eos suscitatur Pater, qui mortui sunt spiritualiter, ea scilicet morte, quæ per inuidiam diaboli intrauit in orbem terrarum, hoc est, qui per peccatum à Deo exciderunt. Sic ab exordio mudi, semper aliquos à morte peccati & incredulitatis, ad vitam gratiæ & fidei suscitauit, quales fuerunt Abel, Enoch, Noë, Abraham, Iob, &c. Vtramque autem potestatem etiam se habere ostendit Christus. [Sicut, inquit, Pater suscitatur, &c.] Hac autem sententia quid vel iucundius audiri posset? Quid desperas propter peccata, cum audias Christum posse iustificare? Quid times mortem, cum audias eundem Christum posse mortuos suscitatur? Vide autem quàm prudenter Christus hoc ver-

1. Reg. 5

Ezec. 37

Sap. 2

bum protulerit. Primò enim de Patre duo verba dicit, scilicet: Suscitât & viuificat. De filio autem vnum solum, viuificat scilicet. Neque id abs re. Pater enim non eodem tempore, quo patribus innotuit, salutis opus perfecit in illis, dū melius aliquid pro nobis disponderet, ne sine nobis consummètur. Filius autē eodem tempore, quo mundo innotuit, salutem nostram cœpit facere, simul & perfecit. Rectē igitur Patres illi dicuntur, primū beata spe, & deinde longo pōst tempore re ipsa viuificati. Nos autem qui in plenitudine temporis sumus, solummodo viuificati rectē dicimur & sumus, quia videlicet vno eodemque tempore simul & credimus, & vitam, quam in Adam perdidimus, per spiritum remissionis peccatorum regenerati accipimus. Secundò obserua quòd Christus non dicit: Sicut Helias, vel Helisæus mortuos suscitauerūt, sic & Filius, &c. sed sicut Pater (inquit.) Quo verbo significat se non fictē, sed verē, non aliena, sed propria virtute, auctoritate, & imperio suscitare mortuos posse. Sic enim Pater suscitât. Id autem nemo alius potest, vt vel hinc videamus Filium Patri æqualem. Suscitauerūt quidem & alij mortuos, sed non sicut Pater. Sic mulier Phitonissa suscitauit Samuelem, non tamen verē, sed fictē. Suscitarunt & Helias, Helisæusq; mortuos, sed non propria virtute. Solus Christus mortuos suscitât, sicut Pater. Postremò non sine causa dicit: Filius quos vult viuificat. Corporaliter enim nō omnes suscitauit mortuos: hoc enim non expediebat, nec tempus erat, nec id agebatur, vt iam omnes corporaliter mortui reuiuiscerent, sed tantum ostendendum erat mundo, Christum habere vniuersalem potētiam mortuos suscitandi. Id autem satis ostensum est per hoc, quòd aliquos suscitauit: Filius igitur quos vult viuificat. Spiritualiter autem sine vlla exceptione Gentilis aut Iudæi, quos vult, inquit, viuificat, nulli quicquam debens, sed sola voluntate gratuita vel voluntaria gratia, iustē morti addictos misericorditer ad vitam reuocans.

Neque enim Pater iudicat quenquam.]

Iudicare homines vniuersos conuenit Deo, secundum quòd Deus, id est, secundum

propriam naturam. Sic enim Dauid ait: Misericordiā & iudiciū cantabo tibi Domine, &c. Et Iob, Absit à Deo impietas: Opus enim hominis reddet ei, & iuxta vias singulorum restituet. Et Hieremias: Domine Deus fortissime, &c. cuius oculi aperti sunt super vias hominū, &c. Iam quòd conuenit Deo absolutē secundum naturam diuinitatis, conuenit cuiuslibet diuinæ personæ. Non solum igitur Filius, sed & Pater & Spiritus sanctus iudicant. Quòd igitur hic dicitur: [Pater nō iudicat quenquā,] non sic intelligendum est, quasi Pater desierit habere prouidentiam rerū: Nam Christus ipse dixit contrarium: Ego, inquit, gloriā meā nō quaero, est qui quærat & iudicet. Obserua igitur quòd in iudicio quatuor considerantur. Primò auctoritas iudicandi vel iudiciaria potestas: & hoc modo iudiciū conuenit toti Trinitati, singulisq; personis. Secundò, ipsa interior approbatio boni, & detestatio mali, & secundum hoc similiter conuenit toti Trinitati. Tertiò, ipsa prolatio sententiæ exterior & sensibilis, & secundum hoc Pater non iudicat quēquam. Christus enim solus sententiā pronuntiabit: Tunc, inquit, dicet Rex his qui sunt à dextris: Venite benedicti, &c. Quartò, ipsa retributio pænæ vel gloriæ, & sic iterum iudicium conuenit toti Trinitati.

Sed omne iudicium dedit Filio.]

Sic Paulus ait: Deus statuit diem in quo iudicaturus est orbem terræ, in viro quem statuit, &c. Item: Oportet nos omnes sisti ante tribunal Christi. Sed huic contrarium videtur, quòd infrā dicit: Ego non iudico quenquam. Responsio. Ideo Christus aliquando iudicium sibi arrogat, aliquando à se in Patrem reijcit, vt ostendat opera eorum cōmunia esse. Pater enim non iudicat quenquam, quia iudicium dedit Filio. Et Filius non iudicat quenquam, quia non est solus, sed vnum cum Patre, hoc est, alter sine altero non iudicat. Pater nō iudicat, nisi per Filium: Filius non iudicat, nisi à Patre. Deinde Pater nō iudicat quenquam, quia Deum nemo vidit vnquā. Habitat enim in abscondito, in caligine nubis, & iudicia eius sunt inscrutabilia, & imperuestigabiles viæ eius. Omne autem iudicium dedit Filio.

Filio, quia in Filio manifesta facit sua iudicia. Qui igitur anguntur cura praedestinationis, ex hoc loco pacem conscientiae petant. Si scire cupis, an electus vel reiectus à Deo sis, ad Christum descende. Qualem te in Christo intueris, talis es & in Deo. Si Christo per fidem veram & viam insitus es, scito te praeordinatum. Si à Christo alienus es, scito te reiectum. Pater enim omne iudicium dedit Filio, Idque iudicium Filius manifestauit: Qui, ait, credit in Filium Dei, non iudicatur: Qui non credit, iam iudicatus est. Quod autem hic dicitur, Christo datum esse iudicium, ad humanam naturam refertur. Christus enim in quantum est verbum Dei, naturaliter habet potestatem iudicandi: in quantum autem est homo, eandem potestatem accepit. Hinc Daniel vidit quasi Filium hominis venientem, cui antiquus dierum dedit regnum & potestatem, &c. Iuste autem Filio dedit iudiciū & potestatem, quia idem ex obedientia Patris adeo se exinanivit, vt se iudicandum offerret. Signanter autem dicit: [Omne iudicium dedit Filio] videlicet vt & in praesenti & in futuro iudicio praesideat: nam etiam nunc iudicium exercet: In iudicium, inquit, veni in mundum, &c. Deinde omne iudiciū habet, hoc est, potestatem & praemiandi bonos, & puniendi malos. Probat igitur Christus hoc verbo se verum Deū esse, & per oīa Patri aequalem. Solius enim Dei est, iudicare: Mihi, inquit, vindicta, & ego retribuam. Et iterum: Deus iudex est, hunc humiliat, & hunc exaltat, & in eius manu est calix plenus vino meritis, &c. Deinde hoc verbo Iudaeos & omnes impios terrere voluit, vt impiè agere desistant. Iudicium enim Dei frenum est, quo impij retrahuntur à vitijs: Memorare, inquit, nouissima tua, & nō peccabis. Econtra autem: Inquinatae sunt viae impij in omni tempore, quia auferuntur iudicia tua à facie eius, &c. Postremo omnes in se credentes, hoc verbo summè consolatur. Non enim formidabile eis erit iudicium, qui ipsum iudicem amicum habent, imò ipsius filij sunt.

Vt omnes honorificet Filium, sicut honorificant, &c.]

Hoc verbo indicat quam ob causam

Pater Filium, & Filius seipsum mundo manifestauerit: [Vt omnes, inquit, honorificet Filium, &c.] Singula autem verba emphasim habent. Primo enim non sine causa dicit: [omnes.] Quicumque enim viuificari volunt, ac de congerie mortuorum subleuari cupiunt, siue Iudaei siue Gentiles sint, honorificare debet Filium, hoc est, corde credere ad iustitiam, & ore confiteri ad salutem, ipsum verè esse Filium Dei, &c. Deinde sic diffinitum est, vt omnes honorificent Filium aut volentes aut inuiti. Qui enim volentes non honorificant Filium, hi vel poenis coacti, eū confiteri cogentur esse Filium Dei. Signanter autem dicit: [Sicut honorificant Patrem.] Non enim satis est, Filium Dei honorare eo honore, quo mundana potentia praeditos honoramus, nec eo honore, quo vel angelos vel sanctos honoramus: sed maior ei honor debetur: [Sicut, inquit, honorificant Patrem] hoc est, sicut Patrem credunt & confitentur verum esse Deum, & Dominum increatum, immensum, aeternum, omnipotentem, sine initio, sine fine, inconvertibilem, & incommutabilem, ac in eum vt talem credunt, confidunt, sperant, eumque vt talem diligunt, timent, obseruant, & adiuvant, sic quicumque viuere cupit, nihil diminuat, nihil detrahat Filio de vniuerso honore Patris, neque hanc iniuriam faciat Patri, vt dicat Filium non aequalem esse Patri, sed pari honore, aequali gloria, simili laude credat & confiteatur, amet & timeat, ac audiat Filium. Hoc idem iam inde ab initio Deus ab homine exegit. Quid enim est, quod Deus primo homini dixit: De ligno scientiae boni & mali ne comedas, nisi quod sub velamine litterae praecepit, ne se extolleret aduersus sapientiam Dei, quemadmodum diabolus se extulerat. Verum quia primus homo subesse contempsit sapientiae Dei, caelum, terram, mare, & omnia quae in ipsis sunt creant, & cuncta cum Patre componenti: Nunc ab eodem iuste exigitur, vt se subiiciat de foemina nascenti, & sic honorificet in cruce pendentem, sicut honorificandum esse sentit Patrem in maiestate sua absque carnis susceptione vel mortis passione rutilantem.

Qui non honorificat Filium, &c.]

Nō

Nā

- Natura sic comparatum est, ut quilibet pater moleste ferat filium suum contemni. Patres enim diligunt filios, & affectus eorum in illis reconditi sunt. Vnde & suavius in filiis honorem suum sentiunt, & in eisdem acerbius iniurias suas excipiunt. Deinde, qui regis terreni status as contemnit, non aliter quam si regem ipsum contempsisset, punitur: Id quod videmus in rege Nabuchodonosor erga suos Danielis. Postremo, cum homo sit ad imaginem Dei factus, iniuria homini facta in Deum ascendit & recidit, ipso teste, cum ait: Qui effuderit sanguinem humanum, effundetur sanguis eius: ad imaginem enim Dei creatus est homo. Non igitur mirum, quod contemptus Filii Dei, qui imago & character Patris est, in ipsum Patrem recidat. Proinde, quicumque per incredulitatem Christum Filium Dei contemnit & rejicit, is Deum contemnit & rejicit, quantumcumque videatur externè Deum honorare. Hoc igitur verbo damnat cultum Ethnicorum Iudæorum, & falsorum Christianorum, ac palam Deo ingratum pronuntiat. Asseverat Ethnicus, se adorare Deum creatorem cæli & terræ. Verum, quia eidem Ethnico Christus stultitia est, ingrata sunt Deo omnia quæ agit. Sic Iudæi putabant se Deum dignè honorare, si frequenter essent in templo, si sacrificarent, ac festa celebrarent. Verum, quia horrendo sacrilegio Filium, in templo corporis sui non manu facto habitantem, persequabantur, merito audierunt: Quod mihi multitudinem victimarum vestrarum, &c. Solennitates vestras odit anima mea, &c. Sic impij & solo nomine Christiani, putant se egregiè Deum honorare, si externarum cæremoniarum nihil negligant: quia tamen Christus ipsis contemptus est, nullus eorum verè Deum honorat. Sic & Arrius aliique hæretici, putabant se honorare Deum, cum tamen nihil minus facerent, quando quidem contemnebant Filium. Summa, Christo datum est nomen, quod est super omne nomen, ut in nomine eius omne genu flectatur, &c. Ipsumque posuit Deus super omnem principatum, & potestates in cælestibus. Quicumque igitur Deum verè honorare vult, honoret eum, quem in tantum sublimavit, nepe Christum.
- Qui sermonem meum audit, & credit ei, &c.]*
- Primus homo in omnia mala cecidit, eò quod à diabolo persuasus, non credit verbo, quod dixerat Deus: In quacunque hora comederis, morieris. Contra hoc igitur diaboli venenum, Christus hic antidotum ostendit, certoque affirmat, quod si homo auertat aurem suam ab illa lingua coinquinata, & à verbo mendacij, & humilietur sub potenti manu Dei, credens illi semper verum dicenti, vitam recuperare possit in primo homine perditam. Hic autem vides, qualem honorem quærat Filius Dei, itema que quomodo cum Patre vult æqualiter vel similiter honorificari, verbum suum vult audiri, Deo Patri vult credi. Audire igitur & credere summus honor est, quo & Pater & Filius affici possunt. Quamvis autem credere facillimum videatur, & plerique se credere putent, cum hoc solum nomen audierunt, existimantes credere idem esse quod intelligere, meminisse, scire, opinari: verè tamen arduum ac difficile est credere. Facile est ieiunare, orare, peregrinari, eleemosynas dare, &c. sed credere veribus nostris impossibile. Nam credere, est in morte vivere, in afflictione gaudere, è carnali spiritualem, è peccatore iustum, è filio diaboli, filium Dei fieri, atque adeò ex inferno in cælum transcendere, montes transferre, ac nihil non posse: Nam credenti omnia possible sunt. Sed quis hæc ex seipso potest? Nemo. Discant igitur contemtores, quoties de fide dicitur, non esse de somnio quodpiam sermonem, aut re aliqua facile parabili. Discant & superstitiosi Deum longe maiorem & difficiliorem cultum à nobis requirere, quam ipsi imaginentur. Discant postremo & pij omnium maximè fidem à Deo petere, exemplo Apostolorum dicentium: Domine, adauge nobis fidem, quando quidem hic audiunt, summum vel saltem primum Dei cultum esse, credere. Huc pertinet quod ad Iudæos dicitur: Non sum loquutus cum patribus vestris de verbo holocaustorum, &c. sed hoc dixi: audite me, &c. Et iterum: Non accipiam de domo tua vitulos, &c. sed immola Deo sacrificium laudis, &c. & inuoca me in

in die tribulationis. Obserua autē, quod Christus non dicit, Qui audit me & credit mihi, &c. sed: [Qui credit ei qui misit me,] vt ostendat se non esse contra Deū, sed verbum eius esse verbum Dei.

Habet vitam eternam, & in iudicium non venit.]

Triplex præmium promittit in se credenti. Primo vitam & non quamcunque, sed eternam. Qui, inquit, audit verba mea, & credit ei qui me misit, non tantū habebit, sed & iam habet vitā eternam, in spe scilicet & promissione. Deinde in iudicium non venit, id est, in damnationem generi humano propter peccatum Adæ debitam, non incidet. Vel in iudicium non veniet, tanquam iudicandus vel condemnandus, sed cum Christo ipse quoque iudicabit & cōdemnabit impios. Sic enim Christus Apostolis ait: Sedebitis super sedes, iudicantes duodecim tribus Israel. Et Paulus: Nescitis quod etiam angelos iudicabimus. Postremo additur: Transiet à morte ad vitam. Fidelis enim per mediam mortem irrumpit ad vitam. Mors nanque in ipso absorbetur, & fit vitæ ianua. Hinc Psalmista: Pretiosa in conspectu Domini mors sanctorum eius. Quod si pretiosa est, certē non est mors, quia mors est contemnenda. Huc pertinet, quod infra mortem somnum nominat. Vide igitur quanta promittat Christus in se credentibus. Quid melius vel optare posses? Obserua, quod aliqui hic legunt, Trāsiit, in præterito. Fidelis enim ex quo renatus est in Christo, verē iam transiit à morte ad vitam. Nam etsi corpus mortuum, id est, mortale est propter peccatum, spiritus tamen iam viuit propter iustificationem.

Amē dico vobis, quia venit hora, &c.]

Pergit Christus seipsum plenius manifestare, vt sciat fidelis quisq; in afflictione quacunque positus, quid ab ipso sperare debeat. Potest autem verbum hoc intelligi de his, quos Christus à morte corporis suscitauit: Hi enim audita voce Christi reuixerunt. Sic filia Archisynagogi, cum audisset, Puella surge, statim surrexit. Sic filius viduæ, cum audisset: Adolescens tibi dico surge, statim resedit qui fuerat mortuus. Sic & Lazarus, cum

audisset: Lazare veni foras, statim prodijt. Secundum hunc sensum Christus hic arguit Iudæorum duritiam, vt qui etiam mortuis stupidiore & insensibiliores essent, quasi diceret: Loquor mortuis & audiunt, reuiuiscunt, sentiunt, loquuntur: Loquor vobis, & nihil horū facitis. Hanc eorum duritiam etiam prophetæ subinde coarguerunt, imò vt omnibus manifestum fieret, quā obstinati essent homines, plerunque sermonem ad res inanitates direxerunt. Sic Hieremias: Terra, terra, terra, inquit, audi sermonem Domini. Et Esaias: Audite cæli quæ loquor, &c. Eadem duritia plus satis in nobis videtur. Secundò potest verbum hoc Christi referri ad vocationem Gentium, quæ facta est post missionem Spiritus sancti. Nam Gentes planè mortui erant præ Iudæis. Secundum hunc sensum verbum hoc nihil aliud est, quā comminatio, quasi diceret: Tanta inter vos dixi & feci, quæ si in Tyro & Sidone, vel etiam in Sodomis facta essent & dicta, olim penitentiam egissent: Vos autem nec cantem me, nec Ioannem lamentantem audire voluistis. Quia igitur homines audire nolunt, ad lapides me conuertam, hoc est, ad Gentes lapidibus duriores. Et quia viuentes audire nolunt, ad mortuos me conuertam, hi audient. Summa, Auferetur à vobis regnum Dei, & dabitur Genti facienti fructum, idque propediem vobis eueniet. Hæc comminatio etiam nos terrere deberet, qui in peccatis firmè similes sumus Iudæis, & plerunque peiores. Generaliter autem intelligitur verbum hoc Christi, de resurrectione iustificationis, Duplex enim resurrectio in scripturis inuenitur. Prima est resurrectio animæ, qua scilicet impius à sua impietate resurgit, & qua peccator à morte peccatorum in vitam iustitiæ reuocatur. Hæc est resurrectio prima, & beatus est, qui partem habet in hac resurrectione: Hunc enim mors secunda non lædet. Altera est resurrectio corporum. Vtranque Christus hic per ordinem ponit, quia vtranque ipse per verbum suum efficit. Prius autem loquitur de resurrectione iustificationis, quia sicut in primo homine anima prius vitam suam, quæ Deus est vel Dei gratia, perdidit; postea & corpus morti obnoxium

Hier. 22.
Esaiæ 11.

Matt. 11.

Matt. 21.

Apo. 20.

factum est: sic oportet ut anima prius resurgat, alioqui resurrectio corporis non ad vitam, sed ad perpetuam damnationem continget, Singula autem verba emphasim suam habent. Primo enim non parum consolationis adfert, quod in praesenti dicit: [Venit hora, &c.] Quasi diceret, haecenus caeci caecos duxerunt, & utrique in foueam ceciderunt, mortuique mortuos suos sepelierunt, nec quisquam ex eis aliquod remedium nouit: Nunc autem venit hora, ut etiam mortuis succurratur. Secundo augeat hanc consolationem, quod addit: Et nunc est. Non enim in futurum loquitur, sicut olim prophetae. Illud autem (Nunc) non refertur tantum ad tempus illud, quando Christus visibilis in terra apparuit, sed ad totum illud tempus à primo eius aduentu usque ad secundum. Tertiò, tempus illud gratiae horam nominat, ut cessantes & desides extimulet, ne poenitentiam differant. Quid enim breuius hora? Ad eundem modum &

Hebr. 3. Paulus dicit: Hodie si vocem eius audieritis, quasi diceret: Non promitto tibi diē crastinum. Nescis enim an victurus sis, hodie igitur curam age animae tuae. Quarto, Cōsolatorium est & illud, quod non dicit, infirmi audient & uiuent, sed etiam mortui (inquit) hoc est, nedum qui leuiter peccauerunt, veniam acquirere possunt, sed etiā hi qui planē in profundum peccatorum venerunt: Nemo igitur desperet. Sic Matthaeus, Zachaeus, Peccatrix illa, Filius prodigus, Latro, &c. planē mortui erant, tamen reuixerunt per gratiam. Quintò non dicit, videbunt formam Filij hominis. Non enim omnes eum viderunt, imò beati pronuntiantur, qui non viderunt & crediderunt: Sed audient (inquit) vocem, ne quis ideo putet à Christo se alienum, quòd eum non viderit. Sextò, signāter dicit, vocem Filij Dei: hominis enim verbum tam potens non est, ut peccatorem cōuertere possit. Hinc Paulus: Ego quidem plantaui, sed Deus incrementum dedit. Septimò, non dicit omnes peccatores conuertendos. Non enim omnium est fides: sed qui audierint (inquit) uiuent. Audire autem verba Filij Dei, non est verba illa carnalia auribus corporeis audire, sed corde credere. Homini verbum auribus corporeis auditur, Dei autem verbum aures cordis requirit.

Ioan. 10

1. Cor. 3.

2. The. 3.

Et qui sic audiunt corde, id est, credunt, hi iustificantur: Corde enim creditur ad iustitiam, &c. Sic credidit Abraham Deo, & reputatum est illi ad iustitiam. Sic peccatrix illa, similiter & latro vocem Christi audierunt, & reuixerunt, adeò ut illa audiret: Fides tua te saluam fecit. Hic autem: Hodie mecum eris, &c. Ex his igitur videmus, verbum Christi verè omnipotens esse, excitat enim mortuos, & iustificat peccatores. Securè igitur ei innitimur.

Rom. 10
Gene. 15
Luce. 7.

Luce. 24.

Sicut enim Pater habet vitam in semetipso.

Rationem assignat, unde tanta virtus insit verbis suis. Non simpliciter autem dicit: [Sicut Pater habet vitam.] Sed addit: [In semetipso.] Nam & homo habet vitam, sed non in semetipso, ideo nec eam retinere potest quamdiu vult, nec alijs eam communicare. Sic ferrum ignitum calorem quidem habet, sed non in semetipso, ideo ab igne remotum, calorem amittit. Sic oculus lucem quidem habet, sed non in semetipso, ideo recedente sole, videre non potest. Ignis autem calorem habet in semetipso, & sol lucem, ideo ignis nunquam sine calore est, nec Sol sine luce: imò ignis & alia ignire, & Sol etiam alia potest illuminare. Sic Deus vitam habet in semetipso, quia nunquam sine vita est, & omnibus alijs vitam dare potest. Hinc in Genesi: Inspirauit (inquit) Deus in faciem hominis spiraculum vitae. Sic & Deus est iustitia, vita, salus, veritas, nec vnquam sine his esse potest, in super eadem etiam peccatoribus communicat. Hoc neque Paulus, neque Cephe possunt, plantare & rigare possunt, non autē incrementū dare aut iustificare. Nimirum quia non in se, sed aliunde vitam habent.

Gene. 1.

1. Cor.

Sic dedit & Filio vitam habere in semetipso.

Hac sententia impius ille Arrius usus est in patrociniū sui erroris, sed peruersissimè. Non enim de vita Dei, qui ipse sibi vita est, non de viuificatione Filij, qui aequè sibi ipsi vita est, sed de suscitatione & viuificatione mortuorum sermo est. Nec aliud sibi vult hoc verbum, quàm quòd Pater, qui virtutem

vel

vel operationem effectiuam vitæ hominum mortuorum non aliunde petit, nec alicubi habet, nisi in seipso, partem maximam eiusdem operationis Filio incarnato imposuit, ut & ipse mortuos viuificaret in semetipso. Aequalis igitur Patri est Filius, cui Pater dedit habere vitam in semetipso, hoc est, quem misit viuificare mortuos de semetipso. Summè autem hoc verbum, fidem nostram confirmat. Si enim Christus vitam habet in semetipso, certum est, eum mori & perire non posse. Qui enim moreretur fons vitæ? Hinc Paulus: Christus semel peccato mortuus, amplius non moritur, &c. Deinde si vitam, veritatem, iustitiam, &c. æquè ut Pater in seipso habet, potest & ea communicare nobis: Accedamus igitur cum fiducia ad thronum gratiæ eius, &c.

Rom. 6.

Hebr. 4.

Et potestatem dedit ei, iudicium facere.]

Vitam & iudicium ubique coniungit Christus: Vitam ad consolationem credentium, iudicium ad terrorem incredulorum. Vitam autem præmittit. Non enim vult mortem peccatorum, sed ut conuertantur, & viuant. Iudicium autem subnectit, ut sciant se non impune euasuros qui vitam oblatam respuunt.

Ezec. 18.

Quia Filius hominis est.]

Hoc est, in quantum homo accipit potestatem iudicandi, quam secundum diuinitatem ab æterno cum Patre ex natura habuit. Accepit ergo hanc potestatem, quia Filius hominis est, hoc est, in Filio incarnato reuelata est iudicandi potestas. Antea enim non notum erat omnibus, Deum tam horrendum esse iudicem, qui incredulum damnet, sed in Christo incarnato reuelatum est. Vel quia Filius hominis, hoc est, ideo hanc potestatem ei dedit, quia homo factus est, obediens usque ad mortem: Per hoc enim meruit exaltari, &c. Omnis enim qui se humiliat exaltabitur. Eandem habet sententiam illud Psalmi: Minuisti eum paulo minus ab angelis: Gloria & honore coronasti eum, &c. Vel, quia Filius hominis est, id est, propter conuenientiam, quam habet ad exercendum iudicium ex parte humanitatis assumptæ. Decet enim iudicem, ab omnibus iudicandis ma-

Philip. 2.

Luc. 12.

Psalm. 8.

nifeste videri: Nulla autem alia persona diuina videri potest oculis carneis. Cum igitur persona Filij secundum humanam naturam sit à bonis & malis visibilis, ideo datum est ei iudicium facere, quia Filius hominis est.

Nolite mirari hoc.]

Malum non est, opera Dei admirari. Prohibet tamen Christus hic Iudæorum admirationem. Non enim admirabantur hæc tanquam verba vitæ & virtutis, sed tanquam insaniam Dæmonium habentis. Sensus autem verbi est: Nolite mirari, quod dixerim, hæc posse Filium hominis. Non enim solum hominis, sed & Dei Filius sum. Vel, Nolite mirari, quod dixerim per verbum meum iustificari peccatores: maiora enim audietis. Magnum est quod hora iam venierit, qua per verbum meum iustificantur & conuertuntur peccatores, sed maius erit, cum per verbum meum etiam mortui omnes excitabuntur.

Quia venit hora, quando omnes qui in monumentis, &c.]

Hactenus de resurrectione animarum, quæ fit per fidem, dixit: nunc de resurrectione carnis loquitur. Neque sine causa hoc facit: primo enim per hoc augere voluit credentium consolationem, ut sciant & videant, se in Christo omnia habere, & quæ ad iustificationem & quæ ad glorificationem pertinent. Deinde per hoc obturare voluit ora eorum, qui circa hunc articulum aberrarunt. Nam plerique Gentium non crediderunt futuram resurrectionem, imò & inter Iudæos inuenti sunt Saducæi, qui eandem negabant: Atque utinam non etiam nunc inter Christianos inuenirentur huiusmodi homines. Præterea tempore Pauli erant Hymenæus & Philetus, qui asserébant resurrectionem iam factam. Ad hæc posset quis ex supra dictis suspicari, solos credentes resurrecturos carne, sicut soli resurrexerunt fide: Omnia autem hæc vno hoc verbo refellit Christus. Singula autem verba emphasim habent. Primo non dicit, veniet hora, sed venit, in presenti scilicet, hoc est, imminet, appropinquat, ut scilicet semper sumus parati, nec dicamus sicut seruus infidelis: Dominus meus tardat, & incipiamus percutere conseruos, &c. Dies enim

Mat. 24.

Mat. 24.

1. The. 9.

N iij Domini

Domini sicut fur in nocte, sic veniet, & cum dixerint pax & securitas, tunc repentinus eis superueniet interitus. Non tamen addit (Et nunc est) sicut supra, ut videamus eum de alia resurrectione loqui. Quod autem subdit: [Omnes, qui in monumentis sunt,] manifeste indicat, eum corporaliter mortuis loqui. Item, quod non tantum boni, sed etiam mali resurgent: Omnes, inquit. Signanter autem dicit: Audient vocem. Sic Paulus: Dominus in iussu & voce archangeli, & tuba Dei descendet. Et iterum: In momento, in ictu oculi, in nouissima tuba. Et item. Media nocte clamor factus est, &c. Quod autem addit, Vocem Filij Dei, significat diuinæ non humanæ virtutis esse resurrectionem mortuorum.

Et procedent, qui bona fecerunt, &c.]

Hactenus indifferenter de omnibus mortuis locutus est. Omnes enim audient vocem Filij Dei, omnes reuiuiscunt, omnes procedent ex monumentis. Hic nullum erit discrimen inter iustos & iniustos, sed deinceps ab inuicem longè separat eos. Procedent quidem omnes, sed non ad verum finem, verum aliqui in vitam, alii qui in iudicium: Qui bona egerunt, procedent in resurrectionem vitæ, id est, quia nunc prima voce Christi audita viuere incipiunt, tunc in ipsam vel speciem vitæ peruenient, cuius in spe nunc ambulant per fidem. Qui verò mala egerunt, procedent in resurrectionem iudicii, ut damnationis sententiam recipiant eadem iustitia & veritate, qua prædamnati sunt in Adam: quia vocem primam Filij Dei nunc inuitantis, ut ab illa hæreditaria morte per fidem resiliant dum tempus est, audire recusant. Obserua in iudicio etiam operum nostrorum habendam esse rationem. Huc pertinet illud: Esuriui, & non dedistis mihi manducare. Obserua item, sicut mala opera impunita non manebunt, sic nec bona opera remuneratione carebunt.

Non possum ego à meipso facere quicquam.]

Hanc sententiā etiā supra posuit, ubi & exposita est, sed nunc eandem repetit, ac per eam quasi summam respondet ad calūniam de violatione Sabbati. Vult autem dicere, Longa argumentatione probaui, me non violasse Sabbatū, nec contra

tra Deum fecisse. Primò siquidem appellati ad Patris auctoritatem, qui etiā Sabbatis sua opera exequitur: Facit enim solem oriri, nubes pluere, fontes fluere, terra nascentia crescere, animalia nasci, &c. Deinde, ne quis obijciat ut mihi hominibus non eadem licere, quæ Deo licent.

(Nam multa sunt, quæ si per Deū fiant, iusta sunt. Ut vindicare, maledicere, occidere, &c. si autem ab hominibus usurpentur, iniusta sunt) docui me non vanè nec mendaciter ad Patris auctoritatem appellasse, sed verè & iustissimè, ut qui eiusdem cum ipso naturæ, voluntatis, potestatis, & operationis sum. Sit igitur hæc summa omnium, quæ dixi: [Non possum à me ipso facere quicquam:] Id est, opera mea Patris opera sunt, nihil à me ipso facio, hoc est, extra Deum, extra verum, mea voluntate diuisa à Dei voluntate, imò adeo non contra Deū quicquam agere intendo, ut ne possim quidem. Potuit angelus ex semetipso citra, imò contra Dei voluntatem facere, & fecit, idem potuit homo & fecit. Deus autem, sicut nulli vitio nullisque accidentibus omnino subiacet, ita summè iustus, tale quid, hoc est, iniustum omnino facere non potest. Cum igitur me Deum esse probauerim, nedum verbis, sed re ipsa fidenter dico: [Non possum à me ipso quicquam facere,] quare cesset blasphemia vestra. Tamen igitur non possum malè agere, quia Deus non potest malè agere, & à iustitia declinare. Obserua, quod non sine causa Christus hic tam diligenter se defendit, idque præter morem suum. Nam aliàs patienter fert iudeorum calumnias, quæ admodum cum eum hominè voracem nominarent, & socium Publicanorum. Item, cum eum Samaritanum vocarent. Item, cum coram Pilato falsò accusarent, nihil omnino respondit: imò & discipulos docuit, patienter ferre calumnias impiorum: Beati, inquit, estis, cum male dixerint vobis. Hic autem ideo se defendit, quia Patris negotium agebatur, & ea calūnia nedum in Christū, sed & in Patrem recidebat. Si enim Christus male fecit sabbato infirmum, consequitur etiā Deum male facere, si Sabbatis beneficia præstet: Quo quid magis impium vel cogitari potest? Deinde, ad nostram utilitatem hoc fecit, alioqui quis in eum crederet, quæ persuasum haberet, Deo esse contra

Matt. 11
Ioan. 8.
Luc. 23.
Matt. 54

contrarium? Præterea, nisi Christus hic
respondisset, ignota adhuc nobis esset ve-
ra Sabbati ratio: nec scire possemus, in
quibus rebus vel violetur, vel obseruetur
Sabbatū. Si igitur placet imitari Chri-
sti patientiam, plus satis exemplorum in
alijs locis inuenies, quamquam & hic as-
sertè videamus eius patientiam, vt qui
ita calumniam depellit, vt tamen nō re-
geret calumniam. Hoc igitur verbo Chri-
sti docemur, ne temerè de operibus Dei
filiūque eius iudicemus. Fieri enim
potest, vt bona intentione fiat, quod ma-
lum nos putamus. Generaliter autē hoc
de omnibus Dei operibus nobis persua-
deamus, quod malè & iniuste facere ne-
quit: Vidit Deus cūcta quæ fecit, & erāt
valde bona. Deinde discamus & nos non
ex nobis ipsis quicquam facere, sed singu-
la ad voluntatem & præscriptum Dei.

Sicut audio, sic iudico.

Eandem ferme sententiā habet, quod
supra dixit. Nihil potest Filius facere, nisi
si quod viderit Patrem facientem. Sēsus
est, Sicut opera mea sunt Patris opera: ni-
hil enim ex me ipso facio: sic iudiciū meū,
est Patris iudicium. Sicut eum audio ius-
dicantem, sic & ego iudico. Iam cū Pa-
ter nō iudicet iuxta visionem oculorum
aut externam speciem: Neque enim est re-
spector personarum, sed scrutatur renes,
& corda, & iudicat iuste. Ideoq; iudicium
eius tam non iniquum esse potest, quam
non potest non esse Deus: Ita & ego non
iuxta oculorum visionem, sed secundum
causæ meritum iudico. Proinde quicunq;
que bona agit, nō vereatur, ne bona eius
irremunerata remaneāt. E contra, qui ma-
lè agit, nō se ipsum inani spe decipiat qua-
si impune euadere possit. Vterque enim
secundum causæ meritum iudicabitur.
Obserua conditionem boni iudicis esse,
vt & bonos remuneret, & malos puniat.
Sic Paulus: Gladiū, inquit, portat magis
stratus, ad terrorem malorū, laudem ve-
rō bonorū. Verbum igitur hoc Christi,
non tā impios terret, q̄ consolatur pios.
Possumus & hunc locū aliter intelligere.
Certū est ex scripturis, quod peccata cla-
mant in cælum. Sic enim ad Cain dici-
tur: Vox sanguinis fratris tui, clamat ad
me de terra. Sic & in alibi dicitur: Cla-
mor Sodomorum venit ad me, &c. Et in

Esaiā: Expectaui iustitiā, & ecce clamor.
E contra etiam bona opera in cælum cla-
mant. Sic Sapiens dicit: Abscōde eleemo-
synam in sinum pauperis, & ipsa orabit
pro te: Ipsa, inquit, elemosyna. Sic & Pau-
lus dicit, Sanguinem Christi clamare pro
nobis. [Sicut igitur audio, inquit Chri-
stus, sic iudico,] hoc est, quāuis iuste om-
nes damnare possem, (quandoquidē om-
nes peccauerunt) tamen si aliunde audie-
ro bonū clamorem, præstabo misericor-
diā. E contra, quāuis misericordia mea
sit super omnia opera mea, tamen si ali-
cunde audiero malum clamorē, vincet
iustitia mea, ne peccator ille impunis trā-
seat. Sic quāuis Christus pio affectu sus-
per Hierosolymam fleuerit, non tamen
ob id impunitos Iudæos reliquit: [Sicut
(inquit) audio, sic iudico.] hoc est, magis
attendo, quid iustitiæ debeat, quam
quid meus humanus velit aut defleat af-
fectus. Attendamus & nos iam, bonus
vel malus clamor à nobis ad Deum as-
cendat, &c.

*Et iudicium meum verum est, quia non
quæro, &c.]*

Sic in Prouerbijs dicit Salomon. Qui
quod audit loquitur, iudex rectissim⁹ est.

Non quæro voluntatem meam, &c.]

Hoc est, Non condescensionē sequor
naturæ humanæ, sed rectitudinē teneo
diuinæ iustitiæ. Quod nō sic intelligen-
dum est, quasi Christus secundū diuinā
tatem aliam & diuersam à Deo volunta-
tem habeat. Nam alibi orat, vt & nos v-
num simus, hoc est, tam concordēs, quē
admodum ipse & Pater, imò hoc verbo
ostendit, planè vnam esse Patris volunta-
tem & suam. Obserua, quod Christus per
omnia se conformat diuinæ voluntati,
imò nihil aliud vult quàm quod Deus
vult, vt vel hic videas, quàm dissimiles
Christo simus. Ex duobus autem probat
iudicium suum iustum esse. Primò, [Nō
(inquit) quæro meam voluntatem.] O-
portet enim iudices huius mundi gladiū
administrantes, ab omnibus suis affecti-
bus, qui natura mali sunt, in iudicando
liberos esse, vt vel hinc videas quàm dis-
ficile sit rectè iudicare. Hinc Sapiens: No-
li quærere vt fias iudex, nisi vi possis
perrumpere iniquitatem, &c. Item, Mu-
nera

Eccle. 29.

Hebr. 12

Rom. 3.

Psa. 144

Luc. 19.

Prou. 12

Ioan. 17

Eccle. 7.

Exo. 22.

nera excæcant oculos sapientum, &c. Ideo Moyse selegit iudices, qui oderant auaritiã, & Iosaphat iudicibus suis præcipiebat: Sit timor Dei vobiscum, &c.

2. Par. 19. Secundò addit Christus: Sed quæro voluntatem eius qui me misit, hoc est, sententiam iudicij mei non colligo è somnio quopiam, è carnali prudentia, è personarum respectu, aut è carnis libidine: sed è voluntate Patris mei, è quo totus, quantus quantus sum, pendeo. Nō enim satis est, iudicem non esse auarum, vel affectibus suis deditum, sed necesse est, vt & certam regulam in iudicando obseruet. Nulla autem certior regula esse potest, quàm diuina voluntas. Qui hanc regulam sequitur, errare non potest: Deus enim

Deut. 32. iustus est, absque vlla iniquitate. Hinc

Deut. 17. in lege præcipitur regibus, vt semper secum habeant legem Domini, & legant. Summa, Boni iudicis est suspicere, non despiciere. Suspicit dum eius voluntatem quærit, à quo iudicandi potestatem accepit. Despiciit vel deorsum videt, dū personam miratur, aut commodum affectat, ac suis cupiditatibus in iudicando inseruit.

Psal. 2. Erudimini igitur, qui iudicatis terram: Sapiē. 6. Seruite Domino in timore: Apprehendite disciplinam, &c. Iudicium enim durissimum his, qui præsumunt.

Si ego testimonium perhibeo de me ipso &c.]

Ne aduersarij verba hæc hactenus dicta contemnerent, nunc consequenter adducit testes, atq; per hoc non tantum aduersariorum ora obstruxit, sed etiam piorum mentes in fide confirmauit. Multum enim refert scire, quomodo fidem nostram contra aduersarios defendam? Nam nulla alia fides tantas patitur tentationes, vt fides nostra. Impugnat eam Iudeus, Paganus, Hæreticus, interdum etiam ipsa conscientia nostra dubitat, an se tutò credere debeat verbis Christi. Operæ precium igitur est, testimonia hæc à Christo producta diligenter attendere: non tam vt aduersarijs respondere possimus, quàm vt conscientiam vacillantem confirmare valeamus. Quatuor autem per ordinem testimonia producit Christus, ac talia quæ nemo reiicere potest. Præmittit autem generalem sententiam: [Si ego de me ipso testimonium perhibeo, & cæt.]

quod tamen verbum non simpliciter accipiendum est, vt iacet: alioqui totum Euangelium totaque fides nostra rueret, si vera non essent, quæ Christus de se ipso dixit: quis enim non videt, quàm magnifica vbique de se loquatur. Intelligamus igitur Christum hic locutum secundum opinionem & cogitationes Iudeorum, quasi diceret. Iamdudum video vos obmurmurantes. Tu de te ipso magnifica dicis, sed in hoc nobis suspectus es. Non enim qui seipsum commendat, ille probatus est: ideo & homini de se ipso testificantinon facile creditur. Laudet (inquit Sapiens) te os alienum, non tuum. Scio igitur suspecta vobis esse, quæ hactenus dixi, ideo alia testimonia nunc adferam, quæ suspecta esse non possent. Obserua, quod Christus etiam hoc loco ad eorum cogitationes respondet, quo pacto palam ostendit, se Deum esse. Solus enim Deus absconditorum est cognitor.

Alius est, qui testimonium perhibet de me.]

Sunt qui hoc intelligant de testimonio Patris, qui alius quidem est à Christo, non in natura, sed in persona. Eius testimonium de Christo verissimum est & certissimum. Scio (inquit) quia verum est testimonium eius. Non enim sum si cut cæteri homines, quorum nemo scit vtum amore vel odio dignus sit, & quibus omnia in futurum reseruantur incerta: Nos enim quamuis spiritum adoptionis accepimus, & ipse Spiritus testimonium perhibet Spiritui nostro, quod sumus Filij Dei, illud tamē testimonium non tam verum aut iustum, quàm grauitum & indebitum dicendum est: quia non est debiti, sed gratiæ: non iustitiæ, sed misericordiæ. Non enim est testimonium comparium, sed inclinatæ dignationis monumentum. Christus autem nec in iniquitatibus conceptus est, nec quicquam à se ipso fecit aut facere potuit ideo testimonium, quod de ipso perhibet Pater, verum est, iustum est, debitum est, & vtique testimonium comparium, atq; ideo legitimū. Congruè igitur dicit: Scio quod verum est testimoniū eius. Alij autē hoc verbū de Ioanne intelligunt, quibus & ego subscribo. Nam de Patris testimonio

nio infra dicitur. Prim^o igitur testis Christi est Ioannes baptista, qui quamvis homo fuerit, ita tamen vixit, ut ne aduersarii quidem eum reicere possint. Quatuor autem per ordinem de ipso dicit.

Scio quia verum est testimonium eius.]

Hoc dicit, ne Ioannem reicere possent ut hominem, atque adeo mendacem. Nam omnis homo mendax. [Scio (inquit) quia verum est testimonium eius.] Non enim testificatus est de Christo carnali iudicio, sed spirituali, nec somnio humano, sed Patris afflatu. Obserua hominem tunc verè dicere, cum ex Deo loquitur: Ex seipso autem nihil nisi mendacium loquitur. Cæterum, quid Ioannes de Christo testificatus sit, supra satis expressum est. Verum, ne Iudæi etiam Ioannem suspectum haberent, quasi in gratiam Christi ea dixisset, protinus subdit.

Vos misistis ad Ioannem, & ipse, &c.]

Quasi diceret, ut turpe est suas aliquæ virtutes laudibus ferre, etiam si vera dicat, sic ultro & non vocatum ad testificandum accedere improbari solet: Ioannes autem non ultro ad vos accessit, sed à vobis interrogatus: [Vos misistis ad eum, &c.] Hoc igitur verbo admonet eos verborum, quæ Ioannes nuntiis ipsorum responderat, de quibus supra. Ne quis autem putaret, Christum hominis testimonium ambire, id quod faciunt, qui non admodum bonæ famæ sunt, subdit tertio.

Ego autem ab homine testimonium non accipio.]

Id est, quantum ad me attinet, ego nullius hominis ego testimonij. Scio me esse lucem mundi, viam, veritatem, & vitam. Sed quod Ioannis testimonium est, non mea, sed vestra causa sit, ut vos tandem credatis. Non igitur Ioannis testimonium aspernatur, quomodo enim aspernaretur angelum suum, ad hoc missum ante faciem suam, ut omnes crederent per illum? Nec per hoc prohibet, ne testimonium de ipso feramus, cum alibi dicat: Qui me confessus fuerit coram hominibus, confitebor & ego eum, &c. Ideo non

dicit. Testimonium hominis vel per homines non accipio, sed: [Testimonium ab homine.] Nam testimonium hominum bonorum & veracium, non ab ipsis hominibus, sed à Deo est, & per homines quidem perhibetur, sed Dei testimonium est. Ab hominibus autem accipere testimonium, est laudem, quæ non ex Deo est profecta, sed ex hominibus nata & cōflata, quærere. Sed adhuc possent impij ex hoc verbo occasio nē sumere contemnendi Ioannis testimonium, ut ab homine profectum, ideo quarto subdit.

Ille erat lucerna ardens & lucens.]

Commendat Ioannem, ut testimonium eius commendabile reddat. Obserua autem, quomodo & in quibus eum commendat. Primò lucernam nominat, non lucem. Sicut enim lucerna non est lux essentialiter, nec lucet per se, sed per lumen constitutum in ea, & quamvis non luceat per se, tamen aptum est suscipere & continere lumen, ne extinguatur: Sic Ioannes non erat lux per essentiam, nec lucebat per se, sed ex participatione diuinæ lucis, cuius & capax fuit, eamque conseruauit, ne in se extingueretur. De hac lucerna olim prædictum est. Paraui lucernam Christo meo. Hic Ioannes adumbratus fuit per lucernam: quæ iugiter coram Domino ardebat in tabernaculo. Per hoc igitur, quod Ioannem lucernam dicit, ostendit & conuincit eos, nec prophetarum dicta, nec legis figuras intelligere, quibus hic Ioannes significatus est & prænuntiatus. Non simpliciter autem lucernam nominat, sed ardentem. Arsit enim Ioannes igne diuini amoris: Amicus (inquit) sponsi gaudet ad vocem sponsi, &c. Arsit etiam zelo iustitiæ, quo obiurgauit Herodem: Non (inquit) licet tibi habere uxorem fratris tui. Arsit denique & flamma dilectionis erga proximos, habuitque verba vehementer ignita. Genimina (inquit) viperarum, quis ostendit vobis fugere, &c. Nec solum fuit lucerna ardens, sed etiam lucēs, verbo & exemplo. Tria igitur in Christiano homine commendatur. Primò, si ad perceptionem gratiæ se disponit. Secundò, si eam diligenter custodit, & eadē bene utitur. Tertio, si ne dum in corde ardet, sed & lucet foris per opera: Ardere enim solum parum est, lucere

Psal. 115

Sue. c. 1.

Sup. c. 1.

Psal. 137
Leu. 24

Sup. c. 1.

Ioan. 3

Mar. 6

Mart. 3

Mal. 3
Ioan. 1

Mat. 10

lucere solum vanum est: ardere & lucere perfectum.

Vos autem voluistis ad horam exultare, &c.]

Hoc verbo iterum consciētias eorum tangit, quasi diceret. Scio quam ob causam ad Ioannem misistis, nempe, ut si Ioannes oblatum honorem agnosceret, ab uteremini eo ad me persequendum. Voluistis igitur ad horam exultare, &c. hoc est, magno gaudio affecti fuissetis, si ipse consensisset vobiscum contra me. Obserua etiam hic, quod Deus corda & intentionem videt, quantumcunque bonam speciem prætendimus. Deinde, hoc verbo eorum arguit inconstantiam. Quasi diceret: Etiam si quid boni gustastis, tamē ea est vestra inconstantia, ut facile fastidiatis. Sic Ioannem in exordio ardentem audistis, sed ad horam tantum mansit ille feruor, paulatim defecit. Hoc ipsum in omnibus contingit, in quibus non est vera fides, magno conatu incipiunt, sed non perseverant. Præterea, hoc verbo carnales eorum affectus palam ostendit: Ioannes (inquit) ad æternam gloriam vos inuitavit, vos autem temporalem præsentis regni felicitatem præripere voluistis, quod nihil aliud est, quam ad horam exultare. Quæ enim videntur, temporalia sunt, nihil breuius hora, nihil præsentis vite instabilius.

Co. 4 Ego habeo testimonium maius Ioāne,]

Solebant Iudæi etiam sanctissimos homines reiicere, si quid contra ipsos dixissent. Sic & Hieremiæ, qui ex utero sanctus erat, dicebant, Mendacium tu loqueris. Non misit te Dominus, &c. Ne igitur & de Ioanne talia dicerent, Christus ad alia testimonia transit.

Hier. 43

Opera quæ dedit mihi Pater, &c.]

Hoc est secundum testimonium. Maius autem est, quam testimonium Ioannis, quia eius testimonium est ab extra, virtus autem operum est ab intra: Item Ioānes testatur verbo, opus autem probat effectum: Ioannes digito carnali demonstravit Christum, opus autem est ipse digitus Dei. Summa, testimonium operum omnia alia vincit. Hinc Christus etiam alibi nos ad opera sua dirigit: Si

Lucæ. 11

mibi (inquit) non creditis, operibus credite. Item, Si opera non fecissem, quæ nemo alius fecit, peccatum non haberent. Opera autem de quibus Christus hic loquitur, sunt, opus incarnationis, natiuitatis, miraculorum, passionis, resurrectionis, ascensionis, & missionis Spiritus sancti. Hæc sunt magna illa opera Domini, exquisita in omnes voluntates eius, quæ & clarissime ipsum probant esse Deum. Signanter autem dicit: [Quæ dedit mihi Pater,] ut ostendat iterum, se non esse contrarium Deo. Vbi & illud observandum, quod Pater Filio opera imposuit, ne quis miretur, quod etiam à nobis opera exigit, imò omnibus filiis suis cuiuscunque status sint, certa opera dat, quæ admodum apertè testatur Paulus: Dei (inquit) factura sumus, creati ad opera bona, quæ præparavit nobis, ut in eis ambulemus. Observandum & illud, quod Christus addit: Ut perficiam ea. Nō enim satis est scire Dei voluntatē, nec satis est incipere, sed oportet perficere eius voluntatem. Attendat igitur quilibet, qualia sibi opera Pater dederit perficienda.

Ioan. 10
Ioan. 15

Psalm. 10

Ephes. 4

Et qui misit me Pater, &c.]

Tertium testimonium est vox Patris. Hic est Filius meus dilectus, &c. Vnde & Petrus: Oculis nostris aspeximus illius maiestatem, voce ad illum delapsa, &c. Misit autem Pater Filium, non ut esset, qui non erat, sed ut visibilis fieret, qui erat invisibilis, corpusque assumeret qui erat incorporeus, fieretque homo, qui erat Deus.

Neque vocem eius audistis unquam.]

Hoc addit, ne putarent eum loqui de Ioseph patre suo putativo. Deinde hoc verbo omnem ipsorum de Deo gloriationem aufert. Gloriabantur Iudæi, se Deum audisse & vidisse, itemque verbum eius se habere, Christus autē contrarium asserit. Nunquam vocem eius audistis. Sonum quidem verborum audierunt, sed non vocem Dei. Sic enim & Moyses eis dixit: Vos vidistis uniuersa magna opera Dei, & non dedit vobis Dominus cor intelligens, & aures quæ possent audire usque in præsentem diem. Sonat quidem vox Dei, vel scriptura in auribus hominum corporeis, tamen sensus vocis

Matt. 11
2. Pet. 1

Deut. 10

vocis nō nisi aure cordis percipitur. Obserua, quod qui solam literam audiunt, non Deum, sed creaturam audiunt. Deus enim cū spiritus sit, neque cernitur, neque cognoscitur, neque auditur, nisi spiri-
 Ioan. 4.
 1. Cor. 2.
 Gen. 22.
 ritu.

Neque speciem eius vidistis.]

Vidisse Deum legitur Iacob, & alij quidam, vt Daniel, Esaias, verū hoc non fuit in propria specie, sed aliena, in imaginatiōe formata, vel ab angelo in persona Dei apparente, vel alio cōsimili modo. Non igitur vnquam quis vidit speciem Dei: Viderunt Israelite fumum, igitur nem, nubem, sed illa nō Dei species propria est. Vel aliter, speciem eius nunquam vidistis, quia non pura mente, nec synce-
 Exo. 19.
 ra fide cōtemplati estis Deum: Qui enim ait, se nosse Deum, & mandata eius non seruat, mendax est, &c.

Et verbum eius non habetis in vobis manens.]

Habebant Iudæi verbū Dei scriptum in libris, proferebant illud ore, sed non in corde habebant. Primō, quia Christum, qui verbum Dei est, non admittebāt ad cordis sui hospitium, vt per fidem habitaret in cordibus eorum. Iuxta illud: Sui eum non receperunt. Secundō, quia vā-
 Ioan. 1.
 7.
 1. Phe. 3.
 Psal. 118.
 Tit. 1.
 cui erāt à vera cognitione, & salutarī memoria diuinorum verborum, dissimiles Dauidi, qui dicebat: In corde meo abscondi eloquia tua, &c. Quemadmodū enim impij, quantumuis subtiles, tamen non dicuntur cognoscere Deum, quia eū nō honorant vt Deum: sic peruersi & perfidi, quamuis in scripturis promptissimi sint, non tamen dicuntur habere verbum Dei, quia eo abutuntur. Tertiō, quia internam Dei inspirationem non percipiebant.

Quia quem misit ille, huic vos non creditis.]

Christus est verbum & vox Dei, ipse quoque est expressa imago eius & species: ipse denique lex viua est, & legis impletio. Proinde, qui non audit Christum, non audit vocem Dei: qui non videt Christum, non videt speciem Dei: Qui non habet Christum per fidem, non habet legem, non implet legem, non satisfacit le-

gi, vt maximè externa opera faciat. Lex enim spiritualis est, proinde non operibus externis tantū, sed fide in Christum impletur. Obserua quēadmodum Christus hic triplicia testimonia pro se adduxit, ita Christiano opus est triplici testimonio. Primō oportet vt habeat testimonium ab hominibus: Sic (inquit) luceat lux vestra corā hominib⁹, vt videāt opera vestra bona, & glorificent Patrē in celis. Secundō, vt testimonium habeat à proprijs operibus. Sic Petrus vult vt vocationem nostram certam faciamus per bona opera. Tertiō, vt habeat testimonium à Deo, hoc est, testimonium bonæ conscientiae, quod nisi absit, frustranea sunt priora duo: Gloria nostra (inquit) hæc est testimonium conscientiae nostræ.

Scrutamini scripturas, &c.]

Quantum Christi testimonium est, scriptura sacra. Ponitur autem vltimo loco quia hoc testimonio maximè conuincuntur Iudæi. Priora enim testimonia, quantumuis credibilia sint & certa, tamen tanta erat eorū malitia, & adhuc, vt ea impudenti ore calumpnientur. Cita Iudæo testimonium Ioannis, dicet eum fuisse subornatum à Christo vel Christianis: Allega eis miracula Christi, ascribent ea Diabolo, id quod Patres eorum fecerunt. Obijce eis testimonium & vocem Patris, dicent phantasma & deceptionem fuisse. Hoc autē scripturæ testimonio apertè conuincuntur, ideo vt firmis-
 Mat. 24.
 simum contra eos vltimo loco posuit. Obserua quod ignaros ad scripturas dirigit, non ad visiones & somnia, contra eos qui contemptis scripturis nouas reuelationes à cælo expectant. Obserua secundo, quod non iubet scripturas tantū legere, sed scrutari, quo verbo indicat scripturam sacram non oscitantem, sed diligenter requirere lectorem vel auditorem. Hinc Psalmista: Beati qui scrutantur testimonia eius, &c. Et Sapiens: Si inuestigaueris & quæsieris: si effoderis velut argentum, inuenies veram sapientiam. Deinde hoc verbo indicat, multa magnaue mysteria latere sub cortice literæ, quæ sic indignis occultata sunt, vt tamen à quærentibus inueniantur. Obserua autem quod duplex est scrutatio. Est enim scrutatio curiosa, præsumptuosa & immoderata

Rom. 7.

Matt. 5.

1. Petr. 1.

2. Cor. 1.

Mat. 24.

Psal. 118.

Prou. 2.

O derata

derata, qua quis contemptis necessarijs, Christum referri, quemadmodum Petrus ait: A Samuele & deinceps omnes qui locuti sunt, prænuntiauerunt dies hos. Et iterum: Huic omnes prophetae testimonium perhibent, & cæter. Tripliciter autem scriptura Christo testimonium perhibet. Primò est quasi vox ipsius verbi increati per quod omnia & creata sunt & sustentantur. Sicut enim vox manifestum facit & testatur verbum, quod in corde lateret: sic scriptura ubique verbi diuini virtutem & potentiam indicat. Secundò, scriptura varijs, sed obscuris figuris Christum adumbrat. Sic agnus Paschalis, serpens æneus, sacrificia denique legis, Christo perhibebant testimonium, per eius crucem & mortem mundum redimendum. Postremò, scriptura apertis verbis Christo testimonium perhibet. Sic Esaias, nedum eius aduentum in carnem, sed etiam modum conceptionis expressit: Ecce (inquit) virgo concipiet, &c. Idem & ipsius natiuitatem expressit: Puer (inquit) natus est nobis, & cæter. Sic Micheas locum etiam natiuitatis expressit: Et tu (inquit) Bethleem, &c. Ex te exhibit dux, & cæter. Iacob autem patriarcha etiam tempus expressit: Non auferetur (inquit) sceptrum de Iuda. Idem fecit Daniel, quum de septuaginta hebdomadibus scribit. Sic Esaias miracula Christi prædixit: Tunc saliet sicut ceruus claudus, &c. Sic Zacharias paupertatem Christi expressit: Rex (inquit) tuus veniet tibi pauper & mansuetus, &c. Apertissimè autem Esaias etiam eius passionem expressit, &c.

Et non vultis venire ad me, ut vitam habeatis, &c.]

Ostendit hoc verbo, eos non ex ignorantia, sed ex malitia & proposito peccare. Omnibus autem impijs & peccatoribus, hoc verbum dictum esse existimemus. Vbi primò vide, quam manifestè etiam peccatoribus & obstinatis loquatur, ut verum appareat illud Esaiæ: Non clamabit, nec contendet & cæter. Agnus enim nunc est, sed in secundo aduentu: ut leo rugiet, & quis non tunc timebit? Imò adeò voce sua terrebit tunc impios, ut dicturi sint montibus, cadite super nos, & abscondite

Pro. 25.
Eccle. 3.

Acto. 17

Su. eo. c

Joan. 8.
Lucæ. 11.

Ille sunt quæ testimonium perhibent de me.]

Nullum citat locum, sed in generali loquitur, tum ut ad quærendum incitet, tum ut sciamus omnem scripturam ad

Acto. 3

Acto. 10
Joan. 11

Esai. 7
Esai. 9

Mich. 5

Gen. 49
Danic. 9
Esai. 35
Zach. 9

Esai. 55

Esai. 41

Amos. 6
Apo. 6

Mat. 2.
Ioan. 3.
Mat. 2.
Ioan. 3.
Mat. 10.
Ioan. 8.

dicite nos ab ira sedentis super thronum & agni. Singula autem verba emphasim habent. Primo enim non dicit, Non potestis, sed: [Non vultis, ne habeant impij, quo se excusent. Sic & alibi contra Iudaeos dicit: Quoties volui congregare filios tuos, & noluisti. Et generaliter de omnibus: Haec (inquit) est condemnatio mundi, quod lux venit in mundum, & dilexerunt homines magis tenebras. Secundo, ostendit se nihil arduum vel difficile imperare, cum dicit: [Non vultis venire.] Maxime autem emphaticum quid habet, quod addit: [Non vultis venire ad me,] quasi diceret. Ego ad vos veni, insigniterque admodum me humiliavi etiam usque ad formam serui, imò etiam usque ad supplicium crucis. Quid igitur o popule meus tibi feci? quid commerui, quod ad me accedere times, imò dedignaris? Curris ad Magos, sortilegos, item ad externa suffugia, & me, in quo omnia habere posses, contemnis. Præterea: [Non vultis venire ut vitam habeatis.] Si ad arguendum, maledicendum, vel puniendum venissem, quemadmodum olim ad primos vestros parentes, item ad Cain, item ad Sodomitas, &c. excusari possetis: Nunc autem, cum vitam apporrem, & dare paratus sim, quæ vobis relicta est excusatio? Imò, quomodo potestis dicere, Deum iniuste facere, cum vel hic puniat, vel in æternū dānat? Nolulistis enim benedictionē, & elongabitur à vobis, &c.

Ego claritatem ab hominibus non accipio.]

Plura hætenus verba, eaque non vulgaria, ad Iudaeos loquutus est Christus: nihil tamen hætenus audiuimus eos respondentes. Nullus eorum Deo gloriam dabat, nullus se peccasse agnoscebat, nullus veniam petebat, denique nullus eorum emendationem vitæ proponebat. Ea est enim conditio eorum qui ex malitia & proposito peccant, quod quantumvis conuincantur & confundantur, non tamen emendantur. Quamvis autem Christus sciret nihil se in ipsis profecturum, non tamen cessat seipsum manifestare, ad maiorem scilicet eorum condemnationem, maxime autem ad nostram utilitatem. Nobis enim per hoc consuluit, alios qui tantas margaritas ante illos porcos

non lactasset. Hoc autem verbo iterū ad cogitationes eorum respondet. Ipsi erant ambitiosi: nā primos recubitus amabāt, & saluari ab hominibus Rabi: Quales autem ipsi erant, talia & de Christo suspicabantur. (Stultus enim in via ambulans, cum ipse stultus sit, omnes sui similes arbitratur) Huic igitur suspicioni obuiat Christus. Dupliciter autem intelligi potest verbum hoc. Primo sic: [Ego claritatem, &c.] quasi diceret: Sicut sol lux suam in se habet, nec accipit claritatem suam ab hominibus, etiam si multa lumina incenderent: sic ego cum Deus sim, in meipso habeo lucem, imò ego ipse sum lux & splendor gloriæ patris, nihil splendoris ex hominum laude accipio, sicut & nihil splendoris ex eorum contumelia amitto. Possum quidem glorificari in homine, cum scilicet opera mea in ipso ostendo, ut de Lazaro infra dicitur: Infirmitas hæc non est ad mortem, sed ut glorificetur filius Dei per eā. Possum etiam per homines clarificari vel glorificari, cum scilicet nomē meū ab ipsis laudatur magnificatur, inuocatur, quæ ad modū Psalmista ait: Magnificate Dñm mecum, &c. Sed claritatem ab hominibus non accipio, hoc est, nihil mihi ex hominum laude vel vituperatione accrescit, vel decrescit. Hinc igitur discimus, verū honorem esse qui in nobis est: Externus enim honor ab hominum favore vel odio pendet, internus autem constans est, nec amittitur, etiā si homines vituperent. Hunc igitur verū honorem quæramus, ac studeamus, ut honorem verum in nobis habeamus. Aliter, & magis ad sensum Christi sic exponitur hoc verbum: [Ego claritatem ab hominibus non accipio,] quasi diceret: Scio cogitationes vestras, vos suspicamini me ideo tam duriter duritiam cordis vestri increpassse, quod nondum me ut regem Christum voce præconia declarastis, & in solum Davidis locastis. Item existimatis, quod ideo vos ad me alliciam, & ut meo sermoni credatis, admoneam gloriæ captandæ studio aut ambitione. Ego autem gloriam hanc non quæro, non capto auram popularem. Si enim omnino gloriæ studiosus essem, nunquam me in extremam carnis humilitatem deiecissem. Qui enim gloriam quærent, maxime fugiunt, & egre ferunt

fui contemptum. Christus autem cum esset in forma Dei, &c. humiliavit seipsum, &c. & proposito sibi gaudio sustinuit crucem confusione contempta. Hoc verbo igitur non tam Iudæorum, quam nostra damnatur superbia, qui cum sumus nihil aliud quam terra & cinis, ad hæc multis peccatis obnoxij, semper tamen alta appetimus: volumus videri, exaltari, cum interim videamus in Christo (qui in scemore suo & vestibus scriptum habet: Rex regum, & Dominus dominantium) tam insigniter expressum humilitatis exemplum. Si exaltari cupis, per humilitatem Christum sequere ad gloriam, alioqui nunquam peruenies. Stat enim sententia: Omnis qui se exultat, humiliabitur, & econtra. Obserua quamvis Christus gloriam ab hominibus non quæserit, nihil tamen ob id omisit eorum, quæ salutis nostræ erant. Sic & quamvis gloriam quærere non debeamus ab hominibus, non tamen ob id à bonis operibus cessamus. Hinc Christus prohibuit quidem, ne iustitia, eleemosyna, oratione, ieiunio, &c. gloriam hominum venemur, non tamen docuit ob id omittenda esse huiusmodi bona.

Sed cognoui vos, quod charitatem Dei non, &c.]

Scio (inquit) quid vobis obstat: incredulitas vestra non est ex inopia testium (sufficientes enim adduxi testes) sed ex defectu charitatis. Obserua quod defectus charitatis, causa est nostræ tarditatis ad omne bonum. Nec mirum: si cut enim, si ignis charitatis in corde ardet, fieri non potest, quin & foras flamma erumpat in verbis & operibus, sic econtra eodem igne extincto, omnia frigent in homine. Quamvis autem carnales homines hoc damnum non magis æstiment, tamen verè ingens damnum est, defectus charitatis. Qui enim charitatem non habet, nihil est etiam si hominum & angelorum linguis loquatur, &c. Qui non diligit (inquit Ioannes) manet in morte. Et idem, Deus charitas est, & qui manet in charitate, in Deo manet, & Deus in eo. Hoc igitur verbo admonemur, ut pluris æstimemus spiritualia bona, quam externa: Ac mu-

lamini (inquit) Paulus charismata meliora. Obserua quod Christus omnes cognoscit, nedum quales sunt ad extra, sed & quales sunt ab intra. Quacunque igitur larua te obtexeris, non falles Deum. Vide itaque ne te ipsum decipias, nam Deus non irridetur.

Ego Veni in nomine Patris mei, & non &c.]

Venire in nomine Patris, est à Deo missum esse, gloriam & voluntatem Dei quærere, ac publicam in munere suo utilitatem non priuatam commotum spectare: Hæc autem omnia in Christo videmus. Hoc igitur verbo ostendit, nihil in se esse, quod causari possint homines, id quod utinam & in omnibus Ecclesiæ ministris videremus. Deinde hoc verbo nedum Iudæos tunc præsentibus, sed & omnes abæsentibus & futuros ad se allicit. Quis enim non accurrat ad eum, qui Dei legatione fungitur? Quid non magis expectandum est ab eo, qui à Deo venit, & Dei vices agit, imò Deus est? Sed o hominum stupiditatem! Audi quid sequitur: [Et non accipitis me.] Quo verbo ostendit eos, nedum contra Deum, sed & contra legem Moysei facere. Is enim sic eis prædixit in verbo Domini: Ecce (inquit Dominus) ego mitto ante vos angelum meum, qui præcedat vos, &c. Obserua & audi eum, nec contemnendum putes, quia non dimittet cum peccatoribus, est enim nomen meum in illo.

Si alius venerit in nomine suo, illum accipietis.]

Suo nomine venit, qui missus à Deo non est, nec Dei negotium agit, non quærît gloriam Dei, nec proximorum salutem, sed proprium commodum, & compendium, & gloriam, vel auctoritatem. Exponitur autem hoc verbum communiter de Antichristo, quem Iudæi & ardenter expectant, & venientem obujs manibus excipient. Potest autem & generaliter accipi de omnibus, qui proprio nomine veniunt. Ea est enim mundi impietas, ut quosuis citius recipiat, quam bene consulentes & Deum pios. Sic Iudæi olim contemptis veris prop-

Philip. 2.
Heb. 12.

Apo. 19.

Lucæ. 8.

Matt. 6.

1. Co. 13.

1. Ioan. 3.
1. Ioan. 4.

1. Co. 13.

Galat. 6.

Exo. 23.

prophetis, falsis adhærebant. Sic tempore Christi turmatim sequebantur Iudam & Theodam assertores, vt videbantur, libertatis, cum tamen reuera essent seditionis authores, interim vix pauci Christum veræ libertatis authorem sequebantur. Sic in passione Christi, ipso reiecto & condemnato, Barrabâ latronem sibi deposcebant, &c. Sic post ascensionem Christi, profligatis Apostolis, eos secuti sunt duces, qui & in temporale & in perpetuum excidium eos præcipitarunt. Eandem insaniam & apud Christianos est videre. Sic enim & in exordio Apostolos in nomine Domini venientes, & gratis euangelium prædicantes, pauci receperunt: Pseudoapostolos autem à seipsis venientes, & falsæ prædicantes, & insuper etiâ sumptus accipientes, plures audiebant. Sic post decessum Apostolorum maior pars Christianorum, cõtempnitis patribus, magno studio hæreticis adhæsit. Sic plerisque hætenus non nisi somnia sua prædicantes, & ipsissimum quæstum præ se ferentes, tantum nõ pro dijs admirati sumus, alijs interim melioribus contemptis: Sic & nunc magno studio suscipimus quæcunque noua, etiam si impijssima sint, imò quo quidquam peruersius est, eo ardentius suscipitur, interim nihil curantur, qui bene docent. Eandem insaniam & in alijs rebus ostendimus. Quicquid mundo & diabolo, vel propter ipsos dare, agere, aut pati oportet, lætanter exequimur. Sola autem ea grauiora & importabilia sunt, quæ Deo vel propter Deum, dare, agere, aut pati iubemur. Summa, Ego veni in nomine Patris mei, & non accipitis me: si alius venerit suo nomine, & in pernitiæ vestram, hunc suscipietis. Sic scurris & morionibus facilius aures præbemus & perseuerantius, quàm verbi Dei prædicatoribus &c. Hanc autem nostrâ impietatem pulchre punit Deus, & spiritualiter & temporaliter. Primò enim quia claritatem veritatis nõ recipim⁹, permittit vt in varios errores incidamus, vtque credamus mendacio, qui veritati acquiescere nolumus. Secundo, quia grauati Christo ministramus, plerumq; cõtingit, vt quod non tollit Christus, tollat filius, quæadmodum & in propheta dicitur: Seminaſtis multum, & intulistis parũ, &c. quia dom⁹ mea de-

ferta est, & vnusquisq; ad domũ suã tantum festinat. Si igitur has pœnas euadere cupis, suscipe eum qui in nomine Patris venit. Etsi enim Christus aliquando discat quæ carni molesta sunt, certus tamẽ es, quod sunt vtilia: sic etsi præcipiat, quod videt graue, iuxta hoc tamẽ ingentia promittit. Quantum igitur eius præcepta terrent, tantum promissiones consolantur.

Quomodo potestis credere, qui gloriam abinuicem, &c.]

Suprà docuit primam causam Iudææ obstinationis esse, quod charitate Dei vacui essent: nunc addit alteram causam, nempe ambitionem & inordinatam dilectionem temporalium. Erant Pharisei Mancipia gloriæ & animalia ventris, timebant famæ & existimationi suæ, videbant Christum nihil earum rerũ discipulis vel promittere vel dare, quas ipsi toto studio expetebant, timebant se contemnendos, si credidissent Christo: timebant item, ne cogerentur pompam & superbiam suam abdicare. Et quis non videt, etiam inter Christianos huiusmodi homines, &c. Innuit autẽ Christus, quod non bene conueniunt, nec in vna domo morantur, aut morari possunt, ambitio & fides. Nam fides humiliat, ambitio inflat: Fides facit, vt te abneges, & captiuũ te tradas in obsequium Dei: item vt paratus sis omnia propter Deum relinquere. Ambitio verò sibi soli bene cupit, se magnificat, sibi omnia ascribit. Fidelis non gloriatur, nisi in eo quod cognoscit Dei misericordiam & iusticiam, &c. Ambitiosus autem gloriatur in sapietia, fortitudine, & diuitijs proprijs. Proinde vbi est ambitio, ibi non est vera & viuua fides: & ecõtra, vbi vera illa & viuua fides est, ibi non est ambitio, sed humilitas. Appetitus igitur gloriæ, magnum ad salutem obstaculum est. Hinc Christus dicit: Si quis venit ad me, & non odit animam suam, non potest meus esse discipulus. Idem appetitus gloriæ & temporalium, sunt spinæ illæ, quibus semen verbi Dei suffocatur. Pulchrè autem eos arguit, quod gloriam abinuicem acciperent: quomodo enim potest homo tam misera creatura,

O in verum

verum honorem conferre: quod si etiam coram hominibus gloriosus videaris, perinde est, ac si vnus vermis vel brucus præ alijs sibi placeat, cum non minus ex stercore & nat⁹ sit & viuat quàm alijs. Ni hil igitur stultius quàm gloriam captare humanam, qua nihil vilius, vanius, & instabilius: hominis enim gloria stercore & vermis est, hodie extollitur, & cras non inuenietur. Huc pertinent verba illa scripturæ. Omnis caro fœnum, & omnis gloria eius flos fœni: Aruit fœnũ, & cecidit flos, &c. Item, Fallax gratia & vana est pulchritudo. Hinc Herodes, cui populus acclamabat, Dei voces, & non hominis, paulò post consumptus à vermibus exspirauit. Iustissimè autem eos ob id arguit quod gloriam quæ à solo Deo est, non quærent: verè enim reprehensione dignum est. Gloria autem à solo Deo veniens, est testimonium bonæ conscientia, quemadmodum Paulus ait: Gloria nostra, hæc est testimonium conscientia: nostræ. Item. Gloria à solo Deo ea est, de qua Paulus: Gloriamur, inquit, in spe gloriæ filiorum Dei. Hæc enim est vera gloria nostra, quod Filij Dei nominamur & sumus.

Nolite putare quod ego vos accusatus sim, &c.]

Quasi diceret (secundum aliquos) vos vbique in me obseruatis, vnde me accusare possitis, & in hoc acutis vt gladium linguas vestras, &c. vt sagittetis in oculis immaculatum, ideo accusante conscientia vestra, putatis quod vobis talionè redditurus sim: ego autem dico causam vestram longè in peius cecidisse: nō enim mihi, vt accusatori verba dedistis, non à qualicunque exploratore perspecti estis, sed incidistis in manus iudicis, apud quem rei estis maiestatis, incidistis horrendè in manus Dei viuentis. Hic enim Filius Dei, cui vos non creditis, ad quem venire non vultis, cui Pater omne iudiciũ dedit, ecce ad audiendas causas processit. In iudiciũ enim in hunc mundum venit, vt principem mundi foras eiciat, & omnes eius sequaces in diem malum referuet, in diem scilicet occisionis: Ecce, inquam, iudex ad audiendum processit, vosque vincti peccatis in conspectum eius adducti estis.

[Nolite igitur putare quod ego vos accusatus sim,] sed peiora expectate. Nō enim misit me Pater accusare, sed iudicare. Verè dura sententia contra omnes impios. Cæterum, sunt qui locum hunc aliter exponunt, sic scilicet. [Nolite putare quod ego accusatus vos sim,] supple, solus. Multa quidem habeo de vobis & loqui & iudicare, imò quemadmodum omnis mea vita, passio, &c. pro credentibus interpellat, sic impios accusant. Certe igitur estote quod vos accusatus sim sed non solus. Aderunt & alijs plerique accusatores. Impios enim primò accuset bit propria conscientia. Iuxta illud Paulus: Testimonium reddente illis conscientia ipsorum, &c. Accusabit eos legislator propter transgressionem legis & præceptorũ: accusabũt eos angeli ad custodiã deputati, quod eis nō acquieuerũt: accusabunt eos omnes, quorum doctrinam & correptionem non acceperunt: accusabit eos proximus malè ædificatus: accusabunt eos omnes creaturæ, quibus abusi sunt. Miserrima igitur erit conditio impiorum, quando quidem orbis terrarum pro Deo contra eos pugnabit. Postest etiam locus hic intelligi, vt sit comparatio Christi ad Moysen, Euangelij ad legem. Lex iram operatur, quia peccatũ ostendit, accusat, dānat: Christus autem operatur gratiam, excusat, remittit peccata, viuificat. Secundum hunc autem sensum verbum hoc admodum consolatorium est. Quid enim iucundius est, quàm audire quod Christus non venit iudicare mundum, sed saluare: non accusare, sed obtegere, remittere peccata: Si autem Filius nos excusat, quis accusabit aduersus electos Dei, &c.

Est qui vos accusat Moyses, in quo speratis.]

Hoc verbo conuincit, eos etiam Moysi aduersarios esse, nec opus esse alio accusatore, sed etiam cæteris tacentibus, solum Moysen & legem eius ad condemnationem eorum sufficere. Ego, inquit, iudex sum. Moyses accusator est crudelis, & clamorosa conscientia testis vnus, sanguis meus quem vos persequimini & effundere cupitis, testis alius est: ea contra autem defensor nullus. Accusat autem Moyses omnes impios, quia nullus

1. Mac. 2

Esai. 40
Prou. 1

2. Cor. 1

3. Ioan. 3

Psal. 63.

Hebr. 10

Ioan. 12.

Hier. 12

Ioan. 8.

Rom. 1.

Sap. 5.

Rom. 8.

Mat. 23. nullus eorum legem obseruat. Vide igitur, quomodo in diuersum cadat hypothesis vana fiducia, putant se legem pro se habituros, quæ ipsos coram Deo & iudicio eius defendat & iustificet. Verum quia Christum contemnunt, habebunt Moysen carnificem & legem accusatorem. Signanter autem Moyses accusabit Iudæos, ideo quod contemptis principalioribus præceptis, qualia sunt: Diliges Dominum Deum tuum, &c. Item, diliges proximum, ipsi in solis phylacterijs & caeremonijs gloriabantur. Signanter autem non dicit: Accusabit, sed: [Accusatus,] tum quia iam olim contra eos cælum & terram in testes vocauit: tum quia etiam nunc omnes creaturæ contra impios clamant, adeo vt nisi citò conuertantur, effugere nequeant Dei iudiciũ. Signanter etiam addit: [In quo vos speratis.] Hypocritæ enim in lege & operibus confidunt, sed vanè, vt supra dictum est, nam nihil eos adeo condemnat vt lex. Præterea plurimum confidunt Iudæi in suis patribus: Cum enim legant, Moysen in deserto pro populo orasse, & iram Dei ab eis auertisse, imò Deum vi precum suarum retinuisse ne percuteret, forte sperant Moysen etiam in iudicio ipsis assueturum, sed frustra sperant. Non enim peccatores & impios Moyses fouere ac tueari consuevit, id quod ex eo patet, quod Filios Leui instigauit ad occisionem impiorum. Qui igitur sic iratus fuit contra eos qui vitulum adorauerant, quanto magis auersabitur eos qui Filium Dei contempserunt!

Si enim crederetis Moysi, &c.]

Vide quàm potenter eos conuincat, omnia enim eis aufert & diruit de quibus gloriabantur. Putabant se esse filios Abraham, dicebant se Iudæos esse, sperabant in Moysse, gloriabantur de lege. Omnia autem hæc Christus ita confregit, vt non possent stare. Cõuincit enim eos nec Moysi credere, nec Iudæos esse, sed synagogam Satanae. Quadrupliciter autem Moyses de Christo scripsit. Primò verba aliorum narrando, vt cum scribit prophetiam ipsius Iacob de Christo. Secundò varijs figuris Christum adũbrando. Tertiò apertis verbis de Christo prophetando, vt cum dicit: Prophetam suscitabit vobis Domi-

nus, &c. Quarto legem dando, quæ ceu pædagogus ducit ad Christum ostendens do peccata.

Quod si literis illius non creditis, &c.]

Hoc est, si legem Moysi scriptam tenentes, & quotidie legentes, tamen parui facitis & transgredimini, quomodo verbis meis rectè affecti eritis, quæ vix semel audistis & negligenter, cum Moysi non credatis, quem magistrum professi quotidie legitis? Vel aliter, Si literas Moysi, quæ quasi elementa sunt doctrinae meæ, non suscipitis, & legem quæ ad me ducit spernitis, quomodo ad hæc altiora peruenire poteritis? Qui scripturis non credit, nec Christo credit.

Caput sextum.



Actenus Ioannes ea cõmemorauit, quæ Christus primis duobus annis egit & docuit, sed breuiter ea complexus est, quia eorũ satis multa in alijs euangelistis habentur. Ab hoc autem capite vsque ad finem libri narrationem incipit eorum, quæ in tertio, hoc est, vltimo anno vitæ suæ temporalis egit & docuit. Hinc est quod statim in exordio huius capitis, iam tertio festi Paschalis meminit. Erat, inquit, proximum Pascha dies festus Iudæorum, atque hoc est tertium Pascha. Nam supra bis scribitur in eodem festo Hierosolymam ascendisse, in quarto autem Paschate crucifixus est. Quicquid igitur ab hoc capite vsque ad passionem Christi scribitur, contigit infra tertium & quartum Pascha, hoc est, vltimo anno prædicationis Christi. Diffusius autem scribit Ioãnes de his, quæ hoc tertio anno contigerunt, quàm de primis duobus: tum quia alij Euangelistæ pauca de his scripserunt: tum quia notatu dignissima sunt. Quo enim Christus propius ad passionem accessit, eo plus splendoris habet, & efficaciora sunt quæ dixit & fecit. Non sine causa autem Ioannes in exordio huius capituli præmittit

O iij mis



miraculum: facit enim hoc ad confirmationem eorum quæ in hoc capite Christus docturus est. Nam miracula verbo Dei adiuncta sunt quasi sigilla, quibus certi reddimur, Dei verbum esse, cui hoc sigillum appensum est. Sic daturus legem, adiecit signa, transitum scilicet per mare, Aquam de petra, manna de cælo, tonitrua, fulgura in datione legis, &c. ut omnis, qui postea audiret & doceret legem, certus esset, se Dei legem docere & audire. Sic Christus Euangelium annuntiaturus, addidit miracula, ut certi efficerentur homines, eum non docere vana. Sic priori capite docturus se esse Dei Patris legatum, & omnem, qui credat sermoni suo, habere vitam æternam, & in condemnationem non venire, præmisit miraculum, sanationem scilicet infirmi, quo miraculo sequentia sua verba in veritate sua confirmavit. Sic & in hoc capite, docturus se esse patrem verum & viuum, non nudam proposuit eam doctrinam, sed præcedenti miraculo quinque panum confirmat, ut omnis qui sequentia verba docet vel audit, certus sit, se verbum Dei audire & docere, etiamsi ipse miracula non faciat. Quamvis autem alij Euangelistæ diligenter hoc ipsum miraculum descripserint, & Euangelistæ nostri propositum sit, tantum ea quæ ab alijs omissa sunt scribere, vnum tamen hoc miraculum repetit, tum ut addat ea, quæ ex occasione huius miraculi acciderunt, quod alij Euangelistæ non fecerunt, tum ut ostendat, Christum nondum corporaliter posse cibare, sed etiam spiritualiter: Tum tertio, ut credibilia fiant quæ infra describit de animæ cibo, hoc est, corpore & sanguine Domini, ne quis dicere possit, durus vel impossibilis est hic sermo, quis potest eum audire? Atque utinam exordium huius capituli attenderent, quibus incredibile videtur, corpus & sanguinem Christi verè in cibum fidelibus dari. Iam quamvis miraculum illud in se pulchrum sit, iucundius tamen efficitur, si consideremus, quid eo miraculo nobis ostendere voluerit Christus. Sunt enim miracula Christi, sicut liber quispiam pulchrè ornatus & diligenter scriptus, quæ si quis literarum ignarus viderit, laudat quidem & librum & scriptorem, sed quid in se contineant literæ, nescit: Qui autem nescit videre, sed etiam legere nouit, is

duplici gaudio perfunditur: Primo ex aspectu libri, secundo ex intellectu verborum. Idem hoc loco vsu venire videbimus. Docet autem miraculum hoc, etiam cibum corporis esse donum Dei. Iuxta illud. Benedictio Domini diuites facit. Item, Dante te illis colligent. Item, Dedit tibi manna, ut ostenderet quod non in solo pane viuit homo, &c. Verus igitur vsus huius miraculi est, ut qui cibum corporis habent, sciant donum Dei esse, & agant gratias. Qui non habent, confidant se de manu Dei accepturos. Atque ob eam rem, sicut miraculum de sanatione languidi, confirmat eos, qui infirmitate corporis laborant, sic hoc miraculum de quinque panibus confirmat eos, qui de victu solliciti sunt. Hinc Christus discipulos sollicitos de panibus, huius facti comonefecit: Quid cogitatis, inquit, inter eos modicæ fidei? Non recordamini quinque panum, &c. Sed iam ad historiam accedamus.

Post hæc abiit Iesus trans mare.]

Mare illud Tiberiadis non aliud est, quod alibi dicitur mare Galilææ, & stagnum Genesareth: diuersa enim nomina sortitur à circumiacentibus ciuitatibus. Dicitur autem mare iuxta consuetudinem Hebræorum, qui quascunque aquarum congregationes appellant maria. Causa autem huius transitus fuit, ut discipuli, qui à prædicationis labore redierant ad Iesum, paulisper ab hominibus semoti requiescerent, ut Marcus ait: quamvis & alias causas assignare possimus. Primo enim noluit Iudæos ulterius sua præsentia irritare, sed secessit, si forte ira, quam in eum conceperant, resideret, ac facti eos pœniteret. Per hoc autem docuit, ut & nos aduersarijs cedamus, nec plus iritemus eos, qui aliàs incitati sunt: Opus enim charitatis est, non insurgere in maleuolos, nec viribus nostris uti, ne impotentia eorum redarguta maiori odio concitetur: Charitas enim non quærit quæ sua sunt. Vbi interim obserua, non iræ, sed gratiæ indicium esse, quod Deus aliquando homini aufert occasiones peccandi: non enim id facit quod nobis quicquam inuideat, sed ne multum peccantes grauius damnare cogatur. Ob eam causam etiam hominis vitam abbreviauit, ut qui olim non nungentos annos vixerunt, nunc vix septuaginta

Mat. 14.
Marc. 6.
Lucæ 9.

Pro. 10.
Psal. 103.
Deut. 8.

Mat. 16.

Lucæ 9.

Genes.

Mar. 6.

1. Cor. 13.

tuagesimum annum attingant: Dies, inquit, annorum nostrorum in ipsis septuaginta anni sunt, &c. non quod longam vitam nobis inuideat, sed ne diu uiuentes multum peccemus, atque adeo gratius damnemur. Sic & alia nonnunquam subtrahit, quæ possent esse occasio ruinæ, ob eandem causam. Sic & hic Iudæis præsentiam suam aufert & conspectum, ne grauius peccent, iam plus satis peccatorum habentes. Sic igitur etiam in ira ostendit misericordiam. Aliàs autem reuera iram præ se fert recessus ille Christi: Ideo enim trans mare abiit, ut re ipsa ostenderet, tam longè se propter impietatem eorum migraturum, ut inaccessibilis ad eum uisit. (Non enim possibile est pedibus hominum maria transiri) quod & uerbis paulò post minatur: Quæretis, inquit, me, & non inuenietis, & quò ego uado, vos non potestis venire. Quàm propè enim Dominus adest timentibus se, facilisque uia salutis ad ipsum, tam longè abest impijs, tamque inaccessibilis est uia salutis his, qui eum irritant, id quod & in propheta comminatur impijs: Sepiam uiam tuam spinis, ualle & fossa, ne inuenias semitam eius. Sic igitur Hebræorum populus eum, à quo olim per mare ductus fuit, mare transire coëgit, ut uerè dixisse Moysen uideamus: Generatio praua & adultera, hæcne reddis Domino Deo tuo? &c. Cæterum hoc ipso facto, quod Christus mare transiit, nos docuit relinquere mundum. Iuxta illud: Obluiscere populum tuum, & domum Patris tui, &c. Itemque: Recedite à tabernaculis impiorum, ne inuoluamini in peccatis eorum. Pulchre autem per mare mundus intelligitur: nihil enim magis turbidum, instabile, periculosum, quàm mundus. Multò siquidem plures in mundo pereunt, quàm in mari. Imò omnis impius mari comparatur: Cor enim impij quasi mare feruens. Quòd autem in desertum suos ducit, ibique eos pascit, indicat eos solos diuinæ gratiæ participes esse, qui turbæ strepitum fugiunt, ac secretum amant. Hinc & Moyses, ad interiora deserti pergens. Deum uidere meruit. Sic & in Osea dicitur: Ducam eam in solitudinem, & illic loquar ad cor eius. Hæc enim est consuetudo Dei, ut eos quos consolari uult, primum in desertum

ducatur, ut videantur ab omnibus relictæ.

Sequebatur eum multitudo magna.]

Hoc prædixerat Esaias: Erit mons domus Domini in vertice montium, & fluent ad eum omnes Gætes, &c. Cæterum hic multitudinis feruor, nostram ignauiam arguit. Illi etiam non vocati, sequebantur Christum, nos roties vocati, non tamen sequimur: Illi ultra mare in desertum & montes eum sequuntur, nos nec præsentem audire dignamur: Illi turmatim sequuntur, nos uix paucos uidemus sequi. Discamus igitur inertiam nostram excutere. Verè enim dignum & iustum, imò necessarium est, ut eum sequamur. Non est enim aliud nomen sub cælo, in quo oporteat nos saluos fieri, quàm nomen Iesu. Omnes igitur ab eo expectamus, ut det nobis cibum in tempore. Bealices, qui dicere possunt cum Daniele: Et nunc sequimur te in toto corde, &c.

Quia uidebatur signa, quæ faciebat, &c.]

Iuxta profectò causa: quis enim infirmus non sequeretur talem medicum? Ob eandem causam & nos eum sequimur. Videmus enim signa gratiæ & misericordiæ peccatoribus plerisque ostensæ, huiusmodi signa nos trahunt, &c. Vide autem quàm dissimiles sint Phariseis, illi Christum ideo persequiebantur, quòd signa faciebat in Sabbato: Hi autem non ob aliam causam eum sequuntur.

Subiit igitur in montem Iesus.]

Ut locus responderet locato. Vbi etenim iustius maneret Iesus, quàm in monte? Nam ipse quoque mons in scriptura dicitur. Propter sanctissimæ uitæ excellentiam, miraculorum eminentiam, contemplationis celsitudinē, & propter charitatis omniumque virtutum incomparabilem sublimitatem. Mons ergo ascendit in montem, implens illud prophetis cum: Super montem excelsum ascende tu, qui euangelizas Sion, &c. Abiit in montem, locum scilicet aptum orationi, cōtemplationi, instructioni, ut nos idem faciamus tempore opportuno. Item in montem ascendit, ut nos suo exemplo doceret terrena contemnere, & quærere cælestia. Iuxta illud: Quæ sursum sunt quærite, &c. Item omnium quæ retro sunt,

Esaiæ 21

Ura sequitur notat

Acto. 4

Psal. 102

Dan. 2

Ioan. 3

Esaiæ 2

Dan. 2

Esai. 42

enare ascendit in montem

Colos. 3

ob

Philipp. 3. oblitus sum, &c. Præterea in montem ascendit, vt turbam oculis misericordiae videret, & discipulos eandem videre doceret.

Et ibi sedebat cum discipulis suis.]

Proculdubio in magna solenitate contemplationis sedebat, habens coram se opus suum, & religioso corporis habitu exprimens præparationem gloriæ & honoris, quo sedere habebat ad dextram maiestatis in excelsis, & quod vbi foret ipse, illic essent simul & discipuli sui, & omnes

Ioan. 12. electi. Non solus autem in monte sedet, sed cum discipulis: Vult enim, vt qui gradum prælationis habent, non alibi quam secum in monte sedeant, hoc est, in eminentia vitæ.

Erat autem proximum Pascha, &c.]

Hoc est, quod supra in exordio capitis diximus, &c. Alijs igitur Hierosolymam properantibus, ipse ad desertum pergit, vt paulatim legem solueret, cuius finis iam

Rom. 10. aderat: Finis enim legis Christus. Obserua

autem, quod qui eum in desertum sequuntur, non minus, imò plus reficiuntur & corpore & mēte, quàm hi, qui Hierosolymis erant in festo. Vbi enim Christus, ibi omnia bona. Ideo David: Si ambulem, inquit, in medio umbræ mortis, non timebo mala, quoniam tu mecum es. Signanter autem dicitur dies festus Iudæorum. Christiani enim aliud pascha habent: Pascha enim nostrum immolatus est Christus.

Psal. 12. 3. Cor. 5. Cum subleuasset ergo Iesus oculos, etc.]

Cum subleuasset ergo Iesus oculos, etc.]

Hactenus & locum, & tempus, & personas descripsit Ioannes, vbi scilicet, quādo, & coram quibus factum sit: nunc modum ipsius miraculi describit. Hic igitur primo vides, verè dictum esse. Ecce oculi Domini super metuentes eum, & super eos, qui sperant super misericordiam eius. Obseruandum autem, quod vbi cumque Christus oculos leuare dicitur, semper magnū aliquod opus sequitur. Quid enim sunt oculi eius, nisi fenestræ salutis & patentes misericordiae ianuæ, per quas gratia & veritas emittitur, imò subleuatio oculorum Iesu, præsens miserorum compassio est. Sicut e contra Psalmista de

Psal. 16. his, quorum crudelia sunt viscera: Oculi

los, inquit, suos statuerunt declinare in terram. Oculos igitur, quos vsque ad id tempus iuste in iram deprefferat & clauserat, nunc subleuasse dicitur, id quod ingentis gratiæ signum est. Quid enim non bonorum sequitur, vbi Deus hominem aspicit. Hinc Moyses præcepit Leuitis, vt inter alias benedictiones ita populo bene precarentur: Conuertat Dominus faciem suam ad te. Econtra nihil non malorum sequitur, vbi Deus faciem auertit. Hinc David vbique precatur: Ne auertas faciem tuam à me, &c.

Et vidisset, quod multitudo maxima, &c.]

In Luca legimus, cum præ gaudio spiritus exultasse, cum audiret Apostolis bene cessisse primam eorum prædicationem: Confiteor, inquit, tibi pater, &c. Cōsequens igitur est, vt & hic cum magno cordis gaudio viderit populum ad se adcurrentem: Neque id mirum. Supra enim dixit: Cibus suum esse, vt faciat Patris voluntatem, hoc est, vt saluet peccatores.

Dixit Philippo, Vnde ememus panes?] Prius interrogat, vt miraculum conspectus fiat & celebrius. Cum enim prius cōpertum fuerit discipulis, non nisi quinque panes fuisse, nemo dubitare potest, quin Dei opus sit, tantam multitudinem satiare. Obserua autem, quod Christus ipse incipit de cibo facere mentionem, discipulis nihil tale cogitantibus, nec turba quicquam tale expectante, quo declarauit se sua cura præuenire omnem nostram indigentiam, ac planè etiam nobis dormientibus Patrem familiās agere. Huc pertinet illud, quod in Esaia dicit: Audite me domus Iacob, qui gestamini ab vtere, vsque ad senectam ego ipse portabo: Ego feci, ego feram, &c. Signanter autem hoc facto ostendit, se curare pro his, qui vocationi suæ inuigilant, ac bonis operibus insistent. Hinc alibi dicit: Primum quærite regnum Dei, &c. Ipse quidem escam dat omni carni, ipse beneficia præstat etiā malis hominibus, sed maximè curat pro se sequentibus. Ideo autem toties in scripturis ostendit, se pro nobis curare: indigemus enim copioso verbo ad cōfirmandam fidem de ventris victu. Nam prima hominum cura est de victu, quæ carni nostræ

Luc. 16. stræ agnata, tunc erumpit, cum sapere incipimus. Quo enim quisque prudentior fit, eo magis victus cura crescit: Ideo & senes, quibus prudentia est maxima, ætate, vsu, & varijs discriminibus collecta, ferè curiosiores & de victu magis solliciti sunt. Non tamen frustra Deus ventre omnia abliguritante nos oneravit. Voluit enim per hoc fidem nostram exercere, vt qui possit Deo ventrem credere in vitam corporalem possit, & aiam ei credere in vitam æternam. Qui enim in minimo est fidelis, erit & in magno fidelis. Obserua autem, quod signanter dicit. [Vnde ememus panes?] non loquitur de cibis delicatioribus. Hi enim magis ad voluptatē, quàm ad necessitatem quæruntur. Voluit igitur docere, vt cibum non ad voluptatem, sed ad necessitatem sumamus. Hinc & Paulus: Habentes victum & quibus tegamur, his contenti simus. Et Sapiens: Initium hominis panis & aqua, domus & vestis:

Hoc autem dicebat, tentans eum, &c.]

Mat. 4. Tentat & Diabolus hominem, ideo in scripturis tentator appellatur. Insidiando enim circumuolat, promittendo decipit, suadendo blanditur, opprimendo rapit, minando terret, desperando frangit. Contra hunc oramus, Ne nos inducas in tentationē. Hoc modo non tentat Deus vt perdat, Deus enim intentator malorum est. Deus autem tentat, vt probet. Sic Sapiens: Deus tentauit iustos, & inuenit illos dignos se. Item tentat Deus, vt homo vel sibi vel alijs innotescat. Sic tentauit Abraham, vt eius fides & obedientia omnibus innotesceret. Sic tentauit Israelitas, vt manifesta fierent, quæ in corde habebant. Hinc Moyses: Adduxit te Deus per desertum, vt tentaret, &c. Sic tentatur & Philippus, vt fides eius exploretur, num credat Christum posse in necessitate subuenire. Sic cum tibi ob oculos ponitur numerosa proles, & promptuarium panis vacuum, dicitur etiam tibi: [Vnde ememus panes, &c.] Hoc autem Deus ad te dicit, non vt te perdat, sed vt probet fidem tuam, num velis ipsum pro Patrefamilias suspicere & venerari. Esuries enim, & panis defectus non sunt perditionis, sed duntaxat tentationis officina.

Ipse sciebat quid esset facturus.]

Hoc addit Ioannes, ne quis putet etiam Christum de seipso dubitalle, item vt ostenderet Christum nedum scire necessitatem nostram, sed & velle & posse succurrere.

Ducentorum denarium panes, &c.]

Manifestè prodit suam incredulitatem Pulchrè autem in hac responsione videmus, quid faciat & cogitet ratio siue prudentia carnis. Non enim longius prospicit, quàm in præsentia & carnalia & consuetæ media, in cibū scilicet & nummos, quæ si defecerint, desperat, nescia quò se vertat. Fides autem spirituales oculos habens, non hæret in visibilibus, non confidit in temporalibus si assint, nec desperat si desint: sed prospicit in res inuisibiles, in alterum sæculum. Si enim nihil in hoc mundo videt præsto adesse, quod ad victum pertinet, aciem oculorum suorum in alterum mundum dirigit, in quo inuenit Deum omnia bona promittentem, omnibus bonis abundantem, & benigniter nobis necessaria ministrantem. Qui autem Deum inuenit, quid ei deesse poterit? Obserua quàm arduum sit, in necessitate bene sperare. Hic enim etiam sancti nonnunquam vacillant. Nescit homo quàm infirmam fidem habeat, donec tentatio adueniat.

Est puer vnus hic, &c. Sed quid sunt hæc? &c.]

Quod Andræas non rogatus panes ostendit, ac offerre paratus est, charitatē indicat, simulque arguit nostram tenacitatem. En apostoli panes, quos ad necessarium victum portabant, parati erant esurienti turbæ communicare, nec quicquam aliud causantur, quàm quod venturū ne non sufficiant. Nos autem nec superflua alijs damus, &c. Valde igitur rarum est hoc exemplū apostolicum inter nos. Deinde, quod signanter dicit: Panes illos ordeaceos fuisse & paucos, palam ostendit discipulos parum sollicitos fuisse pro corpore, plurimum autem pro anima: palamque damnat nostram gulam, qui tantum delicata & superflua quærimus, ac voluptatē amamus: Væ qui comeditis agnū de grege, &c. & nihil patimini super contritione Ioseph. Quod autem Andræas in fine subdit: [Quid hæc inter tantos]

Amos 4.

tantos:] etiam ipse incredulitatem suam ostendit. Caeterum ideo Ioannes tam diligenter apostolorum infirmam fidem describit, ut sciamus etiam eos fuisse homines. Deinde, ne desperemus, si tale quid & nobis contingat. Postremo, ut videntes, quam ardua res sit fides, nunquam non clamemus: Domine adauge nobis fidem.

Luc. 17. Pulchrè igitur ex hoc loco ostensum est, quam non sufficiat sibi homo. Nam etiam si in unum omnes vires conferant omnes homines, tamen ne minimum quidem malum auertere possunt à seipsis. Sic in hoc loco ex quinque milibus ne vnus quidem aderat, qui in praesenti necessitate succurrere posset, imò ne apostoli quidem habebant, quod agerent in tali casu: solus Christus eos sustentat. Congruè igitur Nahum omnes humanas vires bruchus & locustae comparat: Bruchus, inquit, expansus est, auolauit: hoc est, quantumcumque se expandat bruchus ac volare conetur, tamen facile deiecitur, sic & homo. Et quantumcumque congregentur locustae, volitentque splendente sole, tamen modico frigore superueniente cadunt, & inter sepes haerent. Sic homo etiam in modica tentatione sentit virium suarum infirmitatem. Discamus igitur hic, non in nobis nec nostra virtute, sed in Deo confidere. Discamus deinde in aduersis non attendere tantum externum defectum & nostram infirmitatem, sed Dei virtutem. Hinc cum Moyses miraretur, quomodo Dominus sexcenta milia hominum carnibus saturare posset, id quod promiserat, audiuit à Deo. Nunquid manus mea inualida est?

Facite homines discumbere.]

Num. 11. Non amplius differt Christus miraculum, quia iam nedum aderat necessitas, sed etiam manifestum erat panem sufficientem deesse, ipsique discipuli palam confessi erant, humanarum virium non esse, ut populo succurreretur. Solet enim Deus auxilium suum differre usque ad extremam necessitatem, ut tunc maxime cognobilis fiat, cum omnia desperata videantur. Sic supra non fecit ex aqua vinum donec omnes scirent vinum deesse: Sic & hic facit, imò & frequenter in hunc modum operatur, neque id sine causa. Si enim statim in principio negotii cuiuspiam adiuuaret, neque expectaret necessitatem, non fieret manifesta eius potentia aut praesentia.

Observa autem, quod non arguit apostolos, cum iuste dicere potuisset: O vos exigua fide praediti, quid tantum attenditis defectum pecuniae & panis paucitatem? Cur non me aspicitis? Non vidistis plura à me miracula? Nescitis meum munus esse, populi salutem quaerere? quid à vobis populum ieiunum repellitis (hoc enim Matthaeus de ipsis scribit) vestrum erat pro populo supplicare, ut dignaret eis subuenire, &c. Sic, inquam, poterat eos arguere, sed nihil eorum facit, quin potius manifesto miraculo eorum incredulitatem arguit. Sic plerumque nostram incredulitatem & impietatem, non verbis aut flagellis punit, sed beneficiis arguit. Quoties enim bona aliqua dat toties nobis dicit: Vide miser, quam impius sis in me, non rogatus haec tibi confero. Cur igitur mihi non confidis? ubi vnquam me infidelem & mendacem expertus es, &c. Item tanta quotidie vobis praesto, iam dudum dixisse debueritis: Metuamus Dominum, qui dat nobis pluuiam serotinam, &c. Observa item, quam potenter Christus hic loquatur. Nondum viderat panes, & iam iubet homines accumbere, ac si omnia parata essent, quemadmodum & verè parata erant. Apud Deum enim omni tempore parata sunt, quae nobis necessaria sunt: Longitudo dierum in dextra eius, & in sinistra illius diuitiae & gloria, ait Sapiens. Signanter autem iubet homines discumbere: In mensa enim Dei non debent animales esse, nam animalis homo non percipit quae Dei sunt, multo minus bestiales admittit. Homines autem sunt, qui non secundum concupiscentiam, sed secundum rationem viuunt. Item, qui non tantum corporis cibum quaerunt sicut bestiae, sed etiam animae cibum. Item, qui agnoscunt & recogitant quanta quotidie à Deo accipiant: Bestiae autem non homines sunt, quorum Deus venter est. Exigit autem à nobis, ut discumbamus, hoc est, ut vocationi nostrae insistamus, ac paratos nos praebamus ad eius dona suscipienda, in silentio & animi tranquillitate. Id ipsum autem nobis ubique per apostolos mandatur. Sic per Paulum praecipitur, ut ambulemus digni vocationi nostrae, &c.

Erat autem foenum multum in loco.]

Id

Marc. 6. In Marco legimus eos discubuisse super viride scenum.

Discubuerunt ergo viri quasi quinque millia.]

Quamuis Apostoli suprà ingenuè cōfessi sint, humanis viribus impossibile esse, tantum populum cibare: hic tamen iubente Domino non responsant, aut discunt, Quid opus est discubitu, cum nihil sit, quod apponatur. Nam quod habemus, vix nobis suffecerit, sed simpliciter obediunt. Hic igitur discamus, in praeceptis Dei non quærere, quare hoc vel hoc praeceperit, sed simpliciter obedire. Sic & in verbis & promissionibus Dei discamus non disputare, quomodo fieri possit quod promittit, sed simpliciter credamus. Non est vera obedientia, quæ iubenti responsat, cur talia præcipiat. Nec est vera fides, quæ disputat, num possibile sit, quod Deus promittit. Deinde etiā populi simplex erat fiducia parentis apostolorum vocibus, cum nullum videret apparatus. Vbi autem tales se præstant homines, illic Deus sua opera libenter exequitur. Nec aliud in causa est, quod Deus non tanta in nobis & circa nos operatur, quanta olim fecit, quàm quod eum impedimus: Clamat vt discumbamus, sed nemo est qui obediat. Quia itaque nolumus discumbere, nec ipse dignatur nos cibare. Numerum autem discumbentium, ponit ad maiorem miraculi claritatem. Viros tamen solos numerat, quos & scriptura tantum numerat. Tacet autem de pueris & mulieribus, quia odit in Christianis pueriles & muliebres mores, sed virilem exigit animum, constantiam, opus, &c.

Accepit ergo Iesus panes.]

Poterat è nihilo cibos creare, sed noluit. Propositum enim eius erat multis modis potentiam suam ostendere, palamque declarare, se nō vno tantum modo, sed pluribus necessitati nostræ subuenire posse, ad confirmationem nostram. Consuetus quidem modus, quo nos cibatur, est quod fructus terræ dat: Verum potest etiam alijs modis succurrere. Primo enim potest seruare sine cibo, id quod Exo. 16. ostendit in Moyse & Helia, qui quadraginta diebus sine cibo corporali perman-

serunt. Secundo potest novos panes creare, id quod per quadraginta annos ostendit, in deserto pluens manna. &c. Tercio potest quod modicum est multiplicare, id quod hic fecit. Idem ostendit etiam in 2. Re. 17. hydria farinae, & lechyto olei viduæ Sarephthanae. Non est igitur quod desperet fidelis, etiam si vnus modus defecerit: Potest enim Deus alijs modis iuuare. Non abs re autem panes accepit in manus, alioqui quomodo tam pauci panes, tam multos homines satiare potuissent, nisi Christuseos sumpsisset in manus? Per hoc autem docuit, vt & nos, si nimis pauci videntur panes quos habemus, eos in manum Domini ponamus, quod tunc fit, cum promissioni eius credimus. Dominus autem panes suæ fidei creditos benedicit, ac mirabiliter multiplicabit. Est enim Dominus fidelis, & promissi seruans. Denique seipsum negare non potest, si modo tu promissionem eius fide arripueris. Huc pertinet quod Salomon 2. Tim. 2. ait: Non perdit Dominus fame animam iusti. Et David. Iunior fui, & non vidi iustum derelictum, &c. Pro. 10. Psal. 36.

Et cum gratias egisset.]

Gratias egit, Primo vt suo exemplo nos prædoceret, & de perceptis, & de percipiendis Dei donis gratias agere. Secundo, vt ostenderet se non esse Deo contrarium, quemadmodum plurimi suspicantur. Hinc igitur est, quod coram multitudinis miracula faciens, gratias agit: Sic enim & in suscitatione Lazari fecisse Ioan. 11. legitur. Aliqui Euangelistæ habent, quod Pro. 10. benedixit panes, quo verbo ostenditur, quibus rebus panes multiplicati sunt, nempe benedictione Domini, quæ sola diuites facit. Panis enim è sua natura non habet vt cibet, sed è verbo Dei: Non, inquit, in solo pane viuit homo, sed in omni verbo, quod procedit de ore Dei. Hinc nonnunquam Deus panis virtutem cibandi subtrahit. Iuxta illud: Comedetis & non saturabimini. Discipulos autem apponere iubet, ne quid fraudis suspicari posset, si per seipsum apposuisset. Vbiq; enim hoc egit, vt confirmetur fides nostra.

Vt autem impleti sunt.]

Vide quàm diligenter omnia describit
P Euan.

Evangelista. Offendit enim eos ad faciem usque comedis, ne quis postea audirens tantum fragmentorum sublatum fuisse, suspiceretur eos nihil comedis.

Colligite fragmenta, ne pereant.]

Plus tribuit quam opus habebant, ut conspectius fieret miraculum. Sed & nobis plus dat, quam opus habemus. Primo, ut eo magis accendamus ad amorem & laudem Dei, ac omni tempore benedicamus Dominum: Secundo, ut sit quo charitatem erga proximum exercere valeamus. Errant igitur, qui putant se bona externa pro sua libidine posse consumere, &c. Iubet autem fragmenta colligere, ne putaretur fuisse fantasma quod fecerat. Secundo, ut nos doceret non abuti donis Dei, nec quicquam sinamus perire, quod proximis vbi esse potest. Discipulis autem hoc precipit, non turbare: quoniam hos magis erudiri volebat, qui totius orbis magistri erant futuri. Multitudo enim parum emolumenti inde confectura erat, id quod ex sequentibus patet.

Collegerunt ergo, & impleverunt duodecim, &c.]

Hic primo videmus miram Dei virtutem & omnipotentiam: adeo ut vel solum nos in fide confirmare posset. Deinde, hoc facto declaravit quantum premium mereatur liberalitas. Apostoli siquidem quinque panes liberaliter populo communicauerant: nunc autem contra duodecim cophinos receperunt. Sic enim elemosyna semper excrevit hic & in futuro, & quanto plura das, tanto plura accipis. Qui enim miseretur proximo, feceratur Deo. Et qui in benedictionibus seminat, de benedictionibus & metet. Haec pulchre indicat Psalmista, cum dicit: Iustus cunctis homo qui miseretur & commo-

Hic est verè propheta, qui venturus est.]

Hoc est plebis & vulgi ingenium, citius sentiunt beneficium ventris quam mentis, viderant maiora miracula, nec tamen unquam tam magnificum elogium Christo tribuerunt, sola autem saturitas hanc vocem extorquere potuit:

quae tamen, quia non ex fide vera processit, etiam non diu permansit, ideo eum quem nunc prophetam dicunt, postea praecipienti, quae Caesaris essent, Caesari danda, adulatorem dicunt, & cum crucem ferret, seductorem populi acclamant. Sic enim quocunque se externarum rerum fortuna inclinat, eo mobilis vulgi iudicium fertur. Nostrum autem est, ex vero corde hoc elogium Christo acclamare, non tantum cum beneficia praestat & promittit, sed etiam cum praecipit quae carni gravia & aduersa videntur.

Iesus ergo, cum cognouisset, quod venturi essent.]

Hic alia incipit historia aliudque miraculum, quod in mari fecit Christus. Hoc autem non absurde Ioannes praecedenti miraculo coniungit: Voluit enim per hoc plene indicare, Christum Dominum esse universorum. Tota siquidem visibilis istius mundi machina, in illis tribus consistit caelo, terra & mari. Christus autem in quinto capite pluribus & manifestis verbis se ostendit Dominum caeli, & in miraculo panum, se ostendit Dominum terrae, & in manu sua habere omnia temporalia: In sequenti autem miraculo ostendit, etiam maris dominum se habere, ut fidelis quisque in quacunque necessitate tuto confidere audeat in ipsum. Obserua autem, quod superius miraculum coram pluribus fecit, imò nulli miraculo tam multi interfuerunt. Quod ideo factum est, quia omnes homines cuiuscunque sexus, status, aetatis, conditionis, sollicitat cura ventris. Sequens autem miraculum coram solis Apostolis fecit. Oportebat enim ipsos altius initiari, quibus committenda erat cura orbis terrarum. Sicut igitur saepe priuatim eos docuit, sic & priuatim coram eis miracula fecit: Vobis, inquit, datum est nosse mysteria regni, &c. Sic & priuatim transfigurationem eius in monte, & miranda post eius resurrectionem viderunt.

Venturi (inquit) erant ut raperent eum, &c.]

Videntur quidem haec verba sonare, ac si ingentem ad Christum feruorem &

Psalm. 33.

Pro. 10.
2. Cor. 9

Psalm. 11.

Mat. 13.
Mat. 17.
Ioan. 6.

& desiderium haberent Iudæi. Verum ut seipsos in hoc quaesierunt: Alioqui cur supra dixi, hoc eorū studium nihil aliud nihil tale cogitarunt, cum tam magnifica doceret, aliāque miracula faceret? Solum hic cum eos corporaliter satiasset, de rege instituendo cogitant. Quis autem ex hoc non videt, solum carnalia eos quaesisse, ut scilicet cibum habere possent abundanter & sine labore. Omnia hæc videbat & cognoscebat Iesus, ideo non eis consentit. Longè aliter faciunt, qui bonum Dei verbum gustauerunt, cibum scilicet illum, quem Christus se daturum infra pollicetur, & qui gustauerunt virtutes venturi sæculi, longè etiam alio sensu dicunt: Hic est verè propheta, &c. Denique que & aliter post Deum currunt, longè que alio desiderio festinant ad regnum eius, insuper alio modo regno Dei vim faciunt, ac per violentiam diripiunt, quod tidie dicentes: Adueniat regnum tuum. Circa hunc igitur locum primò videmus quàm carnaliter vulgus Iudæorum promissiones Dei intellexerit. Nisi carnaliter intellexissent, nunquam terrenum regem & regnum quaesissent. Deinde declarat hoc factum, quid caro in Christo quaerat, nempe sua cognata, hoc, carnalia & humana. Propositus est nobis Christus, ut in ipso quaeramus peccatorū remissionē, iustitiā, vitā aeternā. At carnalis homo nihil in ipso quaerit nisi licentiam, carnalemque libertatem, & ventris saturitatem: Qui enim de terra est, de terra loquitur & cogitat. Imò ea est carnis natura, ut omnibus Dei donis abutatur, ac longè alia in his quaerat, quàm Deus velit. Sic carnalis homo in creaturis, quæ ad vsum nostrum datae sunt, & ad id, ut Deus cognoscatur & timeatur, nihil aliud quaerit, quàm voluptatem: Et cum per eas in creatorem duci deberet, in ipsis hæret, ipsasque adorat. Sic in lege, quæ ad cognitionem peccati tantum data erat à Deo, carnales Iudæi iustitiā quaerebant. Sic carnales quique etiam nunc in potestate gladii, non id quod Deus vult quaerunt, sed tantum ambitionem, superbiā, &c. imò & in his, quæ ad spirituale regimen pertinent, carnales illi pastores, tantum quaerunt honorem, diuitias, ocium, delitias, cum Christus eos constituerit in doctores, rectores, Apostolos, &c. non ob aliud, quàm ad aedificationem corporis sui, &c. Sic igitur vbique

inuenimus quosdam, qui tantum propter ventrem Christum quaerunt.

Fugit iterum in montem solus.]

Fugit Christus, quia non ab hominibus accipit, sed hominibus dat regnum. Fugit, quia regnum eius non est de hoc mundo, non est carnale, non consistit in externis diuitiis, potentia, pompa, &c. Imò ideo venit, vt doceret hæc contemnere. Regnum autem eius, est regnum veritatis, iustitiæ, pacis, ac vitæ æternæ. Ququam enim in toto orbe dominetur, non tamen dominatur pro mundi huius ratione, nec affectat tale regnum. Fugit igitur, non quod super fideles regnare nolit, sed quod regnandi expressiora signa in futurum differt. Fugit, quia venerat ministrare, non vt sibi ministraretur. Fugit, non enim venerat reges occidere, sed regibus iuste regnandi scientiam prædicare, non regna terrarum tributis & vengalibus premere, sed quod deerat tam regibus quam populis, de thesauro regni cælorum vitæ æternæ donaria proferre. Longè alium hostem debellaturus erat, quam Tiberium Cæsarem, aliamque capturus erat bestiam, quam Romam, tunc temporis Iudæorum dominam. Fugit præterea regnum, ne populo seditionis contra Cæsarem atq; adeo peccati & perditionis occasionem præstaret. Qui enim seditionem contra potestatem mouet, peccat, & iuste ob id perit, id quod Christus ipse dixit: Qui gladium accipit, gladio peribit. Demum fugit, ne aduersariis calumniandi occasionem præstaret: Qui enim etiam sine hoc cum vt seditiosum persequerentur, quanto magis cum persecuti fuissent, si regnum à populo oblatum acceptasset. Sic in hunc vsque diem fugit ab his, qui tantum carnalia in ipso quaerunt: quia nulla illos donorum suorum spiritualium parte respicit, & circa viles sarcinulas occupatos, scilicet ventri & turpitudini deditos despiciens, solis illis se impendit, qui spiritualia in ipso quaerunt, quiq; dicere possunt: Nostra conuersatio in cælis est. Non sine causa igitur Christus hic ad regnum quaesitus fugit, quaesitus ad mortem, sponte occurrit. Primò enim per hoc damnauit superbiam, auaritiam & ambitionem nostram

& molliciè. Secundò docuit gloriam mundi contemnere, qua nihil vanius: nec timere mundi aduersa, quibus nihil breuius. Tertiò per hoc re ipsa docuit parua esse, quæ in hoc mundo videntur maxima. Putabant illi se rem magnam Christo offerre, at ipse eam vt paruam contempsit. Longè aliter nos iudicamus. Fugit autem Christus ad montem: is enim locus, vt supra dixi, illi congruebat. Deinde post factum miraculum ascendit in montem, gratias acturus Deo, itemq; oraturus pro populo. Solus autem ascendit, tum vt secretius oraret, tum vt videret populus, eum cum discipulis non ingressum in nauim, sicq; fides sequenti miraculo fieret.

Vespere autem facto, descenderunt ad mare.]

Historiam hanc in Matthæo plenius tractaui, ideo hic breuiter transire volo. Est autem miraculum hoc tanto maius, quanto grauius est periculū maris quam alia pericula. In maris enim periculo nec effugium est, nec auxilium: in alijs periculis aliquando effugere, vel ab hominibus adiuuari possumus. Docet igitur miraculum hoc, etiam in maximis periculis non esse desperandum. Quod autem hic dicitur, discipulos descendisse ad mare, Matthæus expressius dicit: Coëgit discipulos ad nauim, &c. vt videas eos agere à Christo auulsos, quamuis in deserto essent. Nec mirum. Vbi enim malè esse potest cum illo: & vbi bene esse potest sine illo? Quam dissimiles Apostolis nos sumus, qui tam facile à Christo auellimur & fugimus. Ideo autem solos reliquit discipulos, vt maius eis sui desiderium faceret. Deinde vt ipso facto discerent, quam graue sit solum relinqui. Postremo, vt miraculo locum daret, ac potentiam suam clariùs ostenderet. Non autem caret mysterio, quod Christus cum Apostolis mare transiit, sed postea montem conscendens, ipsos denuo ad naues cōpulit. Postquam enim semel fluctus nostræ mortalitatis transiit, & aquæ mortis introierunt vsque ad animam eius, iam ad ipsam passionis aquas non reuertitur: Resurgens quippe à mortuis, iam non moritur. At verò nos, qui illum transeuntem aquas secuti sumus, baptizati scilicet in morte

Ioan. 18.

Mat. 26.

Mat. 26.

Philip. 2.
Ioan. 8.

Mat. 14.

Phil. 6.
Rom. 6.

Rom. 8. morte eius, tamen multas adhuc aquas & longum mare transire habemus, id est, tempestates tribulationum & etiam vitiorum. Interim Christus in monte est, ad dexteram scilicet Patris, interpellans pro nobis: non genu flexione, ut hic fecit, sed naturæ nostræ in semetipso repræsentatione, nec vnquā reuersurus est ad aquas, nisi per omnipotentiam suam.

Venerunt Capharnaum.]

Gene. 1. Anticipatio est vel recapitulatio. Prius enim ostenditur, quod trans mare Capharnaū venerint, deinde narratur quāliter venerint: sicut in Genesi per anticipationem dicitur: Creauit Deus hominem, &c. masculum & foeminam creauit eos. Postea autem narratur quomodo id factum sit, &c.

Et tenebræ iam factæ erant, &c.]

Mat. 13. Magnitudinem periculi describit ex tribus. Primò [Tenebræ (inquit) erant.] Nox ex seipsa horrorem habet, etiam si nihil aliud accedat, multo magis cum alijs terrores superueniunt. Quod si adeo terrent corporales illæ tenebræ, quantum terrere debent tenebræ spirituales, itemq; tenebræ exteriores & sempiternæ, in quas impij conijcientur. Secundo, Non venerat ad eos Iesus. Fugerant quidem etiam prius in periculo maris, sed tunc Christum secum habebant, quem & dormientem excitabant. Hic autem soli erant. Quantumuis autem grauius sit tentatio, aliquo tamen modo leuior fit, si ex altera parte videamus Christum, hoc est, si in alijs rebus Dei sentiamus consolationem. Vix enim vnquam tribulationem immittit Deus, ut non iuxta hoc etiam bonum aliquod ostendat. Grauiissima autem tentatio est, cum etiam Deus se omnino abscondit, id quod ipse Christus in cruce expertus est, quum diceret: Deus meus, ut quid me dereliquisti? Tertiò, mare exurgebat, nec simpliciter, sed magno vento. Mare etiam si placidum sit, tamen plenum est periculis, quoad hominem terrestrem, quanto magis quum tempestuosum est! Ostendit igitur ex omni parte territos fuisse apostolos: Erat nox, aberat Christus, exurgebat mare. Non autem casu aliquo aut fortuna hæc tempestas coorta est, sed pru-

denti Christi dispensatione, quod ardentius ipsius præsentia desideraretur, & discerent quā necessarius illis esset in aduersis. Ob has causas etiam adhuc omnes pij homines tēantur. Obserua quod vbi tenebræ sunt & Christus abest, statim mare exurgit. Ignorantia enim & gratiæ defectus, sunt causa, quod venti tentationum & vitiorum in nobis exurgunt. Obserua item, quod nocte imminente turbatur mare, quo præsignatum est, quod præsentē fine mundi, crescent errores, terrores, iniquitas, infidelitas. Luce enim (quæ charitas est) deficiente, crescent iræ, inuidiæ, &c. Iuxta illud: Quoniam abundauit iniquitas, refrigescet charitas multorum. Signanter autem tempestas illa tanto miraculo sedata, sæculi turbines significat, quos tunc saluator calcat & mitigat, cum clamanti ad se Ecclesiæ pacem & quietem reformat, tempore opportuno. Ventus igitur magnus & vrens Diabolus est, qui tum habes iram magnam, vehementius fluit, & corda malorum amplius suo furore turbauit, quando nauiculam discipulorum Christi, id est, sanctam eius Ecclesiam vidit agi per mare huius sæculi.

Cumq; remigassent stadia, &c.]

Hic primò indicat magnitudinem periculi, quod scilicet in tantis terroribus non prope littus, sed longè aberant, imò ut Marcus ait, in medio mari. Secundo pertinet etiam ad magnitudinem miraculi, quod Christus tanto spacio super mare ambulauit, nempe ad minus viginti quinque stadia. Tertiò docet hoc verbum, ut exemplo apostolorum non statim oborta tempestate, remos abijciamus ac desperemus, id quod mali faciunt, sed eo fortius laboremus, confidamus & oremus. Postremò sicut hic quantumcunq; mare saeuiebat, tamen nauis interim semper procedebat, sic quātafcunq; Ecclesia passae est tēpestates, semper tamē processit, &c.

Vident Iesum supra mare ambulatē.]

Vel hic videmus verum esse illud Psal. 93. mi: Secundum multitudinem dolorum meorum, consolationes tuæ lætificauerunt animam meā. Sicut enim triplicem terrorem in apostolis vidimus, sic hic videmus triplicem consolationem. Primò enim contra terrore tenebrarū & noctis,

vident Iesum. Quid autem officere possent tenebrae, praesente Iesu? Secundò, contra terrorem, quem conceperant de absentia Christi, iam vident eum naui proximum fieri. Tertio contra terrorem fluctuum & maris, vident Iesum ambulantiem, & calcantem fluctus. Per hoc autem primò ostendit, se Dominum esse maris. Secundò ostendit, se facile posse suppressere & calcare & mitigare omnes fluctus saeculi. Hinc Esther ait: Si tantum decreueris, confestim saluabimur. Hic igitur videmus verè dixisse Paulum: Non patitur Deus vos tentari, supra id quod potestis, &c. Item Esaiam: Noli timere. Iacob meus es tu: Si transieris per aquam, flumina non operient te, &c. Item, Cum ipso sum in tribulatione. Obserua autem quòd discipuli vespere quidem nauim ingrediuntur, sed mane saluantur: quam diu enim mundus hic & dies praesens durat, non cessant tentationes, sed mane futuri saeculi illucescente perfectè liberabimur. Ad vesperum demorabitur fletus, ad matutinum laetitia, ait David. Tunc enim absterget Deus omnem lachrymam ab oculis sanctorum, &c. Obserua quòd Christus non ab exordio tempestatis eos liberauit, sed cum eam tota ferme nocte tolerassent, ac proxima esset desperatio, tunc affuit. Non enim sine causa dicitur: Adiutor in opportunitatibus, in tribulatione. Obserua item, quòd Christus nocte venit ad liberandos suos, quia mundo non sperante, aderit dies iudicii, quo liberabuntur pii. Hinc Paulus: Dies Domini (inquit) sicut fur in nocte ita veniet.

Et timuerunt.]

Non suspicantes Christum, sed spectrum esse. Absente autem Christo, terret etiam sonus folij volantis. Hinc vides quàm exiguam fidem habuerunt. Si etenim Christum auxiliatorem esse verè credidissent, spectrum aut totam Satanæ cohortem non formidassent. Satan victus est, Christus victor: quid igitur times, si Christum per fidem possides? Sicut autem apostoli timuerunt Christo fluctus calcante, sic veri Christiani timent, quum vident deprimi altitudinem saeculi, ac admirantur dicentes: Iustus & verus es Domine, &c.

Ego sum, nolite timere.]

Hæc est illa consolatoria vox, quæ omnes tempestates sedat, omnes terrores expellit, plenamque pacem & gaudium pijs præstat. Hanc vocem nisi audiamus, hoc est, nisi credamus Christum esse in tribulatione nobiscum, semper trepidamus. Obserua autem quòd hæc vox: [Ego sum,] longè aliter sonat in auribus impiorum, id quod infra videbimus. Obserua item, quòd Christus non omnem prohibet timorem. Est enim bonus timor quod timeamus peccare, Deum offendere, gratiam perdere. Hunc non prohibet Christus, imò exigit. Qui enim non timet, vel sine timore est, non iustificabitur. Item, Beatus homo qui semper est pauidus. Solus autem eum timorem prohibet, qui adiunctam habet infidelitatem.

Voluerunt ergo eum accipere in nauim.]

Conscientia territa, vix consolari potest. Nò satis illi est videre & audire Christum, nisi & apprehendat teneatque eum. Ob id etiam Christus nedum videri se permisit & audiri, sed etiam teneri in Sacramento, scilicet altaris, vt scilicet certissimus de eius praesentia.

Et statim nauis fuit ad terram, &c.]

Quatuor miracula in hac historia continentur. Primum, quòd Christus ambulauit super aquas. Secundum, quòd eius virtute Petrus similiter fecit, de quo Matthæus. Tertio, quòd tempestatem tam subito fecit quiescere. Quarto, quòd nauim tam repente fecit ad littus pertingere. Eadem in hunc vsque diem spiritualiter operatur in mundo, &c. Calcat enim altitudinem saeculi, dat virtutem calcandi etiam pijs hominibus, sedat tribulationes, & facit nos pertingere ad metam. In eum modum & David quatuor necessitates hominum, quatuorq; miserationes Domini describit. Prima necessitas fuit, antequam ad fidem conuersi fuimus. De hac David: Errauerunt (inquit) in solitudine, &c. Ex hac necessitate clamantes liberati sunt: Deduxit (inquit) eos in viam rectam, &c. Secunda necessitas, post baptismum, quum scilicet relabimur in peccata. De hac dicit David: Exacerbauerunt eloquia Dei, &c. sed ex hac quoque liberat Deus, cum vincula nostra per potentiam dirumpit, & vectes ferreos confringit, &c.

Tertia

Tertia necessitas, quod in poenitentia statim desides & pigri efficiuntur. De hac iterum David prosequitur: Omnem (inquit) escam abominata est anima eorum. Sed contra hanc, Misit Deus verbum suum, & sanauit eos. Quarta necessitas est externa tribulatio. De hac David. Ascendunt vsque ad caelos, & descendunt vsque ad abyssos, &c. Dominus autem etiam hic statuit procellam in auram, vt sileant huiusmodi fluctus. Moraliter: Nauis haec poenitentia est, tum quia ad modum nauis & in principio & in fine angusta est. Pauci enim poenitentiam arripiunt, multo pauciores perseverant. Tum quod poenitens ad modum nauis nunc in altum subleuatur, hoc est, tantis consolationibus perfunditur, vt sibi videatur tangere caelum. Nunc autem in tantum deprimitur, tristitia scilicet & desperatione, vt quasi inferno appropinquare videatur. Huius exemplum habemus in Dauide, Psalmo vigesimo nono per totum. Praeterea etiam ideo naui comparatur poenitentia, quia sine hac nauis nedum ad patriam non peruenimus, sed & in mari perimus. Iuxta illud, Nisi poenitentiam egeritis, omnes simul peribitis. Secundo, quia ex hac nauis desiliens certo perit, non minus quam qui ex materialia nauis in flumen se praecipitat. Hinc Ezechiel: Si auerterit (inquit) se iustus a iustitia sua, &c. omnes iustitiae eius non recordabuntur. Tercio, quia poenitentia certo ducit ad vitam. Iuxta illud: Si auerterit se impius ab impietate sua, &c. vita viuet, & non morietur, &c. Haec nauis pluribus periculis & ventis obnoxia est, quo fit vt pauci ingrediantur, & plerique ingressi retrocedant. Alium enim vel impedit vel reuocat superbia, alium auaritia, alium voluptas, alium spes longioris vitae, alium desperatio, alium praesumptio misericordiae, &c. Summa, nemo hac nauim ingreditur, nec in ea semel ingressus permanet, nisi Christus adsit, & consoletur adiuuetque.

Altera die turba quae stabat trans, &c.

Haecenus Ioannes in hoc capite breuiter repetijt ea quae ab alijs quoque scripta sunt: nunc autem progreditur ad describendum sermonem de spirituali cibo, qui non est aliud quam ipse Christus,

ipsiusque corpus & sanguis. Primo autem occasionem eius sermonis ponit, quae non alia fuit, quam quod carnalis ille populus tantopere quaerebat, & mirabatur cibum corporis. Vide autem quanta insania laborabat populus ille. Sentiebant Christum auersari regnum mundanum, videbant eum fugisse, videbant apostolos rediisse, videbant noctem appetere, & cibum deesse: adhuc tamen in alteram vsque diem permanent. Tanta insania laborant, quorum Deus venter est, & qui seditiones amant. Interim Christus ab eis fugit, discipulos sequitur, & apud eos solos manet. Dedignatur enim eos qui tantum carnalia quaerunt, vel qui malum aliquid machinantur. Amisso autem Iesu e manibus, turba miratur: Stabat, inquam, & videbat. Mirabantur, imo aegre ferebant, consilia sua de Iesu in regem eligendo tam infelicitate cessisse. Impij enim non tantum mala proponunt, sed & indignantur, si ea perficere non possunt, cum pro hoc potius gratias agere deberent. Deinde mirabantur, vbi nam Iesus esset: non eum inueniebant, nec viderant eum cum discipulis nauim conscendisse: quid igitur aliud suspicari poterant, quam eum aut pedibus super mare ambulasse, aut a Spiritu Domini trans mare raptum esse? Quemadmodum Abacuc ab angelo legitur portatus vsque in Babylonem: Et Helias saepe a Spiritu Domini de loco ad locum translatus: sic his qui stant & considerant Dei opera, semper noua occurrunt miracula, quibus ad amorem & laudem Dei incitentur.

Venerunt autem & aliae naues, &c.

Hoc necessario addit, alioqui posset quis cogitare, quomodo turba transire potuit, quum prius dictum sit, nullam aliam nauim affuisse praeter eam, in qua apostoli redierant. Quod autem amisso Christo non diutius manent in eo loco, sed redeunt, sequuntur, quaerunt eum, laudabile quidem esset, nisi tam aperte textus proderet insincerum eorum animum & intentionem. Veri autem Christiani in hunc vsque diem ex bono corde agunt, quod Iudaei illi ficto animo geserunt. Qui enim verè pius est, non manet vbi Christus non est. Deinde, semel amissum Christum non cessat quaerere,

P iij donec

Psal. 26. donec inueniat: Tibi (inquit) dixit cor meum, exquisiuit te facies mea, &c.

Magister, quando huc venisti?

Non dicunt, Quare tam cito huc venisti! quare nos reliquisti! Nam non tutum erat in ciuitatibus prodere consilium, quod in deserto habuerant de constituendo rege. Nōdum enim confirmati, nec consensu eius animati erant, vt negotium tantæ rei postulabat. Admodum autem puerile erat, quod hic quærent quādo, venerit. Quod enim hac interrogatione poterant assequi emolumentum! Non oportebat quicquam vānū aut inutile ab illo quærere, cuius diuinas virtutes videbant, cū sapienter sapientes interrogandi sunt. Vnde Paulus **Colo. 4** iubet sermonem nostrum sale condien- **Eccles. 5** dum esse: Imperito enim sermone, præstantior est taciturnitas. Hinc Sapiens. Si sermo cum intelligentia tibi est, o fili respondes: sin verò non est, manus tua sit in ore tuo.

Amen amen dico vobis.]

Non respondet ad quæstionē eorum, tum quia indigni erant, tum ne videretur ostentare virtutem suam, cū idipsum ex discipulis cognoscere possent. Deinde arguit eos: Ignauī enim non semper clementer tractandi sunt. Hinc Paulus: **2. Ti. 4.** Argue (inquit) obsecra, increpa. Et iterum: **2. Tim. 5** Peccantes coram omnibus argue. Deinde arguit eos, quod prauitatem animorum sub suauitate verborum celabant, quasi eum decipere possent blādis verbis, id quod insanum est sic sentire. Tertio arguit eos, quod cū maiora viderent miracula, diuinam virtutem arguentia, tamen magis illos commoueret saturitas vnius conuiuij, quā aeternæ salutis desiderium. Quarto etiā ideo eos arguit, quod de se tam crasse sentirent, vt existimarent ipsum in hoc edere miracula, vt mundanum regnum reciperet à turmultuaria turba, cū in hoc tantū seruaret infirmis, vt facilius doctrinam eius arripere possent.

Queritis me, non quia vidistis signa, &c.]

Quasi diceret, Appellatis me magis strum, non quod auidi sitis meæ doctrinæ, sed quod humana commoda venas-

mini. [Queritis me,] non ob signa quæ vos ad sublimiora prouocare debuerāt, sed hesternæ saturitas vos magis commouet, quā diuinæ virtutis admiratio: [Queritis me,] non vt glorificetis Deū ex operibus suis, non vt fidem vestram confirmetis, non vt iustificemini, sed vt saturemini corporaliter. Arguitur igitur hoc verbo profundissimus ille carnis affectus, quo semper sua commoda quærit, nedum in temporalibus, sed etiam in spiritualibus. Non quidem malum est etiam temporalia à Deo quærere. Nam Psalmista dicit: Oculi omnium in te spectant Domine. Item, Omnia à te expectant, vt des illis cibum, &c. Imò Christus ipse iubet à Deo petere panem quotidianum, &c. Si enim non etiam hæc essent expectanda à Deo, cur iuberemur fidei re, & prohiberemur esse solliciti. Verum ea quærenda sunt affectu gloriæ Dei, nō commodi proprij gratia, item opinione misericordiæ Dei celebrandæ, non carnis desiderio. Sic Iacob pro temporalibus orans: Si (inquit) dederit mihi Dominus panem ad manducandum, erit mihi Dominus in Deum: non dicit, securè & gaudenter viuam, sed erit mihi Dominus in Deum, hoc est, habebō occasionem laudandi Deū, propter hoc quærebat temporalia. Sic & Salomō carnalia quærit, cū dicit: Diuitias & paupertatem ne dederis mihi, sed victui meo necessaria. Verū nō quærit ea carnali affectu, ideo subdit: Ne vbi satur fuero, mētiar ac dicā: Quis est Deus: neue per inopiam furtū committam, & polluā nomen Dei. Non autem dicit, da mihi necessaria, ne laborare cogar, vel vt in delitijs viuā: Hic enim esset carnalis affectus. Sic etiā Moyses carnalia petit, cū orat, ne Deus populū perdat. Petit autē hoc spirituali affectu. Ne (inquit) dicant Aegyptij, non potuit eos inducere in terrā, &c. Sic Iudith petebat, & se & populum suum liberari ab hostibus: Non vt securi viuamus (inquit) sed vt sciant omnes Gentes, quod tu es Deus. Imò etiam spiritualia non nostri commodi gratia, sed affectu gloriæ Dei quærēda sunt. Sic Dauid remissionē peccatorum petēs, nihil aliud allegat, quā: Vt iustificeris (inquit) tu in sermonibus tuis. Sic pius quisque non ob aliud iustitiā, salutem, beatitudinem quærit, quā vt

Pla. 144.
Pla. 103.
Luce. 11
Mat. 6.

Gen. 28.

Prov. 30.

Exo. 32.

Iudith.

Pla. 130.

vt misericordia & gloria Dei in ipso manifestetur: Aperite (inquit) mihi portas iustitiæ, non vt ego bene habeam, sed vt cõfiteri possim Domino. Imò verè pius adeò non affectat suum commodum, vt iuxta ponat, siue saluetur, siue damnetur dummodo ea res cedat in gloriam Dei. Hunc affectum fuisse videmus in Moyse cum diceret: Aut dimitte eis hæc noxam, aut dele me de libro tuo. Itemque in Paulo, qui optat esse Anathema pro fratribus suis, &c. Hunc affectum lex exigit, cum dicit: Diliges Dominum Deum tuum ex toto corde, &c. Caro autem quicquid à Deo querit, siue carnale sit, siue spirituale, sordidata opinione & carnali affectu querit. Querit diuitias, non vt possit eleemosynas dare, &c. sed vt possit delitiose viuere. Querit filios, non vt Deus in eis glorificetur, sed vt hæredem habeat. Orat pro sanitate, non vt melius Deo seruire possit, sed sui commodi gratia, &c. Imò etiam in ipsis spiritualibus tantum suum commodum spectat: Orat pro iustitia, pro vita æterna, pro gloria cælesti, non vt Deus glorificetur, sed vt ipsa bene habeat. Quod si sciret, Deum non habere cælum, non elargiri gaudium, nõ puniturum peccata, ne tantillum quidem in nominis eius gloriam ageret. Hoc affectu hypocritæ Deo seruiunt, orant & venerantur eum, &c. Videmus autem hic, hunc affectum Christo admodum ingratum esse: [Queritis (inquit) me, non quia vidistis signa, sed quia manducaistis, &c.] Docet aut nõ verè esse pietatē, deuotionē, dilectionē, vbi Deus non propter se, sed propter sua dona amatur, queritur, & veneratur. Quæ admodum in externis non est vera amicitia & constans, quæ tantum beneficia querit: Est amicus (inquit Sapiens) mens, non permanebit. Et alius: Multi colunt personam potētis, & amici sunt muñera tribuentis. Econtra autem David: Quid (inquit) mihi est in cælo, & à te quid volui super terram? Deus pars mea in æternum. Quasi diceret, Non quero tua, sed te: Mihi (inquit) adhærere Deo bonum est, &c. Tagit igitur hoc verbum omnes, qui Deum propter aliud quam propter ipsum querunt & sequuntur. Item eos, qui etiam in spiritualibus vel officijs, vel statibus, vel operibus, nihil

aliud quam temporalia querunt. Non esuriunt nec sitiunt iustitiam, sed solam carnis curam facere cupiunt in concupiscētjs. Videat igitur quisque, quatenus se ad Deum accedat, &c.

Operamini, non cibum qui perit, &c.]

Omnis Christi actio, nostra est instructio. Quos enim paulò ante fugerat, nunc rursus instruit, in vtroque autem aliquid significare voluit. Quod enim prius eos fugit, ostendit sibi displicere carnalem eorum affectum. Quod autem nunc denuo se eis reddit, ostendit non statim à Deo abiici eos, qui imperfectionis adhuc aliquid habent. Obserua item, quid cum eis agat, arguit & instruit, prius tamē arguit. Arguit, inquam, quia reprehensibiles erant: Instruit autem, quia non venit, vt nobiscum contēdat & clamet, calamitates quæ quassatum confringat, &c. sed vt erigat, consoletur, alioqui nihil plus præstaret quam Moyse. Prius tamen arguit quam docet, quia carnalis homo nunquam attendit quæ dicuntur, nisi prius concutiat. Pulcherrimam autem doctrinam vnum hoc verbum habet, imò plures. Nā singula verba nõ nihil docent. Primò enim cum dicit: [Operamini,] falsam eorum opinionem reijcit, quæ putabant se sine labore habituros cibum corporis, si tantum Christum sequerentur, id quod & plerique nostrum in spiritualibus sentiunt, nempe, quod conuersis ad Christum, non opus sit aliquo labore aut opere, hoc autem reijcit Christus in verbo [Operamini.] Per hoc enim, quod populum semel sine eorum labore cibauit, non sustulit communia illa media, per quæ Deus nos pascit, vt sunt labores manuum. Nec per hoc, quod promisit spiritualia bona, nos ab omni opere & labore absoluit. Idem enim qui dixit: Dabo, etiam dicit [Operamini,] imò prius dicit [Operamini.] Nisi enim quaesieris, & quod tuum est feceris, nihil planè accipies, quantumcunque promiserit Deus. Habet quidem Deus vtranque manum plenam: In dextera longiturnitatem dierum, in sinistra diuitias & gloriam, semperque dare paratus est, nõ tamen otiosis, sed orantibus, pulsantibus, querentibus. Nec simpliciter dicit: Querite, non cibum qui perit, &c. sed

Ope

Matt. 5.
Rom. 13

Esai. 42

Prou. 24

Luc. 22

Eccle. 6.
Prou. 19
Psal. 72.

Operamini, vt scias magnam à nobis requiri diligentiam, feruorem, studium incessabile, qualia videmus in his, qui summo studio temporalia quærunt, pro his consequendis, nihil omittit, nullum laborem fugiunt. Vides igitur, vitam Christianam, non esse vitam otiosam. Sed quidnam illud tam magnificum est, quod tanto studio quærere debemus? Num temporalia? Nequaquam. His enim plus satis inhiamus, etiam iniussi, vt magis freno hic opus habeamus, quam stimulo. Vnde Christus: [Operamini (inquit) non cibum qui perit.] Non prohibet laborare pro cibo corporis, imò hoc omnibus præceptum est: In sudore (inquit) vultus tui, vesceris pane tuo. Et Dauid: Labores manuum manducabis, beatus es, &c. Et Paulus: Qui non laborat, non manducet. Et iterum: Qui furabatur, non amplius furetur, sed laboret manibus suis, &c. Solos autem eos retrahit Christus, qui omnem sollicitudinem & studium diuitijs cōparandis impendunt. Contra quos & alibi dixit: Nolite solliciti esse, &c. Hæc enim Gentes inquirunt. Signanter autem dicit: [Cibum, qui perit, quo nomine nedum cibum corporis, sed omnia temporalia intelligit, quæ cibant quidem ac reficiunt corpus, sed non permanent. Quodcunque enim in mundo magnum & delectabile videtur, cibus est, qui perit. Hinc Christus monet: Nolite thesaurizare super terram, ubi erugo demolitur, &c. Et Ioānes. Nolite diligere mundum, nec quæ in mundo sunt. Transit enim mundus & concupiscentia eius. Et Paulus: Qui seminat in carne, de carne metet corruptionem. Et Esaias. Quare appenditis argentum & non in panibus, &c. Vis autem vt non pereat cibus tuus corporalis, fac secundum consilium Sapientis: Mitte panem tuum super aquas, & post tempora multa inuenies eum. Non enim perit, quod in pauperes erogatur.]

Sed qui permanet in vitam æternam.]

Quia adhuc generaliter loquitur, possumus per hunc cibum intelligere quicquid ad vitam animæ pertinet, vt est gratia, iustitia, &c. Hæc enim non pereunt, imò etiam pereunte corpore, adhuc permanent spiritualia bona. Hinc de iusto

dicitur: Panis ei datus est, aquæ eius fidelles sunt, &c. Huc igitur Christiani studia sua & labores conuertere debent. Hinc Christus. Primum quærite regnum Dei, &c. Huc pertinet, quod ante & post panem quotidianum, nos iussit petere spiritualia. Atque vtinam vel dimidiam curarum partem, ad iustitiam comparandam collocaremus, quas ad victum acquirendum impendimus. Fieri enim nō posset, vt non iustiores euaderemus.

Quem Filius hominis dabit vobis.]

Operari & quærere nos iubet, se autem daturum promittit, vt discamus nō laboribus nostris ascribere bona quæ habemus, sed gratuita eius bonitati. Signanter autem dicit: [Filius hominis dabit vobis,] cum potuisset dicere. Filius Dei dabit. Est enim humanitas Christi, quasi instrumentum diuinitatis, quo exequitur & executus est quæ salutis nostræ sunt. Itē Filius hominis dabit, quia in humanitate sua nobis ea bona meruit. Tertiò ideo sic loquitur, vt sciamus etiam humanitatē Christi nobis vtilem, contra eos, qui ad Christum trahunt, id quod infra dicitur. Caro nō prodest quicquam.

Hunc enim signauit Pater Deus.]

Sumus & nos filij hominum. Iuxta illud: Filij hominum in tegmine alarum tuarum sperabunt, sed hūc præ alijs signauit Pater. Primò enim signauit eū suæ ipsius imagine: Est enim Christus secundum naturam diuinam, expressa imago Patris, splendor gloriæ & figura substantiæ eius. Secundò signauit eum nomine suo, iuxta illud: Erit nomen meum in illo. Excepto enim quod ille Pater, Christus Filius dicitur, quodcunque aliud nomen Deus habet, etiam in Christo est. Nam æquè vt ille vocatur Dominus, Deus, omnipotens, increatus, immensus, æternus, &c. Tertiò signauit eum Spiritu sancto: Vinctus enim est Christus hoc oleo lætitiæ præ participibus suis. Nam se totum Deus Pater, vnā cum omnibus bonis suis, in Christum effudit: in hunc omnes sapientiæ & sciētiæ thesauros recondidit: Ipse thesaurus omnium sæculorum est: Et de plenitudine eius omnes & acceperunt & accipiunt. Quarto signauit

uit eum magnis miraculis, quibus palam ostendit, ipsum esse, per quem velit nobis succurri. Quinto signauit eum proprio testimonio, & propria voce ostendit. Hic (inquit) est Filius meus dilectus, &c. Nullus autem hominum ster à Deo signatus est. Quis enim natura Deus est? quis sic nomen Dei habet? quis in tanta plenitudine spiritum accepit? quis tanta miracula ex seipso facere potuit? quis tamen euidentis testimonium à Patre suscepit? quis propria virtute potuit aut potest à morte resurgere, in caelum ascendere, aut Spiritum sanctum impartire? Hunc igitur Pater signauit: Non quicumque Pater, sed Deus, sed ad quid eum signauit? ut sciamus ubi salus quaerenda sit, & certi simus, quod per Christum salutem consequi possumus. Omnia enim haec ad confirmationem fidei nostrae dicuntur. Hinc Paulus: Accedamus cum fiducia ad thronum gratiae, &c. Hunc enim posuit Deus populi torum per fidem in sanguine eius, &c. Nec est aliud nomen sub caelo, in quo oporteat saluos fieri credentes, quam nomen Iesu.

Quid faciemus, ut operemur opera Dei?
 Si ex animo haec dixissent commendandi essent. Quid enim laudabili homo facere potest, qui semper quaerere & inuestigare Dei voluntatem? Sic David: Vias (inquit) tuas Domine demonstra mihi. Et iterum: Doce me facere voluntatem tuam. Verum non erat cor huius populi rectum cum Domino. Potest autem sic accipi, ut quasi irrisorie haec dixerint: Quasi diceret, Magna promittis, si haec praestare posses commendandus esses. Age igitur & nos doce, quomodo ad hoc pertingamus. In hunc modum etiam mulier Samaritana irridet Christi promissionem: Domine (inquit) puteus altus est, & non habes in quo haurias: Vnde ergo habes aquam viuam? Sic igitur sapientia Dei stultitia visum detur hominibus, sicut econtra sapientia mundi, vere stultitia est apud Deum. Vel verbum hoc sic potest accipi, quod ex contemptu ac fastidio quodam ac praesumptione dictum sit, quasi iam ante satis è lege eruditi essent, quae opera Deus ad parandam iustitiam efflagitaret: Ac si dicere vellent. Non opus est ut nos doceas, cum legem habeamus à Deo da-

ram: Nec opus est, ut nos moneas, cum iam dudum videris nos studiose legem obseruasse. Sic nimirum Pharisei & hypocritae putant se omnia scire, itemque se legem & praecepta egregie implese, ac magna meruisse. Sic adolescens ille ex eadem superba persuasionem dicebat: Haec omnia seruauit è iuuentute mea. Sic alius quidam Phariseus adeo mirabatur sua opera, ut vel hinc etiam coram Deo gloria retur. Contra pius homo semper agnoscit & confitetur, se plura ignorare, imò plane ignarum in rebus diuinis, ideo semper petit illuminari, doceri, dirigi, &c. Item pius homo ingenuè fatetur, se non satisfacere legi, semperque cum Paulo dicit: Lex spiritualis est, ego autem carnalis. Item, Non inuenio in me bonum. Item, Nondum arbitror me apprehensisse. Item, Nihil mihi conscius sum, sed non in hoc iustificatus sum.

Hoc est opus Dei, ut credatis in eum, &c.]

Quamuis saepe legamus Christum non respondisse fictè interrogantibus, hic tamen ipsis respondet ad maiorem damnationem eorum. Iuxta illud: Si non venissem, & locutus eis fuisset, &c. Sensus autem verbi est, quasi diceret: Scio praesumptionem vestram, qua vobis de lege ac operibus vestris placetis, operibus vestris tribuitis iustitiam, non autem gratiae & misericordiae Dei: Ego autem dico gratissimum & acceptissimum opus esse, credere ac confidere in Dei misericordiam, quam mundo iam offert per me Filium suum. Conuincit igitur eos hoc verbo, quod non intelligant legem. Non enim data est lex, ut iustificet, sed ut ostendat peccatum. Secundo docet, ad iustitiam parandam nullum opus satis esse, nisi assit fides in Iesu Christo. Tertio eos, qui in operibus confidunt, dirigit ad fidem, sicut in Hieremia dicit: Holocausta addite victimis vestris, &c. Non sum locutus de verbo holocaustorum, sed hoc dixi, Audite vocem meam, &c. Sic Christus: Si feceritis omnia quae praecepta sunt, dicite: Serui inutiles sumus, hoc est, etiam si magna feceritis, non tamen in ipsa opera confidere debetis, sed in misericordia Dei. Quarto eos, qui tantum mirantur

Mat. 19.
Luc. 18.

Rom. 7.
Philip. 3.
1. Cor. 4.

Ioan. 15.

Rom. 7.

Hier. 7.

Luc. 17.

mirantur externa opera, hoc verbo dirigit ad interna, quæ sunt fides, spes, charitas, ostendens ea longè præstare externis. Sic & in Esaia gloriantes de externis, ad interna mittit: Ne, inquit, offeratis sacrificium frustra, &c. sed lauamini, munda estote, &c. Idem facit Esaia lviij. Sic Christus adolescentem de operibus gloriantem dirigit ad abnegationem sui ipsius: Vnum, inquit, tibi deest: Vade vende omnia, &c. Sic & in alio loco, Pharisæe, inquit, cæce, munda prius quod intus est. Vide autem & emphasim verborum. Iudæi de operibus loquuntur in plurali. Quid faciemus, vt operemur opera Dei? Christus autem in singulari: Hoc est opus Dei, subindicans hoc vnum omnibus alijs præponderare, imò omnia alia sine hoc nihil esse. Sic ad Martham dicit: Sollicita es, & turbaris erga plurima. Porro vnum est necessarium: nō quidem prohibet aut dampnat plura illa, sed præfert vnum hoc, id est, fidem in misericordiam Dei. Fidem autem nominat opus, quia est radix & origo operū bonorum. Verūm non qualecūque opus, sed opus Dei. Dicitur autem fides opus Dei: Primum, quia Deus omnium maximè eā esse flagitat, & exigit. Hanc enim etiam à primo homine exegit, idē statim in initio verbum suum dedit ei: Secundò dicitur opus Dei, quia Deo summè placet. Sic in Genesi dicitur: Credidit Abraham Deo, & reputatum est ei ad iustitiam. Et Paulus: Sine fide impossibile est placere Deo. Tertiò dicitur opus Dei, quia est donum Dei non viribus nostris parabile, vt qui gloriatur in Domino gloriatur. Quarto fidem dicit opus Dei vel diuinum, vt in 1. Co. 10 dicit, cultum fidei tantò meliorem cultu legali, quanto diuina præstant humanis. Sic & in Psalmo cultum fidei alijs sacrificijs præfert Deus: Non, inquit, in sacrificijs arguam te, &c. sed inuoca me in die tribulationis, &c. Signanter autē dicit: [Vt credatis in eū: Aliud est enī credere Deū, credere Deo, & credere in Deū. Prius duo possunt etiam impij, vltimū autem soli piij homines. Credere enim in Christum, non est res gestas eius nosse. Hoc enim & Satan nouit: nec est memisse aut secum cogitare, Christum passum esse & resurrexisse. Nā & impij harū rerum meminerunt, & de his cogitant, in

nullo tamen meliores effecti. Sed est certa, firma, & stabili fiducia, Christum omniaque eius bona complecti, eisque toto corde, tota anima, totisque viribus inhærere. Sic enim Paulus ait: Fides est substantia sperandarum rerum, &c. Hoc igitur opus à nobis exigit Deus. Hinc Ioannes: Hoc est præceptum Dei, vt credamus nomini filij eius.

Quod ergo tu facis signum, vt videamus, &c.]

Vide inconstantiam vulgi, cui prius acclamauerāt, hic est verè propheta, &c. eum nunc indignum iudicant, cui sine nouo signo credant. Sic impij quique in prosperis confitentur Deum, cum eis bene fecerit, in aduersis autē vel palam blasphemant vel saltem occultè cogitant. Quis est Dominus, vt seruiamus ei, &c. Pius autem quisque constanter Deū glorificat, nedū in prosperis, sed & in aduersis. Sic Iob: Si bona suscepimus de manu Domini, mala quare non sustineamus? Et iterum: Dominus dedit, Dominus abstulit, &c. Sit nomen Domini benedictū. Deinde produnt Iudæi hoc verbo, se esse imitatores Patrum suorum, quibus nulla sufficiebant signa, cū tamen nulla gens tot tantæque signa vidisset. Vnde & olim Dominus commotus dixit. Vsq̃ue quando non credet mihi populus iste? Tentauerunt me iam per decem vices. Sic hi, quamuis paulò ante signum viderant, nunc tamen aliud requirunt. Sed generatio praua signum quidem quærit, sed non datur ei signū. Sic impijs nihil satis est, semper maiora quærunt, semper incredulitatem suam aut excusant, aut in Deū reiectere conantur: Cur, inquit, non facit signa, sicut ab antiquo? Si Christus ipse adesset, crederem. Si quis ex mortuis resurgeret, crederem: sed erras. Si Moysen & Prophetas nō audis, neque Christum audires. Satis superque vidisti & audisti, si credere velles. Abundè enim Deus quod suum est fecit, nulla tibi remanet excusatio. Obserua, quod qui in signa tantum respiciūt, his nihil sufficit, nisi semper signa videāt: Qui autē in verbum & veritatē Dei respiciūt, hi constātes sunt, nec alia quærūt. Sciunt enim verbū Dei fallere non posse, dicuntq̃ cū Iob. Etiā si occiderit me, sperabo in eum.

Quid

Quid operaris?

Nedum inconstantes & incredulos, sed etiam ingratos se ostendunt, dū benefacta Christi attenuant. [Quid, inquit, operaris, &c.] Magna enim ingratitude est, Dei opera, quæ in se magna sunt (Magna enim opera Domini) & ad utilitatem nostram consolationemque fiunt, attenuare. Sed hic est fructus incredulitatis, sicut econtra qui verè credit, is semper & omnibus gratus est, quantumvis etiam parvis rebus.

Patres nostri manducaverunt manna.

Peccatum peccato addunt. Sic enim iniquitas eorum, qui oderūt Deū, ascendit semper. Peccauerant in eo, quod verbo Dei credere noluerūt, nisi viso signo. Secundò, quod insignia illa Dei opera, quæ per Christum fiebant, attenuabant. Nunc autem alia peccata addunt. Primò quod non quoduis signum recipiunt, sed ceu præeuntes illi præscribunt, cuius generis signum sibi velint edi. Quæ autem maior proteruita, quam Deum velle cogere, eiq; leges præscribere: cum hoc non sit hominis, sed humiliter dicere: Fiat voluntas tua. Secundò, quod ex tam multis signis, quæ veteri illi populo exhibitæ sunt, illud potissimum eligunt, quod ad pastum facit. Quo verbo planè prodūt, se de nulla alia re, quam de ventre solis citos, ac manifestè ostendunt, se tantum ob id Moysen observare, alias nec illi credituros. Vide autem, quam magnificè de manna loquantur: [Patres, inquit, nostri manducaverunt,] non quemcunque carnalem cibum aut vulgarem, sed manna. Addūt: In deserto, ut signum hoc extollant. Præterea citant scripturam, quæ dicit eum panem è caelo venisse. Omnia hæc sic exaggerant, ut miraculū à Christo factum extenuent. Iam, verum quidem erat, quod Patres eorū manna manducaverant. Hoc enim apertè scriptura tradit. Nec malum erat, quod tam magnificè opus Dei prædicabāt: Nam opera Dei confiteri, honorificum est. Malū autem erat, quod solum illud cōmendabāt, quod pro ipsorū ventre erat, non autem alia, in quibus non minùs mirabilis apparuit Dei omnipotentia. Deinde malum erat, quod miraculū illud de manna non propter gloriam Dei extollebant, sed ad

extenuationem operum Christi. Sensus enim verbi est, quasi dicerent. Quod semel cibasti quinq; millia hominum, valde parum est ad hoc, ut tibi credamus: Maius fuit, quod Patres nostri manducaverunt manna, non panem de terra creatum, sed è caelo datum: nō quinq; millia hominum, sed exceptis mulieribus & parvulis, sexceta millia pugnatorum satiantem, non semel aut bis, sed totis xl. annis. Quid tu tale operaris? &c. Hoc modo tentantes, putabant se posse extorquere quicquid ille facere poterat, quasi continere se non valens, & festinans ad gloriam, mox talia facturus esset signa, quæ superba eorum cupiditas ambiebat. Poterat quidem Christus etiam nunc plures super illos, sicut pulverem, carnes, & sicut arenam maris volatilia pēnata. Verum sicut Patres ipsorum non poterant satiari miraculis, nisi sola morte sua, tentantes & murmurantes tā diu, donec desertum impleverent cadaueribus suis, sic & illi non potuerunt satiari signis, nisi solo signo Ionæ prophetæ, quo ita contriti & destructi sunt, cum repli & sacerdotū sui veteribus vmbis, quomodo cucurbita, quæ obumbrabat capiti eiusdem Ionæ, sub vno solis ictu exaruit.

Non Moyses dedit vobis panē de caelo.

Vide modestiā Christi. Indigni erant, quibus ultra responderet, tamen quia authoritate scripturæ niti videbantur, & ipse in tanta turba etiam haberet suos electos discipulos, de quibus profectus alia quæ spes erat, benigniter respondit. Dein de poterat eos arguere, imò ex ipsa scriptura quā citauerāt, eorū ingratitude, & contra Deū murmuraciones iam inde ab exordio in eos retorquere: sed vicit bonitas eius malitiā eorum. Præterea poterat verè dicere, se maius signum fecisse, quam unquā fecerit Moyses. Nā Moyses nihil in māna operatus est: alia aut signa per virgā & precibus effecit: Christus autē nec virga nec precib⁹, sed propria virtute signa fecerat. Verū nihil horum hic eis obijcit, sed tantū ad eorum obiecta respōdet, eaq; pulchrè diluit. Primò refellit, quod signum illud mānæ non Deo, sed Moyse tribuebāt: Nō, inquit, Moyses dedit vobis panē de caelo, &c. quasi diceret: Nolite Moysen præferre Deo, Moyses minister fuit, nō author: Nolite propter

Q Moys

Moyſen Deum fraudare gloria ſua: Docemur hic etiam ea bona, quæ per ſanctos accipimus, Deo aſcribenda eſſe. Honorandi quidem ſunt ſancti, ſed non æquandi Deo. Mirari eos poſſimus, ita tamen, vt ſemper dicamus: Quis ſimilis Deo in Filijs Dei? Deinde hoc verbo docet inſufficientiam Moyſi & legis: Moyſes, inquit, nō dedit vobis panem de cælo, hoc eſt, lex nō iuſtificat. Multi enim legem audierunt, qui nihilo meliores effecti ſunt, imō nō ob id data eſt lex vt iuſtificaret, ſed vt peccatum oſtenderet. Nolite igitur gloriari de Moyſe aut de lege. Ecce vos oportet habere auxiliū, ſi vultis iuſtificari. Secundō reſellit id, quod dixerant, māna ē cælo proſectum: Non, inquit, verē ē cælo proſectum eſt, ſed in aëre creatum: dicitur tamen panis cæli, ſicut dicimus aues cæli. Oſtendit igitur nec māna eos iuſtificare potuiſſe, multi enim illud comederunt, qui tamen iuſtiores ob id nō euaserunt. Nec adhuc poſſet eos iuſtificare etiā ſi de nouo māna ipsis dediſſet. Fruſtra igitur gloriabantur de manna, quōd tantum corpus eibat, nō iuſtitiam conferebat.

Sed Pater meus dat vobis panem, &c.

Non dicit, Ego dabo, ne eos irritaret, ſi videretur ſe Moyſi præferre, ideo omnia ad Patrem refert. Multis autem modis oſtendit ſpiritualem hūc cibū, quem ipſe promittit, longē præſtatiorem eſſe, quā fuerit manna, ſive authorem, ſive ipſum munus attendamus. Primō, Pater inquit, meus hunc dat panem. Si igitur vos mouet author, pro Moyſe Deū habetis authorem: pro famulo Dei, Filium habetis Dei. Vter præſtator eſt? nōne Filius? Signāter autē dicit: Dat, nō dedit aut dabit, ſed in præſenti, hoc eſt, paratus eſt cibus, iam vobis offertur, nihil reſtat, niſi vt eum accipiat. Tertiō, [Dat vobis.] Vobis, inquā, primo offert panē vitæ, vobis miſit Filiū. Quartō, [Dat vobis panē de cælo.] Māna enim nō de cælo, ſed de nubibus venit. Quintō addit: [Verū.] Non quōd māna nō fuerit verus cibus, ſed quia fuit figura ſpiritalis cibi. Chriſtum igitur eiſque bona contēplan-
tes, iuſtius admiramur & dicimus: Māhu, quā Iudæi videntes manna illud vetus.

Quid enim nō admirandū in Chriſto?

Panis enim Dei eſt, qui deſcendit, &c.

Adhuc perſiſtit in cōmendatione ſpiritalis cibi: Manna, inquit, panis Angelorum dictus eſt, nō quōd Angeli eo cibarentur, ſed quōd nō aliunde viuunt, quā ex eo, qui per manna designatus eſt, cibo: nempe verbo Dei, & Filio. Hic autē panis, panis Dei eſt & dicitur: Nō enim eſt donū hominū vel Angelorum, ſed Dei donū, & tam Angelis q̄ hominibus datur, nō pro ipſorū meritis, ſed pro gratia Dei. Deinde hic cibus ſua ſpōte deſcendit de cælo, quo Moyſes aſcendere nō potuit, vt inde illum, deferret huc. Præterea, māna vetus nō dabat vitam: nec enim quenquā mortuū potuit viuificare, imō nec vitā conſeruare poterat, niſi ad tempus, inſuper ne vnum quidē hominem conſeruare potuit, vt nō periret. Hic autē panis etiam mortuis dat vitā, deinde eandē cōſeruat, denique nō vni homini tantū, ſed mundo dat vitā, hoc eſt, omnib⁹, qui ipſo vtūtur, imō & Angelis & hominibus, vt viuētes Angeli comedant, & nunquam moriantur morte, qua mortuus eſt Diabolus: comedant mortui homines, & à duplici morte, corporis & animæ liberentur. Hæc autem tam inſignis commendatio ſpiritalis cibi eo tendit, vt tantō diligentius eum quæramus: id quod & Chriſtus etiam a ſibi vult, cū iubet nos petere panem ſuperſubſtantialem. Deinde vt videamus nos nō minora, ſed longē maiora habere, quā Iudæi habuerunt.

Domine ſemper da nobis hunc panem.

Piē quidem videntur ſonare hæc verba. Primō enim Dominum vocant. Secundō nō petunt eum panem, quem in deſerto comederant, ſed, [Hunc,] inquiunt, de quo modō dixiſti, adduntque ſemper. Nec quicquam melius poſſet petere Chriſtianus. Verū textus palām indicat, eos nō ſyncerē hæc petiſſe. Volunt igitur aliqui, quōd irriſoriē hæc dixerint, audientes Chriſtum tanta promittere, qui nec horreum, nec frumentum habebat. Alij volunt, quōd hoc verbo tentauerint Chriſtū, num poſſet præſtare, quæ promiſerat, quēadmodum & Patres eorum Deum tentauerant, dicentes: Nunquid & pater

& panem dare potest, & parare mensam in deserto? Verum quicquid sit de hoc, certum est, quod carnaliter intellexerunt hunc panem, & carnali intentione eum periebant. Videlicet, ne amplius esuriem paterentur, ne laborare cogerentur aut mori. Atqui Christus non de corporali, sed spirituali cibo loquitur. Nec eius intentio est, quod qui spirituales cibum habet, non amplius sentiat corporalem famem, laborem, mortem. Non enim venit haec externa, sed tantum spiritualia mala auferre: nam externa haec mala nihil obsunt his, qui interne renouati sunt, imo probant, quia probant. Verum carnalis hominis ingenium est, quod omnia carnaliter intelligit, etiam spiritualissima. Item quod omnia carnali intentione quaerit, videlicet, ut ipse habeat, &c. Pius autem homo scit, quod verba Dei, spiritus & vita sunt, hoc est, ad animam & spiritualia pertinent: ideo ea spiritualiter intelligit. Deinde omnia spirituali intentione quaerit, ut & supra dictum est.

Ego sum panis vitae.]

Haec in generali de cibo spirituali locutus est: nunc explicat, quis ille sit. Videntur autem haec verba, reprehensionem habere, quasi diceret: O insati homines, quam diu in his carnalibus cogitationibus consistetis, non cogitatis vos etiam animam habere, quam non minus cibo suo eget, quam corpus: non erubescitis, quod tantum carnalem cibum somnietis, cum audieritis, quod cibus ille, de quo loquor, à Deo datur, & est caelo: Denique & talis est, ut possit dare vitam mundo: Nonne his verbis ad altiora vos ducere volui? Si Deus dat, eximium aliquid sit oportet: si à caelo venit, alius certe panis est, quam qui de terra procreatur. Si vitam mundo dat, efficacior esse conuincitur, quam manna: [Ego sum panis vitae.] Verbum igitur hoc Christi summe consolatorium est. Quid enim homo moriturus dulcius audire posset, quam Christum dicentem: [Ego sum panis vitae,] me accipe, & securus eris. Hoc autem verbo omnes nos ad se inuitat. Idem enim est cum eo, quod alibi dicit: Venite ad me omnes, qui laboratis, &c. ego reficiam vos. Quod autem dicit: [Ego sum panis vitae,] Ieuidenter ostendit, sese totum, quan-

tum quantum est, cum diuinitate, anima, corpore & sanguine, hominis cibum esse, eaque omnia se homini communicaturum, quae Exod. 12 admodum olim agnus Paschalis totus edebatur, cum capite, pedibus, & intestinis. Hoc autem militat contra eos, qui Christum diuidunt, ac solum eum secundum diuinitatem esse cibum dicunt. Carnem vero eius & corpus, nedum non cibum nostrum esse, sed etiam nihil omnino prodesse, adducunt illud, quod infra dicitur: Caro nihil prodest. Verum ut hic audis, Christus Ioan. 6 non vult ita diuidi. Non enim diuisim, sed coniunctim dicitur: [Ego sum panis vitae.] Quod autem se panem dicit, occasionem praebuerunt hi, qui tantopere quaerebant cibum corporis, & tantum admirabantur manna: Ut igitur eos ab huiusmodi cogitationibus in se conuerteret, panem se dixit. Congruè autem Christus panis vel cibus dicitur (nam panis in scriptura omnem cibum significat) quia conditiones panis pulchre in ipso videmus expressas. Primo enim ipse Christus non minus necessarius est animae, quam cibus externus corpori. Hinc dicit: Sine me nihil potestis facere. Item: Nemo venit ad Patrem nisi per me, &c. Secundo famem & esuriem satiat, & corporis & animae. Homo enim Ioan. 14 semper esurit. Nunquam enim cor hominis satiat, sed semper maiora quaerit, Christus autem verè appetitum satiat. Hic Petrus: Ad quem ibimus: verba vitae habes. Et idem: Domine bonum est nos hic esse, &c. Tercio, quemadmodum externus cibus reficit, ita & quod in primo parate perdidimus, in Christo recipimus. Quarto, Christus continuat vitam, ut infra dicit: Qui credit in me, non morietur in aeternum. Signanter autem se dicit: Ioan. 14 [Panem vitae,] ad differentiam corporalis cibi. Christus enim non est panis corporis reficiens, sed animam viuificans à peccato, cruce, morte, & inferno.

Qui venit ad me, non esuriat, &c.]

Ostendit usum huius cibi, sed tantum spirituales ponit hoc loco, qui fit per fidem. Nam de corporali usu, qui fit in sacramento, in nouissima coena locutus est. Spirituales autem manducationem prius ponit: sine ea enim corporalis nihil prodest, imò obest. Iuxta illud: Qui manducat corpus Domini indigne, Quid iudicium

iudicium sibi manducat & bibit, &c. Ve
 1. Co. 11. nire autem ad Christum, non est pedibus
 accedere, sed fide & fiducia. Sic accessit
 peccatrix illa: propius enim aderat Chri-
 sto per fidem, quam corporis praesentia,
 Luc. 7. ideo satiata fuit: Remittuntur, inquit, ti-
 Luc. 23. bi peccata. Sic accessit & latro, tametsi es-
 Matt. 3. & 9. nim cruci affixus esset, tamē corde & fi-
 de accedere potuit: ideo non esuriit in
 morte. Sic accessit Centurio, Chananæa,
 Emorroissa, &c. & omnes benedictionē
 reportarunt. Qui enim in Christum cre-
 dit, non esurit in peccatis, quia Christi iu-
 stitiam possidet: Non esurit in afflictio-
 nibus, quia per crucē videt liberationem:
 Non sitit in morte, quia vitā habet. Hinc
 Esaias: Non esurient, &c. Nec percutiet
 Esai. 49. eos sol, quia miserator eorum teget eos,
 &c. Breuiter, omnia habet, qui Christum
 fide habet. Est enim Christus omnium bo-
 norum thesaurus. Econtra nihil habet,
 etiam si omnes huius mundi opes habeat,
 qui Christum per fidem non habet.

*Sed dixi vobis, quia vidistis me, & non
 creditis.]*

Hoc addit, ut omnibus modis eos im-
 pellat ad fidem. Ideo ostendit se scire, &
 quales nunc sint, & quales futuri sint. Si-
 mulq; subindicat puniendos esse, qui ta-
 les sunt, quales ipsi erant. Viderant au-
 tem Christum, quia per miraculum eum
 agnouerant. Nam ob hanc causam Mes-
 sia honorem ei deferebant. Verum non
 credebant verbis eius. Hoc autem certus
 interitus est, videre, & tamen non crede-
 re. Ostendit igitur hoc verbo, eos sua cul-
 pa perituros, quandoquidem Christus
 abunde quod suum erat fecit, ac se mani-
 festauit.

Omne quod dat mihi Pater, ad me, &c.]

Causas ponit, cur Iudæi etiam tot sig-
 nis visis non crederent: Quia, inquit, spe-
 ciali gratia indiget homo, ut sequi possit
 vocantem. Soli enim illi ad Christum ve-
 niunt, quos Pater dat, & trahit. Semper
 Cant. 1. igitur, quantumcunque videamus & au-
 diamus, orare debemus: Trahe me post
 te, &c. Itemque illud Augustini: Domi-
 ne da quod iubes, & iube quod vis. De-
 inde ideo, inquit, Non creditis, ta-
 met si videritis, quia non Pater vos ad
 me traxit, sed vester, Deus scilicet vester.

Non enim inter se conueniunt fides &
 cura ventris. Fides ad spiritualia diri-
 git, venter ad carnalia. Ideo autem cau-
 sas incredulitatis eorum manifestat, ut
 eo citius & facilius ab ea resiliant. Præte-
 rea hoc verbo indicat, solius diuinæ na-
 turæ esse, ignorantiae tenebris inuolu-
 tos illuminare, ac obstinatos conuertere:
 Ego, inquit, auferam à vobis cor
 lapideum, &c. Ego scribam legem
 meam in cordibus vestris. Demum et-
 tiam hoc verbo Christus subindicat,
 non periturum panem illum spiritua-
 lem, etiamsi Iudæi eum reiicerent: nec
 defuturos, qui ad eum currerent, etiamsi
 si ipsi venire recusarent. Potest enim
 Deus vel è lapidibus suscitare Filios Ab-
 rahæ, degenerantibus naturalibus filijs.
 Potest etiam vel è mendicis, cæcis,
 & claudis coenam suam & nuptias im-
 plere, si inuitati nolint venire. Id quod
 in parabola coenæ magnæ, & nuptiarū
 Filij regis prædixit Christus, & postea
 modum in vocatione gentium adimple-
 uit. Non autem dicit. Omnis
 quem dedit mihi Pater, ne Iudæi putar-
 ent, se solos saluandos. Sed dicit: Om-
 ne, ut ostendat ex varijs gentibus ventu-
 ros ad eum: Omne quod dat, siue munus
 dum siue immundum, siue bonum siue
 malum, siue circumcisio siue præputium,
 siue mas siue femina, siue liber siue ser-
 uus. Ex omnibus enim gentibus, po-
 pulis, linguis: ex omni sexu & condi-
 tione aliquos elegit, ideo clamant: Res-
 demisti nos Deo ex omnibus populis,
 &c. Innuit hoc verbū, quod Deus ab æ-
 terno aliquos elegerit, ac seposuerit vel
 prædestinauerit ad beatitudinem, ut suo
 quemq; tempore ad Christum adducat. Sic
 Christus de Apostolis ait: Tui erant, &
 mihi eos dedisti. Et Pater: Postula à me,
 & dabo tibi Gētes hæreditatem tuā, &c.
 Vbi interim vides ineffabilem Dei erga
 nos dignationem, quia nedum ab æterno
 præuidit hominis casum, sed & statim
 præordinauit remedium, quod quia vis-
 debat non omnes recepturos, saltem alia
 quos præseruauit ac seposuit, ne in totū
 periret genus hominū. Merito igitur Da-
 uid exclamat: Quid est homo, quod me-
 mor es eius? &c. Itēq; Paulus: Benedictus
 Deus, inquit, &c. q elegit nos in Christo
 ante constitutionē mundi, &c. Iuxta hoc
 autem

Exce. 36
Hieron.

Luc. 14.
Mat. 22.

Apo. 1.

Joan. 17
Palm. 2

Palm. 8
Ephes. 1

autem videmus inscrutabilia Dei iudicia, quod ex eadem massa aliud quidē vas facit ad honorem, aliud autem ad ignominiam. Quam iucundū igitur est, quod aliquibus vritur ad ostensionem gratiae & misericordiae suae: tā terribile est, quod aliquibus non ad aliud vritur, quam ad ostensionē irae & iudicii sui, quemadmodū de Pharaone dicit: In hoc ipsum excitaui te, vt ostendam in te fortitudinem meam, &c. Timeant igitur, qui obstinato animo peccant, ne ipsis contingat, quod Pharaoni contigit.

Et eum qui venit ad me, non eijciam.]

Vide bonitatē Christi. Poterat etiam pius quispiam hac praedestinationis sententia turbari, ac timere, ne forte & ipse reprobatus sit, quemadmodum Dauid: Ego (inquit) dixi in excessu meo, proiectus sum à facie oculorum tuorum. Sic enim cogitat perturbata cōscientia. Ad dicit igitur cōsolationem. [Eum (inquit) qui venit ad me.] Et hic quoque indistincte loquitur, nullum excipit, vnde cum veniat qualiscumque veniat, licet catellus veniat, sub mensa colligere mīcas, dūmodo veniat: [Non eijciā,] inquit, nec quasi vas futile repellam, quemadmodū contra Iechoniam loquitur Hieremias, &c. sed qui ad me venit, non abdicabitur, nec vt inglori⁹ eijciatur, nec erit expers meae benignitatis, sed recundet in horreum, & in caelestes mansiones diuertet, ingrediturque quo mens humana nequaquam cogitauit: Oculus enim non vidit, nec auris audiuit, &c. quae praeparauit Deus diligentibus se. Nec eijciam foras in iudicium & tenebras exteriores, quō impij eijciuntur. In hunc modum & in Apocalypsi dicit: Si quis aperuerit mihi, cenabo cum eo, &c. Et in Esaia: Ne dicat Eunuchus, Ecce ego lignum aridum, &c. nec alienigena dicat, Abiecit me Dominus, &c. Sic igitur verbum hoc eos consolatur, qui de praedestinatione solliciti sunt. Itaque si audis Christum dicentem: Omne quod dat mihi Pater, ad me veniet, audi & eundem dicentem: [Eum qui venit ad me, non eijciam] Si inuestigare non potes diuini illius iudicii secretum, curre ad Christum, ibi nō eijceris, imò adhærens Christo, certus es de praedestinatione tua. In Christo enim reue-

lata est praedestinationis sententia. Si Filius, cui omne iudicium datum est, te non eijcit, nec Pater eijciat: Si Filius te liberauerit, verè liber eris: Si Filius Dei pro nobis, quis contra nos? quis accusabit aduersum nos? Temeritatis igitur est, velle peruestigare diuini consilij arcenum. Hoc faciendum est quod praecipit Deus, non quod vetuit. Praecipit autem credi in Christum. Hic, inquit, est Filius meus dilectus, hunc audite. Praedestinationem autem non voluit sciri. Hinc Paulus: Dominus, inquit, nouit qui sunt eius. Quilibet igitur in hoc casu faciat, iuxta quod scriptum est: Esto vir fortis, & pugne pro populo: Dominus autem faciet, quod bonum est in conspectu suo. Noli negligere vel omittere quod tibi praecipitur, & certò experieris, quod Deus non tibi deerit.

Quia descendi de caelo, &c.]

Non ita intelligas, quod alia sit Patris, alia Filij voluntas, nec quod Christus ideo minor Patre sit, quod se dicit ideo venisse, vt Patris voluntatem & obedientiam exequeretur, quemadmodum impius Arrius dicit, qui ex tam consolatorio verbo, nihil nisi venenum suxit. Sed ita loquitur Christus, vt ostendat omnino eandem esse suam & Patris voluntatem. Deinde vt auocet nos à curiosa praedestinationis solitudine: Ne enim quis existimaret Christum fingere erga nos beneuolentiam, Patre interim manente in sua seueritate (semper enim saeva praesumit perturbata conscientia) respondet Christus: [Ego (inquit) descendi de caelo,] ideo nihil non certum reuelare possum de voluntate Patris, & qui sint praedestinati. Deinde: Non veni vt faciam voluntatem meam, &c. Id est, non aliud volo quam Pater: nec aliud vult Pater quam ego. Cum igitur audis me non eiectionem eos qui ad me veniunt, certus sis, etiam Patris voluntatem hoc idem velle. Vides quantam consolationē hoc verbum nobis praebet. Quid igitur sollicitus es de praedestinatione? Audis Christum de caelo venisse. Item, Patrem nihil aliud velle, quam quod Christus docet. Vides denique, Christum nullum reijcere ad se venientem. Omitte igitur vanam illam de praedestinatione curam, ac ad

- Pfal. 79.** Christum curre, dicens cum Dauide: Nō non pereunt, quia Christo dati sunt, & discimus à te, tu uiuificabis nos, & nos commendati: Alioqui quomodo per-
men tuum inuocabimus. Alioqui nun- sistere possent? Miserator, inquit, eorum
quam ad conscientiae quietem peruenire teget eos, &c. Et iterum: Filij hominum
poteris. Deus enim in cælo, tu in terra: in tegmine alarum tuarum sperabunt.
Deus est summa iustitia, tu summa ini- Et iterum: Si ceciderit (inquit) non col-
1. Tim. 2. stitia. Proinde oportet ut accedas ad Chri- lidetur, quia Dominus supponit manū
stum, qui est mediator Dei & hominum, suam. Et iterum: Impulsus euerfus sum
&c. Præterea ex hoc verbo etiam dicere ut caderem, & Dominus suscepit me. Ex
possumus, quod ad Christianam vitam hoc ergo discamus bonam erga nos esse
attinet. Primo enim vides quæ sit vera Dei voluntatem. Non enim voluntatis
via ad gloriam, nempe ea per quam Chri- eius est mors impij, sed ut conuerratur & Ezech. 17
stus ipse incessit, ut scilicet prius descen- uiuat. Hanc bonam suam erga nos vo-
das per humilitatem, ac per eam deinde luntatem nedum verbis, sed & re ipsa os-
ascendas. Omnis enim qui se exaltat, hur- stendit, hominem ad poenitentiam inuis-
Luc. 17. miliabitur, & e contra. Deinde exemplo tans & gratiam promittens: diabolo au-
Christi discere & tu, propria volūate ab- tem non item, qui tamen dignior creatu-
negata, Dei voluntatem facere. Sic enim ra fuit, quàm homo. Confiteantur igitur
& Christus docet: Qui vult venire post Domino misericordiae eius, & mira-
Matt. 16. me, abneget seipsum, &c. Et Esaias: bilia eius super filios hominum: Verè
Esai. 58. Si glorificaueris Dominum, dum nō in- enim miserationes eius super omnia os-
uenitur voluntas tua, tunc delectaberis pera eius. Deinde videmus hic bonam
super Domino, & sustollam te, &c.
Hæc est autē voluntas Patris mei, etc.]
Christus nobis reuelauit sententiam prædestinationis, nec aliunde discere po-
tes, quid Deus ab æterno decreuerit. Quantumcunque enim rationem tuam
in consilium adhibueris tandem tamen cum Paulo exclamare cogeris: O altitudo
Rom. 11. diuitiarum sapientiæ & sciētiæ Dei: quàm incomprehensibilia sunt iudicia
eius, &c. Quod si plus æquo hæc perscrutare volueris, ac rationem singulorum
exquirere, audies à Paulo tibi dici: O homo tu quis es qui respondeas Deo? Duo
Rom. 9. autem quædam Christus nobis reuelauit de prædestinatione. Primum, quid
Deus de electis decreuerit. Secundum, qui sint illi electi: Hæc per ordinem do-
cebit. Decretum autem Dei super electos
Matt. 16. est, ut non pereant, nec perire possint. Nihil enim contra eos præualere possunt
vel portæ inferorum. Hinc Christus: Os-
Ioan. 10. ues meæ me sequuntur, &c. & non peribunt in æternum, nec rapiet eas quisquā
de manu mea. Et iterum: Capillus de ca-
Luce. 21. pite vestro non peribit. Ideo autem non pereunt, quia voluntas Dei est. Quo-
modo enim perire potest, quem Deus decreuerit saluare? Si tantum decreue-
ris nos liberare, continuo liberabimur,
Eph. 13. ait quidam pius homo. Deinde ideo salus autem iustorum à Domino, &c.
Deinde

Deinde etiam in nouissimo die resuscitabuntur, non ad iudicium, sed ad gloriā. Mors enim ultra non erit, neque luctus, neque clamor: Inimica enim destruetur mors. Hinc Christus ad eos: Ego (inquit) uiuō, & vos uiuetis. Qui hæc attenderet profecto cum Dauide oraret: Memento nostri domine in beneplacito populi tui.

Hæc est enim voluntas eius qui misit, &c.]

Hoc verbo palam indicat quinam illi sint, quos Deus elegit, & Filio dedit non perdendos. Non vnus gentis, sexus, conditionis, temporis aut regionis sunt electi. Sed omnis (inquit) sine discrimine personarum. Qui videt Filium, non de corporali visu loquitur (plures enim eum viderunt corporaliter, qui tamen non saluati sunt, contra autem etiam plures eum corporaliter non viderunt, qui tamen nihilominus saluantur, id quod Christus ipse affirmat: Beati qui non viderunt, & crediderunt) sed loquitur de spirituali visu, quo eum Petrus vidit, cum diceret. Tu es Christus Filius Dei uiui. Verum nec hoc sufficit. Multi enim agnoscunt Christum esse Filium Dei, & videt eum spiritualiter, tamen non credunt. Subdit igitur: Et credit in eum: non dicit: Qui credit Filio, vel qui credit Filium, scilicet Dei esse, sed qui credit in Filium, ut videas non de qualibet fide eum loqui, sed de vera & firma fiducia in Christum, id quod & supra annotatum est: Is (inquit) habet vitam æternam. Imò voluntas Dei est, ut eam habeat, & resuscitetur in nouissimo die: quod aliud est, quam acsi diceret: Is prædestinatus est: Noli igitur disputare, num prædestinatus sis, sed ad Christum curre, ipsum attende, in ipsum crede, & certus eris te esse prædestinatum. Prædestinati igitur sunt, qui Christum agnoscunt, & fide complectuntur: Reprobati autem, qui secus faciunt. Sic igitur Christus nobis reuelauit sententiam prædestinationis. Atque hic primò vides eos errare qui dicunt: Si prædestinatus sum, saluabor, siue bonum siue malum fecero: Erras, o homo, quos enim Deus prædestinauit, hos vult ut ad Filium currant, eum audiant, in eum credant, ut hic audis. Sic & Paulus: Quos prædestinauit, eos vult ut conformes fiant imagini Filij sui. Item, Quos

prædestinauit, his & bona opera præparauit, ut in eis ambulent. Deinde vides hic quæ sint opera electorum: Venire scilicet ad Christum, audire, cognoscere, credere, adhærere, sequi, &c. Præterea vides hic ordinem, quo Deus suam prædestinationem aperit. Primò elegit aliquos. Secundò dedit eos Filio redimendos & custodiendos. Tertiò Filius descendit. Quartò annūtiat Dei Patris bonam voluntatem. Quintò, Filium audiunt, qui aures audiendi habent. Postremò credunt, fidemque vita & opere exprimunt, sicque habent vitam æternam. Eundem ordinem & Paulus ponit: Quos, inquit, præsciuit, hos & prædestinauit: & quos prædestinauit, hos & vocauit, &c. Item, cum dicit: Omnis qui inuocauerit nomen Domini, saluus erit. Quomodo autem inuocabunt, in quem non crediderunt? &c. Sensus est: Dominus Deus elegit quosdam pro suo proposito in Christo Filio suo. Eam autem electionem tali ordine manifestat. Primò mittit Filium & apostolos: missi prædicant & vocant: prædicatores audiuntur: ex auditu venit fides: fides iustificat credentes: iustificati inuocant nomen Dei: inuocantes saluantur. Per Christum igitur certi facti sumus, omnem verè credentem esse prædestinatum, &c.

Murmurabant ergo Iudæi, &c.]

En hunc fructum retulerunt è tam insigni sermone Christi. Verum (ut infra audietis) non in hoc consistunt, sed ad peiora progrediuntur, donec tandem omnino à Christo desciscunt. Sic olim & prophetis contigit, ut triginta modij seminis, hoc est, omnis generis exhortationes, vix facerent tres modios, hoc est, vix paucissimos ex illo populo conuerterent: ut verum appareat, quod meritò populus duræ ceruicis nominetur. Vides igitur hic verè dictum esse: Præcordia fatui tanquam rota carri. Qui enim charitatem veritatis non habet, semper inuenit aliquid, de quo contra Deum murmuret: Contra autem Sapiens & disciplinatus non murmurabit, sed quæ intelligere non potest, inquit humiliter, & quæ comprehendere non valet, credit: huiusmodi discipulos quærit Christus. Hi autem Iudæi, nihil horum faciunt, non credunt, nec interrogant, sed tantum murmurant. Atque

Q. iij. hoc

Apo. 21
1. Co. 15
Ioan. 14

Psalm. 105

Ioan. 20

Matth. 16

Rom. 8

Ephes. 1

Rom. 8

Rom. 10

Esaiæ 54

Ecc. 33

hoc est illud peccatum eorum, de quo non habent excusationem. Nam nescire quod descenderit, & quomodo descenderit de caelo, non adeo mirum erat: praesertim cum vulgata opinione putaretur Filium esse Ioseph, sed de illo murmurare, & non cum illo agere, vel ab illo quaerere, ut scire mererentur, hoc peccatum erat, per quod merebantur viam veritatis nunquam inuenire. Idem de nobis quoque dici potest, &c. Vides igitur eos verè imitatores patrum fuisse. Non quidem ipsius Abraham, qui quantumvis ardua audiret, tamen credidit Deo: sed eorum qui in deserto Deum tentauerunt, & frequenter contra eum murmurauerunt. Potuisset igitur Christus dicere. Implete mensuram patrum vestrorum, &c. Postremo pulchrè hic vides vulgi mutabile iudiciũ, & carnis naturam. Quamdiu enim temporalia ab ipso accipiebant & expectabant, eum magnificabant: nunc quum vident se spe sua fraudari, & eum ad spiritualia eos inuitare, murmurant. Sic carotantisper Euangelium sequitur, dum spes lucri affulgeat. Cæterum spe lucri adempta, recedit: tantisper Deum sequitur, dum dat, sed cum etiam à nobis aliquid exigit, eum relinquit. Tantisper Christum audit, dum quæ arrident docet: si autem quæ affectibus contraria sunt præcipit, nihil curat vel Christum vel verbum eius.

Quia dixisset, Ego sum panis qui de caelo, &c.]

Duo hæc verba ex longa illa Christi concione obseruauerant, nempe quod dixisset se esse panem, & se descendisse de caelo. Sunt autem verba hæc & vtiliora & difficiliora inter omnia illa quæ Christus docuit hoc loco. Vtilissima quidem sunt, quia si vel sola cordi inscriberentur, hominem ad omnia bona extimularent. Qui enim verè credit Christum panem esse vitæ, is semper pro eo pane habendo laborat & orat. Et qui verè credit Christum de caelo descendisse, studiosè accurrit: non enim dubitat eum magnum aliquid ex tam felici regione attulisse. Difficilia autem sunt verba hæc, quia nihil minus caro intelligere potest. Iam meliora & difficiliora ex scripturis obseruare, commendabile quidem est, si bona intentione fiat, hoc est, ut diligentius & cõseruentur,

& verus eorum intellectus inuestigetur. Hi autem & meliora & difficiliora extrahunt, non in aliud quàm ut Christum mendacij arguāt, & omnia alia eius dicta contemnenda ostendant. Hoc autem non alius quàm eorum Pater Diabolus ipsis inspirauit. Is enim iam inde ab initio semper id egit, ut meliora & magis necessaria nobis auferat, aut inficiat: id quod videmus factum in Sacramento Baptismi & cœnæ Domini, & in optimis quibusque sacrae scripturae dictis. Idem & carnalibus plærungis inspirat & inculcat difficiliora scripturae, & quæ inuestigare non debemus, ut facilius eos in errorem ducat, & interim à necessarijs abducatur. Quum itaque que non ignoremus cogitationes eius, eo cautiùs ambulare debemus.

Nónne hic est Iesus Filius Ioseph?

Vide quibus argumētis Christi verba impugnent: Oportebat eos ab ipsis signis & miraculis à Christo patratis, rimari verum mentiretur, dicendo se panem, & de caelo descendisse. Sic enim recto iudicio ad inuentionem veritatis venire potuissent: imò si ipsa signa, diuinamque in eis virtutem attendissent, non eos offensusset verba Christi, sed planè dixissent: Scimus quia omnia tibi possibilia sunt. Deinde scripturas consulere debuissent de futuro Messia, illic planè inuenissent eum non solum hominem, sed & Deum futurum, & ex consequenti vidissent, Christum & de caelo potuisse descendere secundum diuinitatem, & in terra parentes habere posse secundum humanitatem. Verum ipsi nihil horum faciunt, sed tantum externam Christi speciem, externosque parentes attradunt, eaque conferunt ad Christi verba, quæ quum secundum rationis iudicium concordare minimè viderentur, planè pronuntiant verba Christi vera non esse. Eisdem argumentis vtuntur, qui dicunt: Nónne aqua hæc corporalis est, quomodo igitur potest animam ablueret? Item, Nónne panis hic ex terra ortus est, & in fornace coctus, quomodo ergo potest esse corpus Christi? &c. Sed audi imprecatur: Cur tantum externa illa respicis, & non simul etiam virtutem & verbũ Dei illis rebus annexum? Num ideo Deus mentitur, quia tua ratio hæc comprehendere & videre non potest? Si ratio iudica-

re debet in verbo Dei, iam Deus ubique mendax inuenietur: quia ferme omnia Dei verba rationi contraria sunt. Discamus igitur hic, verba Dei non ratione, sed fide expendere, imò rationem & intellectum capere in obsequium Christi, ac Deo hanc gloriam dare, quod solus ipse verax sit, omnis autem homo mendax. Deinde docet nos hic locus, ne homines sanctos secundum externam humilitatem aestimemus. Fieri enim potest, ut contemptibilis aliquis homo ingentia Dei dona habeat, quibus econtra caret, qui maxime conspicuus videtur. Discamus autem præcipue hic, ne Christum propter humilitatem eius cōtemnamus, quemadmodum Iudæi faciunt, imò eo pretiosior nobis debet esse Christus, quod propter nos intantum se humiliavit.

Nolite murmurare inuicem.]

Non excusat, quod dixerant eum Filium fabri: non enim poterant capere mysterium hoc. Sed nec indicat quomodo descenderit de cælo, multo enim minus poterant capere diuinam eius generationem: sed monet eos, & quidem mansuetissime. [Nolite murmurare] inquit. Hoc verbo primò indicat, se non latere cogitationes eorum. Secundo ad memoriam eis reuocat exempla Patrum, qui ob crebras murmuraciones grauitè puniti sunt. Tertio docet, quales se exhibere debeant erga verbum Dei. Sensus igitur est. [Nolite murmurare,] quia Deus videt cogitationes vestras. Iuxta illud: Hoc quod continet omnia, scientiam habet vocis. Auris enim zeli audit omnia, & tumultus murmuracionum non abscondetur, &c. Secundo. [Nolite murmurare,] quia impunitos nō relinquit Deus murmuratores, id quod videris in patribus vestris. Tertio, [Nolite murmurare,] quia non murmuratio, sed obedientia pertinet ad scollam Dei, iuxta illud: Custodi pedem tuum, intrans in domum Dei, & appropinqua ut audias. Plus enim Deo placet obedientia, quàm stultorum victimæ. Vult Deus ut eum audiamus & credamus, non ut disputemus cum ipso. Verbum Dei non ideo falsum est, si ratione illud intelligere non potes. Nec Deus ob tuas murmuraciones suum verbū reuocabit, sed quod semel dixit, dictum manebit: Non enim

est Deus ut homo, ut mentiatur, nec ut Filius hominis, ut mutetur. Hæc etiam nos obseruemus, nam & inter nos non desunt huiusmodi murmuratores. Hinc Paulus: Neque murmuraueritis, sicut quidam illorum, &c. Et Sapiens: Sentite de Domino in bonitate, &c. Et infra: Custodite igitur vos à murmuracione. Qui enim loquitur iniqua, non potest latere, &c.

Nemo venit ad me, nisi Pater traxerit.]

Venire ad Christum, est credere in ipsum, sicut supra dixit: Qui venit ad me, non esuriat. Et statim subdit: Qui credit in me, &c. Nemo autem potest credere, nisi fidem & Spiritum sanctum à Deo accipiat, fides enim Dei donum est. Indicat igitur, ipsis verba sua incredibilia & impossibilia videri, quia non ex fide & Spiritu sancto, hoc est, non à Patre tracti, sed ob saturandum ventrem venissent.

Deinde docet hoc verbo, nedum fidem, hoc est, principium salutis nostræ, sed & profectum & perseverantiam à Deo pendere. Homo enim creatura terrena, atque idcirco gravis est. Iuxta illud, Corpus

quod corrumpitur, aggrauat animam. Deinde etiam infirmus est. Iuxta illud: Non sumus sufficientes cogitare aliquid ex nobis. Itemque: Velle adiacet mihi, perficere autem non inuenio. Denique & via ad patriam longa & ardua & arcta est. Iuxta illud: Angusta est porta, & arcta via quæ ducit ad vitam. Ideo homo opus habet ut trahatur. Solus autem Deus perfecte trahere potest, & efficaciter, quia solus potest spiritum dare, & cor lapideum auferre.

Potuit quidem Moyses externè docere & monere, potuit & suis Spiritum sanctum optare & precari: Quis, inquit, det ut omnis populus propheteret, &c. sed spiritum eis dare non potuit: sic possunt Apostoli plantare & rigare, solus autem Deus incrementum dat. Monemur igitur hoc verbo, ut semper oremus, & nunquam desicemus, quia sine Deo nihil possumus facere. Sic Apostoli: Domine, inquit, adauge nobis fidem. Et sponsa: Trahe me post te. Et David: Deduc me in via tua, &c. Summa, Deus est qui operatur in nobis velle & perficere. Vide autem, ne ex hoc verbo ociandi ansam sumas, atque ideo cessare velis, quod Christus dixit te nihil posse ex teipso facere, Non enim

1. Co. 10
Rom. 3

1. Co. 10
Sap. 11

Su. co. 2

Sap. 9

2. Cor. 3

Rom. 7

Matt. 7

Eze. 36

Num. 11

1. Cor. 3

Ioan. 15

Luc. 17

Cant. 1

Psal. 85

Philip. 2

hoc

hoc ideo dixit, quasi nihil omnino agere debeas, sed extimulare voluit ad quærendum gratiam. Nec tollit hominis conatum bonum, sed indicat opus esse gratia. Nulla igitur excusatio est, si gratiam non habeas, quum Christus ostenderit ubi ea certo inuenienda sit. Obserua item quod Christus non dicit: Nemo venit ad me, nisi Pater meus eum cogat. Non est violenta attractio, nec quinquā cogit Deus, neq; ad bonum, neq; ad malum. Non igitur est, quod expectes, quando Deus te vi cogat, & trahat ad Christum. Interim tamē nemo dicere potest, quod à Deo non trahatur. Sicut enim medicus aut doctor aliquis insignis, homines ad se trahit non vi, sed scientia sua. Item, sicut ouem attrahis ramo viridi, canem pane, puerum nuce, & generaliter sicut trahit sua quæque voluptas, sic Deus trahit beneficijs, promissis, manifestatione veritatis, imò etiā flagellis, quamuis potius flagellis nos cogat. Maximè autem trahit Pater ad Filium, in eo quod ipsum nobis manifestat. Non igitur est, quod in cælum suspicias, & expectes violentam tractionem. Satis nos trahit Deus, sed nos non sequimur.

Est scriptum in prophetis: Erunt omnes.]

Confirmat scripturis quod dixerat, ne iterum videretur noua & impossibilia dicere. In plurali autem loquitur, quia in plerisque prophetis hæc inueniuntur. Sic enim in Esaia dicit: Dabo omnes Filios tuos doctos à Domino. Et in Hieremia: Dabo legem meam in visceribus eorum, & non docebit ultra vir proximum suum. Omnes enim me cognoscent. Sic Iohel: In nouissimis diebus effundam de spiritu meo super omnem carnem, &c. His & similibus scripturæ verbis nihil aliud vult Spiritus sanctus, quam quod fideles donantur à Deo fide & Spiritu sancto, qui docet eos omnem veritatem. Fides enim donum Dei est, non hominis natura aut artificium. Hoc autem verbo abutuntur hi, qui vocalem prædicationem & externum verbum vel scripturam contemnunt, sibi que quasdam cælestes voces & Spiritus sancti illapsus fingunt. Sed errant, imò hoc planè diaboli commētum est, vt facilius decipere possit, si scripturam in contemptum perduxerit. Certum quidem est, quod Deus docet, imò nisi ipse

se doceat internè, frustra sit omnis externa prædicatione. Certum item est, quod Deus potest docere sine medijs. Sic enim docuit prophetas, & Apostolos in die Penthecostes. Sed tamen vt plurimum docet per media: Donat spiritum suum, sed per verbum Euangelij: Dat incrementum, sed per plantationem Pauli, & rigationem Appollo. Hinc Paulus: Quos elegit, inquit, hos & vocat. Et vox Patris: Hic est Filius meus dilectus, hūc audite: Et Christus: Scrutamini scripturas, &c. Summa, Deus docet, homo ministrat: fides accipit doctrinam, Deus largitur spiritum: Apostolus ministrat verbum, credēs accipit, atque adeo quæ authore Deo fiunt, Apostolorum ministerio distribuuntur.

Omni ergo qui audiuit, & didicit.]

Infert intentum suum ex præmissis: Qui Patrem habet præceptorem, is ad me venit & credit: Qui Patris discipulus est, is mihi confidit. Obserua quod hæc duo coniungit, Audiuit, & didicit. Non enim satis est audire, nisi & discamus. Sic Patrem audiuit, & ab eo didicit Petrus, quum diceret: Tu es Christus Filius Dei. Hoc enim ei caro & sanguis non reuelauit, sed Pater cælestis.

Non quod Patrem quis viderit, &c.]

Respondet tacitæ quæstioni, ne quis putaret Deum oculis corporalibus visibilem, eumque externo & corporali modo docere. Non (inquit) videtur Pater, nec ad aures loquitur, sed ad cor. Viderunt quidem Patres Deum, vt Iacob, Moyses, Esaia, &c. Verum hæc non erat species Dei, sed tantum imaginaria visio. Sic & Israelitæ audierunt corporalem vocem in monte Sinai, hæc tamen non erat vera vox Dei. Vox Dei ab anima sola auditur. Audiam, inquit, quid loquatur in me Dominus. Quod autem addit, Nisi is qui ex Deo est, &c. iterum tacitæ quæstioni respondet. Posset enim quis dicere: Si Deum nemo vidit nec videre potest, quomodo discipuli eius possumus fieri? Respondet, Si vis agnoscere Patrem præceptorem, audi Filium, ipsumque attende. Ipse enim est imago Dei & nuntius Patris, qui manifestè nobis omnem Patris voluntatem ostendit, alioqui nullo conatu, nulla sapientia cognobilem. Hinc &

Matt. 11. & alibi dicit: Nemo nouit Filium, nisi Pater, & econtra,

Qui credit in me, habet vitam eternam.]

Hoc iterum repetit, vt vel tandem redeat vnde digressus est. Saepius autem nominat vitam eternam, & resurrectionem futuram, tum ad consolationem piorum, vt certi sint, se bene habituros, etiam si in hac vita varijs molestijs obnoxij sint: Tum ad terrorem malorum, vt sciant & audiant post hanc vitam, aliam futuram esse, vbi omnia aeterna erunt. Vtrumque autem Christus se posse ostendit, & resuscitare, & vitam aeternam dare, vt sciamus, quid ab eo expectandum sit.

Ego sum panis viuus.]

Hic redit Christus ad institutum, ac planius explicat spirituales illum cibum. Omnibus autem velaminibus remotis, aperte se ipsum ostendit, quantumvis ipsi nihil horum quaererent, vt vel hic videas verè dictum in propheta: Palam apparui non quaerentibus me: Tota die expandi manus meas ad populum non credentem, &c. Obserua autem quod ab hoc loco variè exponitur hoc caput. Aliqui enim totum caput intelligunt de spirituali manducatione, quae fit per fidem. His igitur, panis (de quo Christus hic loquitur) nihil aliud est, quam incarnatio, passio & meritum Christi, atq; adeo Christus ipse cum omnibus quae habet, quae fecit, & quae passus est. Manducare autem, nihil aliud est quam credere pro nobis haec facta esse. Alij totum hoc caput exponunt de sacramentali comestione. His igitur, panis (de quo fit sermo) est sacramentum corporis Christi: Manducare est corpus sumere. Alij exponunt caput hoc ab exordio de spirituali manducatione. Ab eo autem loco, quo dicit: Panis quem ego dabo, caro mea est, exponunt de sacramento. Alij omnia quae hic dicuntur, referunt ad corpus Christi mysticum, quod est Ecclesia. His igitur panis est Ecclesia. Iuxta illud Apostoli: Vnus panis & vnus corpus multi sumus, &c. Manducare autem est Ecclesiae, atq; adeo corpori Christi incorporari. Verum cum certum sit, quod spiritualis manducatio maxime necessaria sit: Qui enim non credit, iam iudicatus est, imò nisi credas in Christum

(quod est spiritualiter manducare ipsum) frustra accipis Sacramentum, frustra etiam in Ecclesia es. Addam & hoc, cum certum sit, quod etiam in sacramentali manducatione exigatur fides ad dignam summationem (non enim tantum externum sacramentum, sed etiam verbum Dei proponitur, quod non ore, sed fide suscipitur) necesse est, vt caput hoc etiam de spirituali manducatione intelligamus: ideo & Christus supra in principio dixit, quomodo manducari velit: Qui credit, inquit, in me, non sitiet, &c. Quia autem iuxta hoc scimus, quod paulo post etiam in sacramento corpus suum manducandum discipulis dedit, dubitare non possumus, quin & illuc respexerit: Neutram igitur manducationem negligam.

Ego sum panis viuus.]

Sex autem per ordinem dicit diligenter obseruanda. Primum, quae sit visus eius panis: [Ego, inquit, sum panis,] non qualiscunque, sed panis vitae, quod idem cum eo, quod alibi dicit: Ego sum viuus, & habeo potestatem mortis, & inferni. Vide autem emphasim verborum. Primum non dicit, Deitas mea est panis, ne quis putet humanitatem eius nihil vtilem esse, id quod quidam temere ex hoc dicto colligunt: Caro non prodest quicquam. Nec dicit simpliciter: Corpus meum est panis vitae. Humanitas enim sine diuinitate nihil nobis profuisset. Vtrumque igitur coniungit. Ego (inquit) Quicquid enim in Christo est, bonum & salutare est. Hinc & corporis eius tactus sanabat aegrotos. Vita quidem & omnia bona principaliter à diuina Christi natura sunt, quemadmodum supra dicitur: In ipso (scilicet verbo Dei) vita erat. Et in Psalmo: Apud te est fons vitae. Quia tamen duae illae naturae in Christo ita coniunctae sunt & vnitae, vt vna persona sint, ac diuinitas in humanitate Christi, non vt in alijs creaturis, sed etiam corporaliter sit & inhabitet: propter quod fieri non potest, quin & ipsa caro Christi proficiat. Subdit: Ego sum panis, quia nedum vitam in se habet, sed vitam etiam alijs communicat. Sicut enim panis ideo conficitur, vt sumptus confortet, sic Christus ideo missus est, ideo incarnatus est, vt per ipsum viuamus. Non incongrue

Ioan. 6.

Matt. 27.

Apoc. 2.

Matt. 6.

Ioan. 1.

Psalm. 35.

Colos. 1.

1 Cor. 10.

Ioan. 3.

2 Cor. 11.

igitur panem se nominat. Nō tamen qualemcunque panem, sed panem vitæ: Ipse enim verbum Dei est, omnia viuificans & conseruans, ideo & vitam præstare & conseruare potest. Vides igitur, quæ sit vis & efficacia huius panis, Christi scilicet.

Patres vestri manducauerunt manna.]

Secundum est, quod inter se confert cibum corporalem & spirituale. Corporis cibus quantumcunque preciosus sit, tamen non in perpetuum potest conseruare vitam, quod probat per manna. Nullus vnquam cibus tantæ efficacitæ fuit, vt māna: de ipso enim scribitur, quod deseruiebat vnus cuiusque voluntati, omneque in se delectamentum habebat, nec sic tamen potuit comestores suos à morte præseruare: Mortui (inquit) sunt. Quāto minùs alijs cibi hoc præstare possunt. Discamus item ex hoc loco differentiam vmbrae & veritatis, veteris & noui testamenti. Ipsi habuerunt vmbrae & figuras. Omnia enim in figura illis cōtingebant, nos res ipsas, & veritatem. Non igitur opus est, vt manna flagitemus, aliāque patribus quondam ostensa, cum longè maiora nunc habeamus. Obserua & hic em-

phasim verborū: [Patres (inquit) vestri,] ad confusionem eorum hoc dicit, vt ostēdat eos imitatores esse patrum suorum, qui contra manna murmurauerunt. Deinde proprio nomine cibum illum nominat, quasi diceret: Quantumcunque celebre nomen habeat, Dicitur enim manna, dicitur panis cæli & panis angelorum, nō tamen verè de cælo descendit. Addit In deserto, subindicans, breui tempore eum panem, ipsorum patribus datum, nempe quamdiu fuerunt in deserto, ingressi autem terram promissam, eo priuati sunt. Hic autem verus panis semper manet.

Apud Christū enim est fons perpetuus vitæ. Postremò addit: Et mortui sunt, quod intelligi potest, primò de morte corporali, qua & boni & mali mortui sunt: nemo enim eorum permansit, qui manna comederunt. Secundò de spiritali morte, qua impij mortui sunt, quantumuis haberent manna. Indicat igitur manna ipsum ex se nec viuificare corporaliter, nec iustificare potuisse: quorum tamen vtrunque potest Christus. Obserua, quod sicut māna cum

fide sumptum, animæ quidem proderat, etiam si à morte corporis liberare non posset: sine fide autem sumptum, nihil proderat animæ, imò oberat: propter hoc enim eo grauius à Deo puniti sunt. Sic sacramentum nostrum cum fide sumptum, ingentem præstat thesaurum gratiæ & consolationis. Sine fide autem sumptum, certissima damnatio est. Qui enim indigne manducat, iudiciū sibi manducat, &c.

Hic est panis de cælo descendens.]

Hic ponitur tertium, nempe vnde sit ea vis panis istius: De cælo (inquit) descendit, non ex humanitate nuda, sed ex diuinitate. Monet igitur, ne eum vt hominem tantum respiciamus, sed vt Deum etiam. Solus enim & purus homo hæc præstare nō posset, sed Deus homo omnia potest. Ideo tam crebrò repetit: Descendi de cælo. Ob eam causam & supra tam diligenter descripsit Christi diuinitatem.

Ego sum panis viuus.]

Repetit nunc quod iam tertio dixit, vt fortius imprimat. Sic Paulus: Eadem (inquit) ad vos scribere & mihi molestū non est, & vobis tutum. Sicut enim cruciatū vulnerum non vnum, sed varia remedia adhibentur, nec semel, sed frequenter, sic duro animo varia & frequens accommodanda est doctrina, vt si prima parum profecerit, saltem secunda vel tertia permulcere possit.

Si quis manducauerit ex hoc pane.]

Hic habes quartum, nempe vsum huius panis: vult enim manducari. Manducare autē, est traijci cibū in oēs corporis partes, qui non assuatur, sed adnascatur. Nihil prodest panis, si tantum videas vel habeas, nisi in te traijcias. Ita hic manducare panem cælestem, est traijci eum intra cor, & fieri vitam cordis. Cernere, tractare manibus, non est manducare: ita Christum videre, externe tangere, cogitare simulatis intētionib⁹, imitari opera, nō satis est, nisi in te ipsum traijcias, ac in te eum habeas. Videre Christum crucifixum, nihil prodest, nisi eum sic crucifixū in te sumas, hoc est, credas propter te crucifixū. Sic sacramentū non datū est, vt tantum videamus, sed vt manducemus: Accipite (inquit) & manducate. Duplīter autem manducatur Christus, in verbis

bo per fidem, in sacramento pariter per fidem & corporalem manducationem. Quod autem dicit: [Si quis manducauerit ex hoc pane] non intelligas quasi Christus frustulatim discerpatur, quemadmodum panis corporalis: Quilibet enim fidelis si de totum Christum habet, & in sacramento totum Christum similiter. Sed ideo hoc dicit, ut ostendat, quod panis hic est inconsumptibilis, & nunquam deficiens:

Viuat in æternum.]

Hic habes quintum, nemque fructum huius cibi. Vide autem quam insignem fructum affert. Sic enim hætenus dictum est. Qui venit ad me, non esuriet. Qui credit in me, non sitiet. Item: Hic est panis, ut si quis ex ipso manducauerit, non moriatur. Nunc addit: [Et viuat in æternum.] An non insignes fructus, non esurire, non sitire, non mori, sed in æternum viuere? Atque hæc omnia præstat cibus iste, per hæc igitur Christus nos allicere voluit.

Et panis, quem ego dabo, caro mea est.]

Hic habes sextum, nempe modum, quomodo scilicet panis ille nobis communetur. Dabo, inquit, carnem & corpus meum in mortem & ad crucem, illic coquetur panis iste, illic promerebor vobis vitam, non vni homini, sed toti mundo, quo ad sufficientiam. Deinde, sicut in cruce carnem meam dabo pro mundi vita, sic eandem dabo in sacramento, nec solum carnem, sed & vitam simul. Quod enim Christus in passione meruit, hoc in sacramento distribuit. Carnem autem exprimit, ne quis humanitatem Christi nihil prodesse existimet. Deinde ideo carnem nominat, nimirum sentiens id, quod Paulus ait: Quia mundus non cognouit per sapientiam Deum, placuit ei per stultitiam crucis saluos facere credentes. Ab hoc autem loco quidam caput hoc exponunt de sacramento, moti ex eo, quod Christus dicit: [Dabo.] Et quidem verum est, quod in sacramento verè caro Christi est: oportet tamen omnium maxime attendere ad spirituales manducationem. Est igitur sensus verbi, Dabo corpus meum pro vobis in mortem. Si quis hoc crediderit, edet panem viuificum, dantem vitam æternam.

Litigabant ergo Iudei ad inuicem.]

Ut semper sui similes sunt. Verissime ^{Matt. 12} me igitur dictum est: Quomodo potestis ^{Ioan. 18.} bona loqui, cum sitis mali? Atque adeo non immerito eis dicere potuisset etiam nunc, Vos quæ apud patrem vestrum vidistis, facitis, &c. Prius murmurauerat, nunc litigant, nusquam docti duram ceruicem flectere, & vel tantum se humiliare ut quærent, sed consiliū sapietiae non ab sapientia, sed tantum murmurando & litigando ab inuicem quærunt, & quoplus Christum audiunt, eo peiores fiunt. Hæc est enim prima virtus eorum, qui carnalia in Christo quærunt. Sic Paulus: ^{1. Tim. 3} Impij semper proficiunt in peius, &cæ. Deinde huiusmodi homines verba Christi non in alium usum assumunt, quam ad lites & contentiones. Sic & nunc plerique tantum ad hoc legunt scripturas, ut possint aduersarios vincere, non ut ipsi ex hoc emendentur: Omnes ad contentiones parati sumus, nemo autem ad emendationem vitæ: Hoc autem ipsissimum Diaboli inuentum est: quia enim superbiam cordis humani scit, & quod in contentionibus omnium aliorum obliuiscamur, ideo semper ad hoc inuigilat, ut contentiones excitet, tum ut nos vero fructu scripturæ priuet: tum ut preciosi huius temporis fructu fraudemur. Ideo Paulus ait: Noli contendere verbis, &c. Item, Seruum Dei non oportet litigare, ^{1. Tim. 2} sed docilem esse, &cæ. Et Iacobus: Cum mansuetudine suscipite insitum verbum, ^{Iacob. 3.} quod potest saluare animas vestras. Nihil tibi prodest, ut scias fidem tuam defendere, nisi & fidei conformiter viuas. Nec à te in iudicio exigitur, num bonus disputator, sed an bonus Christianus fueris.

Quomodo potest hic nobis carnem suam dare?]

Verè Iudaicum verbum, quod à Christianis quam longissime abesse debet. Quamdo enim subit quæstio, quomodo aliquid fiat, simul subit incredulitas, id quod & supra in Nicodemo vidimus, qui semel atque iterum dicebat: Quomodo potest homo renasci? Itē: Quomodo possunt hæc fieri? Hoc autem verbum partim ex contemptu dixerunt. Videntes enim spe sua se fraudatos, nec Christum velle dare ^{Ioan. 3.} cibos

- cibos corporis, sed de cibo spirituali eos admonere, ex contemptu dicunt: [Quo modo potest hic nobis dare carnem suā] quasi dicerent: Qualis cibus est caro humana? Quomodo hoc potest esse? &c. In eundem modum etiam patres eorum olim dicebant: Anima, inquiūt, nostra nau fecit super cibo isto leuissimo. Partim autem hæc dixerunt, carnali ratione & imaginatione permoti. Sed audi Iudæe, si hoc hic inquiris, cur non idem in quinque pa num miraculo dixisti? Sed res ipsa tunc docuit, inquit. Respondeo: Ergo ex eo etiam hæc credere oportuit ei facilia esse, imò propterea id prius fecit miraculum, ut per illud non essent amplius increduli his, quæ postmodum diceret. Verum fatuis etiam quæ facillima sunt, obscura videntur. Non mirum autem est, quod infideles ita de verbis Christi iudicant: hoc autem miserandum est, quod etiam nos plus rationi & imaginationi carnali credimus, quam apertissimo verbo Dei. An non carnali imaginatione decipiuntur, qui ex eo, quod Christus dicitur cælos conscendisse, & sedere ad dexteram Dei, colligunt, corpus Christi non posse in Sacramento esse? Vident enim cælum sursum, terram esse deorsum. Atqui ex eo vel maximè certi sumus, corpus Christi esse posse in Sacramento, quod scimus ipsum esse ad dexteram Dei. Dexteram enim Dei eius omnipotentia est. Iuxta illud: Fecit potentiam in brachio suo. Item: Dexteram Domini fecit virtutem, &c. Potentia autem Dei non vni loco affixa est, sed vbique operatur in omnibus creaturis: Ex ipso enim, & per ipsum, & in ipso sunt omnia. Si igitur Christus est ad dexteram Dei, claret illum esse omnipotentem: Si potentia Dei nō vni loco affixa est, nec corpus Christi sic in cælo alligatum est, ut alibi esse non possit, non tamen est vbique ipsum Christi corpus. Deinde, an non carnali imaginatione decipiuntur, qui dicunt: Quo modo potest vnū corpus esse in diuersis locis? Huiusmodi enim homines corpus Christi nihilo plus æstimāt, quam aliud corpus: cum tamen certū sit, corpus Christi vnitū esse diuinitati. Deinde Christū diuidunt, humanitatē in cælo collocant, diuinitatem autem etiam in terra esse dicunt: Atqui non licet sic Christum diuide
- dere. Deitas & humanitas ita in vnā coiere personam, ut prorsus separari non possint aut velint. Cogita igitur, corpus Christi maius aliquid & singulare quiddam habere præ alijs. Item quod deitas & humanitas vna sint persona, & nihil te mouebit carnalis illa imaginatio. Præterea etiam hos decipit imaginatio, qui dicunt: Quomodo corpus Christi potest esse in Sacramento, cum non occupet locum nec habeat dimensiones: quasi res non possit esse alicubi, nisi localiter & secundum dimensionem. Cum econtra certi sumus, quod Christi corpus transierit per lapidem sepulchri, & per clausam ianuam, ubi nec lapis extensus est, nec corpus Christi attenuatum fuit. Contemnendæ igitur sunt huiusmodi imaginationes, captiuandusque est intellectus, ac fide apprehendenda sunt verba Christi: alioqui planè impij in Deum sumus, si manifestis verbis eius nolumus credere, nisi quantum ratione consequi possumus. Quod si sic liceret agere, iam omnem scripturam, omnia Dei mirabilia, omnes articulos fidei nostræ quis negare posset. Semper enim posset illud prætere: Quomodo potest hoc fieri? Sed absit hæc impietas à cordibus Christianorum, facessat hoc verbum (Quo modo potest) ex auribus & ore Christianorum. Nescis quomodo viuas, videas, audias, imò nescis, quomodo os aperias, linguam moueas, & temere inuestigare vis, quomodo corpus Christi sit in Sacramento? Litigent igitur quantum velint & murmurent hæretici, nos scimus nos habere verbum Christi expressum. Deinde etiam aduersarij fatentur, nos hoc verbum simplicissimè, & ut verba sonant intelligere. Præterea ipsorum dissensiones arguunt eos non habere certum textū, sed sequi imaginationes proprii capitis. Hinc enim est, quod tam varîe exponunt, imò discerpunt verba Christi, &c. Omnia igitur hæc ad confirmationem fidei nostræ faciunt.
- Nisi manducaueritis carnem filij, &c. I.*
- Quod ipsi impossibile iudicabant, Christus nedum possibile, sed & necessarium esse dicit, & adeo necessariū, ut per eundem omnibus sit, nisi carne & sanguine Christi sustentetur. Cæterum nihil respōdet

Num. 21

Prou. 3.

Luca 1.
Psal. 117

Rom. 11

det ad ipsorum quæstionem, Quomodo manducat meam carnem, &c. habet vitā id fieri possit: quia nullam in ipsis videtur æternam. Atqui etiam Iudas Sacramentum sumpsit, nec tamen vitam habuit. Imò Paulus manifestè dicit, aliquos Sacramentum hoc sumere in iudicium & cōdemnationem. Vnde clarum est, quod Christus de spiritali māducatione, quæ 1. Co. 12. fit per fidem, non de Sacramentali loquitur. Qui autem contēdunt Christum hic loqui de Sacramentali vel corporali māducatione corporis Christi, ita respondent ad obiectiones vel inconuenientias, quæ suprà posuimus. Ad illud quod de patribus dicitur: Concedunt quod non manducauerunt corpus Christi corporaliter, sed addunt: Ideo eos etiam non potuisse intrare ad vitam, donec corpus Christi in terram recondideretur, vbi & ipsorum corpora requiescebant, vt vel sic aliquo modo corporaliter participarent corpus Christi. Imò ideo Christus voluit sepeliri, vt corpus suum corporibus sanctorum adiungeretur ipsisque vitam præstaret. Ad illud quod de pueris & necessitate aliqua constrictis, obiectum est, respondet, Non iudicatur apud Deum non manducasse, nisi qui manducare noluit, qui non curauit, qui neglexit. De sensibus enim & voluntatibus iudicat Deus, quæ in infantibus malæ esse non possunt. In his autem, qui necessitate aliqua præpediuntur, cum bonæ sint, non fraudantur effectu. Ad illud autem, quod de indignè sumentibus obijciatur, respondent: Se non separare Sacramentalem māducationem à spiritali, cum in Sacramento nedum externa species, sed & verbum Dei proponatur, quorum vtrumque sumendum est: hoc quidem ore, illud autem fide. De solis igitur his se loqui fatentur, qui quod ore sumunt, etiam fide sumunt: hi enim certissimè vitam acquirunt. Porro Augustinus & quidam alij aliam adferunt huius loci intelligentiam: Non enim de Sacramento, sed de re Sacramenti hoc verbū exponunt. Res autē, quā hoc Sacramentū designat, est corpus Christi mysticū, hoc est, Ecclesia fidelium. Hæc enim nedū ex multis in vnū corpus cōsurgit, sicut panis ex multis granis, & vinū ex multis racemis, sed etiā multa & diuersa mēbra habet, sicut verum Christi corp⁹. Est igitur sensus verbi: Nisi mihi incorporemini & ego vobis, adeo vt vnū

R ij cora

corpus, vna substantia, vna voluntas, & cor efficiamini, & mecum & cum omnibus membris meis: Item, nisi me ut caput vestrum agnoscatis, & omnes pios ut membra vestra: Item, nisi mecum & cum omnibus membris meis, omnia & bona & mala communicaueritis, ac in hac unitate Ecclesiae perpetuo maneatis, non habebitis vitam in vobis. Ideo autem Augustinus hunc in modum verba Christi exposuit, tum ut haereticos sui temporis abstergeret, ne se ab Ecclesia separarent, in qua sola vita est, & cui soli Christus & se & sua dedit: Tum ut pios extimularer, ut non tantum Sacramentum sumerent, sed & rem Sacramenti cogitarent, imò exercerent, nempe charitatem & unitatem, &c. Verè igitur extimescenda sententia: Nulli contingere vitam, qui Christum non ut caput suum agnoscit & veneratur. Item, qui non omnes Christianos ut sua membra foueat & diligat. Item, qui ab Ecclesia Dei se separat. Potissimum autem & principaliter locus hic, imò totum caput, de spiritali manducatione intelligendum est. Secundum hoc igitur, quatuor per ordinem in hoc verbo notantur. Primo enim manifestè indicat, nos vitam à nobis ipsis nec habere, nec habere posse. Ex nobis ipsis enim planè mortui sumus in anima, morituri propediem etiam corpore, imò aeternae morti iam iam sumus adiudicati, nisi alius de nobis subueniatur. Deinde manifestè indicat, se vnum & solum esse, qui vitam nobis largiri possit, quod ut sciamus, non ioco, sed serio dictum esse, adiecit iuramentum: Amen amen dico vobis, &c. Quod autem Christus secundum diuinitatem sit vita, nedum viuens, sed & viuificans alios, supra dictum est: In ipso (inquit) vita erat, &c. Praeterea, ut certi essemus, eum & posse & velle etiam nobis dare vitam, planè ostendit, quibus rebus nobis parauerit vitam, nempe per hoc, quod filius hominis effectus sit, ac carnem & sanguinem suum tradiderit pro mundi vita. Ideo signanter & carnem & sanguinem nominat. Demum indicat eius vitam in nos derivari non posse, nisi vnum cum ipso efficiamur, ac planè carnem suam & sanguinem, quibus nobis vitam meruit, in nos traiciamus: neque enim aliud in nobis vitam operari & conservare potest, quam id quo vita nobis

coempta est. Quia autem Christum pro nobis carnem & sanguinem dedisse non vidimus, nec videre possumus, sed tantum audimus in verbo Euangelij: ideo eandem carnem & sanguinem non manu, sed fide apprehendere oportet. Qui igitur credit, Christum corpus suum pro nobis tradidisse, & sanguinem effudisse in remissionem peccatorum, ac per hoc omnem suam spem & fiduciam in Christo crucifixo collocat, is verè manducat carnem & sanguinem Christi. Ex eo enim, ut summo & suavisimo cibo, ineffabilem voluptatem capit. Hoc igitur est, quod Christus hic vult dicere: Planè affirmo (inquit) omnes vos perituros, nisi in me vitam quaeratis, nec hoc solum, sed ut in corpus meum sanguinemque pro vobis traditum oculos figatis, eaque firma fide apprehendatis, & in vos traiciatis. Discamus igitur ex hoc verbo, quam miseris sumus ex nobis ipsis. Secundo, ubi salus & vita quaerenda sit. Tertio attendamus passionem Christi seu precium, quo nobis omnia bona comparata sunt. Quarto consideremus ineffabilem Christi erga nos dilectionem, qua totum seipsum nobis impendit. Quinto consideremus, quam necessaria nobis sit fides in Christum, &c.

Qui manducat meam carnem, &c.

Tales ferè esse solemus, quales sunt cibi, quibus vescimur. Si vescamur cibo paulò duriori, duri & intractabiles efficiamur: si humidiori, humidi: si sicciori, siccii. Sic qui carnem Christi manducat, vitam aeternam habet, eò quod Christus sit Filius Dei aeternus. Tripliciter autem corpus Christi manducatur. Primo, cum credimus ipsum corpus pro nobis traditum, ipsum sanguinem pro nobis effusum, unicamque & solam & totam fiduciam consolationemque nostram putamus, quod Christus pro nobis mortuus est. Haec manducatio summè necessaria est. Sine tali enim fide in Christum, nemo Deo placere potest. Imò, nisi hoc modo etiam patres veteris Testamenti edissent carnem Christi, & bibissent sanguinem, hoc est, nisi in Christum credidissent, nunquam fuissent iustificati, nec immortales facti. Ob eam causam semper ab exordio humani lapsus Christus promissus fuit, ut qui eum fide apprehenderent, non perirent.

flent. Adæ & Patriarchis vsque ad Abra-
 ham distributus est Christus per hoc
 verbum: Semen mulieris conteret caput
 tuum. Abrahamo & posteris eius exhibi-
 tus est per hanc promissionem: In semine
 tuo benedicetur omnes gentes terræ.
 Moyfi & posteris eius vsque ad David,
 datus est per hoc verbum: Prophetam
 suscitabit vobis Dominus, &c. Davidi &
 posteris eius exhibitus est per illud ver-
 bum: Suscitabo semen tuum post te, ipse
 ædificabit domum nomini meo, Chris-
 stus seipsum exhibuit Apostolis. Apo-
 stoli eum exhibuerunt gentibus per Eu-
 angelium, & Euangelij Sacramenta. Et
 his medijs exhibetur credentibus, vsque
 ad consummationem mundi. Oportet
 itaque omnes, quotquot saluari volunt,
 edere carnem, & bibere sanguinem Chris-
 sti, hoc est, credere in Iesum Christum,
 qui est sanctificatio, salus, & redemptio
 nostra. Secundò manducatur corpus Chri-
 sti in Sacramento. Et hæc quidem man-
 ducatio non simpliciter necessaria est, vt
 prior. Plures enim etiam sine hac salua-
 ti sunt & saluantur. Sed tamen ita necessa-
 ria est, vt non contemnatur aut negligat-
 ur suo tempore. In institutione enim
 huius Sacramenti, Christus imperatiue
 loquitur: Accipite, comedite, Hoc facite.
 Non igitur liberum est, vti vel non vti
 Sacramento. Imò si Christianus esse vis,
 oportet vt aliquando vtaris. Sicut enim
 peritus medicus secundum morbi natu-
 ram quam nouit, antidotum temperat,
 & dicit ægrotanti: Quia tale venenum bi-
 bisti, oportet vt tale remedium accipias.
 Sic author vitæ, remedium opposuit cõ-
 trarium veneno, quod imbibimus: vt
 qua via peccatum, & mors intrauerat in
 mundum, eadem via rediret iustitia, & vi-
 ta. Quis autem nescit, externum illum
 cibum vetiti ligni, hominisque facilem,
 Imò insanam credulitatem præbuisse oc-
 casionem mortis. Huic igitur malo me-
 dicaturus Christus, etiam ipse externum
 cibum non minoribus promissis homi-
 ni porrigit, ac planè hoc exigit, vt quàm
 auidè de ligno vetito comedit, tam obei-
 denter etiam de hoc cibo comedat: &
 quantũ credidit mēdacio, tantũ credat ve-
 ritati: quantũ credidit deceptorī superba
 præsumptione, tantũ credat Redēptorī
 humili subiectione: tanta fide comedat pa-

nem, & bibat calicem Christi, quanta in
 fidelitate comedit fructum vetitæ arboris,
 vt de isto credat plus quàm videre
 possit, qui de illo plus quàm videbat, &
 omnino plus & aliud quàm esse poterat,
 nulla ratione adductus, credidit. Credidit
 Adam Diabolo mendaciter dicenti: Eris
 tuis sicut dii. Credat econtra Christianus
 Christo, veraciter dicenti: Hoc est corpus
 meum. Tertiò manducatur corpus Chri-
 sti, cum ipsi vt capiti, omnibusque fidelibus,
 vt membris eius incorporamur. Atque hæc
 manducatio etiam summè necessaria est.
 Alioqui quicumque extra Ecclesiam &
 corpus Christi inueniatur, perit. Sed ad
 textum reuertamur: [Qui manducat, &c.]
 Sæpius in hoc loco Christus mentionem facit
 de vita: scit enim, quod eius vel maxime
 trahimur cupiditate, & quod nihil nobis
 suauius sit, quàm non mori. Ideo enim & in
 veteri Testamento plærunque longa vita &
 dies multi promittebantur. Sic & Christus
 vitam promittit, non semel, sed frequenter,
 vt nos alliciat: Nec qualemcunque vitam
 promittit, sed æternam. Qui manducat,
 inquit, carnem meam, habet vitam: hoc est,
 meipsum, qui sum vita. Item habet vitam
 gratiæ: nam per me consecutus est remissionem
 peccatorum. Præterea etiam vitam gloriæ habet
 in spe, quæ spem eum non confundet. Non
 igitur est, quod suspires & doleas, hominem
 è Paradiso electum, ne sumeret de ligno vitæ,
 & viueret in æternum. Nam ecce iam habes
 panem verum, de quo si manducaueris, viues
 in æternum. Imò est, vnde gaudeas, quod
 Adam præuaricator, non est permissus edere
 de ligno vitæ, & viuere in æternum. Si enim
 tunc, cum esset præuaricator, comedisset, sic
 viueret in æternum, quomodo ille viuit,
 cuius suasu comedit, hoc est, miserè & culpabiliter
 damnabiliterq. Econtra autem tu sic nunc viues
 in æternum, quomodo ego viuo, hoc est, beatificè, &c.

Rom. 5.
 Gene. 3.

Et ego resuscitabo eum in nouissimo.

Alius fructus dignæ manducationis, resuscitatio
 scilicet corporis, nõ quidem simpliciter (nam & impij
 resuscitabuntur) sed ad vitam & beatitudinem. Sicut
 autè mors animæ prior inuasit hominē,

R. iij. quan

quando scilicet in peccatum cecidit, posterius autem secuta est mors corporis: sic Christus prius promittit vitam, postea autem & resurrectionem & resurrectionem. Signanter autem dicit: [Ego resuscitabo.] Sicut enim Deitas latens in corpore ipsius ipsum excitauit à mortuis, sic **Colos. 3** & nos virtute latentis in nos Christi de nouo excitabimur. Hinc & Christus dicitur vita nostra. Deinde, hoc verbo planè indicat fidelium mortem, nihil aliud esse, quàm somnum. Non abstulit Christus mortem corporis, sed effecit, ut credentibus non mors, sed somnus sit. Hinc p*i* dicuntur obdormire in Domino, quemadmodum Stephanus, &c.

Caro mea verè est cibus, &c.

Non semel tantum, sed iterum atque tertio hic exprimit carnem & sanguinem suum. Primò, ut altè nobis infigeret passionem suam sanguinisque effusionem, cui vnum illud refugium nostrum, in quo omnis consolatio & meritum nostrum consistit. Secundò, ut altè nobis infigeret dilectionem erga nos suam, qua quicquid à nobis assumpsit, totum pro nobis impendit: neque id solùm, sed etiam nobis ea impendit in cibum. Quasi diceret: Parentes alij saepenumero filios suos alijs alendos dederunt, ego autem mea carne vos alo, me vobis exhibeo, omnibus optinam de futuris spem præbeo, vester ego frater esse volui, communicauì carnem propter vos & sanguinem, & per quæ vobis coniunctus sum, ea rursus vobis exhibui. Qui autem in hac vita ita se nobis totum exhibet, quid faciet in futura? Tertio ideo toties carnem & sanguinem suum exprimit, ut sciamus etiam carnem eius viuificare, non quidem ex se, sed ex eo, quod coniuncta est diuinitati. Sicut enim ferrum in igne positum, tametsi ferum maneat, tamen longè aliam operationem habet, quàm ante: imò non minus vrit, quàm ignis. Sic corpus Christi diuinitati intimè coniunctum, verum quidem corpus manet, sed tamen viuificandi vim à diuinitate suscipit. Impi*i* igitur sunt, qui garriunt carnem Christi nihil prodesse. Est autem caro Christi cibus, tum quia comedi vult, ut possit prodesse: tum quia idem spiritualiter in nobis operatur, quod cibus externus corporaliter.

Reficit enim, confortat, restaurat, voluptatem affert, vitam cōtinuat, imò quod in alijs cibis quærimus, nempe, ut non esuriamus, vel ut non moriamur, vel ut voluptatem assequamur, hoc solū & perfecte præstat corpus & sanguis Christi. Ideo signanter addit: [Verè est cibus.] Primò ad differentiam corporalis cibi, quem siue manduces siue non, morieris. Hic autem tantum moritur, qui non manducat, in æternum autem viuet qui manducat. Secundò, corpus Christi verus cibus est, ad distinctionem eius cibi, quem Diabolus pollicebatur. Cibus enim ille **Gen. 3** cibus fuit mendacij, quia falsum fuit, & falsum est, quod in cibo illo Diabolus pollicebatur, itaque & cum vana promissione datus fuit cibus ille, & vana spe diuinæ similitudinis consequendæ manducatus est. Caro autem Christi verus cibus est: quia verum est, quod Christus in eo pollicetur, veraque spes est, qua manducatur. Sic & de sanguine dicendum.

Qui manducat, &c. in me manet.]

Alius fructus huius manducationis, in Christo manere, & Christum in se manentem habere, imò cum Christo sic vnū esse, ut nunquam ab eo separeris. Quod quantum bonum sit, vel ex nonagesimo Psalmo discere possumus, in quo David non satis exprimere potest, quàm securus sit, qui sub vmbra & adiutorio Dei sedet. Quanto igitur securior & felix **Psal. 91** cior est, qui Christum in se habet, & in Christo est? Atque hinc videre licet, vnde sit tanta Christianorum fortitudo & victoria contra peccatum, mortem, Diabolum, & mundum. Nimirum, quia in Christo manent, & Christum in se manentem habent. Sicut enim Christus, quamuis totius mundi peccata in se suscepisset, morsque, & mundus, & Diabolus eum totis viribus inuasissent, tamen opprimi non potuit: Sic nec opprimi potest, qui in Christo manet, &c. Breuiter, quod Diabolus mendaciter pollicebatur homini, hoc Christus hic verè pollicetur & præstat. Quid em̃ nobis hoc dicto pollicitus est Dei Filius, quàm ac si aperte dicat: Si manducaueritis carnem meam, &c. di*i* eritis, & Filij excelsi omnes. Non tamen vsus est vel vti debuit verbis deceptoris illius antiqui, promittentis Dei aquas

æqualitatem. Quis enim est vel esse pos-
 test, sicut Deus? Ille nāq; nullius eget, nul-
 lius ope vel gratia Deus est. Sed quis ita
 præter illū, naturæ suæ sufficientia Deus
 esse potest? Sic Angelus voluit esse Deus
 & factus est Diabolus. Sic deitatem ap-
 petere persuasit hominī, & hominem ho-
 minis honore spoliavit. Sicque tam hic
 quam ille, cum voluit esse sicut Deus, vo-
 luit sine gratia & adiutorio melioris esse
 Deus, & hac voluntate vterque se à Deo
 diuisit. E contra consortiū vel gratia Dei
 deos efficit, & filios excelsi. Christus igitur
 non æqualitatem Dei sicut Diabo-
 lus, sed gratiam & communicationem
 Dei nobis promittit, cum dicit: [In me
 manet, & ego in eo.] Quia enim Chris-
 tus Deus est, ergo is, in quo Christus ma-
 net diuinitatem in se transfusam habens,
 Deus factus est, Filius excelsi renatus
 est.

Sicut misit me viuens Pater, &c.]

Hoc verbo indicat, vnde vita omnis
 originem habeat, & quomodo in nos de-
 riuetur. In Deo est fons vitæ, vt David
 ait. Vnde & Christus hic Patrem nomi-
 nat viuentem. Ipse enim solus immorta-
 litatem habet. Vnde & in Apocalypsi:
 Dabant, inquit, gloriam viuenti in sæcu-
 la sæculorum. Hanc autem vitam perfe-
 ctè impressit Filio, vt & ipse nedum vi-
 uat, sed & ipsa vita sit, & vitam præstare
 possit. Vnde Christus subdit. Et ego vi-
 uo propter Patrem, hoc est, propterea &
 ego Deus viuens & author vitæ sum,
 quia talem Patrem habeo, quia talis Pa-
 ter me misit & genuit. Hanc autem vitam
 Deus per Filium etiam nobis communi-
 care voluit, ideo dicit: Pater me misit,
 Eandem Christus non vt inuidens quis-
 piam soli sibi reseruauit, sed credētibus
 communicauit, ideo cibum se dicit, ac
 omnibus se manducandum proposuit.
 Sic igitur impletur, quod subdit: Qui mā-
 ducat me, viuet propter me, hoc est, ex
 eo, quod me habet, etiam vitam meam
 participabit.

Hic est panis, qui de cælo descendit.]

Breui Epilogo colligit atque enume-
 rat, quibus de rebus hætenus verba fece-
 rit. Primò enim se ostendit verum esse pa-
 nem vitæ, ob eam vel maximè causam,

quòd de cælo descenderit, atq; hoc etiam
 hic primò repetit. Secundò ostendit man-
 na, de quo ipsi gloriabantur, nequaquam
 comparandum esse huic cibo. Ideo subdit.

*Non sicut manducauerunt Patres ve-
 stri, &c.]*

Sæpius autem mannæ meminit, non
 tantum vt ipsum distinguat ab hoc cibo,
 sed etiam vt per hoc ad fidem eos allia-
 ciat. Nam si possibile fuit Deo, tantum
 populū quadraginta annis pascere è cæ-
 lo, potest & hæc præstare, quæ Christus
 hic promissit. Verè autem dicit, mortui
 sunt. E tanto enim numero, ne vnus quis-
 dem remansit, imò plerique etiam, quos
 ad animam, mortui fuerunt. Postremò,
 etiam breuiter repetit, quod de fructu
 huius cibi supra disseruit, cum subdit.

Qui manducat hunc panem, viuet, &c.]

Hinc enim est fructus ligni vitæ,
 quod hoc tempore Deus in medio Ec-
 clesiæ plantauit. Hinc in Apocalypsi
 dicit: Dabo ei edere de ligno vitæ, &cet.
 Christus enim verè est lignum vitæ, his
 qui apprehenderint eum, & ideo qui te-
 nuerit eum, beatus erit, & est. Docet au-
 tem nos hic Epilogus, quatuor in Chris-
 to cōsiderare. Primò quòd de cælo descē-
 derit, & Deus sit: alioqui impossibilia vi-
 debuntur, quæ hætenus dixit. Secundò,
 quòd panis effectus est, hoc est, quòd bo-
 na sua nobis communicare vult, imò se
 ipsum, ac planè nobis commisceri & vni-
 ri. Tertiò, quòd multò maiora iam in hoc
 sæculo nobis præstitit, quam Patres ha-
 buerunt in veteri Testamento. Quartò,
 quòd in futuro summa & maxima da-
 bit, hoc est, ipsam beatitudinē, & vitam
 non iam in spe, sed in re.

Hæc dixit in Synagoga docens, &c.]

Locū nominat, vt certi sint pñ Chris-
 tum veraciter verba dixisse, atque adeò
 securè in ipsis confidāt. Deinde hoc ver-
 bo & Iudæis & malis Christianis, om-
 nem excusationem adimit. Non in oc-
 culto hæc dixit, sed in propatulo, in loco
 celebri, vbi plures conuenerant: imò hæc
 eadem postea per Apostolos in omnem
 terram promulgauit. Verè igitur dicere
 potest: Si non venissem, & locutus eis
 fuissem, peccatum non haberent. Nunc

R. iij

autem

Gene. 22
 Apoc. 2
 Prou. 3

Psal. 18.
 Ioan. 15.

autem excusationem non habent.

Multi ergo ex discipulis eius audientes, &c.]

Hactenus Iudæos murmurasse & litigasse audiuius: nunc etiam inter discipulos inueniuntur murmuratores. Sic enim Christus positus est in ruinam & in signum, cui contradicitur: Imò, qui hic discipuli eius dicuntur, deterius murmurant, quàm alij Iudæi, magis quippe diffidentiam suam exprimunt, quàm illi: Imò alijs tantum quærentibus. Quomodo hoc fieri posset, ipsi planè sententiam pronuntiant, ac sermonem Christi damnant. Sic enim Christus semper apud suos contemptior est, quàm apud extraneos. Sic in passione sua Iudæos, qui populus eius erant, crudeliores erga se inuenit quàm Gentiles. Sic verbum Dei, & scripturæ, multò prius à Christianis discerptum est, quàm à Iudæis vel Gentibus. Et generaliter nusquam Christus magis blasphematur, quàm apud Christianos. Signanter autem Ioannes addit: [Multi ex discipulis,] non omnes, ne crederentur omnes hoc fecisse. Nihil præiudicat Apostolis quorundam incredulitas, sicut nec nobis, &c.

Durus est hic sermo, quis potest eum, &c.]

Non suam tarditatē, sed Domini sermonem inculpabant, quasi solis vitium sit, si lippus non clarè videt, & non magis oculorum ipsius. Sic plerumque & nos, si quid non intelligimus, statim scripturæ obscuritatem increpamus, nō nostram cæcitatem. Et generaliter quicquid non placet, Deū in ius vocamus, ac eum culpamus. Obserua, quòd increduli longè aliter sentiunt & iudicant de verbo Dei, quàm pij. Pius homo dicit, Lex Domini immaculata conuertens animas: Testimonium Domini fidele, &c. Iustitiæ Domini rectæ, &c. Præceptum Domini lucidum, &c. Desiderabilia super aurum, &c. Econtra autem incredulus dicit: [Durus est hic sermo.] Pius homo gustata verbi dulcedine, etiam alios aduocat, dicēs: Gustate & videte, quòd suauis est Dominus. Incredulus autem etiam alios auocat à verbo Dei, dicens: [Quis potest eum audire?] Quòd autem hi sermonem Christi durum iudicabant, carnalis imaginatio in causa erat. Primum enim secundum carnem, quam solam sapiebant, sic intelligebant manducari oportere carnem Christi, quemadmodum pecorum carnes conciduntur & manducantur, & quemadmodum consueuerant concidere & manducare carnes agni paschalis: Et bibendum esse sanguinem Christi, quomodo nec animalis cuiusquam sanguinem gustare lex permittit. Hoc autem rationi eorum omnino videbatur inhumanum, imò horrendum & execrandum facinus, denique & diuinæ legi contrarium, quæ vetat carnem cum sanguine edi. Deinde iudicabant hoc ipsum non modo non valere ad vitam, sed etiam eidem vitæ omnino contrarium & repugnans esse. Præterea hoc quoque cogitabat, etiāsi aliquo modo fas esset, sic illud concidi & manducari, tamen ipsius corpus & sanguinē vix paucis sufficere posse, vt modicum quis acciperet, atque ideo vix centum homines ad vitam perungere posse, cum copiosa multitudo hominum ad salutem pertinentium nulli nisi soli Deo numerabilis sit. Denique ratione sua comprehendere non poterāt, quomodo eius humanæ carnis ad salutē necessarius esse posset. Postremò, nec id consequi poterant, quomodo caro Christi melior esse posset, quàm manna, cū scriptura tam magnifice loquatur de manna, imò Deus id ipsum reseruari præceperit, vt esset perpetuum memoriale diuini beneficii. Quocunque igitur se vertebat ratio eorum, non poterat conuenire cū verbis Christi, ideo planè pronuntiant sententiā: [Durus est hic sermo.] Sic & ratio nostra omnino conuenire non potest cum eo, quòd Christus in cœna dixit: Hoc est corpus meum. Nunc enim videtur esse contrarium titulum fidei de Christi ascensione: nunc videtur eum alijs scripturis pugnare: nunc iudicatur Christo ingloriū esse, vt corpus eius manducetur: nunc etiam non necessarium putatur, cum verbo & fide manducari possit, ideo ratio planè pronuntiat: [Durus est hic sermo, &c.] Ac certè mirum, quòd hæc verba Christi non erant dant ex Euangelio. Si enim iuxta eorum sententiam, in cœna nihil est nisi panis & vinum, quæ in memoriam Christi accipi debent, planè superflua sunt verba. Satis

Gene.
Leuit.

Leuit.

Exo. 16

Mat. 26

Satis enim esset dixisse: Accipite, & manducate: frangite panem, & hoc facite ad mei memoriam. Nec opus fuisset addere: Hoc est corpus meum. Sed murmuretur qui velit, qui sordet sordescat adhuc, nobis peccatoribus iucundissimè sapit verbum hoc Christi, ac pro summo thesauro ducimus, quòd Christi corpus etiam reuera in nos sumere possumus, ac laudamus Deum, quòd medium tale inuenit, quo ita verum Christi corpus habere possumus, vt tamen non sit nec inhumanum, nec durum, multò minùs nõ contra Deum.

Sciens autem Iesus apud semetipsum.]

Ipse enim (vt Paulus ait) est discretor cogitationum: Et ipse finxit singulatim corda eorum, intelligitque omnia opera eorum. Signanter autem dicit: [Apud semetipsum,] nullo enim egebat indice. Nec tunc primùm sciuit, cum iam murmurarent, sed antequam diceret mysterium hoc, sciebat vt Deus, qui discipulorum dociles essent vel non. Attamen pro exprimenda indignitatis magnitudine, quasi nunc primùm comperta illorũ infidelitate, quasi admirans dicit:

Hoc vos scandalizat!]

Singula verba emphasim quandã habent: Hoc inquit, hoc quod vel maximè vos consolari debuerat: hoc, quod vel maximè amorem meum in vos offendit, hoc vos scandalizat! Deinde: Vos (inquit) qui tãta vidistis, tanta audistis, qui discipulos vos profitemini meos, vosne in hoc scandalizamini? An non admiratione dignum? Præterea, non simpliciter dicit: Hoc vos impedit vel inquietat, sed scandalizat, hoc est, totaliter offendit, vt à proposito bono retrorsum cadatis. An non mirum, quòd panis qui alijs vitam præbet, vobis mors est? Item, quod alijs panis est & cibus, vobis est lapis offensionis. Sic & nunc planè dignum est admiratione, quòd etiam Christiani in verbis Christi offenduntur. Magis autè mirum quòd in ea potissimùm impingunt, quæ vel maximè consolatoria sunt. Super omnia autem admirandum, imò miserandũ est, quòd non leuiter offendunt, sed ita vt omnino à bono proposito resiliant: Atqui hæc omnia quotidie vide-

mus fieri, &c. nec tamen extimescimus, aut oramus.

Si ergo videritis Filium hominis ascendentem.]

Abruptè loquitur, nec perfectum sensum exprimit. Volunt autem quidam eum sic loquutum, vt ostenderet se non æquo animo ferre ipsorum scandalum, referuntque hoc verbum ad iudicium futurum: Quasi diceret. Quum videritis Filium hominis ascendisse ad cælos, tunc intelligetis, quàm malè nunc de me sentiat. Non quidem videbitis me ascendere, quia retrorsum abituri estis, solique perseverantes videbunt hoc: Attamen ascendisse me videbitis, quando venientem cum nubibus, cum tota carne sua hunc Filium hominis videbit omnis oculus, tunc videbitis, quàm iniustè hunc sermonem meum duricie coargueritis, quàm malè senseritis, & quod peius est, non expectata magistri doctrina, nimis cito retrorsum, scãdalizati, abieritis. Alij hunc textum interrogatiuè legunt, vel admiratiuè. Quasi diceret: Si nunc scandalizamini, quid facietis, quum videritis me ascendere, vel audieritis me ascendisse in cælum? Si nunc non creditis, multò minus post ascensionem meam credetis. Si nunc me præsentè verba mea falsò intelligitis, quid fiet post abscessum meum? Secundum hoc igitur Christus hic præuidit, & prædixit quosdam ideo non credituros, se corpus Christi posse manducare, quòd sciant eum ascendisse ad cælos. Simplicissimè autem intelliguntur hæc verba, vt sint quasi confirmatio eorum quæ hæcenus dixit. Quasi diceret, Loquor nunc nudis verbis, sed hanc loquutionem efficacibus factis exequar. Nam resurrectione, ascensione, & Spiritus sancti missione declarabo carnem meam esse verũ panem, manifestabo me esse veram vitam, reuelabo me esse lucem & iustitiã mundi, imò ostendã me plane omnia posse. Qui igitur in Christi verbis adhuc dubitant, hos Christus mittit ad considerandam suam resurrectionem, ascensionem, & Spiritus sancti missionem, quæ qui attendit, facile credet verbis Christi, quantumcunque dura & impossibilia videantur. Signanter autem ad ascensionem nos dirigit considerandam.

In ea

In ea enim manifestè ostenditur Christi dignitas, potestas, & conformitas ad diuinam voluntatem. Filium hominis autem dicit ascensurum, vt sciant carnem suam non consumptibiliter manducandam à fidelibus: Alioqui quomodo ascenderet, si ab hominibus conscissa & consumpta esset? Addit autè: vbi erat prius, quòd non sic intelligendum, quasi Christus carnem è cælo secum portauerit, sed ad ostendendam vnitatem personæ, in se vno & Deo & homine. Propter hanc enim vnitatem personæ, & quæ Dei sunt, homini attribuuntur, vt hic: Et quæ hominis sunt, Deo attribuuntur, vt quum dicitur: Filius Dei pro nobis mortuus est, quum tamen sola natura humana mortua sit. Iam, quòd Sacramentarij ex hoc verbo, imò ex articulo ascensionis Domini contendunt, quòd corpus Christi non possit esse in sacramento, quum vnum corpus non habeat nisi vnum locum, superius iam confutatum est. Ascensio enim Domini, nedum non tollit corpus Christi è sacramento, sed vel maximè confirmat, quòd ibi esse possit, cum articulus habeat. Christum sedere ad dexteram Dei, quæ cum nihil aliud sit quàm Dei omnipotentia, eaque non possit vni loco alligari, planè cõstat, quòd nec corpus Christi vni loco alligatum est. Deinde cõstat, quòd corpus Christi tripliciter potest esse in loco. Primò circumscriptiue, vt scilicet occupet locum, quemadmodum cum in terra ambularet. Hoc modo discipulis post resurrectionem se sæpius exhibuit: hoc modo & in iudicio se exhibebit omnibus conspicuum: hoc modo & nunc se potest exhibere vbicunque vult. Secundò quia corpus habet gloriosum, potest esse in loco diffinitiuè, hoc est, præsentialiter quidem, sed tamen vt non occupet locum, quemadmodum angeli sunt in loco. Hoc modo Christus fuit in lapide sepulchri, & in clausa ianua. Præsentialiter enim & corporaliter per ea transiuit, ita tamen, quòd nec lapis extenderetur, nec ianua, nec corpus ipsius constringeretur. Hoc modo potest & in Sacramento esse. Sic etiam erunt corpora nostra post resurrectionem: habebunt enim dotem subtilitatis. Tertiò, quia corpus Christi vna & indissolubilis persona est cū Deo, fateri cogimur, ipsum esse posse vbicun-

que Deus est, ergo & in Sacramento. Hoc igitur decipit Sacramentarios, quòd putant vel imaginantur corpus Christi non nisi naturali modo, localiter & circumscriptiue, posse esse in loco.

Spiritus est, qui viuificat: caro non, &c.

Etiam hoc verbum Sacramentarij propria opinione adducunt, imò hic planè triumphant. Quemadmodum enim, qui per vitrum depictum vident, putant omnia alia eum colorem habere, quem habet vitrum, cum tamen non ita sit: sic hi, quia semel imbiberunt carnalem illam imaginationem, putant omnia alia suæ imaginationi consentire. Sed vide, quàm frigide argumententur. Spiritus, inquiunt est, qui viuificat, ergo corpus Christi non est in Sacramento: Vel, ergo nihil nisi spiritus est in Sacramento. Quis non rideat hanc argumentationem? Idem enim est, ac si dicā. Anima viuificat hominem, ergo homo nihil nisi anima est, non habet corpus. Deinde, nesciunt quid spiritus dicatur in scriptura, neque quid sit caro. Carnem dicunt id, quod potest videri, tangi, quod est corpus, habet ossa, nervos: spiritum autem, quod his caret. Atque scriptura longè aliter loquitur de spiritu & carne, maximè cum ea inter se confert. Caro in scriptura dicitur, quicquid ex carne procedit, quicquid caro agit, cogitat, potest, loquitur, quantumcunque internū & inuisibile sit. Sic Paulus iram & inuidiam, &c. inter opera carnis numerat. Econtra spiritus est & dicitur, quicquid è Spiritu sancto procedit, quicquid ex Spiritu sancto agimus, loquimur, cogitamus, quantumcunque sit externum & corporeum, Sic omnis verè Christianus, quantumuis adhuc corpus habeat, tamen spiritualis dicitur: Quod enim natura est ex spiritu, spiritus est. Si igitur Christianus quisque non ideo corpus non habet, quia iam per spiritum spiritualis effectus est, cur in solo Christo corpus aufers, quasi solum ipsius corpus spirituali repugnet, cum tamen articulus fidei nostræ habeat corpus Christi è Spiritu sancto conceptum, dicente scriptura: Quod in ea natū est, è Spiritu sancto est. Itè, Spiritus sanctus superueniet in te. Si spiritus in te patitur corpus esse, quod tamen subinde peccat, quomodo non pateretur

pateretur corpus Christi sanctissimum & purissimum. Imo corpus Christi verè per-
tinet ad illud dictum: Quod natum est
spiritu, spiritus est. Non igitur hoc ver-
bo auferre potes Christi corpus è Sacra-
mento. Præterea non sequitur, si aliqua
re spiritualiter utamur, quòd illa res. ne-
cessariò spiritus sit, & non corpus. Nam
beata virgo verè spiritualiter etiam con-
cepit Christum in corde, non tamen ob
id sequitur, quòd Christus non habuerit
corpus. Sic manducatur quidem corpus
Christi spiritualiter, non tamen ob id se-
quitur, quòd non possit etiam corpora-
liter sumi. Habebat Simeon Christum
in vlnis corporaliter, interim tamen non
minus eum in corde gerebat per fidem.
Postremò, id sibi persuaferunt, Deum in
scripturis tantum tradere spiritualia, adeò
toti spirituales sunt & spiritum crepant,
cum interim videant, quòd Deus ubique
carnalia & externa adiunxerit suo verbo.

Caro non prodest quicquam.]

Et hoc dictum crebro iactant, sicque
carnem Christi à spiritu & diuinitate se-
parant. Nos autem nec carnem à spiritu,
nec corporalem manducationem à spiri-
tuali diuidimus. Scimus enim quòd ubi
est caro Christi, illic est & diuinitas
& spiritus viuificans: Et e contra, quia in-
diuisibilis persona est. Deinde scimus in
Sacramento non tantum nobis offerri pa-
nem, sed simul verbum Dei. Hæc autem non
diuidimus, nec diuidi ab inuicè patimur,
vt quis dicere velit. Spiritus quidè pro-
dest, non autem caro. Secundò non concedi-
mus, quòd hoc verbum ad carnem Chris-
ti referendum sit, tum quia supra, vbi de
sua carne loquut⁹ est, semper addit, Mea,
vel Filij hominis. Hic autem non addit: Mea,
sed indefinite: [Caro, inquit, non prodest.]
Tum, quia hic carnem opponit spiritui, vn-
de patet, quòd de ea tantum carne loqui-
tur, quæ cõtrariatur spiritui. Hoc autem
in Christo non est. Eius enim caro non
aduersatur spiritui, sicut in nobis, sed verè
spiritualis caro est. Tertiò omnino ne-
gamus, carnem Christi nihil prodesse, imò
hæc dicere, blasphemiam arbitramur es-
se quàm maximam. Quomodo enim non
prodesse posset ea caro, quæ verbum Dei
secum habet: imò, si tantum bubula caro
esset, tamen propter adiunctum verbum

prodesset, quemadmodum & baptisim⁹
aqua, cum sit externa res, tamen propter
adiunctum verbum, prodest. Item, quo-
modo prodesse non posset caro Christi,
cum in Euangelio legamus, tactu carnis
sue plerisque sanitatem restitutam esse:
Omnes, inquit, quotquot tangebant eum,
salui fiebant. Præterea, quomodo pro-
desse non posset caro, quæ Deo iuncta
est, Deo plena est: Nihil aliud fallit Schu-
ermeros illos, quàm quòd non distina-
guunt carnem Christi ab alia carne, cum
longè excellentior sit caro Christi, adeò,
vt verè dici possit Dei caro, vel diuina
aut deificata caro. Quartò, etiam si cer-
tum esset, Christum hic de carne sua lo-
qui, eamque planè nihil prodesse, quòd
tamè impossibile est, non tamen ideo se-
queretur, quòd non esset in sacramento.
Qualis enim consequentia, Caro Chris-
ti non prodest, ideo non hic est: Sic enim
& ego colligam: Truncus hic nihil pro-
dest, ergo non iacet hic, cuius cõtrarium
video. Item, Deus impijs nihil prodest,
ergo Deus non est apud ipsos. Item,
Christus in cruce pendens nihil proderat
impijs Iudæis, ergo non pendeat in cru-
ce, &c. Ridentur à pueris huiusmodi ara-
gumenta. Omisissis igitur huiusmodi nu-
gis, imò mēdacijs, verum sensum verbo-
rum Christi quæramus. Primò igitur cum
dicit: Spiritus est qui viuificat, &c. carna-
le Iudæorum intellectum redarguit, quasi
diceret: Ego de fide loquor, vos de vèrè
cogitatis. Manifestè docui, fide oportere
& me & omnia mea suscipi & manduca-
ri: Vos autem tantum de carne cogitatis,
quomodo in macello venditur, in culina
coquitur, & dentibus dilaceratur. At
qui non hoc agebam, non ita dabo car-
nem meam, sicut carnes animalium co-
meduntur: nec enim quicquam hoc pro-
desset. Spiritus est qui viuificat, hoc est spi-
ritualiter intelligi oportet quòd dixi, non
tā crasse, spirituali & inuisibili modo car-
nem meam dabo. Caro, hoc est, crassus il-
le & carnalis vester intellectus, nihil pro-
dest. Verba quæ loquor, spiritus & vita
sunt: hoc est, Doctrina mea spiritalis est,
ideo non vult habere tam crassos audia-
tores. Nihil proficietis quàm diu huius-
modi carnales cogitationes in vobis sunt.
Vides igitur, verbum hoc non pugnare
contra veritatem corporis Christi in
Sacra-

Mat. 6.

Sacramento. Imò tantum ostendit, eandem carnem suam non visibiliter, sed inuisibili quodam & spirituali modo manducari in Sacramento. Deinde verbum hoc sic intelligere possumus, ut sit generalis quædam collatio inter carnem & spiritum, quemadmodum sæpè fieri solet in scriptura. Spiritus, inquit, prodest, non caro, hoc est, nisi spiritus efficiamini, & carnem exuatis, vivere non potestis. Sic suprà docuit: Nisi quis renatus fuerit ex aqua & spiritu, &cæt. Quod enim natum est ex carne, caro est. Præterea, etiam ex hoc verbo accipimus differentiam inter externa & interna. Per carnem externa, per spiritum interna intellige. Nihil igitur prodest caro, hoc est, quæcunque externa, si non asit spiritus. Nihil prodest externa ablutio, nisi asit verbum Dei & spiritus. Nihil prodest proximo ministrare, bona externè facere, nisi & ex corde, hoc est, spiritu & fide feceris. Nihil prodest externè verbū Dei audire, legere, portare, nisi in corde & spiritu habeas. Sic & hic nihil prodest etiā externa corporis Christi manducatio, nisi & fide quoque manducetur. Vides igitur, quòd etiā si verba hæc ad Sacramentum propriè referantur, non tamen plus inde sequitur, quàm quòd externa Sacramenti manducatio sola nō profit. Atqui hoc nos quoque ingenuè fatemur, imò malus aliquid dicimus, nempe externam manducationem etiam obesse, si non asit interna. Qui enim indignè manducat, iudicium sibi manducat, &c. Hoc, inquam, fatemur, non tamē ob id negamus corpus Christi adesse in Sacramento.

Verba quæ loquor, spiritus, et vita sunt]

Non hoc vult, quòd in Sacramento nihil sit nisi spiritus, sed docet qualiter verba sua sint acceptanda. [Verba, inquit, mea sunt spiritus.] Iam cum spiritus viuificet, proinde necessarium erit, ut ante omnia fide accipiat verba mea. Dixi carnem meam esse verè cibū. Hæc verba si credideritis, iam erunt vobis spiritus viuificans: Nam sicut per verbum omnia creavi, ita & per verbum iustifico credentes. Obserua verba Christi, non vnum aut alterum, sed indifferenter præstare spiritum & vitam, si fide arripiatur. Quòd si hæc verba ad Sacramentum res-

ferre volumus, non tollunt nobis veritatem corporis Christi, sed magis confirmant. Si enim in verbis Christi spiritus & vita est, quis dubitat eum posse præstare quod dicit aut promittit? Summa, quantumcunque Sacramentarij iacent verba illa, Spiritus est qui viuificat. Item, Verba mea sunt spiritus & vita, nōdum tamen consequitur, nihil in Sacramento esse, nisi spiritum, non autem corpus Christi: alioqui eadem ratione colligere possem. Anima est, quæ viuificat hominem, ergo homo nihil est quàm anima. Quis autem ferret talem argutorem? Deinde quantumcunque iacent dictum illud: Caro non prodest quicquā, ac exempla Iudæ & aliorum adducant, quibus corpus Christi non profuit, non tamen adhuc probauerunt, quòd corpus Christi in se nihil profit: imò scimus, corpus Christi multis profuisse. Iuxta illud: Quotquot eum tangebant, salui fiebant. Mar. 6. Ad hæc non sequitur, corpus Christi nō prodest impijs, ergo in se non prodest. Eadem enim ratione sequeretur, quod nec scientia nec diuitiæ, nec Euāgelium, nec passio Christi, imò nec Deus ipse quicquam prodesset, quia nihil horum prodest impijs: Immundis enim omnia immunda. Præterea quantumcunque clament Christum ad cælos ascendisse, nōdum tamen probauerunt eum ita in cælo alligatum, ut tantum in vno loco sit, nec alibi esse possit. Denique quantascunque scripturas corradant, ubi de transitu Christi dicitur, ut: Vado parare vobis locum. Item, Relinquo mundum. Itē, Me non semper habebitis, &cæt. nihil tamen amplius ex his cōvincere possunt, quàm Christum non amplius visibiliter in mūdo esse. Iuxta hoc tamē ingenuè & audenter cōfitemur, Christum cum electis suis etiam si non visibiliter, tamen verè corporaliter & spiritualiter & esse & permanens, usque ad consummationem sæculi, quemadmodum promissit. Quia igitur Mat. 26. scripturis, quòd corpus Christi per Dei potentiam alibi esse non possit, quàm in cælo. Item, quòd caro Christi in se nihil profit, manemus nos cum simpliciter illo verbo Christi: Accipite, Manducate, Hoc est corpus meum. Imò gratias agimus diuinæ bonitati, quòd etiam corpori

corpori nostro spem futuræ vitæ & resurrectionis dat, per participationem sui corporis. Sed nunc ad textum reuertamur. [Verba quæ locutus sum, spiritus & vita sunt.] Hanc sententiam congruè subiungit præhabito sermoni, vt discamus, magnam esse differentiam inter verba Christi, & verba nostra. [Verba mea (inquit) spiritus sunt.] Primò, quia non caro, non vana, non inefficacia, sed viuua & efficacia. Est enim sermo Dei viuus & efficax. Secundò, Verba quæ loquor spiritus sunt, quia non è ratione humana, sed ex Spiritu sancto sunt. Tertiò, Spiritus sunt, quia spiritualia & diuina docèt. Quartò, Verba quæ loquor, non inanis vox vel sonus, sed spiritus sunt, ideo non tantum exigunt aures corporis, sed etiam imò potissimum aures mentis. Quintò, Spiritus sunt, quia spiritum secum adferunt. Iuxta illud: Spiritum accepistis non ex lege, sed ex auditu fidei. Hinc Christus: Qui diligit me, sermonem meum seruabit, &c. & mansionem apud eum faciet. Deinde verba quæ loquor, etiam vita sunt. Primò, quia sunt riui de fonte vitæ, hoc est è verbo ineffabili & diuino profluentes. Secundò, quia consolatione adferunt. Nam sæpe vita pro cōsolatione accipitur. Tertiò, quia vitam animæ conferunt. Quartò, quia vitam instruunt, ac bene viuere docent. Quintò, quia ad beatam vitam ducunt. Vide quātus thesaurus sit etiam externum verbum Dei. Non enim de interno hic loquitur, sed de externo, ideo non dicit, verbum quod ego sum, sed: [Verba quæ loquor,] spiritus & vita sunt. Temerarij igitur sunt, qui vocale verbum & scripturam inutillem esse dicunt. Stulti autem, qui tantum thesaurum sibi acquirere negligunt. Vis de autem verborum ordinem. Primò: [Verba, inquit, quæ loquor.] Verbum enim præcedere debet: Fides siquidē ex auditu. Deinde ponit spiritum: per verbum enim, vt per medium, datur Spiritus sanctus. Sic loquēte Petro cecidit Spiritus sanctus super omnes, qui audiebant verbū. Postremò ponit vitam. Vbi enim Spiritus Dei est, illie & vita sequitur. Si igitur vis habere vitam, quære prius spiritum: si spiritum habere vis, audi verbum Dei, & crede.

Sed sunt quidam, qui non credunt.]

Sensus est: Non quia durus est meus sermo, idcirco quosdam vestrum scandalizet. Sed quia vestrum aliqui infidelitate obdurauerunt corda sua, idcirco sermoni meo videtur inesse duritia. Et nō ideo non creditis, quia nō intelligitis. Sed ideo non intelligitis, quia nō creditis: Si enim non credideritis, non intelligetis. Vides hic iterum, quā necessaria sit fides audire volentibus verbum Dei. Deinde, vides iterum, non in Deo, sed in nobis culpam esse nostræ perditionis. Iuxta illud: Perditio tua ex te Israel, &c.

Sciebat enim ab initio qui essent, &c.]

Planè hoc sciebat vt Deus non ex euentu aliquo aut casu, siue coniecturæ humanæ momento, sed ab initio, id est, ab æterno. Nā ante mūdi constitutionē præsciuit & prædestinavit eos, q̄ vocādi erāt sancti & immaculati in cōspectu ei⁹. Signanter autē dicit: [Sciebat qui essent credentes,] ad consolationem fidelium. Nil enim iucundius quā à Deo agnoscī, ideo scriptura tam sæpè hoc inculcat: Nouit Dominus viam iustorum. Item, Nouit Dominus dies immaculatorum. Itē, Nouit Dominus qui sunt eius. Item ipse numerat multitudinem stellarum, & omnibus eis nomina vocat. Item, Ego cognosco oues meas. Addit autem: Et quiseum esset traditurus. Vt sciant impij, se suāque mala non latere Deū: Omnia enim nuda & aperta sunt oculis Dei. Hinc ad quendam dicit. Scio opera tua, quia nomen habes quod viuas, & mortuus es, &c. Item, Qui loquitur iniquē, non potest latere. Obserua, quod Christus, quamuis sciebat aliquos non credituros, non tamen propter aliquorum ingratiudinē pios suis bonis priuat: Incredulitas hominū fidem Dei non euacuat. Sic in externis, non ideo pijs subtrahit temporalia, quod impij eis aburantur. Imò propter pios etiā impijs benefacit, eosq̄ tolerat, ne simul bonū semen euellat. Obserua quod Christus, quamuis sciret Iudam malum, tamē eum tam diu tolerat, vt discamus & nos malos tolerare.

Propterea dixi vobis, Nemo potest, etc.]

Repetit quod suprà dixerat, vt sciamus, fidem esse donum Dei, atque ex hoc seruentius oremus, quaeramus, & pulsemus

Esaiæ. 7.

Osee. 13.

Ephes. 3.

Psal. 1.

Psal. 3.

2. 1. im. 2.

Psa. 1. 4.

Ioan. 10.

Hebr. 4.

Apoca. 3.

Sapiē. 14.

Rom. 34.

Mat. 13.

pulsemus, donec aperiatur nobis. Non enim satis est ad Christum currere, inter discipulos eius esse, eū audire, nisi gratia ē supernis donemur, qua possimus veraciter ei inhærere, verēque discipuli eius fieri & esse. Ne quis autem hoc verbo se excusare velit, addit: A Patre meo. Ostendens, scilicet eum paternum habere affectum, a omnibus dare paratum, qui accipere volunt. Hinc Iacobus: Dat omnibus affluenter, &c. Et Christus ipse: Si vos cum sitis mali, nostis bona data dare filiis vestris, &c. quanto magis Pater meus dabit spiritum bonum petentibus se!

Iacob. 3.
Luca. 11

Ex hoc multi discipulorum eius abierunt.]

Vides humanam naturam, quæ tantisper Christum sequitur, dū aliqua spes sui compendij affulgeat, cæterum spe sua frustrata, abire relicto Christo. Singula autem verba exaggerant impietatem illorum, qui à Christo defecerunt. Primò enim mirum est, quòd ex eo offenduntur, ex quo alij summè consolantur. Dein de verè deplorandum, quòd non vnus aut alter, sed multi desciscunt. Semper enim maior numerus est impiorum, quàm piorum. Præterea, horrendum est, quòd etiam ex discipulis eius quidam deficiunt, quis non hic timeat? cum videat etiam eos, qui Christo proximi sunt, cadere. Si iustus vix saluabitur, peccator & impius vbi manebunt? Illud autem vel maximè miserandum est, quòd retro abeunt, cum scriptū sit: Nemo mit-
tens manum suā ad aratrum respiciens retro, aptus est regno Dei. Illi igitur nedū non proficiunt, sed etiam quod habent perdunt, & qui iam salutem quasi in manibus habebant, eam sponte abijciunt. Sic olim Israelitæ, cum prope iam terrā promissam pedibus attingerent, verbis exploratorum territi, in Aegyptum reuerti volebant, imò à Deo cogebantur retrocedere, omnesque in deserto perire. Obserua igitur, quòd à Christo recedere, est retro ire. Nemo enim versus cælū procedere potest, nisi Christū habeat ducem. Hinc Christus: Qui non colligit mecum dispergit. Imò à Christo recedere, nihil aliud est, quàm perire: Nec mirum quòd perit, qui à Deo recedit: & quòd moris-

1. Pet. 4.

Luca. 9

Nu. 14.

Luca. 11

tur, qui vitam fugit. Illud autem infelicissimum est, ac desperati cordis signum, quòd non solum recedunt, sed nec amplius volunt cum ipso ambulare. Sic impius cum ceciderit, non adiciet vt resurgat: Et cum in profundū venerit, contemnit. Hæc itaque nos terrere debent. Vnde de Paulus: Videte, inquit, ne in aliquo vestrum sit cor incredulum discedendi à Deo viuo, &c. ne contingat & nobis, sicut illis, quibus iurauit in ira sua quòd non intraturi essent in requiem eius.

Prou. 10
Hebr. 9

Psalm. 94

Nunquid & vos vultis abire?]

Obserua quòd Christus nihil loquitur ad eos, q̄ retrocedūt: quia enim sponte Christum contemnunt, meritò & iustè gratia Dei priuantur. Secundò non laborat vt remaneant, ne quod cæteri solent, videatur egere comitatu eorum. Tertiò nec conuiuiatur abeuntibus, ne suā gloriam quæsisse videatur, magis quàm ipsorum salutem. Quartò nec indignè fert se ab ipsis contemptum, vt discerent & Apostoli non indignè ferre, si ab ipsorum doctrina aliqui desciscerent. Quintò nec mala eis imprecatur. Satis enim malorum est, à Deo alienum esse: hoc enim omnia mala secum habet, quæ etsi non statim sentiantur, tamen suo tempore sentientur. Hinc Hieremias, cum populo suo iam immineret excidium: Vides, inquit, iam vel ex malis præsentibus, amarum sit, quòd reliqueris Deum. Sola igitur hac vindicta contentus est Christus, contra defectores, quòd eis verbum suum subtrahit, ac in propria voluntate abire permittit, verè horrendum iudicium. Omisissis igitur his, ad Apostolos conuertitur, tum vt ostenderet priores illos suo vitio offensos abire: tum vt ostenderet, sermonem suum fructu nō cariturū, etiam si aliqui per incredulitatem se indignos redderent dono Dei. Obserua autē, quàm verè prophetae paucitatem credentium Christo prædixerint. In exordio enim capitis audis quinq; millia hominū Christum sequi: hic autē in fine tantum duodecim vides permanere. Hoc est quòd in Esaia prædictum est. Ecce ego & pueri mei, quos dedit mihi Dominus, in portentū, &c. Item, Domine quis credidit auditui nostro, &c. Et in Zacharia: Conuertam manum meam ad paru-
los:

Esaia. 54
Zach. 11

los: Duæ partes dispergentur, & cæ. Imò hic vides, quòd vix quarta pars boni illius seminis permanet. Verè igitur dictum est: Multi vocati, pauci electi. Obserua item, quòd Apostolos non à se abigit, nec iubet abscedere. Nullum enim ei cit, qui ad eum venit, eique adhæret vero corde. Nec blanditijs eos retinet, veluti suum agens negotium, potius quàm illorum. Nec minis aut iurgijs terreat, ne coacti magis quàm persuasi Iesum sequi viderentur. Deus enim sicut nullum inuitum à se abigit sic nullum inuitum ad salutem cogit: Hilarem enim datorem diligit. Solum igitur interrogat, num & ipsi abire velint: nimirum planè indicans, se nec eorum opera indigere, nihilq; sibi decidere, etiamsi omnes eum relinquerent: Bonorum enim nostrorum non indiget. Non igitur ipsius, sed nostra refert, num manere velimus vel nò. Vult igitur hac quæstione, vt apud se perpendant, vtros sequantur, Christum vel alios. Sic nobis proponit ignem & aquam, vitam & mortem, &c. Deinde etiam ideo eos interrogat, vt confessionem necessariam, alijs diffidentibus, extorqueat. Sicut enim corde creditur ad iustitiam, sic ore fit confessio ad salutem. Hæc autem confessio tum vel maximè necessaria est, cum alijs deficiunt.

Domino, ad quem ibimus?

Petrus pro omnibus respondet, quia cæteris feruentior, & inter Apostolos primuserat. Alij autem discipuli per verbum respondunt, ne simul omnes & confusi responderent, quo facto exemplum nobis modestiæ exhibuerunt: Decet enim, vt inter Christianos nihil confusè, sed omnia ordinatè fiant. Non tamè per alium respondent, quàm per eum, qui primus inter ipsos erat, vt discamus & nos illiscedere, qui consilio & ordine nobis prælati sunt. Verè autè pia & optima est ista responsio Petri. Primò enim ingentè amorè erga Christum ostendit. Nà hoc verbo Christum omnib; rebus præfert. Secundò, ostendit Christum solum eum esse, quem optimo iure & securè omnes sequi debeant. Ipse enim verè est columna illa nubis & ignis, quæ nos per desertum præcedit, ac ad patriam ducere potest. Tertiò ostendit hoc verbo, quòd qui

à Christo recedunt, non habent ampliùs quo confugiant. Quamuis autem Petrus non videret corda aliorum, tamen ex se ipso omnes suos confratres eadem sentire credebat. Sic enim charitas non suspicatur malum de proximo, sed omnia credit, omnia sperat.

Verba vitæ æternæ habes.

Hoc est, verba tua iustificanc, viuificant, recreant, & consolantur. Hic igitur vides, verè dixisse Paulum: Sermo crucis pereuntibus quidem stultitia est, nobis autem potentia Dei. Deinde vides hic non verba Christi, sed auditorum temeritatem scandalum illud peperisse. Postremò vides, Petrum non oscitanter verba Christi audisse, sed insignem quandam dulcedinem inde percepisse.

Et nos credimus & cognouimus, &c.

Quo plures desciscunt, eò ardentius Apostoli fidem suam confitentur. Sic Ecclesia semper fecit in persecutionibus & hæresibus. Sic & nos nunc faciamus. Eandem autem confessionem Petrus in persona omnium Apostolorum, imò totius Ecclesiæ, etià in alio loco protulit, interrogatus à Christo, quid de ipso sentiret.

Tria autem confitetur de Christo, eum scilicet & Regem esse, & Sacerdotem, & Filium Dei: & tamen nihil horum videbat, vt videas verum esse, quòd fides sit argumentum rerum non apparentium. Obserua autem, quòd prius dicit: [Credimus, quàm Cognouimus.] Primum enim oportet credere, deinde sequitur cognitio, & sensus veritatis. Ratio humana vult præire, non sequi. vult principio cognoscere, postea credere, sed fallitur. Nisi enī credideritis, non intelligetis.

Nōne ego vos duodecim elegi?

In Matthæo Petrum confitentem magnificè collaudat. Hic autem eos confitentes nedum non laudat, sed & terret. Ideo autem non admiratur eorum confessionem, ne videretur laudibus hominum capi. Deinde nec conueniebat illos hoc loco laudari, ne in superbiam inciderent, quòd ipsi alijs retrocedentibus permansissent. Nullius siquidem peccati mortificatione sic indiget humana infirmitas, quàm illius, vbi ceciderunt qui operantur iniquitatem, superbiæ scilicet.

S ij Vbi

Vbi enim venerit pes ille superbiae (qui utique venire solet ex nimia securitate, & praesumptione iustitiae) statim homo vanus & improuidus efficitur. Vt igitur

Psalm. 35. Filij hominum in tegmine alarum Domini speret, & de semetipsis humiliter sentiant, opportunè in casu aliorum sollicito timore deprimuntur Apostoli, nosque omnes erudimur, vt cum paries proximus ardet, de nostro timeamus, id est, dum cadunt qui nobiscum stare videbantur, nos qui adhuc stare videmur, similem casum nobis euenire posse humiliter consideremus & timeamus.

Vnus ex vobis Diabolus est.]

Hoc verbo occultè praemonet Iudam. Non enim cessat Deus etiam impios monere. Deinde, hoc verbo praemunit Apostolos aduersus futurum scandalum, de prodicione Iudae. Est enim ingens imbecillium offendiculum, si illi qui videbantur electissimi, cadunt, & produnt Christum: existimantes aut cum nugacem esse se, à quo deficiunt sanctissimi, aut impotentem, qui non possit sibi acceptissimos ab interitu vindicare. Proinde praedicat longè ante, Iudam defecturum, vt fidem suam confirmet, neque ob alterius defectionem suspectam habeant doctrinam Christi. Praeterea hoc verbo nos docet, vt solo verbo Domini confidamus, ne si à larua personarum pendeamus, cum ipsis vel aberrantibus, vel pereuntibus pereamus. Obserua autem prudentiam Christi in verbo hoc. Primò in generali loquitur: [Vnus, inquit, ex vobis,] vt omnes sollicitos faceret. Deinde: Iudam nec apertè manifestauit, nec omnino eum latere voluit: Illud, ne impudentius contenderet, hoc autem, ne latere se arbitrat, licentiùs auderet. Ideo autem Diabolum eum nominat, vt magis terreret. Secundo, vt significaret, eum atrocissimum ac planè non humanum, sed Diabolicum flagitium commissurum. Diaboli enim iam inde ab initio opus & conatus fuit, Christum Filium Dei opprimere. Tertiò diabolum nominat, significatum enim huius nominis planè expressit Iudas. Diabolus enim calumniator interpretatur, vel deorsum fluens: vtrūque autem Iudas impleuit. Quarto diabolum nomi-

nat, vt ostendat omnes impios membra esse diaboli, quemadmodum qui adharet Deo, vnus spiritus cum ipso est.

Hoc autem dicebat de Iuda, &c.]

Quantumcūque Petrus bene de omnibus sentiebat, Christus tamen eos melius nouerat: Ipse enim scit, quid est in homine. Obserua hic Dei benignitatem, qui impium illum tam diu patitur. Obserua diaboli malitiam & potentiā, qui etiam ausus sit Apostolos aggredi, & vnus ex eis seduxerit, ne igitur tu securitatem tibi pollicearis. Obserua & hic periculum nostrum, non omnes electi sunt qui videtur electi: nec omnes persistent, qui videntur stare. Si ex tam sancto choro Iudas cecidit, quis non contremiscat? Si non pepercit Deus ramis naturalibus, vide ne & tibi non parcat. Docet igitur locus hic timorem Dei: ideo Ioannes quasi admirans ait: Cum esset vnus ex duodecim: Beatus igitur homo, qui semper est parauidus.

Caput septimum.



Ost hac ambulabat Iesus, &c.]

In hoc capite inter pleraque alia pulchrè nobis ob oculos ponitur ingenium mundi, quid cogitet, quærat, operetur, qualem se exhibeat erga proximum, erga Deum, eiusque verbum, quæ omnia ad hoc nobis utilis esse possunt, vt eò citiùs è mundo fugiamus, id quod Ioannes monet: Nolite diligere mundum, neque ea quæ in mundo sunt. Et Propheta: Fugite de Babylone, & cæt. Et in Apocalypsi. Exite de ea populus meus, ne participes sitis delictorum eius, & cætera. Deinde etiam ad hoc prodesse nobis potest, vt nos ipsos miseriamque nostram plenius cognoscamus.

Quia

Quicquid enim mali in impijs videmus, sumebant, quales erant Hierosolymitæ; hoc in nobis quoque latet: aut enim similia Cum illis autem se libenter morari, qui fecimus aut cogitauimus, aut adhuc facie propriam & ignorantiam, & impotentiam, & iniustitiā agnoscunt, & confitentur, quales erant Galilæi.

Quia querebant eum Iudæi interficere. I

Post hæc ambulabat Iesus, &c. I

Clausula hæc (Post hæc) non refertur ad id, quod proximè præcedit in sexto capite. Illa enim de quibus in præcedenti capite scripsit, circa festum Paschæ facta sunt. Sic enim ibidē dictum est: Erat proximum Pascha dies festus Iudæorum: Hæc autem, de quibus nunc agitur, facta sunt circa festum Tabernaculorū: quod ad minus quinque mensibus distat à festo Paschæ. Nam Paschæ festum primo mense celebrabatur, hoc autem in septimo, &c. Quicquid igitur Christus infra hæc duo festa fecit, omisit Ioannes, tum quia tantū Paralipomena, hoc est, ab alijs omissa scribit: tum quia tantum ea curauit scribere, quæ maximè probant diuinitatē Christi, contra Ebionem & Chærintum. Ideo in fine totius Euangelij dicit: Multa quidem & alia signa fecit Iesus, quæ non sunt scripta in hoc libro, &c. Ob hæc scripta sunt ut vos credatis, &c. Obserua autē, quod Ioannes multa miracula & verba Domini transcurrunt, quæ facere possent ad gloriā Christi, hic narrare incipit fratrum incredulitatem, & ea quæ Christo opprobabant. Adeo enim veritatem loquuntur Euangelistæ, ut etiam ea referant, quæ videntur Christo ignominia adferre, imò adeo contēnunt mundum, ut humilitatē & crucē Christi gloriā eius putent, sicut & verè gloria eius est. Vnde iturus ad passionem: Nunc, inquit, clarificabitur Filius hominis. Signāter autē dicit, Iesum ambulasse in Galilæa, ut scias eū non otio deditum fuisse, sed semper salutem hominum promouisse. Hinc infra dicit: Me oportet operari, dñi dies est. Ob eandem etiam causam se pastori comparat, qui errantem ouem non cessat sequi, & quærere donec inueniat. Cæterum hæc ipsa Christi in Galilæa ambulatio indicium erat, paulo post Christum à Iudæis ad Gentes transiturū, id quod & postea factum est. Denique per hoc etiam ostendit, se auersari eos, qui humana sapientia, potentia, iustitia præ-

putabāt: partim quod se Deo æquale fecisset, supra dictū est. Non quod arderet zelo diuinæ iustitiæ & gloriæ, sed quod inuidia soleat quascunq; causas prætexere, ut suam libidinem expleat. Noluit autē Christus in Iudæa versari, nō timore mortis (ut enim eam ferret, pro nobis de cælo descendit) sed consilio & prudentia spiritus. Primò enim ideo nō semper voluit diuina virtute uti, & supernaturali modo procedere, ne incarnatio eius putaretur phantastica, quæadmodum & alijs quidam hæretici dixerunt, eum non verum hominem fuisse. Deinde, ideo interdum dissimulauit potentiam suam, ut nobis similiter tentatis spem faceret. Si enim potenti manu ferociam aduersariorū mox repressisset, qui possemus nos in fide perdurare, si non eadem potentia hostium nostrorum iram sedaremus? Præterea, si Christus semper arduā illam & arctam perfectionis viā ambulasset, nec in aliquo infirmitati nostræ condescendisset, quæ nobis spes esset, qui etiam num tantas imperfectiones in nobis sentimus? Postremo hoc ipso facto suo docuit, in aduersis omnia tentanda esse, ne Deus tentetur. Scriptum est enim: Non tentabis Dominum Deum tuum. Duplicitè autem tentatur Deus. Primò à dexteris, quando propositis iustis & æquis medijs, ad effugienda pericula non utimur, ut si quis pontem habens propositum, conetur ponte relicto super aquas ambulare. Is non ex fide, sed temeritate carnis operaretur. Secundo tentatur Deus à sinistris, quando ad finem bonum propositum contendero impijs medijs, & iniquis artibus, ut si quis proponat se familiam nutriturum, sed conetur ad hoc sycophantijs, non pio labore, periurijs, non æquitate, quemadmodum Caiphas conabatur Pontificalem dignitatem diutius retinere, sed malis artibus, nempe inuidia & homicidio Christi.

S iij Prope

Ioan. 11.

Prope autem erat dies festus, &c.]

Leui. 23.

Hoc est, festum Tabernaculorum à τῶν ἡνὸς tabernaculum, & σκηνώω, figo. De hoc festo lege Leuiticum. Erat vnum ex tribus festis, in quibus omnes Iudæi conuenire tenebantur ex lege. Quanquam enim omnia Dei beneficia meditari oporteat, tria tamen illa potissimum Iudæis inculcare voluit. Primum, Eductio ex Aegypto per sanguinem agni, cui respondet festum Paschæ. Secundum, datio legis, cui respondet festum Pentecostes. Tertium, Conseruatio eorū in deserto per quadraginta annos, cui respondet Scenophegia. Sic & tria hæc potissimum in memoria habere oportet, exitum scilicet nostrum è peccatis per sanguinem Christi. Secundò ingressum nostrum in Ecclesiam, terram promissam. Tertio, resurrectionem futuram, in qua tabernacula nostra in morte destructa reedificabuntur. Qui primum considerat & gratias agit, verè Pascha celebrat. Qui secundum, Pentecosten. Qui tertium, Scenophegia celebrat. Huius autem festi meminit Ioannes non tam propter historię certitudinem, quàm vt causam assignet, cur Christus noluerit in Iudæam ambulare, quasi diceret, Nō mori metuens, sed tempus aliud mortis suæ præfixum habens, noluit aduersarijs suis locum furoris dare. Non enim erat festum Paschæ (quod solum ad immolationem veri illius agni destinatum erat) sed festum Tabernaculorū. Quærebant quidem Iudæi eum interficere quocunque modo, quocunque tempore, vt cæco furori suo satisfacerent. Ideo nunc lapidare, nunc præcipitare eum volebant, hoc solum cogitantes, & dicentes: Quando morietur & peribit nomen eius? At Christus noluit alio tempore vel alio modo mori, quàm in Prophetis prædictū erat. Ideo noluit ambulare in Iudæam.

Ioan. 9.
Lucæ, 4
Psal. 40*Dixerunt ad eum fratres eius.]*

Isti fratres Iesu, non vt Heluidius ait, post Christum è Maria progeneri fuerunt, sunt nec filij Ioseph ex alia vxore, vt quidam somniant, sed propinqui, vel secundum carnem consanguinei eius. Scriptura enim consanguineos nominat fratres. Imò quatuor genera fratrum in scriptura inuenimus. Sunt fratres yte-

ro, vt Jacob & Esau, sunt fratres sanguine, vt Abraham & Loth, Sunt fratres genere, vt Iudæi omnes dicuntur fratres. Sunt fratres professione, vt Christiani, de quibus dicitur: Omnes vos fratres estis.

Transi hinc, & vade in Iudæam.]

Verba hæc possunt accipi vt contemptim dicta, quasi dicerent: Quid tantum apud nos idiotas gloriaris? Ascende ad doctos, & vide quid possis. Si illis persuaseris, te è cælo venisse, facile & nos credemus, si illi doctrinam tuā susceperint, & nos suscipiemus. Huiusmodi homines etiam nunc inuenias, qui credunt quod magnates credunt, siue bonum sit, siue malum, etiam si aliud ipsis persuaदेat conscientia. Item, qui cōuersionem suam differunt, donec docti vel potentes etiam conuertantur. Atqui huiusmodi homines in arenam ædificant. Quid enim si illi nunquam conuertentur? Nūquid vna cum ipsis peribis? Vnusquisque (ait Paulus) pro se rationem reddet. Et iterum: Vnusquisque onus suū portabit. Et item, Anima quæ peccauerit, ipsa morietur. Deinde, nulla est excusatio, si dicas: Eriā hic vel ille similia facit. Scriptū est enim, Seruus sciens voluntatem Domini, & nō faciens, vapulabit plagis multis. Secundò possunt hæc verba intelligi vt prudenter, sed tamē carnaliter cōsulta. Cū enim immineret festum Tabernaculorum, quo maxima multitudo ex legis instituto conueniebat Hierosolymam, contulerunt cognati Christi inter se sua consilia, vt quando Christus videbatur timidiùs & imprudentiùs suis rebus consilare, adhortarentur ipsum cognationis iure, ne suam famam imprudenter negligeret, sed vnā cum ipsis ascenderet: sicque & priores discipulos confirmaret, & novos acquireret, & insuper coram doctis etiam & magnatibus gloriosus fieret. Hoc igitur prudens videbatur esse consilium, sed tamen carnale erat. Sicut enim caro nihil aliud quærit, quàm externa, sic & nihil aliud consilare potest, quàm externa. Ea enim sola magni facit. Deinde, nec hoc tantū gloriæ Christi, verū etiam suæ famæ studio consularunt, è gloria cognati sui propriam gloriam venantes. Sic

Mat. 23

Ro. 14
Gal. 6
Ecclesi

Lucan

Sic enim caro, etiam dum alijs videtur consulere, sua tamē quaerit, tametsi dissimulet, quemadmodum hi fratres: Vt discipuli (inquiunt) tui videant opera tua, quasi dicerent: Non propter nos haec dicimus, sed in bonum aliorum. Verus autem Christianus nihil horum facit. Non enim ad temporalia, sed ad spiritualia quaerenda proximum hortatur, & in huiusmodi nihil aliud quam proximi salutem quaerit.

Nemo quippe in occulto quicquam facit, &c.]

Vera quidem sententia est, neminem ratione utentem adeo sibi metipso dissidere. Nam reuera manifestē repugnantia sunt, velle hominibus innotescere, & tamen nobilia facta celare, quemadmodum si quis velit & in nocte esse & solem habere, siue lucernā domi clarē ardere, & lumē eius videri à nemine. Sed haec ipsa sententia non suo tempore dicta est. Nam Christus nec in occulto quicquam faciebat, quod occultum esse vellet: nec eo modo, quo illi arbitrabantur, in palam esse quaerebat, quia non ab hominibus claritatem accipere, sed hominibus claritatem dare, nec hominibus placere, sed homines ad placendum Deo erudire venerat. Imò haec ipsa sententia nihil aliud est, quam manifesta in Christum calumnia. Primò enim hoc verbo calumniantur Dei sapientiam, quòd imprudenter ageret. Secundò Dei fortitudinem, quòd timidiùs quam oportet, se gereret. Tertiò vnicum illum diuinæ gloriæ vindicem, quòd in operibus suis propriam tantum gloriam quaereret. Quòd si Christus in suis operibus tam temerè à mundo iudicatus est, ne aegrè feras tu, si idem patiaris. Ideo enim Christus haec primò sustinuit, vt nos maiori cum patientia eadem coleremus.

Si haec facis, manifesta te ipsum.]

Hoc verbo indicant, se adhuc dubitare, vtrum Christus quae fecerat, virtute Dei vel Magicis artibus fecisset. [Si haec facis (inquiunt) Quasi dicerent: Si vera sunt & non fucata. Monent autem, vt se manifestet mundo, quo verbo satis ostendunt, quid ipsi facturi fuissent, si tale quid possent, quale Christus: statim enim prorupissent in lucem, & iam dudum gloriam

& diuitias acquisiissent. Sic enim mundus etiam in Dei donis nihil aliud quaerit, quam sua. Ob hanc causam etiam Simon Magus pecunia comparare voluit donum Dei, vt scilicet alijs id ipsum reuenderet, &c.

Nec enim fratres eius credebant in eū.]

Congruè hoc addit. Si enim credidissent, nihil tale fecissent. Fides enim non dicit Christo, transi hinc, sed Mane nobiscum Domine, &c. Nec Christum imprudentiae arguit, sed planè confitetur: Bene omnia fecit. Nec Christum docere conatur, sed ab ipso consilium quaerit, ac dicit: Domine ad quem ibimus: verba vitae habes. Nec gloriam humanam quaerit, sed solius Dei & à solo Deo. Signanter autem cognatorum Christi duritiam arguit Ioannes, cum dicit [Nec enim fratres eius credebant in eū,] qui tamen primò omnium credere debuerant. Verum non est propheta acceptus in patria sua.

Tempus meum nondum aduenit, &c.]

Non durè vt merebantur, sed mansuetissimè respondet: [Tempus meum nondum venit, &c.] Hoc est, non est mihi tutum, nec integrum, nec opportunum, vt vobiscum ascendam propter causam superius dictā. Vel sic, quasi diceret: Res magnae non omni tempore agi possunt, sed paruæ. Magnum autem est quod molior, nempe hominē redimere ac pro ipso mori. Huic igitur negotio suum tempus deputatum est. Hoc autem tempus, non est festum Tabernaculorum, sed festum Paschae, quo solo agnus verus immolatus est, vt veritas respondeat figuræ. Vel [Tempus meum nondum aduenit.] Nondum tempus est, vt mundo, hoc est, Gentibus manifestetur, tum quia nondum peracta sunt mysteria humanæ salutis, tum quia Iudaei nondum totaliter resilierunt. Vel aliter: Nondum est tempus meae exaltationis & gloriæ, sed prius humiliari me oportet vsque ad mortem crucis, vt sic ad exaltationem & nomen magnificum perueniam. Sic & Christianus cogitet, tempus suae glorificationis nondum esse, ideoque patienter ferat crucem, & per eandem perrumpat ad gloriam. Vel aliter, Non est nunc tempus festiuitatis & letitiæ, cum videam in plenitudine Iudaeorum omnem vigere malitiam. Lucas

ctus quidem & lamenti tempus est, cum veritati obsistitur, & voluntas diuina non seruetur.

Tempus autem vestrum semper est paratum.]

Quasi diceret, vobis semper tutum est in Iudæam ire, quia eiusdem impietatis estis cum Iudæis. Vel aliter, Vos non discernitis tempora, sed semper ad gloriam & gaudium festinatis, cum tamen scriptum sit: Tempus flendi & tempus ridendi, & prius ponatur tempus flendi. Oportet enim prius lugere, quam gaudere, alioqui verificabitur illud: Vae vobis, qui ridetis, quia flebitis. Vel aliter: [Tempus vestrum semper est paratum.] Hoc est, vos semper etiam cum videritis mala in crebescere, Deum blasphemari, veritatem conculcari, &c. tamen ridetis, nihil curatis, hoc enim est ingenium mundi, &c. Vel aliter: [Tempus vestrum semper est paratum.] Hoc est, quod in vobis latet, nempe peccatum, semper facitis. Interim autem tempus meum, hoc est, tempus gratiae, quod ego vobis praestare veni, non curatis, &c.

Non potest mundus odisse vos.]

Mundus hic significat omnes impios imò amatores mundi. Maxime autem eos, qui mundana sapientia, potentia, & iustitia praediti sunt. Vide autem, quam prudenter Christus loquitur: potuisset hic addere causam, imò potuisset hic inuehere in eos, utpote mundi amatores, potentium adulatorem, mendacibus per omnia similes, verum nihil horum facit, sed tantum: [Non potest (inquit) mundus odisse vos.] Quanquam in eo, quod non simpliciter dicit, Mundus non odit vos, sed: Mundus non potest vos odisse, plane indicat, eos sibi per omnia dissimiles.

Me autem odit quia testimonium, &c.]

O impietas & ingratitude, quae summe amare debuerat mundus, hunc nedum non amat, sed odit. Sed quam ob causam? Num ob malefacta? Non. Sed quia testimonium perhibeo, &c. quasi diceret, Non solum non consentio impietati eorum, sed etiam arguo, non vnum aliquod opus eorum, sed omnia, nedum manifesta flagitia, sed etiam ipsorum fictam iustitiam,

prudentiam, & sanctitatem. Possent quidem ferre, si damnarem externa flagitia, quod autem eos arguo, quod dilant phylacteria, cum tamen praecepta Dei in corde non habeant. Item, quod decimant mentam cuminum, &c. cum tamen maiora negligant. Item, quod speciosa quidem opera faciunt, cum tamen nihil nisi gloriam hominum quaerant. Item, quod externè quidem nitent, internè autem sunt sepulchra plena cadaueribus. Item, quod eos cum alijs peccatoribus ad poenitentiam inuito. Item, quod plane doceo, omnem legis iustitiam impuram esse coram Deo, nec quenque iustificare, nisi accesserit fides in me. Haec, inquam, ferre non possunt. Atqui haec non est iusta causa odij. Quid aliud potest lux, quam manifestare quid pulchrum, quid deforme sit: Sibi imputet, quem lux deformem deprehendit ac manifestat. Deinde, quod vitia arguo, non ut eos traducam vel diffamem facio, sed ut agnito peccato, ad misericordiam Dei confugiant. Nec ideo damno externam legis iustitiam, quasi externa opera mala sint, sed ut veram cordis iustitiam, ante omnia quaerant, nec tantum placere hominibus, sed ante omnia Deo studeant. Et reuera quidem omnia haec non merebantur odium, sed dilectionem, laudem & gratitudinem. Verum hic impletur, quod in Psalmo dicitur: Odio habuerunt me gratis. Item, Pro eo ut me diligerent, detrahebant mihi. Hic igitur vides quid mundus sit. Primo enim se malus est: Mundus in maligno positus est, ait Ioannes. Secundo, solos malos & sibi similes amat & prouehit, &c. Tertio, pios sibi dissimiles odit. Quarto non vult corrigi. Quinto, omnem qui corripit, odit. Haec autem talia sunt, ut semper posterius prioribus grauius sit. Inter omnia tamen grauissimum est, quod non vult argui, ne à Deo quidem, nec quenquam reprehensorem ferre possit, cum interim toleret, imò amet etiam facinorosissimos. Veritas enim odium parit. Hinc Sapientia: Vir pestilens (inquit) odit bene mouentem. Et Amos: Odio habuerunt corripientem in porta. Atque hoc est verè diabolicum, non humanum peccatum, quod omnium maxime vos damnat. Quod autem Christo contigit, omnibus pijs contingit. Tantisper enim mundus eos amat, quamdiu

quamdiu tacent, dissimulant, conuiuent ad eorum vitia, statim autem vt arguere incipiunt, odium incurrunt.

Vos ascendite ad diem festum hunc.]

Agite, celebrate festa quantum vultis, sequimini vana mundi gaudia, veniet tempus, cum festa vestra conuertentur in luctum.

Ego non ascendam, &c.]

Tripliciter intelligitur. Primo non ascendam manifestè, sicut vos. Secundo non ascendam ob eam causam, quam vos suadetis, nempe ad quærendam hominum gloriam. Tertiò non ascendam ad principium festi. Hoc autem verbo ostendit, in rebus salutis nostræ se non obsecundaturum cognatorum affectibus, sed voluntati Patris, sicut & alibi matre interpellante: Quid mihi (inquit) & tibi est mulier? Item, Quid est quod me quærebatis, nesciebatis quod in his quæ Patris mei sunt, oportet me esse? Item, Quæ est mater mea, & qui sunt fratres mei? Deinde, indicat se alia via peruenturum ad gloriam, nempe per crucem & ignominiam. Postremo indicat, festa Iudaica cessare debere, ac deinceps festum istud tabernaculorum non externè, sed spiritualiter celebrandum esse. Spiritualiter autem hoc festum celebrat, qui agnoscit se non habere hic manentem ciuitatem, sed futuram inquirat, qui agnoscit se hic aduenam & peregrinum, qui denique ardentius suspirat ad illud, quod Paulus ait: Scimus quoniam si terrestris domus nostra dissoluitur, ædificationem habemus in cælis, domum non manufactam.

Ipse quidem mansit in Galilea.]

Hoc facto indicauit, se diutius inter Gentes mansurum, nec immeritò, quum Gentes tam ardentes eum amplexati sint, à quo fornicatrix illa Synagoga tam frequenter se auertit, ac adultero adhæsit, id quod omnes prophetæ de ipsa clamant.

Tunc & ipse ascendit.]

Non facit contraria dictis suis suprapositis. Primo enim non ascendit diem festum acturus, sed docturus. Secundo non ascendit cum hilaritate, sicut solent qui

ad festa pergunt, sed clam & occultè. Tertiò nec ad primum diem festi, sed mediantes iam festo ascendit. Imò hoc ipso facto ineffabilem eius videmus erga pios dilectionem, quos relinquere inconsolatos noluit, quamuis impij iam dudum commiseruissent, vt nunquam ad eos rediret. Sic olim Deus propter impietatem populi, Moysi dicebat: Vade duc populum tuum, &c. Ego non pergam vobiscum, &c. Postea autem rogatus à Moysè, & admonitus promissionum patribus factarum: Et hoc (inquit) verbum quod locutus es, faciam.

Non manifestè, sed quasi in occulto.]

Ideo in occulto ascendit, quia nondum venerat tempus eius. Eo autem tempore impleto, manifestè ascendit, ita vt turbæ clamarent: Osanna Filio David, &c. Tunc vtique impletum erat tempus eius, quia collecto concilio, pontifices & Pharisei dixerant, quod expediret, vt vnus homo moreretur pro populo, & ab illo die cogitabant eum interficere, quasi cum legitimo iudicio, & ea morte, qua volebat ipse, scilicet crucis patibulo, statuebant eum interficere. Nam antea quæsierant quid eum interficere, sed non ita, vt implerentur scripturæ. Ideo tunc nolebat. Secundo ideo occultè ascendit, vt nos doceret, si quando eiusmodi periculis comprehendamur, fide quidem valida, sed interim Dominum non tentante, mādātum Domini exequi. Sicigitur, quod Christus ad festum proficiscitur, obedientia est paterni mandati. Nam à Patre ei demandatum erat vt doceret, deinde etiā legis præceptum erat, vt ter in anno omne masculinum appareret coram Domino. Quod autem occultè ascendit, prudentia fidei est. Sic Christianum oportet simpliciter obedientia mandatum Domini exequi, & interim prudenti consilio Dominum non tentare. Nam temeritas cum in alijs, tum potissimum in rebus diuinis maxima incommoda adfert.

Iudæi ergo quærebant eum.]

Non discendi studio quærunť, alioquin seipsum manifestasset, sicut in Esaia dicit: Palam apparui his, qui de me non interrogabant, &c. Sed quærebant eum occidere. Vbi primò vides, Christum non frustra occultè

Exo. 32.

Matt. 21

Ioan. 11.

Leu. 23.

Ioan. 2.
Luc. 2.
Mat. 12.Heb. 13.
1. Pet. 2.

2. Cor. 5.

occulte ascendisse, ne principio festi, priusquam desideratus ac cognitus esset, ab alijs insidijs circumueneretur. Secundo, vides hic impietatem Iudaeorum, quae nec festo parant, vt non immerito dictum sit ab Esaia: Odi solennitates vestras, quoniam manus vestrae sanguine plenae sunt, iniqui sunt cactus vestri, &c. Non sic quaerendus est Iesus, sed eo modo, quo Esaias docet: Querite Dominum, dum inueniri potest, &c. Derelinquat impius viam suam, &c.

Vbi est ille?

Vide nunc, quanto veneni praecordialis ardore saeuiant haec genimina viperae, dum Iesum nec nominare volunt praeter odium. Atqui indigni erant, qui hoc nomen Iesus nominarent. Nobis summe consolatorium est, quod hoc nomen habet.

Quidam dicebant, bonus est.

Hi nimirum sunt, qui gustauerunt bonum ipsius verbum. Quid enim huiusmodi homo aliud dicere potest, quam Gustate & videte, quoniam suavis est Dominus, &c. Alij dicebant: Non, sed seducit turbam. Hi nimirum sunt, de quibus Esaias praedixit: Vae qui dicunt malum bonum, & bonum malum, &c. Et Osee: Vae, inquit, eis quia resiliuerunt a me, redemi eos, ipsi autem aduersus me falsa locuti sunt. Vide igitur hic summam Christi Domini nostri abiectiorem, vide insigne exemplum humilitatis & patientiae. Ipse a Deo constitutus erat iudex viuentium & mortuorum, ipsique Pater omne iudicium dederat, hac tamen potestate dissimulata permittit se a vulgo iudicari. Sicut igitur Christus patienter tulit aliorum de se iudicia, eaque peruersissima, sic credentes oportet ferre mundi iudicium. Sunt quidem & ipsi iudices, nam cum Christo nedum homines, sed & angelos iudicabunt, verum exemplo Christi eam potestatem hic non debent exercere, sed iniqui iudicati, Domino Deo vindictam permittere: Mihi, inquit, vindicta, &c. Hoc autem quamuis carni admodum amarum sit, fidei tamen est dulcissimum, propterea quod ex verbo Domini. intelligat quid futurum sit, nempe, quod Esaias praedixit: Erunt caepientes, qui se ceperant, & subijcient exatores suos:

Nemo tamen palam de ipso loquebatur.

Propter metum, inquit, Iudaeorum, iam enim conspirauerant vt qui eum confiteretur, extra synagogam fieret. Quamuis autem Scribae Pharisei & Pontifices hoc homicidium molirentur, hic tamen non nominat eos sacerdotes, sed Iudaeos tantum. Indigni enim erant, vt sacerdotes dicerentur, aut seniores populi, cum eum non agnoscerent a quo potestatem & sacerdotium acceperant.

Iam autem festo mediante ascendit.

Hic vides quam verè dixerit Iob: Apud Dominum est sapientia & fortitudo. Nam solius sapientiae diuinæ est, quod tempus mortis suae nouit nondum aduenisse, & idcirco non vult in Iudaeam ambulare, mortisque ministris opportunitatem sceleris permittere. Fortitudinis autem est, quod in medium inimicorum suorum procedit, non in angulum aliquem ciuitatis, sed in templum, non in priuata die, sed in media solennitate, non clauso ore & sub silentio, sed splendida doctrinae autoritate conspicuus. Hoc autem facto mortem, quae iam super eum apertuerat os, quasi confestim eum deuoratura, potenter reppulit. Sicut etiam alias Herodi querenti eum occidere, mandauit: Ite dicite vulpi illi: Ecce daemonia eijscio hodie, & cras, & tertia die consumor: Sic per hoc factum quodammodo dicebat morti importunae. Ecce inferno doctrinae hoc scenophaegiae festo, & postmodum in futuro festo enceniorum, & in tertio Paschae festo tecum o mors in agone contendam. Deinde hoc facto docuit non timiditatis aut impotentiae fuisse, quod prius latere voluit, sed dignationis & exempli. Praeterea hoc facto docuit pastores, ne in tempore necessitatis verbum subtrahant sibi commissis: Bonus enim pastor animam suam ponit pro ouibus suis. Sic Christus quanquam sciebat periculum suum, itemque pluresque efferaiores futuros ex his, quae dicturus vel gesturus esset, noluit tamen vel suae securitati, vel Iudaeorum peruersitati tantum tribuere, vt simplicibus euangelica doctrina subtraheretur. Demum hoc facto ostendere voluit, ad consolationem nostram, quod nec mali homines, nec daemones ipsi,

ipsi, quicquam contra ipsum aut quoslibet pios possent, nisi quantum eis à Deo permittitur, quemadmodum in alio loco verbis etiam hoc docet: Nonne, inquit, duo passeres assidue vaneunt? & nullus eorum cadit in terram sine Patre vestro, &c. Quod autem Christum dicit non simpliciter intrasse, sed ascendisse in templum, significat arduam rem esse loca sancta ingredi, & docendi munus recte suscipere. Congruè autem in medio festi, hoc est, quarta die seipsum manifestauit Christus soli iustitiæ: nam & sol ille externus, quarta die creatus est.

Et mirabantur Iudei.]

Patet ex hoc verbo Christum iterum insigne aliquid docuisse. Sicut igitur supra, eos qui eum timiditatis arguerant, non verbis sed factis conuincit, manifestè & intrepidè in templum ascendendo: sic hic, eos qui eum imprudentiæ arguerant, ita re ipsa conuincit, ut omnes eius sapientiam admirentur. Hoc igitur modo & nos non verbis, sed factis aduersariorum conuitia refellere debemus, ac benefactis obstruere ora eorum, qui nobis detractant, ut Petrus docet.

Quomodo hic scit literas cum non didicerit?]

Hoc verbo vides, quod eorum admiratio nedum rudis fuit, sed & inutilis & reprehensibilis. Quum enim vidissent, eum plura signa fecisse, quam omnes prophetæ in vnum collati, debuissent attendere, quod qui prophetas docere potuit per inspirationem, potuerit & Christum instruere. Deinde etià reprehendendi erant, quod non ipsam doctrinam mirantur, sed vbi eam didicerit. Sic & desides Christiani non attendunt doctrinam, sed tantum personam docentis. Quæ si contempta est, etiam doctrinam contemnunt, cum tamen non quis, sed quid dicatur attendendum sit.

Mea doctrina non est mea, &c.]

Tria per ordinem facit. Primò palam indicat, unde sit doctrina eius. Secundò, quomodo cognoscenda sit. Tertiò, generalem canonem ponit, ad quem quæuis doctrina aut opus exigi potest. Vide autem primò, quam verè dictum sit: Spiritus Domini repleuit orbem terrarum.

Et, Auris zeli audit omnia. Vnde & Psalmi sapientia mista contra eos, qui putant posse quicquam dici, quod Deum lateat, clamat: Intelligite insipientes in populo, & stulti aliquando sapite. Qui finxit aurem non audit! &c. Videntur autem contraria esse, quod doctrina & sua & non sua sit. Sua quidem erat, quia eam ipse pronuntiabat. Non sua autem, quia non ex puro homine aut ex proprio capite vel inuentore, sed ex Deo erat. Suam igitur doctrinam etiam Patris esse dicit, ut ostendat, sibi cum Patre omnia communia. Sicut enim vna est essentia amborum, sic vna sapientia, potentia. Secundò Patri doctrinam ascribit, ut mirari desinant, eum non humanitus eam didicisse, cum Deus suam sapientiam etiam sine humanis medijs dare possit, id quod in Amos & Dauid, alijsque prophetis ostendit. Tertiò, ideo doctrinam suam Patri ascribit, ut eam plus ponderarent ac contemnere timerent: Quartò, per hoc confirmauit fidem nostram, ut sciamus quæ à Christo audimus, non hominis, sed Dei verba esse, ac ideo securè eis innitamur. Quintò, per hoc docuit omnes prædicatores, ut à seipsis non loquantur, sed ea tantum doceant, quæ sciant certa esse, ut semper dicere possint: Doctrina mea non est mea, sed eius qui misit me, Dei. Alioqui, qui hæc dicere non potest, & seipsum & alios seducit. Atqui Arrius alijsque hæretici hoc dicere non potuerunt. Ipsi enim aquæ furtivæ dulciores fuerunt illis fontibus vel aquis, quas emittit Dominus, & quæ inter medium montium pertranseunt, hoc est, singulis illis magis placet propria, quam illa quæ omnium sanctorum communis est, catholica, atque apostolica fidei doctrina.

Si quis voluerit voluntatem Dei facere.]

Occupatio est, Possent enim Iudæi dicere, Dicis quidem doctrinam tuam esse Dei doctrinam, sed nondum probasti, quis nos certos reddet te vera dicere? Ideo docet Christus, quomodo doctrina sua cognoscenda sit. Stude, inquit, Dei voluntatem perficere, & videbis, quod doctrina mea à Deo est. Dei voluntas est, ut conuertatur impius & viuat. Item, Dei voluntas est, ut verbum eius audiamus & scrutemur

Sapientia

Psalmi 93

Prou. 9

Psalmi 193

Ezechiel 18

1. The. 4. scrutemur. Item, Dei voluntas est, sanctificatio nostra, vt nō iniustitiā & peccatis seruamus, sed iustitiā. Item, Dei voluntas est, ipsi credere, in ipso sperare, ipsi omnia accepta ferre, & ab ipso accipere. Iam qui hanc Dei voluntatem perficere studet, is statim videt, quod doctrina Christi à Deo est. Nam vbique diuinæ voluntati conformis est, ac omnia supradicta vbique docet. Qui autem voluntatem Dei non considerat, aut perficere studet, is de doctrina Christi vix rectè iudicabit. Innuit igitur etiam hoc verbo, doctrinam suam tales expectere auditores, qui Dei voluntatem facere cupiant.

Qui à semetipso loquitur, gloriam propriam querit.]

Hic generalem ponit canonem, ad quē exigi debet doctrina & opus. [Qui à semetipso (inquit) loquitur,] hoc est, quæ ipse finxit vel somniauit, is tantum seipsum quærit, non curat an Deus glorificetur vel proximus inde ædificetur, sed tantum vt ipse bene habeat. Christus autem vbique nihil aliud quæsiuit, quàm hominis salutem & Dei gloriam. Constat igitur eum non ex semetipso locutum. Vides igitur hic, quod ea doctrina, quæ hominem ad seipsum dirigit, vel vt sua commoda & carnis appetibilia quærat, vel vt in seipso confidat, suam virtutem, iustitiam magnificet, non est à Deo. Qui enim gloriam suam quærit, à semetipso loquitur. Ea autem doctrina, quæ hominem nedum ab his quæ carni delectabilia sunt, sed etiam à fiducia sui abducit ad Deum, Deique gloriā promouet & prædicat, hæc à Deo est. Qui enim quærit gloriam eius, qui misit illum, hic verax est. Sic & ea opera, quibus tantum nostra quærimus, qualia sunt opera hypocritarum, non sunt à Deo. Ea autem, quæ ad gloriam Dei fiunt & proximi salutem, ex Deo sunt. Signanter autē dicit: Qui quærit gloriam Dei, hic verax est, & iniustitia non est in illo. Verax est, quia non suæ rationi, sed Dei verbo confidit, & non sua somnia, sed Dei decreta annuntiat. Nec est in eo iniustitia: non enim quæ Dei sunt, sibi ascribit. Sic qui in operibus quærit Dei gloriam, verax est, quia quod externè profitetur, internè habet. Nec iniustus est, quia non rapit alienam gloriā.

Econtra autem, qui sua quærit in docendo, mendax est, quia simulatione legis auditori suam voluntatem proponit, denique & iniustus est, quia Dei gloriam rapit.

Nōne Moyses dedit vobis legem? &c.]

Supra ad ipsorum verba respondit: nunc ad cogitationes respondet, quo facto & seipsum probauit Deum, cuius solius est videre & intueri corda hominum, insuper & ostendit etiam cogitationes in iudicio Dei examinandas, contra eos, qui putant cogitationibus non posse peccari. Duo autem cogitauerant Iudæi. Primo, Christum soluisse Sabbatum, & legis transgressorem esse. Secundo, cogitauerant eum occidere. Vtrunque manifestat & reprimit Christus hoc verbo. Sensus autem huius verbi est, quasi diceret: Video quid cogitatis, nempe me legis transgressum esse, peccatorem me culpatis. Verum si sic agendum est, possum & ego peccata vestra in medium adducere. Ac primò admoneo vos legis vestrae. Nōne legem accepistis? Nōne Moyses diligenter eam docuit? Nōne spondidistis omnia vos facturos, quæ præcepit Dominus? Iam attendite facta vestra. Nemo ex vobis seruat legem. Nō dico de vno aut altero præcepto, sed generaliter, ne vnum quidem seruatis. Quis igitur magis transgressus est legem, ego, an vos? Ego in vno tantum legem solui vestro iudicio, quamquam re vera nō soluerim: vos autem omnia præcepta transgredimini. Si ob vnum ego morte dignus iudicor, quid vos meremini propter tam innumera? Si vnū in me videre potestis, qui sit, vt tot tamque nefanda vitia in vobis non videatis? Vide igitur quàm mirabilem illis rationem reddit. Mirantibus eis, quomodo literas sciret, cum non didicisset, miratur ipse, quomodo nemo ex eis legem faceret, cum legem accepissent. Quod in eo mirabantur illi, laudanda erat potentia diuinitatis, quod miratur ipse in illis, detestanda erat audacia præuaricationis. Deinde videt hic, quid lucetur, qui coram Deo iustificare seipsum vult, nempe quod Deus ipse cogitur ei peccata sua ob oculos ponere. Vbi autem Deus peccata reuelat, ibi tanta occurrunt, vt homo clamare cogatur, Non

Psa. 142: intres in iudicium cum seruo tuo, &c.

Psal. 129: Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Psal. 49: Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Psal. 71: Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Ibidem, Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Mat. 5. Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Luc. 6. Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

1. Cor. 11. Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Quid me queritis interficere? Respondet hic ad aliam ipsorum cogitationem, qua intendebant eum interficere. Sensus autem est, quasi diceret: Vt deo & aliud in vobis, nempe vos conspiciat in mortem meam, quo vel solo vos proditis legem non seruare. Lex enim prohibet homicidium, & execratur eum, qui fundit sanguinem innoxium, nec permittit occidendi ius, nisi in maleficos, nec in hos quidem, nisi legitimè conuictos & damnatos. Quaero igitur, quam ob causam me queritis interficere? Nunquid

maleficum me inuenistis? Nunquid me arrogantiā deprauatum inuenistis, loquentem in nomine Domini, quod Dominus non præceperit? Nunquid in nomine Domini prædixi verbum, quod non euenit? Nunquid alicui malè feci, & non potius omnibus bene feci? Cur ergo me interficere queritis? Vides hic, quàm clarè Deus videat cogitationes cordium, imò vbi nos putamus nullum esse peccatum, ibi ipse & plura & grauiora inuenit, vt non immeritò Dauid oret: Delicta quis intelligit? Ab occultis meis munda me.

Demonium habes. Quis te querit, &c. Vide peruersitatem huius populi, ne dum non agnoscunt & confitentur peccata, sed impudentissimè negant, imò Christum mendacij arguunt, & insuper summè eum blasphemant. Quæ enim maior contumelia, quàm Dei filium dæmone obsessum dicere? Ideo autem tam atrociter respondent, quia verbum Christi dupliciter perturbauerat eorum animos. Primum, quod animaduertent, clancularias licet machinationes suas non latere conscientiam ipsius, quem credebant facilius è medio tolli potuisse, si quod molestiùs è medio tolli potuisset. Deinde quod illos, qui se videri volebant legis obseruatissimos, legis violatæ reos ageret apud populum. Non verebantur Dei conscientiam, insidiantes innoxio sanguini, sed populi conscientiam metuebant. Itaque, vt apud multitudinem tam impij facinoris conscientiam confidentia dissimulent, ad manifesta conuitia confugiunt, qui mos est improbis in maleficio deprehensis, quod excusari nō possit. Hic igitur vides naturam hominis. Primum, quod etiam deprehensus, non tamen vult confiteri, imò constanter negat & excusat, quemadmodum Adam fecit & Cain, &c. Secundo insanit, & irascitur in corripientem. At qui nihil efficias coram Deo, etiamsi constanter negaueris, etiamsi supra modum irascaris. Stat sententia: Oportet vt vel hic in spe gratiæ confitearis peccata tua, vel in futuro pœnis addictus sine spe remissionis. Deinde fixa stat sententia: Arguet Deus peccata tua, vel hic solis verbis ad salutem, vel illic magnis pœnis in æternam confusionem. Vide igitur, vt

tu

Deut. 32: 18. Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Gene. 3: 4. Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Exo. 20. Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Deut. 27. Item, Si iniquitates obseruaueris Domine, &c. Sic Iob: Si repente, inquit, loquutus fuerit, non respondebo vnum pro mille. Summa, nisi tu confessus fueris peccata tua, lata est sententia: Arguam te, & statuam contra faciem tuam. Verè igitur beati sunt, quorum remissæ sunt iniquitates, &c. Ex hoc autem verbo primo colligimus, quod lex nos omnes conuincit esse peccatores, atque adeò omnes dānat. Nemo enim est, qui legi satisfaciatur. Ideo omnes sancti pro remissione peccatorum orant. Pro hac (inquit) orabit ad te omnis sanctus in tempore opportuno. Ac nisi haberemus egregias illas Christi promissiones: Ego sum vita, qui credit in me non iudicatur, &c. planè nobis desperandum esset. Secundo, cum Christus strenuis illis legis zelatoribus dicat: Nemo ex vobis facit legem, planè ostendit, legem non solis operibus impleri, sed fide. Lex enim non tantum exigit vel prohibet manum, sed cor & mentem. Sic nondum seruasti hoc præceptum: Non occides, etiamsi neminem manu occidas. Apud Deum enim etiam homicida est, qui fratrem odit: Et qui irascitur fratri suo, reus est iudicii. Sic de alijs quoque. Tertiò, hoc verbo indicat eos minimè idoneos vt alios arguant, qui ipsi omnibus vitijs abundant. Qui enim alium arguere vult, carere debet eo vitio quod in alio arguit, alioqui audiet: Eijce prismum trabem de oculo tuo, &c. Quarto indicat, quod qui alium temerè iudicat & damnat, hoc ipso facto seipsum quoque condemnat, cum & ipse sit peccator, sicut contra: Si nos ipsos iudicaremur, non vtiq; iudicaremur.

Quid me queritis interficere? Respondet hic ad aliam ipsorum cogitationem, qua intendebant eum interficere. Sensus autem est, quasi diceret: Vt deo & aliud in vobis, nempe vos conspiciat in mortem meam, quo vel solo vos proditis legem non seruare. Lex enim prohibet homicidium, & execratur eum, qui fundit sanguinem innoxium, nec permittit occidendi ius, nisi in maleficos, nec in hos quidem, nisi legitimè conuictos & damnatos. Quaero igitur, quam ob causam me queritis interficere? Nunquid

maleficum me inuenistis? Nunquid me arrogantiā deprauatum inuenistis, loquentem in nomine Domini, quod Dominus non præceperit? Nunquid in nomine Domini prædixi verbum, quod non euenit? Nunquid alicui malè feci, & non potius omnibus bene feci? Cur ergo me interficere queritis? Vides hic, quàm clarè Deus videat cogitationes cordium, imò vbi nos putamus nullum esse peccatum, ibi ipse & plura & grauiora inuenit, vt non immeritò Dauid oret: Delicta quis intelligit? Ab occultis meis munda me.

Demonium habes. Quis te querit, &c. Vide peruersitatem huius populi, ne dum non agnoscunt & confitentur peccata, sed impudentissimè negant, imò Christum mendacij arguunt, & insuper summè eum blasphemant. Quæ enim maior contumelia, quàm Dei filium dæmone obsessum dicere? Ideo autem tam atrociter respondent, quia verbum Christi dupliciter perturbauerat eorum animos. Primum, quod animaduertent, clancularias licet machinationes suas non latere conscientiam ipsius, quem credebant facilius è medio tolli potuisse, si quod molestiùs è medio tolli potuisset. Deinde quod illos, qui se videri volebant legis obseruatissimos, legis violatæ reos ageret apud populum. Non verebantur Dei conscientiam, insidiantes innoxio sanguini, sed populi conscientiam metuebant. Itaque, vt apud multitudinem tam impij facinoris conscientiam confidentia dissimulent, ad manifesta conuitia confugiunt, qui mos est improbis in maleficio deprehensis, quod excusari nō possit. Hic igitur vides naturam hominis. Primum, quod etiam deprehensus, non tamen vult confiteri, imò constanter negat & excusat, quemadmodum Adam fecit & Cain, &c. Secundo insanit, & irascitur in corripientem. At qui nihil efficias coram Deo, etiamsi constanter negaueris, etiamsi supra modum irascaris. Stat sententia: Oportet vt vel hic in spe gratiæ confitearis peccata tua, vel in futuro pœnis addictus sine spe remissionis. Deinde fixa stat sententia: Arguet Deus peccata tua, vel hic solis verbis ad salutem, vel illic magnis pœnis in æternam confusionem. Vide igitur, vt

tu

Psa. 94. tu praeuenias faciem Dei in confessione:
Prou. 3. Cura item, vt non negligas disciplinam Domini, neque irascaris cum ab eo argueris.

Vnum opus feci, & omnes miramini.]

Rom. 12. Nihil respondet Christus ad tam atrocem calumniam, sed patienter fert, nobis in exemplum, vt & nos discamus non malum pro malo reddere, sed malum in bono vincere. Hinc David: Posui ori meo custodiam, dum consisteret peccator aduersum me. Et Salomon: Ne dicas reddam malum pro malo, expecta Dominum, & liberabit te. Item, Ne dicas sicut fecit mihi, sic faciam, &c. Item, Noli respondere stulto secundum stultitiam suam, &c. Christus igitur omissa ac neglecta ea calumnia ad rem ipsam accedit, ac primo hoc verbo ostendit, se scire odij causam, quae nulla alia fuit, quam quod infirmum sanauit in Sabbato. Emphasim autem habet quod dicit: Vnum opus feci, &c. quasi diceret: Ex tot tantisque operibus meis vnum hoc arripuistis: non ad aedificationem, sed quia videbatur calumniari posse, Cur non ea attenditis, quae omni suspicionem carent? Item, cur non in eo opere Dei virtutem, vel ipsum opus consideratis potius, quam circumstantiam temporis? Sed inuidorum ea est natura, quod non attendunt ea quae bona sunt in eo quem odiant, sed tantum mala, & si opus aliud quod in se calumniari non possunt, saltem ex circumstantia vel accidente aliquo calumniam quaerunt.

Propterea Moyses dedit vobis circumcisionem.]

Ioan. 5. Sicut supra se exemplo Patris excusauit, ac plane conuicit, se non soluissse Sabbatum, sic hic exemplo Moyse idem ostendit. Indicat autem, non tantam esse Sabbati religionem, quin cedere debeat rebus maioribus. Ad hoc adducit exemplum circumcisionis, & confert inter se preceptum de Sabbato, & preceptum circumcisionis, quorum vtrunq; Moyses praecipit. Constat autem, quod lex de Sabbato otio cedere cogeatur legi de circumcisione. Non enim excipitur Sabbatum, sed plane dicitur: Octaua die circumcidetur infans. Ex hoc igitur colligit Christus, etiam hic cedere debuisse Sabbati otium

charitati proximi. Proximo enim miserabili salutem corporis & animae conferre, nedum in se maius & sanctius bonum est, quam circumcidere hominem, sed etiam magis necessarium. Erant enim homines chari Deo, priusquam esset circumcisio praepitij, vt Abel, Enoch, Noe: & futurum erat vt Deus auerfaretur carne circumcisos, mente incircuncisos. Proximo autem seruire perpetuo bonum est, ante legem, sub lege, & post legem. Declarat igitur Christus hoc verbo, non esse opus seruile, nec Sabbatum frangere, si fiat quod Deus praepit, qualis fuit circumcisio. Secundo nec opus esse seruile aut Sabbatum frangere, si proximo in necessitate subueniatur. Sic alibi docet non solui Sabbatum, si necessitas aliud suadeat, vt si bos vel asinus in puteum cadat. Item non solui Sabbatum, si quid ad honorem Dei fiat, quemadmodum sacerdotes sacrificantes non soluebant Sabbatum. Igitur ex sententia Christi cedere debet Sabbati otium praepitis Dei, cultui Dei, necessitati, & charitati: Non enim homo propter Sabbatum, sed econtra.

Cur mihi indignamini, quod totum hominem,]

Indicat eos non habere occasionem indignandi, sed gratias agendi. Item indicat, se plus praestare, quam circumcisio praestare potuerit. Ea quidem animam redimebat, ne deleteretur ex populo Dei, sed corpus vulnerabat, Christus autem, & animam & corpus sanat, Patet ex hoc verbo, quod Christus quos corpore sanauit etiam anima sanauit spiritualiter. Dei enim perfecta sunt opera, Christus magna opera fecit, & ex propria virtute fecit, & insuper etiam internè sanauit. Primum, hoc est, magna facere, etiam sanctis concessit, sed alia duo sibi soli reseruauit.

Nolite secundum faciem iudicare, &c.]

Quasi diceret: Sit vobis Moyses, vt est, vir eximius. Sim ego qualis vobis videor, humilis & contemptus, tamen si rem spectare vultis, aut vterque vobis dammandus est, aut absoluendus vterque. Hoc igitur verbo eos ad legem ipsam dirigit, quae praecipit non consideranda esse in iudicio personam pauperis, nec honorandum vultum potestis, sed iustè, inquit, iudica proximo tuo.

Et quidem Christus vir despectus & nouissimus virorum videbatur, imò non erat aspectus in eo, Moyses verò vir magnus & spectandæ memoriæ, vir antiquus, & primus populi Dei dux, cuius facies ex colloquutione Dei splendida facta fuerat. Congruè igitur eos monet, vt rectè iudicent. Ad iudicium autem rectum plura pertinent. Primò, vt procedat ex lumine rationis, non ex impetu passionis. Sic in Iob dicitur: Nunquid sapiens respondit, quasi in ventum loquens, & replebit ardore stomachum, &c. Secundò, vt sit sine acceptione personarum. Hinc Moyses: Quod iustum est iudicate, siue sit peregrinus, siue indigena, &c. Tertio, vt clariori vel fauori plurimum non cedatur. Iuxta illud: Ne sequaris turbam, &c. Quarto, vt causa ignota debite inquiratur. Sic Iob: Causam quam ignorabam, inuestigabam. Quintò, ne propter timorem æquitas deferatur. Hinc dicitur: Noli fieri iudex, nisi valeas vi percurrere iniquitatem. Sextò, ne in iudicando plus quam oportet alicui compatiatur: Non misereberis, inquit, pauperi, &c. Septimò, ne dona accipiant, Exodi vigesimo tertio. Octauò, vt altera quoque pars audiat, & qui libet æquanimiter causam suam proponere permittatur. Sic in actis: Nò est mos Romanis damnare hominem priusquam is qui accusatur præsentibus habeat accusatores, &c. Nonò, vt iudicium ordinetur in bonum eius qui iudicatur.

Nunquid hic est, quem querebant interficere?

Frequenter hactenus audiuius Iudæos admiratos fuisse de doctrina Christi: nihil tamen adhuc vel parum ædificationis in ipsis videmus, imò hoc verbo planè indicat Ioannes, eos deteriores subinde fieri: itidem & nos facimus. Atqui nihil prodest admirari, laudare doctrinam, nisi sequatur emendatio. Sic hi Hierosolymitæ, nam ipsi rem propius considerabant, vt qui melius scire poterant odiū Phariseorum contra Christum, quam alij, hi inquam, admirantur, quòd Christus tam intrepidè loquitur aduersarijs, ipsis e contra tacentibus. Et verè admiratione dignum est, Insigne enim diuinæ in ipso virtutis signum est, quod in medio quidem eorum stat, & in loco, vbi ipsi

potestatem habebant, insuper eos arguit: ita tamen eos retinet sua potestate, vt nò solum manus, sed nec linguas contra ipsum mouere possent. Hoc Hierosolymitæ illi pulchrè quidem perpendunt, sed non perseveranter. Vide enim verba eorum: Nòne, inquit, hic est vnus, scilicet homo, quem querebant: non vnus, sed plures & potentissimi? Et ecce hic vnus & solus audenter loquitur. Illi autem & plures & potentes nihil ei dicunt, tantum abest, vt mali aliquid ei facere possint: Deinde colligunt, Nunquid cognouerunt quòd hic est Christus? Pulchrè profecto singula perpendunt, sed non perseveranter. Si in ea consideratione processissent, statim vidissent diuinæ virtutis opus esse, quod faciebat Christus. Deinde vidissent, quàm nihil potest omnis humana potentia contra Deum: Omnes Gentes coram eo sicut stilla situlæ. Ex hoc admoniti fuissent, quàm impiè Christo rebellassent hactenus: imò per suasi fuissent ipsius potentie se potius committere, quàm mundanæ. Sed vt infra patebit, nihil horum fecerunt. Iam quòd Christus in medio stat hostium suorum, nec tamen eis permittit, vt eum laedere possent: indicat, quàm securè sedeant pñ sub vmbra Dei. Qui enim habitat in adiutorio altissimi, &c. per totum. Deinde hoc factum arguit eos, qui peccata sua Deo imputare volunt, quasi ab eo cogantur. Hic enim vides, quòd Deus nedum non cogit hominem ad peccandum, sed frequenter eum impedit subtrahendo ei occasiones. Sic præcipitare & lapidare eum volentibus se subtrahit: sic se capere volentibus non permittit, vt admoniti ab impio facto abstinere. Sic olim Ariolum Balaam sæpius impedit à malo proposito maledicendi Israëlitas. Sic adhuc facit. Magna igitur gratia est, cum Deus à peccando impedit. Econtra magnæ iræ indicium est, cum Deus per omnia hominem sibi ipsi relinquit. Verùm quamuis Deus sæpe impediat hominem à peccatis, tamen si perseveret in malo proposito, tandè & ipse cessat impedire. Hoc videmus in Iudæis & Balaam.

Sed hunc scimus vnde sit.]

Hic vides eos retrocedere. Hæc est enim hominis cōditio, quòd etiā si bonum

T ij aliquod

aliquod propositum eis inspiret Deus, tamen non perseverat, sicque impletur
 Lucæ 9. in ipsis illud Euāgelicum: Qui mittit manum suam ad aratrum, & aspicit retro, non est aptus regno Dei. Nihil aliud hos Hierosolymitas offendit, quā humilitas Christi, & quod nossent humilitatem cognatorum ipsius. Sic in libris Regum, quantumcunque Deus elegisset Saulem in regem, ipsiusque statuta regio nomine digna esset, tamen quidam attendentes cognationis eius humilitatem, dicebant:
 1. Re. 10. Nunquid iste liberare nos poterit? Sic adhuc plerique offenduntur humilitate Christi, ut non ausint se ei committere. Atqui non oportet tantum humanitatem eius attendere, sed diuinam virtutem. Ob eam causam, ne quiseius humilitate offenderetur, scriptura sacra prius homines præmonuit. Sic enim Zacharias
 Zach. 9. Esai. 53. Esai. 42. as: Rex, inquit, tuus veniet tibi pauper, &c. Et Esaias: Non est ei species, neque decus, &c. Et iterum: Non clamabit, nec audietur in plateis vox eius. Quibus omnibus clare præmonuit Deus Messiam non venturum pro consuetudine regum huius mundi, sed pauperem, & quod longè alius futurus esse propius intuenti, quā summo habitu videretur. Iam quamuis Iudæi hi contemptim dixerint: [Hunc scimus unde sit,] Paulus tamen admodum serio hanc nobis Christi humilitatem indicat: Scitis, inquit, gratiā Dei, quod cum esset diues, propter nos egenus factus est. Et iterum: Exinaniuit se formam serui accipiens, &c. Summam enim consolationem nobis affert, quod Christus tantum se humiliavit, quāvis hæc ipsius
 2. Cor. 8. Philip. 2. crux Iudæis quidem sit scandalum, Gentibus autem stultitia, nobis tamen verè est Dei virtus & sapientia.

Christus autem cum venerit, nemo sciet, &c.]

Vide quā nihil vel legerint vel intellexerint in scripturis. Apertè enim scripturæ produnt, unde Christus etiam secundum utramque naturam habiturus esset originem. Secundum diuinam quidem, quod à Patre prodierit, testatur vox ipsius in Psalmo: Dominus dixit ad me, Filius meus es tu, &c. Quod manifestè de Christo Domini in principio Psalmi expresso intelligendum designatur. Secundum

humanam verò naturam, Esaias planè expressit, quod ex semine David sumpturus esset originem: Egredietur, inquit, virga de radice Iesse, &c. Idem expressit eum de virgine nasciturum: Ecce, inquit, virgo concipiet, &c. Michæas etiam locum natiuitatis nominat: Et tu, inquit, Bethleem minima es, &c. Imò qui nunc dicit, Christus cum venerit, nemo sciet unde sit, idem Herodi ad necem eum quærenti, locum natiuitatis ostendunt. Sic impij non vident in scripturis, quæ ipsis contraria sunt, etiamsi apertissima sint. Opinionem tamen eā, quod nemo sciturus esset unde Christus veniret, fortassis ex eo sumplerunt, quod Esaias dicit: Generationem eius quis enarrabit? Item, Quis poterit cogitare aduentus eius diem? & quis poterit stare ad videndum eum, &c. Atqui, ob huiusmodi scripturæ verba, vel in se obscura, vel falsò intellecta, non oportet à manifestis verbis discedere.

Clamabat ergo Iesus docens in templo.]

Hic vides verè dictum esse. Auris zeli audit omnia. Sic & frequenter in lege dicitur Deus audiisse murmurationes Israelitarum. Clamat autem Iesus, tū quia persuadere cupiebat: tum quia ipsi longè aberant, non corpore, sed corde, quem admodum Esaias dicit: Populus hic labijs mihi appropinquat, cor autem eorum longè est à me.

Et me scitis, & unde sim scitis.]

Vult dicere, Ex ore tuo te iudico serue nequam. Nulla vobis excusatio relicta est. Nam etiamsi abiecto habitu, contempta specie, & vili genere, nihil præclari præ me feram, non tamen potestis non conijcere, à quo missus sim, & unde venerim, ex testimonio Ioānis, itemque ex tot miraculis. In hunc modum & alibi loquitur: Si non venissem (inquit) peccatū non haberent. Hinc & ad Pilatum dicit: Qui me tibi tradidit, maius peccatum habet. Hoc verbum verè nobis dicitur. Nos enim verè scimus Christum, & unde venerit, quare maior erit damnatio nostra.

A me ipso non veni.]

Non tantum arguit, sed & docet, ac despicientes infirmitatem eius paulatim erigit

erigit ad cœlestia & diuina. Hoc autem primo verbo monet eos, ne tantum eum vt hominem attenderent, nec verba eius aut opera, vt hominum verba vel opera reputarent, sed scirent se ab alio missum, nec suum agere negotium, sed eius à quo missus erat. Obserua, de quo Christus gloriatur, nempe quod à seipso non venerit, & quod non suum negotium agat.

Sed verax est qui me misit.]

Hoc verbo latenter indicat, se non ab homine, sed à Deo missum: quandoquidem nullus homo absolute verax & verus dicitur, nisi solus Deus. Sicut nec quisquam in se bonus est, nisi solus Deus.

Mar. 10. Hinc Paulus ait: Est autem Deus verax,

Roma. 3. omnis autem homo mendax. Deinde hoc

Mich. 7. verbo admonet eos promissionis, quæ ad Patres facta est, de qua Michæas ait:

Dabis veritatem Iacob, misericordias Abraham, quæ iurasti patribus, &c. Hoc est, recordaberis misericordiæ & veritatis tuæ, & dabis Messiam promissum. Innuit igitur Christus, eam promissionem nunc impleri. Hinc enim apparuit, quod Deus est verax. Præterea hoc verbo etiam eos terret, vt sciant se certo puniendos fore, si Christum rejiciant, quandoquidem Deus, qui verax est, expresse dixerit: Qui Prophetam hunc non audierit, ego ultor existam.

Quem vos nescitis.]

Deut. 18. Verè nesciebant Deum, quantumuis in lege gloriarentur, & de Deo loquerentur. Deum enim cognoscere, non est legem habere aut legem scire, aut de Deo loqui, & gloriari, sed cognoscere Christum per fidem, hoc demum est verè nosse Deum. Nam Christus est facies, forma, imago, verbum & consilium Patris. Qui igitur Christum non nouit, quomodo Deum cognoscere posset?

Ego autem scio eum.]

Ioan. 1. Nemo enim Deum vidit præter Filium, qui est in sinu Patris, & qui nobis annuntiavit. Hinc alibi dicit: Nemo nouit Patrem, nisi Filius, & cui voluerit Filius reuelare. Per Christum igitur oportet nos ad Patrem penetrare. Gentes scrutatæ sunt Deum ratione humana, sed euasuerunt in cogitationibus suis. Iudæi Deum

quærebant legis operibus; sed sectando legem iustitiæ ad iustitiam non perueniunt. Aduerte quāto periculo Christum hæc cōcio constiterit, qua omnes Iudæos sanctitatis & cognitionis Dei nomine gloriantes, ignorantia cæcitatique arguit, ac sese omnibus prætulit. Profecto enim non impunè hoc tulisset, nisi nondum venisset hora eius.

Et si dixerō, Quia nescio eum, similis ero vobis.]

Merito eos mendaces dicit, quia iactabant se Christum nosse, & vnde esset, cum tamen nescirent, sicut sequenti capite dicunt: Hinc nescimus vnde sit. Ideo & Christus eis infra dicit: Neque me scitis, neque Patrem.

Ioan. 9.

Sed scio eum, quia ab ipso veni, & ipse misit me.]

Sæpius inculcat auribus Iudæorum, se à Deo missum, vt ob eam, quam Deo debent, reuerentiam, eum recipiant, quæ Deus misit salutis nuntium, ne ipsum, qui à Deo missus est contemnentes, contumeliantur & Deum aspernari. Hinc alibi Luc. 10. dicit: Qui me spernit, spernit eum, qui me misit. Qui legatum regis inhonorat, regiam quoque maiestatem ea lædit iniuria. Quemadmodum Anon, Rex Filiorum Ammon, seruos Dauidis ludibrio exponens, & ipsum Dauid regem ad indignationem commouit & vindictam, à quo tandem post multas clades & regno exutus est, & vita priuatus. Idem contigit Iudæis. 2. Re. 12.

Quærebant ergo eum apprehendere.]

Nec minis, nec doctrinis à malo proposito auerti poterant. Impius enim cum in profundum venerit, contemnit. Hinc Prou. 19. Salomon: Quem Deus despexerit, hunc nemo corrigit. Impij etiam bonis irritantur ad mala faciēda. Addit tamen: Nemo misit in eum manum. Dominus enim dissipat cogitationes prauorum, ne possint implere quod ceperant. Eccl. 7. Iob. 5.

Quia nondum venerat hora eius.]

Hoc est, quia nondum ipse volebat. Quando enim voluit captus est, non ante: Oblatus est, quia ipse voluit. Sæpè autem hoc verbū repetit ad consolationē pijs. Aut enim pijs nō accidit calamitas

Esai. 53.

ante tempus, aut si acciderit, tempus est, igitur Iudæi alium expectant.

Mat. 10. & beneplacitum Patris. Non enim cadit capillus de capite eorum, sine voluntate Patris. Qui hoc alta mente reponit & fide, orta afflictione non maledicet, nō indignabitur, non desperabit, non ad vana auxilia confugiet, nihil mali tentabit, sed sustinebit patienter manum Domini, expectans auxilium ab alto. Quod autem in Christum nihil poterant impij antequam veniret hora eius, etiam in nobis completur. Sic David sæpenumero à Saule ferè comprehensus erat, semper tamen aduersarij insidias effugit, quia nondum venerat hora eius. Sic Hælizæus in manibus hostium erat, nec tamen capi poterat, quia nondum venerat hora eius.

1. Re. 23.

4. Re. 6

De turba autem multi crediderunt in eum.]

Esaï. 15.
Lucæ 8.

Hic vides verum esse, quod in Esaia dicitur: Verbum meum non reuertetur ad me vacuū, &c. Semen enī illud verbi Dei, etiā si ab aliquibus nō suscipiatur, in alijs exarescat, in alijs autē suffocetur, interim tamen semper etiā bonā terrā inuenit, in qua fructificet. Sic hic quamuis primates quærant Christum occidere, alijs autem offendantur, non desunt tamen, qui credant in eum. Signanter autem dicit: [De turba,] scilicet quæ ad festum venerat. Hi enim quò remotiores erant à Phariseorum conuersatione, eò minùs igne inuidiæ, quo illi ardebant, corripiebantur.

Christus cum venerit, nunquid maiora faciet, &c.]

Esaï. 35.

Su. c. 7.

Vides vnde fidē hauserint, nempe ex miraculis. Sciebant ex Esaia. Messiam miracula facturum. Videbant Christum talia fecisse, vt maiora fieri nequeant. Quæ enim Christus faciebat signa, in se magna erant, sed maius erat, quod non prece aut aliena virtute, quin potius imperio & propria virtute ea faciebat. Nec minus magnum erat, quod nedum externè sanabat, sed & internè. Nam totum hominem sanauit. Pulchrè igitur & ex signis, & ex modo faciendi, denique & ex varietate, colligunt eum esse Christum. Obserua igitur, quod maiora nemo præstare potest, quàm Christus præstitit. Frustra

Audierunt Pharisei turbam murmurantem.]

Pastoris est fidem infirmorum non extinguere, sed confirmare. Iuxta illud: Consolamini pusillanimes, suscipite infirmos. Illi autem fidem planè extirpare moluntur, similes Herodi, qui Christum recens natum extinguere conabatur.

Miserunt ministros, vt apprehenderent, &c.]

Superbia eorum qui teoderunt, ascendit semper. Hactenus occultè eum interficere quærebant, nunc cum viderent se gloriam perdere, quocunque modo eum interimere student. Nullam tamen causam adducit Ioannes, quàm quod audiebant turbam murmurantem. Inuidia enim non potest audire laudes eius, quæ odit. Deinde videbantur iam habere causam accusandi eum coram Romano Præsidente, quia populus propter ipsum concitaretur. Obserua autem, quod non ipsi vadunt ad capiendum Christum, sed seruos mittunt, non pudore aut pietate victi, sed timore, ne populus in seditionem verteretur. Malunt enim seruos exponere periculo, quàm seipsos. Sic impij semper seipsos quærent in omnibus, nec his fideles sunt, qui propter ipsos impiè agunt. Obserua autem insignem eorum obstinationem. Sæpius experierat, se frustra Christo laqueos tendere, nihilque contra eum posse: nec tamen cessant. Sic impius Pharaon, quamuis videret Deum sibi resistere, non tamen cessauit à malo proposito, donec periret. Idem videmus in Balaam, qui cum populo Israel se maledicere non posse semel atque iterum, imò & tertio expertus esset, tamen consilium contra populum dedit, quod eum in iram Dei conijceret per mulieres Madianitas, &c. Obserua item, quod Pharisei nunquam leguntur ministros suos ad conciones Christi misisse, hic autem eos mittunt ad Christum comprehendendum. Sic impij Patres familiars, nedum familiam non ad bona inducunt, sed infusa per mala facere cogunt: Sicque dupliciter peccant.

Adhuc modicum tempus vobiscū sum.]
Missi erant ministri ad eum comprehendendum

dendum. Ipse autem eis salutaria verba ministrat: sic semper malum bono vince re debemus. Deinde quāvis sciret, quam ob causam aduenissent, non tamen eos palam traducit coram populo, sed occulte monet. Est autem verbum hoc primò diuinæ virtutis indicium, quasi diceret: Vos admodum festinatis me occidere, sed frustra, sustinebitis & expectabitis paulisper, donec opus meum cōpleam, interim velitis nolitis, viuens vobiscum ero, & inter vos ambulabo. Secundò hoc verbum indicium est insignis charitatis, quasi diceret: Iam toties vos ingratos ac palam impios expertus sum, non tamen committam, vt quicquam in me desideretis, & quantumuis ingrati sitis, tamen vobiscum ad tēpus manebo, beneficiam & loquar quæ ad salutem vestram conducunt. Tertiò, verbum hoc comminatio est, quasi diceret: Non est quòd tanta solitudine insidias vitæ meæ tendatis, ne diutius apud vos maneam. Nam cum grauis sim vobis ad videndum, ac planè nihil aliud sim vobis, quàm fumus oculis & spina pedibus, ego ipse non diutius vobiscum manebo. Verè magna comminatio, quando Dominus comminatur se relicturum hominem. Monemur hoc verbo, vt ardentè Christum amplectamur, & eò ardentius, quò breuius & incertius est tempus vitæ nostræ. Verè enim dicere nobis potest: Adhuc modicum tempus vobiscum sum in hac vita.

Et vado ad eum, qui me misit.]

Et hoc verbo indicat potentiā & charitatem suam. Potentiā, quasi dicat: Ego ipse vado, ego potestatem habeo ponendi animam meam, &c. Nemo eam à me tollit, sed ego ipse eam pono. Charitatem autem, quasi diceret: Nolite timere, ne effugiam manus vestras, sponte mea morti me offeram. Ideo enim veni in mundum, voluntariè crucē subibo propter hominem. Signanter autem non dicit, vado ad mortem, sed: [Ad Patrem,] quasi diceret: Mors quam mihi intenditis, non me perdet aut deprimet, sed glorificabit ac ad Patrem & gloriam perducat. Ideo enim me exaltabit Pater, & dabit mihi nomen super omne nomen, &c. Hoc autem est consolatio nostra, quòd mors Christiani hominis nihil aliud est,

quàm transitus ad Patrem, quare nō timenda, sed summis votis amplectenda est. Postremò hoc verbo etiam aduersarios terret, quasi diceret: Cum voluntatem vestram in me perfeceritis, nolite gaudere, nolite exultare. Vado enim ad Patrem, & multa habeo de vobis loqui & iudicare, &c.

Queretis me, & non inuenietis.]

Potest exponi de his, qui post passionem Christi ex Iudæis crediderunt, præsertim in die Penthecostes prædicante Petro. Hi enim quæserunt Christum, cum diceret: Quid faciemus viri fratres? Sed non inueniunt Christum in visibili forma, licet eū inuisibiliter inuenierint.

Alio exponitur, quasi diceret: Nolite putare, quòd inuidia vestra, propter quam me nunc quæritis, cessare debeat post mortem meam. Imò tunc multò magis ego vos ad æmulationem adducam, in non Gentem. Si enim inuidia vos torquet, quòd pauci admodum nunc in me credunt, quantò magis torquebit, cū me laudabunt omnes gentes omnēque populi, cum implebitur quod scriptum est: Dominabitur à mari vsque ad mare, &c.

Tunc vtique maiori cum inuidia quæretis me extinguere nomenque meum, sed frustra. Melius autē accipitur, vt sit comminatio, & prædictio futurorum malorum, quasi diceret: Imminent vobis ingentia mala: peribitis corpore & anima. Tunc autem desiderio Messiae manus ad cælum leuabitis, clamabitis, & non exaudiet vos, eò quòd nunc me ad vos missum persequamini. Sic in Esaia dicit, Cū clamaueritis, nō exaudiam: manus enim vestrae sanguine plenæ sunt. Et Sapietia: Vocari, & renuistis, &c. Ego quoque in interitu vestro ridebo, &c. Hæc est enim consuetudo Dei, vt primò offerat gratiā, quam si fide admiserimus, liberamur à iudicio. Sin autem reiecerimus, nihil profita proderunt nec vota, nec preces, nec clamores nostri ad Deum. Quærunt, & nunc Iudæi aduentum Messiae, sed frustra. Docemur hic, vt quæramus Dominum, dum inueniri potest, & inuocemus eum dum prope est.

Et vbi ego sum, vos non potestis venire.]

Non dicit: Vbi ero, sed: [Vbi sum,]

T iij vt

Ioan. 3.
Ioan. 1.

3. 1850

Ioan. 14
1. Cor. 1.

vt ostenderet, se etiam tunc in caelo apud Patrem esse, quemadmodum supra dixit. Nemo ascendit, &c. nisi Filius hominis, qui est in caelo. Et iterum: Filius vnigenitus, qui est in sinu Patris, ipse enarrauit nobis. Ita enim assumpsit naturam humanam, ac venit in mundum, vt non reliquerit Patrem. Christus igitur apud Patrem & in gloria est, sed eo peruenire non possunt impij: quia Christum contemnunt, qui est ostium & via ad Patrem, & gloriam. Nemo enim venit ad Patrem, nisi per eum. Deinde Christus est iustitia & sanctificatio. Ad hanc autem Iudaei peruenire non potuerunt, quia ex operibus, & non ex fide querebant iustitiam. Terribilis igitur comminatio est, quod hic dicit. Qui enim nec ad Patrem, nec ad gloriam, nec ad iustitiam peruenire potest, necesse est, vt in aeterna sit miseria, ignominia, damnatione. Imò hoc verbo planè comminatur, totum se ab eis ingraturum: adeo, vt bonorum eius nunquam participes esse possint, quo quid terribilius dicere potuisset?

Num in dispersionem Gentium iturus est.

Irrident comminationes eius, quasi dicerent: Quid enim etiam si abscelleris à nobis? Num sine te viuere non possumus? &c. Sic impij semper contemnunt Dei comminationes, interim tamen quantumuis contemnunt, verè implentur. Id quod videmus in Iudaeis: quæ enim Christus hic prædixit, iam in eis implentur. Noli irridere Dei comminationes, sed time & stude vt effugas. Sic olim Iudaei impiè & irrisoriè dicebant: Vbi est verbum Domini, ventat, & tamen postea perierunt. Hoc ipso autem verbo Iudaei ignari, contra se prophetant, quod Gentes incircumcisæ eligendæ essent, Iudæis abiectis. Verè enim Christus in dispersione Gentium abiit, non in persona sua, sed in Apostolis. Sic enim dicitur: Egressi prædicauerunt vbiq; Domino cooperante, &c. Vides Dominum in & cum Apostolis ad Gentes transisse. Tunc igitur impleretur est, quod in Psalmo dicitur: Populus quæ non cognoui, seruiuit mihi, &c. Obserua quod sicut Iudaei hic ignari, contra se ipsos prophetant, sic & Caiphas ignarus prophetauit de morte Christi, & fructu eius.

Mar. 16.

Psal. 17.
Ioan. 11.

Novissimo autem die magno, &c.]

Dies ille magnus est octauus dies festi Tabernaculorum, quem Moyses nominat celeberrimum atque sanctissimum, &c. Magnus autem dicitur haud dubie propter significationem, quia octauus dies significat reuelationem gloriæ Filiorum Dei.

Stabat Iesus.]

Quanquam nihil referat, siue sedens siue stans locutus sit Christus, tamen visum est Spiritui sancto signanter addere, quod stando hæc dixerit, nimirum, vt verba sequentia maius pondus habeant, ac diligentius attendamus, non dubij, quin magnum aliquid sequatur, cum audiamus Christum & stetit & clamasse. Stabat igitur Iesus, quia se à rectitudine nunquā deflectebat. Stabat, qui se exemplum rectitudinis omnibus exhibebat. Stabat, qui semper ad cælum se totum extendebat. Stabat, qui rectitudine sua omnes ad terram inclinos arguebat. Stabat, qui se in auxilium & obsequium paratum omnibus exhibebat. Stabat, qui se vita & verbo excelsum longè stantibus ostendebat.

Et clamabat.]

Partim, vt magis audiretur: partim vt libertatem suam in dicendo manifestaret. Itemque, vt ostenderet, se nullum auerfari. Obserua autem, quod nec in principio festi, nec in medio hæc dixit, sed in nouissimo. Primus enim dies solemnis tatis paucos adhuc habebat præfentes externos, & infrequens auditorium. Medij dies festi voluptatibus & mundi negotijs potius quam Dei cultui adhibebantur. Nouissimus autem dies, & maiorem habuit auditorum numerum, & delictijs finem imposuerat, cum iam de reditu foret cogitandum. Itaque eo die tanquam alijs commodiore, ipse fons vitæ exuberantissimus omnes veram doctrinam scientes dulciter ad se inuitat. Significat autem clamor hic eum clamorem, quem Christus facturus erat in sequutura solemnitate Paschali. Ea enim verè vltima fuit festiuitas veteris Testamenti, & prima noui. Nam post illam vespem, qua Christus agnum typicum cum discipulis manducauit, quicquid Iudaei celebra-

Mala.

Hebr.
Ioan.
Ioan.
Luc. 2.

Mala. 2. brarunt, non iam festiuitas, sed stercus solemnitatum debet nominari. In illa igitur nouissima festiuitate magna stetit Iesus in conspectu Patris, preces supplicationesque offerens cum clamore valido, &c. Tunc enim de semetipso effudit nobis quod biberemus. Primum aquam, qua ablueremur, & sanguinem suum, quo potaremur: deinde in sufflâdo Spiritum sanctum Apostolis dans, & iuxta alium Euangelistam aperiens illis sensum, vt intelligerent scripturas. Deinceps persistit, clamans vehementer cunctis gentibus, & quodammodo dicens: Si quis sitit, veniat ad me, &c. dum receptus in cælum dato Spiritu sancto cælos commouit. q̄ enarrarent gloriam Dei.

Si quis sitit, veniat ad me, & bibat.]

Hebr. 5. Ioan. 10. Ioan. 20. Luc. 24. Verè euangelicum verbum, & omni acceptione dignissimum. Singula autem verba emphasim habet. Primum: [Si quis] inquit: hoc verbo vides, quod Deus neminem cogit. Secundò etiam subindicat paucitatem credentium, quasi diceret: Cum multa sit miseria hominum, pauci tamen querunt remedium. Igitur si quis quam est, vel vnus in tanto numero, &c. veniat. Signanter autem dicit: [Si quis sitit.] His enim solùm utilis est Christus, qui sitiunt. Est autem sitire, cum quis vel corporis aegritudines, paupertatem, direptionem bonorum, infamiam, aliasque afflictiones patiens, ardentè desiderat liberationem: Vel, cum quis animo confusus propter peccata, ac desperationi proximus, vel morte conclusus desiderat remissionem, vitam & consolationem. Quis autem nesciat, plerosque sic sitire, non tamen omnes sciunt, quò restinguenda sit hæc sitis. Clamat igitur Christus: [Si quis sitit.] Vide autem, quàm promptè seipsum suamque offert, nihil graue exigit, tantum vt venias & bibas. Sic & in Esaia dicitur: Omnes sitientes venite ad aquas, etiam qui non habetis pretium, &c. Sic in Apocalypsi: Qui sitit, veniat, & bibat aquam vitæ gratis.

Qui credit in me, sicut dicit scriptura.]

Hic declarat, quid sit venire & bibere. Non enim pedibus venit ad eum, nec ore bibitur hæc aqua, sed fide. Christus enim est verbum Dei, non igitur potest

manibus apprehendi, sed fide. Qui igitur in eum credit, etiam in maxima siti reficitur. Igitur, si afflictio aliqua te premit, bibe de hoc fonte: Cum ipso, inquit, sum in tribulatione, apprehende hoc verbum fide, & recipies consolationem etiam in media tribulatione, ac dies. Si Deus mecum est, nocere nō potest tribulatio, &c. Si paupertas premit, bibe ex hoc fonticulo: Ego sum Dominus Deus tuus. Itē, Pater vester scit, quod his indigetis. Si mors te terret, bibe ex hoc verbo: Ego sum vita, & resurrectio, &c. Si conscientia te angit, bibe ex hoc verbo: Eum qui venit ad me, non eijciam foras. Si iudicium Dei te terret, apprehende hoc verbum: Qui credit in Filium, non iudicatur, & consolationem recipies. Sic de alijs quoq̄. Hoc autem verbo (Qui credit in me) æquat Iudæos & Græcos. Deinde damnat superbientes de propria iustitia. Postremò consolatur peccatores. Obserua, quod aliqui hoc verbum (Sicut dicit scriptura) referunt ad id, quod præcedit, vt sit sensus: Qui credit in me, nō simpliciter, nec qualicumque fide, sed ea fide, quam scriptura commendat. Alij autem referunt ad sequentia, vt sit sensus: Qui credit in me, abundè accipiet Spiritum sanctum, quæadmodum in scripturis prædictum est.

Flumina de ventre eius fluent, &c.]

Non eisdem verbis hæc dicuntur in scriptura, sed tamen in plerisque locis indicatur, Spiritum sanctum copiose effundendū. Hinc in Esaia dicit: Effundam aquas super aridam, &c. Effundam Spiritum meum super semen tuum, &c. Hoc igitur verbo Christus non vnā stillam aut haustum, sed totum flumen, imò nō flumen, sed flumina, nec vt tuam tantum restinguant sitim, sed vt etiam ad alios profluere possint, pollicetur. Verè ingens promissio, quam tamen Euangelista clariùs exponit, cum subdit.

Hoc autem dicebat de Spiritu, quem accepturi, &c.]

Spiritus sanctus igitur est aqua illa quæ & sitim & ardorem vitiorum extinguit, sordes omnes peccatorum abluit, animam recreat, eamque infundit, & germinare facit, ac planè appetitum satiat. Signanter autem dicitur aqua vitæ, quia credens

Psal. 99

Matt. 6.

Ioan. 11.

Ioan. 9.

Ioan. 5.

Esa. 44

credentem viuificat. Dicitur & flumen in se, imò flumina, quoad diuersa dona Spiritus sancti. Hoc igitur verbo Christus promittit Spiritum sanctum, is faciat hominem. Spiritum autem dat Christus. Accipitur autem fide viuua. Spiritus semel acceptus crescit in flumen: augentur enim dona Spiritus sancti, adeo, vt etiam ad alios profluant. Sic gratia Spiritus sancti in Petro in tantum flumen excreuit, vt vno die conuerteret tria milia hominum. Sic in Paulo in tantum flumen excreuit, vt omnem terram inunderet à Hierosolymis vsque ad Illiricum. Idem contigit & in alijs.

Nondum enim erat spiritus datus.]

Habuerunt etiam Prophetæ Spiritum sanctum, itémque Apostoli virtute Spiritus sancti eiciebāt dæmonia, etiam ante Christi glorificationem. Superuenit Spiritus sanctus in Mariam, idemque Spiritus sanctus in sene Simeone erat. Ideo autem hic dicitur: [Spiritus sanctus nondum erat datus,] quia nondum publicè effusus erat, quæadmodum postea contigit in festo Pentecostes. Secundo, quàmuis etiam Patres priores habuerint Spiritum sanctum & dona eius, nondum tamen de illis fluebāt tanquam flumina in Gentes, sed in sola Iudæa manebant. Tertiò, quia tempore Prophetarum potissimum opus Spiritus sancti, quod est remissio peccatorum, non publicè inter omnes gentes prædicabatur. Hoc igitur modo nondum erat Spiritus sanctus datus.

Quia Iesus nondum erat glorificatus.]

Oportebat primò Christum pati, ac sanguine suo nos Patri reconciliare. Oportebat, vt prius amici efficeremur Dei, antequam dono eius tam insigni donaremur. Deinde oportebat Christum prius exaltari & glorificari, vt omnibus manifestum fieret, ipsum posse nobis spiritum dare. Sic & in veteri Testamento oportebat prius vt virga percuteretur petra, antequam effunderet aquas

Ex illa ergo turba quidam cum audissent.]

Hactenus quid Christus egerit in festo Tabernaculorum audiuius: nunc quis fructus in populo secutus sit, describit Io-

annes. Nominantur autem hic quatuor genera hominum. Aliqui imperfectè adhuc sentiunt de Christo, nominantes eum Prophetam. Alij perfectiùs, nominantes eum Christum. Alij offensi eius humilitate, reclamabant. Alij omnino peruersi, eum capere volebant. Sic & nunc fit, &c. Sic in Ecclesia varia sunt hominum genera. Aliqui neque Christum, neque Deum curant, optarent vt Deus ipsis permitteret temporalia, sibi que retineret sua æterna, imò planè nolunt etià à Deo corripri, homines multis modis miseri. Primum, quod tantum externa quærunt. Secundò, quod Deum ipsum non curant. Tertiò, quod putant Deum non puniturum vitia eorum, quasi Deus naturam suam mutare possit. Aliqui prioribus omnino contrariè agunt, quoad externam speciem. Quantum enim illi scripturam negligunt, tantum hi scripturis incumbunt, vt videantur omnino spirituales, cum tamen aliud quærant & intendant. Aliqui propius accedunt, & Christum quidem audiunt, sed non aliter, quàm alios prophetas vel prædicatores. Legunt euangelium, sed non aliter quàm historias alias, aut scita philosophorum. Verum non satis est, Christum tantum vt prophetam accipere. Si enim aliud nihil esset, quomodo nos saluare posset? Alii qui parati quidem essent in Christum credere, sed obstant aliqua dicta scripturæ, vel non intellecta, vel false intellecta, sicque vix pauci remanent, qui confidenter ipsum confiteri audeant esse Christum.

Venerunt ministri ad Pontifices, &c.]

Vide quàm facili ter Deus confundat præsumentes de sua virtute. Quis credidisset Christum vnum & solum tam multis posse resistere? Et tamen Christus nec manu se defendit, nec multitudinis opem implorat, sed solis verbis eos repellit, & capere se volentes capit. Vides igitur, quàm nihil sit homo & humana potentia contra Deum: Impij tãquam puluis, quem proijcit ventus à facie terræ. Per hoc autem iterum admonuit Phariseos, vt videntes se roties frustra conari contra Deum, tandem respicerent & cessarent.

Quare non adduxistis eum?]

Nedum

Nedum non resipiscunt, sed nec agnoscunt multitudinis, non alia quæ com-
 scunt conatus suos à Deo impediri, quin minisci poterant, causantur, sed ingenuè
 potius seruorum ignauitiam increpât. Sic fatentur, se quidem hoc animo adijisse Ie-
 Pharo, sæpe à Domino prohibitus ac sum, vt eum captum adducerent, sed
 punitus, tandem in Moysen & Aarō ex breui sermone, verum efficaci, sic eos
 canduit tantum aberat, vt agnosceret se immutatos, vt quod decreuerant, relu-
 à Deo impediri. Sic Balaam, cum à Deo ctantibus animis perficere nō potuerint.
 impediretur, in asynam trāstulit culpam. Præterea nihil veriti Phariseorum po-
 Sic nos à Deo admoniti per verbum, in tentiam vel minas, Palam Christum
 prædicatores excandescimus. Sic externe laudant, ac omnibus hominibus, etiam
 à Deo puniti, non Deo, sed alijs ea impu ipsis Phariseis præferunt: [Nunquam,
 1. Cor. 11 tamus, cum tamen Paulus dicat: Cum iu inquit, sic locut⁹ est homo.] Quod au-
 dicamur, à Domino corripimur: vt non tem testimonium ferri potuit in Syna-
 cum hoc mundo damnemur. Ex hoc au goga, quod magis grauaret ac traduce-
 tem verbo Phariseorum, videmus eos ret Phariseorum obstinatam malitiam:
 ardentem expectasse, quando adduceretur Sicque quicquid ipsi moliebantur, in
 Christus, ac iam quasi prædæ inhiasse. ipsorum caput recidebat, & ad gloriam
 Iesu proficiebat. Postremo ad commen-
 dationem illorum seruorum facit, quod
 nullis visis miraculis, tantum pauca lo-
 quentem audientes: ab impijs coeptis de-
 sistunt, quo facto nedum Phariseos,
 sed & nos damnant, &c. Videmus atq^{ue} Prou. 21
 tem ex hoc loco verè dictum esse: Cor
 regis in manu Domini, quocunque vo-
 luerit inclinabit illud, neque quicquam
 aliud posse efficere homines, quàm quod
 Deus voluerit. Sic ministris illis in me-
 dio conatu frangitur comprehendendi
 animus, imò quem comprehendere vene-
 rant vt seductorem, nunc summè collau-
 rant. Sic Laban fremebūdo animo per-
 secutus ipsum Iacob fugientem, audiuit
 Dominum dicentem: Caue, ne quicquam
 asperè loquaris contra Iacob. Sic Esau
 properabat hostili animo contra Iacob,
 sed in medio canatu mutatur cor eius, vt
 omnium simultatum oblitus, in oscula
 eius rueret. Sic Saulus spirans minas &
 cædes in Christianos, in ipso conatu con-
 uertitur. Hæc sciens Hester, precabatur,
 vt Dominus cor regis verteret in man-
 suetudinem. Huiusmodi historiæ sunt
 fidei nostræ pabula, vt perduremus in af-
 flictionibus, certi nos Deo curæ esse, qui
 non sinit nos tentari vltra id, quod pos-
 sumus.

Nunquid & vos seducti estis?

Nedum non resipiscunt, sed insuper
 irascuntur & insaniūt in seruos, vt videas
 eos omnino ad malum obfirmasse cor.
 Verè igitur de ipsis prædixit Hieremias: Hier. 5.
 Optimates plus quàm populus fregerunt
 iugum, ruperunt vincula, &c.

Nun-

Nunquā sic locutus est homo, sicut hic.]

Vides quàm fortis sit veritas, quæ
 etiam ab inimicis testimoniū habet. De-
 inde, quod quamuis veritate nihil mani-
 festius & simplicius, tamen malignanti-
 bus nihil difficilius est. Sic veritatem ag-
 noscunt, & vident imperita multitudo,
 Galilæi, populus rudis, Samaritani, Eth-
 nici, denique etiam milites: genus ho-
 minum admodum immite, & ad om-
 ne facinus mercenarium: soli Pharisei,
 Scribæ, & Pontifices cæci sunt præ in-
 uidia. Verissimè autem dictū est: [Nun-
 quam sic locutus est homo.] De ipso e-
 nim prædictum est: Diffusa est gratia in
 labijs tuis. Itemque, Vox tua dulcis, &
 facies tua decora. Omnes aliq^{ue} quicum-
 que sapientiæ vel scientiæ sermonem ha-
 buerunt, de plenitudine eius omnes ac-
 ceperunt, Verum eò magis inexcusabi-
 les sunt, qui tantam sapientiā audierunt
 & audiunt, & nō obaudierunt, q^{ue} talē ho-
 minē & viderunt & inuiderunt. Obserua-
 igitur, quod ministri illi in multis melio-
 res fuerunt dominis suis. Primò enim ta-
 met si ideo exissent, vt Christum appre-
 henderent, tamen audito Christo, non
 obtemperant mala præcipientibus, dis-
 similes valde adulatoribus his, qui domi-
 nos suos etiam cessantes, ad odium alia-
 que flagitia extimulant. Noli propter
 quæquam hominū impietatem esse in Deum,
 & peccare in conscientiam tuam. Sic ser-
 ui Saulis noluerūt ei obedire, præcipienti
 vt occiderent sacerdotes Domini.
 Deinde ministri illi non excusant me-

Prou. 21

Gene. 31
Gene. 33

Acto. 9

Hest. 14

1. Co. 10

Hiere. 5

Phil. 4.4
Cant. 7.
Ioan. 1.

1. Re. 22.

Nunquid ex principibus quisquam credidit?

Quasi dicerent, Si verax esset, an non existimatis viros eximios doctrina simul & autoritate præstantes, illius sermones approbaturus fuisse? Atqui videtis, ne vnum quidem ex optimatum numero, penes quos est religionis autoritas, aut ex Phariseis, penes quos est exacta legis peritia, sermonibus eius fuisse persuasum. Vide obstinatum eorum malitiam. Primò mentiuntur nullum ex ipsis credidisse. Nam & Nicodemus & Nathanael crediderunt. Et infra dicitur, multos ex principibus credidisse. Deinde, impiè colligunt verba Christi ideo vera non esse, quòd pauci, vel nullus ex optimatibus ea suscipiat. Sic enim omnis scriptura falsa esset, quia paucissimi potentium ac diuitum eam sequuntur. Præterea quasi gloriantur, neminem ex ipsis Christo credere, cum id summè in ipsis reprehensibile esset. Sic impij excæcati: Lætantur cum male fecerint. Ad hæc admodum ridiculè colligunt, ideo alios nò debere credere, quòd nemo principum crederet. Quid enim si principes nunquam crederent? Num cum ipsis pereundum esset? Num principes nos excusabunt in iudicio? Num pro nobis gehennam subibunt? Nequaquam. Vnusquisque enim iudicium suum portabit, & vnusquisque pro se rationem reddet. Nulla ergo excusatio est: Principes nò credunt, nec legem observant, ergo nec ego credam: quæ admodum & nulla excusatio est: Principes hæc mala faciunt, ergo & ego faciam. Po testati quidem obtemperandum est, sed non ita vt salutis nostræ obliuiscamur, nec vt propter ipsos mala faciamus, nec vt mala eorum imitemur: Secundum opera, inquit, eorum nolite facere.

Sed turba quæ non nouit legem, &c.]

Etiam hic vides eorum malitiam. Primò, quòd tam cōtemptrim loquuntur de his, qui credunt in Christum. Turba, inquit, quasi diceret: Abiectissimus quisque nec scientia nec genere clarus, quasi homo ob generis vel conditionis humilitatem Deo minus acceptus sit, cum scriptura manifestè dicat: Non est acceptor personarum Deus, sed in omni gēte quisque cum timet, acceptus est illi. Lon-

gè aliter iudicat Deus, quàm homines, ideo Christus: Abscondisti, inquit, hæc à sapientibus, & reuelasti ea paruulis. Et Paulus: Quæ stulta sunt & infirma mundum elegit Deus. Et Sapiens. Cum simplicibus (inquit) est sermocinatio eius. Secundo turbæ vitio dant, quòd ignorent legem, quum ob id ipsi Pharisei & sacerdotes magis culpandi essent, quòd populum quæ legis erant, non docerent. Præterea, etiam maledictos eos nominant, quum lex non ignorantes legem, sed transgressientes legem maledicat. Hoc autem verbo populum planè excusant, quòd ex ignorantia: seipsos autem excusant, quòd ex certa malitia & scientes peccarent. Grauius est autem scientem, quàm ignorantem peccare: Seruus enim sciens voluntatem domini, & non faciens, vapulabit plagis multis. Sic impij seipsos damnant etiam antequam ad iudicium Dei perueniant.

Dicit ad eos Nicodemus, qui venerat ad, &c.]

Nicodemi mentionem facit, ne putes mus omnes Phariseos & pontifices malos fuisse. Imò ideo scriptura aliquando indicat aliquos diuites, doctos, potentes Deo placuisse, ne quis putet neminem illorum Deo placere posse. Deus enim sicut nullum hominum statum, populum, sexum, conditionem in totum elegit, sic nullum in totum damnauit, & reiecit. Verum quid est, quòd stulta mundi elegit, vt confundat fortia: non tamen ob id alios reiecit, etiam si ad Apostolos eos minimè elegit. Quanquam hoc admodum durum sit, quòd vnus tantum ex tanto numero Phariseorum & principum impietati restiterit. Per hoc enim manifestè indicatur, quòd diuitiæ, honores, scientia, potestas secularis, &c. pluresq; à salute impediunt, non quòd hæc externa in se mala sint, sed quòd homines plus debito ipsis inhæreant. Vnde Abacuc diuitias nominat deum lutum. Et Paulus: Qui diuites (inquit) volunt fieri, incidunt in laqueum, &c. Ob eandem causam idem Paulus nos hortatur, vt habentes victum & vestitum, his contenti simus. Signanter autem addit Evangelista: [Qui venerat ad Iesum nocte.] Vult enim ostendere, quòd Christi collo-

quum non omnino infructuosum in Ni vel fauore, vel auaritia, sententiam
 codemo fuerit. Quanquam enim nō om quis profert. Secundo, causa, dum nō in
 nia intelligeret, tamen ex eo colloquio spicit causam diligenter. Tercio, ordine,
 maiorem dilectionem erga Christum cō dum non secundum ordinem iuris iudica
 cepit. Quod autem subdit: Qui erat vnus catur. Pharisei autem hic solum ex inui
 ex ipsis, opponitur ei, quod supra de Iu dia iudicare volebant, nec causam inue
 da traditore dictum est, quod fuit vnus stigabant, nec ordinem iuris seruabant:
 ex duodecim. Sicut enim ibi in sanctissis Congruè igitur ad legem eos remittit.

Num & tu Galilæus es?

Vides hoc loco verè in eos competi re posse illud Dauidicum: Dixit iniustus Psal. 35
 vt delinquat in semetipso. Itemque no luit intelligere, vt bene ageret. Hoc cine
 enim est intelligere velle, mentionem les gitimi iudicii non posse sustinere? Vides
 deinde quàm male habeat impios, si co natibus eorum obsistatur. Quamdiu tas
 ces acceptus es, secus autem si arguas & obsistas. Sic hic tantus homo vno leni &
 mansueto verbo, eos ita offendit, vt ma nifesta calumnia impetitus sit. Sic enim
 impij cum ratione vincere non possunt, ad conuitia conuertuntur. Galilæum au
 tem nominant in contemptum Christi, sicut & Iulianus: Vicisti (inquit) Galilæe.
 Sic increduli nobis infirmitatem Christi pro summa ignominia obijciunt, nos au
 tem adeo non erubescimus confiteri cru cem Christi, vt ea Christi infirmitate po Galat. 6
 tissimum gloriemur: Mihi (inquit Pau lus) absit gloriari, nisi in cruce Domini, 1. Cor. 1
 &c. Scimus enim, quod etsi verbum cru cis pereuntibus sit stultitia, nobis tamen
 credentibus est virtus & sapientia Dei, summaque nostra consolatio.

Nunquid lex nostra iudicat hominem?

In Nicodemo vides timorem pariter & prudentiam. Timoris erat, quod im piorum conatibus non aperta fidei con fessione resistit. Nec mirum est, quod in Nicodemo aliquid imperfectionis videamus, quum & apostolos videamus timo re mortis à Christo aufugisse. Quanquā quod Nicodemo hic deest, & in quo hic deficit, abundè postea suppleuit, quando omnibus alijs à Christo deficientibus, solus ipse cum Iosepho Christum sepe liuit, manifestè scilicet indicans fidē suā in Christū, omni timore postposito. Pru dentiae autem est, quod eos quos sciebat nullis veræ fidei rationibus ab impio co natu recessuros, imò ne audituros quid dem, sua ipsorum lege ab impietate de terret. Docemur autem hic, quid facere debeamus, quum videmus iustitiam op primi & iniusta fieri, nempe vt exemplo Nicodemi si prohibere non possumus, saltem verbo vel facto testemur nō pla cere nobis quod fit, sic fecit hic Nicodemus, idem fecit etiam post passionem Christi, vt iam dictum est. Ideo aut pro priæ legis eos admonet, tum quia lex as pertissimè mandat, vt priusquam senten tia feratur, iudices ita paruum vt mag num audiant, nec cuiusquam perso nam agnoscant. Tum quia videbat eos omnino contraria legi agere. Triplici ter siquidem peruertitur iudicium. Pri mo, animo, cum scilicet vel odio,

Scrutare scripturas.

Ministros suos non ad scripturas, sed ad se imitandū monuerunt supra. Hunc autem legisperitum ad scripturas diri gunt.

Quia propheta à Galilæa non surgit.

Vide quàm futile argumētum adducant docti illi viri, contra tam manifesta Chri sti verba & opera. Nihil enim aliud præ tendunt, quàm quod è Galilæa non ex pectandus sit propheta. Falsum tamē est, quod nullus propheta à Galilæa vene rit. Nam & Delbora & Tobias, & secun dum aliquos, etiam Helisæus, fuerunt ex Galilæa, nepe ex tribu Neptalim. Quod autem ex Michæa adducere videntur, V Chri

Iudic. 4.
Tob. 1.
3. Re. 13.

Christum scilicet à Bethleem exitu : tem Ecclesia suscipit. Et hæc docet eos quod fuisse, nihil contra nos facit, qui se peccatores agnoscunt, in iudicio Dei scimus Christum in Bethleem esse natum. Illud autem obseruare debuerant, quod Michæas non dixit: In te, o Bethleem, habitat dux populi mei, sed: Ex te egredietur. Itemque, quod Esaïas propheta manifestè dicit, terrā Zabulon & Nephtalim, hoc est, Galilæam gentium primò alleuiandam, & apud ipsos primò lumen exoriturum, quod postea etiam ad alios diffunderet suos radios, quemadmodum Matthæus allegat. Verum hi homines non attendunt in scripturis, nisi quæ pro ipsis faciunt.

Luc. 2. tum. Illud autem obseruare debuerant, quod Michæas non dixit: In te, o Bethleem, habitat dux populi mei, sed: Ex te egredietur. Itemque, quod Esaïas propheta manifestè dicit, terrā Zabulon & Nephtalim, hoc est, Galilæam gentium primò alleuiandam, & apud ipsos primò lumen exoriturum, quod postea etiam ad alios diffunderet suos radios, quemadmodum Matthæus allegat. Verum hi homines non attendunt in scripturis, nisi quæ pro ipsis faciunt.

Et reuersi sunt unusquisque in domum suam.]

Coguntur re infecta, domum redire, nisi manifestè legis præuaricatores videri voluissent. Adeo vnius boni & prudentis viri consiliū, sæpè potentissimos multorum conatus impiorum frangit. Sic vnus amicus Dauidis, dissipauit quicquid contra ipsum Dauidem moliebantur & Achitophel & Absalon. Vides etiā hic impiorum dissensiones aliquando iustis in bonum cedere. Sic Paulus propter dissensionem Phariseorū & Sadduceorum, liberatus fuit à præsentis iudicio. Obserua autem, quod Ioannes non dicit, emendati sunt, vel conuersi, sed tantum: [Reuersi.] Sic enim impij plerumque quidem dissipantur, sed non compunguntur. Reuersi sunt, vt iterum in cubilibus suis aliud ineuntes consilium, oua rumperent aspidū, & cōfouerent quod erūperet in regulum.

Psal. 34.
Esaï. 59.

Caput Octauum.



Historiam de muliere adultera, quæ in exordio huius capituli ponit, quidā Græci codices nō habent, nec in Homelijs Chrysostomi, aut annotationibus Theophylacti exposita inuenitur. Testatur autem Eusebius in Ecclesiastica historia, libro tertio capite vltimo, eam esse scriptā in Euangelio, quod secundum Hebræos inscribitur. Hanc au-

Perrexit Iesus in montem Oliueti. 1

Causa huius secessus supra ostensa est, quia quærebant eum Iudæi interficere. aliam causam ponit Christus ipse: Vulpes (inquit) foveas habet, & volucres cæli nidos, at Filius hominis non habet vbi caput suū reclinet. Verè enim vulpes & volucres, hoc est, dæmones, habitationē habuerunt in Hierusalem: Filius autem hominis non habuit vbi caput suum reclinaret. Nec enim quisquam in tanta ciuitate erat, qui eum vel vellet vel audeat recipere. Tertiam causam ponit Lucas: Diebus (inquit) docebat, noctibus autem ibat ad montē, vt oraret. Per hoc igitur nos primū suo ipsius exemplo docuit, quod Paulus verbo præcipit, ne nos ipsos vindicemus, sed demus locū iræ. Secundò docuit, vt & nos exemplo sui non habeamus vbi caput reclinemus, hoc est, in quo cor vel fiduciā ponamus: Diuitiæ, inquit, si affluāt, nolite cor apponere. Tertio p hoc signanter docuit prædicatores, vt post aliorum instructionē, ad orationem confugiant, & post orationē rursus ad proximi instructionem accedant. Oret autē prædicator, tum vt Deus cordibus hominum inscribat, quæ ipse auribus inculcauit: tum vt & suæ salutis rationem habeat, ne alijs prædicās, ipse reprobus efficiatur. Locus igitur à consortio turbæ semotus, in quem Dominus oraturus se cōtulit, animū designat orationi intentum, à cogitationibus mundi huius separatū esse debere & abstractū. Iuxta illud: Intra cubiculū tuū, & ora in abscondito Patrē tuū. Mons autē quem Dominus ascendit, sublimitatem animi designat, ad cælestia per orationem erigendi, & non infimis terrenisque negotijs immergendi. Oratio enim est ascensus mentis in Deum. Mons verò Oliueti, altitudinem & copiam diuinæ significat misericordiæ, per Filij Dei in carnem aduentum nobis affluenter ostensæ. Olei siquidem nomine sæpè misericordia Dei significatur, quod illius natura huius conditioni congruit. Primò enim sicut superfertur oleū, cæteris liquo-ribus,

ribus, sic misericordia Dei superexaltat
iudicium, & miserationes eius super om-
nia opera eius. Insuper sicut oleum vul-
nerum dolores mitigat, & sanat tumo-
res & vlcera, sic Dei misericordia plagas
animæ nostræ curat. Iuxta illud: Qui
propitiatur omnibus iniquitatibus suis,
qui sanat omnes infirmitates tuas. De-
um sicut olim qui palæstram subire
debebāt aut luctā, oleo delibuti prodibāt
in medium, quo eorū corpora ad id ge-
nus certaminis essent accommodatiora:
sic in acie contra aëreas potestates certa-
tur suā Deus misericordiam elargitur,
ea nos præuenit suggeritq; vires, quibus
in tam difficili prælio consistere ac vince-
re possimus. Hinc David: In te (inquit)
eripiar à tentatione, & in Deo meo trans-
grediar murum. Et iterum: Dominus illu-
minatio mea, & salus mea, quæ timebo?
&c. Porro, quod hic dicitur Christus in
montem abiisse, aduersarijs suis dissipatis,
ymbra fuit futurorū. Sic enim postea
frustratis cōsilijs aduersariorū, ascendit in
cælū, daturus inde Spiritus sancti oleū,
id est, verum scientiæ lumen, & laborum
dolorumque requiem.

Et diluculo iterum venit in templum.]

Vides quàm strenuè Christus opus
suum executus sit: In domo (inquit) Pa-
tris mei oportet me esse. Quo docemur,
vt & nos indefesse vocationi nostræ in-
uigilemus. Iuxta illud: Mane semina se-
men tuum, & vespere non cesset manus
tua.

Et sedens docebat eos.]

Die præterito stabat & clamabat: Nūc
autem sedens docet, quia videlicet sic fu-
turum erat, vt prius stans, id est, in pas-
sione agonizans clamaret, sicut supra di-
ctum est, & postmodum gloriam ingres-
sus, atque ad dexteram Patris residens,
missio spiritus veritatis, doceret eos om-
nem veritatem. Vel ideo nunc sedet, vt
ostenderet se non timere Iudæorum in-
sidias.

Adducunt autem Scribæ mulierē, &c.]

Hic vides, quàm verè dictum sit: Dis-
sipati sunt nec compuncti. Iam enim a-
liud machinamentum inuenerant. De-
inde vides, quid causæ sit, quòd toties
Christum concionantem audierunt, nec

tamen vel tantillū meliores effecti sunt,
nempe, quòd semper mala intentione ac-
cesserunt. Præterea vides hic, quid causæ
sit, quòd omnes alij à Christo consolati
recedunt, exceptis solis Phariseis, nepe
quia ficto corde accedebant, cū scriptū
sit: In simplicitate cordis quærite illum.
Postremò vides hic verè Pharisaicas vir-
tutes, tum quòd tam facili aliorum vitia
vident, non autem sua ipsorum: tum,
quòd adeò non compatiuntur peccantis-
bus, vt etiam inde quasi gloriantur &
gaudeant. Pharisei enim & omnes hy-
pocritæ, dum vident alios peccantes, cla-
mant. Euge, euge, viderunt oculi nostri,
nimirum, vt ipsi iustiores videantur. Si
veri pastores fuissent, compassi essent mi-
seræ mulieri, quòd in tantum peccatum
se consecisset. Sic David plus Absolonis
peccatum quàm mortem ipsius deflebat.
Imò, etiamsi per legem illam punire co-
gerentur, tamen non cū gaudio, sed cum
compassione, legis mandatū exequi de-
buisent. Sic Paulus docet: Si præoccu-
patus fuit homo in aliquo delicto, vos q
spirituales estis, instruite huiusmodi in
spiritu lenitatis &c. Sic Israelitæ, cū iu-
stissimè delessent tribum Benjamin ferè
totam, non tamen ob eam vindictā glo-
riati sunt, sed ieiunantes (inquit) fleuerūt
ac dixerunt: Domine Deus, cur factum
est hoc malum, vt deleteretur vna tribus
ex Israel? Hi autē Pharisei nihil horum
faciunt. Adduxerunt autē eam ad Iesum:
quia enim suprā Nicodemus eos ostē-
dit contra legem agere, ideo nunc repara-
tis artibus, summo studio nituntur Chri-
stum constituere legis aduersarium, vt
nemo deinceps mutire audeat contra ip-
sorum consilium.

Magister.]

Omni modo id agunt, vt possint
Christum decipere, ne insidias eorū cog-
noscat. Ob eam causam, quæ suprā sedu-
torē dixerunt, cuius doctrinā sæpè irri-
debant, cuius discipulos se nullo pacto
futuros manifestè asseriebant, dicentes cæ-
co: Tu discipulus illius sis, &c. hunc iam
magistrum nominant, quasi blandis ver-
bis ei imposituri. Hi nimirum sunt, de
quibus in Psalmo dicitur: Ore suo bene
dicebant, & corde suo maledicebāt. Et ite-
rū: Molliti sunt sermones eius super oleū

Vñ & ipsi

Sapientia

Psalm. 34.

2. Re. 18.

Galat. 6

Iud. 21.

Ioan. 7.

Ioan. 7.

Luc. 14.

Ioan. 9.

Psalm. 61.

Psalm. 54.

Psalm. 27.

& ipsi sunt iacula. Et iterum: Loquuntur pacem cum proximo suo, mala autem in cordibus eorum. Sic omnes falsi Christiani & hypocritae conantur Deo imponere, dum externè simulant, quod in corde minimè habent. Sed audi David: *Psalm. 93.* Intelligite insipientes in populo, & stulti aliquando sapite. Nunquid qui planctavit aurem, non audiet, & qui finxit oculum, non considerat? &c.

Hæc mulier modo deprehensa est.]

*Prou. 18.
Psalm. 31.*

In Prouerbijs dicitur: Iustus in principio accusator est sui. Omnesque sancti pro remissione peccatorum suorum Deum orant. Hypocritae autem sui ipsorum oblit, tantum alios accusant, imitantes Diabolum, qui accusator est fratrum. Non opus habet Deus, ut nos accusemus alios. *Apoc. 12.* Ipse enim videt omnia: sed hoc agendum, ut nos ipsi coram eius iudicio consistere possimus, alioqui vnum impium cum alio perdet.

In lege autem Moyses præcepit huiusmodi.]

Nedum aliorum peccata manifestant hypocritae, nec contenti sunt confusione aliorum, sed insuper & poenae auidi sunt: interim non vident, quid ipsi commiserint. Porro lex de adulteris lapidandis habetur in *Leuitico. 20.* Lex autem non ideo punit peccata, aut facinora, quod gladii poena sit pro peccato satisfactoria, aut facinoris expiatio. Sola enim mors Christi est satisfactio pro peccatis. Sed puniuntur fontes gladio, ut auferatur malum de medio populi, ne impunito facinore, populus exemplum malum sequatur, ac temporis diuturnitate iniquitatem non pro peccato, sed pro iustitia computet, peccatum enim impunitum non agnoscitur esse peccatum. Sicut olim latrocinia apud Germanos nullam habuere infamiam, & apud Gentiles fornicatio simplex nullum reputabatur peccatum. Deinde, non tantum ea peccata sunt coram Deo, quae lex punit: Lex enim solum ea punit, quae pacem publicam turbant, nec punit pro grauitate delicti, sed quantum satis est exemplo & Reipublicae. Reliqua autem, quae non turbant pacem publicam etiam si maiora sint, tamen relinquit iudicio Dei punienda, ut sunt inuidia, or-

diu, &c. Errabant igitur Pharisei, se ideo iustos putantes, & coram Dei iudicio se posse consistere praesumentes, quod per legem puniri non poterant. Deinde etiam in hoc errabant, quod putabant adulterium tantum committi externo facto, ideoque solam mulierem iudicant praecceptum Dei transgressam, non autem seipsum, cum Christus dicat: Qui viderit mulierem ad concupiscendam eam, iam moechatus est, &c. Sed hypocritae tantum externa ponderant.

Tu ergo, quid dicis?]

Quam pulchre imitatur patres suos, de quibus Dominus conqueritur: Rogant (inquit) me iudicia iustitiae, & scire vias meas volunt, quasi gens quae fecerit iustitiam, &c. Sic hi quasi omnino immunes à peccato, sententiam contra mulierem expetunt, quasi nihil contra eos posset dici, cum tamen, ut iam dictum est, in pluribus peccauerint, quam mulier illa.

Hoc autem dicebant tentantes eum.]

Sciebant eum esse humilem & mittem, maxime erga peccantes. Audierant eum peccatrici dicentem: Remittuntur tibi peccata tua. Audierant eum hoc idem dixisse Paralitico, &c. Sperabant eum etiam eodem modo absoluturum mulierem hanc, sicque haberent causam accusandi eum, tanquam legis aduersarium, & fauorem adulterij. Quod si pronuntiasset adulteram lapidandam, habuissent occasionem eius auctoritatem eleuandi & mendacij arguendi, ut qui multa de remissione peccatorum praedicaret, quam tamen ipse non praestaret.

Iesus autem inclinans se, &c.]

Verè se inclinauit Iesus, cum à seueritate iustitiae ad mansuetudinem misericordiae à caelo in terram se dimisit. Deorsum autem se inclinauit, usque ad degradationem scilicet infirmitatis nostrae. Nam & per omnia fratribus assimilari voluit, ut misericors fieret. Ad litteram autem ideo se inclinauit, ut quasi aliud agendo, & veluti ancipiti quaestione dubius factus ac circumuentus esset, quae ratione declinando, ipsos importuniores redderet, sed in suam ipsorum confusionem.

Secundum

Secundo se inclinât, ac faciē auertit, quā si abhominans eos, qui tam seuerē alios iudicant, cū ipsi maioribus vitij obnoxij sint. Hinc Sapiens: Homo, inquit, homini reseruat iram, & à Deo petit misericordiam, &c. Tertiò se inclinât, significans, vt demisso fastu ac supercilio, quo sibi quisque blandiebatur, & animo superbo proximum despiciēbat, descenderet in sese, vt ex conscientia propriā infirmitatis disceret etiā misericordiam & modestiā ostendere erga proximū. Quartò, ideo se inclinât, vt doceat in iudicio non precipitare sententiā, nisi prius diligenter causa inspecta. Hinc Iob: Causam, inquit, quā ignorabam, diligentissimē inuestigabam. Quintò se inclinât, vt ostēdat se non venisse ad iudicandos, sed ad saluandos peccatores.

Digito scribebat in terra.]

Per hoc admonuit eos legis digito Dei scriptæ, ac per hoc indicat, se eum esse, qui olim legem dedit, & scripsit in tabulis, atque adeò Dominum legis, & omnino maiorem quā Moyses fuit, ideo se nec debere nec posse Moysis auctoritate cōstringi. Secundo per hoc ostendit differentiam legis & Euangelij. Lex in lapidibus scripta, duos reddidit homines: Euangelium in terrā fructiferam, hoc est, in cor hominis scriptū, fructiferos facit homines. Lex in tabulis scripta nihil prodest, imò tantū superbos efficit, nisi scribatur in corde, id quod Deus pollicitus est, se per Christum effecturum: Scribam (inquit) legē meam in cordibus eorum. Moyses legē scribere quidē potuit in tabulis & membranis, sed non in corde, ideo iustificare non potuit. Volunt autē quidam, quòd Christus quasdam notas depinxit, quibus Pharisei admonerentur singuli peccatorum suorum. Verū nihil opus fuit Christo huiusmodi notis, qui internē cuique sua peccata ob oculos potuit ponere.

Cū autem perseuerarent, erexit se.]

Vbicunque scriptura dicit, Deum se erexisse & surrexisse contra impios, semper sequitur insigne aliquod iudicium. Hic Moyses ait: Exurge Domine, & dissipentur inimici tui, &c. Et Deus ipse: Leuabo, inquit, in cælum manum meam,

cū exacuero vt fulgur gladium meum, reddam ultionem hostibus meis. Sic hic contra perseuerantes in malo se erigit. Sic & erga nos, quamuis diu taceat, tamen si non cessauerimus peccare, tandem se eriget.

Qui sine peccato est, primus in illā, etc.]

Prudentissima responsio, qua Christus nec legis sententiam de adulterio arguit, nec suam doctrinam de remissione peccatorū retractauit. Vtrūque enim Dei verbum est, & vtrūque ad iustificationem hominis requirit, vt scilicet per legē mortificetur, p̄ Euangelij autē viuificetur. Deinde adulteram nec damnat, nec absoluit, ideo non damnat eam, quia venerat non perire, sed saluare. Ideo autē nec statim eā absoluit, ne videretur damnare legem & gladium secularem, neue facinorosi putent se puniri non posse, vel debere per potestatem. Vide autem, quā pulchrē irridet irrisores. Ipsi certò sibi persuaserant, eum nihil respondere posse, quin se ipsum illaquearet. Ipse autem media clauditur via, quo docemur Dei sapientiam longius extendi, quā nostram. Noli igitur Deū velle arguere, si quādo ratione tua cōprehendere nō potes ipsius verba vel opera. Quod enim tibi videtur impossibile, hoc ipse facile soluet. Hoc igitur verbo Christus eos, qui alios temerē iudicāt, ad semetipsos remittit. Sic & alibi, cū quidā ei nūtiarēt de Galilæis, quos Pilatus occiderat, &c. ac p̄ hoc sibi ipsis placeret, quòd non similiter puniti essent, dixit eis: Nisi pœnitentiam egeritis, omnes similiter peribitis. Deinde hoc verbo exa-

Luc. 9.

Luc. 13.

Rom. 11.

V in primus

primus in illam lapidem iaciat. Obserua autem, quod Christus non hoc vult, vt omnino sine peccato sit, qui iudex esse debeat. Alioqui nullus vnquam facinorosus posset plecti, quādo nullus insons iudex, qui omnino sine peccato sit, reperitur. Non enim loquitur Christus hic de Magistratus functione. Nam qualis qualis iudex est, bene iudicat, si secundum legem & verbum Domini iudicat. Non enim iudex sententiæ author est, sed lex. Iudex igitur criminofus non in hoc peccat, quod in facinorosum sententiam fert: sic enim sententiam ferre sui muneris est: sed peccat, quod ipse non resipiscat, & in se non arguat id, quod in alio iure punit. Præterea maiorem accipit damnationem, & in seipsum sententiam pronuntiat, si in altero damnat, quod sibi liberè permittit. Monentur igitur iudices hoc verbo, vt iuste quod iustum est exequantur, hoc est, vt non tantum alios puniant, sed seipsos irreprehensibiles exhibeant.

Et iterum se inclinans, scribebat in terra.]

Iterum se inclinatur, vt quod dixerat, aliud agendo altius mentibus eorum inculcaret. Solent enim breuiter & acutè dicta fortius inhærere, si inopinato alienis factis abrumpantur. Deinde ideo se inclinatur, vultum alio conuertens, vt illi liberiores haberent exeundi fiduciam, quos præuidebat citius exituros, quàm multa interrogaturos. Sicut autem bis in terrā scripsit, sic duo verba protulit, quorum primum est, verbum iustitiæ & legis, quod omnes terret. Scribat igitur iterum verbū misericordiæ, quo conscientia consoletur. Bis scripsit, quia legem & Euangelium dedit.

*Audientes autem, vnus post vnum exi-
bant.]*

Vides quā facile eorum consilia dissipet, ac in contrarium vertat. Vñ verbum loquitur, quod ferre non possunt: Non est consilium contra Dominū. Exi-
Prou. 21 bant male sibi conscij & timētes, ne proderentur. Sic enim confunditur peccator in iudicio Dei, vt cōstare nō possit. Hinc Nahū: Ante faciē indignationis eius quis stabit? Et David: Si iniquitates obserua-

Nahū. 3.
Psal. 129

ueris, quis sustinebit Domine? Si vnā, nec admodum iracundam vocē non possunt ferre impij, quomodo ferent tremendam illam vocem: Ite maledicti in ignem æternum! Signanter autem dicit: [Exibant,] non conuertebantur. Sic impij fuga & excusatione vel occultatione peccatorum conantur euadere iudicium Dei, sed frustra. Sic & Adam effugere voluit, abscondendo se. Non effugies iudicium, nisi ad Christum conuertaris: Signanter etiam dicit, Incipientes à senioribus, vt verum appareat illud Danielis: Iniquitas egressa est à senioribus Israel.

Matth.

Gen. 3.

Daniel.

Remansit solus Iesus & mulier.]

Solus Christus innocens est, ideo solus non habet timere iudicium Dei. Deinde etiam hi consistere possunt, qui apud ipsum manent, & in ipsum credunt, quemadmodum mulier hæc.

Erigens se Iesus.]

Erectio hæc lōgè alia est ab ea, de qua supra dictum est. Illa enim iudicij, hæc misericordiæ est. Nec mirum: illic enim se erigebat contra perseverantes in malitia: Hic autem se erigit ad peccata sua agnoscentem, timentem, & credentem.

Vbi sunt, qui te accusabant?

Hoc quærit, vt videamus eum non ideo sententiam proferre distulisse, quod se iudicem esse negaret, sed tantum, quia accusatores displicebant. Quamuis enim alibi dicat: Quis me constituit iudicem inter vos? tamē verè iudex est ad remittenda, vel retinenda peccata. Deinde quærit, vbi sint accusatores, vt doceat nedum reorum, sed & accusatorum verba audire & ponderare.

Lucas.

Nemo te condemnavit!]

Hoc quærit Christus, vt doceat Euangelium relinquere magistratui suam functionem incōuulsam. Nam Euangelium non administrat quidem gladiū, sed tamen gladij authoritatem confirmat, & ratum habet, quod ille in rebus ciuilibus ad cōmunem Reipu. vtilitatē decernit. Vnde & in Prouerbijs dicit: Pondus & statera, iudicia Domini sunt. Et Paulus Rom. 13. Potestas ordinatio Dei est: quomodo igitur Euan-

Prou. 16

Rom. 13

Euan

Euangelium ordinationem Dei inuertet?

Nemo Domine.]

Vide quàm securi sint & consistant contra omnes aduersarios, qui in Christum confidunt. Potentissimos accusatores habebat hæc mulier, & tamē apud Christum permanens secunda consistit. Rom. 8. Vnde Paulus: Nihil damnationis est his, Pfalm. 3. qui sunt in Christo Iesu. Et Dauid: Non timebo millia populi circūdantis me, &c.

Nec ego te condemnabo.]

Verē Euangelicum verbum, quo vel solo videre possumus, quid à Christo expectare debeamus. Est enim sensus, quasi diceret: Magistratui quidem suum ius relinquo, sed cum ille te indemnata reliquerit, nec ego te condemnabo. In hunc enim vsum veni, vt remittam peccata: hoc meum munus est, vt seruem, non vt condemnem. Obserua tamē, quod gladij & Euangelij munera non sunt inter se contraria. Nam alterum est ciuile, pacem externam respiciens: alterum diuinum, veram consciētiam pacem administrans. Plectit quidem gladius fontes, sed quantum satis est ad publicam pacem: non autem plectit, quantum satis est ad facinoris expiationem coram iudicio Dei. Proinde, qui voluerit à diuino peccatorum iudicio liberari, siue per magistratum plectatur, siue non, ex me solo remissionem peccatorum per fidem impetrabit. Hoc autem verbo docuit pastores, quanta lenitate & mansuetudine debeant vti aduersus eos, qui per infirmitatem prolabantur in peccatum. Cum enim is, in quo nullum fuit peccatum, tam clementem se exhibuit erga peccatricem publicam, quanta debet esse lenitas episcoporum erga delinquentes, quum ipsi nonnunquam magis egeant Dei clementia, quàm illi, in quorum errata sæuiunt: aut si non tenentur paribus vitijs, certē non sunt omnino puri à vitijs, certē per humanam imbecillitatem in omne vitium prolabi possunt: Hinc Paulus: Instruite ipsum in spiritu lenitatis, considerans te ipsum, ne & tu tenteris.

Gala. 6.
Psa. 100

Vade, amplius noli peccare.]

Quàm verē dixit Dauid: Misericordiam & iudicium cantabo tibi Domine.

Misericordia est, quod dicit: Non te condemnabo. Iudicium autem, quod addit: [Noli peccare.] Non abs re autem hoc monet Christus. Sicut enim incassum sumitur medicina, si post instauratam sanitatem, per vitæ incontinentiam, qui conualuit in pristinum incidat morbum, quin imo relapsus in ægitudinem periculosior esse solet, & quos prima valetudo aduersa non extinxit, sæpius iterata post redditam incolumitatem ægrotatio sustulit è vita. Sic & frustra poenitentiae remedium sumitur, si post eam peractam ad pristina vitæ sordes reditur. Hinc ad languidum sanatum Christus dixit: Noli amplius peccare, ne deterius tibi contingat. Hinc & Sapiens: Qui baptizatur à mortuo, & iterum tægit mortuum, quid profuit lauatio eius? Sic Semei semel misericordiam consecutus, cum iterum inobediens factus esset, periit. Idem contigit filijs Israel. Sic qui semel liberatus à spiritu immundo, iterum obsidetur, fiunt nouissima eius peiora prioribus. Quod autem aliqui (vt Nouatus) hinc colligere volunt, relapsis non amplius patere viam ad poenitentiam, falsum est. Nam scriptura vbique & verbis & exemplis ostendit, etiam quotiescunque relapsis, tamē non negatam gratiam. Sic filij Israel sæpè Dominum irritantes, tamen cum clamarent ad Dominum, liberauit eos. Sic Ezechiel manifestè dicit: Quocumque tempore quis cōuersus fuerit, possit consequi remissionem. Hinc Petro dicitur, vt nedū septies, sed septuagesies septies remittat fratri peccanti. Sic prodigus filius, ad gratiam receptus est. Sic in Apocalypsi quidam arguitur, quod charitatem primam reliquerit, & admonetur, vt memor vnde exciderit, agat poenitentiam:

Ioan. 5.
Eccl. 34.
3. Reg. 2

Luc. 11.

Psa. 106
Ezec. 18.

Mat. 18.
Luc. 15.
Apoc. 24

Ego sum lux mundi.]

Non sine causa Ioannes huic sententiae præmisit: Iterum ergo locutus est Iesus. Hoc enim verbo nos vult admonere eius, quod suprā dixit: Si quis sitit, veniat ad me: Hoc (inquit) prius dixit. Nunc iterum locutus est [Ego, inquit, sum lux mundi.] Congruè autem hæc duo coniungit. Vtrunque enim nobis necessarium est, & aqua, qua lauamur & refocilemur: & lumen, vt videamus, quæ eundum sit. Hinc & Dauid hæc duo etiam cōiungit: Apud

Ioan. 7.

V iij

te,

- te, inquit, est fons vitae, & in lumine tuo videbimus lumen. Deinde hoc verbum pulchrè etiam conuenit cum historia, quæ proximè antecedit. Si enim quæras, cur Pharisei sic è templo vnus post vñ exierint, respondet Christus: [Ego sum lux.] Qui enim malè agunt, odiunt, & fugiunt lucē. Indicat igitur hoc verbo se acutius videre, & districtius iudicare vel iudicaturū, q̄ mundus. Ipse em̄ lumē est, corā quo nihil latere potest. Ideo in Sophonia: Scrutabor, inquit, Hierusalem in luscernis, &c. Semper igitur timeamus, etiā si coram mundo irreprehensibiles videamur, ne coram Dei iudicio inueniatur tortum, quod videbatur rectum. Secundò, hoc verbo manifestè ostendit, Iudæos frustra laborare, eorumque inuidiam nihil posse nocere gloriæ suæ [Ego, inquit, sum lux mūdi.] Quasi diceret, Quid vos impij noctis & tenebrarum filij, gloriam meam opprimere conamini? Nunquid non deridendi essetis, si solem istum visibilem exsufflando extinguere, vel è cælo deicere, aut sub modium condere conemini? Nempe huic simile est hoc, quòd nomen meum delere, & famam meam extinguere, contenditis. [Ego sum lux mundi] Ergo oculos quidem vestros claudere, & me veram lucem non videre potestis: verum totius mundi oculos eruere, vel istam lucem extinguere nequaquam praualebitis. Tertiò, ex hoc verbo manifestè videmus, quàm necessarius sit nobis Christus. Quid enim inter innumera pericula incedenti magis necessarium est, quàm lumen? Atqui Christus ipse dicit: **Matt. 7.** Viam ad vitam esse angustam. In ea quòque mille occurrunt pericula, quæ impedimento plærunque sunt, ne optatam contingamus metam, sed aliò nos deducunt in perditionem. Nunc enim prærupta occurrunt præcipitia, nunc senticosa & spinis obfessa loca, interdum dēsis obducimur tenebris, interdum luto hæremus, & in lubrico vix bene pedem sistimus. Omitto diuerticula, in quæ facile ferimur, latronumque insidias, qui viam obsident: per hæc pericula solus Christus nos incolumes ducere potest. Quod igitur multis optandum esset votis, & ingenti labore perquirendum, hoc vltro nobis offertur. Quartò, per hoc verbū satis indicauit, & nos & nostra oīa meras tenebras esse. Quintò, per hoc etiam indicauit, se plus & maius quiddam præstare posse, quàm vel Sol ille externus vel ratio nostra, vel lex, vel etiam Apostoli. Lucet quidem & Sol ille externus, sed tantum videntibus, tantumque externa & corporalia ostendit. Est & ratio nostra quædam lux, sed in mundanis rebus tantum, in rebus spiritualibus nihil videt. Præterea & lex Moyse lux est. Iuxta illud: Præceptum Domini lucidum illuminas oculos, sed tantum ostendit, quid agendū sit, non autem præstat vires perficiendi. Postremò etiam Apostoli lux sunt. Iuxta illud: Vos estis lux mundi: verum non ex natura lux sunt, sed ex gratia. Deinde nec ipsi internè illuminare possunt. Quid autem prodest videre externa, prudentem esse in rebus mundanis, videre quid sit bonum, audire quid agendum sit, si non alii sint vires perficiendi? Quod igitur neque Sol, neque ratio, neque lex, neque Apostoli præstare possunt, hoc solus Christus præstat. [Ego, inquit, sum lux mundi:] nedum enim externè erudit, sed & internè illuminat. Denique & ex natura sua lux est, & tenebræ in eo non sunt vllæ. Nec solum iustitiæ doctor est Christus, sed etiam dator & effector iustitiæ. Vnde in Hieremia: In cordibus eorum, inquit, scribam legem meam. Qui igitur Christum habet, is videt & quæ retro & quæ ante, quæ supra & quæ infra, quæ in nobis, & quæ circa nos sunt. Signanter autem dicit: [Ego sum lux mundi,] non vnus hominis tantum, nec vnus Gentis tantum, sed omnium. Iuxta illud: Illuminat omnes hominem venientem in hunc mundum. Sicut enim Sol lumen suum in omnes mundi partes projicit: ita & Christus splendorem suum projicit non solum ad eos, qui post aduentum eius in carnem credunt in ipsum: verum etiam in omnes priores vsque ad Adam ipsum. Et sicut Sol non minus pauperi lucet quàm diuiti, sic Christus sine acceptione personarū, gratiam suam in omnes diffundit, qui eam desiderant.
- Qui sequitur me, non ambulat in, &c.]*
- Duobus modis sequimur Christum. Primò in eum credendo. Secundò eum in operibus imitando. Qui igitur Christum fide sequitur, is non ambulat in tenebris

ignorantiae & errorum, nec errare potest, quamdiu lumen hoc sequitur. Deinde penetrat omnium afflictionum, quantumcumque molestiarum, tenebras. Sunt enim peccatum, afflictiones, mors, infernus, atque adeo tota Adami haereditas, tenebrae & densissima opacitas. Qui igitur tenebras peccati dispellere voluerit, arripiat Christum, qui est verum lumen per fidem, & mox peccatum aufugiet. Si tibi mortis & inferni tenebrae molestae sunt, habes in Christo lumen, vitam, & gaudium aeternum, quae bona licebit ut per fidem tua propria fiant. Hinc Paulus: *Rom. 8.* Quis nos condemnabit, si Christus, qui mortuus est, interpellat pro nobis? Obferua autem, quod Christus dicit: [Qui sequitur me, &c.] Oportet enim ut fide eiusque verbum sequamur, non ut antecedere velimus nostra ratione. Non tam meo satis est Christum fide sequi, nisi & imitatione sequamur. Is enim qui vult ut in eum credamus, etiam dicit: *Matt. 23. Ioan. 13.* Discite a me, quia mitis sum, &c. Item: Exemplum dedi vobis, &c. Qui igitur sequitur Christum, non ambulat in tenebris peccatorum, sed habet mandata & exempla illius, tanquam ardentem faculam viae suae indicem, ac cum Propheta laetus Deo concinit: *Psal. 138.* Lucerna pedibus meis verbum tuum. Cum e contra de malis dicatur: *Psal. 81. Psal. 12.* Nescierunt, non intellexerunt, in tenebris ambulant. Itemque, Fiat via illorum tenebrae & lubricum. Hoc autem quanti sit periculi, Christus indicat, cum dicit: Qui ambulat in tenebris, offendit, & nescit quo vadat, &c.

Sed habebit lumen vitae.]

Magna promissio. Consequitur homo ex assidua Christi imitatione lumen vitae, quod interius animam illuminans, perducat eum tandem ad lucidam viuorum regionem. Habet hic lumen gratiae, & illic accipiet lumen gloriae. Obserua quod Christus lux est, impios offendens, pijs autem est lumen vitae, hoc est, viuificum, caecos illuminans, mortuis vitam praebens, damnatis salutem conferens: Ipse enim est salus, vita, & redemptio.

Tu de te ipso testimonium perhibes, &c.]

Vide impietatem. Nihil non agebant, ut hunc vitae fontem obstruerent, & claritatem huius luminis obfufcarent. Omnes enim Christo testimonium ferentes

condemnabant, eorumque ora obstruebant. Testabatur Ioannes de ipso, sed à Pharisaeis ipsis audijt: Dæmonium habet. Mirabantur ministri eorum loquelam Christi, & statim audierunt: Nunquid & vos seducti estis? Magnificabat eum turba, sed statim audierunt: Turba, quae non nouit legem, maledicta est. Modicum quid locutus fuerat Nicodemus, & statim ei dictum est: Nunquid & tu Galilaeus? Nunc ipsius etiam Christi os obstruere conantur, ut verè de ipsis dictum sit in *Esaia: 29.* Audite verbum Domini illusores, &c. Dixistis enim: Percussimus foedus cum morte, & cum inferno pepigimus pactum. Tanto quippe studio, vitae & veritatis os opprimebant, tanquam mortis & inferni federati essent. Vide & insignem eorum impudentiam. Omnis scriptura Christo testimonium perhibet, testatus fuerat de ipso Pater per vocem à caelo & per signa, & tamen audent ipsum insimulare, quod solus de se ipso testimonium ferat. Vide etiam insignem blasphemiam, qua filium Dei, atque adeo ipsam Dei sapientiam & veritatem audet arguere mendacij, nec ob aliud quam quod de se ipso testimonium ferat, cum ob id vel maximè gratias agere deberent, quod Dei sapientia seipsam manifestauerit. Alioqui, quis ad eam pertingere potuisset? Ipse (inquit) dedit eam Iacob puero suo, &c. Ut interim taceam, quod vitioso argumento vtuntur. Non enim semper falsum est, quod quis de se ipso dicit. Alioqui frequenter mentiti fuissent Prophetae.

Et si ego testimonium de me ipso perhibeo, &c.]

Dupliciter Christus modestiam in hoc verbo ostendit. Primo, quod responderet, quamuis sciret eos indignos esse. Secundo, quod non conuita regerit, cum potuisset ad eos loqui in ira sua, imò ipsos tanquam vas figuli confringere. Vtrumque autem propter nos fecit, tum ut exemplum haberemus Christianae modestiae: tum ut nihil nos offenderet, quod Christus tam magnifica de se dixit. Est autem sensus verbi: Scio quidem inter homines parum autoritatis habere commendationem, qua quis seipsum commendat: scio item in iudicio humano inualidum esse testimonium, quod quis de se ipso

Matt. 12. Ioan. 7.

Esaia. 29.

Baruc. 3.

Psal. 2.

seipso fert. Nec mirum: homo enim & fallere potest & falli, id quod sæpè compertum est. Mecum autem alia res est. Ego enim non tantum homo sum, sed & Deus, in quem mendacium cadere non potest. Igitur, etiamsi de meipso testimonium perhibeam, verum est testimonium meum. Obserua, quod non apertè dicit, se Deum esse: non enim erant digni hoc audire, sed obscuris verbis idipsum insinuat. Scio, inquit, vnde venio, & quò vado. Per hoc autem satis innuit, se plus aliquid esse, quàm hominem. Nullus enim homo ex seipso scit vnde venit: imò nec illud scire potest, quomodo in vtero coaluerit, sed neque scit ex se, quid futurus sit: quia nescit homo finem suum, & omnia in futurum seruantur incerta. Scire autem de seipso vnde venerit, proprium eius est, qui non de nihilo, neque de non existentibus temporaliter factus est, vt nos, sed de increata Patris essentia, sine tempore natus est, per quem vt essemus, creati sumus nos. Scire etiam quò vadat, nihilominus proprium eius est, quia videlicet non aliud quàm ipse, vias suas disposuit, quas in hac mortalitate homo factus, propter nos ambulare dignatus est. Hoc igitur verbo fidem nostram confirmemus, & nedum Iudæis blasphemantibus, sed etià cogitationibus nostris vacillantibus, securè respondeamus. Et si Christus noster de seipso testimonium perhibet, verum tamen est testimonium eius, quia scimus vnde venerit, & quò transierit.

Vos nescitis vnde venio, aut quò vado.]

Apoc. 1.

In Apocalypsi legimus, ex ore Christi procedere gladium ex vtraque parte acutum. Verba enim eius ex vna parte veritatem stabiliunt, ex altera falsitatem prosternunt. Iam igitur in eo vibrat gladium, ac causas indicat eorum incredulitatis & malitiæ. [Vos nescitis, &c.] quasi diceret: Si sciretis vnde venerim, non mendacii argueretis verba mea. Deinde, si sciretis quò peruenturus sim, non tam impia contra me machinaretis. Sic verè in nobis omnis incredulitatis & diffidentiae causa est, quod non attendimus Christum è cælo venisse. Deinde omnis impietatis & iniustitiæ causa est, quod non attendimus Christum ad Patrem rediisse, & in throno iudicii consedisse. Hæc igitur duo pos-

tissimum in Christo consideranda sunt, vnde venerit, & quò peruenit.

Vos secundum carnem iudicatis.]

Hoc verbo indicat, eos decipi externa specie, ac humilitate ipsius. Vnde & sus. 10. præmonuit eos: Nolite iudicare secundum faciem, sed iustum iudiciū iudicate. Est autem sensus verbi, quasi diceret: Iudiciū vestrum est carnale, non è spiritu Dei petitum. Insuper hæret in externa mea carnali facie, non penetrat in interiora, cum tamè hoc in promptu esset ex doctrina, ex testimonio Ioannis, ac ex tot miraculis. Moneamur hoc verbo, vt Christum non tantum vt hominē aspiciamus, sed vt Deum, alioqui dicemus. Num iste poterit nos liberare? Item verba scripturæ non attendamus tantum vt verba, sed vt verba Dei, alioqui facile ea contemnemus.

Ego non iudico quenquam.]

Dupliciter intelligitur. Primò ego non iudico quenquam eo modo, quo vos, nepe iuxta externam larvam, nec vllum commendo iudicio carnali, sed spirituali, nec de quoquam testimonium fero, humana persuasionem aut ratione permotus, sed si quem commendauero, è iudicio spiritus eum commendo: si de quoquam testimonium fero, è iudicio Patris mei cælestis fero. Aliter intelligitur hic locus de iudicio condemnationis, vt sit sensus: Nunc prius aduentu non veni, vt condemnem, sed vt saluem, alioqui possem meipsum egregiè de vobis vindicare. Magna autem Dei misericordia est, quod etiam impijs ad tempus parcat, vt habeant spatium conuertendi se. Item, quod antequam veniat vt iudex, prius venit vt saluator.

Et si ego iudico, iudiciū meum verum est.]

Sicut supra probauit, se non posse mentiri in verbis: sic nunc probat, se non posse errare in iudicio, ac per hoc iterum indicat, se homine maiorem esse. Homines enim & in verbis fallere, & in iudicio falli possunt. Itaque iudiciū suum non aliud de verum esse probat, quàm quod solus non est. Iudex qui solus est, hoc est, ex se ipso tantum iudicat, facile errat: qui autem secum habet in consilio verbum Dei, is non errat. Quod autem Christus solus non

non est, pijs quidem consolationem adfert, impios autem summè terrere debet. Hinc in alio loco: Qui me recipit, recipit eum, qui me misit. Et e contra: Qui me spernit, spernit eum qui me misit.

In lege vestra scriptum est, quod duorum hominum, &c.]

Hoc est, duorum testimonium in iudicio humano recipitur & verum iudicatur, quamvis etiam duo testes, imò plures interdum falsum testimonium dicant: id quod contigit ipsi Naboth, item Susannæ, item Christo.

Ego sum qui testimoniū perhibeo, &c.]

Poterat alios testes adducere, ut Ioan- nem & alios, quemadmodum supra fecit: verum, cum ipsi hominum de Christo testimonio nulla acciperent, eos testes pro- ducit, quos rejicere non poterant. Est autem argumentum à minori, quasi diceret: Si duorum hominum testimonium accipitur, qui tamen fallere possunt, quāto magis mihi credendum, qui non sum solus, imò cui ipse Deus testimoniū perhibet, qui aliās semper legitur superbis restitisse, ut patet in Maria sorore Moy- si, item Chore & Dathan, &c. Me autem dicentem, quod Filius Dei sim, nusquam re- fellit, quin potius operibus & signis de me testificatus est. Discamus & ex hoc verbo, fideri nostram confirmare. Non enim est, quod quicquam dubitemus de verbis Christi, cum audiamus eum tale testimonium habere.

Vbi est Pater tuus?]

Contemptim hæc dicuntur, quasi dis- cerent. Multum gloriaris de Patre tuo, quasi nesciamus fabrum illum Ioseph Patrem tuum esse, qui æquè homo est & mendax, ut tu. Denique & suspecta sunt Pa- tris de Filio testimonia, propterea quod parentum iudicia de filiis cæco amore ferè corrumpantur.

Neque me scitis, neque Patrem meum.]

Non respondet ad quæstionem, quia indigni erant. Deinde, quia calumniandi an- sam quærebant. Docemur autem hoc verbo, quid sit nosse Christum vel Deū. Videbant illi Christum, audiebant eum, nouerant patriam & parentem, & tamen

verè de ipsis dicitur, quod eum nesciebāt: Christum enim nosse, non est eum videre, audire, historiam incarnationis & mor- tis eius legere: sed credere, & scire quam ob rem & natus & passus sit. Deinde scie- bant illi nedum ex lege, sed etiam ratione naturali Deum esse, & tamen verè de ip- sis dicitur, quod Deum nesciant. Deum enim nosse, non est legem scire, aut ra- tione carnali de Deo cogitare. Ratio enim nunquam perfectè ostendere potest Deum. Lex autem, etiam si Deum osten- dit, verum tantum ut iudicem eum pro- ponit. Hoc autem non est perfectè nosse Deum, nisi eum cognoscamus & Patrem esse. Hoc autem in solo Christo videmus, ideo subdit.

Si me sciretis, forsitan & Patrem me- um, &c.]

Lex est facies Dei irati, Christus verò est facies Dei fauentis & saluantis. Ideo & supra dixit. Deum nemo vidit vnquā, vnigenitus Filius ipse enarrauit nobis: Christus enim est expressa imago Patris. In Christo videmus Deum esse Patrem, in Christo videmus Dei voluntatem esse non perdere, sed saluare, etiam si aduersa immittat.

Ioan. iij.
Hebr. ii.

Hæc verba locutus est Iesus in Gazop- hilatio.]

Magna fidutia, quod sine timore in lo- co celebri, & pene solis principibus acces- sibili, hæc dicere ausus fuit. Nec enim vul- go nisi singulis aduentantibus, & æra mit- tentibus, Gazophilatum frequētabatur, principibus & Phariseis circa lucra mas- xima læto spectaculo confidentibus.

Nemo misit in illum manus, &c.]

Hoc toties repetit ad nostram conso- lationem, ut sciamus, ne capillum quidē posse de capite nostro perire, nisi bonā Dei voluntate.

Dixit ergo eis iterum Iesus.]

Christus boni medici functus officio, postquam leuiores & blandiores remedia videt nihil prodesse, nunc acriora admo- uet, sectionem, cauterium, vtilationem, hoc est, asperam comminationem, imò æternam interminatur mortem, ut hac saltem ratione ad saniores reuocentur mentes.

mentem. Ergo, inquit, quia perseverantes in malo, quærebant animam eius, & omni ratione carentes, vim faciebant, & do-
 Psal. 37. los tota die meditabantur, nec ob aliud manus suas continebant, nisi quia nondum venerat hora eius [Dixit eis iterum.] Nam & supra hæc eadem dixit. Bis enim
 Ioan. 7. loquitur Deus contra impios. In presenti scilicet tempore, si forte emendentur. In futuro autem loquetur ad eos in ira sua, nec verba tantum erunt, sed in furore suo
 Psal. 2. etiam conturbabit eos, imò cōfringet eos tanquam vas figuli.

Ego vado.]

In presenti loquitur, non in futuro, tum ad designandam rei certitudinem: tum quia nunquam constitit, sed semper in progressu fuit. Vado, quia sicut lux ad illuminationem omnium procedo, quod impedire non poteritis. Vado, quia per passionem, resurrectionē, & ascensionem ad Patrem, tanquam ad fontem lucis redeo. Vado, quia excæcatis vobis, ad gentes me conuertam. Hoc igitur verbo primo ostendit, se præscire mortem suam, ac idem planè est cum eo, quod Iudæ dixit: Filius quidem hominis vadit, &c. Sed vae homini, per quem tradetur. Melius erat illi, si non fuisset natus homo ille.

Deinde hoc verbo indicat, crucem suam non illorum potestatis, sed suæ voluntatis esse: Ego, inquit, sponte vado, alioquin nihil possetis contra me. Sic & in alio loco dicit: Potestatem habeo ponendi animam meam. Nemo eam auferet à me, sed ego ipse ponam eam. Præterea hoc verbo palam eis prædicit futuram eorum excæcationem. Monemur & nos hoc verbo, ne tempus gratiæ sine fructu transire sinamus: non enim semper habebimus tempus hoc gratiæ: Ego vado, inquit.

Et quæretis me.]

Primo, quia me recipere nolentes, alium quendam quæretis. Iuxta illud: Ego veni in nomine Patris mei, & non accepistis me. Si alius venerit in nomine suo, hunc accipietis. Secundo quæretis me persequendo in Apostolis, ut extinguatur nomen meum. Post glorificationem enim meam magis irascimini, dentibus frenderis & tabescetis, sed desiderium vestrum peribit,

non nomen meum. Tercio, quæretis me, hoc est, iustitiam (nam Christus iustitia est) per legis opera, sed frustra. Hinc Amos 4. Circuibunt, inquit, quærentes verbum Domini, & non inuenient. Quarto, quæretis me, hoc est, salutem, vitam, gaudium, felicitatem, & redemptionē. Quærunt enim etiam impij hæc bona. Atqui nusquam ea reperiuntur, nisi in Christo: Christus enim est salus, redemptio, & sanctificatio, &c. Obserua quod dicit quidē: Quæretis me, sed non addit Inuenietis. Quid autem miserabilius, quàm in morte quærere vitam & non inuenire, in cruce gaudium quærere, in desperatione consolationem, &c. & non inuenire? Sic Esau Hebr. cum lachrymis quærebat locum poenitentiae, & non inuenit. Sic Iudas referens triginta argenteos, quærebat alleviationē conscientiae, sed non inuenit. Monemur igitur hoc verbo, ut quæramus Dominum, dum inueniri potest, & eum inuocemus, dum propè est. Huc pertinet, quod Galat. 6. Paulus ait: Dum tempus habemus, operemur bonum. Et iterum: Ignoras, quod benignitas Dei ad poenitentiam te adducit.

Et in peccato vestro moriemini.]

Tripliciter intelligitur. Primo, [In peccato vestro moriemini,] quia in eo perseverabitis usque in finem. Secundo, quia peccatum vestrum morietur animæ vestræ, vel est peccatum ad mortem, pro quo orari non potest, est peccatum in Spiritum sanctum & irremissibile. Tercio, quia propter peccatum vestrum etiam corpora vester occidimini à Romanis. Prædicit igitur eos & corpore & anima perituros, id quod terribilissimum est. Mori in se quidem terribile est, verum si non absit peccatum (quod stimulus mortis dicitur), mors nocere non potest. Vbi autem peccatum accesserit, iam & corpus & animam occidit in perpetuum. Discamus hic, quàm perniciofa res sit peccatum, meretur excæcationem, occidit animam, adducit & mala externa. Merito igitur Sapiens Eccl. 1. monet: Tanquam à facie colubri fuge peccatum.

Quo ego vado, vos non potestis venire.]

Christus transit ad gloriam Patris, ad requiem cælestem, ad vitam sempiternam. Qui

Qui autem eum illuc sequi non potest, uore pleni, superbia tumidi, &c. Simpli-
quid eum aliud manet, quam perpetua
confusio, miseria & mors: Vides quæ
sint stipendia peccati, & quantum stilla-
uerit ira Dei super filios illos diffidentia.
Ideo autem tantam in Iudæos iram ef-
fudit, ad terrorem nostri. Nam & Sapi-
ens ait: Pestilente flagellato, stultus sa-
piens erit. Videamus igitur, ne inci-
damus in idipsum incredulitatis exem-
plum: Hodie si vocem eius audieritis (ait
David) nolite obdurare corda vestra, si-
cut parres, quibus iurauit in ira, quod nō
intraret in requiem suam. At illos qui
deplorasse legimus, quum audissent se
non ingressuros terram promissam: quā-
tō magis terrere nos debet, quod Chri-
stus hic contra impios dicit: [Quò ego
vado, vos non potestis venire.]

Nunquid interficiet semetipsum?

Vide impietatem, adeo non contres-
miscunt ad iudicia Dei, vt insuper irri-
deant. Sicut enim impij ludibrio sunt om-
nia Dei verba. Sed veniet tempus, quā-
do illusores illudentur: Væ qui spernis,
nōne & tu sperneris? Deinde vide, quā-
verè dixerit Christus: Quomodo potestis
bona loqui, quum sitis mali? Est enim
animus hominis sicut fons iugiter sca-
turiēs, quæ intra se concipit, qui si syn-
cerus fuerit, talia etiam sensa & verba ex-
promet. Sin autē malus aut liuore cor-
ruptus, nihil rectum, nihil amicum me-
ditabitur.

Vos de deorsum estis, &c.]

Deorsum hoc loco creaturarū pro-
prietatem fortemque significat, ratione
creationis Deo subiacentem. Superius
vero diuinam naturā omnia supergredi-
entem. Hoc igitur verbo suæ naturæ ex-
cellentiā super alios indicare voluit. Vel,
de deorsum & infernis esse, est rebus in-
ferni & mūdi captiuū esse, nec ultra eas
progredi posse. Res autē infernæ sunt pec-
catū, mors, afflictio, gloria, pōpa, diuitiæ,
potentia, & id genus carnalia. Res autem
superiores sunt, iustitia, fides, gaudium in
Spiritu sancto, felicitas æterna. Secundū
hoc igitur causam indicat, cur verbis ip-
sius credere non possint, nimirum,
quod homines essent peccatores, men-
daces, carnalibus affectibus obnoxij, li-

Vos de mundo estis, ego non sum:]

Vos estis mundi incolæ, ego subli-
mioris mundi incola sum. Vos carnales,
ego spiritualis: Vos de terra terreni, ego
de cælo cælestis. Proinde, non potestis
me carnali ratione comprehendere, sed
sola fide. Vel per hoc verbum indicat, in
eis non tantum corruptam esse naturam,
sed etiam affectum. Non solum de deor-
sum estis, hoc est, homines, sed etiam de
mundo, hoc est, mali. Pij homines etiam
de deorsum sunt, quia homines: sed non
sunt de mundo, quia non ex affectu mali
sunt. Obserua quod Christus magni pro-
bri vice eis obijcit, quod sint de mundo,
cū nos nihil magis quæramus, quā
esse in mundo. Verè igitur graue verbū
est: [Vos estis de mundo:] ergo cū mun-
do peribitis. Nā Christus nō orauit pro
mundo. Perire autē necesse est omne id,

Ioan. 17

pro quo Christus non orat. Caue autem,
ne cum Manichæo hic intelligas, quasi
Christus carnem è cælo adduxerit, & ni-
hil de Virgine sumpserit. Nam & infra
de Apostolis dicit, quod non sint de mū-
do, qui tamen verè carnales parentes ha-
buerant. Sed non esse de mundo, est non
solum carnali generatione, verum etiam
spirituali natum esse, & municipatum
suum habere in cælis. Sic Christus non
erat de mundo, quia non solum de ma-
tre corporali natus est, sed etiam à Patre
cælesti ab æterno. Similiter & Apostoli
& omnes pij non sunt de mundo, quia
renati sunt ex Christo, & habent muni-
cipatum suum in cælis, ideo profitentur
se hospites & peregrinos esse super terrā.

Phil. 3.

Ephes. 2
Heb. 12.

Ideo dixi, Mori emini in peccato vestro.]

Repetit quod suprā dixerat, vt quod
prima exhortatione nō inhæserat, saltem
secūda aut tertia inhæreret. Ita enim faci-
unt, qui duræ ceræ conantur imprimere
formā. Si primo conamine frustra tenta-
rūt formā inducere, superaddūt secundū
aut tertium conatum, & improbo tandē
labore assequuntur quod expetunt, nisi
vsque adeo dura sit, vt omnino formam
non recipiat, &c. Deinde hoc verbo

X

ratio

rationem reddit eorum quæ supra dixit. Ideo enim ab eis recessit Christus: ideo eum quærunt nec inveniunt: ideo in peccato moriuntur, nec unquam possunt venire ubi ipse est, quia de deorsum sunt & de mundo. Necesse est igitur, ut aliquid plus simus quam homines, utque e mundo ad cælestia transeamus. Hoc autem fieri non potest, nisi per eum qui est supernis, & non de mundo est, ideo subdit:

Si enim non credideritis quod ego sum, &c.]

Vide quantum malum sit incredulitas. Vbi enim ea est, ibi manent omnia peccata. Proinde quisquis in incredulitate moritur, in omnibus suis peccatis moritur, etiam si multa habeat iustitiæ opera. Vbi verò est fides vera & viua, ibi absorbetur omnia peccata, & in profundum maris (ut Propheta ait) omnes iniquitates nostræ projiciuntur. Vides igitur hic, quæ necessaria sit fides in Christum, quantumque malum sit incredulitas. Huc pertinet quod Paulus ait: Sine fide impossibile est placere Deo. Hinc & per Moysen dictum est: Qui non audierit prophetam illum, ego ultor existam. De Christo autem credere oportet, quod ipse est, scilicet is qui in lege promissus est, vel quod ipse simpliciter est, quemadmodum & ad Moysen olim dictum est: Ego sum qui sum. Item: Qui est misit me, &c. Deinde etiam hæc duo de Christo credenda sunt, scilicet quod est supernis, hoc est, de superno Patre natus est Deus verus, & quod in mundo natus, nihil eorum quæ in mundo sunt vitiorum vel peccatorum admisit.

Tu quis es?]

Supra interrogauerunt, Vbi est Pater tuus: nunc quis ipse sit interrogant. Vtilissimæ planè quæstiones, si mens non læua fuisset. Nihil enim vtilius quæri potest, vel Christo teste, qui dicit: Hæc est vita æterna, ut cognoscant te solum Deum, & quem misisti Iesum, &c. Verum Iudæi utrumque malo animo quærebant. Obserua quod Iudæi ex sermonibus Christi nihil proficiunt, nisi quod aut murmurant, aut curiosè interrogant, ut hic: aut ut plurimum admirantur: nunquam autem credunt vel emendantur. Quibus similes sunt illi, qui semper discentes, ex iam dictis accipias, pius est sensus. Nam

tamen nunquam ad scientiam veritatis perueniunt. Atqui, doctrina Christi non tantum vult sciri, sed opere quoque compleri.

Principium, qui & loquor vobis.]

Sic habent Latini codices. Est autem sensus: Sum principium omnium rerum, ex quo omnia suum sumpserunt exordium, per quod omnia constant principium, per quod facta sunt omnia, per quod facta sunt sæcula, in quo creauit Deus cælum & terram. Necesse est autem, rerum omnium authorè Deum esse, quare nuncupatione principii perspicue se Deum esse indicauit. Cum autem subdit: [Qui & loquor vobis,] se hominem pro nobis factum insinuat, qui præsens, verba quæ à Patre audiuit, nuntiat. Ceterum, sicut Filius Dei principium est, in quo omnia cõdita sunt: sic & consummatio est & finis, in quo vniuersa instaurata sunt. Vnde in Apocalypsi dicit: Ego sum α & ω, hoc est, principium & finis. Vel aliter, quod Christus hic dicit: [Principium, &c.] idem est, ac si dixisset, se ipsum esse, qui erat, qui est, & qui venturus est. Nam quia erat, principium se appellat. Et quia est, statim subiungit: [Qui & loquor vobis.] Et quia venturus est, scilicet ad iudicandum viuos & mortuos. Multa, inquit, habeo de vobis loqui, &c. Verè magnum testimonium, sed impijs admodum terribile: pijs autem summè consolatorium. Ex eo enim vident, se non recentem adorare Deum, sed eum qui ab æterno verus Deus erat, quique ut priores saluauit, sic & eos tempore futuro saluare possit. Græci autem hunc locum sic legunt: In primis vel principio, quod & loquor vobis. Hoc autem aliqui sic exponunt: Id planè sũ, quod in primis vel principio huius sermonis vobis dicebã, nempe lux mundi. Alij sic: In primis, quod & loquor vobis, hoc est, omnino id ipsum verbũ sum, quod loquor vobiscũ. Est enim Christus verbũ Patris, quod omnibus sæculis annuntiatũ est. In plenitudine verò temporis, caro factũ habitauit in nobis. Alij hoc verbum ad sequentia referunt, ut sit sensus: In primis hæc dico vobis, quod multa habeo de vobis loqui & iudicare, &c. Nã response alia digni non estis. Quodcumque autem Christus

Mich. 7.

Heb. 11.
Deut. 18

Exo. 3.

Supr. c.
eod.

Ioan. 17

Supr. c. 6

Joan. 1

Gen. 1
Eph. 1
Apoc. 1

Joan. 8

Joan. 1

Christus & lux, & principiū, & verbum, & iudex est.

Multa habeo de vobis loqui, &c.]

Pfal. 74 Idem est cum eo, quod alibi dicit: Cum accepero tempus ego iustitias iudicabo. Vide autem emphasim verborum. Primò, Habeo, inquit, loqui de vobis, quasi diceret: Iam quidem loquor inter vos verbum Euangelij, sed habeo etiam alia suo tempore loqui: nempe ea, de quibus Dauid: Tunc loquetur ad eos in ira sua, &c. Secundò, habeo etiam iudicare. Christus enim sicut piorum est aduocatus & saluator, sic impiorum est & accusator & iudex. Quis autem te excusabit, vbi Filius Dei te excusabit? Quis te saluare poterit, vbi Filius Dei te condemnabit? Terriò addit: [De vobis.] Sunt & alij iudicandi & condemnandi, sed vos maxime. Hinc in Michæa: Popule meus, quid feci tibi, &c. Quartò addit: [Multa habeo loqui.] Nō enim vnā tantū accusationem cōtra nos habebit. Vide q̄ terribile sit verbū hoc. Multis, inquit, nominibus, vos accusare possum. Primò, quod nullus inter vos sit, qui nō peccatis scateat. Deinde quod verbū salutis & gratiæ spernitis. Postremò, quod iudicium meum perinde vt somnium quoddam, irrideatis.

Sed qui misit me, verax est.]

Zach. 12 Quasi diceret: Possem quidem etiam nunc condemnare, sed qui misit me, promisit omnibus misericordiā hoc primo meo aduētū. Igitur, vt verax inueniatur, nunc neminem iudico, sed misericordiam omnibus offerens, iudicium differo in futurum. Vel aliter, vt sit cōminatio, quasi diceret: Nunc quidem minæ meæ vobis vanæ videntur, propterea quod verbum nudum non mox sequatur executio: est tamen verax Pater, qui nunc quidē differt sententiam, sed postea eam suo tempore reuelabit, nec vos impliam vestram incredulitatem impunē feretis. Propterea quod citius cælum & terra ruerent, quā vel vnum iota in verbo Dei mendaciū argui possit. Obserua quod irretractabile est, quod Deus loquitur, vtcunque impij & iacreduli id contemnant. Videbunt enim suo tempore, in quem compunxerunt. Potest autem hoc verbum etiam

sup. 49 sic accipi, vt sit cōprobatio eius quod suprà dixit: Ego veni in nomine Patris mei, alius veniet in nomine suo: Ideo postquā dixit: Ego loquor vobis, statim Patris testimonium adiunxit. Obserua autē, quod cum dicere posset: Qui genuit me verax est, maluit dicere: [Qui misit me.] Hoc enim priori æquipollēs est, & in auribus hominum præsertim inuidorum atq; superborum magis gratiosam humilitatē redolendo, tolerabilius est, & tardius calumniæ patet.

Et ego quæ audiui ab eo, hæc loquor.]

Suprà dixerat: Ego sum qui testimonium perhibeo, & testimonium perhibet de me, qui misit me. Vtrunque autem probandum erat. Ideo postquam præcedenti verbo Patrem veracem esse comprobauit, nunc etiā suum ipsius testimonium verum esse conuincit. Non, inquit, alia loquor, quā quæ audiui à Patre, qui verax est. Vnde cōsequitur, & verba mea, verba veritatis esse. Obserua quod Christus dicit se ea tantū loqui, quæ à Patre audiuit: ergo verba eius, verba Dei Patris sunt: securē igitur eis adhærere possumus.

Et nō cognouerūt quia Patrē suū, &c.]

Suprà dictum est, quod eum ideo persequebantur, quod Patrem suum dicebat Deum. Hic autem videtur contrariū dicere: Verū nō tam excusat eorum ignorantiam, quā intelligere nolentem demiratur malitiam, quia dicta eius se aduertisse dissimulabant.

Dixit ergo eis iterum.]

Ergo inquit, quoniam non cognouerunt quod patrem suum diceret Deum, quoniam testimonium eius non acceperunt, & maleuoli auditores defensorem veritatis non audierunt, nunc quasi conclusionem facit & terminū orationis.

Cū exaltaueritis Filiū hominis, tūc &c.]

Hoc est, nunc videor vobis vanus, sed postquam crucifixeritis me, & ego resurrexero, tunc apparebit verbi mei veritas. Dixi me esse fontē vitæ, panem vīuum, lucem mundi, Filiū Dei, à Patre Deo in salutem hominum in hunc mundū missum. Huius verbi veritas declarabitur per crucem & sequentem resurrectionem, sicut

Rom. 1. sicut Paulus ait: Declaratus est Filius Dei in virtute, per resurrectionem à mortuis, &c. Hoc autem verbo Christus nedum mortem suam, sed & genus mortis, & fructum denique eius prædixit, vt sciamus eum voluntariè passum. Obserua autem, quòd mortem suā exaltationem suā nominat, sicut infrà iturus ad mortē dicit: Pater, clarifica filiū tuum, per mortem enim intrauit in gloriam suā, & quia seipsum humiliavit &c. Deus ipsum exaltauit, & dedit ei nomen quod est super omne nomen, &c. Sic impij quantò magis iustos opprimunt, tantò magis eos exaltāt. Et hæc est piorū cōsolatio, quòd etiam mala & aduersa eis ad gloriam & exaltationem cedunt.

Ioan. 17.
Luc. 24.
Phil. 2.

Tunc cognoscetis. quòd ego sum.]

Resurrectio Christi, est optimum verbi Christi testimoniū, quo docuit re ipsa, se esse peccati, mortis & inferni victorem, ac se omnibus per mortē suā donare peccatorum remissionem, & per resurrectionem iustitiā. [Tunc, inquit, cognoscetis.] Potest de his intelligi, qui post mortē eius dixerūt. Vere filius Dei erat homo iste. Vel, Qui percutiētes pectora

Mat. 27.
Luc. 23
Act. 2.

sua reuertebantur, Vel, Qui postea prædicante Petro, crediderunt. Quòd si etiam hi qui Christū crucifixerūt, remissionem adipisci potuerunt, nec nobis desperandum est. Potest etiam hoc verbū de impijs Iudæis & alijs intelligi. Resurrectio enim Christi cōfusio est aduersariorum omnīū, quasi diceret: [Tunc, inquit, cognoscetis,] quia virtus Dei, qua ego à mortuis excitabor, vestra studiavana & irrita declarabit [Tūc, inquit, cognoscetis] quia

Psal. 18.

cæli annuntiabūt gloriā meā, & in omnem terram exhibit sonus eorū. Videbitis quidem tūc, sed ad cōfusionem vestrā, nō ad salutem, sicut Esaias prædixit: Videāt & confundantur zelantes populi, & ignis hostes eius deuoret. Admodum autē terribile est videre, sed tantū ad propriam confusionem, id quod omnibus impijs in iudicio continget. Possumus etiam sic intelligere verbū hoc: [Tunc cognoscetis, &c.] quasi diceret: Non videbitis quantū sit peccatum vestrum contra me, donec ipsum perfeceritis. Hoc enim agit Diabolus, quòd grauitatem peccati non prius manifestat, quā perpetratum sit, id

Esai. 26.

quod in Iuda videmus. Ve autem ei, qui tum primum peccatum suum videt, cum tempus gratiæ præterijt.

Et quod ex me ipso facio nihil, &c.]

Quasi diceret, Resurrectio declarabit me esse filiū Dei Patris, qui me ita misit, vt non à me discedat. Quatuor autem per ordinem dicit, in resurrectione sua manifestanda. Primum, quòd nihil à se ipso fecerit, &c. Sic enim in lege verus propheta iudicatur, si quod prædixit enun-
niat. Secundum, quòd Pater cum ipso est, alioqui quomodo ex tantis malis emergere potuisset? Tertium, quòd Pater eum nō relinquit. Videbatur quidem in passione relictus, sed resurrectio contrarium probauit. Quartò, addit causā, quia quæ placita sunt ei, facio semper. Hoc Christi proprium est: nemo enim præter ipsum, semper voluntatem Dei facit, Obserua hic, de quibus rebus Christus gloriatur, nempe, quòd à se ipso nihil facit, sed tantum ea quæ Patri placent, vt discamus & nos non in malefactis gloriari. Deinde obserua, quòd Deus cum illis est, nec re-
linquit eos, q̄ quæ placita sunt illi faciūt.

Hæc illo loquente, multi crediderūt &c.]

Bonum quidē, & laude dignum erat, quòd quidam crediderunt, moti verbis Christi. Verū infrà audies, eos quos hic commendat, multo importuniores fuisse erga Christum, quā hi qui apertè hostes eius se profitebantur: Pharisei quidem omnibus sermonibus eius contradicebant. Hi autem de quibus nunc est sermo, hoc non contenti, insuper conuitia & blasphemias addunt, Samaritanū & dæ-
moniacum eum nominantes, ac tandem etiam ad lapides currunt. Per hoc autem præsignatum fuit, Christum nedū ab incredulis & extraneis, sed etiam ab his, qui eius nomen præferunt, imò omnīū maxime contemnendum. Id quod videmus fecisse Arrium, & alios hæreticos, & adhuc videmus facere malos Christianos. Atque hoc est quod olim prædixit per Dauidē: Super omnes, inquit, inimicos meos factus sum opprobriū vicinis meis, &c. Et iterū: Si inimicus meus maledixisset mihi, sustinuissem vtique: Tu autem homo vnanimis, &c. Et iterum: Qui
cedebat

Mat. 26.

Deut. 32.

Inf. 10.

Psal. 90.

Psal. 136.

Psal. 40 edebat panes meos, magnificè me sup-
plantavit. Summa, sicut multi hic cre-
didisse dicuntur, qui tamen nihilo melio-
res effecti sunt, quemadmodum & su-
Ioan. 2. prà, Iesus non omnibus etiam creden-
tibus seipsum credebatur, sic indubiè &
nunc non omnes agnoscit de fide glori-
antes. Non enim satis est dicere: Credo
in Christum, id quod ex sequentibus pa-
Luce. 6 tet. Alioqui etiam nobis dicit: Quousq;
dicitis mihi, Domine domine, & non
facitis quæ dico?

Si manseritis in sermone meo, &c.]

Quemadmodum artifex industrius,
cum iacta fuerint ædificij prima exordia,
laborat opus absolvere, nec cessat, quo-
usque extremâ ei manum imposuerit, sic
Christus videns iacta in aliquorum cor-
dibus, ex verbis suis verè fidei fundamē-
ta, nunc ad consummationem spiritua-
lis ædificij, sola perseverantia consequē-
dam annititur. Congruè autem ad perse-
uerantiam hortatur, quia sciebat eos nō
perseueraturos. Est autem sensus verbi,
quasi diceret: Parum est sermonē meum
auribus hausisse, & ad tempus seruasse.
Ioan. 6. Nam multi sermonem meum audierūt,
& tamē retro abierūt. Quid autē prodest
durū subiisse certamen, si animo fracto
Mat. 10. tandem hosti manus tradamus? Nō inci-
Gen. 19. pientibus, sed perseverantibus salus pro-
Lu. 17. mittitur. Memores estote vxoris Loth,
quæ cōuersa retro in statuam salis est mu-
rata. Nemo enim mittens manum suam
ad aratrū, & aspiciens retro, aptus est re-
gno Dei. Proinde nolite vobis blandiri,
Luce. 9. quod sermonem meum audieritis. Nisi
enim in ipso manseritis, nihil prodes-
sit vobis. Dupliciter autem manemus
in sermone Christi. Primò per fidem ei
adhaerendo, contra omnes vel hæretico-
rum vel Gentilium cauillationes, vel
etiam contra quascunq; tentationes. Se-
cundò, in sermone Christi manemus, ope-
te ipsum adimplendo & perseverando.

Verè discipuli mei eritis,]

Consequitur ex hoc loco, aliquos falso
esse vel dici discipulos Christi, quales fue-
Ioan. 2. runt, de quibus Ioānes dicit: E nobis exi-
Luce. 8. erunt, sed non erant ex nobis. Porro, si
verè discipuli Christi sunt, qui in sermo-
ne eius permanent, consequitur, eos non

verè discipulos esse, qui ad tempus cre-
dunt, & in tempore tentationis recedūt.
Itemq; qui Christum quidem verbis pro-
fitemur, sed factis negant. Iam, si secun-
dum hanc regulam iudicandū est, omni-
no pauci erunt verè Christiani, vt nō fru-
stra dictū sit: Multi vocati, pauci electi. *Mat. 20*

Et cognoscetis veritatem.]

Ne quis existimet parui esse momēti,
ad discipulatum Christi ascisci, exprimit
fructum. Quantum bonum autē sit co-
gnoscere veritatem, vel ab ipsis Gentili-
bus discamus. Primò enim proposita cō-
tentione coram rege Dario, quid omni-
um maximè præcelleret, & quibusdam
dicentibus, quod vinum, alijs quod rex, *3. Esd. 4*
alijs quod mulieres fortiores essent om-
nibus, tandem audita cōmendatione ve-
ritatis, omnes acclamarūt: Magna est ve-
ritas, & præualet. Deinde nihil est quod
homines ratione vtētes, maiori studio &
labore quæsierunt, quàm veritatem. Po-
stremò aliqui philosophi felicitatem po-
suerunt in cognitione veritatis. Equibus
omnibus patet, veritatem non vulgare
aliquid bonum esse. Atqui eius cognitio
nē solis discipulis suis promittit Christus:
[Vos, inquit, cognoscetis veritatē.] Alij
eam quæsierunt, sed non inuenerūt: vos
autē eā cognoscetis. Primò autē cognos-
cetis veritatem, id est, me qui sum via, ve-
ritas & vita. Christus enim non cognos-
citur ex externa specie, sed ex verbo suo.
Secundò cognoscetis veritatem, hoc est,
quod veteres sub figuris & vmbra vide-
runt, hoc vos nūc amoto velamine planè
videbitis. Ideo beati oculi vestri, &c. Ter-
tiò cognoscetis veritatem, hoc est, alijs in
varios errores prolabantibus, vos in ser-
mone meo permanentes, cognoscetis ve-
ritatem, quæ vos errare non sinet. Quar-
tò cognoscetis etiam ipsum fontem veri-
tatis in futuro, superbenedictam scilicet *1. Co. 14*
Trinitatem, quam nunc tantum per spe-
culum & in ænigmate videtis.

Et Veritas liberabit vos.]

Secundum emolumentum ex discipu-
latu Christi sequēs est, quod veritas cog-
nita liberat, id est, liberos reddit à seruitu-
te peccati, ac amore mūdi, & restituit in li-
bertatē iustitiæ. Liberare propriè signifi-
cat eripere, & ex aliquo periculo eximere.

Hic autem, vt ex sequentibus patet, significat liberum efficere, & in libertatem
 Sup. eo. 22. afferere. Sicut igitur suprâ incredulis dixit: Si nō credideritis quōd ego sum, moriemini in peccatis vestris, sic hic credentibus, & in suo sermone permanentibus, dicit: Veritas liberos vos reddet. Et quid maius promittere potuisset? Nec vana pollicitatio est id quod videmus in Apostolis, qui cum Christo permanentes in
 Luc. 22. Joā. 16. tentationibus eius, acceperunt Spiritum sanctum, qui eos docuit omnem veritatem, eosque liberauit ab erroribus vniuersis, ab omnibus quæ in mundo sunt concupiscentijs, à timore mortis, à timore inimici, à misera illa seruitute peccati, tandemque in perfectione libertatis constituit, de qua Paulus: Quia ipsa creatura liberabitur à seruitute corruptionis, in libertatem gloriæ filiorum Dei, &c.

Rom. 8.

Responderunt Iudæi.]

Quos suprâ credentes nominauit, hos nunc Iudæos antiquo scilicet vocabulo nominat. Qui enim tam crasse respondent, indigni sunt, vt credentes nominentur, vel discipuli Christi. Volunt tamen aliqui Iudæos hos alios esse ab his, quos suprâ in Christum credidisse dixit:

Semen Abrahe sumus, & nulli serui sumus.]

Vel ex hoc verbo videmus qualem habuerint fidem, & quid in Christo quæsierint. Monuerat Christus, vt in sermone suo manerent, indicauerat, qui veri essent discipuli eius: denique promiserat veritatis cognitionem. Ipsi tamen hæc omnia dissimulabāt se audisse, & tantum arripiunt, quod de libertate dixerat: nimirum carnis libertatem amantes & quærentes. Sic plærunque carnalis homo, etiamsi multa spiritualia audiat, nihil mouetur: si autem vel vnum verbum audiat, quod carnali suo affectui abblauditur, hoc retinet. Deinde ex verbo hoc videmus, quanta sit superbia cordis humani. Quamuis enim Iudæi illi longè lateque abessent à perfectione ipsius Abrahamæ, iamque ipso facto sub iugo Romanorum essent, vt verè dicere possent: Abraham nesciuit nos, Et Israël ignorauit nos: Facti sumus immundi omnes, &c. nolunt tamen ea confiteri, quin potius

Esa. 63.
& 64.

de vtroque contra conscientiam suam gloriantur: Hæc est superbia hominis, &c. Præterea vides hic, quod impij tantum de externis gloriantur, de nobilitate generis, & libertate externa. Atqui hæc non est vera gloriatio. Quid enim prodest, si genere sis nobilis, factis autem ignobilis? Itemque, si homini non sis subiectus, cum tamen seruus sis vitiorum?

Omnis qui facit peccatum, seruus est peccati, &c.]

Ne quis se liberum putet, qui è liberis & ingenuis parentibus natus est. Docet nunc Christus quæ sit vera libertas, quæ vt certius agnoscamus, Primò docet quæ sit vera captiuitas. Mundus grauem seruitutem esse iudicat, si quis ex ancilla nascatur, aut in bello capiatur, aut seipsum in alterius potestatem iure ciuili vendat, aut carcere aptius claudatur, &c. Verum hæc non est vera captiuitas aut seruitus. Plærique enim talium etsi corpore serui erant, animum tamen habuerunt liberum, imò multi talium etiam externe serui, libertatem tamen filiorum Dei simul habuerunt. Apud Deum enim neque seruus, neque liber, &c. Vera autem seruitus vel captiuitas est, si quis fuerit sub tyrannide peccati & Satanae. Quamuis enim peccare nihil minùs videatur, quam seruitutem seruire, verissimè tamen dicendum est: [Omnis qui facit peccatum, seruus est peccati.] Vt autem sentiamus, quanta tyrannide peccatum in homine dominetur, aliquot peccati genera consideremus. Avaritia peccati genus est: vide autem, si in homine emerferit, quid non cogat, animum nunquam finit quietum, noctes cogit insomnes ducere, & quid non mortalia pectora cogit facere, auri sacra fames! Ambitio, luxus, inuidia, si in homine erumpant, quanta tyrannide dominantur? cogunt ex alieno præscripto viuere, mentiri, adulari, sycophantam agere, & quid non? vt interim taceam, quod hominem etiam in æternā perditionem coniiciunt. Verè dictū igitur est: A quo quis superatus est, eius & seruus est. Itemque, Cui accommodastis vos ipsos ad seruiendū, eius serui estis, siue peccati ad mortē, siue obedientiæ ad iustitiam. Hæc autem spiritalis seruitus, multò deterior & miserabilior est, quam corporalis illa. Primò enim

Gal. 3.

1. Pet. 2.
Rom. 6.

enim, qui peccatum facit, non vni domi autē seruus peccati eiicitur. Primo enim, no subiectus est, sed pluribus. Statim est, etsi secundum loci qualitatem, & oculos nim in eum ius & dominium habent hominum in Ecclesia conuerteretur: in oculis tamē Dei, ab Ecclesia vt putridum mors, afflictio, infernus, atque ipse Satā. membrum resecatus, in futuro etiam visibiliter segregabitur, quando exhibunt angeli & separabunt malos de medio iustorum. Deinde etiam à posteriori domo hoc est cælo excludetur. Illuc enim nihil coinquinatū intrabit. Iuxta verbum Davidis: Nō habitabit iuxta te malignus nec permanebunt iniusti ante oculos tuos. Vides igitur, quā pernicioſa res sit peccatum. Potest hoc verbum etiam sic intelligi: Sicut seruus, tametsi pro tempore quædam in domo agit, tamen quōtiā seruus est, nō hæres, non habet ius in domo, nec seipsum, nec alios potest libertate donare. Sic qui peccato obnoxius est, etsi sponte se contiecerit in miseram illam seruitutem, seipsum tamen nō potest pro suo arbitratu eripere à iugo peccati, sed nec alios quidem. Nullus enim captiuus alium captiuū liberare potest. Proinde veram libertatem nec Moyses, nec Patriarchæ, nec Iudæorum sacerdotes conferre potuerunt. Nullus enim eorum fuit prorsus immunis à peccato, nec quisquam eorum ius habuit abolendi peccata. Solus ille liberos reddit & ingenuos, qui solus nulli peccato fuit obnoxius, Christus scilicet, qui peccatum non fecit, &c. Potest etiam verbum hoc Christi aliter intelligi: [Seruus nō manet, &c.] In domo patris familiās & serui & filij operantur, sed dissimili causa. Serui vel spe mercedis, vel timore supplicij: filij autem ex amore erga patrē. Sic in Ecclesia serui sunt, qui tantum spe mercedis vel timore supplicij mala omittunt & bona faciunt, & hi tādē eiicientur. Filij autem, qui ex amore iustitiæ & timore filiali omnia faciunt, hi soli in domo manebunt.

Matt. 13

Apoc. 21
Psal. 5

1. Pet. 2.

Seruus autem non manet in domo, &c.]

Hoc addit, ne quis leue damnum putet, peccati seruum esse. Ponit autē exemplum de seruo, qui non habet ius manendi in domo patris familiās, imō non diutius manere potest, quā domino placitum est. Domus autem Dei in hoc sæculo est Ecclesia Dei, de qua David: Domine, inquit, dilexi decorem domus tuæ. In altero sæculo domus Dei, vita & gloria æterna est, de qua iterum David: Beati qui habitant in domo tua Domine, &c. Itemque, In domo Patris mei mansiones multæ sunt. Ab vtraque

Filius autem manet in domo in æternum.]

Hoc est, filius, quoniam hæres est, & dominus domus, perpetuum habet ius in domo, nec solum ipse verè liber est ab omni seruitute, verum etiam alios potest libertate donare. Christus autem Filius Dei est, & ideo hæres & dominus domus, deniq; & ab omni seruitute liber est, solum ipse eni solus inter mortuos liber est, solum

Psal. 87.
Ioan. 14

luscū dicere potest: Venit princeps mundi huius, & in me non habet quicquam. Ideo & veram libertatem conferre potest.

Si ergo Filius vos liberaverit, &c.]

Christus Filius Dei, sicut adoptionem filiorum Dei, pro inenarrabili sua beniginitate communicat, ita & verè libertatis gratiam nobis præstat. Quia enim omnes homines servituti obnoxierant, nec quisquam eorum alios eripere poterat, descendit Filius Dei de cælo, & homo factus, sua cruce, morte, & resurrectione nos liberavit à iure peccati, ne nos occidat: à iure mortis, ne nos dānet: à iure afflictionum, ne nos molestia afficiant: à iure Satanæ, ne nos perdat, & restituit nos iustitiæ, gaudio, vitæ, & Deo. Non quidè omnino abstulit peccatum, mortem, afflictiones, &c. Hæc enim non auferuntur extrinsecus à credente: In mundo, inquit, pressuram habebitis. Similiter omnes moriuntur, præterea credentes sæpe numero in carceres inferni coniiciuntur, ut David, Iob, &c. Nō igitur nos liberat Christus à sensu horū malorū, donec venerit novissim⁹ ille dies, sed liberat nos à iure & dominio ipsorum, & adimit eis aculeum, quo omnes homines peribant.

Ioan. 16 Hinc in Osee: De manu mortis liberabo eos, &c. Et Paulus: Vbi est mors aculeus tuus, &c. Sentimus quidem afflictiones, sed non perimus: occidimur, sed non morimur: persecutionem patimur, sed nō destituimur, &c. Videmur quidem tristes, sed semper tamen sumus gaudentes: castigati, sed non mortificati, &c. Hic igitur videmus, quā necessarius sit nobis Christus. Quem enim ipse Christus liberum facit, is verè liber est, etiamsi ex ancilla natus sit. Qui autem per Christum non fuerit in libertatē collocatus, is verè mācipiū est crudelissimorū dominorū, etiāsi fuerit à nobilissimis ac liberrimis parentibus prognatus. Deinde vides hic, quod vera libertas non in hoc consistit, ut nulli subiectus sis, ac facere possis quicquid libet, sed ut à iure peccati & mortis liber sis.

Scio quod filij Abrahamæ estis.]

Postquam obiectionis Iudaicæ posttorem partem dissolvit, illam scilicet, qua dixerant: Nemini serviimus vn-

quam, nunc priorem aggreditur, illam scilicet, qua intolerabilem spirando superbiam deflauerant, dicendo: Semen Abrahamæ sumus. Ideo autem ita dissolvendas præposteravit partes, quia de hac maxime superbiæ materia plura dicturus est. Vide autem, quā mansuetè respōdeat. Potuisset iure optimo dicere cum Ezechiele: Pater tuus non est Abraham, sed Amorrhæus, & mater tua Cethæa. Imò potuisset eos cum Esaia nominare, principes Sodomorum, & populum Gomorræ. Nihil tamen horum facit, sed tantū. [Scio quod filij Abrahamæ estis.] Est autē sensus verbi. Nihil opus est hac gloriatione. Omnes enim sciunt, vos stirpe Abrahamæ prognatos. Omnibus deniq; cōpertum est, vos de hac re semper solitos gloriari. Scio & ego, quā altè hæc superbia cordibus vestris infixā sit. Atqui vana est hæc gloriatio de carne & semine Abrahamæ carnali. Nam caro Abrahamæ nihil melior est, quā aliorū hominum caro: siquidem & ipsa de massa præuariatricæ est, genus etiam eius Chaldaicū. Vera igitur generositas Abrahamæ, nō est ex carne, sed ex fide: non ex gente, sed ex virtute: non ex proptia seminis sui qualitate, sed ex longanimitate obedientiæ. Hæc autem, quia in vobis non conspiciuntur, vana est vestra gloriatio. In hunc modum & Ioannes eis dixerat: Nolite dicere, Patrem habemus Abraham. Potēs est enim Deus de lapidibus suscitare Filios Abrahamæ. Et Christus: Multi venient ab oriente & occidente, & recumbent cum Abraham, &c. Filij autem regni eiiciuntur, &c. Docemur hoc verbo, vanum esse, imò ridiculum de genere siue nobilitate, aut sanctitate parentum gloriari, si nos degeneres simus. Deinde docemur, parentum iustitiam nihil coram Deo nobis profuturā, nisi addamus & propriam, quemadmodum econtra nec parentum peccata nobis obesse possunt, si eorum impietatem non imitemur. Id quod in Ezechiele ad longum ostenditur.

Sed queritis me interficere.]

Re ipsa & exemplo probat eos, quod ad fidem & pietatem attinet. Abraham mo dissimiles. Abraham enim exultavit, ut videret diem Christi: illi autem Christum perimere quærebant.

Sicut

Sicut igitur superiori verbo concessit, eos secundum carnem esse filios Abrahamæ, sic hic eos à veris Abrahamæ filiis longè discernit, quasi diceret: Estis quidem filij Abrahamæ, sed hoc facto vos ipsos proditis quales filij sitis, nempe non quales Isaac & Iacob, sed quales Ismael & Esau. Iam cum Ismael è domo & hæreditate Patrie eiectus sit, & Esau benedictione paterna priuatus, videte quid vobis expectandum sit. Si illis cognatio Abrahamæ nihil profuit, nec vobis proderit. Attendant & hoc Pseudochristiani, qui inter fideles quidem censerigaudent, sed non aliter inter eos sunt, quàm Iudas inter Apostolos, & Simon Magus inter baptizatos.

Quia sermo meus non capit in vobis.]

Ne viderentur iuste eum persequi, addit causam odij eorum. Non, inquit, ob malefictum aliquod me quaeritis interficere, quamuis id sedulo prætendatis, sed quia sermo meus non capit, hoc est, non intelligitur à vobis, vel sermo meus conscientias quidem vestras percutit, sed non capit. Atque hæc est causa odij vestri contra me, licet non iusta. Quod enim in sermone meo non capit, hoc pie credendum & diligenter interrogandum esset. Quod autem verbis vos increpo, ad bonum vestrum facio. Gratis igitur & sine causa me persequimini. Obserua quod virtus verborum Dei est, quod capiunt homines, imò quasi rapiunt & furantur hominum corda. Rapiunt, inquam, extra se in Deum. Felix quem verbum Dei sic capit. Verum, vt hic audis, verbum Dei non omnes capit, sed tantum eos, à quibus fide ac desiderio suscipitur. Est enim verbum Dei sicut hamus, qui piscem non capit, nisi à pisce prius apprehendatur. Captus autem à verbo Dei, è tenebris & aquis extrahitur ad lucem & vitam. Causa igitur, quod tam pauci à verbo Dei capiuntur, nulla alia est, quàm quod verbum Dei ositanter audimus, vel omnino negligimus, cum sciamus scriptum esse: Apertis os tuum, & implebo illud.

Ego quod vidi apud Patrem, loquor, etc.]

Suo ipsius exemplo docet, quid ad generosum Filium pertineat, quasi diceret: Eius quisque filius est, cuius mores

imitatur. Abit enim exemplum parentis domi conspectum, in mores filiorum. Ego dictis & factis doceo, me filium esse eius, qui me misit: hoc & vobis faciendum est, si de Abraham gloriari vultis. Deinde de hoc verbo etiam doctrinam suam confirmat, quasi diceret: Pater meus verax est: veritatem apud ipsum vidi: nihil igitur loquor, nisi veritatem. Dixi me esse lucem mundi, fontem vitæ, & panem viuum. Mendacia hæc non sunt, sic enim docuit me Pater, propterea, quod naturalis eius Filius sum: adeoque ipsa mea natiuitas à Patre, mihi doctrina est. Postremo hoc verbo manifestè seipsum discernit & segregat à Iudæis, imò & ab omnibus hominibus, cum alium sibi, alium ipsis esse Patrem indicat. Pater, quem Christus factis exprimit, Deus est: Pater, quem Iudæi imitabantur, Diabolus erat. Docemur igitur hoc verbo, omnes homines referre Satanam, & discipulos eius esse: propterea, quod omnes sub eius potestate nascantur. Prima igitur natiuitate nostra audimus, Satanam nos omnia malorum genera docentem, eiusque per Adam discipuli admodum sequaces facti sumus.

Pater noster Abraham est.]

Impius cum arguitur, vel conuitia regit, vel si aliud non potest, dissimulat se audisse, imò obstruit aures tãquam aspis surda. Vtrumque hic in Iudæis videmus. Primò enim, cum re ipsa eos conuicisset, Abrahamo dissimiles esse, tamen quasi nihil audissent, rursus clamant: [Pater noster Abraham est.] Deinde quod Christus dixerat: Vos quæ apud Patrem vestrum vidistis facitis, arripiunt, quasi in contumeliam ipsius Abrahamæ dictum sit, quasi dicerent: Quid nobis Patrem nostrum exprobas, quasi impia nos docuerit Abraham, cum scripturæ testimonio sanctissimus sit? Per hoc igitur conabatur conuitium aliquod contra Abraham elicere: quod si fieret, populum ad lapidandum Christum prouocassent. Sed frustra iacitur rete ante oculos pennatorum.

Si filij Abrahamæ estis, opera Abrahamæ facite.]

Optima responsio, imò superbientium cõfutatio. Si filios vos Abrahamæ profiteamini,

Psal. 57

Prou. 1

Ps. 1. 80.

mini, ut sitis veraces in hac professione, opere eorum ante faciem eorum statueret.

Hoc Abraham non fecit.]

Nullum interfecit innocentem, imò etiam pro nocentibus, Sodomitis scilicet, orauit. Nullum item à Deo missum nuntium ludibrio habuit, quin potius cum omni reuerentia & hospitalitate, domo suscepit, sicut patet de tribus Angelis. Nullum denique Dei verbum contempsit, sed summa fide suscepit, maxime promissionem de futuro Christo.

Vos facitis opera patris vestri.]

In Psalmo dicitur: Omnia cornua peccatorum confringam. Haecenus igitur Christus Iudaicam superbiam vno cornu mutilauit: nunc ad alterum cornu simili modo confringendum transit. Duobus quippe cornibus, contra veritatem arietabant, patrem Abraham, Patremque Deum se habere iactantes, & idcirco libertate, qua veritas eos liberaret, se non indigere mentientes. Hoc igitur verbo Christus eis occasionem praebet, ut fortius eos deiciat. Statim igitur profiliunt.

Nos ex fornicatione non sumus nati, &c.]

Dupliciter intelligitur. Primò, Non sumus ut ceteri, quos Abraham genuit, filij concubinarum haereditate Patris indigni, ut Ismael & alij, quos ex Cethura genuit, sed sumus ex legitimo Saræ coniugio nati, cuius filium solum elegit Deus ut esset Deus eius: pactum vero meum (inquiens) statui ad Isaac. Secundò potest intelligi de spiritali fornicatione, quæ nihil aliud est, quam idololatria. Sic enim Deut. xxxi. Osee i. Ezechie. xvi. Idololatria dicitur fornicatio. Sensus igitur est, Non sumus à stupro nati, non colimus deos alienos, non sumus à gentibus idololatri. Bona fuisset hæc gloriatio, si vera fuisset.

Vnum Patrem habemus Deum.]

Et hæc optima gloriatio esset, sed vera non erat. Cæterum, quod Dei filios se esse gloriatur, è scripturis acceperunt. Sic enim dicitur Pharaoni: Filius meus primogenitus Israel: Dimitte filium meum, &c. Sic Moyses: Nonne ipse est pater tuus, &c. Verum non satis est verbis dicere, se Filium Dei esse: Si ego inquit,

Gene. 18.
Esai. 51.

filij suis, ut timeant Deum. Hinc & Esaias eos admonuit: Attendite ad Abraham patrem vestrum, &c. Hoc idem verbum & nobis dictum sciamus. Nam & nos quoque & de Christo, & de sanctis patronis gloriamur, cum interim & Christo & sanctis omnino dissimiles simus.

Nunc autem queritis me hominem, qui, &c.]

Iterum inculcat, quod supra se audisse dissimulabant, verum non simpliciter repetit, sed cum pondere. Singula enim verba pondus suum habent, & quasi quibusdam gradibus accersit cumulus Iudaicæ iniquitatis. Primò enim præceptum Dei est: Non occides. Quicumque, ait, effuderit sanguinem humanum, fundetur sanguis eius. Vos autem me hominem queritis interficere, & innocentem minimeque reum mortis, cum lex præcipiat: Innocentem & iustum ne occidas.

Deinde, veritatem loquentibus debetur merces, non poena: Vos autem me veritatem annuntiantem occidere queritis, ex quo vos inimicos veritatis liquido probatis. Demum, si quis veritatem ab homine auditam aspernetur, tolerabile quidem malum est: à Deo autem veritatem auditam loquenti repugnare, grande piaculum est. Id enim non est hominem spernere, sed Deum. Quis autem impunè spernit Deum? Iam, cum ego

non quamcunque veritatem annuntiem, sed eam quam à Deo audiui, planum est vos grauissimè peccare. Vide quomodo peccatum eorum exaggeret, non ut desperent, sed ut compungantur & timeant. Sic & impijs quibusque nunc quidem blande loquitur: Cæterum obstinatis, tandem loquetur in ira sua, iniquitatesque

Luc. 10.

Psal. 2.

Psal. 49

Gen. 18.

Psal. 74.

Gen. 18.

Gen. 18.

Exod. 4.

Deut. 1.

Inquit, pater vester sum, vbi est amor meus? Sic facile est dicere: Pater noster, qui es in cælis, &c. sed non satis est, &c.

Si Deus Pater vester esset diligeretis me.]

Nihil verius. Aequalia enim sunt Deū Patrem habere, & Filium Dei diligere.

Omnes enim Filij Dei inuicem diligūt, vtpote habentes vnum adoptionis spiritum. Siquidem nec aliter Filij Dei esse possent, nisi habendo dilectionem ad inuicem. Amplius autem & incomparabiliter illum vnum & vnicum proprium & consubstantialē Dei Filium omnes diligunt, vtpote per quem eundem adoptionis spiritum accipere meruerunt, quia quod solus erat per naturam, hoc multis fratribus concessit ex gratia, vt Filij Dei nominentur, & sint. Nemo igitur verē potest gloriari de Deo, nisi in Christum credat, eumque diligat. Frustra igitur Turcæ, Iudæi, Hypocritæ, &c. vñ Deum creatorem, vt aiunt, cæli & terræ colunt. Propterea, quod non per Christum colant, nec videāt nec audiāt Christum. Per solum enim Christum potest penetrari ad Deum, per solum ipsum potest audiri Deus, quoniam ipse est vox Dei, via, veritas, sapientia, & omnium bonorum thesaurus.

Ego enim à Deo processi & veni, &c.]

Causam addit, propter quam iure debeat diligī. Processi, inquit, generatione æterna & ineffabili, secundum diuitiam, qua Deus ex Deo, omnipotens ex omnipotente, æternus de æterno genitus sum. Veni autem secundum assumptionem humanitatem in hunc mundum. Procedere igitur ex Deo, diuinitatis est. Venire autem humanitatis, atque hæc sunt propter quæ iure diligī debet Christus.

Quare loquelam meam non agnoscitis?]

Ne videretur ex arrogantia dixisse: Ego à Deo processi, iterum ad doctrinam suā appellat, quasi diceret: Si ex loquela cognoscitis, ex qua natione quisque est, cur non & meam loquelam attenditis? Si Deum creditis veracem, beneficium, salutiferum, amicum pijs, inimicum impijs, cur non in me quoque ag-

noscitismores & ingenium Patris? quandoquidem in dictis factisque meis, nihil conspiciatis ab hisce rebus degenerans. Obserua, quod nedum vita, sed & loquela Christiani talis debet esse, vt inde agnoscī possit, quod sit Filius Dei.

Quia non potestis audire sermonem meum.]

Tanti mali causa nulla alia est, quàm quod cor vestrum vsque adeo liuore & inuidia intabuit, vt nec æquo animo audire possit sermonem meum. Alioquin vel ipsa lex vestra signum dat, quo cognoscere possitis, num verus vel falsus Propheta sim. Si nō euenerit, quod Propheta prædixit, in nomine Domini, ait Moyses, hoc Dominus non est locutus, &c. Obserua, quid faciat liuor & odium. Non enim potest veritatem audire. Obserua, quod eadem verba Christi, quæ pijs summè consolatoria sunt, impijs intolerabilia sint. Verba enim sapientum sunt, quasi stimuli & clauī, &c.

Vos ex Patre Diabolo estis.]

Hactenus mansuetè & cum summa misericordia aduersarijs respōdit. Nunc vt sciant eum nedum misericordiam diligere, sed & iudicium, seuerè eos alloquitur. Hinc est, quod in scripturis & agnus & leo dicitur: Agnus propter mansuetudinem, quam prima facie omnibus ostendit: Leo autem propter iudicium, quo in obstinatos vtitur. Interim tamē videmus etiam in media ira eius misericordiam. Sicut olim Abacuc prædixit: Cum iratus fueris, misericordiæ recordaberis. Poterat re ipsa eos punire, sed verbis contentus est. Deinde quamuis verba durè sonent, tamē eius intentio bona fuit: non enim vt eos in desperationem adigeret hæc dixit, sed vt territi conuerterentur. Ira enī in indignatione eius, sed vita in voluntate eius. Quod autem hic dicit: [Vos ex patre Diabolo estis] non de natura intelligendum est, quasi Diabolus fecerit vel creauerit impios, quemadmodū Machæus finxit duo principia, vnum bonum, alterum malum. Fides nostra nescit nisi vnum creatorem omnium visibilium & invisibilium. Ex ipso enim, & per ipsum, & in ipso sunt omnia. Et omnia propter semetipsum creauit altissimus, etiam impium ad diem malum.

Natu

Deut. 28

Eccle. 12

Psal. 32

Abac. 3

Psal. 29

Rom. 11

Prou. 16

Naturam (inquam) fecit Deus, quæ in se bona est, non autem peccatum, quod accidens est, & inuidia Diaboli intrauit in orbem terrarum. Dicuntur autem Iudæi, imò omnes impij, & qui per Christum regenerati non sunt, esse ex patre Diabolo. Primò, quia amissa Dei similitudine, Diabolo similes facti sunt, & quoad peccatum, & quoad poenam: Secundò, quia instinctus Diaboli sequuntur, eumque imitantur. Solet autem scriptura ex imitatione & similitudine filios appellare. Sic Ezechiel ad Iudæam: Pater tuus Amorrhæus, & mater tua Cethæa. Tertiò, quia cum ipso & ab ipso hæreditabunt æterna mala. Quartò, quia sub dominio & potestate eius sunt, Paulus lo teste: Deus, inquit, huius sæculi excæcat corda infidelium. Et iterum: Princeps æris huius operatur in filijs diffidentiae. Et iterum dicit, Christum nos eripuisse de potestate tenebrarum, imò in baptismo testamur, regnare Satanam in his, qui non credunt, cum imperamus ei, dicentes: Exi immunde spiritus. Et infra dicit Satanam principem mudi. Iam vide, quò deuenit homo propter peccatum. Creatus erat ad imaginem Dei, hæres omnium bonorum Dei futurus erat. Denique Deus ipse pater eius esse volebat. Quid autem felicius huiusmodi creatura esse potuisset? Verum peccante homine, omnia in diuersum abierunt: Qui ad Dei similitudinem formabatur, iumentis similis factus est, imò ipsi Diabolo. Deinde, qui Deum Patrem habebat, nunc Diabolum habet. Postremo, qui omnium Dei bonorum hæres designatus erat, omnium malorum cum Diabolo factus est particeps. Nec ad pristinam dignitatem vnquam peruenire potest, nisi per Christum. Si filius, inquit, vos liberauerit, verè liberi eritis. Omnes igitur homines, qui Christum ignorant, vel in eum non credunt, subiacent huic sententiae: [Vos ex patre Diabolo estis.] Hoc igitur vel vnum verbum nos ad Christum adducere, imò cogere deberet.

Et desideria patris vestri vultis facere.]

Hoc verbo discernit reprobos ab electis. Nam & electi, quatenus ex Adam prodeunt, filij Diaboli sunt & sub eius

potestate, sed inuiti & repugnantes, semper cupiunt liberari, & cum Paulo dicunt: Infelix ego homo, quis me liberabit? &c. Impij autem & reprobi nedum sub potestate Diaboli sunt, sed etiam eum imitantur, ac factis expriment. Signanter autem dicit: [Desideria patris vestri:] hoc enim plus est, quam si dixisset, Opera eius imitami. Quamuis enim Diabolus multa mala fecerit & faciat, maiora tamen cupit & desiderat, si permitteretur. Arrogantia enim, imò malitia eius, plusquam fortitudo eius. Sic impij mali quidem sunt ad extra, sed multo peiores in corde. Hinc est, quòd iuste æterna poena puniuntur, quamuis enim peccatum sit temporale, tamen perpetuò vellent peccare, si possent.

Ille erat homicida ab initio.]

Hic incipit Diaboli conditiones describere, ut auditores eò fortius tam impium patrem, imò tyrannum, fugiant. Duo autem ei attribuit, mendacium & homicidium. Mendacio enim blasphematur Deus, homicidio occidit genus humanum. Et qualis ipse est, talia etiam operatur in cordibus eorum, qui non sunt Christi. Facit enim ut mendaces sint, id est, contemptores Dei, confidentes sibi ipsis. Item facit, ut sint homicidæ, hoc est, ut se saluos velint, etiam si omnia alia pereant. Etenim hoc est regnum Satanæ, cui miseri tantum securitate fructificamus. Quid autem boni sperandum est, ubi nihil nisi mendacium & homicidium est? E contra in regno Christi potissimum regnant veritas & charitas. Et quid mali esse potest, ubi hæc duo regnant? Ex his facile conijcere potes, an ad regnum Christi vel Diaboli pertineas. Obserua autem, quòd Diabolum non simpliciter dicit occisorem, sed homicidam: nec ab heri & nudiussertius, sed ab initio, ut videamus, quid ab ipso nobis expectandum sit. Quòd autem addit ab initio eum fuisse homicidam, non sic intelligas, Diabolum à Deo malum esse conditum, id quod quidam affirmarunt. Nam ex scripturis palam probari potest, Diabolum in principio fuisse bonum. Dicit enim David de Deo: Omnia in sapientia fecisti. Atqui diuinæ sapientiæ est bona producere. Ideo dicitur: Vidit Deus cuncta quæ fecit, & erant valde bona

bona. Deinde Christus ipse dicit: *Videbam Satanam tanquam fulgur de caelo cadentem. Fuit igitur aliquando in caelo, qui inde tanquam fulgur cecidit. Atqui in caelo malitia locum non habet: Non enim intrabit illuc quicquam coinquinatum. Manifestius autem in Ezzechiele, sub typo principis Tyri, bona Diaboli natura in principio describitur: Tu, inquit, signaculum similitudinis Dei, plenus decore, &c. perfectus in vijs tuis à die creationis tuæ, donec inuenta est in te iniquitas, &c. Et quid opus multa adducere, cum Christus infra statim de ipso addit: In veritate non stetit. Quo verbo nimirum manifestè innuitur, eum aliquando in veritate fuisse, sed non perseverasse. Intellegendum igitur est verbum hoc vel ab initio peccati, vel ab initio creationis humanæ, & productionis mundi corporei, eum fuisse homicidam. Potest autem intelligi primum de Christo. Homicida fuit Diabolus ab initio, hoc est, quod vos nunc me quaeritis interficere, hoc Diabolus semper iam inde à principio quaesivit. Semper enim insidiatus est Filio Dei, & calcaneo eius, imò propter ipsum omnes electos persecutus est. Vel potest intelligi de homine, quem Diabolus sua suggestione spiritualiter occidit, & à Deo separavit. Occidit autem hominem non ferro accinctus, sed mendaci & lethifera persuasionem. Vnde consequitur, quod omnibus qui alicui homini malum persuadet pestifera lingua, homicida coram Deo est. Hinc David: Filij hominum, dentes eorum arma & sagittæ, & lingua eorum gladius acutus. Deinde, Diabolus animam tantum hominis spiritualiter occidit, non corpus: & tamen dicitur homicida. Vnde consequitur, quod coram Deo non solum homicida est, qui corpus occidit, sed qui animam malis exemplis vel verbis inficit: imò, qui seipsum sponte in peccatum coniicit, animam suam occidit. Postremo Diabolus odio contra hominem permotus, eum deceptit. Vnde consequitur, quod odium in corde coram Deo homicidium reputatur. Hinc Ioannes: Qui odit fratrem suum, homicida est. Ob hanc enim causam Diabolus hic homicida dicitur.*

In Veritate non stetit.]

Primo, quia Filium Dei, verbum Dei quod veritas est, non dilexit. Stare enim in veritate, idem est quod veritatem amare: Stare in Christo, est Christum amare. Secundo in veritate non stetit, his quæ habuit non contentus, maiora vanè præsumpsit. Ascendam, inquit in caelum, similis ero altissimo. In veritate stare, est seipsum agnoscere ut creaturam, & omnia quæ habet, non sibi, sed Deo ascribere, nec maiora vanè iactare. Tercio in veritate non stetit, quia scilicet creatus & optimis bonis excultus erat, sed lapsus est in mendacium, & miseriam. Hinc Petrus: Deus, inquit, Angelis qui peccauerant non pepercit, sed catenis notis in Tartarum præcipitatos tradidit, servatos in iudicium. Hinc & Esaias: Quomodo cecidisti Lucifer, qui mane oriebaris! Quarto in veritate non stetit, quia vera bona, hoc est, Deum ipsum contempsit, & falsa bona, honorem scilicet, quæ sinit. Qui enim vera bona contemnit, & falsa vel imaginaria amplectitur, qualia sunt omnia temporalia, is in veritate non manet. Hinc David: Filij hominum, ut quid diligitis vanitatem, & quaeritis mendacium! Et Salomō: Vanitas vanitatum & omnia vanitas. Sicut autem Diabolus in veritate non stetit, sic & effecit, ut homo in veritate non persisteret, sed in mendacium & miseriam ipse quoque rueret. Et adhuc facit, ut filij sui in veritate non persistant. Obserua, si tam nobiles creaturæ, quales fuerunt primus Angelus & primus homo, in veritate non persisterunt, sed lapsi sunt, quid de viribus nostris præsumendum est? Qui igitur stat, videat ne cadat.

Quia veritas in eo non est.]

Amisssa semel veritate, iam nihil nisi mendacium est & loquitur. Primum siquidem eius verbum, quod in scripturis legitur, nec est nec erit unquam, scilicet quod dixit: Ascendam super altitudinem nubium, similis ero altissimo. Quis enim in nubibus æquabitur Domino, similis erit Deo in filiis Dei? Secundum nihilominus verbum, quod dixit: Eritis sicut dii, nec est nec erit. Quis enim sicut Dominus noster, qui in altis habitat? Imò mendacium est, etiam si eveniat quippiam eorum, quæ esse vel

Y futura

Esai. 14.

2. Pet. 2.

Esai. 14.

Psal. 4.

Eccles. 1.

1. Co. 10.

Esai. 14.

Psal. 88.

Genes. 3.

Psal. 11.

futura esse dixerit: Nihil enim corde simplici, nihil omnino loquitur absque intentione fallendi. Sic ad Christum verè quidem dicebat: Angelis suis mandauit de te, &c. sed fallere intendebat. Obseruet hæc qui Dæmones consulunt, & à diuinis natoribus veritatem inquirunt.

Cum mendacium loquitur, ex proprio loquitur.]

Ex proprio, inquit, id est, ex proprio corde confingit. Et ita mendax est, vt & mendacii pater sit, id est, author & inuentor. A nullo enim mendacium audivit, sed apud seipsum confinxit. Superbia namque tumens, maluit refuga fieri patet mendacii, quàm apud altissimum Patrem, filius & amator veritatis persistere inter filios Dei. Ex hoc verbo colligitur, quòd etiam homo, quandoquidem & ipse in veritate non stetit, ex seipso nihil nisi mendacium loquitur. Hinc David. Omnis homo mendax. Ob id, vt Apostoli vera loqui possent, opus habuerunt spiritu veritatis, qui veritatem suggereret. Hinc Christus dicit: Non vos estis qui loquimini, sed spiritus Patris vestri, qui loquitur in vobis. Et iterum: Ego dabo vobis os & sapientiam, &c. Hactenus igitur breuiter quidem, sed manifestissimè conditiones Diaboli expressit.

Ego autem si veritatem dico, non creditis.]

Christus hic exemplo medici, postquam morbum & grauitatem illius Iudæis expressit, nunc toto studio laborat eos à morbo reuocare, ne pereant. Primo autem quasi aspera quædã medicamenta putrido vulnere admouens, quæ totam eius saniem & putredinem exedant, acriorib⁹ interrogationibus eos aggreditur. Sicut autem Esaias admiratur populi ingrati tudinem & cæcitatem, cum dicit: Audite cæli, &c. Filios enutriui & educaui, &c. Item Hieremias, cum dicit: Stupor & mirabilia facta sunt in terra: Prophetæ loquuntur mendacium, &c. Sic Christus hic admiratur eorum cæcitatē, quasi diceret: Annō insignis cæcitas in vobis est! Per me factus est homo, per Diabolum autem deceptus, & tamen plus illi adhæret quàm mihi: Ego veni saluare, ille homicida est, circū-

cuit quærens quem deuoret: Ego veritatem dico, ille mendacium: Ego vera bona promitto, ille tantum falsa: & tamen plures inuenit qui ei credant, quàm ego qui mihi adhæreant. Quid autem isto peruersius, quid tali oculo nequius! Sed ne mireris. Quid enim mirum, si veritati non credant, qui ex Diabolo patre sunt? Generationis autē Diabolicæ proprium est, vt commutet veritatem Dei in mendacium, dicendo malum bonum, & bonum malum: lucē tenebras, & econtra, &c.

Quis ex vobis arguet me de peccato?]

In Michæa dicitur: Iudiciū Deo cum habitatoribus terræ: Popule meus, quid feci tibi! Responde. Sic Christus hic iudicio contendit cum Iudæis, quasi diceret: Nihil potestis vestræ incredulitati prætexere. Nam primū doctrina mea vera est & irreprehensibilis, nec à quoquam refelli potest. Deinde, vita mea est inculcabilis, nec à quoquam peccati accusari possum. Doceo veraciter, viuo sanctè. Quòd verbis doceo, factis præsto. Sic verè in iudicio nulla nobis remanebit excusatio. Habes ex hoc verbo, quòd etiam sanctitas vitæ facit ad probationem doctrinæ. Tria enim sunt, quæ doctrinam probant. Sūma & certissima regula probandi doctrinam, est scriptura sacra, ita vt præceptum sit, ne quis omnino audiat Prophetam, si quid docuerit cōtra scripturam, etiam si miraculis clareat. Et addit talibus miraculis à Deo tentari populum: Post scripturam, miracula probant doctrinam. Hinc Christus sæpè ad miracula nos dirigit: Si mihi, inquit, non creditis, operibus credite. Postremò, etiam vita docentis probat doctrinam. In Christo autem omnia hæc conspiciuntur. Deinde, hoc verbum etiam summè nos consolatur, quia enim ne aduersarij quidem Christum peccati arguere potuerunt, sed totus à peccatis liber fuit, potuit verè mediatorem, imò summum sacerdotem agere inter nos & Deum, nosque à peccatis mundare & Deo reconciliare, quòd facere non potuisset, si & ipse peccatis obnoxius fuisset. Ob eam enim causam sacerdotes Leuitici hominem perfectè non potuerunt Deo reconciliare, quia & ipsi erant peccatores, & necesse habebant, sicut pro populi, sic & pro proprijs

Hebr. 7. prijs delictis orare & offerre: Christus vos fascinavit, non credere veritati?
 autem verè pontifex est, sanctus, innocens, impollutus, &c. Ideo per se metipsum audet ad Deum accedere, &c.
 Postremò, docemur hic exemplo Christi, qualis debeat esse vita Christianorum, nempe irreprehensibilis & sine crimine. Sine peccato quidem esse non possumus: nam reliquiae peccati etiam nunc in nobis manent, & subinde repululant. Verùm sine crimine debemus vivere coram mundo. Hinc Paulus: Ephes. 5. Avaritia autem & immunditia nec nominetur in vobis, sicut decet sanctos. Ideo praecepit, ut abstineamus ab omni fratre inordinatè ambulante, imò ne cum huiusmodi cibum sumamus. Maxime autem Apostolos, Prædicatores & Episcopos decet esse irreprehensibiles. Hinc Paulus de seipso: Habentes, inquit, hanc administrationem, abdicamus occulta dedecoris, &c. commendantes nos ad omnem conscientiam hominum in conspectu Dei. Ad hoc quidam etiam illud applicant: Excutite pulverem pedum, hoc est, etiam levia peccata, sine quibus vita hæc transigi non potest, à Prædicatore vitanda sunt, quemadmodum Salomon ait: Eccl. 9. Omni tempore vestimenta tua sint candida.

Si Veritatem dico, quare non creditis?

Veritas, quemadmodum & lux per se ipsam amabilis est (nisi fortè ægris oculis odiosa sit) dirigit enim: Et maxime veritas divina, quæ ad Deum nos dirigit. Hinc David precatur: Emitte lucem tuam, & veritatem tuam, ipsa me deduxerunt, &c. Sicut igitur leuitatis est, citò credere, sic magnæ cæcitate signum est, veritati non credere. Ideo dicit: [Si veritatem dico, quare non creditis?] quasi diceret: Si durum est Diabolum habere patrem, & mendacio ludificari, cur mihi & veritatem dicenti, & adoptionem Filiorum Dei promittenti, non creditis? Non potestis à mendacio liberari, nisi per veritatem: Non potestis à iugo Diaboli eripi, nisi per Filium Dei. Offertur vobis ultro veritas, cur eam spernitis? Dixi me esse Filium Dei, idq; miraculis comprobavi. Quis igitur

Qui ex Deo est, verba Dei audit, &c.]

Rationem ponit, cur non credant, & verissima ratio est. Sanè, si rerum naturam attendimus, omnia ex Deo sunt, quia ab eo ortum habent & existunt. Ex ipso enim & per ipsum omnia. Si verò spiritualementem natiuitatem attendimus, quæ Filij Dei gignuntur, hi soli ex Deo sunt, qui per Christum ex aqua & Spiritu sancto regenerati sunt. Item, hi soli ex Deo sunt, qui ex electione sunt. Item, hi soli ex Deo sunt, qui ex prima benedictione sunt, quam accepit homo ante peccatum. Virtute enim eius benedictionis tantum electi nati fuissent, si homo non peccasset. Post peccatum autem, dictum est mulieri: Multiplicabo conceptus tuos. Hinc igitur & mali ceperunt nasci. Sed hi non ex Deo, non ex prima benedictione, sed ex maledictione sunt, ideo non audiunt verbum Dei. Qui autem ex electione & benedictione sunt, hi audiunt. Hinc Ioannes: Amicus (inquit) sponsi audit vocem sponsi, & gaudet, &c. Sic sponsa: Sonet, inquit, vox tua in auribus meis. Et David: Quam dulcia faucibus meis eloquia tua. Item, In corde meo abscondi eloquia tua. Et iterum: Bonum mihi lex oris tui, &c. Audiunt autem, qui ex Deo sunt verba Dei, non solum auribus corporis, sed & mentis affectu, & executione operis. Qui enim tantum externis auribus audiunt, nec ea menti insigunt, vel ad opus accommodant, verba Dei audire dicendi non sunt, nec fructum aliquem referunt. Quemadmodum semen, quod secus viam cadit, non fert fructum: quia aut conculcatur, aut volucres comedunt illud. Hinc Paulus: Non auditores legis, iusti sunt apud Deum, sed factores. Et Iacobus: Estote factores verbi, & non auditores tantum, &c. Seruus enim sciens voluntatem Domini, & non faciens, vapulabit multis.

Propterea vos non auditis, quia non estis, &c.]

Durissima sententia, quæ nedum Iudeos damnat, sed etiam plures Christianis. Si ex Deo non sunt, qui verbum Dei non audiunt, quis non videt, quam pauci sunt electi, tametsi multi, imò omnes vocati sint. Attendat igitur
 Y ij quilibet

quolibet conscientiam suam, quomodo affectus sit erga verbum Dei, & videbit num ex Deo sit vel non.

Nōne bene dicimus, quod Samaritanus, &c.]

Iracundi & præcipitis animi indicium est, correptionem mansuetè & leniter illatam non ferre, sed ilico in conuitia & contumelias erumpere, & cum vera non assint, quæ rectè obijci possint, etiam falsa confingere, quæ alteri impingat, quemadmodum Iudæi hic faciunt. Samaritanum autem Christum nominant, vel quia apud Samaritanos olim ad tempus manserat, vel quod Samaritanos aliquando Iudæis præferebat, vt in parabola de eo, qui descendit ab Hierusalem in Hiericho: Vel quia putabant eum transgressorem legis, & à Moyse defecisse, quemadmodum Samaritanos. Dæmonium autem habere eum insimulant, tum quia opera eius, vt alibi principi dæmoniorum ascribebant: vel ideo, quod secreta cordis eorum sæpè manifestauerat, quod putabāt ex Diabolo esse. Summa, hoc vno verbo & doctrinam & vitam Christi calumniatur, Doctrinam, cum dicunt, eum dæmonium habere: Vitam, cum dicunt, eum Samaritanum, per hoc significatum est, & vitam & doctrinam piorum semper calumnijs impiorum patere, ne nullam videatur suæ incredulitatis causam habere. Si enim patrē familiās Beelzebub vocauerunt, quanto magis domesticos eius! Attende igitur, quantam à peccatoribus sustinuit contradictionem Filius Dei, ne tu deficiās, si tale quid etiam tibi contingat.

Ego dæmonium non habeo.]

Hic vides verè dixisse Petrum de Christo: Cum malediceretur, non maledicebat, &cæ. Accepit enim grauem ab æmulis calumniam, & falso illatam, quam tamen verè in eos retorquere potuisset: Verum à contumelijs etiam veris temperauit, & mansuetissimè respondit, hac dulci verborum mansuetudine eos ad lenitatem animi reducere curans. Responsio enim mollis frangit iram, &c. Et iterum: Verbum dulce multiplicat amicos. Non autem negat se Samaritanum esse. Primò quia parum refert, Iudæus

Samaritanus]

quis sit an Gentilis. Corā Deo enim neque circumcisio, neque præputium aliquid est, sed obseruatio mandatorum Dei. Secundò, quia Christus secundum spirituales sensum verè Samaritanus, id est, custos est. Ipse enim custodit omnes diligentes se: Et custodit animas sanctorum suorum, &c. Nisi enim ipse custodierit ciuitatem, frustra vigilat qui custodit eam. Præterea etiā ideo non respondet ad obiectum vitæ crimen, vt exemplo suo nos doceret, nec nobis magnopere desudandum esse in defendenda à calumnijs vitæ nostræ innocentia, ne magis inanis gloriæ cupidi, quàm innocentiae & veritatis defensores videamur. Respondet autem Christus ad crimen doctrinae suæ obiectum: omnibus enim modis asserenda est doctrinae sua veritas & autoritas. Hoc enim non nostræ, sed Dei gloriæ refert, quam adserere oportet omnibus etiam incommodis nostris. Docemur hic, quæ ad Deum pertinent, vindicare nos debere cum multa diligentia: quæ verò ad nos spectant probra despiciere. Contrarium huius facit mundus, &c.

Sed honorifico patrem meum.]

Probat se dæmonium nō habere, ex eo, quod in omnibus gloriam Dei quaerit, & munus à Deo iniunctum in gloriam Dei exequitur, semperque hoc agit & ubiq, vt solus Deus glorificetur. Ideo ad passionem iturus, verè dicere potuit: Ego te clarificaui super terram, &c. Hæc autem duo contraria sunt, dæmoniū habere, & Deū honorificare. Nam dæmon Deum glorificare non potest, nec aliud obstat ei ad salutem, &c.

Vos autem inhonorastis me.]

Ostendit se optime sentire eorum contumelias, quamuis tunc non eas puniret. Sic omnia peccata nostra videt & sentit Deus, etiamsi non statim puniat: Suo autem tempore statuet ea nobis ob oculos. Emphasim autem habent hæc duo verba: [Vos, & Me.] Quis tantam impietatem in Israel quæsiisset, vt cum omnes alij Christum honorificent, ipsi soli blasphemarent, quem primi omnium suscipere debuerant. Hoc idem verbum etiam in nos competit. Iustè enim de nobis conqueri potest: [Vos inhonorastis me.]

Ego

Ego gloriam meam non quero.]

Hoc addit, ne Iudæi putarent ex ambitione eum dixisse: Quis me arguet de peccato? Item, ne putarent eum iniurijs offensum, vindictam ab ipsis expetere. Ipse enim nec gloriā ab hominibus quæsiuit, quemadmodum suprā dixit: Claritatem ab hominibus non accipio, nec vindictam exegit ab iniuriantibus, quin potius in cruce clamauit: Pater, dimitte illis, &c. In eundem modum Christianus non debet quærere suam gloriā, sed gloriam Dei, quod si facit, nec ipsi deerit gloria. Scriptum enim est: Qui glorificat me glorificabo eum. Quod si hoc in præsentis sæculo non fiat, at certo glorificabit suos in cælo Deus.

Est qui quærat & iudicet.]

Deus Pater gloriam Christi quærit. Hinc in Daniele: Dedit illi gloriam, honorem, & regnum. Hinc & iudicium omnino dedit Filio, vt omnes honorificent Filium, sicut honorificant Patrem. Idem etiam Deus iudicabit, & vlciscetur iniurias Christo illatas. Hinc ad Moysen dicitur: Qui Prophetam hunc (nempe Christum) non audierit, ego vltor existā. Hinc Christus in Psalmo orat: Iudica me Deus, & discerne causam meam &c. Item in Hieremia, Tibi reuelauī causam meā Dñe, Quod si Deus gloriā piorū quærit, nō opus est, vt ipsi de gloria vel acquirenda vel defendenda solliciti sint. Et si Deus iniurias suorum vlciscitur, non opus est, vt seipso vlciscantur: Qui tangit (inquit) vos, tangit pupillam oculi mei. Et: Quod vni ex minimis meis fecistis, mihi fecistis.

Amen amen dico vobis, si quis sermonem meum, &c.]

Quemadmodū fidelis medicus, etiam si contumelijs ab ægroto afficiatur, non tamen cessat remedia apponere sanitatis, sic Christus hic, nihil motus tam insigni contumelia, persistit in eo quod ceperat, iterumque repetit id, quod in exordio dixerat. Quod enim hic dicit: Si quis sermonem meum, &c.] Idem est cum eo, quod supra dixit: Si manseritis in sermone meo, cognoscetis veritatem, &c. Signanter autem dicit: Mor-

tem non videbit in æternum. Aliud enim est mori, & videre mortem. Moriuntur etiam sancti, secundum externum sensum, sed non vident mortem: eorum enim mors reuera somnus & obdormitio est. Mortē autē videt, qui desperat & verbo vitæ carent. Est igitur hic locus probè notandus in consolationem eorum, quibus mors ob oculos ponitur. Nam si per fidem verbum Domini morti obtrudant, mox euanescent mors, vt nusquam videatur. Obserua autem, quod non dicit, qui sermonem meum audierit, sed qui seruauerit: Non enim satis audire. Quemadmodum enim non auditores, sed factores legis iustificantur, sic hic non qui audit, sed qui seruat verba Christi, liberatur à morte. Duobus autem modis seruatur verbum Dei. Primò per fidem, deinde per externam impletionem. Obserua item, quod cum prius ad secundam personam sermonem dirigens, dixerit: Si vos manseritis in sermone meo, &c. tertia nunc persona vti maluit dicens vniuersaliter: [Si quis sermonem meum seruauerit, &c.] Nec enim decebat, vt eis, quibus iam dixerat: Vos ex patre Diabolo estis, data sententia de perditione illorum, conditionem iterum ingereret eisdem vitæ & salutis.

Hoc igitur verbo Christus planè præ ostendit, quod propter perversitatem malorum, non solum omitti non debet prædicatio, sed etiam augeri. Deinde docuit, vt & nos exemplo sui discamus, vincere in bono malum, iuxta illud Sapientis: Si esurierit inimicus tuus, ciba eum.

Nunc cognouimus, quod demonium habes.]

Ex hac Iudæorum responsione primò videmus naturam impij. Sicut enim accepta contumelia, bonus fit melior, sic accepto beneficio, malus fit peior. Neque id abs re. Diligentibus enim Deum omnia cooperantur in bonum, etiam si mala sint. Odientes autem Deum, omnia etiam bona in malū vertunt. Deinde vides hic, quā verè dictum sit. Perversi difficile corriguntur. Itemque, Nemo corrigere potest quem Deus despexerit. Impij enim semper proficiunt in peius. Postremò vides hic, naturam carnalis hominis,

Roma.2

Digne seruatum vult.

Roma.11

Pro.25

Pro.25

Roma.2

Eccles.7

Eccle.7

2.Tim.3

Y in hominis,

hominis, qui nihil nisi carnalia cogitat: Nescit aliam vitam quam carnalem, nec aliam mortem, quam corporalem. Proinde, quicquid vel de vita vel de morte audit, tantum carnaliter intelligit. Atqui scriptura aperte nobis duplicem mortem insinuat, quarum una longe ab altera diuersa est. Est enim mors corporis, quae est ipsius animae ab ergastulo corporis dissolutio. Et haec non tam mors, quam obdormitio, transitus & migratio ex hac vita, atque depositio sarcinae corporis dici debet. Eadem quoque non habet annexam rationem culpae, cum omnibus hominibus, tam iustis quam iniustis, sit communis lege naturae & inuitabili necessitate. Ideirco nequaquam formidanda est, imò hanc mortem sancti summis votis exoptauerunt. Hinc Dauid: Heu mihi, quia incolatus meus

Psal. 119
Philip. 1

prolongatus est. Et Paulus: Cupio dissolui, &c. Altera verò mors est animae, quae est ipsius per culpam à Deo separatio in hac vita, & per gehennam ab eius regno, post huius vitae decursum. Haec est mors summe formidanda. De hac morte loquutus est Christus, cum dixit: Si quis sermonem meum seruauerit, mortem non videbit. Nihil igitur ad rem facit, quod inferunt: Abraham mortuus est & Prophetae. Mortui quidem sunt ea morte, quae animam separat à corpore, sed non ea quae animam separat à Deo. Hinc post eorum mortem corporalem dixisse legimus Deum: Ego sum Deus Abraham, Isaac, & Deus Iacob. Non autem est Deus mortuorum Deus, sed uiuentium, ait Christus.

Exod. 3,
Mart. 22

Nunquid maior es patre nostro Abraham?

Hoc cum stomacho & iracundia interrogant, rati magnum nefas esse, si se illo maiorem diceret, qui tamen & hominibus & Angelis maior est. Deinde repetunt, quod supra dixerant. Abraham mortuus est, &c. Quo verbo plane se produnt carnales, & scripturae sanctae ignaros, imò contumeliosos in ipsum Abraham. Quae enim maior contumelia, quam eum mortuum dicere, cui Deus ipse testimonium dat, quod uiuat. Verum impietas, ut seipsum defendat, nec Deo, nec sanctis parcat.

Quem teipsum facis?

Cum exprobratione & amaritudine hoc percuntatur, quia supradicta Christi uerba, per arrogantiam dicta iudicabant, quasi dicerent: Non est ferenda aequo animo tua superbia, qua teipsum usque adeo tumide effers.

Si ego glorifico meipsum, gloria mea, &c.]

Non amplius responderet ad calumniam. Satis enim probauit, se damnium habere non posse, ex eo, quod in omnibus Patrem glorificabat. Solum igitur ad hoc responderet, quod ultimo loco obiecerat: Quem teipsum facis? Seipsum autem glorificat, qui alienae gloriae raptor, sibi ascribit quod non habet, nec sibi conuenit, quemadmodum Diabolus, qui dixit: Similis ero altissimo. Christus autem non seipsum glorificauit: imò cum in forma Dei esset, non rapinam arbitratus est, esse se aequalem Deo, sed seipsum exinaniuit, factus obediens, &c. Est autem sensus uerbi, quasi diceret: Quod me maiorem facto Patriarchis, vanum & medax uideri posset, si ex me ipso inanis gloriae cupiditate hoc fingerem, sed appello ad Patrem meum caelestem, qui me omnibus creaturis, neadum patriarchis, ante saecula maiorem genuit, cuius ego ipsissimus Filius sum: Is, inquam, me glorificat. Expressit enim in me omnia sua bona, totamque suam substantiam in me effudit, ut sicut ipse est aeternus, omnipotens, creator, sic & ego, &c. Obserua iterum, quod Deus pios glorificat. Quia enim Deus per eos glorificatur, etiam ipse eos glorificat. Obserua item, quod sola ea gloria, quam Deus dat, aliquid est, quam autem homo sibi ipsi vel mundus dat, nihil est: Hinc Paulus: Non qui seipsum commendat, ille probatus est, sed quem Deus commendat.

Et non cognouistis eum.]

Iudaei, quamuis de Deo gloriabatur, tamen uere non cognoscebant eum ut Patrem, quandoquidem Filium eius negabant. Nec cognoscebant eum ut Deum, quia uerbum eius non timebant. Vel generaliter non nouistis Deum. Non enim cognoscitur

Phil. 14

Joan. 14

2. Cor. 10

gnosceatur Deus, nisi in verbo. Verbum autem vos contemnitis, & persequimini. Vel, Non cognouistis eum, quia factis negatis. Sic de filiis Heli male uiuentibus dicit scriptura, quod nesciebant Dominum. Et Paulus de quibusdam Christianis, quod confitentur se nosse Deum, sed factis negant.

Ego autem scio eum, &c.]

Quia enim Filius eiusdem substantiae & naturae est cum Patre, & vnigenitum Patris verbum. Item, quia semper quae placita sunt Deo facit, verè dicere potuit: Ego scio eum. Ne quis autem putet hoc per arrogantiam dictum, addit: Et sermonem eius seruo. In hoc enim scimus, quod Deum cognouimus, si mandata eius seruamus.

Abraham Pater vester exultauit, &c.]

Non ignorabat veritas, quicquid respondissent, vertendum esse in calumnia: attamen respondet non propter illos, sed propter nos, vt totus mundus illis non audientibus audiret. Nec in hoc contra scripturam fecit, quae dicit: Vbi non est auditus, ne effundas sermonem, cum nō tam propter illos qui eum persequerantur, quam propter nos, qui credituri eramus, idem sermo fundetur. Vide autem, quā modeste loquitur: Non, inquit, illum contemno, nec me ei praefero. Illud dico, quod is idem Abraham Pater vester exultauit, &c. Hoc igitur verbo latenter se indicauit, maiorem esse quā Abraham. Qui enim beneficium largitur, maior est eo, qui accipit. Deinde hoc verbo refellit, quod dixerant: Abraham mortuus est. Neque enim Abraham, neque prophetae mortui sunt. Vili quidem sunt oculis insipientium mori, illi autem sunt in pace, viuunt adhuc, & diem meum vident. Praeterea hoc verbo magnam patris Abraham fidem Christus commendat. Quid enim est quod ait: Exultauit vt videret diem meum, nisi illud quod & nos in eodem patre fidei nostrae rectè miramur, nempe, quod primus ad praeceptum Dei longam & laboriosam sustinuit peregrinationem: sic tamen, non quasi tristitiam aut necessitatem, sed vt verè magnae lae-

ritiae expectationem. Promiserat enim illi Deus nullum habenti filium, imò sterilem habenti vxorem, quod in semine eius benedicerentur omnes Gentes. Nec statim accepit filium, per quem illud semen benedictionis, quod est Christus, sperare posset, sed prius exijt nesciens quod iret, &c. Hanc igitur eius obedientiam, Christus nominat exultationem. Ex hoc igitur verbo planè constat, quod omnes sancti veteris Testamenti, in futurum Christum respexerunt, atque in eo solo consolati sunt.

Vidit, & gauisus est.]

Vidit autem Abraham diem Christi. Primò, quum promissionem accepit de futuro Christo, dicente Domino: In semine tuo benedicentur omnes gentes. Ex hac promissione de Christo, vidit Abraham Christum, & gauisus est: quia risit in corde suo, & impletus est gaudio, spiritus. Secundò vidit diem Christi, quum natus ei fuit Isaac. Is enim fuit diuinae expectationis praemium, veracis Dei testimonium, posteritatis initium, generis fundamentum, salutis argumentum, nascituri Christi seminarium. Vnde, & merito Isaac, hoc est, à risu nomen accepit. Tertiò vidit diem Christi, cum in figura summæ Trinitatis Angelos hospitio suscepit, quibus susceptis, sic tribus quasi vni locutus est. Quis autem explicare potest gaudium amici Dei, quo dilatabatur anima eius, cum staret familiariter cum illo sub arbore, à cuius facie timidè abscondit se reus Adam sub arbore, & ei bis suis eum pasceret, quem ille per cibi rapinam offenderat, suamque radicem vetus oliua reuirescere conspiceret, ad proferendum fructum, qui tandem veriti ligni morsus expiaret. Quarto vidit diem Christi, cum Isaac filium ad immolationem duceret. Sicut enim illic Isaac ligna, sic Christus crucem portauit. Et sicut viuus quidem permansit Isaac, aries autem immolatus: sic Christus, in quantum Deus, alienus fuit à passione, in sola autem humana natura & carne passus est. Hunc diem passionis Abraham praeuidens, gauisus est, eo quod futurus effect in salutem mundi. Hoc igitur verbo subindicat, eos non esse veros Abraham filios, quia vnde ille gauisus est, inde hi infan-

bant. Deinde colligitur ex hoc verbo, Christū etiā antiquis illis prædicatum & ostensum fuisse, promissionibus scilicet & figuris. Christus enim heri & hodie,

Hebr. 13 ipse & in sæcula.

Quinquaginta annos nōdū habes, &c.]

Iudæis non immeritō accommodari potest illud Psalmi: Oculos habent, & nō videbunt: Oculos quippe mentis habebant, quibus Christi diuinitatem vel ex signis & mirabilibus perpēdere facillē potuissent, verūm excæcauerat eos malitia eorum, idcirco diuinæ in ipso naturæ maiestātē nō attendentes, ad solam humanæ formæ figuram dirigebāt oculos, & illius ætatem annis humanæ durationis metiebantur. Non aduerterunt illud

Mich. 5. Michææ: Egressus eius ab initio, &c. Nec Psal. 109 illud Dei Patris verbum: Ex vtero ante

luciferum genui te. Nec illud verbum diuinæ sapientiæ, Dominus possedit me ab initio viarum suarum, antequā quicquam faceret, &c. Cæterū sicut Iudæis hic stulta & absurda, imō impossibilia videntur verba Christi, sic rationi humanæ stultissimæ videntur Dei promissiones, quomodo scilicet verbū, quod mortale est, possit alijs vitā æternā largiri. Itē, quomodo Christus, quantū extrinsecus apparet, morti obnoxius, possit à morte vindicare, &c.

Antequam Abraham fieret, ego sum.]

Non cessat illuminator hominū Christus conuiuentibus eorum oculis, & synceræ veritatis splendorem ferre non valentibus, suæ diuinitatis lucem ingerere, qua tandē percipiant, ipsum supra Abraham & omnem hominem existere & præexistere. Non autem dicit, Antequā fieret, ego eram, vel fui, sed [Ego sum.] Res siquidē corruptibiles sui ortus habēt principium, & tandē decurso sui temporis spatio tendunt ad exitium, ideo diuersorū temporū vicissim recipiunt denominationē. Diuinitas verō semper eadē & stabilis est, cuius nihil in præteritum defluit, aut in futurum accedit: ideo solius verbi præsentia subsistendi exprimentis, denominationē admittit. Hinc ad Moysen Exod. 3. sen dixit: Ego sum qui sum. Et itē: Qui est misit me ad vos. Deinde, quia Abraham creatura est, fieri dictus est. Filius autem

tem Dei creaturæ rationem omnino redefugit, proinde non fieri, sed esse asseritur. Hoc igitur verbo Christus manifestē se Deū esse ostendit. Et quāuis sciret, illos ex hoc offendendos, tamē propter nos se ipsum manifestauit. Summē enim necessarium est, scire quōd Christus sit Deus, vt suprā satis probatum est, &c. Deinde, hoc etiam verbo cōfirmat id, quod suprā dixerat: Si quis sermonem meū seruauerit, mortē nō videbit. Quasi diceret, Hæc est ratio, quōd verbum meū tantæ est efficaciæ, quia non est solū vocale & volatile verbū, sed est verbū Dei, ne ego solum sum homo de terra terrenus, sed etiā Filius Dei de cælo cælestis. Non possem quidē quēquā seruare, si solū homo essem: seruo autem credentes, quia Deus sum.

Tulerunt lapides Iudæi, &c.]

Impij semper proficiunt in peius. Primō eum demoniacū appellauerunt: deinde vt Insanum exhiberunt, nunc etiam vt blasphemum lapidare volunt. Hoc ipso autem facto confirmant, id quod Christus suprā dixerat: In peccato vestro moriemini. Pulchrē autem ad lapides currunt, lapidibus duriora habentes corda, & quem ratione non possunt, vi deicere conantur. Hæc est enim natura impiorū.

Iesus autē abscondit se, & exiuit, &c.]

Nihil amplius de diuinitate sua loquitur. Nouerat enim Dominus, non dicam crassæ multitudini, sed nec discipulis persuaderi potuisse, si se palam prædicasset Deū & hominē, atque eundem simul & mortālē esse, iuxta corpus humanum, & immortalem, iuxta naturam diuinā, iuxta carnem natum in tempore hominem ex homine, iuxta diuinā autē virtutē ante omnia tempora semper fuisse Deum ex Deo. Hoc enim tam arcanum mysterium magis erat miraculis, morte, resurrectione, ascensione & Spiritus sancti missionē, suo tempore persuadendum mūdo, quā ante tempus apertis verbis, non credituris ingerendum. Deinde, postquā se Deum expressis verbis ostendit, nunc ipso facto se declarat etiam hominem. Poterat quidem seipsum defendere, poterat facere miraculum, vt citra vllam offensionem lapides sustinuisset, vel in eiactulatores retorquisset. Imō potius

1. Reg. 1. illet eos perdere, quemadmodum He-
 lias quinquagenarios: verum exten-
 dit se Christus vsq; ad nostram infir-
 mitatem, & docuit omnia iusta & pia esse
 tentanda, ne tentetur Deus. Deinde, si-
 lius hominis non venit ad perdendas, sed
 seruandas animas hominum. Quãquam
 si rem ipsam expẽdimus, satis pœnarum
 ipsis intulit, quod se ab eis abscondit, &
 e templo eorũ exiuit. Hinc enim nihi-
 non malorũ secutum est. Nec mirũ. Quid
 enim boni esse potest, vbi Deus se abscon-
 dit? Vnde & per Moysen cõminatus est.
 Abscondam faciem meam ab eis. Quid
 enim est, quod Iudæi vsque nunc longè
 sunt à salute, nisi quod Iesus se abscondit
 ab eis? Et quid est, quod & ciuitas & tem-
 plum eorum corruit, quodque & festa &
 sacrificia eorum cessauerunt, nisi quod
 Christus exiuit de templo eorũ? Sic enim
 Matt. 23 eis prædixit: Relinquetur vobis domus
 vestra deserta. Obserua autẽ quos Chris-
 tus relinquat, nempe obstinatos. Reli-
 quit autem nobis hic Christus memora-
 bile exemplum, vt etiã cum resistere pos-
 sumus, iram superbientium humiliter de-
 clinemus. Vt enim subtractione ligni ex-
 tinguitur ignis, ita absentia eius in quem
 quispiam ira inflammatur, sedatur & mi-
 tigatur efferuentis iræ incendium. Sanè,
 cum affectus iræ immoderatus suo ruat
 impetu in multa facinora, necessariũ est,
 vt hunc affectum intra rationis metas &
 Iacob. 1. leges cohibeamus. Sic monet Iacobus:
 Sit omnis homo velox ad audiendũ, &c.
 & tardus ad iram. Et Paulus: Sol nõ oc-
 cidat super iracundiam vestram. Quo pa-
 to autem iræ resistamus, Christus ipse
 suo exemplo nos instruxit. Primò enim
 læcessitus iniurijs, non reiecit in eos con-
 uitia. Secundò insuper addidit beneficiũ,
 docẽdo. Tertiò, cum videret se nihil pro-
 ficere, recessit. Sic nobis faciendum, in
 primis vt iniurijs etiam falsò illatis læces-
 siti, aduersariorum etiam vera mala, quæ
 noscimus, taceamus, neq; pro contume-
 lia, reddamus contumeliam. Sic Paulus
 Rom. 12 docet: Nulli malum pro malo reddentes,
 &c. Deinde, vt iniuriantium nobis ani-
 mos exhibitione beneficiorum frangere,
 Pro. 25 atque nobis beneuolentia deuincere ani-
 tamur. Sic docet Sapiens: Si esurierit ini-
 micus tuus, ciba illum. Demũ, cum per-
 spectum habemus, nec mitia verba com-

motos animos lenire posse (quæ tamen
magnam habere solent sedandæ iræ effi-
caciâ, cū dicat Sapiens: Responsio mollis
frangit iram. Et rursus: Verbum dulce
multiplicat amicos, & mitigat inimicos)
secedere ab iratis debemus, vt saltem ab-
sentia nostri æstuâtis animi paulatim re-
sudet indignatio. Exemplo enim Domini
gloriosius est iram tacendo fugere, quàm
loquendo superare. Vnde & Sapiens, Me-
lior est patiens viro forti.

Caput Nonum.



In ita superiori disputat
tione, relinquens Chri
stus Phariseos mente
cæcos, ad corpore cæ
cum diuertit. Primò, vt
ostenderet, se & corpo
ris & animæ cæcitatem tollere posse. Se
cundò, vt ostenderet ipso facto, quales
homines requirat, nēpe nō rebelles, qua
les fuerunt Iudæi, de quibus superiori ca
pite dictum est: sed eos, qui cæcitare suā
agnoscunt, ac medici monita diligenter
exequuntur. Ideo autem post doctrinam
statim transit ad miraculum, vt miraculo
ceu sigillo, priorem doctrinā obsignet &
confirmet. Deinde ideo miraculum facit,
vt quos verbis mollire nō poterat, saltē
factis moueret. Præterea hoc diuino ope
re palam monstrauit, se nō blasphemasse,
quemadmodum ipsi iudicabant, sed verē
dixisse: Antequam Abraham fieret, ego
sum. Caput igitur hoc nonū, primò prio
rē Christi doctrinam confirmat. Deinde
docet etiam nos in aduersis fide constare
certos, quòd nostra afflictio non nobis in
perditionē, sed in gloriam Dei, & nostrā
liberationem cessura sit.

Præteries Iesus, vidit hominẽ cecũ &c. 1

Ex hoc primo verbo, statim indicatur nobis iudiciū Dei & misericordia. Vtrūq; enim Dauid Domino decantat. Quod Psa. 109. Iudæos præterit, imò vt supra dictū est; ab eis se abscondit, iudicium est: Quod autem cæcū videt, misericordia est. Eius enim videre, est misereri, Vt: Conuersus Dominus, respexit Petrus: Sic in Exodo: Videns vidi afflictionē populi mei. Hinc Lucæ 24. Dauid præcatur: Ostende faciem tuam, Exod. 3. & salu erimus. Et iterū: Ne auertas faciem tuam à Psa. 139.

tuam à me, &c. Obserua, Quòd Christus
 Pfal. 25 eos præterit, qui vel eum non requirunt
 & accipiunt, vel ingrati sunt, sicut Iudæi.
 Eos autē videt, qui se pauperes agnoscunt,
 & parati sūt obedire. Per hoc autē, quod
 præteritis diuitibus cæcum vidit, & illic
 Psal. 112 substitit, dānauit iudiciū mundi, qui tan-
 tum videt ea, quæ excelsa sunt. Deus au-
 tē econtra: Excelsus Dominus humilia
 respicit. Deinde etiā exemplo suo docuit
 Tob. 4 illud, quod in Thobia legimus: Ne auer-
 tas faciē tuā ab vilo paupere. Consolatur
 hic locus eos, quos mundus non respicit.
 Ioan. 4 Quid enim si mundus te non videt & cu-
 rat, si Deus te videt & curat? Ideo autem
 circa cæcum substitit, vt discipulos in ad-
 mirationem duceret, & occasionem præ-
 staret interrogandi, quemadmodum &
 suprà de Samaritana dictum est.

Quis peccauit? hic an parentes eius?

Deu. 28. Hic vides iudiciū rationis. Quia enim
 lex promittit bona bonis, & minatur tri-
 stitia malis, ratio sic colligit: Hic affligitur,
 ergo peccator & à Deo reiectus est: Hic
 fortunatus est, ergo pius est. Et Deo cha-
 rus sum, quia fortunatus sum, Itē Deus
 me odit, quia affligit. Et cū videt palā ma-
 lis omnia secunda esse, meliores autem
 Eccl. 9 affligi, dānat iudiciū Dei, negat Dei
 prouidentia res humanas regi. Hinc Salo-
 mon: Hoc pessimū est inter omnia quæ
 fiunt sub sole, quia eadem cunctis eueni-
 unt. Vnde & corda hominum implentur
 Iob. 4 malitia & cōtēptu, &c. In hāc sententiam
 etiā amici Iob argumentantur: Peccator
 es, ergo affligeris, &c. Obserua autē, quòd
 discipuli nequaquā præcipitant senten-
 tiam, nec temerē iudicant, id quod mun-
 dus solet, sed quærunt, & interrogant, id
 quod pii faciunt. Tria autē quærunt no-
 Genes. 3 tatu dignissima. Primò sciebāt quòd pro-
 pter peccatū introierunt in mūdū, male-
 dictiones, infirmitates, plagæ, calamita-
 tes, adeoq; ipsa mors, cuius rei abundans
 testimoniū est ipsa lex, quæ peccatoribus
 Leui. 26 talia minatur. Iuxta hoc tamen videbant
 Deut. 28 etiā iustos & sanctos frequenter talia pas-
 sos, vt Abel, Iacob, Dauid, Iob, Thobiā
 &c. Meritò igitur quærūt, an afflictiones
 semper sint peccatorum supplicia. Secū-
 do, quia meminerūt languido ad probati-
 Ioan. 5 cā piscinā sanato dictū esse: Amplius noli
 peccare, ne deterius tibi quicq; cōtingat.

Et alteri paralitico: Remittitur tibi peccata, arbitrati sunt etiā huic homini cæ-
 cata, arbitratum sunt etiā huic homini cæ-
 citatem propter peccatū accidisse, nō ta-
 men audebant ipsi homini peccatū ascri-
 bere. Indignum enim videbatur, causam
 peccati in infantem nondū natum reijce-
 re, & qui nōdum quicquam nec mali nec
 boni fecisset. Quærunt igitur à Domino,
 an propter ipsius propria peccata hoc
 euenisset. Præterea, in primo præcepto
 dicit Deus, se visitaturum peccata patrū
 in filios, in tertiā & quartam generatio-
 nem, id quod passim exēpla testantur. Sic
 enim Chanaam propter patrē suum ma-
 ledictus est: sic Amalechitæ propter pec-
 cata patrum exterminati sunt: Sic Ro-
 boā propter peccatū Salomonis partem
 regni perdidit. Idē contigit filiis Achab.
 Poterant igitur discipuli etiā hic arbitra-
 ri propter peccatū aliquod parentū, hūc
 cæcum esse natum. Verū ex alia par-
 te obstabat Propheta dicens: Non por-
 tabit filius iniquitatem patris, &c. Igitur
 tertio etiā hoc à Christo quærunt,
 num parentibus ascribendum sit.

Neque hic peccauit, neque parentes eius.

Vno eodemq; breuissimo verbo res-
 spondet Christus ad quæstiones prædi-
 ctas. Hocq; verbo palā pronuntiat, non
 omnes afflictiones, nec semper propter
 peccatorum merita cōtingere. Verū qui-
 dem est, quod in prima quæstione allega-
 tum est, nepe afflictiones ē peccato pro-
 diisse, eiusq; authoramenta esse. Interim
 tamen obseruandum, quod Deus habet
 duos in homines, quos affligit respectus.
 Alterum in peccata, alterū in suam glos-
 riam. Quòd si peccata respiciat & iniqui-
 tatis merita, nullum est adeo ingēs sup-
 plicium, quo non meritò affligamur,
 omnes quotquot originem nostram ex
 Adamo ducimus: Si enim Deus iniqui-
 tatem obseruauerit, quis sustinebit? Sive
 rō suam gloriam respiciat, affligit non
 propter peccatum, sed ad suam gloriam
 manifestandam: hoc modo, & in hunc
 finem etiam sancti affliguntur. Deinde ve-
 rum est, quod in secūda quæstione alle-
 gatū est, nepe aliquos propter sua ipsorū
 peccata afflictos, sed non semper. Habet
 enim Deus & alias causas, propter quas
 homines affligit. Aliquos enim affligit
 ad probationem, quēadmodū videmus
 in Iob

in Iob & Thobia. Ideo Iob dicit: Proba-
uit me Dominus quasi aurum, quod per
ignem trāsit. Sic de Thobia dicitur: Quia
acceptus eras, ideo necesse fuit, vt tenta-
tio probaret te. Aliquos affligit propter
virtutem spiritualiumq; donorum custo-
diam, ne in superbiam eleuetur. Sic Pau-
lus: Ne, inquit, magnitudo reuelationum
extollat me, datus est mihi stimulus car-
nis, &c. Alios affligit, vt virtus diuina ma-
nifestetur, sicut hunc cæcum & Lazarū,
de quo infra dicitur. Aliquos affligit pro-
pter peccatum, vt per poenā expientur, sicut
paraliticum & sororem Moyfi. Alios
quos affligit, vt futura & æterna poena in
præfenti quodammodo inchoentur, vt
Antiochum, Herodē, &c. Postremo etiā
verum est, quod in tertiā quæstione al-
legatum fuit, nempe, quod aliqui pro-
pter parentū peccata puniuntur: id quod
suprà exemplis probatum est. Verū hoc
intelligendum est de temporali poena,
quā Deus peccata patrum interdum vi-
sitat vsque in quartam generationem, nō
autem intelligitur de spirituali & æterna
poena. De hac enim intelligitur illud Eze-
chielis: Filius non portabit iniquitatem
patris, hoc est, non damnabitur pro eis,
si non imitatus fuerit patris peccata: ani-
ma enim quæ peccauerit, ipsa morietur.
Cæterū, quod Christushic dicit: [Neque
hic peccauit, neque parentes eius.] non
simpliciter intelligendum est, quasi om-
nino non peccauerint. An non peccauit
cæcus qui in peccatis conceptus est? Nō
enim iustificatur in conspectu Dei omnis
vitens. Ah non & parentes peccauerunt,
qui infra increduli in Christum descri-
buntur: Peccauerunt quidem virique, sed
cæcitas illa non ideo cōtigat, quia vel ipse
peccauerit, vel parentes eius, sed pro glo-
ria Dei. Docemur igitur hoc verbo, ne
temere propter externas afflictiones al-
ios iudicemus peccatores, id quod mun-
dus solet, quemadmodum videmus in
amicis Iob, qui & ideo à Deo arguuntur:
Non, inquit, estis rectum locuti, &c.

Sed vt manifestentur opera Dei in eo.]

Hoc est, vt gloria Dei in illo declare-
tur. Dupliciter autē intelligi potest. Pri-
mò [Vt manifestentur opera Dei,] hoc
est, vt Diuinitas mea in eo manifestetur,
vel [Vt manifestetur opera Dei in eo] hoc

est, vt Pater glorificetur. Sicut enim filij
huius sæculi magnificis factis celebre sibi
nomen & titulum, acquirunt, sic Deus
parat sibi gloriam, laudem, & titulos ho-
nestissimos ex afflictione, qua suos afficit.
Cum enim suos deiiciat in extremam mi-
seriam, & postea eripiat, hunc titulū re-
fert, quod sit Deus liberator & adiutor
in necessitatibus, qui est titulus magnifi-
centissimus, & omnes homines ad Deū
inuocandum inuitans. Docetigitur hoc
verbum, afflictiones non accidere nobis
casu, sed Dei voluntate, vt per eas glo-
rificetur. Atq; hæc est verè afflictionum
expositio. Non enim Deus ideo nos affli-
git vt perdat, sed vt ipse in nobis glorifi-
cetur. Quod si hoc verbū fide arripueris,
præbebit tibi patientiam & consolatio-
nem in omni afflictione, quantūcunque
grauis. Sic afflixit Iosephum, vt liberando
eum de carcere glorificaretur. Sic afflixit
Israelitas in Aegypto, vt liberando eos
ingentem sibi inter homines laudem pa-
raret. Sic in afflicto Iob gloriam suam
declarauit, nempe, quod solus Deus sit
verax, omnis autem homo mendax, &
quod sit Deus auxiliator in medijs infer-
ni ignibus. Cōsequitur ex his, quod qui
per impatientiam crucem à se reijcit, glo-
riam Dei reijcit.

*Me oportet operari opera Dei, donec
dies est.]*

Ex occasione prædictæ quæstionis, la-
tius discipulos instruit, vt iturq; pulcherrimis
verbis, quorum primū nos docet.
Secundum monet, Tertiū cōsolatur. Hoc
igitur primo verbo causam assignat, cur
iuxta cæcū substituerit: Me, inquit, opor-
tet circa huiusmodi miseros operari. Ne-
mo enim alius potest: quo verbo planè
indicat, se à Deo missum, non vt iudicet
mundum, sed vt saluetur mundus per ip-
sum, vt suprà dixit. Quod autē dicit: [Me
oportet,] non intelligendū quasi coactus
& inuitus hæc faciat, quin potius summā
animi prōptitudinem ad subueniendum
miseris in se esse ostendit. Ipsi enim soli
derelictus est pauper: Ipse orphanorum
est adiutor. Signanter autem dicit: [Me
oportet operari opera Dei.] Quod si
quæras, quæ sint Dei opera, attende quid
Christus hic faciat. Primò docet discipu-
los, Secundò sanat cæcum. Consequitur
igitur

Psal. 92

Rom. 3

Ioan. 3

Psal. 92

igitur, quod opera Dei sunt docere ignaros, succurrere miseris, imò hominē internē & externē, temporaliter & æternaliter saluare. Atq; hic iterum vides, quod Euangelium nobis Deum longē aliter proponit, quā lex. Lex indicat Dei opera esse, iudicare, dānare, punire, &c. Christus autem hic ostendit, Dei opus esse, sanare, illuminare, docere, vnde & Patrem eum nominat. Quæ omnia eò tēdunt, ne à Deo, sed ad Deum fugiamus. Addit autem: [Donec dies est.] Per diem intelligit tempus ministerij sui. Est enim totus dies negotijs perficiendis destinatus, vt Psal. 103 mista ait: Ortus est sol, & exit homo ad operationē suam, vsque ad vespēram. Ex hac ratione vocat Christus tempus ministerij sui diem, & cessationē à ministerio, noctem. Solēt enim homines noctū à negotijs feriari. Est igitur sensus, Quia ministerium Euangelij mihi cōmissum est, tantisper docebo, & doctrinam miraculis obsignabo, dum ministerium meū cōpleuero. Vel per diem intelligi potest totum tēpus gratiæ, quod vnā dies est, quā sol iustitiæ exortus fecit. De quo David: Exortum est in tenebris lumē rectis, &c. Et Esaias: Populus qui ambulabat in tenebris, vidit lucem magnā &c. Tota hac die, hoc est, toto tempore gratiæ, à natiuitate scilicet Christi, vsq; ad finem mūdi, Christus operatur opera Dei. Nunquam enim non ad nos clamat: Venite ad me omnes, qui laboratis, & onerati estis, & ego reficiā vos. Docet igitur nos hoc verbum, primò, vt exemplo Christi nō otieamur, sed cogitemus etiā nobis dictū: [Me oportet operari.] Secundò, vt signanter operemur opera Dei. Ea autem sunt veræ pietatis & charitatis opera. Tertiò, vt nō cēsemus quādiu dies est. Nō cessant homines laborare q̄diu dies est, quātō magis id in re salutis obseruandum est! Habemus diem gratiæ omnibus cōmunem, habet item quisq; diē suum, quemadmodum Christus de Iudæis dicit: In hac die tua, quæ ad pacē tibi, &c. Hic autem dies est totū vitæ nostræ, quod hic viuimus, spatium, quo nobis mandatum est à Deo operari ea, quæ ad vitam æternam cōsequendā cōducūt. Operæpretium est igitur, Pauli monita audire, cū dicit: Dū tempus habemus, operemur bonū. Itēq; Sapientis: Ante mortem operare iustitiam, quoniam non est apud inferos inuenire cibū. Et iterum: Quæcūq; potest manus tua, instanter operare, &c.

Venit nox quādo nemo potest operari.]

Hoc verbum primò refertur ad Christum, vt sit sensus: Breui veniet potestas tenebrarū, & tunc à ministerio meo cessabo. Nemo eo tēpore operabitur: Ego, vt abiectissimus & impotētissimus, cruci affigat, vos omnes scandalum patiemini. Per noctem igitur passionem suam intelligit. Vel per noctem intelligit finē temporis gratiæ, quasi diceret: Nunc tempus acceptabile & dies salutis est, in hoc tempore accepto exaudiui te, &c. Verū non semper diēs gratiæ erit, veniet etiam nox tempus scilicet iudicij & seueritatis. Verē horrenda nox, in qua nemo potest operari, quia tunc nullus supererit pœnitentiæ locus, nulla emendandæ vitæ commoditas, sed duntaxat recipiendi, quod quisq; operatus fuerit: & metendi, quod seminauerit hora. De illa nocte dicitur: In inferno quis confitebitur tibi? Et Li. 13. gatis manibus & pedibus projicite eum in tenebras exteriores. Deniq;: Discedite à me maledicti in ignem æternū, &c. Vel per noctem intelligitur ablatio Euangelij & verbi gratiæ, quod verē lux est, hominem ad bona opera dirigens. Ablato autem verbo, nō possumus operari opera Dei. Hinc de Israelitis dicitur: Per verbum Domini mouebant castra. Itē Mist. Quod verbum suum, & sanauit eos. Itē, Quod si non dixerint iuxta verbum hoc, non erit eis matutina lux. Monet igitur, vt Euangelio credamus, quādiu ipsum habere possumus: Veniet enim tempus, quando desiderabimus videre vnū diem filij hominis, vel vnū ab eo verbum audire, &c. Vel per noctem intelligi potest mors naturalis, quæ certò veniet, postq; nemo poterit operari. A modo enim dicit spiritus, vt requiescant à laboribus suis. Tripliciter igitur nos terret verbum hoc. Primò in eo, quod planē prædicit vêturā noctē. Secundò in eo quod nō exprimit tēpus, quādo veniat nox. Tertiò in eo, quod dicit, neminem posse in ea nocte operari.

Quādiu sum in mundo, lux sum mundi.]

Si de corporali eius præsentia intelligatur hoc verbum, verissimū est, Quādiu

Psal. 103

Psal. 111
Esai. 9

Matt. 11

Luc. 19

Galat. 6
Eccl. 14
Eccl. 9

Ecl. 49

Psal. 6
Matt. 13Num. 7
Psal. 104
Esai. 6

Luc. 17

Apo. 14

diu enim corporaliter in mundo fuit, omnibus expositus fuit, ubique radios suae lucis emisit. Nihilominus etiam verum est de spirituali eius praesentia, quae fit per verbum, de qua praesentia alibi dicit: *Ecce vobiscum sum, usque ad consummationem saeculi.* Plus enim verbo praesens est, quam persona. Nam si audierimus & crediderimus verbum, plus nobiscum est, quam cum Pilato & Caipha, qui eum oculis viderunt. Tanti per igitur lux & dies est, dum nobis verbum fuerit praesens. Qui enim per fidem verbum possidet, is lucem habet, qua potest per mortem, peccatum, & omnes maledictiones usque ad iustitiam, vitam, & omnes caelestes benedictiones penetrare: Imò lucem habet, qua ad Deum accedere potest, qui tamen alioqui in nebula habitans inaccessibilis est. Verbum igitur hoc pios consolatur in aduersis. Quamdiu enim verbum Dei habent, sciunt se habere lucem, qua omnia mala penetrare possunt.

Hec cum dixisset, exspuit in terram, etc.]

Post internam illuminationem, quae per doctrinam fit, transit ad externum opus Dei, quod est sanare & adiuuare. Vbi primò vides, quomodo Deus sua opera exequatur. Poterat Christus solo verbo caecum sanare, sicut & alibi fecit, Poterat etiam novos oculos caeco creare, sicut ab exordio hominem totum è nihilo creauit. Nihil tamen horum hic fecit, sed pluribus medijs usus est: Lutum, inquit, fecit, &c. Hoc autem ideo fecit, ut non contemnamus media. Si enim solo verbo suo sine medijs omnia dedisset, iam omnia media contemneremus. Distribuit quidem Deus sua bona solius verbi virtute, interrim autem adijcit verbo instrumenta, interrim non adijcit, atque hoc agit nulla necessitate rerum coactus, sed pro mera sua voluntate. Primò, ut adijciendo media instrumenta doceat Deum non esse tantum, sed medijs iustis à Domino nobis propositis esse utendum. Secundò, ut non adijciendo media, doceat potestatem soli verbo suo ascribendam. Obserua autem, quòd Deus non vult nobis sua bona distribuere his medijs, quae nos elegimus, sed quae ipse elegit. Sic Naaman Syrus putabat sibi sanitatem conferendam per impositionem manus Helisaei, sed frustra.

Aliud medium Deo placebat: Vade, inquit, lauare in Iordane septies, &c. Obserua item, quòd Deus plerumque dona sua distribuit per talia media, quae in specie videntur humilia, ut hic non per medicinam aliquam, sed per lutum dedit caeco visum. Hoc autem ideo facit, Primò, ut nos humiliet. Secundò, ut ostendat se aequè per humilia media posse auxiliari, ut per magna. Tertiò, ne medijs ascribamus virtutem: Vide autem, quibus medijs caecum sanauit. Primò exspuit, ad insinuandum, quòd virtus curatiua esset à diuinitate, quae est caput Christi hominis tanquam à principali principio, & ab eius humanitate, tanquam ab instrumento. Salua quippe fuit à Capite, & caput Christi Deus est, secundum Apostolum. Secundò lutum fecit, quo docuit se esse creatorem, qui in principio usus est luto ad hominis formationem. Non tamen aqua utitur ad formationem luti, sed spuito, ut nihil ascribatur fonti, sed discas, quòd virtus oris eius oculos aperuit caeci nati. Tertiò liniuit lutum super oculos: contrario modo Deus sua opera exequitur. Lutum etiam videntes excæcat. Dupliciter igitur iam homo ille caecus erat, cui supra caecitatem etiam lutum super oculos ponitur. Verum hæc est natura Dei, sic incipit opera sua, ut vix credi possit, quòd aliquid sequatur. Deinde, quos illuminare vult, eos prius excæcat, sicut quos glorificare vult eos prius humiliat. Hinc Paulus: Qui vult sapiens esse, stultus fiat, &c. Quartò, iubet lauare oculos, ne videretur cuius ex virtute terrae esse curatio. Longè autem eum mittit, ut eius fides interim exerceretur. Signanter autem mittit ad Siloam, quòd interpretatur missus. Vnde est enim vnicè missus à Patre, qui solus illuminat mentes hominum. Fons enim iste Christum repraesentabat, qui nunc quoque in scripturis arcanis latitans, aperit oculos caecorum, si modo suam agnouerint caecitatem. Huius fontis etiam Esaias mentionem facit, queriturque eius aquas fuisse contemptas, non quòd ex illis aquis quisquam salutem sit consequutus, sed quòd diuinæ scripturae typum gerant. Quae cum absque strepitu mundandæ eloquentiae; placide leniterque fluant, tamen quoniam ex abstrusis diuinæ sapientiae cauernis scatent, caelestem vim habent.

1. Cor. II

1. Cor. 3

Ioan. 2

bent depellendi, quamuis inueteratam humanæ mentis cæcitatem, & eos oculos aperienti, quibus videtur Deus, quem vidisse felicitas est.

Abijt, lauit, & Venit videns.]

Hæc verba insignē cæci fidē indicant. Non enim contradixit verbis Domini, neque cogitavit apud seipsum. Lutum solet magis excæcare oculos, quid igitur mihi lutum superposuit? Sæpenumero laui oculos in Siloe, nec tamen quicquam profuit. Si quam ille haberet virtutem sanandi, præsens utique me curasset. Sic olim Naaman Syrus secum cogitabat, &c. Verum hic noster nihil tale cogitat, sed simpliciter obediuit, quem admodum & Abraham ad vocem Domini exiuit, nesciens quod iret. Tales homines requirit Deus, qui simpliciter voci suæ obediunt. Discamus igitur & nos ex hoc loco non contemnere media, per quæ nobis Christus salutē administrat, nec eum in ius vocemus, quare hoc vel hoc sic velit fieri, sed simpliciter obediamus, & inueniemus efficacissima esse, quæ Deus proponit, quantumcunque humilia videantur. Docet igitur nos historia hæc ad literam, quod bonum & utile est, quicquid Deus proponit & iubet, etiamsi non videatur tale. Secundò, ut oculos rationis claudamus, & captiuemus intellectum in obsequium Christi. Allegoricè, Cæcus hic significat genus humanum, vel potiùs Gètilem populum, qui Iudæis videntibus ipse à natiuitate cæcus erat, nec vnquam viderat. De hoc cæco dicitur: Neque hic peccauit, neque parentes eius, &c. Peccauerunt quidem primi parentes, ut cæcum nasceretur genus humanum, verum ut Iudaico populo per iustitiam creatoris illustrato, in cæcitate ignorantie Gentilitas relinqueretur, non peccauit ipsa Gentilitas. Si enim propter peccata sua Gentilitatem in tenebris relictam dicat quis, consequitur Iudaicum populum pro suis electos esse meritis, quod Moyses constanter negat: Scito, inquit, quod non propter iustitias tuas Dominus tibi dedit terrā, &c. Et Paulus: Cum nondum nati fuissent dictum est: Mator seruiet minori, sicut scriptum

est. Iacob dilexi, Esau autem odio habui. Hunc igitur cæcum Christus è Iudaico templo egressus, imò eiectus inuenit, vidit, illuminauit. Iudæis enim gratiam Euangelij respuentibus, Christus ad gentes transijt. Nihil petebat cæcus, sed Christus sponte misertus est eius: sic de Gètili populo. Denique non cæcus ad Christum cucurrit, sed Christus ad cæcum venit. Illuminauit autem eum extra templum, hoc est, sine præsidio legis. Tria autem fecit circa hanc illuminationem. Primò lutum fecit ex sputo. Sputum, quod à capite in os defluit, diuinitatem Christi significat. Hinc æterna sapientia dicit: Ego ex ore altissimi prodii, &c. Lutum verò de terra, sacratissima Christi caro est, ut Psalmista ait: Veritas de Ioh. terra orta est. Exspuens ergo in terram, fecit lutum, quando verbum caro factum est. Secundò liniuit lutum super oculos, quando docuit in se credere. Alioquin nihil prodest incarnatio, si non assit fides. Tertio ad piscinam mittit, quia post prædicationem verbi, ad Baptismum & Sacramenta mittimur, ibique perfectè sanamur. Hæc piscina Baptisimus multipliciter præfigurata fuit in veteri Testamento. Primò per aquam diluuii, qua totius mundi peccata expiata sunt: huius rei testis est Petrus. Secundò per mare rubrū, quemadmodum Paulus testatur: Omnes, inquit, in Moyse baptizati sunt, &c. Tertio per Iordanem, quem filij Israel transgressi, statim terram promissam obtinuerunt. Quarto per aquam expiationis & lustrationis. Quintò in figura Baptismi, Naamā septies lotus in Iordane, mundatus est à lepra. Hanc aquam Dominus per Ezechielem pollicitus est, dicens: Effundam super vos aquam mundam, &c. Hanc etiam præsignauit prophetica piscina, de qua supra. Hanc aquam effudit latus Christi, læcea militis in cruce transfixum, in remissionem peccatorum.

Itaque vicini, & qui viderant eum prius, &c.]

Hoc miraculum ita describitur, ut subinde magis ac magis manifestum factum esse intelligamus. Non enim potest ciuitas abscondi supra montem posita,

Deut. 9
Gen. 25
Mal. 1.

posita, neque accendunt lucernam, & potest illuminatori suo gratiam repēdit, eligens magis inuidiam cum illo sustinere, quā ingrato silentio, laudi & gloriae Dei damnum inferre. Discat hic fidelis quisque, ut quoniam nō potest operibus rependere, quod à Deo percepit, saltem verbis & corde grato rependat. Non abs re autem Ioannes tam diligenter huius cæci verba & responsa describit, imō meritisimè hoc fecit: quia cæcus hic primus omnium pro Christo quæstionibus pulsatus est, & persecutionem passus, & sic ad omnia respondit, ut vel ex hoc solo fidelis quisque discere possit qualiter aduersarijs respondere debeat. Quatuor autem per ordinem respondet cæcus hic. Primò dubitantibus & quærentibus, num ipse sit, qui cæcus fuerat, ingenuè fatetur præteritam cæcitatem, & præsentem gratiam: [Ego sum,] inquit. In hunc modum pius quisque ingenuè fatetur, se fuisse peccatorem & miserum, quemadmodum Paulus: Fidelis sermo, Christus uenit peccatores saluos facere, quorum primus ego sum, sed misericordiam confectus sum. Secundò quærentibus quomodo & per quem illuminatus sit, respondet cæcus:

1. Tim. 1

Ille homo, quid dicitur Iesus, lutum fecit.]

Vno verbo & curatorem & modum curationis exprimit. Atque hæc est vera confessio, hoc confitetur Ecclesia in aduersis & prosperis, coram amicis & inimicis: [Ille homo, qui dicitur Iesus,] &c. Tertiò interrogantibus, Vbi est ille? Respondet.

Nescio.]

Nomen Christi nouerat, sed non faciem. Sic Ecclesia, quamuis per fidem noscat Christum, needū tamen per speciem videt illuminatorem suum, imō hoc ipsum deplorat, quod insultantibus aduersarijs, nequit videre vel ostēdere eum. Vnde & in Psalmo vox illa fidelis cuiusq; animæ est: Fuerunt mihi lachrimæ meæ panes die ac nocte, dū dicitur mihi quotidie: Vbi est Deus tuus? Veruntamen nō omnino nescim⁹ vbi sit: scimus enim quia cælos ascēdit, sed nescim⁹ quomodo sit, vel quale habeat iudiciū de nobis ipsis

1. Co. 13

Psal. 41

Z ij Obserua

Nonne hic est, qui sedebat & mendicabat?]

Cæcitas seipsa onerosum malum est: verum si superueniat etiam egestas, iam duplex malum est. Ex his igitur duobus conspicuus erat homo hic, cæcitate scilicet & paupertate. Iam quamuis cæcitas rem corporalem non semper comitetur egestas, cæcitas tamen spiritalis semper secum affert etiam paupertatem. Vnde colligitur, longè peiorem esse cæcitate mentis, quā corporis. Obserua ad cuius sortis homines mirabilis illa Dei clementia se inclinet: Ad pauperes scilicet & mendicos. Iuxta illud: Nonne Deus pauperes elegit in hoc mundo? &c. Nescimus autem pauperibus misericordiam impendit Christus, sed & pauperibus similis esse voluit. Iuxta illud: Cū diues esset propter nos genus factus est, ut nos ad similia prouocaret.

Iaco. 2.

2 Cor. 8

Ego sum.]

Mente & corpore illuminatus, qualē

Obserua quòd Christus post præstitum Christum confitetur.

curationis beneficium, de loco recessit, vt nos doceret ex benefactis non quærere humanam aut nostram, sed solius Dei gloriam. Obserua item, quòd cæcus non omnino dicit se ignorare benefactorem suum. Suprà enim dixerat: Ille homo, qui dicitur Iesus, &c. sed tantum dicit, se nescire vbi sit. Impij autem, quantumcunque accipiant, tamen omnino nō agnoscunt benefactorem suum. Hinc est illa vox Dei: Non cognouit quòd ego dedi ei frumentum & vinum. Item: Non dixerunt in corde suo, Metuamus Dominum, qui dat nobis pluuiam temporaneam, &cæ.

Osee 2.
Hicte. 5

Adducunt eum ad Phariseos.]

Vt ipsi tanquam maiores & religiosiores de hoc opere iudicarent, remque diligentius examinarent. Vel, vt placerent Phariseis, à quibus nouerant Iesum odiri. Vel, vt Iesum de violatione Sabbati accusarent. Quod enim impij contra Christum nō possunt, hoc contra credentes in ipsum exequentur.

Erat autem Sabbatum, quando fecit Iesus lutum.]

Christus frequenter salutis & pietatis opera in Sabbato exequitur. Primò, vt sciamus Sabbatum non ob otium & feriacionem tantum institutum. Secundò, vt sciamus etiam Sabbatis, imò tūc maxime licere bonis operibus insistere. Hoc enim & ipsa lex vult, quæ non dicit: Sabbato otiaaberis, sed Sabbatum sanctifica.

Exo. 20
Genes. 1

Præterea per hoc se ostendit esse Deum. Nam Deus legitur septima die opus suum compleuisse, quod fecerat. Quid autem est nisi completio operis Dei, quòd Christus hic cæcum à natiuitate illuminauit? Imperfectum quidem opus erat, dum nasceretur homo cæcus. Obserua quòd cæcus eadem coram Phariseis confiteretur, quæ coram vicinis confessus fuerat. Eandem enim confessionem seruat pius & coram amicis, & coram inimicis, tempore prosperitatis, & tempore persecutionis. Considerandum igitur, quàm miram fidem & constantiam cæcus hic habuit: sciebat ipsos Christo offensos, sciebat sibi imminere periculum, attamen nihil negat, nihil obticet, sed intrepide

Non est hic homo à Deo, qui Sabbatum non, &c.]

Hoc verbo primò se produnt falsò & fictè iustos, in eo, quòd tam temerè Christum iudicant. Vera enim iustitia compassionem habet, falsa autem indignationem. Secundò hoc verbo se produnt, ignorantes esse legis. Lex enim de Sabbatho, non qualecunque opus prohibet, sed tantum opus seruile. Trifariam autem diuiditur opus. Aliud opus Dei est, cuius fructus vita æterna, Aliud opus peccati, cuius finis mors: Aliud opus mercenarij, cuius retributio quotidianū stipendium est. Opus peccati, & opus mercenarij, rectè vtrumque opus seruile dicitur. Verum alterum eorum, id est, opus mercenarij, die sacrato sabbati fieri non debet: Alterum nunquam debet fieri, id est, opus peccati. Opus autem Dei, nullo vnquam tempore vel die debet omitti. Beati enim, qui custodiunt iudicium, & iustitiam faciunt in omni tempore. Quod ab instrumentis eiusdē operis probabile est. Operis nanque Dei instrumenta sunt illius dona, scilicet sermo sapientiæ, Prophetia, gratia curationum, &c. Hæc autem nulli sunt legi subiecta, quippe quæ nec in arbitrio sunt hominum, quo tempore vel die descendant à patre luminum. Stultè igitur, imò impiè colligunt: [Non est hic homo à Deo, &c.] Cum Christus non opus mercenarij fecerit, multò minus opus peccati, sed manifestissimum opus Dei.

Quomodo potest homo peccator hæc signa facere?]

Etiam impij signa interdum faciunt, vt patet de Pseudopropheta, quem Moyses vetat audire. Hinc & Christus: Multi dicent, In nomine tuo virtutes multas fecimus, & respondebo: Non noui vos, &c. Facultas enim operandi miracula, donum Dei est gratuitum, non iustificans. Proinde hoc donum nonnunquam etiam impijs confertur. Quòd igitur aiunt, peccatorem non posse signa facere, rationis humanæ coniectura est, non certitudo firma. Vel possunt quidē aliquando etiam mali signa facere, sed non talia, qualia Christus, nec eodem modo

Leuit.

Philos.

1. Cor.

Deut. 11
Mat. 7

modo. Vnde signanter dicit: Hæc signa: Et homo peccator, quasi diceret: Ea quæ hic facit diuina sunt, quàm vt ea facere possit tam misera creatura, qualis est homo & peccator.

Et schisma erat inter illos.]

Non abs re hoc dictum est, quia videlicet cum accusantium summa esset intentio, quatenus in vnâ sententiam declinantes, vniuersi conclamarent, hunc hominem non esse à Deo, non parùm molestè accipiebant alios è contrario dicere: Quomodo potest homo peccator hæc signa facere? Hæc autem dissensio eo ipso bona erat, quod impedimento fuerit coadunatos Phariseos vno animo conspirare in Christi damnationem. Quamuis enim ferè semper bona sit concordia, & discordia mala, quod hæc dissipet omne bonum atque disturbet, illa verò promoueat & foueat, tamen interdum inuenitur bona discordia & mala concordia, cum scilicet discrepantia animorum alius cuius mali perpetrandi præstat obstaculum. Et vnanimitas mutuusque consensus plurimorum valentiores eos reddit ad concepitum scelus perpetrandum. Vnde ad impediendam malam cõcordiam se Dominus missum dicit: Non, inquit, veni pacem mittere, sed separationem, &c. Sic & olim ædificatores turris Babel, in malo concordēs à se inuicem diuisi. Sic Paulus Phariseos & Saduceos in malo cõcordes, à se inuicem dissoluit.

Tu quid dicis de illo, qui tibi aperuit, &c.]

Intelligi potest ab his dictum, qui miraculo fauebant, vt hominem prouocarent ad prædicandam Christi gloriam, quasi dicerent, Cur taces? non audis, quod benefactorem tuum blasphemant? Ingratum te ostendis, si non excusas eum. Idem nobis dicitur, imò à nobis exigitur, vt non taceamus cum audimus Dei gloriam ab impijs blasphemari. Vel intelligi potest verbum hoc dictum esse ab his qui Christo inuidebant. Hi enim per hoc calumniandi ansam venabantur, videlicet: Si malè prædicasset de Iesu, haberent quod obijcerent illis, qui de Iesu mediocriter sentiebant, sin bene, scirent in ipsum hominem è synagoga eum eijciendo.

Propheta est.]

Hoc titulo magnum quempiam & insignem virum significat, cuius & famam acceperat, & virtutem in se expertus fuerat. Et minus quidem dixit, quàm est. Christus enim non solum Propheta, sed & Dominus & Deus Prophetarum est. Veruntamen ad percunctationem illorum, qui non quærunt vt videant, sed vt videntes videre prohibeant, sufficit nobis & cunctis qui illuminati sunt, responsio hæc, Quia Propheta est. Nam quoniam nolunt audire vel scire, quia Christus est, saltem hoc sciant & videant, quia Propheta est. Imò vel in pœna Iudæorum satis manifestum est, quia Propheta est. In nomine enim Domini verum de illis eorumque pœna prædixit, Deut. 18 quo signo lex cognosci iubet Prophetam, in quo Dominus loquutus est.

Non crediderunt de illo Iudei, quod cæcus &c.]

Quia cæcum illuminatum, attonitum reddere non potuerunt, per parentes eius conantur miraculum Christi obscurare. Sed hæc est veritatis natura, quod per quæ putatur insidias pati, per hæc fortior fit. Mendacium quidem sibi ipsi obuiat, & per quæ lædere veritatem videtur, per ea clariorem eam ostendit. Sic hoc loco Pharisei credere nolentes, huc à Christo illuminatum, manifestè audiunt.

Scimus quod hic est filius noster, & quod cæcus fuit.]

Sic solet opus Dei & voluntas eius astutis impiorum conatibus & aduersis eorum cõsilijs promoueri. Voluntas Dei erat, vt Ioseph Dominus fratrum suorum esset. Itaque impijs fratrum conatibus & iniusta venditione hæc voluntas promouebatur, tãtùm abest, vt impediretur. Voluntas Dei erat, vt Christus glorificaretur. Hanc Dei voluntatem Pharisei suo odio & inuidia magis impleuerunt, quàm impedierunt. Non tamē ipsis ascribi debet operis Dei profectus, sed bonitatis Dei. Nam quantum in ipsis est, opus impedire conantur, sed fit optima Dei voluntate, vt quod ipsi malè conantur, bene

Z iij bene

Gen. 50 bene perficiatur. Hinc Ioseph: Vos cogitastis de me malum, sed Dominus vertit illud in bonum. In parentibus autem cæci, vides naturam incredulitatis. Nam infidelitas facillè fert, vt quiuis vel obuius nobis Deum auferat. In donis verò Dei adeo arcè hæret, vt ea procaciter & temerariè ab aduersarijs adferat. Sic hi parentes cæci faciunt. Excommunicatio, quam Pharisei intentabāt, gloriam humanam auferebat: Abnegatio verò aut reticentia, Christum, imò Deum ipsis auferebat. Quisquis enim me erubescit coram hominibus, nec eum ego agnoscam coram Patre meo, ait ipse Christus. Illi autem Deum relinquunt, vt donum Dei seruent: Gloriam Dei obtinent, ne sua propria gloria destituantur. Idem etiam nobis plerunque contingit, vt casus se offerat in quo aut abneganda sint Dei dona, vel Deus ipse donorum author. Vera autem fides abnegatis omnibus donis, eligit Dominum datorem donorum, qui centuplo reddit ea, quæ propter nomen suum relictæ sunt. Infidelitas verò posthabito domino, eligit dona, quibus fidit & sperat. Adueniente autem iudicio Domini, confunditur infidelis, & destituitur ab omni donorum, quibus fidebat, auxilio.

Matt. 19

Iam enim conspirauerant Iudæi, &c.]

Apud Iudæos magni probri loco ducebatur, è synagoga eijci. Vnde & apud Euangelij professores seuerissimum pœnæ genusest, à consortio fidelium separari. Verùm hoc exemplum clementis sæuitiæ, quod in eos duntaxat conueniebat exhiberi, qui se vitijs suis redderent execrabiles (quemadmodum Paulus docet) Iudæi vertebant ad suæ tyrannidis stabilimentum. Eijciebant pios, tolerabant impios, vt ostenderent se esse ex

1. Cor. 5

Ezec. 13 his, de quibus Propheta: Mortificant, inquit, animas, quæ non moriuntur: & viuificant animas quæ nō viuunt, &c. Cæterùm eo ipso, quod pios à se eijciunt, separant seipso à consortio sanctorum, quo nihil miseriùs cōtingere posset. Impij igitur sibiipsis maximè nocent, dum pios persequuntur. Obserua autem, quod sicut duplex est communio, sic & duplex est excommunicatio. Altera interna,

altera externa. Communio interna consistat eodem Spiritu sancto, eadem fide, eodem Christo, & Domino Patre omnium. Sic excommunicatio interna fit, quando per infidelitatem quispiam non est cum pijs eiusdem spiritus, eiusdem fidei, eiusdem Christi, vt maximè videatur pius ad extra. Communio externa est, communio verbi & Sacramentorum: Excommunicatio externa, est illarum rerum priuatio. Iam impius in corde suo dicens: Non est Deus, semper est excommunicatus, quæquam nondum humano iudicio obnoxius sit, si impietatis fructibus Ecclesiæ non sit offendiculo. Nam si Ecclesiæ turpitudine factorum offendit, ei eijci debet. Quod si quis iniuste excommunicetur, ea excommunicatio non maledictio, sed benedictio est. Nam & Balaam sic maledixit Israclitis, & Dominus vertit maledictionem in benedictionem.

Vocauerunt ergo rursus hominem, &c.]

Quum in altera parte murorum factus est oppugnationis transitus, nec factis commoda videtur esse urbem inuadendi opportunitas, rursus ad priorem partem solet fieri regressus, & acriori insultu nouisque machinis instauratur ibidem oppugnatio. Sic Pharisei, videntes se nihil proficere in parentibus cæci, ipsi sum denuò aggrediuntur. Inuidia enim non quiescit, sed indefesso animo molitur malum ei, quem odit. Quemadmodum igitur Satan nunquam requiem ducit, sed semper circuit, quærens quem deuoret, ita impij Satanæ instrumenta continent studio, nihil nō malorum in pios & Christi gloriam moliantur.

Da gloriam Deo.]

Vide quomodo circumeunt, vt hunc hominem nō proselytum aut hospitem, sed ciuem ac domesticum Dei, secum faciant filium perditionis, cogentes eum, vt in mendacium commutet veritatem Dei. Non autem manifestè dicunt, Ne ga quod Christus te curauerit, sed sub prætextu religionis eum ad hoc inducere volunt. [Da gloriam Deo,] quasi dicerent: Fatere veritatem, confitere ingratum id quod res est. Sic Iosue dixit ad Achan: Fili mi, da gloriam Deo, id est, confitero

Esai. 29
Ioan. 5
confitere veritatem. Hoc verbo sancti illi
Iosue impiè hic vtuntur Pharisei.
Ille nanque corde & labijs Deum hono-
rans, hoc dixit, hi autem labijs Deum
honorantes, corde verò ab eo elongati, di-
cunt: [Da gloriam Deo,] quum nihil ali-
ud quærant, quàm Dei gloriam obscu-
rare. Hoc igitur verbo separare conatur,
quæ separari non possunt, gloriam scilicet
Patris à gloria Filij. Stat enim senten-
tia: Qui non honorificat Filiū, non ho-
norificat Patrem. Item, Vult Deus, vt
omnes honorificent Filium, sicut hono-
rificant Patrem.

Nos scimus quòd hic homo peccator
est.]

Ioan. 8
O temeritatem, o mendacium, o blas-
phemiam! Ex hac scintilla conijcere pos-
sumus, quantus inuidiæ ignis in corde
ipforum arserit. Tripliciter autem hoc
verbo peccant. Primò enim temerariò
iudicant proximum. Secundò manifestè
mentiuntur. Suprà enim Christus palà
dixit: Quis ex vobis arguet me de peccato:
nec quisquam eorum vel tantillum ei
obijcere potuit. Tertio impiè blasphemant
Filium Dei. Atque hic vide, quan-
tum se humiliauerit idem Filius Dei, qui
tantam contradictionem à peccatoribus
sustinere dignatus est. Non igitur fatige-
mur aut deficiamus, si etiam nobis tale
quid contingat, sed recogitemus eum,
qui quamuis peccatum non fecerit, nec
inuentus fuerit dolus in ore eius, tamen
tantum à peccatoribus sustinuit contra-
dictionem, & cum malediceretur, non
maledicebat, &c.

Si peccator est, nescio.]

Luc. 6.
I. Cor. 4
Sicut Phariseorum verba ubique pro-
dunt impietatem cordis eorum, sic ecò-
tra in verbis cæci se prodit ubique pietas
cordis. Primò enim pius homo nemi-
nem temerariò iudicat, sed iudicium om-
ne Deo committit, quemadmodum Chris-
tus docet: Nolite iudicare, & non iudica-
re bimini. Et Paulus: Nolite ante tempus
iudicare, antequam veniat dies Domi-
ni, &c.

Vnum scio, cæcus cū essem, modò video.]

Tob. 11
Altera vox pñ hominis, confessio sci-
licet diuinæ misericordiæ. Vnum hoc
pius homo semper in corde & ore habet,

quemadmodū Tobias: Benedico, inquit,
te Domine, quia tu castigasti me, & tu
sanasti me.

Quid fecit tibi? quomodo aperuit tibi
oculos?]

Hactenus de homine, qui cæcus fue-
rat, ad parentes eius, de parentibus ad ip-
sum recurrētes, scrutati sunt iniquitates,
defecerunt scrutantes scrutinio: nunc, cū
nulla daretur ansa satis idonea vel calum-
niandi Iesum, vel in hominem sæuendi
circumspectè locutum, ad superiores in-
terrogationes reuoluuntur, sperantes
fore, vt ex re aliter narrata aliquid de-
cerperent, quo Iesum sua gloria spoliaret.
Cæcus autè, videns eos animo non syn-
cero percunctari, non dignatur eis ad
placitum respondere. Sic enim Christus
docet, Ne sanctum demus canibus. Et
Sapiens: Vbi non est auditus, ne effun-
das sermonem. Vnum tantum ab eis
quærit. Num & ipsi discipuli Christi fieri
velint, paratus nihil non eis dicere, si hoc
cuperent.

Maledixerūt ei, Tu discipulus eius sis.]

Hic iterum se prodit impietas, imò sin-
gula verba nonnihil impietatis præ se fe-
runt. Primò maledicunt immerentè, imò
bona suadentem. Et quid aliud possent?
Sepulchrum patēs est guttur eorum &c.
Deinde impropere ei discipulatum
Christi. Impij enim aestimant discipula-
tum Christi esse summam miseriam, ses-
ductionem, perditionem, cum sit benedi-
ctio, salus & gratia. Sed vtinam maledi-
ctum hoc: [Tu discipulus eius sis] veniat
super nos. Quemadmodum enim Re-
becca dixit filio suo Iacob, timenti males-
dictionem pro benedictione illatum iri à
patre: In me, ait, sit ista maledictio, fili mi.
Ita sanè & in nos sit hæc Phariseorum
maledictio. Si quidem cor eorum intuea-
ris, maledictum est, quia hoc maledicen-
tis affectu protulerunt. Si verba ipsa per-
pedas, optabilis est benedictio: quis enim
non desideret esse discipulus Christi? Ve-
rùm quemadmodum dicit Dominus de
improbis: Maledicam benedictionibus
vestris, Ita è diuerso dicit: Benedicam
maledictionibus vestris, & completur in
eis, quod alio loco dicitur: Maledicent
illi, & tu benedices.

Z iij

Nos

Nos Moysi discipuli sumus.

lem contemnebat.

Habes hic iterum impiae hypocriseos naturam. Gloriatum enim hypocrisis de Deo, gloriatur de patribus, nihil minus quam Dei verbum & patres observans. Sic Pharisei gloriantur se Moysi discipulos, & tamen Moysi Christum annuntianti non credebant. Merito igitur eis dictum est: Si Moysi crederetis, crederetis & mihi. Deinde nec Moysi praecepta servabant. Prohibuit ille maledictionem inferre cuiquam: Non maledices, inquit, surdo, nec coram caeco ponas offendiculum. Hi autem maledicunt homini, veritatem constantem nuntianti. Prohibuit insuper Moyses sanguinem innocentem fundi, & iustum occidi: Ipsi autem in caedem innocentis totis viribus machinabantur. Demum, iussit Moyses Deum adorari, & eius gloriam in omnibus quaeri: illi autem signum illud in caeco calumniantes, Dei virtutem pro viribus attenuabant.

Ioan. 5.

Leui. 19

Exo. 23.

Deut. 6.

Nos scimus, quod Moysi locutus est Deus.]

In hoc vno verum dicunt, & idipsum nos quoque ingenuè fatemur per sacram scripturam edocti, dicentem: Loquebatur Deus cum Moysi, sicut loqui solet homo ad amicum suum. Et Deus de Moysi: Ore ad os loquor ei. Sed eo grauior est Iudaeorum damnatio & iniquitas, quod ei, cui Deus loquutus est, nec credunt, nec praecepta eius observant. Non satis est dicere, Moysi discipuli sumus. Et, Scimus quod Moysi loquutus est Deus.

Exo. 33.

Num. 12

Hunc autem nescimus unde sit.]

Non ex ignorantia illius, sed ex contemptu hoc dicunt, consueto more hominum, qui quos abijciunt, nescire se dicunt. Sic cum David adolescens uisset, ait Saul ad Abner: Quis est iste puer? Certè armiger eius fuerat, & cyatharam coram ipso frequenter percusserrat, & nunc quis esset interrogabat: quasi enim non cognoscebat, in quo aetatem adolescentis, & habitum pastora-

In hoc enim mirabile est, quod nescitis unde sit.]

Nihil respondet ad maledicta. Quod enim illi quasi summum malum ei imprecabantur, hoc ipse pro summo bono ducebat. Miratur autem eorum obstinatum caecitatem, quasi diceret: Vix persuaderi possum, ut nescire vos credam unde sit, quando opera eius manifestè declarant, quod à Deo sit missus. Nescitis quod in Esaia praedictum est: Tunc aperientur oculi caecorum, & aures surdorum patebunt. Verè mirabile est, mirum scelus, mirum sacrilegium, quod apertis oculis manifestam lucem videre nolunt. Verè & hoc mirum est, quod sapientes & docti videre non possunt, quod indocti vident. Sed hoc est iudicium Dei super impios, & obstinato animo veritati reluctantes: Percutiet, inquit, te Dominus caecitate & amentia, & palpabis in meridie, &c.

Esa. 35

Deut. 28

Scimus quod peccatores non audit Deus.]

Mira constantia se argumentis eorum opponit. Dixerant illi: Nos scimus, quia hic homo peccator est. Hic autem econtra: [Scimus quod Deus peccatores non audit, sed si quis, &c.] Hoc autem verò planè fatetur Christum nedum peccatorem non esse, sed Dei cultorem & voluntatis Diuinæ executorem.

Quod autem dicit: Deus peccatores non audit, non simpliciter accipiendum est, alioqui nullos homines audiret Deus, quandoquidem omnes sumus natura peccatores. Omnes enim oramus. Dis mitte nobis debita nostra. Nec quisquam gloriari potest, castum se habere cor, imò si dixerimus, quia peccatum non habemus, nos ipsos seducimus. Obserua igitur quod duplices sunt peccatores: Resipiscentes, aut non resipiscentes. Non resipiscentes sunt in duplici differentia, aut enim sunt hypocritae, (nam & hi, quae uis sibi videantur iusti, coram Deo tamen sunt iniustissimi) & hi ut orant, ita non ex fide orant, proinde non exaudiantur: Qui enim sine fide orat, non aestimet se aliquid impetraturum. Aut sunt manifestè impij, qui in malitia perseverant

Matt. 6

Prover. 1

Joan. 1

Matth. 23

Matth. 23

seuerant, & præteritis peccatis quotidie cum tamen corde & opere longissimè noua accumulunt, fiuntque indies deteriores, hos non exaudit Deus: Longè enim est Dominus ab impijs. Hinc Sapientis: Qui auertit aurem suam ne audiat legem, oratio eius execrabilis est. Et Dauid: Iniquitatem si asperi in corde meo, non exaudiet Dominus. Et Esaias: Quum extenderitis manus vestras, non exaudiam, quia manus vestrae sanguine plenae sunt. Et Hieremias: Nos peccauimus, idcirco tu inexorabilis es. Eos autem peccatores qui resipiscunt, malaque præterita lachrymis abluunt, & ex corde abnegant se esse quod fuerant, exaudit Deus. Hi enim non amplius reputantur peccatores: quandoquidē volūtate desierūt peccare.

Prou. 15.
Prou. 28.
Psalm. 55.
Esai. 1.

Thre. 3.

Luc. 15.
Luc. 18.

Psalm. 6.
Iob. 31.

Sic Christus publicanos & peccatores ad se conuersos benignè suscepit. Sic publicanum orantem: Deus propitius esto mihi peccatori, exaudiuit. Descendit enim iustificatus in domum suam. Sic Dauid, tamen si peccator: Exaudiuit, inquit, Dominus vocem fletus mei. Sic in Iob legimus: Si iniquitatem, quae est in manu tua, abstuleris, tunc poteris leuare faciem ad Deum.

Sed si quis cultor est Dei, &c.]

Psalm. 33.

Iob. 8.

Psalm. 36.
Psalm. 144.

Verissima sententia: Oculi enim Domini super iustos, & aures eius ad preces eorum. Hinc in Iob: Si mane consurrexeris ad Deum, & omnipotentem fueris deprecatus, si mundus & rectus inueneris, statim euigilabit ad te. Non enim proijcet Deus simplicem, nec porriget manum malignis. Sic Dauid: Nunquam vidi iustum derelictum, &c. Et iterum in alio loco: Voluntatem timendum se faciet, & deprecationem eorum exaudiet, &c. Quod autem maius bonum contingere posset, quam certum esse, se in quacunque necessitate exaudendum à Deo! Hoc autem solum confitentur hi, qui pietati student. Econtra quod maius malum, quam in aduersis nec à Deo quicquam boni sperare! hoc autem facit impietas. Obserua autem quod non simpliciter dicit [Si quis cultor est Dei] sed addit. Et voluntatem eius facit, propter eos qui videntur colere Deum, oreque & labijs appropinquāt,

A saeculo non est auditum, &c.]

Et hoc sine dubio, velint nolint aduersarij, concedi oportet, quia videlicet nihil tale reperitur nec in Moyse nec in Prophetis. Magna quidem & illi fecerunt signa, sed Christus maiora. Si igitur ex signis contendunt aliquē esse Dei cultorem, consequitur, Christum omnium maximè Deum coluisse, & voluntatem eius fecisse, ut quem Deus nunquam non exaudiuit. Concludit igitur:

Nisi esset hic homo à Deo, non posset, &c.]

Sic igitur accusatores & testes iniqui, non inquisitores, sed derisores iudicij in sua propositione, qua dixerant: Nos scimus, quod hic homo peccator sit, forti & nodosa per vnum illum caecum oratione redarguti & conclusi sunt. Obserua circa hoc verbum: A saeculo non est auditum, &c. quod tempus gratiae omnia alia praecellit. Multi enim reges voluerunt videre & audire, quae nos videmus & audimus, & non potuerunt. Merito igitur dicit Paulus: Propior nunc est nobis salus, quam cum credidimus. Et iterum: Ecce nunc tempus acceptabile, ecce nunc dies salutis.

Luc. 18.

Rom. 13.
2. Cor. 6.

In peccatis natus es totus, &c.]

Quia via rationis euadere nequeunt, more solito ad conuitia prorumpunt. Vide autem quomodo exasperetur impietas confessione nominis CHRISTI, & quem fructum proferat hypocrisis, vel leuiter commota. Nunc enim in Pharisaeis emicat odium, nunc inuidia, nunc doli & astus, nunc impotens ira, nunc conuitia, nunc proximi contemptus. Et quid non malorum oriretur, abiecto semel per infidelitatem Christo, omnium bonorum authore! In hoc autem caeco, qui primus omnium Christum publice coram aduersarijs confessus est, pulchre ostensum est, quid fidelibus à mundo expectandum sit. Quod enim Christus alijs Apostolis praedixit, eos à mundo maledicendos, exprobrandos, eiciens, in hoc caeco praestensum est. Super enim maledixerunt eum, hic ei exprobrant,

Luc. 6.

- probrat, paulò post eum eieciuri. Primò *Et eiecerunt eum.]*
autem cum aliud non possent, exprobrant ei natiuitatem, quasi ipsi sine peccatis nati essent. Quid autem infans, quàm alteri exprobrare vitium, quo tu æquè ut ille laboras? Quis autem nescit, omnes homines natura peccatores, & filios iræ nasci? Pius homo nulli exprobrat, quòd in peccatis natus sit, sed magis & suam & aliorum miseriam deplo-
rat, dicens cum Dauide: Miserere mei Deus, &c. Ecce enim in iniquitatibus conceptus sum, &c. Deinde exprobrant ei pristinam cæcitatem, quasi propter peccata ei acciderit, cuius tamen contrarium Christus suprà asseruit. Hæc est enim hypocritarum natura, quòd facile vident aliorum peccata, diu in memoria retinent, temerè omnia & in peius interpretantur. Secus autem se habent erga proprios defectus, &c. Econtra pius homo non aliorum peccata, sed sua ipsius semper ob oculos habet, ac cum Dauide dicit: Peccatum meum contra me est semper. Nec alios, sed seipsum accusat.
- Et tu doces nos?]*
Indignum eum iudicant, qui vel cum ipsis loquatur. Intantum enim alios contemnunt hypocritæ. Deinde quia alijs honore & scientia præstabant, dedignantur ab eo, qui humilioris conditionis erat, aliquid discere: Id autem non aliundè, quàm ex latente morbo superbiæ proficiscebatur: quia enim sibi ipsis falsam scientiæ opinionem ascripserant: erubescabant à minori doceri, ne quid ignorasse viderentur. Vbi autem animus hominis vera humilitate munitus est, is non erubescit, etiam à quouis puerulo quicquam quod ignorat addiscere. A quocunque enim percipi potest veritas, amplectenda est. Exemplo nobis est Dominus noster, sapientiæ fons, qui duodecim natus annos, inuentus est in templo interrogans & audiens doctores. Quòd si is, qui Dei virtus, & Dei sapientia est, in quo omnes thesauri sapientiæ & scientiæ sunt reconditi, non recusat audire & interrogare homines, quid nos talpæ cæcutientes & nocturni per similes, dedignantur ab alijs quātumlibet abiectis veritatem audire?
- Et eiecerunt eum.]*
Sicut suprà nescientes, imò maladice re intendentes, eum laudauerunt dicendo: Tu discipulus eius sis, sic hic nescientes, imò maximè punire eum volentes, benefaciunt ei expellendo è synagoga Sanaæ. Magna quidem & formidabilis sententia & poena est, eijs è populo Dei, in quo Deus se habitaturum promiserat, cuius denique erant testamenta, promissiones & adoptio. Neque dubium est, quin cæcus ille mirum in modum consternatus fuisset hac sententia, si iustè & meritò in eum lata esset. Quis enim non contremisceret? Nunc autem, quia iniustè exclusus fuit, non admodum aegrefert, sed patienter sustinet & committit Deo. Sciebat enim se in conscientia securum. Sciebat item, quòd communionem internam sibi auferre non possent, quantumcunque externè eum eiecerent. Denique expertus iam erat ex eorum factis & verbis congregationem eorum non esse Ecclesiam Dei, sed synagogam Satanæ, è qua eijci non solum non dedecori, sed summæ gloriæ & vtilitatis dicebat. Ab impiorum enim communione secludi, est iungi Christo, & effugere iudicium. Nam synagoga peccantium, est quasi stipula collecta, cuius finis ignis est. Summa, hæc cæci exclusionem Pharisei sibi ipsis plus damni intulerunt, quàm cæco: per hoc enim se ipsos separarunt à Christo & ab omnibus fidelibus, imò planè hoc facto professi sunt, se nolle esse participes Christi, eiusque membrorum, quo quid damnosius cogitari potest? Discant ex hoc loco primates Ecclesiæ, ne facile sententiam excommunicationis ferant, imò ne omnino ferant, nisi in eos qui grauiter deliquerunt. Quia enim excommunicatio, summa poena est inter fideles, non debet ferri nisi in magna crimina, & ea tantum quæ aliàs sunt incorrigibilia. Sic Christus nihil non tentandum docuit, antequam excommunicatio feratur: Si peccauerit, inquit, frater tuus, corripe eum, &c. Si autè omnino incorrigibilis est, nec etiam Ecclesiam audit, sit tibi sicut Ethnicus & Publicanus. Idè docet Paulus. i. Corinthiorum vi. Et cum dicit: Hæreticum hominem post vnam & alteram admonitionem deuita. Discat hic etiam fideles, ne quicquam eorum crimi

criminum committant, propter quæ mundus ut abortiuos eijcit, hos Christus ut filios charissimos suscipit. Quid igitur cæco illi potuit obesse odium mundi, cum sciret se amicum Dei? Eiectus quidem est à templo, sed à templi Domino inuentus est. A pestifero consilio liberatus, salutarem fontem est consequutus: contemptus à contemptoribus Christi, ab angelorum rege honoratus est. Hæc sunt veritatis præmia, quæ assequutus est is, qui pro veritate fortiter certauerat.

Tu credis in Filium Dei?

Ultro se illi Christus agnoscendum obtulit, & ad consummatam fidei perfectionem prouexit, se vnum esse Filium Dei contestatus. Sic sanè, qui pio animi affectu Deum quærunt, protinus eum habent occurrentem: ab his verò, qui peruerso corde quærunt, procul abest, nec inuenitur. Sic mulier Samaritana simplici corde dicens: Scio, quod Messias venit, qui nos docebit omnia, statim audiuit: Ego sum, qui loquor tecum. Nunquam autem tanta facilitate, nec tam apertè Iudæis se Christum esse contestatus est. Cum enim dixissent: Si tu es Christus, dic nobis palàm, respondit quidem veritatem, sed minus apertè. Opera, inquit, quæ facio, testimonium perhibent de me. Sic Magi humiliter quærentes Christum, inuenire meruerunt. Herodes autem impiè quærrens, non inuenit. Sic turbæ leguntur requisisse Dominum in deserto, & facile inuenisse: Pharisei autem sæpè quærentes eum apprehendere, tenere eum non poterant. In huius figuram Saul David inuenire non poterat ad perdendum, quem tamen Ionathas facile inuenit ad consolandum. Sic Christus hic sponte se offert cæco. Interrogat autem non ignorans, sed volens seipsum notum facere, & ostendens, quoniam plurimi fecit eius fidem & constantiā, quasi diceret: Iudæorū qui apertè reclamant nulla mihi cura est, vnius rei cura est, ut tu credas. Melior est enim vnus faciens voluntatem Dei, quàm decies mille iniuri. Signanter autem quærît, an credat in Filium Dei, ut ostendat, quod non satis est Christum qualitercunque confiteri, nisi credamus & confiteamur eum esse Filium

Audiuit Iesus, quia eiecerunt eum.]

Leuiter quidem dictum videtur: [Audiuit Iesus,] sed reuera grauissimum est, clamorem peccatorum tetigisse aures eius: Expectaui, inquit, ut facerent iudicium, & ecce iniquitas: iustitiam, & ecce clamor. Sicut autem hoc verbum impios terret, sic pios summè consolatur. Hinc enim discunt, quod Deus, etsi absens videatur, certò tamen audiat & videat, quicquid ipsis mali infertur ab impijs.

Et quum inuenisset eum.]

Hinc impleuit, quod in Hieremia promisit. Congregabo, inquit, reliquias gregis mei de omnibus terris. Et in Ezechiele: Quod perierat requiram. Sic hic inuenit eum, quem mundus eijcit: inuenit salus, quem perditio derelinquit. Inuenit autem eum de prope, quod non sperauerat homo ille, ut verum appareat illud Psalmi: Cum ipso sum in tribulatione. Item, iuxta est Dominus his, qui tribulato sunt corde. Hoc autem exemplo discimus eos, qui propter Christum & iustitiam reprobantur ab hominibus, continuo à Deo suscipi, & quanto grauiore contumeliæ cuiquam inferuntur propter Deum, tantò Deum illi propinquiorem esse. Hinc Christus: Beati, inquit, eritis, cum maledixerint vobis homines, &c. Sicut enim amicicia huius mundi, inimica est Deo: & qui voluerit amicus esse huius mundi inimicus Dei constituitur: ita è diuerso inimicitia huius mundi amica est Deo: & qui voluerit esse inimicus huius mundi, amicus Dei constituitur. Quos enim

Ioan. 4.

Ioan. 10
Matt. 2.

Lucæ. 4
Ioan. 7.
1. R. c. 23.

Hier. 23.
Ezech. 34.

Psal. 90.
Psal. 33.

Matt. 5.

Iacob. 4.

Filium Dei. Quo verbo iterum percussit hæreticos, qui Christum quidem confitentur, sed Filium Dei negant.

Quis est Domine, ut credam in eum?

Nondum nouerat Christum. Cæcus enim erat antequam veniret ad Christum, & post curationem à Iudæis huc illucque pertractus fuerat. Ostendit autem hoc verbo, se iamdudum paratum cor ad credendum habuisse, sed in quem deberet credere, ignorasse. Ostendit item, se ex animo gratum benefactori. Ostendit præterea, se ulterius paratū manifestius confiteri veritatem, si contingeret plenius instrui.

Et vidisti eum, & qui loquitur tecum, ipse est.

Matt. 11. Ecce mysterium diuinitatis suæ Christus abscondit sapientibus & prudentibus huius sæculi, & reuelat paruulis. Sic enim complacitum est Patri. Obserua autem, quod rem grandem dicturus hoc verbo: [Et qui loquitur tecum, ipse est] opportunè præmisit: [Et vidisti eum,] videlicet, ut per commemorationem magnæ virtutis beneficiique magni, beneuolum faceret animum auditoris. Quærenti enim, quis est Filius Dei, quid est dicere: [Et vidisti eum,] nisi, ipse est qui aperuit oculos tuos, ut videre possis eum? Captata ergo beneuolentia, confestim subdit: [Et qui loquitur tecum, ipse est:] quod utique gratiosius est, & à iactantiæ suspitione longius quam si dixisset: Ego sum Filius Dei.

Credo Domine. Et procidens adorauit eum.

Ioan. 2. Ex hoc verbo vides, cur Christus tam promptè seipsum huic homini credidit. Ipse enim sciebat, quid esset in hoc homine, nempe pium cor. De hoc autem primitiuo adoratore duo hæc notanda sunt, quæ de nullo adorante Christum legis, quia videlicet & Credo dixit, & procidit. Leguntur & alij adorasse, ut leprosus, &c. sed non dixerunt, Credo in te, neque procidisse, sed tantum genu flexisse. Hic vnus inuenitur tam voce confessionis, quam gestu corporis

necessariam perfecisse adorationem Filij Dei. Adorandus enim Filius Dei & fide cordis, & voce confessionis, & gestu corporis, ut scilicet non erecta ceruice, sed prostrati accedamus ad thronum gratiæ, &c. Atque hoc est, quod etiam Dauid nos admonet: Venite, inquit, adoremus, & procidamus ante Deum. **Psalm. 95.** Ex hac igitur historia totus ordo Christianæ vitæ colligitur. Primò enim videmus hic, quod tentatio vel afflictio opus est diuinæ voluntatis, nec semper propter peccata infligitur. Secundò videmus hic, quis sit fructus tentationis, ut scilicet inde veniamus in notitiam gloriæ Dei. Tertio videmus, quod per verbum & attractum Christi sanitas confertur. Sic spiritualiter per verbum & Sacramenta. Quarto videmus, quomodo Deus exerceat fidem electorum. Ita enim eos ducit, ut ipsi ignorent consilium voluntatis eius. Quintò videmus, quid ad veram fidei confessionem requiratur, & qualis constantia. Sextò videmus, qualiter mundus affectus sit in pios. Septimò videmus, quod eorum qui Christi sunt, non est par fides. Nam sunt infirmi quidam, quos tamen Christus non aspernatur. Octauò videmus, quod Christus solus est vnicum illud piorum refugium, in quacunque tribulatione.

In iudicium veni in hunc mundum.

Magna & iusta sententia, competenter & in suo tempore dicta est. Nam, quia factum fuerat iudicium iniquum, imò non iudicium, sed iniquitas, in hoc scilicet, quod Pharisei sæpè dictum hominem eiecerant foras, rectè is, cuius est omne iudicium, ad quem pertinet corrigere quæcunque per iniqua iudicia fiunt, se ipsum in iudicium venisse proclamat. Sic enim in **Psalm. 74.** prædixit: Cum accepero tempus, ego iustitias iudicabo. Hoc igitur verbo innuit, longè aliud esse iudicium Dei, quam iudicium hominum. Quem enim ipsi damnarant, hunc Christus suscipit, & e contra ipsos damnat. Deinde subindicat etiam eos qui alios iudicant, suum iudicem habituros. Hinc **Psalmista** monet: Erudimini qui iudicatis terram. Seruite Domino in timore, &c. Obseruandum, quod

quod cum aliàs se dicat venisse, non vt à Christo relictus sunt. Non, inquit, vt iudicet mundum, sed vt saluet. Item, vt ni vocare iustos, sed peccatores. Item: quærat & saluum faciat quod perierat: que, Publicani, inquit, & peccatores hic contra falsos illos iudices non saluas præcedent vos in vitam æternam. Vel torem, sed iudicem se esse ostendit. Per per videntes intelliguntur Iudæi, dis hoc enim innuit, iudicium durissimum vna lege instructi. Per non videntes futurum his qui præfunt, & potentes autem, Gentium populus, vnus veri Dei potenter tormēta passuros. Potissimum agnitione carētes. Iudæis enim ob incredulitatem reiectis, ad Gentes peruenit autem hoc verbo innuit, quā ob causam salus. Iuxta illud: Auferetur à vobis cæcum in gratiam receperit, Phariseos regnum Dei, & dabitur Genti facienti autem non, quia in iudicium (inquit) ve fructus eius. Verè magnum & terribile iudicium, naturales illos ramos excisare veni, sed quorundam obstinata malitia facit, vt iuste relinquuntur & excæcentur. Hoc iudicium olim prædixit Simeon: Postus, inquit, est hic in ruinam, & in resurrectionem multorum. Dei, &c.

Matt. 9.
Matt. 21

Matt. 22

Rom. 11.

Nunquid & nos cæci sumus?

Vide impiorum naturam, nec ad iudicia Dei terrentur. Aut enim ea omnino nihil esse putant, dicentes illud Iob: Circa cardines cæli perambulat, nec nostra considerat. Itemque illud: Non facit Dominus nec bene nec male. Aut ea iudicia ad alios pertinere putant, non ad se. Deinde vbi terreri debuerant, eleuantur contra Deum. Impius enim ante iudicium etiam Deo se resistere posse putat. Exemplo sint, Holofernes, Pharao, Antiochus, &c. Præterea, vide qualis hæc sit superbia, Salomon sapientissimus se puerum paruum & nihil scientem proclamat. Daud item sanctissimus, petit à Deo instrui: Dirige me, inquit, veritate tua, & doce me, &c. Hi autem talis magis cæcutientes: Nunquid inquit, & nos cæci sumus? Quo fatentur alios qui dem cæcos esse, non autem se. Hæc est antiqua illa Iudæorum arrogantia, de qua & Paulus loquitur: Gloriaris, inquit, in lege, putas te esse ducem cæcorum, &c.

Sapient. 9.

Psalm. 14.

Roma. 2.

Vt non videntes videant, &c.]

Clarissimum solis lumen alijs est illuminatio, alijs excæcatio. Videntes illuminat, cæcutientes magis excæcat: Christi multo alia ratio est. Nam is illuminat cæcos, & excæcat videntes. Videntes autem sunt, qui in oculis proprijs sapientes sunt. Hi excæcantur, quia cum rationi suæ plus credant, quàm verbo Dei, merentur excæcari. Iuxta illud: Abscondisti hæc à sapientibus & prudentibus. Non videntes sunt simplices & indocti, imò paruuli illi, quibus Pater arcana sua reuelat. Vel per non videntes, intelligi possunt publicani & peccatores. Hi enim quoniam peccata sua agnouerunt, à Christo suscepti sunt. Per videntes autem, Pharisei falsa iustitia tumentes, qui quoniam de propria iustitia præsumebant, nec merito se opus habere æstimabant, merito

Si cæci essetis, non haberetis peccatum]

Bene & laudabiliter moderatur sententiam suam, concedendo illis, quod videntes sint, & hoc ipsum proficere comprobando ad cumulum dānationis, prænamque æternæ cæcitat. Dupliciter autem intelligitur verbum hoc.

Primo,

Primò, [Si cæci essetis,] id est, Si cognosceretis vestram cæcitatem, non maneret in vobis peccatum incredulitatis. Vel, [Si cæci essetis,] hoc est, si peccata vestra agnosceretis, parata esset vobis peccatorum remissio. Secundò, [Si cæci essetis,] habendo ignorantiam inuincibilem, non haberetis peccatum, quoniam talis ignorantia excusat à peccato. Docemur ex hoc verbo, quòd humilis sui ipsius cognitio meretur gratiam. Hinc Dauid clamat: Domine non est exaltatum cor meum, nec elati sunt oculi mei, &cæ. Et in alio loco: Populum humilem saluum facies, & oculos superbiorum humiliabis. Verè itaque de se professus est: Humiliatus sum, & liberauit me: Quoniam Deus superbis resistit, humilibus autem dat gratiam. Sic Saul, cum esset humilis in oculis suis, dux super Israel factus est, cum verò in superbiam elatus est, à Deo abiectus & reprobatus fuit. Sic Dauid, cum humilis in oculis suis saltaret coram arca, mirum in modum Domino placuit: cum verò timore animi inflatus, populum iussit numerari, vindicem Dei manum sensit. Hinc per Esaiam Dominus dicit: Ad quem respiciam,

Psal. 130
Psal. 17.

Psal. 114
1. Petr. 4
1. Reg. 9
1. Re. 15
2. Reg. 6

2. Re. 24

nisi ad humilem & trementem ad sermones meos!

Nunc verò, quia dicitis videmus, peccatum manet.]

Hoc est, Quia vos iactatis sapientes, doctos & iustos, & ob id me & doctrinam meam abiicitis, peccatum vestrum manet. Nisi enim Filius nos à peccatis liberauerit, nunquam liberabimur. Terribile autem est, quòd dicit: Peccatum vestrum manet. Peccato enim manente, nulla salus sperari potest. Docemur ex hoc verbo, quòd plus peccat, qui scripturas cognoscit, & tamen impiè viuít. Scienti enim bonum & non facienti, peccatum est illi. Et melius esset non cognouisse viam iustitiæ, quàm post agnitionem retrorsum ire. Hinc & Christus: Seruus sciens voluntatem Domini, & nõ faciens, plagis vapulabit multis.

Luc. 66

Ioan. 1

1. Petr. 2

Luc. 11

Caput decimum.



Athenus Christus multis similitudinibus homines ad se inuitavit, nunc panem se vocans caelestem, vnde qui ederet, viveret in eternum:

nunc aquam viam, vnde qui biberet, conciperet in sese fontem aquae salientis in vitam eternam: nunc lucem mundi, quae illuminat omnium mentes: nunc Filium & legatum Dei Patris, cui qui crederet, salutem eternam consequeretur. Hoc loco idem agit, hoc est, homines ad se inuitat alia parabola. Cur autem Christus tam crebro parabolis utatur, in Matthaeo plenius dictum est. In hoc autem capite, ideo in exordio parabola animos auditorum suspedit, ut post expositionem altius animo insideat, quod initio non sine admiratione & cognoscendi desiderio audierant. Parabola autem sic se habet.

Amen dico vobis, qui non intrat per ostium.

Vide quam humilibus parabolis Christus caelestem suam doctrinam abscondit, ut declaret Evangelium fore mundi sapientibus stultitiam. Nam quid in hoc mundo pastore abiectius? Vnde & Aegyptij prudentissimi iuxta mundum viri, pastores ouium abominantur. Et tanta est ouium stultitia, ut etiam pro uerbis locum fecerit: Ovis mores. Sic autem cohaeret haec parabola cum fine superioris capituli: Dixerat Iudaei: Non est hic homo à Deo, qui Sabbatum non custodit. Item, Nos scimus quia hic homo peccator est. Ad huiusmodi calumnias iam respondet, re ipsa probans se esse verum pastorem. Secundo profitebatur Pharisei, se audire & docere verbum Dei, atque adeo veros pastores esse: Nunquid (inquiunt) & nos caeci sumus? His Christus hic opponit, se solum esse pastorem verum, se ostium, nec doceri, nec cognosci posse Patrem, nisi per se Christum intretur. Tertio dixerat Christus, peccatum eorum manere, ideo hic ostendit, quod sit illud peccatum eorum, nempe furtum & latrocinium. Quarto, quia ipsi ceu pastores hominem illum eiecerant,

& in hoc, ut supra dictum est, potestate sua abusi erant, congruè similitudinem sumit de ouili ouium, & tam illis quam omnibus, qui cum lupi sint, pastores videri voluit, & subditos suae potestati commissos, neque per ostium admittunt, neque per ostium emittunt, id est, non secundum Deum, sed secundum propriam voluntatem anathematizantes condemnant, vel assumptes iustificant. Iuxta illud Prophetæ. Viuifecabant animas, quae non viuunt: & mortificabant animas quae non moriuntur. Omnibus, inquam, talibus edicit hoc loco, quod fures sint & latrones. Sed age, quando Christus non dubitavit tam humiles res proponere, nec nos pudeat ea diligentius perscrutari. Primo igitur certum est, quod per oves non alios intelligit, quam fideles. Sic enim & frequenter in scriptura nominantur. Sic David: Hi qui oves sunt, quid fecerunt? Idem: Nos autem populus eius, & oves pascu eius. Sic in Ezechiele: Ego ipse requiram oves meas, &c. ad lögum. Et in Zacharia: Percutiam pastorem, & dispergentur oves. Ideo autem oves nos nominat. Primo, ut admoneat nos propriae infirmitatis. Oves enim inter omnia animalia plus indigent pastore, quia nec vires habent, quibus se defendat: nec arma, quibus repugnent: nec velocitatem, ut fugere possint: nec industriam, qua se abscondant. Tales sumus & nos secundum naturam, &c. Deinde oves nos nominat ut doceat, quibus moribus praeditos nos esse oporteat. Ovis enim simplex est animal, mansuetum, neminem ledens, subiectum, non reclamans ad omne quod ei fit. Denique & utile lana, lacte, carne, intestinis, fimo. Tales debent esse Christiani, &c. Per ouile autem intelligit Ecclesiam fidelium: neque id abs re. Ouile enim debet esse firmum & munitum ad defendendum: calidum, ne frigus noceat: mundum, ne inficiantur oves: molle stramento, ut accubare possint. Oportet & habere pabulum, ne fame pereant: latum etiam sit & adunatum, ut plures recipere possit & simul conseruare. Has condiciones habere debet Ecclesia quae libet. Curet igitur quilibet pastor Ecclesiasticus, ut ouile habeat firmum, ne rum patur à lupis & tyrannis, imò seipsum

Oves sicut omnes fideles.

2. Re. 24
Psal. 94
Ezec. 34
Zach. 13

Cum nos oves vocat

scito

Ouile sicut Ecclesia.

Ioan. 10. opponat murum. Iuxta illud, Bonus pastor animam suam ponit pro ouibus suis. Secundò curet, vt adsit calor charitatis. Hinc Dominus traditurus Petro curam ouium, requisitit tertio, num se diligeret. Tertiò curet, vt mundum sit suum ouile. Iuxta illud: Sancti estote, quoniam ego sanctus sum. Ne contingat illud, quod in Machabæis legimus: Templum, inquit, luxuria & comestationibus plenum erat, & scortantium cum meretricibus, &c. Quartò curet, vt molle stramentum subternat, hoc est, mansuetudinem ostendat. Sic Christus: Discite à me, quia mitis sum & humilis corde. Et Paulus: Corripite eum in spiritu lenitatis, &c. Sic Petrus: Vt quid tentatis Deum, imponere volentes iugum super ceruices hominum, quod neque vos, neque patres vestri portare potuistis? Contrarium faciebant, de quibus dicitur: Cum austeritate imperabatis eis, & cum potentia, &c. Et impius Roboam: Pater meus cecidit vos flagellis, ego cædam vos scorpionibus. Quintò curet, vt adsit copia salutaris pabuli, verbi scilicet Dei. Postremò curet, vt adunetur oues in vnitatem fidei, ne dissentiant: Bonum enim & iucundum est, fratres habitare in vnum. Hinc Paulus vbique monet, vt idem sentiamus, & non sint in nobis schismata. *Ostium in ouile est Christus, vt infra dicitur.* Quia autem Christus est verbum Dei, & scriptura sacra ostiū dici potest, neq; id abs re. Ducit enim nos ad Deum & eius nobis cognitionem aperit: ipsa nos oues facit, ipsa custodit, nec lupos irumpere permittit. Tanquam enim ostium fortissimum hæreticos arceret, & in tuto nos constituit, neque nos (modo velimus) ynquā aberrare sinat. Præterea, quia aliqui non vt priuatæ personæ, sed vt publici pastores in Ecclesiam veniunt, per ostium etiam intelligi potest legitimus ingressus ad Ecclesiastica officia, sed de hoc infra. *Ostiarus* itidem est Christus, qui tametsi ante glorificationem suam humilis tanua videbatur, tamen nunc non solum ostium, sed & ostiarius est, ex quo ascendens in altum, dedit dona hominibus. Exinde nanque ostiarius quoque esse probatur, quia ipse dedit quosdam quidem

Apostolos, alios autem pastores & doctores, &c. Nec absurdum alicui videatur, quòd Christus & ostium & ostiarius dicatur. Quèadmodum enim vnus idemque Dominus noster Christus via est, veritas, & vita, sic nō solum ostium, sed & ostiarius, imò & pastor, deniq; etiam ipsa ouium pascua est. Est autem in ostio & ostiario nonnulla profectuum nostrorum distinctio. Nam dum per fidem catholicam quisque nostrum accedit ad Christum, Christus est ostium est: quando autem iam recepto gratiam aliquam idem gratiarum distributor largitur, iam ostiarius est. Deinde per ostiarium etiam Moysen intelligere possumus, cui credita sunt eloquia Dei. Vel ipsam legem, quæ quasi viam aperit ad Euangelij gratiam, dum peccata ostendit, ad quærendum gratiam compellit. *Accommodarius* tamen per ostiarium Spiritus sanctus intelligitur, qui vt verbum externum prodesse possit, auditorum corda per gratiam suam præuenit & emollit. Sic Paulo contigit, qui dicebat: Ostium mihi apertum est magnum & euident. Sic & alteri cuidam promittitur: Dabo coram te ostium apertum, quod nemo potest claudere, &c. Tunc autem Spiritus sanctus ostium magnum aperit, quando perpendens intentionem cordis eius, intelligentiam sacri verbi illi pandere dignatur, & labori eius vt fructum faciat, præueniente pariter & subsequente gratia, cooperatur. His præmissis, nunc ad ipsam parabolam accedamus.

Qui non intrat per ostium in ouile.]

Probat hoc verbo Phariseos nequaquā esse pastores, vel ex hoc vno, quòd per ostiū non intrauerant. Primò enim Christum, qui solus ostium est, reiciebant: nec per eum vel ipsi intrabant, vel alios intrare mittebant. Deinde nec scripturas rectè docebant. Legem enim, quæ tantum ostēdebat peccatum, coram Deo iustificare docebant, imò legi Dei proprias traditiones præferere. Præterea, nec legitimè ad sacerdotium peruenerant. Non enim vocati erant à Deo, sicut Aaron, sed contendendo irruentes alter super alterum, venale

*Ostium in ouile
quid?*

ostiarus quid?

Psal. 67.
Ephe. 4.

Ioan. 14

1. Cor. 1
Apo. 1

Mat. 23

venale sacerdotium in partes annuas sci-
derūt. Hinc de Caipha dicitur, quod erat
Pontifex anni illius. Nec tantum con-
uincit eos Christus, quod non sint pasto-
res, sed insuper probat eos fures & latro-
nes: quia & dolis fraudibusque animas ca-
piebant, & cum violentia ambitioneque
dominabantur gregi. Vides quam terri-
bile sit, cum Dominus loqui incipit con-
tra peccatores. Verè si quidem dixit su-
pra: In iudicium veni in hunc mundum,
&c. Hinc in Esaia: Tacui, semper silui,
nunquid semper tacebo? ut parturiens
loquar. Docet etiam Christus hoc pri-
mo verbo parabolæ, solos illos esse ve-
ras oves, hoc est, verè Christianos, qui per
Christum intrant, hoc est, in eum cre-
dunt. Qui autem in Christum non cre-
dunt, oves non sunt, sed lupi, imò fures
& latrones, suo tempore eiectendi, etiam
si in medio ouium versentur. Dicitur
enim cuilibet eorum: Amice quomodo
huc intrasti, non habes vestem nuptia-
lem? Potissimum autem tangit Christus
hoc verbo eos, qui non legitime intrant
ad Ecclesiastica officia. Is autem non le-
gitime intrat, qui non vocatur à Deo
vel ordinaria potestate, sed seipsum in-
trudit aut vi & armis, aut simoniaca la-
be, pactoque pretio, non attendens ver-
bum Petri ad Simonem Magum. Pe-
cunia tua tecum sit in perditionem. Item
que verbum Pauli: Nemo assumit sibi
hunc honorem, sed qui vocatur à Deo
tanquam Aaron. Secundò illegitimè in-
trat, qui nec Dei gloriam, nec animarum
salutem quærit, sed vel cæca fertur am-
bitione ad aucupandos honores huma-
nos, aut rapida exæstiuans cupiditate lu-
cri ad colligendas opes, sectatur otium
& voluptatem. Tertiò illegitimè intrat,
qui falsa docet, aliamque viam ad salutem
quam per Christum struere nititur. Ho-
rum ergo omnium alius Ecclesiasticam
dignitatem emit, sicut Simon Magus et
Iason, de quo in libris Machabæorum.
Alius vendit, sicut Giezi seruus Heli-
zei. Alius rapit, sicut Alchimus, de quo
in Machabæis. Alius præsumit, sicut
Dathan & Abiron, & Chore. Alius ve-
surpat, sicut Osias rex. Merito igitur fu-
res dicuntur & latrones, quia non quæ-
runt ouium salutem, sed proprium tan-
tum commodum, sinentes commissum

sibi gregem dispergi atque dissipari, fa-
me contabescere, atque in præcipitia vi-
tiorum prolabi. Deinde etiam ideo fu-
res sunt, quia Ecclesiastica bona veris
pastoribus debita, ad se rapiunt, cum in-
terim nihil dignum pastore agant. Ex
his vides, quam periculosum sit in ouis-
le Dei irrupere. Adderit enim suo tem-
pore princeps pastorum, requireretque san-
guinem ouium de manu pastorum. Ezec. 34

Qui autem intrat per ostium, pastor est.

De Christo intelligendum est. Is enim
per ostium intrauit, quia vocatus & mis-
sus à Patre. Ego, inquit, constitutus sum
rex ab eo super Sion, &c. Non enim sei-
psum glorificauit, ut Pontifex fieret,
&c. Deinde per ostium intrauit, quia ve-
ra docuit & certa: Scrutamini, inquit,
scripturas, quoniam ipse testimonium
perhibent de me. Præterea ostiarius ei
aperuit. Nedum enim Moyses omnisque
lex & Prophetæ testimonium ei perhi-
buerunt, sed & Pater ipse Spiritusque san-
ctus ei apparuerunt: Hic (inquit Pater)
est filius meus dilectus, &c. Idem testa-
tus est Spiritus sanctus in specie colum-
bæ super ipsum manens. Oves etiã vo-
cem eius audierunt. Accurrebant enim
etiam Publicani & peccatores, ut audirent
eum. Ad hæc Christus proprias o-
ves vocat nominatim: nouit enim no-
mina prædestinatorum ad vitam. Iuxta
illud: Nouit Dominus, qui sunt eius, 2. Ti. 2.
Itemque: Ego noui quos elegerim. Hinc Ioan. 13.
discipulis dixit: Gaudete, quia nomina Luc. 10.
vestra scripta sunt in cælis. Idem Chris-
tus oves suas educit è tenebris ignoran-
tiæ ad lumen veritatis, & de via iniqui-
tatis, ad rectitudinē iustitiæ. Vadit ante
eas, quia recte viuendi exēpla quasi ves-
tigia pedum oculis eorū obijciēs, quid
faciendum, & quid fugiendum sit, docet.
Demum & oves illum sequuntur, fide
& desiderio clamantes: Ostende nobis
faciem tuam, sonet vox tua in auribus
nostris, &c. Sequuntur etiam ipsius hu-
militatem, mansuetudinem, patientiam
&c. imitādo. Possumus deinde hæc ver-
ba etiam de alijs pastoribus intelligere.
Quamuis enim Christus vnicus & ve-
rus ille pastor sit, qui nostri curam ge-
rit, &c. tamen etiam alijs nomen illud
communicat. Sicut enim sibi subiectos
AA ij gratiæ

Ioan. 9.
Esa. 42.

Qui per
Christum
intrant
hoc est
in eum
credunt

Mat. 22.

A Ro. 8.
Heb. 5.

2. Ma. 4.
4. Re. 5.

1. Ma. 7.
Num. 16.

2. Pa. 16.

Psal. 2.
Heb. 5.
Ioan. 5.

Mat. 34

2. Ti. 2.
Ioan. 13.
Luc. 10.

Cant. 24

Ioan. 1.
Mat. 5.

*Quid regimur
in ad pastor
ordit*

Ezec. 34

gratiae & donorum, ita quoque & nomi-
num suorum reddit participes. Sic cum
ipse sit lux vera, tamen etiam discipulis
suis lucis nuncupationem tradit, cum di-
cit: Vos estis lux mundi. Pastores autem
eos nominat, ut per hoc admonerentur
officii sui. Ad pastorem autem plura re-
quiruntur. Primò industria, ut sciat o-
ves pascere, & in omnibus providere,
hoc est, errantes reducere, infirmos sa-
nare, sanos conseruare, &c. Secundò au-
dacia, ut non statim fugiat, sed contra lu-
pum se opponat. Tertiò sollicitudo, ut
non dormiat aut otietur. Quartò fides-
litas, ut Domino vero oves restituat,
ac seruum se, non Dominum agnoscat.
Tripliciter autem Christus describit
verum pastorem: Ab ingressu, ab offi-
cio, ab exèplo. Primò, verus pastor est,
qui legitime ingreditur, qui scilicet vo-
catur, qui nō se, sed ouium salutem que-
rit, qui vera docet, &c. Sequitur:

Huic ostiarius aperit.]

Ostiarius Spiritus sanctus est. Is igitur
legitimè intranti aperit: quia di-
uinas ei veritates reuelat, modumque
regiminis manifestat, & de omnibus ne-
cessarijs instruit. Iuxta illud: Cum vene-
rit ille spiritus, docebit vos omnem ve-
ritatem. Secundò vero pastori Spiritus
sanctus aperit, quia eum admittit, imò
introducitur in sanctuarium sapientiae, ut
discat & sciat, quomodo oporteat eum
conuersari in domo Dei, & illic dat ei
gustare multitudinem dulcedinis suae,
ita, ut rediens ad gregem suum eructet
illis memoriam abundantiae suauitatis
diuinæ: sicque de plenitudine sibi colla-
ta illuminat & accedit etiam corda suo-
rum. Tertiò Spiritus sanctus ei aperit:
quia auditorū corda per suam gratiam
peruenit. Hac triplici apertione indiget
omnis pastor, & tantò amplius, quantò
pluribus praeest. Cum enim nemo pos-
sit suam ipsius salutem operari sine spe-
ciali gratia, quanto minus & suam & al-
liorum? Proinde oportet pastorem fre-
quenter ad Deum recurrere. Vae ergo
his, qui non attendunt, quàm graue pon-
dus ipsis impositum sit. Non enim fru-
stra dictum est: Iudicium durissimum
his, qui praesunt, fiet.

Sap. 6.

Et oves vocem eius audiunt.]

Subditi enim cōscij bonitatis sui pas-
toris, monita eius & verba praedicationis
libenter suscipiunt, atque opere com-
plent. Et hoc planè dignum est, sicque
ipsis ouibus expedit: Christi siquidem
oues non essent, si Apostolos Christi
non audirent. Nam talibus ipse dicit:
Qui vos spernit, me spernit, &c. qua fre-
tus autoritate Paulus: An experimen-
tum (inquit) quaeritis eius, qui in me lo-
quitur Christus?

Et proprias oves vocat nominatim.]

Hic describit pastorem ab officio. Oves
Christi propriae sunt, tum quia eos crea-
uit: tū etiam, quia redemit proprio san-
guine. Hinc in Propheta dicit: Omnes
animae meae sunt, &c. Eas tamen fidelis
pastor etiam suas facit, vel dilectionis
affectu, vel quia pastorum principi pro-
prio labore illas, quae non erant, acqui-
siuit. Vocat autē eas nominatim, quia
singulos subditorum determinatè co-
gnoscit, ad meliora hortatur, omnium
mores pensando, quid singulis expediat
perpendēdo, cunctis familiariter cōdes-
cendendo, vnicuique secundū propriam
indigentiam providendo, quemadmo-
dum Salomon docet: Diligenter agnosce
vultum pecoris tui. Sicut enim me-
dicus corporum dispositiones, comple-
xiones ac morborum varietates pēsat,
ut congruentia medicamenta apponere
possit: sic agere debet pastor spiritualis.
Hinc igitur patet, verè dixisse Grego-
rium: Ars artium, est regimen animarum,
quia magna valde perfectio, exerci-
tatio, vñctio, discretio, exigitur ad bo-
num praelatum. Hinc Moyses: Date ex
vobis viros sapientes & gnaros, &c. &
ponā eos vobis principes, &c. Secundò
vocat eas nominatim. Semper enim pa-
stor bonus clamat ad oves. Hinc in lege
sacerdotibus praecipitur, ut cornibus
arietinis clangant. Hinc ad Esaiam dictum
est: Clama, ne cesses. Et ad Osee: In gut-
ture tuo sit tuba. Tertiò vocat eas nomi-
natim, quia adeo familiarē eis se ostēdit,
ut securè accedere audeant. Quartò
vocat eas nominatim, quia oblitteratis
nominibus pristinis eo nomine eas ap-
pellat, quod magnus pastor super eas
scripsit, de quo in Propheta: Vocabo
(inquit) seruos meos nomine alio, in quo

quo qui benedictus est, benedicetur super terram. Bonus enim pastor non immergitur in peccatis priora vitia, quem admodum Pharisei fecerant, dicentes cetero: In peccatis natus es totus, nisi forte pro utili commemoratione gratie Dei, quemadmodum Paulus fecit: Hæc (inquit) fuistis, sed abluti estis & sanctificati, &c.

Et educit eas.]

Eo ipso quod oves Christi simus, educti sumus ex tenebris errorum, & vitiis antiquorum. Eripuit enim nos Deus de presenti sæculo nequam, & transfudit in regnum filii dilectionis suæ. Nihilominus tamen est adhuc & plerumque euent, unde plerumque nostrum, qui iam sumus oves Christi, oporteat educi, imò & clamore grandi euocari, sicut per Lazarum quoque significatum est, quem iam scitentem, & quatrduaginta annis, legimus magno Domini Iesu clamore fuisse resuscitatum. Sordidantur enim oves, etiam postquam tonsæ & salubri fluuio lotæ fuerint, & ipsis suis vitiis morbis delectatæ, in praua concluduntur consuetudine, aut etiam hæretico (quod grauius est) sordidantur errore. Hic igitur laborandum est pastori, ut eas educat, ad quod interdum vti debet vocibus asperis, quemadmodum Paulus, cum dicit: Omnino auditur inter vos fornicatio, &c. Interdum vero blatis verbis, quemadmodum Paulus: Os nostrum patet ad vos o Corinthii, &c. Item, Filii mei, quos iterum parituro, &c. Secundò educit eas ex otio ad ambulandum in via mandatorum Dei, clamans cum Paulo: Surge qui dormis, &c. Et iterum: Remissas manus & genua debilia roborate, &c.

Et cum proprias emisit, ante eas vadit.]

Hic describit pastorem ab exemplo, expedit enim ei, ut cum emisit oves per verbum exhortationis, vadat ante illas per exemplum boni operis, ne quando dicat illi Deus peccanti: Quare tu es narras iustitias meas, &c. Tu vero odisti disciplinam, &c. Hinc Paulus: Ego sic curro, non quasi in incertum, &c. Castigo corpus meum, &c. ne forte alijs prædicans, ipse reprobos inueniar. Sic Timotheo scribit: Nemo adolescentiam tuam contineat, sed exemplum esto fidei

lium in verbo, in conuersatione, in fide, in charitate, in castitate. Et ad Titum: In omnibus teipsum præbe exemplum bonorum operum, &c.

Et oves illum sequuntur.]

Et hoc enim illis expedit. Si enim de hypocritis & simulatis pastoribus: Omnia (inquit) quæ dicunt facite, &c. quanto magis sequi oportet eos qui dicunt & faciunt? Sequuntur autem illum, quia sciunt vocem eius, quia veram & sanam esse cognoscunt doctrinam eius.

Alienum autem non sequuntur, &c.]

Quia cum exploratum habent alium quem malis artibus, dolo, fraude, largitione, adeptum esse pastoris dignitatem, & idcirco à Deo alienum, huius vitam & mores (qui plerumque corrupti sunt) non sequuntur, neque tam gratam habent eius ad bonum exhortationem, neque tam obtemperanter illi quicquid iubenti morem gerunt, quoniam violenta illa in ouile irruptio multum ipsi detrahit reuerentiæ, facitque, ut minus ad illum afficiantur oves, minorisque illum æstiment & faciunt. Tripliciter igitur alienum intelligere possumus. Alienus à Deo, vel ab ouibus, qui non per ostium intrat. Alienus voce, hæreticus scilicet, qui male docet. Alienus vita, qui imple vitæ

Hoc prouerbiū dixit eis Iesus, &c.]

Prouerbiū est sermo utilis, aliquid utilitatis habens in aperto, plurimum verò in occulto. Vel prouerbiū est, quando verbum aliud pro alio dicitur, ut vnum per aliud valentius commendetur, & efficacius intelligatur. Hoc genus dicendi in scripturis visitatum est, tam ad delectandum diligenter auditorem, quam etiam ad edomandam superbiam labore, & intellectum à fastidio renouandum, cui facile intellecta plerumque vilescunt. Et sic maxime hoc loco fieri debuit, ut convinceretur Iudæorum superbia, qui dicebant: Nunquid & nos cæci sumus? id quod & factum est. Statim enim subditur: Et ipsi non intellexerunt, quo vel solo seipsum produunt, cordisque sui cæcitatem. Alioquin ex Ezechiele hæc satis discere potuissent.

Ego sum ostium.]

Nunc quod clausum fuerat aperit, & quod velatis prius verbis dixerat, aperte refferat.

AA. iij. Ideo

Tit. 2

Mat. 23

Ioan. 9.

Eze. 34

Ideo autem parabolā exponit, ne impij prætereundū possent, se verba Christi non intellexisse. Deinde, vt ex hoc discamus rerum significationes quæ res, etiā in alijs parabolis, quas per se ipsum Christus non exposuit. Bis autem se nominat ostium, vt ostenderet se vnū eundēq; esse, qui antiquos pastores, Moysen scilicet & Prophetas dedit in ouile Iudæorū, & nunc electione sua novos emittat Apostolos in ouile gentium. Vbi interim hoc obseruandum, quod non vni ouili duo ostia, sed quod mirabilius est, vnum ostium duobus ouilibus attribuit, vt necessariō consequatur, quod infrā dicturus est: Fiet vnum ouile, & vnus pastor. Vel ideo se bis nominat ostium, non tautologia quadam, sed necessaria duplicis ostij explicatione. Est enim Christus ostium, quo bonus pastor ad oues Ecclesiæ intrat. Est & ostium, quo quisque fidelis ad cælestem Patrē intrat. Vel ideo bis ostium dicitur, quia & ad præsentem gratiam, & ad futuram gloriā, per eum solum peruenitur. Itaque principio Christus ostium est ad oues Ecclesiæ, propterea, quod nemo rectē in Ecclesia doceat, nisi Christū verē doceat, Euangeliumq; annuntiet. Nam credentium cor non viuificatur, nec accipit consolationem, nisi ē solo Christi Euangelio.

Omnes quotquot venerūt, fures sunt, &c.

Vniuersalem præfert sententiā hoc verbum Domini: non tamen vniuersaliter de omnibus intelligendum est, qui ante Christum fuerūt. Alioqui & Moyses & Prophetæ fures fuissent. Obserua igitur quod non de tempore hoc loquitur, sed de doctrina sermo est. Nam ante Christum venire, non est tempore Christum præcedere, sed aliā quam Christi doctrinam docere. Fuerūt quidē Moyses & Prophetæ ante Christum, sed ē spiritu Christi Ecclesiam Dominū docuerunt, Christūq; annuntiarunt, quamuis adhuc sub vmbri latentem: intelligitur igitur verbum hoc primō de his, qui non vocati à Deo, nec electi ab Ecclesia venerunt, seipsos intrudentes, vel ab alijs intrusi, de quibus in Prophetis: Non mittebā eos & ipsi currebant. Hi enim fures sunt & latrones:

Hier. 13.

nam plerūq; neglectis ouibus, seipsos tantum curant. Secundō intelligitur verbum hoc de his, qui homines docent confidere in mendacio, dicētes: Pax pax, vbi nō est pax, hoc est, qui aliā viam docent ad salutem, quam per Christum. Tertio intelligitur verbum hoc de his, qui tunc in ouili tyrannizabant. Nemo enim illorum, vt & suprā dictum est, intrauerat per ostium, quia non venerat prædicando & seruando Dei verbū, sed venerat negando & blasphemando filium Dei. Ideo in presenti dicit: [Fures sunt] non, fures fuerunt, vt sciamus eum spiritua-liter hic Phariseos tāgere voluisse. Ob eandē causam etiā specialiter dixit: [venerunt], cum de Prophetis dicat scriptura, quod nō simpliciter venerint, sed q̄ in nomine Domini venerint. Aliud est enim venisse, aliud in nomine Domini venisse. Quarto intelligi potest verbum hoc de his, qui sese vel pro Christo vel Prophetis venditarūt, & veditant, quas olim fuit Teodas Magus, qui multos de populo Israel decepit, dicens se esse prophetam, quibus & promisit se illis sicco pede per Iordanem trāsitum præstiturum, quēadmodum olim Iosue fecerat, sed tandem & ipse & tota eius societas periit. Talis fuit & Iudas Galilæus, qui prohibēs populū tributa pendere Romanis, itidem eos in interitum duxit. Talis fuit & Simō Magus, de quo in Actis. Tales sunt & nunc Prophetæ Anabaptistarū, aliq; seditiosi prædicatores, qui miserum populū nedum spiritualiter occidunt, sed etiā corporaliter in interitū ducūt. Merito igitur fures & latrones à Domino vocantur. Fures, quia quæstus auidi sunt: latrones, quia tyrannide violenti.

Sed non audierunt eos oues.

Sic cæcus ille, de quo suprā dictum est, fures illos blasphemā in Christum suadentes, audire noluit, potius eligens ab eis eijci, quam ipsis consentire. Obserua quod oues non audiunt huiusmodi fures. Ergo, qui eos audiunt, nō oues, sed hirci sunt foetidi. Quod si ouis aliā quæ deceptæ ad tempus eos audiūt, tamen deprehēsa eorū nequitia resiliunt.

Ego sum ostium.

Hoc ad omnes fideles pertinet, quibus

bus Christus est ostium ad Patrem, & ad bona paterna, quæ sunt iustitia, salus, vita æterna. Nemo enim potest cognoscere Patrem, nisi per Christum. Nemo itē potest assequi iustitiam, salutē, vitam æternam, nisi per Christum, qui est Dei iustitia, salus, & vita. Hinc in Euangelio dicit: Ego sum via, veritas & vita: Nemo venit ad Patrē nisi per me. Et Petrus: Nō est aliud nomē sub cœlo, in quo oporteat nos saluos fieri, nisi nomē Iesu. Et Paul⁹: Per ipsum accessum habemus ad Patrē. Qui igitur per proprias vires tantū ad Deū eiusq; bona cōtendit, nunquam ad ea perueniet. Sic enim & Israel sectādo legem iustitiæ, ad legem iustitiæ non peruenit, quia non ex fide, sed ex operibus tantū eā quærēbat.

Per me si quis introierit, saluabitur.]

Vide Dei bonitatem. Non contentus est monstrasse viam ad Patrem, sed insuper promissionibus nos allicit, non quod nostri in aliquo indigeat, sed ut ostendat, se salutis nostræ auidum. Hinc in Propheta: Traham, inquit, eos in funiculis Adam, hoc est, donis & promissis, quibus facillē capiuntur filij Adam. Primò autem promittit salutem per se intrantibus: [Per me (inquit) si quis introierit saluabitur.] Quo quid maius promittere potuisset? Per Christum autem intrat, qui in eum credit, omnemq; fidutiam suam in ipso ponit. Item, qui Christo intima charitate inhæret. Item, qui per fidem & gratiam Christi congregationi fidelium se iunxerit. Deniq; qui secundum doctrinam & vitam Christi, conuersatus fuerit: is, inquam, salutē consequetur. Iuxta illud: Qui me inuenit, inuenit vitam, & hauriet salutē à Domino. Nec quisquam saluari potest, qui non per hoc ostium in Ecclesiā Dei intrauerit. Sic in diluuiō omnes perierunt, qui in arca inuenti non sunt. Sic in Iericho sola domus Raab seruata est. Obserua autem, quod signanter dicit: [Si quis per me introierit,] quo verbo paucitatem subindicat uerē creditum, quasi diceret: Vix inuenientur & pauci, qui per hoc ostiū intrabunt: Multi enim vocati, pauci verò electi.

Et ingreditur, & egreditur.]

Hoc verbo promittit veram libertatem & securitatem, quasi diceret: In latitudine charitatis & spiritus libertate versabitur. Vbi enim spiritus Domini, ibi libertas. Nec erit illi periculum à latronibus & furibus: sed hoc pastore tutus & securus ager ingrediens & egrediens, viuens & moriens. Vide quanta sit hæc promissio, hoc est, quod toties in Prophetis prædictum fuit: Non nocebunt & non occident in monte sancto meo, &c. Item, Sedebit quisque sub ficu sua, & non erit qui exterreat, &c. Vel aliter, Ingredietur fide, egredietur autem fidelī cōfessione. Vel ingredietur in penetralia suæ mentis, ad considerandam immensam bonitatem Dei circa salutem nostram, collectōq; animo reuoluet secum, quā suauis sit Dominus, quamque magna multitudo dulcedinis, quam abscondit Deus diligentibus se. Deinde egredietur extra contemplationis secretum, ad exterius boni operis exercitium, ad succurrendum proximo, subleuandumq; eius indigentia. Egredietur denique leuando se super se, ut sit conuersatio eius in cœlis, omnibusque terrenis transcens, sola cœlestia & spiritualia contempletur & amet, omnia alia arbitrans ut stercorea.

Et pascua inueniet.]

Alia promissio, qua promittitur verorum bonorum copia, quemadmodū & Dauid: Timentes Dominum, non deficiēt omni bono. Pascua autem hæc sunt, Euangelium, verbum vitæ, iustitia, salus, vita, & omnia Dei bona. Hæc pascua fidelis ubique inuenit ingrediēs, & egrediens in vita & morte. Olim quicumq; ingrediebatur, siue indigena Israelites, siue aduena profelytus, pascua legis & Prophetarum inueniebat: sed egrediens à præfenti vita, quia Paradisus nondum reueratus erat, pascua non inueniebat. Deinceps autem etiam egredientes, hoc est, in Christo morientes, pascua inuenient.

Fur non venit, nisi ut furetur, &c.]

Antithesi quadā seipsum opponit diabolo, itemq; verbū suū, quod est Euangelium impiæ doctrinæ. Fur iste primus Diabolus est, qui primis parentibus stolam immortalitatis, & puritatē innocentis

AA iij stas

tiæ fraudulenter abstulit, & in eis torum humanū genus mactauit & p̄didit. Hinc Christus de ipso dicit: Ille erat homicida ab initio. Deinde fur est, qui Diaboli imitator dissipat ouile Domini. Non enim venit in ipsius gregis suscipiendam gubernationē, nisi vt furetur bona subditorū, expilando nouis exactiōibus & adinuētiōibus. Deinde non venit, nisi vt mactet, potissimū animas, quas prauæ suæ vitæ exēplo plerūq; occidit, aut incuria corrigēdi sinit ire in perditionem. Tot quidē animas perdere dicitur, quot ob inertiam permittit trahi in interitū. Vel aliter impius pastor furest, quia salubria ouīū pabula furatur, & fur tim corrūpit, quando scilicet scripturæ sensum corrūpit. Mactat corpora nō cōsentientium, perdit animas consentientū. Atq; hi sunt fructus impiæ doctrinæ, quod nedū animas perdunt, sed & corpora mactāt, ac malis obijciūt, vt vides in prima Satanæ doctrina cōtigisse.

Ibidem.

Ego veni, vt vitam habeant, &c.]

Sicut Diabolus impiæ doctrina occidit, ita Christus & verbū eius viuificat. Obserua hic, in quē finē venerit Christus, nēpe non vt perdat, sed vt saluet, sicut & suprā dictū est. Atq; hæc est summa consolatio nostra, quæ vel sola sufficeret in quacūq; tētatione, &c. Signanter autē addit: Et abundantius habeant, quasi diceret: Non solum vita sum, verum etiam bonorum thesaurus, ē quo petere licet quicquid volueris. Sic enim ait: Quicquid petieritis Patrē in nomine meo, dabit vobis. Deinde hoc verbo: Et abundantius habeāt, indicat nos plus habere, quā patres veteris Testamēti. Illi enim iuxta fidem defuncti sunt omnes, non acceptis promissionibus, sed à longē aspicientes eas, &c. Nos autē eas habemus. Vitam enim, quam illi habebant in spe, nos habemus in re, sicut & suprā dictum est:

Hebr. 11.

Ego sum pastor bonus.]

Nouit Deus impiorum etiā malefacta ordinare in bonū credentium. Sic ex vno illo Phariseorū impio facto, nēpe quod cæcum immeritō elecerāt, quātam occasionem accepit Christus, monendi, docendi, consolandi, nedum pastores, sed & pios quosq; vt non immeritō

dicat Paulus: Scimus quod diligentibus Deum, omnia cooperantur in bonum. Iudæorū enim impietas ad hoc nobis utilis fuit, vt Christus tot tamq; insignia verba loqueretur. Obserua quod Christus, qui hactenus seipsum & fontem viuū, & panem vitæ, & lucē mundi dixit: nūc alio titulo seipsum nobis proponit, nempe pastoris. Ideo autē tot cognomina sibi vsurpat, vt omnes videamus, quid in ipso, & per ipsum habeamus, & vt consciētiæ nostræ confidentius in ipsum credant, tū in morte, tum in alijs ærumnis. Obserua item quod Christus non vsurpat sibi cognomina, quæ terrere possent. Potuisset quippe seipsum nominasse Iudicem, Dominū, Deum, fortē, & zelotem, &c. sed ea plurimum terrent. Assumpsit igitur ea cognomina, quæ homines allicere possent. Sicut enim lex terret, & minis compellit, sic ecōtra Euangeliū allicit, & promissis trahit, quemadmodū in Osee dixit: In funiculis Adam traham eos, hoc est, dontis & promissis, quibus faciliē trahuntur homines. Sic igitur hoc loco nomine pastoris, fides nostra ingentē consolationem accipit. Optimo iure autē se pastorem nominat. Nam secundum naturā diuinam is est, qui dat escā omni carni, in quem oculi omniū sperant, vt qui manū suam aperit, omneq; animal benedictione implet. Deinde etiā secundum naturam humanā pastor est. Ipse enim potissimum oues cōmissæ sunt. Nam de ipso scriptū est: Suscitabo super gregem meū pastore vnum, Dauid seruum meum, &c. Hinc Petrus eum nominat principē pastoreū: Quum apparuerit (inquit) princeps pastorum, per ciuitatis immarcescibilem coronā. Paulus autem eum magnū pastorem appellat: Deus (inquit) qui eduxit de mortuis pastorem magnum, Dominū Iesum Christum, aptet vos in omni bono. Pastore igitur se nominat Christus. Primò, vt ostendat se eum esse, qui omnia pascit, (nam pastor à pascendo dicitur) Pautis cælesti manna populū in deserto quadraginta annis. Pautis supra naturā quadraginta diebus cibo inuisibili Moysen & Heliam. Pascit naturalibus alimonijs cūcta animātia. Pascit infideles simul & fideles, subditos & rebelles, & neminem

Rom. 8.

Osee 14.

Psal. 144.

Ezech. 34.

1. Pet. 2.

Heb. 13.

Exod. 16.

repellit ab alimento naturali. Solem enim suum oriri facit super bonos & malos. In huius figuram olim Ioseph fratribus suis malè de se meritis, & ultionem scelerum suorum timentibus, respondit: Nolite timere, ego pascam vos, &c. Specialiter autem Christus pascit fideles suos secretiori cibo, verbo scilicet Dei & Sacramentis. Secundo nomine pastoris subindicat, quanta sollicitudine nos curet. Est enim pastorem munus ingentis sollicitudinis. Pollicetur igitur nobis hoc verbo suam curam & sollicitudinem, quo quid dulcius contingere posset? Sic quoque alibi idem pollicetur: Ego, inquit, ero murus igneus in circuitu eorum. Et iterum: Etiam si mater obliuiscatur infantis sui, ego tamen non obliuiscar tui. Hanc Dei pro nobis curam & sollicitudinem David magnificis verbis collaudat & extollit, non in vno loco: Dominus (inquit) regit me, & nihil mihi deerit, &c. per totum Psalmum. Et iterum: Dominus illuminatio mea, & salus mea, quem timebo? &c. Et iterum: Leuavi oculos meos in montes, vnde veniet auxilium mihi: Auxilium meum à Domino, &c. Ecce non dormitabit, neque dormiet, &c. per totum. Si igitur te agnoscis ouem periculis expositam, si times lupum, si desideras pastorem, accede ad Christum. Tertio pastoris nomine Christus nos admonet omnium laborum, quos pro nobis sustinuit, quasi diceret: Agnosce quanto labore te quaesierim, quam charè te redemerim, non corruptibilibus auro & argento, sed sanguine meo. Verè enim dicere potest Christus, id quod Iacob olim dixit: Nocte & die gelu vrgebar & aestu, & fugit somnus ab oculis meis, &c. Ideo autem nos laborum suorum passionisque admonet Christus, ut vel hinc agnoscamus gravitatem peccati, & magnitudinem diuinæ dilectionis, sicque & gratias agamus, & à peccatis caueamus. Hinc Paulus: Empti estis pretio magno, glorificate & portate Deum in corpore vestro. Quarto, nomine pastoris docet, se curatorem esse inertiae nostrae & stultitiae. Quod enim pastor est ouibus, hoc Christus nobis est. Omnis ouium salus à pastore pendet, alioqui facile seipsas perdunt. Sic omnis nostra salus à Christo pendet. Gratias igitur

Deo, qui pastorem talem nobis dedit. Demum etiam ideo se pastorem nominat, ut doceret Apostolos, eorumque successores, officium eorum non esse dominationem, sed ministerium, nec otiosum, sed laboriosum hominem requirere. Hoc vno igitur verbo pulcherrimè eos officij sui admonet. Obserua autem, quod non simpliciter dicit: [Ego sum pastor,] sed addit: [Bonus,] quo verbo indicat, quod non omnes boni sint, qui pastores nominantur, id quod in Ezechiele clarè indicatur. Optimo iure autem se bonum dicit pastorem. Est enim bonus in natura. Nemo enim bonus, nisi solus Deus. Est & bonus in gratia, teste Sapiente: O quam bonus est Domine spiritus tuus. Est & bonus in pastoralis cura, id quod in sequentibus probabit. Vide igitur, quantum consolationis vno hoc verbo comprehendatur. Hunc pastorem petebat Moyses, cum diceret: Prouideat Dominus Deus spirituum omnis carnis, hominem qui sit super multitudinem hanc, & possit exire & intrare ante eos, ne sit populus iste sicut oves absque pastore. Obserua etià hinc, quod Christus in singulari dicit: Ego sum pastor bonus: quo verbo non tam se alijs praeponit, quam paucitatè indicateorum, qui veri pastores sunt.

Bonus pastor animam suam dat pro ouibus.]

Animam dat, hoc est, vitam corporalem exponit periculo pro salute ouium. Vel animam dat, hoc est, tanto affectu eas diligit, ut nedum sua, sed & seipsum, imò si fieri posset, cor & animam eis impartiretur. Sic Christus verè animam dedit pro ouibus: mortuus est enim pro fidelibus. Atque id melior pastor est, quod pro impijs adhuc & peccatoribus mortuus est: Cōmendat, inquit, charitatē suam Deus erga nos, quod cum adhuc peccatores essemus, Christus pro nobis mortuus est. Poterat autem Christus huius suae bonitatis formam altius sumere, quia cum esset in forma Dei, propter nos populum suum & oves pascuae suae semetipsum extenauit, formam serui accepit. Et cum haberet oves nonagintanovem, id

Ezec. 34
Mar. 10

Num. 27

Rom. 8

Phil. 2

Luc. 15. Id est, omnem beatorum Angelorum multitudinē, relictis illis, venit vnam, quæ errauerat, quærere. Sic, inquam, poterat formam suæ bonitatis exponere, sed hoc exemplum nulli imitabile est. Bene ergo hoc solū proponit quod imitabile est: [Bonus], inquit, [pastor animā suā dat pro ouibus suis.] Hoc enim pastoribus spiritum charitatis habentibus imitabile est, imò imitari dulce est. Vnde Paulus: Ego libenter impendam, & superimpendam pro vobis. 2. Co. 12. Secundò ideo non alio medio, quàm morte sua probat se verum pastorem, quia non est maior dilectio, quàm quū quis animam suam ponit pro amicis suis. Tertiò mortis suæ meminit, vt ostendat neminē in Ecclesia pastoris nomine dignū esse, nisi paratus sit nedum sua, sed & seipsum expendere pro salutē te ouium. Hinc Christus: Si quis vult post me venire, & non odit animam suam, non potest meus esse discipulus. Luc. 14.

Mercenarius autem.]

Haecenus & bonos & malos pastores descripsit: nunc hoc verbo aliud quoddā genus hominū proponit, qui nec omnino mali sunt. Non enim sunt fures aut latrones. Nam & per ostium intrant & bene docent: nec tamen omnino boni sunt, quia plus seipsos suaque quærunt, & amant, quàm oues earumque salutem. Vbi autem mercedis est ratio, ibi charitas aut nulla est, aut imperfecta: & si quod præstatur officium, non præstatur ex animo verī pastoris. Hos Christus optimo cognomine mercenarios nominat. Mercenarius enim est, qui venterem suum curat, & solūm compendiū suum spectat, alioqui nihil ageret. Iustus quidem est, lac & lanam percipere eum, qui gregem pascit, sed nihil aliud quærere, nedum impium, sed & stultum est. 1. Cor. 9. Fidelibus enim pastoribus nedum quæ ad temporalem victum & vestitū pertinent, conceduntur, sed & æterna præmia promittuntur, vt patet in parabola de seruis. Mat. 25. Stultus igitur est, qui cum & temporalia & æterna habere posset, ipse solis temporalibus contentus est.

Et qui non est pastor.]

Declaratio est eius, quod dixerat. Pa-

storis enim nomine indignus est, qui plus seipsum quàm oues diligit. Vel hac additione aliud genus hominum in Ecclesia versantium subinducat, eos scilicet, qui titulotenus sunt pastores. Nō quidem sunt fures & latrones, sed tamen pastores dici non possunt: imò nec mercenarij, quia nihil laborant. De quibus in Zacharia: Ecce ego suscitabo pastorem, qui derelicta non custodiet, & dispersa non quæret, &c. Et ibidem: O pastor & idolum derelinquens gregem. Amos. De his etiam Amos: Optimo, inquit, vnguento delibuti, non compatiebantur super contritione Ioseph, &c. Talis erat Sobna, cui per Esaiam dicitur: Quid tu hic, aut quasi quis hic? &c. quasi diceret: Non es quis, sed quasi quis. Habes igitur quinq; genera hominum in Ecclesia versantium. Fur, qui nō ritē ingreditur: Latro, qui mala doctrina vel vita occidit: Mercenarius, qui ventrem suum curat: Pastor verus, qui ouium salutē indefessē quærit: Et idolum pastoris, qui scilicet tantū nomen habet, & præterea nihil.

Cuius non sunt oues propriæ.]

Et hoc vtique non sine grandī pōdere dictum est: [Non sunt eius propriæ.] quia videlicet non in eius pectore gratia mater eos parturiuit, quomodo in Paulo, qui dicit: Filioli, quos iterū parturio, &c. Non possidet animum eius spiritus pastoris boni, & ideo non mirū, quod non & ipse brachio suo colligat agnos, & in sinu suo portet eos. Gal. 4. Esai. 40.

Videt lupum venientem.]

Videt inquit, instare periculū, scit quid faciat mala doctrina, scit plerosq; damnaviliter peccare. Hæc omnia mercenarius scit, & tamen tacet. Omnis igitur ei sublata est excusatio, Emphasim autem habet, quod dicit: Videt venientem] quasi diceret: Adhuc longē posito lupo, ipse sibi cauit: nondum mali aliquid perpessus est, & statim fugit.

Dimittit oues, & fugit.]

Non fugiunt oues à mercenario: nō enim habent causam legitimam, cur nō audiant vocem, vel cur eius cōmunionē deuitent, cur illi lac suum ad edendum, &c.

& lanam ad cooperiendum denegēt, sed ipse fugit. Obserua quod non arguitur mercenarius, quod furatus sit, mactauerit, & perdidit: sed tantum quod videt periculum & fugit, hoc est, verbum exhortationis subtrahit, ne si lupo resistat, temporale commodum, quod amat, amittat. Fugit, cum hæreticis non obstitit ex timore, ne quid incommodi pariat. Fugit itē, cum vitia subditorum non corripit sed tacet, conuiuet, dissimulat, ne quē offendat. Amat enim plerumque oues suā perniciē. Præterea fugit, cum quod stulti gregis libidini adlubescit, hoc docet, hoc inculcat, ut gloriā venetur & commodum.

Et lupo rapit, & dispergit oues.

Pulchrè Diaboli natura hic describitur. Lupus siquidem est Diabolus, quantumcumque se amicum simulet. Lupus, inquam, omnibus Dei operibus infestus, maxime tamen homini. Mortem enim & exitiū nostrum non minus optat, quam lupo ouium. Vide igitur, ne illi credas. Non ignoramus, inquit, cogitationes eius. Hinc Petrus monet, ut sobrii simus, & vigilemus. Rapit autem Diabolus, dum gregem per falsas doctrinas, per peccata, per offendicula, & per mortem dilacerat. Rapit, cum a Deo abducit in suum regnū. Quos autem rapere non potest, dispergit: & ita errabundas facit, ut nesciant, ubi consistere debeant. Omnium horum malorum causam præstat mercenarius, in hoc, quod fugit. Ob eam igitur causam, quamvis ipse non occidat, tamen quia fuga sua prodit oues lupo, sanguis perditur ouium requiritur de manu eius. Hinc in Esaia: Principes tui infideles socii fuerunt, non quidem fures, sed socii furum, quia diligunt munera. Hinc & Christus seruū infidelē in iudicio diuidet, & partē eius ponet cum hypocritis. Diuidet, inquit, hoc est, diuisum & duplicē fuisse redarguet.

Mercenarius autem fugit, quia mercenarius est.]

Fugit interdum & verus pastor, sed cum personalis tantum est persecutio. Fugit quidem, sed non dimittit oues, nec cessat ab officio. Sic Christus non nunquam fugit. Sic & Paulus à Damasco fugit, &c. Mercenarius autē ita fugit, ut & omnino ouium curā ex animo eiiciat, & omnino ab officio cesset.

Quia mercenarius est, & non pertinet ad eum, &c.

Causam fugæ ponit. Primò, quia mercenarius est. Non enim quæ Christi, sed quæ sua sunt, quærit, existimatque quæstum esse pietatem. Deinde non pertinet ad eum de ouibus. Cogitat enim, Quid tum, si pereant? Mihi nihil perit, merces in tuto est: & si quid perire mercedis, hoc perire malo, quam pro pecudibus alienis decertare cum lupo. Reperietur alius grex, cui præficiar, &c.

Ego sum pastor bonus.

Repetit quod supra dixit. Primò, ut sciamus eum & prioris populi, & eorum qui nunc credunt, pastorem fuisse, ob quam causam & supra bis se dixit ostiū. Secundo, ut fortius animis inhæreret, quod dixerat se esse pastorem, non enim parua consolatio ex hoc fidelibus profuit. Tertio ideo repetit, ut doceat se solum vnicum, & verum esse pastorem, qui à Prophetis prædictus est, qui & solus saluare potuit gregē suū. Sic enim in Ezechiele promissit Deus: Suscitabo super eas pastorem vñ, qui pascat eas, seruum meū David, ipse pascet eas: ego autem Dominus eorum, &c. Postremo ideo toties repetit se pastorem esse, ut ostendat neminē suā culpa perire, quasi diceret: Ego, quod in me est, paratus sum pascere, regere, adiuuare. Quod si quis perit, suā culpa perit: signum enim est, quod obsequi noluit.

Et cognosco oues meas.

Hoc verbo primum eos terret, qui ouium vestimenta prætendunt, & in ouili sedent, cum interim sint lupi suo tempore eiiciendi: Non, inquit, me decipis externa specie:

Ego oues meas cognosco.

Non omnes oues sunt, qui in ouili degunt. Sic alio loco dicit discipulis: Non de omnibus vobis loquor, ego scio quos elegerim. Et iterum: Non omnis qui dicit mihi, Domine, Domine, intrabit in regnū, &c. Et Paulus: Dominus nouit qui sunt eius. Hæc igitur merito omnes Pseudochristianos terrere debet, quandoquidem scimus, quod hi qui inter oues non agnoscuntur in iudicio, se ueræ illi sententiæ subiacebunt: Ite maledicti in ignem æternum. Secundo hoc verbo pios omnes admodum consolatur.

Phil. 24
1. Ti. 6

Ezec. 34

Ioan. 13
Matt. 7

2. Ti. 2

Mat. 25

Si

Siquidem nihil fortius hominem pium exhilarat, quam cum audit & videt Deum suam curam agere, quemadmodum econtra nihil adeo piorum animos ex cruciat, quam cum à Deo nullam consolationem sentiunt. Exemplo sit Iob. 42. ille sanctus, qui nullam consolationem admittere voluit aut potuit, donec Deus um repropitiatus sentiret. Et Christus ipse omnium passionum, quæ tamen multæ erant, oblitus, hoc solum alta voce conquestus est in cruce, quod nullam à Deo sentiebat consolationem: Mar. 27. Deus, Deus meus, inquit, ut quid me dereliquisti: Contra hanc tentationem Christus dicit.

Cognosco oves meas.

Vbi observa, quod non tantum dicit: Diligo oves meas, sed: *Cognosco*, quod magnificentius est. Hoc enim verbum cum significatione dilectionis simul sonat affectum compassionis, quasi diceret: Non solum diligo eas in corde, sed video ubi sint, quid ipsis desit, quid pantantur, &c. Sic Sapiens ait: Nouit sapiens animas iumentorum suorum, viscera autem impiorum crudelia, Hinc & David: Dominus nouit figmentum nostrum. Sic Moyse dicitur. Noui te ex nomine. Hoc modo Deus cognouit ipsum Iob: Nunquid, inquit, considerasti seruum meum Iob, quod non sit ei similis? &c. Hoc modo cognouit & septem millia virorum, qui non curauerant genua sua ante Baal. Hoc modo cognouit etiam Dauidem in medio fratrum suorum: Elegi, inquit, mihi ex filiis Isai regem. Hinc David ipse: Domine probasti me, & cognouisti me, &c. Hoc modo Christus cognouit Nathanaelem: Ecce, inquit, verè Israelita, in quo dolus non est.

Et cognoscunt me meæ.]

Hoc verbo primùm impios illos repperit, qui dixerant: Hunc nescimus unde sit. Vult autem dicere Christus: Quid enim, quod vos me non agnoscitis, meæ tamen oves me cognoscunt: Imò in eo, quod me non agnoscitis, nec ego vos agnosco inter meas oves. Qui enim ignorat, ignorabitur. Et quæ mei puduerit coram hominibus, eius & filium hominis pudebit, cum venerit in maiest

state sua, & patris, & sanctorum Angelorum. Deinde hoc verbo veram naturam Christianorum ostendit: Me, inquit, cognoscunt, qui mei sunt. Cognoscunt autem Christum, non qui nomen eius aut dicta vel facta eius memoria tenent, sed qui credunt & obsequuntur. Sicut econtra qui non credunt nec obediunt, nescire Dominum dicuntur, quemadmodum Pharaon: Dominum, inquit, nescio, & Israel non dimitto, &c. Oves igitur verè Christum cognoscunt: habent enim Spiritum sanctum, quo & ipsum & vocem eius cognoscunt. Iuxta illud: Deus est, qui confirmat nos, deditque arram spiritus in cordibus nostris. Cognoscunt autem per Christum, hoc est, verè credunt, quod ipse sit pastor & saluator eorum, atque hoc est, quod in Hieremia dicitur: Omnes cognoscent me à minore usque ad maximū. Et in Osee dicunt credentes: Vivemus in conspectu tuo, sciemus & sequemur te. Ad eum modum & sponsa dicit: Dilectus meus mihi, & ego illi. Atque hoc est verè cognoscere Christum. Iam vide, an ita eum cognoscas, ut in eum credas, eum timeas & ames, eique obsequaris.

Sicut nouit me Pater, & ego, &c.

Hoc verbo indicat, quomodo cognoscat oves suas. Non, inquit, simplici notitia (qua & impios cognosco) sed:

Sicut me Pater nouit, & ego Patrem.

Iam Pater Christum ita cognoscit, ut & summè diligit: & Christus ita Patrem cognoscit, ut eum summè diligit. Consequitur igitur, quod cognitio, qua fideles suos agnoscit, adiunctam habeat summam charitatem. Verè felices, quos Christus sic cognoscit, ut & impense diligit. Infelicissimi autem, quos tantum cognoscit, non autem approbat, nec ipsos nec aliquid eorum, quibus & tandem dicet: Nescio vos, &c. Deinde hoc verbo innuit, talem esse debere etiam cognitionem, qua fideles Christum cognoscunt, nempe coniunctam charitati. Oves meæ, inquit, me cognoscunt, non simpliciter, sed sicut nouit me Pater, hoc est, ut simul etiam diligant. Præterea his duobus verbis: Ego cognosco meas, & Cognosco Patrem, duo charitatis præcepta à se completa indicat, sine quibus

Mat. 22. bus nemo vnquam pastor idoneus fuit aut esse potest. Primum & maximum est mandatum de dilectione Dei, quod intelligitur in eo, quod ait: Ego agnosco Patrem. Secundum autem huic simile est: Diliges proximum tuum, &c. hoc intelligitur in eo, quod ait: Cognosco meas. Idcirco autem prius secundum, & post signatū est primum, quia videlicet per dilectionem proximi ascenditur ad dilectionem Dei. Qui enim non diligit fratrem suum quem videt, Deum quem non videt quomodo potest diligere?

1. Ioan. 3. Et alias oues habeo, quæ non sunt ex hoc, &c.]

Mat. 15. Ne quis putaret præmissas promissiones ad solos Iudæos pertinere, hoc addidit Christus, quasi diceret: Non te moueat, quod Deus hæcenus Iudæorum Deus tantū fuit. Itē, quod ego ad oues domus Israel potissimū missus, quodque prædicta verba ad Iudæos locutus sum, & inter eos.

Psalm. 110. Alias enim adhuc oues habeo.]

Psalm. 110. Sic in Psalmo Deus Pater Filio dicit: Postula à me, & dabo tibi Gētes hæreditatē tuam, &c. Et in Esaiā: Dedi te in lūmē Gentium, vt sis salus mea vsq; ad extremū terræ. Et Filius ipse. Ab ortu solis vsq; ad occasum, magnū est nōmē meum in gentibus. Et iterū: Multi venient ab oriente & occidente, & recumbent cum Abrahā, &c. Et Ioannes: Christus nō solū moriturus erat pro gēte, sed vt filios Dei, qui dispersi erant, congregaret, &c. Hac igitur sententia, Christus propriē vocationē gentiū prædixit. Singula autē verba suam habent emphasim. Primò, quanquā nondū vocati essent Gentiles, tamen iā eos se habere dixit, vt ostēdat prædestinatos ab æterno, quæadmodum Paulus dixit: Elegit nos in Christo ante mundi cōstitutionem. Deinde oues nominat, qui adhuc in peccatis erant, nec pastorem agnoscebāt: vt discamus, nullū condēnare propter præsentem statum, cū nesciamus, quis futurus sit. Tertiò, [Non (inquit) sunt ex hoc ouili,] hoc est, Iudæorum populo, qui olim solus Dei populus erat. Hoc igitur verbo cōuersis ex Gentibus spes datur. Nunc enim non est Iudæorum

Deus tantū, sed & gentium. Et Euangelium est virtus Dei ad salutem omni credenti, Iudæo simul & Græco. Quare illas, inquit, oportet me adducere. Quanquam enim per Apostolos vocati sint Gentiles, tamen Christi potentia factum est, quod crediderunt. Ipse enim dat incrementum. Adducendas autem *1. Cor. 3.* dicit, vt ostendat, non satis esse, quod oues simus, nisi etiam in vnitatē Ecclesiæ permaneamus. Signanter autem dicit. Oportet me eas adducere, vt ostendat & suum & Apostolorum officium esse, vt adducant homines Deo. Non habet pastor Euangelicus quod otietur. Sunt enim aliqui in ouili, sed ijdē adhuc multis malis obnoxii, quæ Ezechiel enume- *Ezec. 34.* rat: quibus sanandis fidelis pastor inuigilare debet. Alii extra ouile degunt, hi adducendi & attrahendi sunt. Alii partim in Ecclesia, partim extra Ecclesiam sunt, qui videlicet aut fide aut operibus deficiunt. Omnibus his succurrere debet pastor. Postremò ideo dicit: Me oportet adducere. Ipse enim est, per quē *Gen. 22.* benedicuntur omnes gentes.

Gen. 22. Et vocem meam audient.]

Hoc verbo ostendit, se non vi aut violētia eos attracturos, sed verbo suo. Errant igitur, qui expectant donec vi à Deo trahantur. [Vocem, inquit, meam audient.] Verbum Christi est attractio eius: hunc tractum sequuntur oues, nec alium expectant, sed cum Petro dicunt: Ad quem ibimus? verba vitæ habes. *Ioan. 10.*

Ioan. 10. Et erit vnum ouile, & vnus pastor.

Ex hoc verbo quidam colligere voluerunt, post nouissimam iudicii diem, omnes & bonos & malos simul in vnum æternæ vitæ locum congregandos esse. Sed falsò colligunt. Non enim dixit Christus, omnes homines in vnu stabulum congregandos, sed:

Mat. 23. Erit vnum ouile.]

Ad ouile autem, vt & suprā dictum est, nec canes, nec hirci, nec porci admittuntur, sed solæ oues. Patet igitur, quod locus hic non de malis loquitur, sed tantū de bonis, qui oues dicuntur. Huc pertinet, quod Christus dicit:

BB in ius

in iudicio oues ab hœdīs separandas, &
 Mat. 25 aliud iudicium ouium, aliud hœdorum
 futurū: tantum abest, vt in vnū ouile si-
 mul congregentur. Sic Paulus: Omnis,
 1. Co. 6. inquit, fornicator aut auarus, &c. nō ha-
 bet hœreditatē in regno Christi & Dei.
 Apo. 22. Et Ioannes: Foras, inquit, canes & ma-
 lefici, &c. Quomodo igitur posset vnū
 esse ouile bonorū & malorū? Igitur alię
 illæ oues, Gentes incircūcisæ sunt, quę
 non sunt ex ouili Iudæorum. Nō enim
 habebant testamenta, non erant de pro-
 genie Patriarcharum, alieni erāt à Chri-
 sto, ab alienatī à Republica Israelis, &c.
 Nihil igitur aliud vult Christus hoc
 Ephe. 2. verbo, quā quod paries ille inimicis-
 riarum, qui hactenus Iudæos à Gentibus
 segregauerat, demoliendus esset,
 omniumq̃ electorum siue ē Iudæis, siue
 ē Gentibus futura esset vna Ecclesia.
 Mat. 21. Hinc Christus dicitur lapis angularis,
 propterea, quod duos in se populos tan-
 quā parietes cōplectitur. Hinc & Pau-
 Ephe. 2. lus: Ipse, inquit, est pax nostra, qui fecit
 vtrāque vnum. Et post pauca dicit Gen-
 tibus conuersis: Iam non estis hospites
 & aduenæ, superædificati supra funda-
 mētum Apostolorū & Prophetarum,
 ipsi summo angulari lapide Christo le-
 su, &c. Sic & Zacharias: Ipse, inquit, ædi-
 ficabit templum Domino, & consilium
 Zach. 6. pacis erit inter duos illos, puta Iudæos,
 & Gentes. Iam, cum Gentes statim post
 ascensionem Christi vocari cœperē sint,
 constat, quod verbum hoc Christi iam
 dudum impletum est & quotidie imple-
 tur. Nō igitur est quod expectes etiam
 malos, finaliter ad ouile illud cōgregan-
 dos, cum Christus planē de ipsis dicat:
 Mat. 25 Ibunt hi in supplicium æternum, iusti
 verō in vitam æternam. Quod autem
 omnium electorum, siue ē Iudæis, siue
 ē Gentibus, vna dicitur Ecclesia, non in-
 telligendum est, quod omnes electi in
 vno loco sint, vel conuenire debeant in
 hac vita. Sed ideo dicitur vna Ecclesia
 propter fidei, spei, charitatisq̃ vnitatē.
 Ipsa est enim vnum mysticum corpus
 Ephe. 4. Christi, quod ab vno capite Christo gu-
 bernatur, vno Spiritu sancto viuifica-
 tur, vna lege regulatur, vno fonte puri-
 ficatur, vno panereficatur, ad vnā pa-
 triam proficiscitur. Ex hoc igitur verbo
 1. Pet. 3. colligitur: Primò quod nemo saluatur,

nisi in vno hoc ouili Ecclesiæ inueniatur. Per
 tur, huius figura præcessit in arca Noe,
 &c. Secundo consequitur ex hoc verbo,
 quod nō satis est, corpore esse in Eccle-
 sia, nisi ouis sis, & vnū illum pastorem
 agnoscas Christū. Tertiò consequitur,
 quod multi iā copore sunt in Ecclesia,
 qui tamen nō pertinent ad vnū illud ou-
 uile. Et ecōtra multi iam non sunt in Ec-
 clesia, qui tandem introducentur.

Propterea diligit me Pater, &c.]

Hoc verbo docet, nullum opus Deo
 acceptius esse, quā aliorum salutē cura-
 rare, bonū pastorem esse, & animam pro
 ouibus dare. Pōterat quidem sic dicere,
 Propterea diligit me Pater, q̃ in prin-
 cipio omnia per me creauit: verū hoc
 loco pastorem bonum instruere intēdit,
 & illud notū facere, quod lucro ani-
 marū Deo nihil charius sit. Hoc itaq̃
 verbo omnes pastores allicere voluit,
 vt diligenter inuigilent salutē animarū,
 cū audiant opus hoc tantū apud Deum
 meriti esse: imò omnes Principes, Pa-
 tres familiās, Christianos deniq̃ hoc ver-
 bo admonere voluit, vt solliciti sint pro
 salute subditorum, familiæ filiorū, &c.
 Si non potes ardua illa opera agere, quę
 alij agunt, saltē hoc quod summē Deo
 placet, age: instrue filios, familiā: [Pro-
 pterea (inquit) diligit me Pater, &c.]
 Admonemur etiā hoc verbo, vt sum-
 mo studio vitemus aliorū scandala: Ve-
 enim homini, per quem scandalum ve-
 nit. Præterea, nedū summē placet Deo,
 salutē animarum inuigilare, sed & sum-
 mē à Deo remuneratur. Ob hoc enim
 opus, nedū Christum dilexit Deus Pa-
 ter, sed & super omnia eum glorificauit:
 Quia, inquit, factus est obediēs, &c. pro-
 pter hoc eum exaltauit, & dedit illi no-
 men, &c. Sic & Dauid prædixit: De tor-
 rente, inquit, in viā bibet, propterea ex-
 altabit caput. Et Esaias: Si posuerit pro
 peccato animam suam, videbit semen
 longæuum, &c.

Pono animā meam, & iterū sumo eam]

Quod Christus hoc loco non semel
 animam nominat, velex professio percu-
 tit Apollinarem, qui asserere audebat,
 Christū nō habuisse animā rationalem,
 sed corpus dūtaxat humanū, cui cōiū-
 cta diuiditas, animæ locum obtinuit.
 Atqui

Atqui hic non semel audiscum loquen-
tem de anima sua, &c. Deinde, quod di-
cit se animam ponere, non intelligas de
separatione animæ à verbo. Nam etiam
disseparatis post mortem anima & cor-
pore Christi, verbum Dei vnigentum
vtrique seiuncto abinuicem mansit in-
separabiliter coniunctum, neque vlla vn-
quam facta est separatio verbi, vel à sa-
cratissimo corpore, vel à sanctissima a-
nima. Ea igitur animæ positio, de sepa-
ratione animæ à carne solùm accipien-
da est. Quod autem non tantum dicit: [Pos-
no animam meam,] sed statim infert:
[Iterum sumo eam,] primò terret Iu-
dæos, mortem suam affectantes. Secun-
dò consolatur discipulos, de morte sua
contristandos, quemadmodum & alibi
dicit: Iterum videbo vos, & gaudebit cor
vestrum, &c. Præterea hoc verbo etiam
ostendit, quale sit regnum suum. Sicut
enim ipse Christus primo mortuus est,
deinde exaltatus: sic omnib⁹, qui in reg-
nò eius esse volunt, primò moriendum
est & descendendū, postea sequetur glo-
rificatio. Hinc in Matthæo dicit: Qui
vult venire post me, abneget semetip-
sum, &c. Præbet hoc verbum & aliam
nobis consolationem, nempe, quod etsi
moriendū nobis est, certi tamen sumus
de futura resurrectione nostra: Scio (in-
quit Iob) quod in nouissimo dñe resur-
gam, &c.

Nemo tollit eam à me, &c.]

Indicat hoc verbo, se ideo pati, quia
sic suæ & Patris voluntati placeat, non
quia Caiphas aut Pilatus coegerint. Ni-
si enim sponte mori voluisset, nihil po-
tuisset cōtra eū omnes aduersarij: id
quod euidenter in horto ostendit, cū
vno verbo omnes eos prostrauit. Do-
cemur hinc, quod pñ nō ideo patiūtur,
quia aduersarij sua potestate aliquid in
ipso possint: sed quia sic est voluntas
Patris, quam voluntatē per imploxe-
quatur, in extremum ipsorum exitum,
in summam autem piorum vtilitatem.

Potestatem habeo ponendi animā, &c.]

Hoc verbo euidenter probat suam diui-
nitatē. Quis enim purus homo hoc po-
test? Alij moriuntur cū nolint, & mor-
tui non reuiuiscunt. Et quāuis quisque
sibi manus adferre potest, vt scelerata

morte pereat, non potest tamen vitā se-
mel elapsam in corpus reuocare. Do-
cemur igitur ex hoc verbo, Christū esse
Dominū vitæ & mortis, id quod sum-
mè consolatorium est.

Hoc mandatum dedit mihi Pater.]

Ostendit Patris voluntatem esse, vt
moriatur pro hominibus, vt vel hinc
& Dei Patris erga nos voluntatē disca-
mus. Si enim proprio Filio suo nō pe-
percit, quomodo non omnia nobiscum
ipso donaret? Ostendit secundo hoc ver-
bo, Dei præceptum esse, vt pro nobis
mutuò solliciti simus: Vnicuique enim
mādaui Deus de proximo suo. Et Chri-
stus: Mandatum nouum do vobis, &c. Ioan. 13
Omnibus enim nobis dicitur id, quod
Ioseph fratribus suis dixit: Non videbi-
tis faciem meam, nisi adduxeritis fra-
trem vestrum minimum.

Dissectio iterum facta est, &c.]

Christus semper est alijs odor mor-
tis in mortem, alijs odor vitæ in vitam,
Signanter autem dicit: [Iterum.] Nam
& supra frequenter hoc cōtigisse audi-
uimus. In hac autē iudiciorū de Chri-
sto variatione videmus mūdi naturam.
Est enim mūdus à Christo iudicandus,
sed ecce nunc de Christo iudicandi sibi
authoritatem sumit. Quanta igitur est
Christi humilitas, qui se patitur ab alijs
quorū ipse iudex est, iudicari!

*Alij dicebant, Demonium habet, &
insanit.]*

O peruersitatem, hoc cline erat, quod
Paterfamilias de malis illis, & merito
malè perpēdis agricolis dixit: Verebun-
tur filium meū! Verè igitur in Esaja di-
cit de vinea sua, hoc est, de populo illo:
Expectaui vt faceret vuas, & fecit fa-
brascas. Tripletter autē contumeliam
Christo inferunt. Primò, eū in quo ha-
bitauit septiformis spiritus Domini, &
cui à Deo Patre datus est spiritus nō ad
mensurā, quiq; solo verbi imperio spi-
ritus malos à vexatis hominibus pro-
pulsabat, dixerūt agitari dæmonio, idq;
non solū hoc loco, sed & alijs sæpe.
Quā graue autē & inextimabile sit sce-
lus hoc ludgorum, ex eo patet, quod in
Matthæo dicitur, peccatum in Spiri-
tum sanctum, & ideo irremissibile.
Nec contenti hac blasphemia (imple-

tas enim semper in peius excrescit ad-
dunt aliud probrum, dum eum, qui est
Coll. 2. virtus & sapientia Patris, in quo sunt
omnes thesauri sapientiae & scientiae abs-
conditi, insanire dicunt. Demum, quid
eum auditis (Inquiunt) indignum eum
iudicantes qui audiatur, atque cum sto-
macho indignantes illis, qui aures ver-
bis illius praebeant. Omnia haec tam di-
ligenter describunt Euangelistae, ne quis
Christo inferior indigneretur, si etiam si-
bi tale quippiam acciderit: Si Patrem
Mat. 10. familias, inquit, dixerunt Beelzebub,
quantò magis domesticos eius? Imò
ideo primo loco describit Ioannes eos,
qui ex sermone Christi offensi sunt, ut
quilibet Predicator sibi persuadeat, nun-
quam defuturos, qui eius sermones
carpant.

*Alij dicebant: Haec verba non sunt dae-
monium habentis, &c.]*

Quantumvis multi offendantur ex
verbis Christi, eisque reclamant, semper
tamen vel aliqui ex eisdem emendantur.
Non enim reuertitur verbum Dei va-
cuum. Hoc autem non parvam consola-
tionem praebet Predicatoribus, quòd
sciunt, se non frustra laborare. Vide au-
tem, quàm diligenter hi posteriores &
verba & facta Christi perpendunt. Haec
verba, Inquiunt, non sunt daemonium
habentis. Omnino enim repugnat dae-
monium habere vel insanire, & talia ver-
ba loqui. Nò sic loquitur aut loqui po-
test daemonium. Sic supra quidam di-
xerunt: Quomodo potest homo pecca-
tor haec signa facere? Deinde, Nunquid
potest daemoniù cæcorum oculos ape-
rire? Quamquam enim maligni spiritus
Exo. 7. praestigijs suis plerumq; oculos intuen-
tium eludant, exhibentes coram rei spe-
ciem, quæ non adest, aut repente aliqua
aliunde adducant, vt in Magis Pharaonis
videmus. Miracula tamen, quæ naturæ
legem transcendunt, nequaquam veraciter
operari valent. Imò daemonis opus est,
homini nocere, excæcare, in cuius figura
rex Ammonitarum ad filios Israel
misit. In hoc, inquit, feriam vobiscum
1. Re. 11. foedus, vt omnium vestrum oculos de-
xtros eruat, &c. Obserua quòd Christus
ad huiusmodi de se iudicia, imò ad ma-
nifestas illas blasphemias sibi irrogatas,

nihil respondet. Superius enim se dae-
monium non habere satis ostendit. Deinde
de indigni erant impij illi, quibus respon-
deretur, præterea nò opus erat, vt am-
plius à Christo arguerentur, cum inuis-
cem dissiderent, & ipsi se mutuo repre-
henderent. Demum etiam nos per hoc do-
cuit, nò esse semper contendendum cum
improbis, & factis potius declarandum
quid possimus, quàm verbis. Et nonnun-
quam malorum furori cedendum esse,
nec vnquã Euangelicæ mansuetudinis
oportere obliuisci. Iuxta illud: Discite à
me, quia mitis sum, &c.

Facta sunt Encœnia Hierosolymis.]

In Psalmo legimus Dauidem excla-
mantem: Quàm magnificata sunt opera
tua Domine, nimis profundæ faciæ
sunt cogitationes tuæ. Haec autem ve-
ra esse nemo negabit, qui ea quæ hæc-
nus in Ioanne audiuius, ad mentem
reuocabit. Verum nihilominus & illud
verum est, quod in eodem Psalmo statim
subditur. Vir insipiens non cognosceret,
& stultus nò intelliget hæc: id quòd ha-
ctenus plus satis in Iudæis vidimus.
Nò tamē ob id cessat Christus, imò ma-
gis ac magis opera sua coram oculis eorū
magnificat, & cogitationes suas in auribus
eorū reuelat, vt offensa illis nos vi-
deremus, & dicta illis nos intelligere-
mus, quatenus eodem igni humiliū ocu-
li illuminarentur, cuius fumo illorū su-
perbia excæcarentur. Congruè aut Ioan-
nes argumenta diuinitatis Christi in hac
historia scripturus, præmittit tempus,
diem & locum, quando & vbi ea dicta sint,
vt eo certiores reddamur. Sicut & supra
fecit, cum eiusdē diuinitatis testimonia
quædā scripsisset. Haec, inquit, dixit Ies-
sus in Gazophylatio, &c. Encœnia autē
temerāt festa, quibus celebrabatur tem-
pli innouatio, quæ nos templorum des-
dicationes vocamus. Iā cum templum il-
lud aliquoties vel destructū vel prophe-
tatum fuerit, plures etiam legimus in-
nouationes vel dedicationes eiusdē. Pri-
mò siquidē ipsum templum dedicauit
Salomon, in mense septimo, hoc est,
Septembri. Secundo, templum reedifi-
catum dedicauit Neemias & Esdras,
duodecimo die mēsis primi. Postea
Iudas Machabæus, templum ab
Antioch

Antiocho prophanatum emundauit, in mense Casleu, qui apud nos est Nouem-
ber, Atque legem posuit, vt posterī per
octo dies hanc templi renouationē cele-
brarent. Vt autem templum Hieroso-
lymorum non erat verum templū, sed
tantum in hoc ædificatum, vt esset ali-
quādiu veri templi (quod est Christus)
vmbra: ita & dedicatio eius templi vmb-
bratica est. Vera enim dedicatio apud
nos fit, quando per Baptismum dona-
mur Spiritu sancto, & restauramur per
fidem in templum Spiritus sancti, vt
1. Co. 6. Paulus ait: Nescitis, quod corpora ves-
stra templum sunt Spiritus sancti, habi-
tantis in vobis.

Et hyems erat.]

Ex hoc verbo patet, quod de ea dedi-
catione loquitur, quæ sub Iuda Macha-
bæo facta est. Nam ea hyeme celebra-
tur, in mense scilicet Nouembri. Mysti-
cè autem per hyemem frigida Iudæo-
rum significatur impletas: quia mentes
illorum à diuino igne auersas, Diabo-
lus rāquam glacialis Boreas afflauerat.

Hyems erat.]

Ideo non sine causa Christus tā igni-
ta verba hoc loco dixit, vt sequitur.

*Et ambulabat Iesus in porticu Salo-
monis]*

Christus frequēter festis Iudæorum
interfuit, tum vt ostenderet se nō con-
trarium Moyſi: tum vt latius spargere
posset doctrinam suam, tum etiam ad
exemplum nostrum, vt discamus festis
diebus pijs operibus insistere. Congruē
autem in dedicationis festo adest Chris-
tus. Ipse enim nedum innouator est les-
gis, sed & noui templi, quod est Eccle-
sia, architectus. Quod autem hoc loco
mentio fit de porticu Salomonis, non
intelligas de ea, quam Salomon ædifi-
cauerat. Nam & porticus illa & tem-
plū à Nabuchodonosor desolata sunt,
sed quod locus ille rursus in porticum
sub Esdra restauratus, pristinam appella-
tionē retinuerit. In porticu igitur Sa-
lomonis versatur Christus, vt locus
ipse loqueretur adesse pacificum illum,
omnia conciliaturū, quæ in cælis, & quæ
Coll. 1. in terra sunt. Inambulabat autē Euāge-
licæ gratiæ author, Moysaica tam celsa-
tura.

Circumdederunt ergo eum Iudæi.]

Sicut Christus festis diebus omniū
maximè diuinis operibus insistit: sic Iu-
dæi tunc vel maximè impios suos cona-
tus exequuntur, donec tandē in summo
ipſorū festo, eum cruci affigerent. Non
igitur abs re eis dictum est: Solēstrates ^{Esa. 1.}
vestras odiuit anima mea. Circumdede-
rūt eum, non vt eū secum retinerent (id
quod pijs faciunt, qui dicūt: Tenui eum,
nec dimittā) sed vt eū perderēt. Hinc in
Psalmō exclamat. Circūdederunt me vi-
tuli multi, tauri pingues obsederūt me, ^{Psal. 22.}

Quousque animam nostram tollis?]

Torquetur ac rūpitur inuidus ho-
mo, quādo non habet occasionē nocen-
di, id quod Iudæi suo hoc verbo pro-
dunt. Hinc Sapiēs: Spes quæ differtur,
affligit animā. Quærunt autē, nū ipse ^{Pro. 13.}
sit Christus, non ob aliud, q̄ vt ipſum
coram Cæsare accusare possint. Plus au-
tem homo quærīt, nū ipse sit Christus
ille à Deo vnctus in regē, qui nos des-
fendere: & in sacerdotē, qui nos Deo res-
cōciliare possit, vt confidētius ei se cre-
dere audeat. Sic Ioannes quærīt: Tu es, ^{Mat. 12.}
inquit, q̄ vēturus es, an aliū expectam?

Loquor vobis, & non creditis.]

Prudentissimè respōdet, ita tēperans
verba, vt inuidis occasionē nō prębeat,
& tamen pijs satis ostēdat quis ipse sit.
Ostendit autem hoc verbo, se non ex fa-
cie externa, sed ex solo verbo cognosci,
quasi diceret: Cū oculos vestros tan-
tū coniiciatis in meū cōtemptibilem
habitum, & in abiectam conditionē, qua
non pro regia pōpa, quēadmodum spe-
raſtis, viuo inter vos, non potest fieri, vt
in me credatis. Sed agite, personā nolite
agnoscere, vt & lex iubet: Personā in iu-
dicio non agnoscēdam, & verbū meum ^{Leui. 19.}
arripite, ac iuxta verbum, non externam
laruam iudicate, tunc fieri non poterit,
quin credatis.

Opera, quæ ego facio in nomine Patris]

Verbis adiecit opera, omnem naturę
vim transcendentia, propter imbecillita-
tem hominum, quasi diceret: Si nudis
verbis meis adhærere dubitatis, attendi-
te miracula, quæ verbi sigilla sunt.
Hæc enim manifestè testimonium de
me perhibent, quod sim Christus.

BB iij Sic

Esa. 35. Sic enim Elías prædixit: Tunc aperientur oculi cæcorum, &c. Obserua quod Christus ex verbis & operibus cognoscitur. Nihil igitur te moueat externa eius abiectio. Vtrunque autem Iudæis obijcit: Loquor, inquit, & opera facio, vt conuincat eos contra legem facere, in qua scribitur, quod testimoniū duorum vel trium verū sit. Obserua item, quod Christus opera sua ad Patrem refert: In nomine, inquit, Patris, quemadmodum & suprā. Opera, inquit, quæ dedit mihi Pater, &c. vt doceat, omnem gloriam in Deum referendam.

Sed nō creditis, quia nō estis ex ouibus.]

Hoc verbo indicat, se scire, qui sint electi, id quod solius Dei est. Sic & infra dicit. Nō de omnibus vobis loquor: ego scio quos elegerim. Durissimum autem verbum est, quod dicit.

Non estis ex ouibus meis.]

Mat. 25 Consequitur enim, quod ad hœdos pertineant, quibus dicitur: Ite maledicti in ignem æternum, &c. Verissimè tamen Iudæis dixit: Non estis ex ouibus meis. Huiusmodi enim ouium simplicitas docilis est. At Iudæi animos habebant ambitione turgidos, odio fermentatos, liuore corruptos, auaritia, varijsque mundi cupiditatibus infectos, ac planè diuersos ab ouium simplici natura.

Oues meæ vocem meam audiunt.]

Eodē. c. Non frustra repetit ouium & pastoris conditiones. Christum enim pastorem esse, & nos oues, egregia consolatio est in aduersis, vt & suprā dictum est. Vocem autem pastoris Christi audiunt oues, non tantū aure corporis, sed etiam fide, & animo. Sic suprā dixit: Qui ex Deo est, verba Dei audit. Sic Sapiēs: Auris bona cum omni concupiscentia audit sapientiam.

Et sequuntur me.]

Fide scilicet, spe & charitate, itemque desiderio, vita, moribusque, abnegatione sui ipsius, & gestatione crucis, denique & contemptu omnium terrenorum. Hæc est vera Christi sequela, hæc via ad cælum, per quam qui Christum non sequitur, non est eius ovis: Qui nō ac-

cipit (inquit) crucem suam, & sequitur me, non est me dignus, &c. Sed quid interim agit pastor? num otatur? Audio (inquit) quid mihi præcipiat, sed interim, nihil video, quid ipse faciat. Sic olim Abraham, postquam iussu Domini & patriæ & cognatos reliquerat: Domine, inquit, quid dabis mihi? Sic Petrus: Ecce nos reliquimus omnia & secuti sumus te, quid ergo erit nobis? Ita dem & hic quis dicere posset. Audi igitur, quid pastor agat.

Ego cognosco eas.]

Ingens consolatio, quemadmodum suprā dictum est. Quod autem Christus suas oues ubicunque sint cognoscat, ex eo patet, quod in Ezechiele eas signare iussit signo Tau: Et in Apocalypsi, signa no Dei viuī.

Ego vitam æternam do eis.]

Alia promissio, profectò egregia. Nihil magis desideramus, quàm vitam: nihil magis horremus, quàm mortem. At Christus:

Ego autem vitam æternam do eis.]

Ipse enim est via, veritas & vita. Ipse item est ineffabile illud verbum Dei, in quo ab initio vita erat. Quia igitur verbum suum & seipsum, corpus denique suum & sanguinem, itemque spiritum suum, atque adeo se totū nobis communicat, rectè dicit:

Ego vitam æternam eis do.]

Sic in alio loco dicit: Vbi ego sum, illic & minister meus erit. Qui igitur consideraret, vitam corporis breuem & corruptibilem esse, & iuxta hoc audiret Christum suis pollicentem vitam æternam: qui fieri posset, vt non contempta hac mortali vita, æternam illam quæreret? Sic sancti homines fecerunt. Nec aliud nos impedit, quàm quod non attendimus præsentia esse transitoria, nec audimus, quid Christus promittat:

Non peribunt in æternum.]

Et hoc verbū summam præstat consolationem. Videntur enim pii homines perire. Sic Rachel plorat filios suos nec vult consolari, quod non sint. Sed quid ei dicitur? Cesset vox tua à lachrymis,

Gen. 4. mis, &c. Reuocabo filios tuos. Sic Abel occisus à fratre videbatur periisse, inter rim tamē sanguis eius etiā post mortē clamare ad Deum legitur. Sic de Abraham, Isaac & Iacob legimus, quod mortui sunt: nihilominus tamen post mortem eorum dixit Deus: Ego sum Deus Abraham, Isaac & Iacob, quo verbo plane ostenditur, eos non periisse. Sic in exordio Ecclesiæ sancti occidebantur, non tamen perierunt. Nam Ioannes eosdem occisos vidit sub altari Dei, singulas stolas accipere, & maiora expectare. Hinc Sapiens: Iustorum animæ in manu Dei sunt, &c. visi sunt oculis insipientium mori. Illi autem sunt in pace. Et iterum: Stabant iusti in magna constantia, &c. Summa, oues Christi non perirent, quia statuerentur à dextris. Hinc Christus: Qui credit in me, non iudicatur. Quis igitur non libenter sequetur Christum?

Nemo rapiet eas de manu mea.]

Supra de seipso dixit: Nemo tollet animam meam. Hic eadem promittit suis fidelibus. Est autem hoc verbum ingens piorum consolatio. Habet quidem Diabolus varias nocendi artes: habet & mundus, ex vna parte Phariseorum auctoritatem, sacerdotum dignitatem: habet reges armatos, præfectos, iudices, tribunalia, carceres, catenas, virgas, secures, eculeos, exilia, mortes, & quicquid terrorem constantibus animis solet immittere. Habet ex aduerso vos lupates, honores, dignitates, & quicquid animos quamlibet incorruptos solet corrumpere. His omnibus machinis vritur mundus, vt extorqueat oues de manibus Christi. Hæc perpendens pius homo, simulq; considerans propriam infirmitatem, cadentiumq; multitudinem, nunquam non timet. Verum audit Christum: [Nemo,] inquit, [rapiet eas de manu mea.] Huius figura præcessit in Dauide: Pascebat (inquit) seruus tuus oues patris sui, & veniebat leo vel vrsus, & rapiebat arietem, & sequebar eos, & percutiebam eruebamq; de ore eorū, &c. Omnia hæc perfectius in Christo impleta sunt, qui oues suas etiam de ore Diaboli eruit. Cadunt quidem etiam iusti aliquando, sed non colliduntur: quia

Dominus supponit manum suam. Securē igitur fideles dicere possunt: Quis nos separabit à charitate Dei? Hoc igitur verbo Christus mirabilem suam potentiam indicat: me, inquit, protegente, tuti erunt, qui in me credunt. Non rebellabimus armis, non venenis, non reneremus conuitia, sed absq; præsidij huiusmodi nouo genere vincemus tamen. Consequitur ex hoc verbo, quod qui nunc perit, sua culpa perit, non potest casum suū ascribere dæmoni, cum Christus dicat: Nemo tam fortis, qui possit rapere de manu mea. Nec potest casum suum Deo imputare: Non enim abbreviata est manus Domini, &c. Sibi igitur imputet, qui Dei gratiam non quærit, imò rejicit.

Pater quod dedit mihi, maius omnibus est.]

Hoc addit, vt sciamus, vnde tanta sit fortitudo in manibus eius. Itemq; ne videretur propriam gloriam quærere, omnia ad Patrem refert. Verissimum autem est, secundum vtramque naturam:

Pater quod dedit mihi, maius omnibus est.]

Secundum diuinam generationē dedit ei Pater, vt sit eius vnigenitus, Deus de Deo, nec natura dissimilis, nec virtute inferior, nec duratione posterior. Et hoc gignendo dedit, quia Deus verus Deum verum genuit, lux æterna lucem coæternā, vltima vitam. Hoc sanè est, quod omnibus maius est, quia & angelicam & humanam excedit naturam. Secundum humanam verò naturam dedit ei Pater spiritum, non ad mensuram. Fecit eum iudicem vniuersorum: Non enim Pater iudicat quenquam. Deniq; fecit eum sedere in dextera sua, supra omnem principatum & potestatem, &c. Noli igitur Christum attendere, vt nudum hominem.

Ioan. 3.
Ioan. 5.
Ephes. 1.

Quod enim Pater ei dedit, maius omnibus est.]

Non igitur misrum, quod plus omnibus potest. Græci legunt: Pater qui dedit mihi, maior omnibus est, quasi diceret: Non ego mihi vsurpo oues alienas, nec frustra tanta eis promitto, sed

BE liij ipse

Pfal. 2. Ipse Pater eas mihi dedit. Postula, inquit, à me, & dabo tibi Gentes hæreditatem tuam. Isq; Pater meus omnipotentissimus est. Huic consonat, quod sequitur.

Nemo potest rapere de manu Patris.]

Iob. 23. Ipse enim est Deus gloriosus, fortis, terribilis, atque liberrimus: quem igitur ipse decreuerit saluare, nemo perdere poterit. Hinc Iob: Cogitationem eius nemo auertere potest, & anima eius quodcumq; voluit fecit. Sic in Hieremia dicit: Quis similis mei? aut quis sustinebit me? & quis est pastor, q; resistat mihi? Et in Esai: Consilium meum stabit, & omnis voluntas mea fiet. Et iterum: Ecce, inquit, in manibus meis descripsi te: Si potest mulier obliuisci infantis sui, &c. Summa, cum Deus sit virtus immensa, nõ potest ei à quoquam irrogari violentia. Et superius quidem dixit: Nemo potest rapere de manu mea. Hic autem dicit: [Nemo potest rapere de manu Patris,] vt liquidò intelligeremus eandem esse prorsus suam & Patris virtutē. Ipse enim est manus, & virtus Patris. Est autem hic locus ingens pro afflictis consolatio. Quicquid enim procellarum afflictio accedat, si per fidem fuerit ouis Dei factus, possidet secum Patrem & Filium, quorū potestate nulla maior inuenitur. Quid igitur formidaret pius? Anegestatem? sed Deus diutior est. An Satanam? sed Deus fortior est. Hinc Dauid: Deus noster refugium & virtus, &c. propterea nõ timebimus, &c. Et Ioannes: Etiam si condemnet nos cor nostrum, maior est Deus corde nostro. Et iterum: Vos ex Deo estis, & viciſtis malignum, quia maior est, qui in vobis est, &c. Hinc Iob: Libera me, & pone me iuxta te, & cuiusuis manus pugnet contra me. Potest & verbum hoc aliter intelligi. Quod Pater mihi dedit, diuinitatem scilicet & æqualitatem suam, nemo rapere potest. Conatus fuit Diabolus hoc rapere, itemq; primus homo, sed frustra. Filius autem non rapuit, sed Pater ei dedit: Non rapinam, inquit, arbitratus est, &c. Item, Quod Pater mihi dedit secundum naturam humanam, nemo rapere potest, abundantiam scilicet gratiarum, sed gratis dat

hominibus quicquid dat.

Ego & Pater vnum sumus.]

Hoc addit, primò ne quis dubitaret Patrem idem velle, quod ipse vult. Deinde vt ostendat, vnde tanta sibi sit potestas. Nihil enim aliud vult hoc verbo, quàm quod sibi cum Patre vna est diuinitas, vna eademque omnipotentia, vna substantia, vna natura. Quod ne cui dubium videatur, vel ex ipsis creaturis discere potest. Videmus enim propriam & naturæ consentaneam esse generationem, quum gignens eiusdem naturæ prolem ex se edat, vt homo hominem, lux lucem, calor calorem. Quum verò in diuersitatem generis transit productum, & alterius quàm producētis fuerit naturæ, monſtroſa generatio erit. Si igitur in diuinis alterius naturæ Pater Filium genuit (vt Arrius dicit) vera ibi & propria natiuitas non erit. Præterea in rebus creatis, non solum eandē substantiam & naturam videmus, sed & magnitudinem, figuram, qualitatem, vt colorem, saporē, motū, & agendi virtutem gignentis & geniti. Cur igitur solus Deus coæqualem sibi non potuit gignere Filium? Nunquid ego, inquit, qui alios parere facio, ipse non pariam? Si ego, qui generationem alijs tribuo, sterilis erō? Hoc igitur verbo Christus non solum Iudæorū quæſtionem absoluit, sed etiam hæreticorū quos præuidit insaniam, quam sit detestanda mōstrauit. Per hoc enim quod ait: Vnū, substantiæ vnitatē, Per hoc quod dicit: Sum⁹, personarū expressit pluralitatem. Vtrumq; igitur audi, & Vnū, & sumus, & à Charibdi & Scylla liberaberis. Quod dixit: Vnum, liberat te ab Arrio, separante filium à substantia Patris. Quod dixit, Sumus, liberat te à Sabellio cōfundente personā Patris & Filij. Ex vno igitur hoc verbo Ecclesia didicit, nec confundere personas, nec substantiā separare. Alia est enim persona Patris, alia Filij, alia Spiritus sancti. Sed Patris, & Filij, & Spiritus sancti, vna est diuinitas, æqlis gloria, coæterna maiestas. Quātum igitur verbum hoc hæreticos confundit, tantum consolatur omnes in Christum credentes. Hinc enim vident, se non in arenam ædificare, sed supra petram

*Pfal. 45.
7. ioh. 3.*

*i. ioh. 4.
iob. 17.*

Phil. 2.

Esa. 66.

Su. cor.

petram firmissimam, &c.

Sustulerunt lapides Iudæi, &c.]

Impietas semper in peius excrescit. Sic Iudæi, quem prius verbis molestaverant, dicentes eum dæmoniacum & insanum, nunc re ipsa molestare nituntur. Mirari autem quis iure posset, quod in eum etiam qui tanta ipsis contulerat beneficia, tam ingrati fuerunt. Verum

hæc est humani cordis impietas: Præu est cor hominis, & inscrutabile. Nec minus mirum videri posset, quod Christus tam benignum se exhibuit etiam ingratis. Verum hæc est Dei natura, quod etiam super impios solem suum oriri facit. Eius enim proprium est, misereri & parcere: Et miserationes eius super omnia opera eius. Iam terribile fascine est, quod Iudæi lapides sustulerunt, Christum lapidaturi. Multo autem magis horrendum est, quod qui eius nomine gloriantur, nedum lapides leuant, sed & re ipsa eum lapidant, imò vt Paulus ait: Filium Dei pedibus conculcant.

An non Christum lapidant, qui verbum eius tam impie dilacerant: qui membra eius, fideles scilicet, tam in misericorditer tractant: qui passionem eius tam impie blasphemant, nomenque Christianum turpi uita commaculant?

Multa bona opera ostendi vobis, &c.]

Superius cum itidem vellent eum lapidare, abscondit se, hic autem persistit & respondet. Atque hinc discimus, quod non solum in magnis & præcipuis, sed in quotidianis quoque eius actibus apud ipsum (sicut testatur Iob) est fortitudo & sapientia. Fortitudinis enim est, quod in medio furentium persistit, & lapides quidem tollere, manusque intedere, sed non ultra procedere eis permittit. Atque hoc facto comprobauit id, quod paulo ante dixerat: Nemo tollit animam meam, &c. Imò ostendit se hunc ipsum esse, qui loquitur ad beatum Iob: Circundedit mare terminis meis, posui vectem & ostia, & dixi: Hucusque venies, & non ultra procedes, &c. Sapientia autem est, quod placide respondet, suam sponte irritatos non amplius irritat. Sicut enim aqua gelida efferuenti igni infecta, continuo rotum illius feruorem ac ebullitionem sedat: sic verba placida ac mitia

iracundia commotum animum mitigant. Iuxta illud: Sermo mollis frangit iram. Verissime autem dicit:

Multa bona opera ostendi vobis à Patre meo.]

Pertransiit enim benefaciendo, & sanando omnes infirmos, &c. docuit errantes, consolatus est afflictos, pauit famelicos, mæcos restituit, leprosos mundauit, ægrotos sanauit, dæmoniacos liberauit, mortuos in vitam reuocauit: totamque suam potestatem & auctoritatem à Patre acceptam iuuadis hominibus impendit, idque gratis. Docet igitur hoc verbo, omni reprehensione dignos esse, qui pro benefactis nedum non gratias agunt, sed insuper mala retribuunt. Omnibus igitur nobis dictum putemus: [Multa bona ostendi vobis, &c.] quem admodum & alio loco dicit: Popule meus, quid feci tibi? &c.

De bono opere non lapidamuste, &c.]

Satis admoniti erant, verum nedum non resipiscunt, sed insuper priorem impietatem excusare & defendere conantur, atque hoc est peccatum peccato addere, imò ad summum impietatis peruenire. Dupliciter autem produnt impietatem suam. Primo, quod pro sua ratione causas supplicio dignas prætexunt suæ inuidiæ, in Christum & verbum Dei. Prudentia enim huius mundi non vult videri se impie & iniuste persequi Christum. Hinc Christus accusatus est blasphemiae in Deum & Cæsarem. Prophetæ accusati sunt defectionis à lege, & seductionis. Sic & Apostoli, tantaque de ipsis probabiliter, coram mundi ratione, spargebantur in vulgum, vt quicumque eos interficeret, putaret se culum præstare Deo. Deinde etiā in hoc produnt impietatem suam, quod bona opera fatentur Christum fecisse, nihilominus tamen verba eius blasphemia iudicant, quum certum sit, blasphemum hominem nihil agere quod Deo placeat, & verè bonum sit. Vnde & cæcus supra dixit: Scimus quod peccatores Deus non audit. Præterea etiam opera Christi extenuant. Christus siquidem in plurali dixit: Multa bona opera feci, &c. Ipsi autem quasi extenuando ea in

singulari respondent: De bono opere non lapidamus, &c.

Sed de blasphemia.]

In lege iubetur blasphemus lapidari.
 Blasphemia autē est, cum quis sibi bona Dei arrogat non ex fide, sed ex ambitione aut animi superbia, quemadmodum Nabuchodonosor dixit: In cælum ascendam, similis ero altissimo. Et princeps Tyrī: Deus ego sum, & in cathedra Dei sedeo. Item blasphemia est, quā quis Dei bona sibi arrogat, quasi per vires suas, per suam prudentiam, sapientiam, & potentiam paria, quemadmodum hi, qui dicunt: Manus nostra excelsa, & nō Dominus fecit hæc omnia. Christus autem quamvis suprà dixerit: Antequā Abraham fieret, ego sum. Et nunc dicat: Ego & Pater vnum sumus, non tamen blasphemia est, propterea quod natura sit Deus, neque ex arrogantia & falsò hæc dixerit, sed in veritate, id quod ex ipsius operibus palam videbant. Blasphemia autem esset, si alius quispiam à Christo ex arrogantia hoc dixisset. Sic fidelis, tametsi bona Dei, hoc est, iustitiam, sanctificationē, redēptionem, sibi arroget, hoc tamen nō facit ex arrogantia, sed ex fide in Christum.

Et quia tu homo cum sis, facis teipsum Deum.]

Mirum quod Arrius intelligere noluit id, quod Iudæi se in verbis Christi intellexisse fatentur, nempe quod de vera & naturali diuinitate sua locutus sit: Facis (inquunt) teipsum Deū. Verum impius ille Arrius noluit hoc intelligere, ut bene ageret. Sic & mira cæcitas, imò peruersitas est, quod Valentinianus & Apelles, qui se Christianos esse dixerunt, negarunt verā humanitatem Christi, cum Iudæi hic totam vim argumenti, ad conuincendū quod Christus Deus non sit, ex eo sumpserint, quod verus erat homo, in vera substantia carnis. Vno igitur hoc Iudæorum verbo, & Arrium & Valentinianos cōvincere possumus.

Nonne scriptum est in lege vestra.]

Prudentissima responsio. Ea enim temperatura responderet, ut blasphemiae culpam procul abs se depelleret. Deinde, ut illorū infantiam verbis atrocioribus

non irritaret, & tamen sibi summa cum modestia vindicaret, quod negare non debuit, quia nobis nō ignotum esse voluit. Ad legem autem eos mittit, ut ostendat, se non aduersarium legis, atque adeo non blasphemum. Sic & suprà dixit: Nōne in lege vestra scriptum est, quod duorū testimoniū verum sit, &c.

Ego dixi dñs estis,]

In Psalmo hoc scriptum legimus. Christus autem ideo in lege hoc scriptum esse asserit, quia omnes veteris instrumenti scripturæ, aliquādo lex appellatur generali vocabulo. Nonnunquam distinctè per se lex accipitur, & à Prophetis dirimitur, ut cum dicitur: Lex & Prophetæ vsque ad Ioannem. Plerumque in tria membra sanctæ distribuantur scripturæ, ut in illo loco: Oportet impleri omnia, quæ scripta sunt in Prophetis, lege, & Psalmis de me. Obserua item, quod nomen Dei tripartitum in scriptura dicitur. Primò natura. Ut Audi Israel, Dominus Deus tuus vnus est. Ite, Rex omnis terræ Deus, &c. Secundò, adoptione & participatione, qua qui in filios Dei adoptantur, & participes fiunt diuinitatis, vel diuinum aliquod officium habent, dñi dicuntur. Ut Deus stetit in Synagoga deorum:

Ego dixi dñs estis, &c.]

Item, Constituite Deum Pharaonis. Itemque, Dñs non detrahes: & applicabitur ad deos, id est, ad iudices. Tertio, falsò & sola nuncupatione, quemadmodum daemones & idola, de quibus dicitur: Omnes dñi Gentium daemonia. Et Paulus: Quotū Deus vter est. Et in alio loco: In quibus Deus huius seculi excæcauit mentes infidelium, &c. Obserua demum circa hoc verbum Dei dignationē, qui non contētus dona sua nobis communicare, insuper etiam nomen suum nobis communicat.

Et non potest solui scriptura.]

Hoc est, scriptura errare non potest. Iuxta illud: Iota vnum aut vnus apex non præteribit à lege. Item, Nō excidit verbū Domini. Vnde & Christus: Cæli & terra transibunt, verba autē mea nō. Vel,

Vel, [Non potest solui scriptura.] Hoc est, manet nihilominus vnus Dei mas-
lestas, manet scripturæ authoritas, quæ
de vno Deo prædicat, & vnum Deum
colere iubet, etiã si auditores verbi Dei
vocentur dii & filij excelsi.

Si illos dixit deos, ad quos sermo, &c.]

Argumentum à minori est. Sunt enim
nim duplices filij Dei: Vnus est natura
filius Dei, qui est verbum Patris. Alij
sunt filij adoptione, qui ex hoc Patris
verbo filij renascuntur. Iuxta illud: Des-
cit potestatem filios Dei fieri, his, qui
credunt in nomen ipsius. Iam si filij
Dei sunt, qui ex verbo nascuntur, quã-
tum magis ipsum verbum Deus est.
Semper enim vnde aliquid participatur,
magis & verius id habet quod partici-
patur, quàm ipsa participantia. Vt sol, à
quo lucis est participatio in subiecta cor-
pora, magis lucidus est quàm aer & aqua
lucem participantia. Et igitur, à quo ca-
lor in externa deriuatur, verius & vehem-
entius habet calorem, quàm ea quæ
ab ipso calore participant. Obserua,
quod filij Dei dicuntur, ad quos verbū
Dei fit, qui que illud suscipiunt: Volun-
tariè, inquit, genuit nos verbo veritatis,
&c. Et hoc quidem generaliter de omni-
bus pijs hominibus intelligendum. Ni-
hilominus tamen per eos, ad quos ser-
mo Dei factus est, signanter & speciali
quodam modo intelligere possumus,
tres illos principes, ad quos ternario in-
cremento sermo Dei de incarnatione
verbi factus est. Hi autem sunt Abraham,
Dauid, Ioseph. Promissio, quæ ad A-
braham facta est, Christum fore homi-
nem in vera carnis nostræ substantia, tes-
tata est: In semine, inquit, tuo benedi-
centur omnes Gentes. Ad Dauid autem,
non tantum semen Abraham, sed & rex
pronuntiatus est. De fructu, inquit, ven-
tris tui ponam super sedem tuam. Tan-
dem ad Ioseph loquens Angelus, non
tam tantummodo hominem & regem,
sed & Deum esse testatus est: Ipse, in-
quit, saluum faciet populū suum à pec-
catis eorum.

Quæ Pater sanctificauit & misit, &c.]

Hoc addit, ne quis putaret Christum
non aliter esse Deum, quàm alij homi-
nes, adoptione scilicet & nuncupatione,

non autem natura. Ideo seipsum discer-
uit ab auditoribus verbi Dei: Illi (in-
quit) dii nominantur propter auditum
verbi Dei: Ego autem ex natura. Me es-
nim speciali modo Pater sanctificauit,
nec ego verbum Dei tantum audiui, sed
sum ipsum verbum Dei. Quod autem
Christus non adoptione tantum, sed na-
tura Deus sit, patet ex Prophetis: Vos
cabitur, inquit, nomen eius admirabilis,
Deus fortis, &c. Et iterum: Dedi spiri-
tum meum super eum, ut aperiat oculos
cæcorum, &c. Et Hieremias: Hoc
est nomen quod vocabunt eum, Domi-
nus iustus noster. Sanctificauit autem
Pater Filium, non quod vnquam ille
sanctus non fuerit, sed quia sanctum il-
lum genuit, atque ut sanctus esset, gige-
nendo ei dedit. Deinde sanctificauit eum
secundum humanam in eo naturam, id
est, cum sanctitate immunitateque pec-
cati eum incarnari constituit. Iuxta il-
lud: Quod nascetur ex te sanctum, &c.
Præterea sanctificauit eum, hoc est, san-
xit & constituit ipsum sacrificari & of-
ferri in oblationem pro salute mundi.
Hoc modo loquitur lex de sanctificati-
one: Sanctifica mihi omne primogeni-
tum. Et Christus: Pro eis sanctifico me-
ipsum.

*Si non facio opera Patris mei, nolite cre-
dere.]*

Hactenus & manifestis verbis se
Deum esse professus est, & Iudæorum
obiectiones dissoluit: nunc, quominus
de verbis ipsius dubitare possint, ad di-
uina sua opera eos mittit. Si quidē vnus
quæque res operum suorum functione
officioque, quænam sit cognoscitur. Vi-
uens enim à non viuentis operibus dis-
cernitur, & qui viuentis exercet opera,
viuens comprobatur: sic sanus ab ægro-
to, & arbor fructu à sterili fructuum
productione interno scitur: A fructi-
bus, inquit, eorum cognoscetis eos: Nun-
quid colligunt de spinis vinas? &c. Sic
Christus: Si non facio opera Patris, id
est, talia opera, quæ hominum nemo fa-
cere possit, nisi cui Deus naturaliter Pa-
ter sit, concedo, ut verba mea reiiciatis.
Si autem operum exhibitione omnia
morborum genera, & ipsam denique
mortem, potentissima voce depellendo,
vlt

Esa. 9.

Esa. 42.

Hie. 2.

Luc. 2.

Exo. 13.

Ioa. 17.

Matt. 21.

✓ Iustificamque languidis & mortuis salu-
 tem inspirando, me vitæ & mortis do-
 minum esse comprobo: ex his, inquam,
 operibus credite me verum Deum esse.
 Nam & lex vestra indicat, ei Prophetæ
 credendum esse, si quod locutus est in
 nomine Domini, fiat. Atqui ego qui-
 quid haecenus de me locutus sum, factis
 comprobavi. Docet etiam nos Christus
 hoc verbo, quid in tentationibus agere
 debeamus, quum fides vacillare incipit,
 nempe ut opera Dei attēdamus. Sic qui
 dubitat de hoc verbo: Ego sum resurre-
 ctio & vita, &c. attēdat resurrectionem
 Lazari. Sic qui dubitat de hoc verbo:
 Qui credit in me, non iudicatur, atten-
 date eos, quos fides in Christum à varijs
 morbis liberauit, quibus & dicitur: Fi-
 des tua te saluum fecit, &c. Sic qui du-
 bitat de hoc verbo: Primum quærite
 regnum Dei, & hæc omnia adiūcentur
 vobis, attendat quā benignē Christus
 turbas pavit in deserto. Sic sancti patres
 in tentationibus semper ad memoriam
 reuocabant Dei mirabilia: Mementote
 (inquit Iudas) quomodo salui facti
 sunt patres nostri, &c. Huc pertinet,
 quod Christus subdit: Si mihi non cre-
 ditis, operibus credite, &c. Deinde hoc
 verbo nos docet Christus, unde & per
 quid filij Dei veraciter cognoscantur,
 nempe non si magnifica de seipsis præ-
 dicent, sed si opera Patris faciant, quæ
 Lucas enumerat. Estote misericordes, re-
 mittite, date, diligite, &c. Seipsos igitur
 seducunt, qui sine bonis operibus, imò
 cum malis actibus, filios Dei se esse glo-
 riantur.

*Vt cognoscatis & credatis, quod Pater
 in me est.]*

Huc tendunt omnia & verba & ope-
 ra Christi, ut cognoscamus eum verum
 Deum esse cum Patre. In hoc enim om-
 nis spes nostra cōsistit, quemadmodum
 in principio Euangelij dictum est. Est au-
 tem Deus Pater in filio longē excellen-
 tius, quā in alijs sanctis, quos tantūm
 per gratiam inhabitat. Proinde vir san-
 ctus dicere quidem potest: Deus in me
 est, sed nunquam dicere potest: Ego &
 Pater vnum sumus. Nec illud: Qui vi-
 dit me, videt & Patrem. In Christo au-
 tem Deus Pater est, per æqualitatem

vnius eiusdemque substantiæ, & per in-
 digressibilem vnius in altero imman-
 sionem ob naturæ identitatem. Deinde,
 Christus non ita est in Patre, sicut
 vas minus in vase maiori. Nam etsi vas
 minus in maiori potest esse, at è conuer-
 so, vas maius nequaquā in minori esse
 potest: Christus autem sicut ipse in Pa-
 tre est, sic contra Pater in ipso est. Igitur
 quicquid in Patre naturaliter est,
 hoc ipsum & in filio naturaliter est, &
 contra. Obserua quid sit filij Dei esse,
 nempe & Deum in se manentem habere,
 re, & in Deo manere.

Quærebant eum apprehendere.]

Impietas etsi sæpè confunditur, nun-
 quam tamen emendatur.

Exiit de manibus eorum.]

Obserua quod Christus non ad pri-
 mum insultum ab ipsis recedit: audierat
 eos blasphemantes, nec tamen recedit.
 Deinde viderat eos lapides tollere, sed
 nec tunc recedit. Tertio autem, cum vi-
 det eos obstinatos, se ab ipsis abscon-
 dit. Sic Deus non statim peccantes auer-
 satur, sed patienter expectat, ob-
 stinatos autem relinquit. Hinc Paulus: Ignoras,
 quod benignitas Dei ad poenitentiam te
 adducit? Verè autem Christus de mani-
 bus Iudæorum exiit. Et ob id irritum
 est, quicquid homicida illa gens in cære-
 monijs suis facit: Cum extenderitis, in-
 quit, manus vestras, non exaudiam vos.
 Sic & de manibus impiorum exiit
 Christus, idcirco neque uitam, neque salutem
 inueniunt.

Et abiit iterum trans Iordanem.]

Iterum, dicit, trans Iordanem abiit.
 Nam & longè superius semel hoc de ipso
 dictum est: Post hæc venit Iesus in Iuda-
 ream, & baptizabat, &c. In desertū au-
 tem pergit Christus, quasi ferræ susci-
 uitarum impietatem. Deinde etiam po-
 pulum ad solitaria loca, de perfidorum
 societate, & mundi fluctibus ac turbine
 eduxit, ut magis fructificent, sicut legē
 veterem daturus, eduxit populū in de-
 sertum: Signanter autem ad Iordanem
 venisse scribitur, quia relictis Iudæis, ad
 vnum & verum nouæ Ecclesiæ Baptis-
 ma transitorius erat.

Ioannes quidem signū fecit nullū, &c.]
 Quod

Quod multi Christum etiam in deserto usque sequuntur, desiderium nostrum arguit, illorumque feruorem ostendit. Deinde etiam hoc pietatem ipsorum ostendit, quod ipse locum eos admonuit Ioannis testimonijque, quod Christo dedit. Duobus autem modis se ipsos confirmant in fide Christi. Primum enim sic colligunt. Ioannis, cum nullum ediderit miraculum, fides adhibita est à Iudæis. Huic igitur multo magis fides præstanda est, qui tot prodigijs fidem conciliat suis verbis. Secundo sic colligunt, Multa Ioannes de hoc testificatus est, quæ omnia videmus in ipso impleri, imò res ipsa indicat, verum fuisse testimonium Ioannis, cum hic Iesus plura præstet, quam ille de eo sit pollicitus. His igitur argumentis permoti: Multi (inquit) crediderunt in eum. Vbi vides quid conferat locus desertus & à prauis discessio. Cæterum, quod Ioannes nullum signum fecisse dicitur, nihil derogat sanctitati eius, quum Christus ipse dicat: Inter natos mulierum non surrexisset maiorem. Miracula enim facere, nihil confert sanctitati hominis, cum etiam malis & reprobis id competat, dicente Christo: Multi venient in illo die, dicentes: Domine, nonne in nomine tuo virtutes multas fecimus? qui tamen audiunt: Non noui vos. Iuxta autem Dei prouidentia factum est, quod Ioannes nullum signum fecit: alioquin, si ad doctrinam & vitæ sanctitatem, donum miraculorum accessisset, vix auelli potuisset populus, ne ipsum esse Christum crederent. Ob eandem causam & corpus & sepulchrum Moysi Iudæis occultata sunt, ne caro alioquin superstitiosa in idololatriam incideret. Ex hoc autem textu videre licet, quo pacto Deus sua dona distribuat. Primum ea dona, quæ tantum ad propriam gloriam spectant, rarissime pijs conceduntur, vt sunt diuitiæ, potestas, gloria huius mundi. Deinde, dona illa spiritualia, quæ non ad iustificationem, sed tantum ad ædificationem Ecclesiæ faciunt, vt sunt sermo sapientiæ, sermo scientiæ, genera linguarum, operatio virtutum, etiam fidelibus suis dat Deus, sed differenter: nec enim oibus oia, sed singulis singula, quemadmodum membra corporis non eundem actum habent. Imò dona, quæ tam ennumerat,

interdum magis dat impijs quam pijs. Sic multi mali signa fecerunt, quum tantum Ioannes sanctissimus hoc non habuerit. Dona autem iustificantiæ, quæ sunt, Spiritus sanctus, & fides in Christum, fidelibus solis communicant: hæc enim summè necessaria sunt. Non enim refert coram Deo, multis donatum esse donis, sed in Christum credere. Hoc opus, hic labor est: Et qui non habet Spiritum Christi, hic non est eius.

Caput Vndecimum.



IVVS hic Euangelista, quemadmodum ea potissimum verba describit, quibus Christus diuinitatem suam testatus est: sic & ea tantum miracula describit, in quibus insigniter res

lucet præ alijs diuina maiestas, quale est de cæco nato, & hoc de Lazaro resuscitato. Ideo autem Euangelista hic insigniora & diuiniora tantum, & verba & opera Christi describit, tū quia ad hoc specialiter à Deo electus fuit, vt qui Christo intimior fuit, & ad finem usque alijs fugientibus perseverauit, tum quod ultimus omnium, imò post omnium Apostolorum mortem Euangelium suum scripsit, eo scilicet tempore, quo Ecclesia tam aliquantulum creuerat, tamque ab hoste nedum aperta persequutione, sed etiam occultis insidijs impetebatur: ob quam rem & opus habebat solidiori cibo, quo muniretur contra tot machinas Diaboli. Ob hanc causam Ioannes altiora scripsit, quam alij Euangelistæ, qui tantum lacte aluerunt rudem adhuc Ecclesiæ pueritiam. Ob eandem causam & solus Ioannes miraculum hoc de Lazaro scribit, quod inter omnia alia supereminet, & quasi quendam obtinet principatum. Omnia quidem miracula Christi admiratione digna sunt: Magna enim opera Domini, exquisita in omnes voluntates eius. Verum parua sunt, si ad hoc comparètur. Hinc est, quod Ioannes tam diligenter & languidius nomen & locum, & cognationem describit. Hinc quoque est, quod

miraculum istud totum hoc caput occupat, quum potuisset breuibus & paucis admodum verbis comprehendit. Nec tamen Euangelista iusto loquacior est, nec frustra tam copiosis verbis hanc re gestam describit, sed omnia propter nos scripta sunt. Ex hac enim historia discimus fidei nostrae scopum, nempe, Christum esse Dominum vitae & mortis: Christum posse nedum viuentes saluare, sed & mortuos suscitare: Christum esse resurrectionem & vitam: mortem piorum non esse mortem, quæ omnia talia tantaque sunt, vt maiora melioraque nec optari possint.

Erat quidam languens.]

Hoc primo verbo & miseriae nostrae, in quam cecidimus, nos admonet, & felicitatis, quam perdidimus. Vnde enim languor & mors, nisi è peccato? Non sic creatus est homo, imò nec Deus fecit mortem, nec lætatur in perditione uiuentium. Iusto autem Dei iudicio homo nunc ferre cogitur, quod non vult, qui prius fecit quod Deus non voluit.

Vae igitur nobis, quia peccauimus. Iam quamuis exordium historiae huius admodum triste sit, finis tamen lætus est, propter Christi gratiam & virtutem. Sic etsi in nobis sit quod doleamus, in Christo tamen habemus, vnde gaudeamus. Ipse enim est, qui in Propheta dixit: Cō-

solare consolare populus meus, &c. Obserua autem, quod Lazarus, qui quādiu Christus præsens erat, optimè valebat: Christo autem vel ad punctū discedente, statim infirmari incipit, imò & mori, nec reuiuiscit, nisi redeunte Christo, vt vel hinc discamus verè dictum esse à Sa-

piente: Vana est gratia, & fallax pulchritudo. Itē ab Esaiā: Omnis caro fœnum,

& omnis gloria eius vt flos fœni, &c.

Hinc & Dauid: Auertente (inquit) te faciem turbabuntur: auferes spiritum eorum, & deficient, &c. Idem contingit homini interiori: assistente enim gratia

Dei, viget & valet. Recedente autem vel ad modicum gratia, nedum insufficiens est vel boni aliquid cogitare, sed subinde in vitia prolabitur. Exemplo sint Dauid & Petrus. Sic enim & in externis ab-

sentia medici est causa morbi. Hinc Moyses: Vos, inquit, qui adhæretis Domino,

vniversi viuistis. Nemo igitur in se vel in sua fortitudine confidat, sed in Deo, vt dicere possit cum Dauid: Dominus firmamentum meū & refugium meū.

Lazarus nomine.]

Nomen languidi exprimit ad maiorem certitudinem. Erat enim Lazarus hic nedum apud suos, sed & apud externos, maximè autem apud Hierosolymitas, propter generis nobilitatē, nominatissimus. Hinc infra dicitur, multos è Hierosolymis venisse, ad sorores Lazari consolandas. Benè autem resurrectionis author Christus, diuinum hoc opus ostensurus, personam notā elegit, nimirū vt pluribus manifestaretur gloria Dei. Obserua, quod qui prius medicum cæcū illuminauit, is nunc diuites & nobilem Lazarum resuscitat, vt ostenderet, se & diuites & pauperes creasse, & sine personarum acceptione omnibus subuenire paratum esse.

A Bethania castello Mariae & Marthae.]

Etiā locum nominat, tum propter certitudinem historiae: tum vt sciamus miraculum hoc non in angulo factum, sed in loco Hierosolymis proximo. Bethaniam autem nominat castellum Marthae & Mariae, admonens nos alterius historiae, quam Lucas scribit de duabus his sororibus. Verè enim omnium seculorum memoria dignum est, sanctarū illarum mulierum studiū circa Christū, tum vt pī quique ad similia incitētur, tum vt desides arguantur.

Erat autem Maria quæ vnxit, &c.]

Quā verè dixit Dauid: In memoria aeterna erit iustus, &c. Sic Ioannes nec hoc mulieris huius opus voluit prætermittere, vt ostenderet, nullum bonum opus coram Deo perire, siquē omnes nos ad bonum extimularet, quē admodum & in Hieremia dicitur: Cesset vox tua à Hierosolymis: est enim merces operi tuo. De hac autem vnctione variant sententiæ doctorum. Aliqui enim, vt Augustinus, Gregorius, & Beda, volunt eius vnctionis hīc fieri mentionem, quam Lucas describit à peccatrice factam. Quod si hæc Maria peccatrix illa

fuit, merito Ioannes hic eius vñtionis vel breuiter meminit, tum ad maiorem commendationem huius mulieris, quæ tanto feruore poenituit, vt quod in prima sui conuerſione Christo placuiſſe ſenſerat, ante mortem ipſius iteraret: tñ vt oſtenderet, Christum nedum in Lazaro, ſed & in ſorore eius opera Patris feciſſe. Sicut enim nunc Lazarũ à morte corporis ſuſcitatur, ſic prius ſororẽ eius à morte animæ ſuſcitauit, vt verũ probetur, quod Chriſtus ſuprà de vtraq; reſurrectione dixit: Venit, inquit, hora & nunc eſt, quando mortui audient vocem filij Dei, &c. Et paulo poſt: Venit hora, quando etiã qui in monumẽtis ſunt, audient vocem filij Dei, &c. Primæ igitur reſurrectionis argumẽtum habemus in Maria, ſecundæ in Lazaro. Alij tamen authores, vt Hieronymus & Chryſoſtomus, contendunt, quod Maria ſoror Lazari non fuerit illa famoſa peccatrix, cuius meminit Lucas: tum quod peccatrix illa, videtur fuiſſe Galilæa, ſoror autem Lazari Iudæa: tum quod Ioannes hic nihil dicit de lachrymis, quibus peccatrix illa pedes Chriſti lauſſe dicitur. Volunt igitur hi Ioannem hic per anticipationem indiçaſſe, quod poſt reſurrectionem Lazari, factum eſſe inſrã dicitur. Nec inconueniẽs videri debet, quod Ioannes breuibus hic perſtringat hiftoriam, quã poſtea pluribus deſcribet. Hoc enim pacto etiam alij Euangeliftæ præoccupant & anticipant interdũ rei geſtæ tempus, vt Marcus inter cæteros Apoſtolos nominans Iudam, continuo ſubjungit, Qui & tradidit illum: cùm tamẽ Iudas eo tempore non tradiderat Chriſtum, ſed poſt aliquot annos. Eodẽ modo & Lucas & Matthæus anticipant Iudæ proditorem, antequam fieret. Certum eſt ex Euangeliftis, quod Chriſtus bis vñctus eſt à muliere, nomine Maria. Certum item eſt, quod poſteriorẽ vñctionem perfecit Maria ſoror Lazari, vt inſrã patebit. Fuerit ne vnica, an duæ controuertitur inter doctos: vtraq; pars habet ſuos fautores grauiſſimos. Communiſor tamen opinio eſt, quod vnica & eadem bis vñxerit. Et facit ad cõmendationem huius mulieris, quod tam honorificẽ eius meminerit Ioannes.

Miſerunt ergo ſorores eius ad Ieſum.]

Quod non ipſæ pergunt, ſed nuntiiſ mittunt ad Chriſtum, ſceminet decoris & modetiæ ſignum eſt. Non enim decet mulieres hinc inde in publico vagari. Deinde, quod nedum per ſeipſas ſedulo miniſtrant fratri, ſed & externa auxilia expetunt, veræ charitatis indicium eſt, quæ facit, vt carnem noſtram, hoc eſt proximum noſtrũ, qui eiſdem nobiſcum naturæ eſt, nõ negligamus aut deſpiciamus. Quod autem poſſimũ ad Chriſtum mittunt, fidem earũ indicat. Vera ſiquidem fides, etiam cùm omnia alia deſperata videntur, non tamen deſperat, ſed tunc vel maxime ad Deũ currit. Sic Iofaphat: Cùm ignoramus, quid agere debeamus, hoc reliquũ habemus, vt oculos noſtros ad te Deũ leuemus, &c. Obſerua quomodo neceſſitas nos cogat, auxilium à Deo quærere. Felices ſorores hæ, quæ & Chriſtum in proximo habuerunt, nec dubitarunt nuntiiũ ad eum mittere. Non minus tamen felices nos, qui nõ minus Chriſtum propinquũ habemus: Vobiſcum, inquit, ſum vſq; ad conſummationẽ ſæculi. Deinde fideliffimum etiam nuntiiũ ad manum habemus, qui & Chriſto noſtras neceſſitates inſinuare, & ipſius auxilium impetrare poteſt. Nuntius hic, oratio eſt. Hæc enim etiam in terris exiſtens, cœlo ſe ingerit: conſtituta in limis, alta pulſat. Oratio enim humiliantis ſe, nubes penetrat, nulla interualla locorum ei obſiſtunt, nulla munimenta ei obicẽ faciũt, à longẽ, vt de propẽ loquitur. Hoc nuntio quàm crebro vſi ſint ſancti Patres, ſcriptura vbique indicat, tam in veteri quàm in nouo Testamento.

Ecce quem amas infirmatur.]

Mirantur quod in morbum tam periculolum incidere potuerit iſ, quẽ Chriſtus amabat. Sic plerunque ſancti etiam admiranur mirabile illud conſiliũ Dei, quo frequenter pios affligit, impios autem bonis accumulatur. Hinc David: Mei penẽ moti ſunt pedes, pacem peccatorũ videns, &c. Deinde ſorores illæ nulla ſua vel fratris merita allegant, ſed tantũ Chriſti dilectionem gratuita. Fides enim in ſola Dei bonitate conſiſtit. Præterea nihil petunt, ſed tantũ neceſſitatem ſuam inſnuant. Amant

enim satis est offendere necessitatem. Sic & alibi Centurionem fecisse legimus: **Matt. 8.** Domine, inquit, puer meus facet in domo paralyticus, & male torquetur. Ex hoc igitur loco discenda est orandi forma, nempe, ut solam necessitatem proponamus Domino, tempus autem & modum iuvandi ei non præscribamus. Hinc Iudith sacerdotes increpabat, quod statuisent quinque tantum dies misericordiam Domini expectare: **Nō est iste sermo, inquit, qui prouocet misericordiam, sed potius iram.**

Infirmas hac non est ad mortem.]

Hoc est, finalis causa huius infirmitatis non est, ut Lazarus moriatur. Tunc enim infirmitas ad mortem est, quando nihil præter mortem quæritur, & in ipsa morte finis constituitur. Diligenter hoc loco obseruanda sunt singula & verba & facta veri medici Christi. Hinc enim videbimus, quid ab ipso expectare debeamus. Primò igitur, iam per se afflictos non plus affligit, sed consolatorijs verbis demulcet: **Infirmas, inquit, hæc nō est ad mortem.** Sic de ipso prædixit **Esaias:** Calamum quassatum non confringet, &c. Deinde, quamuis sciret Lazarum ea infirmitate moriturum: ita tamē de ipsa infirmitate loquitur, quasi nihil periculi sit: quo verbo indicat, nullum morbum tam pertinacem, tamque periculosum esse, quem ipse non facillimè sanare possit. Hæc igitur est noua illa conelō, à seculo inaudita, quam summus ille medicus Christus, quolibet quacunque necessitate pressos, siue corporali, siue temporali, siue etiam spiritali, alloquitur: **Noli, inquit, desperare, infirmitas tua vel malum, quod te angit, non est ad mortem: Me respice, non magnitudinem mali tui.** Hæc est vox illa, quam sponsa tantopere cupiebat audire: **Sonet, inquit, vox tua in auribus meis.**

Cant. 2. Vox enim tua dulcis, &c. Christus igitur talis medicus est, qui & ægros blandē & consolatoris alloquitur, & cui omnis morbus curatu facilis est.

Sed pro gloria Dei.]

Per hanc enim infirmitatem, vel etiā mortem, nō quæritur interitus vel perditio Lazari, sed gloria Dei. Hoc autem verbo Christus corrigit rationis huma-

næ iudicium. Sapientia enim rationis humanæ, negat Deum respicere res humanas, & ascribit aduersa prosperaque casui seu fortunæ. Hinc in Iob dicitur: Circa cardines cæli perambulat, nec nostra considerat. Et Hieremias: **Quis est iste qui dicit: Ex ore altissimi non egredientur nec bona nec mala.** Hic autem Christus palam affirmat, afflictiones nō casu nobis accidere, sed voluntate Dei. Imò quod magis est, ex hoc loco manifestè colligi potest, afflictiones non simpliciter ex voluntate Dei, sed ex bonæ & misericordi voluntate pñs accidere. Non enim lætatur Deus in perditione nostra. Quod autem afflictiones non sint irati Dei signa, hoc argumento constat, quod Lazarus plus & Christo amississimus infirmitate affligitur, & tandē moritur. Huc pertinet, quod Sapiens ait: Quem Dominus diligit, corripit. Hæc igitur est verè Euangelica conelō. Nam ante Christum lex docebat, afflictiones, calamitates, & mortem, esse irati Dei signa: Quia, inquit, audisti vocē uxoris tuæ maledicta terra, &c. Et iterum: Percutiet te Deus vlcere pessimo, &c. Et quis non exhorresceret huiusmodi mala, audiens ea esse irati Dei signa? Econtra quis non patientissimè ferat, quacunque etiam aduersa, cum in Euangelio audiat, et à pio & beneuolo Patre ad nostram salutem immitti? Signanter autem Christus hoc verbo indicat afflictiones piorum, esse gloriæ Dei instrumenta, id quod & suprā de cæco nato asseuerauit. Gloria autem Dei est, quod misericors, pius, verax, potens est, adulator in opportunitatibus, in tribulatione, &c. Hæc autem gloria eius tantò magis excrescit, quanto è pluribus & maioribus malis suos eripit. Et quis non libenter aduersa ferre debet, ut hæc gloria Dei apud omnes manifestetur.

Ut glorificetur Filius Dei per eum.]

Hoc est, ut omnibus manifestetur diuinitas Filij Dei. Dixerat Christus suprā: Venit hora, quando omnes qui in monumentis sunt, audient vocem Filij Dei, & procedent, &c. Contra autem Iudei de eo dixerunt: Dæmonium habet & insanit, quid eum auditis? Ut ergo glorificetur, & insanis non arguatur.

Fi.

Filius Dei, voluit in hoc vno Lazaro experimentum dare virtutis & veritatis suae, hoc est, ostendere in vno homine, quid vel quomodo facturus sit in vniuerso hominum genere.

Diligebat autem Iesus Martham, &c.]

Verè diligebat. Nisi enim diligeret, non tantam in illis gloriam suam ostenderet, non se ita per illos Filius Dei glorificaret. Quanta enim gloria est, quod in Maria quidem resurrectionem animarum, in Lazaro autem ostendere dignatus est, quam verè, quam potenter vniuersalem facturus sit corporum resurrectionem? In Martha quoque & Maria praesignare voluit praesentis Ecclesiae statum, id quod ex historia Lucæ colligi potest, vbi altera Dominum suscipit, altera audit. Diligebat ergo eos, sicut vasa gloriae suae. Hic observa, quomodo Christus suos diligit, nempe, quod gloriam suam in eis ostendit, itemque opera virtutis suae. Deinde observa, quos Christus diligit: haec tres personae quas Christus dilexisse dicitur, fraternitatis & charitatis vinculo sibi inuicem coniunctae erant. Christus igitur primò eos diligit, qui charitatem inter se habent & exercent mutuam. Deinde, cum Lazarus infirmus fuerit, & vtraque soror eius tristis & lugens, & tamen Christus eos dilexisse dicitur, consequitur, quod Christus diligit lugentes, & qui gaudia mundi continent, sua mala deplorent, & ad caelum suspirant. Hinc in alto loco dicit: Beati, qui lugent, &c. Præterea cum certum sit, Christum non esse acceptorem, sic nec dilectorem personarum, sed virtutum: observandum, quid in his personis virtuosum fuerit, ut hinc discamus, quos diligit Christus. De Martha autem legimus, quod Domino ministravit. Ergo à Christo diliguntur, qui ei in membris suis ministrant. Iuxta illud: Quod vni ex minimis istis fecistis, mihi fecistis. De Maria legimus, quod diligenter audierit verbum Dei. Ergo à Christo diliguntur, qui verbum Dei cum deuotione suscipiunt, & Domino vacant. De Lazaro autem nihil tale legitur, sed tantum quod Dominus eum dilexerit, atque hoc est, quod omnium maximè nos consolatur, nempe, quod Deus etiam diligit eos, qui nihil boni de se

meriti sunt, imò qui malè meriti sunt, hoc est, peccatores. Nisi enim & hos diligeret, non pro eis mortuus esset, nec eos tam benignè inuitaret, tamque patienter expectaret.

Vt ergo audiuit, quod infirmaretur, mansit ibi, &c.]

Haecenus consolatoria fuerunt, quae de Christo dicta sunt: hoc autem durum esse videtur, & supradictis contrarium, quod amicum audit infirmari, nec tamè festinat, quinimò duos adhuc dies expectat. Hoc cene est diligere amicum? posset quis dicere. Verum audicausas. Ideo Christus tardat, ut moreretur & sepeliretur languidus ille. Non enim volebat eum sanare languidum adhuc, nec mortuum in domo adhuc iacentem, sicut Archisynagogi filiam, aut ad tumulum deportari incipientem, sicut filium viuae, resuscitare. Experimentum quippe eius verbi parabatur, quod dixerat: Omnes qui in monumentis sunt, audient vocem Filij Dei & procedent. Ut ergo ad hoc perueniretur, tam diu tardauit, donec mortuus terrae gremio recondideretur, vbi puluis in puluerem conuerteretur, & omnis caro in suam originem redigitur, ut inde clamore illius euocaretur, vnde in iussu & voce Archangelis & tuba Dei, illo ad iudicium descendente de caelo, omnes euocadi sumus. Deinde ideo mansit, quia expectabat copiosius argumentum edendi miraculi, quo simul ipse paulò post moriturus, discipulorum adhuc imbecillius roboraret animos ad spem resurrectionis: ne dubitarent eum resurgere posse, quem viderant alios resuscitantem. Duos autem dies adhuc expectat, ut miraculum conspectius & certius fieret, ne quis dicere posset, non mortem fuisse, sed stuporem. Item, ut discipuli in fide magis roborarentur. Præterea, ut Iudaei viso tanto miraculo inexcusabiles fierent. Denique ut alij, qui nondum in Christum credebant, hoc signo ad fidem traherentur. Hinc igitur discamus naturam Dei. Plerumque enim suos in medijs malis relinquit, ut videatur eorum oblitus: sed postea gloriosius eos è medijs malis eripit. Sic reliquit Abel in manu fratris, sed post mortem clamat ei sanguis. Sic Iosephum reliquit longo tpe in squalore

Gen. 41. carceris, sed postea sublimius eum extu-
lit. Differt autem Dominus auxilium,
donec omnia conclamata sint, partim
vt fidem tentatione exerceat, partim vt
solus auxiliatoris titulum possideat.
Vult enim Deus exerceri fidem nostrā,
vult intelligi dona sua quæ petimus,
vult denique agnosci suam misericordiā.
Ideo Abacuc: Adhuc visus procul, & ap-
parebit tandem, in finem nō mentietur.
Abac. 2. Docet igitur hic locus, etiam in media
morte sanctis spem esse.

Deinde post hæc dicit discipulis.]

Non sine causa Ioannes duo hæc ver-
ba posuit [Deinde, & post hæc] cum
vnum sufficere videatur. Ad maiorem
enim rei expressionem hæc duo coniun-
xit. Prima enim dictio [Deinde] refer-
tur ad id, quod proximè præcedit, quasi
diceret: Deinde, quamuis nuntium fere-
re sine responso dimiserit, quamuis
duos adhuc dies in eodem loco perman-
serit, nihilque amplius de Lazaro dixe-
rit, iamque videretur omnino eius obli-
tus, iterum tamen vel tertio die eius
mentionem facit, nec qualemcūque, sed
ita, vt ostendat se ei auxilium laturum.
[Deinde (inquit) dicit discipulis.] Hinc
igitur discamus naturam Dei, nempe,
quod suorum nunquam obliuiscitur, et
iamsi videatur oblitus, quemadmodū
Esai. 49 in Esaiā dicit: Nunquid potest mulier
obliuisci infantis sui, &c. Sic & Deus nō
in finem nos deserit, etiamsi diu disse-
rat. Sic diu distulit promissionem Adæ,
factam de muliere & eius semine, caput
serpentis contrituro, & tamen suo tem-
pore præstitit. Idem contigit de pro-
missionibus alijs, Abrahamo, Iosepho,
& Dauidi factis, &c. Quod autem Ioan-
nes non contentus dixisse: [Deinde, etia-
am addidit: [Post hæc,] remittit nos ad
finem decimi capitis, vbi ponitur causa,
cur Christus à Iudæa secesserit. Post
hæc, quæ supra dicta sunt de perfidia
Iudæorum, quamuis expertus esset eos
rum ingratitude, sciretque sibi certissi-
mè imminere mortē à Iudæis: [Post
hæc,] inquam, (quod magnum & à me-
tu mortis alienum est) dixit. Eamus. Vi-
des & hoc verbo Christi benignitatem,
nempe quod etiam pessimè tractatus &
abiectus, tamen etiam ad ingratos & pec-

catores subinde redit, si fortè in melius
conuertantur & viuāt. Deinde verbum
hoc indicat, Christum nequaquam tim-
uisse mortē. Præterea insigne etiam
charitatis exemplū Christus hic nobis
expressit in eo, quod proprium pericu-
lum contemnit, imò periculis se offert,
vt Lazaro subueniat. Sic enim charitas
non quærit quæ sua sunt, sed quæ pro-
ximi.

Eamus in Iudæam iterum.]

Tacuisse omnino discipuli timore
mortis, nec in Iudæam reuersi essent,
quantumcunque Lazarus auxilio indi-
gebat (Sic enim carnalis homo multa
etiam bona interdū omittit ex timore,
quemadmodum & Petrus alibi volebat
Christum in deserto loco retinere, non
obstante, quod turba hominum præsen-
tiam Christi vt necessariam efflagitaret:
Domine (inquit) bonū est nos hic esse) Mat.
Verum Christus ipse incipit loqui illis
tacentibus:

Eamus, &c.]

Docet per hoc, ne timore temporalis
periculi omittamus benefacere. Obser-
ua quod Christus sicut propter impios
Iudæam reliquit, sic propter pios iterū
eam repetit. Impij enim tolerantur pro-
pter pios. Obserua item, quod Christus
non dicit in singulari: Ego ibo ad Lazaro
rum, sed:

Eamus.]

Qui enim mihi ministrat, me sequatur, Mat.
&c. Et in alto loco: Qui vult venire
post me, abneget semetipsum, & tollat
crucem suam, & sequatur me. Signāter
autē dicit: [Eamus,] quasi diceret: Quā-
doquidem nedū mihi, sed & vobis spe-
ciale quoddam officium, à Patre deman-
datum est, non licet nobis quiescere, sed
eundem est, quod vocatio nostra nos du-
cit. Quo verbo admonet eos, qui Eccle-
siæ præpositi sunt, vt non cessent in of-
ficio suo. Imò vnumquemque nostrū mo-
net, vt vocationi suæ diligenter inuigila-
let: [Eamus] (inquit) scilicet ad cælum.
Vide autem, quod suos ducat Christus.
Non ad voluptatē aut mundanas deli-
cias, sed [In Iudæam] (inquit). Nimirū
vbi persecutores erāt. Ad crucem igitur
suos ducit, imò per crucem ad gloriam.
Nec

Luc. 24. Nec enim alia via est ad gloriam. Nam sicut Christum oportuit pati, & ita intrare in gloriam suam: sic per multas tribulationes oportet etiam nos intrare in regnū Dei. Monet igitur hoc verbo, ut nedum crucem nō fugiamus, sed etiam patienter feramus. Postremo, non sine causa dicit:

Eamus iterum.]

Non enim satis est, semel bona fecisse aut patienter mala pertulisse, nisi perseueres. Vide quā pulchrē breuī hoc verbo Christus vocationis nostrae nos admoneat.

Rabbi nunc volebant te Iudaei lapidare]

Hoc loco videmus exēplum humanae infirmitatis in Apostolis. Nedum enim ipsi timent, sed & Christū, quantum in ipsis est, terrere conantur, in eo, quod periculum praecedens ad memoriam ei reuocant, idque cum emphasi.

[Nunc, inquit, volebant te occidere.]

Sic enim timidis semper ob oculos versantur pericula, quae timent. Ex hac autem Apostolorum infirmitate confirmare debemus corda nostra, ut credamus Deum etiam infirmos, insipientes, & peccatores tolerare. Deinde discamus

ut & nos aliorum in fide & moribus infirmitates toleremus: Vnusquisque inquit, nostrum proximo placeat ad edificationē. Et Alter alterius onera portare, &c. Quantumcunque enim hoc loco infirma fuerit Apostolorum fides, tamen excusat eos charitas erga Christum. Nolebant eum perire, cuius & ipsi & alij adhuc indigebant. Sic olim serui David nolebant, ut cum ipsis exiret ad bellū: Ne (inquit) extinguas lucernam in Israel.

Et iterum vadis illuc?]

Nesciebant eum pati non posse, nisi quando & quatenus vellet, ideo dehorsantur eum, ne periculis se obiciat. Verum hoc Apostolorum cōsiliū ē prudentiacarnis natum est. Stultum enim rationi humanae videtur, si quis se praesentibus periculis exponat. Nam cum prudentem aestimemus, quem faciunt aliena pericula cautum, quantae accusatur imprudentiae, quem nec propria pericula cautum reddunt? Sic & Petrus a

lio loco prudenter quidem pro sua opinione admonet Christum, ne se passioni offerat: Absit (inquit) à te Domine, non fiet istud. Sed audit à Christo: Vade retro Satanas. Non enim sapis quae Dei sunt. Vel aliter:

Iterum vadis illuc?]

Vox est admirantiū, quod adeo non timeret mortem. Ob quam causam & Pilatus miratur in passione Christi, quod adeo nihil responderet accusantibus, nec deprecaretur mortem. Non est humanae virtutis, non timere mortem: Non est enim fortitudo nostra, fortitudo lapidum: neccaro nostra aenea, &c.

Nōne duodecim sunt horae diei?]

Antequam Lazarum à morte suscitaret, prius discipulos sanat à pusillanimitate. Nullus enim tam sanctus est, qui non indigeat huius medici ope & manu. Sensus est: Quamuis prius mala contra me cogitauerint, fieri tamen potest, ut nunc aliter affecti sint. Secundum enim temporum variationem, & horarum distinctionem variatur humana voluntas, & diuersificantur opera. Vide igitur, quod bene sentiat & loquatur Christus, etiam de inimicis suis pessimis. Docet autem nos, ne desperemus de alicuius salute & emendatione, quamdiu hic viuit. Sunt enim duodecim horae diei. Et saepe contingit, ut qui malus fuit, emendetur, id quod videmus in Paulo, & alijs. Vel aliter.

Nōne duodecim horae diei sunt?]

Quasi diceret: Habet dies suū terminū, & quantumcunque clara sit, tamen ad occasum fertur, nec semper durat. Sic ego ob id veni in mundum, non ut semper visibiliter vobiscum sim, sed ut de finito tempore ad Patrem redeam. Non est igitur, quod hac de re solliciti sitis. Sicut enim diem ultra praescriptū suū retinere non potestis, sic nec me. Vel aliter, Quid timetis me praesente, quod sum sol iustitiae? Nox formidinem habet, non dies. Timeant qui solem iustitiae non vident. Vel aliter.

Nōne duodecim horae, &c.]

Quasi diceret: Quid mihi consilium
CC liij datis,

Mat. 16

Iob. 6

Ro. 15.
Gala. 6.

2 Re. 22

Ioan. 17

dati, cum nō vos me, sed ego vos duodecim elegerim, & sic debeatis sequi nuntum magistri, sicut sequuntur duodecim horæ motum solis diei. Vel aliter:

Nōne duodecim sunt horæ, &c.]

Psa. 105

Quasi diceret, Scriptum est: Sol cognovit occasum suum, nullius excutietur incurfu, nec occidet antequam veniat hora eius. Sicut igitur sol visibilis non est in hominis potestate, ut occidat antequam veniat duodecima hora eius: Ita scitote, quia non me occident Iudei, antequam veniat hora mea, in qua mori decreui. Vel aliter: Dies hic pro officio vel ministerio sumitur. Iam ut dies pro communi consuetudine duodecim horis constat, & quamdiu quis interdum ambulat, non offendit pedem: Qui vero post duodecim diei horas ambulauerit, vix euadet illæsus. Ita quisque habet statutum ministerii sui tēpus, & quamdiu duodecima hora, hoc est, ministerii completio nondum aduenerit, non læditur, non occiditur. Finito autem ministerii tempore, præualet potestas tenebrarum. Est igitur sensus verbi, Deponite vanum timorem, nondū cōpleui ministerii mei cursum, quāuis iam ferme vndecima hora sit, nondū tamē est duodecima: proinde nihil in me poterunt omnes aduersarii. Vel aliter:

Nōne duodecim horæ, &c.]

Quasi diceret: Duodecim mysteria mihi peragenda sunt. Et nouē quidem peregi, incarnationis scilicet, natiuitatis, circumcisionis, oblationis, apparitionis, baptismi, ieiunij, prædicationis, & miraculorum ostensionis. Restant adhuc tres horæ, passio scilicet, mors, & sepultura, ea quoque peragenda sunt, ut completus fiat dies.

Si quis ambulauerit in die, nō offendit.]

Si de Christo intelligitur, hūc habet sensum: In die adhuc ambulo, ideo non debeo vacare, nec timere habeo periculum, quia ante finē officij mei nihil contra me poterunt aduersarii. Potest & generaliter de omnibus accipi. Vita corporalis suis certis limitibus à Deo definita & circumscripta est: Numerus (inquit)

Iob. 14.

mensium eius apud te est. Consi-

tuisti terminos eius, qui præteriri non poterunt, &c. Si enim capilli nostri coram Deo numerati sunt, quanto magis vitæ nostræ momenta & tempora? Proinde quod diu quis intra duodecim diei horas, hoc est, statutum vitæ suæ tēpus ambulauerit, nullum vitæ detrimentum à periculo quantumvis ingenti accipiet. Finito autem statuto tempore, si non alia re, certè vel leuissima musca occiditur: Non tamen ideo quibusuis periculis obuijs nos exponere debemus. Statuit quidem Deus vitæ nostræ terminum, sed interim iussit ne eum tentemus. Consolatur igitur nos Christus hoc verbo contra timorem mortis, &c. Vel aliter intelligi potest verbum hoc, ut dies sit veritas, nox falsitas. Qui in veritate ambulat, non offendit, dicente Sapiente: Adducam te per vias æquitatis. Qui autem in falsitate ambulat, offendit. Hinc Sapiens ibidem. Via impiorū tenebrosa, &c. Et Psalmista: Via illorum tenebræ & lubricum, &c. Hinc Hieremias: Date gloriam Deo, antequam tenebrescat, & offendāt pedes vestri, &c. Vel dies, rectus amor, nox falsus amor. Vel dies tempus gratiæ, nox tēpus post mortem. Vel dies, Christus verbum Dei, nox ratio humana.

Lazarus amicus noster dormit, &c.]

Hactenus Christus exēplo boni medici, cū videret discipulos seu amaram medicinam abhorrere reditum in Iudæam, pluribus verbis allucere conatus est. Primò enim ostendit, se simul iterum, imò prius habiturum calicem passionis: Eamus (inquit) Secundò ostendit ipsis impunè non cessurū, si renuāt. Nonne (inquit) duodecim sunt horæ diei, quasi diceret: Et mihi & vobis certum ministerium impositum est, quod omittere non licet. Tertiò ostendit nihil mali illis obuenturum: Qui ambulat (inquit) in die, nō offendit, &c. Nunc quartò etiam fructum prouenturum ostendit: Nostro (inquit) reditu amici salus & vita conseruabitur, qui fructus omnium maximus & Deo gratissimus est. Quatuor igitur per ordinem hic posuit, quæ quæcunque etiam aduersa, leuia reddere possunt. Primò enim patienter ferendo crucem, conformas

volunt

voluntatem tuam diuine voluntati. Secundò, Non solus pateris, sed Christus prior passus est, omnesque sancti. Tertio, fugiendo crucem in æterna mala te precipitas. Aut enim hic, aut in futuro parandum est. Quarto, & tuam animam saluas, & proximi quoque, per bonum exemplum. Deinde sicut Christus non simpliciter dixit: Eamus in Iudæam iterum, sed insuper eos pluribus, vt iam dixi, admonuit, ne dubitarent sequi: sic non satis est, Christiano populo simpliciter proponere dogmata Christi: cum enim pleraque grauias & carni aduersas sint, facile resiliunt homines. Dicant igitur pastores: Eamus & nos, hoc est, antecedant populū, & obseruent quod docet. Secundò admoneant desides. Tertio ostendant fructum prouenturum. Quarto insinuent etiam, quanta pericula eos maneant, qui non sequuntur.

Lazarus amicus noster dormit.]

Ne videretur temeritatis esse, quod Iudæam repetere volebat, hoc verbo iussissimas causas suæ professionis ostendit. Nō, inquit, temeritas propria, sed charitas proximi me ad hoc urget. Lazarus enim amicus noster dormit eo somno, quo nemo excitare eum potest, præter me vnum. Deinde me urget gloria Patris, quæ per illam excitationem magnificabitur. Docemur hic, ne temere nos in periculum demus, nisi absint iustæ causæ. Iustæ autem causæ sunt, si id exigat vel proximi necessitas, vel charitas, vel gloria Dei. Vbi vide nostram impietatem, propter commodum proprium non dubitamus nos in quæcunque pericula dare: propter Dei autem gloriam prouehendam, & proximi necessitatem subleuandam, ne tantillum facimus. Obserua autem verborū emphasis. Primò Lazarum nominat, ne videatur ficta causa, quasi diceret: Eius res agitur, qui & vobis facile notus est, & notior esse debet propter eandem fidem & spem. Mihi quidem notissimus est, vt culus nomen scriptum est in libro vitæ. Deinde, nō ad Iudæos hostes pergit, quod vos formidatis, sed ad amicū. Amici res agitur, quem negligere in necessitatibus, turpe etiam gentilibus visum est. Amicus verus in necessitate

maximè probatur. Propter amicos etiam Gentiles plerique se in pericula & mortem sponte obtulerunt. Denique veram amicitiam etiam Gentes, vt inestimabile bonum, magnis libris cōmendarunt. Quin & Sapiens noster dicit: Amico fideli nihil comparari potest. Non igitur licet nobis amicum in necessitate deserere. Vide quā efficaciter eos admoneat officij sui. Præterea addit: Non meus tantum amicus est, sed & vester, imò noster in communi. Hoc autem verbo ineffabilis illius misericordiæ & condescensionis nos admonet, quæ factum est, vt in amicos nos receperit, qui indigni eramus vt serui eius diceremur. Vnde nobis hoc, vt ad Dei amicitiam peruerimus, nisi quod filius Dei ad nos descendit? Moyses amicus Dei dictus est, non aliunde, quā quod Deus ad ipsum descendebat. Ascendebat quidem Moyses in montem, sed ad Deum peruenire non potuisset, nisi Deus prior descendisset. Deinde hoc verbo [Amicus noster] ostendit veram Christi membrorumque suorum vñionem, veramque sanctorum communionem, quæ sit, vt qui amicus Christi est, is & omnium fidelium amicus sit, & e contra. Hinc est, quod tam Christus quā Apostoli Lazarum agnoscunt amicum. Sic & nos certi sumus, & Christum & omnes sanctos pro nobis curare. Atque hæc est summa consolatio nostra. Cæterum, quod Christus se amicū nostrū profiteatur, monet nos, vt ei consulenti obediamus, eum amantem & beneficientem redamemus, eique vicissim studeamus placere, quæadmodum ipse seruiuit nobis. [Dormit.] Oscure loquitur Christus, vt eos excitet. Somnus enim varijs modis in scriptura accipitur. Primò est somnus naturalis, qui & bonis & malis communis est. Secundò etiam mors corporis in scriptura somnus dicitur. Hinc illa vox crebrò legitur in libris Regū: Dormiuit cū patribus suis. Imò etiam impiorum mors somnus dicitur. Nam & in nouissimo die resurgent. Hinc de impio Ahas dicitur: Dormiuit cū patribus suis. Et Dauid generaliter de impijs: Dormierunt somnum suum, & nihil inuenerunt diuitiarū in manibus suis. Tertio accipitur somnus pro dormitione

Eccle. 5.

Exo. 33.

Exo. 19.

2. Pa. 28.

Psal. 75.

Rom. 13
Eph. 5.

missione peccati. Iuxta illud: Hora est nos de somno surgere. Et iterum. Surge qui dormis, &c. Quartò accipitur somnus pro ignavia. Sic Esaias: Speculatores eius cæci omnes, dormientes, &c. Et David: Non dormitabit, neque dormiet, &c. Et Petrus: Sobrii estote, & vigilate, &c. Quintò accipitur somnus pro quiete cōtemplationis. Iuxta illud: Ego dormio, & cor meum vigilat. Christus autem hic somnū accipit pro morte. Ideo autem Christus mortem Lazari non mortem, sed somnum appellabat, propter futuram resurrectionem.

Quamvis enim Lazarus alijs mortuus erat, Christo tamen dormiebat. Ob eandem causam & scriptura sanctos dormire dicit, non quòd omnino dormiant, ac nihil de seipsis vel alijs sciāt, sed quia suo tēpore certissimè resurrecturi sunt. Secundò ideo Christus Lazarum dormire dixit, ut assuefaceret discipulos loqui & cogitare, quēadmodum scriptura loquitur. Qui enim scripturæ verbis assuetus esset, nec mortē timeret, nec mortuos impensè dederet. Potissimū autem Christus ideo Lazarū non mortuū, sed dormire dixit, ut sciamus, mortem aculeum suum perdidisse, & proinde eam in posterum non timeamus, ut quæ iam non est amplius mors, sed tantum somnus, maximè credentibus.

Quis autem timet somnum? Imò maximè appetimus somnum, præsertim post laborem. Ob eam causam sancti nedum mortē non timuerūt, sed summis votis exoptauerūt, ut David: Heu mihi, quia incolatus meus prolongatus est. Et Paulus: Cupio dissolui, & esse cū Christo. Hæc est igitur noua illa cōcto, à sæculis inaudita, quam nemo principum huius sæculi ante Christi aduentū sciuit, nempe mortem nō esse mortem,

Psa. 119.
Phil. 2.

sed somnum. Hinc Paulus: Nolumus, inquit, vos ignorare de dormientibus, ut non contristemini, &c. Vide autem, quanta sit oscitantia nostra. Quantum cunque scriptura clamat, mortem non esse mortem, sed somnum: tamen mortem omnes timemus, ut summum malum. Ad eam vitandam nihil non facimus, &c. Interim autē peccatum, quod ipsissima mors est, & certissimus interitus, nedum nō timemus, verum etiam

nec minis, nec promissis, nec flagellis inde abduci nos permittimus.

Sed vado, ut à somno excitem illum. 1

Iterum cōsolatur discipulos: Non, inquit, ad disceptandum cum Iudæis, sed ad subueniendum amico pergo. Deinde indicat officij sui esse, dormientes & mortuos suscitare. Postremò docet etiam nos hoc verbo, ut curemus proximos nostros in peccatis dormientes suscitare, vel admonitionibus, vel increpationibus, vel saltem orationibus. Vnicuique enim mandauit Deus de proximo suo.

Si dormit saluus erit. 1

Hoc est, sanitatem recuperabit: bene enim solemus de infirmo sperare, si dormiat. Hoc igitur verbo discipuli produnt suam ignorantiam, ut qui nescirent vel non cogitarent, modū loquendi scripturæ sanctæ, quēadmodum & suprā suam infirmitatem prodiderunt. Videmus autem hic, quòd caro non nisi carnaliter & pro suo captu, intelligit verbum Dei. Videmus insuper, quòd affectus impediunt intellectum verbi Dei. Sic Apostoli tristitia & timore pleni, non intelligunt, quid Christus velt. Bene igitur monet Boetius: Si cupis claro lumine cernere verum, gaudia pelle, pelle timorem, nec dolor ahsit, &c.

Lazarus mortuus est. 1

Pergit adhuc Christus discipulos instruere, antequam ad Lazarum pergat. Qui enim suorum, & maximè domesticorum curam nō habet, fidem negauit: Contra eos, qui aliena tantum curant, se & suos negligunt, cum tamen scriptum sit: Misere animæ tuæ placens Deo. Hoc autem verbo iterum, condescendit Christus Apostolorum infirmitati & ignorantiae, quia enim intelligere nō poterant, quòd de morte Lazari dixerat secundum morem scripturæ: nunc de eadem morte loquitur more humano. Sic enim sapientia Dei linguam mutauit, ut nos intelligere possemus, quēadmodum in Esaia prædixit: Lingua (inquit) alia loquar ad populum istum, &c. Quòd autem Christus hic absens tam certò prædicit mortem Lazari, ostendit se Deum esse, cuius oculis omnia nuda

nuda & aperta sunt. Et discipulis enim & omnibus fidelibus notū esse voluit, se absentia & præsentiā videre: Imò & cogitationes cordis, ad consolationem piorum, itemque ad terrorem Iudæ & omnium impiorum, qui dicunt: Quis videt me? tenebræ circundant me, & parietes operiunt me, quem vereor, &c. Sicut autem impius Iudas nihil horum curauit, sic nec alij, qui iniustitiæ studēt.

Et gaudeo propter vos, quod nō erā ibi.]

Non simpliciter gaudet Christus de morte Lazari. Non enim lētur Deus in perditione viuientium, &c. Nec ideo gaudet se non affuisse, quod quasi inuitus homini succurrat, sed propter vos (inquit) vt credatis. Primò, vt audientes me scire absentia, & edificemini in fide diuinitatis, ac sciatis me omnia scire & videre, dicentes cum Iob: Scio Domine, quod nulla telatet cogitatio. Secundò, vt ex viso miraculo sciatis me omnia posse, & dicatis: In ditione tua vniuersa sunt posita, & non est qui resistat voluntati tuæ, &c. Tertiò, vt ex meo affectu, quem erga Lazarum ostendo, discatis, verè dictū esse: Ego diligentes me diligo, vosque ex meo exemplo & edificemini ad charitatem. Gaudium igitur Christi est, si credamus eum omnia scire, omnia posse, & optimè nobis affectum esse.

Sed eamus ad eum.]

Iterum admonet discipulos, tum vt videamus, quā paratus sit suis subuenire (Verè enim non est alia natio, quæ sic habeat deos appropinquantibus sibi, sicut Deus noster adest nobis. Inuoca (inquit) me in die tribulationis, erua me, &c.) Tum vt Apostolos omnesque fideles ad charitatē mutuam suo exemplo extimulet. Vide autem, qualis me dicus sit Christus. Alij medici tam diu ægrotum visitant, quamdiu viuit, eo mortuo, sciunt se frustra visitare eum: Christus autem etiam post mortē seruare potest & eripere. Nūquam frustra venit Christus, etiā si in articulo mortis adueniat. Sic latroni, etsi in extremis agenti, satis tamen tempestiuè aderat Christus. Nemo tamē propter hoc poenitentiam suam differat. Promittere ti-

bi possum te saluum futurum, si Christus adueniat, etiam in extremis posito: sed promittere non possum, Christum semper eo tempore venturum. Vnum tantum lego, cui Christus sic subuenit. Vis igitur securus esse, age poenitentiam in tempore.

Eamus & nos, & moriamur cum, &c.]

Videtur hoc verbum Thomæ, insignem quandam animi fortitudinem, & charitatē non vulgarem erga Christum præ se ferre. Atque in eum modū plerique verbum hoc interpretantur. Verum, si attendamus, quales eo tempore fuerint Apostoli, palām fiet, hoc verbum plus temeritatis & præsumptionis, imò etiam desperationis habuisse, quā fidei. Est enim sensus: Quandoquidem hæc illi sedet sentētia, sese suosque in manifestum vitæ periculum adducere, cum posset vtrorumque incolumitati consulere: age eamus & nos, & moriamur, &c. Cæterum, quod sanctus hic Apostolus nunc quasi ex temeritate & desperatione dixit, hoc postmodum & ipse & alij ex vera fide dixerunt, & insuper factis præstiterunt. Fuit igitur hoc verbum prædictum fortitudinis sanctorum martyrum, quibus hæc vox semper in ore & corde erat:

Eamus & nos, & moriamur cū illo.]

Felicissimum enim iudicabant cum Christo mori: miserrimum autem, sine ipso viuere. Deinde verbum hoc summam Christianæ perfectionis comprehendit, quæ in his tribus consistit: Sequi Christum, Mori primū sibi ipsi, Deinde etiam, si res exigit, mori pro Christo.

Venit ergo, & inuenit eum quatuor dies habentem.

Loquitur de Christo, inquātum homo erat. Nam secundum Dietatē, semper cum Lazaro fuerat. Ad magnitudinem autem miraculi facit, quod inuenit eum quatuor dies in monumento habentem. Ideo autē Christus aduentum suum magis in quartum, quā in quintum aut sextum diem distulit: quia quarto tandem tempore resurrectio mortuorum perficienda est, in cuius testimonium Lazarus hic resuscitatus est.

Præ-

Primum tempus fuit ante legem, quo tempore ita regnabat mors, ut nulla res resurrectionis spes esset. Secundum tempus sub lege, quo tempore resurrectio promissa est, & à lege ac Prophetis testificata. Tertium sub gratia, quo tempore Christo primogenito mortuorum resurgente, resurrectionis nostrae fides peracta & dedicata est. Quartum tandem ipsum erit tempus futuri saeculi, cuius diluculo apparente Domino, iussu eius omnes resurgent mortui. Bene ergo Dominus, postquam infirmari coepit Lazarus, duos mansit dies, & in tertio proficiscens, quarto ipsum suscitavit: quia tertio quidem tempore mundi, ad dandam resurrectionis gratiam descendit: quarto autem ad sepulchra nostra imperiosa eius maiestas perveniet. Allegoricè autem, quarto tandem die suscitavit mortuum, quia quatuor praecedere debent, antequam peccatorem à morte peccati resuscitet: videlicet, timor, labor, dolor, pudor. Vbi haec quatuor in peccatore concurrunt, non amplius differt Christus, alioquin in desperationem incidit homo. Vel aliter, Quatriduanum quidem suscitavit, non autem legitur, quoniam suscitasse, qui quatriduum excesserit, ut ostenderet, omnia peccata hominibus dimitti, quantumcumque gravia sint, dummodo humana sint: non autem diabolica. Quatuor autem sunt gradus peccatorum: Confensus, Opus, Consuetudo, Complacensia, hoc est, infelix illud quatriduum, sed tamen adhuc spes est. Si autem quintus dies adiungatur, obstinatio, scilicet & impenitentia, tam nulla spes est. Hinc toties in Amos dicitur: Super tribus sceleribus & super quatuor non conuertam eum, &c.

Est autem Bethania iuxta Hierosolimam

Hoc addit ad certitudinem miraculi, itemque ad damnationem Iudaeorum, ad quos non frigida de longinquo, sed recens fama ex propinquo loco pervenit huius miraculi. Mysticè autem Bethania, domus scilicet obedientiae, hoc est, Ecclesia militans, quamvis nondum habeat perfectam pacem, tamen non longe distat à Hierusalem celesti, in qua est perfecta visio pacis, imò adeò vicina est, ut ex una in alteram facile commigrare liceat.

Multi autem ex Iudaeis venerant, &c.

Facit etiam hoc ad certitudinem miraculi, quod multi affuerunt etiam ex Hierosolymitis. Hic igitur considera rationem operum Dei. Congregantur multi ex Iudaeis diuino consilio, ad consolandas sorores, & ecce insperato praeter suam ipsorum opinionem, fiunt resurrectionis Lazari testes. Haec est enim ratio operum Dei, ut initio longe aliud praesentent, quam in fine praestant.

Vt consolarentur eas de fratre suo.

Charitatis opus est, consolari afflictum. Hinc Paulus Romanorum duodecimo: Flete cum flentibus. Et Sapiens: Ne desis plorantibus, &c. Imò opus Spiritus sancti est, consolare moestos. Nam propter hanc causam dicitur paracletus. Vnde & apud Paulum, lenitas, bonitas, & benignitas erga proximum numerantur inter fructus Spiritus. Quamquam fieri possit, ut consolationis opus in impijs non proficiatur à Spiritu Domini sancto, sed à ciuitate, vicinitate, aut sanguinis propinquitate, ut patet in amicis Iob, & in his Iudaeis. Quoadmodum etiam Ethnicorum charitas, quam benefactores suos complectuntur, è carnali affectu manat: In pijs tamen è fide & vera charitate manans. Spiritus sancti non carnis opus est.

Martha ergo, ut audiuit, quod Iesus venit.

Non sine causa & Ioannes hic & etiam Lucas, harum mulierum nedom nomina, sed diuersa etiam exercitia describunt. Per eas enim duplex genus vitae significatur: actiua scilicet & contemplatiua, ut & supra dictum est. Bene igitur Martha occurrente, Maria domi sedet. Vel per has mulieres natura charitatis & fidei expressa est. Fides otiosa videtur, domi sedet: corde enim creditur ad iustitiam, cor autem non videtur, sed soli diuino aspectui patet. Quamuis interim fides etiam suos actus habeat, sed inter nos: imò & suo tempore etiam externe operetur per charitatem. Charitas autem officiosa est & negotiosa, vagatur foras circa proximum. Vbi cumque enim est, semper inuenit quod operetur: quod

do quidem multæ sint necessitates proxi-
mi. Vbi cunq; igitur hæ duæ sorores,
fides scilicet & charitas, in vnâ domum
conuenerint, illic libenter Christus con-
moratur. Vide aut̃ piam Marthæ men-
tem. Primò, quâuis consolatores secun-
haberet, & multos & non infimæ con-
ditionis, tamen audito Christi aduentu,
omnes alios consolatores spernit, & ad
solū Christum currit. Nec mirū: vide-
bat enim consolationes aliorum, ver-
bis tantū constare, nō re ipsa, deinde
causa tristitiæ maior erat, q̃ vt per quē-
cunque hominē tolli posset. Atque hæ
duæ causæ, etiā nos ad Deum cogere
deberent. Primò enim certum est, quod
omnis consolatio mundi vana est, cur
non igitur ad verū consolatorem cura-
rimus? Quare appenditis, inquit, argen-
tū, & non in panibus, &c. Et Christus:
Venite ad me omnes, ego reficiam vos.
Deinde, plerunque in tanta mala incidit̃
mus, quæ solus Deus auferre potest:
nec tamen ad eum currimus. Sic ei, qui
in peccatis mortuus est, & sepultus in
terrenis, deniq; assuevit peccatis, corque
habet impēntēs, nulla restat spes, nisi
à solo Deo. Non est qui cōsoletur eum
ex omnibus charis eius: Benedictus au-
tem Deus, qui consolatur nos in omni
tribulatione nostra. Obseruandū & hoc
in Martha, quod quāuis audisset Chris-
tum aduentare, nō tamen expectat, sed
occurrit illi. Sic & nos Deo, qui sem-
per paratus est succurrere, debemus oc-
currere precibus: Præparare in occur-
sum Dei tui, ait Propheta. Præterea,
tanto desiderio & festinantia Christo
occurrit, vt nec sorori id ipsum signifi-
care potuerit. Ad Deum enim non tam
gressibus corporis, quā affectu cor-
dis & fidei properandū est. Ad Christū
autem peruentens, tota fiducia effundit
cor suum, & tribulationem suam ante
ipsum pronuntiat. Et vnde tanta illa fi-
ducia, nisi ex ipsius bonitate sæpius ex-
perta? Ideo enim se tā benignum omni-
bus ostendit toto tēpore, quo in mun-
do fuit, vt etiam posteri eō fiducialius
aderēt accedere ad eū. Hinc Paulus nos
monet, vt cū fiducia accedamus ad thro-
num gratiæ. Est & aliud piæ mentis in-
diciū in Martha. Sicut enim ab exor-
dio statim Christo denunciavit fratris

infirmatē, sic hic primo omnium con-
queritur, quod Christus non affuerit.
Verè enim omnibus lachrymis dig-
num est, si Christus desit. Quid enim
boni sine illo esse potest? Causa omniū
malorum est absentia Christi. Cæte-
rū Christus piē viuētibz nunquam
abest, etiam si videatur abesse: Propè
est Dominus his, qui recto sunt corde,
&c. Deinde etiam fratris mortem apud
Christum deplorat. Verè enim omni-
bus lamētis dignum est, hominem tam
nobiliter conditum, eō deuenisse pro-
pter peccatum, vt ipsi velit nolit mor-
riendum sit. Vt vel hinc disci possit,
quanta sit pernicies peccati, cuius tam
foedus est fructus, vt non immeritò
Sapiens admoneat: Tanquā à facie
colubri fuge peccatum, &c. Postremo
ita demum Martha suam fratrisque nec-
essitatem deplorat, vt tamen bene
speret de bonitate Christi. Verū ver-
ba ipsius audiamus:

Domine si fuisses hic, frater meus non,
& cetera.]

Ex hoc verbo videre licet, quomodo
affecti simus in tēratione. Quāuis enim
nonnullam fidem præ se ferat, quod
Martha dicit & credit, præsentiam Chri-
sti solam sufficere potuisse contra mor-
tis vim & potentiam, iuxta hoc tamen
multipliciter prodit fidei suæ infirmia-
tatem. Primò enim ita loquitur, quasi
Christus absens fuerit, cū tamen diu-
na virtus nullo circumscribatur loco,
nullo limite claudatur, imò efficax sit
in cuncta etiam corpore distantia, &
præsens vniuersis: Nunquid (inquit)
ē vicino tantū sum Deus? &c. Eādem
fidei imbecillitatem etiam in nobis ex-
perimur. Semper enim cogitamus, Si
Deus adesset, hoc vel illud mihi nō con-
tingeret. Item, Si scirem à Deo hæc ac-
cidisse, aut Deum præsentem esse, facilè
hoc aut illud ferrem. Vera autem fides
non dubitat. Deum vbique præsentem
esse, omniaque pro sua bona voluntate
teagere, ideoque fiducialiter audet eum
inuocare, nec retrospicit, quid sibi ma-
lit acciderit, sed sursum aspicit in manus
Domini auxiliatoris. Sic David: Domi-
nus (inquit) mihi adiutor, non timebo
quid faciat mihi homo, &c. Hic non di-
cit: Domine, si fuisses hic, sed tota fidu-

cia: Dominus, inquit, mihi adiutor, &c. Summa, quia Deum non videmus, semper putamus eum abesse. Deinde etiam in hoc prodit infirmitatem fidei suae Martha, quod credit Christum non nisi corporaliter praesentem posse auxiliari. Fides vera scit, eum etiam in caelis sedentem, in terris regnare. Praeterea est & hoc infirmæ fidei indicium, quod credit Christum vno tantum medio posse succurrere, quasi non habeat & alia media. Huiusmodi autem imbecillitas est prudentia carnis nascitur. Accepto enim incommodo, solemus nobiscum sic ratiocinari: Si tentasses hanc viam, successisset tibi conatus: si illam occasione arripuisses, periculum euitasses, quasi Dominus auxilium suum dare consueverit medijs à prudentia carnis nostræ conceptis & excogitatis, & non potius liberum sibi reservauerit, ut vel hoc vel illo medio sua bona distribuat.

Sed & nunc scio, quia quaecunque, &c.]

Hæc sunt verba veræ fidei: [Scio, inquit, & quaecunque.] Vera enim fides certa est, nec dubitat Deum subventurum, nec in vno aut altero, sed in quacunque necessitate. Quanquam & hic non nihil addat imperfectionis, quod putat Christum non aliter, quam oratione & precibus operari miracula, cum tamen ut Deus propria virtute omnia operatus sit. Vide autem, quomodo in homine pio sibi invicem succedant carnis & spiritus prudentia. Cum enim seipsum suasque mala considerat, quasi desperabundus dicit: Domine, si fuisses hic, &c. Cum ante Dei promissiones attendit, iterum spem concipit, & dicit: [Sed & nunc scio, &c.] Huiusmodi certamen quilibet in se experitur. Nemo enim tam fortis est, qui in adversis non aliquando deficiat. Econtra nemo tam pusillanimis, qui non animum resumat, cum attendit Dei promissiones. Hanc pugnam pulchrè in seipso ostendit David in Psalmo vigesimo nono, ubi aliquando satis fidenter de Dei bonitate eloquitur, interdum autem insignem cordis pusillanimitatem præ se fert, ut cum dicit: *Psalm. 29.* *vertisti faciem tuam à me, & factus sum conturbatus, &c. Item, Quæ utilitas in*

sanguine meo, si descendo in corruptionem? Observandum & hoc, quod soli Christo verè dicitur: *Quaecunque poposceris à Deo, dabit tibi Deus.* Ipse enim sunt omnia quaecunque habet Pater, ipsique non tanquam seruo particulare aliquod gratiæ suæ Xenium dat, sed tanquam filio cuncta quæ habet. Quamquæ & hoc ipsum, sicut & cætera, Christus nobis communicaverit. Ideo infra dicit: *Quicquid petieritis Patrem in nomine meo, dabit vobis.*

Resurget frater tuus.]

Ex hoc verbo videmus quàm verè dictum sit de Christo: Calamum quasi satum non confringet, & linum fumigans non extinguet. Poterat arguere Martham propter fidei imbecillitatem, verum afflictæ non addit afflictionem, sed potius consolationem. Nihil ab ore eius procedit, quod non sit consolatorium. Nec mirum. Ad hoc enim à Deo vinctus & missus erat, ut consolaretur lugentes, &c. Est autem sensus huius verbi. Quid adeo, ô Martha, ploras fratrem mortuum, quasi omnino perierit? An ignoras, quod animæ iustorum in manu Dei sunt? Nescis quod Deus nedum viventium, sed etiam mortuorum Deus est? Ego, inquit, sum Deus Abraham, Isaac, & Iacob, qui tamen ante multos annos mortui erant. Nescis, quod Deus etiam mortuos possit suscitare? Non audisti etiam me aliquos suscitasse? Si igitur scripturis non credis, me vide, me attende, ego sum, qui dico: [Resurget frater tuus.] Hoc brevè Christi verbum cordi inscriptum, docebit nos, ne tam inconsolabiliter lugeamus mortem charorum. Deinde etiam nobis mortem minus formidabilem faciet, spe futuræ resurrectionis, quemadmodum Iob: *Scio* (inquit) quod redemptor meus vivit, &c. Praeterea in eo, quod futuræ resurrectionis meminit, sollicitos nos reddit etiam hoc tempore ad amplectendam pietatē, ut in illa resurrectione inter sanctos & electos inveniri mereamur. Vide autem, quomodo Christus temperet sermonem. Nondum plenè consolatur, nec enim dicit: *Hodie resurget frater tuus, sed in generali: [Resurget, inquit, frater tuus.]* Per hoc autem eam excitare

care vult, vt feruentius desideret & peccat.

Scio quod resurget in resurrectione, &c.]

Ex hoc verbo primum apparet, fidem futuræ resurrectionis generalis non nouam esse, sed etiam apud veteres fuisse: [Scio (inquit) &c.] Sic & Iob: Scio, quod in nouissimo die resurrecturus sum, &c. Hæc fides veterum arguit eos, qui etiam nunc parum solide credunt futuram resurrectionem. Deinde hoc verbo Martha iterum prodit fidei suæ imbecillitatem. Sic enim & opera & verba ostendunt nos imperfectos, quantum uis dissimulemus. Primum enim quam insignem promissionem acceperat (Resurget, inquit, frater tuus) tamen nondum quiescit, quamdiu non videt fratrem viuere. [Scio (inquit) quod resurget,] quasi diceret: Generalem illam futuram resurrectionem semper credidi, sed quid hoc mihi ad præsentem dolorem confert? Si spes esset nunc resuscitandum, illud me consolaretur, sed vi deo id fieri non posse. Oportet me expectare generalem resurrectionem. Sic nimirum infirmus fide, quantumcumque ei ingeratur diuinæ promissiones, quietus tamen non est, donec consequatur quod querit. Pio autem homini & verè credenti, satis est, si habeat diuinæ promissiones: nec curat, si differantur, contentus eo, quod aliquando complendæ sunt. Quid enim, si non statim accipiant, quod petunt? cum certi sint, se aliquando accepturos, & cum scœnore. Hæc fidei constantia, & longanimitas omnium maximè commendatur in Patriarchis. Præterea, est & hoc infirmæ fidei signum in Martha, quod quamuis promissionem haberet, nihil tamen expectare audebat ultra communem sortem. Sic Achas, etiam cum promitteret ei Dominus auxilium, negabat se tentatum Dominum: quia nihil ultra sortem communem expectabat. Vera autem fides non dirigit oculos in communem cursum, sed in verbum Domini. Sic Abraham non dubitabat sibi nasciturum filium, quantumuis id supra communem cursum esset. Sic filij Israel habentes

verbum Domini, constanter ingressi sunt mare, cum tamen contra communem cursum esset, per mare siccis pedibus transire. Sic Gedeon non dubitabat cum trecentis contra centum millia hominum pugnare. Non enim attendebat communem cursum, sed verbum Domini. Sic Dauid congressurus cum Goliath, coram Saule commemorabat, qualia quantaque sibi etiam antea acciderant, præter communem sortem, à quibus etiam nunc spem concipiebat sibi non defuturum Dominum.

Ego sum resurrectio & vita.]

Hic se planè aperit Christus. Atque hoc est Euangelium longè omnium acceptissimum, quod vel solum nos consolari posset in quacunque necessitate. Est enim sensus, ubicunque & quando cumque ego præstò sum, vita & resurrectio regnat. Proinde non ad communem tantum cursum respicias, huc potius refer oculos ad me. Quamdiu euentus communes & casus creaturarum consideras, nihil vides. Me vide, qui sum resurrectio & vita. Iuxta illud: Ero mors tua o mors, &c. Deinde credis quidem o Martha, quod precibus meis nihil non possim à Patre impetrare, atque in hoc me vel æquas, vel quo ad hoc, præfers alijs sanctis. Verum non satis est me alijs sanctis æquare. Nec satis est, quoad aliquid etiam præferre sanctis, nisi in totum me præferas, ac credas me esse eum, qui natura Deus est, nullius ope indigens, & proinde omnia ex propria virtute & faciens & potens. [Ego sum resurrectio, &c.] Propria virtute hæc operor, non vt sancti, qui precibus tantum hæc aliquando impetrarunt, vt Helias & Helizæus. Præterea, generalem quidem resurrectionem confessa es & credis, nescis tamen adhuc cuius virtute perficienda sit. Igitur vt fides tua perfecta sit, etiam hoc credere debes, eos qui resurgent in nouissimo die, per me reuicturos: nec quemque omnino viuere, nisi per me: neque quemque reuiuiscere, nisi per me. Ego enim sum resurrectionis & vitæ fons: Itemque [Ego sum resurrectio,] id est, resurrectionis causa. Si enim credimus quod Iesus

DD n̄ resur

resurrexit, sic & Deus eos, qui dormiunt, per Iesum adducet cum eo, &c. *Th. 4. Ioan. 10.* Ego sum vita, id est, causa vitæ. Iuxta illud: Ego veni ut vitam habeant, & abundantius habeant. Signanter autem hæc duo coniūgit, resurrectionem & vitam, ut ostēderet, & viuis & mortuis in ipso spem repositam esse. Ad cōsolationem igitur viuorum dicit:

Ego sum vita.]

Ad cōsolationem autem mortuorum: [Ego sum resurrectio.] Qui viuunt, vitam continuare cupiunt: Qui mortui sunt, resurgere desiderant, utriusque in Christo inueniunt quod quærent. Hoc itaque verbo docemur, ubi quærenda sit vita, & resurrectio. Itemque vnde sumendæ sint vires contra mortem & infernum. Imò, hoc verbo Christus nobis donat resurrectionem & vitam, quæ sunt optima & maxima bona. Hoc est illud Euāgelium, quo in mortis angustia conscientia nostræ muniendæ sunt, aduersus omnes mortis & inferni portas. Ne autē quis putet, vanū esse hoc verbum, obsignatum est & confirmatum. Primò resurrectione Lazari, & postea etiam ipsius Christi resurrectione. Quid igitur horres mortem, cum Christus dicat:

Ego sum resurrectio.]

Quid formidas, ne te ingentia mala in altero mundo maneant? Audi Christum: [Ego sum vita.] Vbi cunque enim sumus, siue in vita, siue in morte, defendere & auxiliari nobis potest Christus. Hinc Paulus: Siue uiuimus, siue morimur, Domini sumus. Quæ autem hactenus de vita & resurrectione coporali diximus, etiam de spiritali vita & resurrectione intelligenda sunt. Per Christum enim resurgit peccator à morte peccati, per ipsum accipit vitam gratiæ, per ipsum iustificatus conseruat vitam gratiæ, per ipsum adipiscitur etiam vitam gloriæ. Nemo igitur desperet propter præterita peccata: Christus est enim resurrectio. Nec quisquam contremiscat propter futuras tentationes: Christus enim est vita. Fidenter igitur cum Paulo clamemus: Si Deus pro nobis, quis contra nos? Deus qui iustificat, quis est qui

condemnet! &c.

Qui credit in me, etiam si mortuus fuerit, &c.]

Hoc verbo (ne quis dicat. Quid mihi prodest, quòd Christus tanta bona in se habet) ostendit, se prædicta bona fidei libus communicaturum. Deinde, ne quis timeat, magno pretio & labore sibi ea bona comparanda, ostendit se modico pretio, imò gratis ea nobis communicaturum: [Qui credit, inquit, in me, &c.] quasi diceret: Non magnum exigo pretium, sed sicut gratis promissi, sic gratis dabo, tantum si mihi credere potes. Fides igitur medium est, quo & vitæ & resurrectionem, omniacque bona Christi acquirimus. Ideo autem fidei tribuuntur hæc bona, quia fides non innititur tantum proprijs meritis, sed Christo, qui fallere nō potest. Duo autem dicit. Primò:

Qui credit in me, etiam si mortuus fuerit, uiuet.]

Hoc est, si mortuus fuerit carne, uiuet spiritu. Non enim est Deus mortuorum, sed uiuentium. Quicumque enim in Christum credit, etiamsi carne moriatur, vniuersorum hominum debitum persoluendo, uiuit tamen in anima, Christo, qui vita est animæ, inherendo. Denique suo tempore reuiuiscet & corpore. Secundò addit:

Et omnis qui uiuit & credit in me, non morietur in æternum.]

Hoc est, qui carne uiuit, & credit in me, etsi mortuus fuerit ad tempus morte corporis, non morietur in æternum propter vitam spiritus & immortalitatem resurrectionis. Vtrunque autem verbum etiam de spiritali morte & vita intelligendum est, quemadmodum & supra dictum est. Mystice ostendit hoc verbo, & Iudæis & Gentibus salutis spem in ipso repositam esse. Mortuus erat Gentilis populus (qui enim sine Deo est, verè mortuus est) sed non desperet, quāquam enim mortuus fuerit, id est, à Deo alienus, credendo tamen in Christum, vitam gratiæ adeptus est. Viuebat autem Iudaicus populus, quia notus in Iudæa Deus erat, quem qui habet & possidet, verè uiuit. Ad

Eph. 2. Plal. 75.

Ad conseruandam autem eam vitam, quam habebant Iudæi, opus eis erat fide in Christū. Hinc subdit: Viuis quidem ō Iudæe, quia Deum habes, sed eam vitam cito perditurus es, nisi ad me conuertaris. Igitur qui venit & credit in me, nō morietur. Cōsequitur, quod qui nō credit, quātumuis viuat, morietur non credendo: sic e contra, qui mortuus fuerat, reuiuiscit credendo. Sic Iudæi non credentes in Christū, verē mortui sunt, nec aliqua spes eis restat, nisi ad Christum conuertantur.

Credis hoc?

Hic vides, quid Christus à nobis exi-
gat, nempe fidem, vt ei confidamus, &
omnia bona ab ipso speremus. Secun-
dum enim fidem nostram contingit no-
bis. Hinc Christus in alio loco: Si potes,
inquit, credere, omnia possibilia sunt
credenti. Imò, nedum fidem cordis exi-
git, sed etiam confessionē fidei: Corde
enim creditur ad iustitiam, ore autem
confessio fit ad salutem. Hinc est, quod
quamuis sciret Martham credere, nihil
ominus tamen quærit an crederet, vt ad
confessionem eam perduceret.

Ego credidi, quia tu es Christus.]

Hæc est vera & perfecta fidei confes-
sio, ac per omnia similis ei, quam & Pe-
trus fecisse legitur, cum dixisset Chris-
tus: Vos autem quem me esse dicitis?
Tu (inquit Petrus) es Christus, Filius
Dei viui. Hæc fides, sicut Petrum, imò
Ecclesiam, firmavit contra omnes por-
tas inferorum: sic hoc loco claustra infe-
rorum, quæ defunctum detinebant, ad-
uersus istam fidem nihil valuerunt, sed
defunctum, quem absorbuierant, reddi-
derunt. Ab utroque autē sexu hanc fidei
confessionem Christus requisit, quia
sine hac fide nemo saluabitur. Impossi-
bile est enim sine fide placere Deo. Sin-
gula autem verba suam emphasim ha-
bent. Primò enim signanter dicit: [Ego
credidi] Nō enim te (si adultus fueris)
fides aliena saluabit, nisi & tu credas.
Deinde: [Ego credidi, quod tu es Chris-
tus,] hoc est, Messias. Iam Messiam esse,
scilicet, Dominum peccati, afflictionum,
mortis, & inferni, adeoq; harum rerum
victorem esse. Nā propter hanc causam

promissus fuit Messias, vt vīcat omnes
aduersarias potestates. Iuxta illud: *Gen. 31*
men mulieris conteret cuput tuū. Nec
hoc contēta, insuper addit: [Tu es Chri-
stus Filius Dei viui,] quasi diceret: Nō
tantum credo, per te euadere posse mor-
tem & infernū, sed insuper credo, per te
posse adipisci gratiam, vitā, & adoptio-
nem filiorū, Patrisq; hæreditatem. Tu
enim es verus Filius Dei, tibi hæc om-
nia ex natura competunt: ideo alijs ea
communicare potes. Postremò addit:
Qui in hunc mundū venisti. Quo ver-
bo summam illam Dei dignationē, bre-
uiter cōplectitur, qua nostri misertus,
mundū intrauit. In his igitur quatuor,
vera confessio fidei consistit. Atq; vti-
nam hæc verba tempore mortis, nouis-
sima verba nostra essent. Fieri enim vix
potest, vt mala mors sequatur, vbi vita
in hac confessione terminatur: Beati *Apo. 24*
enim mortui, q in Domino moriūtur.

Abijt et vocauit sororem suam silentio]

Hic iterū piā huius mulieris men-
tē videmus. Fidei enim est, quod non
amplius contendit, sed verbo, quod dix-
erat Christus, cōfirmata adhæret. Cha-
ritatis autē est, quod propria consolā-
tione non contenta, etiā pro sorore cu-
rat, eamq; ad Christum consolatorem
adducit. Sciebat enim hoc Christo place-
re, quātūuis non legatur, Christū ius-
sisse, vt sororē vocaret. Vnicuiq; enim *Ecc. 17;*
mandauit Deus de proximo suo. Hinc *Apo. 22*
& in Apocalypsi dicitur: Qui audit, sci-
licet à Deo consolationē, dicat (proximo
scilicet) vent. Et Esaias: Loquimini
ad cor Hierusalem, &c. Discretionis au-
tē & modestiæ est, quod Martha sororē
vocat silentio, tū quia Iudæi Christo
contrarij, cum ea erant, quibus nolebat
Christum prodere: tum quia decet mu-
lierem non esse clamosam.

Magister adest, & vocat te.]

Lætissimum hoc nuntium est affli-
cto homini. Est enim sensus: Quid tam
diu audis homines illos onerosos con-
solatores? En verus ille consolator
adest: nec solū adest, sed & vocat
te. Sic verē Christus nobis adest sem-
per, ac insuper consolationes suas no-
bis offert. Congruē autem magistrum *Mat. 23*

DD iij

cum

eum nominat: Vnus est enim magister noster Christus.

Ille ut audiuit, surgit cito, &c.]

Hactenus Maria (per quam vel fides vel vita contemplatiua significatur) videbatur otiosa sedere: hic tamen etiam ipsa prodit ad externa opera. Sic enim & fides & vita contemplatiua videtur quidem otiosi, sed tamen suo tempore ad opera prodeunt. Quatuor autem per ordinem hic de Maria scribit Ioannes, in quibus perfectio Christiana consistit. Primum est audire: Fides enim ex auditu. Nam quomodo crederent in eum, de quo non audierunt? Secundum est surgere. Nihil prodest auditus verbi, si non surgas à peccatis, & pristina conuersatione. Hinc Paulus: Surge qui dormis, & exurge à mortuis, &c. Tertium est festinare: Cito, inquit, surrexit. In via enim Dei nedum retrocedere vitiosum est, sed etiam stare aut tardè progredi. Hinc David: Vitam mandatorum tuorum cucurri. Et Paulus: Festinemus ingredi in illam requiem. Quartum est, venire ad Iesum. Hic est finis debitus, quē nisi attingas, frustra audis, surgis, & ad tempus festinas. Hinc Paulus: Sic currite, ut comprehendatis. Et Christus, Qui perseverauerit usque in finem, saluus erit. Sic igitur etiam Maria desiderium nostram confundit. Sunt enim inter nos plerique, qui ne audiunt quidem: pauci autem, qui audiunt & surgunt: pauciores, qui festinant: paucissimi autem, qui ad Iesum perueniunt, ut verum sit illud: Multi vocati, pauci verò electi.

Nondum venerat Iesus in castellum.]

Non festinat Christus ad sepulchrū, sed expectat, donec ipsi dicant: Veni & vide, ne videretur propriam gloriam querere. Docemur hic fugere ostentationem & iactantiam.

Iudæi ergo, qui cum ea erāt, secuti sunt]

Referebat enim gloriæ futuræ miraculi, ut multi eius testes adessent, quamvis hi Iudæi alia intentione Mariam sequerentur. Sic enim semper mundus in suis operibus aliò respicit, Domino interim opus suum tacitè exequente. Obserua quòd sola Maria vocatur, Nihilo

minus tamen etiam alij testes assunt in perfectione huius miraculi. Per hoc etiam significatum est, opera Dei coram bonis & malis fieri, fructū tamen & consolationem ad solos peruenire vocatos.

Vadit ad monumentum, ut ploret ibi.]

Vocarat Christus Mariā non ad plorandum, sed ad consolationem. Verū hoc nesciebant Iudæi. Atque hic pulchrè descripta est opinio mundi de sanctorū operibus, Opinatur enim sanctos non nisi ad luctum tendere, quandoquidē plerumque affliguntur, cum tamen interim perluctum & afflictiones ad summam consolationem & liberationem, ab oculis mundi absconditam, penetrant. Hinc Paulus: Quasi morientes, & ecce vivimus: quasi dolentes semper autem gaudentes, &c. Sic Israelitæ videbantur in desertum ire, sed per desertum penetrabant ad terram lacte & melle manantem. Sic Abel videbatur in mortem ire, sed adeo non est mortuus, ut sanguis eius etiam post mortem in cælum clamaverit. Videbatur & Christus in horrendissimas tenebras ire inferni, sed adeo non fuit tenebris captus, ut per eas in summā lucem penetrarit. Summa, mundus nescit, quod sancti & pii ad consolationē pergant, ideo mundus eos non sequitur. Putat enim eos in interitum ire.

Maria ergo, cū venisset ad Iesum, &c.]

Obserua etiam hic pia opera in Maria, imò hic videbis & radicem & verum ordinem bonorum operum. [Cum visisset (inquit) Iesum.] Hæc est radix omnium bonorum operum, cognitio scilicet Christi. Qui enim eum non videt, hoc est, cognoscit, nunquā procider ante eum, nec eum orabit. Deinde procidit ante Iesum. Cognitionē enim Dei, primo omnium sequitur humiliatio sui ipsius. Feliciter cadit, qui coram Domino non procidit. Econtra autem, malè stat, qui coram Deo se non humiliat, sed erigit, quemadmodum primus ille Angelus, & Phariseus ille in Evangelio, qui nedum corpore, sed & animo stans, sua bona iactabat. Hinc Petrus: Humiliamini, inquit, sub potenti manu Dei. Deus enim secundum Iacobū superbis resistit, humilibus dat gratiam. Hinc

Phil. 94 Hinc & Daud: Adoremus & procidamus ante eum, &c. Procidit autem Maria coram Iesu, nihil verita Iudæorum præsentiam, ad confusionem eorū, qui in secreto quidem se humiliant coram Deo, in publico autem erubescūt se humiliare. Signanter autem dicitur ad pedes Domini p̄cubuisse, nec immeritò. *Luc. 7.* Apud pedes enim Domini, remissionē peccatorū inuenit. Ibidē etiā consolatoriam illam vocem audiuit: Fides tua te saluam fecit, vade in pace. Deniq̄ apud *Luc. 10.* pedes Domini sedens audire meruit: Optimam partem elegit sibi Maria, &c. Quidni igitur ad eosdē Domini pedes etiam nūc accurreret? Mysticē caput Christi Deitas est: pedes autē ipsius humanitas. Qui igitur attingere non potest sublimem Deum, apprehendat humilem hominem Christum, ei adhæreat fide, charitate, imitatione. Vel pedes Christi ipsius membra sunt, hoc est, fideles. Quam igitur reuerentiam personæ Christi exhibere non potes, eā membris eius impende. Quod enim vni ex minimis eius facis, ipsi facis, quemadmodum in Matthæo dicit.

Domine si fuisses hic, &c.]

Thre. 1. Eadem verba sunt, quæ & Martha prius dixerat. Nihil autē aliud conqueruntur p̄ij omnes, quā absentia Christi. Sic & Hieremias: Ideo (inquit) ego plorans, &c. quia consolator longē factus est. Habet autem verbum hoc non nihil fidel, sed iuxta hoc non parum imbecillitatis. Fidei est, quod tam indubitanter pronuntiat, præsentiam Christi potuisse obstare etiam morti. Est enim sensus: Quamdiu nobis præsens fuisti, nec mors, nec infirmitas nobis appropinquare ausa fuit, apud quas vitam hospitari nouerat. At vbi abscessisti, affuit mors, quæ fratrem nostrum acerbo funere rapuit. Imperfectæ autem fidei est, quod Christum putat abfuisse. Item, quod putat eum non posse seruare, nisi præsens sit. Item, quod ita Lazarū fratrem suū nominat, quasi ipsa sola pro ipso curet, non autem Christus: cum certum sit, quod ipse plus pro nobis curet, quā nos ipsi. Ipsi, inquit, cura est de vobis. Quod autem Maria solum hoc verbum dixit, factum est partim ex yehes-

mentia doloris, de morte fratris: partim autem ex abundantia gaudiū de aduentu Christi. Quemadmodum enim magnus dolor, sic & magna & insperata lætitia verba abrumpit & præscindit. Cæterum quod verbis nō exprimit Maria, hoc lachrymis ostendit. Atque, hoc est, quod Deus potissimum attendit in oratione. Hinc Daud monet, vt ploremus ante Dominum. *Ps. 94.*

Iesus ergo videns eam plorantem.]

Nihil ei respondet Christus, tū quia plena erat luctu, qui vbi cor occupat, frustra fiunt plurima verba: tum quia non sola erat, sicut Martha fuerat: tum tertio, quia iam tempus erat præstandi ea, quæ Marthæ pmiserat. Obserua quod Christus hic non arguit plorantes, quæ *Matt. 9.* admodum fecerat in suscitatione filiae Principis. Planctus enim super mortuos, si ex charitatis affectu pcedat, phibitus *Act. 7.* non est. Hinc Ecclesia planxisse dicitur mortem Stephani. Idem legimus de patribus veteris Testamenti. Vnde & Sapientens ait: Super mortuum plora, defecit enim lux eius. Verum continuo addit: Modicum plora super mortuū, quoniam requieuit, &c. Imò ex toto non cōpati nec mœrere, ferinum est & durum: Nimium autem dolere, muliebre est, imò & ethnicum. Moderatē itaq̄ lugendi sunt mortui, ne videamur dubitare vel de immortalitate animæ, vel de futura resurrectione. Hinc Paulus: Nolumus vos ignorare de dormientibus, vt *1. Th. 4* non contristemini, sicut & cæteri, &c. Secundò moderatē lugēdi sunt mortui, ne contra Deum facere videamur, cum tamen quotidie oremus, vt eius voluntas fiat. Tertio, quia quantumuis lugeas, *Matt. 6.* tamen mortuum ad vitam tuo luctu reuocare non potes. Imitare itaq̄ exemplum Daudis, qui infirmo quidem adhuc filio, plorauit: eo autem mortuo, cessauit à luctu. Ego (inquit) vadam ad *2. Re. 12.* eum, ipse nō reuertetur ad me. Imò vel Gentilium quorundam exemplo discamus fortiter ferre mortem charorum. Vide in Valerio Maximo. Quid enim plangis mortuum? Si peccator est, gaudendū potius, quia malitia eius abscissa est. Si iustus, quod in tuto collocatus & liberatus est futura formidine. Si iuue-

nis, quod ex medio malorum ereptus. Si senex, quod eo diutius usus es. Quod si plorare vis utiliter, deplora peccata tua & aliorum.

Infremuit spiritus.]

Hunc fremitum aut quamcunque aliam passionem siue affectionem, non accipiamus vel intelligamus in ipso fuisse Christo, cum animi præcipitatione aut effreni impetu, sed cum summa & placida animi tranquillitate, rectæ rationis semper directi moderatione. Fuit enim in eo vitium omnium ordinatissima ratio. Neque sicut in nobis, passionibus illæ suo motu rationem præuenerunt in Christo, sed consecutæ sunt ipsam, & excitatæ à voluntate & ratione. Proinde, quando & quomodo voluit, illis affectus est. Ideo autem huiusmodi in nocuis passionibus sponte assumptis (ut turbatione, tristitia, pauore, horrore, &c.) interdum moueri voluit Christus, & humanam conditionem in se, quod suum erat, prosequi, quo se ostenderet non solum humanam carnem verè assumpsisse, sed & humanæ naturæ proprietates omnes, ex quibus non appareret aut phantastica in eo carnis assumptio, sed vera prorsus comprobaretur. Congruè autem hoc loco Evangelista diuersos, & quasi contrarios affectus Christo tribuit, ad ostendendam naturarum in eo diuersitatem. Quod enim fremuit fortitudinis est, & fortissimæ diuinitatis: quod autem eodem fremitu turbatus est, humanæ infirmitatis est. Cæterum fremitus iste, nihil aliud est, quàm indignatio quædam, qua commouetur Christus, aduersus potentiam peccati, mortis, & inferni, imò aduersus ipsum Diabolum, cuius inuidia, peccatum, & mors intrarunt in orbem terrarum, cuiusque tyrannide omnes homines ab orbe condito pressi erant. Hoc autem fremitu ostendit, se odire regnum mortis, & Diaboli tyrannidem, nec velle, ut pereat peccator, sed ut conuertatur, & viuatur. Atque hic vides, quid sit illud: Deus mortem non fecit, nec lætatur in perditione uiuorum. Itemque illud: Ira in indignatione eius, & vita in voluntate eius. Deinde hoc fremitu ostendit, se vnum esse, qui regnum Diaboli euacuare possit, &

ob eam causam in mundum venisse, ac iam tempus esse, ut destruat Tyrannidem Diaboli. Atque hoc est, quod David precebat in Psalmo: Accingere, inquit, gladio tuo super femur tuum potentissime, &c. Et iterum: Tu exurgens misereberis Sion, quia venit tempus miserendi eius. Summam igitur consolationem nobis præbet hic fremitus Christi in omnibus aduersis, præcipue autem in horrore mortis. Ex hoc enim Christi factio certum est, Deum fremere aduersus tyrannidem omnium aduersitatum. Iam si Deus irascitur morti & inferno, Diabolus quæ, qui poterunt coram perfectè credentibus constare? quandoquidem nulla creatura iræ Dei resistere potest. Antequam Christus inciperet contra Diabolum fremere, nullus homo eum vincere poterat: nunc autem postquam Christus nobiscum stat, facile etiam à pueris & puellis vincitur Diabolus. Hinc est, quod toties in scriptura dicitur: Dominus pugnabit pro vobis, &c. Hinc & Paulus: Si Deus, inquit, pro nobis, quis contra nos?

Et turbauit seipsum.]

Turbatio hæc nihil aliud est, quàm commiseratio miseræ nostræ. Nec enim eadem erat cæterorum flentium, & Iesu turbati ratio. Illi humano quodam affectu mortem corporis deplorabant, Iesus magis indignabatur peccatis hominum, per quæ tam multe perirent animæ. Turbatur, quod in tantam miseriam deuenisset tam nobilis creatura, homo scilicet. Non enim tantum in Lazarum respiciebat, sed in totum humanum genus. Turbatur item ob Iudæorum incredulitatem, qui corporis mortem flebant in amico, non autem mortem animæ in seipsis. Turbatur item, in multis perituram doctrinam, miracula & mortem suam. Congruè autem Ioannes verbumque expressit, & fremitum Christi, & turbationem, lachrymasque, quorum illud iræ, hoc charitatis indicium est: ut ostendat, Christum odisse quidem peccatum & mortem, sed tamen amare peccatorem & mortuum, ut resipiscat & viuatur. Ex hoc igitur affectu videmus eius charitatem erga nos, commonemurque, ut nos ei tuto credamus, & ut Paulus docet,

Sapien. 1.

Ezec. 18.

Sapien. 1.
Psalm. 29.

Et lachrymatus est Iesus.]

docet, cum fiducia accedamus, &c. Deinde de discamus & nos fremere contra peccatum: sed ita ut tamen diligamus peccatorem. Potest etiam hæc Christi turbatio referri ad eius passionem, in qua ipse humanitas adeo turbata fuit, ut diceret: Tristis est anima mea usque ad mortem. Item, Deus meus ut quid me dereliquisti? Hæc autem turbatio, post fremitum secuta est. Propterea enim in passionem mortis devenit Christus, quod nostri misertus, contra Diabolum infremuit, ac ei se opposuit: Poterat quidem eum solo fremitu, hoc est, sola divinitatis potentia vincere, sed noluit: quin potius, ut immensam nobis ostenderet dilectionem suam, etiam turbari voluit. Hinc & apertè dicit Ioannes: [Turbavit seipsum.] Alioqui quis eum turbare potuisset? Nemo, inquit, tollit animam meam à me, sed ego à meipso pono eam. Observandum & hoc, quod infra iterum freuisse dicitur post illam turbationem. Verè enim post passionem suam iterum fremuit, cum scilicet in resurrectione sua, tanquam leo fremens & rugiens, ad prædam ascendit, ac mortis principem spoliavit.

Vbi posuisti eum?

Non hoc inquit, quasi ignorans seipsum pulchrum eius. Qui enim absens scivit mortuū, scit & ubi sit sepultus: sed ideo inquit, quia non vult ipse se inijcere ad faciendum miraculum, quin potius omnia ab alijs discere & rogatus facere, ne ostentationis causa quicquam fecisse videretur. Deinde etiam ideo inquit, ut omnes præsentibus excitet & attentos faciat, ad expectationem gloriæ Dei. Præterea hac interrogatione etiam nos admonet miseriæ nostræ, in quam prolapsumus, quasi diceret: Videtis nunc finem mundanarum opum. Sic & olim dixit ad primum hominem, post prævaricationem: Adam ubi es? quasi diceret: Agnosce unde cecideris, & quò perverris, &c.

Veni & vide.]

Pia precatio, & omnino similis ei, quam Hieremas facit, cum dicit: Intue re & respice opprobrium nostrum. Item, que Esaias: Nunquid super his te continebis Domine?

Vel hic unus locus insigniter nobis ostendit charitatem Christi, ac planè confirmat id, quod Paulus ait: Non habemus Pontificem, qui non possit compatì nobis, &c. Quàquam nihil mirum sit, quòd lachrymas pro nobis fuderit, qui tam copiosè pro nobis etiam sanguinem fudit. Fleuit autem Christus non tam ob id, quòd Lazarus mortuus erat, quàm quòd resuscitandus erat ad miseras huius vitæ, quas iam euaserat. Imò non ipsum Lazarum tantum, sed in ipso omne humanum genus defleuit, quod eò prolapsum erat, ut ei velit nolit moriendum sit. Hoc autem fletu suo Christus leuitatem nostram arguit, qui in tantis miserijs & periculis positi, etiam nunc ridemus: Risum (inquit Sapiens) reputavi errorem, & gaudio dixi. Quid frustra deciperis? Deinde etiam intempestivas nostras lachrymas hoc suo fletu arguit, ut qui ploramus in morte hominis, qua homo à miserijs huius vitæ liberatur, cum magis plorandum esset in natiuitate hominis, qua ad innumeras miseras ingreditur. Sic enim Christus non in morte Lazari, sed in ipsius resurrectione lachrymatus est. Præterea etiam hi intempestivè flent, qui in alijs mortem corporis deplorant, non autem mortem animæ, imò nec in seipsis mortem animæ curant. Contra hos loquitur Christus: Nolite flere super me, sed super vos ipsos. Observandum autem, quòd fleuisse quidem legitur aliquoties, nunquam autem legitur risisse. Per hoc nos docuit, non esse locum gaudij, nec tempus in hac vita, sed potius tempus & locus fletus & tristitiæ. Signanter autem legitur Christus ter fleuisse: Super civitatem scilicet Hierusalem, in suscitatione Lazari, & in cruce, ubi (ut Paulus ait) cum clamore valido & lachrymis, supplicationes suas Deo obrulit, &c. Primo fletu docuit nos deslere peccati occasionem, quæ est in mundi vana concupiscentia. In secundo docuit nos deslere æternæ vitæ privationem, quæ fit per peccatum. In tertio docuit nos flere in deuotione orationis, quemadmodum David: Laboravi, inquit, in gemitu meo, lauabo per singulas noctes lectum meum: la-

Heb. 4.

Eccle. 24.

Luc. 23.

Luc. 19.

Hebr. 56.

Psa. 64.

lachrymis meis stratum meum rigabo, &c.

Ecce quomodo amabat eum.

Verissimè iudicabant. Ex maxima enim charitate processerant vel perfluxerant hæ lachrymæ. In hoc tamen errabant, quod putabant Christum pro more humano & ex carnali affectu fleuisse. Item, quod putabāt eas lachrymas soli Lazaro impensas esse, cum veraciter toti generi humano impenderentur. Hoc autem mundus ignorat, vel non credit. *Ephē. 3.* Hinc Paulus orat, ut detur nobis agnoscere, quanta sit longitudo, latitudo, profunditas, & sublimitas charitatis Dei, &c.

Non poterat hic, qui aperuit oculos cæci, &c.]

Sensus est, Nōne hic nuper aperuit oculos cæci mendici, qui cum nihil erat illi familiaritatis? Quare igitur non effecit, ne tantus amicus moreretur? Si noluit, cur nunc lachrymis testatur intempestivum amorē? Si non potuit id, quod facilius est, quomodo præstitit id, quod difficilius est? Aegrotum sæpenumero medicus in vita retinet, cæco nato nullus unquam aperuit oculos. Hoc modo solet mundus de operibus Dei iudicare. Cum enim nō statim succurrit aut præstat quod petitur, iudicat mundus, quod aut non velit aut non possit præstare, sicque vel de Dei voluntate, vel de eius potentia diffidit. Sic & Iudæi impotentiae ascribebant quod Christus non descenderet de cruce: Alios (inquunt) saluos fecit, seipsum non potest saluum facere, &c. Qui autem operum Dei rationem nō vult, non ascribit hæc impotentiae vel invidentiæ, sed admirandæ ipsius providentiæ & dispensationi, quæ illud facit, quod nostræ salutis condécensius est & utilius. Ideo siquidem opera Dei prima fronte stulta videntur, ut novissimè magnificentiora fiant. Sic Christus non præservat Lazarum à mortē: *Mat. 27.* malus enim opus erat factururus. Sic olim Israelitas non vno momento traduxit ex Aegypto ad terram promissam, sed per mare, per desertum, per varia discrimina rerum, ut ex stulto incepto gloriosius Dei opus fieret. Et Davidem nō mox ab omnibus ad regnū perduxit, sed

per plura mala, &c. Observa quod Christus hoc loco calumniatoribus nihil respondet, ut doceret nos diuersa hominum iudicia de nostris factis sufferre. Proinde, quando nemo calumnias impiorum effugere possit, hoc solum conandum est, ut dignè iuxta verbum Domini ambulemus, & calumnias interim ortas, surda aure transeamus, certi confusos iri calumniatores. Siquidem confusio est ipsorum germanum iudicium.

Iesus autem rursus fremens in seipso.]

Hoc secundo fremitu exprimit indignationem animi in Iudæorum malevolentiam & improbitatem, qui non desistebant iugiter calumniari operam eius. Observa quod Christus bis fremuisse dicitur, sed differenter. In primo fremitu additum est: Et turbavit seipsum. In secundo autem nihil tale additum est, siquidem cum primum fremuit Dominus spiritu fortitudinis suæ, id est, quando infernum debellaturus intravit, vera passione mortis turbatus est. Quando autem fremet iterum, scilicet ad iudicandum veniens, non turbabitur, quia iam impassibilis est, & mors illi ultra non dominabitur. Tunc vocatus ferabitur, & clamabit, & magno fremitu super inimicos suos confortabitur. Illo, inquam, fremitu suo movebit vires tutes cælorum, rumpet somnum mortuorum, rapiet ad se in nubes agmina vivorum, quos unus idemque terror validæ tempestatis occidet, & eodem momento rursus excitatos vivere faciet: *Ro. 6.*

Venit ad monumentum.]

Præsens Lazarum suscitare voluit, ut constaret per ipsum factum miraculum hoc. Observa quātum se demiserit summa illa maiestas, quod etiam ad monumenta nostra descendere dignata sit.

Erat autem spelunca, & lapis superpositus.]

Faciunt & hæc ad miraculi fidem, ac prestigij suspicionem excludendam. Ex hoc autem loco videmus, sanctos veteris Testamenti sepulchra sibi antequam tem præparasse, quemadmodum & de Abraham, Isaac, & Iacob legitur. Hoc autem fecerunt non ex curiositate, sed ex fide, ut vel per hoc testarentur

Infidelibus, inter quos habitabant, se credere futuram resurrectionem.

Tollite lapidem.

Poterat per seipsum vel solo nutu amovere lapidem (qui enim mortuum corpus mouere, & animam inspirare solo verbo potuit, quomodo non potuisset mouere lapidem?) sed noluit, ut miraculū certius redderetur, si res non ipsius aut discipulorum, sed cognatorum manibus perageretur, in quos nulla cadebat præstigiū suspitio. Imò potuisset eū citra amotionem lapidis, atq; adeo per ipsum lapidē educere, sed & hoc noluit, ne dicerent, quod supra de cæco dixerunt. Non est hic, sed alius similis ei. Nunc autem, cum præsentēs affuerint, lapidem tulerint, cum ligatus exierit, cum amici ipsum viderint, & ex vestibus agnouerint, &c. hæc omnia sufficientia erant, quæ vel impudentibus silentium imponent. Præterea etiam ideo non per seipsum amouit lapidem, quia non opus hic erat miraculo, cum per homines præsentēs amoueri posset. Procul enim à sapiente & matura eius omnipotentia omnis curiositas. Decet nanque, ut in his tantum fortitudinem suā vtiliter exhibeat, in quibus operari humana infirmitas non valet. Quo facto etiam nos docuit, ut ibi tantum diuinam præstolemur potentiam, ubi humanam constat deficere industriam, alioquin contra illud præceptū facimus: Non tentabis Dominum Deum tuum. Demum ex hoc loco videmus, Deum in suis operibus non excludere opera nostra vel industriam, quin potius exigere: imò sub operibus nostris, atque adeo sub communi cursu rerum, & naturæ ordine, sua opera, hoc est, ingentia miracula perficit. Sic sub nostro labore, quo terram colimus, ipse absconditè suum opus perficit, hoc est, incrementum dat. Hoc modo etiam in spiritualibus, quamuis ipse operetur omnia in omnibus, ac nostris operibus non egeat, tamen ea exigit, & sub ipsis sua opera perficit.

Domine iam foetet, quatrduanus, &c.]

Hoc dicit, vel quod pudet foetoris in fratre, vel quod timet, ne Christus aliquando astantes foetore offenderetur: Iam enim

oblita erat & sermonis, quem dixerat Iesus, & confessionis, quam ipsa fecerat. Potest etiam dici, quod præ admiratione, raritate, & inaudita talis miraculi nouitate, dubitare inceperit humanum aliquid passa. Sic enim solet accidere hominibus ex quadam debilitate rationis. Vnde & multum læta vix creduntur, quemadmodum Iacob vix credere potuit, quod Ioseph viueret. Et quotidie experimur, quod licet narrantibus magnam prosperitatem affuturam credamus, tamen cum in proximo est, ut sic eueniat, hæsitare incipimus. Hic igitur iterum videmus, quàm ardua res sit fides. Eadem enim Martha, quæ supra tam magnificè de Christo confessæ est, nunc dubitare incipit, ac sapere quæ hominum sunt. Idem contigit Petro, qui Christum egregiè confessus, paulò post labitur, cum Christum increpat, ne se in passionem tradat. Sic enim in fide imbecillibus solent sibi alternis succedere carnis & spiritus prudentia, donec fuerint reuelatione Paracleti confirmati. Quod autem Martha dicit Lazarum foetere, qui tantum quatuor dies mortuus fuerat, insigniter probat id, quod Esaias magno clamore denuntiavit: Omnis, inquit, caro scenum. Sapientissimè autem (ut interim de iustitia taceam) à Deo constitutum est, ut terra in terram resoluetur, corpora nostra putrescant. Nam si corpora nostra nullo foetore inquinata conseruarentur, primum perniciosissimum superbiam malum magis vigeret. Deinde non facile aliqui sibi persuaderent, terrena esse corpora nostra. Tertio, magis ab hominibus corpora diligerentur. Quarto, homines non multum desiderarent statum futuræ vitæ. Quinto, non facile cognosceretur, quanta sit virtus animi, nec quantum ipsi corpori affert anima, cum ei cōiuncta est. Sexto, multi amore suorum, cœtibus hominū spretis, ut continuò suos viderent, sepulchra inhabitare non erubescerent, &c.

Nōne dixi tibi, si credideris, videbis, &c.]

Hactenus lentè cum Martha locutus est: nunc duriusculè ei loquitur, eaq; increpat. Merito enim increpantur, qui multa viderunt & audierunt, & tamen

dubitant. Quamquam & hæc ipsa increpatio admodum mansueta sit. Quādiu enim hic sumus, non in finem irascitur nobis Deus. Væ autem his, quibus in alia vita irascetur. Sensus autem verbi est: Nōne, o Martha, habes verbum: Resurget frater tuus? Crede huic verbo, & miranda videbis. Item. Nōne dixi tibi: Infirmitas hæc non est ad mortem, sed pro gloria Dei? Quam autem putas me promississe gloriam Dei, nisi inauditam hactenus resurrectionem quatridentuam? Gloria Dei est, quod omnia potest & solo verbo vel nutu, quod bonum est, quod verax, &c. Obserua, quod cum supra dixisset coram discipulis, Filium Dei per infirmitatem Lazari glorificandum: hic presentibus Iudæis tacet de filio, & tantum dicit: videbis gloriam Dei, ne scilicet Iudæi offenderetur, & ne videretur propriam gloriam quærere. Obserua item ex eo quod dicit: [Si credideris, videbis,] quā magnum bonum sit fides, quantaque efficiat. Sic & in alio loco dicit: *Omnia possibile sunt credenti.*

Iesus autem eleuatis sursum oculis:]

Oculos in cælum leuat, vt ostendat, se operari non arte Magica, sed virtute diuina. Deinde, vt nos doceret oculos mentis in cælum leuare, ac omnia à Deo petere, omniaque in eum desnudare referre. Sic Hieremias: Leuamus corda nostra cum manibus, &c.

Thre. 3. Sæpius autem legitur Christus in cælum suspensisse. Multiplicaturus quinque panes, in cælum suspexit, vt doceret à Deo quærenda, quæ ad victum pertinent. *Mat. 14* *Marc. 7* Surdum & mutum curaturus idem fecit, vt doceret à Deo esse, vt audiat & obediatur verbo Dei. Sic pro clarificatione sua oraturus, in cælum suspexit, vt doceret veram gloriā non è terra, sed è cælo quærendam. Sic & hoc loco in cælum suspiciens, docuit, virtutem resurgendi non aliunde esse, quā à Deo:

Pater gratias ago tibi, quoniam audisti me, &c.]

Christus & magna & humilia de se loquitur, sed differenter. Alta enim & magna raro, & ea quidem absconditè. Humilia autem & abiecta, frequenter loquitur. Qui enim perfecti futuri erāt, ex vno altè & magnificè dicto totum intelligere poterant. Hi autem cum rudèdes essent, nisi sæpenumero eadem audissent, nullum cepissent emolumentum. Cæterum hæc ipsa verborum Christi humilitas, hæreticos valde offendit, præsertim Arrium, qui inde colligere voluit, Christum hominem tantum esse, & miracula sua precibus à Deo obtinuisse, quemadmodum cæteri sancti. Atqui, si preces ei quid contulerunt ad Lazarum suscitandum, quomodo alia miracula fecit sine precibus? Surge, inquit, & mute spiritus, ego tibi precabor, exi ab homine isto, &c. Item: Volo mundare. Item: Surge, tolle grabathum tuum, &c. Deinde, si precibus solis obtinisset miracula, non potuisset Apostolus dare virtutem faciendi miracula, Atqui certum est, quod eam potestatem ipse tribuit, quodque Apostoli inuocato nomine Iesu, miracula fecerunt: In nomine Iesu (inquit Petrus) surge, &c. Denique hic idem locus manifestè indicat quod Christus non precibus, sed propria virtute Lazarum suscitauit. Prius enim, nemo gratias agit de eo, quod adhuc non recepit: Christus autem hic ante miraculum gratias agit. Deinde, nemo scit ante orationem se exauditum esse: Christus autem ante orationem se exauditum dicit. Postremò, nemo scit se semper fore exaudiendum, præter unum Christum. Constat igitur, quod maior homine fuit, imò quod miracula propria virtute perfecit. Non igitur nos offendat humilitas verborum, sed hinc potius gratias agamus, quod summa illa maiestas propter nostram salutem, etiā dignitatem suam quodammodo cōtemnit. Facturus autem miraculum Christus, prius gratias agit de præteritis, erudiens nos & de acceptis beneficijs gratias agere, vt ad maiora suscipienda reddamur idonei. Obserua quod quamuis effectus nondum impletus esset, tamen Christus dicit se exauditum, quia certissimus erat de eius impletione. Sicpius homo non dubitet orationem suam à Deo exauditam, etiamsi effectus non statim sequatur. Stat enim sententiarum: Quicquid petieritis Patrem in nomine meo, dabit vobis. Sed interim ipse Patet non vult, quando dandum sit: hoc igitur tempus patienter expectandum. Sic

Tob. 3. Tobiae oratio dicitur fuisse exaudita, caces sunt, cum orationi Christi ceu bāsi cum tamen effectus diu post sequeretur. & fundamento innituntur.

Ego autem sciebam, quoniam semper audi me.]

Vt credant, quia tu me misisti.]

Vt credāt quod ego sim salus, lux, vita, & resurrectio omnium credentium: talē enim te decet mittere. Deinde, vt credāt, me tibi non esse contrarium. Præterea, vt credant me credentibus affuturum, etiam si ab omnibus creaturis derelinquantur. Demū, vt credant te eadem erga ipsos flagrare charitate, quā ego ipsis ostendi. Hæc sunt quæ Christus cupit nobis inculcare, ac ob eam causam omnia & dixit & fecit.

Clamauit voce magna.]

Hactenus & verbis & gestibus humilitatem prætendit Christus: nunc econtra ipso clamore vocis & re ipsa ostendit potestatem diuinæ naturæ. Clamat autem voce magna, quia à magno affectu, à magno mysterio, pro magno miraculo, pro magno auditu, pro diuulgatione magna, pro magna memoria. Voce magna in hanc vitam reuocat mortuū, qui pendens in cruce voce magna tradidit spiritum, quoniam æquē magnus est moriens & viuens. Præterea magna voce clamauit ad significationē futuræ resurrectionis, quæ magno cælorum fragore, magna cælestium virtutum commotione fiet. Deus enim noster tūc manifestē veniet, & nō silebit. Ignis in conspectu eius ardebit, & in circuitu tempestas valida, &c.

Lazare, veni foras.]

Sicut verbo mundum condidit, sic & verbo miracula perficit, vt ostenderet se Deum esse, imò ipsum Dei verbum, per quod omnia facta sunt. Lazarū autē nominatim exprimit: alloqui hac voce omnes mortui excitati fuissent. Nec dicit: Surge tu, sed: [Veni foras,] vt viuenti loquēs ei, qui mortuus fuerat, nec tanquā mortuū, sed tanquā sanū, tanquā viuū, tanquā audire paratū, de sepulchro vocans. Ipsi enim Christo omnia viuunt, & vocat ea quæ nō sunt, tanquā ea quæ sunt. Nec dixit: In nomine Patris mei veni foras, aut: Resuscita eū Pater. Sed hæc omnia dimittēs, postquā orationis formā acceperat, per res autoritatē ostendit, quoniam & hoc sapientiæ suæ est, per verba quidem condescensionem,

EE

per

Sensus est: Ego, inquit, quum sim æternus Filius tuus, scio me tibi per omnia dilectū, cui & oīa bona tua ab æterno dedisti, quomodo igitur fieri posset, vt mihi quicquam denegares? Semper audis me, id est, non in tempore vel hora, sicut participes meos iustos homines, quorum nullus sicut potestatem habens, sed sicut donum accipiens operatur opus gloriæ tuæ. Nulli enim semper ad est manifestatio spiritus ad vtilitatem, nec semper se audiri, nec semper sibi ad esse sentit virtutem. Igitur singulariter sum ego in eo, quod semper me audis, quod nunquā mihi deest virtus operandi. Verū huc contrariū videtur, quod in Psalmo dicitur in persona Christi: Clamabo per diem, & non exaudies, &c. Sic enim non exauditus est in eo, quod deprecabatur calicem passionis. Respondendum, In his quæ absoluta & simpliciter voluntate citra annexam conditionem voluit Christi & petiuit, semper ipsum esse exauditus. Si enim aures Domini ad preces iustorum inclinantur, quanto magis in preces Christi, qui summa est iustitia. De his loquitur hic. In his vero quæ non absolute nec simpliciter, sed annexa tantum conditione Christus orauit, non est semper exauditus, vt cum calicem deprecaretur, conditionem addidit: Non sicut ego volo, &c. Et de ijs orationibus loquitur Psalmus.

Sed propter populum qui circumstat dixi.]

Quasi diceret: Nō est quod meæ gloriæ gratia quicquam miraculorum operer, satis iam ante mihi apud te celebris est, nec ego cuiusquam ego testis monto, sed quod miracula operer, turbæ gratia fit, quo habeant sigillum verbi mei. Deinde quod tā humiliter de me ipso loquor, non ideo fit, quod minor te sim in natura, sed ne populus offendas, si apertē me dixerō Deū esse tibi coequalē. Deinde nec ego pro me indigeo oratione, sed propter populum orauit, vt ipsi per me tibi reconciliētur. Itemque, vt eorum quoque orationes efficaciores sint. Tunc autem orationes nostræ effi-

Ioan. 11

1. Cor. 13

Psa. 43

Phil. 11

Mat. 26

Phil. 33

Mat. 26

per res verò ostendere potestatem.

Statim prodijt qui fuerat mortuus.]

Eccenunc, ô Iudæi, si verbis non creditis, operibus credite, vt cognoscatis, quod Pater in me est, & ego in Patre. Conuincit hoc miraculum vestram impietatem. Num adhuc blasphemiam iudicatis, quod dixit: Filius Dei sum? Potestne blasphemia & mendacium suscitare mortuum quatrduanum, & nō potius viuentes deducere in infernum? Da than quippe & Abyron per superbiam viui ad inferos demersi sunt. Saul quoque quum esset Christus Domini, superbiendo meruit Diabolo mancipari.

Iaco. 4. Semper enim Deus superbis resistit. Huc autē Deus Pater, vt videtis, in omnibus condescendit. Constat igitur, quod Deo contrarius non est. Ex hoc autem loco discamus potentiam verbi Dei, & quod verē dixerit Paulus: Euangelium est virtus Dei, ad salutem omni credenti. Quemadmodum enim Lazarus, hac voce Christi excitatus ē mortuis prodijt viuus: ita quicumque fide audierit Euangelij verbum, prodit ē peccato ad iustitiam, ē morte ad vitam. Fides enim est auris cordis, per quam Euangelium audiendum est. Statim autem prodijisse dicitur Lazarus: sicut enim & futura resurrectio fiet in ictu oculi. Prodiit autē ligatus manus & pedes, &c. Mira res. Sic enim ligatus, nec pedibus ambulare, nec saltem manibus reptare, sed nec oculis quo prodiret videre poterat. Erat enim etiam facies eius obuincta sudario. Hoc autem facto innuitur, magnā fuisse fortitudinem clamoris, qui mortuum ligatū ad viuos excussit, & excutiendo ē mortuo viuum fecit. Quod si magnū & incomprehensibile est, quantum erit illud, cuius hoc præconium est? Quomodo exillent mortui de sepulchris ad rugitū leonis immortaliter regnantis, si ita nūc exiliuit iste, ad balatum agni morti appropinquantis?

Soluite eum, & sinite abire.]

Hoc iussit, vt nihil deesset ad miraculi fidem. Primò, vt tangētes rediuiuum scirent ipsum esse, qui mortuus fuerat. Deinde, vt motus & alacer incessus ostenderet hominē etiam valere, non solum viuere. Potuit Christus efficere, vt

vincula suapte sponte soluerentur. Poterat suis manibus eum soluere, sed noluit, ob easdem rationes, quibus supra non nisi per alios voluit lapidem amoueri. Vide ibidem. Quod autem præcepit, vt sinant eum abire, etiam humilitatem Christi indicat. Non enim ducit eum, nec iubet secum ambulare ad suam demonstrationem. Per hoc autem nobis exemplum reliquit, ne ex bonis operibus nostram gloriam aut ostentationem quæramus, sed solam Dei gloriam, dicentes: Non nobis Domine, non nobis, sed nomini tuo da gloriam.

ALLEGORIA HUIUS HISTORIAE.

Bethania, quæ domus obedientiæ interpretatur, Ecclesiam significat huius temporis, vt supra dictum est. Domus Marthæ congregationem electorum significat. Nam alias etiam malos continet præsens Ecclesia, in fine mūdi exciandos. Intereos qui ad æternam vitam electi sunt, aliqui sani permanent, siue Christus assit, siue absit: hi scilicet, qui vel ardentem verbo Dei delectantur, quemadmodum Maria, vel strenuè Christo ministrant in se, vel in suis membris, quemadmodum Martha. Qui autē his exercitijs non occupantur, facili in languorem incidunt, maxime quum Christus abest. Cum enim obliuisci incipiūt beneficiorum & promissionum Christi, languescit in eis fides, remittitur charitas, imminuitur timor Dei, & feruor deuotionis. Atque tunc verē infirmatur homo spiritualiter: Vtinam, inquit, calidus esses aut frigidus, sed quia tepidus es, incipiam te euomere, &c. Ex huiusmodi corpore facile sequitur mors animæ. Vbi enim fides & charitas, timor Dei tepescit, facili in peccatū cadit homo. Peccatū autē certissima mors est animæ, quæ hominem à Deo, qui est fons omnis vitæ, separat: Peccata, inquit, vestra diuiderunt inter vos & Deū. Hinc in Ezechielē dicitur: Anima quæ peccauerit, morietur. Et Sap. Homo per malitiā occidit animā suā. De huiusmodi mortuis loquitur Christus, quū ait: Dimitte mortuos sepelire mortuos suos. Lazarus igitur mortuus prodire significat, spūaliter mortuus. Quia

Quia autem nedū mortuus dicitur, sed & quadruanus, non quemcunque peccatorem significat, sed eum tantum, qui grauissime & periculosissime peccauit, ac proximus est desperationi, cui & vix succurri potest. Quales sunt qui nedum peccant, sed & mala consuetudine se implicant, quæ nō permittit hominem intelligere malum quod fecit, quā denique nonnunquam defendit malum quod fecit, & irascitur cū reprehenditur. Sunt enim tres gradus peccatorum, in quorū typum Christus tres mortuos suscitauit. Aliqui voluntate tantum & cogitatione peccant: hi siquidem mortui sunt corā Deo, quamuis per operis cōsumationem nondum publicati sint. Atque hi signantur per filiam principis quam adhuc domi iacentem Christus suscitauit à morte. Alij nedum voluntate, sed etiam opere peccant: hi signantur per adolescentem, qui cū iam per portas efferebatur, à Christo suscitatus est. Alij opera peccati etiam in consuetudinem vertunt, & omnino famam perdunt: hi per Lazarum quadruanum & iam foetentem signantur. Qui enim peccata in consuetudinem vertit, verè quatuor dies habet: quia ad consuetudinem peccandi quadruplici gradu peruenitur. Primus dies est delectatio consensus, & cōpleta voluntas. Secundus dies mala operatio. Tertius peccati perpetrati in corruptio: nem aliorum propalatio. Quartus consuetudo. Huiusmodi quadruanus peccator, præter hoc quod Deum fontem vitæ perdidit, etiam ab hominibus excluditur, à communione scilicet sanctorum, & participatione bonorum Ecclesiæ. Deinde in sepulchro facit foetidae conscientiae, morsibus vermium lacerandus. Imò in spelunca horribili & tenebrosa, hoc est, in barathro desperationis facit. Impius enim quum in profundum venerit, contemnit. Quam horribilis autem sit illa spelunca, Esaias ostendit: Foras inquit, & fouea & laqueus super te, qui habitator es terræ. Præterea, facies huiusmodi peccatoris sudario est ligata, quia mens eius tenebris est obnubilata, ne periculum videat in quo versatur: nec malum, quo grauatur, quem admodum Sapiens de huiusmodi dicit: Excecauit eos malitia eorum. Adhuc ligatus est iustis & vinculis, quia consuetudine peccandi, tanquam grauibuscatenis est constrictus, & vsque adeo irritus, vt nullo modo se possit explicare. Dicit enim Sapiens: Funibus peccatorum suorum constringitur peccator. Et David: Funes peccatorum circumplexi sunt me. Hæc catenam abiiciendam esse monet Esaias: Si abstuleris, inquit, de medio tui catenam, &c. Insuper & lapidem habet superpositum, tū quia lege reus tenetur: tum quia cor habet omni lapide durius. Vnde & David monet: Hodie si vocem eius audieritis, nolite obdurare corda vestra. Vndique igitur clausus facit peccator talis, supernæ & infernæ, dextrorsum & sinistrorsum, quia obstinatum eius vitam nec inferni poenæ terrent, nec superna alliciunt, nec circūstantia eum inducunt ad amorem Dei & iustitiam. Postremò etiam foetet, mala siquidem fama ceu tetro aliquo odore alios offendit & inficit. Iam vide, quàm misera creatura sit homo peccatis assuetus. Inter omnia hæc mala summū est, quod peccator non sentit nec credit se adeo miserum esse. Vnde fit, vt non curet quomodo euadere possit. Interim tamen sorores eius pro eo sollicitæ sunt: agnoscunt enim eum fratrem esse, tametsi infirmus, imò mortuus sit. Sic prius homines non dedignantur peccatores, sed agnoscunt vt fratres, quoad naturam & etiam vocationem, ob ideorum misericordiam commiserantur. Ac primò quum vident aliquem infirmari, adhibent exhortationes, cōsolationes, correptiones. Si nihil proficiunt, orationes ad Christum dirigunt pro infirmo fratre. Quod si mori eum contigerit, non cessant eum deplorare, donec Christus misereatur. Difficulter autem suscitatur, qui in peccatis consuevit viuere. Hinc est, quod Christus multa difficilia fecit in suscitatione Lazari. Fremuit, turbatus est, plorauit, clamauit, &c. Quamuis & his ipsis rebus ostendere etiam voluerit, quid ipsi peccatori faciendum sit, videret licet vt primò contra peccatum fremat per compunctionem. Deinde lachrymis peccata abluat, id quod Propheta docet: Cōuertimini, inquit, ad Dominum in ieiunio, fletu & planctu. Postremò iterum fremat, contra reliquias peccatorum.

Clamat autem Christus voce magna. *Psal. 119.* Primò, quia talis peccator longe à Deo est. Iuxta illud, Longè à peccatoribus salus. Secundò, quia talis peccator profundè dormit. Iuxta illud, Surge qui dormis, &c. Tertiò, quia aures huiusmodi hominum plerunque alijs delectantur. *Eph. 5.* Iuxta illud: A veritate auditù auertent, ad fabulas autem conuertentur. Ideo opus est clamore magno apud huiusmodi. *1. Ti. 4.* Quartò, quia talis peccator faciem habet à Deo auersam. Iuxta illud, Vertes runt ad me terga, & non facies. Quintò, quia occupàtur alijs negotijs, ideo opus est clamore. Mùdo enim serulùt. Sextò, quia plerunque talis peccator omnino surdus est ad auditù verbi Dei, id quod crebrò in Prophetis legimus. Magna autem voce clamat Christus, quia magnis comminationibus, & magnis promissionibus. His vocibus excitatus peccator, vitam accipit per Christum, in eum credendo. Prodit per confessionem peccatorum. Sed tamen adhuc ligatus est. Primò, quia etsi Deus remiserit peccata, nescit tamen hoc homo, donec sententiam audierit à sacerdote. Secundò, etsi huiusmodi homo iam Deo reconciliatus sit, nondum tamen Ecclesiæ reconciliatus est: ideo ad Apostolos soluendus mittitur. Tertiò, etsi à culpa liberatus sit, nondum tamen ab omni poena. Quartò, etiam si à peccatis absolutus sit, tamen adhuc in se habet reliquias peccati, quæ subinde expurgandæ sunt. Nec solum præcipit, vt eum soluant Apostoli, sed etiam vt sinant, imò doceant ac cogant abire à sepulchro, in quo tacuit, ne iterum inuoluatur pristinis peccatis, &c. Obseruandum etiam hoc, quòd Christus tum primùm fuisse Lazarum solui, quum iam vlueret, vt discant Apostoli eorum successores, ne quenquam ligent, nisi mortuum, nec quenquam soluant, nisi voce confessionis significant eundem rediituum esse de sepulchro productum. Alioqui implebitur *Ezec. 13.* in eis illud propheticum: Viuificabant animas quæ non viuunt, & mortificabant animas quæ non moriuntur.

Multi ergo ex Iudæis, qui venerat, &c.]

Post descriptionem miraculi, hic paucis ostendit, quales fructus protulerit

in cordibus hominum. Ponit autem diuersos fructus. In his qui boni erant, protulit fructus bonos, & valde bonos: hi enim non tantum crediderunt, sed potest etiam Christo Hierosolymam veneranti obuiam processerunt, &c. In malis autem protulit fructus malos, & valde malos. Hinc enim permoti, conciliū illud impium contra Christum collegerunt, &c. Sic enim Christus alijs est sanctificatio, alijs verò petra scandali, & lapidis offensionis: Et Euangelium alijs est odor vitæ in vitam, alijs odor mortis in mortem. Multi, inquit, crediderunt, non tamen omnes. Iucundius quidem sonaret, si omnes credidissent, sed non omnium est fides. Vtinam hoc tempore multorum esset. Horrendum autem est, quod Christus ait, vix paucos saluandos: Multi, inquit, vocati, pauci electi. Qui venerant, inquit, ad Mariam. Propter Mariam aduenerat, & ecce Christum reperiunt. Opus charitatis & misericordiæ afflictis sororibus exhibebant, & ecce misericordiam à Domino consequuntur. Sic enim solet Dominus pietatis opera præmiare. Iuxta illud: Beati misericordes, &c. Crediderunt, inquit, in eum. Hic est fructus, quæ Christus querit. In hunc enim finem omnia loquutus est & fecit, & adhuc loquitur & facit, vt in eum credamus. Hoc, inquit, est opus Dei, vt credatis in eum quem ille misit.

Quidam autem abierunt ad Phariseos.]

Textus nō exprimit, qua intentione hoc fecerint, bona vel mala. Si bona intentione hoc fecerunt, insigne est exemplū fidei & constantiæ, sed admodum rarū. Magni enim periculi res erat, Christum coram inimicis eius confiteri, qui iam conspiraauerant, quòd quicumque eum confiteretur, extra synagogam fieret. Si autem mala intentione ad Phariseos ierunt, (id quod magis videtur) insigne exemplū est humanæ impletatis, quòd viso tanto miraculo, non modo in admirationem & fidem non conuersi sunt, sed insuper ex hoc Christo insidias struunt. Sic impij, etiam si apertissimè Deus suam vel bonitatem vel iram ostendat, nihil mouentur. His etiam delatoribus similes sunt, qui videntes bona seruorum Dei opera, illa odijs insectantur, & infas

For vobis soci ad sum pio plen

Hac Or ~~boni~~ mum tate ve
~~qui~~ ~~Lecha~~ ~~exte~~ regni boni

~~vobis~~
resurget

for vobis

infamare conantur, quæ tamen admirari, prædicare & imitari deberent. Quo quidem conatu se virtutis hostes ac inimicos produnt, quam persequi & extinguere pro viribus student. Obserua autem, quod delatores illi, quamvis malâ haberent intentionem, tamen interim etiam aliud cogitantes, gloriam Christi promouent. Sic enim Deus etiam impijs bene vti nouit.

Collegerunt ergo pontifices, &c.

Ad hos tam impios Iudæorum conatus, nemo pius non obstupescit. Dici enim non potest, quàm horrendum peccatum sit, cōtra manifestam veritatem, atque adeo contra Deum ipsum pugnare. *Gen. 49* Hoc concilium à longè præuidens S. Iacob, abominatus est. In concilium, inquit, illorum, nō ventat anima mea, &c. *Ps. 138* Et David: Quare, inquit, fremuerunt Gentes, &c. Et principes conuenerunt in vnum aduersus Dominum. Summa, à sæculo non fuit tale concilium, atque ob eam causam Ioannes tam diligenter id ipsum describit. Primò nominat personas: Non, inquit, Gentiles illud fecerunt concilium, sed nec turba indocta. Verùm Pōtiffices & Pharisei, quorum erat & scientia & pietate alios præcellere. Hinc discimus, quod gratuita illa Dei dona, si non assit fides, magis obsunt, quàm profunt. Sic scientia donum Dei est, verùm si non assit charitas, inflat hominem, vt Paulus ait: Sic potestas, Dei donum est, sed sine fide magis obest quàm prodest: quod enim quis potentior est, eò magis mala perpetrare potest. Exempla sint Antiochus, Nabuchodonosor, & alij, &c. Non igitur satis est, habere dona illa gratuita, nisi simul habeas & iusticiam, fidem scilicet, spem & charitatē. Hæc enim faciunt, vt etiam externa illa & gratuita prodesse possint. Deinde ex hoc loco videmus, quod plerumque sapientes & potentes huius mundi nihil aliud sunt, quàm vasa iræ Dei. Sic Paulus de sapientibus dicit: Tradidit eos Deus in reprobum sensum, &c. Et de potētib: In hoc ipsum, inquit, excitauit te, vt ostēdam in te fortitudinem meam. Noli igitur gloriari de sapientia vel potestate: nescis enim in quem finem tibi hæc data sint, imò time. Quandoquidē scriptu

ra inter præcipua Dei opera connumerat, quod ipse dispergit superbos mente cordis sui: Deponit potentes, diuites dimittit inanes. Collegerunt, inquit, concilium. Ad concilium non vna tantum & altera, sed plures personæ requiruntur. Sic enim impij certatim & cateruatim ad malum festināt. Hinc Hieremias: Coniuratio, inquit, inuenta est in viris Iuda. Et iterum: A minori vsque ad maximum omnes auaritiæ student. Et iterum: Filij colligunt ligna, & patres accendunt ignem, &c. Sed quam ob causam concilium illud collegerūt. In alijs rebus interdum spes, interdum metus cogit concilia. Hic autem quid? Ergo, inquit, nempe, quia Christus tale miraculum fecerat tam euident & clarum, propter quod multi in eū crediderant. Hæc fuit causa huius concilij. Et quidem si mens in eis non leua & imple fuisset, commendandi essent, si in vnum contrulissent, nū hoc miraculum dignum esset, propter quod in eum crederetur. Item, quod honore dignus esset, qui miraculum hoc fecit. Sed nihil horum cogitant, non de honore Christi consultant, sed de ipsius occasione. Sic enim peruersis omnia in malum cedunt, etiam optima, quæ admodum pijs econuerso omnia cooperantur in bonum. Sed quis, inquit, Iudæos ad tam horrenda concilia induxit? Primò eos induxit horrendum Dei iudicium, quo iam iusto iudicio dati erant in reprobum sensum, vt ea perficerent contra Christum, quæ manus & consilium Domini destinauerat: Erant enim vasa ad contumeliam. Deinde eos extimulauit Diabolus ipse, qui tam inde ab exordio tantò plus insaniuit, quantò gloria Dei clariusemicuit. Sic & nunc post tã clarum miraculum, plus insanire incipit. Præterea aderant Iudæis & alij duo pessimi consultores, qui eos ad tantum flagitium extimulabant, ambitio scilicet & auaritia: timebāt enim & gloriam & quæstum sibi peritura. Qui hos duos consultores audit, in omnia peccata se præcipitat. Sic ambitio effecit, vt & Chore cum suis cōtra Moysen se erigerent: Et Absalon propriū patrem persequeretur. Sic auaritia effecit, vt Iudas Christum venderet. Ambitio & auaritia effecerūt, vt Nabuchodonosor, Cyrus,

Lucæ 11

Hier. 17

Hier. 6

Hier. 74

Rom. 2

2. Ti. 2

Num. 16

2. Re. 15

EE iij Alex

Alexander Magnus, Cæsar, &c. tantum sanguinis humani effuderunt. Auaritia & ambitio principes prophanos ad bella & discordias incitant. Ambitio & avaritia omnium malorum sentinam Ecclesiae inuenerunt. Nec aliud quicquam etiam nunc obstat, quo minus Ecclesia in pristinum decorem restituatur, quam ambitio & avaritia. Hinc igitur discamus, quantopere fugiendæ sint hæc pestes. Homo quidem naturaliter magna appetit, utpote gloriam & diuitias, sed in hoc errat, quod nec veram gloriam, nec veras diuitias quærit, nec eo modo, quo quæri debent. Gloriam & diuitias veras non inueniunt, qui anxie ea quærunt, sed qui econtra ea contemnunt. Si veram gloriam cupis, fuge gloriam humanam. Si veras diuitias cupis, expende & distribue falsas illas diuitias in egenos.

Quid facimus?

Hic etiam consultationis modum describit, propter causam superius dictam, videlicet, quod à mundo conditum nullum tam immundum concilium fuit. Legimus quidem & alias frequenter impias consultationes contra iustos factas. Sic enim & contra Ioseph suipius fratres, contra Israelitas Aegyptij, contra Daudem Achitofel & Absalon, contra Hieremiam impij sacerdotes, contra Susannam impij iudices impia concilia habuerunt. Verum hoc omnia alia excellit, quia non contra hominem tantum, sed contra filium Dei celebratum est, nec ob aliud quam ob diuinum illud opus, à Christo factum in suscitatione Lazari. Hoc igitur verbo primo produnt angustiam cordis. Solent enim angustiat sic loqui. [Quid facimus?] Hæc autem angustia prouenit vel ex avaritia, ut in diuite illo, qui dicebat: Quid faciam, quia non habeo ubi reponam fructus meos? Vel prouenit ex inordinato timore perdendi honorem, ut in villico qui dicebat: Quid faciam, quia Dominus meus aufert à me villicationem? Vel prouenit ex inuidia, ut in Iudæis, qui dicebant: Quid faciemus hominibus istis? quia notum factum est signum, &c. Omnia autem, quæ iam dicta sunt, hic simul concurrunt, avaritia scilicet, timor, & inuidia, non igitur

mirum, quod dicunt: [Quid facimus?] Deinde his verbis seipsos etiam hortantur mutuo, ad perpetrandam eadem ac homicidium. Est enim sensus: Quid cessamus eum perdere? cur torpescimus? quin expergiscimur, dum nobis licuerit, ne torporis nostri tandem dignas persoluamus poenas. Sic enim impijs non sufficit propria malitia, ac præterita peccata, nisi subinde & maiora addant, & etiam alios ad mala extimulent. Præterea hoc verbo planè ostenditur, quod hæc ipsorum consultatio verè fuit concilium illud vanitatis, cum quo Prophetia non sedit: imò Ecclesia illa malignantulum, ad quam neque lex, neque Propheta quispiam intrauit. Alioquin si in hoc concilium admissus fuisset Moyses & Prophetæ, quid aliud respondissent, quam: Credite in eum, quandoquidem ipsi fatemini eum magna signa facere? Verum illi consultando nequaquam veritatem agnoscere, sed veritati resistere quærebant. Ob eam causam de voluntate scripturarum, sine qua legitimum non est concilium, omnino tacuerunt. Et unde est, quod etiam in nostris concilijs & conuentibus, multa quidem hinc inde consultamus, nemo tamen de emendatione vitæ cogitat, nisi quod scripturam sacram non admittimus ad consultationes nostras?

Hic homo multa signa facit.]

Ex contemptu & inuidia, proprium eius nomen tacent. Deinde adhuc eum hominem vocant, qui tantam suscepant Deitatis eius demonstrationem. Interim tamen velint nolint confitentur, quia ille, quem quasi hominem despiciebant, sicut Deus signis & miraculis coruscabat. Verum his verbis latentem occultumque animi sui morbum, quo vexabantur, detegebant, liuorem scilicet atrum, quo gloriæ eius inuidebant. Hoc enim vel maxime inuidum eorum torquebat animum, quod tot fulgeret miraculis, quibus splendor sui nominis magis ac magis hominibus innotuit. Vide autem peruersitatem, cum alias signa ab ipso efflagitassent, nunc propter signa eum perdere conantur. Deinde pro crimine ipsi obijciunt, quod omni laude & admiratione dignum erat. Præterea

- Luc. 12. nit vel ex avaritia, ut in diuite illo, qui dicebat: Quid faciam, quia non habeo ubi reponam fructus meos? Vel prouenit ex inordinato timore perdendi honorem, ut in villico qui dicebat: Quid faciam, quia Dominus meus aufert à me villicationem? Vel prouenit ex inuidia, ut in Iudæis, qui dicebant: Quid faciemus hominibus istis? quia notum factum est signum, &c. Omnia autem, quæ iam dicta sunt, hic simul concurrunt, avaritia scilicet, timor, & inuidia, non igitur
- Luc. 16. nit ex inordinato timore perdendi honorem, ut in villico qui dicebat: Quid faciam, quia Dominus meus aufert à me villicationem? Vel prouenit ex inuidia, ut in Iudæis, qui dicebant: Quid faciemus hominibus istis? quia notum factum est signum, &c. Omnia autem, quæ iam dicta sunt, hic simul concurrunt, avaritia scilicet, timor, & inuidia, non igitur
- Acto. 4. mus hominibus istis? quia notum factum est signum, &c. Omnia autem, quæ iam dicta sunt, hic simul concurrunt, avaritia scilicet, timor, & inuidia, non igitur

quantumuis ei inuiderent, & perditum eum vellent, tamen nihil mali ei obijcere potuerunt, imò econtra fateri coguntur ipsius benefacta. Tanta fuit innocentia Christi, tanta debet & Christiani innocentia esse, vt aduersarij non habeant, quod veraciter accusare possint. Deniq; & cōtra seipso loquūtur, & seipso dānant. Quò enī plura signa sciūt Christū fecisse, eò maior erit eorū dānatio, quēadmodū Christus dicit: Si opera non fecissem inter eos, quæ nemo alius fecit, peccatum non haberent, &c.

Si dimittimus eum sic, omnes credent.]

Vide quomodo impietatem suam palliant specte bona. Prædunt se consultare de communi salute totius gentis, itemq; de seruanda fidelitate Romani imperij. Ergo hunc hominem interficere apud tribunalia quidem Cæsaris, videbatur fore tutum, apud iudicium populi fingebatur esse necessarium. Sic intenderunt arcum conuentus ille malignantium, & multitudo operantium iniquitatem: sic firmauerūt sibi sermonem nequā. Sub occasione timoris vel fidelitatis Romani imperij absconderunt laqueos, dixerunt: Quis videbit eos? quem enim putaret tali causa propolita posse ipsorum intentionem reprehendere, vel illum vnum hominem auderet defendere. Huiusmodi exempla etiam nostro tempore passim videtur, vbi bona quidem species prætenditur, cum tamen longè aliud in corde versetur: Solum hoc curamus, vt bona specie homines fallamus, nihil interim de diuino iudicio cogitantes, quasi plus timendum sit iudicium hominum quàm Dei: cum tamen scriptum sit. Horrendum est incidere in manus Dei. Quid tibi prodest miser, si homines fallas, cū Deum & conscientia tuam fallere non possis? Deinde, quod summis votis optare debuerant, nepe vt omnes in Christum crederent, hoc ipsi timent, vt vel hinc discere possimus, quales pastores fuerint, nempe, qui non ouibus, sed sibi consulerent. O impij pastores, nonne satis vobis videtur lac & lanam ab ouibus habere, nisi insuper etiam vitam eis auferatis, non quamcunque, sed æternam?

Et Venient Romani, & tollent nostrum, &c.]

Hoc potissimum allegant, quia carnales erant, ac summum damnum aestimabant, perdere gloriam & temporalia bona, cum interim de spiritualibus damnis & incommodis nihil curarent, id quod mundani omnes faciunt, &c. Deinde etiam ideo hoc allegant, vt populum Iudaicum plus æquo terrena diligētem, magis contra Christū incitarent. Vide autem quanta ignominia his verbis afficiant filium Dei, dum eum nedum seductorem & seditiosum iudicant, sed etiam tam damnosum hominem, propter quem si viuere permittatur, necesse sit totum populum perire. Non igitur immeritò Christus eis dixit: Vos in honorastis me. Et iterum: Multa habeo de vobis loqui & iudicare, &c. Ex hoc autem impio Iudæorum concilio plura bona colligere possumus: Diligentibus enim Deum omnia cooperantur in bonum, etiam mala. Hinc enim videmus, quòd sine fide nunquam bene administratur Respublica. Primò enim vbi nō est fides, ibi tantū in tēporalibus prospicitur Respublicæ, id quod in Gētilibus videmus. Atqui nōdum consultum est Respublicæ, etiam si in temporalibus nihil illi desit, nisi & spiritualia habeat. Secundò, vbi non est fides, plerunque delinquitur metu, id quod hic vides. Tertiò, vbi non est fides, tantum quærentur media secundum carnem, & plerunque arripiuntur mala media. Hinc est, quòd regibus Israel præcipitur, vt semper secum habeant Deuteronomium legis. Quartò, vbi non est fides & timor Dei, ibi vt plurimum res tantum obiter tractatur, nec consideratur quæstionis caput & status, quemadmodum hic vides in Iudæis. Timent quidem loco & genti suæ, id quod prudens est magistratus. Deinde statuunt seditionis authorem tollendum esse, atq; hoc quidem satis sapienter consultum est. Nam ob hanc causam magistratus gladium portat, vt rollat malos, ne bonis obsint. Verū hoc non est quæstionis caput, nec consultationis status. Scimus, boni magistratus esse rem populū curare: scimus item, seditionis authorem

EE iij rem

rem tollendum esse, sed non hoc quaeritur. De alijs rebus ipsis consultandum erat. Primo, an Christus sit seditionis author, an doceat defectionem à Romano imperio. Hanc quaestionem si considerassent, vidissent utique omnia & verba & facta Christi contrarium ostendere. Nusquam enim legitur, quod satellitibus armatis stipatus incesserit, quod armis aut propugnaculis se munierit, quod censum aut tributum Caesari prohibuerit dare, &c. Sed hoc legimus, quod cum regem ipsum vellent facere, renuit, quod Caesari reddenda censuit quae exigebat, quod ipsemet tributum soluerit, atque adeo nullam seditionis vel minime suspicionem prae se tulit, ut etiam domo alijsque necessarijs caris, humilem & abiectam in paupertate vitam duxerit. Ut interim taceam, quod ubique mansuetudinem docuit, alapis cecos non ulcisci, iniuria affectos tolerare, potiusque ad perferendum, quam ad inferendum alijs malum promptiores suos esse voluit & admonuit. Haec autem omnia non constituentis tyrannidem, sed tollentis potius sunt opera atque officia, & ipsam penitus damnantis. Quod si Christus alicubi se Messiam aut regem dixisset, vidissent utique ex lege ipsum quidē regē esse, sed non talem, qui non secum ferat Romanorum regem. Est enim Christus rex iustitiae, pacis, salutis, & vitae aeternae, ac dominatur super peccatum, mortem, Satanam, afflictionē & infernum. Quid hoc ad Caesarem? Dominetur ille super regiones & populos, Christi regnum non est de hoc mundo: regnat super caelestia bona, relinquens bona terrena suis magistratibus gubernanda. Verum enimvero invidia nihil videt, & caecat hominem. Secundo consultandum ipsis erat, num gens peritura sit, si in Christum crederet: & num ideo ciuitati periculum immineret, si Christus inter ipsos permaneret. Hic si scripturas consulissent, vidissent non propter bona opera, sed propter mala, gentes & populos perire. Vidissent item, quod piorum in terris conuersatio non est causa malorum aut periculorum, sed quod mali, & iniusti, & Deum prouocantes in terra habitant. Haec est causa omnium malorum. Ipsorum enim scelera Dei indi-

gnationem prouocant. Praeterea consultandum ipsis erat, num propter temporale incommodum Reipublice occidendus esset innocens. Hic statim vidissent, non facienda esse mala, ut eueniant bona, nec propter creaturam impiè agendum esse in legem Dei. Ita siquidē Reipublicae commodis prospiciendum est, ut non impiè agatur contra Deū. Verum nihil horum considerarunt hi consultatores. Vides igitur sine fide nunquam recte administrari Rempublicam. In potestate igitur constitutis necessaria est Dei gratia, altoqui nunquam in omnibus recte agent. Hinc est, quod Paulus iubet, ut primò omnium fiant orationes pro regibus & in potestate constitutis, &c. Deinde ex euentu huius Pharisaeae consultationis, videmus verū esse, quod in Prouerbijs dicitur: Impio accidunt quae timer. Timebant Iudaei, ne per Romanos deuastarentur, id quod alijs acciderat. Quia autem hoc periculum non fide, nec resipiscencia, sed impio homicidio effugere conabantur, accidit ipsis quod timuerunt. Nemo igitur conetur pericula à se depellere homicidijs, alijsque impijs aduersus Dominum operibus, sed timore Domini, fide & resipiscencia, altoqui nunquam effugiet, sed quod timet ei continget. Praeterea ex hoc Iudaeorum concilio videmus, quod qui alij struit laqueum, laqueo Dei iudicio incidit in illum ipsum laqueum. Hinc toties in Psalmo dicitur: Incidit in foueam quam fecit. Sic contigit Aman, sic & Iudaeis hoc loco. Deum ex euentu huius concilij videmus quod qui propter temporale aliquod locum vel damnum impiè agit, grauiora mala incurrit. Stat enim sententia: Qui timet pruinam, irruet super eumnix. Sic Iudaei propterea quod impiè in Christum egerunt ex timore Romanorum, duplici postea contritione contriti sunt (id quod Hieremias eis imprecatur,) Nam & Romani eis abstulerunt locum & gentē, & maligni daemones etiam animas eorum abstulerunt. Vide igitur ne propter temporale damnum vitans dum impiè agas, altoqui malus incurres.

Vnus autem ex ipsis Caiphas nomine.

Sicut scriptura pedem in generali priorum studia

studia & vitam indicat, sed etiā aliquos insigni pietate præditos exempli causa nominat: sic econtra nedum impiorum vitam & studia in generali describit, sed etiam aliquos ad terrorem aliorum nominat. Ob eam causam hic nominatur & Caiphas. Iam sicut insignis pietatis est indicium, si quis inter multos bonos emineat: sic extremæ malitiæ indicium est, si quis inter impios primatū habeat, qualis fuit hic Caiphas, qui nedum vnus ex illis, sed præcipuus inter illos erat in re tam iniusta.

Cum esset Pontifex.]

Quasi admirando hæc dicit Ioannes, nimirum vt magnitudinem impietatis ac grauitatem sceleris eius monstraret. Quasi diceret: Cum cæteris dignitate Pontificali & authoritate præstaret, debuisset maiori pietate & religione in Deum effulgere, quò cæteris exemplo esset virtutem colendi, sed ecce, is ipse reliquis immanior, promptior ad scelus, & ad cædem paratior inuenitur. Vnde autem quàm sibi non conueniant in eodem homine, summum officium & summa impietas, maximè si attendas, quo ritu, quibusque cæremoniis Moyses sacerdotes consecrauerit ex præcepto Dei. Nedum enim ipsum summum sacerdotem sanctificauit, sed & manus eius, itemque filios, caput & vestes eius consecrauit, & non alibi quàm in tabernaculo, vsusque vini tempore ministerij sui interdixit, ac insuper contactum mortuorum, &c. Quæ omnia indicant, insignem munditiam requiri ad summi sacerdotis officium. Nihil eorum considerauit Caiphas, contentus eo, quòd officium habebat. Quòd si vitam suam cum officio contulisset, quomodo non vel coram seipso erubisset? Atqui non solus Caiphas tam malè respondit officio suo. Nemo non videt, quàm non conueniat impia vita sancto officio, præter solos illos, quos hoc negotium tangit. Debemus quidem non personam, sed officium attendere. Atqui difficulter fieri potest, vt eum ex animo diligamus & suspiciamus, cuius apertā malitiam detestamur. Sicut enim bona vita authoritas conciliatur, sic mala vita amittitur. Et quidem Paulus gloria-

tur, se nedum officium suum non dehonestasse, sed gloriatur, quòd ministeriū suum honorificauerit. Nec aliunde est, quòd sacerdotes adeò contemnuntur, nisi quòd ipsi suum ministeriū nedum non honorificant, sed insuper dehonestant. Sibi ergo imputent, quòd cōtemnuntur.

Anni illius.]

Hoc addit, quasi diceret: Non est mirum, quòd tam impius fuerit Caiphas, vt qui non erat Pontifex secundum legem, hoc est, perpetuus, sed tantum illius anni. Ex lege enim vnus duntaxit erat summus Pontifex, cui nō nisi post mortem succedebat filius eius. Eo autē tempore illa lex Domini non obseruabatur apud eos, abrogata per ambitionem Iudeorum & auaritiam Romanorū, qui in annos singulos tūc sacerdotium vendebant. Hanc morum corruptelā tunc synagogæ irrepsisse, facile ex historia Machabeorum deprehendere possumus, vbi nonnulli memorantur ad summum sacerdotium data grandī pecunia cōtendisse. Iam quamuis Ioannes non expresse dicat Caiphas emississe sacerdotium, sunt tamen alij probati historici, qui asserunt eum pretio, vnus anni sacerdotium redemisse ab Herode. Non igitur vt verus Pontifex & pastor, per ostium intrauerat hic Caiphas in ouile, sed tanquam fur & latro aliunde ascendit. Vnde & nunc non contentus ouilum cædere, etiam ipsum pastorem mactare intendit, vt furta sua licentiùs agere possit. Quamuis autem Paulus dicat: Qui episcopatum desiderat, bonum opus desiderat, meritò tamen culpatur Caiphas, omnesque eum sequentes, tum quòd pecunia sacerdotium redemerit: tum quòd magis sua commoda quàm ouium salutem quæsiuit. Aliud enim est desiderare opus, aliud desiderare opes. Si opus episcopi desideras, bonum opus desideras. Sin autem opes desideras, vide quomodo rationem reddas iudici Deo. Qui attenderet quàm periculosum sit ouibus Christi præesse, nunquam ad id se ingereret.

[Vos nescitis quicquam, nec cogitatis,]

Aliorum consilia fastidit superbus ille

Exo. 28.

1. Ma. 4

Ioan. 10.

1. Ti. 3.

Matt. 5.

Rom. 11.

ille. Sic enim solet carnis prudentia non nisi aliorum contemptu sibi laudem vendicare. De quibus Esaias: Vae qui sapientes estis in oculis vestris, &c. Deinde ignauitatem eorum increpat, ut qui lentis consiliis adhuc deliberarent, an Iesus esset occidendus, quum id omnibus rebus omisissis, quam primum esset agendum. Apud hunc impium Pontificem parui momenti res erat, hominem occidere. Impio enim magistratus iucundum spectaculum prebet effusio humani sanguinis. Neque aliter iudicat mortem hominis, quam interitum canis. Denique, quia gladium habet, putat sibi licere quoscumque vult, quacumque de causa interficere. Sed longe errat. Primo enim non iocus, sed res admodum seria est, humanum sanguinem effundere. Stat enim sententia: Quicumque effuderit sanguinem hominis, fundetur sanguis eius. Deinde, quantumcunque alios contemnas pre te, non minus tamen valet anima cuiuslibet pauperis coram Deo, quam anima Principis. Præterea gladium quidem habet magistratus, sed tantum ad vindictam malorum, laudem vero bonorum. Iam, quauis Caiphas sibi videatur irrefutabile consilium dedisse, tamen si recte attendas, hoc ipsum eius consilium in pluribus vitiosum est. Primo enim vitiosum est, quod cæset Christum quamuis innocentem, citra tamen peccatum posse occidi, ut periculum à Romanis effugiat Respublica. Non enim sunt facienda mala, ut eueniant bona. Respublicæ prouidendum est, sed non contra Deum. Deinde vitiosum est, quod non dubitat, quin occiso Christo, securi sint ab imminente periculo. Per occisionem enim innocentis non vitatur periculum, sed incurritur. Verum hanc Christi quasi necessariam occisionem, consuluit impius Caiphas, non tam propter timorem à Romanis, quam ut mors Christi iustior videretur, & ipse populus magis animaretur & incitaretur in odium Christi. Non enim dubitabat, quin populus eum relicturus esset, si persuasi essent, se propter illud à Romanis perdendos.

Hoc autem à semetipso non dixit, &c.]

Miratur Euangelista tam plam vo-

cem è tam impio ore prolatam. Verba enim hæc planè indicant, vnius Christi morte, toti populo salutem & pacem prouenturam, quo quid magnificentius de Christo dici potuisset, magisque consonum fidei nostræ. Quid enim viuens & regnans non poterit Christus, si moriendo etiam tantum boni conferre potuit? Verum hoc tam extremum de Christi passione præconium impius ille nescius, imò contra suam ipsius voluntatem dixit. Nihil enim aliud sentiebat, quam Christum è medio tollendū, ne quæ foret inde materies belli Romani. Hoc ipse intendebat, nec Christum credebatur sua morte redempturum populum. Ideo Ioannes non ipsi, sed Spiritui sancto hanc veritatem ascribit.

Cū esset Pontifex anni illius prophetauit.

Iterum repetit annum impij illius Pontificatus, quasi non satis admirari valens tantam hominis impietatem, &c. Dupliciter autem exponitur verbum hoc. Primo in bonam partem, quasi ob ipsum officium Spiritus sanctus per eum loquutus sit. Aderat siquidem Spiritus sanctus sacerdotio Iudæorum, donec in Christum manus non extendarent, postea autem iuste eos deseruit, in cuius figuram velum templi in passione Christi scissum fuit. Vnde & Christus dixit: Relinquetur vobis domus vestra deserta. Secundò intelligi potest verbum hoc in malum, ut sit sensus: Quia tam impius erat hic annualis ac simoniacus Pontifex, iuste in reprobum sensum datus est, ac vas iræ effectus, & adeo excæcatus, ut propria verba non intelligeret. Erat igitur verbum Caiphæ vera Prophetia, licet ipse nequaquam esset Propheta: sed ita locutus est, ut assina Balaam. Non enim Spiritus sanctus cor illud Caiphæ tam immundum tetigit, sed tantum lingua eius usus est. Summa, cymbalum fuit magnum, & tantum sonorum edidit, quæ tamen ipse non sensit. Talis erat & illa Prophetia, cum dicerent: Sanguis eius super nos & super filios nostros, nesciebant enim quanta mala sibi ipsis imprecarentur. In hunc modum prophetant & mali prædicatores. Nam quod alijs persuadere conantur, hoc ipsi non audiunt, quia opere

opere non perficiunt quæ docent.

Quia Iesus moriturus erat pro gente.]

Exponit Euangelista, quare hoc verbum dixerit esse prophetiam à Spiritu sancto profectam. Veraciter enim moriturus erat hic Iesus, non pro seipso, sed pro gente, scilicet Abraham, hoc est, pro his qui ex eadem gente prædestinati erant.

Et non tantum pro gente.]

Scilicet Abraham, sed pro cunctis prædestinatis. Ideo in Esaia dicitur: Parum est, vt suscites mihi feces Israel: Dedi te in lucem gentium, &c. Non enim Iudæorum Deus tantum, sed & Gentium, quia scriptum est: Omnis qui inuocauerit nomen Domini, saluus erit.

Sed vt filios Dei, qui erant dispersi &c.]

Filios Dei nominat propter prædestinationem. Alioqui nondum erant filij Dei, sed ipse pro eis moriendo fecit eos ex filiis diaboli filios Dei, & ex lupis agnos. Sic Esaias prædixit. Lupus & agnus habitabunt simul, & leo sicut bos comederit paleas, hoc est, mutabunt naturam suam, vt qui ante mali erant, boni efficiantur. Congruè autem dicit: [Qui disperserant,] nedum in diuersas regiones, sed in diuersos cultus, varios errores, diuersas volūtates, & modos viuendi. Congregat autē Christus dispersos filios Dei, non in vnum corporalem locum, sed in vnam Ecclesiam & corpus spirituale, in vnam fidem, quemadmodum Paulus ait: Vnum corpus, & vnus spiritus, vna fides, &c. Ita pñ, quamuis longissimo viæ spatio inter se distent, semper tamen sunt in vnum congregati in Domino. De hac congregatione dicitur in Psalmo: Congrega nos de nationibus, vt confiteamur nomini tuo, &c. Et in Ezechiele: Tollam vos de Gentibus, &c. Et in Hieremia: Non dicent ultra, &c. viuit Dominus, qui eduxit patres nostros ex Aegypto, sed viuit Dominus, qui eduxit & adduxit semen Israel de terra Aquilonis, &c. Sic & Esaias: Congregabit profugos Israel. Et Christus: Alias oues habeo, illas oportet me adducere.

Ab illo ergo die, cogitauerunt interficere.]

Insignem hoc loco vides Iudæorum & malitiam & cæcitatem, Primò enim si exordium huius concilij attendas, nihil eo iustius videtur. Quid, inquit, facimus, quia hic homo multa signa facit? Quis hic non sperasset, finē bonum sequuturum, hic autem vides peruersissimum huius concilij exitum. Quis tantam impietatem sub prætextu tam bono expectasset? Merito igitur exclamat Esaias: Quomodo facta est meretrix ciuitas fidelis, plena iudicij, &c. Deinde insignis cæcitas est, quod de commodis Reipublicæ consultare se stimulant, omnium pessimū arripiunt consilium. Nihil enim perniciosius facere potuissent, quam quod Christum occiderunt. Verum hoc est iudicium Dei, de quo in Esaia dicit: Perdam sapientiam sapientum, & prudentiam prudentum reprobabo, &c. De eodē & Maria in suo cantico dicit: Dispersit superbos mente cordis sui. Omnia hæc eo tendunt, vt in timore Domini ambulemus, &c. Initium enim veræ sapientiæ timor Domini, & sine timore Domini, nihil rectè cōsultatur. Sed ad textū. Legimus quod etiam ante hoc concilium non semel cogitauerunt Christum interficere, vt est Lucæ 4. Ioan 5. & 8. & 10. Nihilominus tamen verè nūc dicitur, quod ab illo primū die cogitauerunt eum interficere. Antea siquidem aliqui Iudæorum tantum per turbam & tumultum eum occidere volebāt, & soli Pharisei & magnates: nunc autem vnanimiter consensunt. Deinde, non per tumultū vt prius, sed quasi per legitimū iudicij ordinem eum interficere conantur, causam se natos ratī, qua eum cōmodè accusare possent. Præterea ab illo die nedum primores Iudæorum, sed etiam populus in Christum concitatus est, nimirum persuasus à Caipha, eum totī Iudaicæ genti perniciosum esse. Nec quicquā aliud sic populum à Christo alienauit, quam hoc improbum consilium Caiphæ. Hic vides, quam perniciosā res sit impius magistratus. Vnus enim hic Caiphas plus dāni intulit Iudæo populo, quam omnes quos vnquam habuerūt hostes. Quid enim potuerunt hostes eorum? Bona diripere temporalia, corpora necare, terram deuastare, &c. Atqui hæc omnia

Esaia. 1.

Esaia. 29.

Lucæ. 2.

Psal. 110.

Eph. 4.

Psal. 106.

Ezec. 36.

Hier. 23.

Esaia. 11.

Ioan. 40.

omnia temporalia mala sunt, hic autem
 Caiphas hoc suo cruento consilio, an-
 mas eorum necauit. Deum ipsis aduersa-
 sartum fecit, denique & celum ipsis ab-
 stulit & clausit. Sic enim agit Deus, pu-
 niturus gentem aliquam aut regionem,
 dat eis impium magistratum. Sic de Iu-
 daeis dicit: Dabo eis regem in furore
 meo. Sic etiam excæcaturus gentem ali-
 quam propter ingratitude, dat eis
 impios & falsos doctores. Propter pec-
 cata enim populi, Deus facit regnare
 hypocritam. Et quidem satis iuste in re-
 probum dantur sensum, ut credant men-
 dacio, qui charitatem veritatis non rece-
 perunt. Nostris igitur peccatis impute-
 mus, si vel malos habemus principes,
 vel impios prædicatores. Facile enim
 Deus bonos dabit principes & rectores,
 si nos boni fuerimus. Deinde ex hoc lo-
 co etiam videmus, quam periculosum
 sit alijs præesse. Quicquid enim subdi-
 ti delinquunt, in caput illorum recidit,
 qui ea vel præcipiunt vel cōsulant, aut
 conuolunt dissimulantque. Stat enim
 sententia: Sanguinem eius, qui tua ne-
 gligētia vel impulsu perit, de manu tua
 requirā. Sic Caiphas reus fuit omnium
 peccatorū, quæ populus impiè in Chri-
 stum cōmisit. Ob eā causam etiā Petrus
 populū excusat: Scio, inquit, quod per
 ignorantiam fecistis, &c. Discant hic su-
 periores, ne præcipientes sint, sed maturè
 secum perpendant, num quod iubent, le-
 gi Dei consentiat, &c. Discant & subditi
 fideliter orare pro magistratibus: quan-
 doquidem tanta ipsis imminet pericu-
 la, ut iam dictum est. Ob eam causam
 etiā Salomon sibi ipsi nihil aliud à Deo
 petiit, quam sapientiam, &c.

Iesus ergo iam non palam ambulabat.]

Conuenit hic locus cum eo, quod in
 Psalmo ex persona Christi dicitur: Ego
 autem, cum mihi molesti essent, indues-
 bam me cilicio, &c. Quod magis enim il-
 li sequunt, eò mansuetiorem se Christus
 ostendit. Poterat quidē Christus etiam
 palam inter eos illæsus ambulare, ac di-
 uina virtute se protegere, sed fugit, non
 metu mortis aut impotentia, sed quia
 nondū venerat hora eius. Deinde etiam
 ideo à publico abstinuit, ne adderet
 ipsis furorem, nos interim docens, ut

demus locum iræ. Præterea hoc suo fa-
 cto docuit, non licere, ut quis sua teme-
 ritate se in præsens periculum iniiciat,
 si possit citra offensam Dei effugere.
 Ideo autem Euangelista toties inculcat
 fugam & latibula Christi, ut hinc fidu-
 ciam concipiamus, nihil in nos posse
 aduersarios ante constitutam à Domi-
 no horam, quemadmodum intra horam
 Christo ne minimus quidem capillus
 laedi potuit. Abijt autē Christus à Hie-
 rusalem interfectrice Prophetarum. Ab-
 ijt in desertum, per desertū innuit des-
 ertionem Iudæorum, quam alibi præ-
 dixit: Relinquetur vobis domus vestra
 deserta. Per regionem iuxta desertum
 innuit electam habitationem gentium,
 apud quas mansurus erat. Nec tamen
 alibi moratur, quā in Effrem, quæ fru-
 gifera interpretatur. Maledicta enim in
 frugifera ficu, Iudaico scilicet populo,
 in Ecclesia faciente fructum multipli-
 cem commoratur.

Ibi morabatur cum discipulis suis.]

Sic olim ad Davidē morantem extra
 Iudæam. In Sicelech venerunt viri for-
 tissimi, quos postea rex factus consti-
 tuit in principes. Imò sic ad eundem Da-
 uidem in deserto latitantem venerunt
 omnes, qui amaro erant animo, & opa-
 pressæ ære alieno, & factus est eorum
 princeps. Insigniter autem hoc secessu
 Christi, tēta fuit fides Apostolorum,
 cum viderent Christum ab omnibus
 desertum fuga salutem quærere. Quis
 hic non dubitasset? Sed Apostoli pera-
 manent. Deinde etiam egregium exem-
 plum est charitatis, quod à Christo es-
 tiam fugiente & latitante auelli non po-
 tuerunt. Merito igitur audierunt: Vos
 estis, qui permāstis mecum in tentatio-
 nibus meis: Et ego dispono vobis, &c.

Proximū autem erat Pascha Iudæorū.]

Hoc verbo innuit, Christum nō diu
 delituisse. Sciebat enim hoc ipsum Pas-
 cha, tempus suum esse, quo pati cupie-
 bat, quod & desiderabat. Iuxta illud:
 Desiderio desideravi hoc Pascha man-
 ducare, &c. Signanter autem dicit: [Pa-
 scha Iudæorum,] quia post hoc tem-
 pus cessauit Pascha Iudæorum. Quia
 quid

quid enim extunc Iudæi sanctificant, *Mat. 15.*
pollutum est. Iuxta illud propheticum: *Heb. 9.*
Maledicam benedictionibus vestris. Sic
in Esai: Qui offert bouem, quasi qui
occidit hominem. Proinde qui Pa-
scha celebrare vult, non Iudaico mo-
re hoc faciat, sed verum, qui pro nobis
immolatus est, agnum adhibeat, Chri-
stum scilicet, ac verè transeat e peccato
in iustitiam, &c.

Et ascenderunt multi de regione, &c.]
Præceptum enim legis erat: Ter in
anno apparebit omne masculinum in
loco quem elegit Dominus. Ad hoc es-
tiam David spectalem fecit Psalmum,
quò ascendentes ad festa, seipsos mutuo
ad deuotionem excitarent: Lætatus in-
quit, sum in his, quæ dicta sunt mihi: In
domum Domini ibimus, &c. Obserua
quòd multi ascendunt ad festum, soli
autem Christus & Apostoli latent. Sic
omnes quantumcunque etiam facino-
rosi locum inuenerunt in Hierusalem,
præter vnū Christū & discipulos suos.
Hinc & supra dixit ad cognatos suos:
Vos ascendite ad diem festum, ego non
ascendam. Non potest mundus odisse
vos, me autem odit, &c. Sic mundani ho-
mines in hunc vsque diem, solos illos
tolerare non possunt, qui eos arguunt,
ac ad pietatem adducere conantur: Con-
gitaerūt (inquit) impij: Circumuenia-
mus iustum, quoniam contrarius est
operibus nostris. Improperat nobis pec-
cata legis, &c.

Vt sanctificarent seipsos.]
Nullus enim immundus poterat Pa-
scha immolare Domino, imò ne tem-
plum quidem intrare: Hinc Ezechias
coactus fuit phasē secundo mense face-
re, quia sacerdotes primo mense sancti-
ficari non erant. Immunditia autem le-
galis contrahebatur ex contactu rei im-
mundæ, & mulieris menstruatæ, mor-
ticini, &c. Imò non erat vera immundi-
tia (nam hæc non inquinant animam)
sed tantum quædam inhabilitas, impe-
diens accessum templi. Sanctificaban-
tur autem per asperisionem aquæ ex
piationis, &c. Summa, lex tantum ha-
buit carnales purificationes, quæ non
iustificabant spiritum. Erant autem
ymbra veræ iustificationis per Chri-
stum sciendæ. Vera enim immunditia
est peccatum: Hoc enim inquinat ani-
mam. Peccatum autem non tollitur
Iudaica asperisione, aut oblatione, aut
vitulorum sanguine, sed solo sanguine
Christi, qui mundat animas nostras
ab operibus mortuis, &c. Obserua, si
tantam exegit Deus munditiam ab his,
qui externo templo & umbris desera-
uebant, quanta requiritur in nobis mun-
ditia, qui in veritate & die sumus? Me-
rito igitur monet Paulus: Nox præ-
celsit, &c. Abijciamus ergo opera tes-
nebrarum, &c. Nobis enim potissia-
mum competit illud: Sancti estote,
quoniam sanctus sum. Arguit etiam
hæc Iudæorum diligentia nostram des-
sidiam, qui nunquam curamus, vt san-
ctificemur. Potest etiam locus hic ali-
ter accipi: Vt sanctificarent seipsos,
hoc est, vt ieiunijs, & orationibus se
præpararent ad festum. Sic enim et-
iam Ecclesia festiuitatibus summis
præmittit ieiunia, vt per abstinentiam
magis idonei reddamur ad orationem
& gratiarum actionem. Ob eandem cau-
sam etiam Paulus vult, vt cōiuges pro
tempore abstineant à carnali opere, vt
vacare possint orationi.

Quærebant ergo eum.]

Non exprimit qua intentione eum
quæsierunt. Et fieri potest, quòd ali-
qui bona intentione eum quæsierant.
Verum circumstantiæ literæ videntur
innuere, quòd mala intentione eum
quæsierunt, propterea quòd subditur:
Dederant autem Pharisei mandatum,
&c. Quilibet ergo intentus erat, illo-
rum habiturus gratiam, si indicasset
eum, quippe cum & pretiū dare prom-
pti essent, quod & discipulo eius dede-
runt. Solliciti igitur erant, ne fortè pro-
pter hoc ipsum non veniret ad festum.
Signanter autem ante festum quæ-
runt eum. Præuiderant enim Phari-
sæi, ne hoc fieret in die festo. Ne
fortè tumultus fieret in populo. Hic
tam vide præposteram, imò irreligio-
sam Iudæorum religionem. Primo ma-
gna superstitione cauēt, ne caeremonias
à Moysē aut Phariseis præscriptas præ-
tereant: Interim tamen non abhorrent
ab eo, quod est omnium impijssimum,
FB nimit

nimirum ab effundendo sanguine hominis innoxij. Idem nos facimus, qui caeremonijs externis seruatis omnia nobis salua putamus, etiam si interim tota vita sit impia, &c. Non quidem malum est seruare caeremonias, sed non satis est. Longè maiora requirit Christiana iustitia. Deinde facinus tam impium in sanctissimo tempore meditatur, & cum magis virtutibus incumbendum, magisq; à sceleribus abstinendum esset, tunc innocentem capere conantur. Hanc autem Iudaeorum improbitatem & amentiam, etiam nos Christiani strenuè imitamur, ut qui diebus ad exercenda opera seruilia concessis, abstinemus à crapula alijsque peccatis. Cæterum festis diebus ad omnia vitia prorumpimus, &c. Verum enimvero indulgere vètri & concessis voluptatibus, frena laxare diebus festis, non conuenit Christiano. Si enim prohibetur festo die opus externum, quod sine peccato fieri potest: multo magis prohibita sunt ea, quæ non nisi cum peccato committi possunt.

Et colloquebantur adinuicem in templo.]

Vides etiam hic quæ fuerit religio Iudaica. Templum ordinatum erat, ut esset domus orationis: ipsis autem iam non aliud erat, quàm spelunca latronum. Impius enim neque loci, neque temporis sanctitatem curat, dummodo intentum suum impleat, &c. id quod Dauid pulchrè exprimit, cum dicit: Dixit impius in corde suo, non mouebor à generatione in generationem sine malo, &c. ad longum.

Psal. 9.

Quid putatis, quia non venit ad festum.]

Non sine causa Christus non in exordio festi venit, sed certo mysterio. Non enim primo die agnus immolendus segregabatur, sed decimo, quo etiam Christus Hierosolymam intrauit. Verum hoc populus ignorabat, ideo mirantur. Cæterum, quod mirantur eum non adesse festo, signum est, quod festa non neglexit, non quidem debitor erat legis, sed ne offenderet alios, legi obediebat. Discamus etiam nos communè pacem, unitatem, & proximorum salutem pluris aestimare, quàm nostram libertatem. Sic Paulus: Vnusquisque proximo pla-

ceat ad salutem, sicut & Christus, &c.

Dederant autem Pontifices mandatum.]

Mira cæcitas. Toties tentauerant in eum præsentem iniicere manus, & diuina virtute cohibiti, frustra id conati sunt, nec tamè adhuc cessant. Sic impij, etiam si sentiunt Deum sibi aduersari, & conatus eorum impedire, non tamen cessant: Exemplo sint Balaam, Pharaon, & alij, &c. Quod autem Pharisei hic mandatum dant, ut Christum prodant, qui scirent ubi esset, figuratū fuit in Saule persequente Dauidem, &c. Discamus nos Christum quærere, non ut Iudæi, sed ex toto corde, tãquam Saluatorem. Discamus de Christo colloqui non ut ipsi, sed pietè: habemus enim quæ de ipso loqui possumus. Discamus Christum etiam alijs indicare ad salutem, non ad perditionem, ut Iudæi.

Caput duodecimum.



N hoc capite offēditur Christus tripliciter honoratus, & à tribus generibus hominum. Primo à fidelibus, qui erant Bethanis. Deinde à tur-

ba, quæ ad festum conuenerat Hierosolymis. Postremo à gentibus, qui eum videre cupiebant. Per hæc autem ostensum est, Christum ab omnibus populis & linguis honorandum fore. Deinde præostensum est, quo potissimum honore à nobis coli velit.

Ante sex dies Pasche venit Bethaniam.]

Tempus & loci suo more præmittit Ioannes huic historiæ, ut nos excitet & quasi certos reddat, magnum alijs quid & notatu dignum secuturum. Ac primò per conjunctionem (Ergo) hanc historiam connectit ei quod præmisserat. Nempe, quod Pharisei dederant mandatum, &c. Nunc igitur subdit: Iesus ergo. Ergo (inquit) quia apud se tentauerant tantum facinus perpetrare, & sanguine filij Dei seipsos commaculare: iamque tempus aderat à Deo præ-

tre præfixum, non amplius latuit, sed Paulus: Factus est obediens vsque ad mortem, &c. Docemur hic Deum illic potissimum diuertere, vbi præceptis eius obeditur. Hinc est, quod tam crebro Patres veteris Testamenti visitauit, quia erant obediētes, vt patet in Abraham & Iacob. Hinc cuilibet fidei animæ dicitur: Audi filia, & vide & inclina aurem tuam, per obedientiam scilicet, & concupiscet rex speciem tuam. Nec aliud nos huiusmodi diuinis visitationibus indignos reddit, quam quod inobediētes sumus. Sic Sauli dicitur: Quia protiecisti sermonem Domini, proiecit te Dominus. Hinc tam crebro nos scriptura monet, ne recedam⁹ à Deo, vt patet i. Reg. 10. &c. Cæterum, quoniam & hic & in sequentibus frequenter Paschæ meminit Euangelista, paucis indicabo eius festi rationem. Duo quidem beneficia Iudæi olim eo die acceperant à Deo. Primò quod ea nocte liberati sunt ab Angelo percutiente primogenita Aegypti. Deinde, quod eadem nocte ex Aegypto educti sunt, submersis eorum aduersarijs. Vtrunque horum beneficiorum, factum est quintadecima die primi mensis, simul computando noctem præcedentem. Ob hoc idē dies dictus est Phase, id est, transitus Domini, & quod Angelus transierit domus Israelitarum, & quod ipsi mare rubrum transierint. Ne autem huiusmodi beneficiorum obliuiscerentur, voluit Deus eum diem annuatim celebrari. Et vt vtriusque beneficii eo die admoneretur, duo quædam externè voluit ab eis eo die obseruari. Primò in memoriam, quod per sanguinem agni liberati olim essent ab Angelo exterminatore, voluit vt annuatim eo die agnū immolarent, ac ederent eodem ritu, quo in Aegypto comederant patres eorum. Secundò in memoriam egressiōis ex Aegypto, qua coacti ab Aegyptijs conspersam farinam fermentare non poterant, iussit Deus vt à comestione agni, per septē dies azymis vesceretur. Totū igitur hoc tempus à vespere quartadecimæ diei, vsque ad vigesimam primam, dicebatur festum Paschæ, quamuis primus dies celeberrimus esset, itidemque vltimus. Cæterum, cum dicitur Paschæ celebratū quintadecima die primi mensis,

Phil. 2

Psa. 44

1. Reg. 10

Exo. 12

Exo. 14

Exod. 12

Luc. 13

Act. 11

1. Ma. 9

Esa. 45

Cap. 7

sis, obseruandum, quòd Iudæi aliter & menses & annum incipiunt, quàm nos. Annum nos incipimus à Ianuario, ipsi autem à lunatione, quæ proxima est æquinoctio vernali. Menses autem semper incipiunt ab incensione lunæ. Vnde consequitur, quòd primus mensis apud Iudæos est vt plurimum lunatio Aprilis. Quartadecima autem dies, est plenilunium eius mensis. Quacunque igitur die occurreret plenilunium eius mensis, celebrari oportebat Pascha. Hæc de ratione eius festi dicta sufficiant. Iam si Christus sexto die ante Pascha venit Bethaniã, certum est, quòd eadem dies fuit nona dies mensis: subtrahe enim sex à quindecim, remanent nouem. Deinde, quia clarum est, quòd Christus sexta feria passus est, quo die ipsum festum erat, constat, quòd Sabbatum fuit, quando Bethaniã venit. Ideo autem nona die Bethaniã venit, vt decima die qua segregandus secundum legem erat agnus Paschalis, Hierosolymam intraret. Deinde ideo Sabbato Bethaniam venit, nolebat enim nisi dominico die Hierosolymam intrare, vt gloriam resurrectionis hoc facto præsignaret, & Iudaicum Sabbatum in dominicam diem mutaret. Congruè etiam sexta die ante mortem suam, se accinxit ad iter versus locum passionis, vt scilicet opus redemptionis corresponderet operi primæ creationis. Sicut enim sex diebus oïa creauit, & septima die quiesuit: sic & Christus his sex diebus redemptionem nostram peregit, ac septima in sepulchro quiesuit: Vides quod nihil temere factum sit, quamque sapienter sapientia Dei cuncta perfecit. Nemo igitur: Deum in operibus suis arguat. Omnia enim sapienter disponit, etiam si nobis non videatur. Vides etiam, quàm diligenter Ioannes hunc Christi reditum describit. Nec mirum. Eo enim itinere dixit Apostolis: Ecce ascendimus Hierosolymam, & consummabuntur omnia quæ scripta sunt de filio hominis, &c. Quis autem cogitare sufficiat, quanta grauitate vultus, quantoque desiderio animi hoc dixerit: Vnde & in alio loco dicit: Baptismo habeo baptizari, & quomodo coarctor donec perficiam? *Fecerunt ei cenam ibi.*

Paucis indicat Euangelista, quomodo Christus Bethaniæ susceptus sit. Et quidem leuicula videntur, quæ Christo exhibuerunt, si solam externam speciem, Ingentia autem sunt, si fidem & charitatem eorum attendas. Cæterum, quis hanc cenam parauerit, non exprimitur: nec satis constat, in qua domo hæc facta sint. Videtur quidem hæc cena in domo Marthæ exhibita, ex eo, quòd Ioannes tam diligenter & eam & sororem simulque fratrem eius nominat, ipsaque etiam alias Dominum suscepisse legitur in domum suam. Verum Marthæus & Marcus reclamant, qui expressè dicunt, Christum in domo Simonis leprosi recubuisse, cum mulier illa eum vngeret, & discipuli murmuraret. Nisi velimus dicere, quòd alia est historia hic & illic, id quod quidam senserunt. In eo autem, quòd cenam ei instruunt, primò gratos se ostendunt erga doctorem. Dignum enim est, vt qui spiritalia accipit à doctore, temporalia ei non denegeret. Secundò ostendunt se hospites erga eos, qui domo carebant. Non enim habuit Christus, vbi caput suum reclinaret. Hæc autem sunt opera Christo gratissima, id quod patebit in iudicio, quum dicet: Esuriui, & dedistis, &c. Obserua quòd Matthæus à Christo conuersus & vocatus, non cenam, sed conuiuium magnū parasse dicitur: Hi autem cenam faciunt. Vtrunque gratum Christo fuit, sed hoc vltimū maxime. Conuiuium exhibet Christo, qui à peccatis conuertuntur ad poenitentiam, qui bene incipiunt, sed nondum satis est. Sicut enim post prandium appetitur cena, ita Christus ultra conuersionem, etiam aliud quiddam exigit, ne perseverantiam in bono, quam qui habet, is verè cenam gratissimam Christo exhibet. Obserua quòd Christus gratum habuit etiam quòd corporaliter ei exhibebatur, non quòd huiusmodi rebus afficeretur, sed propter fidem ipsorum & charitatem. Sic quamuis parua sint, quæ Deo offerre possumus, ipse tamen, si assit fides, ea grata habet. Sic enim in Apocalypsi dicit: Si quis mihi aperuerit, intrabo ad eum, & cenabo cum eo, hoc est, boni consulam, quæ in honorè meum fecerit, etiam si parua sint. Deinde ipse cenabit mecum, hoc est, etiam mea bona illi

Luc. 13.

Luc. 22.

Apo.

na illi communicabo. Hinc est, quod etiam calicem aquae frigidae porrigen-
 Mat. 10 propter Christum, non perdit mercedem suam. Hoc igitur summè nos con-
 solari debet, & incitare ad quaecunque bona. Cur enim cessamus, cū videamus Deum etiam minima quæque (si fides absit) boni consulere? Deinde, quamvis Christus is ipse sit, qui dat escam omni carni, qui aliorum cibis non indigeat, tamen etiam ab alijs voluit pasci. Sic quamvis gratis nobis vitam & salutem cōferat, operumq; nostrorum non indigeat, tamen etiam à nobis cibari vult, hoc est, etiam nostra opera exigit, ut gratitudinem & obedientiā nostram experiatur. Errat igitur, qui de mortua fide sibi blandiuntur.

Martha ministrabat.]

Vbiunque huius mulieris mentio fit, semper in bono opere inuenitur. Felices igitur, qui bonis operibus memoriam sibi apud posteros faciūt. Cæterum, quamvis non magnæ laudis videatur esse, quod ad mensam Christo ministrasse dicitur, tamen si circumstantias attendimus, aliter iudicabimus. Pri-
 mo enim nō curat Phariseorum inui-
 diam, & mandatum de prodendo Chris-
 to, sed quemadmodum prius fecerat, sic & nunc ministrare non cessat. Deinde ministerium hoc nō famulis aut ancillis committit, sed per seipsam exhibet. Sciebat enim Christū dixisse: Qui me erubuerit coram hominibus, erubescam & ego eum coram Angelis Dei. Quam dissimiles ei sunt, qui mala quidem per seipsos faciunt, ad bona autem facienda vicarios conducunt, & plerumque post mortem primum: Miseri qui seipsos negligentes, alijs suam salutem committunt. Demum Martha etiam in aliena domo Christo ministrat. Omnia autem hæc insigniter indicant, eius tum fidem, tum charitatem in Christum.

Lazarus erat vnus ex discipulis.]

Ostenditur per hoc, quod non fuit phantasma, quādo ē sepulchro prodijt, veramq; eius resurrectionem probat, quod tam diu superuixit, cum alijs colloquens & conuescens. Vide autē Christus benignitatem, quā non abhorreat

ab eo, quē foetidum ē sepulchro eduxerat, vt etiā eum cōuiuio & ad mensam suā admittat, imò ministrantibus sororibus præferat. Eandē benignitatē etiam nobis exhibet, postquā ē peccatis surrexerimus: adeò enim nō abhorret à nobis, vt & filios & amicos, atq; adeò omnium bonorum suorū participes faciat. Imò nonnunquā benigniorem se à peccato cōuersis exhibet, quā his, qui nō peccauerunt. Sic vix aliquē quantumuis iustum & sanctum, tam benignè allocutus est, vt latronem illum in cruce. Huc pertinet parabola illa de filio prodigo, Luc. 13. quē pater adeò benignè receperat reuertentem, vt alter frater indignaretur, &c. Luc. 14.

Maria ergo accepit libram, &c.]

Vide quāta sollicitudine Christo ministrant, nemo in hac domo otiosus est, singuli pro viribus certatim ministrant, ac se mutuò superare contēdunt. Optimum studium. Sic in Ecclesia quilibet debet laborare. Sic, inquit, currite, vt cōprehendatis. Studeāt desides alios præeuntes imitari. Qui autem fortiores sunt, tantò feruētius ad altiora tendant, quantò diligentius alijs eos imitantur. Vide autem, quanta fiducia ad Christum accedat mulier illa, quem Ioannes ille sanctus in Iordane tangere formidabat. Hanc fidutiam non aliunde hausit, q̄ ex perspecta ac toties experata Christi benignitate. Sic nimirum fideles, atiamsi nondum omnino sine peccato sint, fidutialiter tamen audent Deo dicere: Pater noster qui es in cælis, &c. Deinde temeritas videtur, quod Christum in pleno consilio vnguento perfundit. Verum non temeritas est, sed ingens charitas, & amor impotens, nesciens quidem quid ageret, sed tamen hoc officio Iesu mortem prænuntians, & Ecclesie typum gerens, quæ spretum à synogoga Dominū diuinis honoribus amplecteretur. Sed age consideremus huius mulieris animum. Primò benefacit, nihil territa Phariseorum diris execrationibus, nihil mota aliorum vel irrisiōibus, vel murmurationibus, eo contenta, quod Christus boni consuleret ipsius ministerium. Sic fides nihil curat mundum, dummodo Deo placeat. Deinde nō quaecunq;

vnguentū affert, sed pretiosum & optimū, deniq; etiam totā libram. Sic enim charitas modum non habet, largiter effundit quicquid optimū habet in Christum, nō attendit quid expendat, sed cui & pro quo. Præterea non tantum pedes Christi vngit, sed & caput, parata in omnibus ei ministrare. Quia autem caput

Mat. 26 Christi vnxit, secundū Matthæū cōstat, quod nō fuit crassum aliquod vnguentū (hoc enim magis Christū scēdasset) sed liquor aliquis gratus & odoriferus, vel aqua aliqua pretiosa. Quod si eadē fuit illa Maria, cū peccatrice illa, de qua Luc. 7. Lucas scribit, dupliciter ex hoc cōmendanda venit. Quod enim prius laudabiliter inchoauerat, nunc etiam in eo perseverat, imō laudabilius perficit. Prius enim tantum pedes vnxit, hic autem pedes & caput. Hinc autem docemur, nedum in bono perseverare, sed indices ad perfectiora tendere. Demum etiam capillis ter sit pedes Christi, quasi amore ebria, nesciens quomodo ulterius ei ministraret, ac parata etiam plura addere, si posset. Merito igitur audiuit, Quod potuit hæc fecit. Interim autem Christus hæc permittit & silet, imō gratum habet hoc obsequium, non quod huiusmodi voluptatibus caperetur, nec ideo quod opus ipsum in se tantum esset, sed quod ex magna fide & deuotione procederet. Hoc enim Christus in operibus nostris attendit. Deinde etiam ideo se vngi permisit, quia vntio illa præfigurabat eius mortem & sepulturam, ut infra dicitur. Quantumvis autem Christus per omnem vitam humilime se gesserit, mortem tamen, quam nulla necessitate, sed sua sponte pro totius mundi salute passurus erat, & qua deuscturus erat diabolus, voluit honestari. Hinc est, quod proximus morti cū triumphali pompa Hierosolymis inuectus est. Mortuus autem, in sepulchro nouo exciso lapide recōdi voluit, & syndone munda inuolui, & nobilis vtri cura sepeliri. Ideo autem mortē suam potius honestari voluit quā vitam, ad cōsolationem suorum, ut scirent pretiosam esse mortem sanctorum, etiam si vita ingloria sit, & tunc nos veræ gloriæ appropinquare, quum ad mortem appropinquamus.

Et domus impleta est ex odore vnguenti

Verè odorifera domus, in qua tam piæ personæ habitant, tam bonis actibus studentes. Huius domus odor in hunc usq; diem pios homines recreat & allicit. Cæterū, hæc Christi vntio quodammodo representatio est eius vntionis, qua à summa Trinitate in regem & sacerdotem vntus est præ participibus suis oleo lætitiæ, Spiritu scilicet sancto & plenitudine gratiarum, ut Esaias prædixit. Requiescet, inquit, super eum spiritus Domini. Eius vntionis stillas capilli capitis Dei extergunt, hoc est, omnes electi. De plenitudine enim Christi omnes accipimus. Merito autem sancti dicuntur capilli capitis Christi. Sicut enim capillus res quidem in se mortua est, tamen adhæret capiti, & ipsum caput ornat: sic sancti in se quidem mortui sunt, mortificant enim membra sua super terram, tamen Deo ut capiti adhærent, & in eo viuunt, imō ipsum caput ornant. Deum enim glorificat verbo & opere, & in ipsis glorificatur Deus. Hinc igitur duplex nobis consolatio consurgit. Primò, quod certo scimus hunc eundem Christum tantopere à laudis cōtemptum, à Deo Patre vntū, idq; pretiosissimo vnguento cuius vel solus odor totum mundū recreat. Secundo, quod scimus etiam in nos peruenisse se eius vntionis stillas, & adhuc peruenire posse. Deinde hæc historia etiā totum statum Ecclesiæ adumbrat. Simō leprosus, in cuius domo hæc facta sunt, secundum Matthæum, quique audiens vel obediens interpretatur, Iudaicū populum significat, qui primò verbum Dei audierunt. Ipsi enim cōmissa sunt eloquia Dei, &c. Sed tandem leprosus factus est idem populus, ob incredulitatem. Habuit idem populus, dum adhuc sanus esset, egregiam domum, in qua Deus libenter habitabat, congregatio nem scilicet fidelium: tunc enim in Iudæa tantum notus erat Deus. Leprosus autem factus, è domo illa eiectus quidem est ille populus, sed domus mansit, imo magnificata est. Ex synagoga enim Iudæorum, facta est Ecclesia vniuersalis credentium. In hac domo sunt tria genera hominum. Aliqui

Aliqui à morte peccati resurgunt, & cōuertuntur: hi signantur per Lazarum. Aliqui in laboribus viuunt propter exterminam, quæ tamen ipsa ad gloriam Dei ordinant: hi per Martham signantur. Aliqui tantum Deo & spiritualibus vacant: hi signantur per Mariam. Imò quislibet Christianus has tres personas in seipso gerere debet. Primò sit Lazarus, à peccatis fugiendo. Secundò Martha, in bonis se occupando. Tertio sit Maria, Christum vngendo. Vnguentum quo vngi debet & vult, fides est, non quæcunque, sed quæ optima est, nepe Christiana. Debet autem eadem fides ex nardo confici, hoc est, habere feruorem, vt scilicet per dilectionem operetur: deinde oportet vt nō sit adulterata per admixtionem erroris. Insuper vt sit plena, libram scilicet habēs, ne scilicet in aliquo articulo dubitet. Vngere autem debemus & caput & pedes Christi, hoc est, credere ipsum Deum & hominem. Hæc sunt quæ Christo exhibere debemus in persona propria. Verum ne sic quidem totum Christū honorasti. Habet enim etiam corpus mysticum, cuius ipse est caput, pedes autem sunt credentes in ipsum. Vnguentum, quo vngi debet hoc Christi corpus, est charitas. Vngendum igitur & caput & pedes, quia diligendus Deus & proximus. Non sufficit autem charitas in corde, sed addendi etiam capilli, externæ scilicet diuitiæ, quæ merito capillis comparantur, id quod ob multa. Primò, quia tantum externè ornant. Deinde, quia nec viuunt, nec vitam dant, nec à morte liberant. Tertio, quia plerumque ad superfluitatem habentur, quemadmodum & capilli. Et quemadmodum sine dolore capilli abscinduntur, sic minime grauare nos debet, externa bona proximo impendere, cum Christus seipsum impenderit nobis. Vel aliter, capillus mortuum quid est. Sic si mortuum aliquid in te habes, peccatum scilicet, fac quod Daniel præcipit: Peccata tua elemosynis redime. Omnia autem hæc ante Pascha fieri debēt, hoc est, antequam transeamus ex hoc mundo, qui sex diebus conditus est.

Dicit ergo vnus ex discipulis eius.]

Hactenus respectum diuinæ miseri-

cordiæ habuimus in Maria, & alijs, nunc in hoc Iuda videmus respectum diuinis iudicij. Hi enim sunt duo oculi Dei, quibus homines intuetur, misericordia scilicet & iudicium. Et sicut Ioannes vtrūque respectum ponit ante passionem Christi, sic Lucas in duobus latronibus idem ostendit in fine passionis, vt ex respectu misericordiæ in pios, discamus in Deum sperare, & ex respectu iudicij in impios discamus timere Deum. Iam alij quidē Euangelistæ pluraliter dicunt, Apostolos indignè tulisse vnguenti effusionem, quod differenter intelligere possumus, vel quod communiter fecisse dicantur, quod vnus eorum fecit: sic enim vulgo loquimur, vel quod etiam alij Apostoli verè murmurauerūt. Non enim in omnibus excusandi sunt sancti, homines fuerunt & permanserunt, etiā post acceptum Spiritū sanctum. Quod si fortè ex incitatione impij illius, non nihil indignati sunt, longè tamē alia intentione hoc fecerūt, quam ille. Illi sciebāt Christū huiusmodi delicijs nō delectari, sciebāt itē summè ei placere misericordiā in pauperes: Iudas autē, vt infra dicitur, longè aliud quærebat. Idcirco Ioānes solum eum nominat, qui impto animo hæc dixit. Tremendum autē est, quod in tam sancto collegio tā impius homo inuenitur. Nemo igitur in homine, in sanctitate status, vel officij, vel habitus confidat. Si Iudam Apostolatus sanctum non fecit, nec te sanctum faciet status, vestis aut officium sanctū: imò nisi sanctitatem prius habueris, & à Deo quæsteris, fieri potest, vt ex officio magis impius euadas. Item, si Iudas non ideo bonus fuit, quod inter bonos conuersatus, bonum officium habuit: sic nec tu ob id melior es, quod sanctam vestem aut statum aut officium habes. Præterea, si in tā paruo collegio, quod ipse Christus instituerat, inuentus est malus, non mirum est, si in collegijs magnis, ab hominibus institutis, mali inueniantur. Quilibet autem videat, ne id sit, quod Iudas fuit inter Apostolos. Cæterum, quis non miretur, quod Christus ex his, qui secum venerant, secum honorificè suscepti erant, secum reficiantur, vnum inuenit, qui tātillam consolationē ipsi inuideret? Hoc enim est,

FF. iij. quod

Pfal. 54 quod in Psalmo quæritur: Si inimicus, inquit, meus maledixisset mihi, sustinuissem utiq; &c. Tu verò homo vnantis, dux meus, & notus meus, &c. Quæ admodum autem Christus in terrâ commorans, inter suos inuenit qui eum traderet: sic profectò à suis grauiora pertulit, quàm à Iudæis & Gentibus. Iudæi corpus quidem eius conciderunt, at vestem ipsius intactam reliquerunt, Christiani autem nedum mēbra Christi blasphemando lacerant, sed etiam tunicam eius, fidei scilicet vnitatem, miserabiliter scindunt. Postremò, quamuis durum sonet, quòd in consortio Christi inuenti sunt mali, è regione tamen iucundè sonat, quòd tantum vnus fuit malus. Imò eò maior est aliorum Apostolorum gloria, quòd tam impium hominem inter se habuerint, nullus tamen eorum mortuus est. Nam dubium non est, quin & ipsos contra Christum incitare conatus sit. Econtra autem, eò maior est Iudæi damnatio, quòd inter tã sanctos viuens, nihil emendatus sit. Huic igitur vni odor ille vnguenti, quo alij reficiebantur, fuit odor mortis in mortem. Imò, quia iam mortuus erat, & sepultus in malitia sua, odorem vitæ ferre non valuit. Signanter autem Ioannes exprimit & nomen eius, & cognomen, vt discerni possit ab altero Iuda, qui Thadæus cognominabatur.

Quare hoc vnguentum nõ venit, &c.]

Qui iniquum eius animum nesciret, non posset non sanctum & iustum eum ex his verbis iudicare. Primò enim videtur zelare magistri honorem, quasi diceret: Quid tam bonum magistrum nostrum molestamus his nugis? scimus enim non delectari in huiusmodi, &c. Secundo videtur zelare honorem totius collegij, quasi diceret: Nostro conuulso non conuenit ista magnificentia, paupertatem professi sumus, Christum pauperem sequendo, paupertas nos decet. Quid si homines hæc rescuerint, nõne in nobis scandalizabuntur? &c. O hypocritam. Tertio videtur zelare pauperes, quasi diceret: Si decretum erat foeminæ largiri rem tam charam, poterat donata vendi, & pretium dari pauperibus. Hoc nimis sanctius erat, ac magistro nobisq;

dignius. Vide quàm bona specie auaritiæ suam palliat. Atque hæc est prima virtus Iudæ, quæ apud plerosq; nunc frequentissimè cernitur. Deinde, perditum opus mulieris putat, eò quòd nihil commodi vel gloriæ hinc ad ipsam redierit. Sic enim hypocritæ æstimant opera tantum secundum externam laruam, bonum opus iudicantes, quòd multum commodi vel gloriæ adfert operanti: malum autem vel inutile, vnde nihil gloriæ humanæ sperare possis. Præterea zelum quidem præ tendit, sed non secundum scientiam, pauperibus consultum vult, sed interim Domini obliuiscitur. Atqui ita diligendus est proximus, vt tamen potior sit Deus. Sic plerique nunc sunt, qui audent affirmare, ea tantum bona opera esse, quæ proximo impenduntur. Hinc est, quòd damnant omnes homines, status & opera, quæ proximo nullum externum commodum asserunt. Hi autem dupliciter peccant. Primò, quòd tantum volunt seruire proximo, quasi tria prima mandata legis nihil sint. Scimus præceptum de diligendo proximo à Christo commendari, sed interim etiam scimus eundem Christum dixisse: Hoc est primum & maximum mandatum, nempe, Diliges Dominum Deum tuum, &c. Sic non tantum dixit: Reddite quæ sunt Cæsaris Cæsari, sed addidit: Et quæ sunt Dei Deo. Sic Paulus: Reddite, inquit, non hominibus tantum, sed omnibus debita, &c. Non igitur tantum bona sunt, quæ proximo fiunt, sed etiam quæ Deo fiunt, quia æquè à Deo præcepta. Deinde etiam in hoc peccant, quòd putant proximos externis tantum auxiliis egere. Hinc enim est, quòd ea opera, quibus spiritualiter iuuatur proximus, nihil esse putant. Atqui corpori humano nõ sola manus, quæ victum parat, necessaria est, sed etiam oculus, qui etsi victum non parat sicut manus, tamen aliam commoditatē adfert corpori. Sic proximo non tantum illi deseruiunt, qui vxores & liberos nutriunt, sed etiam, imò plus qui orant, docent, &c. Nemo igitur alterius statum & opera (dummodo nõ aperte mala sint) contemnat, sed quilibet secundum vocationem suam Ecclesiæ commodis prospiciat.

Dixit

*Dixit autem hoc, nō quia de egenis per-
tinebat.]*

Sicut qui in veritate ambulat, & Deo
& hominibus commendabilis est: sic es
contra, qui malitiam suam bono præte-
xtu palliat, meritō apud Deum & homi-
nes malē audit, id quod Iudæ contigit,
quem nedum Christus arguit, sed Euan-
gelista quoque eius duplicitem omni-
bus prodiit. Verissimē autem de ipso di-
ctum est, quod non pertinebat ad eum
de egenis. Quomodo enim pauperibus
compareretur, qui ipsam pauperum mi-
sericordiam in mortem tradere non ve-
retur? Excesserat animus eius omnes ter-
minos humanarū miserationum, tamē
que alieni pectoris erat, ut ipsam pietas-
tem trucidaret. Quid autem est homo
charitate & cōpassione vacuus, nisi cru-
delis bestia? At qui multi sunt, qui in de-
litijs viuentes nihil compatiuntur super
contritione Ioseph, ut Propheta ait: nec
curant, quod idem Propheta Vt illud
horrendum eis imprecatur, nec saltem
infelici exemplo Iudæ mouentur.

Sed quia fur erat.]

Hic habes causam quare maluisset
hoc vnguentum vānissimē trecentis dena-
rijs, quia scilicet voluisset, & potuisset
furtum facere de ipsis trecentis denarijs.
Potuisset autem utique satis commodē,
quia loculos habebat, &c. Iam quod Io-
annes furem eum nominat, posset for-
san videri immodestius dictū. Verū,
qui rem ipsam attendit, videbit mode-
stissimē dictum esse. Potuisset enim eum
atrociori titulo denotare. Nō enim sim-
pliciter fur erat, sed sacrilegus. Si iudi-
cium sæculare grauius punit furtum
Reipublicæ, quod dicitur peculatus, q̃
furtum rei priuatæ, quātō detestabilior
est fur sacrilegus? Et si grauius punitur,
qui proprio Domino infidelis est & fu-
ratur, quātō magis qui Deo furatur?
Atqui Iudas proprio Domino infidelis
fuit, ea quæ furabatur, quæ Christo & pau-
peribus debebantur, quod utique sacri-
legium fuit. Modestissimē igitur Ioan-
nes peccatum eius descripsit, quod sum-
mē exaggerare potuisset, si voluisset.
Verū charitas non gaudet super in-
iquitate, nec de alieno malo. Iam sunt &

In Ecclesia Iudæ similes, qui indignissi-
mē ferrent, si furti arguerentur: Interim
tamen maiora committunt, eademque
infidelitate loculos Christi (bona scilicet
Ecclesiastica pro ministris Ecclesiæ
& pauperibus oblata) tractant qua Iu-
das. Alius enim per fas nefasque conge-
rit, & ad se rapit quæcūque potest, nihil
interim curas vel de pauperibus, vel de
his qui Ecclesiæ ministrant, quibus ea
bona potissimum debentur. Alius ad pō-
pam & luxum eisdem bonis abutitur.
Peccant & sæculares circa loculos Chri-
sti, dum alius renuit dare quod debet,
alius etiam ad se & suos Ecclesiastica bo-
na rapit. Hoc vidētes profani principes,
etiam ipsi quæque ad se rapiunt, imple-
turque illud Psalmi. Si videbas furem, Psalm. 49
currebas cum eo, &c. Nemo autē attens-
dit id, quod in eodem Psalmo sequitur:
Hæc fecisti, & tacui: Arguam te & sta-
tuam cōtra faciem tuā: Intelligite hæc,
qui oblitiscimini Deum, nequando rap-
piat, & nō sit qui eripiat. Sic & is, cui mo-
rtens aliquis bona sua committit, imō
quasi animam suam commendat, ut vel
debita soluat, vel malē parta restituat,
vel in pauperum vsum bona relicta di-
stribuat: is tamen nihil horum facit, sed
omnia in suum commodum cōuertit,
quid aliud facit, quā quod loculos
Christi defraudat? Atqui hæc adeo fre-
quenter fiunt, ut in prouerbum & iocū
abierint, nec amplius putentur esse
peccata. Sed ad Iudam reuertamur: [Fur
(inquit) erat.] Quo verbo innuit, eum
etiam ante hac furtis assuetum. Deinde
indicat, eum non tunc primum peris-
se, cum Christum vendidit, sed perditus iā
Christum sequebatur corpore, non ani-
mo. Præterea, quod peculium iam sibi
prospiciebat, vnde postea viueret, signū
est, quod iam destinauerat Christum re-
linquere. Alioqui quid opus ipsi erat
pecunia, si cum Christo perseverare vo-
luisset, cum Apostoli planē cōfessi sint, Luc. 22
nihil ipsis defuisse, quamuis Christus
eos sine facculis & pera emisisset.

*Et loculos habens, ea quæ mittebantur,
portabat.]*

In Luca legimus, quasdā mulieres Luc. 8
Galilæa de facultatibus suis Christo
ministrasse. Idem credendum est de alijs
pijs

- pijs hominibus. Quamuis autem Christus terræ & maris, & omnium quæ in eis sunt, vel ex eis nascuntur, creator & Dominus esset: tamen ex eleemosynis hominum sustentari voluit, & Euangelium annuntians, de Euangelio vivere volebat. Primo, ut vel ex hoc discamus, quantum sese exinanierit. Verè enim cum diues esset, propter nos egenus factus est. Secundò, ut ipso facto suo ostenderet, securiorem esse viam ad cælum in paupertate & humilitate, quàm in multis diuitijs. Tertiò, ut doceret ministrantibus spiritualia, licere victus necessaria recipere ab his, quibus ministrant.
- Luc. 10.** Sic enim & alibi dicit: Dignus est mercedarius cibo suo. Ad hoc Paulus etiam
- 1. Co. 9.** verbum legis adducit: Non alligabis os boui trituranti, &c. Cæterum quærent hicaliqui, cur Christus Iudæ loculos permiserit, cum sciret eum furem esse. Item, cur eum permiserit inter Apostolos, cur eum non corripuerit, &c. Respondet. Num rarum quid tibi hoc videtur? Nonne vsque hodie etiam multos in Ecclesia permittit esse præpositos similes Iudæ? Nonne vsque hodie malos sustinet inter pios? Nonne vsque hodie temporalia dat etiam malè vsuris? Cum igitur videamus, quòd Dominus multa permittit, quæ tamen non vult, non temerè de illo vno discutiamus, præsertim cum ignoremus, vtrum Dominus electione sua loculos illi commiserit: an certè (quod credibilius est) ille sese iniegerit, sicut plerique nunc tanta importunitate Ecclesiasticis ministerijs se ingerunt, ut nisi admittantur, penè grauiora per discordiã animabus scandala, quàm si admittantur, damna rebus Ecclesiasticis inferant. Volunt tamen aliqui, quòd Iudas eo tempore non fuit malus, quò in Apostolus electus est, & loculos à Domino accepit. Alij volunt, ideo ei commissos loculos, ut ex aspectu & tactu pecuniæ auaritia elus aliquantulum sedaretur. Alij volunt, quòd loculi ei commissi sunt, ut Apostolorum postremo ac minus idoneo ad spiritualia. Indignum enim erat, ut tam vile ministerium sanctis Apostolis imponeretur, quibus tam magna commissa erant. Sic & Petrus: Nò est æquum nos derelinquere verbum Dei, & ministrare mensis. Quanquam nunc
- contrarium fiat, administrationem temporalium maximus quisque appetit: spiritualium autem administrationem vilissimis interdum hominibus committimus. Alij volunt ideo Iudæ loculos præ alijs commissos, ut magis moueretur ad redamandum Christum. In fine igitur tria ex Iuda discimus. Primo paucos esse se qui administrarent temporalia sine peccato. Qui enim rãgit picem, inquinabitur ab ea, Hinc Paulus: Qui volunt diuites fieri, incidunt in laqueos, &c. Secundò, quòd nemo sit idoneus dispensator Euangelicæ doctrinæ, cuius animum occupat pecuniæ cupiditas. Tertiò, quòd auaritia radix est omnium malorum. Ea enim ex Apostolo furem, deinde & proditorẽ fecit. In summa, Iudas exemplum est personarum Christianorum, qui scientiam habent, bona opera faciunt, sed cor habent inuidia & æmulatione obcæcatum, quemadmodum & Iudas inter Apostolos obambulabat, Christi discipulum se fingit, cum tamen ex animo odiat eum. Similes item sunt Iudæ, qui in his, quæ alij expendunt statim clamant, Cur non datum est pauperibus? cum interim ipsi sua turpiter prodigant, nec tamen vnquam de pauperibus cogitent.
- Sine illam, ut in diem sepulture seruet.*
- Non seipsam excusat mulier, contenta testimonio propriæ conscientie, quæ sciebat Christo optimè notâ. Gloria enim nostra & excusatio debet esse testimonium bonæ conscientie: Christus autem eam defendit. Ipse enim nedum iudex est, sed etiam aduocatus suorum, eosque defendit, non tantum contra calumnias mundi & diaboli, sed etiam coram iudicio Dei. Hinc est, quòd Paulus tam fidèter loquitur: Christus, inquit, qui mortuus est, qui & resurrexit, interpellat pro nobis. Quis ergo auebit aduersus electos Dei, &c. Nihil nos cet calumniator, si te & opera tua probat Deus. Obserua autem, quòd Christus partim in singulari, partim in plurali numero respondet. Vnde datur intelligi, quòd etiam alij Apostoli non nihil obmurmurarent, licet alta intentione quàm Iudas, ut supra dictum est. In singulari autem loquens, durè respondet. [Sine (inquit) illâ,] In plurali autem

admodum modeste: Pauperes (inquit) semper habetis, &c. quia Iudas malo animo murmurauit, alij autem discipuli bona intentione. Vel potest dici, quod Christus etiam ideo à singulari numero repente transierit ad pluralem, quia tunc vnus quidem erat Iudas, nunc autem multi, & cum Christum fideles discipuli semper habeant per praesentiam diuinitatis. Iuxta illud: Ecce ego vobiscum sum omnibus diebus, &c. illi qui Iudae similes sunt, nequaquam sint illum habituri. Tollatur (inquit Propheta) tollatur impius, ne videat gloriam Dei, ut quomodo Iudas non meruit videre faciem resurgentis, nec tunc fuit cum Apostolis, quando pacè illis Christus attulit, sic nunq̃ habeant vel videant gloriam eius quicunque similes Iudae sunt. Est autem sensus verbi: [Sine illam, vt seruet, &c.] quasi diceret: Non est perditum opus, vt tu putas, effusio huius vnguēti, nec sine causa ego illud permisi, magnum aliquid portendit & significat, nempe me propediem moriturum, & sepeliendum in fragrantiam omnium electorū. Solent quippe mortuorū corpora vngi: quod igitur mortuo mihi facere nō poterit, hoc nunc, quamuis nescia, praue nit. Ideo autem & hic & alias crebro passionis suae meminit, vt persuaderet ipsis, se sua sponte moriturum. Vel etiā ideo, vt impiū traditorē pungat, quasi diceret: Molestus tibi sum & inuisus, sed expecta paulisper, subducetur tibi ex oculis nedum praesentia mea, sed etiam gratia. Docet autem Christus hoc verbo, ne obsistamus ad bona tendentibus: Noli, inquit Sapiens, prohibere eū qui bene facit, &c. Sic Christus: Sine eā benefacere, si tu non vis. Secundò docemur, non reprehendere aliorum opera, etiam si non exactissime fiant, ne territi desistant omnino, sed fauore nostro ad altiora ipsos promoueamus: Sine, inquit, illam, mulier adhuc est, non vir: expecta donec grandescat, & maiora faciat. Tertiò docemur, non temere aliorum opera iudicare, cum ignoremus, qua intentione facta sint: Quis tu, inquit, es, qui iudicas alienum seruum, &c. [Sine, igitur, illam,] non tuum est corda & intentiones iudicare, sed meum. Quarto docemur ex hoc verbo, etiam boni consulere veterum liberalitatem & magnificentiam, in construendis & ditandis Ecclesijs, &c. [Sine (inquit) illam,] quod habuit & potuit fecit, qualiacunque sint externa illa, certè testantur in eis fuisse gratum & deuotum animum, paratum omnia in seruitium Dei expendere. Quintò docemur, non solum bona opera esse, quae proximo impendimus, sed etiam quae Deo, id quod & supra admonui: Sine, inquit, vt etiam Deo seruiat. Vtrunque enim praceptum est, & Deo & proximum diligere. Praeterea, hoc verbo ostendit, quod nedum corde & spiritu, sed etiam corpore & rebus externis sibi serui velis à nobis, vt vel sic testemur, quod omnia haec ab ipso acceperimus. Demum videmus ex hoc verbo, quod opera nostra, quantulacūque sint, Deo placent, si ex fide & dilectione procedant. Sicut econtra, ingrata sunt etiam maxima opera, si desit fides & charitas, id quod Paulus diffuse ostendit. Hinc Christus: Quidam dicent in iudicio, Do mine nōne coram te manducauimus & bibimus, &c. & respondebo: Non noui vos. *Pauperes semper habetis vobiscum, me autem non, &c.*

Dupliciter exponi potest hoc verbum. Primo sic, [Pauperes habetis vobiscum,] habetis item & me. Illis tenemini subuenire, vt fratribus eiusdem naturae & fidei: mihi tenemini seruire, vt creatori & redemptori. Iam nunquam vobis deerit occasio ministrandi proximo, mihi autem non semper poteritis corporale ministerium exhibere. Non enim semper habebitis me in ista visibili forma. Nolite igitur indignari, quod mulier haec dum corpore praesens sum, corporale mihi exhibuit ministerium: veniet hora, qua & vos similia facere optabitis, sed non poteritis. Desiderabitis inquit, videre vnum diem filij hominis. Docemur hoc verbo, vt non cessemus bene operari, quodcumque & quādiu occasiōem habemus. Non enim semper id poterimus. Hinc Salomon: Non cesset manus tua, imò quodcumque potest manus tua incessanter operare: &c. Alter exponitur textus hic: [Pauperes semper habetis, &c.] quasi diceret: Non prohibeo

beo pauperibus benefacere: id enim Domini mandatum est: at non satis est pauperibus benefacere. Hoc enim possunt & hypocritae. Hoc tempus, quo me iam habetis, maius aliquid exigit. Persequuntur me nunc Iudaei, & proscribunt quotquot in me credunt. Hic igitur necessarium est, ut qui in me credunt, testentur fidem suam aperte. Nondum autem aperte me confitetur saltem hoc tempore, qui pauperibus benefacit, sed qui sic mihi benefacit, ut mulier haec fecit. Hoc enim opere palam testatur fidem suam, id quod benefaciendo pauperibus hac tempestate tam commodè fieri non posset. Hinc igitur discamus confessionis Christi modum. Tempore siquidem persecutionis, non satis est pauperibus misericordiam impendere, sed tenemur aperte Christi fidem confiteri, alioquin Christum negamus. Iuxta illud: Qui me erubuerit coram hominibus, erubescam ego cum coram Deo. Sic tempore haereseum & schismatum non satis est fidem veram in corde tenere, sed oportet eam confiteri. Hinc igitur videmus, quam ob causam Christus apud Mattheum tam excellenter commendauerit opus illud Mariae: Bonum (inquit) opus operata est in me, &c. Primo enim opus illud vñctionis ex magna deuotione processit, id quod Deus potissimè attendit. Secundò opus illud fuit confessio fidei in Christum, & ob id maius fuit, quam si omnem substantiam suam pauperibus erogasset. Nam qui erogat, facit quidem pium opus, & confitetur eo opere Deum, sed nullo periculo, nec priuata, sed publica confessione, adhuc laudem meretur, tantum abest, ut propter confessionem se culpam periculo exponat: haec autem mulier hoc opere se & sua summo periculo exposuit. Atque ea demum est vera & libera confessio: hoc enim est propter Christum omnia relinquere, & periculo exponere. Tertio ideo opus hoc commendatur, quia sepulturam Christi praefigurauit, quemadmodum & veteris Testamenti caeremoniae Domino placuerunt, non quia opera, non quia pretiosa erant, sed quia Christum adumbrabant, & ex fide in Christum bona fiebant opera. Deum, etiam si nihil aliud accederet, tamen vel ob hoc vñum commendationem meretur haec vñctio, quod praefigurauit totam Ecclesiam implendam fragrantia mortis Christi & Euangelij odore. Item, quod praestendit, quales se erga Christum exhibituri essent fideles quique usque ad finem mundi. Quod autem Christus dicit: Me non semper habebitis, non sic intelligendum est, quasi Christus iam non sit in mundo, aut quasi tantum spiritu & diuinitate nobiscum sit, non etiam corpore praesens, signanter in Sacramento. Sed ita dicit, se non semper futurum in mundo, quemadmodum tunc cum habebat Maria, visibilem scilicet, tangibilem, passibilem & mortalem: Me, inquit, non semper habebitis, sicut me modo habet mulier haec, nec sic me habebitis quemadmodum pauperes habetis, quibus corporalia beneficia praestare potestis. Huc pertinet quod post resurrectionem dixit: Haec sunt verae, quae dicebam cum apud vos eram. Aderat quidem etiam tunc cum ipsis corporaliter, sed tamen non sicut prius mortalis & passibilis. Sic corpus Christi non est in Sacramento visibiliter, sensibiliter aut passibiliter, nihilominus tamen fatemur ibi esse corpus Christi. Iuxta illud: Accipite, hoc est corpus meum. Nec valet consequentia, si dicas, Corpus Christi aliquo modo, hoc est, visibiliter, non est in Sacramento, ergo simpliciter non est in Sacramento: sicut nec hic valet consequentia: Rex non sedet coronatus in mensa, ergo non sedet in mensa. Est enim fallacia secundum quid ad simpliciter.

Cognouit autem turba multa ex Iudeis.

Mira res, ubicunque pium aliquod opus describitur, turbae mentio fit, non autem diuitum, potentum & sapientum, ut vel huc, referri possit illud Davidis: Valles abundabunt frumento, Sicut enim de montibus videmus defluere imbrem, neque in illis fruges crescere conspiciuntur: contra autem valles & imbrem retinent & fructum afferunt: sic qui vel scientia, vel diuitijs, vel potentia tument, neque diuinæ gratiae imbrem percipiunt, neque fecunditatem afferunt bonae operationis. Humiles autem & simplices & gratiam percipiunt, & fructum

etum ferunt copiosum. Sic turba Bethaniam usque visura Christum currit, cum interim principes nec pedem quidem moueant. Sic nimirum diuitiæ, scientia, potentia, bonis quidem sunt adiumenta virtutum, impijs autem nihil nisi incrementa peccati. Sic Saul antequam in regnum ascisceretur, non erat vir melior eo in Israel: Rex autem factus, longe alius factus est. Qui igitur huiusmodi externa Dei dona habet, oret Deum, ut recte his uti possit.

Venerunt non propter Iesum tantum, sed ut, &c.]

Venerunt attracti & alleati bono illo odore Christi, qui nedum Bethaniam, sed totam Iudæam impleuerat. Quis enim non libenter videret eum, qui tanta signa faciebat? quis non libenter audiret eum, qui quasi ex inferis ad superos supra consuetum morem naturæ rediit? Venit regina Austri ex finibus terræ audire sapientiam Salomonis. Hic autem plusquam Salomon. Per hunc autem cōcursum populi ad Bethaniam præostensum fuit, quod ex omnibus mundi partibus concursus futurus esset ad Ecclesiam, quæ verè domus obediens est, quæ sola odore bono plena est, in qua licet videre Christum. Itemque, non vnum Lazarum, sed innumerabiles qui ex mortuis ad vitam gratiæ resuscitati sunt. Quem autem non delectaret hæc domus? Hinc Christus dicit: Vbi fuerit corpus, congregabuntur & aquilæ. Et animæ fideles: In odore (inquiunt) vniuentorum tuorum currimus. Hinc in Zacharia dicitur: Apprehendent decem viri ex omnibus linguis Gentium, simbram viri Iudæi, dicentes: Ibimus vobiscum, quia Dominus vobiscum est. Quod autem dicitur, non propter Iesum tantum eos venisse, imperfectionem notat. Sic enim nos occupat vetus illa Adam, ut etiam in bonis quæ facimus, non semper in vnum & solum Deum intendamus. Plerumque enim sinistro oculo etiam ad alia respicimus, ad commodum scilicet proprium.

Sed ut Lazarum viderent, &c.]

Is enim ob nobilitatem & diuitias multis cognitus, nunc propter recentis miraculi famam multis notior factus

erat. Ad hunc igitur videndum quidam venerunt bona intentione, ut scilicet in fide confirmarentur: cum enim etiam oculus testis sit eorum, quæ auditus percipit, fides firmiores radices acquirit, & indubitator sit. Sic Thomas oculis videns quod auribus audierat, exclamauit: Dominus meus & Deus meus. Pieri autem potest, ut aliqui tantum ex curiositate Lazarum videre voluerint. Est enim homo natura sua nouarum rerum cupidus, magisque nouitatibus quam veritate delectatur. Proinde tantisper Christum sequitur, dum noua quædam & insolita audierit ex ipso. Cum autem nouum esse cessauerit, & homo spe sua fraudatur, à Christo dilabitur.

Cogitauerunt ergo Pontifices, ut & Lazarum, &c.]

Et Bethaniæ & Hierosolymis inuenti sunt boni & mali, ut sciamus nunquam nusquam defuturos malos. Stat enim sententia: Sinite utraq; crescere usque ad messem, &c. Vide autem impietatem Pontificum. Primo non contenti prioribus, peccata peccatis addunt, nihil moti scripturæ verbis, quæ toties monent, ne peccata peccatis addamus. Secundo in peius proficiunt. Ab exordio enim verbis tantummodo corripiebant ad Christum accedentes: Sex, inquiunt, dies sunt, in quibus operari oportet, in his venite & curamini, &c. Progressu temporis cæcum, qui fortiter Christo patrocinatus fuerat, ex synagoga eiecērunt, nūc ex malitiæ creuerat eorum inuidia, ut Lazarum virum nobilem ac potētem, à quo nullo facto dictione pro uocati fuerant, & in quæ ne fingere quidem quicquam poterant, voluerint occidere: Sic enim superbia eorum, qui te oderunt, ascendit semper. Non simpliciter autem cogitauerunt eum interficere, sed cogitando decreuerunt, alioqui cogitare malum sine consensu non est peccatum, hic autem fuit consensus & deliberatio. Vnde autem gens illa subiuga, quæ Pilato dixit: Nobis non licet interficere quenquam, tantam fiduciam concepit, ut non solum vnum hominem interficere velle auderet, quia mortuos suscitabat, sed etiam alium qui reuixerat, nisi ex impia illa fictione, qua simulabatur.

GG ban

Ioan. 20

Mat. 132

Eccles. 5

Luc. 132

Ioan. 96

Psal. 73

Ioan. 18

bant se omnia hæc facere propter fidelitatem Romanis seruandam. Hinc enim præsumebant. Romanos nequaquam ipsis succensere posse, tãquam fidelibus subditis. Nam & Herodem illa causa eripuerat à gladio Romanorum, qui tot pueros occiderat, quod simulabat se non tam sibi quàm Romanis consuluisse, in eo, quod persecutus fuit Iudæorum regem natum. Sic impios homines fortes & audaces ad malum reddit, impunitas & fauor magnatum. Sic serui Absalon in gratiam Domini sui occiderunt Amon filium regis Dauid. Audierant enim ab Absalon: Nolite timere, ego sum qui præcipio. Insigniter autem hi Pontifices nedum malitiam suam, sed etiam stultitiam produnt, in eo, quod non cogitant Christum resuscitare posse, quem prius suscitauerat tam mirabiliter. Sic igitur impij quique non solum in Deum impij sunt, sed etiam immites & iniusti erga homines, maxime erga iustos, quibus rebus & ipsi se nedum malos, sed & stultos ostendunt. Si enim sapientes essent, nequaquam his, quorum Deus vindex est, molesti essent, multo minus Deo. Sed vera est sententia: Omnis malus ignorans. Verum, qua de causa in Lazarum plus insaniat quàm in cæcum, audi.

Quia multi propter illum abibant, &c.]

Vide malitiam, crimen iudicant, & capitale crimen, beneficium accepisse: Væ qui dicunt malum bonum, &c. Non dubium, quin & propter miraculum in cæco factum, multi crediderunt in Christum, sed hic plures. Primo, quia miraculum hoc in se maius & admirabilius erat, quàm præcedentia quæcunque: Secundo, quia cæcus vilis erat persona, nisi mirum mendicus: hic autem Lazarus diues & potens, ideo ipsius suscitatio famosior erat & latius diuulgabatur. Tertio, quia quantumcunque esset miraculum in cæco factum, calumniam tamen præbebat, quod in Sabbato factum fuerat: Hic autem nihil tale calumniare poterant. Demum hoc miraculum, iam instante solennitate Paschali, & turba ascendente e regione, factum est, ideo latere non potuit, quin multi hoc viderent, audirent, & sic crederet: Hoc ipsos torque-

bat. Vide igitur inuidiam omni fera crudeliorem, & omnibus exitium minitantiem. Sicut enim charitas ad benefaciendum extimulat, sic liuor edax, nil nisi perniciem & cædem cogitat. Sic ex inuidia Cain occidit fratrem suum. Ex eodem morbo filij Iacob vendiderunt fratrem suum: Imò inuidia Diaboli omnem hominum genus perdidit. Cæterum hic iterum vides, prudentiam mundi nihil boni exequi, si non assit fides. Prudentes enim consuluisse videntur, quod malum radicitus tollendum esse decernerent, sed quia fides aberat, prudentia illorum cum summa iniustitia coniuncta erat. Prius enim consultandum erat, num malum sit in Christum credere. Itē, an iuste possent occidere eum, in quo nihil aliud accusare possent, nisi quod beneficium acceperat. Verum impius homo temere fertur, sola ratione & carnali prudentia ductus, quasi errare non possit, cum tamē scriptum sit: Omnis homo mēdax.

In crastinum.]

Si attendamus quo die Christus Bethaniam venerit, id quod supra ostendimus, euldeſter apparet, quod Christus decima die mensis Hierosolymam intrauit. Itemque prima die Hebdomadæ, quam nos Dominicam dicimus, & octaua die ante resurrectionem suā. Nihil horum sine causa factum est. Ideo autem decima die mensis locum passionis intrauit, ut eis, qui eo die iuxta legem agnum in Pascha immolandum segregarent, ostenderet se verum esse agnum à Patre destinatum, ut in festo iam instanti immolaretur pro genere humano. Prima autem die Hebdomadæ, hoc est, in Dominica intrauit, ut recreationem inciperet eadem die, qua coepit creatio. Octaua autem die ante resurrectionem intrauit, ut vel sic præfiguraret illud tripudium, quod de victoria eius habitura erat spiritalis illa Hierusalem. Sicut enim cum Dauid reuerteretur occiso Goliath, mulieres ei occurrerunt cum tympanis, &c. Sic superato Diabolo, exituræ erant animæ sanctæ, laudantes & gloriam regi suo cantantes.

Turba multa, quæ conuenerat ad diem festum.]

Etiam hic nulla sit mentio diuitum &

& potentum. Huiusmodi enim homines cum in diuitijs & potentia confidant, gloriantur, sed in spe: Cum autem octaua dies venerit, perfecte triumphabunt in re:

Processerunt obviam ei, & clamabant: Osanna.]

Cuius instinctu ramos palmarum tulerunt, eius etiam instinctu hæc ei potissimum acclamarunt. Imò sicut nemo iustius cum palmis susceptus est, sic nulli iustius acclamatum est verbum hoc quam Christo. Hoc enim verbo & aduentum ipsius præcedentes, & nos subsequentes ei acclamamus, nec quicquam interest, nisi quod qui præcesserunt, dixerunt: Benedictus qui venturus est, &c. Hi qui

eum susceperunt præsentem, dixerunt: Benedictus qui venit in præsentem, &c. nos autem in præterito pronuntiamus. Primò igitur eum inuocant. Hosanna enim idem est, quod saluifica obsecro: Cui autem iustius sic acclamatur quam Christo? Deinde ei bene precatur auspiciaturo regnum suum, non quod Christo quicquam accedat, si ei bene precemur, verum nostra agitur res: si enim regnum Christi procedat, etiam nobis bene consultum est. Ob eam causam etiam veteres ei bene precati sunt, ut David cum diceret. Intende, prospere pro-

Psalm. 117.

Acceperunt ramos palmarum.] In Matthæo dicitur, quod cedebant ramos de arboribus, & sternebant in via, idque sine dubio factum est. Hic autem Ioannes aliud quiddam & maius dicit: Non enim simpliciter nominat ramos quarumcunque arborum, sed miratur eos accepisse ramos palmarum. Nec dicit, quod in via eos strauerint, sed quod manibus portauerint. Palma autem victoriæ signum est, tum ex natura arboris, quæ contra onus impositum surgere dicitur: tum quia olim victoribus dabatur palma. Hinc & de sanctis dicitur, quod amicti sint stolis albis, & palmæ in manibus eorum, quo verbo significatur eos perfectam victoriam de Diabolo & mundo adeptos esse. Hic igitur mira videmus. Primò nondum coeperat Christus bellare, imò iam prius eum se parabat ad bellum, & tamen iam ei victoria & triumphus celebratur. Nec mirum: Ipse enim certus erat de victoria: Non sic autem alij ad bellum procedentes, ideo nemo ante victoriam triumphare potuit aut potest, nisi solus Christus. Imò nullus unquam iustius cum palmis susceptus est, quam Christus: solus enim ipse maximos illos hostes, quos nemo alius vincere potuit, vicit, peccatum dico, mortem, mundum, Diabolum, &c. Deinde Apostoli nondum sciebant Christum cum Diabolo conflicturum, & morte sua deuscturum eum, qui mortis habebat imperium. Quis igitur non miretur turbam, nedum bellum, sed victoriam Christi præsensisse. Verum Deus est, qui hæc per illos egit.

Ipse inquam (ut Christus allegat) ex ore huiusmodi infantium, hoc est, simplicium, hanc sibi & Christo suo laudem perfecit. Iam sicut Christus ante mortem quidem triumphauit, perfectius tamen in resurrectione triumphus ipsius inclaruit. Sic fideles etiam nunc, quam

Psalm. 44.

Exo. 22.

hac acclamatione, confitentur eum Deum regem, & redemptorem & saluatorem. Hinc discamus, quo honore Christus velit à nobis coli. Primò, cum palmis, hoc est, laude & gratiarum actione, victoriam eius recolamus. Secundò, victoribus ramis virtutum nos ornemus. Tertio, eum confiteamur Deum & homi-

GG ij

nem,

Christus vult a nobis adorari.

nem. Quartò, eum inuocemus. Quintò, ei per desiderium cordis & obedientiam præceptorum obtemus. De his vide latius, quæ in Matthæo diximus.

Et inuenit Iesus Asellum.]

Mat. 21. Hæc omnia diffusius in Matthæo dicuntur. Emphasim autem habet quod dicit: [Inuenit,] quasi diceret: Adeò non aluit equos, &c. vt ne Asellum quidem haberet proprium, sed fortuito & casu quasi oblatum inuenit & assumpsit, quamuis apud Deum nihil casu fiat. Insigniter igitur hic damnat pompam mundanorum, &c. Vel etiam ideo dicitur Asellum inuenisse, vt ostendatur genus humanum, maxime autem Gentile populum, qui per Asellum significatur, omnino periisse & periturum fuisse, nisi Christus eum inuenisset.

Et sedit super eum.]

Hoc facto & Prophetarum oracula impleuit, vt sequitur, & præfigurauit futura, nempe, quòd etiam indomitum animal Gentilis populus, veletiam caro nostra, suo seruitio subiugandū esset, &c.

Noli timere filia Syon, Ecce rex tuus.]

Vno verbo expressit, quis sit Christus, & propter quid venerit. Primò consolatur eos, qui deplorabant, quòd Christus tantopere aduētum suum differret: [Noli, inquit, timere, &c.] Secundò promittit eum omnino venturum, imò iam iam adesse: Ecce inquit. Tertiò, ostendit eum non vacuis manibus vērurum: Rex, inquit, veniet. Item per hoc monet, ne offendamur humili eius specie. Quartò ostendit, eum omnino propter nos venisse, non simpliciter (inquit) rex est, sed tuus. Postremò ostendit, eum nō tyrannicè acturum cum subditis. Item non pro more regum huius mundi regnaturum: Veniet (inquit) humilis & mansuetus. Omnia hæc diffusius declarauit in Matthæo.

Hoc non cognouerunt discipuli eius primum.]

Sicut quæ Deus in Christo egit, ne discipuli quidem cognoscere potuerūt quid sibi vellent, donec Christus missio Spiritu sancto glorificatus esset. Sic nec nos scimus aut intelligimus ea, quæ Deus nobiscum agit, sciemus autem po-

stea, in resurrectione scilicet futura.

Testimonium ergo perhibuit turba, &c.]

Ostendit quam ob causam hoc potissimū tempore, & non prius, Christo hūc honorem impenderunt, nempe quia tā insigne miraculū fecerat in resurrectione Lazari. Si igitur vnū illud opus tantum eos permouit, quātò magis nos mouere debent tot simul opera, quæ Christus nobis ostendit ex patre suo.

Pharisæi ergo dixerunt ad semetipsos.

Sunt qui exponunt hoc de his Pharisæis, qui in Christum credebant, qualis fuit Nicodemus & alij. Hi igitur volentes alios à tam nefario scelere, quod in Christum cogitabant, abstergere, dixerunt: Videtis, quia nihil proficimus. Pium certè opus, impios pro virili retrahere à malo. Pium & illud, quòd factū hoc in bonā potius interpretamur partem, quàm in malam: quandoquidem Euangelista non expresserit, qui fuerint hi Pharisæi, boni vel mali. Alij tamen solum de malis intelligūt locum istum, nec temere tamen, satis enim suprà prodiderant impietatem suam. Ad semetipsos igitur loquuntur, cum quibus enim tam impia consilia tractarent, nisi cum sui similibus? Omnes alij cum Christo gaudebant, læti quòd tantus eis vir contigisset, qui mortuos suscitare posset, nec dubitabant, quin & in totum eos liberare posset. Soli Pharisæi huius gaudij expertes sunt, imò quòd alios exhiberet, ipsos cruciat. Hac enim pœna etiā in hac vita impij percelluntur, quòd coguntur videre piorū bona. Sic in Esaia: Serui mei comedēt, & vos esurietis, &c. Psalms. Et in Psalmo: Peccator videbit, & irascetur. Et in Moyse: Ego prouocabo eos in eo, qui nō est populus, hoc est, his quos ipsi maxime contemnunt benefaciam, ipsis videntibus. Inuidum enim cruciant aliorum bona. Sic cum in Stephaniano viderent insignem Dei gratiam & opera, dessecabantur cordibus, & stridebant dentibus, & continuerunt aures suas. Sic inuidia seipsam cruciat: Putredo enim ossium, inuidia.

Videtis, quia nihil proficimus.]

Hoc vel vno verbo manifestissimè produnt impietatem cordis sui. Pri-

Primo enim, quum gratias agere debuissent, quod hactenus à tanto malo impediti fuissent. (Verè enim magna gratia est, impediri à malo, sicut magna ira est & iudicium Dei, si homo sibi ipsi permittatur.) Hi autem non gratias agunt, sed irascuntur & insaniunt. Et o verè infelix stipula, hic Deus noster ignis consumens est, & tu illum opprimendo proficeres! Deficies potius & consumeris, quia non stipula igne, sed e contra stipulam ignis consumit. Deinde etià in hoc reproba sua mentè indicat, quod vident Deum ipsis resistere, fatenturque se nihil proficere, non tamen cessant. Idè fecerunt Saul & Pharaon: ideo pius quisque ad huiusmodi exempla contremiscat, oretque, ne & ipse in reprobum detur sensum. Qui autem simile quiddam in se reperit, cõfestim ad diuinam misericordiam confugiat, ne eum iudicium diuinum, quod huiusmodi hominibus in Ianuis est, opprimat.

Ecce mundus totus post ipsum abiit.]

Hic vides, quod non alio morbo, quam inuidia laborabant. Inuidus enim profectum aliorum putat esse suum defectum: & e contra aliorum damnum, iudicat suum esse lucrum. Longè autem aliter per Paulum Christus nos instruit: Gaude te, inquit, cum gaudentibus, & flete cum flentibus. Quod autem dicunt: Mundus totus post eum abiit, non minus propheta est de futuro, quam quod supra Caiphas de morte Christi dixit. Verè enim totus mundus post ipsum abiit: sic enim in Daniele definitum legimus: Omnes tribus & linguæ seruiant ei. Et Dauid: In omnem terram exiit sonus eorum. Et Esaías: Filij tui de longè venient, &c.

Erant autem quidam Gentiles.]

Quamvis ante Christum, notus potissimum fuerit Deus in Israel, tamen non pauci etiam inter Gentes Dei notitiam habuerunt, & pietatem coluerunt: Id quod videmus in Iob, Cornelio & Eunuchio Candacis. Ascenderunt autem ad Hierusalem, tū quia iam olim etià in Gentibus auditum erat Deum esse in Israel, id quod Achior princeps Amontarum planè testatur: Tum quod etià Gentibus persuasum esset, Dei virtus

tem esse in templo Hierosolymitano, id quod Heliodorus re ipsa expertus est. Tum quia iam in Græcam linguam translatis Hebræorum scripturis, etiam poterant legere, quid pietatem colentibus promissum sit. Maxime autem, quia & Salomon precibus obtinuerat, quod etiam Gentiles in templo illo adorantes exaudirentur. Confundit autem hæc Gentium deuotio, Iudæorum, imò & nostram desidiam, ut non immeritò dixerit Christus: Regina austri in iudicio condemnabit generationem istam, &c. Sic enim quos oportebat vel maxime iustitiam colere, hi impiissimi sunt, & e contra, ut verum sit illud: Publicani & meretrices præcedent vos, &c.

Accesserunt ad Philippum.]

Modestia eorum ex hoc apparet, quod non temere ad Christum introrumpunt. Sic enim appetendus est Deus, ut tamen interim assit timor quidam & reuerentia.

Domine, volumus Iesum videre.]

Gentiles hi statim primo accessu, præstiterunt quod nos tamdiu Christum audientes, vix præstamus. Primo enim ut verè pauperes ad magnam magnorum diuitum ianuam accesserant, cupientes saturari de micis quæ cadebant de mensa illorum, imò & tanquam catelli sub mensa dominorum residua fragmenta colligere venerant. Quantam enim re dolet humilitatem, quod quasi stantes à longè, dicunt: [Domine, volumus Iesum videre.] Quanti aestimabant Dominum ipsum, quum ipsius discipulum Dominum vocarent! Deinde modestissime loquuntur. Non enim petunt, ut in consortium Domini (quo indignos se arbitrabantur) admitterentur, sed tantum, ut Iesum videre possent. Nec tamè parum aliquid hoc verbo petierunt: videre enim Iesum, nedum initium est salutis, sed & consummata iustitia, imò vita æterna. Sic enim Christus dicit: Hæc est vita æterna, ut cognoscant te solū Deū, & quem misisti Iesum, &c. Hi autem Gentiles præsignarunt Gentium ingressum in ouile Christi, quæ admodum in Esaia prædictum fuit: Quæsierunt me, qui ante non interrogabāt me, &c. Item in Osee: Erit, ubi dicetur eis, Non populus meus,

GG ij

yo

vocabuntur filij Dei.

Philippus dixit Andrea, &c.]

Suprà idem Philippus cum primùm cognouisset Christum, statim adduxit Nathanaelem, nihil cūctatus. Idem hoc loco fecisset, si ex Iudæis hi fuissent. Cum autem essent Gentiles, paululùm addubitauit, nec mirum. Primò enim non leue erat hospites testamentorum promissionis spem non habentes, incircuncisos homines ad promissiones semini Abraham factas. De hoc enim etiam post acceptum Spiritum sanctum, discipuli dubitabant. Deinde Christus apertè dixerat: In viam Gentium ne abieritis, &c. Rem igitur ad Andream defert, vt qui maioris autoritatis erat: nam primus à Christo vocatus est, vel Christum secutus. Iam quòd Gentiles hi per Apostolos ad Christum introducuntur, figura fuit, quòd Apostoli omnes gentes ad Christum adducturi essent. Cæterùm, etiam nobis opus est ductore qui nos ad Christum ducat. Est autè in nobis intellectus & affectus. Intellectus adducitur per veritatem, affectus per charitatem.

Venit hora, vt clarificetur filius hominis.]

Sensus est, quasi diceret: Nunc agnosco tempus meæ glorificationis aduenisse, Iudæi me lata sententia eiecerunt, & Gentes summis votis me exoptant. Quid igitur restat, nisi vt mox glorificer? Primò in corpore assumendo immortalitatem in resurrectione. Secundò in nomine, manifestius meipsum ostendèdo, vt quem hactenus viderunt hominis filium & humilem, deinceps videant esse filium Dei, & super omnia exaltatum. Hoc modo primùm glorificatus est in morte, cum visis tot signis Centurio exclamaret: Verè Filius Dei erat iste. Alij autem percutientes pectora sua, reuerteretur. Deinde, gloriosior apparuit in ascensione & Spiritus sancti missione, Apostolorumq; publica prædicatione & miraculis: adeò vt vna die tria millia crederent in ipsum. Tertio venit hora, vt etiam inter Gentes, quibus hactenus ignotus fui, gloria mea publicetur. Quarto, vt etiam in Iudæorum delectatione gloria mea appareat. Non enim minus ad gloriam Dei pertinet iustitia, quàm misericordia. Hinc & alibi dicitur. Glorificabor in Pharaone, & in seruis eius. Hinc igitur discamus & nos agnoscere tempus nostrum. Primò, sicut Christus proximus mortis primùm dixit adesse glorificationem suam, sic & tempus nostræ glorificationis sciamus post mortem esse, non in hac vita. Nemo igitur hic quærat glorificari, sed expectet. Secundò, Christus non ante dixit, tempus esse admittendi Gentes ad gratiam, quàm ipsi cupidè accurrerent. Sic iam prius præstatur gratia, quàm eam quæramus. Tertiò sicut tempus Iudaicæ abiectionis tunc erat, cum oblatam gratiam respuerent. Sic in iudicium Dei, quando non amplius ex ignorantia, sed malitia, peccatur.

Amen amen dico vobis, nisi granum, &c.]

Post mentionem factam glorificationis suæ, statim passionis & crucis mentionem facit. Primò, ne discipuli audita clarificatione, tale quid præsumerent, quale filij Zebedæi, qui audientes Christum de regno suo loqui, petierunt, vt alter ad dexteram, alter ad sinistram ipsius sedere possent. Secundò, vt ostenderet se alia via perrupturum ad gloriam, quàm mundus consueuerit, vel discipuli sperarent. Mundus siquidem ad gloriam perripit diuitijs, fauore principum, &c. Christus autem per crucem & mortem. Deinde quoniam discipuli videntes eum à turbis vt regem honorifice susceptum, audientesque eum de glorificatione sua loquentem, sperabant eum iam regnaturum, & deinceps ab omnibus honorandum: Imò, inquit, contrarium eueniet. Nunc vel maxime contemnendus sum & occidendus, adeò vt nedum aduersarij mei, sed etiam vos discipuli putabitis me omnino periisse. Verùm nolite timere, accidet mihi quod in grano frumeti videtis euenire, quum in terram profectum fuerit & mortuum, iamque non amplius videtur, imò periisse putatur, exurgit in spicam & fructum multiplicem profert, idem mihi continget, &c. Bis autem dicit: [Amen amen,] vt certi sint ipsum &

moriturum, & cum fructu surrecturum.

Comparat autem se grano frumenti.

Primò ad differentiam aliorum princi-

pum, imò hominum quorumcunque,

qui vt plurimum palea sunt, hoc est, fo-

ris speciosi, intus vacui. Item ad nihil ali-

ud, quàm vel ad ignem, vel ad cibum

lumentorum apti. Christus autem gra-

num est solidum in seipso, item ad ci-

bum hominum ordinatum. Iuxta illud:

Ego sum panis vitæ, &c. Hoc est granū

illud vnicum spei nostræ præsidium,

nostræq; inopiæ solatium: omnia alia

grana vel putrefacta erant, vel à vermi-

bus corrosa. Omnes enim declinauer-

unt, simul inutiles facti sunt, non est

qui faciat bonum, non est vsque ad v-

num. Vnus tamen hic Christus, vnum

hoc granum horrea impleuit Ecclesiæ.

Verè mirabile granum, mirabiliter or-

tum sine semine, nec corrumpi potuit

per originale aut actuale peccatum, so-

lum sufficiens ad refectionem totius hu-

mani generis, solum denique & Eccle-

siam & cælum repleuit, vt verè dixerit

Ioannes, se vidisse turbam magnam,

quam dinumerare nemo poterat, stan-

tem ante thronum Dei. Hoc granum

prius beatos Angelos immortaliter pa-

uit: nunc autem granum frumenti, hoc

est, etiam hominum cibus factum est.

Hoc granum feliciter exortum est de

terra illa, quam benedixit Dominus,

Virgine scilicet gloriosa, Solum autem

mansisset, nisi morte sua pro peccatis

nostris satis fecisset, Patrem reconcilia-

set, & cælum nobis aperuisset. Sic etiam

nunc solus manet Christus, nisi semine

tur in corda hominum. Tunc autē fru-

ctum affert, si seminetur ordinatē debi-

to tempore in terra non lapidosa, aut

inculta, sed in terra culta, pingui & hu-

meata, &c. In terrā autē proiectū fuit

& mortuum, non quòd peccati vel mor-

tis debitor esset Christus, sed vt vna

mors eius multorum vitam fructifica-

ret, sicut granum frumenti non idcirco

proicitur in terram, quia vitiosum est,

sed vt fructum afferat. Morte autē sua

Christus plurimū fructus attulit, quia

debitum soluit, Patrem reconciliauit,

cælum aperuit, &c. vt iam certatim ir-

ruant etiam peccatores, & regnum cæ-

lorum vim patiatur. Denique effecit, vt

à solis ortu vsque ad occasum laudabilis

le sit nomen Domini, & quòd non vt

olim tantum in vno, sed in omni loco

offertur ei oblatio munda, &c. Hunc fru-

ctum præuidens Esaias dixit. Si posueris

pro peccato animam suam, videbit

semen longæuū, &c. Docet igitur Chri-

stus hoc verbo, mortem suam fuisse ne-

cessariam, adeò vt nihil profuisset eius

incarnatio, nisi sequuta esset passio, &

per passionem redemptio. Docet secun-

dò, se non suiipsius causa moriturum,

sicut granū non suiipsius causa in ter-

ram proicitur, sed vt alia inde nascan-

tur. Docet tertio, crucem esse viam ad

gloriam: Per multas enim tribulatio-

nes, oportet nos intrare in regnum cæ-

lorum. Docet quarto, nos ideo affligi,

vt magis fructificemus. Non igitur des-

perandum in afflictione, aut murmu-

randum. Docet quinto, mortem esse fru-

giferam, imò initium vitæ & gloriæ.

Est enim quasi quædam transplantatio

è sterili solo in terram feraciorem. Sum-

ma igitur hæc parabola consolatio-

nem affert contra horrorem mortis &

aduersitatum, quare summopere obser-

uanda est.

Qui amat animam suam, perdet eam.

Suprà parabolā de grano in terram

proiiciendo de seipso dixit: nunc ean-

dem ad nos transfert, idque optimo or-

dine. Alioqui putare possemus, ad so-

lum Christum pertinuisse mori, pati, &

crucem ferre, nihil autē ad nos, imò no-

bis licere in desidia & luxu viuere. Ve-

rūm non sic se res habet, ait Christus:

Ego quidem singulare illud granū sum,

& permansi: nunc autem ideo in terram

proicior, vt deinceps mei similes ex me

nascantur, qui non inanes paleæ sint, ad

solum ignem aptæ, sed grana solida. De-

inde ego quidem pro vobis mori volo,

sed ad hoc, vt & vos moriamini peccato.

Ego id expeti & elegi, quod vobis,

non quod mihi vtile erat: Idem & vo-

bis faciendum erit. Summa, sicut nihil

contulisset vobis mea incarnatio, nisi

sequeretur mea passio: sic nihil vobis

proderit in grana renatosse, nisi om-

nino in vobis occidatur quod veterem

illam vitā redolet. [Qui amat animam

suam, &c.] Animæ vocabulo plerumq;

GG iij intel

- Intelligimus alteram partem compositi. In scriptura autem sæpius pro toto homine ponitur, ut quum dicitur: Erāt
- Act. 27.** In naui ducentę septuaginta sex animę. Aliquando autem ponitur pro vita corporali & naturali, ut quum dicitur. Nolite solliciti esse animę vestrę quid māducetis. In hūc sensum accipi debet hoc loco. Amare autem est alicui bonū vel le. Amat igitur animam suam, qui vitę corporali permittit quęcunque desiderat & appetit, e contra autem ei parcit in omnibus, quę ipsi contraria sunt. Appetit autem vita corporalis, quę iucunda & delectabilia sunt, luxum scilicet & voluptatem, diuitias, delicias, otium &c. E contra fugit quęcunque dura sunt, laborem scilicet, crucem, mortem, etiā si sciat Deum talia præcipere. Mundanus igitur homo, animę suę & vitę optimę consultum putat, si concupiscentiis frena laxet, quātumcunque prohibitis, omniaque tristitia longē repellat, etiam si aliud suadeat gloria Dei & charitas proximi. Atqui hoc modo anima seu vita non seruatur, sed perditur. Qui enim concupiscentiis suis obsequitur in omnibus, facilē in morbos incidit corporis. Secundō huiusmodi rebus nō sedat, sed excitat sitim & desiderium rerum concupiscentiis. Nulla enim externa res potest sedare & satiare appetitum nostrum. Quemadmodum enim hydropticus quo plus bibit, eō plus sitit: sic, Crescit amor nummi, quātum ipsa pecunia crescit. Idē in alijs rebus contingit, quę appeti solent, ut sunt voluptates, honores, potestas: hoc autem nō est seruare animam, sed cruciare & perdere. Præterea, etiam ideo talis perdit animam suam, quia ædificat & confidit in fundamēto ruinoso. Nec enim diuitiæ, nec quęcunque alia externa præseruare possunt a morte, multō minus prodesse poterunt in die ultionis. Postremō huiusmodi amator animę suę, etiā æternaliter eam perdit: Nunquam enim videbit vitam. Hinc Sapiens: Si animę præstes concupiscentias suas, faciet te gaudium inimicis tuis. Et David:
- Psal. 10.** Qui diligit iniquitatem, odit animam suam. Ex grano igitur tritici disce, quomodo seruare possis animam tuam. Granum non semper seruare poteris, si arcę aut granario recondas ac ei parcis: fortissis enim aut a muribus deuorabitur, aut alio modo peribit, si autem terrę recondas, tunc optimē seruasti: perit quidē vnum granum, sed resurgunt viginti aut triginta. Sic vitam istam velis nolis amittes. Iam si eam impensē diligas & carnaliter, & eam perdes, & futuram non consequeris. Si autem eam pro Christo impēdas, aut alioqui mortifices, perit tibi quidē hæc vita, sed succedet melior. Ideo subdit.
- Qui autem odit animam suam in hoc mundo.]*
- Non hoc vult, ut nos ipsos occidamus, vitamque hanc violenter nobis ipsi abruppamus, id quod quidam male suspicati sunt. Quomodo autē odinda sit anima aut vita, ab ipso externo odio disce. Qui aliquē odit, nec vocem eius audire sustinet, nec visum videre, nec in aliquo illi obsequitur, imō contraria semper ei facit. Sic anima cū contraria legi Dei suadet, non audienda est, non obsecundandū concupiscentiis eius, sed quę ei displicent facienda, quallia sunt crucem portare, abstinentia domare carnem, abnegare propriam voluntatem, &c. Qui sic animam suam odit, verē eam custodit. Primō enim non tot morbis eam obnoxiam habet. Secundō, quia concupiscentias non sequitur, qule tam agit vitam. Tertiō, quia non in ruinoso fundamēto ædificat. Postremō, seruatur eam in vitam æternam, etsi enim præsens vita deficiat, tamen succedit melior & æterna. Hic vides, quantum inter se differant doctrina Christi & studium mūdi. Hoc enim vno verbo Christus damnat, quicquid mūdus miratur: Commendat autem quę mundus maxime abominatur. Verē igitur dixit Christus, se non esse de mundo. Deinde vides, quā cæci simus, qui dū omnibus modis vitę præsentis cōsulimus, & hanc & futuram perdimus.
- Qui mihi ministrat, me sequatur.]*
- Ne quis ab his quę iam dicta sunt resiliat, cum his qui dicebant: Durus est hic sermo, &c. duo addit calcaria. Primō admonet nos vocationis: [Qui mihi (inquit) ministrat,] quasi dicere: In disciplinā meā vos tradidistis, restat

restat igitur, vt non resiliatis, etiam si ardua videntur quæ præcipio. Ministros Dei vos nominatis, restat igitur, vt re ipsa hoc ostendatis. Signū crucis in fronte suscepistis & gestatis, nō decet vt crucem fugiatis, & suauia sectemini: In baptismo iurastis mecum vos morituros, restat vt promissum impleatis, ne fidei fragi inueniamini, &c. Secundō admonet nos sui exempli. [Me sequatur.] Nō, inquit, solus est, ego præcessi. Nō præcipio, nisi quæ per me ipsum feci & facio: nemo tam timidus, qui si viderit ducem in prima acie pugnare, non animum recipiat, &c. Hæc igitur duo nos ad odium vitæ præsentis, & amorem crucis, quasi duo calcaria excitare debent: Consideratio scilicet voti, quod in baptismo fecimus, & exemplum Christi. Cæterum duo quædam hic ponit, ad discipulum Christi pertinentia. Ministrare Christo, & sequi Christum. Non quidem exprimit certum aliquod ministerium, sed simpliciter: Qui, inquit, mihi ministrat. Quilibet enim in suo statu & officio Christo ministrat, si officium suum diligenter exequitur. Ministrare autem debemus non nomine tantum, sed officio, in super & affectu, vt ait. 9. dicamus: Domine, quid me vis facere? Et iterum. Paratum cor meum Deus, paratum cor meum, &c. Christum autem in eo sequi debemus, vt si talis nobis hora ingruerit, qualis tunc Christo, malimus propter Christum in terram cadere & mori, vt bono exemplo simus proximis, quàm negando fidem, & vitæ corporali consulendo, cedamus persecutori, & sic paleæ potius esse quàm grana, & leui vento circumferri. Si autem defuerit tempestas persecutionis, tunc quoque odiamus animas nostras, hoc est, abnegemus voluntatem propriam, abhorreamus & suffocemus concupiscentiam nostram, præteritamque vitā odientes, in profundam poenitentiae fossam nos abscondamus, ac Christi vestigijs insistamus. Sic enim Petrus monet. Christus, inquit, passus est pro nobis relinquens exemplum. Et Ioannes: Qui dicit, se in Christo manere, debet ambulare sicut ipse ambulauit. Hæc autē tanta sunt, quæ sine gratia nunquam implentur. Qui igitur monet vt faciamus,

det vt possimus. Dabit autem si instanter petierimus.

Et vbi ego sum, illic & minister meus erit.]

Duas nunc addit promissiones, vt facilius persuadeat. Potest autem hic locus primò referri ad crucem, vt sit sensus, Ego multis afflictionibus afficior in mundo, nihil igitur melius speret minister meus: Non est seruus maior domini suo. Secundō, potest referri ad consolationem in cruce, quasi diceret: Non diffidat minister meus: nā vt Pater semper fuit mecum in cruce, ita & ego adero cum eo, qui mihi ministrat in cruce, vt vnā glorificetur. Tertiō, referri potest ad præmium futurum, nec obstat quod Christus non dixit: Vbi ego ero. Quāuis enim adhuc in mundo esset & in afflictionibus, tamen tam prope erat finis angustiae eius, vt rectè etiam tunc dixerit: Iam non sum in mundo. Cū Christo igitur perpetuò erunt & manebunt sancti. Hinc ipse dicit: Dispono vobis regnum, vt edatis & bibatis super mensam meam. Et iterum: Ventam & assumam vos ad me ipsum, &c. Item: Qui vicerit, dabo ei sedere mecum, &c. Et Paulus: Si cōmortui sumus, & conuiuemus. Non leue autem præmiū est, esse cum Christo: vbi enim malè esse poterit cū ipso? Ipse vita, salus, lux, & hæres omnium bonorum Dei, &c.

Si quis mihi ministrauerit, honorificabit.]

Ne quis præcedentē promissionem contemnat propter humilitatem Christi, adhuc in terra cōuersantis, addit maiorem: Honorificabit (inquit) eum Pater. Quis autem non videt magnū esse à Deo honorificari? Si magnum putant homines, honorari à principe, qui homo est, quantum erit honorari à Deo? Non autē exprimit quo honore ipsos honoraturus sit, tum quia satis innuitur, non leuē esse honorē, quē ipse Deus dabit: tum quia oculus non vidit, nec auris audiuit, nec in cor hominis ascendit, &c. quæ præparauit Deus his qui diligunt illū. Quod autē dicit: Si quis, ostendit quidē non defuturos sibi ministros, sed paucos. Nec dicit, ego honorificabo

eam.

Ioan. 13.

Ioan. 17.

Luc. 22.

Ioan. 14.

Apoc. 3.

2. Ti. 2.

Esa. 64.

rum. Nōdum enim vſurpat ſibi authoritatem, quamdiu eſt in mundo. Vnde & filiſ Zebedæi dixit: Non eſt meum dare vobis. Deinde dicit, quōd Pater eos honorificabit, vt oſtendat eandem & ſuam & Patris voluntatem. Item eos Patri optimè placere, qui ſeruiſſūt Chriſto. Addit autem: In cæliſ, ne quiſ terrenum ſuſpicietur patrem. Item, ne quiſ huiuſmodi verba Chriſti atque adeo ipſum Chriſtum contemnat propter ſuam humilitatem, cūm audiat eum Patrem habere in cæliſ. Hic igitur vides, quā verè dictum ſit: Bonorum laborum glorioſus fructuſ. Itemque, Non ſunt condignæ paſſiones huiuſ ſæculi ad futuram gloriam. Et iterum: Quod leue & momētaneum eſt tribulationiſ, æternum ponduſ gloriæ operatur, &c. Cæterū perquam pauci ſunt, qui ad haſ promiſſiones perueniunt, nec mirum, quia pauci ſunt, qui Chriſtum verè & ex animo ſequuntur. Plærique enim Chriſtum nedum non ſequuntur, ſed etiam fugiunt ab eo, hi ſcilicet, qui

*Sapiē. 3.
Rom. 8.
2. Cor. 4.*

Ioan. 3. needum peccare deſiſtunt. De quibuſ dicitur: Omniſ qui malè agit, odit lucem, ſtultiſſimi ſcilicet homineſ, in eo, quōd medicūm fugiunt, verūm non impunè.

Pſal. 72. Scriptum enim eſt: Qui elongant ſe à te, peribunt, &c. Sunt aliſ, qui Chriſtum non ſequuntur, ſed præeunt, qui ſcilicet rationi ſuæ pluſ obediunt, q̄ verbo Dei, quorum imaginem Petruſ tenebat, cūm diceret: Abſit à te Domine: non fiet iſtud. Verūm increpatus à Domino audiuit: Vade poſt me Satana, nō ſapiſ quæ Dei ſunt. Aliſ ſequūtur quīdem Chriſtum, ſed non conſequuntur, qui ſcilicet ſegniter & remiſſè agūt, vel vſque in finem non perſeueranteſ, de medio itinere reuertuntur. Talibuſ dicit Apoſtoluſ: Remiſſaſ manuſ & genua debilia roborate, &c. Et iterum: Sic currite, vt comprehēdatiſ. Pauci autem ſunt, qui ita Chriſtum ſequuntur, vt etiam aſſequantur, qui ſcilicet viam humilitatiſ eiſ deuoto mentis affectu imitantur. Ad hoſ ſoloſ pertinet promiſſioneſ iam dictæ.

Nunc anima mea turbata eſt.]

Eiuſdem ſententiæ eſt cum eo, quod *Mat. 26* alibi dicit: Tristiſ eſt anima mea vſque

ad mortem. Turbatio autem hæc nihil aliud eſt, quā ingenuſ commorior naturæ humanæ in Chriſto, iſtantiem paſſionem naturaliter abhorreſtiſ. Quamvis autem huiuſmodi affectioneſ in nobiſ plerunque ſint vitioſæ & inordinatæ: obnubilant enim intellectū, auferunt tranquillitatem mentis, impediunt à bono, & nonnunquam impellunt ad malum: in Chriſto tamen nihil horum fuit, tamenſi huiuſmodi affectioneſ non caruerit. Imò horrere mortem, in ſe non magiſ eſt peccatum, quā eſurire, ſitire, &c. Vtrunque enim naturę iſtud eſt. Animam autem hic intelligit totum hominem, ſicut econtra in *Matthæo*, cūm dixit: Caro autem infirma, per carnem intelligit totum hominem. Hūc autem horrorem mortis Chriſtuſ in ſe aſſumpſit. Primò, ne quiſ putaret ipſum fuiſſe extra doloreſ humanoſ, & ob eam cauſam tam facilè de morte philoſophatum eſſe. Secundò, vt hoc pacto ſe probaret verum hominem eſſe, contra hæreticoſ, quorum aliqui negauerunt ipſum fuiſſe hominem: aliſ (vt *Eueſtycheſ*) putauerunt à diuinitate cōſumptam fuiſſe humanam naturam. Atqui horrere mortem, probat eum fuiſſe hominem. Alioqui quomodo filiū Dei horreret, & timeret mortem? Tertio, oſtendere voluit in ſeipſo Apoſtolorum quidam animoſ, imò omnium Chriſtianoꝝ terrendoſ quidam, vbi mala inuenerint, ſed non ob id reſiliendum eſſe à pietate, quin potiuſ vincendam humanæ naturæ infirmitatem fortitudinè animi, ſemper à cæleſtiſ Patris præſidio pendentis. Præterea, quamvis Chriſtuſ à peccato fuerit omnino alienuſ, fructuſ tamen & ſtipendia, vel ſequelaſ peccati (qualia ſunt fameſ, ſitiſ, horror mortis, moꝝ ipſa, aliæque carniſ tentationeſ) in ſe tranſtulit, tū vt ea vinceret, (non vt ea in nobiſ porro nunquā ſentiremuſ, ſed ne perpetuò ſentiremuſ, itemque vt ſciremuſ, per ipſum hæc omnia vinci poſſe) quemadmodum *Pauluſ* ait: Factuſ eſt pro nobiſ peccatuſ, vt noſ per illum fieremuſ iuſtitia Dei. Demum etiam ideo hæc in ſe tranſtulit, vt ſciaſ muſ noſ talem habere Pontificem, qui afficiatur ſenſu infirmitatū noſtrarum. Ideo enim tentatuſ eſt per omnia iuxta *Heb. 2.* *Cor. 1.*

ſimiliſ

similitudinem absque peccato, didicitque ex his quæ passus est, compassionem, ne nos in huiusmodi deficeremus. Obserua quod Christus horrore mortis concutitur eo ipso die, quo cum gloria susceptus fuit, idemque in illa sui tam honorifica susceptione, videns ciuitatem, fleuit super illam. Affluente enim gloria & prosperitate temporali, cogitare debemus mortem certò venturā, itemque aliorum necessitates, vel aliorum etiam qui impiè egerunt, pœnas. Hoc enim faciens nūquam superbiat in gloria humana, &c.

Et quid dicam?

Etiā hic in seipso exprimit formam tentati hominis, qui nunc hoc, nunc illud cogitat, nunc bona, nunc mala proponit, nescit quò se vertat. Est autē sensus. E duobus coarctor. Hinc hor tante maxima charitate, animā pro amicis ponere, illinc vrgente trepida carnis infirmitate, calicem istum transilire: vnde deo grauissimam tempestatem imminere, quò igitur me vertam? An obtemperabo corporis imbecillitati, mortē horrentiam ad mundi præsidia cōfugiam? an amore vitæ meæ aliorum salutem negligam? Nequaquam. Ad Patris voluntatem me accommodabo. Vides quā pulchrè in seipso expresseit tentationes nostras. Sic enim nos affecti sumus in tentatione, ac certè magna gratia opus habemus, ne malū aliquod medium arripiamus. Videtur quidem Christus in seipso nonnihil dubitare quid agat, sed statim inuenit cōsillum, & quidem optimum, vt scilicet ad Deum confugiatur, qui omnipotens est, & semper presens.

Pater saluifica me ex hac hora.]

Oratione ad Deū accedit: quo enim commodiori modo ipsum accedere potest homo tentatus? Hac autem sua oratione Christus in seipso ostendit, diuersas in nobis esse orationes tempore tentationis. Orat enim caro vel natura: orat & spiritus, sed diuersimodè. Nec æqualiter exaudiūtur: Caro, hoc est, natura, aperta fronte precatur ea, quæ ipsi cōmoda sunt, & deprecatur ea quæ sunt incommoda, vt crucem & mortem, &c.

Hæc autem oratio non semper exauditur, quia nonnūquam melius est in his non exaudiri. Spiritus autem etsi videt, quid caro & natura cupiat in omnibus, tamen præfert voluntatem & gloriam Dei, idcirco omnium maximè spiritua lla petit. Carnalia autem non nisi adiecta cōditione, si scilicet Deo placuerit, quemadmodum leprosus ille: Domine, inquit, si vis, potes me mundare. Atque hæc oratio semper exauditur. Hinc igitur discamus, quando ex carne, quando ex spiritu oremus. Ceterum ob easdem causas, Christus in se transulit orationem carnis, propter quas suprà dictum est, eum assumpsisse horrorem mortis: maximè tamen ad consolationem eorum, qui admodum pusillanimes fiunt, si sentiāt huiusmodi naturales affectus nondum perfectè in ipsis emortuos, &c. Quamdiu enim manemus in terra, manet ipsa natura cum suis affectibus, nec enim in hoc tempore fieri potest, vt nihil nisi spiritus simus. Interim tamen carnis & naturæ affectus, & corā Deo depletemus, & oratione spiritus corrigam. Infirmæ igitur carnis paulda vox est, quod Christus hic dicit: [Pater saluifica me ex hac hora,] & omnino similis ei, quam proximus passioni profudit, cum diceret: Si possibile est, trāseat à me calix iste. Patrem autem nominat & hic & illic, tū vt eum admoneat charitatis paternæ, tum quia afflictio nihil dulcius est, quā scire, quod Deus sit Pater, & bene velit.

Sed propterea veni in hanc horam.]

Hic orationē carnis corrigit & emendat, quemadmodum & alibi: veruntamen non mea, sed tua voluntas fiat. Est autem sensus verbi. Sēsus quidem & infirmitas carnis meæ appetit, vt me salues ex hac hora: veruntamen non humana voluntatis, sed diuinæ rationis voluntas fiat. Propterea enim de cælo ad terram descendi, propterea mortalis factus sum homo, qui immortalis erā Deus: propterea nunc ingressus sum ciuitatem, vbi paulò antecollegerunt aduersum me conciliū, vt me occiderent. Sic igitur etiam nos orationem & affectum carnis seu naturæ corrigamus. Primò, per hoc, quod ideo venimus

in

in Ecclesiā, ideo baptizati sumus, ideo Christi nomen profiteamur, quod cum ipso mori volumus. Scimus enim felicitatē nobis nō hic, sed in alia vitā promissam. Secundō orationem carnis corrigamus per hoc, quod tempus passionis Christus tantū horam nominat. Cogitandum enim, quod breuī durabit tempore, statimq; finem accipiet. Nam etiamsi tota vitā hic affligimur, nihil tamen est nisi hora, imō momentum, si ad æternitatem compares.

Pater clarifica nomen tuum.]

Hæc est oratio spiritus, longē dissimilis priorī. Orat autē, vt nomē suum, quod est, Pater, manifestet mundo, vt verē sciant eum esse naturalem Christi Patrem, Christumque naturalem eius Filium. Vel orat, vt nomen suum, hoc est, misericordiam, veritatem, iustitiam, sapientiam suam mundo manifestet, vt omnes orbis nationes excitentur ad laudem eius. Quia autem nusquam clarius manifestatum est hoc nomē Dei, quā in Christi passione. (Hinc enim manifestē apparuit Dei misericordia, in eo quod Filium tradidit: Dei iustitia, in eo quod tam seuerē peccatū puniuit etiam in proprio Filio, qui peccatum hominis in suos humeros transtulerat: Dei veritas, in eo, quod in promisso tam arduo non fefellit: Dei quoq; sapientia, quod tam admirabilē & conuenientissimum modum adinuenit.) Idcirco Christus dicens: [Pater clarifica nomen tuum,] nihil aliud vult, quā vt se tradat in mortem, ac præstet, vt mors & resurrectio sua clarum reddat nomen eius. Vnde igitur quantum tribuat Christus gloriæ Dei: solam enim eam quærit, quantumuis graue & durum sibi futurum sit. Orandum & nobis, vt Deus in nobis clarificet nomen suum, quod est Pater, item misericors, iustus, verax, &c. Item, vt & Christus nomē suum in nobis glorificet, quod est admirabilis consiliarius, &c. Deus fortis, Pater futuri sæculi, princeps pacis. Quod si & in nobis talis spiritus esset, vt commodis nostris aut gloriæ præponeremus gloriā Dei, quis non videt aliam futuram esse faciem Ecclesiæ? &c. Docemur autem hoc verbo, Deum ideo affligere suos,

vt nomen suum clarum reddat. Cum enim ipsos vel in aduersis consolatur, legitificat, vel mirabiliter eripit, hunc titulum inde refert, quod sit verē pius, misericors, potens, & verax, adiutor in opportunitatibus, &c. Sicut autem passio & mors Christi hic dicitur clarificatio Patris: sic & passio & mors martyrum clarificatio est nominis diuini, quia moriendo pro veritate Deum honorant, & eum verum ac iustum ostendunt. Hinc Paulus: In omni fiducia magnificabitur Christus in corpore meo, siue per vitam, siue per mortem. Infrā quoque de Petro dicitur, significans qua morte clarificaturus esset Deum.

Venit vox de cælo.]

Suprà dictum est, Pharissæos Christum interrogasse, vbi esset Pater suus. Illic autem Pater adeo se non manifestauit, vt nec Christus eis ad interrogata responderet. Neque me, inquit, scitis, neque Patrem meum. Nec enim digni erant, quibus Pater se manifestaret: nec opus erat, vt nouo aliquo testimonio se ostenderet, cum Christus tantis miraculis declararet, quis esset Pater suus, & vbi esset. Hic autem Pater se manifestat. Primō, quia aderant, qui Christum ex animo quærebant. Secundō, quia Christus ipse hoc postulauerat. Tertiō, quia cum adesset ipsius passio, in qua ita verum se ostendebat hominem, vt quasi oblitus videretur se esse Deum, necesse erat, vt Pater de ipso testificaretur, ne discipuli omnino in passione eius deficerēt. Hinc discite, quibus & quo tempore Deus se manifestet. Præterea, quia Christus dixerat crucem & mortem esse viam ad glorificationem & vitam, cuius contrarium mundus sentit: idcirco Pater è cælo verba Christi confirmat, vt certi simus nos per mortem intrare in gloriam: quandoquidem non tantum filius in terra, sed Pater è cælo clamat, mortem esse clarificationem nostram.

Et clarificauit, & iterum clarificabo.]

Quamuis nō expressum sit, quid vel quem clarificauerit & clarificaturus sit: certum tamen est, quod vel ad Christum personā, vel nomen Dei referri debeat. Primō,

Primo enim verè dicitur de Christo: Clarificauit te, secundum diuinitatem, quia ab æterno clarum & gloriosum te genui filiū, cui cōmunicauit omnē meā claritatem, vt nedum vnus substantiæ mecū esses, sed & vnus gloriæ, æqualis potestatis & maiestatis. De hac clarificatione dicit Christus: Clarifica me ea claritate, quam habui apud te, priusquam mūdus fieret. Et Paulus: Ipse est imago Dei inuisibilis, primogenitus omnis creaturæ, quoniā in ipso cōdita sunt vniuersa, &c. Deinde Pater clarificauit Christū etiam secundū humanitatē, in carnationē & gloriā eius prænūtiando. Itē, quod mirabiliter conceptus & natus fuit, quod multa miracula fecit, &c. Verè igitur dixit: Clarificauit te. Nō tamē hic consistit, ne quis putet gloriā Christi in morte desiturā, sed addit: [Iterum glorificabo.] Primo in passione per miracula quæ fient. Deinde in resurrectione, ascensione, Spiritus sancti missione, Apostolorum prædicatione, & miraculis. Hinc enim omnes videbūt gloriā tuam, te scilicet esse filium Dei, saluatorem omnium, &c. De hac gloria dicit Paulus: Dedit illi nomen, quod est super omne nomē, vt in nomine Iesu omne genu flectatur, &c. Et in alio loco: Ipsum dedit caput corporis. Cōplacuit enim in illo habitare omnem plenitudinem, & omnia reconciliari per ipsum, &c. Obserua igitur, quod non simpliciter dicit: Glorificabo, id quod Christus petierat, sed præmisit: Et clarificauit. Ne quis putet Christum gloriā suā prius in resurrectione accepisse, & nō ab æterno gloriosum fuisse, id quod volūt hi, qui negant Christum ante Mariam fuisse. Iam, quia nos mēbra sumus corporis Christi, etiam nobis dicitur verbum hoc: Et clarificauit, & clarificabo. Verè nos clarificauit in hoc, quod à peccatis nos liberauit, & in filios adoptauit. Sed in posterū plus clariuificabit. Magna charitas est, quod filij Dei nunc sumus, sed nondū apparuit quid erimus, &c. Nihil horū habent impij: nec enim hic, nec in futuro clarificantur à Deo, sed gloria eorum in confusionem ipsorum. Potest etiam hæc clarificatio referri ad Patrē. Verè enim clarificauit seipsum in Filio & per Filium: quicquid

enim cōmunicauit Filio ab æterno per generationem diuinā, vel in tempore per miraculorum operationem, totum cessit ad gloriā Patris, cuius tota perfectio relucet in Filio: imò, cum Patris & Filij vna sit substantia, vna etiā eorū est clarificatio. Quod enim est ad gloriā vnus diuinarū personarū, hoc est & ad gloriā singularum. Hinc Christus: Qui non honorificat Filium, non honorificat Patrē, qui misit illum. Vel aliter: Clarificauit nomen meum, hoc est, misericordiam, iusticiā, veritatem, &c. sed tantū apud Iudæos: Nunc iterum clarificabo nomen meum, etiam Gentibus ostēdēdo, quod sim misericors, iustus, verax, &c. vt sicut hactenus tantū in Iudæa notus fuit Deus, sic deinceps ab ortu solis vsque ad occasum, magnum sit nomen meum in Gentibus. Ex his vides orationem Christi exauditam, sed eam tantū, quæ ex spiritu processit, nō autem eam, quæ ex carne vel natura. Idem in nobis contingit. Hinc infra dicit: Quicquid petieritis in nomine meo (non ex appetitu vestro) dabit vobis.

Turba quæ stabat & audiebat, &c.]

Variant sententijs, vel quia procul stabant, vel quia parū attenti erant, nec satis constabat, ad quē pertineret vox illa. Quod autem quidā putarunt tonitruū factum, fortassis (si Iudæi fuerunt) suspicati sunt Deum per tonitruum significasse orationē Christi exauditam, quē admodum Samuele orante audite sunt voces & tonitrua, &c. Deinde sciebant Iudæi angelos frequenter hominibus sanctis locutos fuisse, nec aliter Deū, quā per angelos hominibus olim loqui solitum. Vnde nō putabant Deum in persona propria Christo locutum, quem non putabāt maiorem esse Moyse. Cæterum, non mirum est, quod turba vocem Dei non intellexit: Id enim non rarum est, sed frequentissimum. Quis enim non videt, quā dissimiliter etiam nūc iudicemus de verbo Dei? Imò verbum Dei aliquibus non est nisi tonitruum, auditur enim & terret, sed is terror non diu durat. Alijs verò videtur vox humana voce maior, laudant & magnificant verbum Dei, sed non credunt nec obediunt: nesciunt enim

enim vel non cogitāt, quod sit vox Dei & eius praeceptum seu voluntas. Ceterum hoc dissimile populi iudicium, quasi praesagium fuit, quod non vno sensu & animo suscipiendum esset Euangelium Christi. Sicut enim hic vnā eandemque vocem, alij putauere fuisse tonitruum videlicet horrificum, in quo nihil est intelligibile: alij locutionem angelicam, in qua vtiq; cum sensu ratio nis dignitas est naturae, sic vnum idemque clarificationis Christi Euangelium: alij sicut stultitiam, alij accepturi erant, vt Dei sapientiam. Hinc Paulus: Prædicamus Christum crucifixum, Iudæis scandalum, Gentibus stultitiam, ipsis autem vocatis, Dei virtutem & sapientiam. Et iterum: Verbum, inquit, crucis pereuntibus quidem stultitia est, his autem qui salui fiunt, Dei virtus est.

Non propter me hæc vox venit, sed propter vos.]

Christus est verus interpretis vocis diuinae: Nemo, inquit, nouit Patrem, nisi filius, & cui voluerit filius reuelare. Hinc Pater iubet, vt eū audiamus: Qui hunc interpretē non habet, nunquā intelliget vocē Dei. Hinc est, quod Iudæis velatus est Moyses: nec eū aliosq; Prophetas intelligere possunt, nec intelligent, donec ad Christū cōuertantur. Verē autē dicit, propter nos auditā esse vocem Patris. Ter siquidē audita est vox Patris, in baptismo scilicet, in transfiguratione, & hic ante passionem, vbiq; autem propter nos, vt credamus in Christum. Est igitur sensus: Nō vt scire quae ante nesciebam, hæc vox venit: Ego sciebam me glorificandū, ideo suprà dixi, venisse horam meae clarificationis. Sciebam itē Patris erga me animū, verū vobis hæc incognita sunt, propter vos igitur venit hæc vox. Primō, vt sciatis mihi cum Patre optimē conuenire. Secundō vt credatis me ideo à Patre missum ad vincendam mortem, & mundi principem. Terriō, vt non dubitetis me summe glorificandū, et si videritis me mori & crucifigi. Quartō, vt credatis & vos consolationem habituros in aduersis. Quemadmodū enim mihi nunc in medio mortis horrore, consolationem mihi sit Pater ex alto, ita consolabimini &

vos in medijs malis. Fidelis enim Deus, qui non patietur vos tentari supra id quod potestis, &c. Generaliter, omnis vox Dei propter nos facta est & venit: Quaecunque enim scripta sunt, ad nostram doctrinam scripta sunt, &c.

Nunc iudicium est mundi.]

Haecenus in generali ostendit tempus suae glorificationis adesse, granumque illud frumenti multum fructum allaturum: Nunc ostendit, quae futura sit eius glorificatio, & qui fructus mortis eius. Non loquitur autem, de iudicio finali, quo damnabuntur mali, praemiantur boni, quasi illud iudicium tunc prope esset, id quod quidam putabant. Vnde & Paulus Thessalonicenses monet, ne cuiusquam verbis aut epistolis credant, quasi iam instet dies Domini, &c. Aliud est iudicium, quo iudicatus est mūdus, & adhuc iudicatur. Obseruatur igitur, quod mundus variē accipitur, & quomocūq; eū acceperis, verum est illud verbum Christi: [Nunc iudicium est mundi.] Primō enim aliquando accipitur mundus, pro spatio illo inter celum & terram, quo creaturae cōprehenduntur. Vt cum dicitur: Mundus per ipsum factus est: Secundum hoc igitur sensus verbi est: [Nunc iudicium est mūdus] quasi diceret: Haecenus Diabolus est celo delectus, atrium illud mundi inuasit, & cum summa pace possedit. Nō enim fuit in vniuerso genere humano, qui illi resisteret, qui saltē in ius vocaret, & de inuasionē eius litē in iudicio proponeret. Nunc autem, ne putetur iustus occurrere, passe atrium illud, iudicium indictū est, & proposita causa quaeritur, cuius esse debeat atrium mundi, latronis an filij? Imō iam propediē feretur sententia pro filio contra latronem & inuasorē, vt omnes videant iustus esse, vt atrium hoc cedat filio Dei, q̄ latroni illi. In hoc iudicio vtrique contenderūt, & Christus & Diabolus, sed Christo victoria cessit. Si autem mūdū accipiamus pro hominibus in communi, siue bonis siue malis (id quod plerumque fit, vt cum dicitur, Totus mundus post eum abiit) verbum hoc hunc habet sensum: [Nunc iudicium est mundi] quasi diceret: Certatim me haecenus secuti sunt quicunq;

nunc autem adest iudicium, itaque appare-
bit, quæ ex animo me secuti sint. Iam enim
imminet passio mea, quæ manifestè dis-
cernet bonos à malis. Sic enim etiā nūc
tentatio probat qui sint electi: nam soli
electi in tentatione persistunt. Item ha-
ctenus boni & mali permixti fuerunt
in terra, nescitū est qui essent grana vel
paleæ. Nunc autē adest iudicium, nunc
fiet discretio, non quidem omnimoda
aut corporalis, qualis futura est in iudi-
cio finali, ubi oves statuētur ad dextrā,
hædi ad sinistram. Sed tamen aliqua fiet
discretio. Adest enim cribrator ille, ha-
bens ventilabrum in manu, verbū scilicet
Euangelij, quo emissio, multi cadent,
qui videbantur stare, & multi resurgēt,
qui ceciderant: multi excēbuntur, qui cē-
videbant: multi illuminabuntur, qui cē-
ci erant. Tale, inquam, adest iudiciū, ta-
lis separatio bonorum à malis fiet per
verbum Euangelij, ut cum duo sint in
vno lecto, vnus tamen assumetur, alius
relinquetur. Separabitur pater à filio, fi-
lius à patre, non corpore, sed fide, &c.
Ita planè factū est, cum primū publi-
cetur verbum Euangelij, credebat in-
terdum pater, filius autē non, vel econ-
uerso. Ita nūc fit vbicunque prædicatur
Euangelium. Hæc enim est iudicialis illa
sententia, qua discernūtur pii ab impijs.
Verè mirabile iudicium & formidabi-
le, quosdam excæcari, quosdā illumina-
ri, quosdam cadere, quosdam resurgere.
Hoc interim præludium est, futuri illi-
us finalis iudicij. Item hactenus nesci-
tum est, qui sint prædestinati, qui non:
multos torset hæc quæstio, Num Iu-
dæi tantū saluandi? Num Gentiles re-
probati? &c. Nunc adest iudicium, tam
per publicationē Euangelij feretur sen-
tentia, eos esse electos & prædestinatos
& saluandos, qui in me credunt, siue sint
Gentiles siue Iudæi, siue mares siue fœ-
minæ: ecōtra eos esse reprobatos, & cer-
to dānandos, qui non credunt, siue sint
Iudæi siue Gentes, sine discretionē. Iam
enim publicabitur illa sententia: Qui cre-
dit, nō iudicatur, qui non credit, iam iu-
dicatus est. Possumus & mundum acci-
pere pro malis tantū, id quod frequen-
ter fit in Euangelijs, ut cum Christus di-
cit: Mundus me odit. Tūc autē verbum
prædictū Christi, hunc habebit sensum:

[Nunc iudicium est mundi,] quasi dic-
ceret: Hactenus mundus omnis pecca-
to obnoxius fuit, nec tamen vidit ma-
lum suum: Et Iudæi & Gentes pecca-
runt, non tamē agnoscunt peccatū suū.
Iam igitur tempus est, ut mundus vi-
deat quā malus sit. Exhibet enim Evan-
gelium meū, ac vbique iudicabit & dam-
nabit mundū, reuelabit ipsi peccata, non
tantū crassa illa & externa, sed etiam
impietatem cordis, ad bonum illorū qui
admoniti resipiscunt, ad maiore autem
damnationem illorum, qui admonitio-
nem contemnent. Atque hoc est, quod
Christus dicit: Spiritus sanctus arguet
mundum de peccato. Et Paulus: Reue-
latur in Euangelio ira Dei super omnem
impietatem hominum. Sic igitur nunc
iudicat Christus & damnat, verbo sci-
licet tantū, iudicaturus olim & dam-
naturus re ipsa. Obserua igitur, quod
verbum Euangelij mundū iudicat, ideo
si argueris, noli mirari, non enim aliud
facit Euangelium: tu cura, ne hanc admo-
nitionem respuas, alioqui in maius tu-
diciū incidēs. Postremò per mundum
possumus etiam intelligere mundi hu-
ius mala & miseras, peccatum scilicet,
maledictum, mortem, afflictionem, In-
fernum, &c. ut sit sensus: Nunc quādo
quidē imminet mihi crux & mors, iam
vincuntur, & condemnabuntur mundi
mala, non ut deinceps omnino nō sint,
sed ut electis qui in me credunt nocere
non possint. Signāter autem dicit, nunc
imminente scilicet morte mea. Omnia
enim quæ iam dicta sunt, inceperunt à
morte Christi, & perfecta sunt in effu-
sione Spiritus sancti, & prædicatione
Apostolorum.

*Nunc princeps huius mundi eijcietur
foras.]*

Princeps mūdi Diabolus est, quē & 2. Co. 4.
Paulus nominat Deū huius sæculi, nō
quod ipse mundum hunc creauerit, aut
quod ipse eius gubernator sit, vel etiam
quod ipse possit dominari cælo & terræ,
sed ideo dicitur princeps & deus mundi,
quia electus ē cælo, mundum hunc, qui
quasi atrium cæli est, tyrānicè occupauit.
Item, quia impijs, quorum maior pars
est in mūdo, pro suo arbitrio principa-
tur, præcipitesq; in quæcūq; scelera de-
trudit.

I. an. 16
Rom. 12

HH ij

trudit. Eijcietur igitur hic princeps mūdi ex atriis quod occupauit, vt vbi prius regnauit Diabolus & impietas, illic de cætero regnet Filius Dei & pietas: Iam enim sentiet fortiorē superuenisse, qui eum vincet. Deinde eijcietur ē cordibus hominū, in quibus potēter regnauit. Iā enim passione mea delebitur peccatum primi parentis. Effusione autē Spiritus sancti, & prædicatione Apostolorū condonabitur peccatum, quo solo Diabolus potens fuit. Præterea nullum hæc nunc verbū prædicatū fuit, quod efficax esset ad expellendū Diabolū. Nā etiam lex Moyfi nō potuit eū expellere: Terruit quidem eū, sed non expulit, imō se roclorē reddidit. Nunc autē exhibet verbū efficax, cui cedere cogetur, quātumcūq; obsistat. Signanter autem dicit: [Nunc eijcietur, quia vt infra dicitur, per crucē Christus deuictus est. Hoc enim hamo extractus est Leviathan. Eiectus quidē fuit etiā olim ē cordibus iustorum, sed quod tunc in paucissimis factum est, nunc in multis magnisque populis, imō in toto mūdo & factum est, & adhuc perfectiūs fiet. Hanc Diaboli eiectionem prædixit Ezechiel, cū sub nomine Pharaonis de Diabolo loqueretur: Extraham, inquit, te o draco magne de medio fluminum tuorū, in quibus habitas, hoc est, de cordibus hominum fluidorum & inconstantium. Sic olim Iesus filius Nun, sub typo Christi eiecit hostes populi Dei, & in eorum terra cōstituit filios Israel. Obserua autē quod Christus nō dicit. Nunc occidetur aut omnino peribit princeps huius mūdi, sed: Eijcietur, vt sciamus Diabolum adhuc viuere, & quamuis intrinsecus nō regnat, tamē forinsecus oppugnare non cessat. Sic enim hostis ille mœnibus vrbis exclusus, non cessat arietibus & machinis quatere muros, quo sibi aditum perfringat ingressumque parat. Hinc Petrus monet, vt sobrii simus & vigilemus, &c. Quamuis meritō deplorandū nobis esset, quod Diabolus à Christo tam potenter exclusus, nostra negligentia tantopere iam denuō irruperit & irrumpat.

Et ego si exaltatus fuero à terra.]

Hoc verbo indicat, quoniam modo

cum Diabolo congressurus sit, videlicet, non in potentia, sed in humilitate & cruce. Crucem vocat exaltationem, non tam hoc nomine, quod crucifixus corporaliter à terra leuatur, quā quod crux sit veræ exaltationis, & glorificationis coram Deo initium. Ideo autem non dixit apertē, se crucifigendum, sed exaltandum, vt eos admoneret serpentis ænei, olim à Moyse in ligno suspensi, scirentque eam figuram nunc veraciter in se implendam, nec aliter sanari posse genus humanum à veneno serpentino, nisi Christus in ligno suspenderetur. Hoc idē suprà dixit: Sicut Moyses exaltauit serpentem, sic exaltari oportet filium hominis, vt omnis qui credit in illum non pereat, &c. Verē mirabilis victoria, crucem & mortem patiēdo vincere, & eijcere principem mundi. Hæc est funda illa, qua olim Dauid prostrauit Gigantem illum, nihil minus timentem quā fundam. Hic est baculus vel virga Moyfi, qua aperuit mare Israelitis, & id ipsum reduxit super Aegyptios.

Omnia traham ad meipsum.]

Putabant Iudæi Christo occiso se victis, imō & Diabolus hoc putabat, sed longē aliter euenit, imō ob id ipsum quod Christum iniuste occidit Diabolus, iuste perijt ipse. Obserua quod suprà dixit: Nemo venit ad me, nisi Pater traxerit. Hic asserit etiam se tracturum, vt ostendat vnam eandemque esse Patris & suam operationem, quæ admodum & vna vtriusq; est natura. Signanter autem dicit: Traham: detenti enim erant à Tyranno, ac per seipsos nequebant accedere aut Tyrannum effugere. Ostendit item hoc verbo, non sine labore se hanc de Diabolo victoriā adepturum. Præterea ostendit, se tanta beneficia ostensurum humano generi, vt vel inuiti & cunctantes per hæc trahi possint. Sed quomodo dicit se tracturum omnia, cū non omnium sit fides? Responsio: Verbum hoc non refertur ad vniuersitatem hominū, sed ad integritatem hominis. Vnde non dixit: Traham omnes, sed Omnia, scilicet animā & corpus. Vtrunque enim ad se trahit, vt saluet vtrunque. Quod si per verbū illud (Omnia)

(Omnia) homines intelligēdi sunt, omnia prædestinata ad salutem dicere possumus. Aut certē omnium hominū genera, ut idem sit. Trahere omnia, quod, ex omnibus generibus aliquos, siue Iudæi sint siue Gentes, siue mares siue feminae, &c. Non enim est personarum distinctio apud Deum. Aut denique omnes homines, quantum in se est, trahit quia omnes vocat, & omnibus salutē offert. Nā vult omnes homines saluos facere: Et ipse propitiatio nostra est, nō solum pro peccatis nostris, sed & pro totius mundi. Quod autē non omnes saluantur, eorū efficitur culpa, qui renituntur trahendi, neque eius tractum sequuntur. Facibus enim peccatorū se deprimunt, ponereque malorum pressi, Domino ad salutem vocanti contrahuntur, ponentes obstaculum, ne salui fiant. Demum potest tractus hic non solum de gratia, qua electi trahuntur, sed etiam de potestate, qua reprobi quoque velint nolint coguntur Christo subesse. Omnes enim siue boni siue mali, ab ipso secundum merita sua iudicandi sunt, & omne genus in nomine ipsius curuandum, siue celestium, siue terrestriū, siue etiam infernorum. Stat enim sententia, Quod omnes inimici eius in scabellū pedum eius ponēdi sunt, & ipse quoque Diabolus non nisi à filio hominis, qui in cruce exaltatus est, vidētibz cunctis præcipitandus est. Frustrā igitur cōgemuerunt Pharisei, dicentes: Videtis, quia nihil proficimus. Totus mundus post eum abiit, quasi postquam ipsum occiderint, nemo post ipsum abiturus sit. Stat enim sententia: Cū exaltatus fuero à terra, omnia traham. Hinc igitur discamus virtutem crucis Christi, quæ in hoc diernum vsq; diem peccatores trahit ad se. Quis enim non fiducialiter accurrat, qui viderit filium Dei ob id in cruce exaltatum, ut peccatoribus consuleret?

Nos audiuimus ex lege, quod Christus manet.]

Iudæorum hactenus mos fuit, semper importunis quæstionibus sermonē Christi interrumpere, id quod & nunc faciunt, cū interim Gentiles illi taciti asteter, parati vterius audire. Cæterū sicut paries antiquus nunquā tam bene linitur, quin alicunde promineat vetus deformitas: sic illi, quāuis hac quæstione bonā speciem prætendant, tamen interim pluribus notis prodūt Iudaicum suum atque impiū animum. Primò in eo, quod tam citò aduerterunt Christum de sua morte locutum, cū tamen dictio esset ambigua: adeò, ut Ioānes interpretationem eius addiderit: Hoc, inquit, dixit, significans, qua morte esset moriturus. Apparet igitur eos cū Phariseis cōspirasse in mortem Christi. Nō igitur mirum eos in verbis Christi intellexisse, quod insidiātes in abscondito conscientiae cubili cogitabāt facere. Secūdo Iudaicum animū produnt in eo, quod in verbis Christi solum aduerterūt ipsum crucifigendum, non autē quod per hoc tracturus esset omnia ad se, quod si attendissent, vidissent utique aliam esse rationem mortis Christi, quā aliorum: siquidem nemo aliorum post mortem quicquam ad se trahit. Vidissent (inquam) mortem Christi non esse eius extinctionem, sed glorificationem. Tertio etiam in hoc vel maximè Iudaicum produnt animum, quod scripturas truncatim citant: Audiuimus, inquit ex lege, &c. Lex hic sumitur pro toto veteri Testamento, sicut & supra: Nonne in lege vestra scriptum est: Ego dixi, dii estis? Verum autem dicunt, quod lex testetur Christum semper mansurum. Sic enim Daniel ait: Potestas eius potestas æterna, & regnum quod non corrumpetur. Et Esaias: Super solium Dauid, & super regnum eius sedebit, ut confirmet illud a modo & vsque in sempiternum. Et Dauid: Thronus eius sicut dies cæli. Et iterū: Permanebit cum sole & ante lunam, &c. Et iterum: Tu es sacerdos in æternum, &c. Iuxta hoc tamen scriptura nō obscure indicat Christum etiam moriturum. Idem enim Daniel, qui dixit: Potestas eius potestas æterna, postea dixit: Post hebdomadas sexaginta duas occidetur Christus, &c. Et Esaias apertissimè passionē & mortem Christi describit: Tanquā (inquit) ouis ad occisionem ducetur, &c. Et Dauid nēdum in plerisque Psalmis, ut est Psalmus vicesimus primus, & sexagesimus octauus, &c. Passionē Christi descripsit, sed etiā in eo ipso Psalmo, quo dicit:

HH ij Tu

Ioan. 10

Dan. 7

Esai. 9

Psal. 88.

Psal. 71.

Psal. 109

Dan. 9

Esai. 53.

Psa. 109 Tu es sacerdos in æternum, statim subdit: De torrente in viâ bibit, propterea exaltabit caput, &c. Hoc autem hi insidiatores noluerunt attendere, id quod verè Iudaicum est, scripturas truncatim citare, & tantùm ea attendere, quæ pro nobis valent, quæ autem cōtraria sunt transilire, quemadmodum & nunc plebique faciunt. Nihil autem rectè colliges aut concludes, si scripturam tantùm in vno aut altero loco attendas. Sic hi Iudæi ex eo, quod lex dicit, Christum semper mansurū, malè colligunt contra Dominum nostrum, quòd ideo nō possit esset Christus, si occidendus sit. Dupliciter enim simul stare possunt mors Christi & eius æternitas. Primò, quoniam mors conuenit ei ratione naturæ humanæ, æternitas autem ex parte diuinæ naturæ. Secūdò, quoniam licet secundū assumptam humanitatē occisus sit, & homo ad tēpus esse desierit, tamē post triduum clarificatus est in carne assumpta, & secundum humanitatem ad vitam immortalem suscitatus, sicque etiam secundum naturam humanā in æternum manet, quemadmodum Paulus ait: Christus, inquit, eoquòd maneat in æternum, sempiternum habet sacerdotium, semper viuens ad interpellandum pro nobis. Hoc autem Iudæos decepit, quòd putabant Christum in hoc mundo regnaturum, regnumque eius mundanum & externum futurum, cum tamen scriptura vbique doceat regnum Christi esse administrationem in æternum. Vnde David: Orietur in diebus eius iustitia & pax, &c. Hic est lapis, in quem impeerunt, ideo audientes Dominum nostrum esse moriturum, statim colligunt eum non esse Christum. Sic impij vidētes pios hic affligi & mori, statim colligūt aut promissiones Dei fallere, quibus pios omnia bona promittuntur, aut ipsos non esse Deo gratos, qui mala patiuntur. Verè autem pī sciunt, quòd simul stare possunt, vt aliquis affligatur, qui tamen Deo gratus sit. Item, quòd promissiones Dei veræ sint, etiamsi in hoc mundo nō implentur. Summa, sicut Christus etsi moriatur, tamen regnat in æternum: sic pī etsi moriantur, tamen viuunt.

Quis est iste Filius hominis?

Christus se Filium hominis vocat extenuatione quadam, interim & per contentionem, Adam enim primus homo est, Christus filius Adam, secundus est, vt quod per hominem perierat, rursus per filium hominis restauraretur. Hi autē importuni interrogatores, quasi probri loco ipsi hoc obijciunt, non semel, sed bis, cum Christus non dixerit, filium hominis exaltandum, sed se.

Adhuc modicum lumen in vobis est.]

Poterat respondere, se non esse hominem tantum, sed etiam Deum, & iuxta corpus quidem se moriturum, sed mox resurrecturum, nec hanc mortem obstare regni sui perennitati, quòd non esset mundanū, sed spirituale. Verū illi nec digni, nec capaces erāt horum mysteriorum, nec tempestiuum erat illa prodere: tantum igitur eos monet. Dupliciter autem intelligitur verbum hoc, secundum quòd dictio illa (Modicum) vult nomen, vel aduerbium. Si nomen est, sensus est. Adhuc paruū lumē in vobis est. Verè enim paruū lumē est, Christū tantum hominem aut tantū Deum credere. Vtrūque enim credendū de eo & confitendū. Sic paruū lumen habet, qui regnum Christi & promissiones scripturæ carnaliter intelligit. Paruū item lumen habet, qui putat mortem priorū esse se ipsorum extinctionem. Item, qui putat afflictiones semper esse signa iræ Dei. Per hoc igitur, quòd ostēdit eos paruū lumē habere, monet eos, vt scripturas diligentius scrutentur, quæ lōgè aliter de his rebus loquūtur. Si autē dictio illa (Modicum) sit aduerbium, quemadmodum Græci legunt, sensus est. Dixi nūc me in gloriam Patris ingressurum per mortem. Quicquid autem de cruce vobis dico, risus vobis & contemptus est, proinde prædicabitur vobis adhuc breui tempore Euangelium, & Christus, qui vera lux est, nō diu vobiscum habebitis. Erit tempus, cum & Christus & Euangelium vobis auferentur, & vos conijciamini in extremas tenebras & excæcationes. Igitur hoc verbo quasi præmonet, & prædicat eis futura mala. Congruè autem se & Euangelium suum vocat lumen, tum quia vera lux est, sine qua nemo videbit Deū, nec

nec perueniet ad Deum: tum ut eis vel externo exemplo ostendar, se per mortem suam non perditum iri, quemadmodum sol ille mundanus occidit quidem sed non exstinguitur, imò paulò post rursum oritur:

Ambulate dum lucem habetis, &c.]

Me nunc habetis ore ad vos loquentem, miraculis excitantem, non autem diu me sic habebitis. Suaderem, ut nunc cum tempus habetis, messiem salutis vestrae non negligeretis. Nam qui messiem negligit, in hyeme esuriet: qui autem colligit in aestate, sapiens est. Monemur hoc verbo, quanta commoda habeamus in hac vita. Primò Christum ipsum spiritaliter praesentem & vocantem, imò expectantem: & scripturam, quae tamquam lucerna lucet in loco caliginoso. Nihil horum post mortem habebimus, veniet nox, in qua nemo potest operari. Hinc est, quòd scriptura ubique nos admonet, ne hoc tempore cessemus: Quærite, inquit, Dominum, dum inueniri potest, &c. Et alius: Date gloriam Deo, antequam tenebrescat, &c. Et Paulus: Dum tempus habemus, operemur bonum. Et iterum: Noli negligere gratiam, quæ data est tibi, &c.

Qui ambulat in tenebris, nescit quo vadat.]

Verissima sententia. Qui cognitio nem Christi & Euangelij non habet, verè in tenebris est, & nescit quo vadat, an procedat vel retrocedat, id quod videmus in Iudæis impletum. Item, qui cæcos affectus animi sui sequitur, in tenebris ambulat, nec scit quo vadat, dumque credit se pie recteque agere, impingit in mortem. Item, qui in tenebris peccatorum ambulat, nescit quo vadat. Neque enim actus suos intelligit, nec eos in finem debitum dirigit: Imò nescit se recta currere in Infernum & iudicium Dei, quod si videret, cessaret à peccatis, &c.

Dum lucem habetis, credite in lucem.]

Ipsa quidem lux in se non peribit, sed vobiscum non semper erit, quemadmodum & lux solis. Igitur credite, dum eam habetis. Duo facienda sunt praesente luce, ambulare scilicet & credere, nec enim fides sine operibus, nec opera sine fide placent. Ambulando autem & cre-

dendo in lucem, efficimur filij lucis, hoc est, Christi vel gratiae, vel diuinæ sapientiae. Felices qui lucem ita praesentem habent, ut filij lucis sint: hi nihil in se tenebrosum habent, sed in media morte, afflictione, desperatione vident effugium.

Abijt & abscondit se ab eis.]

Non amplius id temporis locutus est illis, ne furorem illorum, quem sciebat ad omne facinus esse promptissimum, magis irritaret: sed abiit, quasi absentia sua mitigaturus illorum insaniam. Docet nos, ut cedamus ad tempus, quando res nobis est cum obstinatis, nec vlla spes est proficiendi, ne non solum nihil fructus referamus, verum etiam alios reddamus sceleratiores. Obserua, quam triste finem habuerit ea dies, quæ tam lætum habuit exordium. Qui enim prius ei occurrebant cum palmis & laudibus, ab his nunc se abscondit. Quid autem lætum esse potest, ubi Deus & verbis & factis se ostendit iratum? Auertisti, inquit, faciem tuam à me, & factus sum conturbatus. E contra autem: Ostende nobis faciem tuam & salui erimus. Atqui non sine causa irascitur Deus, nec sine causa Christus discedit, qui dicit: Delitiae meae esse cum filiis hominum. Hic igitur videmus, quòd Christus non tantum vult honorifice suscipi, sed & honorifice tractari. Et sicut fide suscipitur, sic fide & pietate retinetur. Quapropter terrere nos debet, non tantum hoc exemplum Iudæorum, sed etiam quod à plerisque etiam nunc recessisse videmus Christum, ubi cum magno gaudio susceptus fuit praedicantibus Apostolis. Quot enim Gentes, vrbes, regiones, Christum perdiderunt, & in pristinam cæcitatem reciderunt? Igitur summo studio pietatem sectemur, & impia opera vitemus, ne & nostra dies, quam hactenus lætam habuimus, tam triste sortiat exitum.

Cum autem tanta fecisset, non crediderunt, &c.]

Ab hoc loco vsque ad finem capituli Ioannes quasi concludit narrationem eorum, quæ hactenus ostendit Christum & fecisse & docuisse in populo Iudæorum. Deinceps enim ea tantum narrabit, quæ Christus ante suum discessum inter dilectos discipulos egit & docuit.

HH liij Pri

Primò igitur quasi pertæsus toties re-
petere Iudæorū ingratitude & infir-
mitatem, vno verbo, & quidem admo-
dum terribili, eandem depingit pōst ad
alia transiturus. Cum (inquit) tanta fe-
cisset inter eos signa, suæ diuinitatis
manifestissima testimonia, tanta opera,
quæ loquebantur ipsum à Patre mis-
sum, tanta denique miracula, quæ excla-
mabant ipsum esse Messiam in lege pro-
missum, tamen non credebant. Cum ad-
miratione autem hæc dixit. Quis enim
Su. c. 11. non miretur tãtam cæcitatem? Nec ob-
stat, quod suprà dictum est, multos in
resuscitatione Lazari credidisse: adeò, vt
Cap. 12. propter hoc etiam Lazarū vellent Pha-
risæi occidere. Vel enim hic loquitur
de Pharisæis tantum & Pontificibus Iu-
dæorum, qui adeò non crediderunt in
Christum, vt eum interficere destinaues-
runt. Vel si de populo loquitur, intelli-
gendum est, quòd non rectè, nec perseue-
ranter, nec propter verbum, sed tantum
propter miracula crediderunt ad tēpus,
quamdiu scilicet miracula noua erant.
Ican. 4. Sic suprà dixit: Nisi signa & prodigia vi-
deritis, non creditis. Atqui fides ex mi-
raculis, non ex verbo concepta, non est
vera & constans fides. Verè igitur dicun-
tur non credidisse, qui non perseueratè
crediderunt. Hoc igitur verbo ostendit,
eos per omnia imitatores fuisse patrum
suorum, quibus identidem in scriptura
obiicitur incredulitas & durities cordis,
adeò vt Dauid fideliter moneat eos, ne
Psal. 94 imitentur peccata patrum: Hodie (in-
quit) si vocem eius audieritis, nolite ob-
durare corda vestra, &c. Imò, si attentius
consideres, videbis eos nedum æquasse
peccata patrum, sed in pluribus super-
rasse: adeò, vt sicut Moyses fuit typus
Christi, ita populus Moyse commissus
typus fuit eorum, qui Christo præsentì
contradixerunt, id quod palam fiet, si at-
tendas, quid Moyses suo populo fecerit,
& quid ab illo passus sit. Similia enim
videbis Christum Iudæis fecisse, & ab
eis passum esse. Moyses fecit magnalia
in Aegypto, terribilia in mari, mirabilia
in deserto, nec tamen sic eos ad fidem
constantem ducere potuit. Idem contig-
it Christo. Moyses legem dedit & do-
cuit, illi autem multoties & legem trans-
gressi sunt, & legislatorem contempse-
runt. Idem Christo contigit, & etiam
nunc contingit. Moyses tanto affectu di-
ligebat populum, vt non cessaret pro
ipsis orare, quamuis sæpè ei iniurias in-
ferrent. Idem fecit Christus. Summa,
Moyses non tantum incredulitatem eorū
in officio suo expertus est, sed etiam
præsciuit: Non, inquit, credet mihi. Sic
Christus quamuis incredulitatem eorū
præsciuerit, tamen ad eos venit, vt excu-
sationem non haberent.

Vt sermo impleretur Esaiæ.]

Dictio (Vt) hoc loco nō causalis est,
sed euentus indicatiua. Non enim quia
prædixit Esaias, ideo necesse fuit eos nō
credere, sed quia non erant credituri,
propterea prædixit hoc Esaias. Innocēs
enim & sancta Dei præscientia, nullam
malis hominibus importat necessitatē,
sicut nec visus meus ei, quem am-
bulare video, vllam ambulandi necessi-
tatem irrogat. Ideo autem Euangelista
Prophetæ dictum adducit, quo prædi-
ctum fuit, Iudæos non credituros, ne
Gentiles videntes Christum ab his non
recipi, à quibus expectatus erat, etiam
ipsi minùs aliquid de ipso sentirent. Cæ-
terum, quāquam in plerisque scripturæ
locis hæc Iudæorum incredulitas præ-
dicta sit. (Nam & Daniel dicit: Non erit
eius populus, qui eum negaturus est. Et
Dauid: Obscurentur oculi eorum, vt
ipsis in laqueum, &c. Et Esaias: Tota die
expandi manus meas ad populum non
credentem, &c.) Ioannes tamen vnum
tantum dictum Prophetæ adducit.

Domine, quis credidit auditui nostro?]

Pulchrè autem huic loco conuenit
Prophetia hæc. Quemadmodum enim
Ioannes hoc loco ostendere voluit, & Gen-
tiles illuminandos, & Iudæos excæcan-
dos: sic & Esaias vtriusque meminit in
eo loco, vnde hæc authoritas desumpta
est. Primò enim manifestè illic dicit de
illuminatione Gentium: Super ipsum,
inquit, continebunt reges os suum, quia
quibus non est annuntiatum de eo, vlti-
debunt, &c. Deinde statim subdit de ex-
cæcatione Iudæorum: [Domine, quis
credidit auditui nostro? &c.] Vide au-
tem emphasim verborum. Primò, non
ad homines vertit orationem, sed ad
Deum

Deum. Sic enim solent Prophetæ, quum vident se frustra hominibus loqui, ad Deum vel ad alias creaturas conuertere sermonem. Sic Moyses: Audite cæli quæ loquar, & audiat terra verba oris mei, &c. Sic & Esaias in principio libri sui, &c. Deinde non affirmatiue loquitur, sed interrogatiue & quasi dubitabundus, num quisquam futurus sit, qui crediturus sit, propter insignem paucitatem. Sic Psal. 18. enim scriptura videtur particula (Quis) ut quum dicit: Delicta quis intelligit? Item, Quis est hic, & laudabimus eum? Præterea tam certus est de futura Iudæorum incredulitate, ut eam non verbo futuri temporis, sed præteriti explicauerit. Habet & hoc emphasim, quod non dicit, Quis credidit sermoni nostro, sed: [Quis credidit auditui nostro?] Quo verbo indicat Prophetas & Apostolos non sermonem proprium & apud se natum effudisse, sed auditum verbi Dei, hoc est, nihil aliud quam quod à Deo audierant. Signanter etiam dicit, Auditui nostro, non meo, ut ostendat vnam esse prædicationem & Prophetarum sui temporis, & Apostolorum futuri temporis. Item, ut ostendat & Apostolis & Prophetis hoc accidisse, ut pauci ipsis credant.

Et brachium Domini, cui reuelatum est?

Brachium Domini, filius Dei est. Si cut enim homines potissimam operandi vim brachijs exercent, sic Deus cuncta & fecit, & Diabolum debellauit in filio & verbo suo: Omnia, inquit, per ipsum facta sunt. Hinc & Virgo beata: Fecit potentiam in brachio suo. Et David: Salua uir sibi dextera eius, & brachium sanctum eius. Vel brachium Domini, est potentia Euangelij, quod est virtus Dei, ad salutem omni credenti. Vult igitur Propheta, quod utrunque, videlicet tam virtus Christi, quam potentia verbi Dei, à paucis cognoscatur. Videbat enim Propheta Euangelium esse verbum crucis, nudum ab omni humano auxilio, prudentia, ratione, & ob id à multis contemnendum. Videbat item Christum Euangelij authorem esse contemptum, abiectum, & à sapientissimis mortis adiudicatum. Atqui hæc duo plerisque detertere possent à susceptione Christi & Euangelij: proinde Propheta admiranda exclamatione

præmunuit omnes homines, ne propter crucis offendicula à fide deterreantur, neque propter credentium paucitatem recedant, ac Euangelium mædacijs insimulent. Ob easdem causas Ioannes hoc dictum Prophetæ hic citat, ut non diffidamus, si plures deficient à fide, pauci autem credant: cum videamus id non nouum esse, sed iam inde ab initio sic fuisse, & sic futurum esse usque in finem mundi. Hinc Esaias: Si fuerit numerus filiorum Israel sicut arena maris, reliquæ saluæ fient. Et David clamat: Saluum me fac Domine, quoniam defecit sanctus, &c. Imò nusquam non prædicta est credentium paucitas. Vnde & Christus: Multi sunt vocati, pauci verò electi. Et iterum: Nolite timere pusillus grex. Et iterum: Angusta est porta, & arcta est via, quæ ducit ad vitam, & pauci incedunt per eam. Et iterum: Beatus qui non fuerit scandalizatus in me. Et Paulus: Non omnium est fides. Hæc autem insignis verè credentium paucitas, toties prædicta terrere debet eos, qui nomine tantum Christiani sunt: pios autem excitare, ut ardentius insistant pietati, & contendant intrare per angustam portam, sicque currant, ut comprehendant. De hac credentium paucitate etiam alto loco dicit David: Dominus de coelo prospexit, ut videat si est intelligens & requirens Deum: Omnes declinauerunt, &c. Non est usque ad vnum, id est, tantum vnus. Quatuor siquidem sunt genera hominum, quorum tantum vnum facit bona. Aliqui enim nec intelligunt, nec requirunt Deum: & hi mortui sunt. Aliqui intelligunt, sed non requirunt: & hi sunt impij. Aliqui requirunt, & non intelligunt: & hi sunt stulti. Aliqui intelligunt, & requirunt: & hi soli faciunt quod bonum est.

Propterea non poterant credere.]

Ne quem offendat verbum hoc, attendendum est, quod respexit Ioannes cum hoc diceret. Respexit autem, ut ex sequentibus patet, ad Esaiæ caput sextum. Illic autem legimus Deum in conspectu angelorum iudicialiter cõsedisse, ac sententiam in Iudæos protulisse, quam Prophetæ enuntiandam commisit: Vade (inquit) dic ad populum istum: Aure audietis, & non intelligetis, &c.

&c. Huc respiciens Ioannes, dixit: Non poterant credere, Inimicum significans eandem sententiam Dei tam in Iudæos peruenisse, quasi diceret: Video quod Deus non frustra comminetur impijs, differt quidem executionem, sed tamen suo tempore punit. Sic olim comminatus est populo huic excæcatione: Ipsi autē nihil propter hoc territi, semper peccata peccatis addiderunt. (Sic enim filij hominum, quia non citò in eos profertur sententia, implentur omni malitia.) At nunc planè video, eandem sententiam in hunc populum cecidisse: alioqui, quomodo tam obstinati fuissent? Itaque actum erat de ipsorum salute. Dati erāt in reprobum sensum: quia enim hætenus credere noluerūt iustè nunc puniuntur cecitate, ut credere nō possint: hanc enim pœnam etiā Christus eis subindicare voluit, quum malediceret sicum: Nemo ex te comedat fructum vsque in sempiternum. Cæterum, dictio hæc. [Non poterant credere] non significat omnimodam impossibilitatem ad credendum, sed vel contrariam voluntatē, vel difficultatem. Plerunque enim non tam in scriptura sacra, quàm in communi vsu loquendi. Non posse, idem est, quod Non velle. Sicut quum dico, Non possum quiescere, Non possum à comperationibus abstinere: Possem quidem si vellem. Ad eundem sensum dicit Christus: Non potest mundus odisse vos, hoc est, non vult: Posset enim si vellet. Sic quum Paulus de Deo dicit: Non potest seipsum negare, magis est laus diuinæ voluntatis, quàm ostensio impossibilitatis. Aliquando autem, Non posse, idem est, quod difficulter posse, sicut quum dicimus, Non possum ieiunare, Non possum huic remittere offensam, Non possum obliuisci iniuriæ. In hunc modum Hieremias dicit: Sicut Aethiops non potest mutare pellem, sic nec vos poteritis benefacere, quum didiceritis malè. Vbi non impossibilitatem intelligit, sed difficultatem. In hunc modum etiam hic intelligendum est: [Non poterant credere,] hoc est, nolebant. Non poterant credere, quia nolebant cupiditates suas abijcere. Vel non poterant credere, hoc est difficulter seipsos, suamque prudentiam vincere & abnegare poterant,

sicque se Christo tradere. Vides igitur nullam nobis relictam excusationem: non enim possumus causare impossibilitatē. Plura siquidem possemus si vellemus, quod si aliquam difficultatem habent, est unde quæramus gratiā qua possimus.

Excæcavit oculos eorum, & induravit cor.]

Hic locus ex Esaia desumptus, admodum frequens est in Evangelistis. Citatur enim Matthæi decimotertio, Marci quarto, Lucæ octauo, Romanorum vni decimo, Actuum vigesimooctauo. Quia autem plenius hunc ipsum locum tractavi in Matthæo, & Actis. Itemque in epistola ad Romanos, ideo paucis cum hic absoluiam. Sic & de prædestinatione nonnihil dictum est in epistola ad Romanos, quantum dici potest & scire de hac re conuenit, ideo nec hic pluribus immorabor. Vnum hoc admoneo, ne quis huiusmodi iudicia Dei scrutari velit, aut temere de ipsis loqui: quin potius qui sapit, digitum ponat super os, & det gloriam Deo. Scimus quod Deus omnia sapientissimè & facit & administrat. Sic enim dicit scriptura: Omnia in sapientia fecisti. Et iterum: Iustus quum sis, omnia iustè disponis. Scimus item, eum iustissimum esse in iudicijs suis. Id enim scriptura vbique clamat. Hoc igitur nobis sufficiat, etiamsi non videamus, quomodo singula Dei opera iusta & sapientia sint. Qui igitur credit Deum omnia sapienter & iustè facere, nihil mouebitur argumentis cæcæ rationis, sed simpliciter Deo gloriam dabit. Qui autem hæc non credit, huic nemo satisfaciet: semper enim ex vna quæstione oriatur alia. Omissis igitur his, quæ peruestigare nō possumus, occupemus nos cum his rebus, quæ vtilis esse possunt. Attendamus quid à nobis exigit Deus, & studeamus pletati, prædestinationem Deo committamus. Imò si te cruciat prædestinatio, emunda te ipsum ab impijs operibus, & eris vas in honorem. Cæterum, quod Evangelistæ toties inculcant hanc Iudæorum excæcationem, ad terrorem nobis fecerunt, id quod ex Paulo liquet, qui dicit: Vide seueritatē Dei in eos, qui ceciderunt, &c. Igitur noli altum

altum sapere, sed time, &c. Deinde etiam ideo toties inculcatur Iudæorum excæcatio, ut vel in ipsis discamus, quomodo Deus dicatur excæcare, & ob quas causas. Excæcavit autem Iudæos, non oculos aut rationem eis auferendo, vel lapidem pro corde inferendo, sed tantum subtrahendo gratiam. Non enim Deus infundit malitiam aut efficit indurationem, sed tantum non adiuuat & deserit. Deo autem deserente & non adiuuante, etiam si oculos & rationem habeas, tamen cæcus es. Sic & Deo, qui ipsa charitas est, non præsentem, cor ipsum frigidum est & induratur. In hunc igitur modum Deus dicitur excæcare atque indurare. Quare autem aliquos deserat, & non adiuuet, etiam discere possumus ex Iudæis. Ipsi enim oblatam gratiam respuerunt: sic enim Christus eis dixit: Quoties volui congregare filios tuos, & noluisti? Deinde peruerso animo Deo resistunt, ac veritatem manifestam blasphemarunt, quod est peccatum in Spiritum sanctum, & irremissibile. Merito igitur a Deo deserti sunt, nec quicquam habent, quod Deum incusent, quemadmodum enim nemo culpæ potest medicum, qui ægrotum sanari nolentem deserit: nec parentem, si incorrigibilem filium domo expellat, sic nemo iuste potest Deum culpæ. Superbia igitur & cōtemptus Dei, causæ sunt excæcationis. Hinc Christus: Abscōdisti, inquit, hæc a sapientibus, &c. superbiam scilicet indicans causam esse. Et David: Tu terribilis es, & quis resistet tibi? Itaque subdit: Ex tunc ira tua, hoc est, tibi resistere, prouocat iram tuam. Quod si quis ultra hæc Deo obganniat, audiet à Paulo: Quis tu es, qui respondeas Deo? Quid cauēris te à Deo desertum? Quid tibi debet? Pœnam. Gratias igitur age, quod cum tam impius sis, tantummodo tibi gratiam deneget, cum insuper iuste posset punire. Cæterum, quod dicit eos & excæcatos & induratos, indicat consummatam abiectiōem: Excæcati sunt in intellectu, indurati in affectu. Omnis eis via ad salutem præclusa est, sed suo ipsorum vitio, ut dictum est. Merito autem oculos perdiderunt, quibus cum possent uti, noluerunt, imò quibus contra Dominum visi sunt. Oculum qui

subsannat patrem suum, eruant eum corui de torrente, ait Sapienter. Merito & ipsum cor perdiderunt, quod Domino pulsanti nunquam aperire voluerunt. Obserua etiam hic duplicem excæcationem. Eorum siquidem, qui conuersti & sanari non merentur, aliqui nec vidēt scripturarum sensum, aliqui autem vident quidem, sed sequi nolunt. Et in illis quidem excæcantur oculi, in his autem induratur cor. Addit in fine: Et sanem eos. Ostendit se esse qui sanat, sed quia præmisit (Conuertentur) ostendit, nullos sanari, nisi conuersos.

Hoc dixit Esaias, quando vidit gloriam eius.]

Dupliciter intelligitur. Primò, quando vidit gloriam eius, tunc scilicet, cum vidit Dominum sedentem super solium excelsum & eleuatū, &c. Secundò, quando vidit gloriam eius, hoc est, Christū, qui est gloria Patris. Nam Deus nunquam magis est glorificatus, quam per Christum. Per illum factus est celebris, ut iam omnes videant eum misericordē, piū, veracem, &c. Imò Christus tanta Dei gloria est, ut præ ea gloria vultus Moysei obscuratus sit, & Iudæi excæcati. Solet enim illustrior splendor oculos infirmos & cæcutientes obscurare.

Veruntamen ex principibus multi crediderunt.]

Mitigat quod iam dixerat de excæcatione Iudæorum, ne quis putet totam gentem abiectam. Idem facit Paulus: Nunquid, inquit, Deus repulit plebem suam? Absit. Nam & ego Iudæus sum, &c. Ideo autem dicit etiam ex principibus aliquos credidisse, tum ut ostenderet falsum esse, quod supra Pharisei obiecerunt turbæ: Nunquid ex principibus quisquam credidit? Tum ut ostenderet, etiam diuites & potentes posse saluari, si velint. Ex omni enim sexu, statu, gente, conditione, ætate, aliquos saluauit, ne quisquam desperet.

Sed propter Phariseos nō confitebatur.]

Ostenditur imperfectio fidei in eo, quod non cōfitentur. Ad perfectā enim fidem exigitur, ut & corde credamus, & ore confiteamur. Ostenditur etiam hic infirmitas fidei ipsorum ex eo, quod timeant Phariseos: Quis tu, ut timeas ab homine mortali? &c. & oblitus es Domini

Pro. 30.

Esai. 6.

2. Cor. 3.

Rom. 9.

Ioan. 7.

Rom. 10.

Esai. 50.

Domini Dei? Sed cur timent Pharisæos?

Ut de Synagoga non eijcerentur.]

Qui dignitate præeminēt apud mundum, non ferunt ignominiam. Ignominia etiam mundi multos impedit à bono. Cæterum, quamvis adhuc imperfecta esset eorum fides, tamen aliquo modo excusantur. Primum enim nondum datus erat Spiritus sanctus, quia Iesus nondumerat glorificatus. Deinde non peccabant ex liuore & avaritia, sed tantum ex timore: timor autem & imbecillitas, faciliè veniam impetrant in hominibus natura imbecillibus. Cæterum, qui sic excæcati fuerant prauis cupiditatibus, ut scelerata cōscientia Christo reclamarent, populum auerterēt, denique mortem machinarētur, hos perire necesse fuit, quia seruari noluerunt.

Dilexerunt enim gloriam hominum magis, &c.]

Ioan. 5. Sic supra dixit. Quomodo potestis credere, qui gloriam abinuitem quæritis? &c. Vides autem hic causam, quare pauci ex principibus, potentibus, sapientibus, Euangelium sincere consiteantur. Quia nimirum Euangelium secum fert crucem, & bonorum terrenorum abnegationē. Iam cum principibus graue sit abnegare pompā & tyrannidē, diuitibus graue sit abnegare diuitias, sapientibus graue sit abnegare rationem: sit, ut pauci ex his credant. Porro gloria hominum, est nomen bonum, æstimatio præclara. Non autem culpantur hi, quod gloriam hominum habuerunt: nam etiam Christiani debent habere bonum nomen coram mundo: Sic, inquit, luceat lux vestra, &c. sed ideo culpantur, quod plus dilexerunt gloriam mundi, quam Dei. Quod si aut humana gloria & Christi gloria, quæ est crux, ita in ancipiti discrimine proponantur, ut altera sit eligenda, altera repudianda, plus est eligenda pro gloria Christi, hoc est, crux & ignominia, quam vana gloria mundi. Sic *Hebr. 12.* Moyses maiores diuitias arbitratus est probum Christi, quam omnes Aegyptiorum thesauros.

Iesus autem clamauit.]

Hæc est vltima Christi cōclo coram

Iudæis. Deinceps enim ea tantum describit Ioannes, quæ Christus inter suos & fecit & docuit. Habet autem hæc concio pauca quidem verba, verum insignes & graues sententias. Imò, si rectè attendas, est quasi summaria complectio omnium quæ Christus prius docuit. Primo enim seipsum manifestat, qui sit. Deinde ostendit, quantum fructus sibi conciliet credentes. Postremo, quātam perniciem sibi asciscant in incredulitate permanentes. Atque hæc sunt, quæ Christus vbi que docet. Vide autem Christi bonitatem. Paulò ante se absconderat ab eis, quasi pertæsus eorum malitiam, imò aperte comminans eis futura mala: nunc denuò prodit, & quod maius est, iterum docere & admonere incipit, quasi diceret: Merebatur quidem incredulitas vestra, ut nunquam redirem, sed vicit misericordia mea. Optarem, ut præsentem gratiam & futuram pœnam præuideretis, inuitus punio. Mallem bona conferre, quam poenas inferre, &c. Eodem modo & Deus nobiscum agit. Atque hoc est, quod Dauid dicit: Quomodo misereretur pater filiorum, misertus est Dominus timētibz se, &c. Præterea, quod Christus iterum redit ad eos, à quibus se prius absconderat, significat, quod suo tempore rediturus sit ad populum Iudaicum, quemadmodum Paulus ait: Excæcatio contigit in Israel, &c. Cum autem intrauerit plenitudo Gentium, tunc omnis Israel saluus fiet. Clamor autem Christi in hac vltima concione indicat mysteriorum magnitudinem. Deinde indicat, quanto affectu eorum salutem quæsierit. In scriptura enim plerumque nomine clamoris intelligitur vehementia affectus, ut cum Dauid dicit: De profundis clamaui ad te Domine, &c. Præterea clamor hic fortitudinem & constantiam eius indicat, ut qui nedum inter aduersarios publicè versaretur, sed insuper clamaret, ac potissimum ea, propter quæ ipsi maxime eum oderāt, cum tamen sciret eos in mortem suam conspirasse. Demum etiam ideo clamauit, ut omnes eum audirent, ne quisquam se excusare posset. Sicut igitur suos usque in finem dilexit, ut infra dicitur, sic ad obstinatos in finem usque clamauit. Tā fortiter autem hac vltima concione clamauit,

mauit, vt exinderaucae factae sint fauces eius. Ab eo enim tempore non amplius eis praedicauit.

Qui credit in me, non credit in me, sed in eum, &c.]

Dupliciter exponitur. Primò, qui credit in me, nō credit in hoīem tātū, sed in Deū. Nā & homo & Deus sum. Secūdo, qui credit in me nō credit in me solum, sed & in eū q misit me. Ego enim & Pater vnum sumus. Sic & suprà dixit: Doctrina mea non est mea, sed eius, qui misit me. Hoc autem verbo duo quaedam impedimenta remouet, quibus impediebatur populus, ne crederet in Christum. Primò enim sciebant in solum Deum credendum esse, hoc est, confidendum. Sciebant item scripturam dicere: Maledictus qui confidit in homine, &c. Videbant autem Christum hominem esse, ideo timebant, ne in arenam aedificatione consequerentur. Hoc impedimentum remouet. Christus priori intellectu huius verbi, quasi diceret: Non vos perturbet, quòd scriptura iubet in Deū credendum esse. Item, quòd maledicit confidentes in hominem: nec vos turbet, quòd me hominem videtis. Sum enim & Deus: Igitur, qui credit in me, non credit in me, id est, in hominem, atque adeò non aedificat in arenam, nec maledictionem meretur. Aliud impedimentum erat, quòd videbatur frustraneum in ipsum credere, vel saltem non necessarium, cum haberent Deum, in quem confidere possent. Et hoc quoque remouet Christus hoc verbo, quasi diceret: Non putetis parui referre, vtrum in me credatis, vel non, imò magni refert. Non enim à meipso veni, nihil à meipso loquor aut facio, sed à Deo missus sum, nō tantum vt doctor, sed vt saluator. Igitur, qui me meamque doctrinā suscipit, non tantum me, sed Deum honorat. E contra, qui me meamque doctrinam reijcit, Deum reijcit, à quo profectus & missus sum. Hoc igitur verbo indicat, quòd securè in eum credere & confidere possimus. Secundò ostendit in Deum redundare, quicquid ipsi Christo vel honoris vel gloriae irrogetur, vt ad fidem nos inuitet, & ab incredulitate des

terreat. Tertio ostēdit fidem quam ipse docebat, nō esse aliam ab ea, quam Moyses docuit: atq; adeò Euangelium nō pugnare cum lege. Quarto ostendit non esse liberum, num velimus credere vel non credere in Christum, sed necessariū: quandoquidē ob hoc ipsum à Deo missus est, ac in ipsum nō credere, redundet in contemptum Dei. Omnia haec faciūt ad confirmationem fidei nostrae.

Et qui videt me, videt eū qui misit me.]

Hoc verbo malus aliquid dicit, imò rationem ostendit, quare non tantum verbis ipsius credendum sit, sed etiam in ipso confidendum. Quia, inquit, vnus eiusdemque naturae sum cum eo, qui me misit, adeò, vt qui me videt, & illum videat. Hoc autem nullus Prophetarum dicere potuit. Ideo tantum ipsorum verbis, non in ipsos credendum est & confidendum: in Christum autem vtrunq; exhibendum. Igitur hoc verbo respondet tacitae quaestioni, qua quis dicere posset, Cur non contentus es, vt credamus verbis tuis, sed insuper vls, vt in te credamus, quod nullus Prophetarum fecit, imò nec Moyses quidem? Respondet Christus, quia ego vnus cum Deo naturae sum & Filius. Illi autem homines & serui fuerunt. Cæterum, quòd dicit: [Qui videt me, &c.] non de corporali visu intelligendum est. (Deus enim spiritus est, nec videtur oculis corporalibus) sed de fide & cognitione. Qui igitur Christum agnoscit, is etiam Deum cognoscit. Est enim Christus expressa imago eius. Hinc suprà dictum est: Deum nemo vidit vnquam, vnigenitus filius enarrauit nobis. Quis autem in aduersis positus, non cuperet Deum videre? quis non cuperet scire, quid sibi de Deo polliceri possit aut debeat? &c. At qui per teipsum non videbis Deum, accede igitur ad Christum, illic videbis, qualis erga nos sit Deus.

Ego lux veni in mundum, vt qui credit in me, &c.]

Adhuc manifestus se aperit. Et quid potest lux, quàm seipsam manifestare? Imò quid prodesset lux, si non luceret? Nemo accendit lucernam, & ponit sub modio, sed super candelabrum, &c. Lucem

II autem

autem se nominat, & ideo se venisse, ut illuminet: ostendens per quem etiā ex cæcatis illi Iudæi lucē recipere possint. Deinde lucem se nominat, ut ostendat se longē dissimilem primo homini, à quo omnes homines hæreditario quodam iure, quasi per manus acceperunt tenebras, hoc est, infidelitatem, ignorantiam Dei, impotentiam bene operandi, cæcitatē, peccatum, mortem, & infernum: Christus autem e contrario lux est, qua Deum agnoscimus, qua vires bene operandi acquirimus, qua illuminamur, & qua per peccatum, mortem, & infernum perrumpere securi possumus. Præterea, lucē se nominat, & optimo quidē iure. Est enim lux essentialiter omnes illuminans, & ab alio illuminationem non participans. Cæteri autem diuinæ lucis participes, interdum quidem lux dicuntur.

Ioan. 1.

Matt. 5. Iuxta illud: Vos estis lux mundi: sed illuminantur ab eo primū, deinde suscepta illuminationis supernæ dona in alios distribuunt. Demum etiam ideo se lucem dicit, ut ex comparatione huius solaris luminis discamus, quid Christus operatus sit, & operetur in terris. Sole quidem visibili oriente, multa apparent quæ prius nesciebantur, quælibet etiā res in sua propria specie videtur. Sole apprente & nobis proximante, dissolvitur frigus, reflorescunt arbores & plantæ. Sol deniq; etiam ad vitam & generationem animalium cooperatur, &c. Omnia autem hæc Christo apprente, spiritaliter & facta sunt & fiunt. Cæterū, quod Christus dicit se ideo venisse, ut illuminet, signum est, quod in omnibus nobis tenebræ sunt. Verè autem tenebræ sunt, ignorantia iudicii & misericordiæ Dei. Ex natura enim Deum imaginamur, quod neq; tam seuerus sit iudex, neque tantopere curet nos, ut exaudiat cum opus sit. Ex his tenebris omnia peccata oriuntur, Christus autem manifestando Deum esse, qui & misericordiā & iudicium facit, nos ab his tenebris eripit. Omnibus autē iam dictis Christus nos ad fidem prouocare conatur. Igitur, si natura homines horrescunt tenebras corporales, & illis offusi trepidatione agitantur & horrore, magniq; beneficii loco ducunt tenebris eximi & luce illustrari: multo amplius exhorrescendæ

sunt spirituales tenebræ errorum & vitiorum, ac quærenda illa lux, quæ sola occasum nescit.

Sed si quis audierit Verba mea, & non custodierit.]

Solēt legislatores & præmia proponere ijs qui legem obseruant, & pœnas decernere præuaricatoribus: ut hi eò magis absterreantur à maleficio, illi autem eò fortius incitentur ad bonum. Sic Moyses fecit, qui proposita lege dixit: Considera quod hodie proposuerim in conspectu tuo vitam & bonum, & e contrario mortem & malum, &c. Cæterū, quamuis Christus propriè loquendo non nouam aliquam legem dederit, sed legem naturæ, hoc est, decalogum declarauit, & legem Moysi perfecit & absoluit, nosque à maledicto legis liberauit: tamen, quia & ipse nouam quandam doctrinam attulit, ut sciamus non minusciam seruandam quàm legem Moysi, etiam ipse præmia & pœnas proposuit seruantibus, vel non seruantibus doctrinam suam. Imò, ut sciamus doctrinam Christi longē præstare lege Moysi, maiora & præmia & pœnas proposuit. Moyses siquidem seruantibus legē promissit temporalia, Christus autē æterna. Item Moyses temporales pœnas comminatus est, Christus æternas. Duplīter autem in Christū peccatur. Primò, si omnino ipsum verbumq; eius rejiciamus, quo modo Iudæi in ipsum peccauerunt & peccant. Secundò, si verbum quidem audimus, sed non credimus, nec custodimus, quo modo peccat falsi Christiani. Vtriusq; autem dicit imminere iudicium, etsi nondum id ipsum sentiant.

Ego non iudico eum.]

Sensus est: Principes huius mundi edicta proponentes, cogunt homines ea seruare velint nolint, transgressores autem statim puniunt. Ego autem non sic iudico, neminem cogo, sed liberum omnibus permitto, num credere velint vel non, nec contemptum mei vel doctrinæ meæ statim punio, sed patienter expecto, ac pœnam differo in futurum. Regnum enim meum non est de hoc mundo, altoqui ministri mei utique decertarent, ne sic contemnerer: imò possem me ipsum vindicare, nisi aliud suaderet

miser cordia. Vel aliter: [Ego non iudi se huiusmodi rebus occupare, quasi ip- co eum,] hoc est, nō sum causa perditio- sis indecorum sit pietatem colere, & sub nis eius, sed ipsemet. Vel aliter: [Ego nō Deo se humiliare. Aliqui verba Christi non accipiunt, non ob aliud, quā quod iudico,] hoc est, non necesse est ut ego affectibus ipsorum contraria iubent & me ipsum vindicē cōtra contemptores: docent, alioqui libenter ea accepturi. Ali Est Pater meus, qui hunc mei contem- qui verba Christi non accipiunt ex incu- prum vindicat & vndicabit. Sic suprà di- ria: non enim putāt magni referre, siue xit: Ego gloriā meam nō quæro, est qui accipiantur, siue non. Omnes hi Chris- querat & iudicet. Non igitur repugnat- tum spernūt, quamuis dissimiliter. Imò hic locus ei, quo suprà dixit. Nunc iudi- etiam hi Christum spernunt, qui verba- cium est mundi. Illic enim locutus est quidē eius audiunt, sed non custodiunt, Rom. i de iudicio discretionis & excacationis, quin potius iniqua vltia commaculant, hic autē loquitur de iudicio dānationis. veritatemque Dei detinēt in iniustitia, Emphasim autem habet, quod Christus non dicit, huiusmodi contemptorem ha-

Non enim veni ut iudicē mundū, &c.]

Hanc sentētiā etiam suprà posuit, Imò etiam in alijs Evangelistis frequen- ter inculcat. Nihil autē aliud vult, quā quod in primo aduentu venerit ut salua- tor, non ut iudex: & quod nunc sit tem- pus misericordiae, non iudicii. Duplici- ter autem misericordiā suā in hoc ver- bo ostendit. Primò, quod non iudicat & punit. Secundò, quod insuper beneficia prae- stat, & salutem offert aeternam. Cae- terum nec hoc verbū repugnat ei, quod suprà dixit: Ego in iudiciū veni in hunc mundum. Vtrunque enim verum est. Primò enim non venit, ut damnet in primo aduentu, interim tamen is ipse aduentus eius plerisq; in malum cessit, quemadmodum sol venit ut illuminet, non ut excacet, nihilominus tamen ni- mio eius fulgore plures excacantur. Quid igitur si Christus non iudicat nunc? Num ideo impunes erunt, qui Deum contemnunt? Nequaquam. Irris- tam quis faciens legem Moysi punitur, quantò magis qui filium Dei conculca- verit, &c. Ideo sequitur.

Qui spernit me, &c. habet qui iudicet eum.

Quid sit spernere Christum, patet ex eo quod addit: Qui non accipit verba mea. Sic enim & in mundanis rebus, qui mandata regis non accipit, sed abiicit, eo contemptu & regem quoque spernit. Verba igitur Christi multi quidem res- piciunt, sed non vno animo. Quidam ea respuunt ex malitia, invidia, obstinatio- ne, quemadmodum Iudaei, obturantes aures suas. Aliqui verba Christi non accipiunt ex superbia: erubescunt enim

Sermo quem locutus sum, iudicabit eū.]

Hoc intelligi potest de ipso Christo. Ipse enim est verbum Patris, Imò ipse est is ipse sermo, quem locutus est, sei- psam enim manifestavit, ut verbum quod se & alia explicat, ut lux quae sei- psam in primis, deinde alia manifestat. Hic igitur sermo, hoc verbum, hic filius Dei, iudicabit eos in nouissimo die. Iu. Ioann. 5 xta illud: Pater omne iudiciū dedit Fi- lio, &c. Potest etiam intelligi de verbo Evangelij, quod Christus praedicauit. Sicut enim lex dicitur iudicare latronē, quia ostendit eum iudicio & supplicio capitali dignum esse: Ita quoque opera Christi & verba iudicabunt infideles, quia apertē prodent eos aeterna condē- natione dignos esse. Nihil enim pote- runt praetexere suae incredulitati, quan- doquidē Christus tot modis eos prouo- cavit, inuitando praemijs, deterrendo supplicijs, alliciendo beneficijs, excitādo miraculis, neminem à salute repellen- do, aditum cuius facilem ad vitam ape- riendo: In hunc modum etiam suprà Iu- dæis dixit: Nolite putare, quod ego vos accusaturus sim apud Patrem: Est qui accusat vos Moyses, in quo speratis, &c. Cæterum iudex hic quo impij iudicabū- tur, verbū scilicet Dei, nō externē appa- rebit, sed intus in cōscientia cuiusq; ius- tas sentētijs terribiliter perstonabit. Sic

Uij enim

Rom. 2. enim & Paulus ait: Testimonium illis reddet conscientia ipsorum, & inter se inuicem cogitationes accusabunt, & defendent in die quo iudicabit Deus, &c. Demum, quod Christus dicit sermonem suum iudicaturum, cum id proprium habeat sermo legis, indicare voluit, quod in iudicio illo non tantum iudicabitur secundum opera externa, id enim facit lex, sed etiam secundum fidem vel infidelitatem, quod facit Euangelium. Si enim inuenerit fidem veram & viuam, absoluit: si infidelitatem inuenerit, damnat.

Quia ex meipso non sum locutus.]

Nemo sic intelligat, quasi Christus vel ratione substantiae vel dignitatis minor Patre sit, eo quod dicit, se nihil ex se loqui. Item se à Patre mandatum accepisse, &c. Sed hoc verbo & similibus appellat ad Patris auctoritatem, ne quis calumniatur ab ipso conficta esse quae praedicabat. Ostendit igitur hoc verbo, cur iudicandi sint, qui verbum eius non acceperunt: [Quia (inquit) ex meipso non sum locutus,] hoc est, non meum, sed Dei verbum est. Nemo autem impune spernit Deum: Si peccauerit (inquit) vlt in virum, propitiabitur ei: si autem in Deum quis peccauerit, quis orabit pro eo? Deinde hoc verbo ostendit, quare sermo suus iudicaturus sit impios: [Quia (inquit) ex meipso non sum locutus] non est hominis verbum. Si hominis verbum esset, mortuum & inuaidum esset: quia autem Dei verbum est, ideo viuum & efficax est, penetrabilior omni gladio ancipiti, &c.

Hebr. 4.

Et qui misit me, mandatum dedit mihi.]

Moyse primus fuit, qui mandatum & legationem à Domino ad populum accepit. Ipse autem mandatum & legatio fuit lex. Praedixit autem idem Moyse aliud quoddam mandatum, aliamque legationem à Deo exituram: Suscitabit, inquit, vobis Dominus non multos, sed vnum Prophetam similem mei, hoc est, qui speciale aliquod mandatum habeat à Deo. Hic autem Christus ostendit, se esse illum Prophetam, in eo, quod dicit se mandatum & legationem accepisse à Deo. Mandatum autem, quod dedit Pa-

ter Filio, est Euangelium. Hoc enim ei mandauit, ut descenderet, & saluaret homines. Hinc supra dixit: Sic Deus dilexit mundum. Vbi obserua, quod longe digniorem legationem Filio imposuit, Christo scilicet, quam Moyse seruo. Ideo sequitur:

Scio quia mandatum eius vita aeterna est.]

Euangelium enim est potentia Dei ad salutem omni credenti. Vita aeterna est, quia offert & ducit ad vitam aeternam. Quod autem Euangelium sit vita nostra, patet, quia multos à morte animae ad vitam gratiae reuocauit: alii quibus etiam vitam corporis restituit. Vbi vides, quantum praecellat Euangelium. Nihil enim horum potuit lex, imò fuit occasio maioris miseriae, id quod Paulus diffuse ostendit.

Quae ergo ego loquor, sicut dixit mihi, &c.]

Dixi me vitam & lucem esse, qui igitur velit viuere, videre, me audiat: Saepe autem inculcat, se à Deo esse & loqui, ne verba ipsius contemnantur. Non enim aliud in causa est, quod tam parum curamus de his quae audiuius, quam quod non cogitamus ea esse verba Dei. Hoc igitur verbo Christus conciones suas ad populum conclusit, quasi diceret: Satis hucusque docui, quod meum est, feci: vestrum est vel credere, vel non credere. Hoc tamen vobis praedictum volo, me ex Deo locutum. Nunc, si libet contra Deum pugnare, tum facite quod lubet. Praeterea hoc verbo Christus ostendit, se sua legatione egregie functum. Ad legatum enim pertinet, ut diligenter exequatur ea, quae praecepta sunt. Deinde, ne quid suo nomine agat, quod in mandatis non habet. Praeterea, ne mala vita dehonestet eum, à quo missus est. Omnia autem haec Christus perfectissime obseruauit, Apo-

stolis interim & eorum
successoribus relin-
quens exemplum,
ut & ipsi sic
faciant.

Caput

Caput XIII.



ACTENVS Christus promiscuā multitudinem allocutus est, nihilq̃ intentatum reliquit, quo potuissent ad meliorem mentem res

uocari. Ea autē tanta cum diligentia & gravitate verborum describit Ioannes, ut merito gratias agat Ecclesia catholica Spiritui sancto, quod tantas diuitias gratiæ & veritatis, de ore plenitudinis Christi in profundam huius Evangelistæ memoriam transfusas, tāta integritate conseruauit, tanta fide in tempore opportuno refudit, ut vel solo hoc Evangelio seueri possit ab hæreticis: Nunc autem omīssa turba incredula, ad discipulos se conuertit Christus, duplici de causa. Primo sciebat eos vehementer in morte sua contristandos, ideo ipsos præmunit aduersus instantem tempestatem. Secundō, quia per eos volebat prædicari Evangelium in toto mundo, ideo ante discessum suum ex illorum animis euellere studuit illas Euāgelicæ puritatis pestes, illuorem, odium, auaritiam, fastum, ambitionē, & inferere diuersos affectus, charitatem scilicet, humilitatem, mansuetudinem, &c. Igitur ea quæ hactenus audimus, gloria quidē & diuitiæ sunt donum Dei, sed multo maiora sunt quæ sequuntur. Solemus enim inter amicos magis aperire cordis secreta, quàm inter inimicos: imō ea, quæ ab hoc loco vsque ad patibulum crucis dicuntur, nihil aliud sunt, quàm recitatio Testamenti, quod moriens Pater noster conscripsit, & designatio hæreditatis, quā parauit suis in ipso mortis agone mirā charitate delegauit. Igitur ut solent pijs & bene amantibus filijs dulciora esse, & profundius in memoria permanere verba, quæ parentes in ipsa morte supremum trahentes spiritum loquuntur, sic nobis reuerenti aure, pio corde, & humiliter spiritu suscipienda, & fidei memoriæ commendanda sunt ea, quæ deinceps hic Evangelista describet. Assistant pupilli qui non erant ibi, & isto Ioanne, qui præsens interfuit, tanq̃ fidei notario recitante, audiant certius, ubi suam

sperent hæreditatem, & ad qualem Interim respiciant paracletū & tutorem, imitenturq̃ mundanos, qui singula Testamenti verba attendunt, ne quid eos prætereant, quod ad ipsos pertinet.

Ante diem festum Paschæ.]

Plura omittit Ioannes, quæ Christus & fecit & docuit post diem Palmarum. De his enim alij Euangelistæ sufficienter scripserunt. Rationē autem Paschæ illis festiuitatis & obseruatiæ supra ostendi. Cæterum quamuis Ioannes simpliciter dicat, Ante festum Paschæ, nec ex primat diē, tamen ex alijs Euangelistis planē ostenditur, quod in vespera quartæ decimæ diē, qua incipiebat festum, facta sint quæ hic narrantur. Sic enim Matthæ⁹ dicit, hæc facta esse prima die azimorū. Et Lucas dicit hæc facta esse eo ipso die, quo necesse erat occidi agnū Paschalem, quæ nō erat alia, quàm quartæ decimæ diē mēsis. Vnde manifestē colligitur, quod Christus ipso die festo Paschæ crucifix⁹ sit. Quomodo, autē intelligendæ sint authoritates, quæ videntur contrarium sentire, suo loco dicetur.

Ioan. 12

Mat. 26

Luc. 22

Sciens Iesus quia venit hora eius.]

De hoc tam sæpius dictum est, quod Christus & tēpus & horam mortis suæ præscierit. Hoc autē Euāgelistæ frequenter & magno etiā studio inculcant, ne quis hæreticorum aut infidelium insurgat, dicens: ipsum infirmitate sua traditum, & nō sponte, sed Iudæorū laqueis irretitū crucē pertulisse. Cæterum, quod alias sæpē dixi nondum venisse horam suam aut tēpus: hic autē dicatur, venisse eam horā, non sic intelligendum est, ea hora, qua Christus passus est, aliquē planetarum Christo quidem contrariū, Iudæis autem fauentem regnasse: sed hanc diem, hanc horam, hoc tempus Christus ipse elegit ad mortem & passionem suā, idq̃ non sine causa. Primō enim, quia ipse est, qui per sanguinem suum nos liberauit à plaga illa, qua percussus erat totus mundus: ideo sanguinem suum fundere voluit eo diē, quo olim in Aegypto Israelitæ fuerant liberati ab exterminatore per sanguinē agni. Deinde Christus morte sua nos liberaturus erat à tyrannide Diaboli, ideo eadem diē mo

ri voluit, qua olim Israelitæ liberati fuerunt à tyrānide Pharaonis. Tertio Christus per passionem suam nos expurgaturus erat à fermento peccati, ideo eo tempore pati voluit, quo Iudæis fermentum inhibitorium erat. Quarto Christus passione sua impleturus erat Prophetarum scripturas, ideo pati voluit in plenilunio. Quinto Christus noctem peccati & errorum minuere, & diem gratiæ extendere volebat, idque per passionem suam. Ideo eo tempore pati voluit, quo post æquinoctium vernale dies longior noctem superare incipit. Vide autem, quā pulchra Periphrasi Ioannes Christi mortem depingat. Non enim dicit: Sciens, quia venit hora eius, vt moreretur (mortis enim nomine Euangelista hic non libenter utitur) sed: [Vt transiret ex hoc mundo ad Patrem,] lætus scilicet & hilaris, quasi nulla mors intercessura esset, cum tamen hic transitus Christi ad Patrem, non nisi per amarissimam mortem fieri debebat. Quid autem Ioannes hac Periphrasi verborum aliud expressit, quā definitionē Christianæ mortis. Si enim Platonici dicunt, mortem esse Methabasin, id est, transitum ad vitam, quanto magis nos Christiani sic sentire & credere debemus: Gaude igitur Christiane de hac Euangelica definitione. Qualis enim fuit mors Christi, talis erit & mors nostra. At ipsius morserat transitus ad Patrem, ergo & nostra mors erit transitus ad Patrem, quemadmodum & Christus ipse dixit: Ascendo ad Patrem meum, & Patrem vestrum, &c. Obserua autem, quod non dicit tempus elus aduenisse, sed horam. Primo vt doceat, cuilibet homini certam mortis horam præfinitam, Iuxta illud: Numerus mensium eius apud te est: Constituisti terminos eius, qui præteriri non poterunt. Secundo, vt ostenderet passionem suam breui duraturam. Ad eundem modum in Matthæo dicit Iudæis: Hæc est hora vestra, quasi diceret: Vnam tantum horam ego patiendi, vos autem insaniendi habetis. Sic scriptura totum tempus vitæ præsentis horam nominat: Si bona facis, scito te horam tantum habere, hoc est, breue tempus, non igitur grauis tibi videatur labor. Sic & afflictio tantum ad tempus durat, non igitur tibi grauis sit. Sic & impiorum felicitas ad horam durat. Noli igitur æmulari in malignantibus: quia adhuc pusillum, & non erit peccator, &c. Cæterum, sicut festum Paschale fuit hora Christi, in qua pati & mori volebat: sic idem festum post quadraginta annos fuit hora eius, qua in Iudæos vindictā exercuit. Cum enim Paschali tempore conuenissent à Romanis obfessi, & paulò post expugnati fuerunt. Sic & nos duas horas habemus, alteram misericordiæ, alteram iudicii, & quā certō iam sentimus esse tēpus misericordiæ, tam certō expectemus etiam horam iudicii. In summa, mortem Christi Ioannes transitum nominat. Primo, vt ostenderet ipsius potentiam & virtutem. Ipse enim per omnia illa transire potuit, quæ hactenus prohibuerant accessum ad cælum. Hinc de ipso dicitur: Cōtrivit portas æreas, & vectes ferreos confregit. Ante eius enim mortem nullus recta transire potuit è mūdo ad cælum. Atque hic est fructus mortis ipsius, quod nobis aperuit & parauit transitum ad Patrem. Signanter autē dicit, Non se transiturum ad Deum, sed ad Patrem, ne vereamur ad Deum accedere, quem audimus iam per Christum effectum esse Patrem nostrum. Possumus autem & hūc transitum aliter intelligere, nempe quod Ioannes per hoc rationem reddere voluerit ipsius phase, quod transitum significat, quasi diceret: Hactenus hoc festum celebratum fuit in memoriam eorum, quæ olim in transitu & exitu de Aegypto facta fuerunt: nunc alius imminet transitus, nempe è mundo ad Patrem. In priori illo transitu dux fuit Moyses, in hoc secundo dux est Iesus Christus. Sicut igitur illi sequuti sunt Moysen, sic nos sequamur Christum. Iudaicum phase est transire ex Aegypto, Christianum autem transire è mundo ad Patrem. Sed quidnam egit Christus, cum sciret horam transitus sui adesse? Non ideo suorum oblitus fuit, non ideo eos diligere cessauit, quod propter ipsos tam amara mors sibi immineret. Cur enim dilectionem suam ab eis auerteret, qui adeo in mundo & à mūdo odiebantur & contēnebantur? Quid igitur Christus? Cum

Ioan. 20

Iob. 14.

Mat. 26.

Cum dilexisset suos, in finē dilexit eos.]

Verē dilexerat, verē etiam perseuerauit eos in finem diligere. Priori verbo causa ostenditur, cur Christus in mundum venit factus homo. Ad hoc enim non pellexit ipsum nostra dignitas, qui eramus indigniores, quā ut beneficijs corporalibus afficeremur, tantum abest, ut digni fuerimus eternis. Nec nostrum meritum ipsum pellexit. Toti enim eramus in peccatis nati: Nec nostra iustitia, quis enim iustificabitur in conspectu Dei? sed immensa eius charitas, qua nos complexus est, eum ad hoc pellexit & inuitavit. Sicut enim Pater ex dilectione nimia Filium misit, sic Filius ex dilectione nimia eam legationem suscepit & perfecit. Hinc Ioannes alibi dicit: In hoc est charitas, non quasi nos dilexerimus eum, sed quia ipse prior dilexit nos. Signanter autem hic dicit Ioannes: [Cum dilexisset suos, qui erant in mundo.] Omnes quidem creaturæ eius sunt, quo ad creationem. Vnde de impijs dicitur: Sui eum non receperunt. Hic autem per suos intelligit eos tantum, quos ab æterno elegit ut sui essent, de quibus & alibi dicit: Tui erant, & mihi eos dedisti. Addidit autē. [Qui erant in mūdo,] ne quis putaret hic Angelos intelligi, qui & ipsi sunt Christi. Verū non Angelos apprehendit, sed semen Abraham. Et non in forma Angelorum visus est, sed habitu inuentus est ut homo. Generaliter autē dicit: [Cum dilexisset suos, qui erant in mundo,] ne quis putet eum solos Apostolos dilexisse. Quomodo autem suos dilexerit, vel ex vno hoc apparet, quod propter ipsos ē cælo descendit, ut interim taceam, quanta eis dilectionis signa in terris ostenderit. Sed quid sibi vult, quod addit: [In finem dilexit eos:] ut ostēderet, cur Christus per viam crucis ad Patrem redierit, cum potuisset redire illæsus. Huc enim iterum impulit ipsum charitas: videbat non satis esse, quod descendisset ē cælis, nisi & pro peccatis hominum satis faceret. In finem igitur dilexit eos, id est perseueranter. Primò, quia vsque ad mortem non interrupt dilectionem suam, nihil offensus Iudæorum impietate, nihil etiam deterritus fuga & abnegatione suorum, qui eum solum in

passione reliquerunt. Secundò perseueranter eos dilexit, quia nec mors eius dilectionem terminauit. Iuxta illud: Aquæ multæ non potuerunt extinguere charitatem. Vel in finem dilexit eos, id est, vltima die ostendit adhuc eis signa dilectionis. Vel in finem dilexit, id est, perfectissima & summa dilectione, qua maior esse non potuit. Maiorem enim charitatem nemo habet, quā ut animam suam ponat pro amicis suis, quod Christus fecit. Vel in finem dilexit eos, id est, nō cessauit, donec perfectē eos saluaret, ac planē vinceret peccatum, mortem, & omnes maledictiones. Ideo autem Ioannes in exordio passionis & vltimæ coenæ tam insigniter commendat dilectionem Christi. Primò, ut ostendat omnia quæ secuta sunt, nempe, institutio Sacramenti, lotio pedum, charitativa illa instructio, ac demum etiam ipsa passio, non aliunde fluxisse, quā ē dilectione Christi. Secundò, ut nos contra ad amorem Christi, & gratiarum actionem incitaret. Terriò, ut nos etiam consoletur, ne putemus Dei amorem erga homines cessasse. Non enim semel tantum dilexit, aut tantū Patres, sed diligit in finē, id est, in perpetuū. Ipse enim fidelis permanet, seipsum negare nō potest. Hæc Christi dilectio charissimi nobis sufficiat. Diligat mūdus siue odiat, nihil admodum ad nos pertinet, dūmodo sciamus, quod Christus nos diligit, nos in corde gerit, nos magni facit, pro nobis curat, &c. Quid hic nobis obesse potest odium mundi? Si Deus pro nobis quis contra nos?

Cœna autem facta, &c.]

Hic habetis ostensam charitatem Iesu erga discipulos suos. Odire certē nō poterat eos, quibus pedes lauit. Cæterum, opus hoc non omnino post cœnā factum esse putemus, sed inter cœnandum, quod primò ex eo patet, quod dicitur. Surrexit à cœna. Deinde, quod infra dicitur, post lotionem recubuisse iterum. Præterea, quod in textu non dicitur, Cœna finita, sed: [Cœna facta,] hoc est, parata, cum scilicet in conspectu apostolita erat. Ex hoc igitur, & propter hoc ferē omnes sentiunt lotos esse pedes ante Eucharistiæ institutionem. Et

pulchrè quidem hoc ad rem facit: decet enim vt mundi ac loci accedamus ad Eu-
 charistiam. Verùm ex Ioanne colligi vi-
 detur, quòd hæc lotio post institutio-
 nem Sacramenti facta sit. Is enim à lo-
 tione pedum continuam scribit histo-
 riã, quam discerpere non licet, donec è
 confortio Iudam eiciat. Si ergo postea
 institutum est Sacramentum, consequi-
 tur ex ea historia, Iudam cum alijs cor-
 pus & sanguinè Christi nò sumpsisse, id
 quod etiam quidã asserunt. Verùm hoc
 non permittit historia Lucæ. Illic enim
 aperte dicitur, quòd monitio Iudæ secu-
 ta sit institutionem Sacramenti. Verùm
 super hæc non libet contendere, sufficiat
 nobis scire, Christum discipulis pedes
 abluisse, siue hoc ante, siue post sum-
 ptionem Sacramenti factum sit. Ipsam
 igitur historiam attendamus: est enim
 notatu dignissima, sed diligentem audis-
 torem & auidum spectatorem postulat.
 Nam facta Christi, quæ hic narrantur
 admodum pulchra sunt & mira. Deni-
 que & ipsius Euangelistæ verba pruden-
 tissima sunt: non enim simpliciter indi-
 cat, quæ gesta sunt, sed cum pondere &
 graditate verborum, vt magis moneat.
 Primò enim antequam ad factum Chri-
 sti procedat, prius traditoris meminit.

*Cum Diabolus (inquit) misisset in cor
 Iudæ.]*

Vt vel hinc æstimemus magnitudi-
 nem charitatis & humilitatis in Chri-
 sto, qui etiam hosti & traditori ea offen-
 dit, quæ alius vix fratribus & amicis
 ostenderet. Maxima siquidem charitas
 est, inimicos diligere, & odientibus be-
 nefacere. Secundo etiam ideo traditoris
 meminit, vt videamus, quomodo mi-
 ser ille, tanquã verum iam ac proprium
 mancipium Diaboli, de vno peccato in
 aliud ceciderit: imò semper in maiora
 peccata, donec in profundum venerit.
 Suprà quidem Ioannes eum asseruit ef-
 se furem, & consuetum etiam oculos
 Domini defraudare. Paulò post alij E-
 uangelistæ ostenderunt, ipsum pecunias
 ad prodendũ Christũ accepisse à Iudæis:
 hic autẽ maius quiddã dicitur, nẽpe q-
 obstinatè decreuerit secũ hoc facinus
 perficere, nec vllis beneficijs aut admo-
 nitionibus cedere velle, id quod verè

Diabolicũ est, Vnde & signanter addi-
 tur, Diabolũ hoc eius cordi immisisse.
 Hunc inspiratorẽ suũ facile auduit im-
 pius ille, Christũ autẽ bene monentẽ con-
 tẽpsit, quẽadmodum & omnes impij so-
 lent: Ego (inquit Christus) veni in no-
 mine Patris mei, & nò recepistis me. Ve-
 niet alius in nomine suo, hũc recipietis.
 Videmus autẽ hic Diaboli conatũ & co-
 gitationes eò tẽdere, vt non solũ homi-
 nes, sed etiam si possit Christũ ipsum
 perdat. Videmus itẽ, quis præcipuus il-
 le effusor sanguinis Christi fuerit, nẽpe
 Diabolus ipse, is in regno suo, hoc est,
 in terra, eũ pati & videre nò poterat, ti-
 mebat se ab eo pellendũ esse è regno suo.
 Ad hoc homicidiũ vel latrocinium, pri-
 mò vsus fuit cõcilio Phariseorũ. Dein
 de malitia proditoris. Postremò, mani-
 bus peccatorũ. Non tamẽ sine permis-
 sione Dei, quandoquidẽ ab æterno deff-
 nitum erat, sanguine innocentis filij
 Dei genus humanum redimendũ. Dis-
 camus hic Diaboli naturã & opus, nem-
 pe, quòd mala inspirat & suggerit, sicut
 econtra Deus, per spiritum suum bona
 cordibus fidelium inspirat: De sugges-
 tione Diaboli, exemplum habes in A-
 nanias & Saphyra. Nouit impius ille, &
 consuevit vt plurimũ, quæ bona sunt
 impedire: Mala autem promouere. Scis
 tote igitur à Diabolo esse, quoties pec-
 cata & offendicula fiunt, & nò ex Deo,
 vt hæretici tradunt. Omnibus, inquam,
 peccatoribus ab exordio sæculi diabo-
 lus inspirauit, vt contra Deum agerent.
 Signanter autẽ in hoc Iuda & Iudæis os-
 tensum est, quid possit diabolus. Hunc
 enim instigauit & pertraxit ad proditio-
 nem proprii magistri: illos autem ad oc-
 cisionẽ proprii Messie & regis. Orandũ
 igitur, vt Deus sua gratia corda nostra
 præcludat huiusmodi diabolicis sugges-
 tionibus: nihil enim boni consulit ima-
 pius ille. Sequitur:

*Sciens Iesus, quòd omnia dedit ei Pater
 in manus, &c.]*

Etiam potentiæ & scientiæ Christi
 meminit. Primò, ne quis putaret Chri-
 stum ideo Deum non esse, quia Iudas
 eum prodere potuit. Quòd enim in
 principio erat, nempe Deus, hoc & per-
 mansit etiam traditus & crucifixus.

Secundò

Secundo ideo potentiae Christi meminit, ut ex commendatione tantae sublimitatis, commendatus & mirabilis fiat opus summæ humilitatis. In eum modum & Paulus humilitatem & obedientiam Christi commendaturus, à sublimitate eius incipit: Qui quum in forma Dei esset, &c. Nunquā enī humilitationē Christi rectē aestimare possumus, nisi simul etiam altitudinem eius consideremus. Sicut nec charitatē eius quis rectē aestimare potest, nisi simul cogitet, quibus & quā indignis eam impenderit. Tribus autem verbis Christi immensam sublimitatem ostendit. Horum primum est: [Sciens, quia omnia dedit ei Pater in manus,] hoc est, quum sciret se Dominum esse omnium, etiam diaboli & impiorum, tamē ob amorem hominum, hanc suam potentiam quasi seposuit, vel potius abscondit, factus infirmus & humilis: adeo, ut nedum prius ministraret, sed etiam impijs impune permetteret in se sæuire, tantum ut homini succurreret. Verē magna humilitas, & ingens dilectio. Vel aliter. Sciens quod Pater omnia dedisset ei in manus, hoc est, sciebat salutem humani generis in ipso pendere. In voluntate siquidem ipsius situm erat, num homo saluaretur, an periret. Sciebat item ac certō agnoscebat munus sibi à Patre commissum, quod est saluare homines, ideo strenuē id ipsum opus aggressus est. Maxime autem nobis consolationem adferunt duo hæc verba, quod Pater Christus omnia dedit, & in manus, nempe, iustitiam, remissionem peccatorum, vitam, salutem, redemptionem, iudicium, resurrectionem, regnum, &c. Monemur autem hoc verbo, ut & nos sciamus, & attendamus, quid Deus nobis dederit, quid commiserit vel præceperit. Secundum verbum sublimitatem Christi ostendens, est:

Quod à Deo exiuit.]

Omnes quidē creaturæ à Deo sunt per creationem, Christus autem à Deo exiuit per æternā generationem. Idem igitur est, ac si diceret: Sciens se filium Dei naturalem esse: nihilominus tamē, se ita humiliavit, &c. Vel, Sciens quod à Deo exiuit, quodq; filius Dei & Deus

esset, ideo fecit quod Deū, quod filium Dei decebat, nempe compati, misereri, benefacere, lauare, mundare, saluare, &c. Hæc enim Dei propria sunt. Tertium verbum sublimitatē Christi ostendens, est.

Quod ad Deum vadit.]

Hic libet verba Augustini adscribere: A Deo, inquit, exiuit, sed Deū non reliquit: Ad Deum vadit, sed homines nos non reliquit. Sensus autem est, Ad Deū vadit, id est, certus erat de sua gloria, quantumcūque abiectus videbatur, sciebat se confessurum ad Patris dextram, & auditurum: Sede à dextris meis, donec ponam inimicos tuos scabellum pedum tuorum. Interim tamen & amicis, & inimicis se subdidit. Hoc igitur exemplo necnos dubitemus, omnibus benefacere, quandoquidem & nobis certa propter hoc gloria promissa est. Sequitur:

Surgit à cœna, & ponit vestimenta sua, &c.

Hactenus Euangelista nos ad considerationem personæ Christi direxit. Deinceps opus ipsum describit, & quasi oculis subiicit, nimirum ut faciamus, quod proculdubio fecerunt Apostoli, dum hæc viderent, nempe, ut diligenter attendamus, miremur singula, & expectemus finem. Verē enim magnum & mirum spectaculum est, à sæculo nunquam visum. Primò enim non consueuerunt Domini prius surgere à mensa, quàm serui. At Christus ipsis recumbentibus surgit, ut verum appareat illud, quod paulò post dixit: Ego autem in medio vestrum sum, sicut qui ministrat. Itemq; illud: Filius hominis non venit ministrari, sed ministrare. Deinde depositione vestimentorum, præcinatione & adportatione aquæ ostendit, se planè paratum ministrare, adiuuare, benefacere, id quod summè nos consolari debet. Postremò ipse ministrat, & quidem humillimè. Prociubit enim ad genua, incipit lauare, non manus, quod honestius ministeriū fuisset, sed pedes, quod abiectissimum, atque adeo sordidum est officium, ut non nisi indignissimis committatur. Et hæc omnia solus exequit

Psa. 109

Luc. 22.
Mat. 20

exequitur, solus aquam infundit, solus lauat, solus tergit. Quis hic non exclamet cum Propheta: Consideraui opera tua, & expaui. Amabo confer tecum, quis fuerit Christus, & quibus lauerit pedes. De dignitate Christi iam audiui mus. Quid autem humilior erat Apostolis? Omnes enim pauperes & cōtempnibiles. Insuper vnus ex eis erat proditor, alter futurus erat abluror, nihilo minus tam amanter eis ministrat. Quid negare nobis poterit, qui intantum se humiliavit? Reuera enim hic intelligis, quod omnino factus fuerit omnium virorum nouissimus. Ideo autem pedes potius lauit, quā manus aut caput, quia in lauandis pedibus, & affectuosior est gestus humilitatis, & propinquior significatio charitatis, qua nos lauit in sanguine suo. Omnia autem hæc nihil aliud sunt, nisi exempla, imo præcepta, quibus inducimur, vt cum promp-
 to animo inuicem seruiamus. Nō dedignatur nec erubescit Dominus celosorum, quod maxime sibi erubescendum putant, qui de potestate gloriātur: nedum sæculares, sed & etiam Ecclesiastici, quorum vel maxime est Christi humilitatem & mansuetudinem imitari. Primi autem Christiani adeo nō erubescerent humile hoc mysterium fratris bus impendere, vt etiam cū summa alacritate hoc facerent. An non legimus de magno illo patriarcha Abraham, quod hospitibus peregrinantibus pedes lauare fecit? Idem fecit Loth, nepos eius ex fratre. In nouo Testamento hoc opus vel maxime in vsu fuit. Vnde Paulus non admittit viduam, nisi sanctorum pedes lauerit, &c. Nunc autem citius inuentres, maxime inter Ecclesiæ prælatos, qui proprios pedes in vino lauerent, quā vt pauperi vel calicem aquæ frigidæ porrigerent. Lauare pedes aliorū, nunc vocatur hypocriticum. Sic enim nunc vel maxime contra bona opera prædicatur, mala nemo arguit. Et ad hoc res deuenit, vt pauci iam curent, siue bonum, siue malum faciant. Impleturque nunc, quod Augustinus super e. hæreticos quosdam, qui prædestinati nominantur, dicere asseruit: Peccemus, & iam securè faciamus quod volumus, Christus purgat nos, &c. Damnat igitur
 Christus hoc suo facto superbiam nostram, qua sit, vt etsi homines, etsi mortales simus, dedignamur tamen alijs vel in minimo nos submittere & cedere: tantum abest, vt inimicis cedamus vel beneficiamus. Hæc est superbia cordis humani, quā hoc Christi factum omnino damnat. Erubescat igitur homo de sua superbia, quum videat filium Dei in tanta humilitate seruire. Quid igitur superbis terra & cinis: Adhuc ne extenso collo ambulas vilis homuncio? Intue re speculum humilitatis. Saluator tuus pronus ministrat, & tu re alijs præferes? Christus etiam proditori pedes lauat, & tu dedignaris reconciliari fratri? Deinde Christus hoc facto omnem ex Apostolorum cordibus voluit euellere arrogantiam, quod vitium illis tribus viris, & magna gratia aut officio præditis, admodum peculiare est: ideo ne dum verbis, sed etiam facto & exemplo suo, eos ad modestiam & mansuetudinem excitare voluit, idque iam moriturus, vt altius eis insingeretur. Præterea Christus hac sui deiectione, remedium opposuit contra primum peccatum hominis, nepe superbiam. Quod enim primus homo superbiendo deliquit, hoc Christus sua humilitatione exoluit. Insuper Christus hoc facto docuit neminem exaltandum, nisi prius humilitum: neminem subleuandum, nisi prius delectum. Postremo totum etiam negotium Christi Ioannes his verbis adumbravit. Primo enim reuera Christus surrexit à cœna, id est, de accubitu suo, de sinu Patris, de throno incircumscrip-
 ptæ maiestatis. Nec ob aliud surrexit, quā propter miseriam inopum & gem-
 mitum pauperum. Deinde deposuit vestimenta sua, scilicet gloriam, famam, nomen, potentiam, exinanivit se à claritate, quā habuit priusquam mundus fieret: adeo vt nudus, id est, nostri per omnia similis factus apparuerit. Vnde quemadmodum olim impius Chā Patrem suum denudatū irrisit, sic nedum Iudæi, sed plerique etiam Pseudochristiani, hanc Christi humilitationem irriserunt, ac propterea contenderunt, eum non esse Deum de Deo genitū, sed tantum hominem, & ex Maria esse cœpisse. Præterea, cinxit se linteo albo, id est, imman-

Abac. 3.

Esai. 53.

Gen. 18.

Gen. 19.

1. Ti. 5.

Augusti.

super e.

pi. Ioan.

Exo. 10.

Psalm.

Ioan. 17.

immaculato corpore, incorruptaque natura humana, quæ quasi linteum album non tantum in se munda fuit, sed etiam nos mundos reddidit, maculasque abstergit. Vel linteum se præcinxit, id est, tribulatione passionis & mortis, atque in hoc charitate quam magnifice inchoavit, magnificentius perfecit. Deinde misit aquam in peluim, id est, super credentes effudit Spiritum sanctum, quæ sua passione nobis promeruerat, qui spiritus in Ezechiele dicitur aqua munda: Effundam, inquit, super vos aquam mundam, &c. Vel misit aquam in peluim, id est, aperuit nobis sensum, ut intelligeremus scripturas. Olim erat aqua illa in hydria, clausa erat scriptura, signatus erat liber, abscondita Dei mysteria, velata erat facies Moyse. Nunc autem Christus in peluim misit aquam, id est, quæ in scripturis abscondita erant, revelavit ad salutem credentium. Ab eo igitur tempore cepit lavare nos: Cœpit, inquam, nam nondum perfecit, quin adhuc quotidie nos lauat, & extergit linteis, id est, merito suæ passionis. Hinc igitur non tantum Christi charitatem, sed etiam nostram miseriam cognoscere possumus. Magna enim immunditia sit oportet, quam non nisi filius Dei abstergere potuit, & non nisi morte & sanguine suo. Profundè cecidisse hominem hic appareret, quod Filius Dei intantum se humiliare & descendere cernitur. Imitentur hoc exemplum Christi pastores Ecclesiæ. Surgant per vigilantiam parati ad ministrandum. Abijciant quicquid impedit à ministrando. Aperiant alijs scripturæ occulta mysteria. Laudent alios, sed ita, ut præcincti sint linteis, ne scilicet alios mundantes, seipsos inquinent.

Venit ergo ad Simonem Petrum.]

Sunt qui putant Christum à Iuda incepisse, & sic ascendendo tandem & ultimum peruenisse ad Petrum. Hoc tamen alij reprobant, hac ratione permoti, quod etsi Iudas perfrecta fronte hoc Christi ministerium sustinisset, alij tamen discipuli non tacuissent. Verisimilius igitur est, quod à Petro inceperit, quod prior inter Apostolos erat, non vocatione (nam Andreas ante ipsum sequutus est Christum) sed electione in Aposto-

latum. Illic enim Petrus primo loco ponitur. Congruè autem à maiori incipit lotionem. Vbi enim pastor vel prælatus, vel in doctrina vel in vita immunus est, facile immunditiam contrahunt etiam subditi: Imò, quomodo talis alios mundabit, cum ipse immundus sit? Si sal infatuatum fuerit, in quo salientur alia? Nec mysterio caret, quod Euangelista Petrum non tantum nominat eo nomine, quod à Christo accepit: Sed etiam eo, quod antiquitus habuit: [Venit, inquit, ad Simonem Petrum.] Imò antiquum nomen præposuit. Petrus enim, ut infra patebit, in seipso & carnis & fidei naturam expressit, ideo etiam diversis nominibus nominatur. Cæterum in colloquio Christi, ter loquitur Petrus, sed dissimiliter. Primò enim ex ignorantia. Secundò ex pertinacia. Tertio ex fide. Ter itidem respondet Christus. Primò instruit eius ignorantiam. Secundò arguit & retundit eius pertinaciam. Tertio commendat eius fidem. Eodem modo & nos cum Deo loquimur, & ipse nobiscum, &c. Cæterum, quod Petrus primum interrogando dicit.

Domine, tu mihi laudas pedes?]

Satis apparet, eum expavisse ad tantam Domini dignationem. Nec mirum. Idem enim etià alij fecissent, si ab ipsis incepisset, imò quis non stupeficeret, videns Dominum maiestatis, tam humiliter hominibus ministrantem? Indiciū prorsus est, ad opera Dei obstupescere & admirari. Sic Moyses, etsi pergebat videre, quare rubus non combureretur, audiens tamen Dominum de rubo, non ausus fuit appropinquare. Sic Iacob quum videret in somnijs scalam, &c. euigilans quasi obstupuit ad tantam Dei dignationem: Quam terribilis, inquit, est locus iste, iam si verbum hoc Petri expendamus, videbimus eum varios habuisse respectus, partim bonos, partim imperfectos. Primò enim excellentem illam Domini dignitatem consideravit, quum dixit: [Domine tu?]

Consideravit, inquā, quam vile ministerium esset abluere pedes, cum pedes infima membra sint, & adeò vilia, ut non nisi petita venia nominentur. Indignum igitur putabat, ut hæc manus, quæ tot

mira-

Matt. 26

Exod. 34

Gen. 28

Matt. 10

miracula in populo fecerant, sibi lauerent pedes, & hoc quidem bonum erat. Deinde e regione considerauit propriam indignitatem, cum dicit: [Mihi,] & illud etiam bonum erat. Ex his igitur duobus intulit, iustius esse, ut ipse Christo seruiret, quam ut Christus sibi, quod & ipsum laudabile est. Fateri enim cogimur, Deum nobis nihil debere, nos autem illi plurimum: [Domine, tu mihi lauas pedes,] tu Dominus maiestatis mihi vilissimæ creaturæ, imò peccatori! Errabat autem Petrus in eo, quod putabat inglorium esse Christo nobis ministrare, quemadmodum & nunc quidam putant Christo inglorium & inhonestum esse, quod corpus suum nobis manducandum tradit, quum hæc sit summa eius gloria. Hinc enim perfecte elucet eius immensa erga nos dilectio & misericordia. Verum hæc est carnis natura, quod in peccando nulla Dei reuerentia mouetur. In deprecando autem peccatum, reuerens videri vult, confitens se indigniorem esse, quam ut audeat accedere. Sic Petrus, qui hic admodum reuerens videtur erga Christum, paulo post nulla eius reuerentia eum negaturus est. Idem & nos facimus, Deinde etiam in hoc errauit Petrus, quod quasi reuerentiam exhibiturus Christo, repellit & abnuat eius ministerium, quemadmodum & in alio loco ob eandem causam Christum à se repulit, quum dixit:

Lucæ. 5. Exi à me Domine, quia homo peccator sum: Imò si te peccatorem consideras, oportet ut à te Dominum non repellas. Videtur quidem esse reuerentia, sed præpostera est, & tantum est carnis æstimatione procedens, quemadmodum plerique ob indignitatem suam se Deum inhonorare putant, si eum orent, vel Sacramentum percipiant. At fides aliter sentit, nempe quod Deum inhonorat ille qui peccat, non qui veniam petit, & remedijs utitur à Deo ordinatis. Sic Deum inhonorat, non qui ipsius opus & ministerium sustinet, sed qui resistit, & sensum suum præponit voluntati Dei. Pium quidem est, indignitatem nostram fateri, imò sic oportet: pium etiam est, Dei maiestatem reuereri. Verum pietas hæc in superstitionem vergit, si propter indignitatem nostram ministerium

Christi excludamus. Nō est igitur quod vereamur Deum accedere, quandoquidem ipse præcipit, ut eum accedamus & inuocemus: Venite, inquit, ad me omnes, qui laboratis. Et iterum: Inuoca me in die tribulationis. Imò summum honorem Deo impendis, si eum fideliter inuocas. Summā autem ignominiam & contemptum ei irrogas, si eum vocantem & auxilium pollicentem non accedendo contēnas. Sic summū honorē Christo impendis, quū eius ministerium in te fers & pateris. Hinc est, quod Maria otiosa sedens ad pedes Iesu, & ministerium Christi, quod prædicando exhibebat ferēs, præ negotiosa Martha multo honorificentius cōmendatur. In summa, si salutem desideras, oportet ut à te medicum non repellas. Imò eō cōfidentius accede, quo maior est tua indignitas & infirmitas: sic enim in externa necessitate non attendimus vel nostrā indignitatem, vel aliorum dignitatē, dum modo nobis consulatur & auxiliū præstetur. Sic famelicus non veretur etiam honoratissimum quenque accedere, nisi mirum vrgente eum famis necessitate, & tu fac similiter. Cæterum in secundo suo verbo, Petrus adhuc pertinacius loquitur, zelum quidem prætendens, sed non secundum scientiam.

Non, inquit, lauabis mihi pedes in æternum.]

Vbi iterum vides carnis naturā, quæ semper pertinax est in suo bono, quod videtur, proposito, ac mordicus suā opinionem bona specie conceptam defendit, siue cātilles, siue saltus. Sic Christus piè quidem instruxerat Petrum, sed frustra. Eandem pertinaciam vides in Saul. Eandem et dissuaderetur, ne populū numeraret. Et in Iosia, quum à bello contra regem Aegypti retraheretur. Hinc Sapientis: Est via, inquit, quæ hominibus videtur iusta, & nouissima eius ducunt ad mortem. Petrus igitur eorum figuram tenet, quibus tantum placent, quæ ipsis bona videntur, & quæ bona intentione faciunt: Atqui non satis est, si tibi aliud quid bonum videatur, nisi & Deo approbetur. Plerumque enim contingit, ut quod nos bonum putamus, bonum non sit. Vt quum Saul sacerdotis officium

Re. 15. cum immolando v surparet: Itē quum pecora ab Amalechitis rapta, ad sacrificium referuaret. Sic non satis est, habere bonam intentionem, sed insuper videndum est, quid Deus velit: alioqui & persecutores Christianorum excusarentur: bona enim intentione ipsos persequerentur, putantes se obsequium prestare Deo. Interim autem Christus primo quidem Petrum arguit ignorantiae, cum dicit:

Quod ego facio, tu nescis modo: scies autem postea.]

Mat. 3. Quasi diceret, Quid obsistis, cum nescias, qua causa, quoue fine hoc facias? Non est otiosum quod facio, etiamsi tu non intelligas. Sic altis Ioanni eum baptizare formidati, &c. dixit: Sine modo sic nos decet implere omnē iustitiā. Verē autem nesciebat Petrus, quod Christus tunc faciebat. Putabat enim hoc ministerium solummodo ad aliquā corporis recreationem (ut fieri solet) à Domino coeptum fuisse. Deinde, nondum plenē nouerat huius magistri sui disciplinam, quod scilicet in scola eius ille maior, qui humilior esset, quodque maximē ipse Dominus omnium in summa humilitatis arce regnaret. Vnde & infra dicitur, quod inter Apostolos de primatu contentio fuit, &c. Præterea Petrus ignorabat, quod tenderet hæc sua pertinacia ac præpostera reuerentia, ne se ad iustificationem sui ipsius. Qui enim à Christo lauari non vult, quid aliud prætendit, quā quod iustus sit, & gratia Dei nō opus habeat? Hoc autē Petrus nō considerabat, nepe quod verba sua eō tēderent, alioqui nō repugnasset. Non tamē statim Christus ei huius locationis causam ostendit: Est enim tēpus operandi, est & tempus loquendi. In utroque autem decet, ut Deo obtemperemus. Cæterum verē dixit:

Scies autem postea.]

Statim enim postquam iterū recusauisset, eis hoc mysterium explicauit. Deinde hæc Christi humilitas, adeo Petri animo insedit, ut & ipse postmodum etiam alios ad similia hortaretur. Huiusmodi illamini, inquit, sub potētī manu, &c. Docemur autem hoc verbo, ne temerē

exigamus rationem operum Dei, sed humiliter obediamus. Quod enim Petro hic dicitur, omnibus nobis dicitur. Verē enim nescimus nec intelligimus, quod Deus iam nobiscū operatur. Lauat quidē nos nunc prosperis, nunc aduersis: verū nos nō intelligimus, scimus autem postea, cum scilicet per spiritum illuminabimur, maximē autem in futuro sæculo. Hæc fuit responsio ad primum Petri verbum. Cæterum ad pertinaciam eius durius respondet:

Si non lauero, inquit, te non habebis partem mecum.]

Quasi diceret: Si tu præire contendis, nec mihi te submittere, non potes. 2. Co. 10. meus esse discipulus. Schola enim Christi tales exigit auditores, qui & propriā voluntatem resignent, & proprium sensum mortificent, denique & omnē intellectum suū captiuent in obsequium Christi. Sic igitur, quem promissione sedare non poterat, comminatione sedat. Magna enim cōminatio est: [Non habebis partem mecum.] Cum Christo enim partem non habere, est cum Diabolo & omnibus impijs partem habere. Imò, sicut nihil melius homini contingere potest, quā partem habere cum Christo, sic certissima dānatio est, cum ipso non participare. Agamus & patiamur, charissimi, quicquid agendum & patiendum nobis imponitur, ne hanc cum Christo partē amittamus. Partem cum Christo habere, est & hic communicare ipsius gratiæ, spiritui, & verbo, & in futuro ipsius gloriæ & regno. Hanc partē Petrus postea Simoni Mago denegabat: Non est, inquit, tibi pars in sermone hoc. Cæterum, hoc verbum Christi etiam aliter intelligi potest. Quasi diceret: [Si non lauero te, &c.] Quid adeo expauescis hunc humilitatis meæ habitum, talēque ministerium? Non vis ut aqua te lauem, quum necesse sit ut sanguine meo abluaris? Nisi enim ego altius adhuc præcinctus maiori meo labore & dispendio te lauero, non habebis partem mecum. Verē enim nisi Christus lauisset electos suos sanguine suo, nec Petrus, nec quisquam hominum, partē cū illo habere potuisset.

KK Sic

Num. 19
Apo. 21.

Sic & nunc, quē Christus nō mūdāt, im-
mundus manet, quēadmodum & olim
nemo mundabatur, nisi aqua expiatio-
nis aspergeretur: Atqui nihil immū-
dum intrabit in regnum Christi, cōgruē
igitur dicit: [Si non lauero te, non habe-
bis partem mecum.] Hoc igitur dicto
Christus exponit, quid lotio pedum sig-
nificet, & quare ante passionem pedes
discipulorum lauerit. Docuit enim per
hoc, quod officium suū est purgare &
abluere peccatorum sordes, id quod fit
sanguinis sui aspersione. Igitur hęc lo-
tio pedum, totam passionem Christi sig-
nificat, qua nobis ministravit, nosque
lauit. Obserua igitur hoc loco, quod si-
ne Christo nemo à peccatis mundatur.
Simulq; vide oscitantia nostrā, qui audi-
uim⁹ nos cū Christo partē nō habituros
nisi ipse nos lauerit: nectamen accuri-
mus, cū ipsum presentem habeamus.
Certē Petrus verbo & cōminatione hac
Christi territus, plenē se Christo sub-
misit:

*Domine, inquit, nō tantum pedes meos,
sed & manus & caput.*]

Quasi diceret: Si sic se res habet, age:
fiat non mea, sed tua voluntas: nihil ob-
sisto, quò minus me laues, tantū ne à te
separer. En offero manus, pedes, caput,
totū corpus laua, terge prout libet, nihil
recuso. Prius nō intellexerā, ideo veniā
peto, &c. Hoc nimirū est, quod Chryso-
stomus de ipso dicit. Petrus in recusā-
do vehemens, in permittendo vehe-
mentior, vtrūq; ex amore. Atq; hic vi-
demus naturā fidei, quæ se totā in diu-
nā resignat voluntatē, vt nobiscū agat
vtcūq; tandem libet: Ipse viā, ipse exi-
tum inueniat pro sua volūtate. Sic Da-
uid: Si dixerit, inquit, mihi, Non places,
præsto sum, faciat quod bonū est in o-
culis eius. Sic Abraham plenē se Deo
cōmisit, sequens eum quocūq; duce-
ret, &c. Hęc autē suis ipsius in diuinam
voluntatem resignatio, cultus est Deo
longē gratissimus. Vnde Christus di-
cit: Qui vult venire post me, abneget se
metipsum, & sequatur me. Obserua au-
tē, quod Petrus vltra pedes offert etiam
manus & caput lauanda. Non solum es-
nim affectus nostri, sed etiā opera & ipsa
deniq; intentio, indigent sæpenumero

purgatione. Hinc Dauid totū se immū-
dum cōfitemur: Ecce, inquit, in iniquita-
tibus cōceptus sum, &c. Asperge igitur
me hyssopo, & mūdabor, &c. In summa,
verbum hoc Petri indicat, quod totali-
ter inquinati sumus in corpore & ani-
ma, in affectibus, operibus, intentione,
voluntate, & intellectu. Opus igitur ha-
bemus Christo. Deinde verbū hoc docet,
quid potissimum petamus à Chris-
to, nempe vt totos nos mūdēt, q totos
nos creauit. Nisi enim primò mundati
fuerimus, nō possumus esse participes
bonorū Christi. Demū ostēdit, quid po-
tissimū Deo offerre debeamus pro in-
numeris suis beneficijs, nēpe omnimoda
resignationē, non tēporalium tantū
bonorū, sed propriæ voluntatis &
rationis, vt bis dicere possimus cū Da-
uide: Paratū cor meum Deus, propter
te scilicet abnegare mundū. Iterum. Pa-
ratum cor meū, abnegare scilicet etiam
meipsum. Sic Abraham nedum obediuit,
quū iuberetur relinquere patriā, sed et-
iam quū iuberetur occidere filiū. Verū
pauci sunt, qui nunc eū imitantur.
Possent quidē inueniri, qui temporalia
abdicent, sed rarissimus est, qui propriā
voluntatē iugulet. Cæterū, quanquā Pe-
trus & manus & caput abluenda offerat,
Christus tamen quod cœperat, tantū
modo pedes abluir:

*Qui lotus, ait, est, non indiget, nisi vt
pedes lauet.*]

Quasi diceret, Non opus est Petre,
vt manus & caput tibi laue. In his enim
locis satis lotus es. Pedes autē nō possunt
satis lauari: statim enim iterū inquinan-
tur. Vide autē, quā aptē Christus à res-
bus externis ad res spirituales sermonē
conuertat: relicta enim ablutione corpo-
ralium membrorum, transit ad ablutio-
nem membrorū interiorum ipsius ani-
mæ, quæ sunt affectus, qui hic per pedes
signantur. Sicut enim in omnibus ne-
gotijs pedibus terram conculcamus, sic
sine affectibus mortalitas nostra non
viuit. Affectus enim in omnibus nego-
tijs se interserunt: adeò, vt si quis eos
ablutione & purgatione negaret indi-
gere, planē seipsum falleret: Si dixerit
mus, inquit, quia peccatum non habet
mus, nos ipsos seducimus, & veritas in
nobis

2. Re. 15.
Gen. 12.

Mat. 16.

nobis non est. Quotidie igitur pedes nostros lauat, qui sine intermissione in celo pro nobis interpellat. Et quod hæc lotio quotidiana nobis necessaria sit, fatemur ipsi, cum oratio dicimus: Dimitte nobis debita nostra, &c. Ceterum, Christus hoc verbo [Qui lotus est, &c.] manifestè ostendit, duplici ablutione nobis opus esse. Vna, qua totum corpus ab innata immunditia: Altera, qua pedes à quotidiano puluere & luto, quod subinde inhæret, abluantur. Vtræque autem ablutionem, Christus suo sanguine nobis parauit. Et prima quidem fit in Baptismo: ibi enim totus homo abluatur ab innata immunditia, id est, peccato originali, sed tantum semel. Vnde dicit: [Qui lotus est, non indiget denuò hoc modo lauari] in Baptismo. Satis enim est, semel baptizatum esse, hoc tantum curandum est, ut pedes subinde lauentur. Hæc autem secunda ablutio fit non in Baptisterio (Tauffstein) sed in Podoniptro (Fusbecken) hoc est, in poenitentia, quæ quotidiana peccata emundat. Est enim secunda tabula, qua qui post baptismi ablutionem naufragium fecerunt, enatare possunt. De hac ablutione dicit Esaias: Lauamini, mundi estote, &c. Hæc autem ablutio pedum, in poenitentia semper fieri debet. Nam via in qua gradimur, polluta est, ut Dauid ait: Et sordes Hierusalem in pedibus eius. Vnde & Paulus: Si quis se emundauerit ab illis, erit vas in honorem, &c. Cæterum mouere aliquem posset, quod Christus addit:

Sed est mundus totus,]

Quomodo enim totus mundus est, qui adhuc iubetur pedes lauare? Imò, quomodo totus mundus est, qui baptizatus est, cum scriptura vbique asserat, neminem sine peccato esse? Et quidem verissimum est, quod nemo sine peccato est: Nihilominus tamen etiam verum est, quod totus mundus est, quisquis per fidem purificatus est. Is enim, quia corpori Christi insitus est, Christi sanctitatem & puritatem per fidem participat & possidet. Hinc Paulus credentibus dicit: Abluti estis, sanctificati estis per nomen Domini Iesu. Et iterum: Nihil damnationis est his, qui sunt in Christo Iesu. Hinc idem Christo in-

stiti, dicuntur sancti, propter fidem, non men, & sanguinem Christi. Interim tamen in seipsis nihil sunt, nisi peccatores, & multum quidem peccatorum habent adhuc, sed nihil damnationis: quia apud Deum mundi reputantur propter fidem in Christum. Hinc Paulus de seipso: Mente quidem, inquit, seruo legi Dei, sed carne legi peccati. Colligitur igitur ex hoc verbo Christi, quod Apostoli fuerint baptizati, alioqui non dixisset illis: Qui lotus est, non indiget nisi ut pedes lauet. Colligitur secundo, quod non satis est, esse baptizatum, nisi & subinde pedes lauemus. Colligitur tertio, maiorem esse vim gratiæ, quam peccati. Vbi enim gratia est, ibi homo iustus & mundus reputatur coram Deo, etiamsi in se adhuc non omnino sine imperfectiõibus & peccatis sit. Colligitur quarto, relapsis post Baptismum necessariam esse poenitentiam. Colligitur quinto, quod Præconi Euangelico non sufficit communis illa puritas, quam præstat Baptismus & Euangelicæ fidei professio, nisi pedes, id est, animi affectus, subinde purgentur ab omnibus inquinamentis huius mundi, à quibus tamè vix quisquam purus esse potest, nisi subinde per misericordiã Christi contagium ex hominum commertio contractum studeat abluere. Hactenus igitur Christus verbum hoc. Qui lotus est, &c. in genere dixit. Mox sermonem ad Apostolos in speciali conuertit:

Et vos (inquit) mundi estis, sed non omnes.]

Mundi erant Apostoli, quia baptizati erant, & Christo inhærebant, eumque infatigabili studio sequebantur & amabant: maximè autem mundi erant ab impietate & auaritia Iudæ proditoris. Ius cundè autem sonat, quod iudex ipse eos mundos pronunciat. Cæterum terribile est, quod addit: [Sed non omnes,] quo verbo Christus nedum Iudæ percutit, sed etiam omnes sub titulo Christiani nominis impiè viuentes. Non enim quisquid auri specie fulget, aurum est. Nam & Iudas externè lotos habebat pedes, & inter Apostolos conuersabatur, sed corpore tantum, non fide. proinde illotis manibus & pedibus,

KK ij proiecit

proiectus est in tenebras exteriores. Signanter autem Ioannes addit.

Sciebat enim quisnam esset, qui traderet eum.]

Ut sciamus, propter solum Iudam Christum dixisse: Non estis mundi omnes. Hoc autem verbum, veræ charitatis & humilitatis nobis exemplum ostendit. Videbat Christus animam impij huius: sciebat cruenta consilia eius, honoravit tamen eum ut alios: adeo, ut etiam pedes eius lauaret. Hic discite inimicos diligere, & ostentibus benefacere. Atque hæc mirabilis perfectæ clementiæ diuinæ naturæ propria est. Non enim ideo statim punit, quia nouit peccata: sed clementer ferens, multis reuocat modis, plerumque etiam proditoribus suis benefaciens, ut verum appareat illud Propheticum: Nolo mortem peccatorum, &c. Deinde hoc verbo ostenditur magnitudo peccati ipsius Iudæ, quod nec Christus abluere potuit, nimirum impio illo reluctante. Miramur quorundam impiorum peccata, atque hinc eorum grauitatem & perniciem perpendimus, quod nec Prophetæ ea sanare potuerunt, quantumuis medicamentorum apponerent, quemadmodum vnus eorum dicit: Curauimus Babylonem, & non est sanata. Quantum igitur fuit peccatum Iudæ, quod tanta remedia à summo medico Christo accepit, nec tamen sanatum est?

Postquam ergo lauisset pedes eorum.]

Hic Christus præstat, quod Petro promiserat, cum eius pedes lauaret: Scies, inquit, postea, quid scilicet hæc lotio pedum significet. Hoc nunc ostendit. Sic enim quodlibet suo tempore agendum. Primum fiat opus ipsum in se, deinde sequatur prædicatio & interpretatio, quid sibi velit opus ipsum. Non autem statim Christus significationem huius lotionis aperuit, ut discipuli causam ignorantes, eo diligentius attenderent, eoque magis admirarentur. Nunc autem sublati linteo & pelui, iterum recubuit, & ad prædicandum se accingit. Et primum interrogatione ipsos attētos facit. Cum enim interrogamur quod nescimus, solemus quasi manu pulsante excitari, ut attentius audiamus. Sic Christus hic facit,

Scitis (inquit) quid fecerim vobis.]

Imò nequaquam sciebant. Non quidem ignorabant pedes sibi ablutos, sed ad quid & quare, planè nesciebant. Hic igitur doctore opus habebant. Generaliter autem omnibus nobis dici putemus: Scitis quid fecerim vobis? Per hoc enim excitari debemus ad meditandum, quæ à Domino accepimus. Vnde & Paulus dicit, nos spiritum Dei accepisse, ut sciamus, quæ à Deo donata nobis sint. Dicit igitur Christus cuilibet fidelium: Scitis quid fecerim vobis? in creatione, in redemptione, in singulorum vocatione, &c. Hæc est summa illa scientia, quæ sola non inflat, sed Deo nos commendat. Est etiam summè necessaria, quia aliæ scientiæ sine periculo nesciuntur: hæc autem non. Qui enim ignorat, ignorabitur. Verum ad verba Christi reuertamur. Antequam igitur exprimat, quid sibi velit lotio pedum, præmittit suam dignitatem & gloriā, ut fortius moueantur ad imitationem eius, nimirum ex altera parte videntes eius dignitatem: ex altera autem propriam confusionem, si eum non imitentur. Sic enim insignium personarum opera plus excitant ad imitationem, imò etiam ruborem suffundunt humilioribus, si ea non imitentur.

Vos (inquit) vocatis me magistrum & Dominum.]

Proterat quidem Christus maiora de sua dignitate dicere, contentus tamē fuit his titulis, quibus eum apostoli appellabant, nec etiam opus fuit maiora commemorare. Nam si discipulo dedecus est, imitari magistrum, qui tantum homo est, quanto turpius erit Christiano, si superbiat, cum videat Deum humilissimum? Signanter autem dicit: [Vos me vocatis magistrum & dominum.] Nam & Pharisei sæpius eum vocauerunt magistri, verum ore tantum, non corde. Item tantum magistrum eum appellabant aliqui, non Dominum: nec enim animus eorum erat ipsi obedire. Aliqui tamen etiam Dominum eum vocauerunt, sed audierunt: Quousque dicitis mihi, Domine Domine, & non facitis quæ dico? Non parua igitur laus Apostolorum est, quod ipsis dicitur: [Vos me vocatis me magistrum & dominum:]

quana

quandoquidem Paulus ait: Nemo potest dicere Dominus Iesus, nisi in Spiritu sancto. Apostoli autem Christum magistrum appellabant, quia discere cupiebant: Dominum autem, quia obedire parati erant. Ideo audiunt: Bene dicitis. Sic Deum hi soli recte nominant Patrem, qui eum amant & reuerentur: & soli recte eum Dominum vocant, qui eum ti-
 Mala. 1.
 ment. Iuxta illud: Si ego Pater vester, ubi est amor meus? Si ego Dominus vester, ubi est timor meus? Ne quis autem putet, Christum hos duos titulos, magistri scilicet & Domini, tantum ab hominibus, & non ex natura habere, subdit:

Et bene dicitis. Sum etenim.]

Alij enim nominantur quidem magistri & domini ab hominibus, cum tamen & ipsi plerumque nesciant, & in multis deficient: Christus autem verè est & magister & Dominus. Hos enim titulos non habet ex hominibus, sed ex natura. Est enim verè Dominus vniuersorum, omnium habens dominium, cui & merito omnia famulantur. Est & verè magister non externè tantum docens, sed etià internè illuminans, quia est sapientia Patris. Quemadmodum enim, cum ipse sit vita, omnia vitæ susceptibilia viuificat: sic cum ipse sit sapientia Patris, sapientiam cunctis eam suscipere volentibus immittit. Hoc nemo hominum aut Angelorum potest, ideo merito dicitur: Magister vester vnus est Christus. Vide autem quam pulchrè argumentetur.

Si ego (inquit) laui pedes vestros Dominus & magister, & vos debetis alter alterius lauare pedes.]

Sensus est: Si ego Dominus sum, cõsequitur vos esse seruos. Vnde vltius sequeretur, quod non ego vobis, sed vos mihi pedes lauare debebatis. Huc morem ego non sine causa inuertit: humilitatem & charitatem per hoc docere volui. Ea enim cum verbis inculcari non possint, tam efficaciter volui ipso exemplo meo persuadere. Si igitur ego non dedignatus sum, in tam villi officio ministrare, nec vos dedignemini idè etiam alijs exhibere. Magna siquidè inter me & vos est differentia. Nam ego Deus sum, vos homines estis. Parua autem inter vos & alios homines differentia est,

imò titulos tenus tantum differtis. Nomen enim aliud domini, aliud serui habet, cum in natura sint æquales & equè miseri. Ideo ego tantò maior, hoc vobis exemplum exhibui, ne vos inter pares pigeat imitari, quod ego magister & Dominus discipulis & seruis feci, pudeatque fratrem in fratrem, & conseruū in conseruum tyrānicū sumere animū: quum ipse, qui mihi meritò huius dignitatis fastidium possem vendicare, memet vique ad lauandos pedes vestros deiecerim. Vide autem, quā modestè Christus hæc dicat. Potuisset, sicut in antecedenti suas conditiones adduxerat, nempe: Ego Dominus & magister, sic & in sequenti ipsorum conditiones ponere: Vos homines serui & peccatores. Verū contentus est dicere: Et vos quoque debetis, &c. nos per hoc docens, vt sic magna (vbi res exigit) de nobis loquamur, ne alijs quicquā derogemus, neque in superbiam contra alios erigamur, etiam si maiores ipsis sumus. Habes igitur, quid Christus ab Apostolis exigit, imò ab omnibus, qui eum magistrum & Dominum confitentur, nempe, vt alter alteri pedes lauet. Nec quisquam hic excipitur, cuiuscunque status aut conditionis sit. Non tamen hoc de sola corporalium pedum ablutione intelligi oportet, quasi ea omnibus modis sit necessaria. Huiusmodi enim pedes etiam lauare possunt, qui nullatenus Christum imitantur, sed superbissimè alijs dominantur: Pedes igitur lauare, si ad Apostolos referam, nihil aliud est, quàm officium suum ita exercere, vt sciant & re ipsa ostendant, se non aliorum dominos, sed seruos & ministros esse, officiumque suum non fastu aut supercilio, sed beneficijs, sollicitudine & labore ostendant, auctoritatemque suam non violentia, sed modestia & benefactis tueantur. Sic docet Christus: Qui maior est vestrum, sit vester minister. Si autem verbum Christi ad omnes Christianos in communi referamus, tunc pedes lauare nihil aliud est, quàm alijs se postponere, alijs ministrare: vel, vt Paulus ait, aliorum onera portare, & alijs potius, quàm sibi ipsis placere. Damnat igitur hoc verbum omnem ambitionem nostram, quæ tamen mirabiliter magna in nobis est.

KK iij Con

Mar. 10

Gala. 6

Congruè autem Christus, antequàm charitatem & pacem doceat, priùs ex suorum animis ambitionem & gloriæ stimulum extirpare molitur. Vbi enim ambitio est, ibi ne inter fratres quidè cōuenit: *Prou. 13* Inter superbos enim semper sunt tur-

Exemplum enim dedi vobis, &c.]

Verè insigne exemplum, omni diligentiā attendendum, Christus nedum hominū, sed etiam omnī Angelorum Dominus, cui Pater omnia contradidit, qui omnem potestatem habet in cælo & in terra, qui denique cum Deo Patre vnū est, ita tamen se humiliavit, etiam vsq; ad pedes hominū piscatorū. Quis simile vnquā audiuit de regibus & principibus huius mundi? Tanti nos æstimauit filius Dei. Et nos igitur similia faciamus. Humiliemus nos erga inuicem: Diligamus alterutrū. Quod si hoc exemplum Christi nos non mouet, nullum mouebit. Obstinos & induratos, imò & exæcatos & desperatos esse oportet quotquot sunt, qui ad hoc exemplum Christi non mollescunt. Confundatur hic fastus tuus superbe homo, qui præ superbiam nescis quomodo stare aut incedere, quomodo ite te vestire & ostentare debeas. An nō vides hic Christum præcinctum, cum pelui & aqua circuire & ministrare, Et quis tu es ad illum? Erubescere miser homo. *[Exemplum, inquit, dedi vobis.]* Vobis, inquam, nepe Christianis. Nobis hæc scripta & facta sunt, non Turcis. Vnde igitur tanta superbia, tantus fastus, tanta pōpa, nedum inter laicos Christianos, sed etiam inter episcopos, Apostolorum successores? Hōcne est Christum imitari! Quod Christus omnibus modis præuenire voluit, nempe ambitionem, superbiam, pompam, maximè in Ecclesiæ Prælati, hoc nunc in summum excreuit, cum maximo detrimento & scandalo totius Ecclesiæ, &c. Attendamus igitur

verbum, quod hic dicit Christus: Exemplum dedi vobis, &c. Videmus igitur in hoc verbo, q. Christus duobus modis aspiciendus est. Primò vt minister noster & donū, quo à Deo donati sumus. Nā & Filiū nedū pro nobis sed etiā nobis dedit. Deinde etiā aspiciendus est vt exemplum. Hinc Petrus: Christus passus est, vobis relinquens exemplum. Et Christus ipse: Discite à me, quia mitis sum. Sic etiā omnia Christi opera & passionēs primò sunt ministeria, quibus nobis ministravit, imò sunt dona, quæ nobis dedit. Nam quicquid egit & passus est, pro nobis egit & passus est, sicq; nobis ministravit, imò omnia sua opera & merita nobis dedit & dat per fidē. Deinde autē ea ipsa, quæ fecit & passus est, etiam sunt exempla, quibus conformari debemus, sicut hic expressè audis. Monoculi igitur sunt, qui Christum vel tantum vt donum, vel tantum vt exemplum attendunt, cum vtroque modo aspici vel lit, &c. Cæterum, quod addit:

Quemadmodum ego feci, ita & vos faciatis.]

Intelligendum est secundū possibilitatem nostram. Nemo enim est, qui omnibus modis facere possit, quemadmodum Christus fecit. Nec hoc Christus à nobis exigit. Sic enim & magistri pueris pulcherrimas literas pingunt, vt quisq; eorū, quantum potest, manum magistri imitetur. Non autē exigit, vt omni modo similes pingant, hoc enim scilicet pueris impossibile esse. Potest tamen hoc verbum: *[Quemadmodum ego feci,]* specialiter ad ea referri, quæ Christum circa lotionem pedum fecisse audiuitur. In his enim, si diligenter attendatur, pulchrè expressum est officium Apostolorum. Primò igitur exemplum Christi, surgere debent à cœna Moyse si ad cœnam Christi, à scientia ad opus, à cibo ad laborem, à litera ad spiritum. Secundò ponant vestimenta sua, abijciant quicquid impedit ad virtutem, vt strenuè, non otiose laborent. Tertio præcingant se linteo albo, id est, munditia vitæ. Iuxta illud: Sine lumbi vestri præcincti. Quarto præcipientur se, necum alios mundant, ipsi

Mat. 11.
Mat. 28.
Iohan. 14

1. Pet.
Mat. 10

Luc. 12

ipsi se maculent. Quintò mittant ac terra stabilior est, sicut ipse testatur: Cælum & terra transibunt, verba autem mea non transibunt, tamen hic etiam iuramentū addidit. Primò, ut fortius imprimeret. Deinde, ut ostenderet, scitu quidem facile, at difficile creditu, difficillimum autem obseruatu esse, seruū non maiorem esse debere Domino suo. In externis quidem nemo est, qui se Domino suo præferre audeat, aut melius habere contendat, quàm Dominus suus habet: At in spiritualibus rebus longè aliud videmus. Nemo nō meliori fortuna uti vult & cupit, quàm Christus vsus est: Christus cum in formā Dei esset, seipsum humiliavit, nos miseri humilitatem refugimus: Christus nobis ministravit seruis, nos dedignamur cuiusquam seruire aut ministrare: Christus etiam inimicis benefecit, nos nec fratribus: Christus obediuit, laborauit, &c. nos orium quærimus: Christus, quamuis sit splendor gloriæ Patris, patienter tamen sustinuit opprobria hominum, nos longè aliter affecti sumus: Christus iudex omnium, se iudicari permisit, nos dedignamur à quoquā iudicari aut argui: Christus per crucem & mortem ad gloriam suam intrauit, nos conamur per luxum & lasciuiam illuc penetrare. Quid igitur aliud facimus, quàm quòd Domino nos præferimus, ac meliora cupimus, quàm ipse habuit? Non igitur sine causa toties & tantopere verbum hoc nobis inculcat. Vult igitur, ut agnoscamus nos esse seruos. Deinde, ut consideremus, quid ipse fecerit & passus sit. Hæc qui diligenter attendit, promptissimè fiet ad omne bonum, & patientissimè ad omne malum. Vnde & Christus subdit:

Si hæc scitis, beati estis, cum feceritis ea.]

Vide quàm validè vrgeat opus, quasi sine eo nihil valeat quodcunq; scire. Ne enim discipuli dicerent, iamdudum scimus, nos humiliari debere, quid igitur de nouo hoc doces, quasi non prius sciamus? Rectè, inquit Christus, Si scitis hæc, tantò melius est. Verùm ad hoc scire requiritur etiam opus. Neminem beatum dico propter scire, sed propter operari. Si scientes beati esse cupitis, facite quod scitis. Opus ipsum vidistis in

KK liij me,

uerint, ipsi reprobi efficiantur. Eodem modo etiam alij agant Christiani circa se & sibi commissos. Vt autem Christus hoc exemplum suum fortius persuaदे, utitur etiam alio argumento:

Non est (inquit) seruus maior Domino suo, &c.]

Quasi diceret: Non est, quòd hoc exemplum meū erubescatis imitari. Quid enim aliud estis, quàm Apostoli & serui mei, quorum ego Dominus & magister sum? Supra me non estis, imò etiam si in posterum vel vos vel successores vestri, ad quascunq; dignitates perueneritis, nō tamen maiores eritis, aut plura scietis, poteritisq; quàm ego. Ideo non est, quòd vos serui erubescatis de humilitate & charitate exhibenda, de quibus ego Dominus vester non erubui. Hoc igitur verbo Christus omnem superbiam & ambitionem Ecclesiasticorum reprimat. Da enim siue Papas, siue Episcopos, siue Cardinales, siue Doctores, &c. quid aliud sunt, quàm serui? Si autem serui sunt, quemadmodum omnes libenter facientur, id agere deberent, ne supra suum Dominum ascenderent. Quomodo autem hoc fiat, ipsi considerent, &c. Non enim est hic locus, hanc camerinam mouere: Sua ipsi conscientia declarabit, in quibus Christo dissimiles sint, imò in quibus supra Christum esse conentur, &c. Cæterum, Christus hanc sententiā: [Non est seruus maior Domino, &c.] crebro inculcat. Hoc tamen loco, cum magno pondere verborum repetit:

Amen (inquit) dico vobis, &c.]

Ipsa quidem res omnibus nota est, seruū scilicet non esse maiorem Domino suo. Insuper & omnis sermo Christi etiam sine iuramento prolatus, cælo

Luc. 21o

Phil. 2o

Mat. 20o

Hebr. 1o

Luc. 24o

Luc. 6.
Mat. 10.

me, itidem & ego in vobis videre cupio. Ex hoc verbo Christi vides, nō sine causa nos in Ecclesia iuxta fidem etiam docere & prædicare bona opera contra oſſores operum. Quid enim aliud facere possumus, quā quod Christus ipse fecit? Nemo Christianus nos damnare poterit, cum verbis Christi manentes. Et tu igitur quisquis es, permane cum certo verbo Dei, nec quicquam te ab eo dimovere patiaris. Lege Matthæi 5. Lucæ 6. Romanorum 12. Epheseos 4. & 5. Iacobi 1. &c. & videbis manifestissimè Christum & Apostolos bona opera docentes. Quid igitur nobis de vana gloriatione Pseudo euangelicorum, quod in Euangelio multa didicerint, & omnes scripturas nouerint, cum nec minimum opere compleant? Scito igitur Christianorum perfectionem non in scire, sed in operari consistere. Non auditor, inquit, obliuiosus, sed factor operis, beatus in Iacob 1. facto suo erit. Et iterum: Scienti bonum & non facienti, peccatum est illi. Et Christus: Qui audit verba mea & facit ea, cōparabitur viro sapienti, &c. Et Dauid: Iustitia illius in filios filiorum, his qui seruant testamentum eius, & memores sunt mandatorum illius ad faciendum ea. Cæterum, sicut Christus supra exceperat & segregauerat immundum Iudam à mundis: Estis, inquit, mundi, sed non omnes: sic hoc loco ipsum eximit & separat à beatis:

Non (inquit) de omnibus vobis loquor.]

Quasi diceret, Dixi beatos futuros vos, si me imitati fueritis. Verum non omnes in hac beatitudine locum habebitis: Est vnus inter vos, qui expers est huius sermonis. Is enim adeo non ministrabit conseruis, vt etiam in me Dominum suum crudelis futurus sit, non erit minister, sed fur: non imitator, sed insidiator: non Apostolus, sed diabolus. Verè miserrimus Iudas, qui nec hic inter mundos, nec illic inter beatos locum habet. Hoc itaq; verbo iterum eum pungit Christus, si fortè corrigatur. In generali autem loquitur, nec exprimit, quis ille sit, vt omnes terreantur. Nam & ipsi eo tempore contendebant de primatu, vt infra dicitur. Sed quid sibi vult, quod Christus addit:

Ego scio quos elegerim.]

Respondeo, Ideo hoc addidit, ne quis putaret errore factum, quod Iudas talem hominem in numerum Apostolorum receperat. Dupliciter autem eligit Deus. Primò ad præsentem: Secundò ad finalem gratiam. Primo modo etiam Iudas electus fuit, ad Apostolatū scilicet, sed non secundo modo. Non enim electus fuit ad beatitudinem. Si quæris causam, cur non & ad beatitudinem ipsum elegerit? Respondeo cum Paulo: O homo quis tu es, qui respōdeas Deo? Satis nobis sit scire, quod Deus iustus est, & omnia sapienter disponit. Sed dicet quis, Cur Christus igitur impium hunc, quem talem esse sciuit, tā diu passus est inter discipulos morari? Respondet Christus:

Vt impleatur scriptura: Qui edit mecum panem meum, sustulit aduersum me calcaneum suum.]

Quasi diceret, Ideo sustineo in multa patientia hoc vas iræ, aptum ad interitum, vt quod ab initio de me fuit dispositum, nunc fiat nullo interueniente nouo consilio, sed ordine certo, & antiquitus præscito & præfinito. Hoc tamen non sic intelligendum est, quasi Iudas coactus sit Christū prodere, ne scriptura falsa inueniretur: alioqui non vituperandus, sed laudandus esset, imò ipsius peccatum in Deum recideret. Sed quia ipse sua sponte hoc facturum erat, idcirco præsciēs Spiritus sanctus, hoc futurum prædixit. Locus autem hic citatus, ex Psalmo quadagesimo desumptus est. Quod autem dicit: [Sustulit aduersum me calcaneum,] Prouerbialis locutio est. Sic enim loquitur, cum aliquem insigne contemptum esse monstrare volumus, quemadmodum & nos Germanicè dicimus: (Er vvolte gern mit füssen vber in gehen.) Item, (Er helt in vvie ein fustuch.) Est igitur sensus verbi: Qui mihi amicissimus erat, qui diuturnum contubernium mecum habuit, qui mecum ambulabat, stabat, comedeat, bibebat, vigilabat, dormiebat, tanquam amicissimus, cui meritò fidendum videbatur, quem deniq; maximis beneficijs affeceram, is mihi hanc gratiam retulit, quod maximus mihi factus est aduersarius,

rius, nec hoc contentus, omnibus mor-
 dis me supplantare conatur. Congruè
 autem hoc verbum in Iudam competit.
 Verè enim Christum supplantare con-
 natus est: adeo ut etiam omnis memo-
 ria eius periret. Christus tamen hoc pec-
 catū Iudæ mitius exprimit, quàm Psal-
 mista. Illic enim nō simpliciter dicitur:
 Leuabit calcaneum, sed: Magnificat ad-
 uersum me supplantationem, hoc est,
 magnificè supplantauit. Verè enim ma-
 gnifica supplantatio fuit, ubi emptorem,
 imò redemptorem omnium, hic vnus
 peruersè supergressus vendere præsum-
 psit. Nimis certè altè leuauit calcaneum
 suum, non ut Christum emeret, sed ut
 eum venderet. Voluit autem Christus
 non solum occidi, sed etiam prius ven-
 di: Quia videlicet homo, pro cuius salu-
 te venerat moriturus, non solum pro-
 pter transgressionem mortuus, sed in
 ipsa transgressionem fuerat etiam venun-
 datus. Non enim nulla spe persuasi sunt
 primi homines, ut mandatum transgre-
 derentur. Sed aperientur, inquit, oculi
 vestri, & eritis sicut dii. Sic igitur quam-
 uis mendaciter in transgressionis præ-
 tiū diuinitatis spes proposita est. Vnde
 & Propheta clamat: Gratis vānundati
 estis, & sine argento redimemini. Igitur
 hic ordo salutis nostræ necessarius erat,
 ut pro mortuis & vānundatis saluator
 moreretur & videretur. Cæterum, quod
 Iudas impiè egit in Christum, hoc hæ-
 retici & sectarij etiamnum agunt in Ec-
 clesiam matrem. Ipsius enim vberibus
 nutriti, panibusq; eius saginati, nunc
 eam pedibus conculcant, ut meritò ipsa
 dicere possit: Filios nutritui & exalta-
 ui, ipsi autem spreuerunt me. Non ta-
 men mirandum est, Ecclesiam hoc pari-
 à Pseudofilijs, quod Christus passus est
 à Pseudodiscipulo. Non parum tamen
 etiam nos verbum illud è Psalmo addu-
 ctum terret. Primò, quia ostendit graui-
 tatem peccatorum nostrorum, quæ nos
 leuia putamus. Quis enim non abomi-
 netur eum, qui Christum pedibus con-
 culcavit? Quis sibi non timeret, qui tan-
 tum contemptum & ignominiam inges-
 sisset filio Dei? Atqui Psalmista ait,
 quod peccare in Christum, est ipsum pe-
 dibus conculcare. Sic & Paulus asserit,
 quosdam esse, qui filium Dei pedibus

conculcent, quibus & ob id magnum sit
 dictum Dei imminere affirmat. Secun-
 dò etiam hac ratione nos terret hoc ver-
 bum Psalmi, quod nos iam sumus, qui
 Christi panem manducamus in verbo &
 in Sacramento, & in his, quæ Christo
 oblata sunt, ut sunt bona Ecclesiæ. Vi-
 deamus ne & nos panibus Christi ves-
 centes, ipsum pedibus conculcemus: Ma-
 ximè, cum iam inde ab exordio maxi-
 mos semper Dei hostes fuisse comper-
 tum sit eos, qui maximè videbātur eius
 amici. Sic Sathan creaturarum optimus,
 factus est maximus Dei aduersarius.
 Sic Israelitæ populus Dei electus erant,
 plus tamen Idololatriæ commiserunt,
 quàm Gentiles. Vnde de ipsis dicitur: Hier. 52
 Saturavi eos, & mœchati sunt. Et ite-
 rum: Incrassatus est dilectus, & recalcit- Deut. 32
 trauit: Dereliquit Deū factorem suum,
 &c. Sic Pharisei & sacerdotes, qui suo
 etiam officio Christum adumbrabant,
 ipsum vel primi ad crucem aegerunt.
 Sic Iudas ex Apostolis non postremus
 leuauit calcaneum suum contra Chris-
 tum. Sic & nunc à Christianis maximè
 conculcatur, & ab his, qui de panibus
 eius potissimum viuunt. Hinc in Psal. Psal. 36
 mo: Super omnes, inquit, inimicos me-
 os factus sum opprobrium vicinis meis
 valde. Christum autem cōculcant, quot
 quot nomine Christi & Euangelij cōtra
 Euangelium pugnant. Et honesta specie
 scripturarum, scripturas deprauant, &
 ad suos affectus detorquent, maxime
 autem, qui Christum blasphemant, &c.
 Docemur igitur hoc verbo, ne iniurian-
 tibus irascamur, quin potiùs benefacia-
 mus, quemadmodum Christus hic pro-
 ditoris mentionem faciens, nedum non
 irascitur aut maledicit ipsi, sed insuper
 ei benefacit, eumque reuocat. Ideo autè
 Christus hæc prædixit, ne discipuli ter-
 rerentur, cum ea viderent fieri. Deinde:

*Amodo, inquit, dixi vobis, priusquā fiat,
 ut cum factum fuerit credatis.]*

Id est, ut ex impletione illius verbi,
 sciatis me etiam in omnibus alijs verbis
 meis esse veracem. Sic postea etiam disci-
 pulis alijs prædixit, quid ipsis euentu-
 rum esset. Nec parum ipsos postea in fi-
 de confortauit, quod Christus omnia
 quæ patiebātur, prædixerat. Item: Ideo hæc

Ioan. 16

hæc prædixi vobis, vt credatis, quòd scilicet ego sum, qui occulta cordis video. Vel, vt credatis, quòd ego sum & permaneo, etiamsi ad tempus mori videar. Itē, vt credatis, quòd ego sum egenus ille & pauper, super quem qui intelligit beatus erit, sicut in eodem Psalmo dicitur: Itē, quòd ego ipse sum, qui ibidē dico: Nunquid qui dormit, non adiciet vt resurgat. Itemq; Tu Domine miserere, & resuscita me & retribuam eis. In fine addit Christus:

Amen dico vobis. Qui accipit si quem misero, me accipit, &c.]

Quo verbo primò proditorum ad officium reuocat, allicitque eum, ne hoc à se renūciat. Deinde etiā terret eum ostendens, quòd non tantum in se, sed etiam in Deum Patrem peccet. Vel aliter: Superà consolatus est discipulos, fore vt patienter ferant aduersa, si cogitent, quid ipse passus sit, & quòd seruus nō sit aut esse debeat maior Domino suo. Nunc aliter ipsos cōsolatur. Nempe, quòd nō tantum persecutores, sed etiam amicos in mundo inuenturi sint, qui ipsiis humanitatem ostēdunt sint. Quasi diceret: Hæc erit beatitudo vestra in hoc mundo: Ecce mitto ante vos vocem præconiam toti mundo audiēdam, vt qui me suscipiunt, tunc verè me suscepisse confidant, si vos susceperint tanquam meis ipsum. Et ne parum putetis in me suscipiendo esse præmij, pro eo quòd sum modò mūdo despectus: Ecce etiam hoc dico, Qui me suscipit, suscipit & Patrē. Hoc audientes filij Dei, qui in mundo dispersi sunt, summo honore & beneficijs vos prosequuntur. Sic igitur etiam Apostolis, antequā eos emitteret, prouidit de cibo & hospitio, ac magnis promissis homines incitauit ad eorum susceptionem, quemadmodum & in prima creatione etiam antequam hominē crearet, omnia eidem necessaria præparauit, locum scilicet & victum, & lucē, &c.

Gene. 1.

Pulchra autem & consolatoria gradatio est, à discipulis ad Christum, à Christo autem ad Patrem, quo nemo altius ascendere potest. Loquitur autem Christus hinc secundū humanitatem suam, ne quis Arrianus hinc colligere velit, Christum minorem esse Patre secundum diuinita-

tem. Cæterum eandem gradationem in suscipiēdis Apostolis, habes etiam Matthæi decimo, & Lucæ nono. Multo autem excellentius hoc est, quàm quòd de Abraham & Loth dicitur, qui pro hominibus Angelos susceperunt, Gene. 18. & 19. Heb. 13. Hæc autem susceptio Apostolorum, non tantum beneficio hospitalitatis & humanitatis officio completur, sed maximè in susceptione Euangelicæ prædicationis. In quem modum etiam illud intelligitur, quòd alibi dicitur: In propria venit, & sui eum non receperunt. His itaque verbis Christus Apostolos consolatus est, vt certi essent auctoritatem ipsorum magnam apud homines futuram, quantumuis Iudas malus esset. Interim etiam subindicauit, quibus gradibus ad Deum conscēdatur. Ad patrem siquidem non peruenitur, nisi per Christum. Ipse enim est via. Ad Christum autem non peruenitur, nisi suscipiamus Apostolos, hoc est, verbum eorum. Ab auditu igitur verbi incipit. Qui hoc suscipit, Christum suscipit: qui Christum habet, Patrem habet. Qui Patrem habet, omnia bona habet. Potest autem locus hic, etiam intelligi de pauperibus, quos nobis à Deo missos credamus, cum obuij nobis fiunt, cum eos clamantes audimus, cum eorum necessitatem videmus. Quos tales suscipit, Christum & Deum suscipit, audietq; in iudicio: Quod vni ex minimis istis, &c. non perdet mercedem suam. Excitat igitur Christus nos hoc verbo, vt diligenter audiamus Apostolorum verba, & vt subueniamus pauperibus.

Cum hæc dixisset Iesus, turbatus est spiritu.]

Subinde propi⁹ accedit passio Christi. Prius ipsius Iudæ pessima causa proponitur. Nec quisquam miretur, propter impium illum nequam, tot verba facta esse. Digna enim erat ipsius nequitia, quæ multis verbis ostenderetur, ad com monitionem & cautelam omnium aliorum. De peccato igitur proditoris

loquutus, primò turbatur spiritu, hoc est, internè, quemadmodum & alibi: Nunc anima mea turbata est. Dicto enim illa (Spiritus) hic accipitur, sicut cum dicitur: Infremuit spiritu, quod & ipsum non de Spiritu sancto, sed de interno homine intelligitur. Certum est enim, quod Christus naturales illas affectiones in se recepit & ostendit, sed tamen sine vitio. Atque hinc etiam declaratur vera Christi humanitas contra Valentinianos, quemadmodum & alibi, cum dicitur eum vel fleuisse vel fatigatum fuisse. Sicut igitur Christus in suscitatione Lazari seipsum turbauerat, & infremuerat aduersus potentiam ac tyrannidem peccati & mortis, qua omnes homines pressi erant: Sic hic turbatur propter excacationem & obstinationem Iudæ, qui iam toties admonitus, imò tantis beneficijs affectus, etiam nū per seuerabat in mala sua voluntate. Turbatio igitur hæc, nihil aliud erat, nisi odium peccati in Iudæ, id quod facile deprehendet, qui perpenderit Christi desiderium & studium seruandi Iudæ, imò totius populi Iudæi, cuius ille figuram & typum gerebat. Iure autem moleste ferebat Iudæ scelus, ut qui vna cum alijs discipulis multis affectus honoribus, paruo argenti pondere illectus, amorem Christi repulit, non gloriam illius, non societatis leges, non pietatem ut Deo illi debitam, non denique tantorum & tot miraculorū eius recordatus, sed detestabilem solummodo, paruamque Iudæorum pecuniolam respiciens, qua & suam animam vendidit, & innocentem iustissimumque sanguinem manibus tradidit impiorum. Turbatur etiam Christus propter magnitudinem scandali, quod ex discipulis suis non minimus descisceret. Vnde præsebat futurum, ut imbecilles alienarentur ab eo, malè sensuri de ipso: siquidē hi ab eo discessissent, quibus familiarissimè cognitus fuerat. Hæc omnia quomodo perculerint animum Christi, nemo oratione consequi potest. Docemur igitur hic, unde turbari debet Christianus, nempe non è miseria sua externa, sed è misericordia erga proximum, quem videt peccantem obstinatum esse. Cæterum turbatio hæc Christi satis ostendit, quod Deus odiat pec-

catum, & maxime ingratitudinem & impenitentiam, quorum utrunque insigniter fuit in Iudæ. Deinde insignem etiam pietatem in animo Christi indicat hæc turbatio, quod scilicet inuitus hominē perdit atque punit, quemadmodum ostendit se & in Esaia inuitum punire. *Esaia 1.* Heu, inquit, consolabor super hostibus meis. Hoc autem non paruam nobis consolationem præbet, cum audimus Deum inuitum punire, & non nisi obstinate peccantes. Mallet enim benefacere. Docuit denique Christus hac sua turbatione, quomodo affectus illos inuidiæ (cum scilicet videmus aduersarios nostros extrema citra omnem culpam nostram molientes) vincere debeamus, nempe non execrationibus aut maledictis, &c. sed benefactis, quemadmodum Christus hic fecit, & Paulus docet. *Rom. 12.* Vince in bono malū. Quid igitur Christus facit? Num execratur & maledicit Iudam? Nequaquam. Non opus est impiis maledicere. Nam iam dudum maledicti sunt, & perditio eorū festinat. Sed quid facit? Num eum prodit & tradit? Non. Quid igitur? Pie eum monet, ostendens sibi non tam esse ipsius malam voluntatem. *Pro. 24.*

Amen amen, inquit, dico vobis, quod vnus ex vobis me proditurus est.]

O insignem Christi bonitatem. Hic enim videmus, quàm congruè seipsum comparauerit gallinæ. Quoties, inquit, voluit congregare filios tuos, sicut gallina, &c. & noluit? Hoc enim reuera hic ostendit. Congregauerat alios discipulos sub alas suas: Nunc etiam errantem & perditioni proximum reuocare contendit. Et quamuis hætenus frustra eum admonuerit, tamen nondum cessat, docens nos, ne facile de proximi emendatione desperemus. Deinde, quod malus non statim eiiciendus est, imò nihil non prius experiendum. Sic Paulus docet: *Gala. 6.* Si præoccupatus fuerit aliquis in peccato, &c. vos instruite eum in spiritu lenitatis, &c. Et Christus: Si peccauerit in te frater tuus, vade & corripe eum inter te & ipsum solum. Sicut autem Christus hic, quamuis sciret Iudam non corrigendum, non tamen cessat eum punire, ac peccatum ei ob oculos ponere. Sic adhuc iusto Dei iudicio fit, ut hi qui corrigi nolunt

nolunt, cogantur tamen sentire vermem conscientiae, & verū appareat illud Prophetium: Non est pax impijs. Bis autem dicit: [Amen amen,] tum vt ipsos excitet: tum etiam vt ostenderet certitudinem verbi sui. Obseruandum autem, quod Christus quamuis peccatum Iudae manifestet, non tamē prodit personam, ne vel in iram contra Christum, qui est confudisset, exandesceret, vel impudenter negare praesumeret: nos interim docens, quid de occultis peccatis fratrum facere debeamus: Nempe, quod nobis fieri volumus. In communi autem loquitur, vt omnibus timorem inculceret: Beatus enim homo, qui semper est pauidus. Vnde Paulus: Noli altum sapere, sed time. Per hoc inquam, quod tam manifeste ostendit sibi nota esse peccata, quantumcunque occulta, absterre & ipsos & nos vult nedum à malis operibus, sed etiam à malis conatibus & voluntatibus. Vnde non immerito dicit Boetius: magnam nobis incumbere necessitatem pie viuendi, quandoquidem euncta agamus ante oculos iudicis, omnia cernentis. Cæterum, quid hoc verbum in cordibus effecerit discipulorū, patet ex eo, quod dicitur:

Mœsti ergo facti sese mutuò aspici-
bant.

Nec mirum hoc erat. Quilibet sciebat se innocentem, nec quisquam malū suspicabatur de alio, Interim tamen non dubitabāt, Christum vera locutum. Mirabātur igitur, quomodo Diabolus tam potens esset, vt etiam ex ipsis vnū rapere, & à societate Christi auertere posuerit. Deinde suae quisque conscientiae timebat, & quamuis nihil tale sibi consensū essent, suspecta tamen erat cuique propria carnis infirmitas. Dicere igitur poterant cum Paulo: Nihil mihi conscius sum, sed non in hoc iustificatus. Boni autem & pii cordis signum est, cōtremiscere ad iudicia & verba Dei. Contra autem obstinati animi Indicium, nihil moueri, quemadmodum Iudas hic solus non terretur, sed in eadem impudentia manet, non veritus sacris epulis interesse. Et potuit interim ferre oculos Domini, cui nouerat esse non ignotum, quod secum agitaret in animo: Praeter

rea nonnihil mouebantur Apostoli, quod tam sanctum consortium, tanto scelere dehonestādum esset. Apparet autem ex hoc loco, Iudam non fuisse autem cuiquam discipulorum indicare, quid animo agitaret. Atq; hoc cedit in laudem ipsorum, damnationem autem impij illius, qui inter tot sanctos tam malus permansit. Igitur cum discipuli non dubitarent, verba Christi vera esse, nec tamen suspicari possent, quis eorū cōimplietatis peruenturus esset, se mutuo aspiciunt, si vel rubore vultus quis seipsum proderet.

Erat autē vnus ex discipulis Iesu, &c.]

Discipulus ille, cuius hic mentio tam celebris, sine tamen expressione nominis sit, fuit Ioannes, qui praeter alijs haec duo praecōtia habuit, quod scilicet Christus eum dilexerit, & quod in sinu super pectus Christi recubuit. Et quamquam haec de seipso scribebat, non tacite tamen hoc facit, sed quasi coactus, vt scilicet Euāgelium suum suimet auctoritate cōfirmaret. Nam etsi omnes Euāgelistae testes idonei sint, adeo, vt de ipsorum testimonio vel tantillum dubitare nefas sit, tamen hic praecipue fide dignus testis est, qui adeo veritati, quam narrat, praesens interfuit, vt recumberet in sinu eius, & illi verbo praeter cunctis moralibus prope admissus, quod eructatum de corde Patris & caro factum, altius personare decreuerat per linguam & calum eius. Sicut igitur Paulus, quodammodo coactus improbitate Pseudopostolorum, se commendauit apud Corinthios: Factus sum, inquit, insipiens, vos me coegistis. Sic Ioannes hic facit, propter haereticorū peruersitatem: vterq; tamen ex humilitate suum nomen retinet. Quod autem Ioannes super pectus Domini se inclinauit, vel fuit ex nimia tristitia & timore, propter verbum quod dixerat Christus. Vel fuit ex dulcedine, quam senserat ex praecedentibus verbis & factis Christi: vel ex nimietate dilectionis, quae non attendit quid agat, tantum vt dilecto adhæreat: vel denique fuit ex cōtēplationis excessu. Fieri enim potest, vt in excessu mentis raptus fuerit. Nec dubium, quin in illo raptu didicerit sublimia illa, quae post de diuinitate verbi

Ioan. 1. verbi scripsit. O felicem igitur hunc discipulum, qui tam familiariter recubuit super pectus eius, quem à longè videre, ad cuius vel pedes admitti, summam a Psal. 79. l. ij. felicitatem iudicant: Ostende, inquit, David, tantum faciem tuam, & salui erimus. Vide etiam & Christi mansuetudinem, qui discipulum sibi innitentem, idq; in conuiuio, vbi parum ciuile erat hoc facere, non tamen repulit, sed boni consuluit, & gratum habuit hunc eius affectum. Cæterum, recubitus ille quies & dulcis super pectus Domini, præfagium fuit, quòd solus ipse ex Apostolis in pace obdormiturus esset, non per violentam mortem, vt alij. Sic enim etiam euentus ipse probauit. Cæterum videamus hic, quam verè dixerit Christus: Beati mundo corde, quoniam ipsi Deum videbunt. Hi enim vel maximè Deo appropinquant, & clarius Deum vident, id quod in hoc Ioanne cernitur: Vidimus, inquit, gloriam eius, &c. Ex hac igitur Ioannis reclinacione super pectus Domini, Petrus occasionem sumit diligenter peruestigandi, quisnam ille proditor sit. Sicut enim altàs vbiq; feruentior inuenitur, sic nunc plus q̃ alij angustatur, sollicitatur, seiscitur. Ideo autè proditorè cupit nosse, vt impediatur ne tantò scelere infametur totū collegiū. Nam frequenter & Apostolis & alijs martyribus obiectum fuit impium hoc scelus Iudæ. Non tamen per seipsum interrogabat Petrus. Hactenus enim nō semel parum bene ei cesserat audacia, quam illi suggerere solebat amor in magistrū. Audierat ante: Vade post me Satana. Audierat iam in cœna: Si non lauero te, non habebis partem mecum. Per altum igitur interrogat, nec Christus occultè interroganti Ioanni respondere detestatur, ne videretur priora verba ex incerta suspitione potius dixisse, quàm ex certa præscientia. Manifesto igitur signo personam proditoris denotat:

Cui, inquit, intinctum panem porrexero, ipse est.]

Non prodit eum digito vel nomine, ne quid turbæ ostretur in conuiuio, & alij discipuli in eum irruerent: Sed buccella panis eum denotat, tum vt Prophetiam, quam suprà è Psalmo adduxerat,

verissimam esse ostenderet: Qui edebat panes meos, &c. Tum vt illud prior faceret, quod postea per Paulum docuit: Si esurierit inimicus tuus, ciba eum: hoc enim faciens, carbonem ignis congeres super caput eius. Adeò patiēter Christus, tanquam puer innocuus, hostem suum cibabat, sed velut antiquus dierū carbonem ignis super caput eius congererat. Quamuis enim Iudas ille non fuit attactus carbonibus pœnitentiæ (cuius vñtionem inimicis nostris debemus optare, etiam si ex beneficijs nostris peiores efficiantur) attamen combustus fuit ardore iracundiæ, vt infra patebit. Cæterum, quòd discipuli ex eodem catino comedunt, quo Christus, mysticè significatur, quòd fideles communicant passionibus Christi. Iudas autem, qui & ipse accipit ex eodem catino, sed malo animo, hæreticos significat & hypocritas, qui & ipsi aliquando patiuntur, sed non propter Christum. Itemque significat omnes impios, quibus Christus de catino suo dat, id est, crucem eius imponit, sed ad perniciem ipsorum. Iudas igitur eadem impudentia etiam hunc panem accipit, quæ & suprà Sacramentum corporis Christi acceperat, & infra osculum Christo dedit. Magno autem suo malo accepit hūc panem: [Statim enim post buccellam introiuit in eum Satanas. Verè horrendum verbum, sed multò magis horrenda res ipsa, hominem eò miseriæ & infelicitatis venire, vt Diabolus eum possideat vt proprium. Non tamen mirum est, Diabolū illuc introire posse, vbi Christus omnino expellitur. Habuit Iudas etiam prius Satanam. Ex ipsius enim instinctu, defraudauerat oculos Domini, murmurauerat contra mulierē vñtricem Iesu. Insuper etiam cum hostibus Christi conuenerat, de tradendo Christo. Verum nondum reuelatus erat Satan in ipso: Nemo ipsum videbat, nisi Christus. Nunc autem reuelatur ac manifestè se prodit, cum Iudas exit, & sit impiæ cohortis primitiuius: Quemadmodū & in nobis semper sunt peccata, ira scilicet, inuidia, luxuria, &c. sed interim latent, donec occasione data erumpant.

Introiuit igitur Satanas in Iudam.]

LL

Qula

Quia quem hactenus tantum externè periculo fuisset, si diutius ibi permanisset. Itemque quia satis admonitus erat, nec quicquam mouebatur, Christus est incitauit ad peccatum, nunc planè possi-
debat. Item, quem prius impiū fecerat, nunc facit insanabilē: adeo ut qui prius sola spe lucri Christum vendiderat, nūc accedente liuore mixto cupiditati, odio totam crudelitatem anhelans, maius spiraret odium contra eum qui se denotauerat. Hoc igitur sibi vult verbum hoc, nempe Iudam omnino obfirmasse animum ad peccatum, ut similis Diabolo effectus redire noller, imò etiam ex beneficijs Christi petor efficeretur. Atque hæc est maledictio, quam Spiritus sanctus iamdudum illic per os Davidis imprecatus fuerat. Constitue, inquit, super eum peccatorem, & diabolus stet à dextris eius. Non tamen sic intelligendum est, quòd buccella illa malū aliquid fuerit, & causa obstinationis eius: Non buccella hoc egit, ut in diaboli potestatem veniret, sed ipsius ingratitude & impœnitentia: quia enim in malis suis consilijs perseverabat, nulla pœnitentia tactus, nulla Christi admonitione commotus, nullo saltē rubore affectus, cum videret Christum omnia scire, imò verò magis ac magis sceleris patrādī desiderio ardes, oēm Christi benedictionē rejiceret, non mirum, quòd maledictionem, quam diligebat, incurrit: ita, quod diabolus animam eius omni auxilio Dei destitutam intrauit. Quamuis enim ipse diabolus nunquam cesset tentare homines, tamen illuc vel maxime impellit, quo nos propria fronte inclinatos conspiciat. Caueamus igitur omni studio, & indefesse vigilemus, ne primum ei accessum præbeamus, nec ei ianuas cordis aperiamus, alioqui semel ingressus, facile ad vltiora penetrat, donec hominē totaliter perdat. Exēplo nobis sit miserimus ille Iudas, quē diabolus à Christo relictū, & à societate sanctorū p̄cisum, ita inuasit animamque eius occupauit, sensusque, ut deinceps nihil aliud posset, quod diabolus præcipiebat. Hinc non immerito Sapiens monet: Si, inquit, ascenderit super te spiritus potestatem habentis, locum tuū ne deseras. Non quidem prohibere eum possumus, ne omnino non tentet, sed hoc agamus, ne cedamus. Cæterum, quia Iudas prope modum manifestatus erat, & non sine

periculo fuisset, si diutius ibi permanisset. Itemque quia satis admonitus erat, nec quicquam mouebatur, Christus est amouet:

Quod facis, inquit, fac citius.]

Quod ita quidem sonat, quasi Christus eum incitare & inflammare velit, qui prius inflammatus erat, & cuius incendium restinguendum erat, reuera tamen magis minantis, quam hortantis est. Nec solum ipsi Iudæ hoc dicit, sed omnium maxime diabolo, qui tam in illum intrauerat. Quasi diceret, Tuum opus, o diabolus, quod semper facere tibi cordi est, fac citius: Prophetas occidisti Iudæorum animas ingressus, lapidibus eos petijisti, qui salutarem doctrinam afferebant, nemini, qui à Deo missus esset, pepercisti. Ego post ipsos posse, nec ignoro te nequaquam quiescere posse, quare quod solitus es facere, imò quod dudum libenter fecisses, nisi te prohibuissem, nunc fac: non te amplius prohibeo, &c. Similis igitur locutio est, ac si fortis quispiam hosti suo, quem scit infirmum & confusibiliter vincendum, irrisorilè, imò minitabundus dicat: Fac quod facis citius, ut fortitudinem meam experiaris. Sic Christus diabolum ad ea quæ præparauerat velocius currere iubet, ut citius victus ac vincens à tyrannide sua orbem dimittat. Deinde si ad Iudam referimus verbum hoc, non præceptum, sed permissio est, quæ admodum in Iob dicitur diabolo: Ecce in manu tuâ est, sed permittitur ut citius faceret. Aliud est enim facienti dicere: Fac citius, & aliud est vacanti dicere vel præcipere, ut hoc aut illud faciat. Imò hoc verbum nihil aliud est, quam iudicium & condemnatio Iudæ, in sua malitia obstinati. Talis enim est sermo, qualis solet esse parentum erga deploratæ & desperatæ mentis filios. Quasi diceret Christus: Quoniam nullis meis beneficijs ad resipiscentiam inuitaris, age perfice quod cœpisti: non te amplius prohibeo. Noluisti me audire, sequere ergo diabolium. Prædico tamen tibi, te hoc non impune laturum. Amodo tuo te relinquam arbitrio, nihil pro te curabo, siue pereas, siue non. Verè horrendum iudicium, sic

Psal. 108

Eccle. 10

Psal.

Ecce Iob

sic à Deo relinquit. Hinc non abs re Da-
 uid precatur: Ne proijctas me, inquit, à
 facie tua, &c. Hoc autem verbo Christus
 etiam ostendit ingens cordis sui deside-
 rium ad redimendum hominem, ideo
 & proditorem accelerare iubet: quasi di-
 ceret, Vis me prodere, & in mortem da-
 re, volo & ego prodi & mori, ideo veni
 in mundum, accipio ut quamprimū
 fiat. Ideo autem sic festinat Christus,
 quia sciebat magnum fructum ē passio-
 ne sua exoriturum, nempe quod Dia-
 bolus vinceretur, idololatria destrueretur,
 mors interiret, cælū aperiret, homo
 redimeretur, &c. ideo festinabat. Præterea
 hoc verbo in Patris voluntatē plenē res-
 signabat, & suā vitā, & seruādi Iudæ cu-
 piditatem, nec ipsius tantum, sed etiam
 populi, quē ille repræsentabat: & Pseu-
 doecclesiæ, quā ille præfigurabat, item
 que dolorem, quem ē scandali magnitu-
 dine conceperat. Omnia hæc hactenus
 cruciauerant Christum: nūc ea resignat
 in voluntatem Patris, docens nos, ut si-
 militer faciamus, vbi aliter fieri non po-
 test. Cæterum, ne quis miretur, quomo-
 do discipuli alij ferre potuerint, hanc
 Iudæ impietatem in Christum:

Exod. 11
& 2.

Erat autem nox.]

Verē tenebrosa nox irruerat in mise-
 rum hunc, occiderat illi sol iustitiæ, atq[ue]
 ideo in profundū inferni, quasi ceruus
 ad sagittam properabat, ut Sapiens ait,
 vel quasi canis ad vñcula, nesciens se
 ad periculum animæ suæ currere. Hæc
 est illa nox, de qua Sapiens ait: Ignis
 quidem nulla vis, nec syderum limpidæ
 flammæ noctem illam horrendam illu-
 minare poterant. Interim etiam reipsa
 nox erat. Hanc enim quærūt & diligūt,
 qui malè agunt. Tanto impetu igitur
 miser ille ad peccatum currebat, ut nec
 nocte abstineret: itaque æternam noctē
 sibi comparauit. Iusto enim Dei iudicio
 fit, ut qui lucem reiiciunt, tenebras per-
 petuas incurrant. Hactenus igitur de Iu-
 da eiusq[ue] multiplici admonitione, deni-
 que & omnimoda eiectione satis dictū
 est. Qui piū habet animum, non cesset
 orare, ne in tantam cæcitatem & obsti-
 nationem cadere permittatur, imò nihil
 non agat, ut hoc iudicium excæcationis
 non incurrat.

Prou. 7.
Sap. 17.

Ioan. 3.

*Nunc (inquit) clarificatus est filius ho-
minis.]*

Post discessum Iudæ Christus læ-

LL ij missus

Pal. 50
 Nemo (inquit) discumbentium intellexe-
 rat, quod dixit Iesus, &c.]
 Hoc autem certissimum signum in
 Apostolis erat probitatis, quod nihil
 mali suspicabantur de Iuda. Caritas ex-
 nim nō suspicatur malum. Quod enim
 putant ei præceptum esse, ut vel præpa-
 raret, quæ ad festum pertinerent, vel
 pauperibus aliquid daret, innuit Chris-
 tum hoc sedulo illi præcepisse, maxi-
 mē in festis. Quo docemur, ut & nos festi-
 stis diebus pauperum curam habeamus:
 id enim Christo acceptissimum est. Cæ-
 terum discipuli in hoc iudicio lōgē fal-
 luntur. Non enim pro festi decore, sed
 pro eius dehonestatione, nec pro paupe-
 ribus, sed contra Patrem pauperum
 laborabat impius ille. Vnde & indig-
 nus erat, qui diutius permaneret in tam
 sancto collegio. Itaque eodem Diabolo
 instigante, quo hactenus vsus fuerat
 magistro: [Post buccellam exiit con-
 tinuō.] Exiit autem iudicatus & con-
 demnatus, relinquens episcopatum
 suum ut accipiat alter. Exiit nō vi ele-
 ctus, sed sua sponte se à Christo & san-

Pal. 108

tissimam & mirè consolatoriam ordi-
tur cōcionem. In qua primò discipulos
suos præmunir, ne imminente cruce of-
fendantur. Deinde quosuis pios admo-
net, ne propter crucem à confessione no-
minis sui discedant. Ideo autem hanc
concionem distulit, donec Iudas exiret,
quia ad solos electos pertinent, quæ des-
inceps loquitur. Itemq; vt facto imple-
ret, quod verbis docuerat: Nolite san-
ctum dare canibus. Cōgruè autem à tem-
pore noctis, quod tūc erat, similitudine
per contrarium sumpta, clarificationem
suā dies æternitatis, & sol iustitiæ iam
adesse indicat, qua totum postmodum
mundum erat illuminaturus, traditore
suo, cūctisq; impijs in nocte peccati per-
petuò remanētibus. Docuit autem hoc
verbo, pijs nūquam defuturam lucem,
quātumcunq; nox errorum impios in-
uoluat, quemadmodum olim in Aegy-
pto Israelitæ lucē habebant, cū omnia
alia occupassent tenebræ dēfissimæ. Po-
test autem dictum hoc quadrupliciter
intelligi. Primò de filio hominis, quan-
tum ad corpus eius mysticū, vt sit sen-
sus: [Nunc clarificatus est filius homi-
nis,] id est, per recessum Iudæ filij perdi-
tionis à societate mea, purgatum est cor-
pus meum mysticum, collectio scilicet
& Ecclesia mea, à commixtione pestiferi
emundata. Decor siquidem & puritas
discipulorum redundat in magistrum,
ideo malis discipulis abdicatis, clarifica-
tur magister. Secundò, [Nunc clarifica-
tus est filius hominis,] id est, verus & iu-
stus ostensus est per hoc, quòd vitiosum
discipulum à sua societate amouit. Ter-
tiò, [Nunc clarificatus est filius homi-
nis,] id est, per hanc separationem Iudæ
ab electis Apostolis, præfigurata est cla-
rificatio Christi, quam habebit in die lu-
dici, quando separabit pios ab impijs,
per quod apparebit eius veritas & iusti-
tia. Quartò deniq; per verbum clarifica-
tionis intelligitur passionis Christi cla-
ritas, apud inferos coruscans, resurrecti-
onisq; & ascensionis gloria, & effusionis
Spiritus sancti gratia: [Nunc (inquit)
clarificatus est filius hominis,] ea scilicet
claritate, qua dixerat: Ego si exalta-
tus fuero à terra, omnia traham ad me-
ipsum. Itemq;: Si granum frumenti in
terra mortuum fuerit, multum fructum

affert. Obserua autem quàm magnificè
Christus loquatur de sua morte. Alius
secundum mundi captum diceret: Nunc
proditus, abiectus, condēnatus est filius
hominis, actumq; est de illo, &c. Christus
autem dicit: [Nunc clarificatus est filius
hominis.] Quo verbo primò indicat,
sibi ingens gaudium esse, per crucem re-
dimere genus humanum, & non minus
gaudium, quàm si alij ad epulas vadunt
& conuiuia. Secundò indicat, crucē suam
nihil aliud esse, quàm Tuæ glorificatiōis
initium, atq; adeò Iudā & Iudæos nihil
aliud agere, quàm quòd gloriam suam
procurent, quasi diceret: Abeat sanè Iu-
das quo velit, prodat me, incitet vel totū
mundum contra me: Mea hæc glo-
ria erit, ipsius autē summa ignominia.
Sic citius exisset, citius etiam gloria mea
incepisset, tantum mihi nocebit eius ma-
litia. Tertio docet hoc verbo, proditio-
nem, calūniam, crucē & mortem, quā-
uis in mundo horrenda videātur, tamen
pio homini optabilia esse, quando quidē
alia via ad glorificationem non pateat.
Præterea hoc verbo indicat, se morte &
passione sua omnes maledictiones legis
commutaturum in benedictiones. Lex
enim dicit: Maledictus omnis qui pen-
det in ligno. Itemq; omnia externa ma-
la, vt famem, sitim, persecutionem, &c.
pronuntiat esse maledictiones: Christus
autem docet, ea esse glorificationis & be-
nedictionis instrumēta. Per mortē enim
eius effectum est, vt hæc amplius nō no-
ceant. Omnia enim in ipso sanctificata
sunt. Cæterum, quamuis Christus etiā
prius per miracula clarificatus fuit. Nā
quando maris fluctus & vim ventorum
suppressit, adoratus fuit vt filius Dei. Et
quādo quinq; panibus satiauit quinq;
millia hominum, tanta gloria clauit, vt
eum sublimare vellent in regē. Et quan-
do eius imperio Lazarus ad vitā redijt,
tanta fuit eius claritas, vt publicè eum
Hierosolymis cū palmis susceperent &
canticis. Clarificatus igitur fuerat ma-
gnitudine miraculorum, quia tamen cō-
summatio gloriæ eius in passione, resur-
rectione & ascensione sita est, ideo dicit:
[Nunc clarificatus est, &c.] Interim nos
docens, optabilius esse ab hominibus
contemni, quàm ab eisdem laudari. Hic
enim periculum est, ne in superbiam
incidat

Matt. 3.

Exo. 10.

Mat. 14

Dei. Ioan. 6.

Mat. 11.

Ioan. 12.

Incidamus, illic autem nullum. Signanter autem dicit: [Nunc clarificatus est,] verbo scilicet præteriti temporis, quia quamvis nondum perfectum esset, tamen iam agebatur, & sine dubio perficiendum erat. Sic & infra dicit: Iam non sum in mundo, &c. Signanter item dicit: Filium hominis clarificatum. Nam filius Dei semper clarus fuit & est. Quod igitur filius Dei habuit per naturam, hoc filius hominis accepit per gratiam, & unionem cum diuina natura. Cæterum hæc clarificatio Filij hominis sine dubio est clarificatio Dei. Vnde & subdit:

Et Deus clarificatus est per eum.]

Sicut enim Patris & Filij vna est natura, sic & eadem gloria. Vnde & Christus non suam gloriam quæsisse se dicit, sed gloriam Patris. Non tamen ita glorificatus est Pater, quod aliquid gloriæ illi essentialiter accesserit, quàm prius non habuerit: sed quia per passionem & resurrectionem Christi clarum factum est, cuius filij Pater sit Deus. Item, quia per passionem & resurrectionem gloriam inter homines acquisiuit Deus, quem prius mundus non cognoscebat. Per Christum autem cognouerunt eum Patrem & adiutorem esse, &c. Ne quis autem quærat, vnde Christus tam clarè & certitudinaliter præscit, quod Deus ipsum clarificaturus esset, respondet:

Si Deus (inquit) glorificatus est per eum, & Deus glorificabit eum per se.]

Certissimus enim de futura sua glorificatione est, qui Deum hic glorificat. Stat enim sententia: Qui me glorificat, glorificabo eum: qui autem me contemnit, erunt ignobiles. Clarificauit autem Christus Deum per doctrinam suam, parans ei titulos honestissimos & magnificentissimos. Nam per Christum Deus nunc à credentibus dicitur Pater, qui quondam per legem peccata iudicantem dicebatur iudex, per Christum nominatur saluator, qui quondam condeminator erat. Econtra autem etiam Deus clarificauit Christum, dans & ei titulos egregios, vt dicatur legis, maiestatem, crucis, peccatorum, mortis, inferni & Satanæ, victor & triumphator. Hoc est nomen super omne nomen,

quod Deus Pater Christo dedit, in quo & omne genu flecti oportet, &c. In fine addit Christus:

Et continuo clarificabit eum.]

Quia statim in ipsa etiam passione clarificare eum coepit miraculis, cum scilicet sol obscuraretur, &c. Per hoc enim Ceteris & alij ipsum cognouerunt esse filium Dei. Item, etiam in cruce ad huc pendens à Deo Patre exauditus est pro nobis, quæ maxima eius gloria est. Vide igitur, quàm sapienter hætenus loquuta sit sapientia Dei. Antequam enim de morte sua dicat, præmittit de sua glorificatione, ne discipuli nimium contristarentur. Deinde, ne putarent ipsum in passione periturum. Demum, vt & ipsi tempore aduersitatis discerent, non in præsentia mala, sed in futuram gloriam respicere. Et hætenus quidem de futura sua glorificatione dixit: nunc consequenter de morte sua loqui incipit, sed admodum dulciter, ad consolationem nimirum discipulorum, quos sciebat in morte sua maxima tristitia afficiendos. Sicut enim bonus quisque filius nequaquam ita de successu magnæ hæreditatis delectatur, vt de morte patris dolore non mordeatur: sic quamquam discipuli scirent, magnum futurum mortis Christi emolumentum, magnamque secuturam hæreditatem, fieri tamen non poterat, vt non maxime de morte eius contristarentur. Quàm potest igitur dulcissimis verbis de morte sua loquitur.

Filioli, inquit, adhuc modicum tempus vobiscum sum.]

Primum filios eos nominat, vt ostendat paternam sui erga eos amoris gratiam. Item vt simul etiã ostendat fructum passionis suæ. Ex ipso enim passione & morte habemus quod filij Dei nominamur & sumus. Ideo nunquam antea legitur, quod filios ipsos nominauerit, nisi iam iam moriturus. Non simpliciter autem filios, sed quod maiorem affectum ostendit, filiolos nominat, nimirum propter teneritatem amoris, & ipsorum adhuc teneram atque infirmam infatiam. Nam ex quo fortes facti sunt, Spiritu sancto armati, filij sunt. Nunc autem, quia timidi sunt & Patrem sequi non valent, LL in filioli

Gala. 4. filioli dicuntur. Sic & Paulus Galatas filiolos nominat, quia infirmi erant fide, & lacte adhuc opus habebant. Quid igitur Christus his tam dilectis filiis suis dicere vult? [Adhuc modicum (inquit) vobiscum sum.] Verè modicum, donec scilicet ille, qui nunc exiit, ad Iudæos perveniat, acceptaque cohorte & Pontificum servis redeat. Ex tunc enim comprehensus & morti adiudicatus, tandemque interemptus, iam vobiscum non ero, nisi quod ad horam iterum videbo vos. Hoc autem ideo dixit, ut ardentius eo fruerentur, dum eum haberent, & ut diligentius cordibus imprimeret, quæ discens ipsis dicebat. Non tamen sic intelligendum, quod Christus omnino recesserit, iamque in mundo non sit, cum a libi expresse dicat: Ecce vobiscum sum omnibus diebus, usque ad consummationem sæculi. Est igitur sensus: Adhuc modicum vobiscum sum, in corpore scilicet visibili & mortali, sicut hactenus fui. Deinceps vobiscum quidem ero, sed non sicut hactenus: non visibiliter, non mortalis, non tanquam peregrinus præsentis, sed tanquam princeps & Pater futuri sæculi. Vultis autem scire, quid de vobis futurum sit?

Queretis me.]

Quasi diceret, Contristabimini propter discessum meum, & magna cordis anxietate desiderabitis præsentiam meam. Futurum est enim, ut magnis & Iudæorum & Gentium furijs exagitemini. Eo igitur tempore, quæretis me, desiderabitis auxilium meum. Hoc autem dixit, non ut terreat, sed ut animos eorum præparet ad futura mala. Quemadmodum enim crudelis bestia, si repente irruat, non solum terret, sed etiam impetratos laniat: si autem antequam irruat, visa sit, vel nihil, vel parum mali paratis armatisque hominibus facit: sic tentationes si prævideantur, minus turbant. Hinc David: Paratus sum, inquit, & non sum turbatus. Videmus autem in hoc verbo, omnem fidelium vitam in hoc mundo nihil aliud esse, quam gemitum, suspirium & desiderium ad Christum. Sic enim pii in hoc mundo gemunt ut turtur, & dicunt: Anima mea liquefacta est, cum dilectus locutus est, quæsiit illum & non

inueni, &c. Ne quis autem diceret: Si sic futurum est, cur non assumis nos tecum? Melius enim esset tecum esse, quam hic solos relinquit.

Quod ego (inquit) vado, vos non potestis venire modò.]

Quasi diceret, Ad passionem vado, sed in hoc me iam sequi non potestis, propter infirmitatem vestram. Oportet, ut prius induamini virtute ex alto. Item, Ad patrem vado, sed in hoc me iam non potestis sequi. Nondum enim aperta est ianua: oportet ut eam vobis prius morte mea aperiam. Sed quid interim nobis faciendum erit, quo & præsentem mundi invidiam declinare, & suo tempore te ad gloriam sequi possimus?

Mandatum (inquit) novum do vobis, ut diligatis invicem, sicut dilexi vos.]

Quasi diceret, Nihil certius vos & ab invidia mundi liberabit, & in mea gratia continebit, quam si vos mutuò diligatis. Circa hanc dilectionem multa dicenda essent. In primis destruendus esset error modernæ sectæ, quæ sola fide contenta, omnibus modis fugit & auersatur præcepta, charitatem, & opera. Deinde restituenda esset vera Christiana charitas, quæ olim fuit in Ecclesia, &c. Verum sufficit nobis, nunc verborum Christi sensum accipere. Primo igitur terrore aliquem posset, quod Christus de mandato loquitur, quasi iterum vellet imponere iugum legis. Verum in hoc sermonem mitigat, quod non plura, sicut Moyses, sed vnum tantum dat mandatum. Quod autem id ipsum nominat mandatum novum, signum est, quod liberaret nos voluit à iugo legis, quod nemo portare potuit, quodque omnes condemnat homines. Vnde & in Esaia nominatur sceptrum exactoris. Deinde per hoc etiam ostendit, legem non suffecisse ad salutem: alioqui non opus fuisset, ut ipse quicquid adderet. Quamvis autem dilectio proximi etiam in lege fuerit præcepta, (nam & Christus eam ipsam dicit esse vnum de primis præceptis legis) nihilominus tamen hic dicit esse præceptum novum. Primo, quia ab ipso innovatum. Nam per traditionem Phariseorum obscuratum fuerat. Addiderant enim: Et odio habebis inimicum tuum,

tuum, quod lex non dicit, ideo & à Christo reijcitur. Deinde nouū præceptum dicitur, quia in nouo Testamēto & frequentius & excellentius præcipitur. In lege frequens est mentio Sabbatorum, sacrificiorum, cæremoniarum: in nouo autem Testamento sola charitas præcipitur & vbique. Præterea dicitur nouum mandatū, quia in nouo Testamento aliter traditur, quàm in veteri. Illic enim dicitur: Diliges proximum tuum sicut teipsum. Nobis autem, sicut dixi vos, quod maius quiddam est. Nam Christus nos quodammodo plus dilexit, quàm seipsum. Sibiipsi enim non perierit, vt nobis parceret. Nouum igitur mandatū est, quia iubemur proximum quodammodo plus diligere, quàm nos ipsos, adeo, vt eius dilectioni nihil præponamus, non gloriam, non diuitias, non denique vitam corporalem, id quod in Christo videmus. Insuper nouum mandatum dicitur, quia maioribus exemplis nūc cōfirmatum est. Deus scilicet & Christi. Hinc Ioannes: In hoc inquit, est charitas, quod ipse prior dilexit nos, & tradidit animam suam pro nobis. Ad hæc ideo mandatum nouum dicitur, quia præcepit de corde, non de cæremonijs, docetque legē impleri non externis operibus, sed dilectione cordis. Item, nouum dicitur, quia cū alia omnia præcepta, cæremonialia scilicet & iudicialia, abolita sint, hoc solum manet, & innouatum est, non pro natura legis, quæ præcipit quidem, sed non dat vires implendi: sed pro natura Euangelij, quod vires implendi mādāta per Spiritum administrat. Septimò, nouum dicitur hoc mandatum, quia semper nouum manet, quantumcunque enim charitatem ostenderimus, semper tamen eiusdem debitores manemus. Octauò, nouū dicitur, quia sicut quod nouum est, vicinum est suo principio: sic charitas nos Deo omnium rerum principio vnit, & vicinos reddit. Nonò, nouum dicitur, quia non nisi nouo spiritu impletur: non spiritu seruilitatis, sed spiritu libertatis & adoptionis, quem qui non habet, præceptum hoc nunquam implebit. Per solum enim spiritum diffunditur charitas in corda. Obseruandū autem, quod Christus non de quacunq;

dilectione loquitur. Est enim amor carnalis, & est amor inordinatus, quo non tantum personas, sed etiam vitia earum diligimus & fouemus. Nō de hoc amore loquitur Christus, nec de eo, qui consistit tantum ore & lingua, sed de eo qui consistit in opere & veritate. Vnde addit:

Sicut ego dilexi vos.]

Dilexit autem nos Christus ordinatè, quia personas ita quidem dilexit, vt tamen vitia non dissimularet, sed acriter argueret etiā in dilectissimis. Dilexit nos efficaciter, id est, non verbo tantum, sed opere. Dilexit nos gratis citra omnia merita nostra, imò cū adhuc inimici essemus. Postremò dilexit nos perseueranter, in finem scilicet, sicut supra dictū est. Hinc igitur discamus, qualiter diligendus sit proximus. Ex eo tamen, quod dicit: [Sicut dilexi vos,] non exigit omnimodam quantitatem dilectionis suæ. Quis enim hoc præstare posset? Sed vult, vt annitāmur pro viribus imitari eius dilectionem. Si nō possumus prope ipsum incedere, saltem ipsū sequamur pro cuiusque viribus. Ceterum, sicut alio loco non dixit. Discite à me miracula facere, &c. sed quia mitis sum & humilis corde: sic & hic nō alio signo discipulos suos vult cognoscere, quàm dilectione.

In hoc (inquit) cognoscent omnes, quod discipuli mei estis, si diligatis inuicem.]

Sunt enim & alia Christianorū exercitia, vt ieiunare, eleemosynas dare, orare, &c. Verū ea etsi bona sint, possunt tamē & ab hypocritis fieri, vt patet in Matthæo, Christus igitur suos non alio signo, quàm mutue dilectionis vult agnoscere. Dilectio enim est signum generale, quod omnes habere possunt. In alijs (puta ieiunijs, orationibus, eleemosynis, &c.) posset se aliquis excusare, hic autem nullus potest se excusare. Deinde dilectio, est certum signum pñ cordis. Omnia enim alia fallere possunt, hoc autem non, quia vbi charitas est, ibi & aliæ virtutes sunt, atq; adeo plena obseruatio mandatorum Dei: Qui enim diligit, legem implet. Imò dilectio signum est conuertibile. Sicut enim verum

LL III est,

est, quod omnis Christianus verus diligit proximum, sic e contra verum est, quod omnis vere diligens proximum, Christianus est. Potissimum tamen ideo Christus suos voluit per charitatem agnosci, ipsi quoque hoc pro symbolo constituit, ut per hoc etiam alij attraherentur, affecti bono odore fidelium, & dicentes: Ecce quam bonum & quam iucundum habitare fratres, &c. Ex his igitur vides, quod Christus non simpliciter à suis exigit dilectionem, sed ita, ut sine ipsa nullum agnoscat pro discipulo suo: quod si verum est, imò quia verum est, profecto pauci nunc veri Christiani sunt, quando quidem ferme apud omnes charitas refriguit, fidesque & misericordia defecerunt. In locum autem eorum surrexerunt odium, invidia, discordia, fraus, insidia, &c. Videmus igitur hoc verbo, quantum errent illi, qui neglecta charitate proximi & Dei, alijs nescio quibus indicijs se ostendere volunt Christianos. Videmus item, quæ sit differentia fidei & charitatis. Nam fides facit discipulum Christi, charitas autem ostendit & probat discipulum.

Dicit ei Simon Petrus, Domine, quò vadis?]

Quod Petrus omnibus alijs tacentibus, solus interrogat, quod Dominus pergeret, sermonemque Christi interrompit, magni feruoris indicium est. Territus siquidem verbo Christi dicentis: Quò ego vado, vos nos potestis venire, timensque à Christo separari, continere se non potuit, quin interrogaret. Ceterum Christus admodum dulciter respondit.

Quò ego vado, nunc non potes me sequi, sequeris autem postea.]

Quod dupliciter intelligitur. Primo, quod non possit Christum sequi ad cælos euntem, secuturus autem postea sit, cum supernæ ciuitatis factus ciuis, cum alijs sanctis Christo cõregnabit. Secundo, quod nondum indutus virtute ex alto, nec spiritum corroborantem, ipsumque & naturam eius quodammodo reformatam habens, non poterat mortis pericula contemnere, aut terrorem eius penitus superare. Soli enim Christo inerat, ut posset mortis vires confringere. Non igitur potes me sequi modò,

quia difficilis admodum via est per crucem. Hinc in Psalmo dicitur: In via tua, & semitæ tuæ in aquis multatis, & vestigia tua non cognoscentur. Deinde non potes me sequi modò, propter charitatis imperfectionem. Magnus enim charitas ignis sit oportet, quæ tam multæ tribulationum aquæ non extinguant. Postea autem, cum per spiritum charitas in corde tuo diffusa fuerit, tunc me sequeris. Præterea, Non potes me modò sequi, non est scitum in tua carnali voluntate mortem vincere, sed gratiæ Dei hoc opus est. Oportet ut ego prius cum morte congrediar ac vincam: cõgrediar autem in passione, vincam in resurrectione. Quamdiu hoc factum non fuerit, non potes me sequi, non potes non perhorrescere mortem. Fortior enim est, quam ut eam vincere & continere possis. Natura siquidem nostra morti succubito. Prima autem mortis dissolutio, saluatoris passio fuit. Ad hoc enim filius Dei semen Abraham apprehendit, ut morte carnis suæ mortem euacuaret, liberaretque omnes, qui timore mortis seruituti subieiebantur. Prima deinde mortis contemnendæ origo fuit resurrectio Christi. Ab eo enim tempore cum Paulo possumus dicere. Vbi est mors victoria tua? Vbi est mors stimulus tuus? Deo gratias, qui dedit nobis victoriam per Iesum, &c. Cæterum, ne Petrus putaret se omnino à Christo separandum, addit Christus. [Sequeris autem postea.] Quo verbo alludit ad mortem Petri, ac velut ænigmaticè eam significauit, quasi diceret: Sicut ego per crucem ad Patrem ibo, ita & tu per crucem me sequeris, Quam verè autem Christus dixerit: Non potes me sequi modò, &c. Paulo post declarauit rei euentus. Nam & tunc infirmus Petrus Dominum sequi non poterat: negauit enim tertio, ne illi pariter moriendo sequi cogeretur. Sequutus est autem postea, tunc scilicet, quando extendit manus suas, & dignus magistro discipulus, exemplo eius cruci affixus est. Cæterum Petrus hoc Christi verbum minimè ponderans, & de proprijs viribus nimium præsumens, iterum loquitur:

Quare (inquit) non possum te sequi modò?]

Quasi

Quasi diceret, An me putas tot beneficijs à te affectum, eo ingratitude prolapsurum, vt te derelinquam? Ele^{Mat. 17.}ctus sum à te in Apostolatum, cæleste gaudium in monte Thabor gustavi, miracula tuo nomine feci, & quibus nō beneficijs à te affectus fui? Quomodo igitur te etiam in summo vitæ discrimine desererē? Imō animam meam pro te ponam, hoc tibi polliceor, hoc promitto, tanti apud me tuus est amor, &c. Reuera magna promittis Petre, & quæ ipse non satis intelligas, fortis quidem videris tibi ipsi, at nondum intelligis tuam ipsius infirmitatem, nondum gustasti vim mortis, alioqui non sic loqueris, nec adeo mireris quod Christus dixit, te nondum posse sequi. Nō desunt quidem exempla eorum, qui se vel pro patria, vel pro cognatis morti exposuerunt, verum hoc ex carnali affectu. Cæterum pro alio mori iudicante Domino, vel pro inimicis mori, hoc non carnis, sed spiritus Dei opus est. Verū hæc est conditio humanæ rationis, quod nō agnoscit imbecillitatem suam. Debebat Petrus verbis Christi credere, nec ea tā proteruē impugnare. Esto enim ex magna dilectione hæc fecerit, tamen plus Christo, q̃ sibi ipsi credere debuit, ac secum cogitare, Certè ipse omnia melius nouit. Quid igitur Christus ad hanc Petri præsumptionem.

Animam (inquit) tuam pro me pones?

Quasi diceret, quid agis Petre? Quid tantum præsumis? Quid de te sentis? Quid esse te credis? Tu ne animam pro me pones, quam ego nōdum posui pro te? Tunc mortē vinctes? Tu pro me morieris, qui veni vt pro te moriar? Meum est mortem vincere, non tuum.

*Amen amen dico tibi, antequam gal-
lus, &c.]*

Hic vide quis sit finis humanæ glorificationis, nempe confusio. Petrus constituerat apud se, officium fidei se facturum, constanter secuturum, &c. Neque aliud etiam in corde sentiebat, sed post alium se esse inuenit. Hæc est gloria carnis, quæ est sicut flos scæni. In Petro igitur duo nobis describuntur. Primum temeritas & confidentia carnalis, qua

quis nondum iudicio Dei ob oculos posito, cristas erigit & inflatur. Secundum est fragilitas carnis, iudicio Dei proposito. Quis enim fuit Petro confidētior, Domino nondum iudicante? Quis rursus fragilior Domino iudicante? itaque in lapsu Petri disce timorem Dei: in respicientia autem eius disce fidem & spem, qua sola in aduersis constare potes. Caue autem omnibus modis, si saluari cupis, ne dicas aut cogites: Si Petrum hoc non damnauit, nec me damnabit: Si ipsi nihil obfuit negatio, nec mihi oberit. Non enim debes super exemplis sanctorum peccare. Hoc itaque verbo Christus simul cohibuit Petri magniloquentiam (licet ex amoris magnitudine proficiscerē) & ceteros admonuit, vt in periculis non fiderēt viribus suis, sed intelligerent virtutis munerisq̃ esse diuini, si quid tale præstarent. Monuit etiam hoc verbo, ne quid temere promittamus, nisi addita conditione: Si Dominus voluerit, vt Iacobus docet, alioqui non absumus à crimine arrogantiæ. quasi nos essemus Domini rerum, vt interim taceam, quod plerunque mendaces inueniemur, non valentes præstare quod promissimus. Obserua circa hunc locum mirabile Dei iudicium in Petro, ipsum cadere quidem permisit, sed tamen terminum eius casui præfixit, nec quemcunque, sed galli cantum. Nihil horum sine causa factum est. Primò siquidē alto diuinitatis consilio factum est, vt in illa perturbationis nocte, omnibus Apostolis scandalum patiētibz, maximè princeps Petrus suæ ad tempus infirmitati relinqueretur, trinaque negatione lapsus, & ipse expertus crederet, & nos scire faceret, quod nisi auxilium à Domino veniat, pes noster cito labatur, & si ille dormitauerit, qui solus nouit & potest custodire, tam sole per diem, quam luna per noctē vrimur, id est, tam diuinitatis quam humanitatis Christi fidem in tentatione perdimus. Non tamen in profundū Petrum cadere permisit: Ab increpatione enim Domini fugiunt aquæ tentationum, etiamsi in montium altitudinem excreuerint. Terminū enim posuit eis, quem non transgrediētur. Galli cantus autem, qui terminus fuit negationis Petri, præfiguratur

Iacob. 4.

Psa. 110.

Psa. 17.
Psa. 103.

figurauit bonum resurrectionis dominice nuntium, quia profecto media nocte resurgens Dominus, ora Angelorum in laudem excitauit, & per eos bonum vite & victorie sue nuntium ad contristatos Apostolos misit. Sed ante hunc tantae felicitatis auditum, tres continuas noctes perseuerat Apostolorum scandalum. Trina ergo negatione facta, Gallus cecinit, quia videlicet tertia scandali nocte transacta, nuntium suauissimum insonuit. Non dubium autem, quin Christus Galli cantum perpetuam nobis admonitionem esse voluerit, ut caute & humiliter agamus, ne similiter cadamus. Obserua in fine, quod Petrus ad hoc Domini dictum obstitit: nondum enim satis liber erat a solitudine proditoris, de qua Christus mentionem fecerat. Semper enim timenda sunt Dei iudicia & verba. Stat enim sententia: Verba mea non transibunt, sed implentur in quibuscunque tandem hoc fiat.

Luc. 21.

Caput XIII.



Hoc capite & deinceps Christus consolari incipit Apostolos, multipliciter turbatos. Primo enim aegre ferebant Christi recessum. Deinde ex eo, quod Petrum audierant vna nocte ter negaturum, facile apud se quisque cogitare poterat, qualis quantaque futura esset tentatio illa, qua fortissimus Apostolorum sic concutiendus erat, ut breuissimo tempore ter Dominum esset negaturus. Nec dubium est, quin apud se cogitauerint. Quomodo minores nos euadem, aut quis tentatione illam perferre poterit, Petro succumbente? Frustra igitur sequendo labores pertulimus, &c. Haec caeteraque huiusmodi secum illos aut cogitasse, aut cogituros fuisse, nisi Christus cito eos reuocasset, non dubium est. Solus autem Christus animi vulnera nedum curare potest, sed & praeuire auxilio & remedio solet. Consolatur autem Apostolos non auferendo crucem, aliaque quae cupiebant ablata, sed tantum animum

roborando ne deficiat. Externo homini crucem imponit, internum consolatur. Sicut enim utrique conuenit, crux externa, ne lasciuiat, consolatio interno homini, ne deficiat. Sicut igitur Apostoli velint nolint, ferre coguntur & Christi corporalem absentiam & suam persecutionem, & contenti esse verbo Dei: sic nec nos meliora nobis polliceamur. Non tamen est, quod conqueramur de externa cruce, cum Christus tam abunde nos sub cruce consoletur.

Non turbetur cor vestrum, &c.]

Signanter dicit: [Non turbetur cor vestrum,] tunc quia impossibile est, ut natura non turbetur & exhorreat crucem, id quod & in Christo videmus: tunc ut doceat, consolationes suas cor respicere, non corpus. Non igitur prohibet quacunque turbationem (quomodo enim Pater continuò moriturus, tantam a pupillis suis exigeret fortitudinem, ut secum pariter ad mortem ducti non vereantur?) sed inordinatam, quae rationem prauehit & impedit, pacique & tranquillitati opponitur, quae turbatio consurgit ex animi passione inordinata, tristitia scilicet, ira aut dolore. Ideo non dicit, Non turbemini, sed: [Non turbetur cor vestrum.] Est autem sensus, Quoniam Satanas expetiuit vos, ut cribaret sicut triticum, & tanta trituræ viseret, ut dispergami omnes, & me solum relinqueretis: hoc vnum restat persuadere, ut corporaliter dispersi, saltem corde imper turbato permaneat cum me in tentationibus meis. Et si nunc ingruentis asperitas hyemis extrinsecus viridia confestantis folia deterit, ac dispergit, viuat saltem intrinsecus radix bonae arboris, ut postquam haec hyems transierit, de radice credulitatis, quae viget in corde ad iustitiam, reflorescat oris confessio ad salutem. Pulchre autem haec duo coniungit: Non turbetur, & non formidet. Primo propter duas animae potentias, intellectum scilicet & affectum. Non turbetur intellectus, non formidet affectus. Secundo propter duo, quae Apostolis tunc imminebant, Christi scilicet abscessus, & ipsorum persecutio. Non turbetur cor vestrum de meo abscessu: non enim ita ab eo, ut omnino separer à vobis,

Matth.

Luc. 21.

Rom. 10.

bis, sed ut abitu meo maiora vobis bona acquiram & parem. Deinde, non formidet cor vestrum de vestra persecutione. Non enim tanta ingruent mala, quæ à Deo vos separent, non derelinquemi nisi in aduersis. Est autem locus hic amplissima consolatio in aduersis. Hinc enim discimus, quod etsi Deus tempore aduersitatis videatur abire, abscondendo consolationes, gaudia, vitam, ac felicitatem, & relinquendo in nobis aduersa, tristitias, mortem, damnationem, interrim tamen hoc abitu suo vera nobis bona parat: adeo, ut absconditio Dei sub cruce, non sit perpetua piorum derelictio, sed maiorum bonorum officina. Vnde non immerito monet Iacobus: Omne gaudium existimate fratres, si in tentationes varias incideritis, &c. Vel etiam ideo hæc duo verba coniunxit Christus, ut Apostolos inter spem & metum ponat, ut si quid humanum patiantur, spe venia possint respirare, & formidine ab offendendo remoueantur. Cum igitur dicit: [Non turbetur cor vestrum,] docet, oportere certaturos, omni abiecto terrore, labores & pericula pro vera gloria libenter subire (magnum enim fortitudinis fundamentum est, mens & animus non turbatus) Cui autem addit: Non formidet, occultius ostendit, veniam ipsi paratam, si humana infirmitate ipsos labi contingeret. Obserua autem, quod non aperte fugientibus & negantibus veniam pollicetur: hoc enim tutum non erat, ne offensionis crimine quasi paruo neglecto, nullius culpæ putarent esse negationem & fugam ab eo. Sic enim peccatoribus promittenda est venia, ut tamen interim etiam peccatorum grauitatem videant.

Creditis in Deum, & in me credite.]

Quæadmodum priori verbo eos consolatus est de suo discessu & ipsorum persecutione, sic hoc verbo eos munit contra scandalum crucis, quia enim Christus crucifigitur, non creditur esse salutis author. Vnde & discipuli dicebant: Nos sperabam, quod ipse redempturus esset Israel. Igitur hoc verbo indicat, se Deum esse & Deo æqualem, indicatque se resurrecturum: [Creditis, inquit, in Deum]

scitis quod eum nulla vis aut potestas deprimere potest: [Credite & in me,] certique estote, nec tantillum maiestatis meæ, quam habeo in Patre, posse propter crucem futuram perire. Sic alibi monet: Beatus qui non fuerit scandalizatus in me. Docemur hoc verbo, ne alios iudicemus Deo contrarios, si videamus eos aduersa pati, dummodo non propter impletatem patiantur. Deinde, ne putemus nos à Deo reiectos aut omnino perituros, si aduersis subdamur, quandoquid & Christus mala quidem perpessus est, nec tamen ideo minus à Deo dilectus, nec quicquam illi propter hoc decessit: Hoc tantum quilibet curet, ne patiatur ut homicida aut alioqui impius. Si autem patitur citra suum demeritum, beatus est, Græci legunt: Credite in Deum & in me, &c. Secundum hoc igitur docet, quibus armis se præmunire debent aduersus omnia mala, nempe fide in Deum, Hoc enim est scutum illud, quo omnia tela nequissimi illius ignea extinguuntur: Hæc est victoria, quæ vincit mundum, fides nostra. His armis gloriatur Dauid, cum dicit Dominus illi: minatio mea & salus mea, quem timebo: Est autem hoc loco credere in Deum, nihil aliud, quam omnia bona à Deo sperare. In Deum igitur credere & sperare, vnicum est in aduersis refugium. Deus namque est summum gaudium, salus, gloria, vita, &c. Ipse item omnia potest, &c. hoc refugio vsi sunt omnes pii, &c. Vides igitur quod nos Christus dirigat, nempe ad Deum, quodque non armis terrenis, sed fide muniat suos. Huc pertinet, quod Paulus diffusè ponit, quomodo patres fide omnia vicerint, &c. Addit autem: [Et in me credite.] quo verbo primo ostendit se esse Deum, nam in solum Deum credendum est. Secundo, ostendit hoc verbo, non satis nobis esse Iudaico more indistinctè in Deum credere, sed oportet agnoscere Patrem, & Filium, & Spiritum sanctum: nec minor debet esse fides in Filium & Spiritum sanctum, quam in Patrem. Tertiò, hoc verbum addit ad maiorem consolationem piorum: [Credite, inquit, in Deum & in me, quasi diceret: Et Patrem Deum habetis vobis fauentem, & me quoque

Mat. ii.

1. Pet. 4.

Eph. 6.

1. Io. 5.

Psalm. 26.

Heb. ii.

quoque, nec est quod quicquam de hoc dubitetis, &c. Sic Paulus: Deus pro nobis, quis ergo contra nos? Christus interpellat pro nobis, quis ergo accusabit? Quarto ostendit hoc verbo, per quem bona Dei speranda & quaerenda sint: Si creditis (inquit) in Deum, si Dei bona, gratiam, auxilium, iustitiam, &c. speratis, & in me credite, hoc est, per me ea sperate: nam per me impetrabuntur. Obserua quod non dicit. Credite in Deitatem meam, sed in me, docens nos, ne diuidamus eius humanitatem à diuinitate, quandoquidem una est persona. Creditimus igitur in crucifixum, mortuum & resuscitatum, non ut in alium à Dei verbo, sed ut in vnum verum filium Dei.

In domo Patris mei mansiones multae.]

Eandem sententiam habet verbum hoc ut illud: Nolite timere pusillus grex, quia complacuit Patri vestro dare vobis regnum, sic hic sensus est: Non est quod vel propter meum abscessum, vel vestrum periculum, despondeatis animum. Iam enim paratum est vobis regnum Patris mei ab exordio mundi, & electi estis antequam lacerentur fundamenta orbis: Proinde non est, quod vobis possit incommodare, siue peccatum siue mors, siue mundus siue Diabolus. Nemo enim potest electos rapere de manu Patris mei. Domus autem Patris, vel caelum est (ubi sancti finaliter requiescent, & Deus in sua gloria conspicitur) vel Ecclesia triumphans. Quemadmodum enim viatores, in quibus Deus nunc habitat per fidem, dicuntur Ecclesia & domus Dei, siue templum, ut cum dicitur: Templum Dei sanctum est, quod estis vos. Item: Christus fuit fidelis in omni domo Dei. Sic comprehensores, in quibus Deus habitat per gloriam, dicuntur domus & templum Dei. Iuxta illud: Ciuitas illa non eget sole & luna, quia claritas Dei illuminabit eam, &c. Consolatoriū autem est, quod dicit: In domo Patris, non in domo iudicis. Emphasim habet & illud, quod dicit: [In domo Patris sunt mansiones,] non tantum habitationes, ad tempus durantes, sed mansiones stabiles, certae & perpetuae. Hic enim non habemus ma-

mentem ciuitatem, sed futuram inquitimus, &c. Item, cum domus haec nostra dissoluitur, scimus quod edificationem habemus ex Deo, domum non manufactam, &c. Sed forte quis mirabitur, quomodo Christus hic dicat multas mansiones paratas in caelo, quae mansiones nihil aliud sunt, quam electiones & praedestinationes sanctorum, cum alibi dicat: Paucos esse electos. Verum non est quod mireris, dicuntur electi pauci, tum propter vilitatem & contemptum, quo in hoc mundo reprobantur: tum propter multitudinem impiorum & hypocritarum, praeter quibus verè pii admodum pauci sunt. Dicuntur verò multi, non collatione ad hypocritas, sed collatione ad Christum, qui non solus sibi retinuit bona paterna, sed multis ea per fidem communicauit: Effudit enim sanguinem suum pro peccatis multorum: Caeterum, quamuis mansiones ab aeterno paratae sint, non tamen superuacaneus fuit Christi aduentus, imò summè necessarius. Nam primò, mansiones quidem ab aeterno paratae fuerunt, sed non per alium, quam per Christum mediatorem & intercessorem. Deinde paratae quidem erant, sed nondum reuelatae: Quid autem prodest electum esse, & interim hoc nescire? Necessarius igitur erat Christus, qui hoc reuelaret. Praeterea, mansiones quidem paratae erant, sed iter adhuc inuium erat, tum quia humanae naturae inaccessibilis erat Deus: tum quia carni impossibile erat in caelum conscendere (Nemo enim ascendit in caelum, nisi qui descendit) tum denique, quia obstabant peccata & maledictio irae Dei. Necessarius igitur erat Christus, ut viam nobis munderet, & accessum nobis ad caelum & ad Deum pararet. Demum, mansiones quidem paratae erant, sed nos imparati & infirmi eramus: necessarius igitur nobis erat Christus, ut nos à peccatis munderet, & spiritu suo ad mansiones suscipiendas praepararet & confirmaret. Ostendit igitur Christus hoc verbo, primum caeli capacitatem. Iuxta illud: Israel, quam magna est domus Dei, & ingens locus possessionis eius. Secundo ostendit, se sua bona alijs communicaturum, quasi diceret: Non vni mihi paratum est caelum, non solus ego ab aeterno

Rom. 8.

Ephesi.

Ioan. 10.

2. Cor. 6.
Hebr. 3.

Apo. 21.

Heb. 13.

1. Cor.

Mat. 23.

1. Co.

Eph.

Ela.

Apo.

Apo.

Baruc.

no à Patre electus sum, sed multi alij per me electi sunt. Ego quidem solus verus & vnicus Filius Dei sum, & ob id omnium bonorum Dei naturalis hæres: Verum multi alij per me possident regnum Patris, & per me fient filij adoptione, & mecum cohæredes, &c. Tertio per hoc verbum indicat etiam differentiam futuræ gloriæ. Sicut enim stella à stella differt in claritate, sic erit & resurrectio mortuorum. Et sicut alia est claritas Solis, alia Lunæ, alia stellarum: sic & mansiones multæ sunt, & in gloria differunt, veruntamen omnes in firmamento immortalitatis & incorruptionis stabilitæ sunt, quemadmodum & stellæ. Vna quippe beatitudo est omnium electorum quo ad obiectum, sed non equaliter ab omnibus participatur, quinimo sicut diuersa sunt merita virtutum, sic diuersa sunt dona gloriæ. In summa, retributio certa est, tantum vt nos parati simus, & viam aggrediamur, eoque tendamus.

Si quo minus dixissem vobis, vado parare, &c.]

Sensus est: Si non essent multæ mansiones, hac de causa abirem, vt locum vobis præpararem. Nunc verò, cum multæ sint iam ante paratæ: (electi enim sunt credentes ante constitutionem mundi) non hac de causa, sed vt viam vobis faciam & inuium iter præparem, abiturus sum. Adhuc enim estis in peccatis vestris omnes filij Adæ, quemadmodum ingenui facti sunt Prophetæ: Facti inquit sumus immundi omnes, &c. Nunc igitur nō dico me paraturum mansiones, sed vos parabo mansionibus. Vado enim lauare vos à peccatis vestris in sanguine meo, vt digni sitis introire in illas sydereas mansiones, in illa cælestia sancta sanctorum, vt sitis regnum & sacerdotes: quia non aliter suscipient vos illæ mansiones, iuste ac legitimè hæcenus exhæredatos pro communis patris vestri vitio, nisi per me alium Patrem: per me (inquam) in morte mea vos regenerantem, introducamihi, ordine iustitiæ seruato. Quod si nouam sententiam incipere quis velit in hoc verbo. [Vado parare vobis locum] id quod translator noster videtur voluisse, po-

test & hoc sustineri. Verè enim parauit Christus nobis locum moriendo, Spiritum sanctum mittendo, & pro nobis Patrem interpellando. Nam in passione orans cum lachrymis, exauditus est pro sua reuerentia.

Et si abiero, &c. iterum venio ad vos.]

Alia cōsolatio est, quasi diceret: Non ita abiturus sum, vt prorsus à vobis se iungat: non ita recedam, vt nō redeam: non ita ingrediar in regnū Patris mei, & dominium super peccatum, mortem & diabolū, vt illud mihi soli retineam, sed vt & vobis illud parem. Sicut enim non mea causa descendi in carnem, sed vestra: sic & vestra causa nunc iterum ad regnum Patris contendo. Iterum igitur venio ad vos, scilicet resurgendo à mortuis, pace inter Deum & vos reformata, pacem & remissionem vobis annuntians. Potest & hoc verbum: [Iterum venio ad vos,] referri vel ad tempus mortis, vel ad iudicium futurum. Iuxta illud: Ecce venio cito, & merces mea mecum. Sicut enim Christus post resurrectionem venit Spiritus sancti reuelatione, sic in iudicio veniet maiestas suæ manifestatione: nō enim veniet, quasi nunc non sit nobiscum, sed quia maiestas eius tūc reuelabitur omnibus & pijs & impijs: Videbunt enim tunc eum etiam, qui eum pupugerunt. Quia tamen Christus hic dicit: [Venio,] non Veniam, videtur loqui de reditu suo per manifestationem Spiritus sancti. Nihil igitur aliud est: [Si abiero, iterum veniam,] quam quod Dauid dicit: Ascendit in altum, dedit dona hominibus, &c. Abijt siquidem morte, redijt autem resurrectione, ascensione, Spiritus sancti missione, quibus rebus sese proprium nobis donauit, & distribuit, dicens: Ecce vobiscum sum omnibus diebus, vsque ad consummationem mundi.

Assumam vos ad meipsum.]

Et hoc bifariam potest intelligi. Nam primum assumit Christus suos per missionem Spiritus sancti, quo ipsos sibi colligat & complectitur, vt vnum cum ipso corpus sint. Qui enim habent spiritum Christi, hi sunt eius. Proinde nul-

MM lum

lum peccatū est tā ingēs, nulla afflictio tam grādis, nulla mors tā terribilis, nullus Satan tā horribilis, nullus infernus tā profundus, qui possit viua fide credentem deglutire ac perdere. Sunt enim viua fide credentes cū Christo, & Christus cum ipsis, & vt in Christum, ita & in tales credentes nullū tus habent, peccatū, mors, diabolus. Postremò autem assumpturus est credentes ad se carnis resurrectione, vt semper cū Domino sint: Tunc enim veniet Dominus in iusu & voce archangeli, &c. Vtroque modo nos assumit Christus, vt siue viuiamus, siue moriamur, Domini simus.

1. The. 4. Huc pertinet quod in Apocalypsi dicitur, Ecce tabernaculum Dei cum hominibus, & habitabit cum eis, &c. Item in Ezechiele: Nomen ciuitatis ab illa die & deinceps. Dominus ibidem, In huius figura Ioseph olim fratres suos ad se assumpsit, ne perirent fame in terra Chanaan.

Et quò vado scitis, & viam scitis.]

Hic tandem ad id, quod Petrus supra interrogauerat, respondet. Sciebat enim & ipsum Petrum & alios discipulos anxie id cupere, quasi diceret: Quid queris Petre quò vadam, cum id ipsum scias nedum tu, sed omnes vos: Quotiens dixi me ad Patrem & ad gloriam meam iturum? Nec semel etiam indicaui, me per passionem & mortem intraturum in gloriam meam. Alij sic exponunt: [Quò vado, scitis.] Hoc est, scire possentis, si scripturam consuleretis. Ea enim pulchrè prædixit & meam passionem, & meam glorificationem. Simpliciter me autem intelligendo, Christus hoc verbo ipsis ostendere voluit, quanta iam acceperint, & quid ipsis restaret, quasi diceret: [Quò vado, scitis.] Nam Deum Patrem, ad quem vado, in me ipso ostendi vobis, adhuc me ipsum, qui sum via ad Patrem, vobis manifestaui. Primò prædicatione verbi mei, deinde voce Patris supernè delata, postea miraculis, postremò glorificatione mea, quam aliquibus vestrum ostendi in monte Thabor. Huc accedit, quòd vos ipsi confessi estis me esse filium Dei. Nihil igitur ad fidelitatem vestram deest, nisi quòd nondum nec Patrem, nec me reuelatè cognoscatis: Absoluam autem & hoc opus per crucem & mortem meam, qua impetrabo vobis Spiritum sanctum, Is enim docebit vos omnia, & clamabit ad Deum in corde vestro: Abba Pater, hoc est, declarabit manifestè, Deum esse Patrem vestrū, & vos per me filios Dei. Monemur & nos hoc verbo cogitare, quanta acceperimus præ alijs, vt gratulimur & bene vtamur acceptis: alioqui verbum hoc nobis omnem excusationem aufert.

Domine, nescimus quò vadis, &c.]

Directè contrarium est ei, quod Christus dixerat: Nō tamen credendū, quòd Thomas mēdaciū eū arguere voluit, sed tantū ingenuè fatetur hoc verbo suam & aliorum ignorantiam, vt Christū prouocet ad clarius ostendendum, quò ire vellet. Verū, si Apostoli hoc nescierūt, quomodo Christus dixit Scitis? Respondedo, Sicut qui aliquid habet, & tamen imperfectè, vel nescit se habere, vel nescit vsum eius rei, dicitur habere & non habere, quemadmodum pius homo habet vitam eternam, & non habet. Habet in spe. Nam Christus dicit: Qui credit id me, habet vitam eternam, sed non habet in re & perfectè. Et infans baptizatus habet fidem, & non habet: Habet, quia ei infusa est: non habet autem quia nescit se habere. Et diues avarus habet diuitias, & non habet: habet in arca, non habet in vsu. Sic qui aliquid scit imperfectè, vel nescit se scire, vel non scit ea scientia vti, is dicitur scire & non scire. Sic Apostoli sciebant & non sciebant quò Christus iturus esset. Sciebant quidem, quia Christus dixerat, vt supra positum est. Ideo bene dixit: Vos scitis. Quia tamen hæc imperfectè sciebant, imò nesciebant se tāta accepisse, do nec Spiritus sanctus eis ea iterum suggereret, verè etiā dicit Thomas: [Nescimus quò vadis.] Cæterum ex hoc loco videmus, quomodo Christianus homo diues sit & potens & sapiens. Omnia habet, & tamen nihil habet: Omnia potest, & tamen nihil potest: Omnia scit, & tamen nihil scit: Omnia habet, scit & potest in Deo, sed in se nihil habet, potest aut scit, & vtrunque ingenuè confitetur pius homo.

Ego

Ro. 14.
Apo. 21.
Ezec. vi.
Gen. 46

Matt. 3.
Mat. 17.
Mat. 16.

Ego sum Via, Veritas & Vita.]

Hoc est, totius Euangelij caput & summa, hoc verbum vel solum nos instruere potest, quò tendere debeamus, idemq; & solum in quacunque tribulatione & tentatione cōsolari potest, quare diligenter obseruandum. Primò igitur hoc verbo respondet ad quæstionē Thomæ, quasi diceret: Miraris quod dixim: Quò vado scitis, cum nihil tale in te videas & inuenias. At qui hoc modo fit: [Ego sum via] quamdiu me habetis, nō potestis cōqueri vos nescire viā. Ego vobis via & terminus, tantum seculmini, & quod habetis tenete, nec curiosius quærite, quis sit ille locus ad quem vos ducturus sum, & per quam viam, per quæ media. Hæc inuestigare non est vestrum, contenti estote, quòd me habetis viam & præcessorem. Secundò hoc verbo Christus ostendit, se esse exordium, medium & finem salutis nostræ. Initium salutis nostræ est transitus à peccato ad iustitiam, & ex tra in gratiam Dei: Medium est cognoscere veritatem: Finis autem est apprehendere vitam æternam. Omnia autem hæc per Christum consequimur. Ipse enim est viuum illud verbum Dei, quod si de apprehensum ducit ad Deum, hoc est, è peccatis ad iustitiam, è morte ad vitam, è tristitia ad gaudium, è dānatione ad salutem. Meritò igitur dicit: [Ego sum via.] Secundò, verbum Dei est ipsa veritas, omnia alia sunt falsitas, vanitas, quia igitur Christus est verbū Dei, congruè dicit: [Ego sum veritas.] Tertio verbum Dei est vita, non ob id tantum, quòd omnia per ipsum creata sunt, sed etiam ob id quòd credentes recreat & renouat noua spiritus regeneratione, reliqua omnia sunt mors & perditio. Quia igitur Christus est verbum Dei, congruè dicit: [Ego sum vita.] Sunt autem hæc breuiter quidē dicta, sed tamen plene indicant, quātus nobis thesaurus sit Christus. Ego sum via incipientiū, veritas proficientiū, vita perfectorum. Ego sum via ducēs: Ducā (inquit) te per semitas æquitatis. Veritas lucens: Vobis (inquit) timentibus Deum orietur sol iustitiæ. Vita pascens: Ingredietur, inquit, & egredietur, & pascua inueniet. Ego sum via vitæ, veritas doctrinæ,

vita salutis æternæ. Ego sum via in exemplo, veritas in promisso, vita in præmio. Ego sum via non errans quærentibus, veritas non fallens inuenientibus: (fidelis enim Dominus in verbis suis. Et in Christo non est, est & nō) vita indeficiēs permanētibus. Ego sum via, quia dirigo credentem. Veritas, quia veracem facio confitentem. Vita, quia beatifico credentē & confitentem. Hoc igitur verbo Christus consolatur suos, & roborat in omni tentatione, & maxime in morte: Ego (inquit) sum via, per me euades. Ego veritas, sine dubio igitur erunt quæ promissi: Quæ procedūt de labijs meis, non faciam irrita. Ego vita, igitur nec mors impedire potest, quò minus ad me peruenias. Itaq; si ego via, non indiges duce: Si ego veritas, nō falsa loquor: Si ego vita, etiamsi moriaris habebis quæ promissi. Vide quanta consolatio in his verbis nobis proposita sit. Deinde hoc verbo omnes etiā mundanos ad se allicere cupit Christus. Omnes enim cupimus vitā, veritatē, &c. Verum nusquā certa aut stabilis inuenitur aut vita, aut veritas, aut via, nisi in Christo. Quid igitur miser per inania vagaris: aut inania & vana apprehēdis, omis sis veris bonis! Huc huc te cōuertere. Disce ubi sit prudentia, vt simul discas ubi sit longiturnitas vitæ & pax. Præterea cum Christus se solū dicat esse viā, veritatem, & vitam, monet vt deuiā vitæ temus. Itemque falsitatē, ne nobis contingat illud: Errauerūt in inuiso, &c. Itēq; illud: Errauimus à via veritatis, &c. Stat enim sententia. Iuxta iter scandalū posuerunt mihi. Item: In via, qua ambulabam, absconderunt superbi laqueū mihi. Meritò igitur monet Hieremias. Sta te super vias, & interrogate quæ sit via bona. Ad hæc Christus hoc verbo longè se distinguit à Moyse & Prophetis. Illi, inquit, docuerunt viam, veritatem & vitam: Ego non tantum doceo, sed sum via, veritas & vita, quod verbis doceo, hoc re ipsa præstare possum, id quòd nullus alius potest. Postremò, q; Christus his tantum tribus nominibus hoc loco se insigniuit, cum potuisset alia addere, &c. docere voluit, tria quædam nobis necessaria esse ad acquirendas illas cælestes mansiones, & hæc ipsa non alibi

Psa. 144
2. Co. 12

Psa. 38

Baru. 3

Psa. 106
Sapi. 5

Psa. 139
Hier. 6

MM ij quam

quàm in se inueniri. Primum est sanctitas vitæ, Secundum est fides recta, Tertium est spes vitæ futuræ. Atqui Christus dat vt sanctè viuamus, rectè credamus, & spem nostram ad futura bona erigamus.

Nemo venit ad Patrem, nisi per me.]

Primò sic intelligitur: Nemo cognoscit Patrem, nisi per me: Deum enim nemo vidit vnquam, vnigenitus Filius enarrauit nobis. Secundò sic: [Nemo venit ad Patrem &c.] Hoc est, omnia alia nos absterrent, ne Patrem accedere audeamus. Primò, ratio humana ignorans Dei, deinde peccata, præterea lex, quæ Deum proponit in iudicem. Postremò etiã diuina maiestas sublimior est, quàm vt possimus eam viribus humanis accedere. Solus Christus solum Dei verbum facit, vt securè audeamus accedere. Solus deniq; ipse est medium & via, qua ad Patrem peruenimus. Consequitur igitur, nõ satis esse in Patrem credere, nisi credamus & in Filium. Item consequitur, quòd nullis nostris viribus & operibus salutem consequi possumus, nisi in Christum credamus. Non enim propter opera nostra in se nos gratos habet Deus, sed propterea quòd in Christum credimus: Gratos, inquit, nos sibi fecit in dilecto Filio.

Si cognouissetis me, & Patrem meum vtrique, &c.]

Obseruandum in hoc vltimo sermone, quòd Christus Deum non aliter, quàm Patrem nominat, sed differenter: aliquando enim simpliciter nominat Patrem, aliquando autem addit, Meum: Ideo autem Patrem nominat Deum, vt amabilem cum nobis faciat, non terribilem quemadmodum lex fecit. Ideo autem interdum addit, Meum, vt ostendat se singulari quodam modo filium Dei, natura scilicet, non adoptione tantum, quemadmodum nos. Verissimè autem dictum est: Si cognouissetis me, &c. Primum enim cum eadem sit substantia Patris & Filij, & qualis Pater, talis sit & Filius: qui Filium cognoscit, cognoscit & Patrem. Secundò, Pater & Filius sunt correlatiua, vno igitur cognito, cognoscitur & al-

terum. Tertio quum Filius sit splendor gloriæ Dei & imago substantiæ eius, itemque candor lucis æternæ, & speculum sine macula. Qui igitur Christum cognoscit, etiam Patrem cognoscit. Præterea, Christus est verbum Dei: Qui autem verbum Dei audit & credit, is proculdubio sentit consolationem Patris in corde. Ex verbo, inquam, Dei, sentitur gloria Patris consolantis, viuificantis & sanctificantis, quæ consolatio & sanctificatio vita æterna est. Hinc David: Nisi quòd lex tua meditatio mea est, tunc forrè perissem, &c. In æternum non obliuiscar, &c. quia in ipsis viuificasti me. Ex hoc verbo patet, quòd Christum cognoscere, nõ est ipsum corporaliter videre, eumque hominem credere, sed scire quòd vnus cū Patre substantiæ & potestatis est. Item, scire cur in mundum venerit, quid per eum nobis dare decreuerit Deus. Qui sic Christum cognoscit, is verè & Patrem cognoscit. Videbit enim patris bonitatem & misericordiam erga nos, atque hinc permotus, eum diligit ac reueretur, viuet vita ipsius, ambulabit in via eius, stabit in veritate eius, &c. Atque hoc est verè cognoscere patrem.

Et amodo cognoscetis eum.]

Per Spiritum scilicet sanctum, qui in cordibus vestris clamabit: Abba, pater. Perfectius autem eum cognoscetis in futura vita. Magna promissio, & hic in futuro cognoscere & experiri, quòd Deus verè pater sit. Græci legunt: Amodo cognoscetis eum, quasi dicerent. Hactenus, etsi aliqua fuerit cognitio Dei, admodum tamen imperfecta fuit. Moyse enim satis erat dicere: Audi Israel, Dominus Deus tuus, Deus vnus est. Sufficiebat enim eo tempore, si homines à multorū Deorum cultu ad vnum Deum reuocarentur: nunc autem ex quo ego loquutus sum, plenius cognoscetis Deum. Ego enim vobis ostendi vnus Dei naturam in tribus personis, insuperq; bonam ipsius erga vos voluntatem.

Et vidistis eum.]

Pater est potètia, iustitia, misericordia, cōsolatio, & vera felicitas. Apostoli autè potentiam Dei viderant in miraculis

culis Christi, consolationem Dei senserant in aduersis, felicitatem gustauerant in monte Thabor, misericordiam viderant in susceptione peccatorum. Merito igitur eis dicitur. [Vidistis eum.] Qui enim Dei potentiam, iustitiam, &c. videt, Deum videt. Nemo igitur dicere potest, se ignorare Deum, cum quotidie eius opera videat: inuisibilia enim dei, &c. in creatis conspiciuntur rebus, &c.

Domine, ostende nobis Patrem, & sufficit nobis.]

Quò diutius Christus differt, eò ardētius Apostoli interrogāt & querūt. Hoc vno aut verbo Philippus pulchrè ostendit, & carnis & spiritus naturā. Primò enim è spiritu est, quòd nō tēporalia à Christo petit, sed spiritualia. Laudē meruit Salomon, quòd non diuitias, &c. sed sapientiam à Deo postulauit. Multò magis laude dignum est, quòd Philippus faciem Patris quærīt. Obseruandæ igitur sunt tres illæ Apostolorum quæstiones: Domine, quò vadis? Domine nescimus quò vadis, & quomodo possumus viam scire? Domine, ostende nobis Patrem, & sufficit nobis:] Deinde etiā è spiritu est, quòd in visione & cognitione Patris, felicitatem & finē suum constituit Philippus. Ostende, inquit, Patrem, & sufficit, quasi diceret: Te magister & Domine iam vidimus & agnouimus, dileximus, & confessi sumus, & beatos esse fatemur oculos nostros, qui te videre meruimus: iam nihil superest, nisi vt Patrem ostendas. Præterea ideo petit, vt ostendat Patrem, quo Iudæis ora obstruerentur, quòd & ipsum è spiritu est. Videbat Phariseos sic inuidia exarsisse in Christum, vt cum miracula eius impedire non possent, summo studio ea calumniabantur, modò in principe demoniorum ea fieri clamantes: modò turbas reprehendentes, quòd illum audirent: modò etiam in contemptum Christi Moysen suum iactantes: Nos scimus, quòd Moyse loquutus est Deus, hunc autem nescimus unde sit. Hæc omnia considerans Philippus, petit à Christo, vt & ipse, quemadmodum Moyses fecerat, eis ostenderet Patrem, vt vel sic quiescerent & cessarent Iudæorum calumniæ. Cæterum,

quantumuis pia intentione hoc dixerit, non parum tamen etiam carnis naturam hoc verbo ostendit. Primùm in eo, quòd Deum oculis corporalibus videre cupit, id quòd fieri non potest: Deus enim est spiritus. Deinde etiam hoc carnis nem sapit, quòd quum sciret Moyse dictum esse: Non videbit me homo & viuet, ipse tamen etiam in hac vita Dei conspectum petit, atque adeò beatitudinē plenā. Nam videre Patrē & Filiū, vita æterna est. Sic enim caro etiam hic glorificari & beatificari vult, quòd tamen fieri non potest: Per fidem enim ambulamus, non per speciem. Maximè autē in hoc carnis & rationis naturam videmus in Philippo, quòd non contentus est verbo, quo solo Pater & voluntas eius discitur, sed maiora quærīt & certiora, quasi parua aut incerta sint quæ acceperat, imò vult signis & sensu assecurari. Hæc enim est carnis & rationis natura.

Tanto tempore vobiscum sum, & non cognouistis me?]

Hoc verbo ostenditur omnium maxime reprehensibile esse in discipulo Christi, si diutius in Christianismo versetur, nihil tamen proficiat, aut crescat in cognitione Christi. Multò tamen iustius hæc nobis obicerentur, qui quasi tota die otiosi stamus, nec attendimus, quænam nobis donata sint. Vide autem quomodo Christus discipulorum tarditatem arguat. Primò enim non frascitur, quòd tantum laboris frustra impenderit, nec asperis verbis eos aggreditur, sed admodum mansuetè corripit. Solet enim Deus etiam imperfectiones suorum tolerare, si nō absit cor peruersum: Eis autem, qui ex certa malitia & proposito mali sunt, loquetur suo tempore in ira sua, & in furore suo conturbabit eos, regetque eos in virga ferrea, &c. Deinde Christus reprehensus tarditatem Philippi, non ad ipsum solum sermonem dirigit, sed ad omnes in communi. [Tanto, inquit, tempore vobiscum sum, &c.] ne scilicet ipsum rubore suffundat & publicè confundat: id quòd diligenter obseruent hi, quorum est aliorum vitia carpere & arguere. Solent enim qui publicè

MM iij con

confunduntur, vel irasci contra corripiētem, vel ad excusationes se conuertere. Ob eam causam Christus nec Iudā manifestē corripuit. Obseruandum & id, *Su.c. 13.* quod Christus vno solo, eoque breuissimō verbo discipulos corripit, cōtra eos, qui nihil aliud agūt in concionibus publicis, quā quod tota libertate in aliorū vitia inuehūtur. Corripienda quidē sunt vitia, sed nō id solū agendū. Sunt quidam in concione, qui correptione indigent, sed iuxta hoc sunt alij, qui doctrina indigent, itemque alij, qui consolatio: Hi autē si totus sermo expēdatur in correptionem vitiorū, ieiuni reuertuntur in domos suas. Apostolus autē praecipit, non solum corripiendos esse inquietos, sed etiam consolandos pusillanimes, & docendos infirmos, &c.

Philippe, qui videt me, videt & Patrē]

Omissa correptione, conuertit se ad doctrinam, in qua plus situm est, quā in correptione. Ideo etiā plurib⁹ hic verbis vtitur, quod & ipsum pro exēplo nōtent praedicatores. Est autem sensus verbi: Philippe, existimas te beatum futurum, si Deum corporalibus oculis videres, planēque exoptas etiam in hac vita Dei perfectam cognitionem, quorum *Ican. 4.* vtrūque impossibile est. Nam & Deus *2. Co. 5.* spiritus est, nec videtur oculis corporalibus: Et nunc per fidem ambulamus, non per speciem. Deinde sic loqueris, quasi nihil hactenus de Patre cognoueris, quum ipsius verum verbum audieris, potētiamque ac misericordiam videris, imō meipsum, qui sum eius verbum, Filius, imago, & facies, coram videas. Præterea existimas omnes Iudeorum blasphemias cessaturas, si ipsis Patrem ostendam, quemadmodum Moyses olim fecit, sed longē falleris. Nam & hi ipsi, qui olim & viderunt & probauerunt opera Dei in deserto, nihilominus impij fuerunt, vnde & perierūt. Deum videris & hoc sentire, quod veteres illi perfectius Deum viderūt, quā vos, sed lōgē erras. Illi viderūt nō Deū, sed ignem & fūmum in monte Sina. Atqui natura ignis lōgissimē abest à natura Dei. Nec quisquā ad rectā de Deo opinionem, per speciē ignis perueniet. Bonus siquidem natura Deus est, creator est, cūcta ex nihilo produxit, & quem produxit, continet & viuificat. Sapientia præterea & virtus est, iustus, & misericors, &c. quorum omnium nihil vnāquam in igne cōspicies. Qui autem me videt, videt verē Patrem Deum. Sicut enim Deus bonus in natura est, sic ego eandem bonitatem ostendi, meipsum vsque ad terram humiliando. Et sicut Deus potens est, sic eandem ego potentiam ostendi in miraculis, &c. Et sicut Deus vita est naturaliter, sic & ego hoc ipsum ostendi, mortuis vitā restituendo, & mortis vires confringendo. Docet igitur Christus hoc verbo, Deum pro hoc tempore non aliter videri posse, quā in verbo & Filio. Proinde non quærendam aliam viam cognoscendi Deum, sed credendum verbo Christi, hocque contentos esse. Qui enim Christo credit, is verē experietur & sentiet Patrem viuificantem & consolantem. Deinde docet, Deum perfectius in suo verbo cognosci, quā in quibuscunque alijs operibus & creaturis. Videntur quidem inuisibilia Dei etiam in creaturis, sed longē perfectius in Filio & verbo. Præterea docet, Deum perfectius in suo verbo cognosci, quā in quibuscunque apparitionibus & visionibus veteris Testamenti. Postremō subindicat, nec ipsi Deo credituros, si visibiliter appareret, eos, qui Filio nō credunt & verbo. [Qui me videt, videt & Patrē.] Qui me non videre vult, nec Patrem attendet. Sic Abrahā dicit: Si Moysen & Prophetas non audiunt, nec si quis ex mortuis surrexerit credent.

Quomodo tu dicis, ostende nobis Patrem?]

Non malum est, ad perfectam visionem Patris anhelare. Sic enim & David frequenter orasse legitur: Quemadmodum, inquit, desiderat ceruus ad fontem aquarum, ita desiderat anima mea ad te Deus, &c. Et iterum: Ostende faciem tuam, & salui erimus. Ita autem faciem Patris requirere, quemadmodum Philippus, quasi scilicet hactenus nullo modo eum viderimus, aut quasi seorsum cognoscatur sine Filio, aut quasi cognitio Patris dignior sit, quā notitia Filij: Hoc, inquam, vitio non caret. Huc igitur

gitur pertinet verbum Christi: Quomodo tu dicis, Ostende nobis Patrem?

Non credis, quia ego in Patre, & Pater in me est?

Ad. 17.

Ioan. 2

Deus est in omnibus creaturis, & omnes creaturæ in ipso sunt: In ipso (inquit Paulus) uiuimus, mouemur, & sumus. Longè tamen aliter filius Dei est in Patre, & Pater in Filio, per naturam scilicet & consubstantialitatem. Vnde solus ipse veraciter dicere potest: Qui me videt, videt & Patrem. Huc pertinet quod Ioannes dicit: Qui Patrem negat, & Filium negat: & qui Filium negat, nec Patrem habet. Qui autem Filium confitetur, is & Patrem confitetur.

Verba quæ loquor, à meipso non loquor, &c.]

Vt certò sciamus Christum Deo Patri consubstantialem, duobus signis probat, verbis scilicet & operibus. Est autem sensus verbi, quasi diceret: Si vultis certum esse, quòd Pater in me sit, & ego in ipso, attendite verba & opera mea. Primum enim, si Pater ipse loqueretur, non aliud vobis quàm ego loquor, loqueretur: sic et si Pater per se operaretur, non aliud operaretur, quàm ego operor. Eadem enim nobis mens est, eadem voluntas, eadè vis & natura. Deinde quicquid loquor, ex animo illius loquor: quicquid facio, ex illius sententia facio: per me ipse vobis loquitur, per me suam exercit virtutem. Docet igitur, ut ipsius & verba & opera non aliter accipiamus, quàm Dei verba & opera. Ex eo autem quod dicit, Patrem in se manentem facere opera, occultè subindicat, neminem aut veraciter loqui, aut bene operari, nisi Patrem in se habeat manentem. Stat enim sententia: Omnis homo mendax. Et: Non est qui faciat bonum.

Psalm. 115
Psalm. 135

Non creditis, quòd ego in Patre, &c.]

Repetit quod iam dixerat, ut fortius inculcet. Non parum enim refert scire, Christum esse verum Deum, Deo Patri consubstantialem. Græci tamè hoc loco legunt. Credite quòd ego sum in Patre, & Pater in me, quasi diceret. Hoc vnum credite, animis quæ vestris infixum habete. Quod si feceritis, nihil detrimen-

ti vobis adferet huius corporis subductus conspectus. Satis vobis erit, fide videre Deitatem meam, etiam si non videatis oculis corporeis meam humanitatem.

Alioqui propter opera credite.]

Quamuis Christus mentiri non possit, non tamen omnino hoc exigit, ut nudis verbis ipsius credamus, sed addit opera, ut vel sic imbecillitati nostræ consulat. Deinde ut doceat, non facile credere his, qui magnifica de seipsis iactant. Sciebat enim impios & seductores præcedentia verba etiam sibi adaptare posse, deosque se verbis facere, sed non posse diuina opera edere. Hoc autem verbo palam indicat, se vnus cum Deo naturæ esse, nec quicquam mirum & diuinæ naturæ conueniens operari potuisse, nisi natura Deus esset. Nunquam enim qui ex Deo non est, æqualiter Deo operabitur, neque creatura, quæ infinitæ virtutis sunt suscipiet. Nunquam etiam bona eius naturæ, quæ semper est, ipsæ quæ sunt producta ex nihilo, propriè attribui poterunt. Stat enim sententia: Ego Dominus gloriam meam alteri non dabo. Quamuis autem Moyses videatur prohibere, ne signis tantum credamus: Si, inquit, surrexerit, &c. non audies verba Prophetæ illius, &c. sed præmisit, si dixerit: Eamus & seruiamus dijs alienis, &c. Nam aduersus verbum Dei miraculis diuinis confirmatum nullum signum est admittendum. Tunc autem signis securè credere possumus, si doctrina verbo Dei cōsentiat, id quod in Christo fuit. Vnde & fiducialiter ad signa sua nos mittit.

Esai. 42.

Deut. 13.

Amen dico vobis, Qui credit in me, opera quæ ego, &c.]

Suprà dixit: Pater in me manens, ipse facit opera, quod intelligi posset, quasi ipse ex se nihil posset efficere, sed tantum ut instrumentum Dei esset: Hoc excludere volens, docet nunc se nedum ex seipso omnia posse, sed etiam eam virtutem in se credentibus communicaturum pollicetur. Deinde, ne discipuli, qui præsentem eo diuina opera viderant, putarent eo recedente nihil tale amplius se habituros, consolatur eos hoc verbo, & docet adeo eis non defutura diuina

MM llij ope

opera, vt & ipsi ea effecturi sint. Videntur autem hoc verbum innuere, quod soli hi Christiani sint, qui signa faciunt, quandoquidem Christus expresse dicit: [Qui credit in me, opera quæ ego facio, & ipse faciet, &c.] Et quod nullus Christianus sit, aut dici debeat in Christum credere, nisi signa faciat, id quod admodum durum nobis esset: quandoquidem nullus nostrum hoc tempore signa facit. Ob eam causam quidam exponunt locum hunc, non de operibus miraculo-
 sis, sed de operibus virtutum, vt sit sensus: [Qui credit in me, opera quæ ego facio, & ipse faciet,] hoc est, imitabitur charitatem meam, humilitatem, patientiam, &c. Et quidem pia est hæc sententia. Nam & Ioannes dicit: Qui dicit se in Christo manere, debet sicut ille ambulauit, etiã ipse ambulare. Verum huic loco non congruit. Aliqui volunt Christum hic tantum loqui de perfectis fidelibus tempore primitiue Ecclesiæ, certisq; personis electis ad hoc, vt gratiã signorum sortiantur, sicq; per eos alij conuertantur. Sed nec hoc quidem satis facit huic loco. Nam Christus simpliciter dicit: [Qui credit in me, &c.] Alij exponunt verbum hoc de spiritualibus signis & miraculis, vt sit sensus: Qui credit in me, opera quæ ego corporaliter facio, ipse faciet spiritualiter. Pius enim homo mortuos resuscitat, dum mortalibus vitijs implicatos conuertit ad Christum, & sic de alijs. In hunc modum exponitur etiam illud. Signa eos qui crediderint, hæc sequentur, &c. Simplicissime autem intelligendo, Christus nihil aliud hoc verbo voluit ostendere, quàm inæstimabilem virtutem fidei, quæ omnibus fortior est. Iuxta illud: Omnia possibili-
 Mar. 9. lia sunt credenti. Et iterum: Si habueritis fidem, dicetis moti huic, Tolle te, &c.
 Matt. 21 Hinc Paulus: Omnia, inquit, possum in eo, qui me confortat. Et iterum: Deus triumphat nos in omni loco, &c. Et iterum: In his omnibus superamus propter eum, qui dilexit nos, &c. Huc pertinent, quæ Paulus ad longum de virtute & fortitudine fidei patrum scribit ad Hebræos: Nec mirum, quod credens in Christum tanta possit. Per fidem enim Christo vnitur & incorporatur. Vnitus Christo, spiritum Christi accipit & ha-

bet, qui cum sit omnipotens, consequitur, quod & hominem, in quo habitat, fortem reddat. Obserua autem quod Christus non dicit, Qui credit in me, semper & in omni loco signa faciet. Nec enim Christus semper miracula fecit, sed tantum, vt dictum est, voluit monstrare fidem nihil non posse, vbi id exigit necessitas & gloria Dei, vel vtilitas proximi.

Et maiora horum faciet.]

Nō loquitur hic de operibus creationis: quomodo enim posset fidelis maiora facere, q̃ filius Dei, qui creauit cælum & terrā, &c. sed loquitur de operibus miraculorū, quæ in terra fecit. Multipliciter autem probatur veritas huius verbi, quod scilicet credentes maiora fecerint, quàm Christus ipse. Primò Christus tantum tres mortuos suscitasse legitur. Aliqui autem sanctorum plures suscitauerunt. Secundò, Christus ad tactum simbræ vestimenti sui sanauit mulierem. Petrus autem vmbra sanauit plerosq; &c. Tertiò, Christus ad mortē iturus, ad eum tinnit (tamen propter nos) vt sanguinem sudaret: Apostoli autem ibant gaudentes à conspectu consilij, quod digni habiti essent pro nomine Iesu pati. Præ-
 Marc. 16 terea Christus in passione clamauit: Deus meus, vt quid me dereliquisti? Cum pleriq; martyres in passione nihil aliud clamarent, quàm Gratias agimus Deo. Ad hæc Christus in passione sua nullum fecit signum, quo leniretur dolor eius, cum in passionibus martyrum legamus aliquando extinctum ignem, hebetatum ferrum, mortuos & percussos persecutores, &c. Deniq; Christus in vna tantum gente & lingua prædica-
 Matt. 21 uit. Fuit enim tantum missus ad oues domus Israel, & tantum fuit minister circumcisionis: Apostoli autem pluribus gentibus, & varijs linguis prædicauerunt. Demum Christus vix paucos etiam ex eo populo, qui legem habebat, conuertit: Apostoli autem ingentem multitudinem ex gentibus, qui nec legem, nec scripturas habebant. Verè igitur dictum est: [Maiora horum faciet.]

Quia ad patrem vado.]

Hæc est ratio, quare credentes maiora operaturi sint. Non ideo maiora facient,

clent, quasi ego id non potuerim, sed ideo, quia iam vado ad Patrem, hoc est, in regnum Patris confecturus ad dexteram Patris, & omnium creaturarum dominum vendicaturus. Quamdiu in humilitate carnis apparui, pauca quædam feci miracula: nunc autem ad gloriam pergens, magna & multa in toto mundo per credentes efficiam. Deinde ad Patrem vado, hocq; meo per passionem transitu impetrabo & vobis Spiritum sanctum, & gentibus salutem. Vnde fiet, ut in me credentes deinceps nihil non possint.

Et quicquid petieritis Patrem in nomine meo.]

& non: Pater faciet, quo verbo ostendit se simul cum Patre exaudire, gratiamque conferre, iustificare & saluare, atque adeo se eiusdem naturæ & potestatis esse cum Patre. Demum, ne quis putet solum patrem inuocandum esse, addit: Et si quid petieritis me in nomine meo, &c. Summa, Pater amat Filium, & omnia dedit ei in manus, Christus igitur nedum viam ^{Ioan. 5} aperuit ad patrem, sed insuper vires accedendi donat, ut tuto & facile ipsam precibus nostris accedere audeamus.

Si diligitis me, mandata mea seruate.]

Hoc adiecit Christus, ne quis putet credentes ipsi Christo posse æquari, vel propria virtute operari miracula: Nequaquam (inquit) facient quidem credentes signa, sed valde dissimiliter. Ego enim ex propria virtute, illi autem ex aliena, hoc est, mea. Ego potestatiuè ago quicquid volo, illis opus erit oratione primum à Deo expetere, si quid faciendum sit. Signanter autem dicit: [In nomine meo,] quod primo sic intelligitur: In nomine meo, hoc est, si quæratis gloriam meam. Sicut enim Pater nihil mihi negat agenti, quod ad illius gloriam facit, sic vobis nihil negabo hoc agētibz, quod ad gloriam meam pertinet. Secundò, In nomine meo, hoc est, ea quæ ad salutem pertinent. Nam nomen meum est Iesus, id est, Saluator. Ut enim oratio exaudiat, necesse est ut pie oremus, hoc est, ea quæ ad pietatem pertinent. Tertiò, In nomine meo, hoc est, per me, non per merita vestra. Per Christum enim & propter Christum exaudimur, sicut & in Christo diligimur. Hinc Petrus: Offerentes spirituales hostias, acceptabiles Deo per Christum. Sicut enim olim in lege non per sese offerebat populus, non per sese ingrediebatur in sancta sanctorum, sed offerebat Pontifex: sic nos per Pontificem Christum rogamus & offerimus. Hinc Paulus: Habemus libertatem adeundi in sancta per sanguinem Iesu, &c. Signanter autem dicit. Hoc faciam,

Hoc verbo primò arguit discipulorum pusillanimitatem, quasi diceret: Nolite dilectionem vestram erga me fletibus tantum & tristitia ostendere, sed ad memoriam reuocate ea, quæ vobis dixi & promisi. Deinde ostendit hoc verbo, ad quos pertineat præcedens pollicitatio, de exaudiendis orationibus. Nam quòd non ad omnes pertineat dictum illud: Quicquid petieritis patrem, &c. Iacobus ostendit, cum dicit: Petit, & non accipit, ^{Iacob 4} eò quòd malè petat. Et idem de eo, qui duplici est animo: Non (inquit) aestimet homo ille quòd aliquid à Deo accipiat. ^{Iacob 2} His enim qui non ad studiosè agendum, sed tantum ad explendas cupiditates petunt, Deus aures obstruxit. Nam quæ ipse odit, quoniam turpia sunt, quomodo ea cæteris largiretur? Quomodo dulcedinis fons amarum aliquid scaturire posset? Spiritualium autem gratiarum cupidis larga manu omnia præbet.

Hinc in Esai: Adhuc te loquente dicam, quid est? Et Dauid: Oculi Domini super iustos, & aures eius ad preces eorum. Præterea hoc verbo nos admonet, ne torpore & ignavia nostra perdamus eius dilectionem & gratiam. Oportet enim, ut per opera nutriatur & conseruetur. Demum admonet, ne nos ipsos fallamus, ac nobis ipsis blandiamur, quasi Deum diligamus. Regnum enim Dei non est in sermone, ^{1. Cor. 4} sed in virtute. Et: Non omnis qui dicit

- Matt. 7. dicit mihi, Domine, Domine, intrabit in regnum caelorum, &c. Probatio igitur dilectionis, est exhibitio operis. Obserua quod Christus, quamuis supra dixerit: Verba quae loquor, à meipso non loquor. Item: Doctrina mea non est mea, &c. Hic autem manifestè sua esse affirmat, ut sciamus quod ipse non ut Prophetarum aliquis, nec ministri loco sermonem Dei nobis proposuit, sed ut consubstantialis & vnus naturae cum Patre. Hinc est, quod Moyses & Prophetæ dicunt: Hæc dicit Dominus, &c. Christus autem. Hæc mando vobis. Neque id mirum. Moyses enim & Prophetæ fuerunt ut serui in domo Dei, Christus autem ut filius. Obserua ite, quod Christus propria habet mandata & alia à Moysse. Moyses enim legem habet, Christus autem Euangelium. Hinc Moyses: Deut. 18. Prophetam suscitabit vobis Dominus similem mei, &c. Quæ ergo præcepit Pater filio? Hæc est voluntas Patris, ut non perdam ex his, quos dedit mihi, & ut omnis qui credit in Filium, habeat vitam æternam, Quamquam autem Euangelium totum, vnum sit mādātum Dei, quod Filio demandauit: non tamen abs re Christus in plurali loquitur: [Mandata mea seruate.] Nam Euangelium & fidem & charitatem docet.

Et ego rogabo Patrem, &c.]

Christus ubique Patrem agit fidelissimum. Sicut enim Pater filiis paruulis adhuc nedum relinquit hæreditatem & quicquid boni habet, sed insuper tutores eis constituit, qui eam hæreditatem filiis conseruent, ac insidiatoribus resistant, quod ipsi paruuli & orphani non possunt: sic Christus hic non contentus hæreditatem bonaque sua nobis testamentò relinquere, insuper & tutorem nobis pollicetur, & instituit Spiritum sanctum, qui filiorum eius curam atque tutelam pupillorum suscipiat, atque testamentò Patris legatam illis, imò sanguine eius conscriptam hæreditatē aduocatione legitima defendat, in omni prætorio, coram quouis iudice, rege aut tyranno: curetque, ne ipsi filij incuria sua eam hæreditatem perdant. Proponenda siquidem erat lis in iudicio de terminis paternæ possessionis. Et cum

Deus dixerit Christo: Postula à me, & dabo tibi gentes hæreditatem tuam, & possessionem tuam terminos terræ: futuri tamen erant, qui hæreditatem eius nimium vellent angustare, aut etiam annullare: ut Iudæi, qui in sua tantum synagoga: ut Donatus, qui in sola coartata re contēdebat Africa: ut Pagani, qui nullam vsquam eius possessionem esse volebant. Præterea etiam caelorum prædica insidiatoribus malignis spiritibus perdere poterant filij Christi, ideo opus habebat tutore, qui eos protegeret, erudiret, atque pro delinquentibus interueniret. Ipse enim spiritus postulat pro nobis gemitibus inenarrabilibus, Ostendit igitur Christus hoc verbo, quod etsi à Patre sumus creati, à Filio corporaliter visitati & redempti, adhuc tamen indigemus Spiritu sancto: Ego (inquit) rogo Patrem. Ostendit deinde, propter se solum suamque passionem dari Spiritum sanctum credentibus. Christi enim passio fuit illa oratio, quæ nobis Spiritum sanctum impetrauit. Hinc Paulus: In Hebr. diebus carnis suæ, preces obtulit cum lachrymis, & exauditus est, &c. Hanc Christi precationem longè ante præuldit David, vnde imprecādo sic ait: Exaudi te Dominus in die tribulationis, &c. Memor sit omnis sacrificij tui, &c. Labi- tabimur in salutari tuo, &c. Per totum.

Et alium paracletum.]

Paracletus consolatorem significat Græcis. Hoc igitur verbo ostēdit, quod etiam ipse à Deo Patre nobis datus sit cōsolator. Hinc Paulus: Per Christū abundat cōsolatio nostra. Per hūc autē alius Paracletum, intelligit Spiritum sanctū. Quem ideo nominat Paracletum, ut eius diuinam ostendat naturam: Nemo enim perfectè hominem consolari potest, nisi creator hominis. Si ergo Spiritus sanctus Paracletus est, constat, quod Deus est, & vnus cū Patre & Filio naturæ. Quod autem addit: Alium, subindicat discretionem personarum. Est autē Spiritus sanctus (maximè quoad operationes suas in nobis) nihil aliud, quàm afflatus Dei, quo adspirat Deus corda nostra, ad sancta, pia, recta, iusta & diuina. Quemadmodum aliàs (ut sacratissimæ rei execratissima conferam) spiritus fornicis

fornicationis aut avaritiæ dicitur, quo Satan corda scortatorum & avarorum affiat, & aspirando accendit ad libidines & fraudes, ut noctes ac dies hoc solum agant & cogitent. Iustissime autem Spiritus sanctus dicitur Paracletus vel consolator, non solum ob id, quod filios spiritus Apostolos, de morte & absentia Patris consolatus est vero scripturarum sensu, docendo quod sic oportuerit pati Christum, & ita intrare in gloriam suam, &c. Sed etiam ob id, quod credentes certificat velut arrabo & pignus, quod sint filii Dei. Itemque, quod in nobis clamat ad Deum: Abba, Pater. Præterea, quod fideles consolatur in omnibus adversis, propter quod & Paulus clamat: Qui consolatur nos in omni tribulatione nostra. Obserua autem, quod nusquam antehac hoc nomine appellatus inuenitur Spiritus sanctus, antequam enim Christus pateretur, nulla fuit perfecta sanctorum consolatio: Nunc autem Deo per mortem Christi repropitiato, merito dicitur Paracletus, quia luctum antiquum abstergit, nouaque regeneratione de filiis iræ, filios reddit gratiæ: de seruicis peccati, filios iustitiæ: de filiis mortis & perditionis, filios vitæ & acquisitionis. Ex eo enim tempore securè dicimus: In conuertendo Dominus captiuitatem Sion, facti sumus sicut consolati, &c.

Dabit vobis.]

Etiam antea Apostoli habuerunt Spiritum sanctum, alloqui non in Christum credidissent, nec eum secuti essent. Nemo enim potest dicere: Dominus Iesus, nisi in Spiritu sancto. Habuerunt & Patriarchæ & Prophetæ Spiritum sanctum. Nam frequenter legimus: Factus est spiritus Domini super hunc vel illum. Verum is non erat aliquo externo signo reuelatus, nec tam copiosè effusus, sicut post Christi passionem, ideo in futuro loquitur: [Dabit] (inquit) quo verbo ostendit etiam, quod non satis est, semel recepisse Spiritum sanctum, nisi & subinde nobis detur. Necesse enim est, ut nedum opera nostra præueniat, sed & comitetur, & consequatur.

Ut maneat vobiscum in æternum.]

Hoc addit, ne putarent Apostoli etiam

etiam Spiritum sanctum tantum ad tempus cum ipsis mansurum, quemadmodum Christus tantum ad præscriptum tempus in terra apparuit visibilis. Signanter autem dicit: [Vobiscum] Apud solos enim Christi discipulos est Spiritus sanctus, qui & semper est apud Ecclesiam, in verbo scilicet Dei & Sacramentis. In huiusmodi enim nunquam deest Ecclesiæ, quin semper possit conferre remissionem peccatorum.

Spiritum veritatis.]

Hoc verbo nedum discernit Spiritum sanctum à spiritibus erroris & vertiginis, sed etiam à spiritu humano & Angelico, qui & ipsi in se vani sunt, ac in nihilum reciderent, nisi à spiritu diuino sustentarentur. Dicitur autem Spiritus sanctus, spiritus veritatis. Primo, quia est spiritus Filii, cui appropriatur veritas, Procedit quippe à Filio, quemadmodum & à Patre. Vnde Paulus: Si quis Spiritum Christi non habet, hic non est eius. Et iterum: Misit Deus spiritum Filii sui, clamantem: Abba, Pater. Secundo dicitur spiritus veritatis, quia est substantialiter ipsa veritas. Nam tota Trinitas est vna, summa simplexque veritas. Tertiò, quia docet veritatē, & omnem errorem depellit.

Quem mundus non potest accipere.]

Mundus hic significat vel in generali amatores huius mundi, vel eos, quos mundus maximè suspicit, quales sunt sapientes, potentes, diuites, qui & mundi columnæ sunt. Mundus igitur non potest accipere Spiritum sanctum, quia amatoribus huius mundi, qui suam habent consolationem, & exultant in rebus pessimis, non datur hic paracletus, sed eis tantum, qui lugentes dicunt: Heu mihi, quia incolatus meus prolongatus est.

Item, Fuerunt mihi lachrymæ meæ pannes die ac nocte, &c. Deinde mundus non potest accipere Spiritum sanctum, quia nusquam minus inuenitur, quam apud eos, qui in mundo celebres sunt. Amant enim illi mendacium & laruam, suisque donis excæcantur, sua dona suspiciunt & colunt. Non igitur admittunt spiritum de mendacio arguentem, & à donis ad donatorem trahentē. Præterea huiusmodi homines saturi sunt sua iustitia,

Rom. 8.

Prou. 23.

Psal. 119.

Psal. 41.

sa-

sapientia, potentia: nec sentiunt peccata, quemadmodum Pharisei, cum diceret: in quolibet credente & diligente est per gratiam. In nullo tamen semper manet, præter eum, de quo dictum est. Super quem videris spiritum descendantem & manentem, &c. Ab alijs autem plerumque se subtrahit ad tempus, & oratione vel Dei laude inuitatus redit. Sic supra Hælisæum tunc primum factus est spiritus Domini, cum caneret Psaltes, &c. Habes igitur ex hoc verbo, quod fideles sunt templum Spiritus sancti, quemadmodum Paulus ait. Habes etiam, quod Ecclesia non aliunde habuit virtutem persistendi inter tot persecutiones & errores, quam ex præsentia Spiritus sancti.

Non relinquam vos orphanos.]

Quia non videt eum, nec scit eum.]
 Quod non videt infidelitatis est: quod nescit eum, superbiæ est. Infidelitatis enim est, non respicere vel non curare, nisi præsentia quæ videntur, & illis sic intentum esse, ut non cogitet æterna, quæ non videntur. Item superbiæ est, non scire, hoc est, non approbare hunc paracletum, imò & vitam eorum, qui consolationes eius quærunt æstimare insaniam, &c. Non igitur excusatur mundus hac sua ignorantia, sed magis ob hoc accusatur.

Vos autem cognoscetis eum.]

Nedum per scientiam, sed per fidem & gustum. Hoc enim demum est perfectè videre Deum, aut cognoscere Spiritum sanctum, dum gustamus, quam suavis est Dominus.

Quia apud vos manebit, et in vobis erit.]

Duobus modis præsentiam Spiritus sancti promittit. Primo, ut sit nobiscum maneatque, non ad tempus tantum, sed in æternum, ut supra proxime dixit. Deinde, ut in nobis sit, idque per priuatam gratiam. Est igitur Spiritus sanctus nobiscum & manet, in Ecclesia scilicet, idque semper & in æternum. Semper enim in Ecclesia inuenitur remissio peccatorum: Nec unquam Spiritus sanctus hoc modo relinquit Ecclesiam, quin per verbum & Sacramenta conferat remissionem peccatorum. Deinde etiam

Quamvis Spiritum sanctum ipsis consolatore promiserit, sciens tamen ipsos nondum cognoscere Spiritum sancti consolationem, ac malle ut ipsius corporali præsentia frui possent. Etiam se redditurum promittit, ne omnino quid ipsis desit ad perfectam consolationem. Ideo enim missus est, ut consolaretur confractos corde, &c. Pollicetur igitur hoc verbo, se etiam in posterum credentibus futurum Patrem, quemadmodum hæcenus fuerat, id quod summè nos consolatur. Deinde ostendit hoc verbo, homines Christo carentes, verè orphanos esse, quantumcunque mundi præsidij fult sint. Hinc Hieremias: Pupilli facti sumus absque Patre, &c. Hæreditas nostra versa est ad alienos, &c. Sumus enim naturæ filij træ, & à nostra hæreditate ad alienam deturbati. Ostendit præterea hoc verbo credentes & pios ut plurimum in hoc mundo destitui auxilio omnium creaturarum, quemadmodum orphanos in hoc mundo, ab alijs suos liberos curantibus negliguntur, proinde ubi cessat humanum auxilium, præstò adest diuinum. Vnde & Dominus in Psalmo vocat se orphanorum Patrem.

Veniam ad vos.]

Hoc verbo promittit eis primò reditum suum post factam resurrectionem: [Veniam ad vos,] hoc est, iterum apparebo vobis, licet non in ea forma, quam nunc habeo, sed in corpore immortalis & glorioso, &c. Sic infra dicit: Iterum videbo

Ioan. 16. videbo vos, & gaudebit cor vestrum. Et
Mat. 26. In Matthæo: Postquā resurrexero, præcedam vos in Galilæam. Deinde pollicetur eis hoc verbo suam spiritualem præsentiam, ut sit sensus: [Veniam ad vos,] Spiritu scilicet consolatore: è quo ut maximè coram mundo orphani videamini, acclamabitis tamen Deum ut Patrem, qui & vos Paterno affectu in omnibus aduersis adiuuabit. Vbi obserua, quod supra dixit, Alium Paracletum mittam vobis. Hic autem dicit: Ego veniam, ut intelligamus, eandem Christi & Spiritus sancti naturam, licet distinctæ sint personæ. Vbi igitur Spiritus sanctus est, illic est & Filius, imò & Pater ipse. Præterea pollicetur eis finalè suum reditum: [Veniam (inquit) ad vos,] non contra vos, in iudicio scilicet.

Adhuc modicum, & mundus me iam non videt.

Modicum (inquit) superest, ab hinc scilicet usque ad sequentis diei horam nominam. Tantillum me videt mundus iste in maligno positus, & ab illa hora me iam non videt, neque in hoc sæculo, neque in futuro, nisi die illa, qua iudicabitur. Neque enim dignus erit mundus videre resurrectionem meam, neque accipiet Spiritum sanctum. Et quamvis in iudicio videbunt impij quem transfixerunt, ex ea tamen visione confundentur, imò ab ea statim deiiciuntur in æternas tenebras. Habes hic, quod præsentia Christi & Spiritus sancti indigni sunt, qui mundo adherent & seruiunt. Minatur autem Christus hoc verbo impijs, nedum certam damnationem, sed etiam temporis breuitatem & incertitudinem, id quod merito terrere debet.

Vos autem videbitis me.]

Hoc est, vestris obtutibus me nunquam subducam, vobis apparebo post resurrectionem, vobis postea adero per Spiritum meum, hoc est, totus vester ero, una cum omnibus bonis meis. Christum enim adesse Spiritu suo, est ipsum omnino nostrum esse, omniaque sua bona nostri iuris facta esse per fidem operatricem. Demum videbitis me in futuro sæculo. Verè insignis promissio.

Quia ego vivo, & vos viuetis.]

Hoc est, Ego quidem tradar morti, & videbor oculis insipientium mori, semper tamen vivo etiam in media morte. Proinde etiam vos viuetis. Primò enim non statim mecum occidimini, id quod timeris, sed me moriente vos euadetis. Deinde viuetis per gratiā Spiritus sancti. Postremò, etiam si corporaliter moriamini, tamen viuetis in perpetuum. Summa quantumcunque sæuiat mundus in Christum vel Apostolos, semper tamen stabit hæc sententia. [Ego vivo & vos viuetis.] Obserua autem, quod de seipso loquitur in præsentia: [Ego vivo.] De Apostolis autem in futuro: [Vos viuetis,] quo ostendere voluit differentiam inter nos & illum. Ipse enim semper vixit & viuit: Est enim fons vitæ, & in ipso vita erat. Nos autem aliquando mortui eramus, & non nisi per mortem Christi viuificati sumus. Habes igitur ex hoc verbo, quid sit verè viuere, nempe in Christum credere, Christo insitum esse. Merito igitur incredulis dicitur: Dimitte mortuos sepelire mortuos suos.

In illo die cognoscetis, quod ego in Patre.]

Quando scilicet per Spiritum sanctum venero ad vos, in die scilicet Pentecostes & deinceps. Ab eo enim tempore usque ad finem mundi una dies gratiæ est, Paulo teste. In illo igitur die, primùm cognoscetis, quod ego sum in Patre, hoc est, quod sim Filius Dei naturalis, & quod Pater omnia sua bona ab æterno in me effuderit. Denique, quod etiam sim expressa Patris imago. Item cognoscetis, quod vos in me estis, sicut membra in capite, sicut contentum in continente, sicut palmes in vite, sicut amans in dilecto, sicut effectus in fontali principio. Sunt autem electi in Christo secundum vtranque eius naturam. In quantum enim Christus est homo, sumus in eo per naturæ communionem: In quantum autem est Deus, sumus in illo ut in causa saluante & conseruante, & sicut in ultimo fine. Vel cognoscetis quod vos in me, hoc est quod per me facti estis filij Dei per adoptionem. Præterea cognoscetis, quod ego in vobis per charitatem & gratiam. Nam anima sedes est sapientiæ.

NN

Et

Ephe. 3. Et Christus habitat per fidem in cordibus nostris. Vel cognoscetis, quod ego in vobis, hoc est, quod mea vobiscum bona communia habeo. Non enim (inquit Paulus) accepistis spiritum timoris, sed adoptionis, in quo clamamus. Abba, Pater. Idem: Spiritus testatur spiritui nostro, quod sumus filij Dei. Quod si filij, & hæredes, hæredes quidem Dei, & cohæredes Christi. O igitur felicissima cognitio, imo felicissima unio, sic unitum esse nedum Filio, sed & Patri. De qua unione Paulus: Caput Ecclesiæ Christus, caput autem Christi Deus, &c. Est igitur sensus huius verbi: In illo die plenè cognoscetis, quod sicut nulla res diuellere potest à me Patrè & me à Patre, ita me quoque vobis agglutinatum esse mutua charitate, vosq; mihi vicissim, vt nec mors nos possit distrahere. Vos tantum curate, ne vestra culpa diuellamini. Huc pertinet quod Paulus a se sibi dicit: Quis nos separabit à charitate Dei? &c.

Qui habet mandata mea, &c. seruat ea.]

Repetit quod suprà de vera dilectione dixerat, tum ne quis falsò sibi persuadeat, se Christum diligere: tum etiam, vt sciamus ad eos solù promissiones Christi pertinere, qui eum diligunt. In his enim promissionibus partem non habent, qui imple viuunt. Hi enim audiunt: Quousq; dicitis mihi, Domine Domine, & non facitis quæ dico, &c. Præcepta autem Christi primò intellige ea, quæ Pater ipsi præcepit, vt ad nos ferret. Præcepit autem, vt doceat Deum habere nunc affectum ad nos paternum, & vt quicunque credit in Filium, hic saluus fiat. Qui hæc mandata habet & seruat credendo, is proculdubio diligit Christum. Fieri enim non potest, vt eum non diligat, qui beneficia ab eo accepta recolit. Ex auditu igitur Euangelij prouenit fides: ex fide accenditur cor in amorem Dei. Deinde, mandata Christi sunt, quæ ipse in Euangelio nobis obseruanda præcipit, hæc qui habet in memoria vel in sermone, & seruat ea in opere: vel qui habet ea faciendo, & seruat ea perseverando, is verè cognoscitur diligere Christum. Exhibitio enim operis probat charitatē. Hinc Ioānes: Hæc est charitas, vt mandata Dei custodiamus. Ideo Christus hæc duo coniun-

git: [Qui habet & seruat.] Alioquin qui habet & non seruat, vel hoc signo se ipsum prodit, quod non diligit Christum, imò quod sit de gente illa peccatrice, de qua hypocritis illis, de quibus in Esaia dicitur: Populus hic labijs me honorat, cor autem eorum longè est à me. Hic, inquam, homo (vt Iacobus ait) comparabitur viro considerati vultum natiuitatis suæ in speculo. Qui autem præcepta Christi habet & seruat, comparatur filiae regis, cuius omnis gloria eius ab intus, quanquam & foris eadem gloria nonnihil reluceat in fibris aureis, quapropter & rex eam concupiscit.

Qui autem diligit me, diligitur à Patre meo.]

Hic addit insignes aliquas promissiones, ne quem territent eius præcepta velut austera, de ferendis iniurijs, de tollenda cruce, &c. Quid autem homini minus contingere potest, quam diligi à Deo? Si enim diligere est alicui bonum velle, quis non videt eum, quem Deus diligit, omnibus bonis affluaturum, nihilque ei incommodare posse? Obserua autem, quod dilectio Dei Patris, cum sit æterna, per omnem differentiam temporis explicatur. Nam suprà dictum est verbo præteriti temporis: Sic Deus dilexit mundum, &c. Infra autem dicit: Ipse Pater amat vos, verbo præsentis temporis. Nunc verò vtitur verbo futuri temporis: [Diligitur (inquit.)] Deinde etiam ideo hic vtitur verbo futuri temporis: nondum enim plenè eo tempore reconciliati eramus Deo, utpote cum Christus nondum mortuus esset.

Et ego diligam eum.]

Alia promissio non minus insignis. Emphasim autem habet, quod dicit: [Ego.] Ego (inquit) cui Pater omnia dedit in manus, etiam iudicium facere, &c. Pater igitur diligit, spiritum adoptionis dando. Ego autem diligam, effectum redemptionis in ipsum deriuando, veræque dilectionis ei signa ostendendo, dando scilicet ei gratiam saluificam in præsentibus, & gloriam in futuro. Iam quem Pater diligit & Filius, quis ei nocere poterit? &c. Ex hoc igitur vides, verum dixisse Dei sapientiam: Ego (inquit) diligentes

Ph. 14. *gentes me diligo. Itemq; Daud: Custodit Dominus diligentes se, &c.*

Et manifestabo ei meipsum.]

Tertia promissio, & ipsa insignis. Est enim sensus, per Spiritum sanctum totum me, quantus quātus sum, reuelabo ei, qui me diligit, vt sentiat in afflictionibus praesentem consolationē, in morte praesentem vitam, in peccatis praesentem iustitiam: Christus enim est vita, consolatio, & iustitia nostra. Potest etiam hoc verbū referri ad apparitiones Christi post eius resurrectionem, itemq; ad futuram felicitatē, vbi totaliter seipsum manifestabit dilectoribus suis. Has promissiones per ordinē hic posuit Esaias vno verbo comprehendit: Qui, inquit, ambulat in iustitijs, &c. hic in excelsis habitabit, munimenta saxorum sublimitas eius, panis ei datus est, aquae eius fideles sunt, regem in decore suo videbunt oculi eius, &c.

Domine, quid factum est, quia manifestaturus es, &c.]

Iudas ille sanctus, alio nomine Thaddaeus & frater Iacobi minoris, cum audisset Christum dicentem: Manifestabo ei (diligenti scilicet) meipsum. Itemq; Adhuc modicum, & mundus me iam non videt, vos autem videbitis me: mirabatur, qualis nam futura esset illa manifestatio, & quomodo Christus solis Apostolis esset visibilis, si cæteris hominibus invisibilis esset. Nesciebat adhuc eos oculos, quibus spiritualiter videtur Deus. Nec expertus erat, quomodo Deus suis se manifestet. Tam rudes eo tempore adhuc erant Apostoli, cum tamen tamdiu Christum audissent praedicantem, vt nō mirum sit, si etiam nunc nō statim capiamus spiritualia illa & diuina. Alius enim doctor nobis necessarius est, Spiritus scilicet sanctus, qui interne doceat, alioqui frustra sit omnis externa praedicatio. Deinde fieri potest, quod sanctus hic Apostolus hoc verbū dixerit ex consideratione diuinæ misericordiae, quasi diceret: Vnde nobis tanta gratia, vt nos sic alijs praeferas, cum simus abiectae personae? Verē enim pius quō plus à Deo accipit, eō magis seipsum indignum iudicat, miraturq; Dei be-

neficientiam. Sic Daud: Quis sum ego, & quae domus Patris mei: &c. Praeterea fieri potest, quod Iudas hoc dixerit ex admiratione diuinorū iudiciorum, quasi diceret: Intentio aduentus tui est, non vt pars hominū te cognoscat, & pars ignoret. Praedixit enim Esaias: Videbit omnis caro salutare Dei. Imō tu ipse dixisti: Cum exaltatus fuero, omnia traham ad me. Itemq;: Alias oues habeo, quae non sunt ex hoc ouili, &c. Et erit vnum ouile, & vnus pastor. Cum igitur ad omnes cognitio tui, tā voce Prophetarū, quā tua transitura praedicetur: [Quid factum est] hoc est, cur huius promissionis mutata est intentio, vt non omnibus, sed tantum nobis teipsum manifestaturus sis? Hae quaestio in hunc vsq; diem frequens est, cur scilicet Deus vni homini plus det, quā alteri. Signanter autem cur mundo, hoc est, sapientibus, diuitibus, potentibus, plerumque non reuelet, quod tamen humilibus reuelat. *Matt. 23.* Audi igitur Christum.

Si quis diligit me, sermonē meū seruabit.]

Hoc vno verbo ad omnes quaestiones praedictas respōdet. Si enim quaeris, quomodo appariturus sit, vt tamen soli electi eum videant, non autem mundus: Respondet, eam apparitionem vel manifestationem fore non corporalem, sed spiritualement, quasi diceret: Veraciter me manifestabo, verum non quēadmodum nunc, sed per verbum & per Spiritum sanctum, quorū neutrum oculis corporalibus videtur, sed fide: quia mundus caret, ideo me videre non poterit. Si quaeris, quare Deus Pater pios diligat, &c. Respondet, quia ipsi Christū & diligunt, & sermones eius seruāt. Si quaeris, quare mūdo se nō manifestet Deus, Respondet, quia ipsi Christum & diligunt, nec sermones eius curant aut seruant. Solos enim eos diligit, qui Christum diligunt. Signanter autem Christus hoc verbo exponit, quid sit illud quod dixit, se manifestandum discipulis, non mundo. Manifestat autem se Christus duplici via, praedicatione scilicet verbi, & reuelatione Spiritus sancti. Primò, in quā, se reuelat praedicatione verbi, neq; id mirum. Est enim Christus verbum Patris aeternum, proinde & seipsum & Patrem *Ioan. 1.* verbo

- verbo reuelat. In verbo igitur verè nobis manifestatur Christus, & quidē multo perfectius, quàm eū Iudæi viderint.
- Ioan. 20** Hinc dicit: Beati, qui non viderūt & crediderunt. Itaque, si Christum videre cupis, amplectere verbum Euangelij: neque enim aliter se tibi manifestabit v̄sque ad finem mundi, vbi denuo omnibus conspicuus redibit. Vide autem consequentiam verborum, Christus se verbo reuelat, sed his tantum, qui verbum ipsum seruant. Nemo autem verbum Dei seruatur, nisi qui diligit, congruè igitur à dilectione inceptit. Si quis, inquit, diligit me, sermones meos seruabit. Verissima sententia: Nemo verbum Dei obseruat & curat, nisi diligit. Neque alia causa est, quòd diabolus tam facile è quorundam cordibus verbum Dei auditum aufert.
- Lucæ 8.** Item, quòd plerique ob modicam tentationem deficiūt, alij autem sollicitudine seculi verbum suffocant: quàm quòd nō perfectè diligunt. Qui diligit Christum, approbat quæ Christus approbat, odit quæ Christus odit, facit quæ Christo placent, vitat quod ipsi displicet. Sic Dauid: In corde meo abscondi eloquia tua, vt non peccem tibi. Qui diligit, non respondet, nō differt, nō causatur: cur præcipiatur quodlibet, cum gaudio exequitur præceptum, interdum etiam quæ quodammodo impossibilia videntur, aggreditur: Omnia hæc agit dilectio. Ad hanc autem dilectionem tunc vel maximè accendimur, cum cogitamus,
- Rom. 5.** quòd Deus prior dilexit nos adhuc inimicos, peccatores, maledictos, dānatos: adeò vt etiam filium pro nobis in mortem dederit, &c. Igitur qui ex hac Dei dilectione accēsus fuerit, vt redamet Christum, is sermonem Christi seruatur. Seruatur autem verbum Dei: Primò fide cordis, cum scilicet ipsum verbum magni æstimamus & credimus. Fides enim est fidelissimus verbi custos: Neque enim satis est, ratione aut memoria seruare. Deinde etiam opere seruatur verbum Dei, cum scilicet verbo & volūtati Dei, voluntatem operaque nostra conformamus. Vtranque obseruationem Moyses vno verbo comprehendit: Erunt (inquit) verba mea in corde tuo. Narrabis ea filiis tuis, eruntque quasi signum in manu tua. Et Sapiens: Liga ea in corde
- tuo & circunda gutturi, & cum ambulaueris, gradientur tecum.
- Et Pater meus diligit eum.]*
- Ne quis parui pendat hanc Christi per verbum Euangelij manifestationem, incipit enumerare, quis fructus eos sequatur, qui verbum Christi obseruant. [Pater, inquit, diligit.] Dilexit Pater ab æterno electos, sed diligit (inquit) in futuro, hoc est, tū primum signa dilectionis ostendet. Tanta autem est hæc promissio, vt vel sola nos incitace posset ad amorem verbi Dei. Quid enim maius homini cōtingere posset? Quis tanta vel sperare ausus esset, nedum petere? Dauid tantum orat: Ne auertas faciem tuā à me, nec declines in ira à seruo tuo, nō ausus maiora petere. Ob eādem causam & latro nihil aliud petiit quàm vt Christus eius memor esset: Domine (inquit) memeto mei, &c. Et quidem magnum est, esse in memoria Dei, sed maius est, diligi à Deo. Quem enim Deus diligit, huic & bona vult & bona facit. Iam, si Deus diligit, quid nocere potest vel homo malus vel etiam Satan? Si Deus pro nobis quis contra nos?
- Et ad eum veniemus.]*
- Alia promissio obseruantibus verbis Christi, nec minus egregia, imò maior, quàm præcedens. [Veniemus] inquit, in plurali, vt ostendat totam Trinitatē ei homini bene velle, qui Christum diligit. Veniemus non visibiliter, sed spiritali quadam visitatione, videlicet per internam consolationē, per gratiæ augmentationem, per dilectionis incrementum, per omnium bonorum spiritualium multiplicationem. [Veniemus ad eū.] Magna Dei dignatio, ingensque beneficium, quo nihil maius cogitari potest. Qui enim Deum habet, quid non ex ipso petere licet? Si cui deest sapientia, diuitiæ, vita, iustitia, auxilium, consolatio, &c. nōne hæc omnia in Deo inueniet? Nec obstat, quod p̄sentia Dei non semper sentitur: non enim ob id abesse credendus est. Nam & infans & dormiens habent quidem p̄sensentem vitam, sed neuter eorum sentit se habere vitam. Sicut igitur infans exper

expectandum est ætatis adultioris tempus, & dormienti expectanda est vigiliæ hora, ut sentiant & intelligant se viuere: Ita oportet afflictum & morientem expectare tempus reuelationis, quanquam interim omnia bona Dei possideat: In silentio & spe (ait Propheta) est fortitudo vestra.

Et mansionem apud eum faciemus.]

Mira Dei bonitas, qua non contentus est ad nos venire, sed insuper in nobis vult manere. Sic enim & olim prædixit: Inhabitabo in eis & inambulabo, &c. Fit igitur quiuis credens, verbumque Christi obseruans, verum Dei Patris & Filij & Spiritus sancti tēplum, id quod Paulus frequenter & magnificis verbis commemorat. Felix homo, qui hunc hospitium recipere meretur. Est enim Deus hospes satis magnificus, non venit vacuis manibus, nec abit insalutato hospitio. Nec mirum, Abraham susceptis tantum angelis, ingenti dono donatus est, filio scilicet, quē dñi concupierat. Loth isdem Angelis susceptis, ē subuersione Sodomæ liberatus est. Obed Edom tantum arcam Dei in domum suam receperat, & ad breue tempus, & benedictionem meruit omnium quæ habebat. Maria ingressa domum Zachariæ, & ipse & Elizabeth, imò & Ioannes nondum natus, impleti sunt Spiritu sancto. Quid igitur deesse poterit ei, apud quem tota Trinitas mansionē habet? Vides igitur, quam facillē ingentia bona, imò Deum ipsum omnium bonorum fontem, acquirere possimus. Exempli gratia. Christus dixit: Nolite solliciti esse, &c. Si enim Pater pascit auiculas, quātō magis vos? Si hoc verbum fide seruaueris, iam ad te venit Filius & Pater, & apud te mansionem faciunt, hoc est, omnium bonorum thesaurum asserunt: adeo ut credens etiā in summa egestate nulla re egeas. Sic Paulus de credentibus ait: Nihil habentes, & omnia possidentes. Sic Israelitæ etiam in deserto cibum paratum inueniunt. Sic Helias hominibus cessantibus à coruo pascitur, itemq; ab Angelo. Similiter, qui hūc Christi sermonem: Ego sum resurrectio & vita, &c. fide seruauerit, is recipit & Patrem & Filium in suum hospitium, qui communicant ei

in medijs peccatis iustitiam, in medijs morte vitam. Non minus à Deo benedicuntur, qui ipsis operibus verbū Christi seruant. Hinc in lege benedicuntur, qui verbo Dei obtemperant, &c. Hæc igitur nos incitent ad amorem Christi, obseruantiamq; Euāgelij eius. Obserua quod mansionem quidem habent Pater & Filius apud credentem, etiam in hac vita, sed non tam perfectē sicut in futura: Nunc quidem dilectus mittit manū suam per foramen, & venter humanæ infirmitatis intremiscit ad tactum eius: Vel tanquam sibilus auræ tenuis, raptū figens osculum, fugit idem dilectus. In illa autem beata vita amicus amicæ plena & permanēte voluptate copulabitur: Gaudebit, inquit Propheta, sponsus super sponsam, & gaudebit super te Deus tuus.]

Qui nō diligit me, sermones meos, &c.]

Et hæc sentētia verissima est. Apud eos enim qui dilectione Dei vacui sunt, nihil contemptius est verbo Dei, nō mouentur promissis, non terrentur comminationibus, nō obediūt præceptis: Proiecisti, inquit, sermones meos retrorsum: Si videbas furem, currebas cum eo, &c. Iam, quamuis hoc loco non exprimat Christus pœnam eorū, qui verbum suū non retinent aut curant: satis tamen ex superioribus patet, qua pœna puniātur. Nempe quod Deus eos odio habet, nec dignatur sua præsentia & in habitatione. Nec mirum, in maleuolam enim animā non intrabit sapientia, &c. Quum enim Deus natura bonus sit, & origo omnis virtutis, quomodo posset amare impios & impuros, quū etiam apud nos omne animal diligat sibi simile? Item, si nemo hominum in fordida & impura domo habitare dignatur, quid mirum, quod Deus, qui summa puritas est, abominatur impios? Quæ enim conuentio iustitiæ ad iniquitatē, &c. Quid autem damnosius homini contingere potest, quā à Deo odiri & reijci? Igitur, si gloriosa & optima res videtur Dei participatio, studeat quisque ut Christo incorporetur, eumque imitetur: alioqui & ipse à Deo reijcetur.

Et sermo, quem audistis, non est meus.]

Iterum appellat Christus ad Patrem,

NN liij

vt

vt sermoni suo authoritatem adferat, ne quis miretur, cur verbo suo tantum tribuat. Itemque, ne quis putet paruum quid esse, Christi verbum contemneret: [Sermo, inquit, quem audistis, non est meus, &c.] Sic supra dixit: Doctrina mea, non est mea. Est autem sensus verbi: [Sermo quem audistis, nō est meus] hoc est, à me ipso nō loquor, aut de proprio corde, sed ex volūtatē Patris, testantibus signis, quæ vidistis, & quæ facturi estis in nomine meo. Non igitur leue peccatum est, verbum Christi spernere. Hinc aliās dicit: Qui me spernit, spernit & eum qui me misit.

Hæc locutus sum vobis apud vos manens.]

Sensus est, Hactenus corporaliter & visibiliter vobiscū existens, verbo me ipsum manifestavi. Docui enim, quis ego sim, quis Pater, cur venerim, quid intēdam, quid à me expectare debeat. Hæc, inquam, vobis dixi apud vos manens. Quia autem natura imbecilliores estis, quā vt in aduersis perdurare possitis, verbumque externum humiliter & abiectius videtur, vt nemo facile in tentationibus solo verbo contentus sit & credat, opus habetis clartori manifestatione me ipsius & Patris. Ne igitur aliquid vobis desit ad salutem, en post recessum meum mittam vobis Spiritum sanctum, qui & me perfecte clarificabit, & verbum meum cordibus vestris imprimet, induetque vos virtute ex alto, & auxiliabitur infirmitatibus vestris. Hactenus igitur verbo locutus sum vobis, nunc loquar Spiritu sancto. Docet igitur Christus hoc verbo, quid in ipso quærendum & expectandum sit pro hoc tempore. Mundus siquidem longè alia quærit & expectat in Christo, quā quærenda & expectanda sint. Iudæi in Christo quærebant & expectabant regnum carnale, imò etiam discipuli, ideo dicebant: Domine, si in tēpore hoc restitues regnum Israel? Alij quærebant in Christo pompam, vt Nazaritæ, qui dicebant: Quanta audiuimus à te facta in Capharnaum, fac & hic in patria tua. Item cognati eius: Si hæc inquit, facis, manifesta te ipsum mūdo. Alij quærebant in Christo ventris saturitatem,

vt hi, quibus dicebat: Quæritis me, non quia signa vidistis, sed quia comeditis ex panibus meis. Sic & Pseudochristiani etiam hodie nihil aliud quærent in Christo, quā carnis licentiam. Omnibus his obuiat Christus vno hoc verbo: Ego, inquit, hactenus annuntiaui verbum, præter verbum non aliud expectetis in hoc mundo, nisi reuelationem verbi, hoc est, Spiritum sanctum, qui reuelat & confirmat verbum. Non enim missus sum, hoc tempore dare regnum & plenariam securitatem, &c. sed in futuro hæc contingent, interim contentos vos esse oportet verbo & Spiritu sancto. Deinde ex hoc loco videmus, quod etsi verbū externum Christum ostendat & manifestet, instructuosum tamen manet, nisi superueniat Spiritus sanctus. Hinc Christus post prædicatum verbū, etiā Spiritū sanctū misit. Huc pertinet quod Paulus ait: Non qui plantat est aliquid, neque qui rigat, sed qui incrementum dat Deus.

Paracletus autē Spiritus sanctus, &c.]

Pluribus nominibus Spiritum sanctum describit, vt agnosci & ab alijs discerni possit, ne nobis imponat fallax aliquis spiritus, quemadmodum Achab ^{3. Reg. 18.} deceptus est per spiritum mendacem ex ore Prophetarū suorum. Primò igitur iterum nominat eum Paracletum, quē admodum & supra, vt ostēdat, quod nulla perfecta cōsolatio esse potest sine Spiritu sancto. Hinc Ecclesia de ipso canit: In labore requies, in æstu temperes, in fletu solatium. Igitur, si Spiritus sanctus opus est consolari, consequitur eos ex alieno spiritu loqui, qui hoc solū agunt, vt conscientias illaqueent, & in desperationem adigāt. Deinde, quem supra spiritum veritatis nominauit, hunc hoc loco nominat Spiritum sanctum, idque congruentissimè. Nedum enim in se sanctus est, sed & omnes quos inhabitat sanctificat, nec quicquam sanctum esse aut dici potest sine Spiritu sancto. Hinc de ipso canimus: Sine tuo numine nihil est in homine, nihil est innoxium. Ergo, nō ē Spiritu sancto loquūtur, qui nedū sanctitatem non promouent, sed impediūt, quales sunt qui libertatē carnis docēt, ac à bonis operib⁹ simplices abducūt. Adde

dit, Quē mittet Pater: Paternū, inquit, erit munus. Nulli enim datur Spiritus sanctus, nisi in filium Dei adoptatus sit. Hinc in Luca: Pater, inquit, dabit Spiritum bonū petentibus se. Demum etiam hoc addit: Quem mittet Pater in nomine meo, quod tripliciter intelligitur. Primò, in nomine meo, hoc est, propter me. Huc pertinet quod suprà dixit: Ego rogabo Patrem, ut alium Paracletum det. Itemque, de plenitudine Christi omnes accepimus, ait Ioannes. Vel, in nomine meo mittet eum, hoc est, nō alienū à me, sed ut ea ipsa doceat & cor-
 dibus inscribat, quæ ego docui. Vel ter-
 tiò, in nomine meo, hoc est, tale nomen habebit, quale ego. Sicut enim ego con-
 solator sum, sic & ipse erit. Me misit Deus Pater, ut consolaretur omnes con-
 tritos corde. Ob eandem causam & ipse mittetur.

Ille docebit vos omnia.]

Primum Spiritus sancti officiū est consolari. Alterū docere. Docet autem Spiritus sanctus non externo clamore vocis, sed interna inspiratione & illumina-
 tione cordis: Scribit enim legem dei in corda nostra. Igitur, cum nō alius do-
 ctor & rector Ecclesiæ à Christo datus sit, quā Spiritus sanctus, cōsequitur, quod hi soli verè docti sunt, qui Spiritum sanctum habent. Consequitur se-
 cundò, quod Spiritum sanctum accepisse, est didicisse. Sicut enim nemo scit quæ hominis sunt, nisi spiritus hominis, sic nemo scit quæ Dei sunt, nisi spiritus Dei. Consequitur tertio, quod sicut Spiritus sanctus non cessat con-
 solari & sanctificare, sic nec cessat docere credentes. Hinc suprà dixit Christus: Vobiscum manebit in æternum. Pater quidem opus suum perfecit creando, Filius redimendo: Spiritus autem sanctus opus in finem usque mundi durabit. Sicut igitur Spiritus sanctus Apostolos suo tempore docuit, quæ necessaria erant, sic & postea docuit & adhuc docere potest quos vult, & reuelare quæ vult. Nemo igitur ei vel tēpus vel modum præscribat. Sed quidnam docebit Spiritus sanctus? Nunquid nouum ali-
 quid, & à Christo alienū? Nequaquam, Sicut enim Christus post Moysen ve-

niens, ipsum Moysen declarauit, sic Spiritus sanctus Christum manifestat. Cæterum, quum audis: [Docebit vos omnia.] Cogita qualis doctor sit Spiritus sanctus. Quis enim aliorum omnia docere potest? Deinde vides ex hoc verbo, quod Christianorum scientia omnes alias scientias excellit: nec mirū, quum talem habeant doctorem. Quum autem dicit: Omnia, non simpliciter omnia intelligas, sed omnia scilicet ad salutem necessaria. Vel: Omnia, quæ scilicet Christus verbo docuit. Ut sit sensus, quæ ego hactenus locutus sum de regno, libertate, gaudio, iustitia, &c. ea vos carnaliter adhuc pro captu huius mundi intelligitis: Spiritus verò adueniens, docebit vos diuinā in verbo meo sententiam. Huc pertinet, quod Paulus dicit: Det vobis Spiritum sapientiæ & reuelationis, &c. ut sciatis quæ sit spes, &c. Et iterum: Per Spiritum roborari in interiori hominem, &c. ut possitis comprehendere, quæ sit longitudo, &c.

Ephes. 1.

Ephes. 3.

Et suggeret vobis, quaecunque dixi vobis.]

Non tantum, inquit, nō patietur vos quicquam ignorare, quod ad salutem pertinet, sed etiam obliuiosis iterum in memoriam reducet quæ exciderunt, neque deinceps quicquam vos patietur obliuisci. Summa, ex tardis faciet doctiles, ex somnolentis vigiles, ex obliuiosis memores, ex mœstis alacres, ex ter-
 restribus cælestes. Congruè autem Christus etiam hoc prædixit Spiritum effecturum, alioqui discipulis maxime ea quæ post cœnam dixit, omnino excidissent: quia cum dicerentur, non intellexerunt ea perfectè, nec firmiter impreserunt memoriæ, varijs affectionibus impediti, tristitia scilicet, timore & dolore. Textus tamen noster habet: Quæcunque dixero vobis, quod & ipsum non reiiciendum est. Nam Christus etiam nūc loquitur internā inspiratione. Iuxta illud: Audiā quid loquat in me Dominus. Vtraque igitur Spiritus sanctus creditibus suggerit, & quæ externè locutus est, & quæ internè loquitur Christus. Ex prædictis igitur vides, quantam curam & Christus gerat pro Ecclesia sua, qui Spiritum sanctum ipsi cōtulit, per

NN liij quem

Psalm. 84.

quem perpetuam haberent consolatio-
nem & directionem. Deinde videmus
hic, quàm necessarius nobis sit Spiritus
sanctus. Cum enim omnes simus pecca-
tores, omnes indigemus consolatione
eius, quæ nihil aliud est, quàm remissio
peccatorum. Deinde, cū Diabolus sem-
per id agat, vt à veritate nos abducatur, in-
digemus Spiritus sancti doctrina & di-
rectione, imò & confirmatione. Hinc
Psal. 50. est quod Dauid orat: Spiritum rectum
innoua in visceribus meis.

*Pacem relinquo vobis, pacem meam do
vobis.]*

Verbum hoc primò sic accipere pos-
sumus, vt sit vltima Christi valedictio,
quasi diceret: Iam abiturus sum, vales
te igitur. Nam quod Latini adeūdo vel
recedendo dicūt, Salue, vel vale, hoc He-
bræi suo more dicunt, Pax tibi. Quam-
uis autem huiusmodi adueniētium aut
recedentium orationes, salutationes
aut benedictiones, apud omnes gentes
Inueniantur, licet diuersæ, tamen mini-
mè vanæ sunt, quod primum ex eo pa-
ter, q̃ Christus ipse his vsus sit. Dein-
de, quòd Apostolis idipsum præceper-
it. Maxime autem ex eo, quod ait: Si
ibi fuerit filius pacis, requiescet super
eum pax vestra. Igitur si Christianus es
& obolum habes saluatorem, qui tibi
Mat. 10. à Deo & per Deum bona precatur, ca-
ue putes te audire verbum hominis, sed
crede certò, Dei verbo tibi bona opera-
ri. Quòd si fide accipis, senties consolati-
onem cordis, ac lenius feres etiam la-
bores corporis. Quemadmodū autem
audimus Christum bene precantem no-
bis, sic & ipsi quoq̃ bene precemur pro-
ximo. Hoc vult Paulus cū dicit: Benedi-
cite, nolite maledicere. Deinde hoc ver-
bo insigniter consolatur Apostolos de
suo abscellu, quasi diceret: Etsi corpora-
lem præsentiam & conspectū vobis
subduco, tamen non parua bona relin-
quo post me, nempe pacem, qua inter-
rim contentos vos esse oportet. Non es-
nim in hoc mundo perfecta vobis bea-
tudo contingeret. Nemo igitur tristes-
tur, quòd Christum hoc tempore vides
Rom. 5. te non possit, sed gratias agat, quòd
pacem Christi possidet: Iustificati
enim per fidem, pacem habemus ad

Deum. Iam quòd Christus abiturus ad
passionem, & rediens post resurrectionem,
nihil aliud opratur, quàm pacē, nec
aliā saluandī formulā Apostolis
tradit, quàm vt dicerent, Pax huic do-
mui: clarè monstrat, quòd pax illa in-
gens quoddam bonum est. Nec mirum.
Nam & in externis rebus nihil iucundius
& optabilius est pace: adeò, vt nec di-
uitiæ, nec sanitas, nec potentia,
&c. iucunda sint aut esse possint, si desit
pax. Hinc Sapiens: Melior est pugillus Eccl. 9.
cum requie, q̃ vtraq̃ manus plena cum
labore & molestia. Deinde, quāuis gene-
raliter iucunda quædā res sit pax, post
graue tamen bellum & pericula, multò
iucundior est: imò quanto grauiori dis-
pendio eius, qui minor & infirmior est,
inimicitia geruntur, tātò gravior & de-
siderabilior est pax. Verbi gratia, Vbi
victor omnes victos morti addiceret,
dulcius nomē vel pacis opus est, quàm
vbi victor reseruatis victis solummodo
tributa, quanquam difficilia, indice-
ret. Hinc discē, quantum bonum sit
pax, quam Christus attulit, & meruit.
Si nihil iucundum est, vbi quis hostem
hominem habet, quid iucundum esse
potest ei, qui cum Deo dissidet? Atqui
inter Deum & homines, inimicitia gra-
uissimæ erant. Nec dubiū, quin in præ-
lio iudicij Deus omnino superior foret.
Nam etsi quidam erant homines fide-
les & iusti, illorum tamen iustitia cōpa-
ratione debiti tanta erat, quanta est for-
titudo regis occurrentis cum decem mil-
libus ei, qui cū viginti millibus venit ad
se. Ergo, quātò maiori malo generis hu-
mani prædictæ inimicitia gerebantur,
tantò magis necessaria pax hominibus
erat. Sed quam nos legationem misisse
mus, ea quæ ad pacem sunt rogaturi, ni-
si vltro se obtulisset pax nostra, Chri-
stus Filius Dei, qui pro eo, quòd solus
erat innocens, solus & poterat rationes
petorare pacis nostræ? Hinc Paulus:
Ipse est pax nostra, non tantum quia se-
cit vtraq̃ vnum, sed quia per eum accel-
sum habemus ad Deum, &c. Meritò igitur
dicit se relinquere & dare pacē. Ob-
eam causam & regnum ipsius dicitur
regnū pacis. Hinc Esaias nominat eum
principem pacis: Et pacis, inquit nō erit
finis. Deinde, quia victoris est pacem
dare,

dare, itemque eius qui offensus est, victi
 autem & eius qui offendit, est pacem
 accipere: planè ostendit Christus hoc
 verbo, nos esse qui Deum offendimus
 & victi simus. Obserua autem, quòd bis
 dicit pacem. Pacem enim gratiæ hic no-
 bis reliquit pro præcipuo dono: verè
 enim magnum donum, pacem habere
 cum Deo. Hinc Esaias lætabundus ex-
 clamar: Confitebor tibi Domine, quo-
 niam iratus est mihi, & conuersus con-
 solatus est me. Itemq; David: Exalta-
 bo te Domine, quoniam suscepisti me,
 &c. Pacem igitur gratiæ reliquit, pa-
 cem aut gloriæ in futuro dabit pro præ-
 mio. Hinc est, quòd dicendo [Pacem re-
 linquo vobis,] non addit, Meam, quia
 pax electorū in via multis tribulationi-
 bus & peccatis est permixta, qualis non
 fuit pax Christi, qui sine omni pecca-
 to fuit. Sed dicendo: [Pacem do vobis,
 addit, Meam,] quoniam pax sanctorum
 in patria perfectè a simulatur. paci Chri-
 sti, quoniam caret omni malo culpæ &
 poenæ. Tunc enim perfectè implebitur
 illud Esaiæ: Sedebit populus meus in
 pulchritudine pacis, in tabernaculis fi-
 durtæ, in requie opulenta. Si autem v-
 trunque ad pacem conscientiæ in hac vi-
 ta referre volueris, ideo addit: Meam, vt
 sciamus, qualem pacem nobis promit-
 tat. Meam, inquit, hoc est, eam gratiam,
 quam ego habeo in conspectu Patris.
 Vel, Meam, hoc est, quam ego merui.
 Vel, Meam, hoc est, diuinam & spiritua-
 lem, non mundanam.

Non quomodo mundus dat, ego do vobis.]

Etiam mundi, hoc est, externa pax, à
 Christo datur. Nam donum Dei est nō
 mediocre, pro quo & Paulus orare nos
 iubet, vt scilicet placidam ac quietā vi-
 tam agamus: verum de hac non loqui-
 tur hic Christus. Non igitur promittit
 eam pacem, quam mundus dat, nec eo-
 dem modo, nec ad eundem finem. Mun-
 di pax est sanitate potiri, diuitijs abun-
 dare, hostibus carere, aut eos deuictos
 habere, &c. Hæc autem pax non est vera
 pax, quia tantum consistit in externis
 bonis. Non autem pacificat cor: Corde
 autem non pacificato, nihil prodest ex-
 terna pax. Hinc, Non est pax impijs, di-
 cit Dominus. Christi autem pax est res

missio peccatorum, Spiritus sanctus,
 amicitia cum Deo, ordinatus animus,
 &c. Atque hæc sunt, quæ verè pacifi-
 cant hominem. Deinde mundi pax etsi
 donum Dei sit, interdum tamen solet
 occasio esse ingentium scelerum. Sicut
 enim vino & opibus plerunque abutun-
 tur mundani, sic & pace. Hinc apud Sa-
 pientem dicunt mundana pace fulgen-
 tes: Venite fruamur bonis quæ sunt,
 &c. Pax autem Christi omnis iustitiæ,
 pietatis & sanctitatis fons & origo
 est. Non solum enim hominem reddit
 pacatum, sed etiam patientem & paci-
 ficum. Præterea pax mundi tollit qui-
 dem externa mala, sed non radicem ma-
 lorum, peccatum scilicet. Radice autem
 permanente, etiam si ramos succidas, res
 pullulant: sic peccato permanente, non
 diu permanere potest pax & securitas:
 Etsi enim Deus ad tempus dissimulat,
 tamen non semper. Christi autem pax
 omnium maximè radicem malorum au-
 fert: Peccato autem ablato, etiam si ad-
 huc durant externæ afflictiones, non ta-
 men diu perdurare possunt, propterea,
 quòd radix excisa sit. Adhæc pax mun-
 di ad homines refertur, pax autē Chris-
 ti ad Deum & conscientiam. Demum,
 pax mundi temporalis est, pax Christi
 æterna. Non solum autem aliam pacem
 dat Christus, sed & alio modo. Mundus
 siquidem extrinsecus pacem affert, in-
 trinsecus turbam relinquit: Christus
 verò intrinsecus pacem confert, extrin-
 secus turbam relinquit. Iuxta illud: In

Sapi. 2.

Ioan. 16

Rom. 5.

falsam

falsam pacem quærunt, hac neglecta. Item quod externam pacem magnis laboribus & periculis quærunt, veram autem pacem nec gratis oblatam accipere volunt.

Non turbetur cor vestrum, neque formidet.]

Conclusio est eius, quod præmiserat: Pacem relinquo, &c. quasi diceret: Quandoquidem tanta vobis bona post me relinquo, pacem scilicet cum Deo, non est quod turbemini, sed est vnde gratias agatis. Vel verbum hoc expositio est eius, quod de pace dixerat, quasi diceret: Non ita pacem do, vt posthac nullum aduersarium, nihilque molestis sentiat, sed vt cor lætum & intrepidum acquiratis, quod nullo malo turbari possit, nec quicquam, quantumuis

- Deu. 28. terribile, reformidet. Sicut enim in lege transgressoribus minatur, se daturum eis cor pauidum, vt non credant vitæ suæ, &c. id quod summum malorum est. Spiritus enim tristis exsecat ossa: sic Christus suis promittit summam securitatem, quo nimirum nihil maius aut melius est. Secura enim mens quasi luge conuiuium. Potest & verbum hoc esse generalis admonitio, ne intellectus eorū turbetur propter mysteriorū, quæ audierant, profunditatem: nec affectus reformidet, propter aduersa imminentia. Demum hoc verbum docet, quales auditores & sectatores Christus habere velit. Tales scilicet, qui læto corde etiam quæcunque ardua pro Christo aggrediantur: Hilarem enim datorem diligit Deus. Item tales, qui non facile terreantur & refugiant. Tardos enim & formidolosos vbique arguit Christus.
2. Co. 9. Hinc etiam in lege iubentur formidolosi excedere bello.

Audistis, quia dixi: Vado & venio ad vos.]

Causam addit, cur non debeant turbari aut formidare, quasi diceret: Nō tantum attēdat, quod dixi me abiturum: sed simul illud considerate, quod dixi me rediturum. Si recessus meus vos turbat, animum reddat, quod iterum venturus sum. Non sine causa autem hæc duo repetit & inculcat: plurimum enim

hoc refert scire. Nam etiam hodie sic agit Christus. Vadit enim vel abit, non quod simpliciter & omnino recedat (nobiscum enim est vsque ad finem mundi) sed quod aliquando consolationem suam abscondit, vnde procul dubio tristitia oritur, Dauide teste, qui dicit: Auertisti faciem tuam à me, & factus sum conturbatus. Venit autem vel redit, cum reddit consolationem. Docemur igitur hoc verbo, quid à Christo nobis expectandum sit, nēpe quod non semper aderit, nec in finem relinquet, hoc est, nec semper bona immittet, nec semper mala vel aduersa. Igitur, si in tentatione es, noli desperare, audistis enim quod Christus dicit: Iterum venio. Si diuinam habes consolationem, noli altum sapere, sed time. Audisti enim quod Christus dicit: Vado:

Si diligeretis me, gauderetis: quia Vado ad Patrem.]

Suprà dixit, quod veræ dilectionis signum sit, obseruare mandata: Hic alio signo vult probari dilectionem suorum, nempe, vt bonis aliorum gaudeant. Charitatis enim opus est, gaudere cum gaudentibus. Igitur, qui Christum verè diligit, gaudet, quod ad Patrem abiit, hoc est, in gloriā suam: gaudet de gloria Christi, quod sedet ad dexteram Patris, quod omnia pedibus eius subiecta sunt, quod propter passionem mortis gloria & honore coronatus sit, &c. Quomodo enim membrum non gauderet de gloria capitis? Imò iustissima & vnica gaudij nostri causa est, quod Christus ad Patrem abiit, hoc est, in regnum & gloriam suā. Si enim tāta præstitit in infirmitate positus, quid nō poterit præstare ad dexteram Patris sublimatus? Hinc & Dauid monet, vt propter hanc causam gaudeamus: Omnes, inquit, gentes plaudite manibus, &c. & subdit causam: Ascendit Deus in iubilum, &c. Et iterum: Dominus regnauit, exultet terra, lætentur insulæ multæ. Tunc enim decorem & fortitudinem induit, & præcinxit se, vt quantumcunque eleuentur fluctus maris & tentationes, verum tamen sit quod ibidem dicitur: Mirabiles elationes maris, sed nō minus mirabilis in altis Dominus, Deinde

Deinde hoc verbo subindicat, quod nō dum rectē diligenter. Primō enim diligebant Christum vt hominem, non vt Deum: ideo volebant, vt cum ipsis maneret visibiliter, verū hoc nō satis est. Deinde carnaliter tantū eum diligebant, & carnali cultu venerabātur. Hinc nolebant eum pati, quasi ingloriū hoc esset Christo (quemadmodum etiam nunc Sacramentarij putant ingloriū Christo, quod corpus suum manducandum dat) Atqui Christus summam gloriam aestimat, perficere voluntatem Patris. Igitur, [Si perfectē (inquit) diligetis me, gauderetis,] quod hac via ad Patrem redeo. Hinc enim clarius elucet & Patris bonitas, & mea dilectio, & ex consequenti vtriusque gloria. Deum plus seipsos quā Christum diligebant, suis commodis prospicere volebant, ne scilicet fraudarentur consolatione ex præsencia Christi: gloriam autem Christi negligebant. Atqui vera charitas non quærit quæ sua sunt, sed quæ aliorum, ideo dicit: [Si diligetis me, &c.] Docemur autem hoc verbo, proximorum commodis non minus prospicere quā nostris, maxime autē vt nostris commodis præponamus gloriam Dei. Docemur item, quod Christiana dilectio est, proximum ideo diligere, quia vadit ad Patrem, hoc est, ob pietatem, & ad ipsius perfectā salutem.

Quia Pater maior me est.]

Ex hoc verbo impius Arrius errorem suum sumpsit, neglectis omnibus, quæ Christus hactenus & quidem apertissime de sua diuinitate disseruit. Hæc enim est hæreticorum natura, tantū excerpere quæ pro se faciunt. Sed facies impius ille. Nō enim loquitur Christus hic secundū diuinitatē, sed secundū humanitatem, qua verē minor Patre est. Vel nō loquitur hic de natura, sed de diuersis suis officijs. Habet enim Christus duplex officiū: primū gessit in humanitate, nōdū carne mortuus, ad aurē verba carnalia loquēs. Secundū exequitur, in Patris regnum & diuinam potētiam introgressus, vt verba auribus audita cordi imprimat per Spiritum sanctum. Primum officiū postea Apostolis commendauit, secundum sibi soli reserua-

uit. Est igitur sensus, Præclaro quidem munere nunc fungor, sed Pater maior me est, hoc est, lōgè præclarius est, quod in regnum Patris ingressus effecero per spiritum. Vel ideo dicit Patrem maiorem, quia Filius sese exinaniuit, formā serui accipiens: Pater verò in eadem maiestate, non assumpta alia forma, māsit. Vel ad consolationem discipulorū hoc dicit, quasi diceret: Etiam si ego crucifigam, tamen Pater est vita. Item, etiam si ego iuuare non possem, tamen Pater potest, proinde non desperetis.

Et nūc dixi vobis priusquam fiat, &c.]

Vel hinc didicisset Arrius, Christū secundum diuinitatem non minorem Patre. Stabile enim firmumque Deitatis signum est, prædicere futura. Est autem sensus. Scio me nunc surdis narrare fabulam, scio hæc quæ loquor, vos nunc non assequi: ideo tamen prædico, vt cum postea euenerint, credatis, & in fide eò fortius confirmemini. Oportet enim primum verbum audire, postea Spiritus sanctus ipsum cordi inscribit.

Iam non multa loquar vobiscum.]

Subindicat tempus iam instare, vt à verbis ad opus transeat, & sicut hactenus verbo voluntatem Patris perfecit, sic deinceps opere adimpleat & re ipsa. Deinde docet, satis prædicatum esse verbis, ac tempore esse, vt primum ipsius ministerium cesset, succedatque secundum illud & perfectius. Sic & nunc satis prædicatum est verbis, restat vnum hoc, vt per spiritum cordi inscribantur quæ audiuimus & legimus. Non est igitur, quod nouam aliquam doctrinam expectemus aut quæramus. Stat enim sententia: [Iam non multa loquar.] Signanter autem dicit: [Vobiscum,] subaudiendum est, manens præsencia corporali. Loquitur quidem etiam nunc nobis, sed non nobiscum manens, visibiliter, sicut tunc erat. Item non simpliciter dicit, se nihil amplius loquuturū, sed non multa. Aliqua enim infra subnectit, sed nec multa, nec longo tempore post hoc locutus est ipsis. Huius causam reddit, cum dicit.

Venit enim princeps mundi huius.]

Hoc est, imminet tempus passionis meæ.

Ioan. 12.
Ephes. 6

meæ. Princeps mûdi Diabolus dicitur, idque non hoc loco tantum. Nam & supra dixit: Nunc princeps mundi eijcietur. Et Paulus: Non est nobis lucta aduersus carnem & sanguinem, sed aduersus principes & potestates, &c. Nô quod Diabolus mundû creauerit vel ipsius rector sit, sed quod eorû qui mundû & terram diligunt, quorum maior pars est, caput sit. Hinc nō simpliciter dicit: Princeps mundi, sed Princeps huius mundi. Cæterum, quod Diabolû nominat principem, subindicat magnitudinem imminentis certaminis, quod scilicet Diabolus omnibus viribus suis eum aggressurus sit. Quod autem addit Mundi, ostendit Diabolum nedû proprias vires, sed & mundi potentiam contra Christum excitaturum. Quamuis autem nō dicat, quid factururus sit princeps mundi, facile tamen colligi potest. Fur siquidem non venit, nisi vt mactet & perdat. Et: Scimus cogitationes eius, vt Paulus ait. Constat eum fuisse hominem ab initio, semperque id egisse, vt verbum dei interiret. Quod igitur semper egit, hoc nunc summis viribus aget. Emphasim autem habet, quod in presenti dicit: Venit, nō vêturus est, quasi diceret: Nunc nihil non malorum in me cogitat, accusat, insanit, furit: nunc cōgregantur Pōtiffices, discurrit Iudas: nunc egrediuntur ad me capiendum, &c. Discamus ex hoc verbo, vt semper parati simus. Nō enim dormit aduersarius noster, sed circuit quasi leo, quærens quem deuoret, &c. Discamus item nedum attendere præsentem hostis malitiam, sed etiam præuidere & præcogitare futuras tentationes & insidias illius. Hæc enim cogitatio nos ad spiritalia comparanda arma incitabit. Discamus tertio perpendere, quàm fortem habeamus hostem. Non est enim potestas super terram, quæ ei comparetur. Hoc nos incitabit ad orationem

Iob. 41.

Et in me non habet quicquam.]

Hoc addit, ne putemus Christû non potuisse resistere diabolo, vt fortiori, aut sua aliqua culpa crucifixû esse, Nô, inquit, ideo venit, vel venire permittitur, quod ego rapuerim, vel iuste exolvere debeat, quæ ille exacturus est. Quod

enim moriar, non diaboli potestas facit, sed Patris voluntas & dilectio: [In me non habet quicquam.] Hoc autem tripliciter exponitur. Primò, Non habet in me quicquam suum, hoc est, vllum peccatum. Peccatû enim opus est diaboli: Ipse enim mendax est, & pater mendacij. Quod autem Christus innocens fuerit, etiâ aduersarij eius testantur. Primus Iudas, cum dicit: Peccaui tradens sanguinem iustum. Deinde Pharisei, qui nullum inueniebant conueniens testimonium, cum tamē multi falsi testes contra eum steterint. Præterea Pilatus, nunc quidem dicens: Ego nullam inuenio causam mortis in eo, nunc autē manus lauans & dicens: Innocens ego sum à sanguine iusti huius. Postremò Censurio & alij, qui visis signis in morte Christi clamabant: Verè hic homo iustus erat. Nec mirum, quod sine peccato fuit Christus. Vnde enim ei poterat inesse peccatum originale, qui de Spiritu sancto conceptus erat? Quomodo cadere poterat in peccatum, qui erat summa rectitudo? Quomodo vel appropinquare potuit superbia ei, qui se exinanuit, factus obediens vsque ad mortem? Quomodo avaritia? qui cum diues esset, egenus factus est. Quomodo inuidia? qui etiam inimicos dilexit. Quomodo ira? qui cum malediceretur, nō maledicebat. Quomodo luxuria? qui de virgine natus erat. Quomodo gula? qui quadraginta diebus ieiunauit. Quomodo accidia? qui in laboribus fuit à iuuentute sua. Hic igitur videmus, quæ sit vera gloriatio Christiani hominis, nepe nihil in se habere diabolicû, carere peccato. Docemur omnium maximè id curare, ne diabolus quicquā in nobis habeat, hoc est, emundare conscientias à peccatis. Hinc enim David dicit: Beati, quorû remissæ sunt iniquitates, &c. Et Ioannes: Beati, qui lauerunt vestimēta sua, &c. Hi enim securè cum diabolo congredi possunt, eique impropere, quemadmodum Paulus morti impropert: Vbi est, inquit, mors victoria tua? Secundò intelligitur verbum hoc: [Non habet in me quicquā,] hoc est, vllam potestatem. Hoc ex priori sequitur. Vbi enim non est peccatum, ibi nullam diabolus habet potestatem aut ius. Solum enim peccatum

sicut

sicut mortis stimulum præstat, sic diabolus
lo dextram armat & vires, ac ius dat con-
tra hominem. Christus autem sine peccato
fuit. Emphasim autem habet, quod dicit :
[In me non habet quicquam.] In me, in-
quam. Nam in omnes alios habuit ius:
Omnes enim peccauerunt. Secure igitur
etiam contra sanctissimos gloriabantur
cum Philistæo: Quid, inquit, existis ad præ-
lium? Nunc ego Philistæus sum prin-
ceps mundi, & vos serui Saul: filii scilicet
Adam. Nescitis potentiam meam!
Agendum, si quis inter vos fortem
se putat, procedat in prælium contra me.
Hoc omnibus hominibus exprobrabat.
Unus Christus & solus gloriari potuit:
In me non habet quicquam potestatis.
Quia igitur diabolus nullum in Christo
ius habuit, & tamen in eum irruit & occi-
dit: iure amisit omne ius suum, quod ha-
buit super omne hominum genus. Hoc
igitur summè nos consolari debet, quod
diabolus nullum ius in Christum habet. Su-
mus autem nos membra Christi, & sub vni-
bra altarum ipsius speramus. Igitur, nec in
nos quicquam potest, id quod David pul-
chre ostendit in Psalmo: Qui habitat &c.
Ob hanc causam & superius dixit Chris-
tus: Nunc princeps mundi ejicietur for-
as, & ego omnia ad me traham. Et in Ma-
thæo: Omnes capilli capitis vestri nu-
merati sunt. Igitur, si cui adhuc nocet
diabolus, non ipseus diaboli potestas, sed
Dei voluntas est & permissio, ad vtili-
tatem tentari. Non igitur diabolo, sed Deo
tribuentum est. Hinc Iob quamvis sciret
diabolum tanta mala sibi irrogasse, non
tamen ipsi, sed Deo attribuebat: Domi-
nus, inquit, dedit, Dominus abstulit.
Tertio etiam sic intelligere possumus ver-
bum hoc: [Non habet in me quicquam.]
hoc est, non præualebit mihi, quantum-
cumque sæuiat. Conatur me occidere, sed
resurgam: conatur meum nomen atque adeo
me ipsum omnino suppressere, ut ma-
ledictum, sed diuersum eueniet. Est etiam
in hoc sensu non parua consolatio, quod
scilicet diabolus non potest præualere
Christo, atque adeo nec eius membris.
Contritum est ei caput, et si cauda adhuc
sæuiat. Tentet quantumcumque vult, si
in Christo manemus, non præualebit.

Sed ut cognoscat mundus quod diligo.]

Hoc addit, ut sciamus cur diabolo
tantam potestatem permiserit in se sæ-
uiendi. Quod morior (inquit) non diabo-
li potestas aut culpa mea facit, sed volun-
tas & dilectio Patris. Hinc in Psalmo
dicit. Tenuisti manum dextram meam,
& in voluntate tua deduxisti me, quasi
diceret: Saluare me dextera mea, hoc est
diuina potentia mea mihi auxiliari po-
terat, ut non morerer, sed mandatum Pa-
tris veraque dilectio mea erga Patrem,
& etiam erga genus humanum tenet ma-
num dextram meam, ut non me defendam,
& mortem non transiliam, & in volun-
tate sua deducet me dicentem. Non mea,
sed tua voluntas fiat, quia non quod in-
firma caro appetit, agendum mihi cen-
seo, sed quod exigit consilium diuinita-
tis. Hoc igitur verbo Christus in seipso
ostendit, quod verum signum dilectio-
nis, est observatio mandatorum, quem
admodum supra docuit, ne quis causetur
Christum aliquid docuisse, quod ipse
non prior fecerit. Dilectionem (inquit)
meam erga Patrem non verbis tantum,
sed opere ostendam, imò opere summo
& maximo, ut etiam mundus hinc vi-
dere possit, me verè diligere Patrem.
Quod igitur Christus hic dicit, hoc om-
nes Christiani dicere & facere debent. Est
enim Christus perfectissimum exemplar
dilectionis & obedientiæ. Iam vide, quam
magna & ardua Christus subierit, ad
præstandam dilectionem & obedientiam
Patri, & verè pudebit nos in rebus leui-
bus tam difficiles inueniri. Obedientia
Christi erat, ut se exinaniret, ut vilissi-
mus hominum fieret, ut mortem pro
inimicis etiam subiret, &c. & obediuit.
Nostra obedientia est, peccata relinque-
re, virtutibus insistere, &c. vel potum
aquæ frigide sitienti fratri præbere, &c.
& dubitamus causamurque de grauita-
te præceptorum. Quid si mori nos ius-
beret pro fratribus? Verè igitur & ius-
te increpat nos Paulus: Nondum (in-
quit) usque ad sanguinem restitistis, &c.
Meritoque nos confitemur seruos inu-
tiles. Hæc igitur Christi obedientia
excitet nos ad virtutem. Signanter au-
tem dicit:

Sicut mandatum dedit mihi Pater.]

Non enim satis est præcepta Dei im-
plere,

Psal. 72

Mat. 26

Hebr. 12

Luc. 12

plere, nisi eodem modo impleamus, quo ipse vult & præcipit, ne scilicet nostra voluntas in opere Dei præcedat. Hinc *Esaiæ. 18* *1. Re. 15.* Saul inobediētiæ arguitur, quod præceptum quidem Domini fecerit, sed non sicut Dominus præcepit.

Surgite eamus hinc.]

Hoc addit, ut reipsa ostenderet, quod verbo iam dixerat: Hoc aut verbo primo ostēdit se nō timere diabolum, etiā si sit princeps mūdi: Alij (inquit) eum timeant, nos intrepidē ei occurramus. Iam enim in me inueniet victorē suum. Secundo voluit hoc verbo cordibus Apostolorū imprimere, se quicquid passurus esset, præsciū ac volentem pati. Tertio voluit discipulos, quantū humana imbecillitas ferebat, testes ac spectatores esse supplicij sui, ut magis eis crederetur. Hinc Ioānes noster infra dicit. Et quid vidit testimoniū perhibuit, &c. Quarto ostendit hoc verbo Apostolos eadē via transiuros ad Patrē, qua ipse præcessit, nepe per crucem, ideo dicit: *[Surgite eamus,]* in plurali. Quinto per hoc etiam præuenire voluit suorum periculum. Si enim in domo expectasset aduersariorū aduentum, nō paruisset Apostolis fuga, nec Paterille familiās, cuius domus erat, sine periculo fuisset. Ideo eos educit, ut aliqui volūt, in montē Oliuarū, vbi residuum sermonis cōpleuit, ut hi dicunt. Sexto, hoc verbo excitat eos, ut excusso torpore, redderētur ad ea, quæ dicturus erat, alacriores. Videbat enim eos multis modis cōsternatos, partim mœrore, quod videbāt instare mortem Domini: partim metu malorum, quæ sibi illo digresso videbāt imminere: tū etiam videbat eos somno grauatos, quē nox cōciliabat. Addebat & fessio torporem animis. Vbi aut sunt mœror, metus, somnus & fessitudo, ibi frustra proponitur verbū Dei: ideo iubet eos surgere. Deum per ænigma submonere etiā voluit hoc verbo, tam esse tēpus, ut animū erigāt ab affectibus terrenis ad cælestia, à corporalibus ad spiritualia, à temporalibus ad æterna. Est igitur sensus: *Surgite à coena legali & typica ad coenam Euangelij. Satis superq̃ deseruitum est vmbri, satis est tam diu peccatū regnā*

se, satis est tā diu sub diaboli tyrannide fuisse, satis est tā diu à cælo & paradiso exules fuisse: omnia nunc in diuersum abibunt, & in melius cōuertentur: *[Surgite igitur, eamus hinc.]* Eamus. Obserua hic pulcherrimum ordinē. Sedere ad audiendū verbum debemus, suggere ad opus exercendum, ire ad perfectionem. *[Eamus,]* abluti sunt pedes vestri, curādum, ne denuō inquinētur. Refecti estis cibo salutis, nunc ad laborem exeūdum. *[Eamus hinc,]* à Iudæis incredulis ad Gētes, à terrena Hierusalē ad constrūdā cælestem, à ciuitate sanguinū ad cōgregationem sanctorum, à templo illo materiali & vmbatico, ad extruendū verum templum Dei, in quo adoretur Pater in spiritu & veritate. *[Eamus hinc,]* à terra ad cælū: expectat nos Pater, expectant Angeli, expectant omnes sancti. Obserua, quod Christus priore verbo duo genera hominū excitat, iacētes scilicet in peccato, & sedētes in otio, vtriusque dicitur: *[Surgite.]* Christianismus enim nedum non patitur iacētes in peccatis, sed nec otiosos. Obserua itē, quod non dicit, *Surgamus*, sed: *Surgite*. Christus enim nunquā iacuit in peccatis, nec vnquam sedit, hoc est, otiosus fuit, sed semper stetit in innocentia, & ambulauit in præceptis Patris. In posteriori autem verbo etiam se admiscet & connumerat nobis: *Eamus* (inquit) *Et si enim in peccatis & otio non fuerit nobis similis, in poenitentia tamen & satisfactione similem se nobis fecit, imō præcessit.*

Caput XV.



Actenus docuit Christus, quis sit, & quare per crucem ad Patrem abeat, & quis fructus sit à sua passionē secuturus. Est siquidē Christus via, veritas, & vita. Ad Patrem autem per crucem abit, non coactus, sed sua spōte: propterea, quod Pater ita mandauerit. Per crucem autem impetrat Spiritum sanctum & glorificationem,

cationem, quæ nimirum ingentia bona sunt. Verû, quid profuerit nobis tâtus thesaurus? quid profuerit, quod Christus ex natura sua omnia bona habeat, & quod insuper moriendo magna meruit, nisi & nobis cõmunicetur? Docet igitur Christus hoc capite, se ea bona quæ in Patre suo possidet, & quæ per crucem meruit, nẽpe victoriã peccati, mortis, Diaboli, &c. nõ sibi soli retinere, sed credentibus velle communicare. Idq̃ priũ propter tarditatem nostrã externo exemplo docet, vt & facilius intelligamus & retineamus.

Ego sum Vitis Vera.]

Frequentissimum est in scriptura, quod homo arbori comparetur. Et bonus quidem homo bonæ arbori, malus malæ. Christus aut, vt se discernat ab alijs, speciali quodã modo se vitis comparat, pluribus de causis. Primò enim, etsi vitis in hyeme sola & sine palmitibus videatur, tamen æstate superueniente, in plures palmites erumpit: sic Christus, etsi tempore peregrinationis suæ pauci in eum crederent, etsi in passionis hyeme solus & ab omnibus relictus videretur, transacta tamen hyeme & apud propinquantem æstate resurrectionis, statim priores eius palmites refluoruerunt, & alij accreuerunt: adeo, vt tempore ascensionis iam essent centum viginti palmites. In ipso autem die Pẽtecostes accrescerent tria millia. Denique adeo copiosè hæc vitis in palmites erupit, vt breui totam terram occuparit. Nã vnus Paulus palmites eius extendit vsq̃ ad Illyricum. Secundò, sicut vitis externè nullam quidem speciem habet: nam & nigrum & hispidum & curuum est lignum eius, nec tamẽ ob id abiicitur, nec eo minus habetur in precio: imò alijs arboribus, quantumcũque proceribus, quantumcũque frugiferis præfertur: sic Christus in passione sua nullã quidem speciem habuit, ab omnibus enim despectus fuit: in ipsa tamen sua deformitate dulcissimos fructus protulit, redemptionem scilicet peccatorum & gratiam Dei. Nec ob id viltor nobis est aut esse debet, quod crucifixus est, sed eo commendatior, quò magis nostri causa sese deiecit. Hinc Paulus: Mihi abs

sit gloriari, nisi in cruce Domini nostri Iesu, &c. Summa, quòd nulla arbor, nullus homo, nulla creatura potuit, hoc despecta illa vitis Christus effecit. Tertio, sicut vitis, vt in palmites excrecere possit & in fructus, oportet vt prius plantetur in terra, hyemis horrorem & imbrium molestias passura: sic vt Christus fructificaret, necesse erat, vt prius moreretur, quemadmodum supra dixit: Nisi granum frumenti, &c. Et infra: Si non abiero, scilicet in mortem, Paracletus non veniet ad vos. Quarto, sicut vitis est basis & fundamentum, palmites proferens & etiam sustinens, ne quicquam valet palmes abscissus: sic Christus est basis & fundamentum Ecclesiæ: ex ipso enim orta est, & ex ipso dependet, ei que innititur. Quamdiu enim ei adhæret, persistit. Hinc est, quod Ecclesia vinea dicitur, nedum eorũ qui post Christum venerunt, sed etiam eorũ, qui Christum præcesserunt. Hinc Esaias: Vineam Domini Sabaoth domus Israel est, quod idem testatur & Psal. 79. Christus enim omnes electos, qui vnquam fuerunt, sunt & erunt, sustinet. Iesus Christus (inquit Paulus) heri & hodie ipse & in secula. Virtutẽ enim suam nedum in sequentes, sed etiam in præcedentes se transfundit. Quintò, sicut palmites quicquid viriditatis, succus & fructus habent, è vite habent: sic Christus est fons & origo omnis boni in electis. Ab ipso enim habent succũ gratiæ: Ab ipso habent vinum illud, verè letificans cor hominis, Spiritũ scilicet sanctum: ab ipso habent, quod fructificare possunt. Hinc infra dicit: Sine me nihil potestis facere. Sextò, sicut vitis omnem suam naturam & nobilitatem in palmites suos transfundit: sic Christus omnia quæ habet, fidelibus communicat, nomen suum, hæreditatem suam, denique quantum fieri potest, etiã naturam suam, vt & nos dicamur & simus filij Dei, si non natura, certè adoptione. Denique, sicut vitis omnibus quidem ex se oriundis palmitibus succum suum transfundit, non tamen omnes eundem retinent, nec omnes fructificant, vnde & plerique excinduntur: sic Christus, quantum in se est, omnibus offert gratiam, non tamen omnes eam accipiunt, nec

OO ij omnes

Gala. 6.

Ioan. 12.

Ioan. 16.

Mat. 20

Hebr. 13.

Pla. 103.

Psal. 1.

Hier. 17.

Mat. 7.

Act. 1.

Act. 2.

Rom. 15.

Esa. 53.

omnes eam accipiunt, nec omnes acceptam seruant, & in opus exerunt: unde & multi excinduntur, vt infra dicitur. Vides igitur, q̄ aptissimè Christus se viti cōparet. Horum autē quæ dicta sunt, nihil nō summè nos consolatur, vno duntaxat excepto, quod vltimo loco dictum est. Id enim non parum nos terrere debet, cū scilicet audimus excindendos aliquos ex hac vite, vt infra dicitur. Ad dicit autem. [Ego sum vitis vera.] Primò propter verā similitudinē, non propter veram naturæ cōmunionem cum vite, quæadmodum & Esaias dicit: Verè fœdum est populus. Secundò verā se dicit vitam, vt se præferat externæ viti, quæ vinum quidem producit, sed in quo est luxuria, quod corpus quidem exhilarat, sed non cor. Denique etiam, quod non nunquam ingentium malorū causa est. In Christo autem lōgè aliter contingit, &c. Est enim Christus vitis vera, vinum illud producens, quod germinat virginēs, Spiritum sanctum scilicet, qui & perfectè cor exhilarat, & ad omnia bona ducit. Tertiò veram se vitam dicit, vt se distinguat à praua illa & sterili vinea, de qua Hieremias: Quomodo conuersa es in prauum vitis aliena? Et Esaias: Expectaui, vt faceret uvas, fecit autem labruscas. Vide ibidem ad longum.

Et pater meus agricola est.]

Ridiculum est, quod ex hoc loco arguit Arrius Patrem & Filium in diuinis non esse vnus naturæ, quemadmodum vitis & agricola non vnus naturæ sunt. Non enim hic de natura, sed de operatione vtriusque sermo fit. Impium est & illud, quod quidam hinc colligunt, Patrem solum ad extra operari, quemadmodum agricola facit: nam nec hoc voluit Christus. Agricolam autem nominat Patrem, suo more omnia in Patrem referens, ne videatur sibi soli omnia tribuere. Et quidem tota Trinitas vnus agricola est. Nam vna est operatio Trinitatis ad extra: Christus tamen soli Patri hoc attribuit, vt singulas personas in Trinitate ostendat aliquid specialiter agere ad salutem nostram. Sic Pater creat, Filius redimit, Spiritus sanctus sanctificat. Christus est vitis, Pater purgat & excolit, Spiritus san-

ctus est succus ille viuificus, quem è vite Christo haurimus. Patrem igitur dicit agricolam. Primò, quia hanc vitam plantauit, & in mundum misit. Ex eius enim dilectione omnis salus nostra profecta est: Sic enim Deus dilexit mundum, vt filium suum daret. Iam si Pater iter eam vitam & vineam ex ea nascentem plantauit, ergo perpetuò manebit & nunquam deficiet: Consilium enim Domini in æternum manet. Secundò, agricolam dicit Patrem, vt ostēdat eum perpetuò operari & excolere vineam suam, hoc est, Ecclesiam. Habet quidem agricola plura officia circa vineam: non solum enim eam plantat, sed & colit: & nunc quidē eam fodit, nunc putat, nunc impinguat, nunc sepecingit: omnia hæc Deus facit circa electos, id quod in parabola de vinea ostensum est in Matthæo, Tertiò, sicut agricola habet officia sua distributa: non enim per totā annū fodit vineam, nō semper putat vitēs neque continenter fructū colligit ē vinea, sed hæc omnia statō suo tēpore pro opportunitate facit: sic Deus nunc beneficia præstat, quod est fodere, nunc aduersa immittit, quod est putare, nunc fructum exigit. Quartò, sicut vinitor nunquam vineæ curam ex animo relinquit, siue enim dormiat, siue vigilet, vinea semper manet alta mente reposita, quanquam extrinsecus videatur, præsertim in hyeme, planè nullam curam vineæ habere: ita Deus Pater, etsi aliquando dissimulet se vineam suam respicere, hoc est electos, nunquam tamē ipsos relinquit aut eorum obliuiscitur, nunquā non pro ipsis sollicitus est, atq; adeo tunc maximè curat, cū minimè videtur curare. Hinc in Esaiā dicit: Ad punitionibus magnis colligam te, &c.

Omnem palmitem non ferentem fructum tollet.]

Hic incipit parabolam de vite & agricolam exponere. Et primò ostendit, cur Patrem agricolam nominauerit, imò rationem reddit, cur Pater hoc loco mentionem fecerit. Sicut enim in vinea externa non satis est, quod vitēs plantentur, nec satis

nec satis est, quod erumpat in palmites: sed necessario requiritur vinitor. Cur hoc: quia ex vite etiam infructuosi palmites erumpunt, qui fructuosos impediunt, nisi amputentur: imò etiam qui fructiferi sunt, in nimiam altitudinem excrescunt, nisi putentur. Necessarius igitur est vinitor, qui infructuosos amputet, fructuosos purget. Quod si quicquid ex vite prorumpit crescere, vel etiam palmites fructuosos nimis luxuriare sinat, non vinea, sed sylva efficietur, plurimum quidem ligni, parum autem fructus habens, vel nihil. Sic dixerat Christus se vitam, dixerat se veram vitam, hoc est, in multos palmites dilatandam, sed iuxta hoc praeuidebat multos impios in Ecclesia futuros, itemque multos otiosos & pigros bonis immiscendos, praeuidebat item nec pios in bono perseveraturos, nisi subinde purgentur & colantur: Necessario igitur fecit etiam Patris mentionem. Ex hoc igitur vides, quod Christus non simpliciter vult habere Ecclesiam, sed sanctam & frugiferam. Non vult habere sylvam, sed vineam. Non querit ut habeat multos palmites, sed ut habeat frugiferos. Nemo fert infrugiferos palmites in sua vinea, multò minus vepres & spinas. Et Christus hæc toleraret in vinea sua in regno suo? Merito igitur Ioannes dixit, eum habere ventilabrum in manu sua, & purgaturum aream suam, &c. Mittet enim filius hominis, qui colligat de regno eius omnia scandala. Diligenter igitur attendat locum hunc, qui de nuda & otiosa fide sibi blandiuntur. Primò enim terribile est, quod Patrem dicat non tantum vepres excisurum, sed etiam quosdam palmites, hoc est, non tantum ethnicorum Ethnicos, qui iam igni adiudicati sunt, quia non credunt, itemque manifestè malos, sed etiam otiosos. Huc pertinet ficus illa sterilis à Domino maledicta, itèq; parabola de alia ficu, quam Pater familias omni anno visitans, & semper infructuosam inueniens, tandem excindi iussit, &c. Hinc & Paulus: Terra quæ sæpè imbrem suscipit, & tantæ spinas germinat, maledictioni proxima est. Deinde terrorem auget, quod dicit omnem palmitem infrugiferum excidendum. Nullus enim latere pos-

terit, nec oculos huius agricolæ falleret: Existimasti (inquit) iniquè, quod ero tui similis, &c. Arguam te, &c. Item, Scrutabor Hierusalem in laternis. Maxime autem terret, quod dicit. [Tollet eum,] hoc est, à Christo se iunget, ut nihil commune cum ipso habeat, quo quid gravius comminari potuisset? Hoc verbo suprà Petrum mirum in modum terret, ut exclamaret: Domine, non tantum pedes, sed & manus & caput. Audierat enim à Christo: Si non lauero te, non habebis partem mecum. Deinde tollet, hoc est, auferet ei homini humorem gratiæ, quem acceperat, quem admodum & seruo infideli pecunia, quam in terram defoderat, auferitur. Hoc modo Iudas amisit gratiam quam acceperat. Sic & Iudæi postea omnem Dei gratiam & fauorem amiserunt. Amissa autem gratia, quantum malorum sequatur, in Iuda & Iudæis videmus. Demum tollet infructuosum palmitem à gloria & congregatione sanctorum felicitatēque. Sic Elaias. Tollatur impius, ne videat gloriam Dei. In iudicio enim omnino separabit oves ab hœdis. Quanquam igitur nihil adhuc de poena sensibilis gehennæ dicat: (hanc enim infra quoque explicabit) tamen etiam hic satis poenarum est, alienum esse à Christo, amittere gratiam, excludi à gloria. Vides igitur, quod non sine causa ad Ecclesiam, quæ est vinea Domini, vocati sumus. Vides etiam pia opera necessaria esse ad salutem. Quod si sic punitur, qui bonum fructum non facit, quale iudiciū eos manet, qui pessimos quosque fructus faciunt? Si in viridi ligno hæc fiunt, in arido quid fiet? Suma ma, palmes infructuosus est fides sine operibus.

Et omnem qui fert fructum, purgabit.]

Etiam fructuosi palmites opus habent manu & opera vinitoris, imò plus quàm infructuosi. Hi enim facile tolluntur, illi autem diligentissimam & perpetuam exigunt culturam, ne vel deficiant vel nimium luxurietur. Fructuosi autem palmites sunt, quorum fides per dilectionē operatur. Cæterum, fructus spiritus sunt, gaudium, pax, patientia, &c. Itē fructus lucis bonitas, veritas, iustitia.

OO in Pur

Psal. 49
Soph. 2

Ioan. 13

Mat. 25

Eiai. 26
Mat. 25

Luc. 23

Fides sine bonis operibus

Galat. 5

Ephes. 5

Purgat igitur Pater pios homines à reliquijs peccatorum. Nemo enim, etiam si sanctus sit, immunis est à peccato, quādiu viuit hoc in mūdo. Opus igitur habent quotidiana purgatione. Hinc & P^{sal.} 50. Dauid ait: Cor mundū crea in me Deus. P^{sal.} 118. Et iterum: Inclina cor meum in testia monia tua, & non in auaritiā: Auerte oculos meos ne videant vanitatem. Deinde purgate eos, hoc est, humiliat, & deprimat. Sicut enim palmes si non putetur, in nimiam altitudinem crescit, ac per hoc omnem succum in ramos & folia insumit, sic quod fructum ferre nō potest. Itaque, si pro sua libidine etiam in sanctissimis ferretur, Deus, si fieri posset, contumacia carnis ē diuino maiestatis suae solio perturbaretur. Audi enim in quantam altitudinem & superbiam exereuerit rex Babel: Ascendam, inquit, in cælum, & similis ero altissimo. Item: Quis est Deus in cælo, qui vos eruat de manu mea? Non dissimilia loquitur rex Tyri: De⁹ (inquit) ego sum, & in cathedra Dei sedeo, &c. Vtque adeo turgescit caro beneficijs saginata, & interim non putata aduersitatibus & cruce. Sic pijs hominibus nonnunquam ex virtutibus & donis crescit superbia: natura enim nostra semper alta expetit. Atqui superbia omnia opera nostra & fructus nostros vitiat: Nihil enim gratum est, nisi quod ex humili corde procedit, vt patet in Luca: itaque Pater agricola credentem purgat & humiliat. Primo enim interdum id, de quo gloriabatur homo, amputat & aufert, hoc est, dona sua, & hominem cadere permittit. Sic Petrum cadere permisit, vt non gloriaretur de virtutibus suis. Alioquin si Petrus non cecidisset, quantum tribuisset suae fortitudini, qui ante casum tanta præsumebat? Etiam (inquit) si omnes scandalizati fuerint in te, ego nunquam scandalizabor. Hic igitur opus habebat putatione, ne altius cresceret. Deinde etiam aduersis & cruce suos purgat, & humiliat Deus, ne nimium insolecant. Hæc igitur est spiritualis illa circumcisio, quam toties commemorat Paulus, quæ nō consistit litera, sed spiritu, quæ non semel tantum fit, sed per totam vitam. Et hæc quidem purgatio vel putatio citra dolorem non fit. Omnis enim disciplina (dicit Paulus) in præsentem non videtur esse gaudij, sed mortificationis: quemadmodum in Esaiā dicitur: Purgabit Domin⁹ sordes filiorū Israel in spiritu iudicij, & spiritu ardoris. Postea autem fructus pacatissimos affert exercitatis per eam. Hinc & Dauid: Bonum mihi, quia humiliasti me. Et iterum: Beatus quem tu corripueris Domine, &c. vt mitiges ei à diebus malis, quibus scilicet impij perdendi sunt. Ideo subditur: *Vt fructum plus afferat.*

Vbi manifestè vides, quod Dominus non affligit vt perdat, sed vt sanet. quemadmodum agricola putat palmites, non vt totum abscindat, sed vt purget ad copiosiores fructus ferendum. Hinc Hieremias orat: Castiga me Domine in iudicio, tamē non in furore. Et Sapiens: Noli negligere disciplinā Domini: Quem enim diligit, corripit. Hoc idem ad longum docet Paulus ad Hebræos. Dupliciter igitur ex hoc verbo possumus habere consolationem, imò triplicem in aduersis. Primo, quod Christus afflictiones nominat purgationem, per eas enim expurgantur reliquijs peccati. Secundo, quod dicit afflictiones ideo immitti, vt plus fructificemus. Tercio, quod dicit omnem palmitem sic purgari. Non enim solus es qui affligeris. Idem contingit omnibus sanctis: id quod Paulus diffusè probat ad Hebræos 11. & 12. Docemur ex hoc verbo, ne curiose disputemus de prædestinatione, ne ideo à bonis cessemus, quod ignota est nobis Dei prædestinatio. Quid enim tibi de hoc? Vide vt in Christo maneas, & fructifices. Nam etiam si quis videatur electus, non tamen fructificet, abijciatur. Sic Saul reiectus est: Vtque quomodo, &c. Re. 16. Hic. 17. inquit, iuges Saulem, quum ego abiecimus eum? Sic de alio quodam dicitur: Si fuerit Ioachim annulus in manu dextera mea, inde detrahā eum. Hinc Paulus: Tu fide stas, vide ne efferaris animo, sed time, &c. E contra, qui non videtur electus, fieri potest, vt eligatur, si in Christo vera vite fructū ferat. Non enim est abbreviata manus Domini, vt saluare nequeat, sed iniquitates nostræ diuiserunt inter nos & Deum. In fine autem monendi essemus, vt horum verborum

verborum in externo vineæ labore me-
mores essemus, vt etiam in agro præ-
sentem haberemus concionatorem.
Semper enim ex fide laborandum est.
Sic enim assuesceremus, semper quæ
sancta sunt cogitare: denique per hoc et-
iam laboris molestia mitigaretur.

Iam vos mundi estis.]

Suprà generaliter de omnibus loquu-
tus est, hic autem sermonem vertit ad
Apostolos, ac ne ex eo quod dixerat, Om-
nem palmitem non ferentem fructum,
tollit Pater, terrerentur, quasi præter
Iudam adhuc aliqui excindendi essent,
dicit ipsos esse mundos & sanos palmi-
tes. Solet enim pius cor ad omnia Dei
iudicia contremiscere, & quo generalius
proferuntur, eò magis timent, ne in se
recidant. Sic suprà, quum diceret Chris-
tus, se ab vno ex ipsis tradendum, omnes
exterriti fuerunt. Impius autem non ti-
met Dei iudicia, nec credit, donec in ip-
sius caput recidant. Obserua quòd etiam
suprà circa pedum lotionem, illos dixit
esse mundos: verum addidit, Sed non om-
nes: hic autem simpliciter dicit: [Iam
vos mundi estis.] Iam enim exierat Iu-
das, qui solus inter ipsos immundus erat.
Cæterum, quòd mundos eos dicit, non
sic intelligendum est, quòd omnino sine
omni peccato essent. Nemo enim in hoc
saeculo ad tantam mundiciem peruenire
potest, vt non necesse habeat dicere: Di-
mitte nobis debita nostra. In multis es-
simus peccatores. Hinc & suprà dixit
etiam his, qui loti sunt, opus esse, vt
pedes lauent. Item, quòd Pater etiam fru-
tuosos palmites purgat, &c. Mundi au-
tem erant Apostoli. Primò, ab errore
incredulitatis. Secundò à peccatis mor-
talibus, licet non omnino à venialibus.
Tertiò mundi erant, quia propter fidem
in Christum non imputabantur eis pec-
cata. Mundi erant in Christo, etsi in sei-
p-
ipsis adhuc essent peccatores. Solet qui-
dem scriptura credentes appellare san-
ctos, propter sanguinem Christi, quo
mundati sunt, & Spiritum sanctum, què
acceperunt: interim autem ipsi se non
nisi peccatores iudicant. Hinc Paulus:
Christus venit peccatores saluos facere,
quorum primus ego sum. Vide autem
ordinem verborum. Primò pronuntiat

eos mundos esse, quòd proculdubio sum-
me lætificauit corda Apostolorum.
Quis enim non optaret hanc vocem au-
dire, remissa scilicet sibi esse peccata?
Beati, inquit, quorum remissæ sunt ini-
quitates, &c. Pro hac enim remissione
orat omnis sanctus in tempore oppor-
tuno. Quanquam & nos hanc vocem si
volumus, possumus audire, in absolu-
tione scilicet post confessionem, &c. Ve-
rùm, ne Apostoli hoc vel sibi ipsis, vel
propriæ iustitiæ aut meritis ascriberet,
addit: [Mundi estis propter sermonem.]
Demum addidit: Quem locutus sum
vobis, ne putemus quemlibet aut cuius-
libet sermonem mundare. Solus enim
sermo Christi mundat, non autem ho-
minis sermo.

*Propter sermonem, inquit, quem locutus
sum vobis.]*

Hunc autem sermonem possumus
accipere vel eum, quem de sua passione
& resurrectione fecit. Per hæc enim mû-
damur. Vel eum, quo dixit: Ego sum
via, veritas, & vita. Vel eum, quo dixit:
Pacem meam do vobis, quid enim est
pax Christi, nisi remissio peccatorum?
Qui igitur pacem Christi habent, iustè
audiunt: Iam vos mundi estis propter
sermonem, &c. Potest etiam intelligi ge-
neraliter de quocunq; verbo Dei. Vere
enim verbum Christi mundat: Est enim
quasi ignis conflans, & quasi herba ful-
lonum. Vnde de Christo ibidè dicitur:
Sedebit conflans & emundans argentum,
& purgabit filios Leui. Mundat autem
verbum Christi. Primò, quia cor concu-
tit peccatoris, vt etiam in medio cursu
peccatorum quasi subsistat. Vnde in Hie-
remia: Verbum meum quasi ignis, &
quasi malleus suprà petram. Et Paulus:
Sermo Dei viuus & efficax est, & pene-
trantior gladio ancipiti, &c. Secundò,
mundat verbum Christi, quia nos à mun-
do & ab impijs segregat. Sic verbum
Dei Abrahamum eduxit & segregauit
à terra, & cognatione sua, & domo Pa-
tris sui. Hinc Christus. Non veni pacem
mittere, sed gladium & separationem.
Veni enim separare hominem, &c. Tercio
mundat, quia omnia à nobis vitia
amputat, & etià ab omnibus membris:
neque enim verbum Dei aliquod vitium

OO iij suffert,

Psal. 31

Ioan. 14

Malac. 3

Hier. 23

Hebr. 4

Gen. 12

Mat. 10

Mat. 10

suffert, quod non reprehendat. Quarto mundat, quia ad omnia bona inducit & excitat. Vnde David: Ignitum eloquium tuum vehementer, & seruus tuus dilexit illud. Et iterum: Lex Domini immaculata, conuertens animas, testimonium Domini fidele, sapiētiā præstans paruulis. Iustitiæ Domini rectæ, lætificantes corda, præceptum Domini lucidum illuminans oculos. Quinto mūdāt, quia eum ostendit & ad eum dirigit, qui solus mundare potest: Non ad lacunas turbidas, sed ad ipsum fontem vitæ & puritatis Christū nos dirigit. Sexto mundat, quia est ipsum instrumentum & medium, per quod nobis Spiritus sanctus datur. Sic loquente Petro, Spiritus sanctus cecidisse legitur super omnes, qui audiebant verbum. Demum etiam ideo mundat verbum, quia Sacramentis dat virtutē mundandi & sanctificandi: alioquin si verbum detrahatur, nihil faciunt Sacramenta, imò non sunt Sacramenta sine verbo. Accedit enim verbum ad elementum, & fit Sacramentum. Detrahe verbum Baptismo, & quid est aqua, nisi aqua? Igitur etiam in aqua verbum mūdāt. Hinc Paulus dicit, quod Christus Ecclesiam quidē mundat lauacro aquæ, sed addit, In verbo. Sic verbum Christi etiam alijs Sacramentis vim & efficaciam tribuit, &c. Vides igitur verē dictū esse nos mundari propter sermonem Christi. Vides quātus thesaurus sit verbum Dei, & quā cæci simus, qui hunc thesaurum tam nihili pēdimus. Hoc igitur verbo & Apostolos & omnes Christianos nos ad maiora hortatur, cum ostendit eos non frustra sibi inhæsisse, aut sermonem suum audiuisse. Quod si ita tanta acceperunt, quis dubitat eos maiora accepturos, si persistant in fide: id quod videmus in Apostolis factum, imò experimur in nobis.

Manete in me.]

Necessaria admonitio, alioquin putare possent satis esse, quod mundati sint. Docet igitur hoc verbo, etiam eos qui semel purgati sunt, posse relabi. Ideo Paulus ait: Qui stat, videat ne cadat. Et iterum: Tu fide stas, vide ne efferaris animo, &c. ne fortē nec tibi parcat, qui naturalibus ramis non pepercit. Vide au-

tem clementiam saluatoris. Ita nos inuitat, quasi ipse nostri indigeat, cum tamen ipse bonorū nostrorum non egeat, sed nos ipsius gratiæ. Sicut enim vitis nihil à palmitibus accipit, sed ipsi à vite, & sicut vitis potest esse & manere sine palmitibus, palmites autem nō possunt manere sine vite: sic Christus nihil à nobis accipit, sed nos ab ipso: possetque pianē sine nobis esse, sed non nos sine ipso, & tamen ipse nos inuitat, cum iustus nos eius gratiam ambire & quære debueramus. Deinde nihil durum nobis præcipit, sed tantum vt in ipso maneamus. Quid leuius posset præcipere? Manemus autem in Christo per fidem & dilectionem. Hæc duo nos Christo coniungunt. Fides excitat intellectum, charitas affectum.

Et ego in vobis.]

Non sine causa prius dixit: Manete in me, & nūc subdit: [Et ego in vobis.] Quamdiu enim nos in ipso manemus, & ipse manet, nec derelinquit nos, nisi prius eum reliquerimus. Hinc ad Saul lem dicitur: Quia proficisci Dominum, profecit te Dominus. Et iterum: Dereliquisti me, & ego dereliqui vos. Manet autem Christus in credentibus per gratiam, per diligentem custodiam, per singularem prouidentiam. Verē felices, in quibus Christus sic manet.

Sicut palmes non potest ferre fructum, &c.]

Nedum promissis eos allicit, vt in se maneant, sed etiam terret denuntiatione damni, quod credentibus à Christo imminet. Vt enim palmes decisis à vite nunquam germinat: sic nos à Christo decisi nunquam secundum virtutē germinabimus. Christus est enim qui per gratiam Spiritus sancti, quasi per aquā irrigat & nutrit, vt possimus pietatis edere fructus. Vnde dicit: Si quis sitit, veniat ad me, & bibat, &c. Et David: Apud te est fons vitæ, &c. Ex hoc verbo patet, Ethnicorum virtutes non esse bonos fructus, quia ipsi Christo insiti non sunt. Deinde hoc verbū ostendit palam cunctis præsumptoribus humanæ possibilitatis inopiam: quasi diceret: Viden tur nimij assertores liberi arbitrij, se nō

indigere auxiliantis & miserantis gratia Dei, tanquam volentes & currentes sua velocitate, sempiternae vitae fructum comprehendere possint. Ego autem dico, eos iure tollendos à vite, nisi omnem pulchritudinem, omnemque fructuum venustatem non ex seipsis, sed ex vitis intima radice prodire consiteantur. Deum hoc verbo etiam commendat & defendit veram corporis Ecclesiae unitatem, docetque eos, qui se ab unitate Ecclesiae segregant, bonum fructum facere non posse. Sicut enim palmes decus suam speciem quidem habet palmitis, sed non vivit, nec ad aliquid usui esse potest, nisi ad ignem: sic ab Ecclesia praecisus, etsi videatur iustus & sanctus, etsi verbum Dei & Sacramenta videatur habere, tamen non vivit, nec quicquam boni habet, &c. Fugiamus igitur scismata, & diligamus unitatem. Igitur si bona opera facere cupis, ante omnia vide ut in Christo sis, ea enim sola bona opera sunt, quae in Christo manentes facimus.

Ego sum vitis, vos palmites.]

Repetit quod supra dixerat, tum ut fortius imprimeret cordibus nostris, se esse salutis nostrae proram & puppim. Iuxta illud: Ego sum α & ω , tum ut expressius de palmitibus differeret, quod supra omiserat. Nec inutilis tautologia aestimanda est repetitio haec, sed potius certissimum signum, quod summè nobis consultum exoptat Deus: alioquin non toties eandem rem inculcasset. Dicendo igitur: [Ego sum vitis,] omnis boni fontem se esse ostendit, quasi diceret: Ego sum, qui nedum mea bona credentibus communico, sed etiam per fructus meos, qui sunt dona spiritus, corda hominum laetifico, tristitiam repellō, calefacto, ac omnium terrenorum obliuisci facio: denique fortes & audaces reddo. Ideo alibi dicit: Si quis sitit, veniat ad me, &c. Discipulos autem, imò omnes in se credentes nominat palmites. Primò, ut vel ex hoc nomine discant, quàm gloriosum sit adhærere Christo, quàmque miserum ab eo seiungi. Sicut enim nihil præciosius, speciosius, & nobilius est palmite, quamdiu in vite manet, eodemque nihil abiectius & inutilius, si abscisus fuerit, adeò, ut ne palmitis villus ex eo fieri possit, quo aliquid sus-

pendatur: sic Christiano nihil nobilius, felicius, gloriosius, quamdiu manet in vite Christo: nec mirum. Quomodo enim non felix est, cui promittitur regnum caelorum? Hinc Petrus: Vos, inquit, estis genus electum, regale sacerdotium, &c. Et iterum: Tanta nobis promissa data sunt, ut effecti simus divinae consortes naturae. Econtra nihil contemptibilius homine à Deo se auerente. Hinc Petrus: Contingit, inquit, illis quod dicitur: Canis reuersus ad vomitum, & sus lota in volutabro luti. Imò melius esset ei homini, si natus non fuisset. Melius enim esset viam veritatis nunquam agnouisse, quàm post agnitam retrorsum conuerti. Deinde, quod credentes in se nominat palmites, plañe ostendit, à Christianis plus aliquid exigì, quàm ab his qui fuerunt in veteri Testamento, imò nihil non magnum. Ob eam causam illi oliuæ aut ficui, frugiferis quidem arboribus, comparantur. Ut quum David dicit: Ego sicut oliua fructifera. Nos autem palmitibus comparat, qui nedum fructus, sed & omnium optimos producunt. Quantò igitur fructus vitis excellit fructum oliuæ, tantum excellere debet iustitia & sanctitas Christianorum sanctitatem veterum. Ab illis exigebantur boni fructus, à nobis optimi tantum abest, ut nobis oriri liceat: id quod quidam impijssimè sibiipsis persuaserunt. Docet igitur nos hoc verbum primò, ut magni aestimemus ea, quae per Christum nobis donata sunt. Secundò, ut curemus optimis moribus respondere capiti nostro. Tertiò, ut omni studio caueamus, nè à gratia excidamus. Quartò, ut prolapsi non demus somnum oculis nostris, donec iterum inseramur.

Qui manet in me, & ego in eo, hic fert, &c.]

Et hoc de mutua mansione non frustra repetit. Omnino enim nobis persuasum esse vult, ut summum commo- dum aestimemus, Christo adhærere: summum autem damnum, ab ipso excindi. Neque enim aliud in causa est, quod tepidi sumus ad quærendam gratiam, quàm quòd nescimus, quantùm bonum sit, Dei gratiā habere: nec aliud in causa est, quòd

1. Pet. 2.

2. Pet. 2.

2. Pet. 2.

Mat. 26.

2. Pet. 2.

Psal. 51.

quod tam facile à Deo auertimur, quàm quod nescimus, aut nō cogitamus, quanta mala immineant his, qui se à Deo auerterunt, & auertunt. Christus igitur utrunq; nobis ob oculos ponit, & commoda piorum, & incommoda impiorū, ut si quem non moueat utilitas, saltem deterreat periculum. Primò igitur generaliter loquitur, quid gratia operetur in pijs: Qui manet, inquit, in me, fert fructum. Sic in Osea dicit: Ero quasi ros, Israel germinabit ut lilium. Ex me fructus eius inuentus est. Et Hieremias: Benedictus qui confidit in Domino, &c. Erit enim tanquam lignum plantatum iuxta aquas, quod fructum suum dabit in tempore suo. Emphasim autem habet quod dicit: [Hic fert fructum,] quasi diceret: Nullus alius fructificat, nec quicquam bonum dici potest, quod non ex succu huius vitis procedit, imò omnes alij tantum malos fructus faciūt, iuxta illud: Non est qui faciat bonum, &c. Igitur qui bene operari vult, primò omnium curet, ut in Christo sit: alioquin ingratum erit quicquid operatur. Nec simpliciter fructum fert, sed multum fructum. Primò enim fructum fert intra se, deinde etiā extra se, ad proximos scilicet. Hæc igitur est vera nobilitas Christiani hominis, si eo modo fructificat.

Quia sine me nihil potestis facere.]

1. Cor. 14. Nec mirum: nemo enim sapiens esse potest sine sapientia, nemo iustus sine iustitia, nemo verax sine veritate, nemo fortis sine fortitudine, nemo videt sine luce, &c. Christus autem factus est nobis sapiētia, iustitia, veritas, virtus, lux, &c. imò omne bonum. Huc pertinet quod 1. Co. 15. Paul⁹ ait: Gratia Dei sum, id quod sum. Item, Omnia possumus in eo, qui me confortat. Item, Non sumus sufficientes cogitare aliquid ex nobis, &c. Item, Ipse operatur in nobis velle & perficere. Osee. 13. Et in Osea: Perditio tua ex te, ex me auxilium tuum. Nemo igitur suis viribus confidat: Maledictus enim qui ponit carnē brachium suum: is enim erit sicut miricæ in deserto, &c. Docemur itaque quicquid boni in nobis est, Deo acceptum ferre. Sic Esaias: Omnia opera nostra operatus es in nobis. Et Da-

uid: Non nobis Domine, non nobis, sed nomini tuo da gloriam. Et Paulus: Qui gloriatur, in Domino gloriatur. Signanter autem obseruandum est, quod dicit: [Sine me nihil potestis.] Nihil (inquit) ne quis nimium tribuat libero arbitrio, aut viribus suis.

Si quis in me non manserit, mittetur foras.]

Recenset mala auertētium se à Christo. Vbi primò hoc obseruandum, quod dicitur [Mittetur] præmisit: [Si in me non manserit.] Nullum enim reijcit Deus, nisi seipsum prius priuauerit gratia, ut suprā dictum est. Primum autem malum: [Mittetur foras,] ab agricola, scilicet Patre, eo modo, quo suprā dictū est. Deinde etiam ab Ecclesia mittetur foras, ut membrum putridum, quem admodum Christus præcipit: Si ecclesia non audierit, sit tibi sicut Ethnicus. Et Paulus: Si quis inter vos fornicator aut adulter est, cū hoc nec cibū sumere. Auferte igitur malum de vobis. Subdit: [Et arescet,] nec mirū: quomodo enim non aresceret, qui è capite nec sensum nec motum percipit? Sic Iudas huiusmodi homines dicit arbores autumnales. Nec id satis malorum, sed insuper colligent eum, hi scilicet qui de regno Christi colligent omnia scādala, Angeli sancti. Vel angeli maligni, de quibus Esaias: Colligentur colligatione fascis, & mittentur in carcerem, &c. Sequitur: Et in ignem mittetur, in ignem scilicet cōscientiæ, deinde in ignem sempiternum. Addit: Et ardet, non dicit, ardebit: sed, ardet. Iam enim sententia in huiusmodi homines lata est. Qui enim non credit, iam iudicatus est. Tantorum igitur enumeratione malorū terret impios. Dein de per hoc etiam consolatur pios, quod qui eos nunc persequuntur, aliquando eiicientur in ignem æternum.

Si manseritis in me, & verba mea in vobis, &c.]

Hæc duo semper cōiungit, quamvis hoc loco nonnihil mutauerit verba. Quod enim suprā dixit, Qui manet in me, & ego in eo, hoc nunc aliter exprimit, nempe, Et verba mea in vobis manserint: per hoc enim ostendit, quomodo ipse in nobis maneat, nempe per verbum suum.

suum. Et is verè habet Christum in se, qui verbum eius habet & sequitur vel imitatur. Magna autem promissio est, quod fidelibus promittitur exauditiō orationum. Quid enim obest, etiamsi Christum non videant, quum certi sint, orationes suas exaudiri? Pulchrè autem præmisit: [Si manseritis in me, & verba mea in vobis.] Per hoc enim ostendit, quorum orationes exaudiantur, & ad quos spectet hæc promissio. Deinde, verbum hoc præmisit, ne cui scrupulū moueat, quod dicit: Quodcunque vo-
lueritis, cum videamus etiam sanctissimos nō semper exaudiri: Si, inquit, verba mea in vobis māserint, nihil malum peteris, sed nec quicquam quod ad salutem nō expediat. Verbum enim meum satis vos docebit, quid Deum deceat dare, & quid vos deceat petere ab eo.

In hoc clarificatus est Pater meus, &c.]

Verbum hoc quidam sic accipiunt, vt sit consolatio Apostolorum, quos ad prædicandū Euangelium mittebat. Quasi diceret: Non vos grauare debet labor, etiam quicunque, nec vos auertāt pericula: quandoquidē vestro ministerio gloria Dei crescit: hoc tantum curate, vt plurimos adducatis: quod enim plures cōuertitis, eō magis Deū glorificatis. Iam si indefesso animo gloriam Dei promoueat, non cessabit & ipse vos glorificare. Ipsius enim verbum est: Qui me, inquit, honorificat, honorificabo eum. Docemur hic propter promouendam Dei gloriam nullum laborem aut periculum fugiendum. Docemur item, vt in omnibus operibus nostris gloriam Dei quæramus & intendamus: Potest etiam generaliter accipi hæc sententiā, quod scilicet ad gloriam Dei pertinet, si efficiamur. Christi discipuli, & fructum feramus. (Nā hæc duo simul esse oportet.) Hinc in Esaia dicit: Populum istum formauit mihi, laudem meam narrabit, &c. Et iterum: Germen plantationis meæ opus manus meæ ad glorificandū. Non tantum ob id, quod Christiani Deū glorificant verbis, enarrantes virtutes eius, qui eos vocauit, &c. sed etiā quia in ipsis glorificatur, hoc est, gloriosus apparet Deus. Est quidem in se Pater ab æterno gloriosus, sed non semper manifestè

gloriosus apparet. Quemadmodum mirabilis, sapientissimus & liberalissimus ab æterno fuit, non tamen talis ante orbis conditionem apparuit. Nam sapientia, potentia, & liberalitas eius postea in creatione mundi apparuit: ita semper in seipso glorificatus est, sed non semper sic apparuit. Nunc autem reuelatur gloria eius in electis. Qui enim antea nesciebant Deum misericordem, nunc in tot milibus quos redemit, eius misericordiam cernūt. Qui antea nesciebant Deū sanctum, nunc id ipsum vident in eo, quod non alios habere dignatur discipulos, quā qui sancti sint. Reuelatur igitur gloria Dei, quā sanctificat electos, quum efficit, vt fructum ferant, quum in ipsis vincit Satanam, &c. Obserua diligenter, quod Deus suam gloriam ducit, si pietati studeamus: quemadmodū & suam ignominiam, si sub nomine eius impiè viuamus, quēadmodum in Esaia Esa. 52 dicit: Propter vos nomē meum blasphematur inter gentes. Hoc autem vel solum nos à vitijs ad pietatē excitare posset. Quis enim non vereretur peccare, si per hoc sciret se nomen Dei blasphemare? Quis non libenter pietati studeret, si crederet per hoc se Dei gloriam promouere? Ex hoc loco colligere possumus, cur Deus tam magnifice remuneret opera nostra. Hoc enim non fit, quod in se tam bona sint, sed quod per ea glorificatur Deus. Quod autem Christus non simpliciter dicit, Vt fructum afferatis, sed: Vt plurimum fructū afferatis, ideo fit. Primò, vt sciamus nescire meliores (quod supra dictum est) sed etiam plures fructus à nobis exigī, quā à veteribus illis. Quia enim maiora nobis contulit & plura, etiam plura meritò à nobis exigit. Cui enim multum datum est, Luc. 12 multum exigitur ab eo: vt vel hic videas, quantum à veritate deuiant, qui pia opera omittunt aut dedocent, &c. Deinde, per fructum plurimum ostendit, non satis esse, si fidem habeamus, nisi & charitatem habeamus. Bonus quidem fructus fides & credulitas, qua vincimus Diabolum, sed vltra hoc etiam alius fructus requiritur, charitas scilicet, qua vincimus hominum iniurias, imò etiam

etiam proprii cordis cupiditatem & sui ipsius amorem.

Sicut dilexit me Pater, & ego dilexi vos.

Nihil otiosè in hac concione Christi dicitur. Nam quamuis eadem sæpè repetantur, est tamen hæc tautologia spiritui contrito & humiliato admodum accepta. Quid enim dulcius afflicto, quàm hanc vocem à Christo audire? [Sicut dilexit me Pater, &c.] Ita autem dilexit Pater Filium, ut communicauerit ei omnia bona sua, & sub cruce conseruauerit, de morte ad vitam reduxerit, animamque eius ab inferno liberauerit. Iam cum Christus dicat se eodem modo nos diligere, planè ostendit, quòd etiam ipse nobis bona sua communicare velit, sub cruce conseruare, de morte ad vitam reducere, & ex inferno liberare. Atque hæc sunt, quæ omnium maximè conscientiam confirmare possunt in omni aduersitate, quantumcunque ingenti. Docet item hoc verbo, non ideo ipsis omnia prosperè cessura in mundo, quòd diligantur à Christo: Pater (inquit) diligit me, interim tamè cruci me subiicit. Eodem modo & ego vos quidem diligo, verum non ideo effugietis crucem, quare non est, quod animum despondeatis: videtis enim mihi similia contigisse.

Manete in dilectione mea.

Necessaria planè admonitio. Nihil enim prodest semel Deum dilexisse, vel à Deo dilectum esse, nisi perpetuò fiat. Dupliciter autem exponitur verbum hoc. Primò passiuè, de dilectione qua diligimur à Deo, ut sit sensus: Semel in gratiam accepti estis, & à Deo diligimur, hoc deinceps vobis curæ sit, ut in gratia Dei permaneat, ac perpetuò diligamini ab eo, quod quomodo fieri possit, sequens verbum ostendet. Secundò exponitur actiuè, de dilectione qua nos diligimus Christum, ut sit sensus: Cœpistis mihi per fidem & dilectionem adhærere, videte ut perseueretis. Nō enim qui cœpit, sed qui perseuerauerit usque in finem, saluus erit.

Si præcepta mea seruaueritis, manebitis, &c.

Et hoc verbū de duplici illa dilectione

ne intelligi potest, actiua scilicet, & passiuā. Primò igitur ostendit, quonam modo ad hoc pertingere possimus, ut perpetuò à Deo diligamur: [Si (inquit) præcepta mea seruaueritis] certò polliceor, quòd perpetuò diligam vos. Per præcepta autem sua intelligit primò ea, quæ ipse à Patre accepit perficienda, ut scilicet homines redimeret, &c. Deinde ea, quæ ipse dedit nobis obseruanda, ut est dilectio, sicut suprà dixit. Mandatum nouum do vobis ut diligatis, &c. Igitur, qui Christum credit in carnem venisse, & mortuū esse pro peccatis nostris, &c. proximumque suum diligit, hoc est, qui fidem & charitatem habet, is præcepta Christi seruat, & ob id certus est, quòd à Deo diligatur, etiam si interim aduersa sustineat. Hinc Paulus: Certus sum, quòd neque mors, &c. nos separare possit à charitate Dei, qua scilicet ipse diligit nos. Deinde hoc verbo ostendit, eos tantum verè & permanenter diligere Christum, qui non verbo tantum, sed impletionem præceptorum testantur se diligere Deum, ne quis se putet diligere Deum, citra impletionem præceptorum. Hinc Ioannes dicit: Qui dicit se diligere Deum, & fratrem suum odit, mendax est. Quomodo enim Deum, quem non videt, potest diligere, si fratrem, quem videt, non diligit?

Sicut & ego præcepta Patris mei seruauit, &c.

Seipsum ponit in exēplum, ne quis causetur de grauitate præceptorum. Deinde, ut ostendat se iure præcipere posse: quandoquidem ipse prior fecit quod iubet. Tertiò, se in exemplum proponit, ut ostendat perfectissimum exemplar. Sunt quidem & pñ nobis exemplo beatæ vitæ, sed vitam non largiuntur, nec usquequaq; perfecti sunt: Christus autem usquequaque perfectus est, & nō solum docet voce externa, sed etiam per spiritum cordi imprimit quod docet, quemadmodum in Hieremia dicit: Dabo legem meam in corde illorum, &c. Congruè autem Christus gloriari potuit, se præcepta Patris seruasse. Nam Apostolo teste, Exinanuit seipsum faciens obediens usque ad mortem. Notandum autem, quod cum dicit: [Sicut ego

ego seruauis,] non æqualitas dilectionis vel obedientiæ præcipitur: hanc enim nullus homo assequi potest. Quomodo enim æqualitatem obedientiæ assequamur eius, qui peccatum non fecit, nec inuentus est dolus in ore eius? Quomodo dilectionem eius æquabimus, de quo dicitur: Dilexisti iustitiam, & odisti iniquitatem, propterea vnxit te Deus, &c. Sed tantum requiritur à nobis vel quantalacunque similitudo & imitatio. Emphasi autem habet, quod dicit: Et maneo in eius dilectione. Quasi diceret: Quantumcunque mundus me iudicet ut Deo odiosum, tamen ipse me diligit. Et quamuis arduum negotium mihi imposuerit, nō tamē ob id minus eū diligo. Vtinā & nos hoc dicere possemus.

Hæc locutus sum vobis, ut gaudiū, &c.]

Ne discipuli ob id tristarentur, quod infrugiferos palmites dixit excindēdos, dicit, se hoc non ad terrorem illorum dixisse, sed ad gaudium. Deus enim etiā cum iudicium comminatur, nihil aliud querit, quā salutem nostram. Hinc Dauid: Ira in indignatione eius, & vita in volūrate eius. Et Deus ipse in Hieremia: Cogitationes meæ, cogitationes patris & non afflictionis, &c. Potest & verbum hoc referri ad omnia, quæ hactenus per totum Euāgelium dixit. Quasi diceret: Quod me dixi lucē, vitam, fontem, & panē viuū, ostium, pastorem, viam, veritatem, vitam, resurrectionē, &c. Item quod idem cum Patre sim, quod vos diligam, &c. omnia eō tendunt, ut gaudium meum in vobis sit, hoc est, ut conscientiæ vestræ perfectē quierentur, & gaudeant. Signanter autem addit: [Gaudium meum,] sicut supra: Pacem meam, ne quis mundanum aliquod aut carnale suspicetur gaudiū. Vides quod Christus in Euangelio suo hoc solum intenderit, ut cōscientiis cōsulatur. Et nos igitur nihil aliud in Euāgelio quæramus. Impii igitur in Christum sunt, qui ex Euangelio carnis libertatem statuere conantur. Potest etiā sic intelligi: [Ut gaudium meum in vobis sit,] hoc est, ut de hoc gaudeatis, de quo ego. Gaudius est autem Christus de salute nostra. Hinc exultasse dicitur in spiritu, cum discipuli rediissent à præ-

dicatione, &c. Sic de Samaritanorum salute adeo exultauit, ut diceret cibum suum esse, voluntatem Patris perficere. Vel, [Ut gaudium meum in vobis sit,] hoc est, ut ego de vobis ut de bonis filiis glorier: Quia beneplacitum est Domino in populo suo. Et gaudium Domino, est fortitudo vestra. Vel, [Ut gaudium meum in vobis sit,] hoc est, beatitudo & gloria mea vobis communicetur in Patria, prout Apostolus dicit: Si compatimur & conregnabimus. Ideo subdit: Et gaudium vestrū impleatur. Hic siquidem incipitur, sed in futuro impletur. Iuxta illud: Satiabor cum paruerit gloria tua, & adimplebis me lætitia cum vultu tuo. Sicut igitur Christus hæc duo potissimum intendit, videlicet, ut hic gaudium conscientiæ haberemus, & illic perpetuam felicitatem: sic nos hæc duo tantum ex Euangelio quæramus, &c.

Hoc est præceptum meum, ut diligatis inuicem.]

Quemadmodū lex principaliter duo tradit, quomodo scilicet Deo seruiamus, & quomodo cum hominibus conuersemur: sic Christus hactenus verum Dei cultū docuit, qui in fide, spe & charitate consistit. Iuxta illud: Venit hora, quando veri adoratores adorabunt Patrem in spiritu & veritate. Et iterum: Hoc est opus Dei, ut credatis in eum, quem misit. Nunc alteram partem ab soluit, quomodo scilicet cum hominibus conuersandū sit. Et quamuis etiam supra de dilectione præceperit, hic tamē ea repetit, tum ut fortius imprimat, tum ut os occludat his, qui opera damnant, tum etiam ut videamus, quales fructus à palmitibus suis exigat. Præterea etiam ideo repetit, ut sciamus non leuiculam rem esse, credere, quandoquidem tam magnum fructum profert. Demū, quia iam dixerat: Manete in dilectione mea, congruē nūc de dilectione proximi subiungit. Duplex enim præceptū est dilectionis, &c. Hinc spōsa dicit: Introduxit merex in cellam vinariam, ordinauit in me charitatē. Item dixerat: Si præcepta mea seruaueritis, &c. congruē igitur nūc ea præcepta exprimit. Nec obstat, quod illic præcepta, hic præceptum dicitur,

PP

Chap

Charitas enim & vnum præceptum est & multa: Vnum in radice, multa in opere. Rom. 13 Nam, Non adulterabis, Non fureris, &c. omnia hæc in vno verbo includuntur: Diliges proximum tuum sicut teipsum. Singula autem verba Emphasim suam habent. Primum, quod dicit, [Hoc est,] quasi digito monstrat, quid à nobis potissimum exigat, ne carnales etiam hoc præceptum transilient, quemadmodum solent alia transilire, si quid durum videtur, & tantum ea arripere, quæ libertatem quandam concedere videntur. Deinde etiam ideo quasi digito notat hoc præceptum, quia alioqui plerumque magis nobis placeat quæ ipsi eligimus, quàm quæ Deus præcipit. Ideo dicit: [Hoc est, &c.] Hoc, inquam, à te exigo, secundum hoc te iudicabo. Deinde præceptum nominat, ne quis putet esse consilium, atque adeo liberum. Sic enim nobis persuademus, non magni referre etiam si non seruetur: Atque Ioannes plane ostendit magni referre, ut hoc præceptum seruetur. Qui non diligit (inquit) manet in morte. Item, Qui fratrem suum odit, homicida est, quia contra præceptum facit, Non occides: quod non tantum prohibet homicidium, sed etiam iram & odium, ut Christus ostendit. Tertio addit, [Meum.] Non (inquit) philosophorum præceptum est, ut putetis contemnendum. Nec Moyse, ut putetis abrogatum, sed meum est, à me renouatum & expositum, imò & reipsa perfectissimè impletum, ideo minime vobis contemnendum, si Christiani estis. Addit quarto, [Ut diligatis,] quo verbo indicat, se non tantum verba & opera charitatis exigere, sed ante omnia cordis affectum. Fieri enim potest, ut & verba & opera externa fallant. Hinc Ioannes: Diligamus non verbo neque lingua, sed opere & veritate. Addit quintò: [Inuicem,] Non nos ipsos. Item inuicem, sine acceptione personarum. Item inuicem, ut charitas retransseat in eum, à quo exiit. Qui enim ab alio charitate exigit aut accipit, etiam ipse tenetur charitatem præstare, prout potest. Addit sexto. Sicut dilexi vos, ut ostendat, qualem exigat dilectionem. Est siquidem naturalis dilectio ad amicos & cognatos: Est dilectio carnalis, quæ & prohibita est. De nulla harum loquitur hic Christus, sed: Sicut dilexi

vos, inquit. Dilexit autem nos Christus primo gratis & spontaneè. Quis enim prior dedit illi & retribuetur ei? Hinc Ioannes: In hoc est charitas, quod ipse prior dilexit nos, &c. Et Paulus: Commendat charitatem suam Deus, quod cum adhuc inimici essemus, &c. Deinde dilexit non nostra, sed nos. Item non peccata, sed personas. Præterea sic nos dilexit, quod omnia sua ad dilectionem & commodum nostrum ordinauit, verba, opera, miracula, vitam, seipsum, corpus, sanguinem, animam, diuinitatem. Verbis docuit, exemplis præcessit, miraculis confirmauit, vitam expendit, seipsum obtulit, corpus & sanguinem in cibum dedit, animam in prælium, diuinitatem in subsidium & refugium contra Diabolum. Eodem modo & nos iubemur diligere proximum, &c. Vides iam, quantum exigat hoc vnum præceptum: vides quàm non habemus occasionem otiaendi: vides quod hoc præceptum omnes nos convincit esse peccatores. Imò hoc verbo præcipitur extrema extenuatio nostri, sicut Christus se infra omnes humiliavit & abiecit. Hinc & alibi dicit: Qui vult me sequi, abneget semetipsum, &c. Præterea interdicitur nobis quaecumque vindicta, quemadmodum Christus nulla iniuria ad odium, nullo dano ad vindictam permotus fuit. Dictum est enim: Mihi vindictam, & ego retribuam. Sicut enim Deo adimit gloriam, qui ipse se iustificat, qui sibi sapientiam arrogat: ita Dei gloriæ derogat, qui vindictam sibi arrogat.

Maiorē hac dilectione nemo habet, &c.]

Hoc addit, ne quis subiiciat, quemadmodum olim Iudæi: In quo dilexisti nos? ac plane ostendit, quod non tantum nos dilexerit, sed & summè dilexerit & summo gradu. Habet enim dilectio gradus quosdam. Infimus gradus est, ubi quis diligit diligenter se: hoc enim etiam Publicani & Ethnici faciunt. Altior autem gradus est, si diligat eum, qui non bene facit aut diligit. Summus autem, si diligit inimicum, qui & odit & male facit. Sic magna charitas est benefacere de suo: maior autem benefacere de seipso: maxima autem, mori pro his, quos diligit. Facile enim pecuniam & operam impendimus, non sic autem

autem vitā, quæ charissima est. Vtque
autem modo Christus summam chari-
tatem, & qua maior esse nō potest, osten-
dit. Nam & inimicos dilexit, & denique
vitam pro eis impendit. Nec huic dile-
ctioni simile est, quod aliqui Gētilium
pro patria mortui sunt: vt Curtius &
duo Decii, qui se pro patria deuouerūt.
Hoc enim fecerunt laudis cupiditate, &
honorifica mortis consuetudine, qua
mortis horror vel parte aliqua molli-
tur. Proinde non ē vera charitate, qua
ciues diliguntur, hoc proficiscebatur,
sed qua potius vnusquisque se suamque
gloriam diligit. Mori autem turpiter,
idque pro inimicis, hoc opus hic labor
est. Posset adhuc inueniri, qui gloriosa
morte pro amicis occumberet, sed qui
turpi morte & pro inimicis moriatur,
nemo facile inuenietur. Quod autē Chri-
stus dicit (Pro amicis suis) non intelli-
git de his, qui ipsum dilexerunt: nemo
enim Christum prior dilexit: sed de his,
quos ipse adhuc inimicos existentes,
prior dilexit, & morte sua amicos fecit.
Vnde Paulus: Pro bono forsitan quis
mori sustinet. Commendat autem chari-
tatem suam Deus, quod cū adhuc
essemus peccatores, Christus pro nobis
mortuus est. Hoc itaque suo exemplo
Christus docet, non simplicem à nobis
exigi dilectionem, sed summam, qua, si
opus fuerit, etiam vitam pro fratribus
ponamus. Vbi vide, quantum nos ab-
sumus ab hac dilectione, qui etiam graua-
mur vel minimū quid fratribus impen-
dere. Signanter autem hoc verbo mo-
net Apostolos ad fortitudinē, vt & ipsi
exemplo suo discant, proximorum sa-
lutem pluris facere, quā sua ipsorum
incommoda, vel etiam mortem. Obser-
ua autem, quod cū dicit, charitatem
hoc exigere, vt si opus sit, etiam ani-
mam ponamus, per animam hic intelli-
git vitam corporalem, non internum ho-
minem, vel conscientiam. Nemo enim
debet animam suam spirituali morti,
hoc est, peccato exponere, vel eius salu-
tem postponere propter proximorum
profectum: Non enim faciēda sunt ma-
i, vt eueniant bona. Quid prodest ho-
mini, si vnuersum mundum lucretur,
animæ verò suæ detrimentum patitur?
Miserere, inquit, animæ tuæ placens

Deo: Qui enim sibi malus, cui bonus? Ecc. 3. 9.

Vos amici mei estis, si feceritis quæ, &c.]

Ne causentur de grauitate præcepto-
rum, addit promissionem, & quidem nō
vulgarem. Amicitia enim suam offert,
quæ quantum bonum sit, vel ex hoc
conijci potest, quod etiam in mundo ni-
hil iucundius est amicitia vera & synce-
ra. Nulla autem amicitia hominum glo-
riosior est, quā amicitia Dei. Hæc est,
de qua tam magnificē sancti gloriātur,
vt Ioannes: Videte (inquit) qualem cha-
ritatē dedit nobis Deus, &c. Et Petrus:
Quoniam omnia nobis diuinæ virtutis
donata sunt, &c. ad longum. Deinde
nulla amicitia vtilior est quā Dei, id
quod manifestant exempla patrum, &
omnium ptorum. Præterea, nulla ami-
citia constantior. Deus enim quos se-
mel in amicitiam suscipit, perpetuò re-
tinet, nisi ipsi desciscant: Nunquid (in-
quit) potest mater obliuisci infantis
sui, &c. Ego tamen non obliuiscar tu.
Ad hæc nulla amicitia insignis tam fa-
cile acquiritur, quā amicitia Dei: tan-
tū enim dicit: Si feceritis quæ præci-
pio vobis. Omnes igitur possumus hæc
amicitiam adipisci, quicumque tandem
sumus, si ipsius præcepta seruamus.

Iam non dicam vos seruos.]

Hoc loco Christus subiicit testimo-
nia amoris sui erga nos, quorum primū
est, quod nos non seruos, sed amicos fe-
cerit. Serui erant omnes homines, quia
peccatores: Omnis enim qui facit pecca-
tum, seruus est peccati. Nemo nostrum
audebat corā Deo comparere. Nemo
audebat sperare hæreditatem Dei: deni-
que suo tempore etiam ē domo Dei ei-
ciendi eramus: Seruus enim non manet
in domo in æternum. In hunc modum
seruos nos fecit peccatum. Deinde ser-
uiteramus diaboli, qui potenter nobis
dominabatur, & quocunque volebat
nos ducebat. Præterea & lex seruitutis
iugum augebat, quæ & multa & ardua
exigebat, nec tamen vires subministra-
bat: quo fiebat, vt legem quidem fe-
rētes, inuiti tamē & reluctantes sola spe
mercedis aut timore poenæ sequeretur.
Atqui legē sic obseruare, verē spūs est
seruitutis, nō spūs filiorū. Christus igitur
PP. ij dicens

dicendo. Iam non dicam vos seruos, ostendit, quod ipse nos & à peccatis, & à Diabolo & à lege liberare possit & velit, non ut lex non fiat, sed ut non damnet. Item ut voluntarie fiat & seruetur, quod solus Spiritus sanctus præstat, quem Christus dar, Emphasis autem habet, quod dicit [Iam.] Iam (inquit) per passionem meam peccatum abolebo: Iam cum Diabolo congregiar, & vincam: Iam male dictum legis destruiam, factus maledictum: Iam spiritum vobis impetrabo, quo deinceps Dei præcepta non serui spiritu, sed spiritum adoptionis, spiritu libertatis impleatis. Habet & illud Emphasis, quod addit: [Ego non dicam vos seruos.] Ego (inquit) vos honestiori titulo nominabo, verum non ex hoc superbi debetis, sufficit, quod ego non dicam vos seruos. Vos autem etiam si omnia feceritis, tamen dicere debetis, Serui inutiles sumus. Item, non dicam vos simpliciter seruos, sed seruos meos. Liberaui quidem vos à misera illa seruitute, non tamen ut nunc otiemini, sed ut perpetuo seruletis iustitiæ à Deo.

Quia seruus nescit quid faciat Dominus eius.]

Sicut Paulus discernit filios à seruis in hunc modum, filios esse, in quibus spiritus adoptionis est: seruos, in quibus spiritus non est. Filios hæredes esse vitæ æternæ, seruos enī: sicut & solus Isaac hæreditatem Patris adeptus est, Ismael alio ablegatus. Ita Christus hic discernit seruos ab amicis, quod serui nesciant voluntatē Domini, amici sciāt. Non solemus enim seruis concedere arcana consilia. Verè autem dictum est: Seruus nescit quid faciat Dominus ei. Qui enim peccati & Diaboli seruus est, non intelligit opera Dei etiam in creaturis, nec attendit cur quodque faciat Deus. Nescit ex creatis agnoscere creatorem, eiusque potentiam & bonitatem. Sed nec scit aut intelligit, quid Deus pro salute hominum fecerit, & faciat, nec intelligit, quid in futuro de bonis & malis facturum sit. Hinc Christus: Si cognouisses & tu, &c. sed abscondita sunt ab oculis tuis, &c. Item confitebor tibi Pater, quod abscondisti hæc à sapientibus, &c. Tanta est cæcitas

& ignorantia impiorum. Deinde etiam, qui sub lege seruit, nescit quid faciat Dominus eius: nescit quid sibi velit lex: nescit quod non ad iustificationem data sit, sed ad peccati ostensionem. Deinde, nescit cur Dominus aduersa immittat, ideo cum mali quippiam acciderit, irascitur, impatiens est, blasphematur. Item nescit bonā Dei voluntatem etiam in aduersis constare, nescit quid de Deo boni sperare possit. Pii autem sciunt cōsiliū Domini esse, remittere peccatum, iustificare credentem, sub cruce benedicere, sub morte viuificare, &c. Proinde non est, quod vel peccatū vel mors vel afflictio tanto mœrore ipsos afficiat ut animum despondeant.

Vos autem dixi amicos.]

Magna Christiani hominis dignitas, quod amicus Dei dicitur & est. Hinc enim securè accessum habet ad Deum, hinc nihil non à Deo expectare & petere audet, hinc etiam ad hæreditatem filiorum Dei admittitur, &c. Verum vnde de hæc tanta gratia? Ego (inquit) vos dixi amicos: Ego illud nomen imposui, ad hunc honorem perduxī. Per ipsum enim gratificauit nos: Et per ipsum accessum habemus ad Patrem: Et de plenitudine eius accipimus, &c. Monet igitur hoc verbo, ut magni æstimemus gratiam nobis collatam. Monet secundò, ut sibi adscribamus quicquid boni habemus. Monet tertio, ut deinceps non ut serui, sed ut amici in domo Dei conuersemur: hoc est, ut non tantum timore pœnæ, vel spe mercedis mala fugiamus, & bona faciamus, sed amore & voluntate ut Deo complaceamus. Monet demum, ut in amicitia Dei, quam accipimus, maneamus.

Quia omnia quæ audiui à Patre meo, nota, &c.]

Signum amicitiae & dilectionis est, quod nobis voluntatem Patris, hoc est, Euangelium, annūtiavit. Nisi enim nos dilexisset, non tanta bona nobis reuelasset. Magni igitur æstimemus verbū Dei & Euangelium, quandoquidē audimus, quod solis amicis conceditur. Obserua quod non simpliciter dicit: Omnia vobis nota feci: non enim necesse est simpliciter omnia nosse, sed addit: [Quæ audistis,

audui.] Non dicit quæ scio, sed quæ audiui, hoc est, quæ iussus sum manifestare. Omnia, inquam, quæ ad salutem vestram necessaria sunt, & iam ostendi per verbum meum, & deinceps ostendam per spiritum meum. In hunc modum & Ioannes dicit: Vnctio vos docet

Sed ego elegi vos.]

Hoc verbo ostendit, unde sit salutis nostræ principium: Ego (inquit) elegi vos. Potest autem verbum hoc intelligi, vel de electione ad Apostolatam, vel de electione æterna ad salutem. Vtrobique enim gratia est, non meritum, & vtrunque per Christum fit. In ipso siquidem & per ipsum elegit nos Deus ante mundi constitutionem. Ipse enim est, qui ascendens in altum, dedit dona hominibus: Et alios quidem dedit Apostolos, alios Evangelistas, &c. Singulæ autem dictiones Emphasim habent. Ego (inquit) qui Deus sum, ac propterea nullius indigens: Ego quæ punire & dānare poterā, nō simpliciter assumpsi, sed elegi vos, multis alijs neglectis ex massa corruptionis. Elegi autem vos, qui in nulla re præ alijs conspicui eratis: Non (inquit) elegit te Dominus, quod maior esses alijs, sed tantum, ob id, quia dilexit te, &c. Nec propter iustitias vestras, &c. cum sis populus duræ cervicis. Elegi vos, nō diuites, non potentes, sed vos pauperes idiotas, &c. Videte igitur vocationem vestram, &c. Docet igitur Christus hoc verbo, quod ipse sit author nostræ salutis. Deinde, quod gratia est quicquid habemus, siue sint dona illa iustificatiōis, fides, spes, charitas, Spiritus sanctus, &c. siue externa illa dona, quæ alio nomine dicuntur gratiæ gratis datæ, de quibus Paulus in prima ad Corinthios, & ad Ephesios scribit. Vtraque dona per Christum accipimus, vtraque in ipsum referenda sunt. Hac denique gratuita nostri electione, iterum suam erga nos dilectionem probat, quemadmodum & in Malachia per eandem gratuitam electionem Israelitarum probat, quod eos dilexerit: Nunquid (inquit) Esau erat frater ipsius Iacob, & tamen Iacob dilexi, Esau autem odio habui:

Et posui vos, vt edis.]

Iterum alludit ad parabolam de vite & palmitibus: Sicut (inquit) ex vna vite plures palmites nascuntur, quorum aliqui proficæ & ipsi plantantur, vt ex vna vite cum tempore efficiat tota vinea: sic & ego vos posui &

PP. in plan

1. Ioan. 2. 2. Pet. 1. 1. Non vos me elegistis.]

Locus hic notatu dignissimus est. Paucis enim & breuissimis verbis explicat exordium & finem, vel perfectiōnem nostræ salutis, vt non absurdè hic exclamare possim cum Moyse: Verbum quod hodie tibi præceptum, semper sit in corde tuo, narrabisque filijs tuis, sit quasi signum in manu tua, &c. Docet autem hoc primo verbo, quod Deus nullius hominis debitor est, quasi diceret: Qui per alios honorem aliquem consequuntur, merito eorum debitores sunt: vos autem me non elegistis, nihil mihi prius contulistis, nullius vestrum debitor eram, nihil meriti eratis, vt ad tantam gratiam perduceremini, poteram & vos cum alijs relinquere, quā cæteri infideles. Sic in Esaia dicit: Non me inuocasti Iacob, &c. sed seruire me fecisti in peccatis tuis, &c. Sic Paulus ait: Gratia saluati estis per fidem, non ex operibus: Dei donum est, ne quis gloriatur. Item, Apparuit benignitas & humanitas Dei non ex operibus iustitiæ, quæ fecimus nos. Non sine causa autem Christus hoc nobis inculcat, quod scilicet nullius debitor fuerit, & quod non meruerimus hanc, quam habemus gratiam. Primo enim hæc cogitatio nos facit humiles. Deinde facit vt gratiora fiant Dei dona & maiora appareant. Magnum quidem est, esse amicum Dei & filium, sed longe excellentius videbitur, si attendas, quod eam gratiam non merueris, sed immerito tibi data sit. Sic magnum est habere sanitatem, diuitias, sciētiā, &c. sed maiora apparebunt, si attēdas, quod nihil horum merueris, imò cum omni-

Ephes. 2.

Ephes. 4.

Psal. 15.

Deut. 7.

Deut. 9.

1. Cor. 1.

1. Co. 12.

Ephes. 4.

Mal. 1.

Mal. 2.

plantaui, vt & alij ex vobis pullulent, sicque totus mundus impleatur. Posui vos, vt eatis, vos latius extendatis: non enim tantum vestri causa electi estis, sed & pro salute aliorum. Item posui vos, vt eatis, nolite sedentes expectare, donec homines ad fidem veniant, sed errantibus manum porrigite, & etiam audire nolentibus, imò & persequentibus sermonem salutis ingerite, &c. hoc est officium Apostolorum. Pertinet hoc verbum etiam ad omnes: ideo enim in Ecclesia positi sumus, non vt nobis tantum consulamus: sed vt etiā alios, quos possumus, adducamus. Item ideo in Ecclesia positi sumus, vt eamus de bono in melius, de fide in opus, semperque proficiamus, non vt sedeamus, multo minus vt retrocedamus.

Et fructum afferatū.]

Primò refertur ad Apostolos, quorū officium est, fructus ferre in horrea Domini. Iuxta illud: Euntes ibant & flebāt, mittentes semina sua, &c. Hinc Paulus: Væ mihi, si non euangelizauero. Signanter autem dicit, vt fructum afferatis, non vt ab alijs fructum accipiat, sed vt ipsi alijs prositis. Licet quidē pastoribus accipere de lana ac lacte ouium, sed non hoc potissimum est, quod eis incumbit, sed pascere, custodire, fouere, &c. Deinde etiam ad omnes nos pertinet verbum hoc: Nobis enim indicitur, vt fecundissimi operibus bonis, si non volumus excindi & in ignē mitti. Hinc David dicit: Iustus vt palma florebit, &c. Et Christus: Luceat lux vestra corā hominibus. Et Paulus: Studeant diuites fieri bonis operibus.

Et fructus vester maneat.]

Manet fructus Apostolorum, quia sunt Ecclesiæ in æternum manētis fundamentum, Iesu Christo summo angulari lapide existente. Deinde ideo manet fructus eorum, quia prædicarunt Euangelium, quod est verbum in æternum constans. Cælum enim & terra transibunt, verba autem Christi non. Præterea ideo etiam fructus eorum manet, quia pro labore suo in æternum præmiabuntur. Hoc igitur verbo Apostolos consolatur, ne propter suam humili-

tatem desperent, se quicquam posse in mundo fructificare. Nō solum (inquit) fructificabitis, sed etiam fructus vester manebit. Manet & piorum fructus, propterea, quod sunt fructus spiritus in æternum manentis. Deinde, quod & ipsi æternaliter præmiabuntur. Admonemur hoc verbo, vt ea operemur, quorū fructus perpetuò manent, non temporalia, quæ transeunt. Qui enim in carne seminat, de carne metet corruptionem. Hinc Christus: Thesaurizate vobis thesauros in cælo, &c.

Vt quodcunque petieritis Patrem in nomine meo.]

Ne vel de labore, vel sua infirmitate causentur, addit insignē promissionem, qua ostēdit, vnde auxilium sit petēdum, vt fructificare possimus, nempe à Deo per orationē. Primus fructus Spiritus sancti, oratio. Misit enim Deus Spiritū filij sui in corda nostra clamantē, Abba, Pater. Manet autem iste fructus in nobis: nam quam primum renati fuerimus ē spiritu, sine intermissione Deum vt Patrem appellamus. Vnde Paulus: Sine intermissione orate. Non igitur habet Christianus, quod conqueratur de impossibilitate præceptorum, cum tantam habeat promissionem, & toties repetitā. Vt autem sciamus, quorum orationes exaudiantur, præmisit: Eat, & fructū afferatis. Qui enim vocationi suæ insecuiunt, his Deus non deest.

Hac mōdo vobis, vt diligatis inuicem.]

Hoc iam tertio præceptum charitatis repetit, vt sciamus ante omnia à Christiano exigī charitatem. Deinde cum dixisset, Apostolorum officium esse, vt euntes fructum ferant, prædicando scilicet gentibus, congruē subiecit præceptū dilectionis, quod vel solum eos ad huiusmodi pios labores inducere deberet. Quis enim cogitat, sibi præceptum esse, vt diligat proximum, is non facillē fugiet labores pro salute proximī. Præterea dicturus de futura ipsorum persecutione, præmisit præceptum dilectionis. Non parum enim solatium præstat in aduersis mutua dilectio fratrum. Si mundus odit, at nos inuicem diligamus, si nullum solatium à mundo habemus, salo

saltem inter nos alter alterum confo-
letur,

Si mundus vos odit, scitote quia me, &c.]

Tria mala Apostolis euentura prædi-
cit: odium mundi, persecutionē à mun-
do, contemptum prædicationis, & vni-
cuique malo remedia & consolationes
apponit, atque adeo fidelem medicum
agit Christus. Haecenus enim contra
præsentia mala eos cōsolatus est, nunc
consolatur cōtra futura. Haecenus con-
tra internam tentationem (quā homo
de diuina voluntate dubitat) remedia
dedit: nunc etiam contra externam ten-
tationē, quæ ex ingratitude mundi or-
ritur, cōsolatur. Non parum enim pios
cruciat, quod tantam experiuntur ingra-
titudinem pro tantis laboribus. Obser-
ua igitur, quod non ad vindictam eos
excitat, sed ad patientiam. Scriptum es-
tim est: Mihi vindictam. Secundo, non
iubet, vt desistant prædicare & benefa-
cere, vbi mūdum ingratum inuenerint,
sed eò fortius perseuerare docet in bo-
no, si forte bono suo aliorum malitiam
superare possint. Vide autem qualem
consolationem contra odium mundi
adferat: Scitote, inquit, &c. Poterat etiā
Gentilium exempla adducere, qui ingra-
titudinem mundi experti sunt, vt Car-
mili, Scipionis, Lycurgi, Themistoclis,
&c. Nam etiam inter Ethnicos, quo ma-
gis quis saluti Reipublicæ consuluit, &
populi commodis, eò pertinaciori odio
à mundo tractatus est. Non enim po-
test mundus ferre bene consulentem, si
is non affectibus eius carnalibus obse-
quatur. Poterat item Prophetarū exem-
pla adducere, qui & ipsi odium mundi
expertī sunt. Quē enim Prophetarum
non occiderunt? Odio (inquit) habue-
runt corripientem in porta. Sic Achab
Michæam odiebat, eò quod ipsum ar-
guebat, &c. Omnibus tamē omisiss, se-
ipsum in exēplum proponit Christus.
[Scitote (inquit) quia me priorem,] hoc
est, quia prior sum. Vel priorem, id est
prius quā vos. Prima igitur consolatio
est, quod nihil noui nobis contigit.
Verus mundi ingenium est, quod ingra-
tus est in bene consulentes. Hinc Io-
hannes: Nolite mirari, si odit vos mun-
dus, &c. Altera consolatio, quod non

soli, sed cum sanctis omnibus patimur.
Tertia, quod cum ipso Christo patimur.
Multo autem melius est cum sanctis &
Christo pati, quā cum impijs gaudere.
Si enim cum illis patimur, simul etiā
cū illis glorificabimur. Econtra, Si cū his
gaudemus, cum ipsis quoque peribimus. 2. Cor.
Hinc Moyses omnibus bonis Aegypti
prætulit improprium Christi, ac ma-
luit cum populo Israel pati, quā cum
Aegyptijs gaudere. Cæterum mundus
odit Christum, quia ex alio mundo ve-
nit peregrinus venit in hunc mundum.
Siquidem peregrinus inter alienos non
facile reperit amicū. Secundo, odit mū-
dus Christum, quia contrarius est ope-
ribus eius, & arguit mundum, quod o-
pera eius mala sint. Omne enim quod
est in mundo, aut est concupiscentia car-
nis, &c. Verū Christus hæc damnat.
Tertio, quia Christus etiam iusticiam,
sapientiam, potentiam mundanam ar-
guit, quod mundus ferre non potest,
ipsum odit.

*Si de mundo essetis, mundus quod suum
est, &c.]*

Similis amat similem, & mala sca-
bies non amat nisi commodē scalpen-
tem. Sic mundus eos amat, qui illi simi-
les sunt, qui non arguunt, sed applau-
dunt, adulantur. Mala siquidem scabie
prurit, nec patitur, nisi qui commodē
scalpit, hoc est, qui loquitur placentia,
&c. Duæ ciuitates ab exordio mundi
construi cœperunt: Prima Dei, altera
diaboli. Prima bonorum, altera ma-
lorum. Et hæ ciuitates semper sibi
aduersantur. Igitur si ciues Babylonis
essetis, mundus vos diligeret, vt suos.
Nunc autem, quia Babylone existis, &
ciues supernæ Hierusalē ascripti estis,
ideo vos odit mundus. Iam nihil obest,
si ciues Babylonis te odiant, dum mo-
do ciues Hierusalē te diligant, imò ipse
Deus. Non igitur tristandum de odio
mundi, imò potius gaudendum. Per hoc
enim aperte monstratur, quod ciues es
sanctorum, quod mundo dissimiles
estis, quod iusti estis, quod veritatem di-
citis. Atque hæc summa vestra gloria
est. Gaudendum igitur, quod à mundo
erepti sumus. Docemur hoc verbo, ne
mundi amicitiam ambiamus: Qui enim

PP. iij. est

Hebr. 12

Cum mōdo odit (Ermy.)

Ioan. 7

1. Ioan. 2

Deu. 32

Ab. 7.

Amos. 7.

3. Re. vi.

1. Ioan. 2

Iacob. 4 est amicus huius mundi, efficitur inimicus Dei. Nec curemus odium mundi, quod diuturnum esse non potest. Suo enim tempore stabunt iusti in magna constantia aduersus eos, qui se angustiauerunt, &c. Deinde mundi odium externè quidem nocere potest, sed non internè. Obserua malitiam mundi, quod nedum malus est in se, sed & bonos odit & argui non vult, quod est certissima damnatio eius.

Mementote sermonis, quem dixi, &c.]

Si nihil aliud, certè hoc vos consoletur, quod & vestri, & mei, & Dei inimici sunt. Sæpius autem hoc verbum inculcat: Non est seruus maior domino suo: nam & suprà etiam hoc dixit. Nihil enim est, quod æquè cōsolari potest hominē, & patientē reddere, q̃ si cogiter, se non maiorem esse Domino. Quomodo enim audebit murmurare, cum videat Dominum eadem, imò maiora passum esse? Quomodo audebit dulcia appetere, qui videt Dominum suum splenis coronatum? Hoc modo Helias consolabatur seipsum: Obsecro (inquit) Domine, tolle animam meam. Non enim melior sum, quàm patres mei. Sūma, ideo nos elegit, vocauit, iustificauit Deus, vt efficiamur conformes imaginis filij eius. Iam, cum Christus crucifixus sit, noli tibi meliora sperare: Qui, inquit, vult venire post me, abneget semetipsum, & tollat crucem suam, &c.

Si me persecuti sunt, & vos persequuntur.]

Hæc enim inimicitarum consuetudo est, quod qui dominum persequuntur, etiam seruos fidelitati eius studēs persequantur. Si in viridi ligno hæc faciunt, in arido quid fiet? inquit Christus. Qui in Deum implus est, quomodo pius erit in proximum?

Si sermonem meum seruauerunt &c.]

Si me in verbis meis insidiosè obseruatunt, & vobis laqueos ponent. Vel si mihi crediderunt, & vobis credent. Moner hoc verbo, ne ideo à prædicatione cessent, si pauci credant. Nam & Christo pauci crediderunt. Et Moyses fidelis in domo Dei ex omnibus, quos ex Aegyptio duxit, vix duos in terram promissam induxit. Et Prophetæ nusquā non conqueruntur, se non audiri: Domine (inquit Esaias) quis credit auditui nostro? &c. Item. Hæc dicit Dominus, vt reducam Iacob ad eum, & Israel nō congregabitur. Et Osæas: Ego, inquit, erudiui eos, & ipsi cogitauerunt in me malitiam. Exemplo igitur agricolæ agrum quidē diligēter colamus, quod nostrum est: sed fructum Deo cōmittamus, quod ipsius est opus. Ipse dat incrementum.

Sed omnia hæc facient vobis propter nomen, &c.]

Omnia hæc, odiendo scilicet, persequendo, & sermonem contemnendo, facient vobis, non propter vestram culpam, sed propter nomen meum. Primò, quia occidendo vos, existimabunt se obsequium præstare Deo: nomē enim Dei, nomen meum est. Secundò quia nomen meum, illud odiosum est: Nomē meum est iustitia: hoc ferre nequeunt, qui propria iustitia gloriantur. Nomen meum est sapientia: quod ferre nequeunt mundi sapientes. Nomen meum est potentia: quod ferre nequeunt mundi potentes. Tertio, propter nomen meum, hoc est, propter me, vel propter nomen meum extinguendum, iuxta illud: Nomen eius non moretur vltra. Iam etsi ignominiosum sit, pro peccatis pati proprijs, gloriosissimū tamē est, pati pro iustitia, pro Deo, pro Christo. Hinc Petrus: Si exprobrami in nomine Christi, beati. Itē, Communicantes passionibus Christi gaudeatis, vt in reuelatione gloriæ eius gaudeatis. Ostendit igitur Christus hoc verbo, sibi ipsi fieri quicquid mali pijs inferatur. Iuxta illud: Qui vos spernit, me spernit, &c.

Quia nesciunt eum, qui me misit.]

Gloriantur de Deo, iactant se Dei cultores: sed non nouerunt eum, quia verbum eius non agnoscunt: quo solo videtur & cognoscitur. Arrogant sibi pietatem in Deum, & in Filium Dei impii sunt, Gloriantur de lege, & cū quem lex prædicat, abiciunt, &c. Causa omnium malorum, quæ mundus agit, est, quod nesciunt Deum, & quod non attendunt.

attendunt, quod Filium miserit.

Si non venissem, & locutus eis non fuisset.

Dixerat: Nesciunt eum qui misit me. Ne quis autem putet eos ob id excusatos, ostendit ignorantiam eorum fuisse affectatam. Non enim quaelibet ignorantia excusat. Et quidem ubi paruuli petunt panem, petunt instrui, & non est qui frangat, qui doceat recte: hæc ignorantia excusat. Vbi autem dicitur videntibus: Nolite videre, loquiimini nobis placentia. Et Deo: Recede à nobis, scientiam viarum tuarum nolumus, &c. illic ignorantia non excusat, sed aggrauat peccatum, quemadmodum hic in Iudæis. Ceterum vides hoc loco, Christum tria quædam exprobrare incredulis, nempe aduentum suum, prædicationem, & miracula, siue etiam beneficia, quibus omnibus inuitauit eos ad credendum. Sic & alibi exprobrat eis sua beneficia, ut cum dicit: Quoties volui congregare filios tuos, &c. Et in Esai: Quid ultra debui facere, & non feci? Et in Ezechiele: Multiplicatam quasi germen agri dedi te, &c. Magnum erat, quod Christus ad Iudæos venit. Non (inquit) sum missus, nisi ad oues, quæ perierunt, domus Israel. Item: Nusquam Angelos apprehendit, sed semen Abraham. Verum nihil ex hoc tanto beneficio moti sunt: In propria, inquit, venit, & sui eum non receperunt. Magnum & hoc erat, quod in propria persona eis locutus est: Multi reges & Prophetæ hoc desiderabāt, sed tamen eis concessum non est. Non fecit taliter omni nationi, &c. Locutus est autem non inania verba, sed talia, unde poterat agnosci à cælo venisse: Quare, inquit, loquelam meam non cognoscitis? Hinc & serui eorum dicebant: Nunquam sic locutus est homo, ut hic loquitur. Locutus est autem omnia, quæ illos poterant ad meliorem vitam reducere. Verum nec sic ad pietatem moti sunt: Cecinimus vobis, inquit, & non saluastis: Lamentauimus, & non plorastis, &c. Merito igitur dicit: [Si non venissem, &c.] peccatum non haberent, hoc est, tantum, quantum nunc habent. Vel peccatum non haberent, odij scilicet, in me & Patrem, quod nimirum summum

peccatum est. Vel peccatum non haberent Ingratitudinis & incredulitatis, quæ nimirum Deum maxime offendunt. Nam in alijs condescendere potest humane infirmitati: Ingratitudinem autem, obstinationem, odium Dei & veritatis pati non potest. Vel peccatum non haberent, hoc est, non sentirent peccatum in cōscientia. Nam mundus quidem tempore peccat, sed non semper videt peccatum, nisi reueletur per verbū Dei. Peccabant Iudæi cultu excelsorum, sed latente Dei lege, non agnoscebatur peccatum. Reuelata igitur lege per Prophetas, reuelabatur etiam peccatum. Sic ostendisse inimicum, peccatum est, sed nondum cognitum. Exposita autem lege, Non occidas, reuelatur peccatum. Sic Iudæorum Pontifices & Pharisei extremi erant Dei ocores & aduersarij, de Deo interim & verbo eius gloriantes, sed hoc ipsorum peccatum ante Christum latebat: ventente autem Christo, reuelatum est. Quis enim vnquam vel suspicatus esset, eos tam impij cordis esse, si in Christo odium suum non declarassent? Docet igitur Christus, aduentu suo impietatem mundi reuelari, quem admodum cæcus quispiam, nondum cæcus apparet, tenebris adhuc presentibus: orta verò luce, manifesta redditur eius cæcitas. Sic Paulus: Peccatum non cognoui, nisi per legem. Nam concupiscentiam nesciebam esse peccatum, nisi lex diceret: Non concupisces. Sic Scribarum cæcitatem non nouissemus, quanquam ab initio cæci fuerint, nisi Christus lumine suo eam declarasset.

Nunc autem excusationem non habent de peccato.]

Grauisimum verbum. Vbi enim nulla excusatio prætendi potest, quid aliud restat, nisi certissima damnatio? Ceterum, sicut hoc verbo impios tetret, sic consolatur pios, ne graue ipsis sit, quod mundus videri velit, se eos iuste persequi. Suo enim tempore apparebit, quod iniquissimè pios persecutus sit:

Qui me odit, & Patrem meum odit.]

Nec mirum. Si enim in Deum peccat, qui piū hominem molestat, iuxta illud: Qui tangit vos, tangit pupillam oculi mei: nec quisquā Deum diligere potest.

Rom. 7.

Zach. 2.

potest, qui proximum odit. Item, Si in
 1. Ioā. 4. Deum peccat, qui Prophetam aut ver-
 1. Reg. 8. bum dei abiicit, iuxta illud: Non te abie-
 cerunt, sed me: multo magis in Deū pec-
 cat, qui Filium Dei odit. Retundit au-
 tem hoc verbo Iudæorum superbiam,
 qui gloriabantur de cultu dei, cum inte-
 rim impij essent in proximos, & in ver-
 bum dei. Deinde omnes nos terret, ne
 in Christum aut eius membra peccemus:
 alioqui in ipsam dei personā pec-
 camus. Iuxta illud: Qui vos spernit, me
 Luc. 10. spernit: & qui me spernit, spernit eum
 qui me misit, &c.

*Si opera non fecissem, quæ nemo alius
 fecit.]*

Non solum, inquit, veni, non so-
 lum loquutus sum, sed etiam mira-
 bilibus factis ostendi, qui sim, ne
 Ioan. 8. dicere possint: Tu de teipso testimo-
 nium perhibes, testimonium tuum
 non est verum. Igitur si parum erat,
 quod ad eos veni, quod loquutus sum,
 saltem operibus credant: alioqui mani-
 festè legis præuicatores se esse pro-
 bant. Lex enim dicit, duorum hominum
 Deut. 19. testimonium verum esse. Item, Si ver-
 bis volebant trahi, saltem tot beneficijs
 traherentur. Atque hoc est tertiū, quod
 ipsis exprobat Christus, nempe opera
 sua, miracula, ac generaliter omnia be-
 neficia. Signanter autem dicit: [Quæ ne-
 mo alius fecit,] hoc est, nullus malus &
 blasphemus, qualem me esse putatis, ta-
 le quiddam facere potest. Vel, Nullus
 alius etiam sanctus talia fecit. Alij enim
 per preces fecerunt miracula, Christus
 per propriam potentiam. Vel nullus al-
 ius talia fecit. Omnia enim miracula
 Christi non ad terrorem, sed ad subsi-
 dium afflictorum facta sunt. Vel nul-
 lus tanta fecit quoad multitudinem &
 magnitudinem. Generaliter autem ne-
 mo tanta beneficia nobis fecit, ut Deus.
 Hæc igitur tria, quod Christus in mun-
 dū venit, quod Euangelium prædicauit,
 quod beneficia præstitit, sicut pios sum-
 me consolantur, sic ingratos certissime
 damnant. Hæc nobis diligenter consi-
 deranda sunt: magna siquidem neces-
 sitas nobis incumbit. Aut enim emēdan-
 da sunt, quæ malè fecimus, aut sine om-
 ni excusatione damnandi sumus. Nemo

certius & grauius damnatur, quàm ma-
 lus Christianus. Alij enim vtcunq; pos-
 sunt excusari, hic autem non.

*Nunc autem viderunt, & oderunt me
 & Patrem.]*

Moysem non viderunt nec Prophe-
 tas, & tamen crediderunt: me autem &
 mea opera viderunt, & tamen nedum
 non credunt, sed etiam insuper oderunt.
 Vide autem, quomodo exaggerat pec-
 catum eorum. Primò, non crediderunt:
 secundò, oderunt: tertio, non solum me,
 sed & Patrē. Gloriatur se colere Deum,
 videntur zelare gloriam Dei, quæ admo-
 dum Caiphas scissis vestibus exclama-
 uit: Blasphemauit. Verum Christus nō
 respicit ad oris sermonem aut operum
 laruam, sed in cordis profundum, in quo
 impius nō solum odit Deum, sed etiam
 dicit: Non est Deus.

Sed ut impleatur sermo, &c.]

Non semel in Psalmis hoc legitur,
 ut quum dicit: Multiplicati sunt super
 capillos capitis mei, qui oderunt me gra-
 tis. Item, Non supergaudeant mihi qui
 oderunt me gratis, & annuunt oculis. Itē,
 Locuti sunt aduersum me lingua dolo-
 ra, & expugnauerunt me gratis. Indicat
 autem hoc verbo, Iudæorum peccatum
 in summo gradu esse: Tolerabile siquis
 dem est, apud mundum saltem, si quis
 prouocatus aliquem odit: vtcunque igi-
 nosci potest, si quis ignotum oderit: cæ-
 terum quis ignoscat illi, qui & notum
 & benemerentē odio prosequatur? Gra-
 tis igitur odiebant Christum, quia ni-
 hil mali ipsis fecerat, nec quicquam ma-
 li in ipso erat. Secundò gratis, quia nedum
 non odij causam, sed summę dilectionis
 fomitem illis præstabat. Iuxta illud: Re-
 tribuebāt mihi mala pro bonis, &c. Ter-
 tiò gratis, quia verebantur, ne Moy-
 si gloria pessum iret, si doctrina Christi
 promoueret. Atqui nihil opus erat hoc
 timere, quum Christus non ad destruen-
 dam, sed ad implendam legem venerit.
 Sic sapientes & potentes mundi time-
 bāt suis donis, si Christi sapientia & pru-
 dentia promoueret, ideo eum odiebant,
 sed sine causa. Non enim Christus sa-
 pientiam & potentiam mundi auferre
 venerat, quum admodū necessaria sint
 ad

sint ad statum Reipublicæ: sed tantum ostendere voluit, ea non satis esse ad salutem. Quia igitur mundus ex impietate persecutiones mouet, non est quod irascamur, sed cæcitati condoleamus. Quarto, gratis me persequuntur, quia ex hoc nullum consequentur commodum, sed maximum dānum. Item, quia nihil proficiunt. Durum est enim contra stimulum calcitrare, &c. Videamus igitur & nos, ne cuiquam odij causam demus, sed potius dilectionis, exēplo Christi. Quod si præterea odimur, gaudeamus, quod gratis odimur, item quod odientes nihil proficiunt.

Quum autem Venerit Paracletus.]

Ne plus debito terreretur ex his, quæ iam dixit de Apostolorum persecutione, & quæ adhuc dicturus est, intermiscet consolationem. Quemadmodum enim Deus fidelibus suis nimis læta temperat tristibus, ne insolescant: sic & nimis tristitia temperat lætis, ne desperent. Natura nostra neutrum ferre potest, nec nimis læta, nec nimis tristitia. Lætis extollitur, tristibus deiicitur. Cæterum, quod toties Spiritus sancti meminit, ideo potissimum fit, quia in multis opus habemus gratia Spiritus sancti. Quod autem etiam hic, cum de persecutionibus Apostolorum loquitur, mentionē facit Spiritus sancti, ideo fit, quia tempore aduersitatis omnium maxime indigemus Spiritu sancto: altoqui non persistimus in cruce & tentatione: Non enim fortitudo non est fortitudo lapidum, &c. Hinc Petro ante acceptum spiritum dixit: Non potes me sequi modo. Et Apostolis in cōmuni: Sedete in ciuitate, donec induamini virtute ex alto, &c. Hinc David: Deus nostrum refugium & virtus, adiutor in tribulationibus, &c. Deinde Spiritus sancti hoc loco meminit ad consolationem Apostolorum: altoqui dicere potuissent, Si tua verba quæ verè ignea sunt & cor penetrantia, eos non mouerunt, quomodo mouebuntur verbis nostris admodum frigidis? Et si tu tot miraculis ipsis persuadere non potuisti, quomodo nos persuadebimus, qui soli sumus? Frustra igitur nos emitte ad prædicandum. Ideo pollicetur eis

Spiritum sanctum affuturum, qui & ipsorum verba ignea faceret, & doctrinam eorum miraculis confirmaret. Præterea, quod statim post cōmemorationem Iudaicæ ingratitude Spiritus sancti meminit, manifestum indicium est, quod Dei bonitas vincit malitiā humanam, & quod impiorum incredulitas non irritum reddit fructum eorum, qui Christo adhærent. Quid enim, si quidam illorum non crediderunt? Nunquid incredulitas illorum fidem Dei euacuat? ait Paulus. Sic & nunc impiorum peruersitas non impedit dilectionem Dei erga pios & iustos. Vide autem quā sapienter loquatur sapientia Dei. Primum enim antequam de testimonio Spiritus sancti loquitur, prius eius personā describit, ne quis leue esse putet testimonium Spiritus sancti. Si personam attendis, à Deo procedit, & Deus est: si certitudinem requiris, spiritus veritatis est, & ipsa veritas mentiri & fallere non potest: si virtutem testimonij eius quæris & effectum, Paracletus est. Non in aurem loquitur, sed in cor: non in sermone est eius testimonium, sed in virtute. Est & hoc diuinæ sapientiæ signum, quod quæsi singulis verbis futuras hæreses prostermit. Primum enim cum dicit: Quem ego mittam, clarè ostendit, quod non à solo Patre, sed etiam à Filio procedit Spiritus sanctus, contra errorem Græcorum. Deinde quod addit: Mittam à Patre, clarè ostendit, se vnus cum Patre substantiæ esse: quandoquidem vnus spiritum habent Pater & Filius, contra Arrium. Præterea, quod addit. Qui à Patre procedit, ostendit Spiritum sanctum non creaturam esse, sed Deum, contra eundem Arrium. Quod enim ex Deo procedit, Deus est. Creaturæ autem non ex substantia Dei, sed ex nihilo factæ sunt. Obseruandum autem, quod de Spiritu sancto loquens, præsentit tempore dixit: Qui à Patre procedit, quum de seipso supra dixerit: Ego à Deo processi, præterito tempore. Nec mirum. Quum enim hæc diceret iam utique processerat ipse tanquam sponsus de thalamo suo, scilicet factus homo visibilis, qui inuisibilis Deus erat. Spiritus autem sanctus nondum erat datus, quia Iesus nondum erat

Rom. 11

Ioan. 3.

Psal. 121

Ioan. 7

glos

glorificatus, sed iam imminente passio-
ne Christi, tempus erat ut procederet.
Hoc enim Christus sua morte meruit:
Ioan. 14 Rogabo, inquit, Patrem, & alium Para-
cletum dabit vobis. Deinde Christus
iam processerat, & venerat ad condenda
Ecclésiæ domum, & semel tantum
sic venit. Spiritus autē sanctus & tunc
processit, & nunc procedit usque in fi-
nem sæculi, ad dedicandam & illustran-
dam domum eandem, ut inhabitet in
illa Deus. Præterea, quia semel & simul
deus omnia creavit per verbum, nihilque
nouum de cætero creat, rectè dicitur Fi-
lius processisse in præterito: Spiritus
autem sanctus extunc usque in æternum
in subiectam sibi rationalem creaturam
procedit, quia absque eius processione,
inopia creaturæ subsistere nequit, quo-
modo absque solis lumine luna non lu-
cet, ut dicunt Physici: Et quidem beata
sanctorum Angelorum societas, semper
per quasi luna plena est, nec deficit, nec
minuitur. Ecclesia autem huius tempo-
ris non semper in eodem statu permanet,
sed nunc subleuata per contemplationem,
donis eiusdem spiritus plus fulget,
nunc obscura pressuris vel sæculi
turbinationibus, minus lucet, &c.

Ille testimonium perhibebit de me. J

Quod scilicet verè sim Christus &
Filius Dei, hoc primum inscribet cor-
dibus vestris & omnium credentium, de-
inde per euidentia signa etiam toti mun-
do hoc ostendet. Primò enim vobis, qui
nunc formidolosi estis, dabit inuincibilem
fortitudinem: vobis, qui idiotæ es-
tis, dabit perfectam scripturarum om-
nium cognitionem: vobis qui in vna tan-
tæ lingue nutriti estis, dabit omnium
linguarum notitiam: vobis qui homi-
nes estis, dabit virtutem diuinæ miracu-
la faciendi. In hunc modum toti mundo
testimonium perhibebit de me, ut ne-
mo dubitare possit, quin Dei opera sint,
meque verum illum Messiam esse. De-
nique ille declarabit omnia, quæ dixi-
rim, & quæ gesserim, ex quibus liques-
cit & mea bonitas, & illorum obstinata
cæcitas. Ille docebit nihil in me factum,
quod non prædictum sit in ipsorum li-
bris. Cæterum, sicut spiritus sanctus &
in cordibus piorum, & coram mundo

testificatus est & testificatur de Christo,
sic & de nobis internè testimoniū perhi-
bet, quod simus filij Dei, & externè per
honestatem vitæ testatur coram mun-
do, quod verè Deus in nobis sit. Doce-
mur hoc loco, quod etsi verba & opera
Christi efficacissimè testentur de Chris-
to, efficacissimum tamen testimonium
de ipso est Spiritus sanctus, sine quo
nec verba nec opera mouēt hominem:
imò sine Spiritu sancto nemo rectè est
mare potest aut verbum Dei, aut opera
Dei. Qui autem Spiritum sanctum ha-
bent, hi sciunt magnificare dei verba &
opera. Deinde ingens est testificatio fi-
dei nostræ, quod filius hominis, in quē
credimus, tam multa tamque insignia
testimonia habet: siquidem tres sunt
qui testimonium dant in cælo, Pater,
Verbum, & Spiritus sanctus. Pater per
opera, Filius per verba, Spiritus sanctus
per collationem gratiarum. Securè igitur
glorietur fides nostra, erigatur spes,
exultet charitas. Ea ipsa autem tam in-
signia Christi testimonia omnem incre-
dulis excusationem auferunt. Quid es-
nim prætere posse possunt? Verbum au-
diunt, opera vident, Spiritum sanctum
apertissimè sentiunt: alioquin quomodo
Apostoli tanta potuissent efficere, quo-
modo Ecclesia consistere in tot persecu-
tionibus & erroribus, nisi Spiritu sancto
fulciretur? &c.

Et vos testimonium perhibebitis. J

Hoc addit, primò, ne quis somnet
Spiritum sanctum se habere citra vel
contra verbum dei externum. Deinde
ut ostendat, Spiritum sanctum per ex-
ternum verbum, tãquam per medium,
sua dona diffundere & suum opus exe-
qui. Præterea, ut sciamus etiam nostram
operam requiri ad salutem nostrā. Non
enim sine nobis suum opus exequitur:
sed necesse est, ut & nos cooperemur,
contra otiosos. Quod autem tam certò
pronuntiat ipsos futuros testes, subin-
dicat eos per spiritum immutandos: alio-
quin quomodo hoc potuissent? Deinde
etiam subinducat, quales esse debeant.
Ad testem enim multa requiruntur. Pri-
mò, ut sciat, non opinetur. Secundò, ut
constanter veritatem testetur. Terriò, ut
talis sit, ne reiici possit. Sic igitur laren-
ter

ter submonet Apostolos, vt diligenter attendant, quò certius dehinc testificari possint. Deinde, vt quod sciunt, Intrepidè fateantur, nihil timentes. Demùm vt ita viuant, ne testimonium eorum reijciatur propter malam vitam. Hæc & nobis obseruanda sunt, &c. maximè prædicatoribus.

Quia ab initio mecum estis.]

Hæc est authoritas Apostolorum, contra eos qui dicunt, eos fuisse homines. Natura quidem homines permanserunt, sed verbo suo Christus potètes eos fecit. Denique & ab initio cū Christo fuerunt, ideo dicere potuerūt: Quod audiuius, quod vidimus, & manus cōtrectauerunt nostræ, &c. Item, Cum eo manducauimus & bibimus. Item, Non indoctas fabulas sequuti, sed speculatores facti illius magnitudinis, &c.

Caput XVI.



Vnquam non opus habemus doctrina & consolatione ex verbo Dei, maximè tamē afflictionis tempore, cum aduersa vel tentationes immiserent. Hinc est, quòd Christus tempore instantis passionis omnium dulcissimum & copiosissimum sermonem discipulis fecit. Neque id abs re, ipse enim præuidebat magnitudinem futuræ tempestatis, quæ tanta fuit, vt Apostolos etiam tam copiosa consolatione instruetos, etsi non omnino deiecit, certè concussit. Quid futurum erat, si non tantis consolationibus præmuniri fuissent? Quia igitur Christus eo potissimū tempore copioso verbo illos præmunuit, satis constat, verbum Dei singularem quandam virtutem & efficaciam habere in afflictione, quare & tunc vel maximè verbo Dei insistendum est, & quò maior tentatio, eò diligentius ad verbum Dei recurrendum.

Hæc loquutus sum vobis, vt non scandalizemini.]

Pronomen (Hæc) referri potest vel ad consolatoria verba, quæ hactenus di-

xit: vel ad id, quod de obstinatione Iudæorum & mundi dixit: vel etiam ad id, quod de discipulorum persecutione suprā subindicauit. Omnia enim in eum finem tendunt, ne vel obstinatione hominum, vel sua persecutione offenderentur. Vbi vides, in quem finem nobis datum sit verbum Dei, nempe vt Paulus ait, in doctrinam & consolationem. Ad doctrinam, contra scandala vitiatorum, ad consolationem, contra scandala afflictionum. Obserua, quòd non dixit. [Hæc locutus sum, &c.] ne scandala vobis occurrāt, sed ne impingatis, & ita, vt retrorsum cadatis. Impossibile enim est, vt scandala non occurrant. Fieri enim non potest, vt peccata cor non titillent, & aduersa non tangant: hoc autem agendum, ne ita impingamus, vt cadamus. Obserua & hoc, quod in Matthæo quidem dicit: Omnes vos scandalizabimini in me, sed addit: In ista nocte: hic autem simpliciter loquitur. Aliud est enim vna nocte scandalizari, aliud ex toto scandalizari. Sicut igitur suprā monuit, vt etsi lingua præ timore confiteri non audeat, tamen fides in corde non deficiat: Non (inquit) turbetur cor vestrum: sic hic monet, vt etsi contigerit malis futuris moueri, non tamen ob id omnino deficiant à fide. Passim autem hoc verbo ostendit, plura nobis occursura scandala vel offendicula, quibus vel impediamur, vel ita impingamus, vt retrorsum cadamus. Primò occurrit ipsius Christi humilitas & contemptus, vt dubitari possit, utrū filius Dei sit vel esse potuerit, qui tanta mala perpeffus sit. Hinc Christus ipse: Beatus qui non fuerit scādalizatus in me. Offendit plærosque multitudo aspernantium, imò & persequentium Christum & doctrinam eius, vt apud secogitent: Si hæc doctrina vera esset, non tot haberet contradictores, imò persecutores. Contra hoc igitur nos præmunire voluit Christus. Ideo ostendit mundi hoc ingenium esse, nec mundum in ipsis mutaturum mores suos, &cæ. Summa, nedum contra hæc quæ dixi offendicula, valet verbum, sed & contra omnia alia, quæ offendere possunt, vt sunt prædestinatio, desperatio gratiæ consequendæ, &c. Docemur

Rom. 15

Mat. 18

Mat. 26

Ioan. 14

Mat. 23

etiam hoc loco, ad Christianum pertinere, ut
 Ephe. 4. non facile scandalizetur, non omni veto mo-
 ueatur, sed ita se firmet fide & verbo
 Dei, ut nec inferorum portæ eum pos-
 sint mouere ac deicere.

Absque synagoga facient vos.]

Supra generaliter dixit, Si me perse-
 cuti sunt, & vos persequentur. Hic au-
 tem specialiter describit, qualis & quanta
 futura sit fidelium persecutio. Vbi primo
 obseruandum, quod quæ hic dicuntur
 Apostolis, hoc est, sanctissimis dicuntur,
 ne durum nobis videatur, si & nobis quic-
 quam mali accideret: Nondum (inquit) usque
 ad sanguinem restitistis. Deinde obseruan-
 dum, quod Christus suis non promittit pro-
 spera huius mundi, sed aduersa, nec quas
 liacunque, sed maxima & grauissima
 (nam odium mundi & ablationem bo-
 norum temporalium, quasi leuiora non
 commemorat, sed tantum ea, quæ ma-
 xime affligunt) ut sciamus bona nostra
 in futuro sæculo reposita esse, e contra
 autem impij mala. Primum igitur ma-
 lum quod recenset, est excommunicatio,
 electio est synagoga, proscriptio. Sic
 enim Apostolis contigisse legimus, sed
 non impune. Qui enim eos à synagoga
 eiecerunt iniuste, iuste est domo Dei eie-

*Sed venit hora, ut omnis qui interficit,
 &c.]*

Aliud, & maius malum. Tolerabile
 forsitan esset proscribi, nisi & impij pios
 prorsus occideret. Non solum enim ma-
 li sunt & ingrati, sed & crudeles, & om-
 nibus bestiis immaniores filij mundi,
 nec nisi sanguine satiantur eorum quos
 oderunt. Verum etiam occidi tolerabile
 esset, si mundus agnosceret aperta fron-
 te se impiè agere, & cõfiteretur coram,
 se ideo occidere pios, quod credant in
 Deum & bene agant: sed tantum abest,
 ut hoc confiteatur, ut potius velit via-
 deri occidendo pios se bene agere, & cula-
 tum præstare Deo. Hæc demum vera
 crux est. Sicut enim summa gloria est, si
 quis sapiens & iustus dicitur, sic sum-
 ma ignominia, si quis stultus & impius
 iudicatur. Crux in se ipsa contemptibilis
 est & grauis, multo tamen grauior &
 contemptibilior fit, si accesserit inuidia.
 Sic sanctum Iob plus cruciabat, quod
 amici eius contenderent, eum mala illa
 meruisse, quam ipsa in se mala. Signa-
 ter autem dicit: [Omnis qui interficit
 vos, &c.] Iudæi scilicet & Gentiles.
 Vtrique enim putabant se iuste perse-
 cuti Apostolos: Iudæi, ut contrarios
 Moyse: Gentiles, ut nouatores rerum, &
 perturbatores status Reipublicæ. Cõso-
 latio autem est, quod addit: [Venit hora,]
 breui scilicet durabit impiorum poten-
 tia. Non enim relinquet Dominus
 virgam peccatorum super sortem iustorum.
 Breui item durabit sanctorum afflic-
 tio, & succedet æterna cõsolatio. Obser-
 uandum hoc, quatenus Deo placeat bo-
 na intentio & zelus, cum scilicet prosi-
 cisitur ex fide & verbo Dei. Vbi autem
 verbo

Asto. 4. Et sunt. Hinc Paulus dicit, Christianos
 1. Cor. 4. esse peripsama mundi. Et in alio loco:
 Hebr. 11. Circuierunt in melotis & pellibus capri
 Mat. 18. nis, &c. quibus dignus non erat mundus.
 1. Cor. 5.

Mat. 19

Gen. 12
Gen. 19
Exod. 12

Psal. 124

verbo Dei contrauenitur, non excusat bona intentio: alioquin Deo placuisset persecutio Apostolorum. Hinc Paulus de Iudæis: Zelum habent, sed non secundum scientiam. Sicut enim fides non est fides, sed merum commentum, si non fundetur in verbo Dei: sic bona intentio non est recta, sed mera impietas, nisi ortum suum habeat ex præcepto & verbo Domini.

Sed hæc facient vobis, quia non nouerunt.]

Consolatio piorum. Si Deum agnoscerent, Dei seruos non persequerentur, sed in honore summo haberent. Verè autem de impijs dicitur, ideo eos in omnia vitia ruere, quòd Deum non nouerunt. Qui enim Deum iudicem cogitaret, nunquam peccaret: qui Deum Patrem cogitaret, ad omne bonum promptus esset: qui Deum cogitaret vindicem esset: feruorum suorum, nunquam pios læderet: semper enim illud Propheticum timeret: Qui tangit vos, tangit pupillam oculi mei.

Hæc locutus sum vobis, ut cum venerit hora, &c.]

Iterum admonet verborum suorum. Nihil enim aliud consolari nos potest in aduersis. Gloria enim carnis, est gloria fœni, hoc est, omnis mundi consolatio vana est. Vult igitur, ut cogitemus Christum hæc omnia prædixisse. Primò, ut hinc discamus eum esse Deum, qui futura præscit. Secundò, ut leuitus feramus aduersa, ut quæ diu prædicta nobis sint. Tertiò, ut ex impletione eorum, quæ aduersa sunt, non dubitemus etiam implenda ea quæ bona prædixit & promissit. Semper in memoria habere verbum Dei, ad multa còducit. Confirmat enim fidem, & immobilizat cor in dijs, & facit ut etiam mala minus lædant. Hinc Moyses: Caue, ne obliuiscaris Domini, & negligas mandata eius. Et David: Reminiscantur & conuertentur ad Dominum, &c.

Hæc ab initio non dixi vobis.]

Aliqui hoc referunt ad ea, quæ de Spiritu sancto dixit: Nihil, inquit, ante hæc de Spiritu sancto dixi, quia vobiscum erā, satis consolationis vobis erat

ex me. Deinde, nec tunc venire poterat, quando necdum recõciliati eratis Deo, Melius autem refertur ad Apostolorum persecutionem: [Hæc inquit] ab initio non dixi vobis.] Primò, quia paruulis lacte opus est, non solido cibo: alioquin dixissent: Durus est hic sermo, &c. Secundò, quia vobiscum eram, nolui ante tempus vos contristare, satis est, quòd nunc tristamini. Non possunt filij sponsi lugere, quamdiu cum ipsis est sponsus. Datum est hoc infirmitati vestræ. Nunc autem tempus est, ut maius robur sumatis, ne sitis sicut pueri, qui semper pendent à sinu matrum, exanimati, si quando contingat à conspectu patrum euelli. Tertiò vobiscum erā, totus persecutionis impetus in me solum vertebatur, nihil vos molestiæ passi estis. Nunc autem, etiam vobis imminet pericula: ideo præmonere volui, ne existimetis vobis à me verba data, & vos vana spe à me lactatos fuisse, quæadmodum falsi Prophetæ, qui dicunt: Pax, pax, cum non sit pax. Docemur hic, non omnibus omnia prædicanda esse, nec omni tempore, sed cum discretionem. Docemur item Evangelici prædicatoris esse, ut læta quidem annuntiet, sed ita, ut tristitia non reticeat.

Nunc autem vado ad eum, qui me misit.]

Sæpius repetit se ad Patrem ire. Vult enim suos certissime scire, Patrem glorificaturum verbum suum, tamen si mundi iudicio damnentur & occidantur, quæ verbum prædicant. Obserua, quòd non dicit, Vado ad mortem, sed: [Ad eum qui me misit.] Quasi diceret: Quantumuis aspera sit via & angusta porta, per quam transeo, finis tamen certus est, ad certam gloriam pergo, &c. Quamuis autem non exprimat, se ad gloriam pergere, satis tamen hoc innuit, cum dicit se ad Patrem ire, siue ad mittentem se. Quid enim est ad Patrem ire, nisi ad gloriam ire? Nec enim est dubium, quin Pater honorificet honorificantes se. Consolatur hoc verbo Apostolos, ut & ipsi sciant, per crucem se certò peruenturos ad gloriam. Imò omnium nostrum consolatio est, quòd ad mortem iturus & passionem, dicit: Vado ad Patrem. Hinc enim discimus non timere mortem &

QQ h aduer

aduersa, vt quæ nos ad Deum ducunt.
 Rom. 5. Ob hanc causam Paulus gloriatur in
 2. Th. 4. afflictionibus. Et idem imminente mor-
 te securus dicebat. De reliquo reposita
 est mihi corona iustitiæ, &c. Discat hic
 Christianus vocationem suam esse, vt
 ad Deum vadat, & omnia in ipsum refe-
 rat. Ideo semper apud se cogitet, Vado
 ad eum, &c. Omnes quidem pergimus,
 Job. 14. & nunquam subsistimus. Homo enim
 nunquam in eodem statu permanet, sed
 non omnes ad Deum vadunt. Si ad
 Deum vadis, quid te oneras rebus ter-
 renis, & peccatis! cum his non audebis
 apparere in conspectu Dei, &c.

*Et nemo ex vobis interrogat. Quo va-
 dis?*

Hoc quidam referunt ad ascensionem
 Domini. Quasi diceret: Tam manifestè
 ascendam in cælum, vt non opus sit in-
 terrogare, quò vadam. Melius tamen re-
 fertur ad tempus passionis. Tanta (in-
 quit) erit atrocitas meæ passionis, tam
 dura via, quam incedam, vt nullus ve-
 strum interrogaturus sit quò vadam.
 Omnes enim territi fugietis: nec solùm
 non sequemini nunc, sed nec tam prope
 aderitis, vt interrogare liceat. Vel sic ac-
 cipiendum verbum hoc, vt sit represen-
 tio quædam discipulorum. Quasi
 diceret: Suprà multa interrogastis, nunc
 autem cum semel de vestra persecutio-
 ne dixi, adeò consternati estis, vt nihil
 amplius interrogetis, cum nunc vel maxi-
 me necessariū esset interrogare, quoniam
 modo futura mala euadere possietis. Sic
 plerunque homines, quò maiora pericu-
 la imminet, eò minus prouident sibi
 acorant. Vnde in Ezechiele Dominus
 conqueritur: Non (inquit) est inuētus,
 Ezech. 13. qui se opposeret murum iræ meæ. Ar-
 guuntur & hoc verbo omnes munda-
 ni, quòd Christum vident cum suis eun-
 tem, & properantem ad cælum, & per
 quæque aduersa & prospera tēdentem:
 ipsi tamen nedum non sequuntur, sed
 nec mouentur quidem. Merito igitur
 Christo cum suis in cælum recepto, ipsi
 in tenebras exteriores eijciuntur.

*Sed quia hac locutus sum vobis, cristia-
 tia, &c.]*

Vide clementiam Domini. Argue-
 re coeperat, sed statim cessat, imò ex re-
 prehensore excusator & patronus effi-
 citur, vt verum sit, quod Ioannes dicit:
 Aduocatum habemus apud Patrem,
 Iesum Christum, &c. Non (inquit)
 ex malitia aut negligentia non inter-
 rogatis, sed ex tristitia, quæ sola impe-
 dit. Obserua quòd suprà, cum de Iu-
 dæorum peccatis loquitur, omnem eis
 excusationem aufert, tantum abest, vt
 ipsos excuset: hic autem sponte vltroque
 discipulos excusat. Vnde discimus, quòd
 Deus etiam peccata suorum, quæ ex in-
 firmitate humana committunt, dissi-
 mulare potest: impiorum autem pecca-
 ta, quæ ex malitia faciunt, nequaquam
 dissimulat. Ea enim dicuntur & sunt pec-
 cata ad mortē, imò vt Christus ait, pec-
 cata in Spiritum sanctum.

Sed ego veritatem dico vobis.]

Verus amicus non iucunda, sed vtili-
 lia loquitur & præstat ei, quem diligit.
 Iucunda enim vt plurimum obfunt.
 Hinc Sapiens: Melius est à sapiente cor-
 ripi, quàm stultorum ore laudari: Et me-
 liora sunt vulnera amanti, quàm oscu-
 la odientis. Sic Christus etsi sciret Apo-
 stolos non libenter ferre suum abscissi-
 sum, nec libetè audire de sua ipsorum
 passione: non tamen omittit ea, malens
 eis vtilia, quàm iucunda & dicere & fa-
 cere. Hoc exemplum & nos imitemur
 erga nos ipsos & erga proximos, vt vtili-
 lia præponamus iucundis.

Expedi vobis, vt ego vadam.]

Non sic intelligendum, quasi cor-
 poralis Christi præsentia nobis ob-
 fuerit, aut ad minus nihil profuerit.
 Summè enim nobis profuit, imò sum-
 mè necessaria fuit. Per carnem enim
 suam dedicauit nobis recentem & vlti-
 uentem viam, vt haberemus liberta-
 tem adeundi in sancta sanctorum, per san-
 guinem suum. Nisi enim Christus in
 carnem venisset, non essemus à peccatis
 liberati, nec haberemus accessum ad
 Patrem, &c. Igitur non ideo expediebat,
 vt abiret Christus, quòd carnalis sua
 præsentia nihil profuerit, sed quòd
 Apostoli in Christo quærebant & ex-
 pectabant temporale regnum.

Vel

Vel aliter quælibet res suo tēpore bona & utilis est. Lac aut lacteus cibus pueris utilis est, adultis autem iam magis expedit fortior cibus: sic præsencia Christi visibilis plurimum nobis profuit in principio: nunc autem magis nobis prodest, quod se subdixerit: alioqui semper in visibili eius præsencia hæsisset Apostoli, nunquam ad altiora consurrexissent. Est igitur sensus verbi: Nō ideo abeo, quod tēdeat me vobiscū commorari, imō vestra utilitas me cogit abire. Expedit vobis vt patiar, sic enim satisfaciam pro peccato vestro. Expedit vobis vt moriar, sic enim mors vestra abolebitur. Expedit vobis vt sanguinē fundam, sic enim Patrem vobis repro-
 Hebr. 9.
 pitabo. Expedit vobis vt ad Patrem redeā, sic enim assisistā vultui Dei pro vobis. Expedit vobis vt spiritū vobis impetrē per passionē meā, alioqui iterum excideret quæ dixi vobis. Expedit vobis vt cælum ascendam, sic enim viam aperiam, qua sequi potestis. Verē autē expediebat Apostolis, vt corporalem & visibilem præsentiā suā eis subtraheret. Quamdiu enim ipsum videbāt, tantū carnalia in ipso quærebant, omnes eius promissiones carnaliter & temporaliter implendas intelligebant, vnde dicebant: Nos putabamus, quod ipse redēpturus esset Israel. Adempta autem eis visibili præsencia, didicerunt regnum Christi non esse de hoc mundo, eiusque promissiones esse spirituales, vnde contemptis omnibus terrenis, ad cælestia inhiabant. Profuit & nobis, quod præsentiā suā eis subduxit. Quamdiu enim se visibilem præbuit, paucis tantū præsens fuit. Postquam autē in altum conscendit, & in æqualem Deo potestatem intrauit, sic omnia adimpleuit, vt cum omnibus nunc credētibz quantus est, perpetuū sit & esse possit. Proinde expediebat, vt Christus abiret: alioqui in sola Iudæa & cum paucis visus esset: nunc autem omnibus nobis præsens est. Iuxta illud: Ecce vobiscū sum, &c. Obserua quā ob causā Deus suis nonnūquā subtrahat, quod amant vel in quo confidunt, vt sunt, filiī, amici, diuitiæ, sanitas, &c. nimirum quia ipsis expedit, vt ea auferātur, vt discant in solo Deo sperare: alioqui forsan his

rebus abuterentur ad malum. Nemo igitur fidelis ægrè ferat, si Deus ei subtrahit quod amat: in commodum enim eius fit.

Si enim non abiero, Paracletus non veniet.]

Non sic intelligendum, quod corporalis Christi præsencia Spiritum sanctum impedierit. Quomodo enim impediret eum sancta illa caro Christi, quam ipse Spiritus sanctus ex virgine selegit in formatione corporis Christi? Deinde etiam Christo corporaliter præsente, Apostoli non caruerūt Spiritu sancto: alioqui nō eis dixisset: Iam vos mundī estis. Denique si corpus hoc nostrum non impedit, quo minus Spiritus sanctus in nobis habitet, quomodo impediret corpus Christi? Non tamen absente Spiritus sancti aduentū manifestum distulit vsque post mortem suā. Primo, quia discipuli Christum aliquo modo sensualiter diligebant, quantum autem affectio hominis habet de carnalitate, tantum impedit à Spiritus sancti receptione. Nisi enim spirituales efficiamur, Spiritus sancti capaces nō sumus. Secundo, quoniam Spiritus sancti eximīa plenitudo danda non fuit, nisi reconciliatis per Christi passionē, ideo dicebat. Si nō abiero in mortem, indigni adhuc estis consolatione Spiritus sancti. Tercio, quia Christus tam eximīa dona distribuere nō debuit, donec pristinam suā maiestatem resumeret. Quarto, quia membra tanta gratia adornāda non erāt, nisi ipso capite glorificato, ideo supra dictum est: Spiritus sanctus nondum erat datus, quia Iesus nondum erat glorificatus.

Ioan. 15.

Ioan. 7.

Si autem abiero, mittam eum ad vos.]

Ex hoc loco Sacramentarij suum errorem statuere conantur: Si (inquiunt) expedit, vt Christus corpore abiret, quomodo potest corpore præsens esse? Aut si præsens est corpore, Paracletus non est præsens. Atqui iam dictum est, corpus Christi non ad eū contrariū esse Spiritui sancto, vt simul esse non possint, sed vnum alteri cedere cogatur. Deinde huiusmodi homines nesciunt, quomodo Christus abierit,

QQ liij Non

Mat. 28.

Non enim sic abiit, ut planè non sit nobiscum, sed subduxit se ab oculis nostris ad dexteram & potestatem Patris, ut omnia adimpleat, ac verius ac praesentius nobiscum sit, quàm si semper visibiliter ob oculos carnales esset positus: ac deò, ut Christi abitus nihil aliud sit, quàm quòd sese à corporali aspectu subduxerit, & in æqualem Deo potestatem intrauerit, ut nobiscum totus, quantus quantus est, perpetuò viuat. Hoc autem nescimus non impugnat praesentiam corporis Christi in Sacramento, sed insuper confirmat. Præterea nesciunt hi homines, cur Spiritus sanctus venerit. Non enim ideo venit, ut deinceps in Ecclesia nihil corporale sit, sed omnia spiritualia. Non enim aufert nobis spiritus corpora nostra, non aufert ex Ecclesia corporale verbum, non abstulit Christo suam humanitatem. Sic nec in Sacramento nobis aufert corpus Christi, sed tantum docet, quid in his rebus quaeramus, ne spe in homine Christo Deitatem, in corpore & sanguine Christi vitam & remissionem. Est igitur sensus verbi: Si abiero, scilicet in mortem & passionem, mitam vobis eum: per passionem enim meam vobis eum impetrabo. Igitur mors Christi nobis impetrauit Spiritum sanctum, & ab eo tempore dictus est Paracletus. Habent quidem etiam mali dona aliqua Spiritus sancti, sed non in remissionem peccatorum, ideo non est eis Paracletus. Docemur ex hoc verbo, quòd subtractio temporalium, est initium spiritualium. Qui igitur spiritualia desiderat, terrena despiciat.

Et quum venerit ille, arguet mundum, &c.]

Tripliciter exponi potest. Primo, Cum venerit, hoc est, primo statim die suae manifestationis, admonitus mundus agnoscat se peccasse. Sic enim ipso die Pentecostes statim coeperunt dicere.

Apo. 2. Quid faciemus viri fratres! Secundo, Cum venerit, hoc est, cum perfectè corda vestra impleuerit, & ablato inordinato timore veram animi libertatem, in concussam constantiam, feruidamque Dei & proximi dilectionem vobis infuderit, tunc per vos incipiet arguere mundum. Tertiò, Cum venerit per publica

tionem Euangelij, tunc simul etiam arguet. Euangelium enim nulli parcat, sed omnes includit sub peccato. Reuelatur enim in eo ira Dei super omnem impietatem hominū, &c. [Ille (inquit) arguet] Nam si nos ipsos iudicaremus, non vultique iudicemur. Mundus autem & caro seipsum arguere nescit. Hinc Hieronimus: Erubescere nescierunt. Et Sapientius: Via stulti recta videtur in oculis eius. Hinc de Iudæis dicit Paulus: Velamen positum est super cor eorum. Et de omnibus impijs: Tenebris (inquit) obcæcatum habent intellectum. Deinde, Ille (inquit) arguet, hoc est, plenius & euidentius arguet, quàm ego. Sic enim conuincet mundum, ut nisi resipuerit credens Euangelio, nullam sit prorsus habiturus excusationem. In me siquidem carnis imbecillitas sicut illos offendit, sic non nihil præbere videtur, quòd possit incredulitati suæ prætexi. Illic autem nihil non gloriosum erit. Nulla igitur remanebit excusatio. Arguet autem mundum: nam pijs est consolator. Alterum ex his duobus tibi pollicearis de verbo Dei: aut enim consolabitur te, si pius sis, aut arguet te, si impius sis. Iam, cum admodum terribile sit, ubi Deus loquitur in ira sua, studeamus pietati, ut digni simus, quibus Deus mansuetè loquatur. De tribus autem dicit mundum arguendum, Peccato scilicet, iustitia & iudicio: tum quia mundus plenus est peccatis, iniustitia, & temeritate: tum quia Euangelium ostendit peccatum mundi, iustitiam Christi, & futurum iudicium, quo & peccatoribus & iustis vel præmium vel poena dabitur, secundum quod quisque gessit in corpore.

De peccato quidem, quia non credunt in me.]

Generaliter arguit mundum de peccato. Ostendit enim omnes homines peccasse, & destitui gloria Dei: ostendit item multitudinem & gravitatem peccatorum. Horum nihil videtur sine Spiritu sancto, ubi autem is cor perfuderit, omnia hæc videntur & sentiuntur. Primo igitur arguit peccata per internam illuminationem. Secundo per externam prædicationem. Instat enim per Apostolos

*Ap*ostolos opportunè, importunè, vt conuertamur à vitijs, & exuamus veterem hominem. Tertio arguit mundum de peccato per piam & sanctam fidelium conuersationem: quò enim pii sanctius viuunt, eò damnabilius apparent peccata mundi. Hinc Christus: Viri Niniuitæ eò quòd pœnitentiam egerūt, condēnabūt generationē istā, hoc est, meritò eòdemnam ostēdent. Obserua autē, quòd Christus in singulari loquitur: Arguet de peccato, nō de peccatis. Vnū est enim peccatum, quod Spiritus sanctus vel maximè arguit & ostendit, nempe incredulitas, ideo addit: [quia nō credunt in me.] Siquidem etiam antequam Christus veniret, lex docuit adulteriū, furtū, homicidiū, luxuriā, &c. esse peccata. Imò etiam Gentiles hoc sciuerūt. Verum in Christū nō credere adeò nō putabāt esse peccatum, vt iudicaretur cultū Dei esse Christum persequi. Atqui non credere in Christum, vnicum illud & maximum est peccatum, quod certissimè damnat. Qui enim non credit (inquit) iam iudicatus est. Et in alio loco: Ego non iudico eum, sermo quem locutus sum, iudicabit eum. Nec mirum, quod non credere in Christum, damnat hominem. Sine enim Christi meritis non saluamur, horum autē meritorum per fidem & dilectionem participes efficiamur. Dedit (inquit) eis potestatem filios Dei fieri, his qui credūt in nomine eius. Deinde congruè sola incredulitas argui dicitur. Est enim radix omnium peccatorum, quemadmodum & fides radix est omnium bonorum. Et sicut fides vera in Christum omnia peccata nostra in profundum abiicit: sic incredulitas omnia etiam in speciem bona, facit ingrata. Summa, Spiritus sanctus ostendit non tantum peccata esse externa illa & crassa, quæ mundus videt, sed incredulitatē etiam, aliamq; cordis humani impietatem, imò ea vel maximè esse peccata. Ostendit hominem non solum externè sed etiam internè malum, atq; adeò totum veditum sub peccato & damnatū, nisi Christus redemisset.

De iustitia autem, quia ad Patrē vado.]

Variè exponitur, Primò, Arguet de iustitia in communi, quam ne-

glexerunt. Verè enim reprehensione dignum est, non quærere iustitiam. Secundo arguet de iustitia & sanctitate Christi, quam non acceptauerunt nec imitati sunt, quum ipse verbis & factis eam docuisset. Tertio arguet de iustitia fidelium: comparatione enim iustitiæ fidelium, magis damnabiles erunt impij. Quarto arguet de iustitia, hoc est, damnabit etiam iustitiam mundi. Pollebantur sibi Iudæi iustitiam ex operibus legis, Gentes ex virtutibus moralibus: Spiritus autem sanctus vtranque, & Iudæorum & Gentilium iustitiam arguit & damnat: non quòd malum fuerit legi Mosatice aut virtutibus moralibus inseruire, sed quòd neutrum nos coram Deo iustificat. Si enim quicquam istorum nos iustos reddere potuisset, nihil opus fuisset Christo: Si ex lege, inquit, iustitia, ergo Christus gratis mortuus est. Ideo subdit Christus: [Quia ego ad Patrem vado.] Mea (inquit) iustitia cælum penetrare potest, & coram Deo consistere, non autem quæcunque alia iustitia. Nemo enim ascendit in cælum, nisi qui descendit, &c. Quis (inquit) stabit ad videndum eum? Ostendit igitur Spiritus sanctus, iustitiam mundi non sufficere ad salutem, vt iam dictum est. Deinde ostendit, iustitiam veram coram Deo esse, quòd Christus transiit ad Patrem, hoc est, quòd ipsius mors & resurrectio nos iustificat. Mortuus est enim propter peccata nostra, & resurrexit propter iustificationem nostram, &c.

De iudicio autem, quia princeps mundi, &c.]

Et hoc variè exponitur. Primò, Arguet de iudicio, quod me iniuste iudicauit. Propter hoc Petrus statim ipso die Pentecostes Iudæos arguit. Secundo, Arguet de iudicio, hoc est, ostendet eos iuste condemnandos & iudicandos. Tertio, Arguet de iudicio, quòd nec attendunt, nec timent, nec præcauent iudicia Dei, quæ vident & audiunt super impios recidisse. Quarto, signanter arguet de iudicio, quo Diabolus princeps mundi iudicatus est. Quamuis enim videat eum debilitatum, nec sic tamen ei resistunt aut fugiunt. Item, quamuis sciant eum perpetuis ignibus deputatum, ad-

QQ liij huc

huc tamen ei adhærent. O magna cæcitas, & dignissima quæ reprehendatur. Quinto, Arguet de iudicio, hoc est errore, quod præpostero iudicio Deum reslinquunt, & Diabolo adhærent: vanis rebus student, veris neglectis. Sexto, Arguet de iudicio, quod non iudicant aut damnant, sed probant mundum, & quæ in eo sunt, cum Sapiens clamer: Vanitas Eccles. 1. vanitatum, & omnia vanitas. Demum arguet de iudicio, hoc est, mundi sapientiam. Arrogat enim sibi mundus veram sapientiam: Spiritus autem sanctus ostendit, sapientiam mundi esse stultitiam 1. Cor. 3. apud Deum. Mundus probat opes, gloriam, voluptates, potentiam: contra autem crucem putat maledictum esse, imò mundus nihil omnino scit de rebus divinis. Hanc igitur vanam sapientiam resprobat Spiritus sanctus, & docet veram sapientiam. Vera autem sapientia est, nosse opes, voluptates esse vanitatem. Item credere, quod Christus vicerit Diabolum, peccatum, mortem. Præterea scire, quod crux sit benedicta per contactum Christi, imò via ad gloriam. Per multas enim tribulationes oportet nos intrare in regnum Dei. Cæterum, quod dicit principem mundi iam iudicatum esse, terret eos, qui etiam nū Diabolo adhærent. Si enim princeps & caput damnatum est, iudicabuntur & membra eius.

Adhuc multa habeo vobis dicere, &c.]

Contrarium huic videtur, quod supra dixit: Quæcunq; audiui à Patre, nota feci vobis, sed non sunt contraria. Primo enim quod illic dicit: Nota feci vobis, præteritum accipit pro futuro, propter certitudinem, id quod frequens est in scripturis Prophetarum. Ut cum Esaias præterito tempore dicit: Vulneratus est propter iniquitates nostras, &c. quod tamen longo post tempore contigit. Deinde re vera Christus omnia ad salutem necessaria nobis notificavit, quia Evangelium prædicavit, quod est fons omnis veritatis. Quicquid enim Spiritus postea Ecclesiæ reuelavit, ex hoc fonte profluxit. Sic veritas illa, quæ Añ. 15. Spiritus sanctus in primo Apostolorum Concilio reuelavit, nepe quod circuncisio & alij cultus legales non essent res necessariae ad salutem: non aliunde proflu-

xit, quàm ex Evangelio, ubi Christus patenter ostendit, fide in ipsum nobis contingere salutem, non ex operibus legis. Sic veritas illa, quod Filius consubstantialis est Patri, quæ in Nicæna Synodo contra Arium emicuit, ex Evangelio profluxit. Etsi enim verbum illud, Homousion, vel consubstantialis, in Evangelio non reperitur, reperiuntur tamen alia verba idem valentia, ut cum dicit: Ego & Pater vnū sumus, &c. Item: Qui me videt, videt & Patrem. Sic & de alijs dici potest. Verè igitur dixit Christus: Omnia quæ audiui à Patre, nota feci vobis. Nihilominus tamen etiam verū est, quod hic dicit: [Adhuc multa habeo vobis dicere.] Plura siquidem Apostoli obliti erant, plura non rectè intellexerat, Plura itidem Christus obscurè dixerat, quæ poterant in falsum sensum trahere id quod postea contigit in hæreticis. Necessariū igitur erat Spiritus sanctus, qui & oblita ad memoriam reuocaret, & non intellecta elucidaret, & obscuris verum sensum redderet. Potest igitur verbum hoc ad totum Evangelium referri. Quasi diceret. Etiam si omnia vobis dixi, adhuc tamen indigetis ulteriori instructione, ob causas iam dictas. Hinc videmus, quod verbum Dei externè auditum nihil prodest, imò nec rectè intelligitur, nisi adsit Spiritus sanctus. Item, quod non satis est, semel audisse verbum Dei, nisi subinde audiamus. Sic Apostoli quotidie audiebant Christum, & triduo audierant, & tamen eis dicitur: [Adhuc multa habeo vobis dicere.] Sic etiam, si diu & multū audieris verbum Dei, non tamen frustra erit, etiam si iterum audias. Potest etiam verbum hoc referri ad ea, quæ ultimo loco iam dixerat de Spiritu sancto & operibus eius. Audierant Apostoli Christum prædicantem, adhuc tamen ignorabant, regnum Christi regnum spirituale esse, nesciebant spargendum esse Evangelium in gentes, crucem esse viam ad gloriam, fidem esse veram iustitiam, infidelitatem esse verum peccatum, sapientiam huius mundi esse stultitiam, &c. Nesciebant item, quomodo, qua de causa, quo certamine victus & iudicatus esset Diabolus: Multa (inquit) adhuc de his rebus dicenda essent:]

Sed

Sed non potestis portare modò.]

Primo, quia nondum renouati estis per Spiritum sanctum, & noui homines facti. Mea autem doctrina novos homines requirit. Nemo enim vinum nouum mittit in vtres veteres, &c. Deinde, modò tristitia pleni estis: passionibus enim vehementes actum rationis multum impediunt. Hinc Iob ait: Non possum me tuens respondere. Monentur hoc verbo prædicatores, vt non tantum attendant, quid dicant, sed & quibus & quo tempore quæque loquatur: Vbi non est auditus, ne effundas sermonem: Et est tempus loquendi, & tempus tacendi.

Cum autem venerit spiritus ille veritatis, &c.]

Vbiq; Christus egregios titulos Spiritui sancto tribuit, & tales, vnde agnoscipotest, quod sit Deus (Solut enim Deus & perfecte consolari potest, & docere veritatem) vt & nos discamus magis agnoscere Spiritum sanctum, ac sciamuseum nobis summè necessarium: Ille, inquit, vos docebit. Tunc enim capaces eritis ad percipiendam doctrinam Spiritus, quam nunc estis. In aduentu siquidem Spiritus sancti, Apostoli tristitiam excusserant, propterea, quod vidissent Christum ascendisse in cælum. Deinde etiam à turba semoti erant, & orationi vacabant. Atq; hæc sunt, quæ hominibus veritatis capacem faciunt. Docebit (inquit) non externo strepitu verborum, sed interna inspiratione. Iuxta illud: Quasi fortivè suscepit auris mea venas fusu sui eius. Docebit autem veritatem abolitis figuris: item quæ nunc obscura & dubia sunt, explicabit. Omnem autem veritatem docebit, non sicut seductores, qui vnam aut alteram veritatem inculcant, reliquis, quæ non minus necessariae sunt, prætermittis. Omnem autem veritatem edoctus est, qui scit quid credendum, quid agendum, quid sperandum, quid timendum. Nullum enim horum sine alijs sufficit.

Non enim loquetur à semetipso.]

Hoc addit, ne quis putet propterea Spiritum sanctum maiorem esse Filio, quod maiora effecturus sit in cordibus fidelium. Deinde, ne quis putet Spiritum

sanctum nouam aliquam fidem allaturum. Præterea, vt probet ipsum esse spiritum veritatis. Qui enim à seipso loquitur, non est spiritus veritatis, sed mendacii, qui omnes Prophetas mendaces facit, vt prophetent de corde suo, quod Dominus non est locutus, & confingant esse, quod non est: vel malum esse, quod bonum est, & econtra.

Sed quæcunque audiet, loquetur.]

Esai. 51

Non dicit quæcunque scit loquetur, sed quæcunque audiet, quo modo & Christus supra de se dixit. Non autem sic intelligendum est, quod Spiritus sanctus aliquid corporaliter audiat vel auditurus sit, aut quod aliquid de nouo intelligat, quod prius nesciuit. Sed omnia quæ audiet, loquetur, hoc est, ea quæ Pater vult nobis reuelari, reuelabit, vel omnia quæ audiet, hoc est, quæ verè sunt, verè existunt, & auctoritatem in scripturis habent, nihil confingens, nihil peruertens. Hinc discamus, quid in Ecclesia docendum sit, alioqui audiemus: Non loquebar, & ipsi prophetabāt, &c.

Hier. 231

Et quæ ventura sunt, annuntiabit vobis.]

Non solum vos faciet Prophetarum auditores, sed etiam Prophetas vos faciet. Docebit, quid in Ecclesia futurum sit, quemadmodum in Apocalypsi videtur, &c. Vel ventura annuntiabit, hoc est, futura præmia, &c. Iam quia Spiritus sanctus futura etiam præscit & annuntiat, constat ipsum esse Deum: hoc enim solius Dei est.

Ille me clarificabit.]

Hoc summum & potissimum opus est Spiritus sancti, ad quod omnia alia diriguntur, vt scilicet Christus glorificetur & agnoscat ab omnibus verus saluator, & quod non sit aliud nomen sub cælo, in quo nos oporteat saluos fieri, &c. Clarificabit in cordibus fidelium, vt eum talem agnoscant. Clarificabit me per prædicationem vestram, ac in toto mundo per vos annuntiabit gloriosam meam victoriam, super peccatum, mortem, Diabolum & mundum. Clarificabit me miraculis per inuocationem nominis mei fiendis. Vnde omnes agnoscent, mihi datam esse potestatem in cælo & in terra, &c. Multum enim refert, imò

Mat. 28, omnis

omnis salus nostra in hoc dependet, ut magna de Christo sentiamus, & ab ipso omnia expectemus.

Quia de meo accipiet, & annuntiabit vobis.]

Primò, quia ego sum verbum Dei, de meo igitur accipiet. Secundo, De meo, hoc est, de eo, quod de me scriptum est in lege, Psalmis & Prophetis. Quale est illud: Dominus dixit ad me, Filius meus es tu, &c. Postula à me, &c. Hæc & alia vobis ostendet, & aperiet sensum, ut intelligatis scripturas. Obserua, quod non dicit, Mea annuntiabit vobis, sed: [De meo.] Non enim omnia intelligere possemus, quæ de Filio Dei dicenda essent, &c.

Omnia quæ habet Pater, mea sunt.]

Hoc addit, ut sciamus magna esse & verè diuina, quæ per Spiritum sanctum nobis reuelaturus, imò daturus erat. Omnia bona Patris Christus habet: ea autem Spiritus sanctus fidelibus distribuit. Deinde etiam ideo Patris meminit, ne Pater videatur exclusus ab opere nostræ salutis. Tota siquidem Trinitas cooperata est ad salutem nostram: id quod summè nos consolatur, summè etiam nos incitare debet, ut & nos vicissim in salute nostra cooperemur Deo, &c. Vide autem quàm pulchrè Trinitatem personarum coniungat. Primò, ne Spiritus sanctus credatur alienus à Filio, dixit: De meo accipiet. Deinde, ne Filius alienus à Patre putetur, addit: [Omnia quæ habet Pater, mea sunt.] Igitur si Spiritus vnum est cum Filio, & Filius vnum est cum Patre, ergo tres personæ æquales sunt, nec Spiritus sanctus ideo minor est, quia vltimò nominatur, &c. Hæc est fides nostra catholica, &c.

Modicum & iam non videbitis me.]

Pergit Christus Apostolos consolari: longè tamen aliter, quàm mundus. Nam mundus si quem consolatur, omnino reticet ea quæ tristitia sunt, & tantum ea dicit, quæ lætificare possunt. Hoc autem nō semper vtile est: id quod videmus in morituris. Ecce contra Christus consolatur quidem, sed iuxta hoc planè indicat pericula. Cōsolationem promit

tit, sed non ablationem eorum, quæ aduersa videntur. Hoc autem verbo prædicit, breuè se moriturum, & à conspectibus eorum subducendum. Et quamuis planè & manifestis verbis hoc dicere potuisset, maluit tamen obscurius loqui, ut eos excitaret ad quærendum, id quod & factum est. Ob eandem causam & aliàs in scriptura obscuris verbis vsus est Spiritus sanctus, ut torporem nobis excutiat. Hoc autem verbum etiam nobis dici putemus, quoties vel tempus gratiæ negligimus, vel nimium prospere nobis arridet fortuna: Adhuc modicum (inquit) & nō videbitis me. Nolite igitur negligere tempus gratiæ. Dum tempus habemus, operemur bonū. Nolite confidere in externa prosperitate.

Et iterum modicum, & videbitis me.]

Hoc verbo indicat se breuè resurrecturum, & conspectibus eorum reddendum. Obserua quod vtrunque contineat, mortem & resurrectionem, tristitiā & consolationem: Non videbitis me, & iterum videbitis me. Sic enim cum electis suis agit, nunc tristitia, nunc læta eis conferendo. Hoc autem verbum etiam nobis dictū putemus in aduersitatibus: Modicum (inquit) & iterum videbitis me. Noli igitur desperare. Sic in Esaiâ dicit: Ad punctum in modico derelinquite, & in miserationibus magnis colligamini. Et iterum: Vade popule meus, abscondere modicum, donec pertranscat indignatio mea, &c.

Quia vado ad Patrem.]

Christus cum sit naturalis Dei Filius, semper fuit cū Patre. Sed interim cum tempore carnis suæ exinaniuit se ipsum, formam serui accipiens, ut hominem ad Deum adduceret. Ex ingenti enim misericordia sua, noluit esse solus apud Patrem. Itaque ire ad Patrem, est hominem ad Deum adducere, atque adeo per crucem & mortem in gloriam Patris, vnā cum suis electis intrare, imò quodammodo ex homine Deum facere. An non mira crux? an non mira est mors? per quam homo fit Deus, traduciturque ad dexterā Dei, hoc est, fit omnipotens. Hinc Iacob vocatur Israel, hoc est, potens Deus, vel cum Deo. Et Christus in Euang.

Marc. 9. Euangelio. Omniaabilia sunt credenti. Hæc igitur consolatio nostra sit in afflictionibus, hoc verbum etiam nobis dici putemus, quoties vel in via salutis cessamus, gravitate laboris fatigamur. [Vado (inquit) ad Patrem.] Vides me præcedere, vitam parasse. Vides membra mea sequi, & cessas? Deinde, non fugere labores, quia ad Patrem pergis, ad gloriam, non ad perditionem. Utinam hæc verba sic auribus nostris insonaret.

Quid est, quod dicit nobis modicum? &c.]

Vides ex hoc loco, carnem planè ad prædicationem crucis esse surdam, nec intelligere crucis verbum. Toties nunc inculcatum est Apostolis, quod vellet abire ad Patrem, & novum regnum auspicari, sæpius item passionis suæ meminit, & tamen nondum quisquam est inter Apostolos qui intelligat. Docemur hic non satis esse, audire verbum Dei, sed insuper requiri internam illustrationem. Hinc Salomon: Da mihi sedium tuarum assesttricem sapiëntiam. Et David: Da mihi intellectum, ut sciam testimonia tua. Deinde videmus hic nihil tam impedire verum scripturæ intellectum, ut affectus. Seponat igitur affectus suos, qui scripturas legit: alioqui facillè scripturas ad suos affectus trahet, id quod videmus non raro accidere. Obserua, quòd signanter Apostolos turbabat verbum illud (Modicum). Sic qui in longa afflictione sunt, plerumque dubitant, quomodo verum sit, quòd Christus eos brevi consolandos promiserit, quum ipsi nihil sentiant consolationis.

Cognovit Iesus, quòd volebant eum, &c.]

Exemplum est solitudinis, quòd præuenit eos sua responsione priusquam interrogent. Tanta cura Dominus suos fouet. Eandem solitudinem & nos quoties experimur, dum benefacere non cessat, etiam si non oramus. Iuxta illud: Erit antequam clament, exaudiam eos. Benignitatis autem & mansuetudinis est, quòd non rejicit tardos & stultos ad intelligendum, imò quòd nec duriter eos tractat, sed multa mansuetudine erudit, quòd & ipsum nos consolatur. Hinc David: Quomodo miseretur Pater filiorum, misertus est Dominus timensibus se, &c.

Amen dico vobis, plorabitis, &c.]

Mirum in modum exaggerat quòd dicit. Primò enim non contentus dixisse: [Plorabitis,] addidit, [Et flebitis,] ut ostenderet eos internè & externè tristandos. Deinde, quòd grauius est, addit: Mundus gaudebit. Ad cumulum enim tristitiæ facit, si impijs videmus omnia prosperè cedere. Demum repetit: Vos autem contristabimini, id quod summe angit, quum prius vident se pati, mundum gaudere, & interim se nihil consolationis sentire. Hæc autem omnia contigerunt Apostolis in passione Christi. Contringunt etiam nunc prius: cuius causam supra posuit. Iam non videbitis me. Putabant Apostoli Christum omnino perisse, videtur & prius Deus omnino recessisse, &c. Vides quid prius in hoc mundo expectandum sit, nempe fletus & plangtus. Et quidem non desunt eis causæ plangendi, etiam si nihil aduersi externè accidat. Tristantur de peccatis proprijs, iuxta illud: Ad me sum anima mea contrabata est, &c. Tristantur de peccatis alienis. Iuxta illud, Tristitia mihi magna est, & cõtinuus dolor cordi meo pro fratribus meis, &c. Tristantur de præsentis incolatu. Iuxta illud: Heu mihi, quia incolatus meus prolongatus est. Item, Quale mihi gaudium esse potest, qui in tenebris sedeo, & lumen cæli non video? Tristantur de beatitudinis dilatione. Iuxta illud: Fuerunt mihi lachrymæ meæ panes die ac nocte, dum dicitur mihi. Vbi est Deus tuus? Summa, qui seipsum agnoscit & mala mudi, non habet occasiõnem gaudij, sed mœroris. Et qui inaniter gaudent, profectò ignorant malum suum.

Mundus autem gaudebit.]

Non prius, sed mundus hic gaudet. Vide iudicia Dei mirabilia, impijs videtur fauere, pios autem negligere, id quod nonnunquam etiam sanctos mouet. Quare (inquit Abacuc) taces conculcante impio iustorem se? Et Hieremias: Quare via imptorum prosperatur, &c. Et David: Zelauit super iniquos, pacem peccatorum videns, &c. Verum non est quòd ob id murmuremus. Ideo enim impios exaltat, ut postea profundius deijcet. Ideo pios videt negligere ad tempus, ut in

secrete

Psal. 47

Rom. 9

Psal. 119

Tob. 5

Psal. 41

Abac. 1

Hier. 12

Psal. 72

æternum eorum misereatur. Causa autem, cur mundus gaudet, est quod prosperè eis cuncta succedunt, quod non habent redargutorem, quod videntur vincere, cum tamen hæc maxime plangenda essent. Sic Christo in crucem sublato triumphabant, gloriabantur, &c. quasi securi, quod deinceps eos arguere non posset. Sed ô insantiam, non effugies iudicem & accusatorem tuum: Etiam si in terram te obstruxeris, inde detraham te. ait Dominus. Summa, mundi gaudium breui durabit, iterum enim veniet Dominus consolaturus pios, perditurus impios. Sic Iudæis accidit post resurrectionem Christi, sic omnibus impijs continget in iudicio.

Tristitia vestra vertetur in gaudium.]

Hoc factum est in resurrectione, apparitione, ascensione Christi, & Spiritus sancti missione. Perfectius autem impletur in morte, perfectissime in resurrectione futura. Obserua, quod dicit signanter. [Tristitia vestra, &c.] Non enim quælibet tristitia in gaudium vertetur. Nam impij etiam nonnunquam tristantur, sed eorum tristitia non cessat, imò augetur. Qui autem pie tristantur, pro suis scilicet peccatis, pro iniuria Dei, pro malis proximorum, pro dilatione gloriæ, &c. horum tristitia vertetur in gaudium: Beati enim qui lugent, quoniam etiam consolabuntur.

Mulier cum parit, tristitiam habet.]

Vbiq; Christus fidelem agit doctorem. Primò enim nudum viam ostendit ad Patrē, sed etiam præmunit, ne offensi retrocedamus. Deinde, nudum nudis verbis, sed etiam externis exemplis docet, non despondere animum in aduersis, ut fortius persuaadat. Omnia autem eò tendunt, ut certò nobis persuadeamus venturas esse tentationes, ne postea dicamus: Non putassem. Item ut prius exploremus vires nostras, num ferendis tantis laboribus simus idonei. Huc pertinet parabola de eo, qui ædificare vult turrim. Item alia de rege ituro in bellū, quorum vterque prius vires suas exporitur: alioqui ludibrio omnibus fiet. In hunc finem Christus etiam parturientis mulieris exemplum proponit, quasi diceret: Optaret mulier talis potiri filio

sine dolore, si fieri posset, verum hoc non fit. Lata enim est sententia in Euā: In dolore paries filios. Si gaudium habere cupit de filio, oportet ut prius dolere leat. Hanc sibi scit statutam horam, quæ præteriri non potest: verum hunc eius dolorem mitigat, quod scit nō fore diuturnum. Item, quod ingentem sperat voluptatem de filio nascituro. Sic vestro animo adluberet, ut regnum meum, gloria, gratia Spiritus sancti, & quæcunq; alia promisi, citra meam mortem, & vestram desertionem vobis obuenirēt, sed hoc fieri nequit: non aliter, quàm per passionem meam tanta bona contingeret. Lata est sententia: Percuti oportet pastorem, & dispergi oues. Hæc hora iam instat, præteriri non potest, quare forti animo sustinendum est, quod vitari nequit, hisque duobus firmandus animus noster. Primò, quod non diu durabit hora hæc. Secundò, quod ingens fructus & gaudium inde consequentur. Hic est sensus huius parabolæ, quantum ad Apostolos attinet. Potest autem parabola hæc applicari ad totam Ecclesiam, imò ad quemlibet fidelem, quandoquidem in scripturis frequens est, quod afflictiones piorum dolori parturientium comparantur. Ut est illud: Dole & satage filia Sion, quasi parturiens, &c. Item illud Esaiæ: Sicut quæ concepit, quum appropinquat ad partum, dolens clamat, sic facti sumus nos, &c. Item illud eiusdem. Venerunt filij vsque ad partum, & vires non habet parturiens, &c. Sunt quidem & aliorum hominum dolores plerumque magni, nulli tamen accommodatus comparatur afflictio piorum, quæ dolori parturientium. Parturiētis enim dolor vehemens est, imò non procul à morte. Deinde talis est, cui hominum nullus mederi potest. Ad hæc supra dolorem, quæ habet, etiam timor eam cruciat: nescit enim an ad vitam vel ad mortem partus fiat. Interim tamen is idem dolor, etsi est poena peccati, est tamen initium vitæ & consolationis. Et quanto maior fuerit dolor in partu, tantò maior gaudium de nato puero. Sic omnino piorum tribulationes non paruæ sunt, sed maximæ: omnibus enim malis subiunguntur, ut interdum non procul absint à desperatione, Sic Paulus ait: Supra, Cor. 1. mor

modum gratati fuimus supra vires, ita
 ut tæderet nos viuere, imò nos ipsi res
 sponsum mortis in nobis habuimus. Et
 in alio loco: Spectaculum facti sumus
 mundo, &c. omnium peripsama, & tan-
 quam purgamenta, &c. Deinde piorum
 afflictionibus solus Deus mederi po-
 test: Pater (inquit) meus & mater mea
 dereliquerunt me, Dominus autem as-
 sumpsit me, &c. Insuper præter æterna
 mala, etiam ipsos cruciat infirmitas car-
 nis propriæ, & instabilitas cordis huma-
 ni: nesciunt enim an perseveraturi sint,
 an non, ideo semper timent, orant. Inte-
 rim tamen, etsi crux & afflictio propter
 peccatum imposita sint homini, tamen
 pijs sunt initium & ingressus in vitam.
 Imò quò maior fuerit eorum afflictio,
 eò maius gaudium sequetur. Hinc san-
 cti dicunt: Transiuimus per ignem &
 aquam, & eduxisti nos in refrigerium,
 quemadmodum econtra de Babylone
 dicitur: Quantum in delictis fuit, tantum
 date ei de tormentis. Hinc in Osea dicitur:
 Venite, reuertamur ad Dominum,
 &c. Vniificabit nos post duos dies, &
 in die tertia suscitabit nos. Nam iuxta
 triduum, quo Christus passus & sepul-
 tus est, omnem afflictionem triduum
 appellare possumus: non quòd tantum
 tres dies daret, sed quòd futuræ libera-
 tionis certi per fidem sumus. Si enim
 verè crediderimus, nostras afflictiones
 esse triduum Christi, certò etiam spes
 rabimus futuram resurrectionis diem.
 Hinc in Iob dicitur: In sex tribulationi-
 bus liberaberis, in septima non tanget te
 malum. Per sex tribulationes intelligit
 omnes tribulationes huius mundi, qui
 sex diebus creatus est. Per septimam au-
 tem mors, in qua triplex malum impios
 tægit: horror à dæmonibus, pudor com-
 parendi coram Deo, dolor damnatio-
 nis. Horum nullum tangit pios: non e-
 nim timent dæmones, quum Chris-
 tum habeant ducem: non verentur iu-
 dicio Dei apparere, quum Christum
 habeant aduocatum: nec dolorem dam-
 nationis sentient, quum Christum ha-
 beat liberatorem.

Igitur & vos nunc quidè tristitia, &c.

*Illud (Nunc) refertur ac tempus pas-
 sionis Christi. Poteest etiam referri ad*

omne tempus huius vitæ, quæ compa-
 ratione ad futuram vitam, vix momen-
 tum est. Hoc autem primum nos conso-
 latur, quòd scilicet prius horam dixit,
 nunc momentum dicit tempus persecu-
 tionis nostræ. Huc pertinet quod in E-
 saia dicit: Ad punctum in momento de-
 reliqui te, &c. Deinde docet nos omni
 vita, quamdiu nunc dicitur, expositos
 periculis, nec esse quòd hic speremus fe-
 licitatem.

Iterum autem videbo vos.]

Impij gaudent de recessu Christi, vt
 supra dictum est: pij autè de reditu eius.
 Iterum autem vidit Apostolos Chris-
 tus in resurrectione, tunc redijt eorum
 gaudium: Gausi (inquit) sunt discipuli
 viso Domino. Videt etiam nos Chris-
 tus, quando mittit Spiritum sanctum,
 quo velut arrabone obsignat & confir-
 mat cor nostrum, vt perpetuo gaudio
 spiritus afficiamur. Atque hoc est gau-
 dium Christianorum, quòd Deus videt
 eos, & ipsi Deum: Quis (inquit) tu, vt
 timeas ab homine mortali, & oblitus es
 Domini Dei tui? Videt quidem Deus
 etiam malos, sed lōgè aliter quàm pios:
 Oculi (inquit) Domini super iustos, &
 aures eius ad preces eorum, vultus au-
 tem eius super facientes mala. Videt
 pios, vt misereatur, vt patet de Israelitis:
 videt impios, vt iudicet & puniat, vt de
 Aegyptijs.

Et gaudebit cor vestrum.]

Mundus gaudet de vanitate, pij au-
 tem de visione & cognitione Dei, eiusq;
 misericordia. Deinde mundus externè
 quidem gaudet, sed internè cor verum
 gaudium non sentit, imò perpetuam
 sentit crucem. Non enim est pax im-
 pijs, etsi id ipsum non semper sentiant
 aut dissimulent, suo tamen tempore sen-
 tient manifestè, &c. Quale autem gau-
 dium esse potest, vbi cor inquietum est?
 Econtra pij internè gaudet, corde scilicet,
 quodcum vero gaudio perfusum fue-
 rit, quid nocere possunt externa mala?
 Hinc est quòd Apostoli ibant gauden-
 tes à conspectu Concilij. Hinc est, quòd
 gaudent etiam hodie clamant pij: Quas
 re fremuerunt gentes, & populi meditas
 si sunt inania, &c.

RR

Et

Et gaudiū vestrū nemo tollet à vobis.]

Psal. 1

Pro. 14

Matt. 6

Lue. 21

Esai. 35

Apo. 21

Mundi gaudium facile tollitur: ideo enim comparantur pulueri, quem proicit ventus à facie terræ, imò extrema mundi gaudiū luctus occupat. Piorū autem gaudium nemo tollere potest, quia nedum in prosperis, sed in aduersis persistit eorum gaudium, vt iam dictum est. Deinde, Nemo tollet à vobis, nullus homo, nullus dæmon, nulla tribulatio. Vide diuitias Christianorum. Miseros nos qui perituras diuitias, & gaudia querimus, neglectis his, quæ solida & firma certaque sunt. Hinc Christus monet: Thesaurizate vobis thesauros in cælo, &c. Hæc vna promissio, omnem nobis laborem & etiam afflictionem mitigare posset. Si agricolis, nautis, militibus omnes labores mitigat spes fructus & lucri consequendi, qui tamen sæpè frustra laborant, quid nobis recusandum laboris, quibus tam certa promissa data sunt? Aliqui totum hunc locum ab eo quo dicitur, Iterum videbo vos, &c. referunt ad secundum Christi aduentum, qui verè lætificabit pios. Iuxta illud: Respiceite & leuate capita vestra: appropinquat enim redemptio vestra. Hoc autem eorum gaudium nemo ab eis tollere poterit in æternum. Hinc Esaias: Gaudium & læticiam obtinebunt, & fugiet dolor & luctus. Et Ioannes: Tunc absterget Deus omnem lachrymam ab oculis eorum, &c.

In illo die non me interrogabitis.]

Referunt etiam hoc ad tempus futuræ vitæ, quod verè dies dicitur, & est, quia noctem non habet. In illo die non opus erit quicquam interrogare, quia Deum coram videbimus: Quamdiu hic sumus, non habemus perpetuum diem, quia subinde interrumpitur nocte tribulationis. Deinde magna adhuc laboramus ignorantia, & incertitudine: quare opus habemus vt interrogemus. Potest tamen verbum hoc etiam ad hoc tempus referri, vt sit sensus: Iam quidem nescitis, cur mihi moriendum sit, iam queritis, quid sibi velit illud Moicum: cæterum in illo die, scilicet Pentecostes, certò cognoscetis bona Patris voluntate id factum esse. Sic & nos in aduersis nescimus quid sibi velit Deus,

postea intelligimus ad nostram hoc salutem factum esse. Hinc est, quòd monemur, ne sententiam præcipitemus, imò monemur, vt expectemus. Sic Esaias: Expectabo Dominum, qui auertit faciem suam à nobis. Et iterum: Hic est Deus noster, expectabimus eum. Vel aliter: In illo die scilicet Pentecostes, non me interrogabitis: non quòd non indigeatis lumine meo, sed quia præsentem habebitis doctorem Spiritum sanctum, & quanquam me in persona propria non interrogabitis, tamen consuletis scripturas. Hæc satis vos instruent, vt non sit opus meipsum interrogare.

Amen amen dico vobis, si quid petieritis, &c.]

Hoc verbo concludit quæ de Apostolorum tribulatione hætenus dixit, quasi diceret: Quid opus multis? Vnde hoc ad consolationem vestram sufficeret, etiam si omnia alia decessent, quòd Patre habetis qui omnia potest, quæ seculi inuocare potestis, qui & certò exaudit. Nihil enim negare potest meus amicus, & meo nomine petentibus. Quamquam autem promissionem hanc etiam supra posuerit, nec semel tantum, sed pluries, tamen hic eam repetit. Primo, vt ostendat in tribulationibus vnicum esse refugium, orare Deum. Iuxta illud: Cum ignoramus quid agere debeamus, hoc nobis restat vt oculos ad te leuamus. Secundo, vt ostendat se mediatorē inter Deum & nos, vt sicut nemo ad Patrem venit, nisi per ipsum, sic nemo quicquam à Deo impetrat, nisi per ipsum. Tertiò, ideo hoc repetit, quia paulò ante fecerat mentionem de Spiritu sancto, qui potissimum ad orandum nos incitat. Ipse enim clamat in cordibus nostris: Abba, Pater. Est enim oratio donum Spiritus sancti non infirmum. Hinc in Zacharia dicitur. Effundam super domum Dauid spiritum gratiæ & precum. Demum etiam ideo toties repetit hoc verbū, quia oratio multas & magnas tentationes habet. Primo enim nemo responderet. Secundo, interdum exauditio diu differtur. Tertiò, interdum contrarium accidit, &c. Ideo indigemus copiosa promissione, ne, ne ob iam dicta impedimenta ab oratione

oratione cessamus. Singula autem verba Emphasim suam habent. Primò nō loquitur de multiplicatione verborum, sed de oratione vera cordis, quæ sola nubes penetrat. Ideo dicit: [Si quid petitis.] Petere enim, est necessitatē exponere. Deinde in generali dicit: [Si quid] nihil excipit. Hinc Dauid: Tu es refugium meum in tribulatione, quæ circumdedit me. Hoc verbo etiam indicat, quid sit petendum. Non scilicet quod malū est: nam malum nihil est. Item non temporalia, quæ vana sunt. [Si quid] (inquit) hoc est, si bonum aliquid & solidum aut salutiferum petieritis. Ea enim sola petenda sunt. Addit [Patrem] quo verbo ad orandum nos excitat. Non (inquit) iudex est, sed Pater. Si vos quum sitis mali, nostis bona dare filiis vestris, quanto magis Pater vester cælestis dabit petentibus se? Addit (In nomine meo.) Non enim in nomine nostro petere debemus, hoc est propter merita nostra: Nō (inquit) in iustificationibus nostris prosternimus preces nostras, &c. Docemur hoc verbo, quantæ efficaciae sit nomē Christi, quod solummodo inuocatum omnia præstat. Docemur itē fidem necessariò requiri ad orationem. Cæterum nomen Christi est ipsius incarnatio, passio, mors, meritū, &c. Quis quid in hoc nomine petimus, accipimus. Addit in fine: Dabit vobis, ubi promittit exauditionem, de qua ne quis dubitet, præmisit iuramentum, ut hæredibus gratiæ abundantius ostenderet consilij sui immobilitatem. Iam quāquam exauditio non semper statim sentiat, non dubitemus tamen nos exauditos, & suo tempore accepturos. Sic oratio Tobiae exaudita dicitur, & tamen diu postea primū fuit reuelata, effectumque sortita. Omnia hæc ad orandum nos incitare debent.

Vsq̃ue modò non petistis quicquam.]

Omnia quæ hæcenus in hoc ultimo sermone Christus dixit, talia tantaque sunt, ut qui ea veraciter attenderet, cum Christo exclamaturus sit: Confitebor tibi Pater, quod hæc abscondisti sapientibus, & reuelasti paruulis. Singula enim verba singulas habent consolationes, vnde exultare potest spiritus nos-

ter. Singula verba talia sunt, ut meritò pro his Deo gratias agamus: deniq̃ solis paruulis ea reuelauit Christus. Sic enim monet Sapienter: Date siceram his qui amaro sunt animo, ut obliuiscantur malorum suorum, &c. In hunc finem etiam Christus verba hæc nobis protulit. Obserua autem, quod non simpliciter dicit: [Vsq̃ue modò nihil orastis aut petistis:] quomodo enim Apostoli tam stupidi esse potuissent, ut non orarent, quum viderent Christum etiam totas noctes orantem? Imò apertè ex Euangelio colligitur eos orasse, alioqui non dixissent: Doce nos orare. Signanter igitur dicit: [Vsq̃ue modò nihil petistis in nomine meo.] Primò, quia nondum sciebant per Christum omnia nobis dari. Secundò, adhuc toti pendebant à corporali Christi præsentia, & si quid deesset, ab ipso petebant, ut quum dicerent: Domine salua nos, perimus. Item: Domine adauge nobis fidem. Absoluta autem præsentia Christi, cogerantur oculos ad cælum leuare. Vnde discimus ideo nobis plærunque eripi ea quæ diligimus, & in quibus cōfidimus, ut cogamur auxilium à Deo quærere & sperare. Vel simplicissimè sic intelligitur: [Vsq̃ue modò non petistis quicquam.] Nondum missus erat Spiritus sanctus clamans, Abba, Pater, necdum reuelatum erat Euangelium, quo docemur, Deum nobis per Christum factum esse Patrem, & omnium precum exauditorum. Lex enim peccata ostendens, & iram Dei declarans, deterret nos ab oratione, nec admittit, ut Ingrediamur ad Deum. Euangelium verò gratiam nobis ostendens, rursus inuitat nos ad orandum, & per Christum nos ad Deum Patrem ducit. Optimo autem iure Pseudochristianis impropere posset verbū hoc: [Vsq̃ue modò nō petistis quicquam] hoc est: Tāto tēpore sub Euāgelio fuistis tāta promissi, &c. & necdū accurristis, &c.

Petite, & accipietis.]

Hoc verbo primò indicat, iam nobis patere aditum ad Deum. Secundò, nihil aliud in causa esse, quo minus omnia bona Dei in nos deriuentur, quā quod non petimus. Posset quidem Deus citra orationem nostram dare omnia,

RR. ij quia

quibus opus habemus, sicut & plerumque etiam non rogatus dat: vult tamē etiam à nobis rogari, vt vel sic testemur, ipsum esse omnis boni fontem, ac omnia nos ab ipso habere, non ex nobis. Orationes nostras exigit, sicut & opera nostra. Qui enim creauit te sine te, non saluabit te sine te. Cæterum, si ad nos hoc verbum aptamus, videmus ingentem Dei misericordiam. Poterat iusto iudicio sic dicere: Quia vsque modò nec petere, nec accipere voluistis, deinceps clamabitis, & non exaudiam, imò in interitu vestro ridebo. Non tamen sic dicit, sed: [Petite, & accipietis.] Hactenus cessastis, vel nūc petite. Adhuc manus mea aperta est, &c. Quid leuius posset præcipere? Igitur qui etiam nunc gratia Dei caret, non potest culpam in Deum reijcere, sed vel ignauiam suam vel superbiam incuset. Obserua, quòd dicit Accipietis. Certum est enim, quòd qui rectè orat, is accipit, vel consequitur aliquid, etiam si non semper id consequatur pro quo orat: non tamen vacuis manibus recedit. Aut enim quod petis datur tibi, aut melius aliquid. Scit enim Deus, quid nobis maximè expediat.

Vt gaudium vestrum plenum sit.]

Dupliciter exponitur. Primò, quasi diceret: Dixi corda vestra perfundenda esse gaudio, hoc autem tunc fiet, cum acceperitis dona Dei, quæ daturus est. Petite igitur, vt citò ea accipiat, quòd gaudium vestrum perficiatur. Incepit gaudium vestrum, cum bona promisi: perficietur autem, cum ea acceperitis. Vel aliter: Iussi vos petere, promisi exauditionem: sed non dixi quid petendum sit. Hoc igitur nunc dico, Petite non temporale aliquid, sed vt gaudiū vestrum plenum sit. Incipit gaudium vestrum, cum pacem conscientiae acquiritis: perficietur autem & plenum erit in futura vita, cum Deum videbitis sicuti est. Iuxta illud: Satiabor, cū apparuerit gloria tua.

Psalm. 16.

Hac in prouerbijs locutus sum vobis.]

Prouerbia hoc loco pro obscuris, & nondū reuelatis dictis intelligit. Ad literam autem Christus plures parabolas & similitudines dixit, & in hoc nostræ infirmitati condescendit. Huius igitur commune facit Apostolos, vt & ipsi discant infirmitati aliorum condescendere. Deinde, nedum parabola Christi obscuræ erāt, sed & alia eius verba: imò omnia Christi verba nondum spiritu donatis, sunt quasi parabola vel enigma. Hinc Paulus dicit, Euangelium esse mysticum ab oculis mundi absconditum. Si enim mundus intelligeret, quantus bonorum thesaurus in Euangelio situs esset, non tam insanus esset, vt ipsum persequeretur. Iuxta illud: Si cognouissent, nunquam Dominum gloriæ crucifixissent. Generaliter autem potest verbum hoc intelligi de toto tempore veteris Testamenti, quasi diceret: Hactenus nihil nisi umbras & figuras habuistis, nunc tempus est, vt succedat veritas, & manifestentur quæ in figuris latuerunt. In huius signum in morte Christi velū templi scissum est.

Venit hora, cum iam nō in prouerbijs, &c.]

Hoc quidam exponunt de futura beatitudine, in qua videbitus Deum sicuti est, non per speculum tantum & in ænigmate, sicut modò. Melius tamen refertur ad diē Pētecōstes, quo misit Spiritū sanctū, q̄ manifestat Euangelium, quo per Christum agnoscimus Deū Patrem nostrū esse factū, & nos filios Dei. Item quæ, quòd à Deo omnia bona expectare debeamus, & possimus, hoc est, palam annuntiare de Patre, quòd etiam nunc sit vsque ad finem mundi.

In illo die in nomine meo petetis.]

Hoc verbum indicat, præcedens verbum non posse intelligi de futura vita: illic enim nihil opus erit oratione. Est igitur sensus: In illo die reuelatæ gratiæ, die salutis & acceptabili tempore, quando spiritus veritatis docebit vos omnē veritatem, in nomine meo petetis. Tunc enim cognoscetis verè, quòd ego in Patre, & Pater in me est. Sic legitimus Apostolos post acceptū Spiritum sanctum crebro orationi inutuisse. Imò etiam nunc ubicunque Spiritus sanctus est & dicit gratiæ, ibi crebræ orationes sunt & fiunt.

fiunt: ubi autem non fiunt, certum est, nondum adesse Spiritum sanctum.

Non dico vobis, quod ego rogabo Patrem.]

Contrarium videtur dixisse supra: Ego (inquit) rogabo Patrem, sed facile concordari possunt hæc scripturæ verba. Primò sic: Hactenus solus rogavi, deinceps non solus rogabo, sed vos mecum. Non igitur excludit suam interpellationem, sed admittit nos in suam communionem, ut simus nos ipsius fratres, coheredes & membra, & in ipso simus reges & sacerdotes. Vnde Paulus ait: Iam non estis hospites & advenæ, &c. Secundò sic, in hoc passionis & humilitatis meæ die, rogabo pro vobis, impetrabo Spiritum, ut supra dictum est. In illo autem altero die reuelatæ gratiæ non rogabo pro vobis, non opus vocali oratione ut nunc, non opus erit noua reconciliatione. Astabo quidem vultui Dei pro vobis, verum ibi non erit vocalis oratio, sed tantum repræsentatio passionis meæ, &c.

Ipsæ enim Pater amat vos, &c.]

Fidelis sermo, & omni acceptione dignus. Quis non vel hic præ gaudio exultaret? Quid malus nobis contingere potuisset? Magnū videtur amari à principibus, verum Daud ait: Nolite confidere in principibus, in quibus non est salus: Felix quem Deus amat. Unica autem causa huius amoris est, quod Christum amamus, & in eum credimus. Hæc igitur ex hoc loco, gratissimum cultum Deo Patri esse, si Filium eius amamus, & in eum credimus. Cæterum, si propter hoc solum nos amat Deus, consequitur, quod qui Christum non amant, eos nec Deus amat.

Exiui à Patre, & veni in mundum, &c.]

Duas vias transiit Christus: vnam è cælo in mundum, in qua conspicitur eius immensa charitas. Alteram è mundo per crucem ad Patrem, in qua conspicitur perfectissima eius obedientia. Vtræque viam & nos transire oportet. Primò ad proximum per dilectionem. Secundò ad Deum per obedientiam. Obserua, quod Christus nos & incarnationis & passionis suæ in hoc verbo commune facit. Verè enim dignum & iustum est, utrum

que deuotè recolere. Cæterum, sicut Christus non ita exiuit à Patre, ut ipsum relinqueret: nusquam enim ab eo separatur, vnde etiam in terra positus dixit, se esse in cælo & in sinu Patris: sic non ita reliquit mundum, ut prorsus iam non sit in mundo, ut Sacramentarii fingunt. Quomodo enim in hunc modum exiret è mundo, cuius virtute, prouidentia & cura administrantur omnia? Sic igitur verbum hoc intelligitur: Exiui à Patre, formam serui accipiens, & veni saluare mundum, custodiendo vias duras propter verba labiorum eius: iterum relinquo mundum, deponens seruitutem iugum, & vado ad Patrem propter passionem mortis, accepturus gloriam & honorem.

Eccenunc palam loqueris, &c.]

Eandem præsumptionem hic in Apostolis vides, quam supra in Petro rearguit Christus. Caro enim semper magna præsumit, nec ante tentationem agnoscit propriam infirmitatē. Sic Apostoli hoc loco sibi placent, quasi probè intellexerint verba Christi, omniaque plana sint, cum longè aliter sentiant postea. Sic etiam si videmur nobis satis intelligere verbum Dei extra tentationem, ingruente tamen tentatione, dubitare incipimus, &c. Cæterum, quod hic dicunt, in se verissimum est, præsertim hoc tempore. Verè enim palam loquitur, non per inuolucra figurarum, nec paucis, ut olim: sed manifestè & omnibus etiam peccatoribus: quod utinam attenderemus.

Nunc scimus, quia scis omnia, &c.]

Et hoc in se verum est, verè omnia scit Christus. Est enim sapientia Patris, attingens à fine usque ad finem fortiter, & disponens omnia suauiter. Quòd autem omnia sciat, vel hoc indicio probauit, quòd eorū interrogationē præuenit. Vnde dicit: Non opus est, ut quis te interroget. Hoc autem planè idoneum est tantæ rei testimonium. Quis enim doctorum adeò strenuus est, ut saltè oblectis semper sufficere possit interrogationibus, ne dicam tacitis auditorū occurrere cogitationibus? Christus autem quanta benivolentia docebat, tanta & potètia corda

R.R. iij hos

hominum in manu sua tenebat: ita, ut non nesciret, quid cuique deesset: quando quidem etiam nulla eum cogitatio lateret. Cæterum etiam hoc verbum præsumptuosè hic dicitur ab Apostolis. Est enim sensus: Quandoquidem experti sumus, quòd nihil te fugit, nò opus est, ut te quicquam præterea rogemus, & istis dictis ita animi nostri mœrorem exemisti, ut non opus sit alijs sermonibus. Sic nimirum ante tentationem videmur nobis satis audisse, legisse, nosque armasse: In tentatione autem nihil nobis sufficit, imò vix tota sacrarum literarum Biblia nos consolare possunt.

In hoc credimus, quòd à Deo existi.]

Tertia præsumptio est, præsumunt se credere, sed opinio erat, non fides: Præsumunt se constanter perseveraturos in fide, quemadmodum & supra Petrus dixit. Vnde & alij Euangelistæ ibidem addunt: Similiter & alij omnes dicebāt. Sic caro magna de se præsumit: Irascitur, si qui cedunt & superantur, putat se fortiter consistere posse, indignatur, cum propriæ infirmitatis admonetur. Sed audi Christum.

Modò creditis?]

Solet Christus ubique acriter coercere, si quid humanæ arrogantiae, ambitionis aut fidutiæ sentit oboriri in animis discipulorum suorum, quò planè discerent diffidere suis viribus, quibus nihil poterant, sed toti penderent à præfidijs Patris. Nihil enim periculosius est, quàm sui ipsius fidutiæ. Sic etiam hoc loco retundit eorum arrogantiam, quòd cum nondum intelligerent quæ dixisset, nòdum verè crederent, nondum essent pares instantibus procellis, tamen sibi vendicarent, quòd precibus postulandum erat à Patre. Dupliciter autem verbum hoc accipere possumus. Primò interrogatiue. Quasi diceret: Modò creditis: vos ne ante susceptionem Spiritus sancti, putatis vos intelligere verba mea, aut credere: itemque in aduersis consistere posse. Nihil horum sine Spiritu potestis: igitur vos ipsos decipitis. Secundò, intelligitur verbum hoc assertiue, ut sit sensus: Modò quidem creditis, sed non satis est, nisi perseveretis. Parum est & leue,

credere ante tētionem, sed in tentatione credere, hoc opus hic labor est. Ostenditur igitur nullam in nobis esse firmitatem & securitatem, quamdiu hic sumus: quare nemo de seipso aut suis viribus præsumat.

Ecce venit hora, & iam venit, &c.]

Sicut supra Petro suum casum prædixit, sic hoc loco etiā alijs prædicit suā dispersionem. Pulchrè autem futuram tentationē exaggerat. Primò cum dicit: [Ecce venit hora, &c.] Secundò cum addit: [Et iam venit.] Oportet nos certò expectare tentationem. Hinc Sapientis: Cum accedis ad seruitutem Dei, sta in timore, & præpara animam tuam ad tētionem. Quòd autem dicit: Disperge mini vnusquisque in propria, idem est cū eo, quòd in Luca dicit: Satanæ experit vos, ut cribraret sicut triticum, &c. Addit: Relinquetis me solum. Sic in Mattheo dicit: Omnes vos scandalum patiemini in me. Et in Zacharia: Percutia pastorem, & dispergentur oves. Per hoc autem quòd hæc duo cōiungit, Dispergemini, & me relinquetis, ostendit eos & à fide & à charitate casuros. Quasi diceret: Non solum mihi nò adhærebitis, sed nec vobis mutuo consortio & auxilio assistetis, quisque timebit, ne alterius iudicio prodatur: vbi videre licet, quid possit diabolus & tētio, ita scilicet terrore & obruere hominem, ut & Dei & hominum obliuiscatur. Non immeritò igitur Christus monet, ut oremus, ne intremus in tentationē. Sic & nos orare docuit: Ne inducas nos in tentationem.

Sed nò sum solus, quia Pater mecum est.]

Videbor quidem ab omnibus derelictus, videbitur etiā Deus & omnes creaturæ mihi contrarij esse, sed non sum solus: tacebit quidem Pater ad tempus in passione mea, sed non longè faciet auxilium suum à me, imò eruet de framea animam meam, &c. Obserua, quòd Christus nunquam solus est, sed habet secum & à parte sua stantem Patrem, & vnà cum Patre omnem creaturam, siue celestem siue terrestrem. Vnde ad Petrum ait: An putas, quòd non possum rogare Patrem, & exhibebit mihi plus quam duodecim legiones Angelorū? Sic pius homo per fidem Christum habens, etiam videat.

videatur ab omnibus derelictus, nunquam tamen est solus, etiam si destituatur omnium creaturarum auxilio. Sic Israelitæ in deserto Dominum habebant individuum comitem, quanquam videbantur ab omnibus creaturis derelicti. Sic Helizæus dixit: Plures sunt nobiscum, quam cum illis. Hoc verbo etiam subindicavit futuram credentium multitudinem: Quanquam, inquit, nunc solus relinquendus sum, verum non semper solus ero, sed ego & pueri mei quos dedit mihi Dominus. Hinc & in Psalmo dicit: Narrabo nomen tuum fratribus meis, &c.

Hæc locutus sum vobis, ut in me pacem, &c.]

Refert potest ad id, quod iam dixit de Apostolorum dispersione: Hoc (inquit) ideo dixi, ut vestris viribus diffisi, in me conquiescat. Potest etiam ad totum præcedentem sermonem referri, ut sit eiusdem sermonis conclusio: Ideo (inquit) tam prolixum sermonem feci, ut in me pacem habeatis. Primò, ut sciat per me & in me quærendam pacem conscientia, hoc est, remissionem peccatorum. Secundò, ut per me pacem habeatis ad Deum: Iustificati enim ex fide pacem habemus ad Deum, per Dominum nostrum Iesum Christum, &c. Tertio, ut in me pacem habeatis, hoc est in mea cognitione & dilectione. Quarto, ut in me pacem habeatis, hoc est, in his quæ ad me & Deum spectant, pacem vestram constituatis: non in his, in quibus mundus pacem quærit, ut sunt divitiæ, voluptates. Quintò, ut in me, id est, in verbo Dei, quod ego sum, pacem quæratis. Verbum enim Dei abundè consolationem præstat contra omnia adversa. Si à sapientibus mundi irridetur fides tua, habes Evangelium, quo arguitur sapientia huius mundi. Si infirmitate, paupertate, morte, exilio, obrueris, ex Christo & in verbo pacem inuenies. Sic enim dicit: Cum ipso sum in tribulatione: Pater scit, quod opus his habetis: Domini est terra & plenitudo eius: Ero mors tua ô mors: Ego sum resurrectio, &c. Vides hic, in quem finem Christus locutus sit, nempe ut pacem habeamus, atque hoc est quod in Evangelio

quærere debemus, non carnalem libertatem.

In mundo pressuram habebitis.]

Verissima sententia: quocumque enim respexeris, siue ad corporalia, siue ad spiritualia, semper obiecta est crux.

Nunc periclitatur corpus, nunc vita, nunc opes, nunc gloria & fama. Impugnat nunc mundus, nunc Diabolus, Anima sentit peccatum, mortem, infernum. Summa, mundus est Satanæ aula. Nihil igitur tibi quietis aut securitatis in mundo pollicearis.

Sed confidite, Ego vici mundum.]

Mirabilis consequentia, si ad humanam rationem spectes. Nam perinde est, ac si quis ad pauperem diceret: Confide, ego dives sum. Verum quid hoc ad pauperem, quod tu dives es? Sed dulcissima consequentia est, si eam exigas ad rationem fidei. Nam Christi victoria nostra est. Fecit enim nos sibi coheredes & fratres. Est igitur sensus: Quem admodum nec mundus, nec peccatum, nec crux, nec mors, nec Satan, nec infernus me vincere potuerunt: ita nec vos, si in me per fidem & dilectionem perduretis, vincant. Omnia enim mea bona vestra sunt. Iubet autem, ut in sua victoria confidamus. Primò, quia per ipsam nobis impetrauit Spiritum sanctum & vires, ut & nos vincere possimus. Secundò, quia ipsius victoria in nos effusa est: Sicut enim Adam victo, omnis nostra natura condemnata est: sic Christo vincente, in omnem naturam victoria transit, & virtus nobis data est calcandi super serpentes & scorpiones. Per hominem enim mors, & per hominem resurrectio mortuorum. Præterea ideo nos suæ victoriæ admonet, ut sciamus mundum deictum nihil in nos posse, nisi quantum à Deo permittitur. Demum victoriæ suæ nos admonet, ut vel ipsius exemplo discamus, quomodo & quibus armis vincendus sit mundus & Diabolus: hic quidem humilitate, ille autem patientia. Hinc dicit, Discite à me, quia mitis sum & humilis corde. Per patientiam igitur curramus ad propositum certamen, aspicientes in authorem fidei nostræ Iesum, &c.

Luc. 10.
1. Co. 15

Matt. 11

Hebr. 12

RR. liij Caput

Caput XVII.

Subleuatis oculis in cælum.]

N veteri Testamento tria legitimus fuisse officia sacerdotum: docere populum, orare, & sacrificare pro populo. Cæterum, sacerdotium illud Leuiticum figuram fuisse sacerdotij Christi, Paulus ad Hebræos manifestè probat. Imò, ipse Dauid manifestè etiam hoc prædixit: Dixit (inquit) Dominus Domino meo, &c. Et post pauca: Iurauit Dominus, & non poenitebit eum, Tu es sacerdos in æternum secundum ordinem Melchizedec. Vt igitur Christus verè se probaret sacerdotem, tria hæc officia perfectissimè præstitit. Docuit enim, orauit, & sacrificauit. Docuit non legem, sed Euangelicum: orauit oratione efficacissima: obtulit non sanguinem hircorū, sed proprium sanguinem. Et hætenus quidem in hoc Euangelio docuit, nunc etiam ad alia duo officia accedit, & primò quidem ad orationem in hoc capite. In hac autè Christi oratione, plura obseruanda sunt: ipsum scilicet opus, tempus, gestus, & verba: nihil enim horum sine mysterio est. Primò, quòd Christus orat, ideo fit, vt ianuam nobis aperiret ad Patrem. Præmonerat in nomine suo petendum, & ad Patrem accedendum. Accedere autè non possumus, nisi antea via fuerit parata, nec orare licet, nisi ianua ad Patrè fuerit aperta. Proinde Christus hoc capite parat sua oratione viam, & aperit ianuam ad Patrem, vt impetrationis certi fiamus. Nam cum Christus certò exauditus sit, propterea quòd dilectus est Filius, consequitur, quòd & nos in nomine eius orantes exaudiamur.

Hæc cum dixisset.]

Obserua hic, quo tempore Christus orauerit, nempe post prædicationem & ante passionem. Sic & nobis omnì quidem tempore orandum est, sed potissimum post auditum verbum Dei, & instante tentatione. Oratione enim impetrandum est, vt verbi Dei semen acceptum, infructuosum non permaneat. Oratione item præmunire nos oportet ad futuras tentationes.

Hic habes quo gestu Christus orauerit. Quod igitur suprà in fine præcedentis capitis monuerat, fidutiam non in nobis, sed in Deo ponendam, hoc nunc suo ipsius exemplo & externo gestu docet. Hæc autem subleuatio oculorum in cælum indicat internam deuotionem, certamque impetrandi fidutiam. Vnde & suprà subleuatis oculis dixisse legitur: Ego sciebam, quòd semper me audis. Docemur hic in orando oculos mentis ad Deum leuare, quemadmodum Dauid: Oculi mei semper ad Dominum. Hoc enim est orare. Oratio est ascensus mentis in Deum. Admonemur secundò conditionis nostræ. Ideo enim os hominis sublime dedit, vt sciat, se non ad terram, sed ad cælum intuendum creatum esse. Docemur tertio ipsam cæli fabricam attendere, vt vel hinc cognoscere etiam possimus eius opificem. Demum monemur etiam per hanc oculorum subleuationem cælestium gaudiorum, vt vel hinc excitemur ad bonum. Obserua quòd Petrus blicanus non quidem oculos leuare audet in cælum, sed tundit pectus: Salomon autem flectit genua & leuat manus: Christus autem oculos. Tres igitur gradus orationis sunt. Primò, tunde pectus. Secundò, leua manus pro auxilio. Tertio, leua oculos, omnino in Deum te subleuando.

Pater, venit hora, clarifica Filium tuum.]

Singula verba Emphasim habent. Primò, Patrem nominat. Patris enim nomen facit, vt petere audeamus, facit, vt orando gaudeamus. Denique & fidutiam impetrandi dat. Hinc Christus: Cum oratis, dicite, Pater noster qui es in cælis. Quòd autem nos Deum Patrem appellamus, ex gratia est, nec sine timore hoc dicimus, memores quàm ingrati & inobedientes filij sumus. Christus autem optimo iure Deum Patrem nominat, tum quia naturalis eius Filius est, tum quia nesciamus quam non obedientem se filium exhibuit. Addit congruentiam orationis. Venite

[Venit hora, &c.] Quasi diceret: Tuo iussu & voluntate meipsum extitui, formam serui accepi, obediui, ministraui, ac propter humilitatem meam despectus sum & ludibrio habitus: nunc cum obedientiam meam ad finem usque perduxerim, venit hora, ut pristinam meam charitatem reassumam. Igitur amodo clarifica Filium tuum, ostende ac palam fac mundo, quod ego Filius tuus sim: id autem potissimum fiet per resurrectionem meam, & Spiritus sancti missionem. Obserua, quod Christus, quavis de sua glorificatione certissimus esset, tamen pro eadem orat. Vnde discimus, quod etsi Deus ab æterno prædestinaverit omnia bona nobis dare, nihilominus tamen vult, ut oratione ea quæramus. Deinde obserua, quod glorificationem suam non petit, nisi perfecta obedientia, quam à Patre acceperat, contra eos qui præmia & gloriam quærunt ante laborem. Obserua item (quod & supra monuimus) quod instante passionis tempore dicit, venisse horam glorificationis suæ. Crux enim certum est glorificationis initium. Sed quis hæc credit? Ideo toties ea Christus inculcat.

Vt Filius tuus clarificet te.]

Vide in quem finem Christus petat glorificari, nempe, ut Pater glorificetur, cuius gloria, nomen, bonitas, veritas, sic vel maxime orbi innotuit, postquam Christum mundo manifestavit. Ex Evangelio enim Christi gloria Patris manifestata est. In hunc finem etiam nobis orandum est, nempe, ut gloria Dei promoveatur & crescat. Hinc est, quod sancti veteris Testamenti plerunque suis orationibus hanc clausulam annectunt: Vt sciatur omnes gentes, quod tu es Deus verus. Ob eam causam & Christus docuit, ut primo petamus ea, quæ ad Dei gloriam pertinent, ut est: Sanctificetur nomen tuum, &c. Imò in eum finem vult nos etiam opera nostra dirigere: Sic (inquit) luceat lux vestra coram hominibus, ut glorificent Patrem.

Sicut dedisti ei potestatem omnis carnis.]

Et hæc est una conditio ad orationem pertineas, memoria scilicet benefi-

ciorum acceptorum. Qui enim gratus est pro acceptis, dignus est & alia accipere. Hinc patres veteris Testamenti in omnibus orationibus primo recensebant priora beneficia, quæ acceperant, &c. Cæterum, quod dicit sibi datam potestatem omnis carnis, per carnem intelligit homines, accipiendo partem pro toto, ut cum dicitur: Videbit omnis caro salutare Dei. Addit autem: Omnis carnis, hoc est, omnium hominum, Iudeorum, & gentium. Non est enim Iudeorum Deus tantum, sed etiam gentium. Obseruandum autem, quod Christus dicit sibi datam esse potestatem omnis carnis, omnium scilicet hominum, ut sciamus unde salutem quærere nos oporteat. Sic & alias sæpe dicit: Omnia mihi tradita sunt. Et: Pater omne iudicium dedit Filio, &c. Ne quis autem suspicetur, Christo tantum datam potestatem iudicandi & condemnandi, addit.

Vt omne quod dedisti ei, det eis vitam æternam.]

Vide Dei bonitatem. Ad hoc dedit Christo potestatem, ut det nobis vitam æternam. Hinc & Petrus dicit: Hunc dedit Deus principem & saluatorem, ad dandam poenitentiam & remissionem Israel, &c. Obserua quæ sint donatiua Christi, quæ suis militibus distribuit, non pecunia, non carnalis potentia, &c. sed vita, & æterna vita: Hæc à Christo quærenda & expectanda est. Obserua quibus det vitam æternam: His, inquit, quos dedisti mihi, quos scilicet ab æterno prædestinasti, & nunc mihi vocandos, redimendos, iustificandos dedisti, &c. Sic Paulus, Quos prædestinavit hos & vocavit, &c. Et supra: Omne quod dat mihi Pater, ad me veniet, &c. Ne quis autem ob id tristeretur, quod nescit an prædestinatus sit, & Christo ad redimendum datus, addit: Et omnem qui venit ad me, non eijciam, &c. Tertio autem hic dicit, quod potestatem acceperit, nec simplicem, sed omnis carnis, & talem, ut possit dare vitam æternam: quæ omnia indicant Christum non dubium fuisse in sua ratione. Deinde singula etiam nos consolantur. Pulchre autem hic humilitatem & potestatem coniungit. Humilitatis est, quod dicit,

Esai. 40.
Rom. 10

Mat. 11.
Ioan. 5.

Act. 5.

Rom. 8.
Ioan. 6.

Ibidem.

scilicet

se à Patre accepisse: potestatis aut, quod dicit, se vitam æternam dare posse.

Hæc est autem vita æterna, de cognoscant, &c.]

Ostendit in quo consistat vera vita & beatitudo hominis, ac vno verbo omnes Philosophorum de felicitate hominis opiniones rejicit. Non (inquit) in diuitiis, non in voluptatibus, non in cognitione rerum creatarum, &c. consistit felicitas hominis, sed hæc est vita æterna, &c. Loquitur autem non de simplici cognitione, sed de ea, qua & per intellectum & affectum Deus apprehenditur. Hinc in Psalm. non tantum dicitur: Videte, quàm suavis sit Dominus, sed Psal. 33. præmittitur, Gustate. Hoc modo Deum cognoscere veraciter, vita æterna est. Deus enim fons est omnium bonorum, & apud eum est fons vitæ. Qui igitur per fidem eum apprehendit, omnia bona vel omnis boni fontem habet. Hinc Psal. 35. Sapienter ait: Nolle te, consummata iustitia est, Hinc Moyses faciem Domini quærebat: Si (inquit) inueni gratiam in oculis tuis, ostende mihi faciem tuam, Et David: Ostende nobis faciem tuam, & salui erimus. Obserua autem, quod non simpliciter dicit: [Hæc est vita æterna,] vt cognoscant te, sed tria addit. Primò, vt cognoscant, quod Deus sis. Secundò, quod solus Deus sis, quo verbo non excludit seipsum vt infra patebit. Tertio, quod solus verus Deus sis, ad differentiam falsorum deorum. Si quidem (vt Paulus ait) sunt dii multi & domini multi, sed vnus solus verus est Deus. Sunt enim aliqui dii opinatiue, vt Idola: vt cum dicitur: Omnes dii gentium dæmonia. Alij sunt dii participatiue, vt sancti. Ego (inquit) dixi, dii estis. Alij sunt dii nuncupatiue, vt prælati. Ego, inquit, constitui te Deum Pharaonis. Vnus autem solus est Deus per substantiam.

Et quem misisti Iesum Christum,]

Hoc addit primò, ne cum Patrem solum verum Deum dixerit, se ab hac gloria exclusisse videatur. Secundò, ideo addit, quia Pater cognosci non potest nisi per Filium. Hinc in Matthæo dicit: Nemo nouit Patrem, nisi Filius, & cui voluerit Filius reuelare: Et iterum. Deum

nemo vidit vnquam, vnigenitus filius enarrauit nobis. Docemur hic, quod vitam non alibi quærere debemus, nisi in Deo, nec per aliud, quàm per Christum. Docemur item cognitionem Dei & fidem, veram esse viam ad vitam æternam, & radicem esse omnis boni. Hinc & suprâ dixit: Qui credit in me, etiam si mortuus fuerit, viuet, &c.

Ego te clarificaui super terram.]

Singula verba Emphasim habent. Primò, quod dicit, Ego. Satis quidem Deus in creatione & in creaturis ostendit gloriam suam. In mundo erat, & mundus ab ipso factus est, & tamẽ eum non cognoscebat. Hinc Paulus, Non longe est ab vnoquoque nostrum: in ipso enim viuimus, mouemur, & sumus. Et iterum: Non sine testimonio seipsum reliquit Deus benefaciens de cælo, &c. Pauci tamen Deum etiam cognitum glorificabant vt Deum, maior pars Deum blasphemabat, alij etsi ore laudarent eum, cor tamen longè erat à Deo. Clarificauerat Moyses Dominum, ostendens ipsum iustum, iratum, damnatorem, &c. Arguit hæc non est perfecta Dei clarificatio. Merito igitur dicitur, [Ego te, &c.] Deinde & hoc Emphasim habet, quod dicit: Clarificaui te, non meipsum. Vnde suprâ dixit: Ego gloriam meam non quero, sed honorifico Patrem. Clarificauit autem Christus Deum. Primò, quia est eius imago, splendor & sapientia. Sicut igitur imago ostendit eum, cuius est imago, & splendor manifestat solem, & sapientia commendat artificem, sic Christus Deum ostendit. Secundò clarificauit Deum, quia eius gloriam prædicauit. Gloriat mundus de sua sapientia, iustitia, potentia, &c. Christus autem ostendit hanc gloriam vanam esse, docuit autem sapientiam, potentiam, & iustitiam. Ideo suprâ dixit: Arguet mundum de peccato, iustitia & iudicio. Tertio, clarificauit Deum, quia bonam famam de ipso sparsit, effecitq; vt credentes nunc inuocent eum Patrem, nutritorem, saluatorem, &c. His titulis credentes laudem Dei nunc decantant, ipsum solum amant, ad ipsum spirant, ipsum solum commendant & glorificant. Quarto, clarificauit Deum signis & miraculis, quibus

quibus ostendit eum adhuc omnipotentem esse, ut prius fuit, adhuc quoque primum esse ad auxiliandum. Quinto, glorificauit eum, omnia bona illi ascribens. Vnde dicit: Doctrina mea non est mea, sed eius, qui misit me. Item, Pater in me manens, ipse facit opera. Sexto, clarificauit Deum, ipsi usque ad mortem obediendo, & in omnibus sanctissime viuendo. Nam etiam obedientia & sanctitate nostra glorificatur Deus, quemadmodum impietate nostra blasphematur. Iuxta illud: Propter vos nomen meum blasphematur. Hinc Christus dicit: Lux ceat lux vestra coram hominibus, ut glorificent Patrem, qui in caelis est. Et Petrus: Ut ex bonis operibus vos considerantes, glorificent Deum, &c. Vides quod verè dixerit Christus: [Ego te clarificauit super terram, &c.] Hoc exemplum Christi & nos imitemur. Ideo enim vocati sumus, ut enarremus virtutes eius, qui nos vocauit, ut verbis & factis ipsum glorificemus. Signanter autem dicit: [Clarificauit te super terram.] In caelo enim semper gloriosus est, semper illic adoratur & glorificatur, terra autem eum nesciebat. Vnde & hic ingratitude nostra taxatur, qui Deum ex creaturis & quotidianis beneficijs cognitum, non ut Deum glorificamus. Obserua quod supra dixit, se clarificaturum Patrem: hic autem dicit, se clarificasse Patrem. Vtrumque verum est: sicut enim ante passionem eum glorificauerat coram Apostolis, sic postea per Apostolos fecit in toto mundo.

Opus consummaui, quod dedisti mihi.] Opus illud est ministerium praedicationis Euangelij. Iuxta illud: Spiritus Domini super me, euangelizare pauperibus misit me: Hoc autem opere Christus fideliter functus est & constanter: non solum enim praedicauit, sed & praedicationem miraculis confirmauit: vel opus illud est, totum illud quod pro redemptione nostra faciendum suscepit. Quod quauis nondum completum esset (in morte enim ipsius primum completum est, vnde tunc dixit, Consummatum est) tamen iam ipsum consummauerat voluntate. Item, quia iam quod maximum erat, perfecerat, & radicem omnium

bonorum iam plantauerat, daemone scilicet victo, & se oblecto voracissime bestiae, morti. Hanc radicem necessario sequuturi erant fructus diuinae notitiae. Ideo dicit, Perfeci opus, seminaui, fructus sequetur. Obserua, de quibus Christus gloriatur, quod Deum glorificauerit, & quod opus consummanerit, non quodcumque, sed quod Pater ipsi dedit. Haec duo nos commendant, & gloria Dei dignos efficiunt. Vnde de primo dicit: Qui me glorificat, glorificabo eum. De secundo autem dicitur. Voluntatem eius mentium se faciet, & orationem eorum exaudiet. Vnde subdit.

Et nunc glorifica me tu Pater, &c.]

Nunc (inquit) quando ego te prior glorificauit & obediens fui, restat ut tu me glorifices. Tunc enim gloriae tempus est, cum obedientiam perfecimus. Signanter autem dicit: [Glorifica me tu Pater.] A solo enim Deo gloria & quærenda & expectanda est. Quod autem dicit: Clarifica me, nihil aliud vult, quam quod per resurrectionem eius & collocationem ad dexteram Dei, ostendat toti mundo, quod similis sit ei in potentia & maiestate. Haec est enim clarificatio Christi, quod per resurrectionem eum extulit in summam sublimitatem, liberans ipsum ab omnibus malis, conferens ipsi omnium creaturarum potestatem, & dans illi nomen super omne nomen, &c. Ne quis autem putet, eum mundanam gloriam quærere, addit: Apud temetipsum me glorifica. Deinde ne quis putet eum hactenus gloriae egenum fuisse, aut alienam gloriam appetere, quemadmodum Diabolus & primus homo, addit: Eadem claritate me clarifica, quam habui apud te priusquam mundus fieret. Haec autem est gloria Christi, quam ab æterno habet, quod semper sedit ad dexteram Patris, hoc est, cum ipso omnia creauit & administrauit, quemadmodum in Proverbijs sapientia Dei dicit: Dominus possedit me ad initium viarum suarum, &c. Ceterum quauis Christus securus esset de sua clarificatione, imò secundum diuinitatem nunquam eam amisisset, tamen eam à Patre petit. Ipse enim humanitas nondum incorruptibilitate fruebatur, nec dum regium thronum acceperat. Deinde

1 Reg. 2
Psa. 144

Mat. 28
Phil. 24

Prou. 8

Deinde & propter credentes hoc orat, ut & ipsi simul conglorificentur ac efficerentur filij Dei.

Manifestavi nomen tuum hominibus.]

Explicat quod supra dixerat de clarificatione Patris. Principium namque Paternae clarificationis horum hominum institutio est, per quos nomen Patris oportebat innotescere orbi, qui & ideo recte dicti sunt lux mundi. Ceterum quamvis etiam antequam veniret

Matt. 5.

Psal. 75.

Exod. 6.

Christus, in Iudaea notus esset Deus, non tamen notus erat gentibus. Deinde plura quidem nomina Dei scripta habebant Iudaei, imò etiam nomen illud ineffabile, quod nec patribus ostēderat: nesciebant tamē veram Diuini nominis virtutem. Præterea sciebant quidem Deum, sed nesciebant ipsum esse Patrem, & habere filium. Unitatem substantiae sciebant, non autem Trinitatem personarū. Verē igitur dicit Christus: Manifestavi hominibus, nō Iudaeis tantum, sed etiam gentibus, nomen inquam tuum, non secundum literam, sed secundum virtutem, hoc est, ostendi te esse Patrem, me Filium, &c. Simplicissimè autem per nomen intelligi potest gloria vel fama, Iuxta illud: Fecisti tibi nomen, Iuxta nomen magnorum, qui sunt in terra. Item melius est nomē bonum, quā diuitiæ multae. Nomen igitur, gloria vel fama Dei, quam Christus manifestauit, est ipsius misericordia, bonitas, iustitia, remissio peccatorum, &c.

2. Reg. 7.

Prov. 22.

Hoc nomen Dei, sapientia scilicet, potentia, bonitas, &c. satis ostensum erat in creatione, sed postea obscuratum. Nunc autem per Christum restitutum est, per ipsum enim tā cognoscit mundus, quanta fuerit eius charitas erga genus humanum, cuius seruandī gratia Filium vnicum in mortem tradidit: quanta potentia, qui diaboli tyrannidem fregit, quanta sapientia, qui tam mirabili consilio mundum à se alienum ad se rursum conuertit. Signanter autē addit, Hominibus, quos dedisti mihi: quo verbo primò innuit, non omnes homines credituros, sed solos electos: Non enim omnes obediunt Euangelio. Secundo ostendit se non contrarium Deo: Non rapui, inquit eos, sed tu compro-

Rom. 10.

basti, ut mihi illos lucrarer, & ita non es aduersarius mihi. Tertio, ostēditur hoc verbo, quod voluntas Patris sit, ut credamus Christo: Mihi (inquit) eos dedisti per me saluandos. Sic supra dixit: Hoc est opus Dei, ut credatis in eū, quē ille misit.

Tui erant, & mihi eos dedisti.]

Tui erant per creationem & gubernationem, mihi autē eos dedisti, ut ego etiam secundum humanitatem sim rex eorum, quemadmodum supra dixit: Dedisti ei potestatem omnis carnis. Tui erant, te solū inuocabant, mihi eos dedisti, ut à me quoque salutem sperent, meque inuocent. Tui erant per praedestinationem, mihi eos dedisti per temporalem vocationem & conuersionem. Tui erant à te electi, mihi eos dedisti vocandos, docendos, iustificandos, redimendos. Vide autē hic pulchrum ordinem. Primò Deus elegit. Nemo enim saluatur nisi electus. Deinde electos ad Christum mittit, ut per ipsum doceantur, iustificentur, &c. Nullum enim saluare vult, nisi in Christum credat. Iuxta illud: Qui non credit, iudicatus est. Prae-

Ioh. 6.

Ioh. 1.

Et sermonem tuum seruauerunt.]

Hoc est, me qui sum verbum tuum, vel doctrinam meam, quae itidem tua doctrina est. Seruauerunt autem primò per fidem, quia crediderunt. Deinde seruauerunt opere: omnia enim propter verbum tuum reliquerunt. Atque hoc est, quod tertio loco requiritur, ut quoniam à Patre electi, & Christo dati sumus, in ipsum credamus & ipsi obsequamur.

Ioh. 1.

Ioh. 1.

Nunc cognouerunt, quod omnia quae des disti, &c.]

Fidem sequitur perfecta cognitio. Iuxta

Hebr. Zach.

Mat. 22. Iuxta illud: Nisi credideritis, non intel-
ligeris. Nunc (inquit) quia credunt, cog-
noscunt. Vel nunc cognouerūt, hoc est,
quia eos mihi dedisti. Nisi enim eos tu
mihi dedisses, nunquam cognouissent,
sicut non cognouit perditus Iudas, cur-
tus ab effectis palam omnibus est, quia
non eum tu mihi dedisti, nec tui causa
me secutus est, sed cum non esset tuus,
uis per hypocrisim admixtus fuit, pro-
pterea illi non sapuit, quicquid dixi aut
feci. Nūc cognouerūt, quod abs te sunt,
hoc est, quod non arte magica vel diabo-
lica operatus sim quicquam. Item cog-
nouerunt, quod Euangelium meū non
sit humanum commentū, sed verbum
tuum, & potentia Dei ad salutem omni-
Rom. 1. credenti. Item cognouerunt, quod quæ
dedisti mihi, abs te sunt, hoc est, quod
naturaliter ad me pertinent, vt ad natu-
ralem Filium tuum.

Quia verba quæ dedisti mihi, dedi eis,]

Mat. 61. Explicat quid illud sit, quod Pater
ipsi dederit, nempe Euangelium, quod
Filio à Patre demandatum est, vt orbi
annūtiaret: Quisquis igitur Euangelium
fide acceperit, is cognoscit verē Chri-
stum, quo cognito, cognoscitur Deus.
Cognitio autem Patris & Filij per Spi-
ritum sanctum, est vita æterna.

Et ipsi acceperunt ea & cognouerunt, &c.]

Ioan. 3. Tria dicit de Apostolis: Acceperunt,
cognouerunt, crediderunt, quæ omnia
nobis necessaria sunt. Cæterum, quāuis
exire Filium à Patre idem sit quod mit-
ti, vtunque tamen hic expressit, vt æ-
qualem ostendat charitatem & suimet,
Filij scilicet venientis, & Patris mitten-
tis. Ex charitate enim Christus exiuit,
& Pater misit.

Pro eis rogo.]

Hebr. 5. Zach. 2. Antea Christus pro se rogauit, vt
glorificetur, nunc pro Apostolis rogat.
Ideo autē ipsis audientibus orat, vt vel
hinc discāt, quod diligat eos, & pro ipsis
curet: id quod non parum nos consolatur
in aduersis. Maxime autē consolatur,
quod scimus eū exauditum esse pro sua
reuerētia. Hæc igitur oratio Christi A-
postolis fuit, imò etiam omnibus nobis

murus est igneus, imò igneus (vt in Pro-
pheta dicitur) quo vincunt & vincimus
peccata, mortē, Satanam & mundū. Sin-
gula autē verba Emphasim habēt. Pri-
mò seipsum offert mediatorē inter Deū
& nos: Ego (inquit) rogo. Quasi dices-
ret: Multum hætenus ad te clamatū est,
sed frustra, nullius oratio tibi satisfacere
potuit. Orauerūt sacerdotes Iudaici
pro populo, verū cum & ipsi sint pecca-
tores, nō potuerūt perfectē reconciliare
tibi hominē: Ego autē, qui sanctus sum *Hebr. 7.*
& innocēs, deinde Filius tuus dilectus,
cui nihil negare potes: Ego (inquit) ro-
go: quod vt cōgruentius possem, formā
serui accepi, ac ipsis habitu similis effec-
tus sum: igitur, cum ab eorū parte stē,
quod ipsi nō merētur, propter me cōse-
quantur. Magna certē consolatio, quod
Christus à parte nostra stat, quod nobis *Hebr. 4.*
cum & pro nobis rogat. Hinc Paulus:
Cum talem habeamus pontificem, qui
in se est sanctus, innocens, &c. Item, qui
potest compati, &c. Item, qui cælum pe-
netrauit, &c. accedamus cū fiducia, &c.

*Non pro mundo, sed pro his quos dedisti
mihi.]*

Mundus hic amatores mūdi significat.
Nec simpliciter, sed qui obstinatē adhæ-
rent mundo, de quibus Iacobus ait: Qui *Iacob. 4.*
voluerit amicus mundi fieri, inimicus
Dei constituetur. Cæterum, quod Chri-
stus non rogat pro mundo, horrendum
auditu est. Quid enim restat, nisi certis-
sima damnatio eis, quos Christus non
agnoscit? Ostendit autem hoc verbo,
mūdum iusto Dei iudicio traditum in
reprobam mentem, ac suæ libidini &
manui derelictum. Hinc est quod mun-
dus quotidie in extrema facinora ruit. *Rom. 1.*
Et sicut sceleratē & præfractē viuit, ita
horribili iudicio cōdemnatur. Hinc est,
quod Christus toties in Euangelio ter-
ribiliter clamat: Væ vobis diuites, qui
hic habetis consolationem vestram, &c.
Hinc est, quod Ioannes monet: Nolite *Luce. 6.*
diligere mundum, nec ea quæ in mūdo
sunt. Et Paulus: Exite de medio eorum,
& separamini, dicit Dominus, &c. *2. Cor. 6.*
Ostendit igitur hoc verbo, non omni-
bus profuturam suam passionem & or-
ationem, quemadmodum sanguis agni *Exo. 12.*
non profuit nisi Israelitis. Ostendit

SS quod

quod amatores mundi sunt, qui hoc tanto bono priuantur, ut vel vnum hoc nos ab amore mundi abducere posset. Ostendit tertio, quod magnus numerus futurus sit eorum, quibus passio Christi nihil prodest. Ostendit quarto, solis illis prodesse passionem suam, quos Pater elegit, Christus vocauit, & iustificauit, qui ad eum conuersi ipsi adhærent, mundumque vita & moribus student esse dissimiles, &c.

Quia tui sunt.]

Plures causas adducit, cur pro mundo non roget, sed tantum pro Apostolis & credentibus: quarum prima est, electio, vel prædestinatio. Ideo (inquit) pro eis rogo, quia tu eos elegisti. Secunda, quia eos mihi commisisti. Tertia, quia ipsi sermonem tuum acceperunt, & crediderunt, &c. De his tribus supra dixit. Nihil autem horum mundus habet aut facit, ideo non rogo pro mundo. Quarta causa, ideo pro Apostolis rogo, quia tui sunt, non tantum creatione, sed quia te colunt, te quærent, agnoscunt. Et mundus tuus est creatione, sed non te cognoscit. Vide pro quibus Christus oret. Cæterum hoc verbo vel maxime eos Patri commendat, cum dicit: [Tui sunt.] Nulla alia re magis mouetur ad miserendum, quam

Sap. 15. quod elus sumus: Si peccauerimus (inquit) tui sumus, & si non peccauerimus, scimus quod apud te sumus reputati. Hoc vel maxime allegabant Patres veteris Testamenti in orationibus suis,

Psal. 78. ut quum Dauid dicit: Deus venerunt gentes in hereditatem tuam, &c. Quasi diceret: Non nostra tantum res agitur, sed tua.

Esth. 14. Sic Esther: Nos quidem peccauimus, & iuste punimur, sed non contenti sunt hostes nostro interitu, insuper volunt mutare tua promissa, & claudere ora canentium te, &c. Obserua, quod prius dixit, sibi datos Apostolos & credentes, nunc statim subdit: [Tui sunt,] ut sciamus & Patrem & Filium pro nobis curare. Hinc est, quod Paulus dicit: Propter te quidem mortificamur tota die, &c. Sed in his omnibus superamus propter eum, qui dilexit nos, &c.

Omnia mea, tua sunt, & omnia tua mea.]

Hoc addit, ne quis miretur, quomodo nunc dicat Apostolos Dei esse, quos

antea sibi datos dixerat. Omnia, inquit, mihi & Patri communia sunt, ideo & mei sunt & ipsius, pro quibus nunc rogo. Deinde hoc verbum confirmatio est orationis Christi. Ideo enim impetrat quod rogat, quia omnia bona Patri ipsius sunt. Est enim Filius Patris *Gazophylaciū*: ut enim Pater omnipotens est, ita & Filius: ut Pater in seipso vitam habet, sic & Filius dedit vitam habere in semetipso. Præterea hoc verbo plane ostendit, se non seruum aut creaturam esse, sed Patri per omnia æqualem. Nam Dominus potest dicere ad seruum. Omnia tua mea sunt, at seruus nequaquam hoc dicere potest. Christus autem vtrumque dicit.

Et clarificatus sum in eis.]

Hæc est quinta causa, cur pro Apostolis roget, non pro mundo. Mundus (inquit) me odit, blasphemat: hi autem glorificant. Et hætenus quidem per eorum simplicem credulitatem & per seuerantem adhesionem glorificatus sum in eis: deinceps autem amplius in eis glorificabor. Ipsi enim triumphum meum super peccatum, crucem, mortem, tori orbi annuntiabunt. Ipsi enim sunt fundamentum Ecclesiæ, Christo summo lapide angulari manente. Deinde glorificabunt me vita, itemque morte propter nomen meum constantissime tolerata, ideo pro ipsis rogo. Vide & hic pro quibus roget Christus.

Et iam non sum in mundo.]

Cum diceret hæc, adhuc erat in mundo, verum quia iam littori appropinquabat, & à traditore venditus erat, iamque in exitu mundi pedem irreuocabilem posuerat, quodammodo in mundo non erat. Hæc igitur est sexta causa, cur pro Apostolis roget. Quia (inquit) ego iam ad te venio, ac corporale visibileque præsentia eis subduco, unde hætenus consolationem non modicam habuerunt, ideo pro eis rogo. Cæterum, quemadmodum Christus hic dicit: [Iam non sum in mundo,] cum tamen corporaliter præsens esset, sic omnibus nobis dicendum, imò viuendum est. Hinc Paulus: Vivo ego, iam non sum ego, viuit verò in me Christus. Et iterum: Mihi mundus crucifixus est, &c. *Et iterum*

1. Cor. 7. Et iterum: Reliquum est, ut qui vultur hoc mundo, sint tanquam non vrantur, &c.

Et hi in mundo sunt, & ego ad te venio.]

Septima causa, cur pro Apostolis orat, quia sunt in mundo, quæ vel sola satis esset. Quid enim est esse in mundo, nisi laboribus, & periculis, & tentationibus innumeris obnoxium esse? Ego (inquit) stabilitati littoris appropinquo, immortalitatisque paci & securitati: illi autem adhuc in medijs fluctibus sunt, ideo pro eis oro. Sed quid?

Pater sancte, serua eos in nomine tuo.]

Sanctum nominat Patrem, tum quia in se sanctus est, tum quia sanctos facit: Ego (inquit) Dominus sanctificans eos: tum quia sanctitatem quærit & diligit, ideo dicit: Sancti estote, quia sanctus sum ego. Et Paulus: Hæc est voluntas Dei, sanctificatio vestra. Non sine causa autem orat, ut seruet eos, imò summè necessarium erat. Est enim sensus: Serua eos in bono, ne deficient: serua eos à malo, ne in tentationes incidant: serua eos etiam si ceciderint, ne desperet, supponendo manum tuam ne collidantur, sed citius resurgant. Nihil horum possumus sine Deo. Addit autem: In nomine tuo, hoc est, in virtute nominis tui. Nomen autem Dei est verbum, potentia, misericordia. Ut enim vnaquæque res cognoscitur nomine suo, sic Deus cognoscitur suo verbo, sua potètia, sua misericordia, &c. Hinc est, quod frequenter orat David: Deus in nomine tuo saluum me fac, & propter nomē tuum, &c. Cæterum, quod nos legimus, Serua in nomine tuo quos dedisti mihi, Cyrillus legit, Serua in nomine tuo quod dedisti mihi. Verè enim Christo datū est nomen Dei, potentia scilicet, misericordia, &c. Ipse enim factus est nobis à Deo, iustitia, sapientia, redemptio, &c. Igitur Iesus Christus est illud nomen Dei, per quod credentes saluantur. Hinc Petrus ait: Hic est lapis, qui reiectus est à vobis ædificantibus, &c. Nec est in alio aliquo salus. Non enim est aliud nomen sub cælo datum hominibus, &c.

Ut sint vnum, sicut & nos.]

Suprà præcepit dilectionem: Hoc

(inquit) est præceptum meum, nunc pro eadem orat, nec mirum: impossibile enim est viribus humanis tantam præstare dilectionem. Rogat autem, ut vnum sint. Primò in doctrina, id quod plurimum refert. Nam dissensio opinionum abrogat doctrinæ fidem. Secundo, ut vnum sint in dilectione & concordia mutua, quæ sola eos reddit inuictos. Frater enim qui adiuuatur à fratre, tanquam ciuitas firma. Vel rogat, ut vnū sint, hoc est, sine permutatione perdurent. Hoc enim est vnum esse, semper idē esse, nunquam deficere aut ad alia deflecti. Sic Deus vnus est, quia semper idem subsistit. Ad hanc vnitatem & stabilitatē primum hominem creauerat, sed eā perdidit, & cecidit in mutabilitatē maximam, ut nunquā in eodem statu permaneat. Iob. 14. Dei autem Filius hoc vel maximè sua morte & oratione quæsiuit, ut ad vnū, hoc est, ad æternitatis stabilitatem peruenire possemus, ut deinceps nullis casibus, nullis perturbationibus obnoxij efficiamur. Addit autem: [Sicut & nos,] ut sciamus inter nos summam requiri vnitatem, quemadmodum inter ipsum & Patrem summa vnitas est. Vnus est enim Pater & Filius spiritus, vnus animus, vna mens, vnum velle & nolle, nec abinuicem separari possunt. Ut igitur suprà summam nobis dilectionem suo exemplo iniunxit, sic hic summam vnitatem precatur nobis.

Quum essem cum eis, ego seruabā eos.]

Verissima sententia: nihil enim non egit, quo illos in officio contineret, &c. docuit, fouit, &c. Merito igitur comparat se gallinæ pullos suos sub alas cōuocanti, itēq; pastori bono. Cæterū, quod dicit, se eos seruasse, ostendit, se esse eiusdem virtutis cū Patre. Addit autem: In nomine tuo, ut ostendat eos non carnali præsentia sua, sed Deitatis virtute seruatos hactenus, & deinceps seruandos. Iam si Christus suos seruauit, antequā introgressus esset in regnum Patris, quanto magis nūc custodire nos potest? Nunc enim propius adest nobis salus, quàm tunc, cum tantum credebamus. Et si cū adhuc essemus peccatores, Christus pro nobis mortuus est, multò magis nunc iustificati sanguine eius, seruabimur

Matt. 23
Ioan. 10

Rom. 13
Rom. 5

SS ij uabimur

uabimur per eum ab ira. Obserua, quòd Christus nunc quidem videtur Apostolos relinquere, sed interim tradit eos in manus Patris. Sic in afflictione videtur nos relinquere: verum ex hoc loco discamus nos non derelictos, sed in manus Patris traditos & commendatos. Qui autem Deo per Filium est cōmendatus, quomodo potest perire? vt maxime ab omnibus creaturis videatur derelictus.

Quos dedisti mihi, ego custodiui.]

Iterum repetit, & addit. [Quos dedisti mihi,] ne quis obijciat, quòd suprà multi discipulorum eius dicuntur ab eo defecisse: hi enim non ipsi dati erant, nec electi. Vnde ibidem dicit: *Nemo Ioan. 6.* venit ad me, nisi Pater traxerit eū. Deinde ideo repetit, vt doceat etiā nos curam quā diligentissimè agere eorum, qui nobis à Deo commendati sunt.

Nemo ex eis perijt, nisi filius perditionis]

Verè filius perditionis, quia & sua culpa perijt, & perditionem amauit. Dilexit (inquit) maledictionem, & veniet ei: noluit benedictionem, & elōgabitur ab eo. Atqui etiam eius pernicies alijs profuit. Primò enim hinc discitur veritas scripturæ, quæ hoc prædixit. Vnde subdit: Vt impleretur scriptura. Secundo, quia per hoc procurata est salus mundi. Tertio, per hoc admonemur, vt in eo persistamus quod cœpimus, ne quod gratuita Dei bonitate collatū est ad consequendam æternam salutem, ipsi nobis nostra culpa vertamus in exitum æternum.

Nunc autem ad te venio, & hæc loquor in mundo.]

Hoc verbo indicat, cur tam longam orationem orauerit. Non (inquit) mei causa hæc fecit: certus enim sum de mea glorificatione. Nec ideo, quòd dubitem de voluntate Patris. Ipse enim Pater amat vos. Nec ideo, quòd Pater adeo durus & inexorabilis sit, sed propter vos, vt gaudium meum in vobis sit. Externum gaudium nullum habebitis, ideo omnibus modis hoc ago vt meum, hoc est, internum gaudium habeatis. Quid enim magis nos exhilarare potest, quā scire quòd Christus pro nobis orauit, Deo nos commendauit, &

in manus Patris obtulit, quòd Deo Patri curæ sumus, & in eius auxilio, &c. Potest etiam sic intelligi verbum hoc. Hæc loquor in mundo, ideo oro, vt impetrem ipsis Spiritum, qui perfectè eos cōsolabitur. Vel sic, Vt gaudiū meum, &c. hoc est, vt me cognoscant, non solum hominem, sed etiam Deum, & ex consequenti non tantum præsentē posse seruare, sed etiam quum videor absens, quod vel solum hominem exhilarare posset.

Ego dedi eis sermonem tuum.]

Alias adfert causas, quibus ostendit iure se pro ipsis orare, ipsos etiam auxilio diuino dignos esse. Primò (inquit) dedi eis sermonem tuum, prædicaui Euangelium & voluntatem tuam, ostendi eis viam viuēdi: dignum est, vt & gratiam accipiant, qua sequi possint. Secundo sermonem tuum eorum cordibus indidi & inscripsi, vt præ omnibus alijs rebus ipsis dulcescat: dignum igitur, vt gratiam præstes, qua possint perseuerare. Tertio, dedi eis sermonem tuum etiam alijs prædicandum, ad quod opus habent fortitudine. Merito igitur pro ipsis rogo, nec immerito tu eos gratia tua donas.

Et mundus eos odio habet.]

Secunda causa, Non solum (inquit) in mundo diutius coguntur permanere inter malos, in multis aduersis, longe à patria sua exules, sed insuper in mundo nedum nullum præsidium sunt habituri, verum etiam persecutionem passuri: dignum est igitur, vt à te consolentur. Tibi enim derelictus est pauper, &c. *Psalm. 113.* Aequum (inquam) est, vt qui à mundi partibus descuerunt ad nos, sequere totos nobis crediderunt, curæ sint tibi, quo mūdus intelligat tutiores esse, qui se nostris tradūt præsidij, quā qui nuntuntur auxilijs mūdi. Simplex illorum erga nos fiducia meretur cælestem fauorem, & odium in eos mundi nostra causa exortum, prouocat nostram erga illos beneuolentiam.

Quia non sunt de mundo, sicut & ego non sum, &c.]

Non (inquit) ideo inuisi sunt mūdo, quod

quod fures sint aut homicide, aut raptores vel impostores, sed primò, quod im-
munes sunt à vitijs huius mundi, ambi-
tione, avaritia, turpitudine, &c. quibus
passim laborat mūdus. Deinde odit eos
quod spreta doctrina Pharisaica, spreta
stulta Philosophia mundi, simplici cre-
dultate pareant meis decretis. Præterea
non sunt de mundo, quia mundo con-
traria docent. Ibi enim impietatem esse
prædicant, vbi mundus iustitiam ponit,
& ibi peccatum faciunt, vbi mūdus pu-
tat se innocentem. Summa, ideo odit eos
mūdus, quia hæreditarium eis post me
reliqui prædicandæ veritatis officium.
Veritas autem, etiam Ethnico teste, o-
dium parit. Si non loquerentur quæ
mundo non placent, non occiderentur,
nec in mundo pressuram haberent. Ob-
eam enim causam etiam ego extraneus
factus sum fratribus meis, &c. quia non
loquor placentia. Addit autem, [Sicut
ego non sum de mundo,] tum ad conso-
lationē, ne graue ipsis videretur odium
mundi: tum ad doctrinam, vt exemplo
illius discerent mundo esse dissimiles,
quæadmodū Paulus, qui ait: Per ipsum
mihi mundus crucifixus est. Et in alio
loco: Imitatores mei estote, sicut & ego
Christi.

Gal. 6.
1. Cor. 4

Non rogo, vt tollas eos de mundo.]

Non rogo, vt confestim eos tollas
ex hoc sæculo, sicut Enoch & Heliam.
Hoc enim non expedit mundo. Si enim
tam de mundo tollerentur, quo vehicu-
lo, quibusue curribus, quoue equitatu
exiret in omnem terram, & in fines or-
bis terræ sermo tuus, assignare mihi po-
stulanti datas à te gentes in hæreditatē
meam? Isti enim sunt soli residui equi-
tui & quadrigæ tuæ, de quibus dicitur:
Qui ascendis super equos tuos, & qua-
drigæ tuæ saluatio. Hinc etiam Paulus
ait: Cupio quidem dissolui, & esse cum
Christo, sed propter vos necessariū mi-
hi est manere in carne. Imò nec ipsis A-
postolis tunc expediebat tolli è mūdo
hoc: erant enim adhuc imperfecti, nec
adhuc cursum ministerij sui absolue-
rant. Non vult Christus sanctos tolli,
antequam virtute pietatis effulserint, &
multos exemplo & verbo suo ad piete-
tem reducerint. Hinc David orabat: Ne

Psalm. 18.
Psalm. 2

Abac. 3.
Philip. 1

Psalm. 101

reuoces me in dimidio dierū meorum,
&c. Per mundum, hoc loco possumus
etiam intelligere calamitates & afflictio-
nes, quarum mūdus plenus est: nō quod
mundus sic conditus sit, vt non nisi ca-
lamitatem producat, sed quod Adā pec-
cato suo in terrarum orbem tota plau-
stra calamitatum inuexit. Sic enim ei di-
ctum est: In laboribus comedes ex terra
fructus, &c. Vbicunque enim peccatum
fuerit, necesse est, vt calamitates sequan-
tur, vt patet Deut. 28. Orat igitur Chri-
stus, non vt calamitates, afflictiones, &
mors à nobis auferatur, sed vt maneant.
Est enim crux schola pietatis. Non (in-
quit) rogo, vt tollas eos de mundo. Sed
quid?

Genes. 3

Sed vt serues eos à malo.]

Suprà in generali dixit: Serua eos in
nomine tuo, hic specialiter dicit à qui-
bus nos seruari velit. A malo (inquit)
non corporis, sed animæ, hoc est, à pec-
cato, impietate, infidelitate, defectione à
fide, &c. Hæc enim vera mala sunt: crea-
turæ enim rationali nihil præter pecca-
tum nocere potest. Afflictio externa ma-
la non est, si non adsit peccatum. Pecca-
tum autem qui sentit, hic verè malè has-
bet, etiam si externè omnia prosperè suc-
cedant. Rogat igitur Christus, vt in ma-
lis non succumbant, vt peccatum non
dominetur ipsis, & non intrent in ten-
tationem, item vt probentur, non per-
dantur. Fidelis enim Deus, qui non pa-
titur nos tentari supra id quod possumus,
&c. Cæterum quod hic Christus
petit à Patre, hoc & nos petere sursit in
oratione Dominica, vbi dicimus: Ne
nos inducas in temptationem, sed libera
nos à malo. Potest etiam per malū in-
telligi spiritus malignus.

1. Cor. 10

Matt. 6

*Non sunt de mundo, sicut ego non sum,
&c.]*

Repetit quod suprà quoque dixerat.
Primò, vt sciamus pro quibus oret
Christus, nempe non pro his, qui mun-
danis voluptatibus dediti sunt, sed pro
his, qui animo, voluntate, & vita è
mundo exierunt. Secundò, vt ostens-
dat eis opus esse multo subsidio.
Quasi diceret: Nihil habent com-
mune in terra cælorum facti ciues,
SS iij quia

quia igitur mundus ut alienos eos reputabit, tu ut celi ciues adiuvata. Tertiò, hoc dicit, ut magis odiat, vel potius fugiant mundum.

Sanctifica eos in Veritate.

Duæ sunt partes iustitiæ. Declinare à malo, & facere bonum. Pro utroque orat Christus. Primò, ut declinet à malo, cum dicit: Serua eos à malo. Secundò, ut faciat bonum, cum dicit: [Sanctifica eos.] Ne quis putet satis esse à malis cessare. Cæterum sanctificare, interdum est mundare, ut cum dicitur: Sanctifica populum, &c. Interdum est ab usu prophano in cultum diuinum aliquid separare, ut cum dicitur: Sanctifica mihi omne primogenitum. Interdum est sanctitatem conferre, ut cum dicitur: Ego Dominus minus sanctifico vos. Petit igitur Christus primò, ut eos sanctificet & emundet à reliquijs peccatorum. Nec obstat, quod supra dixit: Iam vos mundi estis, &c. Nam etiam qui loti sunt, opus habet, ut subinde pedes lauent: Et Pater etiam fructuosos palmites subinde purgat, ut uberiorem fructum afferant. Deinde petit Christus, ut eos sanctificet, hoc est, separet ab huius mundi malis moribus, ut sint vasa & instrumenta sancta Dei, soli gloriæ Dei promouendæ accommodata. Tertiò petit, ut per Spiritum sanctum sanctitatem cordis & corporis ipsis infundat. Ideo addit: [In veritate,] hoc est, ut non in specie & apparentia tantum coram mundo sancti sint, sed in veritate, & re ipsa coram Deo. Vel in veritate, hoc est, non in figura & umbra, sicut in lege & sub lege fuit. Vel in veritate vitæ, iustitiæ, & doctrinæ. Vel aliter: [Sanctifica eos in veritate,] hoc est, confirma & eos in veritate dogmatum. Vel separa eos in verbum & prædicationem, & fac eos sacrificium, quod veritati tuæ ministret, huic suam vitam consecrent, pro veritate se sacrificent: Simplicissimè autem intelligitur: [Sanctifica eos in veritate,] hoc est, in verbo tuo, quod est veritas. In veteri Testamento sanctificabatur populus per asperersionem sanguinis vituli. Atque hæc non erat vera sanctificatio. Impossibile est enim sanguine vitulorum auferri peccata. Vera autem sanctificatio fit per asperersionem sanguinis Christi: Sanguine enim Christi la-

uamur à peccatis nostris. Hæc autem asper-sio sanguinis Christi non fit per hyssopum, sed per verbum & Sacramenta verbo annexa. Sic cum audis quod Christus pro peccatis nostris mortuus est, vel quod dicit: Animam meam pono pro ouibus meis, &c. & credis viuam fide, iam anima tua sanguine Christi conspergitur & mundatur. Idem fit, cum Sacramenta per fidem & in fide suscipis.

Sermo tuus Veritas est.]

Verissima sententia. Vnde David: Principium verborum tuorum veritas. Multi di sapientia plurimum habet falsitatis admixtum. Mosaica lex rerum umbris est inuoluta, Sed tuus (inquit) sermo quem ego docui, est pura veritas, non habet fucos, non habet umbrarum fumos. Sola igitur doctrina mea simplex & omnibus obuia, si modo accesserit credulitas, sufficiet ad æternam felicitatem. Sermo igitur tuus veritas est, hoc est, veræ sanctificationis causa & instrumentum. Vide igitur ubi sanctitatem querere debeas, &c.

Sicut misisti me in mundum, sic misisti eos.]

Etiam hoc verbo ostendit Apostolos dignos esse spirituali Dei auxilio: Idem (inquit) officium eis imposui, quod tu mihi, qui igitur onus imponit, subministret & vires. Misit autem Pater Christum ex charitate & misericordia: eadem causa & Christus Apostolos misit. Misus est Christus, sine ullis humanis præstidijis: Filius (inquit) hominis non habet ubi caput suum reclinet. Sic misit & Apostolos. Misus est Christus, ut annuntiet Patris voluntatem, ut sit exemplar viuum, & ut crucem ferat. Ira & Apostoli mittuntur, non ut humana commeta doceant, sed Euangelium: non ut pro libidine sua viuam, sed ut lux eorum luceat coram hominibus, &c. Non ut sint mundi huius principes, sed ut crucem unam cum Christo ferant: Quia autem hoc non est virium humanarum, ideo subditur:

Pro eis sanctifico me ipsum.]

Trifariam intelligitur. Primò, pro eis sanctifico, hoc est, sancta opera facio, per quæ mereor eis gratiam & gloriam. Omnia enim opera sua & etiam passionem Christus retulit ad profectum nostrum. Secundò, sanctifico, hoc est, sanctum me ostendo

Psal. 33.
Esai. 1.

Exod. 19

Exod. 13

Exod. 31

Ioan. 15.

Ioan. 13.

Exo. 24

Hebr. 9.

Apoc. 1.

Ioan.

Psal.

Mat.

Mat.

Luc.

Mat.

offendo, & prædico ad ipsorum ædificationem & informationem, ut videlicet eò citius in me credant, ideo ostendo me esse sanctum sanctorum. Tertio, sanctifico, hoc est, sanctum sacrificium offero meipsum, sicut Paulus dicit: Christus tradidit seipsum pro nobis oblationem, & hostiam Deo in odorem suauitatis. Cæterum, quamuis clarius fuisset, si dixisset, pro eis sacrifico vel offero meipsum, maluit tamen dicere sanctifico, quo verbo primo innuit se sordidum fuisse. Dicendo autem, Pro eis, non suis, sed alienis sordibus se sorduisse, clare definit, id quod Esaias patenter exprimit: Omnes nos (inquit) terrauimus, &c. Et: Dominus posuit in eo iniquitatem omnium, &c. Igitur, quia propter nos vestibus sordidis indutus erat agnus Dei, qui in se innocentissimus erat, congrue dicit: [Pro eis sanctifico meipsum.]

Ut & ipsi sanctificati sint in veritate.]

Vide quales Christus velit habere discipulos, non diuites aut gloriosos, sed sanctos. Vide quam ob causam Christus seipsum sanctificauerit, hoc est, sancte vixerit & mortuus sit. Deoque se obrulerit, non ut nobis oriri aut impiè viuere liceret, sed ut & nos sanctificaremur, nec simpliciter, sed in veritate. Vult igitur ut & nos simus diuinæ gloriæ instrumenta & vera sacrificia. Huc pertinet quod Paulus ait: Consepulti sumus Christo per mortem, ut quomodo ipse surrexit, &c. per totum caput. Item: Præbete corpora vestra hostiam viuentem, sanctam, Deo placentem, &c. Non satis est Christum fuisse sanctum & Deo oblatum. Vide igitur ne te seducas, &c.

Non pro his autem rogo tantum, &c.]

Hoc addit, ne quis putaret ad solos Apostolos pertinere quæ hætenus dixit. Obserua, quod non pro omnibus futuris orat, sed tantum pro credituris. Soli enim credentes orationis eius participes sunt. Deinde generaliter sine exceptione dicit: Pro his, qui credituri sunt, ne quis videatur exclusus. Non tantum orat pro his, qui ex Iudæis credituri erant: alioqui Gentiles excluderentur. Nec orat tantum pro his, qui Apo-

stolorum exemplo, multos ad Christum adducunt: alioqui excluderentur indocti & idiotæ, pueri, &c. Non orat tantum pro his, qui magnas diuitias relinquunt, aut pauperibus distribuunt: alioqui pauperes viderentur exclusi, &c. Sed simpliciter dicit: Pro his qui credituri sunt. Credere autem possunt & pauperes & diuites, & docti & indocti, & serui & liberi, & viri & mulieres, & senes & pueri. Nullos igitur excludit, nisi qui se ipsos excludunt. Signanter autem addit: Qui credituri sunt in me. Non enim quælibet fides sufficit, nisi in Christum credatur. Nec simpliciter dicit: Qui per vos credunt: alioqui videretur de his solis loqui, quos Apostoli viua voce conuerterunt. Sed dicit: Qui per verbum eorum credituri sunt, ut etiam nos & posterius nostri includantur. Aequaliter enim est ei cura de omnibus. Hic igitur vides impletum, quod in Psalmo prædictum est: Memor ero Raab & Babylonis scientium me, &c. Verè enim sicut tunc promiserat, sic nunc in passione sua Dominus memor fuit Raab & Babylonis, hoc est latitudinis & confusionis, id est, latius diffusæ & nimium confusæ gentilitatis. Deinde in illa memoria eius etiam fuimus nos alienigenæ, alieni scilicet à Testamento Patrum. Nos Tyrus, hoc est, angustiat in carcere & tenebris peccatorum: nos denique populus Aethiopum præ nimia nigredine vitiorum, vel tenebris ignorantiae, &c. Ex hoc igitur loco confirmandæ sunt conscientiae nostræ aduersus omnia mala: hic enim certificamur de bona erga nos Dei voluntate. Orante enim Christo, Pater exaudit: exaudiente Patre, quid reliquum est, nisi gratia & fauor? Quemadmodum igitur si quis ab amicissimo parente verbum audiat etiamnum iræ plenum, non mox despondet animum, quod certò sciat amicam patris voluntatem, sub inimico verbo, sic & nobis faciendum si affligimur, &c. Deinde ex hoc loco discimus, quantum Christo debeamus, qui pro nobis nondum natis iam orauit. Videmus ite, quantum nobis pro salute nostra agilandum sit, pro quibus sic sollicitus est Christus. Consolatur hoc verbo etiam Apostolos, dum palam indicat non deserturos, qui per verbum ipsorum credituri

Sap. 6.

Psal. 36.

ri sint, ipsosque fore plurimorum fidei & salutis authores.

Vt vñ sint, sicut tu Pater in me, &c.]

Non sine causa in ultimo sermone & charitatem præcepit, & pro vnitæ fidelium orauit. Præuidebat enim Ecclesiam summè profecturam ex vnitæte & charitate: Eandem autem vel maxime defecturam ex discordia, ideo primum orauit, vt Apostoli vnum sint, vno scilicet spiritu, & concorditer doceant. Non satis autem est hæc vnitas Apostolorum, nisi & alij quoque vniantur: ideo nunc vult, vt omnes vnum sint. Primò, vt non sit amplius distinctio inter Iudæos & Gentes, sed vt ex duobus populis fiat vnus populus, vna Ecclesia. Hoc enim agebat Christus, vt duos populos in se vniret, pariete inimicitiarum, lege scilicet, sublato, &c. Secundò orat, vt vnum sint in spiritu, fide, & pietatis studio. Tertiò, vt vnum sint in charitate, ac mutuò sibi cohæreant: hoc enim fortes & inuictos reddit credentes: *Ephe. 2.* Frater, inquit, qui adiuuatur à fratre, tanquam ciuitas firma. Quartò, vt sint vnum corpus, ac omnia Dei dona, quæ singuli habent, ad aliorum commodum & salutem impendant: id quod faciunt membra corporis, &c. *Pro. 13.* Quid autem pulchrius esset Ecclesia, si hæc haberet vnitatem? *1. Co. 12.*

Sicut tu Pater in me, & ego in te, vt & ipsi in nobis, &c.]

Sicut nulla maior charitas esse potest, quam ea quam Christus ostendit, sic nulla maior vnitas, quam inter Filium & Patrem. Sicut igitur suprà suo exemplo docuit summam charitatem: sic hic extigit summam vnitatem. Signanter autem addit [Vt in nobis vnum sint.] Non enim quælibet vnitas Deo placet, sed ea tantum, quæ ex Deo & in Deo est, & in Deum dirigitur. Deinde dicendo: [Vt in nobis vnum sint,] vult vt non solum inter nos charitate vniamur, sed etiam vt ipsi & Deo copulemur, nempe vt & inter nos & cum Deo vnum simus. Hæc enim fortissima est colligatio, vbi Deus in Christo est, Christus in nobis, nosque mutuò cohæremus. Deus Pater radix est, Christus sti-

pes est, Spiritus sanctus est succus, nos rami, opera nostra fructus sunt. Hunc ordinem, hanc vnitatem & colligationem quærit Christus, nec solum eam habere cupit, sed & media præstitit, quibus hoc fieri potest. Vt enim cum ipso vniamur accepit à nobis naturam nostram, econtra dedit nobis corpus & sanguinem suum. Vt autem etiam cum Deo vniamur, dedit nobis Spiritum sanctum. Hic igitur vides, quid sit Christianismus, vnum scilicet esse cum Deo per fidem & dilectionem, vnum item cum proximo per charitatem, & hoc est sanctificari in veritate.

Vt credat mundus, quia tu me misisti.]

Hoc est, vt etiam coram mundo manifestum fiat, me diuina authoritate in hunc mundum missum esse. Hoc autem tum primum impleti ceptum est, quando Spiritu sancto missio, factum est cor credentium vnum, & anima vna, quæ res etiam coram mundo stupenda erat, vt & procul dubio etiam impij exclamare coacti sint: Digitus Dei est, & hæc mutatio dextræ excelsi, &c. Alioquin natura omnes auari sumus, & nostra tantum quærimus.

Et ego claritatem, quam dedisti mihi, dedi eis.]

Quicquid, inquit, clarum, gloriosum & bonum in me habeo, ipsis communicauit. Primò claritatem sapientiæ veteræ. Dedi enim eis verbum tuum, quod vera claritas & lux est, qua Deus cognoscitur: dedi eis Euangelium, quod est gloria & potentia Dei ad salutem. Nam ministratio condemnationis fuit in gloria, quantò magis ministratio iustitiæ erit in gloria? Secundò claritatem potestatis. Iuxta illud: Ecce dedi vobis potestatem calcandi supra serpentes & scorpiones, &c. Et iterum: Signa eos qui crediderint hæc sequentur, &c. Et iterum: Qui credit in me, opera quæ ego facio & ipse faciet, & maiora horum faciet. Tertiò, claritatem filiorum Dei, vt sicut ego per naturam filius Dei sum & vocor, sic illi per adoptionem filij Dei nominentur & sint. Quartò claritatem vniionis. Sicut enim humanitati Christi datum est vnum esse cum Deo, sic & nobis

bis datum est vñtri Deo. Quintò, dedi eis claritatem meam, hoc est, omnia bona mea, omnes titulos meos, vt etiam ipsi sint reges & sacerdotes. Sextò, claritatē immortalitatis dedi eis etiam in spe & promissione, daturus suo tempore & re ipsa. Vidēs ex hoc verbo, quantum debeat Christus, quārum nos dilexerit. Omnia autem iam dicta nobis in hunc finem dedit, vt simus vñum, nec simplici, sed sicut Pater, Filius, & Spiritus sanctus, hoc est, perpetuò & indissolubili vñum simus.

Ego in eis, & tu in me, &c.]

Christus est nexus illius nostræ cum Deo vnionis. In ipso enim quasi in mediatore coniuncta sunt terrena cælestibus, quæ alioqui nunquam coniungi potuissent. Addit autem: Vt sint cōsummati in vñum. Quod primò sic intelligitur, vt sint directi in vñū finem, ad futuram, seu ad stabilem æternitatē. Secus dō intelligitur sic: Vt sint cōsummati, hoc est, perfecti in vñitate. Quemadmodū enim in lege oportebat hostias imolandas esse integras, non morbidas, non vitiosas, &c. ita & sanctos oportet esse integros, non claudicare in duas partes, partim Baal, partim Deo seruire, sed soli Deo adhærere, &c. Tertiò intelligitur sic: Vt sint consummati in vñum, hoc est, in vñitate subinde crescāt & proficiant. Hinc Paulus: Crescamus in illo per omnia, &c.

Et cognoscat mūdus, quod me misisti, etc.]

Hæc enim duo mundus ignorat. Primò, quod Deus Christum miserit: alioqui non sic eum verbumque eius contemneret. Secundò, quod Deus diligat pios homines, quemadmodum proprium Filium diligit. Hoc (inquam) nescit mundus, alioqui non tā malè tractaret pios. Atqui vtrunq; ex vñitate & concordia fideliū cognoscei posset. Dilexit autē Pater Christū ab æterno, & in eum finē, vt glorificaretur: deniq; dilexit vt Filiū. His tribus modis etiā nos dilexit & diligit.

Pater volo, vt quos dedisti mihi, sint vbi ego sum.]

Nedum rogat, vt seruemur à malo, sanctificemur, & vñi simus, sed vult, vt etiā perpetuò cū ipso simus. Vide autē

emphasim verborū. Primò sepius in sua oratione nomen Patris repetit. Nec mirum: est enim dulce ad nominandū, dat fidutiam impetrandi, deniq; & deuotionem accēdit. Deinde nō dicit hic. Rogo, sed Volo, quasi potestatem habens, vt ostenderet, se non solum hominem esse, cui oratione opus sit, sed etiā Deū esse, qui quod petitur, dare potest. Repetit & illud: [Quos dedisti mihi] vt forius imprimat solos illos bonorū Christi participes, qui ipsi per fidem adhærent: Volo, inquit, vt mecū sint in patria, in regno, in consolatione, in lætitia, in gloria, qui mecum fuerunt in via, in exilio, in tribulatione, in tristitia, in ignominia. Iustum enim est, vt quos socios habuit in vita, similes in pœna, conformes in moribus, fide stabiles, operibus fidei efficares, spe gaudentes, charitate feruentes, &c. etiam secum habeat in æternitate. In generali autē dicit. Vt vbi ego sum, &c. ne putemus pios solum in cælocū Christo futuros. Vbiq; enim cum ipsis est, siue in morte siue in vita. Vnde Dauid: Si ambulauero in medio vmbrae mortis, non timebo mala, quoniam tu mecū es. Et Paulus: Siue viuimus, siue moriamur, Domini sumus.

Vt videant claritatem meam, &c.]

Hoc addit, vt sciant me postea nō in vili habitu apparitūrum, sed in gloria. Non tamen dicit, Vt habeāt claritatem meam, sed Vt videant, ne putentur credentes omnino similes Christo futuri, id quod est impossibile. Nec simpliciter dicit, [Vt videant claritatem meam] hoc est meæ humanitatis: hanc enim & impij videbunt. Vnde Christus: Videbūt Filium hominis venientem cū potestate in nubibus cæli. Et Ioannes: Videbit eum nimis omnis caro, etiā qui eū pupugerūt. Ideo Christus addit: Quia dilexisti me, &c. quod soli videre merebuntur oculi beati iustorū. Formā quippe Dei, in qua Patri dilectus erat ante constitutionem mundi, soli videbunt pauperes spiritu, mites, lugentes, &c. Vnde & in cælis regnabunt, & terrā viuentiū possidebūt, & consolabūtur, &c. Itaq; dixisse: [Vt videant claritatē meā,] satis est ad indicium futuræ beatitudinis. Videre namq; est habere, imò visio claritatis æternæ, est claritudo videntium, & efficiēs claritatis eorum.

Psal. 22

Ro. 14

Luc. 22

Apoc. 1

Matt. 54

eorum causa. Vnde & Ioannes, cum dixisset: Similes ei erimus, statim causam efficientem subiungit: Quoniam videmus eum sicuti est.

Pater iuste, mundus te non cognovit.]

1. Tim. 2 Pulchrè Christus in sua oratione obsecravit quatuor illa, quæ Paulus obsecrari vult & fieri in Ecclesia, videlicet obsecrationes, orationes, postulationes, gratiarum actiones. Primò enim obsecrationem præmisit dicens: Pater venit hora, clarifica, &c. in quibus verbis quasi benevolentiam Patris ambiuit. Ab eo autem loco, ubi dicit: Ego pro eis rogo, &c. oratio, hoc est, verba supplicantiæ sunt, sed nondum explicantiæ quid velit aut quò tendat. At verò cum ait: Pater sancte serua eos, &c. postulatio est. Hic autem cum dicit, Pater iuste, &c. gratiarum actio est, qua iustitiam Patris ac misericordiam commendat & collaudat. Iuste enim factum est, ut creatorem suum mundus ob culpam superbix cæcatus, non agnosceret: misericorditer verò indultum, ut lumen oculorum suorum, scilicet Dei filium in humilitate susipientes, ad visionem claritatis Dei perducerentur. Dicendo igitur: Pater iuste, quasi idem est cum eo, quod alibi dixit. Confiteor tibi Pater, quod abscondisti hæc à sapientibus, &c. Obserua, quòd suprà petiturus discipulorum sanctificationem, præmisit: Pater sancte: hic autem iudiciorum Dei nos admonens præmisit: Pater iuste. *Psal. 17.* Deus enim pijs sanctus est, impijs iustus: Cum sancto sanctus eris, cum peruerso peruerteris, ait Daud. Per hoc autem, quod Patrem iustum nominat, præmonuit, ne temere iudicia Dei reprehendamus, sed certò persuadeamus nobis, eum in omnibus iustissimè agere. Mundus te non cognovit, verissima sententia. Primò enim cognoscere noluit, cum potuisset ex his quæ Christus fecit & docuit, imò & ex creaturis. Secundo, quia etsi Deum esse cognovit, tamè non saluari cognitione cognovit, quia non sicut Deum glorificauit. Tertio, nec Patrem nec iustum esse Deum cognovit, hoc est, nec ipsius bonitatem

amplectitur, nec iudicium timet. Dignus igitur retributione cæcatus est mundus, ut eius perderet cognitionem, cuius non recepit dilectionem, eiusque amitteret auxilium, cuius spreuit cōsiliū. *Matt. 11.*

Ego autem noui te, & hi cognouerunt, &c.]

Nemo enim nouit Patrem, nisi Filius, & cui voluerit Filius reuelare. Laus autem & commendatio Apostolorum est, quod subdit. [Et hi cognouerunt.] Per hoc enim eos longè separat à mundo. Ne quis autem putet discipulos æqualiter cognoscere ut Christus, addidit: Ego notum eis feci nomen tuum. Ut autem sciamus sine Spiritu sancto nunquam perfectè cognosci Deum, addidit: Et notum faciam, per Spiritum sanctum scilicet. Dupliciter enim manifestatur Deus. Primò per verbum, secundo per Spiritum sanctum.

Ut dilectio, qua dilexisti me, in eis sit, &c.]

Dilectio, qua Pater diligit Filium, est Spiritus sanctus. Vel per dilectionem (more Hebræico) bona è dilectione collata intelligit. In hunc finem Christus omnia & fecit & docuit, orauit & passus est, ut Spiritum sanctum omniaque Dei bona acciperemus. Addidit in fine. Et ego in eius. Nedum enim bona sua, sed & seipsum nobis communicauit. Hæc igitur summus ille sacerdos noster pro nobis orauit, & vultus eius non sunt amplius in diuersa mutati. Non enim cessantibus verbis, vultus eius clamor cessauit, sed quod nunc verbis orat, hoc deinceps ipsa passione clamabit. Cæterum orando exemplum nobis dedit, ut tempore tentationis è cælo auxilium quæramus, & potissimum spiritualia quæramus. Quòd pro hominibus orauit, consolatio est:

quòd autem non pro mundo, terrere nos debet, ne & nos adhuc in mundo simus, aut peramus, aut peramus.

. Cap.

Caput XVIII.



ACTENVS con-

cio Christi in vltima
cœna habita est, qua
Christus seipsum totū
quantus quātus est, ex-
posuit, declarauit, mani-

festauit, vt certō sciremus, quantum bo-
norum in se contineat, idque sub cruce.
Nam frustraneus est nobis thesaurus,
qui non manifestē nobis aperitur. Ita
nihil prodesset Christus, si nō bona sua
verbo Euangelij declarasset. Externe
enim vidēti non possunt propter humi-
litate crucis, quæ visum impedit. Opus
igitur erat verbo manifestate: Hinc est,
quod nunc se dixit Patri æqualem, nūc
vitam veram, nunc amicum, nunc viam,
veritatem, vitam: nimirū, vt sub hīs no-
minibus ostendat, quantum bonorum
in se contineat. Finita igitur concione &
oratione Christi, nūc ad passionem eius
describendam accedit Euangelista.

Hæc cum dixisset Iesus.]

Hæcenus (inquit) verbo doctrinæ &
orationis sacerdotē egit, nunc ipso quo-
que sacrificio se sacerdotem verū osten-
det. Congruē autem ad memoriā reuo-
cat, quæ Christus in vltima cœna dixe-
rit. Illic enim mysticum illum summi
sacerdotis ornatum pulchrē expressit:
Deorsum (inquit Dominus ad Moy-
sen) ad oram tunicæ summi sacerdotis,
facies quasi mala punica & tintinnabula
aurea, &c. Et vestietur ea Aaron in of-
ficio ministerij sui, &c. Fines tunicæ sa-
cerdotalis, extrema tempora sunt vitæ
Domini nostri Iesu Christi. Mala puni-
ca sunt ignea charitatis eius opera, quæ
in vltima cœna ostendit. Tintinnabula
autem sunt clarissima dilectionis eius
verba, quibus in prædicta cœna discipu-
los instituit, & deinceps Patrem pro ip-
sis orauit. Ita mixtis tintinnabulis do-
ctrinæ, & operum eius malis punicis,
nihil visu pulchrius, nihil auditu dul-
cius, nihil experimento delectabilius est.
Igitur, quia iam & pulchritudinem ma-
lorum punitorum vidimus, & sonitum
tintinnabulorum clarē personantium
nouissime audiuius, deinceps qualiter

in sacerdotali suo officio ingressus vul-
tui Dei pro nobis astiterit, quoque ordi-
ne semetipsum obtulerit, attendamus.

Egressus est cum discipulis suis.]

Quod sæpē hæcenus testatus est ver-
bo, nempe se pro nobis passurum: hoc
nunc opere exequitur, sponte egrediens
ad locum proditori non ignotum, & ca-
ptioni congruum. Egressus igitur est in
felicem illam Hierusalem Christus, lux
mundi, & in fine diei, finis ipse factus
lucis misero illi populo, tenebrasque eis
reliquit lux abiens, & noctem sempiternā:
sicque impleuit, quod dudum per
Hieremiam prædixerat: Reliqui domū
meam, dimisi hæreditatem meam. Item
per seipsum: Relinquetur vobis domus
vestra deserta. Hic enim egressus Chris-
ti præfigurabat desolationem templi
& ciuitatis. Tēpus enim erat, vt abolito
carnali illo cultu, institueretur verus cul-
tus Dei, qui consistit in spiritu & veri-
tate. Iam dudum autem impietas Iudæ-
orum meruerat, vt à Deo relinqueren-
tur. Quod igitur sæpē cōminando præ-
dixerat, hoc nūc re ipsa in suo illo egres-
su ostendit. Et quanquam ipsi tunc nihil

Hier. 17.
Mat. 23.

Ioan. 4.

curabant præsentiam Christi, nec ali-
quod damnū propter ipsius egressum
timebant, imō omnibus votis cupie-
bant, vt quam primū à conspectu ip-
sorum quoquo modo tolleretur: paulo
tamen post senserunt omnia bona per
egressum Christi ab eis ablata. Vnde &
ante captam Hierosolymam audita fuit
vox in templo, dicens: Migremus hinc,
vt Iosephus testatur. Ideo & post clama-
bant, & nemo exaudiebat. Sic mundus
minimum damnum æstimat Christum
amittere, sed post aliter sentiet. Quod au-
tem vno tempore Christus & Apo-
stoli egrediuntur, præfiguratio fuit,
quod & Deum & Prophetas perdituri
essent. Miserrima planē ciuitas, quæ
nec Christum, nec Apostolos habet.
Congruē autem Christus peracturus
sacrificium suum, secedit & egreditur,
docens nos vitare tumultum tempore
oratiōis. Iuxta illud: Sedebit solitarius,
& tacebit, & leuabit se supra se. Hinc in
Osea dicitur: Ducam eam in solitudi-
nem, & ibi loquar ad cor eius. Signanter
autem

Thre. 3.
Osee, 2.

autem Euangelista viam describit huius exitus.

Trans torrentem (inquit) Cedron.]

Vallis erat inter Hierusalem & montem Oliuarum, dicta Kidron, & eodem nomine vocabatur fluuius illic transiens. Pulchrè autem passionis molestiâ hic torrens adumbrabat. Sicut enim torrens imbribus adauctus cum impetu transit, statim autem aqua defluit & omnino cessat: sic têtatio magno quidem impetu hominem aggreditur, vt parùm absit à submersione, quemadmodum

Psal. 68. David clamat: Saluum me fac Domine, quoniam intrauerunt aquæ vsque ad animam meam: non tamen diu durat. Fidelis enim Deus, qui non patitur nos tentari supra id quod possumus. Hunc torrentem etiam David olim filiû suû fugiens, in mœrore & tristitia legitur transisse. Hunc & Christus transiit, &

1. Co. 10. quidem bis. Primò in persona sua. Secundò in membris. Omnino enim per hanc viam oportet nos sequi Christû, Nec tamen est, quòd despondeamus animam. Nam etiam in torrente hoc turbido ingentia bona latent. Sic Isaac in torrente fodiens, reperit aquam viuam.

2. Pa. 15. Sic è valle torrentis exploratores botrû abscissum in castra Israel portant, in hoc ipso torrente Ezechias combussit idola domus Iudæ. Sic in torrente tribulationis inuenitur aqua viuâ consolationis, cibis lætificans cor. Tribulatio enim optimos in nobis parit fructus. Denique comburit & incêdit quicquid in nobis est vitiorum, quemadmodum ignis purgat & mundat aurum.

Vbi erat hortus, in quem intrauit ipse & discipuli eius.]

Alij Euangelistæ scribunt eum in montem Oliuarum secessisse, id quod pulchrè quadrat ad exordium passionis. Oleum enim lætitiâ significat, iuxta illud: Tu autem cum ieiunas, unge caput tuum, &c. Tunc autem fructuose crucem portas, cû non ex tristitia aut ex necessitate, sed hilari corde teipsum Deo offers. Hilarem enim datorê diligit Deus. Cæterum, quod alij prætermiserant de horto, Ioânes supplet: [In hortum (inquit) intrauit,] vt nimirû in horto inciperet satisfactio, quemadmodum in

horto (nempe Paradisi) etiam cœperat peccatum. Cû enim Adam in horto illo sua libertate aut potius licentia abusus, nos captiuos tradiderit Saranæ, omnibusq; malis. (Cui enim malo non expositus est homo?) admodum conueniens erat, vt Christus sua captiuitate nos in horto à captiuitate liberaret. Cōfert nunc inter se, quæ in Paradiso prius, & nunc hic facta fuerunt. In horto Paradisi Adam inobediens inuentus est, in hoc horto Christus obediuit vsq; ad vincula. Illic Adam libertate captiuitatē meruit, hic Christus libertatē captiuitate vindicauit. Illic sententiâ damnationis in hominem pronuntiâuit Deus, hic eandem sententiâ in seipsum misericorditer suscepit, vt vel hinc videamus, quomodo superexaltet misericordia iudicium, & quod miserationes eius super omnia opera eius. Cæterum, ne quis putet Christum fugiendû & sese occultandi gratia hoc secretum horti petiisse, addit Ioannes:

Sciebat autem & Iudas locum, &c.]

Magnum adminiculum salutis esse poterat misero illi, scire vbi Iesus esset & inuenti posset. Quid enim aliud petiit sponsa? Indica, inquit mihi, quem diligit anima mea, vbi pascas, vbi cubes, &c. Verum miser ille pessimè abusus est hac scientia in suam ipsius perniciem, tanto nequior cunctis hominibus, quâto serpens callidior erat cunctis animantibus, & ob hoc opportunius fuit Diabolo homicidæ satellitium, sicut serpens eidem Diabolo, ad decipiendum primum hominem, competentius extitit diuersi sortum. Sicut enim tunc serpente vsus est Diabolus ad occidendum in animâ terrenum hominem: sic nunc isto tractore vtēbatur ad occidendum in corpore hunc hominem cælestem, & nouum. Cæterum, sicut ille serpens propterea quod Diaboli instrumentû fuerat, præ omnibus animantibus maledicitur, ita hic Iudas ob eandem causam grauissimis maledictionibus obnoxius factus est, quemadmodum supra ostensum est. Nos interim obseruemus, quòd Christus frequenter ad hortum hunc cum discipulis suis conuenerit. Solitaria enim loca & silentij officinas quærere solebat

bat Dominus: maxime, si quando mysticum aliquid tradebat. Locus enim quietus ad orandum, & docendum aptus est. Vnde discimus hic, quod Christus frequenter orauerit, quemadmodum & nobis praecepit. Non tamen propter se elegit locum quietum (nihil enim ipsum inquietare poterat) sed ad exemplum nostrum, quemadmodum & alibi dicit: Cum oraueris, intra in cubiculum tuum, &c. Quod autem non alibi, quam in horto frequenter cum discipulis conuenit, signum est, quod amat virorem virtutis, & gratiae fideique fructum. Illic enim libenter moratur & inuenitur. Secus autem, ubi omnia arida & infrugifera sunt, qualis erat sterilis illa synagoga, quam & sub typo ficulneae infrugiferae maledixit: Nunquam, inquit, oriatur ex te fructus in aeternum.

Iudas autem cum accepisset cohortem, &c.]

In Iuda multa spectanda sunt. Ante omnia miserabilis ipsius casus, ut qui è discipulo factus sit proditor, è comite Christi dux latronum: & qui modo in eadem mensa cum Christo coenabat, qui sanctum eius panem manducauerat vnam cum alijs, qui denique Christum verbis & factis ad pietatem exhortatem audierat, ab ipsa mensa exiliens, impijs se conlunxerit ob exiguum lucrum, non pietatis Christi recordatus, totius spei oblitus, nullam curam gerens Apostolicae dignitatis, omnibus illis bonis tam paruum ac vile praeponebat pretium. Sic enim auaritia excecat hominem, facitque, ut omnium, praeterquam pecuniae, obliuiscatur. Deinde in Iuda attendendum est imperuestigabile Dei consilium, quod permiserit, aut voluerit hunc, quem tam honorifico munere honestauerat, proditoris scelere contaminari. Caue verò, Deum in hoc iniustum putes. Audi enim Sapientem. Cum iustus, inquit, sis, omnia iuste disponis, &c. Porro hoc exemplum Iudae partim iram & potentiam Dei declarat, quemadmodum & Paulus Pharaonem ideo excitatum dicit, ut in eo Deus ostenderet potentiam suam: partim nos monet, ne efferamur animo, sed timeamus. Si enim Deus naturalibus ramis non pepercit, vide

ne qua fiat, ut ne tibi parcat: proinde qui stat, videat ne cadat.

Venit illuc cum laternis, facibus, & armis.]

Perdita pace conscientiae, externis armis & multitudine se munit, quod signum timoris est. Nec simpliciter multitudine se munivit, sed vtraque potestate, hinc Romanorum, hinc Pharisaeorum: his fultus praesidijs, sperabat se securum. Verum o stultum hominem: Nolite (inquit) confidere in principibus, nec in filijs hominum, in quibus non est salus. Caeterum, quod Iudas tam facile vtranque, & saecularem & spiritualem potestatem contra Christum comparauit, indicium est, quod vtrique magistratus impij erant, nec suo officioungebantur. Videmus autem hic, quibus armis impij Babylonis ciues, impugnant ciues Hierusalem, hoc est, pios, nempe non veritate & iustitia, sed tantum ut & potestate. Item impij cum arguuntur, vi humana se tueri volunt, quia Deo non confidunt: multitudine se mununt, quia putant se minus peccare, si cum multis peccet. Denique etiam in hoc videmus tam Iudae quam Iudaeorum caecitatem, quod lumen medicant à lucetis, cum habere possent solem iustitiae, timent ne in foueam incidant, aut in lapides impingant, & matus periculum animae non timent. Sic impij trepidant timore, ubi non timor: & ubi timere deberent, illic securi sunt. Caeterum, sicut Iudaei hic gladium iniuste contra Christum euaginauerunt, sic iusto Dei iudicio factum est, ut gladius eorum intrauerit in cor eorum. Pro vna enim cohorte Romana, quam contra Dominum conduxerunt, immensum Romanae virtutis exercitum contra eos misit Deus. Et quia cum laternis, facibus & armis exierant ad capiendum Christum, iusto Dei iudicio lucerna legis & Prophetarum cecidit è manibus eorum, sicut scriptum est: Obscurentur oculi eorum, ne videant.

Iesus itaque sciens omnia quae ventura, etc.]

Omnia sic facta & scripta sunt, ut manifestissimis argumentis videamus, Christum promptè & voluntarium accessisse ad crucem. Si enim vel dolo hu-

- mano, vel vi in crucem adactus esset: iam constaret, mundum ipso fortiores & astutiores esse, atque adeo ipsum non esse Deum. Qualis enim Deus esset, cui mundus praeualere posset? Deinde, si inuicto & coacto animo mortem pertulisset, iam non perspicua esset eius dilectio. Quia autem Euangelistae ubique indicant, eum nec dolis nec vi humana capi potuisse, donec ipse vellet, palam constar, ipsum esse mundo & sapientiores & potentiores, clariusque inde in signis eius charitas apparet: omnia autem ad consolationem nostram. Quemadmodum igitur supra dixit: Sciēs, quia venit hora eius, ut transeat, &c. cum dilexisset, &c. sic vere etiam nunc, quamuis sciret non aliquantulum, sed omnia quae ventura erant super eum, idque perfectissime sciret, & quod iam praeforibus essent: non tamen recessit, non fugit, non se abscondit, sed in finem usque perseveravit in dilectione nostri. Unde & hostibus suis obviam processit, solus contra multos, inermis contra armatos, ut omnibus constaret, ipsum non timere mortem. Et alius quidem aliquoties legitur se abscondisse & fugisse: hic autem hostibus sponte occurrit. Iam enim aderat hora eius à Patre praefixa. In utroque autem nobis exemplum dedit. Nam fuga & secessionibus docuit nos, ut non tentemus Desistere: hac autem sua obuiatione docuit, ut & nos promptos voluntati Dei offeramus, & multa animi libertate ei obsequamur. Sic & Paulus aliquando sponte fugit, in fine tamen etiam fratribus entem, & cum multis lachrymis fugam suadentibus non consensit.
- Acto. 23. Quid facitis, inquit, affligentes cor meum? &c. Hic enim obrulit se voluntati Dei, alibi Deum non tentavit: utrunque ex fide. Utrunque enim auxilium Dei postulat. Nam nec imminens periculum possumus effugere, nisi manus Domini defendat, nec possumus nos voluntati Dei resignare, nisi spiritu Dei ducti. Obseruandum & hoc, quod Christus cum ad regnum quaereretur, fugit: nec mirum. Qui enim se exaltat, humiliabitur. Regna enim & imperia plerumque nihil aliud sunt, quam praecipitia. Econtra autem cum ad crucem quaeretur, obviam processit. Sciebat enim se per crucem ire ad Patrem. Discamus
- Igitur & nos spe futurae felicitatis, non horrere praesentia & momentanea mala, nec attendere quid patimur, sed quod per passionem ad Patrem pergimus. Vide autem, quam promptum haberet animum Christus ad patiendum. Non solum enim aduersariis occurrit, sed prior interrogat. Quem quaeritis? Poterat sane eos seuerè arguere, ac praeterita ipsis beneficia, ipsorumque ingratitude & impietatem exprobrare, imò poterat vno nutu omnes perdere: nihil tamen horum fecit, sed tanquam nesciret ipsorum conamen, blandis verbis interrogat, quid quaereret. Iam enim tempus erat non iudicii, sed misericordiae. Non transcendendum erat, sed patiendum, & malum bono vincendum. Familiariter igitur dicit: Quem quaeritis? quo verbo primum monet ipsos, ut cogitent, quid faciant: Quem, inquit, quaeritis? Innocentem scilicet, & eum quem ex signis & miraculis cognouistis hominem maiorem esse. Hoc cogitate. Magnum est innocentem ad mortem quaerere: Sanguis enim innocentium clamat in caelum: multo maius est in Deum peccare: Si peccauerit, inquit, vir in virum, propitiabitur ei: si autem contra Deum peccauerit, quis orabit pro eo? Deinde hoc verbo (Quem quaeritis?) Christus teridet vanum eorum apparatus, imò timorem. Quem, inquit, quaeritis, id est, quid opus armis? Quem timetis? Num me inermem? num meos, & ipsos inermes? Non tamen statim à principio dicit: Ego sum quem quaeritis, cum sciret ipsorum conamen, sed primum interrogat, ut ex eorum responso occasionem habeat ipsos confutandi, & ut totum mundo manifestum fiat, tantam multitudinem ob unum hominem exisse, quemadmodum & ipsimet fatentur, se unum tantum quaerere. Praeterea etiam ideo antequam se capi permittat, hostes interrogat, quem quaerere: per hoc enim quodammodo gratiam suam illis offerebat. Quasi diceret: Ad hoc missus sum, ut omnibus gratiam praestarem. Hoc experti sunt quotquot me hactenus bono corde quaesierunt. Igitur, si & vos quaeritis gratiam, adsum praestaturus etiam indignis. Quem igitur quaeritis? Obserua hic Christum.

Christiane, si tam impijs hominibus igitur Christus respondet? [Ego sum.] gratiam suam obtulit Christus, quanto Hoc vel vno verbo indicatur, eum vos promptius eandem gratiam, imò seipsi luntariè passum: quandoquidem vt igitur sum quoque offeret his, qui ipsum in notus potuisset vel aufugere, vel latere: veritate quærunt? Cæterum, quod imò verum oblatus est, quia voluit. Obser- Esai. 53. pij illi & obstinati non respondent: Te uandum autem, quod Christus liberè quærimus, quasi eum agnoscentes, sed confitetur, nec pudet eum nominis sui: quasi ad incognitum dicunt: [Iesum Na Sum, inquit, Iesus Nazarenus, id est, zarenum quærimus,] hoc verbo mani- Saluator sanctus: quo verbo iterum nos festissime indicatur, quod eum nec ex fa admonet, & separatum esse ad saluand- cie, nec ex vestibus, nec ex voce cogno- dum, si velint: & ipsis impune non cesa- uerunt, quamuis iamdudum omnibus surum, si se Iesum & saluatorem & san- hominibus cognitus esset. Hoc autem ctum ad mortem quærant. Deinde quia non fuit propter tenebras, quia habebat hoc ipsum nomen, vt esset saluator ius- lucernas & faces, sed diuina virtute fa- stus, non habebat ex humana natura, sed ctum fuit. Primò ad ipsorum confusio- ex virtute diuina, quæ in ipso vnà cum nem, vt vel hinc discerent se frustra in- diuinitate in vnā personam conuenie- sanire. Maxime autem ad cōsolationem rant: rectè dicentibus, se quærere Iesum nostri factum est, vt sciamus hostes no- Nazarenum, propriam suæ diuinæ es- stros, vt maxime nos facie nouerint, ni- sentiaē vocem respondit, dicens: [Ego Exod. 3. sum.] Sic enim & olim Moysi dixit: hil tamen malorum posse citra bonam sum.] Sic enim & olim Moysi dixit: Dei voluntatem nobis intentare: nec es- Ego sum qui sum. Huius igitur vocis nim agnoscere, nedū occidere possunt. diuinæ ipsos commonere voluit, cum Item, vt discamus Deum pluribus mo- dicit: Ego sum. Sed frustra fiunt om- dis posse, si velit, suos adiuuare. Hinc & nia. Nihil enim horum attendunt. Dis- olim Sodomitæ excæcauit, vt tota no- camus ex hoc verbo Christiani nos, vt camus ex hoc verbo Christiani nos, vt nomen nostrum, fidem nostram, libere ipse non possent inuenire ostium domus confiteamur. Si à tyranno audis: Es ipse Loth. Sic & eos, qui ad compre- Christianus? Es Catholicus? liberè res- hendendum Helisæum missi erāt à rege sponde: Ego sum. Hæc enim vox maxi- Syriæ, ita cæcauit, vt videntes & collo- mē dericit aduersarios. Negando enim quentes, imò & ambulantes cū eo, ipsum & dissimulando peiores eos reddimus. non cognoscerent, donec ipso orante, & dissimulando peiores eos reddimus. oculi eorum aperirentur. Cæterum, ne- Stabat autem & Iudas cum eis.] mus noster in circumcisione vocatus sit Sæpè Iudæ mētē non facit, vt osten- Iesus, quod nomen ipsi prius ab Ange- dat magnitudinem peccati eius, ad ter- lo diuinitus inditum erat. Nazarenus rorem eorum, qui etiam nunc eum imi- dicebatur, à Nazareth Patria Mariæ ma- tantur. Stabat miser ille cum eis, non tris, vbi fuerat educatus. Hæc igitur duo tantum corpore, sed etiam voluntate. nomina hic exprimunt impij: Tertium Nam solo corpore inter malos esse nihil autem (quod est Christus) tacet. A solis obest, vt patet de Loth & Daniele, &c. enim electis & credentibus nominatur Stabat, imò putabat se stare, cum habes- & agnoscitur esse Christus Messias, rex ret secum vtranque potestatem, verum & saluator. Veruntamen etiam, quod baculo arundineo innitebatur. Aegy- hic respondent se quærere Iesum Naza- ptus enim homo & non Deus, &c. Et: Esai. 36. renum, non mala fuisset responsio, si Maledictus qui confidit in homine, & cor malum non fuisset, sique eo modo ponit carnē brachiū suū. [Stabat cum quæsiuissent, vt oportet. Quid est es- eis] Malus enim Christianus nihilo me- nim Iesus Nazarenus, nisi Saluator san- lior est Iudæis & Ethnicis, nā eodem ani- ctus? Verum is non armis quærendus mo Christum impugnat. Iam considera est, sed pijs precibus & fide firma. Ves- quantū doloris plūm Christi pectus sen- timentum hi non saluatorem aut salutē quæ- serit, cum videret se à discipulo pro- runt, sed vt habeant, cuius nece & oculis di, & ab his ad mortem quæri, qui- sione suæ inuidiæ satisfaciant. Quid bus maxime benefecerat. Magis enim

- affligit animum, si ab eo, qui videbatur amicus, patimur, quàm ab eo, quem hostem nouimus. Hinc est & illa vox Christi in Dauid: Si inimicus meus malè dixisset mihi, sustinuissem utique: Tu vero homo vnanimis, dux meus & notus meus, qui simul mecum dulces capiebas cibos, &c. Ut interim taceam, quòd per hoc praeuidit hominum ingratitudinem non cum Iuda & Iudæis cessaturam, sed perpetuò mansuram. Sic enim reuera factum videmus, quòd cessarunt quidem externæ passionēs Christi: Mors enim ei ultra non dominabitur, &c. verum nondum cessauit ingratitudo hominum. Vide autem hic per timescendam excacationem Iudæ, videbat ex vna parte Christum stare cum suis, ex altera parte impios homines, proposita erat ei vita & mors: ipse autem ad partes impiorum transit: ideo & in ipso impletum est illud Prophetis cum. Noluit benedictionem, & elongabitur ab eo: Dilexit maledictionem, & veniet ei. Deinde mira eius excacatio etiam in hoc apparet, quòd cum tam sanguinolenta conscientia audet coram Christo stare, & ipsum intueri. Verum hæc est impiorum natura, quòd neque Deum, neque homines verentur: Froni (inquit) mulieris meretricis facta est tibi. Et iterum: Ceruix tua ferrea, & frons ærea. Præterea nec in mentem ipsi proditori venit felix illa Apostolorum societas, in qua fuerat. Auertat Deus hanc à nobis excacationem, quanquam eam ipsam non minorem etiam nunc videamus in quibusdam.
- Vt ergo dixit: Ego sum, abierunt retrorsum, & ceciderunt.]*
- Vna voce Christi nedum retro pulsi, verum etiam in terrā cadere coacti fuerunt. Quid hic ipsis profuit armata multitudo? Vna namque voce, & ea ipsa admodum leni & mansueta, tantam turbam odijs ferocem, armisq; terribilem, sine villo telo percussit, repulit, strauit. Verè insigniter potentia eius hic monstrata est, idq; tripliciter. Primò, quòd audita voce ipsius, quasi vi aliqua repulsi, retrorsum abeunt. Secundò, quòd nec consistere possunt, sed coguntur cadere. Tertiò, quòd supinos eos dejicit, vt vel cælum
- cogerentur aspicere & Deum, qui omnem humanam compassionem ex animo elecessent. Cæterum, hic casus Iudæorum præfigurauit casum Israeliticæ domus. Quicumque enim contra Christum venit, cadere cogitur, quātuscunq; sit. Ideo autem Christus hostes suos tā potenter defecit, vt sint inexcusabiles, nimirum ex hoc signo manifestè videntur, hunc Iesum, quem ad mortem quærebant, homine maiorem esse, ac suo tempore iram suā in eos versurum. Deinde hoc fecit ad consolationem piorum, vt certò sciant impios casuros, etiam si ad tempus triumphent. Præterea hoc fecit etiam ad terrorem omnium impiorum, quos si vellet, vno nutu prosterne re posset, nisi patienter expectaret. Qui enim vno verbo poterat tot hostes prosternere, eadem facilitate potuisset efficere, vt terra dirupta ipsos cum omnibus suis armis absorbuisset. Ex hoc igitur loco consideremus Christi potentiam in genere. Si enim in forma agni hoc potuit & fecit, quid faciet in forma leonis? Si iudicandus hoc fecit, quid faciet iudicaturus? Si moriturus hæc potuit, quid poterit regnaturus? Et nunc igitur reges, imò omnes homines intelligite, erudimini, qui iudicatis terram, imò qui habitatis in terra: Apprehendite disciplinam, nam, ne quando irascatur hic Dominus, & pereatis, &c. Signanter autē videmus hic potentiam verbi Dei. Nam verbo eos prostrauit, nec austerio aliquo verbo, sed admodum leni. Quòd si impij hi, stillas sermonum eius nō sustinuerunt, quis tonitruum sermonum eius sustinebit? Leue quidem videtur esse verbum Dei, sed hic vides, quòd verè est potentia Dei. Sicut igitur Iudæi verbo prostrati sunt, sic coram verbo Dei nec peccatum, nec mors, nec Diabolus consistere potest. Vnde & à Paulo dicitur gladius spiritus. Videmus insuper hic, quàm nihil possit mundana potentia contra Deum: Dominus (inquit) in cælo irritus debet eos. Non potuissent Iudæi hunc Iesum Nazarenum comprehendere, nisi ipse voluisset, etiam si maiorem exercitum adduxissent, quàm vnquam habuerunt vel Alexander, vel Xerxes, vel Hannibal. Sic enim etiam adhuc sapere Deus confundit sperantes in potentia

tia sua. Præterea videmus hic quod verum & idem verbum pijs quidem est consolatio, impijs autem iudicium. Nam Christus alijs sæpè terribilis Apostolos hoc verbo consolatus est, dicendo: Ego sum. Imò pijs etiam adhuc nihil dulcius audiunt, quàm quò Christus dicit: Ego sum. Hoc enim verbum omnia aduersa ipsis leuia facit. At impijs horrendum tonitruum est & erit. Quàdo Christus dicit: Ego sum, scilicet in quem pupugit, quem contempsistis, &c. quem admodum & fratribus Ioseph olim gladius acutissimuserat, quum diceret: Ego sum Ioseph, quem vendidistis in Aegyptum, &c. Postremò pulchrè hic expressa est natura impiorum. Primò enim unde emendari debuerant, inde peiores fiunt, hoc est retro abire. Retro autem abire, est à Deo & iustitia deflectere. Secundo, cadunt, quia coram iudicio Dei constare nequeunt. Item, semper cadunt impij, donec in profundum peruenerint. Cadunt autem retrorsum, quia non vident quò cadant, nec ubi faceant, nec quomodo resurgant. Item non vident quæ poena ipsos maneat. Denique nunquam agnoscunt peccatum, vt conuertantur. Pijs autem etiam si cadunt, cadunt tamen antrosum. Statim enim peccatum agnoscunt & conuertuntur, imò etiam si vel dextrorsum, per prospera scilicet, vel sinistrorsum per aduersa vincantur, statim tamen resurgunt: nec ita cadunt, vt Deum omnino abijciant. Vide autem, quàm verè dictum sit. Malitia confunditur multoties, nunquam autem vincitur. Superbia enim eorum, qui Deum oderunt, ascendit semper. Sic impios illos admonere debuerat repètinus ipsorum casus, ne quid contra hunc Iesum Nazarenum attentarent, quandoquidè semel confusi erant.

Iterum ergo eos interrogauit, Quem queritis?

Vt magnitudo impietatis eorù manifestata fieret, qui tanto signo admoniti, adhuc in malitia perseuerabant. Nam eadem proteruita respondent, qua prius, se querere Iesum Nazarenum, quasi non quieturi, donec inuidiam suam in ipsum expleant, etiam si maiora pati oporteret. Sic nimirum impius thesauris

zati sibi iram in diem iudicij. Quem enim Deus despexerit, nemo corrigit. Sic impij illi, etsi Christi diuinam virtutem in seipsis sensissent, non tamen eum sicut Deum glorificauerunt, sed semper contumelijs affecerunt. His similes sunt plerique, qui veritate Dei conuincuntur, minimè tamen emendantur. Quid igitur Christus ad hanc Iudæorum obstinatum malitiam responderet?

Dixi, inquit, vobis, quod ego sum.]

Quasi diceret, Dixi & experti estis, me esse principem fortitudinis: ergo si adhuc me quæritis, & sic percussi nondum doletis, en adsum paratus in flagella. Vobis tamen attendendum est, quod dixi: Ego sum. Hoc igitur verbo Christus se in locum nostrum statuit, patienter laturus, quicquid iustitia diuina exigeret pro peccatis nostris. Interim tamen iterum potentiam suam ostendit, cum dicit:

Si me queritis, sinite hos abire.]

Hoc enim verbo potenter ipsos prohibet, ne discipulos lædant: Nam alioquin Apostoli illæsi non abiissent, nisi aduersarij efficacia huius mandati à furore suo coerciti fuissent. Poterat quidem Christus eadem potentia dicere: Sinite me abire, sed oportebat, vt ipse pateretur. Nihil igitur aliud discipulos in illo tumultu præseruauit, ne læderentur aut caperentur, nisi hoc verbum Christi: Sinite hos abire. Eodem modo etiam nos regit & conseruat, etiam si nos ignoremus vel non attendamus. Discipulos autem potenter seruauit ad consolationem nostram, vt sciamus fortitudinem manus Domini. Noluit etiam eos secum mori. Primò enim non expediebat eis eo tempore mori, quia si negantes morerentur, damnarentur. Deinde cum electi essent, vt fructum ferrent, impediretur eorum vocatio. Maximè autem ideo eos secum mori noluit, ne quis putaret ipsius mortem solam non suffecisse. Solus igitur mori voluit, vt solus agnoscat esse saluator noster: Torcular, inquit, calcaui solus, & de gentibus non est vir mecum. Vnde & Moyses: Dominus solus

Rom. 2.

Eccle. 7.
Rom. 1.

Psal. 37.

Ioan. 15.

Esai. 63.
Deut. 32.

- dux eius fuit, nec fuit cum eo Deus alius. Ipse igitur redemit nos, & non ipsi nos. Ante omnia autem expressa nobis est in hoc verbo energia charitatis, quæ
1. Co. 13 (vt Paulus ait) patiens est, omnia incōmoda proximi suffert, non quærit quæ sua sunt, imò mauult omnia semper sola sufferre, quàm vt proximus quoque patiat: Si me (inquit) quæritis, sinite hos abire. Hæc est vera cura proximi, vt pro ipso solliciti simus, & eidem, vbi possumus, etiam cum nostro incommodo prospiciamus. Hanc curam proximi ostēdit Dauid, cūm diceret: Isti qui oues sunt, quid meruerunt? Verte obsecro, manum tuam in me & domum meam.
2. Re. 24
Rom. 9.
Exod. 33
Ego enim sum qui peccaui. Ex eadem ad proximos cura Paulus optabat anathema esse pro fratribus suis: & Moses deleri de libro Dei. Facessat igitur à Christianorum auribus & mentibus illud triuale: Gaudium est miseris, socios habere pœnarum. Sic enim mundani, cū patiūtur, cuperēt omnes simul pati: Veræ charitati autem maximus moeror est, proximum in idem discrimen venire. In fine tamen Ioannes altam adhuc addit causam, cur discipulos simul mori secum noluerit Christus: [Vt sermo (inquit) impleretur, quem dixerat. Quia quos dedisti mihi, non perdiidi ex eis quenquam.] Hoc autem verbum dixerat in oratione illa sua post cœnam.
- Ioan. 17. Pater (inquit) serua eos, quos dedisti mihi: cūm essem cū eis, ego seruabā eos, non perdiidi quenquam, nisi filium perditionis, vt scriptura impleretur. Loquitur autem illic de Apostolis, quos Pater sibi addiderat vt cooperatores in diuulgando verbo regni. Horum Apostolorum Christo in carne mortali viuo nullus periit, nisi solus Iudas, qui etiam ipse nō ab alijs, sed à seipso occisus fuit. Hunc Iudam nominat filium perditionis, propterea quod miserè in peccatis proprijs mortuus est & periit. Alij autem discipuli satis securi erāt, quamdiu cū Christo conuersabantur. Expressum ex hoc verbo insigne exemplum omnibus pastoribus attendendū & imitandum, nempe quòd Christus gloriatur se nullum perdiidisse ex his, quos Pater illi dederat. Contrarium faciunt Pseudopastores, qui nihil minus curant quàm oues. Allegat autem Ioannes hoc verbum Christi, vt videamus eam orationem Christi exauditam esse & efficacem. Nisi enim exaudita fuisset, discipuli permanere illæsi non potuissent inter tot hostes. Hæc est igitur summa consolatio nostra, quòd scimus Christū in sua pro nobis oratione exauditam esse pro reuerentia sua.
- Simon ergo Petrus habens gladium, eduxit eum, &c.]
- Lucas dicit, discipulos prius interrogasse, num percutere deberent gladio, vt cum Petrus non expectato Domini responso, percutit. Sic caro impetu quodā ruit in vitia, non præmeditatur num voluntas Domini sit, imò ne iudicium quidem rationis expectat. Cæterum Christus qui hoc factum postea in Petro arguit, nunquam ei id ipsum permisisset. Et carnalis homo multa mala committeret, si vel propriam rationē prius consuleret. Quamuis autem Petrus hic admodum audax & fortis animi videatur, magis tamen est confidentia carnalis, quàm fortitudo fidei. Nam nunc quidem audax est, quum videt adhuc in Christo diuinam potentiam: paulo post, vbi Christus potentiam suam abscondit, cessat etiam fortitudo Petri. Vnde patet, quòd non ex fide processit hæc audacia, altoqui etiam in aduersis perdurasset. Gladium igitur arripit Petrus, quia non intellexerat, quòd Christus dixerat: Qui nō habet, vendat tunicam, & emat gladium, hoc Petrus de externo gladio intellexerat, quum Christus loqueretur de gladio spiritus, quod est verbum Dei. Deinde nondum sciebat, quòd oporteret Christum pati. Præterea nec hoc sciebat, in schola Christi non artem pugnandi & vincendi, sed patientiam doceri. Cæterum, quòd Petrus non maius damnum huic seruo intulit, non ipsius Petri voluntas, sed ipsius Domini bonitas fuit, qui solet etiam indignis & ingratis benefacere, sicut & postea aurem ei restituit, quem satius ignis de cælo consumpsisset. Verum hæc est Dei natura, & hoc factum Christus opere impleuit, quòd verbo docuit, diligendos esse etiam inimicos, & beneficia præstanda etiam qui

qui nos oderunt. Quod autem signāter dicitur Petrus seruo huic amputasse auriculam dextram, non casu, sed Dei providentia factum est, nec vacat mysterio. Primò enim per hoc significatum est, Iudæos deinceps verum & dextrum auditum legis & Prophetarum perdituros, omniaque tantum sinistrè interpretaturos, nihil autem dextrè, id quod apertissimè videmus impletum. Quod tamè postea seruo illi auris restituta est per Christum, præsagium fuit eos suo tempore iterum illuminandos. Cum enim conuersi fuerint ad Christum, auferetur ab eis velamē. Excæcatio enim ex parte contigit in Israel, donec plenitudo gentium intraverit, &c. Quod autem is, cui auris amputata est, seruus fuit Pontificis, indicium fuit, quod huiusmodi homines magnatibus huius mundi adhærentes, plerunque vñ tantum aurem habent, & sinistram tantum: quo fit, vt tantum ea audiant, quæ falsa, vana & mūdā sunt, veritatem autem, verbum Dei, iustitiam, & bona aliorum nec audiunt nec attendunt. Generaliter autem omnis qui Christo contrarius est, dextra caret aure: omnia enim sinistrè intelligit, nec vnquam ad lucem veritatis peruenit. Nomē autem serui exprimit Ioannes, propter miraculum posita in ipso factum, in restitutione auriculæ. Quid autem Christus ad hanc Petri audaciam? [Conuerte (inquit) gladium tuum in locum suum.] Iam inclinat Petrus in ius gladij, qui gladiū arripuerat: Christus autem diuina virtute eum defendit, ne vis ei fiat: interim tantum verbo eum increpat, neque id absere. Multipliciter enim reprehensibilis erat. Primò, quia gladius omnibus priuatis personis interdictus est. Secundò, quia in scola Christi tam diu versatus, scire debuit, nostra arma esse Spirituālia, potentia Deo, &c. Insuper etiam Apostolorum primus, non nocere, sed prodesse. Hinc & alto loco Christus discipulis vindictam quærentibus respondit: Nescitis cuius spiritus estis? Præterea, in hoc vel maximè reprehensibilis erat Petrus, quod prior percutit, cū nec ipse nec Christus adhuc læsus esset. Merito igitur eum arguit:

Conuerte (inquit) gladium tuum in locum suum:]

Quasi diceret, Nescis te etiam antea ob hanc causam à me increpatum, ac Satanam appellatum? Noli mortē meam depellere, sed stude imitari. Aufer hinc tuum illum gladium, qui homines necat: meus gladius, quem ego tibi commisi, vitia amputat, homines seruat. Conuerte illum tuum externum gladium in vaginam: vel (vt alij dicunt) in locum suum. Locus proprius gladij est potestas, huc eum conde, Potestas eo vtatur, non tu. Si corpus morbum patitur, ad medicum pertinet curare, non ad agricolam: si quid in corpore mystico amputandum est, ad potestatem spectat, non ad quemlibet priuatum. Hoc itaque verbo Christus primò prohibet vindictam: Secundò damnat nostram iracundiam & impatiētiam, qui ne verbum quidem durum sustinere possumus: nec contenti sumus æquale dānum rependere, contra hoc quod monet Paulus: Noli vinci à malo. Tertio, docet hoc verbum, quatenus pietatis æmulatio procedere debet. Iustam quidem causam defendere licet, sed quatenus vocatio tua tulerit. Si magistratus es, agnosce te Dei minister, vltorem in irā ei, qui quod malū est, facit. Sin priuatus fueris, admone, argue, reprehende, idque citra contumeliam. Cæterum, citra potestatem magistratus propria autoritate nec pro Christo, nec pro iustitia gladium vsurpare debes. Non opus habet Christus aut iustitia tuo gladio, Christus seipso satis potens est, itidemq; & iustitia. Habet enim à parte sua Deum & omnes Angelos. Hinc in Psalmo dicitur: Dilexisti iustitiam, & odisti iniquitatem, &c. Et iterum: Cognoui Domine, quia æquitas iudicia tua. Et Christus ipse in Matthæo: Non putas, quod possim rogare Patrem meum, & exhibebit mihi modò plusquā duodecim legiones Angelorum? Quartò, docet Christus hoc verbo, quibus armis se Christiani tueri debeant, nempe non gladijs & fustibus, sed humilitate, patientia, mansuetudine & beneficijs: Discite (inquit) à me, quia mitis sum & humilis corde:

*Calicem quem dedit mihi Pater, non vis
ut bibam illum?*

Singula verba emphasim suam habent. Primò enim more scripturæ sacræ passionem suam calicem nominat. Tribulatio enim alicubi comparatur aquæ, ut cum dicitur: Intrauerunt aquæ usque ad animam meam. Aliquando torrenti, ut cum dicitur: De torrente in via bibit, &c. Comparatur & calici vini meri. Sicut enim vinum plus iusto potum, mentis statum euertit, sic & tribulatio, &c. Deinde Christus passionem suam calicem nominat, ut ostenderet sibi mortem dulcem & desiderabilem esse pro salute hominû. Præterea etiam ideo calicem nominat, ut ostendat etiâ grauissimas afflictiones in hoc mûdo nihil esse nisi (ut ita dicâ) vnum haustum: statim enim cessabunt. Addit Christus: [Quem dedit mihi Pater.] Non loquitur dubitans: Fortasse Pater hoc vult, sed assertus: [Pater (inquit) dedit mihi hunc calicem.] Iam si Pater dedit, quis contra dicet? Non licet repugnare aut contradicere, ubi Dei voluntas nobis consistere, sed simpliciter obedire. Signanter autem non dicit, Deus aut iudex dedit, sed Pater, ut sciamus Deum, etiam quum flagellat, Patrem esse. Ira enim in indignatione eius, sed vita in voluntate eius. Docet igitur hoc verbo, se non hominum arbitrio, sed Dei voluntate pati. Docet ite se non esse contrarium Deo, sed usque ad mortem Patri obediens in omnibus etiam grauissimis. Docet insuper nos in aduersis non respicere in hominem aut dæmonem mala inferentem (alioqui nunquâ patienter feremus) sed in Deum permittentem, quemadmodum ipse hic facit. Sic Iob: Dominus dedit Dominus abstulit, &c. Sic David inquit: Sine, ut maledicat mihi. Dominus enim præcepit ei, ut malediceret David. Addit Christus: [Non vis ut bibam illum? Non vis tu homo, creatura, seruus, quod vult Deus creator & omnium Dominus? Mihi hic calix datus est, & non alteri. Nemo enim ad hoc sufficit præter unum me: Non vis ut ego eum bibam? Quis ergo alius eum bibet? Si ego hunc calicem non bibam, æterna siti omnes peribitis: sin autem, etsi amarum est pocu-

lum, omnem tamen in vobis sitim sedabit. Atque ob hanc etiam causam, passionem suam calicem appellat, quod ex ea omnes bibimus, non tantum quod cum ipso & post ipsum patimur, sed etiam quod inde omnem consolationem haurimus. Sicut igitur Christus non recit suum calicem, sed insuper distudentem Petrum corripuit, sic nos quodque faciamus. Non est tolerandus, qui a diuinorum obseruantia mandatorum abducit, etiam si in verbis præferat pietatem, sed increpandus: si subditus, si equalis, penitus non ferendus, si vero superior sit, nullo modo timendus est. Obedire enim oportet Deo magis quam hominibus.

Cohors ergo & tribunus ac ministri Iudeorum comprehenderunt Iesum.]

Hactenus præcessit interior passio Christi, nunc incipit exterior. Postquam enim Iesus sui copiam eis permisit potius quam dedit, irruunt in agnum lupi rapaces, in pastorem diri latrones, in Patrem filij degeneres, in Deum peccatores, in lumen verum filij tenebrarum, nihil vel eius consuetudine, vel Deitatis maiestate, vel miraculorum terribilem to permoti, manus iniecerunt in eum: occupant paratum teneri, trahunt volentem trahi, qui si vellet obniti, nihil quidem in iniuriam eius impiæ manus possent. Hic itaque impletum est, quod iam dudum David in persona Christi prædixerat: Quoniam (inquit) tribulatio proxima est, & non est qui adiuuet. Circūdederunt me vituli multi, tauri pingues obsederunt me: Aperuerunt super me os suum, sicut leo rapies & rugiens: Sicut aqua effusus sum, &c. Cæterum, quamuis Euangelistæ planè & paucis verbis recitent hanc Christi captiuationem (hoc enim tantum agebant, ut certa fides esset historię) nihilominus tamen occasionem præstant plura etiam cogitandi, id quod maximè ex hoc nostro Ioanne patet. Is enim primò subindicat, quid causæ fuerit, quod nunc potuerunt Christum comprehendere, & non antea, quamuis id scriptum ac tentassent: Ergo, inquit, quia scilicet Pater hunc calicem dedit, ipseque Christus obediens eum ebibendum accepit,

Psal. 68.

Psa. 109

Psal. 29.

Iob. 1.

2. Re. 16

Psal. 29

capta multipliciter eos afflixit: sic verè Iudæos nemo alius perdidit, quàm qui captus & ligatus ab eis fuit. Gaudebant Philistæi capto Samson, itemque capta arca Dei, sed gaudium eorum non fuit diuturnum. Gaudebant & Iudæi capto Christo, sed hoc gaudium ipsorum breue fuit. Paulò enim post à Romanis deuastati fuerunt. Atque hinc est, quòd etiam nunc clamant, orant, & nemo est qui eos exaudiat, manumque porrigat. Et iustè quidem. Respondere enim potest, vtrunque maiestatis suæ brachium esse ligatum, & idcirco nullum se præbiturum auxilium. Sic igitur ingrati filij Adam manus iniiciunt in eum, cuius manibus creati erant: ligant eum, qui omnes soluere venerat. Interim mitissimus agnus tacet, & non aperit os suum, sed in amaritudine animæ suæ recogitat annos nostros, sciens quòd hunc laborem non præstitit ei, nisi peccatum nostrum. De hac captiuatione iam antea per Dauidem dixerat: Inimici mei animam meam circundederunt, adipem suum concluderunt, id est, incorrigibiliter impietatem suam perficere statuerunt, nullius monitis aut miraculis retrahendi: Os eorum locutum est superbiam. Non enim sine magno clamore, irrisione, & conuictis eum comprehensisse credendum est: Projicientes (inquit) me, nunc circundederunt me. Oculos suos statuerunt declinare in terram, id est, decreuerunt nec Deum, nec iustitiam, sed nec cælum respicere: Susceperunt (inquit) me, sicut leo paratus ad prædā, &c. Ecce quanta fuit ira & furor, quæ non nisi per iram fortissimæ & crudelissimæ bestię exprimitur. Et in alio Psalmo: Circundederunt (inquit) me sicut apes, & exarserunt sicut ignis in spinis. Quibus verbis iterum immanis hostiũ Christi crudelitas præostensa fuit. Apis enim intantum ardet ira, quòd licet amisso aculeo, nunquam possit mellificare, eundem tamen fremens insigit in hostem, & mauult mellificationem perdere, quàm se non vlcisci: sic Iudæi expleuerunt inuidiam suam in Christum, nihil curantes, quòd in æternum nunquam possent mellificare. Unde & post dixerunt: Sanguis eius super nos & super filios nostros. Obseruans

dum autem, quòd etiam in ligatione ponitur numerus pluralis. Non enim vnus tantum eum ligauit, imò omnium hominum peccata Christum ligauerunt. Vnde in Psalmo dicit: Funes peccatorum circumplexi sunt me. Hos funes primi nostri parentes nere aut texere coeperunt, nos autem ipsos perfecimus. Vel hic igitur expauesce peccator, cum audis & vides peccata tua tam immaniter Christum ligasse. Noli tamen despondere animũ, nam suis illis vinculis Christus nostra rupit vincula, ac in veram libertatem restituit. Merito igitur canamus. Dirupisti vincula mea, tibi sacrificabo hostiam laudis. Hic igitur primo discamus, vt grati simus de nostra liberatione. Deinde caueamus, ne vquam amplius Christum peccatis nostris ligemus. Discamus item, vt & nos constanter, si ita casus fert, pro Christo vincula patiamur. Iam enim nihil amplius nominatim habent vincula & funes. In Christi namque sacro corpore sanctificata sunt & nobilitata, vt non ignominie, sed gloriæ sit ea ferre pro Christo, id quod in Apostolis & martyribus videmus, quibus nihil gloriosius erat, quàm pro Christo pati. Et nos igitur non erubescamus pro Christo vinciri, quando ipse prior pro nobis victus fuit. Præterea discamus & nos ipsos captiuare, omniaque membra nostra ligare funibus præceptorum Dei, vel potius funibus charitatis, ne laxentur ad ea, quæ Deo contraria sunt, captiuentur & ligentur oculi ab illicito visu, aures à noxio auditu, lingua à noxio sermone, manus à malis operibus, cor à malis cogitationibus, intellectus ab erroneis sensibus & prauis dogmatibus, &c. Hæc igitur de captione Christi paucis dicta sunt.

Adduxerunt autem Iesum ad Annam primum]

Audiuimus attento animo, quomodo Christus Dominus comprehensus sit ab impijs, ad quam tamen comprehensionem se sponte obtulit, vt qui sciebat, quatum bonum hinc ad omnes homines peruenturum esset. Nihil enim plus poterant nocturni illi bellatores, quàm capere, ligare, abducere. Ipsorum non

Esai. 53.
Esai. 38.
Psal. 16.

Psal. 16.

Psal. 117

Mat. 27.

non erat occidere. Sic enim decreuerant principes, vt prius ad ipsos perducere-
tur, volebant sic agere, vt nemo posset
dicere ipsum iniuste occisum, ideo pri-
mum eum audire volebant, in speciem
iusti iudicii. Deinde quicquid etiam res-
ponderet, iam decreuerant eum potesta-
ti Romanæ mittendum. Nec enim ani-
museorum erat, ipsum dimittere, etiā si
optime respondisset, sed omnino occi-
dendum decreuerant, Nam mortui non
mordent. Vium eum timebant, quia
ipsorum malitiam arguebat. Conseruet
Deus optimus maximus omnes regen-
tes, ne in hoc exemplum incidant. Hoc
igitur consilio Christum non statim oc-
ciderunt, sed adduxerunt in ciuitatem,
maiori scilicet ludibrio & poenis gra-
uioribus exponendum. Quis autē hanc
ductionem satis aestimare potest, quā
miserabilis fuerit? Trahebatur siquidē
magnis clamoribus, magna festinatio-
ne, multisque irrisionibus, tanquā ma-
lefactor, tamarctē ligatus, vt vix anhe-
litum habere posset. Et quamuis spon-
tē ad passionē iret, dubitari tamen non
potest, quin eum nunc huc, nunc illuc
impellerent, protruderent, agerēt. Quo-
modo enim parcerent iam primum ca-
pto, qui iam iam morituro non parce-
bant? Vt iam tunc verē dicere potuisset:
The. 1. O vos omnes qui transitis per viam, at-
tendite & videte, si est dolor, sicut do-
lor meus. Videte, inquam, quā viliter
trahor, quā crudeliter percutior, quā
patienter sustineo: Videte canes rabi-
dos, homicidas violentos, & me agnum
mansuetissimum inter eos: Videte fas-
ciem meā alapis iam multiplicibus per-
cussam, sanguineo sudore, sputis Iudeo-
rum maculatā, lachrymis humectatam,
pedes scopulis concussos & laceratos,
&c. Sic igitur qui solus ad cælum nos
perducere poterat & volebat, contume-
liosissime ductus fuit. Et primum qui-
dem ad Annam, deinde ad Caiphā. Hi
enim duo & capita erant sacerdotum, &
principatum habebant templi & rerum
spiritualium. Quia autem causa Domi-
ni Iesu spiritualis erat (concernebat es-
nim fidem & doctrinam) ideo ad suum
iudiciū eam pertinere arbitrabantur, iux-
ta legem. Sic & post cum Paulo actum
est coram principe sacerdotum Anania:
itemque cum alijs Apostolis coram his
ipsis, Anna & Caipha, Ioāne & Alexan-
dro. Ob eandem causam, nec Pro-
consul Achata Gallion causam Pauli
iudicare voluit, quod videbat eam
non esse ciuilem, sed spiritualem.
Cæterum, hi duo mala fama nota-
ti erant, quasi qui honorem & sacer-
dotalem dignitatem pecunia ab He-
rode annuatim compararent, vt ves-
ti Simoniaci & Giezitæ, imō patres
omnium Simoniacorum. Nec hoc
Euangelista tacitum voluit, qui Cata-
pham non simpliciter Pontificem, vt
lex requirebat, sed tantum eius Annæ
Pontificem nominat. Annuatim igitur
hi duo Pontificatum sibi comparabant
à Romanis. Vnde facile conijci potest,
quā nihil pietatis habuerint, multum
autem arrogantiae & vanæ gloriæ. Ad
Annā igitur primò ducitur, honoris
videlicet gratia. Nam & senior erat & so-
cer Caiphæ. Deinde vt iustior cōdem-
natio Christi videretur, si à multis con-
demnaretur: maxime autem ideo, vt im-
pij sibi mutuò gaudium communica-
rent de capto communi hoste, ipseque
Annas qui fortē propter sententiam futu-
ro communi consilio adesse non pote-
rat, interim oculos pasceret optato illo
spectaculo. Sic enim futurum prædixe-
rat Christus: Mundus, inquit, gaudebit, Ioan. 16.
id est, triumphabit in passione mea. Sic
lætatur impij, cum malefecerint, & exul-
tant in rebus pessimis: nec cogitant bre-
uem illam lætitiā futuram. Sic igitur
volebant quidem illi se inuicem hono-
re præuenire, reuera autem sacrile-
gium suum communi consensu cora-
roborant, ne videlicet apud Roma-
nas leges vnus, si solus videretur sce-
leris author, notam vel accusatio-
nem sustineret. Vel etiam ideo ad
Annā primò adducitur Christus, ne
Caiphā solus inuidiam apud homi-
nes sustineret, si primus ipse qui
consilium dederat, primus etiam con-
demnaret. O Pharisei, qui omnia fas-
citis propter homines. Cæterum,
quod Christus ad plures iudices ductus
fuit, non tam Iudæorum cōsilio, quā
diuina prouidentia factum est. Per hoc
enim, quod à multis fuit examina-
tus, clarius elucescit ipseus innocentia,
imò

Acto. 18.

Ioan. 16.

Prou. 2.

Mat. 23.

Acto. 23.
Acto. 9.

imò per hoc omnes illos iudices fecit suæ innocentiae testes & professores, id quod certissimum est testimonium.

Erat autem Caiphas, qui consilium dederat, &c.]

Non sine causa Ioannes hic etiam, antequam ad domum Caiphæ perducatur Christus, tam Caiphā quàm ipsius consilium commemorat. Vnum enim hoc Caiphæ consilium potissima causa fuit, ut nedum principes in mortem Christi conspirarēt, sed etiā populus ab ipso deficeret. Ipsum igitur nominat Ioānes, quasi admirās tā impiū hominem in tam sancto officio fuisse, nec sic tamē pietatis admonitū fuisse. Miratur item hunc Pontificem tā cupidē sibi fuisse sanguinem Christi, ut alijs adhuc dubitantibus, ipse statim proclamaret & sententiarer occidendū, cum nihil minus competeret Pontificibus, quàm sitire sanguinem. Præterea miratur Ioannes, quomodo tam vera, tamque diuina sententia ex ore impij hominis profluxerit. Quid enim verius? quid magis consolatorium est, quàm quod Christus pro populo mortuus est? At eam sententiam primus protulit impius ille, contra intentionem suam. Vnde & Ioānes ait, eum hoc non ex seipso, sed ex Spiritu sancto dixisse. Postremo Ioānes Caiphā, ipsiusque consilium nobis proponit, ut videamus iustum & mirabile circa hunc hominem Dei iudicium. Verè enim in ipso impletum videmus, quod scriptum est: Impio quod timet accidet. Et: Qui timet pruinam, irruet super eum nix. Timebat Caiphas ne Pontificatū perderet per Christum, & quia iniquis medijs ipsum honorem retinere conabatur, paulo post ipsum honorem, imò seipsum & totam gentem perdidit: imò timebat temporale damnum, & incurrit æternum simul cum temporali, Insigne igitur exemplum totius impietatis, hic Caiphas erat cū suo focero, in quos maximè competebar illud verbum Christi: Vos fecistis ex domo Dei spelūcam latronū. Ipsi duo erant, in quos potissimū Christus Væ illud æternum non semel intonuit. Vnde & ipsi præ alijs Christum audiebāt, mortemque illius cupiebant.

Nam grauis illis erat ad videndum, quia improperebat illis peccata legis. Vnde & Caiphas suo illo cōsilio vel maxime populū à Christo alienare studuit. Nam non Deum, sed solum populum timebant, & non parum in hoc etiam profecerunt. Ipsorum enim opera omnino persuasum erat populo, quod propter Christum, si permetteretur viuere, deustanda essent & locus & gens Iudæorum. Quod audiens carnalis populus, qui temporalia diligebat, & multas captiuitates expertus fuerat, mirū in modum exarsit in ira cōtra Christū. Nam generaliter hoc insitum est hominibus, ut quāto quis maiora beneficia in alio quem contulerit, tantō maiorem indignationem incurrat, si in suspicionē venerit, quod malo animo & in malū finem fecerit. Sic contigit Aman cum Assuerus, itidē & Christo contigit. Persuasum erat populo, omnia quæ Christus faciebat, in eum finem tendere, ut populus in captiuitatem iterum duceretur. Hoc persuaso, facile erat omnia Christi miracula & beneficia ex animo eicere, cum audirent terram, quam Deus Abraham & semini eius in possessionem dederat, occasione eius vastandam, omnemque populum in captiuitatem abducendum. Non erat populo huic locus, audire ad missionem terræ & libertatis. Iam se iustissimè furere, imò non posse nimitū furere certissimi erant. Hunc igitur furorem pius ille Pontifex Caiphas populo simplici instillauit, ideo Ioannes hoc cōsiliū ipsius ad perpetuū ipsius ignominiam commemorat. Verū satis sit de impletate horū Pontificū hæc dixisse: Vtinam nulli vnquā ipsorum similes vel nascerentur.

Sequebatur autē Iesum Simon Petrus.]

Sunt qui putent nihil actum fuisse in domo Annæ, neque cum Christo, neque cum Petro, sed Christum statim ab Anna ad Caiphā ductum, ibique contigisse quæ hic de Petro dicuntur, idque probant argumentis, non vsquequaque contemnendis. Alij autem contendunt primam Petri negationē in domo Annæ factam, & in eodem loco Christum de doctrina & discipulis interrogatum, alapæ percussum. Et hi videntur innuere

Ioan. 11.

Iob. 6

Matt. 21

Matt. 23

ti historis, quam scribit Ioānes. Cæterū
 hac de re nihil hic digladiamur. Satis
 sit nobis scire, quod hæc facta & dicta
 sint, vbiunque tandē facta sint. Obser-
 ua igitur, quod tantum duo discipuli hic
 Iesum secuti dicuntur, & tamen vtrun-
 que, cum omnibus discipulis Christus
 egressus fuerat: hic autē cum adhuc vix
 principium passionis esset, duo tantum
 sequuntur. Iam enim alij dispersi erant
 vnusquisque in propria, vt Christus præ-
 dixerat. Vide autē quā validē etiā co-
 lumnas Ecclesiæ concusserit tentatio.
 Promiserant filij Zebidæi, se posse bi-
 bere calicē Domini, sed ecce primo visu,
 cum primū infunderetur, fugiunt. Di-
 xerat Thomas: Eamus & nos, & moria-
 mur cum illo. Hic autem lōgē alia agit.
 Dixerāt omnes discipuli pariter: Nunc
 scimus, quia scis omnia: Nūc credimus,
 quia à Deo existi. Quasi dicerent. Ni-
 hil opus habemus vltiori admonitio-
 ne. Ad hæc instatissimē monuerat Chri-
 stus, & sæpius inculcarat, vt in ipso ma-
 nerent: Manete (inquit) in me, & ego in
 vobis. Et iterum: Si quis in me nō man-
 serit, mittetur foras sicut palmes, & are-
 scet, &c. Non minus instanter admonue-
 rat ipsos, vt se mutuō diligerent. Hic au-
 tem omnium obliui, & à Christo fugiunt,
 & à se inuicem separantur. Tanta est vis
 tentationis. Cæterum & à Christo & à
 se mutuō separatis quid aliud restabat,
 nisi timere, fugere, & nusquam securos
 esse: Qui enim à Deo excidit, securitas
 tem perdit, perpetuum timorem incur-
 rit ac semper fugit, licet frustra. Duo ta-
 men ex illis, etsi primō cum alijs ex ti-
 more fugissent, amore tamen & recorda-
 tione Christi animati & excitati, denuō
 sequuntur: sed à longē, inquit Ioannes.
 Iam enim re ipsa sentiebant, verum esse
 quod Christus Petro dixerat: Quō ego
 vado, non potes me modō sequi. Atq;
 hic planē vides, quid in homine faciat
 timor & amor. Timor auertit, amor
 conuertit, donec alterum præualeat. Et
 in Apostolis quidem hoc loco præua-
 luit timor: postmodum autem amor
 per Spiritum Sanctum in corda ipso-
 rum diffusus, omnē expulit timorem,
 vt intrepidi dicerent: Quis nos separa-
 bit à charitate Dei? &c. Sed quānam fue-
 runt hi duo, qui præ alijs ausi fuerant

Christum vel à longē sequi, vt viderent
 finem? [Simon (inquit) Petrus, & alius
 discipulus.] De Petro nullum est du-
 bium: alium autem discipulum commu-
 niter omnes putant fuisse Ioannem.

*Discipulus autem ille erat notus Ponti-
 fici, & introiit cum Iesu, &c.]*

Hoc addit Ioannes, ad confirmatio-
 nem Euangelij sui, vt sciamus eum scri-
 psisse, non quæ ab alijs audiuit, sed quæ
 ipse præsens ac corā vidit, ideo & infra
 dicit: Qui vidit, testimoniū perhibuit.
 Ne quis autē fortitudinē putet, quod aus-
 sus fuerit intrare in atriū Pontificis, idē
 cum Iesu iam vincto, addit, se notum
 fuisse Pontifici. Quasi diceret: Non an-
 xi constantia intraui, non vt magistrum
 defenderem, aut excusarem coram Pon-
 tifice, sed tantum quia notus eram in do-
 mo eius. Sic nimirum seipsum exten-
 nuat, vt deuitet arrogantiam, ne se præ-
 ferre videatur Petro in constantia. Vno
 de autem & ob quam causam notus fue-
 rit Pontifici, non opus est quærere. Ni-
 hil enim ad rem facit, nec quicquam cer-
 ti de hoc constat.

Petrus autem stabat ad ostium fori.]

Vel quia ex timore non audebat in-
 gredi, & tam prope accedere: vel potius,
 quia vt pauper & incognitus exclusus
 fuerat. Pauperibus enim negatur acces-
 sus palatiorum: Magnatum siquidem
 domus his solum patent, qui diuites
 sunt & munera portant. Hinc Esaias:
 Pupillo non iudicant, & causa viduæ
 non intrat ad eos. Et iterum: Veritas in
 plateis corrumpit, & iustitia non potuit in-
 gredi. Exclusus igitur Petrus, per Ioan-
 nem introducit, sed malo suo. Præ-
 stiterat enim eum nunquā intrasse. Lon-
 gē felicitus olim ab Andræa fratre suo
 introductus fuerat ad Christum: hic au-
 tem quodammodo à Christo abducitur.
 In Annæ enim domo nec veritas,
 nec iustitia erat. Cæterum oportebat
 impleri quod Christus prædixerat:
 Ter me negabis. Hic igitur impletum
 in ipso fuit, quod Christus longē an-
 te sub quodam typo præmonstrauerat.
 Cum enim discipuli semel in ma-
 ri periclitarentur, venit Christus ad eos,
 ambulans super aquas. Et Petrus ad

VV vocem

Ioan. 19.

Esai. 6.
Esai. 59.

Ioan. 1.

Mat. 14.

Rom. 5.

Rom. 8.

vocem eius vltro se ingerens, ambulans quæ & ipse super mare, vt veniret ad Iesum, vidit vetum validum & timuit, & penè submersus, manu Domini retentus est. In eo miraculo præostensum fuit, quod hic contigit. Hic enim verè Dominus super aquas ambulabat, discipulis in mari laborantibus, quia scandalum patientibus Apostolis, ipse pro arbitrio suo tribulationem pariebat, mox victor mortis futurus. Ambulabat & Petrus super aquas, vt veniret ad Iesum, quia pristinæ dilectionis memor per audaciam modicæ fidei, sequebatur longè post Iesum. Sed vidit ventum validum vententem, & timuit: timendo negavit, negando submergebatur, nisi Dominus manum illi porrexisset. Audi igitur, quis fuerit ventus ille: [Cum vidisset, inquit, eum ancilla ostiaria.] Si ad illam ancillam spectes, nubecula fuit. Si autem ad concilium illud malignantium, propter quod Petrus timuit propter huius ancillæ dictum, spectes, certè ventus validus fuit. Sic igitur tribulator ille Apostolorum Satanas sibi prouidit, vt tentationis artificium inceptet à femina, qui sexus olim etiam in Paradiso primo parenti extitit deceptionis Ianua.

Nunquid & tu ex discipulis es hominis istius?

Fieri potest, vt ancilla hæc Petrum ex compassione allocuta sit, quasi admonens, vt si discipulus Iesu esset, citius abscederet. Atque hoc videntur etiam eius verba præ se ferre. Non enim eum accusabat, nec assertiue loquebatur: nec durius quid de Christo dicebat, quem non deceptorem, sed hominem appellabat. Denique interrogabat tantum Petrum, num ex discipulis esset hominis illius. Quid igitur Petrus? [Non sum.] Ecce quàm facile firmissima illa columna ad vnus auræ impulsu contremuit. Vide enim, quid negavit Petrus, & apud quem: Negavit se esse Christum. Quia autem Christi se esse negat, Diabolo se astringat oportet: Negat autem non coram milite aut Pontifice, sed coram ancilla. Vbi igitur nunc est eius pristina audacia? Iam ne facis appertè vides, ipsum carnali affectu, non spirituali iudicio antea pro Christo gladium sumpsisse? Si enim tantus iustitiae causæ propugnator est, cur nunc non dicam gladio non pugnat, sed vel verbo fatetur Christi innocentiam? Quod si coram ancilla mulierum contritiissima negavit, quid fecisset coram regibus & principibus? Verum quod Petrus est, omnes sumus ante iudicium Domini, & cum propriæ imbecillitatis adhuc ignari sumus, soleamus superbi de viribus nostris, & vt videtur, feruere zelo diuino: in iudicio autem Domini velut cera à facie ignis, & sicut puluis quem projicit ventus à facie terræ, deficimus. Petrus igitur typus eorum est, qui aliquid citra gratiam facere conantur, illis contingit, vt & Christum mendacii accusent, & quod facere gestiunt, efficiunt nunquam. Christum quidem mendacii arguunt, qui dixit: Sine me nihil potestis facere. Ipsi autem proposito non stant. Nam Petrus ait: Non quod volo bonum hoc facio, sed quod nolo malum, hoc ago. Ex his igitur facile colligi potest, quod Evangelistæ non libidine inuehendi aut aggrauandi aliena peccata hanc Petri historiam tam diligenter descripserunt, sed tantum ad institutionem nostram est enim notatu dignissima. Nam primo videmus hic, ne minimè verbum Christi fuisse vanum, id quod maxime fidem nostram confirmat: alioqui, si vnum Christi verbum vanum fuisset, de omnibus dubitari posset. Deinde videmus hic, quàm nihil in virtutibus humanis situm sit. Quemadmodum enim nimis ferrum, quamuis per se durum sit, lapidibus tamen facile retunditur, nisi liquore quodam firmetur: sic animus humanus, etiamsi veritatis amore cuncta se pericula specturum faciet, asperitate tamen certaminum vincitur, nisi Sancti spiritus gratia firmetur. Si enim Petrus tantæ fidei & dilectionis, qui tantum diu cum Christo conuersatus fuit, tantum eidem familiaris, vt cæleste ei gaudium in transfiguratione gustandum præberet, sic cecidit, quid de nobis sperandum est? Nulla igitur vsquam securitas est, quamdiu sumus in hoc mortali corpore. Cecidit Angelus in cælo, Adam in Paradiso, Petrus in mundo. Quis

Rom. 11. Quis igitur non timeat incomprehensi-
bilem altitudinem iudiciorum Dei? Me-
rito igitur Paulus monet: Noli altum
sapere, sed time. Et iterum: Qui stat, vi-
deat ne cadat: Iustus tibi videris, sed ne-
scis an talis sis coram oculis Dei, saltem
ignoras, quid cras futurus sis: intueri
sanctum Petrum. Quis credidisset aut ipse
aut alius, quod à tanta fiducia & charitate
absque impugnatione valida cecidisset in
tantam inconstantiam & impietatem?
Ediucto, quis iudicasset latronem illum
saluandum? Nihil igitur securius est,
quàm in profunda humilitate sollicitè
manere, diuinam expectare misericordiam,
non se de proprijs extollere meritis, aut
stolidè iudicare alios. Cum igitur ali-
quem peccare videris, quantumcunque
malus tibi videatur, geme in corde tuo,
& dic Deo: Diues es Domine in mise-
ricordia, potes hanc misellam creaturam
releuare à simo peccati. Ediucto, si vi-
des hominem pietati studentem, glori-
fica Deum, & dic: Custodi quæsumus
Domine, quæ in hunc collocasti dona.
Est enim pulcher gratiarum thesaurus,
quem hic reposuisti, sed vas est fragile,
varijs circumdatum latronibus: nisi cus-
todieris, facile dissipabitur. En hoc nos
docet negatio Petri. Specialiter tamen
monentur per hoc rectores Ecclesiæ, ne
superbiant, ne præsumant. Periculum
enim est, si præsumptuosus quisque hoc
fungatur ministerio. Is enim nescit alijs
compari aut misereri: nescit aliud, nisi
cum austeritate præesse, terrere, punire,
&c. suaque austeritate infirmas animas
ad desperationem adigere, sicque cadit
tota administratio. Hinc Paulus pro spe-
ciali commendatione Christi dicit, eum
compari alijs: imò ideo & Petrum cas-
dere permisit, ut & ipse disceret alijs cõ-
pari. At hæc negatio Petri etiam om-
nibus peccatoribus est consolatio & do-
ctrina. Consolatio, ut non desperent de
venia, cum videant Petrum post tantum
casum ad gratiam receptum esse: doctri-
na autem est, ut ipsius exemplo discant,
quibus medijs in gratiam redire pos-
sint. De quo infra latius. Demum etiam
non sine mysterio factum est, quod
Petrus in primo ingressu domus Pon-
tificiæ negat, idque ad impulsus ancillæ.

Prima enim professio in aulis princi-
pum, est Christum negare, hoc est, &
Deum, Christum, iustitiam, & veritatem,
imò & propriæ animæ salutem
postponere, & sola ea quæ sunt mundi
curare. Hoc autem maximè fit, cum quis
ab ancilla introducit, hoc est, avaritia:
Radix quippe omnium malorum est
cupiditas. Quæ autem timor Domini,
fidelis scilicet seruus introducit, is etiã
in aulis principum & negotijs mundi
Christo adhærere potest, quæadmodum
videmus in Dauid, Daniele, Hester &
Mardocheo, item in Ioseph, &c. Finis
liter qui casum & negationem Petri les-
git, oret Dominum, ne vnquam in ta-
lem tentationem incidat, ut Christum
neget. Sit nobis hæc Petri infirmitas
fortitudo, quandoquidem & de ipso sci-
mus, quod post acceptum Spiritum san-
ctum, se potius in frustra concidi passus
fuisset, quàm ut Christum negaret, &c.

Pontifex ergo interrogauit Iesum.]

Qui contendunt nihil in domo An-
næ factum esse, nisi quod honoris ipsius
gratia, Christus primò ad ipsum ductus
est, omnia hæc ad Calpham referunt, qui
Pontifex illius anni erat. Cæterum, siue
ipse siue Annas, prioris Anni Ponti-
fex hoc fecerit, hoc parum refert:
nos rem ipsam consideremus: Pon-
tifex ergo ille quisquis tandem fuerit,
siue Annas, siue Calphas, pro officio
suo Christum examinare errorisque con-
uincere conatur. Astat Christus victus,
superbiamque illius impij fert, quasi es-
set omnium hominum infimus, itema-
que patitur se examinari, quasi omnium
indoctissimus esset. An non insignis pa-
tientia? Et tu igitur noli ægrè ferre, si
ab indoctis & superbis contemnaris,
Christus hic te suo exemplo præcedit.
Duo autem inquit Pontifex ille, de
discipulis scilicet, & de doctrina eius.
Hoc ne erat peccatum Iesu? Nihil ne
aliud sciebat de ipso impius Pontifex?
Ergo accusatio in interrogationem mu-
tata est. Fortassis tamen hoc interroga-
re voluit, ubi essent discipuli eius, cur
ipsum elegisset, & quid cum ipsis face-
re intenderet. Hæc autem quæstio eõ-
tendebat, ut ipsum seditionis suscitans
dæ, nouarumque rerum molendarum

cōvinceret. De doctrina autē videtur interrogasse, qualis esset & vnde eam haberet, num doctrinæ Moysi & Prophetarum consentiret. Quasi diceret: Longè alia doces, quàm Moyses & Prophetæ. Hæreticus ergo & seductor es, & discipulos habes, qui hæresim tuam in totum orbem Iudæorum spargunt. Ad hæc noua quædam instituisti de Baptismo, citra nostram auctoritatem.

Denique hæc omnia agis, cum non sis ex tribu Leuitica, & tamen auctoritatem docendi tibi vsurpas. Putas ne nobis tacendum esse? & tantam in te morum & doctrinæ insolentiam contra veterum instituta tolerandam? Imò satis diu tacuimus, iā dabis pœnas, &c. Obserua hic, quod Christo non obijcitur, nec obijci potest, quod fuerit homicida, aut fur, aut adulter, aut raptor: sed tantum quod docuit & discipulos assumpsit. Hoc ante omnia mundus in ipso odit, quod non tacet, sed arguit: Me in-

Ioan. 7. quit, odit mundus, quia testimonium perhibeo de ipso, quod opera ipsius mala sint. Si Christus taceret & non argueret, mundus eum ferre posset. At quomodo posset veritas tacere? non argueret? Qui fieri posset, vt sol non manifestaret, quid pulchrum, quid deforme sit? Vide igitur ingratitude nostram, vel hoc ipso, quod mundus in eo odit, summo honore dignus esset Christus, & omnibus modis laudandus: summa enim gratia est, quod veritatem docuit, quodque è mundo, ne cum impijs perirent, quos voluit elegit. Cæterū, quod Pontifex ille de doctrina & discipulis Christi interrogat, malum non est, imò potestatis spiritualis officium est, curare ne aliena doceantur. Bonam igitur speciem prætendebat Pontifex, sed mala suberat mens. Sciebat nanque Christum vera docuisse: poterat insuper ex signis ipsius veraciter conijcere ipsum à Deo missum, quemadmodum & cæcus: Si, inquit, non esset hic homo à Deo, non posset facere quicquam. Non igitur debebat Pontifex interrogare de doctrina Christi, sed cum Nicodemo dicere: Rabbi scimus, quia à Deo venisti magister, &c. Verum impius ille Pontifex nihil horum agit, sed superbo animo & truci vultu obijcit, quod docue-

Ioan. 9.

Ioan. 3.

rit, & discipulos ascriuerit. Sperabat enim futurum, vt Christus territus veniam peteret & sua reuocaret, aut si pergeret seipsum defendere, aliquid fortassis diceret, vnde cōmodè posset accusari. Hoc venabatur Pontifex ille pius.

Ego palam locutus sum mundo. I

Mirissimus Dominus nihil de discipulis dicit, de quibus ab eo tempore parum boni sciebat. Nam vnus eum tradiderat, alter negauerat, alij omnes ipsum deseruerant. Noluit tamen eorum mala reuelare, docens, non statim reuelanda esse aliorum mala. De doctrina autem respōdet, vbi docuerit, & corā quibus, non autem quid docuerit. Sciebat enim Pontificem iniquo animo interrogasse. Boni siquidem iudicis est, veritatem inquirere, non calumniam: hic autem tantum calumniā quærebat. Quod ad doctrinā igitur attinet, Christus non tacet, ne videretur doctrinæ suæ pœnitere, sed eandem confirmat, docens nos constanter affirmare veritatem. Duplīci autem argumento probat doctrinæ suæ veritatem. Primò, quod non occulte, sed palā docuit: qui enim malè agit, odit lucem: qui autem facit veritatem, venit ad lucem. Secūdo, quod iudicium auditoribus suis permittit: Ego, inquit, palam locutus sum mundo, & in occulto locutus sum nihil, quod scilicet occultare velim, vel quod lucem ferre nō possit. Imò manifestè etiam Apostolis præcepit: Quod dico vobis in tenebris, dicite in lumine, &c. Plæraque quidem solis discipulis dixit, verum non ob aliam causam, quàm quod alijs ea capere non poterant. Quicquid enim Christus docuit, vult publicum esse & omnibus notum, ne quis se excusare possit. Hinc & Paulus: Si opertum est Euangelium nostrū, in his qui pereunt opertum est. Reuera enim Christus palam loquitur mundo. Sapientia enim clamarat etiam nunc in plateis, &c. Nemo igitur se excusare poterit de ignorantia.

Ego semper docui in synagoga, &c. I

Verissimū est & hoc, quod in Synagoga & templo Iudæorum docuit, vbi

Matt. 5. ubi omnes solebant cōuenire: imò non
Luc. 5. solum in templo & Synagogis, sed etiā
 in nauibus, in montibus & campis.
Luc. 16. Hoc est, publicè, & ubi maximè
 conueniebant homines. Nec illi igitur
Ioan. 15 quicquam excusationis habent. Vnde &
 aliās ipsis dixit: Si non venissem, & lo-
 cutus eis non fuisset, peccatum nō ha-
 berent. Hactenus igitur Christus re-
 sponsione sua ostendit, ubi & quibus lo-
 cutus sit. Restabat, vt diceret quæ fue-
 rit doctrina eius, verum hoc non mere-
 batur impius Pontifex audire. Nihil
 igitur hic Christus aliud respondet, quā
 quod ad auditores suos prouocat & ap-
 pellat, id quod est signum fidētis in ve-
 ritate dictorum. Hoc falsi doctores non
 facerent, propria nimirum absterrente
 eos conscientia, quæ ipsis dicit, quod do-
 ctrina eorum lucem ferre non possit.
 Non appellant hæretici ad suos libros,
 vel ad suos auditores, sed propria vafri-
 cie volunt errata sua defendere: nā nec
 libris nec auditoribus suis satis fidunt.
 At Christus:

*Quid (inquit) me interrogas? interroga
 eos, qui me audierunt.]*

Iosue 7. Quasi diceret: Ille de causa necessa-
 riò requiritur, cuius cum de facto con-
 fiter, facti tamen modus nescitur. Sic ne-
 cessariò Iosue querebat ab Achan, quid
 fecisset. Deprehensus siquidem erat per-
 sortem, quod peccasset, sed quid peccas-
 set ignorabatur: Ego autem cuius cau-
 sa nūc à te tota in doctrina constituitur,
 palā locutus sum. Hæresim non docui,
 sed veritatē, auditores testor: neque enim
 in angulo hæc res gesta est, nec lucem
 odi. Cur auditores non interrogas? aut
 cur dānas verbum non auditū? Itē, quid
 me interrogas, quem indignū iudicas
 cui credatur? Si malū est docuisse, malè
 agunt omnes legis interpretes: si verò
 male docui, hoc ipsum oportebat te nō
 ex propria suspitione & inuidia iudica-
 re, nec ex calūniatoribus discere, sed ex
 auditoribus. Ideo lege vel more iudicij,
 quia non cōceditur in legitimo iudicio,
 vt quisquā sibi ipsi testis sit, ad audito-
 res meos appello. [Interroga eos, ecce
 hi sciunt quæ dixerim.] Non enim ita ti-
 meo aut erubesco de doctrina mea, vt
 etiā auditores maximè de hac audiri ve-

lim: adeo non timeo, vt etiam ab aduer-
 sarijs tuta esse sciam quæ docui. Obser-
 uandum hic, quod non dicit, Interroga
 discipulos meos aut amicos, sed gene-
 raliter appellat ad auditores. Quasi di-
 ceret: Nullum excludo, nullum timeo.
 Atque hic vides, quanta sit confidentia ve-
 ritatis. Sola veritas dicere potest. Nemi-
 nē timeo: Nulla alia doctrina adeo per-
 fecta est, vt hoc dicere possit, præter eā,
 quam Deus per verbum suum reuelas-
 uit. Cæterum Christus pulchrè hac sua
 responsione impij Pontificis conscien-
 tiam percussit: Quid me (inquit) inter-
 rogas? Quasi diceret: Quid bonā adeo
 specie prætendis, cum veritatē nō que-
 ras, sed calūniā? Item, quid interrogas
 quod scis? Conscientiam tuā appello,
 ipsa tibi pro me iam dudum responderet.
 Verè terrificum verbū, ubi Deus pro-
 priam conscientiam nostram cōtra nos
 in testem producit. Sic & alibi conscien-
 tias impiorum sacerdotum tetigit, cum
 diceret de adultera: Qui sine peccato est,

Ioan. 9.

*Vnus (inquit) ministrorum dedit alapam
 Iesu.]*

Hic exhorrescat cælū, cōtremiscent ter-
 ra de Christi patientia, & serui huius im-
 pudētia. Quis non hæc legens impreca-
 retur seruo illi, vt vel igni desuper con-
 cremaretur, vel à terra absorberetur? At
 patientiam hic nos docere voluit Chri-
 stus. Eodem modo & alibi non semel
 propter annuntiatam veritatem lapi-
 dibus eum impetebant. Confessi erant
 iam dudum hi sacerdotum ministri,
 quod nunquam sic locutus esset ho-
 mo vt Christus, hic tamen eum alai-
 pis pulsant. Itaque fortis iste percus-
 sor & mollis adulator, fortium illo-
 rum robustissimum se ostentauit, de
 quibus Domini spiritus in Prophe-
 ta loquitur: Quia ecce ceperunt ante
 faciem meam, irruerunt in me fortes.

Ioan. 8.

Ioan. 8.

Ioan. 7.

Psalm. 58.

Qui enim sunt illi fortes, nisi qui sic iruerunt in Dei fortitudinem? Eorū autem vel hic praeceps erat, qui ut Domino suo placeret, suumque illi studium commendaret, tam atrociter irruit in Dei sapientiam & virtutem. Vel hinc igitur discimus, qualis fuerit hic iudex, quale item iudicium. Nam primò iniquū est iudicium, ubi quilibet etiam ante iudicium potestatem habet in reum. Deinde iniquus est iudex, qui vidēs reum ante datam sententiam affligi, tacet & non prohibet: multò magis, si videat innocentem affligi. Signanter autem iniquitas huius serui arguit iniquitatē Domini sui. Secundum enim principem & iudicem populi, sic & ministri eius. Et princeps qui libenter audit verba mendacii, omnes ministros impios habet. Tales igitur iudices, tale iudicium, tales accusatores Christus habet, qui nō expectant iudicis sententiam. Quid igitur mirum, si Christus in humano iudicio succumbit? Sic & Paulo cōtigit, cum rationem in iudicio reddens, iussus fuit contra fas & ius in faciem cædi à principe sacerdotum. Imò generaliter nihil aliud expectet Christianus à mundo, post cōfessionem veritatis, nisi alapam. Sic igitur Christus, qui omnib⁹ iuste iudicat, imò qui misericorditer etiam impios poenitentes absoluit, nullam in hoc iudicio iustitiam inuenit, tantum abest, ut misericordiā inuenerit. Vide item huius serui impietate, qui ut impio aduletur, in innocentem contumeliosus est, imò ut hominis fauorem acquirat, in Deū ipsum impius est. Vide enim quem percutiat, tamque viliter tractet, nempe Dominum maiestatis: Eum, inquam, cuius tanta est in creatura autoritas, & tanta creaturarum obedientia, ut omnia potius in nihilum redirent, quàm naturalibus suis actionibus vel minimam eius transgredierentur ordinationem. Hunc tamen percutit vilissimus hic seruus, qui nisi ab eo, qui percussus est, seruaretur, in nihilum continuò redigeretur, imò nisi ipse Dominus percussus prohiberet, omnis contra impiū hunc creatura sui factoris iniuriam vliscēs, insurgeret. Si enim creaturae sepius vindictam exercuerunt in eos, qui contra seruos Dei peccant, (Siquidem

terra deglutit Dathan & Abiron, à qua submersit Pharaonem, ignis exussit Sodomitas, &c.) quantò magis creaturae vindictam exercuissent in vilissimum hunc seruum, qui in ipsum Dominum maiestatis contumeliosus erat? sed Dominus prohibuit. Cōsidera hoc homo ingratus, qui ne vnū quidē rigidū verbū vis pati, quin mox excrucias te tra, exprobras, iuras, murmurās, nō expectas, donec Deus te vindicet, sed mox meditaris vindictam per verba & per facta, poenitet te, quod iniuriam non reuuleris, gloriaris de vindicta: hic tamen vidēs regem omnium, qui talem suscepit iniuriam à tam vili homine, idque in loco publico, & in faciem illam sanctissimam, etiam Angelis desiderabilem. Poterat quidem brachium Domini reuolui, sed & illum parietem dealbatum, imò ipsum dico Pontificem, quem tam rigidus stipes fulciebat, sed accepit iniuriam, seruauit patientiam, reddidit doctrinam: omnia in exemplum nostrum. Observandum autem, quod seruus ille insignem illam contumeliam Christo illatam, insuper etiam verbis contumeliosis auget.

Sic (inquit) respondes Pontifici? 1

Quasi diceret: Non attendis, quā vilis tu sis, quā gloriosus autem Pontifex dominus meus? Typum igitur gerit hic seruus omnium adulatores. Deinde omnium illorum, qui in aulis principum Christū in pauperibus suis percutiunt, hoc est, contra ius, fasque pauperes opprimunt, ad complacendum dominis. Denique plura agunt & comminiscuntur in grauamen pauperum, de quibus tamen nullam lussionem habent. Sed quid ad hæc dicit Pontifex, quū videret seruum suum sic ante latā sententiam proterulentem? Tacet, dissimulat, & interim si quis canem eius percussisset, non impune tulisset. Hæc est tyrannorum natura, quod pauperes canibus viliores aestimant. Sic igitur Christus & tunc & nunc quoque solus in mundo non inuenit vindicem iniuriæ suæ. Nam proprias iniurias facile vliscetur. Dei autem iniurias nemo curat. Iam attende, quā facie seruus hic

Eccle. 10
Prou. 29

Acto. 23

Num. 16

Exo. 14

1. Pet. 2

Acto. 23

Christo

Christum intuiturus sit in iudicio, quē tam atrociter percussit: quomodo non timebit aut expallescet? Atqui non solum hic seruus Christum percussit, imò omnes nos in ipso Christum percussimus. Nisi enim peccata nostra fuissent, non potuisset seruus hic vel Christum cōtingere: Peccata nostra manum illius armauerunt, & impulerunt ad percutiendum. Quomodo igitur coram illo iudice comparebimus, quem sic dehonestauimus? Vides hic, quanta sint peccata nostra, quamque meritò terrorem nobis incutere debeat passio Christi. Verum non ob id desperemus, quin potius ab eo ipso, qui hæc passus est, consolatiorem quaeramus. Non solum enim à nobis, sed etiam pro nobis passus est. Hanc enim ignominiam in se recepit, ut nos ab æterna ignominia liberaret. Sed quid Christus hic agit? patienter quidem fert illatam iniuriam, nec repercutit, imò citius aliam quoque maxillam iniurianti obuertisset, quàm quod se vindicasset: id quod & alibi docuit. Interim tamen verbis non tacet, sed ferientem arguit, imò potius benigniter admonet.

Si malè, inquit, loquutus sum, testimonium perhibe de malo.]

Poterat Christus dicere, Quomodo aliter responderē impie adulator? Quid amplius facerem? Num velles, ut Pontifici, imò idolo tuo pedes osculer, & ipsum lucem mundi dicerem? Quod interrogauit, hoc respondi. Quid amplius quaeris impie? Sic, inquam, & adhuc acriter poterat Christus increpare hunc seruū: verum, ut nobis daret exemplum, quàm mansuetissimè illi respondit, idque argumēto bicorni, quod vndiq; seruum illum cōstringeret. Est enim sensus verbi, quasi diceret Christus, Aut malè aut bene locutus sum, hoc ipse fateri cogemur. Si malè, ostendere debueras, in quibus malè dixerim: si autem bene dixi, non debebas me contra ius & fas cedere. Hoc autem Christus non dixit ex ira aut impatientia: nec hoc ipsius verbum ei cōtrariatur, quod alibi de obuersione altera maxilla dixit. Si enim verbum illud rectè intellexeris, inuenies, Christum planè & perfectè suæ ipsius doctrinæ satisfecisse, Magnum enim illud pa-

tientiae præceptum non tam in corporis ostentatione, quàm in cordis præparatione adimpletur. Habet enim hanc sententiam: Si iniuria, contumelia, aut damno à quopiā affectus fueris, tantum abest, ut liceat tibi iniuriam iniuriæ redde, aut te ipsum talione vindicare, ut citius & promptius grauiora & molestiora tibi ferenda sint. Hoc nimirum est alteram maxillam percutienti obuertere. Ad hanc igitur sententiam exigit hoc Christi factum. Num vindicauit se? Nequaquam. Num maledicta regressus? Non. Scribit enim Petrus: Cùm malis afficeretur, non minabatur. Defensione igitur audis, non accusationē: monitionem audis, non contumeliam.

1. Pet. 24

Si bene (inquit) locutus sum, quid me cadu?

Non percutio, nō vindico me ipsum, sed moneo te, ut resipiscas, ne peiora tibi à Deo contingant. Cædis me, quem reprehendere non potes: cædis me, quē prius admirabar: cædis me, qui non fungeris officio iudicis: cædis me, qui nunquam te læsi. Nihil igitur per hanc contumeliā efficis, quàm quod te ipsum damnas. Tripliciter igitur Christus hic suam mansuetudinem ostendit. Primò, quod se non vlciscitur, quum tamen facillimè hoc posset. Secundò, quod nec irascitur. Et tertio, quod eum etiam in super monet, instruit, ac pro malis bona impendit. Hic igitur primò arguitur impatiētia nostra, qui semper vindictæ cupidi sumus, etiam in minimis iniurijs illatis: nec recordamur scriptum esse: Viæ ad mortem sunt eorum, qui iniuriarum memores sunt. Et iterum: Relinque proximo nocenti tibi, & tunc deprecanti tibi peccata soluentur. Discamus igitur illatas iniurias patienter ferre: quandoquidem non primi nec soli sumus, quibus hoc contingit. Discamus item in aduersis os compescere, ne contra Deum murmuremus. Quod autē Christus omnia alia tacitus pertulit, præter hanc alapam, non sine causa factum est. Primò enim non tacuit, ne seruus ille putaret propter externam persecutionem, reticendam esse veritatem. Deinde ne putaret sibi suisq; similibus in pau-

Ioan. 7.

Eccle. 10
Eccle. 28

peres licere quicquid libet. Præterea, ne putaret non licere, ut principes arguantur verbo Dei, cum verbum Dei nulli parcat: Est enim omnium iudex. Per hoc igitur docere nos voluit, ut patienter quidem feramus aduersa, sed tamen interim non taceamus, quæ ad persecutorum salutem faciunt. Itemque, ut causam iniustam nunquam probemus, etiam si nobis patiendum sit, sed instemus oportune, importune, ac increpemus eos, qui vim afferunt: interim autem parati expectemus, quicquid illaturi sint hostes. Cæterum, quæ hætenus dicta sunt de alapa illa & responsione Christi, aper-
 Esai. 50. tissimis verbis prædixit Esaias: Faciem, inquit, meam non auerti ab increpantibus, & conspuentibus in me. Item, Corpus meum dedi percutientibus, & genas meas vellentibus. Item, Posui faciem meam, ut petram durissimam, & scio
 Mich. 5. quia non confundar, &c. Sic & Michæas: In virga, inquit, percutient maxillam iudicis Israel.

Tunc misit eum Annas vinctum ad Caiphā.]

Christus vinctus ducitur ad Annam, vinctus item ad Caiphā. Apud huiusmodi enim homines veritas semper vincita est: Nemo enim illis audet loqui, nisi quæ volunt & amant. Impietas autem Annæ vel ex hoc apparet, quod Christum etiam post ipsius congruentissimam responsionem non absoluit, sed vinctum reliquit, imò maiori & potentiori aduersario tradidit, ut vel in ipso iterum videatur illud Danielis impletum: A senioribus Israel egressa est iniquitas. Obserua, quod qui esse debebant asyllum afflictorum, & iniuste oppressorum, itemque, quos vel maximè decebat æquos esse iudices propter sacerdotium, scientiam & senectutem, hos Christus inuenit omnium iniquissimos. Sic nusquam minor misericordia inuenitur, quam apud hypocritas. Nusquam vilior est Christus, quam apud eos, quos vel maximè gratos esse oportebat. Cæterum Ioannes hic omittit, quid in domo Caiphæ Christus perpassus sit, non quod ea iudicari indigna quæ scriberentur, sed quia alij Euangelistæ diligentissimè ea scripserunt. Deinde mauult ea

silentio transire, quam verbis exprimere, quæ pro sua magnitudine satis expressi non possunt. Igitur incipit quidē de Caiphā dicere, sed in medio conatu cessat, quasi magnitudine rerum victus, dicere velit, Quid opus est multis hic disserere, quid Christus in domo Caiphæ passus sit sufficiat indicasse, quod ad ipsum perductus est, qui primum consilium dedit ut occideretur, apud quem & eo anno erat potestas, & cuncti hostes Christi conuenerant. Hinc enim facile quis conijciat, quid illic perpassus sit. Si enim hætenus tanta passus est in captione & domo Annæ, quanto maiora hic passus est, ubi ad veros hostes peruentum erat? Ita profecto iniquissima Christus in domo Caiphæ perpassus est, id quod ex alijs Euangelistis satis patet. Arque utinam, non eadem etiam nunc patere tur à nobis. Non enim frustra dictum est à Paulo, quod quidam denuo sibi ipsi Christum crucifigant & ostentui habeant, &c. Non igitur in solos Iudeos hic, sed etiam in nos ipsos respiciendum est.

Erat autem Simon Petrus stans & calefaciens se.]

Iam enim algebat affectu. Magnum siquidem frigus est, ubi Christus non agnoscitur. Hæc igitur est secunda Petri tentatio, multo tamen maior & grauior priori. Iam enim non ab inermi muliere, sed à viris, & multis, & armatis, denique Pontificum seruis interrogatur. Eundem tamen exitum habuit, quæ prima. Negauit enim iterum. Nec mirum. Qui enim in prima tentatione non steterat, quomodo staret in secunda? Qui à muliere terrebatur, quomodo non terretur à viris armatis? Deinde, quomodo non iterum caderet, qui à suis separat, & tanquam oblitus sui, stabat otiosus, & calefaciebat se, cum Christus dixisset: Ego vos elegi, non ut stetis otiosi, sed ut eatis, & fructum afferatis: Vides hic, quid faciat societas mala. Petrus in cœtu discipulorum confitetur Christum, inter seruos autem Pontificum negat se Christianum. Adeo verum est, quod dicitur: Cum sancto sanctus eris, & cum peruerso peruerteris. Sic de Israelitis dicitur
 Commixti

Commixti sunt inter Gentes, & didicerunt opera eorum. Hinc pijs dicitur: Exite de Babylone populus meus, &c. Vides deinde iterum, quàm rara Christi professio sit in principum aulis, imò plerumque in aulis principum impij efficiuntur, qui prius sancti erant. Vides tertio, quòd Diabolus omnium maximè tentare solet otiosos. Semper igitur aliquid operis facito, vt te Diabolus occupatum inueniat: Omnia enim mala docti otiositas. Cæterum Petro sic otiosi stanti comparantur otiosi pastores, qui diuitijs peccatorum assidentes, auidè delectantur gladio verbi Dei recondito, obliti quod Psalmista dixit: Melius est modicum iusto super diuitias peccatorum multas. Putant enim se fortes clauicularios cæli esse, quum mune ra libenter accipientes, & veritatem rectes, tali Petro potius similes sunt, qualis fuit, quum ad istas prunas resideret, quàm qualis fuit in die Pentecostes, & deinceps, vbi dicebat: Argentum & aurum non est mihi, &c. Cæterum, sicut Petrus hoc secundo loco grauius tentatur quàm prius, sic & grauius peccat & cadit. Iam enim non simpliciter negat, sed cum iuramento, vt Matthæus ait: Sic verè peccatum, quod per poenitentiam non diluitur, mox suo pondere ad aliud trahit. Hoc idem videmus in Dauide, qui perpetrato adulterio, non statim poenitens, cecidit in maius peccatum, nempe in homicidium. Discamus igitur ex hoc casu Petri, principijs ob stare, ac paruulos Babylonis, id est, primordia suggestionum malarum allidere ad petram Christum: Qui enim primò nõ resistit, facile ad alia peccata trahitur. Discamus item, ne si cõrigerit nos labi, diu maneamus in peccatis, sed festinè resurgamus. Sicut enim in Petro semper tẽtatio tentationẽ sequit̃, donec in profundũ caderet: sic Diabolus, quos semel cepit, non cessat præcipitare, donec in profundum peccatorum venerint. Sic contigit Petro. Bis iam negauerat Christum, insuper gallus semel cantauerat, vt Marcus refert, nec dum tamen peccatum suum agnoscit, imò nondum prauam societatem deserit. Quid igitur? Iterum insurgit tentatio, iterum eum inuadunt, vrgent & feruentius,

Dicit ei vnus ex seruis Pontificis, &c.]

Hic iam Petro certum imminerebat periculum à cognato illius, quem ipse percussisset. Quid igitur Petrus? Vndique constrictus iterum negauit, imò, vt Matthæus ait, cœpit execrari seipsum Mat. 26. & deicere, omniaque mala sibi ipsi imprecari, si vnquam nouisset hunc hominem. Vbi enim timor in corde præualet, nihil aliud possumus, quàm negare. Quid igitur vel dicemus vel cogitabimus super tanto casu principis Apostolorum? Vide enim, quàm nihil aliud iā possit respondere, quàm: Non sum: Nõ noui: Nescio quid dicas, cum tamen neque viri, nec mulieres illi quicquam minarentur, aut mali infligeret, & quantum veris conuinceretur, audiebat enim: Verè tu ex illis es: Galilæus es, loquela te prodit: Vidimus te in horto, tamè audet negare omnia: Insuper etiam diris se deuouere, quod tamen nimium fuisset, etiam si gladium cordi eius appositum vidisset. Verum ita oportebat impleri verbum Christi, non quòd contactus fuerit negare, sed quòd Christus præsciebat eum sic negaturum. Non tamen est, vt propter Petri casum aut aliorum sanctorum lapsus nobis ipsis placeamus, aut vitia nostra excusemus. Non enim ideo scripta sunt hæc, sed vt cautiore efficiamur & timidiore ante lapsum, & post lapsum nõ desperemus. Verum, quid tam diu de peccato Petri loquimur? Videamus tandem & poenitentiam eius: hæc enim nobis proderit. Postquam igitur satis profundè Petrus cecidisset, & profundius adhuc casurus esset, Christus manum ei porrexit, ne omnino periret.

Et statim (inquit) gallus cantauit.]

Hoc addit, vt vel hic videamus, quàm certò eueniant, quæ Christus prædixit. Non igitur diffidamus etiam in his, quæ adhuc restant. Cæterum, ex alijs Euangelistis claret, Petrum per hunc galli cantum admonitum fuisse & sui peccati, & verborum Domini, statimque ad lachrymas se conuertisse. Gallus igitur lex est, quæ in cognitionem peccati nos ducit. Cognito autem peccato,

& abnegato Christo, quid aliud restat, nisi amarissimus fletus, ac perpetua desolatio, nisi Christus oculo gratiae suae nos respiciat? De poenitentia autem Petri alij Euangelistae latius scripserunt, quam & merito attendere debent qui de Petri casu sibiipsis applaudunt, & meminere, quod casum sequuta sit resipiscencia, idque non post multos annos, sed statim. Fac igitur & tu similiter, id est, resipisce, & viues. Observandum in fine etiam hoc, circa Petrum tria requiri ad perfectam Dei dilectionem, ut scilicet diligamus affectuose, prudenter, & fortiter. Quum Petrus olim diceret: Absit a te Domine, non fiat istud, scilicet ut moriaris, affectuose quidem diligebat Christum, sed non prudenter. Expediebat enim, ut Christus moreretur, quod Petrus nolebat. Quum autem hoc loco Christum etiam in vinctum sequitur, diligit quidem affectuose & prudenter (vera enim prudentia est, passionem Christi non solum non impedire, sed etiam imitari) sed nondum diligit fortiter, ideo negat: spiritum autem accepto, etiam fortiter dilexit, ideo & post resurrectionem Christi tercio interrogatus fuit: Simon Ioannis amas me? Ob eandem causam & nobis non simpliciter dicitur. Diliges Dominum Deum tuum, sed additur: Ex toto corde tuo, ex tota anima tua, & ex omnibus viribus tuis, quod idem est, ac si diceretur, Dilige dulciter, prudenter, & fortiter.

Mat. 16.

Ioan. 21.

Mat. 22.

Adducit autem Iesum a Caipha in Praetorium.]

Psalm. 21.

Haecenus quid Christus a Iudaeis passus sit, ostensum est, nunc deinceps audiemus, quomodo etiam Gentes in ipsum offenderint, nam ab utrisque passus est, Iudaeis scilicet & Gentibus. Vnde & in Psalmo conqueritur, se & a vitulis & a canibus circumdatum fuisse. Caeterum Pilatus ille, ad quem Christus ducebatur, homo potens, & quasi princeps eo tempore erat, a Tyberio videlicet Caesare Hierosolymam directus, ut summus esset gubernator & rector Iudaicae regionis. Habuit autem cognomen, vel potius praenomen, Pontius, fortassis a regione, quae Pontus dicitur, iuxta Cappadociam & Bythiniam. Domum autem suam, in

qua habitabat Hierosolymis, Romano more nominabat Praetorium, quasi domus Praetoris, cum tamen longe maiorem haberet potestatem, quam Praetores Romani habebant. Nec dubium, quin magnae auctoritatis & prudentiae fuerit. Hoc certe vel ex hac historia patet, quod longe iustior omnibus Pontificibus, sacerdotibus, & Phariseis Iudaeorum fuit. Ad praetorium igitur Pilati Christum ducunt Iudaei, putantes per dementiam mentis scelus ad ipsos non redundare, si per alium eum interficerent. Ducunt autem eum non unus aut alter, sed omnes simul, ut vel sic sua praesentia & multitudine & iudicem tererent, & Iesum invidia grauarent.

Et ipsi non introierunt in praetorium, &c.]

Ex insita scilicet & innata hypocrisis, qua semper in parvis rebus erant superstitiosi, cum magna omnino non curarent, nolebant intrare in Praetorium: Ut non contaminarentur, inquit, sed ut manducarent Pascha, quasi haecenus nihil immunditiae contraxissent in tanta indigna tractatione Christi, aut quasi sola domus incircumcisi eos contaminaret, cum interim innocentem tot modis adigerent ad mortem. Animam habebant homicidam, linguas homicidas, conduxerant proditorem, conduxerant cohortem, conduxerant falsos testes, confixerant falsa crimina, insuper virgarent & terrent iudicem, & tamen sibi videntur puri, dignique qui Pascha celebrent, non ob aliud quam quod ab ingressu Praetorii se continuissent. Egregia plane puritas, imò stulta & imple caecitas. Habitaculo scilicet contaminarentur scelesto alieno, & non contaminarentur scelestere proprio! Vides quam accurate hypocritae illi mundauerint, quod de foris est calicis, cum intus plane cruenti sint. Vides praeposteram horum hominum iustitiam, quae tantum in externa specie consistebat, non in corde (erant enim sepulchra dealbata.) Item tantum consistebat iustitia eorum in observatione humanae traditionum, quasi Deum praepcepta nihil ad iustitiam facerent. Humana constitutio erat, ne Iudaeus domum incircumcisi intraret, ut ab immundo & incircumciso non contaminaretur. Lex

Lex autem diuina erat: Non inuideas: Non occidas: Non falsum testimonium dicas: Hanc autem Dei legem fortiter cōtemnunt Iudæi, seruata hominis constitutionūcula. Sic plerique etiam apud nos solis humanis constitutionibus fidunt, & hinc sibi iustitiam pollicentur, inter præcepta Dei nihil curantes. Contra hos non minus militat caput vigesimum tertium Matthæi, quā olim contra hypocritas Iudæorum. Imò plerique cum ex toto impij sint, tamen impietatem suam non aliter, quā humanis traditionibus obseruandis regunt, quemadmodū & Iudæi hic faciunt. Nā quis existimasset eum populum nō sanctum esse, adeoque iustam in Christum habere causam, qui tanta sollicitudine & religione sanctorum patrum constitutiones obseruaret? Si in sancti hominis mandatum non peccant, quāto minus legem Dei præuariari putandi sunt. Vides hypocritism. Longè aliam iustitiā nos docuit Christus, cum diceret: Pater sanctifica eos in veritate. Vera enim sanctificatio est, cum ipse Pater corda nostra v'surpat, vt renouet & illuminet ea cognitione Christi, fide & remissione peccatorum. Hanc autem sanctificationem non agnoscit caro, & sanctificationem quandam carnalem concipit, quā a quibusdam cibis & congressu quorundam hominum, &c. se abstinere, sicut hic Iudæi faciunt, neglecta vera iustitia. Cæterum, quod dicitur (Vt manducarent Pascha) non de agno Paschali intellige, quem præcedenti nocte comederāt, sed de azymis panibus, quibus per totos septem dies vti debebant, itemq; de alijs sacrificijs solennibus, de quibus solis mūdīs edere licebat. Non enim, vt quisdam volunt, Christus esum agni Paschalis vno die præuenit, quod manifestè patet ex Luca, qui expressè dicit, quod ea nocte, qua Christus agnum comedit, necesse erat agnum Paschalem occidere & comedere. Sed de hoc suprā satis dictū. Optimum sanè Iudæi comederunt Pascha, verū nobis, non sibi ipsis. Nobis enim sufficit agnus ille verus, quē ipsi suo scelere immolauerunt. Hic enim est agnus Dei, qui tollit peccata mundi, & est Pascha nostrum. Sequitur:

Exiit ergo ad eos Pilatus.]

Hoc quidem facit præter consuetudinem aliorum rectorum, qui non solent tantum condescendere populo. Quantum enim Gentilis & Ethnicus esset, solamque rationem in operibus suis ducebat legesque Cæsareas haberet, multo tamen & iustus & ciuilius se habuit, quā Iudæi, qui scripturam & legem Dei habebant, populusque Dei dicebatur. Primò enim ciuilitatis erat in Pilato, quod se accommodauit moribus populi, & cessit pertinaciæ eorū. Vidēs enim ipsos Ethnici domū abominari, non contra ipsos tyrannide quadam, vt contra receptam consuetudinem Prætorij intrarent, sed iure suo neglecto, exiit ad eos foras. Oportet enim superiorem non semper esse pertinacem, sed moribus interdum subditorum se accommodare. Sic & aliās in Iosepho legis de Pilato, dum statuæ Cæsaris in templo Hierosolymitano erigi præciperentur. Nā videns populi pertinaciā, quā citius mortem oppetere, quā statuas in templo ferre volebant, cessit eis, & statuas ex templo deposuit, quanquā armato exercitu ad hanc rem instructo potuisset omnes, ni obediunt, trucidare. Iustitiæ autem erat in Pilato, quod non mox oblatum & inauditum damnat, quemadmodum ipsi cupiebant. At longè ipsos sua fefellit opinio. Nihil enim temere, & sine causæ discussione iudex agere volebat, ideo dixit:

Quam accusationem affertis aduersus hominem hunc?]

Nemo enim nisi accusatus & responsionis locum adeptus, condemnari debet. Hanc iuris æquitatem seruabat hic Ethnicus. At verò Iudæi econtra clamabant:

Si non esset hic malefactor, non tibi tra didissemus eum.]

Quasi dicerent: Euidentiā patrat criminis non indiget clamore accusationis: Solū exequere iudicium, non opus est alia examinatione. Num de nostra iustitia dubitas? Non vides quī sumus, qui hunc hominem vinctum adducimus? Sticcine honoras summi Dei sacerdotes? Nihilne inter nos

Ioan. 18
1. Cor. 9

Luc. 22.

& quemlibet popularem distinguis? hominum malitia hic fit, ut leges Gen⁹
Noli putare, quod innoxium morti tra-
dere velimus. Vides quam obseruantes
sumus legis, ut ne in domum tuam in-
gredi velimus. Nec putes nos in hac re
quicquam vel inuidia, vel odio, vel ni-
mium præcipientes agere. Omnia enim
cum deliberatione egimus, & inueni-
mus morte dignum, tantum igitur fer-
sententiam. Nisi enim esset malefactor,
&c. O hypocrisisim, o mendacia, o mali-
tiam, sicne agi debet? Sicne iustitia ex-
qui debet? Ergo, ut audimus, quilibet
vincens, reus est mortis ut malefactor?
Quis non videt, quod causæ suæ diffi-
dunt, ideo inanibus verbis iudicem fal-
lere nituntur, ne cogentur probare
ipsum esse malefactorem. Tu interim
Christiane malitiam ipsorum conside-
ra. Iusti enim videri volunt, etiam recla-
mante conscientia, quasi nunquam tale
quid attentassent, ac nullum unquam
nisi malefactorem occidissent, cum con-
ster, ipsos omnes Prophetas iniustissi-
me occidisse. Deinde malitiam suam in
hoc ostendunt, quod Christum volebāt
non examinatum, nec conuictum occi-
di, imò indignum eum iudicant, qui à iu-
dice audiat, & in quo vlla iuris regu-
la seruetur. Insuper & manifestè ipsum
etiam coram publico iudicio malefacto-
rem nominant, qui omnes infirmos ip-
sorum sanauerat. Interrogentur lepro-
si, quos mundauit: cæci, quos illumi-
nauit, &c. num malefactor sit, &c. Ver-

Psal. 34. rum sic scriptum est: Retribuebant mihi
Psa. 108. mala pro bonis, & odium pro dile-

ctione mea. Itemque: Pro eo quod me
diligere debebant, detrahebāt mihi: Ego
autem orabam. Verè enim Christus hic
tacendo orabat, recogitans peccata nos-
tra, pro quibus hanc iniuriam patieba-
tur. Cæterum Pilatus tam superbe iniu-
steque dictis exacerbatus, iterum re-
clamat:

*Accipite ergo eum vos, & secundum
legem vestram iudicate eum.*

Quasi diceret: Si malefactor est, ut
dicitis, at non probatis, age vtimini lege
vestra contra ipsum: Me prohibent le-
ges Romanæ, ne vllum hominem iuau-
ditum condemnem. Re vera Pilate, hoc
idem habet lex Moysi, & tamē istorum

Nobis (inquiunt) nō licet interficere quem-
quam.]

Quis ergo Stephanum occidit? Quæ
potestas ipsum morti adiudicauit? Me-
tiuntur igitur. Vel, Nonne & hoc erat
occidere, Christum ad mortem offerre,
& mortem eius omni instantia procura-
re? Sed volebant ipsum per Romanorū
leges occidi, ut tam ipsi, quam lex sua
immunes essent. Lapidare ipsorum es-
tat: at crucifigere Romanorum. Hoc
quærebant. Non enim simpliciter vole-
bant Christum occidi, sed cum summo
opprobrio. Nec hoc tamen vel casu,
vel propter ipsorū consilia sic contigit.

Sed ut sermo Iesu impleretur.]

Quo certò prædixerat se Gentibus
tradendum, & ab illis crucifigendum.
Dixerat item Christus: Oportet exal-
tari filium hominis, sicut Moyses exal-
tauit serpentem. Item, Cum exaltatus
fuero à terra, omnia traham ad me.
Item, Cum exaltaueritis filium ho-
minis, tunc cognoscetis, quod ego
sum. Videntes igitur Iudæi, quod
sine accusatione, certorumque criminum
contra Christum prolatione intentum
suum coram Pilato habere nō possent,
incipiunt eum accusare, ut est apud Lu-
cam. Post auditam autem accusationem
Pilatus iterum introiit in Prætorium.
Etiam in hoc boni officio iudicis fun-
ctus est paganus hic. Primò enim, quā-
uis Iudæi in magna multitudine adue-
nissent, quasi ut extorquere vellent sen-
tentiam, non tamen eos timet Pilatus.
Sic enim & Sapiens monet, ne quis cu-
piat fieri iudex, nisi animum habeat,
qui ausit impijs resistere, etiam poten-
tibus, ne eorum vultum pertimescat, &
à iustitia declinet. Secundò, quamvis Iu-
dæi in magnis & grauibz Christū accu-
sasset, nō tamen statim eis credit, quan-
tumvis magnæ auctoritatis essent, sed
prius causam examinat. Præterea Chris-
tum secretò interrogat, ne aduersarij
eius

elut, qui potētes erant, impedirent, quō minus respondere posset. Insuper non minacibus, sed admodum blandis verbis eum alloquitur. Decet enim iudicē mansuetum esse: Nam & ipse iudicem suum habet. Postremo ex multis Iudaeorum accusationibus vnam tantum arripit, alias silentio transiit. Hæ sunt conditiones boni iudicis. Nec aliud defuit Pilato, quā fides & timor Dei, quæ qui non habet, non diu manet iustus, id quod & infra in Pilato videbimus. Sed quodnam illud est, in quo Pilatus Christum examinat?

Tu (inquit) es rex Iudæorum?

De hoc crimine quærit, quod & ad Cæsaris maiestatem, & ad publicā tranquillitatem pertinebat, denique etiam verisimile videbatur. Nam circa Christi tempora variæ erant seditiones inter Iudæos, authoribus Iuda Galilæo, item Aegypcio quodam Propheta, itemque Theuda & Caphedone, ut Iosephus scribit. Verisimile autem videbatur, Christum eiusdem farinae esse cum seditiosis, quod noua quædam hætenus inaudita docebat, & miro quodam fauore vulgus sibi conciliarat. Seditiones verò hinc oriebantur, quod septuaginta hebreomadae à Daniele præscriptæ, iam ferme præterierant, & expectabatur summo desiderio Messias, ut restitueret populum in pristinam libertatem, & à Romana seruitute vindicaret. Proinde multi sibi honorem Messiae vendicantes, & populo libertatem pollicentes, auctores fiebant defectionis à Romano imperio. Et plerique Iesum esse illum expectatū Messiam coniciebāt. Nisi enim fugisset, in regē electus fuisset. Itaque Pilatus de spirituali regno Messiae nihil intelligens, & tantum de regno & imperio carnali cogitans, regium nomen Christo obiectum non præterit silentio: timebat enim non tã Cæsari, quā sibi ipsi. Ideo quærit, an ipse sit rex Iudæorum. Nam regem Iudæorum ipsum nominauerant Magi: populus autem ipsum nominauerat regem Israelis. Et reuera rex erat Iudæorum & Israelis, verum non sicut Pilatus cum suis intelligebat. Et quid dico rex Iudæorum? Erat, & est ipse Christus rex omnium regum, ne

dicam omnium sæculorum, 1. Timo. 6. Psal. 46. Cæterum sicut mundus primo loco contra Christum queritur, quod non tacet, quemadmodum supra audimus in dōmo Annæ: sic secundo loco conqueritur de Christo, quod regnare velit. Timet enim mundus regnum suum perdere. Sic Herodes statim nato Christo timebat: sic etiam hic Romana potestas timet, ne per Christum destruat: sic etiam adhuc mundani homines suis diuitijs & honoribus timēt, ne per Christum ea perdant. Sed non est, quod timeatis stulti homines: Non arripit mortalia, qui regna dat cælestia: non venit ut terrena auferat, sed ut cælestia superaddat: non prohibet Christus terrena, sed docet eisdem bene uti. Ad interrogationem igitur Pilati Christus ita respondet, ut neque se regem esse neget, neque omnino etiam affirmet, idque prudentissime fecit. Stenim statim respondisset. Rex sum ego, antequam regnum suum à regno hominum distinxisset, occasione calumniæ Pilato præbuisset. Quid igitur respondet?

Atemetipso hoc dicis, an alij tibi dixerunt de me?

Quod primò administratū legi debet. Quasi diceret: Quantam rem dicis imprudens & nescius o Pilate? Vnde tibi hoc, ut me dicas regem, cum nemo possit dicere hunc Iesum, id est, me esse Dominum, nisi in Spiritu sancto? Certè, vnde cum hoc habes, siue à temetipso, siue ab alijs verè magnam rem dixisti, si modo tua ipsius verba intelligeres. In hunc modum & olim Christus admiratus fuit nobile illud responsum Centurionis, dicentis: Domine non sum dignus, &c. Vel potest hoc verbum sic accipi, ut sit reprehensio Pilati, quasi diceret Christus: Si ex propria suspitione hoc mihi impingis, non æquum agis iudicem. Iudex enim non debet iudicare secundum propriam suspitionem, sed secundum causam: sin autē alij tibi dixerunt hoc de me, ipsorum est probare quæ dicunt, & ostendere signa rebellionis. Maxime tamen in hunc modum respondit, ut occasionem illi daret dicendi quæ sequuntur.

Nunquid (inquit) ego Iudæus sum?

XX

Quasi

Matt. 2.

1. Co. 12.

Matt. 2.

Ioan. 6.

Matt. 2.

Ioan. 12.

Quasi diceret: Quomodo ex me ipso hoc dicere possum, quando quidem Iudaeus non sum, sed Ethnicus? Quid autem nos Ethnicus de vestris rebus scimus? Gens tua & Pontifices tradiderunt te mihi, & te hoc nomine apud me accusarunt. Ipsi tibi hoc impingunt, ego te nec capriuaui, nec accusaui.

Quid fecisti?

Dic ipse, quibus factis tot & tantos, Imò Praelatos illos tuos, omnemque tuam gentem in odium tui prouocaueris? Ceterum ad hoc verbum Christus non respondet. Nihil enim dignum odio fecerat, Imò omnia quae fecerat, summa laude digna erant. Bene enim omnia fecerat, & bona omnia fecerat, & omnia bona per ipsum etiam creata erant. Ad primum igitur quaestionem respondet, & distinguit regnum suum à regno mundi, ut ostendat, se nihil contra Caesarem peccasse.

Regnum (inquit) meum non est de hoc mundo.]

Quasi diceret: Pilate, fateor & agnosco me esse regem. Hoc nimirum est, quod feci, hoc est crimine illud, quod mihi imponitur. Verum rem hanc recte intellege. Rex quidem sum, sed ita, ut nec Caesaris tui potentiam usurpem aut immixtuam, nec quenquam regum aut principum à potestate & dominio suo expellam. Et ut rem ipsam intelligas, non sum rex mundanus, sed caelestis, in cuius manu sunt omnium etiam corda regum, quantumvis id tibi non videatur. Regnum meum, id est, principatus vel administratio, Vel: regnum, id est, leges & iura: vel, regnum meum, id est, ministri & subditi mei. Non est de hoc mundo, id est, non est ab homine, sed à Deo: Ego, inquit, constitutus sum rex ab eo super montem sanctum eius, &c. Deinde non est de hoc mundo, id est, non est temporale, sed aeternum. Transit enim mundus & concupiscentia eius. Praeterea, non est de hoc mundo: non enim consistit in rebus huius mundi, diuitijs, voluptatibus, populo. (Quicquid enim est in mundo, aut est concupiscentia carnis, aut concupiscentia oculorum, aut superbia vitae) sed in spiritualibus rebus, iustitia scilicet, pace, & gaudio in Spiritu sancto.

Item, non est de hoc mundo, quia non est corporale, sed spirituale, alioquin modo administratur, quam mundanum regnum. Hoc enim administratur gladio materiali: meum autem regnum non opus habet hoc gladio. Nam eius gladius est verbum Dei. Regnum mundi habet ciuitates, arces, oppida, villas, exercitus, arma, regnum meum exigit tantum corda hominum. Mundus dominatur rebus & corporibus: ego autem cordibus & conscientijs. Mundus dominatur carnali potentia, sed succumbit spirituali: ego autem carnalem potentiam nihil moror, sed spiritualiter dominor contra peccatum, mortem, & infernum. Vides quam pulchre Christus regnum suum describat. Ad eundem ferme modum & Zacharias de regno Christi loquitur: Ecce rex tuus venit tibi mansuetus, & ipse pauper &c. Obseruandum tamen, quod non dicit: Regnum meum non est in hoc mundo. Nam Christus etiam mundi Dominus est. Omnia enim per ipsum facta sunt, & omnia etiam ad huc per ipsum administrantur. Data est enim ipsi potestas in caelo & in terra. Iam si regnum Christi non est de hoc mundo, sequitur igitur, adhuc alium esse mundum. Ideo etiam si non sentias Christi promissiones in hoc mundo impleri, non tamen despera: nam est alius mundus, in quo impletur quicquid hic non impletur. Item, quia regnum Christi non est de hoc mundo, ideo orare iubemur: Adueniat regnum tuum. Hoc igitur primo verbo Christus Pilatum liberat ab omni formidine. Insuper etiam exemplo hoc ipsum probat, se scilicet immunem esse ab affectatione Caesaris aut regiae potestatis: [Si (inquit) de hoc mundo esset regnum meum,] non inermes mecum ducerem discipulos, milites, exercitus, &c. qui utique in hac necessitate me ut dominum suum gladijs defenderent, pro me vel morti se offerrentes. Vel si regnum mundanum ambirem, vel ipsi Angeli me defenderent à violentia Iudaeorum, Imò nec Angelorum nec hominum auxilio opus haberem. Valeret enim dextera mea mihi auxiliari. Ostenditur hoc loco imbecillitas mundi regni, quod omne robur

psalm.

*1. Ioan. 2
Ro. 14*

Joan. 1

Data

Mat. 6

Mat. 6

robur suum non ex seipso, sed à ministris habet, qui si desint, nihil prodest regem esse: si autem assint, possunt multipliciter fallere, & infideles esse. Superum autem regnum seipso sufficiens est, nullo indigens. Ex his igitur Christus conclusit:

Nunc autem regnum meum non est hinc.]

Quasi diceret: Ex hoc argumento certissime tibi persuade, regnum meum non esse mundanum aut terrenum. Quicquid vel tu, vel Cæsar tuus habet, per me vobis saluum erit: nihil vestrarum rerum cupio, nihil moror gloriam & diuitias mundi, quæ vos pro maximis bonis ducitis. Hæc Pilato quidem dicta fuerunt, verum nihilominus etiam ad nos pertinent. Si enim regnum Christi non est hinc, quid igitur tu Christiane quæris diuitias & honores huius mundi? Si Christi regnum non est de hoc mundo, ergo Christianos oportet in mundo pressuram habere, dum in Christo pacem habent conscientiarum. Noli igitur mirari, unde tanta mala pijs in mundo accidunt. Atque hoc verbo pius homo seipsum in aduersis consolari debet, ut dicat: Regnum meum non est hinc. Præterea si regnum Christi non est hinc, errant igitur qui in rebus externis & elementis mundi constituunt regnum Christi: Regnum Dei, ait, intra vos est. Itaque verbum hoc non sic intelligendum est, quasi mundus his inferior non sit à Deo creatus, nec ad Deum pertineat, quemadmodum Manichæus dixit. Stat enim sententia: Ipsius sunt omnes fines terræ. Cæterum quantumuis clarè Christus distinxerat inter suum regnum & regnum mundi, adhuc tamè Pilati animo obuersabatur nomen regis. Non enim consueuerat audire in ditione principum suorum, ut quis regium nomen usurparet. Videbatur siquidem ei nulli hoc nomen competere debere, sine consensu Cæsaris. Itaque dicit:

Ergo rex es tu?]

Quantumuis scilicet regnum tuum non sit de hoc mundo. Urget titulum regis nominis, hunc ferre non potest. Videbat consequi, ut si regnum eius non esset hinc, aliunde esset: & yndecumque

que regnum, regnum utique esset. Ideo per conclusionem infert: Ergo rex es tu? Melius autem sic interrogasset: Vbi est ergo regnum tuum? Vbi est ille alius mundus? Hic fortè inuenisset responsum, quæ ipsi utilis esse potuisset. Verum nihil horum quærit, sed adhuc timent regno & officio suo, Christus autem intrepidè respondet:

Tu dicis, quod rex ego sum.]

Quasi diceret: Quid opus est, ut ego dicam, cum tuipe hoc dicas? An non satis est, quod tuipe hoc dicis? Quod idem est, ac si apertè dixisset: Ego sum. Signanter autem Christus nomen regis repetit, ut videamus, quod cælestis & spiritualis regni sui eum non pœniteat aut pudeat, quin velit ipsum omnibus hominibus etiam ipsi Cæsari, notum hoc esse. Hoc enim regnum, quandoquidem omnium nostrum salus in eo pendet, negari aut occultari non debet. Cæterum valde consolatorium verbum est, quod Christus se regem fatetur. Verè enim rex est. Iuxta illud: Ego constitutus sum rex ab eo. Itemque, Constituisti eum super opera manuum tuarum. Si igitur peccas, non statim desperes: non enim extra regnum Christi cadis, nisi destinas esse opus Dei. Hinc Sapientia inquit: Si peccamus, tui sumus. Agnoscet, ipse te suam possessionem, si tu eum agnoueris Dominum tuum esse. Ne tamè Pilatus plus offendatur regio nomine, pergunt Christus regnum suum adhuc planius declarare. Quasi diceret: Pilate, negotium hoc sanè intellige, omnemque suspicionem mundani regni aut tyrannidis ex animo abiice. Sic se res habet. Regnum meum spirituale omnino negare nolo, siue coram te id fiat, siue coram Cæsare: tantum hoc scito, propositum meum non esse, vel armis queng infestare, vel more aliorum regum possè regnare, sed diuinam veritatem in terra erigere & stabilire.

Ego in hoc natus sum, & ad hoc veni in mundum, ut testimonium perhibeam Veritati.]

Ideo, inquam, veni, ideo natus sum, non ut gladio pugnem, sed ut doceam & annuntiem veritatem & Euangelium

Roma.

lium, quod est potentia Dei, ad salutem
omni credenti. Et sicut Euangelium an-
nuntio, sic per Euangelium dominor in
cordibus credentium, super peccatum,
mortem, & diabolum, ut pro peccato
iustitiam, pro morte vitam, pro cruce
gaudium, pro inferno cælum largiar.

Hæc sunt feuda regni mei, horum par-
ticeps nemo esse potest, nisi audiat vo-
cem meam, ut credat in corde suo. Non
meos dico opibus, vrbibus, & alijs feus-
dis, sed per verbum meum illis commu-
nico gaudium, vitam, pacem, denique &
cælum ipsum: Euangelium igitur meū
scepterū regni mei est. Quid autem hæc
cōtra Romanum Imperatorem? Num
Cæsar nollet quenquam nasci, qui testi-
monium perhiberet veritati? Num de-
trimentum honoris eius esset, si quis
militum ipsius audiret vocem perhiben-
tis testimonium veritati? Quis non de-
testaretur eum, qui hæc sentiret? Veri-
tatis enim nomen amabile est, imò ipsa
natura humana consentit, id ipsum no-
men veritatis honorabile esse: & licet
significatum eius nequissimi nebulos-
nes oderint, tamen ipsum eius nomen
nulli vnquam detestari licuit. Et quidē
reuera Christus testimonium perhibuit
veritati. Confusio enim falsitatis, est te-
stimonium veritatis. Errabat mundus in
vfu tēporalium. Quæ enim data erāt in
vsum tantum, in his mūdus etiam amo-
rem & fiduciam ponebat: Christus au-
tem hanc falsitatem arguens, veritati te-
stimoniū perhibuit. Docuit enim præ-
sentibus tantum vti, cælestia autem ama-
re. Errabant Iudæi in falsa intelligētia
legis, errabant Gētes in idololatria: Chri-
stus autem vtrorūq; errores arguens
& destruens, testimonium perhibuit ve-
ritati. Congruē igitur dicit, se ideo venis-
se & natum esse: Ideo, inquit, homo fas-
tus sum, ideo hic sum, ut error & iniu-
sticia destruat: veritas autem & iusti-
tia regnet, Hoc ago & agam, ut diabolus
deprimatur, Deus autem regnet. Itaque
si filius es veritatis, si veritatem amas,
si nihil cupis præter veritatem, audies
vocem meam cū gaudio. Ego enim sum
veritas, nec quicquam loqui aut docere
possum, nisi veritatem: id quod Chri-
stiani nos, qui ex veritate sumus, nedū
credimus, sed etiam scimus. Vox Chri-

sti, veritas est, quæ in æternum manet
etiāsi Moyses, Iupiter, Mahometus,
Hæreticus & Antichristus interierint,
imò etiam Tyberius & Pilatus.

*Omnis igitur qui est ex veritate, audiet
vocem meam.]*

Quo verbo docet, qui ad regnum suū
pertineant. Non autem dicit, Omnis qui
verè est. Nam & diabolus & impij
verè sunt, sed qui ex veritate, inquit, est.
Mendacium autem est, quod non con-
stat: Adam non constat, mundus non cō-
stat: Ex mēdacio igitur est, qui ex Adā,
homine, aut mundo est. Ex veritate au-
tem est, qui diligit veritatem constantē:
qui ambit æterna bona, qui sitit iustitiā
& vitam æternam, hic audit vocem meā
am, hic pertinet ad regnum meum, &
subdit se imperio meo. Igitur Christus
non est Dominus eorum & rex, qui spū-
rant opes, ambiunt honores huiusmun-
di, sitiūt voluptates: nec est rex eorum,
qui mouent seditiones, sed eorum qui
sitiunt iustitiam, qui ardent gaudium
cæleste qui libenter audiunt veritatem.
Ex omnibus igitur his constat,
Christum nihil in Cæsarem peccasse.
Cū itaq; Christus tantopere veritatē
commendaret, motus hic Pilatus, & cū
tāquam Ethnico hæc insolita erant,
interrogando respondit:

Quid est veritas?]

Optima sanè interrogatio, si ex ani-
mo facta fuisset. Quid enim vtilius &
iucundius inuestigatur, quā veritas?
Omnis siquidem terra inuocat veritatem,
ut in Esdra legimus: imò etiam im-
pij, etsi mendaces sint & fallaces, veritatem
tamen ab alijs exigunt, nolunt falsum
li, &c. Multo speciosior est veritas in re-
bus spiritualibus. Verū Pilatus non
ex animo hæc quærebat, sed quasi fasti-
diens & ex contemptu. Quasi diceret:
Aliā mne affers veritatem, quā vel ven-
stri Pontifices, vel nostri sacerdotes do-
cent? Satis plusquam satis dixisti, nihil
opus est his pro nunc: non hic sum, ut
conciones audiam: alia nunc agēda sunt.
Sic impij nihil tam fastidiunt, ut verbū
Dei, & ea quæ salutis sunt: hic omnia
illis mora longa est. Oportebat Pilatū
ex verbis Christi inflammari & excitari

re: verum sicut cæcus nihil mouetur, etiam si aurum & fulgentissimam Margaritam ei offeras, quippe qui nec luce solari mouetur, sic animo cæcus pulchritudinem veritatis cernere nequit, quæ tamen diuini splendoris radios in mentem piorum immittit. Reuera autem dignus non erat Pilatus, ut huius quæstionis solutionem audiret. Satis audierat, si credere voluisset. Nec Christus passionem suam impedire voluit. Quid enim opus erat quærere, quid esset veritas? En Christus, qui astat, veritas erat, & est proinde, quod idolorum sacerdores de virtutibus nugantur, quod Iudæorum Pontifices de carnali iustitia docent, mendacia sunt: solus Christus, solum Euangelium veritas est, & quod ex Euangelio trahitur vel sequitur.

Et cum hoc dixisset, iterum exiit, &c.]

Non expectauit responsionem Christi. Putabat enim sibi sufficere leges Cæsareas, nec se opus habere alia veritatis cognitione. Deinde videbat hoc non magnopere pertinere ad causam præsentem. Præterea videbat Iudæos festinare, nec tempus esse diutius cum Christo loqui. Timebāt enim Iudæi, ne Christus animum iudicis, suis verbis, quæ sciebant efficacia & penetratiua esse, emolliret. Postremo experimento scā dicerat, nihil esse in Christo, vnde interfecto illo se defendere posset, si de supplicio eius iniuste sumpto apud Cæsarem se accusari contingeret. Quippe tutorum omnium princeps & iustitiæ rex induerat pro thorace iustitiam, & pro galea iudicium certum, pro scuto inexpugnabili æquitatem, ut eum nullo latenus in sermone capere posset. Ideo qui prius exierat, ut accusationem audiret, nunc exit, ut Iesum excuset coram accusatoribus eius.

Ego, inquit, nullam causam inuenio in homine hoc.]

Habes hic iterum iustitiam civilem in Pilato, idque in duobus. Primum enim, quāquam ex altera parte essent diuites, potentes, &c. à quibus vel lucrum sperare, vel damnum timere poterat, Christus autem & solus & pauper, & ab omnibus derelictus, à quo nec lucri quicquam

quam sperare, aut damnum timere posse videbatur: tamen pro Christo contra Iudæos stat, id quod iusti iudicis officium est, quamuis raro tales inueniuntur. Hinc est, quod Iudæorum principes toties arguuntur, quod pupillo non iudicant. Hinc etiam est, quod Moyses constituit voluit eos iudices, qui oderint auaritiā. Munera enim excæcant. Hinc etiam est, quod toties monentur iudices, ut timeant Deum: Erudimini, inquit, qui iudicatis terram: Seruite Domino in timore, &c. Nec solum pro Christo stat Pilatus, sed etiam aduersarios eius manifeste confundit, innocentem eum proclamando etiam post causæ examinationē, quem ipsi ut nocentem & mortis reum vinxerant: imò apertissime eos mendacij arguit, si notare voluissent, & erubescere potuissent. Verum ipsi ex illo populo erant, cui dictum est: Ceruix tua ferrea, & frons tua ærea, erubescere noluit.

Discant tamē hic iudices, ut causam iustam nedum foueant, sed etiam iniusta molientes ita confundant, ut deinceps non audeant talia coram ipsis committere aut præsumere. Signāter autem notandum est, quod Christum non tantum absoluit ab eo crimine, quo accusatus erat, sed generaliter dicit: Ego nullam inuenio causam in eo. Et verissime quidem hoc de Christo dicitur. Ipse enim nec peccatum fecit, nec dolus inuentus fuit in ore eius. Emphasim etiam habet, quod signanter dicit: In hoc homine non inuenio causam. Solus enim Christi est, omnis criminis & peccati expers esse, aliorum autem hominum nemo mundus à sorde. Magnum igitur innocentiae Christi testimonium est, quod ipse iudex, qui ipsum postea crucifixit, non semel, sed sæpius, & in ipso iudicio innocentē proclamauit hunc Iesum, quod vel solum nobis satis est contra calumnias Iudæorū & paganorum. Qui igitur adhuc incredulus est, vel hic videat, an non Christus innocenter passus sit? Hæc igitur defensio innocentiae Christi diligenter attendenda est, simulque & illud obseruandum, quod à suis Christus accusatur, ab extraneis autem excusatur. Sic enim futurum erat, ut Iudæis blasphemantibus. Gentiles Christum summo

Esaiæ 1.
Exo. 23.

Psalm. 2.

Esai. 42.

1. Pet. 2.

studio susceperent & glorificarent. Sic vel sic vtriusque conspectu, factorum etiam nunc Euangelium apud suos in vtriusque admonerentur. terdum pessimè, apud extraneos autem optimè audit.

Est autem consuetudo, vt vnum vobis dimittam in Pascha.]

Consuetudo hæc dimittendi vnum vincitum in Pascha nata erat è liberatione ex Aegypto, quæ Paschali die facta est. Et habebat quidem hæc consuetudo speciem pietatis, sed erat contra legem Dei, quæ iubet puniri fontes. Nec opus habebant Iudæi, vt per hanc liberationem vincti hominis, admonerentur liberationis suæ ex Aegypto, olim factæ. Nam Deus ipse huius rei memoriale signum instituerat, nempe agnum Paschalem, atq; adeò totum ipsum festum. Ipsi autem hoc signo à Deo instituto non contenti, etiam aliud instituerant, idque contra legem Dei. Sic enim hypothesis non contenta est verbo Dei, sed semper sua vel addit vel præfert verbo Dei. Cæterum in Pilato hic iterum videmus egregiam iustitiam, & prudentiam ciuillem, atque vtinam nunquam sortiremur peiores & imprudentiores magistratus. Optamus quidè bonos ac pios Reipublicæ principes, sed si omnino propter iniquitates nostras meremur impios magistratus, optemus Pilato non peiores aut imprudentiores. Nam consideranda, quæso, quanta prudentia insonantem Christum liberare studeat. Cum enim vi aut potestate hoc non posset, præ tumultu populi, & Pontificum potentia & importunitate, rem prudenti consilio & iudicio aggreditur, consuetudinem proponens, & ipsis satisfacere volens, etiam antequam petatur. Nam sperabat fore, vt animos Iudæorum sibi hac parte promptos & obediētes faceret ad dimittendum Iesum, quod consuetudinem eorum, quamvis Ethnicus, tanta promptitudine veluti confirmaret, & nonnihil videretur regno ipsorum fauere: Est, inquit, consuetudo vobis, &c. Deinde ex eadem prudentia duos illis proponit, & non plures. Nec alium cum Christo ipsis proponit, quàm Barrabam illum nocētissimum, cui sciebat omnes esse infensos, & ideo ne suspicari quidè poterat illum ab ipsis absoluendum, vt

Vultis ergo dimittam vobis regem Iudæorum?]

Iesum autem nominat regem Iudæorum, vel vt nonnihil videretur ipsorum regno deferre: vel vt saltem risu mitigaret ipsorum furorē, simulq; ostenderet ipsum falso hoc crimine accusari. Nunquam enim Romanus præfectus cupiditate tyrannidis accusatum aduersus Romanos dimitteret, si vel in minimo eum reū deprehendisset. Cæterum apud alios Euangelistas cum Christo proposuit illis Barrabam latronem, cuius & personam idem Euangelistæ diligenter describunt, vt maior appareat Iudæorum malitia, qui hunc talem Christo præposuerint. Interpretatur autem Barrabas filius patris, nempe Diaboli vel Antichristi: erat autem non simpliciter, sed insigniter malus secundum Matthæum. Nam & seditiosus erat, & latro, & homicida. Vnde & Petrus: Petrus, inquit, virum homicidam donari vobis: Authorem autē vitæ interfecistis. Potest etiā Barrabas interpretari filius multitudinis, vel filius magistri. Eundem enim magistrum patrem habuit, à quo & Iudas edoctus fuerat Dominum suum prodere. Deinde & verè multitudinis, id est, mundi filius erat. Cum hoc igitur confertur & comparatur Christus, inno centissimus scilicet cum nocētissimo latrone, deniq; dilectissimus Filius Dei, cum ipsissimo filio Diaboli. Hoc figuratum fuit in lege de duobus hircis, super quibus sortem mittere iubebatur sacerdos, quis eorum immolari Domino deberet, & quis esset in caprum emissarium. Hircus vnus & foetidus erat Barrabas: hircus alter Christus, qui secundum quidem innocentiam suam verè erat agnus, attamen secundum iniquitates nostras, quas in se receperat, quasi eundem hircus extitit. Et hic quidè immolatus est, alter autem dimissus. Cæterum, sicut qui caprum immolabat, sanguine eius contra altare aspergebat, vt propitiaretur Deus: qui autem educebat caprum emissarium, immundus flebat, donec se lauaret aqua: sic Christi sanguine Patris ira repropitiata est, Iudæi autem

autem petentes Barrabam liberari, im
mundi facti sunt, nec vnquam munda
ri possunt, donec sanguine Christi laue
tur. Audi igitur iudicium & sortem.
Non dubitabat Pilatus, quin Christum
potius dimittendum censerent, quàm
publicum latronē, sed multum in hoc
sua eum fefellit opinio: Principes enim
sacerdotum turbam alio persuadebant:
nimirum, vt peterent Barrabam sibi
dimitti, Iesum verò nedum non dimitt
ti, sed insuper morte turpissima con
demnari. Hoc inquit, principes illi per
suaserunt populo. Ergo ipsi vel maxi
mè rei sunt effusi sanguinis Christi. Hic
vide, quàm pestilens sit malus persua
sor. Turba populi prius tota Christi es
rat, & ipsi adhebat, nunc ab impijs il
lis persuasa, ipsius mortem petit.

Clamant rursum omnes.]

Inuidia non quiescit, donec in eo quē
odit, plenam videat miseriam: Rursum
autem clamant, quia & prius clamaue
rant: Si non esset hic malefactor, non ti
bi tradidissemus eum. Quid autem hic
clamauerint, subdit Ioannes:

Non hunc, sed Barrabam.]

O insignem cæcitatem, imò furlam.
Quid enim hoc aliud erat dicere, quàm
occidatur, qui suscitatur mortuos: & di
mittatur, qui occidit viuos: pereat lux,
& remaneant tenebræ: auferatur pacifi
cus, relinquatur seditiosus: vitam nolu
mus, mortem præoptamus? Denique ex
contemptu ne nomen quidem Christi
exprimunt, Barrabam autem petunt li
berari: cum hoc libentius volebant Pa
scha suam celebrare, quàm cum Iesu.
Hic enim etsi malus esset, tolerabilior
ipsis erat, quia ipsos nō arguebat: Chris
tus autem intolerabilis erat, quia vitia
arguebat. Hic igitur est clamor ille, de
quo in Esaiā: Expectaui vt facerent ius
titiam, & ecce clamor. Et in Hieremia:
Facta est mihi hæreditas mea, sicut leo
in sylua, dedit contra me vocem. Sicut
enim leo voce & rugitu terret anima
lia, sic isti clamore Dominū ad crucem
adegerunt. Duo igitur hic mala fecit po
pulus hic, vt dicitur in Hieremia: Me
dereliquerunt fontem viuum, & fode
runt sibi cisternas dissipatas, quæ conti

nere nō possunt aquā. Primum malum
erat, quod nocentem pro innocente li
berandū decernunt: alterum, quod etiam
benefactorem insuper morti condem
nant. Orare vt noxius dimittatur, non
adeo malum est, sed optionem habere,
& tamen potius pro liberatione mali,
quàm pñ hominis orare, bonum esse
non potest. Nos Christiani debemus
pro omnibus orare, etiam pro incredu
lis: interim tamē velle obliuisci eorum,
qui vnus nobiscum fidei sunt, hoc ma
lum esset. Hoc igitur clamore insigni
ter prodiderunt Iudæi suam ingratitu
dinem, cum tam villi æstimant eum, qui
tanti ipsos æstimauerat, vt ipsos præ
omnibus alijs in populum suum elige
ret. Deinde produnt & suam insanam
malitiā, quæ tanta erat, vt potius cupe
rent omnem iustitiam pessum ire, & om
nem malitiam procedere, quàm à sua
malitia cessare. Præterea etiam suam cæ
citatem prodiderunt hic, quod scilicet
hoc petunt, quod omnibus modis tim
mere, cauere & deprecari debuerāt, nem
pe ne is saluator auferretur, & latro dis
mitteretur. Cæterū, sicut petierunt, sic
vtrunq; ipsis contigit. Latronem elege
runt, saluatorem reprobarunt: meritò
igitur latronibus & gladio obnoxij fa
cti sunt sine vlllo saluatore. Item homi
cidam petierunt donari sibi, authorem
verò vitæ interfecerunt: iuste ob hoc
ipsum seditionibus & homicidijs peris
turi, tantisque calamitatibus inuoluens
di, quantas nemo vel satis scribere vel
eloqui possit: ideo & ob hoc ipsum fa
ctum, meritò in Prophetis gens illa di
citur filia latronis. Meritò item ipsis Es
aias dicit. Væ genti peccatrici, populo
gravi iniquitate, semini nequā, filijs sce
leratis, Dominū dereliquerūt. Hic igitur
videmus primò, q̄ nihil sit, quod
impla mens non præferat Christo &
veritati, si lucrum inde vel modicum
sciat & speret. Deinde docemur, ne in
mundi applausu confidamus. Qui enim
paulò ante Christo concinebant: Bene
dictus qui venit in nomine Domini,
nunc clamant: Tolle hunc, &c. Præterea
vides hic ingenium mundi, qui semper
quod malum est eligit, bonū reprobatur,
&c. Item ferme semper nocentibus be
nignior est, quàm innoxijs. Cæterum,

XX liij omnia

omnia quæ hic audis, non casu evenisse se credas, sed diuino consilio. Oportet enim Christum extenuari infra nouissimum virorum, & descendere in extremum contemptum, ut summè glorificaretur. Maximus autem descensus est, abiectorem & nequiores latrone putari: sed hic descensus, est ascensus meditatorium, & vera via ascendendi. Proinde, si contemptus fueris, & vilissimè postpositus, huc festinus ad Christum accede, qui in se affectum tantum contemptus transfudit, & vicit, ut & tu in ipso per fidem vincas. Non igitur mirum est, si aliquando insons ad supplicium ducitur, & sons dimitatur. Sic enim & Christo contigit, imò quod hic in iudicio Pilati contigit, hoc idem verè contigit in iudicio Dei. Astabat insignis ille latro Adam cum tota sua posteritate, qui omnes mortem commeruerat: astabat & Filius Dei innocentissimus. Iam alter eorū, exigente iustitia diuina, morte plectendus erat. Ex magna autem misericordia Deus latroni pepercit, & Filium suum innocentissimum pro eo morti tradidit. Amplectamur hanc misericordiam fratres, & gratias agamus.

Deinde curemus, ne etiam in nobis
Christus vincens sit, & maneat: hoc est, iustitia: Latro autem, hoc est, iniustitia, liberè vagetur.

Caput XIX.



ACTenus audiuius quid Christus à Iudeis passus sit, nempe quod captus, vincens, hinc inde pertractus, percussus, accusatus, consputus, & tandem etiam publico latrone pectori dicatus est. Nunc audiemus deinceps, quid à gentibus passus sit. Quamuis enim quæ hactenus audiuius satis fuissent etiam ad totius mundi redemptionem, plus tamen adhuc pati voluit, tum ut plenè pro peccatis nostris satisfaceret, tum ut magnitudine remedii considerata, nullus desperandi occasionem haberet, tum etiam ut vel sic nos ad amor

rem sui redaccenderet: quandoquidem homini naturale quasi est beneficijs trahi. Vnde & huiusmodi beneficia apud Prophetam dicuntur funiculi Adam, quibus scilicet homo trahitur: Traham inquit, eos funiculis Adam, id est, beneficijs, quibus homines facillè se trahi permittunt. Et quem non traheret hæc tanta charitas Christi!

Apprehendit, inquit, Pilatus Iesum, & flegellauit.]

Hic tandem Diabolus per insanam Iudæorum rabiem Pilatum hucusque politicæ iustitiæ studiosum eò perduxit, ut manus in Christum iniceret. Manus, inquam, in eum iniecit, quem toties excusauerat. Verum sic implenda erat scriptura. Sciebat Pilatus, quod per inuidiam tradidissent Christum, & tamen intantum ipsis condescendit & gratificatur, ut in ipsorum gratiam innocentem flagellari permittat & tubeat. Et quot huiusmodi Pilatistæ in omnibus regionibus inueniuntur, qui sapientissime etiam innocentes capiunt, opprimunt, spoliant, occidunt, non ob aliud, quam quod sciunt hoc principibus suis placere: Potuisset Pilatus Christum vi & potestate fretus è manibus Iudæorum eripere, quemadmodum Tribunus Lyfias eripuit Paulum: verum sic oportebat fieri. Christus flagellationem suam longè ante præsciuit & prædixit. Mat. 10. Luc. 18. Imò longè ante incarnatione Christi Esaias hoc prædixit: Corpus inquit, meum dedi percutientibus, & genas meas vellentibus, &c. Iuxta hoc exemplum postea etiam Apostoli flagellati fuerunt, Acto. 5. & 22. quod & ipsum præscierat & prædixerat Christus, Mat. 10. & 23. Hæc igitur fuit prima iudicis sententia in Christum, & quidem iniquissima: quandoquidem ipse iudex non semel iam eum innocentem declarauerat. Verum hanc sortem habet Christus in mundo, quod etsi innocens scilicet, nihilo tamen melius habet, aut ciuius lius tractatur, id quod omnes sancti, qui membra Christi sunt, experti sunt, & etiamnum experiuntur. Quoties enim etiam impij dicere coguntur. Verè hic homo probus est, & tamen nihilo plus illi benefaciunt, &c. *Plac*

Flagellatur autem Christus secundum aliquos, quia mos erat Romanis, vltimo supplicio afficiendos, prius flagellis cedere, & corā omnibus expoliare, ad ostendendum quod non habeāt, quo peccatum suum tegant vel excusent. Hoc quanquam partim verum sit, hic tamen locum non habet. Christus enim nondum mori adiudicatus erat, imò iudex ipse nondū intēdebat eū mori adiudicare, atque adeo hęc flagellatione Christo consulere volebat. Videbat enim Iudæos tanta inuidia debacchari in Christum, vt nulla eloquentia, nullis blanditijs à cæde eius cohiberi possent. Proinde vt maius malum euitet, nempe infantis occisionem, minus supplicium eligit, & pronuntiat Christum flagellis esse cædendum, si fortè Iudæi hoc supplicio exatiati, mentis suæ furorem remitterent. Hęc igitur est misericordia, quam mundus Christo exhibet, quod flagellis eum cædit. Hic igitur oculos mentis aperiamus. Grande enim spectaculum & mundo, & Angelis, & hominibus est, quod à seruis peccati princeps libertatis seruilibus modis conciditur. Primò enim qui omnia vestit, suis vestibus nudatur. Deinde, qui confusionē nostram tegit, coram omnibus cōfunditur, ne in æternum nos confundere mur, id quod certò nobis futurum erat, nisi Christus pro nobis hanc denudationem & confusionem sustinuisset. Præterea, qui soluit compeditos, ligatur: Imò qui Israelitis ex Aegypto egredientibus dedit columnam ignis & nubis, nunc ab eisdem ad columnam ligatur, quamuis & hoc rectitudini iustitiæ eius rectè congruerit: semper enim reclusus stetit. Postremò, qui piè & misericorditer infirmos & malè habentes tegerat, nunc flagellis attrahitur, cæditurque tam multiplicibus ictibus, tam crebris verberibus, vt nisi nouas vires plura patiendi diuinitas subministrasset, respirationis inopia, sanguinisque profluuiò deficiens, inter licetorum manus finisset vitam. Sic igitur additur plaga super plagā, liuor super liuorem, fractura super fracturam, vulnus super vulnus, sanguis super sanguinem, donec corpus illud spectosum præ filijs hominum, totum deformaretur, vt secundum Prophetæ testimonium non remaneret ei species neque decor. Hic igitur impletum est illud Psalmi: Super dorsum meum fabricauerunt peccatores. Et iterum: A planta pedis vsque ad verticem capitis, non est in eo sanitas. Omnia autem hęc propter nos sustinuit. Flagella ei⁹ peccata nostra sunt, & quot peccata commisisti, toties Christum verberasti. Scriptum est enim: Posuit Deus in eo iniquitates omnium nostrum. Et ipse vulneratus est propter peccata nostra, attritus est propter scelera nostra. Disciplina pacis nostræ super eum, & liuore eius sanati sumus. Peccatis autem iure debentur flagella, quæ cum essent innumerabilia, & tamē Christus omnia in se suscepisset, imò Deus ipse omnium peccatorum pœnas ab ipso exegerit, non dubium est, pœnosissimam fuisse hanc flagellationem, maximè, si consideremus corporis Christi nobilissimam & tenerissimam cōplexionem. Fecit igitur Christus instar piæ matris, quæ cum videt Patrem iratum filijs, occurrit expansis brachijs, seque pro filijs flagellis exponit. Sic & Deo Patri irato propter peccata nostra, & iam iam flagella præparanti perpetua Christus occurrit, & se pro nobis flagellandum præbuit. O igitur ineffabilis Dei benignitas, qua effectum est, vt tam carè redimeremur. O mirabilis censuræ conditio, & ineffabilis mysterij dispositio: Peccat iniquus, & puniatur iustus, quod perpetrat seruus, exoluit Dominus, quod committit homo, hoc sustinet Deus. Quò nate Dei, quò tua descendit humilitas? quò tua flagrauit charitas? quò tua processit pietas? quò peruenit compassio? Ego inique egi, tu pœna multaris: Ego facinus commisi, tu vltione plecteris: Ego superbiui, tu humiliaris: Ego inobediens extitui, tu in omnibus obedientissimus, in obedientiæ tamen scelus luis: Ego vnam acerbam comedi, & dentes tui obstupuerunt: Ego, inquam, homo perditus totius contritionis, totius confusionis tue causa fui. Amor tuus, & iniquitas mea sic te fecit imbecillem. Hęc considera miser peccator, cum voluptati corporis operam das. Hic enim vides quàm verè dictum sit. Non corruptibilibus auro

Esaia. 53.

Ezechie. 24.

Psa. 44
Esaia. 53.

- & argento, sed precioso sanguine agni immaculati redempti sumus. Hic, inquā,
Luc. 15. vides, quomodo Christus satisfecerit pro peccatis carnis. Vides item, quo labore ouis perditā, & inuenta sit, & in humeris pii pastoris reducta. Væ miseris illis, qui manus suas polluerunt in sanguine innocentis, sed & væ nobis, si ingrati fuerimus. Cæterū in hac flagellatione Christi etiam aliud quiddā attendendum est. Interim enim cū mūdus sua opera in flagellādo Christo agit, nec Deus sua negligit. Solet enim Dominus sub impiorum operibus, quibus pii afficiuntur, suum opus exequi. Nam &
Gen. 37. Patriarchis Iosephum fratrem insonantem vendentibus, & suam libidinem in ipso explentibus, etiam Deus suum opus executus est. Sub ea enim venditione occultē admodum ipsum Ioseph ad dominum supra fratres euexit. Sic in hac flagellatione, dum Pilatus & Iudæi sua agunt, etiam Deus interim sua exequitur. Nam omnia flagella, omnes afflictiones in his filij sui flagellis sanctificauit & benedixit: adeo, vt quicquid afflictionum pio acciderit, non officiat, sed potius prosit, & pietatē iuuat. Imo per hæc flagella, quibus Christus cæditur, factum est, vt Deus Pater omnibus flagellis pio homini contingentibus faueat. Ad hæc, declarauit hic in vnigenito suo filio, qua conditione velit adoptiuos & electiuos filios in hoc mundo tractare. Si enim passus est, vt flagellaretur vnigenitus, quantō magis patietur flagellari adoptiuos. Quem enim Dominus diligit, corripit, flagellat autem omnem filium, quē suscipit. Quid ad hæc dicturi sunt, qui in delictis viuunt, nec cogitare quidem tristitia possunt, tantum abest, vt vel minimum velint pati, quasi alterum in terra Paradisi sum ædificare conantes? Ecce, inquit,
Hier. 45. quos ædificauit, ego destruo, & tu tibi
Hier. 49. quæris grandia? Et quibus non erat dictum, vt biberent calicem, biberunt, & tu innocens relinqueris? Disce igitur Christiane, ex hac flagellatione Christi, vt & tu patiēter feras flagella Dei, & dicas cum Dauid: Ecce ego in flagella paratus sum. Et cum Paulo: Ego non solum alligari, sed etiā mori paratus sum pro nomine Domini Christi. Hactenus igitur de Christi flagellatione audiuius, quæ reuera suffecisset pro totius humani generis redemptione: verū nondū finis adest, nundū satiata fuit perfidorū impletas, tam Iudæorū q̄ militum, sed afflictio superadditur afflictio, crescitq̄ regis nostri iniuriæ, & multiplicium dolor poenarum & opprobriorum. Sequitur enim,
Et milites plectentes coronam de spinis, &c.]
- Milites illi Romanis mercede militabant, & semper Hierosolymis morabantur cum præside, propter crebras Iudæorum seditiones & tumultus. Hi igitur Christum illudere incipiunt, idque tanta libidine & petulātia, vt similia nūquā aut lecta aut visa sint, imō nec facile creditu essent, si nō tam diligenter Euangelistæ singula scripsissent. Nō quidem legitur Pilatus hæc præcepisse, sed milites sua sponte hoc fecerunt, vt Iudæis gratificarentur: interim tamen Pilatus cōtinet, tacet, distimulat, nō prohibet. Vnde quidā suspicantur, Pilatum ficto animo hactenus Christum defensisse, reuera autē cum Iudæis in mortem eius conspirasse. Vnde & ad captendum Christum cohortē Romanorum militū missam supra audiuius, nimirum a præside. Quod si etiam milites inscio Pilato hoc fecissent, non tamen excusari posset Pilatus, qui tantā malitiam in innocentem factam, non saltem verbis coarguerit. Iterum igitur lauare oculos Christiani, magnamq̄ hanc passionem cogitare, simul tamen & hoc considerare, peccata scilicet nostra in causa fuisse. Multipliciter hic impleta fuit Prophetia Dauidis in Psalmo 21. 38. & 68. Itaq̄ non absurdum videtur, etiam ea quæ ab alijs Euangelistis circa hunc locum dicuntur, paucis hic inserere. Decem igitur illusionū species ab eis numerantur, quæ nebulones illi Christo intulerunt, pro quibus sine dubio mercedē acceperunt a Iudæis: neq̄ enim gratis ad captiōnem Christi se educi passi sunt. Militaribus siquidē ordo auri mācipium est. Ibi fas, vbi maior merces. Et hi tamen erāt Tyberiani & Ethnicī milites. Quid autē sunt & faciūt nostri, qui tamē Christiani baptizati sunt? Quis populus sub sole

sole peior & minus Dei timēs? Illi Tyberiani milites Christū flagellarūt, coronarunt, illuserūt, conspuerunt, ac tandē crucifixerunt: hi nostri quos quotidie prae oculis videmus, Christo nō minus faciūt iurādo, & blasphemando sanguinē & vulnera Christi, &c. Nec mirū esset, si tales milites non solū a Turcis semper vincerentur & occiderentur, sed etiā a terra viui absorberentur. Nec dubium, quin huiusmodi blasphemiae terrae & populis noceāt. An non enim diabolica res est, q̄ Christiani nihil aliud quā hoc ipsum iurare sciūt, per quod redempti sunt? Sed de hoc alias. Nunc decem illa consideremus, quā Christus a militibus illis passus est. Horum primum est, quod totam Diabolicam cohortem conuocant, vt ludibrium & derisio maiora fiant. Certē illudi etiā inter duos tantū, multum augēt, quāto magis inter tot homines! Secundo, congregata simul cohorte, circūdāt ei vel induunt chlamidem coecineam, quae erat vestis rubea & militaris, quibus vti consueuerant duces exercitus. Nam aliorum militum militaris vestis. Paludamentum dicebatur. Hoc igitur illi sorte faciebant, significantes per hoc eū esse regem. Itaq̄ serui Herodis Christū alba veste induunt, hi rubea. Tertiō plebant coronam de spinis, eamque imponunt sancto capiti eius pro regia corona. Quis autem satis vel cogitare potest, quantus dolor venerandum illud caput tot aculeis confixum affecerit, quum nos vel ad vnius spinæ punctum tam ferme intolerabili dolore vexemur? Spinæ igitur hae primō fuerunt auaritia & diuitiae Phariseorū, quibus permoti, Christum persequuti sunt. Sic enim non satis est mundo, quod seipsum pungat spinis suis, id est, diuitiis, nisi insuper his ipsis etiam proximum ledat, & Deum inhonoret, dum vel iniuste eas acquirit, aut auarē nimium conseruat. Deinde spinæ illae peccata nostra sunt. Propter peccatum enim hominis, terra hanc maledictionē incurrit, vt spinas & tribulos germinet. Hāc igitur spinam coronā non tā militares illi q̄ nos pio capiti Iesu imposuimus. Nos enim peccauimus, at Christus peccatorum nostrorum pēnas portauit. Vide & atten-

de hoc impie & ingratus homo, qui etiā nūc vanitatibus & voluptatibus studeo quum Christus interim spinis coronatus sedeat. Vide, inquam, quā grauius Christus pro explanda superbia & vanitate nostra afflictus sit. Nam & hęc corona, praepter dolorem quem inferebat, etiam cōtumeliosa, derisoria & confusibilis erat. Vtrunque enim nobis debebatur, tam pēna scilicet, quā aeterna confusio: vnde & Christus vtrunque pro nobis suscepit. O igitur verē ineffabilem eius erga nos charitatem. Econtra autem detestabilem nostram ingratitude. Quarto milites illi dederunt in manus Christi calamus vel arundinem pro sceptro scilicet, & hoc videlicet in cōtemptū, significantes per hoc, quod se regem fecisset, & tamen nihil regum haberet, & quale sceptrum haberet, tale ipsius & regnum esset, nempe inane, vacuum & fragile. Quinto genu flexo ante eum, illudebant & deridebant derisoria illa salutatione: Ave, inquit, rex Iudaeorum. Hic multum nobis gemendum est super tanta malitia impiorum horum. Quomodo enim vel infimum vel contemptissimum hominem vilius illudere potuissent? Et tamen manet Iesus noster verus rex Israel, vel inuitis Pilato & militibus, etiam si adhuc vilius ipsum tractassent. Manet, inquam, rex ipsis iā in infernalem ignem coniectis, & perpetuō concremandis. Non igitur offendimur tam inauditis illusionibus Domini nostri, quin potius inde roboramur ad similia perferenda. Ceterum impij adoratores hi adumbrarunt hypocritas illos, qui gestulationibus externis pios se simulant, cū interim cor eorum prauum & sine fide, imō longissimē a Deo sit. Sexto dederunt ei alapas. Impio enim homine nihil crudelius & magis alienum ab omni compassione. Hinc & in Psalmis persecutores Christi comparantur leonibus, tauris, & canibus, & vitulis, propter crudelitatem scilicet & petulantiam. Item impij semper peccata peccatis addunt, quasi non satis sit, toties peccasse. Hinc Esaias: Vae, inquit, qui trahitis iniquitatem in funiculis. Post illusionem igitur Christus alapis percutitur,

Ex ioco fit serium, ex risu poena. Sic enim solent impij primò illudere, post percutere, & omnem furorem suum eum in miseros. Sic contigit Christo omnis gloriæ regi: sic contigit omnibus, qui crucem suam post ipsum portant. Interim tamen scimus, quòd sicut omnia flagella, ita & omnes alapæ, quibus pñ vapulant, in Christo sanctificatione sunt. Proinde, qui alapa percussus percutit, qui aliud facit, quàm quòd sanctificationem à se rejicit? Septimò expiunt in eum, quæ est summa contumelia & contemptus. Aeternæ Deus, qui fit, vt homo creatura tua, tam indicibiliter mala & peruersa esse possit, vt proprium Dominum & saluatorem conspuat? Quis enim non exhorrescat, vel tantummodo hæc audire? Cogitate hic fratres maximam illam Christi passionem, & verè admirabilem taciturnitatem. Octauò percutiunt eum arundine super caput illud etiam dæmonibus tremendum, cunctisque cælorum virtutibus reuerendum, & omnibus sanctis venerandum. Caput, inquam, benedictum in sæcula, à quo omnis benedictio in nos descendit. Ex hac autem percussione aculei spinarum magis ac magis ipsum sanctum verticem penetrabant. Vnde semper dolor renouabatur & agebatur: ita, vt & sanguis inde fluens totum caput & genas & collum tingeret, ac commixtis execrandis militum sputis, venustissimam faciem apparere fecerint horrendam, & quasi leprosam, iuxta vaticinium Esaiæ, iam sæpius allegatum: Vidimus, inquit, eum, & non erat ei aspectus, & desiderauimus eum despectum & nouissimum virorum, & quasi absconditus vultus eius & despectus. Absconditus, inquit, propter turpitudines scilicet, vulnera, sputa, & sanguinem: ideo putauimus, inquit, eum tantumquam leprosum & percussum à Deo & humiliatum. Ideo autem milites illi omnia hæc fecerunt, quia audierant à Iudæis, ipsum affectasse regnum Iudæorum. Huc pertinebat totus ille ludus cum corona, veste, sceptro & adoratione illudoria. Vide igitur spectaculum à sæculo non visum, sed nec vnquam antea auditum, nisi quòd postea martyres quidam in contemptum Christi similia

Esai, 53.

passi sunt. Si non essent hæc scripta in Euangelio, quis ea crederet, aut quis predicare hæc auderet? Sed quia scripta sunt, securè ea credimus & prædicamus. Quis autem hæc audiens, non statim contremiscat, cum certum sit, ea omnia nos sine fine passuros fuisse (vermem scilicet, & compunctionem conscientiae, irrationem ab omnibus creaturis, & denique etiam ab ipso Deo separationem) nisi Christus voluntariè hæc pro nobis sustinisset? Sic igitur granum illud multiplicandum seminatur horribili contumelia, vt mirabiliter pullulet in gloriam: sic regnum, quod de mundo non erat, superbum mundum non atrocitate puniendi, sed humilitate patiendi vincebat. Interim tamen quòd milites illi summo contemptu & crudeli ioco fecerunt hoc Christus Dei virtus & sapientia, ne dum seriò suscepit, sed vt hæc ita fierent, vtiliter prouidit. Vestis igitur purpurea (quæ regis maiestatis insigne est) id significat, quòd Christus morte sua, delectis hostibus, vtpote diabolo, peccato, mundo, inferno, vniuersum hominum genus in libertatè asserturus esset. Vel per chlamidem coccineam, significatum est ministerium charitatis, quò in passionis sua pro nobis fungebatur. Coccus enim coloris ignei, qui in tabernaculo Domini bis tinctus tubetur assumi, geminam significat dilectionem Dei & proximi, qua fit, vt quicquid offerimus ignitum & bene coloratum, coram diuinis placeat conspectibus: Christus autem propter nimiam charitatem erga nos, bibit calicem passionis. Merito igitur ad hanc ipsius charitatem significandam chlamide coccinea vestitur. Vel etiam ideo, vt ostenderetur eum ipsum esse, qui in lege per vitulam rufam significatus fuit, cuius corpus iubebatur extra castra cremari pro peccato, & cinis eius in aqua super populum spargi. Spinea autem corona significat, quòd regnum Christi non sit de hoc mundo, hoc est, non præclarum pompa, nec externis viribus potens, sed spinosum & purpureum, id est, passionibus & afflictionibus obnoxium. Nam coronæ regum huius mundi partim sunt ferreae, partim argenteæ, partim aureæ, quibus significatur, imperium huius mundi consistere potens

Ioh. 12.

Exo. 16.

Num. 19.

potentia, splendore, & nobilitate carna-
li, Corona autem Christi spinea est, vt
hoc indicio cognoscas regnum Christi
constare spinis & afflictionibus: & qua-
lis rex Christus, tales & nos reges facit,
omnibus scilicet tribulationibus obno-
xios. Itaque si cum Christo cupis regna-
re, noli abhorrere, aut abicere spineam
coronā. Si enim hic cū ipso spinis coro-
natus fueris, coronaberis & illic cum eo
corona gloriæ & honoris. Arundo in
manibus significabat, quod potestatem
haberetur ponendi animam suam, & ite-
rum sumendi eam, quantumuis ipsi ad
aliud respiciebant. Quum itaque tale sit
regnum Christi, vt inter spinas hæreat,
non mirum, quod ridetur & subsanna-
tur à mundo. Nam Euangelium &
verbum crucis est stulticia coram mun-
do. Audientes enim Christum regem
esse, & interim tamen spinis coro-
natum videntes, contemnunt: au-
dientes Euangelium polliceri liberatio-
nem ab omnibus malis, & interim vi-
dentes id ipsum non alio comite, quam
cruce venire, subsannant: audientes Chri-
stianos esse reges peccatorum & mortis,
interim tamē videntes, quod & ipsi nō
minus infirmi sunt & moriuntur, quam
alii, rident. Itaque Christiani stulti viden-
tur coram mundo, sperant auxilium &
liberationem, cum interim omnibus af-
flictionibus obruantur. Hinc vxor Iob
dixit: Quamdiu permanes in innocentia
tua? Benedic Deo, & morere. Ceterum,
quantumuis crux & afflictio Christum
premat, reuera tamen rex est, & manebit
cum suis, id quod olim videbitur, quan-
tumuis mundus hoc iam non credat.

Exiuit iterum Pilatus foras, &c.]

Dictu horrendum est, quid Iudæorum
inuidia conetur, quam instet & vrgeat,
quam varia excogitet, vt Christum in-
nocentem ad crucem adigat. Quantum
enim ad leges ciuiles attinet, iure nunc
Christus esset liber, quando iudicis sen-
tentia sit satisfactum, & ciuiles leges
vni causæ vnā tantum decernant pœ-
nam. Sed hanc sortem & Christus &
sui in mūdo habent, vt nec ciuilitate ius-
tos iudices experiantur. Sic hoc loco
Christus iudicis quidem sententia ab-
solutus esse debebat, quando quidem

persoluit latæ sententiæ pœnam, im-
pietas tamen ne sic quidem præ libidi-
ne sua pœnis exaturata est, quamuis Iu-
dex ipse nihil omittit, quod ad libera-
tionem Christi pertinebat, nullamque
operam detrectat, hoc vno dēpto, quod
timore superiorum, ad manifestam in-
iustitiam finaliter se vrgeri permittit.
Quanta enim hætenus pro Christo e-
git? quam varia consilia habuit? Vt
rum ipsius artificium nec potuit, nec
debit procedere. Nam aliter decreue-
rat Deus. Et nunc quidem Pilatus pu-
blice & acriter Iudæos alloquitur, quasi
vi conaretur quod iustum erat conse-
uare: nunc Iesum secretò examinat, vt
rei veritatem consequi posset: omnia
tamen hætenus frustra attentauerat:
nunc postquam serui ipsius Iesum mis-
errime & ignominiosissime tracta-
sent & illussissent, in ipsa illa deforma-
te ipsum populo ostendere proponit,
si fortè vel sic moueantur. [Exiuit er-
go iterum Pilatus.] Exiuit quidem vt
prius, sed cum minori iustitia, quam
prius exierat. Iam enim flagellando Ie-
sum innocentem, non parum à vera ius-
titia declinauerat.

Ecce, inquit, adduco eum foras.]

Vt cognoscatis, quod nullam inue-
nio in eo causam. Iterum confessus in-
nocentiam Christi & iustitiam, si quid
ulterius contra ipsum attētaretur, imò
planè confitetur, quod nimium fece-
rit eum flagellando. Si enim nullam in
ipso causam inuenit Iudex, certè iniuste
flagellatus fuit. Hic igitur impletum
fuit illud Psalmi: Igne me examinasti,
& non est inuenta in me iniquitas. Vnde
& Christus ipse in cœna dixerat: Venit
princeps huius mundi, & in me nihil
habet quicquam.

Psalm. 16.
Ioan. 14

*Exiuit itaque Iesus, gestans spineam
coronam, & purpureum vestimentum.]*

Exiuit non clarus imperio, sed plea-
nus opprobrio: Exiuit verè non ha-
bens speciem neque decorem. Qualis
enim species est Filium Dei spinis coro-
natum, illudum, & proprio sanguine
cruentatum oculis inimicorum suo-
rum proponi? Quis hunc Filium Dei
credidisset? Ceterum hæc deformitas

Esai. 53.

XX Christi

Christi nobis maximè consolatoria est. Hinc enim certi sumus, reuera pro nobis satisfactum esse. Quid enim nō mereretur apud Deum tāta humiliatio. Filij sui, eaque spontè pro nobis assumpta. Egredimini igitur & vos o filij Sio, anime scilicet fideles, & videte regem Salomonem, regem pacificum, omnia pacificantem, & quæ in cælo, & quæ in terra: Videte, inquam, regem vestrum cum corona doloris & miseriæ, cū veste ludibriosa & opprobrijs, quibus coronauit eum mater sua, imò nō mater, sed nouerca sua impiā Synagoga. Verè enī mirabile spectaculum propositum est. Qui egreditur, habet imaginē quasi regis, sed nihilominus serui despectissimi confusione repletus est, coronatus inde dit, sed ipsa eius corona cruciatus est illi, mille puncturis speciosum caput eius deuulnerans. Regali purpura induitur, sed in ea potius despicitur, q̄ honoratur. Sceptrum in manu gestat, sed eo ipso caput eius percutitur. Adorant eum coram illo, & genu flectūt, & regem conclamāt, sed paulo post ad crucē ipsum adigunt. Hæc tecum cogita Christiane, in hac forma Christum intueri, & nunquam de ipsius gratia desperabis. Nunquam certè te relinquet sibi fidentem, qui tanta pro te immerente passus est, &c. Ob id enim Christus tibi ob oculos ponitur, ne desperes. Quandocunq; igitur in tribulatione es, siue corporis, siue conscientiae aut animi, huc dirige oculos, & consolationem recipies, &c. Cæterū Pilatus, vt facilius ad misericordiam feroces bestias cōmoueret, sciens compassionem naturæ, qua sicut omne animal diligit sibi simile, sic etiam naturaliter sibi simili quilibet cōpatitur, ideo magna & in altum sublata voce dixit:

Ecce homo.]

Quasi diceret: Sufficiat tandē vobis o Iudæi, flagellatio huius hominis, quā tamē magis propter causæ necessitatē, q̄ propter ipsius demeritum adhibere coactus sum. Videte qualis homo effectus sit, imò an homini similis sit, ferrea & lapidea pectora hæc species mouere deberet. Nihil enim integrum in toto corpore ipsius videtis: Nec vllum in ipso est membrum à passio-

ne vacuum aut illæsum. Miseremini igitur eius, quia non canis, quamuis canis vilis tractatus sit, sed homo est vestri similis. Sufficiat ei hæc pœna, & deinceps eum dimittamus. Si enim vnquam in causa fidei excessit, hæc ei flagellatio perpetua erit admonitio, ne simile quid vnquam conetur. Si regi inuidetis, iam parcite, quia delectum videris, cessit ei regium nomen in maximam pœnam, flagellatus est, spinis coronatus est, ludibriosa veste amictus est, amaris conuitijs illusus est, alapis cecidit, feruet ignominia, frigescat inuidia. Et hæc quidem admodum pietate & humaniter Pilatus prolocutus est, verū frustra apud hos homines. Verè autem hic dictum: Ecce homo. Audiatur & hoc hæreticus, qui Christi humanitatem negat: Ecce homo, inquit Pilatus. Audiat & Christianus. Quid enim hic videt nisi hominem? Si videre non potes Deum, vide hunc hominem tam despicabilem pro te factum. Audi & tu peccator. Ecce homo. Vide quid meritus sit homo, vide quā miser sit homo, vide quid pro te passus sit Deus homo, ne ingratus inueniaris, vide ne ludæis similis efficiaris, qui ex tam miserabili conspectu Christi magis irritati fuerunt, & vnde ad misericordiā moueri debuerāt, inde ira & inuidia eorum magis inardescit. Sic enim sequitur.

Cum ergo vidiſſent eum Pontifices, clamabant: Crucifige, &c.]

Quasi dicerent: Perge, perge vt coepisti. Si flagellasti, etiam crucifige. Non satis nobis est, ipsum flagellatum habere, in cruce morientem videre volumus: ostendis eum vulneratum, sed nondum mortuū, mortuum ipsum videre volumus, aut nunquam quieturi. E manibus nostris viuū non dimittamus, etiam si omnia bona nostra in hoc insumere opus esset, &c. Ita quidem fiet imple Iudææ, fiet vt petis, non tamē quia tu ita vis, sed quia Deus ita disposuit, in cruce videbis eum, & quidem morientem. Oprandum tamen tibi esset, vt ipsum in templo docere, & Barrabam in patibulo pendere permisisses. Pulchrè autem Euangelista taxat ipsorum impietatem.

Cum

[Cum vidissent, inquit, eum clamabāt] in hanc temeritatem non consentiam. Ergo excusationem non habent de peccato suo. Viderunt enim, & oderunt & Nolo hoc meum prætorium, imò Romanorum Imperium inquinare innocentis sanguine: vos hominem vestro periculo abducite, & si libet, crucifigite: ego non soleo crucifigere, nisi facinorosos: in hoc autem nullum video crimen cruce dignum.

Ego (inquit) non inuenio in eo causam.]

Magnis profectò laudibus commendanda foret hæc Pilati sententia, si in ea perseverasset: verum paulò post alia audies. Iudæi tamen nec ad hanc iustitiam Ethnicis hominis erubescunt, imò cum audirent iudicem tanto studio patrocinantem Iesu, omnino non committendum putabant, ut aliquo pacto Iesus elaberetur è manibus eorū, aliud igitur & nouum crimen cōmentum sunt, quod apud iudicem imperitum legis graue videri posset.

Nos legem (inquiunt) habemus, &c.]

Verè habetis legē, sed nemo ex vobis facit legē, id q̄ verissimè & iustissimè

Accipite (inquit) eum vos, & crucifigite, &c.]

Quasi diceret: Egone, ô sanguinarij, omnibusque bestiis immitiores, vestra causa inuidiæ, præter Romanorum leges innocentem occidam? Egone clamoribus vestris territus, homicidā agam? Legum administrator sum, non alienæ inuidiæ ultor aut vindex, & nocentes auctoritate punio: non sum innocentiae carnifex. Hactenus seruitum est odio vestro, non ultra sæuiam in innoxium. Non inuenio apud meos legis peritos, legem quæ innocentem iubeat occidere: proinde, si tantum apud vos crimen est, innocentem esse, & si apud vos talis lex est, quæ extremo supplicio innocentem afficiat, vos soli hoc facite, ego

in hanc temeritatem non consentiam. Nolo hoc meum prætorium, imò Romanorum Imperium inquinare innocentis sanguine: vos hominem vestro periculo abducite, & si libet, crucifigite: ego non soleo crucifigere, nisi facinorosos: in hoc autem nullum video crimen cruce dignum.

Ego (inquit) non inuenio in eo causam.]

Magnis profectò laudibus commendanda foret hæc Pilati sententia, si in ea perseverasset: verum paulò post alia audies. Iudæi tamen nec ad hanc iustitiam Ethnicis hominis erubescunt, imò cum audirent iudicem tanto studio patrocinantem Iesu, omnino non committendum putabant, ut aliquo pacto Iesus elaberetur è manibus eorū, aliud igitur & nouum crimen cōmentum sunt, quod apud iudicem imperitum legis graue videri posset.

Nos legem (inquiunt) habemus, &c.]

Verè habetis legē, sed nemo ex vobis facit legē, id q̄ verissimè & iustissimè vobis impropertavit Christus. Sic legē iactant maximè transgressores legis. Sed quidnam de lege vestra contra Christum proferetis? [Secundum legem (inquiunt) debet mori.] Et quāobrem? [Quia Filium Dei se fecit.] Et ubi manet prior illa vestra accusatio, quod dixisset se regem Iudæorum? Mendaces inuenti fuerant in prima, ideo nouam nunc accusationem instruunt. Et quodnam illud crimen esset, si Iesus Nazarenus Filiū Dei esse se dixerit? Si opera Dei facit, cur non & nomen profiteretur? Insignis itaque malitia in ipsis fuit, quod tanto verborum strepitu ipsum accusant, quod Filium Dei se dixerit. Interim autem diuina eius opera, quibus se Filium Dei probauit, tacent: imò mentiuntur, quod Filium Dei se fecerit. Non enim seipsum glorificauit, ut Pontifex fieret, nec rapinam arbitratus est, esse se æqualem Deo, sed Pater ipsum glorificauit. Vnde & Dauid: Dixit, inquit, Dominus Domino meo, sede à dextris meis, &c. Vide etiam hic, quomodo malitia secum ipsa dissideat.

Suprà dixerunt: Nobis non licet interficere quenquam. Nunc autem di-

YY ij cunt:

cūt: Nos legem habemus, & secundū legem nostram debet mori. Adeo nescit inuidia quid vel dixerit, vel dicat. Legem autem quam allegant, vel illam intellige, quæ est de blasphemo occidendo: vel illam de falso Propheta, seducendo populum falsis signis à cultu vnius Dei. Neutra autem lex in Christum competit. Nam nec blasphemus fuit, nec Pseudopropheta. Non igitur satis erat, legem de blasphemo vel Pseudopropheta occidendo allegare, sed probandum erat, num Christus talis esset: maximè, cum aliàs vtrunque sibi obiectum verissimè & efficacissimè diluerit. Putabant igitur Iudæi, Pilatum hoc vno crimine audito, statim sententiam mortis laturum, sed longè aliter euenit. Nam sequitur:

Pilatus ergo cum audisset hunc sermonem, magis timuit.]

Cogitabat enim secum: Quis scit, quis nam ille sit? Filium certè Dei se facere non potest, nisi prius talis sit. Quod si Filius Dei est, certè mihi non licebit eum morti adiudicare, ideo necesse est, vt hanc rem diligentius perquiram. Vnde sequitur:

Iterum ingressus est Prætorium.]

Hic igitur vide, quod etiam Iudex Ethnicus maiorem diuini nominis honorem habuit, quam Iudæi, qui de Deo gloriabantur: vt vel hinc appareat, Pilatum etsi non verè, sed tamen ciuilitè iustum fuisse, & Deos esse reueritum, si non piè, certè ciuilitè, quales plures sunt honesti viri, opinionem quidem de Deo, sed nullam rectam fidem habentes. Obseruandum tamen quod Pilatus quidem expaui, sed non poenituit. Vnde patet qd fuit timor seruilis, non ex fide procedens: timebat, ne nimium fecisset, Filium Dei flagellando. Gentilium enim more, credebat deos è cælo descendere, & rursus ascendere, quemadmodum Poetæ fabulantur de Ioue, Mercurio, &c. Ne igitur impius in deos suos videretur, Iouis aut Vulcani filium condemnando, certitudinem rei exploraturus interrogat:

Vnde es tu?]

A longè quærit, vt veritatem expiscetur. [Christus autem nihil respondet.] Nil enim vel ad Cæsarem vel ad Pilatum pertinebat, ipse Filius Dei esset, an non. Nam quod accusatus erat seditionis, iam excusatum & dilutum erat. Deinde nimis importuno tempore hoc interrogat. Nam tempus maximè tacendi tunc erat, & Pilatus indignus erat hoc audire, vt quæ agnum illum Dei malè iam flagellator tunderat, eiusque innocentis sanguine manus suas maculauerat. Ad hæc etiam ideo hic tacet Christus, quia supra satis dixerat, se non esse ex hoc mundo. Item quia dixerat, eos solos vocem suam audire, qui essent ex veritate. Sciebat autem Pilatum non esse ex veritate, nec amore veritatis hoc quærere, sed tantum infortunij vel damni temporalis timore. Denique tacet Christus, ne videretur omnia conatus vt elaboretur, inultus passionem pertulisse. Nolebat enim suam passionem impedire. Hoc igitur est illud silentium, de quo Esaias: Sicut os mortui ad occisionem ducetur, & sicut agnus coram tudente se obmutescet, & non aperiet os suum. Et Dauid in eius persona: Obmutui & humiliatus sum, & silui à bonis. Hoc autem suo silentio docuit Christus, omnem eruditionem frustraneam esse, quæ non pietatis amore, sed vel vanitatis studio, vel timore supplicij auditur, ideo & supra Herodi ex vanitate, & hic Pilato ex timore quærentibus non respondit. Ad eundem modum & multi ad conclusiones properant, partim desiderio vanitatis, partim timore inferni, paucissima tamen pars amore iustitiæ. Proinde priores specula sua destituuntur: non enim vllum audiunt responsum Dei, vt maximè verba conclusionis auribus hauriant. Sed nec secundi infernum effugiet, nam impius quod timet accidit ei: posteriores vero, tantum compotes sui erunt vocis. Beati enim qui esuriunt iustitiam, &c. Docuit & Christus taciturnitatem, ne stultis similes efficiantur, qui verba multiplicant, cum & ipsa natura taciturnitatem doceat, quæ vnum tantum os, duas autem aures homini dedit. Cogit

Mat. 12. Cogitandum igitur, quod in iudicio reddenda erit ratio, pro omni verbo otioso. Obseruandum & illud Ethnici: Locutum fuisse sæpè me poenituit, tacuisse autem nunquam. Maxime autem illud Iacobi: Qui nō refrenat linguam suam, huius vana est religio. Cæterum Pilatus hac Christi taciturnitate nonnihil offensus (nam putabat se contemptum) aliquanto austerius ipsum alloquitur. Nihil enim minus ferre potest, superbia, quàm sui contemptum.

Mihi (inquit) non loqueris?

Tu, inquit, vilis & despectus, mihi in summa potestate constituto? Si personam Christi cognouisset, modestius locutus fuisset, verum mūdus omnes eos contemptui habet, qui externa specie nihil magni præ se ferunt: imò mundant homines potentia sua & diuitijs superbientes & præsumentes, omnes alios præ se contemnunt. Cæterum quod Pilatus subdit.

Nescis quia potestatem habeo & dimittendi & crucifigendi te?

Vox est impij magistratus, qui putat sibi omnia licere quæ libent. Item in Pilato hic pulchrè manifestatum est ingentium rationis humanæ in donis Dei. Qui enim donis Dei insignitus est & tamen fide caret, non agnoscit ea esse dona Dei, sed vt propria merita reputat: proinde putat sibi in his licere quicquid libet. Fides autem docet hominem è donis sibi diuinitus collatis non fieri dominum, sed seruum & ministrum, & quò maiora dona quis acceperit, eò maiori seruituti obnoxius est. Hinc Christus: Principes gentium (ait) de potestate sua superbunt, & abutuntur pro sua libidine: vos autem non sic, sed qui maior est vester, sit vester minister, &c. Magistratus igitur vel potestas, Dei donum est, quod si collatum fuerit impio, nihil non iuris in eo dono sibi arrogat. Si autem pio homini collatum fuerit hoc donum, agnoscit se eò maiorem seruum factum, quò malus doctum accepit. Hoc Pilatus ignorabat, ideo tam superbe de sua

potestate loquebatur, interim tamen suo ipsius hoc verbo, & coram Deo & coram hominibus seipsum condemnauit. Ex proprio, inquam, ore condemnandus est malus hic seruus, quia videlicet innocentem & iustum cum absoluere posset, crucifigere maluit. Modicum igitur sustine Pilate, & loquetur tibi postmodum, dicetq; vnde sit. Dominus, inquam qui nunc infirmus sub potestate tua tenetur, sicut fortis egredietur, vociferabitur & clamabit: Tacui, semper silui, nunc quid semper tacebo? Imò vt parturiens loquar. Tunc, inquit, loquetur ad te in ira sua, clarè tibi dicens, quod nunc interrogas. Ego autem constitutus sum rex ab eo super Sion, &c. Interim tamen Christus contra tam superbam Pilati præsumptionem etiam nunc non tacet, ne videatur tacendo verum agnoscere, quod Pilatus dixerat ipsum sui iuris esse, & sibi licere cum omnibus agere vt libèret. Non fert Christus impietatem aut blasphemiam: nam & Pilatus quod Deus erat, sibi usurpauerat vel attribuebat. Deus Pater potissimus author erat passionis Christi, ac Pilatus sibi hanc potestatem vendicabat: Ego, inquit, possum te cruci affigere. Ideo Christus non tacet ad hanc blasphemiam & iniustitiam. Vnde subdit:

Non haberes potestatem aduersus me, &c.]

Quasi diceret: Tunc aut quisquam hominum potestatem haberet in Filium Dei? Nihil minus, imò cum tota tua cohorte, & omnibus Iudæis, ne capillum quidem mihi inflectere possis, nisi Patris mei consilium & voluntas desuper me pati decreuisset. Non igitur per Cæsarem, nec per istos qui clamando confortant brachia um suum contra me, sed ab eo qui super omnes est, datam habes potestatem in me. Is enim in Propheta iam dudum prædixit: Framea suscitare super pastorem meum, & super virum coherentem mihi: Percute Pastorem, &c. Et nisi ille teneret manū dexteram meam, & in voluntate sua deduceret me, poteram ego te vel sola verbi mei

YY in virga

- virga ferrea, vel vno nutu meo, sicut vas figuli confringere. Ergo, quia traditus sum desuper: Tradidit enim Pater me,
- Rom. 8. nec pepercit filio suo, non gloriaris tu, quia non tua potestas, sed diuina permisso est. Præterea, nec vera potestas est quam exerces in me, sed tyrannis & latrocinium: Data est enim potestas in laudem bonorum & defensionem, ad iram autem malorum. Accepisti potestatem, non tamen tibi licet quicquid liber. Si
- Rom. 13. cut enim lex iniustis tantum posita est, sic & magistratus ius gladii tantum in malos habet. Quod si gladio occidat infontem, tyrannus est, non legitima potestas: latrocinium est, non magistratus. Quod igitur permittitur tibi potestate tua abuti, non inde gloriari, quia non relinquet Dominus virgam peccatorum super sortem iustorum, &c. Nunquid gloriabitur securis contra eum, qui secatur in ea? Latro nihil iuris habet in hominem, interim tamen potest eum ex insidijs adoriri & occidere: sic tu nihil habes in me potestatis, nisi quantum permiserit Pater. Hoc itaque verbo Christus reprimit Pilatum de sua potestate gloriantem, & eadem potestate abutentem. Deinde hoc verbo ostendit, se non inuitum pari, nec humana vi ad crucem adigendum, sed voluntate Patris. Præterea admonet omnes iudices, ne de sua potestate superbe gloriantur. Item, ut sciant se non tyrannos esse, sed iudices: nec contra pios, sed contra impios habere gladium. Maxime autem hoc verbo consolatur pios, ipso rumque conscientias confirmat, ut sciant nil posse regnum mundi contra eos, præter id, quod pro sua beneuolentia Pater admittit, ut experiantur eius presentiam, & fides eorum confirmetur: ideo in Propheta dicit: Ego ero eis murus igneus, &c. Addit autem Christus.
- Zach. 2. Propterea qui me tradidit tibi, maius peccatum habet.]
- Quasi diceret: Non potestatem habes, sed peccatum habes, quod me cruci affiges: attamen Iudas & Iudæi plus peccant, quam tu. Ipsi enim & innocentem me comprehenderunt, & falso accusarunt: ipsi ex inuidia faciunt quod faciunt tu ex timore, sed tamen non sine peccato. Faues quidem innocentiae, sed alio
- te rapit victum improbitas Iudæorum. Illi legem habent, & non nescientes, sed scientes abutuntur permisso Dei, tu vero eam legem non accepisti, & ideo non tanta tibi vel insipientia vel malignitas est, odisse sapientiam, & nescire Sacramenta Dei. Tu ignoti hominis sanguinem fundens, homicidium facis: illi autem regem & Dominum suum mortem tradentes, cum homicidio sacrilegium faciunt. Atque hic vides, quod peccatum vnum alio grauius est, sic grauius qui scienter quam qui ignoranter peccat: item, qui ex malitia, quam qui ex infirmitate peccat: sic malus consiliarius plus peccat quam princeps aut iudex ignarus: & malus Christianus plus quam Gentilis & grauius peccat, etiam in eodem genere peccati. His verbis Christi Pilatus per motus vehementius adhuc laborabat pro liberando ipso. Quamuis enim Ethnicus esset, terrebatur tamen comminatione peccati, nec facile volebat in Deum peccare, quem tamen non cognoscebat, nisi quantum Gentiles ipsum cognoscere poterant, nimirum ex rebus creatis. Cæterum, cum Iudæi viderent Pilatum timere, ne Deum offenderet, peccato se inquinaret, ad priorem calumniam, nempe affectati regni, recurrunt, eamque ostendunt nec ipsi iudici tutum negligere: itaque incutiunt ei timorem Cæsaris. Hoc enim impios vel maxime cogit.
- Si hunc, inquiunt, dimittis, non es amicus Cæsaris.]
- Quasi dicerent: Si nihil ad te pertinet, quod in Deum peccauit, certe ad te pertinet, quod in Cæsarem peccauit: Cæsar ianus es, & ob id hic habitas, ut Cæsaris nomen, gloriam, honorem, potestatem, &c. non minuas, sed tuearis & augeas, hic autem se Cæsari opponit. Nam ipsemet Cæsar & rex esse contendit in Syria, & maxime apud nos Iudæos, ubi tu Pilate Cæsaris nomine præsidet. Si igitur hunc dimitteres, & hanc regni affectationem non punires, nemo aliter iudicare posset, quam quod & tu hostis Cæsaris esses, ut qui eius inimicum manifestum non punias.
- Omnes enim qui se regem faciunt, contra dicit Cæsar.]

Omnia autem hæc non amore Cæsaris, quem pessimè oderant, & aduersus quem frequenter seditiones mouerant, sed odio Christi dicunt, Cæsaris nomen prætexentes, quo libidinem suam in Christo expleant. Hoc igitur telo vel tandem vincitur Pilati iustitia, hac acclamatione frangitur constantia eius, vertitur iustitia in iniustitiâ, totaq; & ratio & gratia huius hominis cadit. Atque hinc manifestum fit, civilem iustitiam in vera tentatione non peristere, nec nisi usque ad aras valere. Ira igitur finem accepit longa illa disputatio Pilati & cum Christo & cum Iudæis, quæ tota eò tendebat ut innocens liberaretur.

Pilatus autem cum audisset hunc, &c.]

En charissimi fratres, quia Diabolus primò in Iuda, deinde in Iudæis, postremò etiam in Pilato victoriam obtinuit, urget, ut res ad exitum perducatur. Nesciebat enim, quòd seipsum maxime in hoc damnificabat. Iudex igitur pro tribunali sedet, iudicaturus eum qui à Deo Patre constitutus erat iudex viuorum & mortuorum. Tamen si enim Pilatus non ignoraret, vanissimum esse quòd intentabatur, tamen quoniam perspiciebat implacabile odium Iudæorum in Iesum, mirumq; populi & primatum consensum in vnus hominis perniciem, simulque videret ipsum Christum innocentem quidem, sed humilem ac tenuem sibi deesse: cogitans interim & illud, apud Cæsarem multos quamuis falsi criminis inuidia periclitatos, iamque videbatur sibi satis adnixus aduersus coniuratos totius gentis, ad tuendam innocentiam Christi innocentis, decreuit illorum odio seruire. Pilatum igitur seduxerunt fauor & consensus populi, Christi contemptus & humilitas, & timor Cæsaris.

Sedit igitur pro tribunali.]

Non curans ius, sed nec illud attendens, quòd toties Christum innocentem proclamauerat. Quale autem iudicium sperandum, vbi animus iudicis affectibus auaritiæ, vel odij, vel timoris humani patet? Timebat Pilatus, ne falso apud Cæsarem traduceretur, tanquam Cæsaris hosti fauisset, & ob id à magistratus

sui functione deijceretur: verum quòd impius timebat, hoc ei accidit. Nam & postea à præfectura electus, ac in exilium missus fuit, auctore Iosepho, tantisque malorum cruciatibus afflicto, ut propria se manu transuerberans, nefariam vitam vi abiecerit, ut testatur etiam Eusebius in Ecclesiastica historia lib. 7. ca. 8. Usque adeò iudicium Domini, licet tardet, non tamen aufertur. Sequitur:

In loco, qui dicitur Lithostrotos, &c.]

Diuus Ioannes non simpliciter tantum describit iudicium, sed insuper etiam & tribunal & locum iudicij, denique & diem & horam, ut maiorem fidem historia habeat apud notos & incognitos. Et quidem locum ipsum Græcè & Hebræicè exprimit. Lithostrotos enim Græcum est, Gabatha autem Hebræum. Nō tamen idem significant hæc duæ voces. Nam Lithostrotos idē est, quòd lapide stratum, Gabatha autem idem est, quòd locus eminens, vel propter altitudinem sic dictus, vel quòd iudicē decet, in sublimi sedere, hoc est, animo in Deum eleuato esse, ut alios ita iudicet, quemadmodum ipse à Deo cupit iudicari. Sequitur:

Erat autē Parasceue Pascha, hora quasi sexta.]

Diem quo Christus morti adiudicatus fuit, Ioannes nominat Parasceuen Paschæ. Erat quidem ea dies, quando hæc facta sunt, ipsum festū Paschæ, ut in exordio probauimus: dicitur tamen & Parasceue, id est, præparatio, propter Sabbathum, quòd continuo sequebatur, in quo legaliter nec cibos decoquere Iudæis licitum erat. In alijs autem festis, etiam in festo Paschali, licebat cibos coquere. Dies igitur hæc & festum erat in se, & insuper etiam præparatio ad futurum Sabbathum: propterea, quòd eo anno in feriam sextam inciderat. Iudæis igitur hæc dies erat præparatio ad Sabbathum, nobis autem fuit Parasceue & præparatio vitæ æternæ, quæ eo die nobis præparata fuit. Signanter etiam Ioannes ideo diem mortis Christi tam diligenter nominat, ut ostendat opus redemptionis eadem die, qua opus creationis perfectum esse, & hominem ea-

Iosepho
li. 18. c. 7.

Exo. 164

dem die redemptū, quæ creatus erat, nempe sexta die. Deinde etiam ideo tam diligenter diem hunc describit & horam, tum propter resurrectionem, tum propter tridui temporis sub terra spatium, ut sermo Domini ad Iudæos dictus ve-

rus inueniatur: Sicut, inquit, fuit Ionas in ventre ceti tribus diebus & tribus noctibus, sic erit Filius hominis in corde terræ, &c. De hora autem iudicii videntur Evangelistæ discordare, Marcus horam tertiam nominat, Ioannes sextam. Non tamen est contradictio, quamvis etiam veteres non parum hic in concordandis Evangelistis sudarint, maxime Augustinus & Theophilactus, quorum hic putat vitio scriptorum fortasse factum, qui transposuerint literam pro litera. Nam Græci numeros signant per literas. Augustinus de duplici crucifixione Christi loquitur, & quod vna facta sit linguis Iudæorum, Crucifige clamā tium: altera manibus militum, & illa quidem tertia, hæc autem sexta hora. Cæterum nodus hic & alio modo, & quidem facilius explicatur: ita scilicet, quod Pilati iudicium ad crucifigendum Christū, inceptis hora tertia, & durauerit vsq̃ ad sextam, ita ut ipsa crucifixio intra tertiam & sextam & incepta & perfecta sit. Quia igitur duæ hæc horæ totum negotium crucis comprehendunt, ideo Marcus nominauit vnā, Ioannes autem alteram, quasi crucifixionis exordium & finem. Breuiter, intra tres horas, id est, intra tertiam & sextam, crucifixio & iudiciū perfectum est. A sexta fuerūt tenebræ vsque ad nonam, in qua

Christus spiritum emisit. Vel aliter colligi potest ex Matthæo totum diem fuisse distributum in horam matutinam, tertiam, sextam, nonam & vespertinam. Quicquid igitur intra tertiam & sextā horam factum fuit, hora tertia factum dicitur, propterea quod nondum sexta aduenerat: Non igitur dicit Ioannes hora sexta Christum mortū adiudicatum, sed quasi sexta: significans adhuc tertiam fuisse horam, ut Marcus dicit, sed multum tempus ex ea hora effluxisse, appetente iam sexta. Cæterum hæc computatio horarum longè aliam rationem habuit apud Hebræos, quàm apud nos Germanos. Tunc enim hora sexta fuit

circa meridiem. Nam dies tantum afflignabant duodecim horas, & nocti totidem. Sed de his plus satis, ad iudicium reuertamur. Pro tribunali igitur sedens Pilatus in loco, die & hora iam dictis, antequam sententiam ferat, iterum Iudæos alloquitur. Inuitus siquidem sententiam mortis ferebat, ideo tam diu differt, contra eos, qui parui momenti esse putant, sanguinem humanum fundere.

Ecce, inquit, rex vester.]

Quem scilicet sub hac delatione vinctum mihi tradidistis. Quid adhuc in eum vester desæuit animus? Inspicite, flagellatus est, alapatus est, illusus est & consputus, in derisione & opprobrio coram vobis hic stat. Ecce rex vester. Quid vobis intulit mali? quid verò potest inferre periculi? Seipsum tuare nequit, frustra igitur eum timeris. Si regem se dixit, ecce humiliatus est: Si rex vester fuit, ecce iudicio applicatus est: Si rex esse voluit, ecce qualis rex est, nempe talis, qualem pueri constituunt, imò tantò iste in hac parte deterior, quantò maiores pœnas & opprobria patitur. Ecce legitur rex vester, quid decernitis? Estisne satiati pœnis eius? Vultisne à malo proposito resilire, ne subsequatur iniustitiam eius exitum, imò summum vestrum malum, quod propter hoc incurreris. Vide hic quàm inulto animo Pilatus furorē Iudæorū obsequatur. Nam et si ei fuerant comminati, omnia tamen attemptat, si quo modo fieri posset, ut innocēs liberaretur. Iustior certè fuit multis nostro tempore, quine expectatis sædem Cæsareis mādatis in innoxios sæuiunt, &c. Obseruandum autem, quod Christus etiam ab incredulis tria nomina suscepit, & quidem insignia. Nam supra dixerat Pilatus: Ecce homo. Nunc dicit: Ecce rex vester. Tertium addiderunt Iudæi. Ecce Filiū Dei se fecit. Hæc tria verissima nomina sunt vnius Christi: Homo, Rex, Deus vel Filius Dei, quem quidē sic irridentes confessi sunt inimici, sed venerantes, & seruo adorantes confitentur amici. In his enim nominibus tota fides & spes consolatio nostra consistit. Cæterum, sicut inuidiosum mos est interrompere sermonem, ybi

ubi quid dicitur, quod non libenter audiunt, quemadmodum & Paulo contigit, cum Hierosolymis pro se rationem redderet: sic & Iudæi hic interruptentes Pilati sermonem, clamabant:

Tolle, tolle, crucifige eum.]

Sic igitur, qui tam misericorditer prospexerat super filios hominum, quique tam dulciter infirmos eorum tractauerat, grauis ipsis est ad videndum. Non autem semel tantum dicunt. Tolle eum, sed bis, ad maiorem Christi contemptum. Quanquam hæc eorum acclamatio in ipsorum sinum reciderit: Ablatus enim est ab eis saluator & in hoc & in futuro sæculo. Christum igitur ab oculis eorum tolli clamantes, nihil aliud egerunt in se, quam quod ablatus est ab eis Ihesus, princeps & sacerdos. Extunc enim impletum est illud Osee: Multis diebus sedebunt filij Israel sine rege, sine principe, sine sacerdote, &c. Et iterum: In hostijs & muneribus vadent ad quærendum Dominum, & non inuenient, quia ablatus est ab eis. Et merito, quia dixerunt: Tolle saluatorem, crucifige propitiatorem, ideo perdidit salutem, & nullam habet defensionem. Ad nouum igitur hunc canum immundorum, imò crudelium leonum clamorem Pilatus iterum regni mentionem ingerit:

Regem (inquit) vestrum crucifigam?]

Quasi diceret: Quales homines estis, qui proprium regem crucifigere vultis? Perpetuo hoc vobis erit opprobrium. Loquitur tamen magis ironice, quam serio, tamen sub huiusmodi mysterismo adhuc quærit ipsorum furorem frangere. Adhuc enim abhorrebat innocentem sanguinem fundere: At verò Iudæis nullus hic locus erat:

Non habemus (inquiunt) regem, nisi Cæsarem.]

Quasi dicerent, Quid tam multa nobis de nostro rege dicitis, quasi nos Iudei proprium velimus habere regem? Nolumus hac suspitione maculari, nosolumus hunc neque pro rege, neque pro Cæsare habere. Sufficit nobis Tyberius Cæsar, hunc agnoscimus pro Domino, huic & cæsum & tributum damus, sicut

tu Pilate melius nosti, &c. Sic igitur miserrimi Iudæi Messiam vestrum abnegastis & repulistis, & in locum eius Cæsarem elegistis, quem tamen odio habuistis, & pro vero Edon vel Idumæo traduxistis. Hunc igitur habebitis, vultis nolitis pro rege, & re ipsa eum habebitis. Nunquam Iesus hic noster tanta crudelitate in vos sæuisset, ut postea sæuierunt in eos Vespasianus & Titus. At si adeo Romano Cæsari dediti estis, cur toties ei restitistis? cur tot seditiones contra eum mouistis? Verum adeo odiebant Christum, Zachar. 9. Matth. 21. ut in ipsius inuidiam Cæsarem committerent, quem maxime odiebant. Hic vide, quid faciat inuidia, ut Christum occidere possint, perpetuæ se subiiciunt seruituti. Quasi dicerent: Malumus seruire Cæsari, quam sub illo rege esse liberi. Seruietis ergo, ut discatis distantiam inter seruitutem Dei, & seruitutem hominum. Hoc igitur verbo & Christum & Deum abiecerunt, quorum vterque in scripturis rex ipsorum dicitur. De Deo enim sic dicunt: Dominus legifer, Dominus rex noster, &c. De Messia autem aperte dicit scriptura ipsum regem futurum: Ecce, inquit, rex tuus veniet tibi mansuetus, &c. Et: Suscitabo Dauid germen iustum, & regnabit rex, &c. Vtrumque autem, & Deum scilicet & Messiam, hic abiecerunt, quum dicunt: Non habemus regem, nisi Cæsarem. Merito igitur audiunt principes Israel: Dereliquistis me, & ego dereliqui vos. Sequitur:

Tunc ergo tradidit eis illum, ut crucifigeretur.]

Postquam Pilatus (ut in Matthæo dicitur) manus abluerat, videbaturque sibi iam nunc candidior, sententiam mortis in Christum fert. Parui enim æstimabat, hominem humilem & abiectum morti adiudicare: neminem putabat huius cædis vindicem futurum, sed aliter postea expertus est. Quid enim, si plus homo in terra non habet vindicem hominem, cum habeat vindicem Deum? Mihi, inquit, vindicta, & ego retribuam. Sic igitur Barrabas latro sine omni poena dimittitur, innocens autem Iesus flagellatus, mortitur, imò cruci adiudicatur, iustus pro iniustus. Sic

vicerunt

- vicerunt isti filij hominum, quorum dentes erant arma & sagittæ, & lingua eorum gladius acutus, quia firmantes sibi sermonē nequam, tam diu perstiterunt, donec traderetur eis ad crucifigendū. Sic igitur, qui omnibus vitam dat, sententiā mortis propter nos fert: nobis enim debebatur hæc mortis sententiā in iudicio Dei, verū Christus eam in se transiulit. Sic, inquam, cui Pater cælestis omnem iudicium dedit, qui & aduocabit cælum desursum, & terram discernere populum suum, in cuius iudicio cælorum virtutes commouebuntur, & cæli magno impetu transient, elementa calore soluentur, infernus reddet mortuos suos, vniuersaq; contremiscet creatura, velut vilissimus despicitur & morti ad iudicatur. Heu quantus mœror discipulorum & aliorum amicorum corda oppressit, dum ablata omni spe viuendi, fidelissimum magistrum, dominum & auxiliatorem audierunt iniquissimo iudicio condemnari, Quanta è diuerso rabidorum canum insana lætitia, atque vocum exultantium confusio, dum facinorosissimum intentum suum toties à iudice negatum, tandem clamorum suorum importunitate obtinuerunt, dum cuius sanguinem sitiebant, Iesum saluatorem tradidit impius iudex crudelissimæ voluntati eorum. Quantum denique cruciabat agnum mitissimum, tam lupis traditum, & amicorum desperata tristitia, & hostium furiosa lætitia. Hic vides Christiane, quid nobis expectandum fuerat in iudicio Dei, nempe sententiæ æternæ mortis, nisi Christus nostri misertus eam in se suscepisset. Vides item, quā nihil præsidij ponendū sit in mundo, cum Pilatus, qui hactenus Christum toties defenderat, nunc sine omni causa, vt Iudæis gratificaretur, eum crucifixit. Sic Herodes libenter audiebat Ioannem, & tamen eum occidit. Iniquam igitur sententiā Christus accepit, vt nos à iustissima damnationis sententiā eximeret, & doceret non timere iniusta iudicia mundi. Huius igitur iudicii semper memores, Christo Domino totis viribus gratias referamus, qui pro nobis ad mortem condemnari, voluntati impiorum Iudæorum tradi voluit, imò seipsum tradidit, vt nos consistere possemus in iudicio Dei. Sequitur:
- Susceperunt autem Iesum.*]
- Audiuius huc vsque, quid Dominus passus sit, antequam finalis sententiā in eum ferretur. Audiuius deinde, quānam fuerit illa sententiā, nempe vt crucifigeretur: nūc deinceps audiemus, quomodo ea sententiā in opere completa fuerit. Hic igitur attentas præbeamus aures, non tam corporis quā mentis in proximo est, vt aperiatur venæ fontis aquarum viuentium, & effluat illud pretiosissimum balsamum, cunctorum penetrans & liquefaciens pia corda. Post iniquam igitur sententiā prolatā suscepunt Iesum mitissimum agnū trucidantē lupi: quod enim diu desiderauerant, iam tandem adepti erant, nempe vt occidere eum possent. Hic igitur impletum est, quod Christus prædixerat, mundum in sua passione gausurum. Gaudet enim mundus, cum pro libidine sua agere potest, cum non habet arguentem, cum se corripientes in suam potestatem redegerit. Susceperunt itaq; Christum, sicut leo paratus ad prædā. Leo siquidem assecutus prædā, mox eam asportat, ne intercipiatur. Catuli leonū partem prædæ, quam genitores ad cubilia adferunt, mox deuorant, ne de eorum vngulis à concatulis eripiantur: ita & in Christo factum fuit. Sic igitur videtur impij præualere: hæc est enim hora eorum, & potestas tenebrarum: nō quod impij verè præualeant Christo, sed quod seipsum exinaniuit, factus obediens vsque ad mortem crucis. Signanter autem apud alios Euangelistas hic nominatur milites: nam & hi Christum in domo Pilati illuserant, & nunc etiam officio carnificum functi, Christum educunt & crucifigunt, quandoquidem hoc Iudæis non competebat. Iustus tamen Iudæorum Pontifices dici debent crucifixores Christi, quādoquidem ipsi eum & primò ceperunt, & causa mortis fuerunt. Et reuera ipsi crucifixores veri fuerunt. Vnde & Petrus ipsis dixit: Vos Christum per manus iniquorum suspēdistis in ligno. Et paulo post: Iesum, inquit, quem vos crucifixistis, Deus suscitauit à mortuis. Idem dicit eis Stephanus, nominans ipsos proditores & homicidas

invidas iusti Iesu. Sic & Paulus aperte dicit, quod Iudæi Dominum gloriæ crucifixerunt. Quod enim aliorum manibus fecerunt, idem est, ac si proprijs manibus id fecissent. Milites igitur susceperunt Iesum: nam ipsorum potestati iam traditus erat, nec solum potestati, sed etiam pessimæ eorum voluntati. Sequitur:

Et eduxerunt eum.

Sic nimirum impij illi agricolæ, Filium Patris hæredem vinea sua eieciunt. Huc pertinet figura de hirco, qui pro peccato immolabatur. Is enim extra castra quidem cremabatur, sed intra civitatem sanguis eius in tribus locis fundebatur. Nam ipso aspergebatur tabernaculum interius, & sanctuarii exterioris & altare. Ita Dominus Iesus pro peccatis omnium diluendis spar sit sanguinem suum in civitate, in tribus locis: in domo scilicet Caiphæ, extra prætorium Pilati ligatus ad palum, & in prætorio spinis coronatus: nunc per charitatem cremandus in cruce ducitur extra civitatem. Eductus autem non ut prædicator veritatis, sed ut prævaricator, ut latro, ut magus, ut seductor, ut blasphemus inelamatur, ut illudatur, irridetur, exhibatur: Omnes, inquit, videntes me, deriserunt me, locuti sunt labijs, & moverunt caput. Et iterum: In me loquebantur, qui sedebant in porta, & in me psallebant, qui bibebant vinum. Sic igitur qui suos in Babylone civitate diaboli, & Ecclesia malorum in Hierusalem, sanctam scilicet Ecclesiam, introducit, is nunc eductur. Qui suos ab inferno ad suam hæreditatem assumpsit, nunc est sua hæreditate eieciatur: In propria enim venit, & sui eum non receperunt. Qui suos à societate dæmonum liberat, nunc cum latronibus eductur. Qui suos ad triumphum ducit, nunc ad mortem ducitur vel potius trahitur. Sic maledictus Cain fratrem suum innocentem eduxit in agrum, ut eum occidat. O quam dissimilis fuit hæc Christi educio ei, qua olim patres eorum eduxerat ex Aegypto. Illic enim dicitur: Eduxit illos in lætitia, hic autem ipse eductur in summa anxietate & tristitia. Illic dicitur: Eduxit eos cum argento & auro, hic autem ipse eductur in summa miseria. O verè mi-

serabilis educio, non sic sexto antea die intra civitatem exceptus fuerat. Tunc enim ut agnus immolatus desiderabatur, nunc mactatur: tunc asina vehebatur, nunc sub onerosa cruce genualabant: tunc comitatus discipulis, nunc latronibus: tunc floribus, ramis palmarum, & vestimentis compita spargebatur, nunc per lutulenta, lapidosa & aspera eum festinare compellunt. Tunc & pueri ora in laudes resolvebant, dicentes: Gloria, laus, & honor tibi sit rex Christe redemptor: Benedictus qui venit in nomine Domini, Hosanna in excelsis: nunc omnia insurijs, conuictijs, ludibrijs, maledictis complentur. O quam dissimilia sunt: Benedictus qui venit in nomine Domini. Et: Tolle, tolle, crucifige eum. Quam dissimilia. Rex Israel. Et: Non habemus regem, nisi Cæsarem. Quam dissimilia rami virentes & crux, flores & spinæ. Et ut poenalius ipsi fieret hæc educio, quod nunquam alias visum vel auditum fuit, crucem ei imponunt propriam, quam & à domo Pilati, extra civitatem scilicet, portare egebatur, quod scilicet latronum illorum peccatum minus fieret, & pro peccatis nostris perfectius innocentis Christi passio satisfaceret. Sequitur enim:

Et baiulans sibi crucem, exiit.

Grande spectaculum, græde ludibrii, sed si spectet pietas, græde hoc mysterium est. Hic enim impletum, quod Esaias dixit: Factus est principatus super humerum eius. Principatus enim Christi, est crux eius, propter quam fuit exaltatus à Patre. Hic & figuræ impletæ fuerunt. Hic enim educitur Abel à fratre, ut perimatur. Hic adest Isaac cum lignis, & Abraham cum ariete inter vepres hærente. Hic adest Ioseph cum talari tunica, sanguine lita. Hic adest Moyses cum virga, & serpente suspensio. Hic adest bonus in ligno portatus. O quam amarum fuit Christo ex ea urbe excedere, quam tanti feterat, ut eam diuitijs, potentia, regno & religione cælo æquaret, eique autem nunc & deinceps tam corpore quam auxilio, ob iniquitatem eius se defuturum, vineamque, quam plantaverat dextra sua, ab apro singularique fera

Esai. 54

Philip. 2

Gen. 22

Gen. 37

Num. 21

Psal. 79

Phil. 21

Phil. 68

Joan. 1

Gen. 4

Psal. 77

Psal. 104

Gen. 1

mus, egressus Christi à Iudæis, nec in crux premebat Christum. Nam erat & hunc vsque diem ad illos rediit. Verum tamen nemo tam libens ad seruitutem Dei pergit, ut ipse in Caluariæ locum morte multatus properauit. Exeamus
 Heb. 13. igitur & noscum eo, impropriū eius vel saltem cogitantes. Primò enim verissimè de ipso dicitur, quòd baiulauerit crucē: nedū enim externē, sed etiā internē baiulauit crucē. Nec vllus vnq̃ hominū tantum pondus crucis portauit, ut Christus. Nam primò portauit crucem eternam, quæ & maledicto infamis & pōdere molesta, faucios humeros eius mirum in modum grauabat. Reuera enim piē credi potest, per hanc crucis baiulationem, omnem scapularum cutem, vsque ad crudæ carnis reuelationem, ita concussam, exagitatam & confricatam fuisse, ut priorum plagarū vulnera aut innouata sint, aut in vnum vulnus nimia dilaceratione redacta. Quum enim crucis lignum & longum & ponderosum fuerit, non aliter eam portare potuit nimium fatigatus Iesus, nisi ut vna pars scapulis, altera terræ incumberet, quo factum est, ut per lapidum asperitates & terræ callositatem tractum, suo tremore vulneratas Domini scapulas sine intermissione grauius vulneraret, nonnunquam & capiti illisum dolorem etiam spineæ coronæ renouaret. Vnde nemo satis edicere potest, quantum dolorem Christus sub hac cruce sustinuerit, nec dubium, quin sic fatigatus & debilitatus, sæpius sub hoc pondere crucis ceciderit. Omnia enim sic scripta & facta sunt, ut videamus Christum sine omni misericordia ab ipsis tractatum fuisse. Sic enim & nos in æternum sine omni misericordia affligendi eramus, nisi Christus hoc in se trāstulisset. Ideo itaq̃ crucem hanc ei imposuerunt, ut hæceductio maiorem ipsi & dolorē & confusionem inferret. Non enim poterant expectare, donec ad locum passionis venirent. Deinde etiam crucem ei imposuerunt, quia propter nauseam & maledictum, nemo illud lignum vel tan gere volebat. Sic enim & nunc omnes crucem Christi & pro Christo abominamur & fugimus, cum tamen interim plerumq̃ maiora cogamur ferre in mundo, Cæterum, non tantum hæc externa

crux premebat Christum. Nam erat & alia crux spiritualis, quæ mentem p̃i Iesu non minus multa amaritudine, ab initio vitæ ad exitum vsque, sine vlla gaudio dīorum interpolatione premebat & cruciabat: Hæc erant peccata nostra. Si quidem omnium hominum peccata cruci Christi superposita erant. Ipse enim peccata nostra portauit super lignum, ut ait Petrus. Et in ipso posuerat Dominus iniquitates omnium nostrum, ut dicit Esaias. Hoc talentum plumbi, hæc colligationes impietatis, hi fasciculi spinarum quouis monte pōderosiores, Christum premebant. Hoc tantū onus, quod vel cæli soliditatem, intermediū mundi spatium, terræque stabilimentum perurumperet, subiectaque omnia contunderet, p̃i Iesu humeris alligatur. Vbi intērim vīde impietatem nostram. Nos peccauimus, & tamen crucē fugimus, eamq̃ super innocentem Christum sinimus facere, ne sic quidem gratias ei agentes. Quanta igitur erit damnatio nostra? Christus itaque, etsi solus crucis grauitatem & pondus senserit, eā tamen non sibi (qui sine peccato fuit) sed nobis & pro nobis portauit, idq̃ dupliciter. Primò enim prætulit nobis crucem ministerio, nobis scilicet per hoc ministrans & seruans. Crux enim etus nostra crux est, quam ab humeris nostris suscepit, & in suos transtulit. Crucis autem appendix, est maledictio: Maledictus enim est omnis qui pendet in ligno. Atque hoc in cruce grauitissimum est. Nam tolerabilis fortē esset crux dolore, sed quando accedit maledictio, ea demum extrema miseria est: proinde quū Christus in se crucem nostrā suscepit, suscepit etiā crucis maledictionē. Factus est enim pro nobis maledictum & execratio, ut nos à maledicto legis liberaret. Nostra erant crux & maledictio, sed Christus vtrumq̃ nobis prætulit ministerio. Hoc igitur cogita, quum te peccata terrent, conscientia angit, & maledictio premit, & nunquam desperabis. Deinde Christus crucem nobis prætulit in exemplum nostrum, ut scilicet sequamur vestigia eius: Christus, inquit, passus est, vobis relinquēs exemplum. Et Christus ipse: Qui vult venire post me, abneget seipsum, & tollat crucem suam. Et ita

rum: Qui non accipit crucem suam, & venit post me, non est me dignus. Omnis ferenda est crux. Stat enim sententia: In mundo pressuram habebitis. Et: Per multas tribulationes oportet nos intrare in regnum cælorum. Sed enim crux ipsa grauior est, quàm vt sustineri possit, & nos imbecilliores sumus, quàm vt eam viribus nostris ferre valeamus. Quid igitur faciendum? Num abijcenda crux? Nequaquã, sed inspicienda crux Christi. Quomodo inquis? En Christus, quĩ sit vnigenitus Filius Dei, & summẽ benedictus, fieri non potest, quin omnia suo attractu benedixerit & sanctificauerit. Quemadmodũ enim caro impura, maledicta, & peccatis obnoxia quicquid attingit, contaminat: Impuris enim omnia sunt impura. Vnde & primo homini post peccatum omnia maledicuntur, adeoq; ipse Deus peruersis sit peruersus, Psalmo decimo septimo. Ideo & in lege multis maledictionibus oneratur peccator. Maledictus, inquit, eris in ciuitate, in agro &c. Ita econuerso ex contractu superbenedicti filij Dei, omnia benedicuntur & sanctificantur, etiam ea, quæ per se maledicta sunt. Attingit autẽ Christus esuriem, frigus, persecutiones, opprobria, sanguineum sudorem, crucem, mortem, infernum, sed suo attractu hæc omnia benedixit & sanctificauit, vt iam non amplius in malum, sed in bonum cedant credentibus. Proinde, vbi aliquid horum te premit, ante omnia vides, vt in tua cruce in Christũ respicias: quod si feceris, nedum non deficies in tribulatione, aut aduersus tribulantes insanas, sed insuper gloriaberis in afflictione. Huius figura præcessit in aquis Marath, quæ tam amaræ erant, vt nemo eas bibere posset, sed innecto per Moysen ligno, quod Deus ipsi ostēderat, dulces factæ fuerunt. Hoc est lignum crucis Christi, quod omnia amara nobis dulcia facit. Sic paupertas Christi nostram paupertatem consolatur, mors ipsius mortem nostram, &c. Hinc igitur discite patienter ferre laborem in via ad cælum. Imò hinc vires tibi collige, vt & tu possis portare crucem tuam. Huc, inquam, accede quisquis es, qui pro Christo ad mortem raperis, aut pro iustitia vel innocentia. In hac enim abductione

Christi ad crucem, imò sub cruce te ipsum per fidem inuenies, vt quemadmodum Christus visus fuit mundo ad turpissimam mortem abduci, tamen est adductus ad gloriam longè omnium clarissimam, ita si per fidem factus fueris membrum Christi, videris quidem abduci in extremam miseriam, abduceris tamen ad gaudium sempiternum. Nam propterea Christus in hanc horam venit, vt te vnà secum per mortem ad vitam ducat. Hanc consolationem nobis dat, quòd Christus crucem suam baiulauit. Nemo igitur vel in peccatis suis desperet, vel in externis malis deficiat, sed vtrobiq; in Christum respiciat, & leuius feret, consolationemq; recipiet. Obseruandum autem, quòd non satis est crucem portare. Non enim quælibet crux ad vitam ducit, sed crux Christi. Quatuor siquidem sunt genera hominum, qui crucem portant. Alij eam voluntariè portant, vt pii homines: alij inuiti, vt mundani & impij, qui & ipsi nõ sine cruce sunt, sed inuiti eam portant, quemadmodum Simon: alij crucem portant, sed alienam: suam enim fugiunt & abijciunt, vt hypocritæ: alij crucem quidam portant, sed Christum non sequuntur, quin potius Diabolũ, vt omnes impij, Tu igitur vide, vt crucem tuam portes, & Christum sequaris. Locus autem, vbi Christus mortem pertulit, ab Euãgelistis diligenter describitur, vt certior fiat apud omnes homines fides historię. Dicebatur autem locus ille Hebraicè Golgoeth, vel Chaldaicè Golgotha, quod significat aliquid rotundum, sicut est caput humanum, aut caluaría, cranium vel testa capitis. Sic autem nominabatur locus ille, quòd ibidem iacebant capita hominum occisorum. Nec Euãgelistæ nostri aut etiam nos verecundamur confiteri Christum in eo loco crucifixũ, vbi malefactores puniebantur, imò gloriæ hoc ducimus. Hunc enim ignominiosum locum Christus magnificè suã sancta morte honorauit, vt iam non locus damnatorum, sed verè sanctuarium nobis sit: quãdoquidem illic sanctissimum sanguinem suum fudit. Ad hunc igitur locum Christum perduxerunt, & quidam comitatum duobus latronibus, vt vbi prius erat area damnatorum, ibi erant

gerentur vexilla martyrij. Sicut igitur loco Caluarie non est immundior locus, sic Christus eo perductus descendit in extremas immunditias, ut eas sanctificaret & emundaret. Atque hac descensione sua, qua se demisit ad extremas abominaciones, ascendit in altissimam gloriam. Habet enim Christus aliam scalam, quam habet mundus, qua ad alta nititur. Mundus autem scandendo nititur ad alta, sed quo altius tollitur, eo profundius ruit: Christus autem ad alta nititur in infirma descendendo, & quo profundius descendit, eo altius ascendit. Stat enim sententia. Omnis qui se exaltat, humiliabitur: & qui se humiliat, exaltabitur. Hic nunc incipit ipsa crucifixio, qua sanctissimum, tenerrimum, & mundissimum corpus Christi denudatum, manibus & pedibus durissimo ligno extensum & confixum fuit, non sine gravissimo Domini Iesu dolore. Paulisper igitur hic immorandum nobis est. Lamentum ad summam passionis peruenimus. Et quidem Evangelistae brevissime, imò vno tantum verbo rem hanc explicant. [Et crucifixerunt (inquit) Deum.] Pauca, inquam, reserunt, at multa nobis cogitanda relinquunt. Primò enim ipsam crucifixionem præcessit iterata expoliatio. Nudatur igitur vestibus qui cælos stellis, terram floribus vestit, & qualis in Paradiso primus homo habitavit, talis in Paradisum secundus Adam intrauit. Expoliari igitur se permisit, ut vestem nobis innocentie recuperaret. Coram omnibus nudari non horruit, ne nos nudi coram Deo inueniremur. Confusionem sustinuit, ut conscientie nostrae reatum tegeret. Beatus enim cuius tecta sunt peccata. Altissimam igitur hic paupertatem in seipso ostendit. Hactenus enim quavis (ut Paulus ait) quum dives esset, propter nos egenus factus est, descendensque ab inenarrabilibus cæli diuitijs, veniens in mundum, istas qualescunque diuitias habere noluerit: tamen matris virginis & aliorum ministeria non spreuit. Nam & ab eis pastus est, & pantis amictus, & quamvis etiam tunc Filius hominis non haberet, ubi caput suum reclinaret, usum tamè præsepi, in quo reclinauit eum mater, atque hospitium Marthæ & aliorum non spreuit. Nunc autem altissima paupertate premittitur, non permittitur ei ministrare mater, sed nec accedere, pro cibo & potu sitienti fel & myrrha offertur. Omne etiam capitulum reclinatorium tollitur, ab omni tugurio, domo, & ciuitate eicitur, sub duobus crucifigitur, non pannis cuiuscunque tegitur, sed vestibus etiam proprijs nudatur. Sicque extrema inedia conficitur, cui non solum rerum proprietas adimitur, sed omnis etiam necessarius rei usus negatur, nisi diuitias computare velis, quod sola crux acerbissima assignatur, quæ crux Iesu secundum Ioannem nuncupatur. Nunquam & nusquam talem pauperem legimus, nec Lazarum quidem illum vlcerosum, cui etsi defuerunt humana obsequia, lingebant tamen canes eius vulnera, etsi non dabantur ei aliena, non tamen sua ei auferebantur panno vestimenta. Quantum autem dolorem Christo hæc expoliatio vestimentorum intulerit, nemo facile explicabit. Nam dum vestem carni sanctissimæ proximam, & flagellorum vulneribus iam impactam, & totam inhaerentem, violenter & festinè, tanquam ad mortem Domini properantes, abrumperet, omnia vulnera innouarunt, cum sanguine saniem fuderunt, multò crudelius, multò dolorosius, quam primis flagellorum ictibus inflixerunt. Quod si nihil hactenus passus fuisset Christus, sola tamen hæc expoliatio suffecisset pro redemptione mundi. Experiètia enim teste, videmus si lana modica aut panticulus receti vulneri immixtus, vulneri coagulatur, in eius violenta extractione, longè maior poena, imò vix tolerabilis sentitur, quàm in eius prima infictione. Auxit & hoc dolorem, quod corpus illud tenerrimum sic denuo vulneratum, denuo rubricatum sanguine, & velut excoriatum, frigoribus & ventis nudum exponebatur: ut interim taceam ipsam confusionem, quæ maxima fuisse non dubitatur, sic coram omnibus amicis & inimicis denudari. Verè igitur ad nos dicit: Propter te sustinui opprobrium, operuit confusio faciem meam. Hic vide homo, quanto cōstitit tibi Deo tuo. Verum audi adhuc maiora. Nudato igitur Domino, in maioris tristitiæ augmentum in eius oculis crux aptatur, atque in qua immolandus verus

Luc. 18.

Psal. 37.

2. Co. 9.

Matt. 8.

Luc. 16.

Psal. 68.

verus agnus pro vniuerso mundo erat, nis obijceretur. Extendit igitur brachia,
 preparatur. Perterebrabant igitur ad indicandum, quod omnia hæc volun-
 impietatis ministri crucem, mox ra tatiè & ex summa charitate sustinebat.
 bido furore Christum spoliatum vesti Pedes etiam fodicari & affigi permisit,
 bus, sed spinis adhuc coronatum, super vt ostenderet se non cessaturum, donec
 crucis stipitem proijciunt. O cælum, ter plene satisfactum esset pro nobis. To-
 ra, mare, non alibi tristius vidistis spes tum denique corpus offert in holo-
 etaculum. Læuam primò arripiunt, clas caustum, vt Patrem pro nobis recon-
 uo pollicali crassitudine acuto, malleo ciliaret, nosq; doceret omnia membra
 rum ministerio cruci ita affigunt, vt vo offerre in obsequium Christi. Quàm iu-
 lam ipsam carnemq; clauus secum intra ste igitur hic dicere potuit Christus, &
 foramen raperet, vt non affixâ, sed adfer conqueri contra Iudaicum populum:
 ruminatam crederes. Pari immanitate, Popule meus quid feci tibi, aut in quo
 procedunt. Distabant nimis foramina, molestus fui? Ego pro te flagellau i Aeg-
 neque extensis manibus respondebant. yptum cum primogenitis suis, & tu me
 Insuper & nerui (vt fieri solet) ad mus flagellatum tradidisti. Ego te paui man-
 tua subsidia contractiones reddiderant, na per desertum, & tu me cecidisti alapis
 cumq; dextera cauernulæ applicaretur, & flagellis: Ego te potavi aqua salutis
 minime pertingebat. Alia itaq; sæuitiæ de petra, & tu me potasti felle & aceto:
 instrumenta quærūt, funibus hinc inde Ego pro te Chananæorum reges percus-
 ligatis. Alij sinistram rursus vinctam, si, & tu percussisti arūdinem caput meum:
 ne erumperet sollicitè adseruant. Alij Ego dedi tibi sceptrū regale, & tu dedisti
 tam diu dextram tendunt, donec clau capiti meo spineam coronā: Ego te exal-
 loco sese accommodaret, eamq; perfor tau i magna virtute, & tu me suspendisti
 diunt, affigunt. Deinde & pedes quoque in patibulo crucis. Quid ultra debui fa-
 eadem atrocitate cruciant, clauis trai cere, & non feci? Ego quidem plantaui
 ciunt, trahunt, expandunt, non sine po te vineam meam speciosissimam, & tu
 plitum compagumque omnium solus conuersa es mihi in summam amaritur-
 tione, vt neruos, venas, fibras, ossaque dinem, &c. Verum omisisti Iudæis nos-
 singula numerare posses, nullaq; in to nostrum negotium agamus. Considera
 to corpore ruga maneret. Sic igitur Pro igitur, o homo, plum hoc spectaculum.
 phetica cythara Dauidis tensa est, & Manus enim quæ cælum in sapientia
 quod ille præcinuit: Foderunt manus fundauerunt, quæ compeditos soluere,
 meas & pedes meos, dinumerauerunt ellisos erigere, suisq; contactibus vnuer-
 omnia ossa mea, impletū est. Sic immas sos solebant sanare, in crucis patibulo
 cularis agnus in nullo oblatrans, nec os distenduntur. Pedes, quibus se mare cal-
 suum aperiens, ad occisionem ductus, in cabile præbuit, quorum scabellum ado-
 ara crucis immolandus, durissimè liga randum erat, pedes, inquam, qui non ste-
 tur, imò affigitur. Hic igitur oculos & terunt in via peccatorum, sed semper am-
 aures intende o Christiane. Multa hæc bulauerunt in lege Domini, clauorum
 nus passus fuit Christus, sed in sola caro acumine perfoduntur. Corpus purissi-
 ne. Nunc venit ad extremum & intis mum, in quo thesaurus totius gratiæ
 mam medullam, & summam dolorum: seruat absconditus, penitus denuda-
 Nunc nerui ossaque examinantur, qui tur, & durissimo ligno affigitur. Facies
 & pedibus, vbi nerui & ossa ita conue specta prae filiis hominum, quæ affli-
 niunt, vt non nisi magna vi & intentissi ctos & mœrentes omnes consolabatur:
 mo dolore se iungi possint. Verum ita facies, in quam Angeli desiderant pro-
 oportebat Christum medicari peccatis spicere, in pallorem horridæ mortis cō-
 nostris, quia enim in homine à planta pe mutatur. Quid commisisti dulcissime
 dis, vltq; ad verticem capitis, nulla erat puer, vt sic iudicaretis, adeoq; crudeliter
 sanitas, idq; tam externe quàm interne, tractaretis: quod scelus tuum: quæ cul-
 oportebat vt & Christus omnibus pœ pa tua: quæ causa tui doloris? Ego, ego,
 acerba comedi, & dētes tui obstupuerūt. causa sum omnis tui doloris: Ego vna

Ezechi.

Imò etiam nūc miser ego rideo, garrulo, &c. dum tu pro me ploras, pateris, sitis, &c. Festino ad gaudia, dum tu cruci pro me affixus pendes, Caput vngo, adulter ro cutem, dum tu sputis, sanguine, liuore illitus, quasi leprosus pendes: Manibus etiam nūc implē ago, quasi non plus satis peccatum sit, dum interim innocentissimæ manus tuæ pro me ligno consignantur. O ingratitudinem nullo non supplicio dignam: Siccine gratias agimus? Quam merito igitur nos absterre re deberet à peccatis, hæc Christi crucifixio? Quæ enim venia nobis speranda est, si hic non solum ingrati fuerimus, sed insuper denuò Christum peccatis nostris crucifigamus? Cæterum multæ causæ assignari possunt, cur Christus voluerit crucifigi. Primò enim hoc ideo factum est, vt inter cælum & terram positus verum se ostenderet mediatorem Dei & hominum. Secundò, quia in ligno peccatum commissum est, ideo etiam in ligno peccatū expiare voluit. Tertiò, quia Diabolus in ligno vicerat hominem, in ligno quoque eum vincere voluit Christus. Quartò ideo hoc modo crucifigi voluit, vt vel ex ipsa forma crucifixi corporis eius disceremus, quid ab ipso nobis expectandum sit. Sic manus extendere voluit, vt ostenderet nobis apertam esse viam ad ipsius cor & misericordem dilectionem. Pedes affigi voluit, vt ostenderet se non recessurum, donec plenè redempti essemus. Manū dextram extendit, quia bona dare: sinistram autem, quia mala auferre venerat. Pedem dextrum affigi voluit, quia bonos confirmare: pedem sinistram, quia malos convertere venerat. Quintò etiam ideo crucifigi voluit, vt ostenderet vel ex ipsa crucis forma fructum suæ passionis. Sicut enim crux quatuor cornua habet, sic & quatuor sunt præcipui fructus Dominicæ passionis. Cornu superius versus cælum, significat, quod per passionem Christi reparata est ruina Angelica, & apertum nobis cælum: Cornu inferius, quod per eandem redempti sunt patres e limbo. Cornu dextrum, quod per eam collecti sunt Filij Dei in mūdo dispersi. Cornu sinistram, quod per eam etiam inimici reconciliati sunt. Sextò etiam ideo crucifigi voluit, vt vel sic ostenderet

formulam Christianæ vitæ. Sicut enim crux habet quatuor illas dimensiones, longitudinem scilicet, latitudinem, altitudinem & profunditatem. His autem significantur quatuor virtutes principales, in quibus consistit Christiana vita. Profunditate significatur fides, quæ occulta diuinæ voluntatis vocatione, prima in fundo cordis, quasi fundamentum in ædificio Dei ponitur: longitudine significatur perseverantia: altitudine spes: latitudine charitas. Nam de his potest intelligi illud Apostoli: Vt possitis comprehendere, quæ sit longitudo, latitudo, sublimitas, & profundum, &c. Demum etiam ideo crucifigi voluit Christus, vt doceret nos etiam totum corpus nostrum extendere in seruitium Dei, & carnem nostram crucifigere, quemadmodum Paulus, qui dixit: Christo confixus sum cruci. Itemque: Ego stigmata Domini Iesu in corpore meo porto. Sic enim seipsum offerre, gratissimum Deo sacrificium est. Hactenus igitur de ipsa crucifixione. Hac igitur perfecta, cruce in altitudo multo clamore amarulentisq; conuulsis & opprobrijs sustollunt. Aderat rupe, in eam vsus excavata, vt crucis pedem caperet & clauderet. In idipsum receptaculum ipsam crucem non illabi, sed ruere tanto impetu faciunt, vt tot laboribus maximus nouusque dolor adderetur, viscera intima tremere, vulneraque manuum ac pedum hactenus clauorum obrusitate obstruata, tanto casu laxarentur: vnde vberim sanguinis rivuli denuo scaturierunt. Sic igitur erupit fons ille paradisi, fons sanguinis Christi de loco voluptatis, corpore scilicet Domini per quatuor partes diuisus, manuum scilicet pedumque fossuras. Et copiosissime effluens irrigauit vniuersam terram, peccata omnium credentium abluendo. Hic igitur impletum est, quod Christus dixerat: Ego cum exaltatus fuero à terra, omnia traham ad meipsum. Et iterum: Sicut Moyses exaltatus fuit serpentem in deserto, ita exaltatus oportet Filium hominis, vt omnis qui credit in illum non pereat, sed habeat vitam æternam. Hic enim ea de serpente æneo figura veraciter impleta est. Hic denique Christus, tanquam verus mediator Dei & hominum, coram Deo assistit,

sit, ut summus sacerdos & Pontifex, seip-
 sum pro nobis oblaturus, dicensque il-
 lud Psalmi: Sacrificium & oblationem
 noluiisti, tunc dixi: Ecce venio, in capite
 libri scriptum est de me, ut facerem volū-
 tatē tuam. Quasi diceret: Quia hactenus
 nulla alia sacrificia te homini reconciliare
 potuerunt. En ego vnigenitus Filius tu-
 us, me ipsum pro homine tibi offero.
 Et nos igitur fratres Pontifici nostro
 pro nobis offerenti cum deuotione aspe-
 ximus, oculosque mentis nostrae in ipsius
 sacrificium subleuamus, ac ex toto cor-
 de dicamus: Respice sancte Pater de san-
 ctuario tuo, & de excelso caelorum habi-
 taculo, & intueri hanc sacrosanctam ho-
 stiam, quam tibi offert magnus Pontifex
 noster, sanctus puer tuus Iesus, pro pec-
 catis fratrum suorum, & esto placabilis su-
 per multitudine malitiae nostrae. Ecce
 vox sanguinis fratris nostri clamat ad te
 de cruce. Ecce agnus sine macula, qui co-
 ram tondente se obmutuit: En qui pec-
 catum non fecit, peccata nostra pertulit.
 Respice Domine in faciem Christi tui, qui
 tibi vsq; ad mortē obediēs factus est, nec
 recedant ab oculis tuis cicatrices vulne-
 rum eius, ut memineris, quantam satisfac-
 tionem pro peccatis nostris ab eo acce-
 peris. Respice Pater piissime eum qui
 patitur, & reminiscere benignus pro quo
 patitur. Aspice mitissime conditor, dile-
 ctā sobolis humanitatem, & miserere su-
 per infirmi plasmatis debilitatem. Aspi-
 ce gratissimae proles lacerata membra,
 & memorare quae nostra sit substantia.
 Aspice Dei & hominis poenam, & rele-
 ua conditi hominis miseriam. Vide re-
 demptoris supplicium, & remitte redem-
 pti hominis peccatum. Sed & tu miser
 peccator, vide hostiam, qua redemptus
 es: sanguinem, quo ablutus es: poenam,
 qua pro peccatis tuis satisfactū est: vin-
 cula, quibus absolutus es. Vide manus,
 quae soluerunt mala operata, quae fecerunt
 manus tuas. Vide pedes, qui quod
 pedes tui deliquerunt, abstulerunt. Intue-
 re Christū in hac forma crucifixum. Nul-
 lam enim amabiliorem eius aspectus est.
 Manus habet apertas ad largiendum, pe-
 des affixos ad manendum, brachia exten-
 sa ad suscipiendum, caput inclinatum ad
 osculandum. Caue igitur, ne tibi expro-
 bretur illud: Tota die expandi manus

meas, ad populum nō credentem. Item,
 Extendi manus meas, & non erat qui as-
 piceret. Vide igitur homo (clamat Chri-
 stus de cruce) quid pro te patior: ad te
 clamo, qui pro te morior. Vide poenas,
 quibus conficior. Vide clauos quibus
 perfodior, &c. Sequitur:

*Et cum eo duos latrones, hinc & hinc,
 &c.]*

Iudaeis non sat erat, Christum & in
 loco turpissimo, & genere mortis tur-
 pissimo occidere, sed insuper ad maiore
 illius ignominiam affigunt ei duos la-
 trones, non tamquam inimici latronum:
 participes enim erant sceleris eorum.
 Nam Pilato dicente: Quem vultis vo-
 bis dimitti? latrones latronē petierunt.
 Ideo autem latrones cum Domino cruci-
 fixerunt, ut passionem eius maculas-
 rent, & vel sic nocens putaretur ex flagi-
 tiosorum consortio, videreturque crimen
 esse commune, quibus erat commune
 consortium, & ut fama vndiquaque spar-
 geretur, tres latrones vno die Hieroso-
 lymis esse crucifixos. Hoc querebant
 impij Iudaei, imo ut Christum plus infamarent,
 sic ordinari cruce, ut medius
 esset Iesus, hinc atque hinc septus latro-
 nibus, nimirum ut ab omnibus antesigna-
 natus latronum putaretur. Et quidem la-
 trones occidere permittit, imo iubet
 lex. Gene. 9. Numer. 35. Verum quid pec-
 cavit fons vitae? Quid boni non fecit,
 quod facere debebat? O Hierusalem &
 Iudaea, haec cene reddis benefactori tuo?
 Hanc ne gratiam rependis ei, qui te a tem-
 pore Abraham tam mirabiliter duxit, cō-
 seruauit, & exaltauit praeter omnibus
 populis terrae? Quis te iussit proprium
 tuum Messiam, Regem, Episcopum,
 Doctorem, Pastorem, Patrem, crucifi-
 gere? Vae tibi Hierusalem super hoc ho-
 micidio, super hac malitia tua. Verum
 ita oportebat te vel nescientem implere
 Prophetiam: Et cum iniquis deputatus
 est, nempe Messias. Oportebat Christū
 sic humiliari, ut nos inter iustos depu-
 tari possemus. Ad hoc quidem intende-
 bant impij illi, ut Christus omnino con-
 funderetur, verum res in diuersum eccla-
 dit. Nescit enim humanis sordibus in-
 quinari fons omnis puritatis, illustratur

ZZ iij etiam

etiam probriis fons gloriæ. Crux antè asperitas vestium, & disciplina verborum. probrosa, per illum facta est triumphale signum, cui mundus inclinat caput, quod Angeli adorant, tremunt dæmones. Inuenit Christus etiam condemnatus inter latrones, quem ex latrone faceret ciuem Paradisi, tātum aberat, vt supplicij societas contaminaret ipsum. Inter latrones autē pati voluit Christus, non inter discipulos, ne putaretur mors eius sola non suffecisse ad salutem, nisi adiuncta fuisset mors discipulorum. Cōgruè item inter latrones crucifigitur, quia pro latronibus moritur. Latro est, qui quæ ad Deū pertinet rapit: Omnes igitur nos latrones sumus. In medio autem nostrum crucifigitur Christus. Crucifigimur & nos: nemo enim sine cruce. Verū sicut hic latronū alter dānatur, sic non omnes saluantur, qui crucem ferunt. Vide igitur, vt tua crux cedat tibi in salutem, quod tūc fit, si in Christum credis. Duo itaque latrones, quorū vnus saluatur, alter damnatur, significant, vel homines & dæmones, vel Gentiles & Iudæos, vel quoscūq; bonos & malos, qui vtriq; crucem ferūt, sed dissimiliter. In fine discamus & nos hic à terra leuari, & cū Christo crucifigi in medio latronū. Nam sicut ibi tres crucifixi, duo latrones, & medius Iesus, sic & in nobis moraliter crucifigenda sunt tria, caro scilicet & mundus, qui per latrones, & spiritus, qui per Iesum significantur. Caro crucifigenda est, sicut latro dexter:

Galat. 5. Qui enim sunt Christi, carnem suā crucifigunt cū vitijs & cōcupiscentijs. Mū-

Gala. 6. dus sicut latro sinister: Mihi, inquit, mūdus crucifixus est, & ego mundo. Istis latronibus in nobis crucifixis, spiritus in

Galat. 2. medio crucifigitur cum Christo, vt dicat cum Apostolo: Christo confixus sum cruci, viuo autem non iam ego, sed viuit in me Christus. Sicut autem latro sinister crucifixus quidē fuit, non tamen saluatus, nam mansit in perfidia sua, sic mundus licet crucifigatur, remanet tamen in immunditia sua. Caro autē crucifixa saluatur cum spiritu, quia in resurrectione sua glorificabitur. Vnde & latroni dextro comparatur, cui dictū fuit.

Luc. 23. Hodie mecum eris, &c. Cæterum crux carnis est rigor disciplinæ, cui⁹ quatuor sunt brachia: Vigilia scilicet, abstinētia,

Scripsit autem & titulum Pilatus.]

Erecta stabat crux in altum sublata, pendebat in ea Christus, multis hoc videntibus manabant lachrymæ. Impietas & iniustitia vigent, & tamen Pilatus sine suspicionē iniustitiæ esse contendit: ideo & mundana sapientia astutus, nouit quid excogitat, ac titulum vel schedulam facit, in qua quatuor verbis tota tragœdia cum annexa causa, cur hoc eius iudiciū fuerit, ostenditur. Iam enim vixerat ipsum facti conscientia, timebat accusari apud Cæsarem, quod talem ac tantum virum, cum quo Deus esset, nō dicta causa dedisset auaritiæ & inuidiæ Iudæorū. Vt igitur iustē & pro magna causa extra ordinem iuris ostenderet se hoc fecisse, hunc titulum, quo nullum atrociores inuenit in sui excusationem & defensionem commentus est, confidens se apud Cæsare tutari posse, quasi Christum non occidisset vt Filium Dei, aut Iudæicum Prophetam, sed vt seditionis & Cæsari inimicum, regnumq; affectantem. Hinc putabat se posse elabi, quandoquidē omnis potestas impatiens consortis est. Hæc erat Pilati intentio in scriptura huius tituli: quæ quomodo ipsi profuerit, nouit ipse, & paulo post expertus est. Cæterum Deus vel Spiritus sanctus longē aliud intendebat, nempe Christo dare nomen super omne nomen, & titulum regni, qui cælo & terra transeuntibus, nunquam transibit: quia Iesus Nazarenus, id est, Saluator & verē sanctus, per crucem suam effectus est rex Iudæorum: nō eorum qui dicunt se Iudæos esse, non tamen sunt nisi synagoga Satanæ: sed eorum, qui in veritate Deum confitentur. Titulus autem crucis taliserat:

Iesus Nazarenus Rex Iudæorum.]

In his igitur quatuor verbis totus effectus crucis notatur. Primò enim Iesus dicto

dictur, quia per satisfactionem & solutionem pretij, factus est nobis author salutis. Secundo dicitur Nazarenus, id est, florigerus, quia per florem virtutis, est nobis in exemplum honestæ conuersationis. Est & odor deuotionis in sacrificio suauitatis, quod odoratus est Patet pro nobis. Est præterea spes æterni fructus, qua fruemur dulcedine diuinitatis suæ. Dicitur tertio rex, propter regimen & directionem. Regit autem nos in vita gratiæ, dirigit in vitam gloriæ: Rex est in vita & in morte: hoc nulli alij competit. Quarto additur, Iudæorum, ut sciamus, ad quos hi fructus pertineant, nempe ad credentes & confitentes. En hæc tanta mysteria per tam vile instrumentum, quale Pilatus erat, Deus nobis aperuit, quod & ipsum ostendit mirabile Dei consiliū. Sic enim Deus nouit etiam impiorum consilia ad suam gloriam conuertere. Nos igitur Christianos, quibus crux Christi summa dignitas est, non parum confortat & consolatur triumphalis hic titulus, qui Christo non ad pedes, sed ad caput positus fuit, ad ostendendum, quod regnum eius non humile aut terrenum, sed altum & cæleste sit. Verissimum enim est & manebit, quod hic Iesus in Bethlehem natus, & in Nazaret educatus, Iudæorum rex sit, attestatibus eorum Prophetarum, Psalm. 2. & 44. Cant. 1. Osce. 7. Zacha. 9. Quia autem ipsi eum pro rege agnoscere nolunt, nos Gentiles eum cum gaudio suscipimus, quod sit rex confitentium. Pilatus hoc scripsit, & veritatem ipsissimam in hoc attigit, quæcunque tandem fuerit eius intentio. Et hoc ipsum volebat ab omnibus populis legi & intelligi. Vnde & subditur.

Et erat scriptum Hebraicè, Græcè & Latine.]

Ideo (inquam) in tribus potioribus linguis hoc scripsit, quæ & tunc & nunc per totum mundum principales lingue erant & sunt, ut apud omnes gentes & nationes excusaretur de nece tantum viri. Hebræa igitur lingua scripsit, propter Iudæos in lege gloriantes: Græca, propter Gentilium sapientes, siue Philosophos: Latina autem, propter

Romanos. Velint nolint ergo Iudæi, omne mundi regimen, omnis mundana sapientia, omnia diuinæ legis Sacramenta testantur, quod hic rex sit Iudæorum, id est, summus rector omnium, qui Deum credunt & confitentur. Omnia autem hæc non ex Pilati industria tantum, sed diuina prouidentia facta sunt. Per hoc enim Deus prouidebat toti generi humano, ut omnes scirent hunc esse, quem Deus vnxit in regem super omnes gentes, quemadmodum in Daniele prædictum fuit: Omnes gentes, tribus & linguæ seruient ei. Et Paulus. In nomine Iesu omne genu flectetur. Deinde, ut omnes gentes hinc discerent perfidiam Iudæorum, qui proprium Messiam crucifixerunt. Præterea, ut vel sic notum fieret, quod Christus pro omnibus hominibus mortuus est, siue sint Iudæi, siue Græci, siue Latini. Itaque quod Euangelium & gratia Christi ad omnes ex æquo pertineret, & quod omnes linguæ glorificaturæ essent Christum, id quod iam impletum est. In his enim tribus linguis Ecclesia semper scripturas & habuit, & legit, & cantauit. Omnes enim linguæ confiteri debent, quod Iesus Christus est in gloria Dei Patris. Sequitur:

Dicebant ergo Pilato Pontifices Iudæorum: Noli scribere Rex Iudæorum, &c.]

Iudæorum Pontifices hunc titulum inuidebant Christo, & etiam nunc mutatum & abolitum cupiunt, sed absit, ut Pilatus vel tota illic mutare audeat. Satis illi hactenus permissum fuit in Christum. Titulum hunc incorruptum permanere oportet in æternum. Pudebat Iudæos hunc titulum alienigenis legi & intelligi, verebanturque, ne aliquando ipsis improperebatur, quod proprium regem suum ad crucem adiegressi essent, ideo mutatum cupiunt titulum. Sic enim impietas non vult videri, quod male egerit, sed semper se palliare nititur. Verum Pilatus non ipsorum infamiae, sed suæ cautelæ in tituli appositione rationem habuit, ideo titulum mutare noluit. Sic enim ipsis respondit:

Quod scripsi scripsi.]

Quinimo etiam si titulum mutasset, & scripsisset iuxta intentionem ipsorum,

rum, nihilominus tamē Nazarenus noster Iesus Christus esset, non tantum Iudeorum, sed etiam omnium hominum rex. Nō enim ex inscriptione Pilati regium nomen adeptus est, sed ex voluntate & vñctione Patris: attamen, sicut quæ Christus de regno suo dixerat, dicta manebant, sic quæ Pilatus scripserat, scripta permanserunt. Et certè Pilatus inter tot mala pusillanimitatis & inconstantiae vel vnum hoc bene egit, quod titulum non mutauit. Nullus enim verior titulus cruci Christi inscribi potuit, quam hic. Nostri igitur est, vt eo titulo bene vtamur. Non enim satis est, ipsum parietibus insigere, nisi cordibus inscribatur. Itaque si te aliqua afflictio aut infortunium aliquod sollicitat, cogita Iesum esse regem & vinctum tuum, & non deerit, quo te consoleris. Si peccator es, cogita Iesum esse eum, qui saluum facit populum suum à peccatis eorum, & animum recales, &c.

Matt. 1.

Milites ergo cum crucifixissent Iesum, &c.]

Interim cum piissimus Dominus in cruce patitur, milites vestimenta eius rapiunt pro carnificum more, quibus quia potestas datur iudicatum occidendi, datur & potestas vestimenta occisi accipienda, quamuis facile credi potest, vestimenta Christi non magnopere vtilia potuisse esse militibus illis, vt magis pro solita libidine, quam pro vtilitate consequenda ea diuiserint. Adeo igitur Dominus Iesus, tanquam reus & peccator, proscriptus fuit, vt nec vestimenta eius charis suis pro magno ea seruaturis thesauro cederent, sed in corpore suo saturatus opprobrijs, sua quoque vestimenta cedere videt in mercedem suis crucifixoribus. Quæ tamē omnia facta sunt, primo, vt scripturæ implerentur. Nam David hoc aperte prædixerat. Non solum enim maiora, sed etiam minima prædicta fuerunt in scriptura de Christo, vt ab omnibus pariter duceremur in veritatem ipsam, & non erraremus. Et reuera magnū est fidei nostræ testimonium, quod omnium Prophetarum vaticinia tam pulchrè & tam manifestè in Nazareno nostro impleta sunt. Nullum es

Psal. 21.

nim aliud possunt dare Iudæi in quem scriptura omnis sic conueniat. Deinde diuisio hæc vestimentorum Christi etiam ad significationem futurorum facta est. Primo enim vestimenta Christi scripturas sacras significant, quas hæreticorum temeritas in varios sensus distrahit. Impij enim homines sumunt ex scripturis quod ipsis commodum est, volentes veritatē tenere per partes, quemadmodum & Satan citauit scripturas. Plura igitur Domini vestimenta, multa scripturarum, quibus verbum Dei induratum est, significant volumina. Tunc autem inconsutilis, vnam integram & inuolabilem fidem catholicam congruè designat, quam milites illi hæretici scindere quidem & abolere non poterunt, tamen de ea sortiuntur. Nō enim hæretici Euangelium & fidem negant, sed ita mortuarijs glossematis obscurant & ludunt cum scriptura, vt Christum ex ea agnoscere non queas. Vel aliter & simplicius, Quatuor partes vestimentum Christi significant quadripartitam Ecclesiam, quæ ad quatuor quatuor orbis partes pertingit, est tamen & permanet vna. Tunica autem inconsutilis, quæ non diuiditur, significat omnium partium vnitatem, quæ charitatis vinculo continetur. Hæc vnitatis, si semel scindatur, semper maior fit scissura, &c. Hæc Augustinus. In sortem tamen coniicitur hæc tunica, quia non omnium est fides. Omnes siquidē currunt, sed vnus accipit brautum. Hanc vnitatem hæretici scindere conantur, seipsos quidem ab Ecclesia refecarunt, sed vnitatis fidelis mansit & manet. Vel vestis Christi est eius humanitas, quæ in quatuor partes orbis diuisa & prædicata est, & ita publicata, vt eam amplius occultare non possint impij. Vel vestes Christi sunt bona temporalia, & hæc quidem facile dat etiam impijs, imò sinit, vt ea rapiant. Pij autem spiritualia bona, atque adeo seipsum dat & concedit. Vel vestes Christi pij homines sunt, qui Christo adhærent. Iuxta illud Propheticum: Sicut adhæret humero viro, sic agglutinaui mihi omnem domum Israel. In partitione igitur vestimentorum Christi, adumbratum est mundi ingenium, quo pios tractat

Matt. 4.

1. Cor. 9.

Hier. 17.

tractat in hoc sæculo. Nam videtur p̄i
In hoc sæculo planè libidini impiorum
patere, sed interim tunica Christi non
scinditur: hoc est, p̄i à mundo quidem
iridentur & distrahuntur, sed non per-
duntur. Pulchrè autem Euangelista in
fine subdit:

Et milites quidem hæc fecerunt.]

Quo verbo facta ipsorum terminat:
Milites, inquit, hæc fecerunt, & quid am-
plius facerent non habuerunt. Corpus
crucifixum, prædam tulerunt, sed for-
titudinem Dei, verbum Dei occidere
non potuerunt. Quos autem iustius mi-
lites illi, qui Christum crucifigunt, &
tamen vestimenta eius pro viribus sibi
vsurpare student, designant, quàm im-
pios illos Pontifices, qui verius mili-
tes, quàm Pontifices sunt: Nam omis-
sis sacris libris scrutandis, interpretan-
dis, exponendis, omisissis orationibus &
operibus pietatis, omisssa denique ani-
marum cura, nihil aliud agunt, q̄ quòd
pro tuenda opulenta, & superfluentis-
sima possessione rerum belligerantur,
fundunt sanguinem, omniaque cædis
bus & beneficiis, quæ verbi prædicato-
ribus debentur, inter se partiuntur, vt
iam non vnique pars vna, sed duo,
tria, decem, &c. beneficia contingant.
Deinde sortiuntur, hoc est, permutant,
vendunt, propinquis disponunt, aliaq;
infinita portenta faciunt in subuersio-
nem legum, iustitiæ, Euangelij, & om-
nis honesti. Interim hæc Christus vs-
dens, tacet, sed non semper tacebit. Hæc,
inquit, fecisti & tacui: Existimasti ini-
què, quòd ero tui similis, sed multum
erras. Arguam enim te, & statuam con-
tra faciem tuam. Videat quislibet igitur
quomodo cum vestimentis Christi, id
est, bonis Ecclesiæ agat, &c.

*Stabat autem iuxta crucem Iesu mater
eius, &c.]*

Mulieres vsque ad crucem Christum
sequuntur, & cum eo manent vsque ad
mortem: interim Apostoli fugiunt, &
se abscondunt. Sic enim infirma mun-
di eligit Deus, vt confundat fortia. In-
ter mulieres autem Christum sequentes,
primo omnium nominatur virgo ma-

ter, ad quam & Christus tertium ver-
bum dixit. Prius autem orauerat pro
crucifixoribus, prius etiam consolatus
fuerat latronem, non quòd matrem as-
stante non videret, aut ipsius angustiam
& immensam tristitiam ignoraret, sed
ne videretur attendere personas & affe-
ctus. Siquidem propter peccatores in
mundum venerat, illique magis indige-
bant, ideo prius illis loquitur. Nunc au-
tem tertio etiam se ad matrem conuer-
tit, ne videretur illam negligere. Cæte-
rùm Ioannes tertium hoc verbum cum
suis circumstantijs admodum dulciter
describit, talibusque verbis vtitur, quæ
verè absconditam habent virtutè, tam-
que potentia sunt ad resoluendum fide-
lium lachrimas in celestem dulcedinem,
vt si etiam durissimus aliquis stupèdæ
passionis Iesu lectionem auditam sic
co corde & vultu pertransierit, tamen
cum ad hæc verba peruentum fuerit, in
quibus recitatur illius benedictæ virgi-
nis iuxta Filij sui crucis statio, morien-
tisque Filij ad matrem respectus & al-
locutio, finalisque illa recommendatio,
ac sanctissimæ illius matris à tanto Fi-
lio separatio, à lachrymis se continere
non possit. Nam singula verba hic pos-
sita, deuotionem augent. Alioqui quid
opus fuisset tam diligenter describere,
& quomodo & vbi steterit virgo ma-
ter: primò enim solet tribulatis refrige-
rio esse amicorum præsentia, dum ab
eis consolatio speratur aliqua. Sicut di-
cit Salomò: Melius est duos esse simul,
quàm vnum. Habent enim emolumen-
tum societatis suæ: si enim vnus ceci-
derit, ab alio fulcietur. Verùm hæc præ-
sentia matris nullum tale attulit emo-
lumentum. Nam tristissima fuit & ma-
tri & Filio pendenti. Deinde quàm mi-
rum & nouum est, quod dicitur: Stabat
iuxta crucem Iesu mater, &c. Quid e-
nim tibi & cruci virgo sancta! Quæ
participatio despectionis loco & Des-
templo! Quæ conuentio aëreæ male-
dictionis & armarij benedictionis! Quis
consensus supplicij malefactorum &
speculi puritatis virginū! Verùm non
simpliciter stabat iuxta crucem, sed iux-
ta crucem Iesu, qui scilicet vnus & idem
ipsi erat Pater & Filius, sponsus & do-
minus, natus eius & Deus eius, & quia
omn

Matt. 9.

Eccle. 4.

Psal. 49.

2. Cor. 1.

omnia in ipso habebat, ipsum relinquere non debebat. Sequebatur igitur vel sola paucis admodum comitata dilectum Filium, quantumvis fugerent discipuli, & insanirent hostes. Sequitur, inquam, & videt quæ aguntur, cum tamē ei nec auxilium nec consolationem præbere posset, nisi lachrymis & compassione tenerrima adiuuari potuisset. Quōdam illum amiserat, non nisi per triduum, & cum mœrore circumiens vicos Hierusalem, inter cognatos & notos, donec inueniret, quæsluit: nunc autem inter notos eum quærere amplius non potuit. Stabant enim omnes noti eius à longè. Materno igitur concepto consilio, dicebat in corde suo: Stabo & expectabo mortis sententiam in dilectum Filium meum, sequar à tergo egredientem de Hierusalem, aspiciam lachrymosis oculis, quo ducatur videbo, quomodo expolietur, cōsiderabo graui corde, quomodo perforent manus eius & pedes, quomodo affigant eum patibulo, erigant in ligno. Et cum omnibus peractis, ipsi recesserint, & procul steterint, non appropinquantēs ei, vt maledicto in ligno pendenti, accedam ego propius & stabo iuxta crucem Iesu mei. Amplectar illud lignum brachijs, rigabo lachrymis, deosculabor labijs, & quia mori nō licet cum eo, suspendam oculos in crucifixo Filio meo. Aspiciam quomodo de hoc mundo exeat, quæ sola vtcunq; noui quomodo in hunc mundum venerit. Non deferam morientem, quem uiuentem nunquam deferui. Verè congreuē ō pia mater ei assististi, ceteris eum relinquentibus. Sic enim & ipse olim dimissis omnibus creaturis, ad te venire dignatus est. Hic est enim indomitus, vnicornis ille, omnibus incomprehensibilis, qui dudum flagitatus & quasi agitur sanctorum patrum desiderijs, seipsum continere non valens, tandem in gremio tuo virgineo captus est. Et ecce vicem reddidisti vtcunq; tali dignationi: Ille se tibi dedit, relinquens omnia, nunc autē omnibus eum relinquentibus, tu bona genitrix permanes, tu stanti in cruce, stando miserandam exhibens societatem, patiens ibi inuisibiliter in corde, quicquid ille visibiliter patiebatur in corpore, Hanc eius ineffabilem tristēque passionem Euangelista subtiliter designans, non nomine proprio eam exprimit, sed nomine pietatis, quod est: Mater eius. Nec poterat efficacius eius dolorem describere, quā sic dicendo: Stabat iuxta crucem mater eius. Hic enim vel maxime experta est, quod ipsi prædixerat Simeon: Tuam ipsius animam pertransibit gladius. Quem enim dolorem partendo euaserrat, hic sub cruce inuenit. Alijs siquidem mulieribus dicitur: In dolore paries filios. At hos quidem dolores Maria non habuit. Verū non ideo sine doloribus fuit. Itaque si nec virgo mater sine cruce fuit, quis nostrum sine cruce esse poterit? Patitur Christus, compatitur mater, & tu non nisi læta quæris: Stabat igitur virgo: non enim tunc primū suū peruenerat, sed egredientem cum cruce secuta fuerat, & interim stabat non longè, sed iuxta crucem, quo declaratur matris constantia & animi fortitudo. Congita ō homo, quantus hic dolor fuerit. Nemo hominum maiorem gratiā accepit, nec quisquam hominum maiorem tristitiæ dolorem sensit, quā virgo mater. Stabat mater animi plena, plena deuotionis affectu: stabat indicibilem flammā amoris secum reuoluens, quā Filius eius ardebat, ardens & ipsa seruire charitatis, se talem & tantum Filium genuisse examinans, qui tales iniurias tam libens condonaret, & tam atrociter iniuriantes etiam excusaret. Stabat considerans filij sui angustias, duras sane & acerbissimas, quibus acerrimē materno cruciabatur affectu, & nihilominus pro sua sapientia & charitatis incendio, considerans vtilitatem humano generi inde prouententem. Deſq; gloriam inde consequuturam. Stabat cum alijs mulieribus & amicis sub cruce tristis & misera, non curans, quod propter Christum filium multa opprobria audire cogeretur: maternus siquidem affectus hæc omnia vincebat. Christus igitur quamuis in immensis angustijs esset, non tamen in hac hora matrem neglexit. Et cum nullum amplius membrum haberet liberum, exceptis oculis & lingua, de viroque tamen seruire matri dignatus est, vtraque ad eam dirigit, aspiciendo scilicet & alloquendo, vt ostenderet, quantū ipsam

ipsam gestaret in corde, & ut ipsa doceret honorandos esse parentes, eorumque curam ad mortem usque habendam. Nam aliàs Christus duriusculè aliquando visus est alloqui matrem, quando scilicet Dei negotium agebatur. Vbi enim Dei negotium agitur, cessare debet & cedere omnis humanus affectus. Hic autem in cruce matrem fideliter & humaniter agnoscit, quando quidem præ oculis pendebat, quod ipsa genuerat. Ideo sequitur:

Cum videret Iesus matrem.]

O verè stupendum visionis miraculum, o gemebundū certamen oculorum, quod vides in oculis Iesu: In vno eodemque tempore, ipsi oculi festinabant ad mortem. Virtus mortis eos claudebat, & impellebat ad defectum: vis amoris eos aperiebat ad matris aspectum. O quam profunde infixus est finalis radius illius visionis in corde tuo o mater sancta, quo te mundi Dominus iam moriens intueri dignatus est. Reuera sagitta fuit quæ non tantum cor tuum vulneravit, sed etiam gladius, qui animæ tuæ intimam penetrauit. O quam plena singultibus, superfusa doloribus, lachrymantibus oculis direxeras sursum, ut in horrendo patibulo Filium simul morientem, & te respicientem videres: Nec solum oculis Christus seruiuit matri, eam aspiciendo, sed etiam lingua eam consolatur.

Mulier, inquit, ecce Filius tuus.]

Mulierē nominat. Primò, ne ipsius dolorem auget; non erat tempus dulciter eam alloquendi, nec matris nomen exprimendi. Quia si dulcius illi locutus fuisset, credo quod cor virginis crepuisset. Deinde mulierem ipsam etiam ideo nominat, ne si matrem vocaret, crucifixoribus animum daret durius contra ipsam agendi. Præterea etiam ideo mulierem ipsam nominat, quia et si nomine virginittatis supra modum laudibus vehenda sit, tamen mulieris nomine maioribus laudibus cumulanda est: nimis fructu dignatus sit, & Testamentum iam olim Abraham factum, per ipsam mundo exposuerit. Hinc est, quod Christus

eam de cruce mulierem vocat: hinc est, quod Angelus benedictam eam inter mulieres pronuntiat: hinc etiam est, quod Paulus dicit. Christum ex muliere factum. Sensus autem verbi est, quasi diceret Christus: Scio mulier anxias tui peccatoris curas, scio inconstitudinem, scio & misericordiam, religionem, charitatemque tuam, scio, & anxie scio: quippe cum doloris mei causa non minima sis, ego tui doloris vnica causa sim. Scio quam obrem aures, vis pietatis vngue me desolant, cogitas desolatum vel præsentia tua solari, optas & mecum commori vel sola mori. Accepta sunt hæc, sed quantum mulcent, tantum vlcérant. Nam & anima tua consolari renuit, nisi me intacto, libero, & tibi reddito: frustra alioqui fomenta sunt omnia, frustra remedia, frustra consolatiunculae, frustra est quicquid tibi offertur. Iam pridem tamen tanto virtutum robore durata, tanto charismatum vnguento peruncta, tantis consummationibus perfecta es, ut sine scelerate atrata, sine squalore lugubris, sine gestuum indecentia amara lenta sis, sine nubilo turberis, sine impietate lugeas, sine pusillanimitate singultias, & quid nisi cum & lachrymans luculenta, & transfossa tot gladiis constansissima, & moriens viua permanens: Proinde mulier fortissima suis temporibus pretio & remuneratione ex vltimis finibus non fraudanda: neque iam debito solatio es destituenda, si tamen ab afflictissimo afflictæ quid remedii afferri potest. Vides quantis tormentis hic pendeas: quot difficultatibus æstues: quibus angoribus mea contabescat virtus: quo pretio, quo impendio peccatorum redimam: qua charitate humanum genus amplectar: Placavi Patris iram, restat, ut etiam te non deseram. Hactenus quidem, charissima genetrix, ab exordio natiuitatis meæ, usque in hanc nouissimam horam, fidelissimam te mihi matrem exhibuisti, omnemque maternum affectum mihi exhibuisti, iamque me moriente, te ab omnibus derelinquendam times: sed noli ob hoc tristari, en adstat Ioannes ille nepos tuus, alioqui tibi mihi iuxta percharus, de hoc tibi omnia bona pollicere. Hic interim tibi erit filius, qui te obseruet, colat, honoret, magnis

Lucæ. 2.
Gala. 4.

Pro. 34

Gen. 22.

magnificetque omnibus diebus vitæ suæ. Ac ne quid de hoc dubites, en ipsum in præsentia alloquar. Hunc igitur quasi me ipsum in famulum, custodem & tutorem trado. Pro sua enim castitate virginali & superangelicæ tuæ puritati conuenit, proque sua fidelitate tibi non minus quàm mihi fideliter & constantissimè adstabit: Mulier igitur ecce filius tuus. Statim autem & discipulum alloquitur:

Ecce (inquit) mater tua.]

Quasi diceret, Egrege quidem hæc nunc, mi Ioannes, vocationi tuæ respondisti: non igitur irremuneratus abibis pro tua singulari in me fide & cōstantia imò excellentioribus donarijs honoraberis, quàm vel precari vel sperare auderes. Orbauit te amor meus dulcissimus, nauicula, parentibus, coniuge, & te ipso, in me spem, curam, sollicitudinēq; omnem iactaras, in me petra securè ædificaras: Nihil hic tā dulce, nec nuptiæ, nec paterna domus, nihil tam graue, quod te à comitatu meo retraheret, per iniquas etiam Pontificum ædes secutus, iamque notissimè cruci compatientissimus astas. Me sequi, meis interesse consortijs, meis parere mandatis, tua voluptas erat. Quare igitur te relinquerem, qui me secutus es? quare non enutrirer, cuius in me tota spes consedit? Nequaquam morte mea spes omnis tua corruet. Non ingratus tibi ero: Ecce mater tua. Dixisti parentibus tuis propter me, Non noui vos: ecce Dei genitrix mater tua. Reliquisti coniugem ancipitis fidei, ecce virginem habes integerrimam. Renuntiasti nauiculæ piscatoriæ, ecce nauem gubernas institutoriam, de longè portatē panem suum. Spreuisti parua, accipies maxima. Respuisti dubia, accipies certa. Inuenisti gratiam in oculis meis, facta est mihi delicatior vitæ tuæ consuetudo. Nullis mysterijs non admissus es. Vidisti in mōte Thabor gloriam: vidisti curatam Iatri filiam: vidisti in horro vesperi, vides & iam miseriam. Heri etiam in cœna super pectus meū recubuisti, & nunc quod dilectissimum in mundo habeo, tuæ fidei commendo. Ecce mater tua. Vides me morti propinquū, vides ma-

Pro. 31.

trem desolatam, vides multos esse aduersarios, eam igitur assigno, commendo, & tuam facio: Ecce quæ mea, iā tua mater est. Tu igitur, quod filium decet, eam serua, foue, dilige, ministra. Si eam agnosceis matrem, ego te agnoscam fratrem. Hactenus Christus matrem consolatus est, quo verbo suam & dilectionem & curam ostendit erga matrem, ad exemplum nostrum. Nec vsquam clarius exemplum de honore & cura parentibus exhibendis inuenies, quàm hic, quamuis reuera non iniqua quidem, sed admodum inæqualis commutatio hæc sit, quod virgini matri pro Iesu datur Ioannes, pro domino seruus, pro magistro discipulus, denique Filius Zebedæi pro filio Dei: nec dubium, quā magnis doloribus verbum hoc piam matrem affecerit, interim tamen fide persistit immobilis. Cæterum quod Christus moriturus tam officiosè matrem discipulo cōmendat, non sine mysterio factum est. Maria Ecclesiam significat, quæ Ioanni creditur ministro. Accipit autem Ioannes Ecclesiam in sua, quando illi verbo Dei præest: Christus verò anteponit Ecclesiam ministro, nam sic ait: Qui maior est vestrum, sit tanquā minister. Et Paulus: Sic nos existimet hominibus, ut ministros Dei & dispensatores, &c. Porro nemo se ministrum Mariæ, hoc est, Ecclesiæ ingerat, nisi illi à Deo cura illius committatur: Vocatis (inquit) seruis dedit eis pecuniam ad negotiandum. Et nemo sibi assumere debet honorē hunc, sed qui vocatur tanquā Aaron. Curet autem minister Ecclesiæ, ut sit Ioānes, hoc est, ut gratiā Dei, ne dum verbo & nomine, sed etiam re ipsa exprimat. Deinde in hac commendatione matris Christi in curā Ioannis, Christus allusit ad spiritualem illam cognationem, quæ inter fideles esse debet in Ecclesia. Imò eam hic instituit, qua scilicet quilibet alteri debet esse pater, mater, frater, soror, &c. quemadmodum Paulus scribit Timotheo, ut senes colat ut patres, anus & matres, adolescentulas, ut sorores, &c. Sicut igitur Ioānes post hanc Christi commendationem virginem Mariā potuit dicere matrē suam, sic & nos possumus eam vocare matrem, quandoquidem Christum nobis fratrem

Mat. 19
Co. 11

Luc. 11
Hebr. 9

Tim. 1

fratrē genuit. Et sicut Ioannes Petrum potuit appellare fratrem, sic & nos possumus. Hæc est Christiana fraternitas, & spiritualis nostra cognatio, quæ & magnam nobis dat consolationē. Hinc enim videmus, quod etiā sancti ad nos pertineant, & nos ad ipsos. Ipsi nos agnoscunt, amant, agnoscamus & nos illos, &c.

Et ex illa hora accepit eam discipulus in sua.

Matt. 19. Non quod proprium quid habuerit (nam omnia reliquerant Apostoli, & quæ habebant omnibus communia erant, Acto. 4.) sed quod eam accepit in suam curam, et post hæc ministravit, ut filius matri. Suscepit eam in sua, non prædia, quæ nulla possidebat: sed officia, quæ propria dispensatione exequenda curabat. Hæc Augustinus.

Postea sciens Iesus, quod omnia cōsummata essent.

Solent desolati homines, quocunque se vertant, auxilium quærere & sublevationem, sic Christus supra circa exordium passionis, ex prævisione & imaginatione eorum, quæ passurus erat, quasi in agoniam & mortis angustiam deveniens, nunc quidem ad Deum currit per orationem, nunc ad discipulos redit, vtrinque quærens consolationem: sic & hic cum se sensisset à Deo derelictum esse, vel ab hominibus aliqualem refocillationem, maxime in potu, quærens. Inter cibi enim & potus inopiam, magis urget sitis, præsertim defectos, qui nonnunquam paucis guttulis refocillantur. Itaque dixit.

Sitio.

Gene. 3. Ultimo loco Christus vexatur in gustu, sicut Eva ultimò peccavit in gustu. Antequam enim fructum vetitum gustaret, iam peccaverat concupiscendo, & manum extendendo. Fuit autem hæc Christi sitis partim naturalis, partim mystica. Nam & nimium laboraverat, & multum sanguinem fuderat, denique etiam nudus solis ardoribus & vento in cruce pēdens expositus erat. Vnde non dubium, quin gravissima sit laboraret, quod vel ex eo patet,

quod omnium dolorum suorum oblitus, sitis suæ acrimoniam querula supplicatione egerrimè indicat, quanquam etiam hoc non tam ad refocillandam sitim, quàm ad impletionem scripturæ fecerit & dixerit.

Ut impleretur (inquit) scriptura.]

Ad hæc spiritualiter etiam sitiebat salutem nostram. Desiderabat enim vel morte sua Diabolum vincere, hominemque liberare, & hanc quidem sitim semper habuit: nunc autem in passione vel maxime manifestabat eam. Hic enim verè apparet, quod ardentè sitiebat salutem nostram, quamvis hoc ipsum aliàs omnia etiam eius opera testentur. Est igitur sensus huius verbi, quasi diceret: Cum vester ego, salutis quæ vestræ sitientissimus amator, fratres charissimi, ob amorem salutis quæ vestram à Deo meo derelictus sim, iussit & cogit charitatis feruor indagare, an vel apud vos misericordiæ locus pateat, qui mihi amplissimis beneficiis obvincti estis, & quos tam inæstimabili pretio comparavi. Charitas, inquam, & ipsa etiam necessitas me cogunt, vos rogare & perentare, quam gratiam mihi pro tantis doloribus vestri causa susceptis, repensuri sitis. Non in has ærumnas meas vos aduoco, nulum sanguinis viræque dispendium propono, non aurum, non argentum, non quicquam pretiosum, quod magnis sudoribus partum sit, desidero & quæro, imò valde exiguum est, & facile parari potest, natura denique omnibus commune est, quod inter ultima vitæ discrimina indigus obsecro: Sitio, sitim indico, & indicando potum supplex deosco. Sitio, pauxillum frigidioris aquæ peto, quid minus peti potest? quid indignius denegabitur? Sitio, tantum peto aquæ, quantum vel sudoris vel sanguinis pro salute vestra profudi, imò nec tantum, sed admodum parum peto. Sitio, in somnem egi noctem, laborem, cruciatum, itinere, verberibus, vulneribusque: sanguis, humor vitalis, omnesque vires meæ extenuatæ & exhaustæ sunt. Factum est cor meum tanquam cera liquefens in medio ventris mei: Aruit tanquam testa virtus mea:

AAa Adhæc

Psalm. 21.

Adhæsit lingua mea faucibus meis: Os
 sa mea sicut cremum aruerunt: Expan
 di manus meas tota die, anima mea si
 cut terra sine aqua. Sitio, vitæ proroga
 tionem non oro, nec mortē, nec crucem,
 nec quæcunque alia tormentorum ge
 nera deprecor, tantummodo succurrere
 siti: Nemōne ex tanto numero est, qui
 misereatur, & animam meam refocillet,
 & tamen nō cum periculo ex castris Phi
 listinorum aqua adferenda est, nec chaos
 aliquod magnum inter vos & me firma
 tum est: non est magna distantia, facile
 potestis mihi in hoc subuenire. Sitio,
 non tamen solū corpore, sed etiam, imō
 plus animo. Tuam enim salutem, o ho
 mo, magis q̄ aquam desidero, tuamque
 redemptionem magis q̄ meā refocilla
 tionem. Te, inquā, sitio, nec solū gusta
 re, sed totum intra viscera mea haustu
 charitatis sorbere & attrahere cupio.
 Pro hac siti restinguēda, tātum itineris
 emensus, tot labores adi, tot cruciatus
 pertuli, & ne quid tuæ saluti desit, mil
 le adhuc id genus tormenta sitio. Ecce
 tēpus adest, vt deficiat virtus mea. Ne
 ergo cupitis frauder desiderijs, noli ho
 mo cor tuū hodie obdurare, sed suscipe
 sanctæ dilectionis ignē, qui suo ardore
 frate coquat, vt castos edas gemitus, &
 largas fundas lachrymas: his me pascito.
 Non multa peto, imō parua etiā abun
 dantissimē remunero, nec frigidā lachry
 mulā, nec desiderium paupertatis asper
 nor. Hæc mea vespertina precatio est,
 hæc post Dei mei charitatem cura vni
 ca, vt te quæram, te amem, te sitiam. Si
 tio præterea, vt & vos hanc meam sitia
 ris sitim, hoc est, quemadmodū ego vos
 dilexi, ita & mutuo vos amore flagre
 tis, quo nihil apud me sanctius, adeo vt
 pastor bonus solo charitatis impulsu
 pro vobis animā ponā. Postremo sitio,
 nepe caput ego & cor omnī mēbrorū
 meorum siti laboro: neq̄ enim parū me
 meorū miseria affligit, quā cum in nubi
 bus cæli venero in maiestate & gloria,
 non minus quā meam malis impro
 perabo, dicens: Sitiui, & non dedistis mi
 hi bibere. Quod enim vni ex minimis
 meis feceritis, mihi factum existimate.
 Tunc igitur meam sitim restingues, o
 homo, si famelicos meos cibaueris, si
 tuculosos potaueris, nudos amicies,

vagos colliges hospitio, egros captiuos
 que inuiseris, soleris, liberaueris. Tunc
 meam sitim restingues, si ignorantibus
 lac eruditionis propinaueris, panem do
 ctrinæ fregeris, peccātes corripueris, de
 bita iniuriasque fratrum remisieris, mo
 rositates morbosque aliorum patienter
 tuleris, precibusq̄ puris adiuueris. Hæc
 mea sitis quæ in membris meis disper
 sa est, in me autem collecta. Hanc sine
 aceto tristitiæ, sine felle liuoris sedare.
 Admonet vos sitis illa mea, tam multi
 plex & copiosa retributio mēsuræ, quæ
 vobis remetior. O homo, sitio. Hactē
 nus quidem Christus. Sed quidnam hoc
 verbo impetrauit? Audi:

Vas, inquit, positum erat aceto plenum,
Eccl.

O insatiabilem furorē. Sic impij nun
 quam satiantur in persequendis bonis.
 Acerum igitur Christo dant, quod & fo
 ris cadens læderet, ori & siti non satis
 faceret, gustum exacerbarer, denique &
 interiora molestatet & excruciet. Hæc
 fuit refocillatio Christi in tantis labo
 ribus & pœnis. Nemo vnquam tam ob
 noxtus fuit damnationi, cui non saltem
 particula impenderetur miserationis,
 maximē post datam & acceptam senten
 tiam mortis: Domino autem factori om
 nium simpliciter nihil relinquitur
 pietatis. Omnia in extremis aguntur,
 quia traditus erat voluntati eorum. Sic
 igitur fons vitæ aruit: qui dicit: Si quis
 sitit, veniat ad me. Sic qui terram ro
 re & pluuiā inebriat, & vniuersa potat,
 sitit, & aquæ gutta ei negatur. Sic Chri
 stus tam durē satisfecit pro nostra cra
 pula & ebrietate. Sic, inquā, in omni
 bus sensibus passus est, vt homo totus
 redimeretur. Sic mundus tractat pios in
 necessitate. Cæterum acetum illud pul
 chrē indicat amaritudinē cordis Iudæo
 rum, itemque impletatem. Sicut enim
 acetum, vinum fuit, sed degenerauit, sic
 Iudæi degenerauerant: Vineam meam
 lecta, inquit, quomodo conuersa es mi
 hi in amaritudinem? Item, Expectaui vt
 facerent vvas, fecerunt autem labruscas.
 Illud autem mirandum in illis Do
 minicæ mortis ministris, imō in illis
 in quo cuncta hæc disposita erant, diu
 nitatis consilio, quod tam ordinare
 tamque

Ioan. 10.

Mat. 25

tamque integrè cuncta egerint, ac si se iurauissent in illo implere cunctas voces Prophetarum. Vnde & hic dicitur.

Vt impleretur scriptura.]

Pal. 68. Nempe illa, quæ dicit: Et dederunt in escam meam fel, & in siti mea potauerunt me aceto. Sequitur:

Et quæ accepisset Iesus acetum, dixit, Consummatum est.]

Multa adhuc restabant complenda, nempe mors, lateris apertio, sepultura, inferni destructio, quæ & ipsa in scripturis prædicta erant, verum, quia iam erat in opere consummationis, ideo dixit: Consummatum est. Restabat & resurrectio, ascensio, & Spiritus sancti missio: verum ista ad victoriam pertinent, non ad certamen, præmia sunt pugnae, non labores. Hoc igitur sexto verbo Christi vel maximè Diabolus percellit & fulminat, id ipsum tamen ad consolationem nostram. Est enim sensus quasi diceret: Imple venator animarum, frustra hic insidias tendis, nihil nisi confusio nem & ignominiam reportabis. Hactenus nihil non fecisti, vt me perderes: nunc autem & deinceps nihil amplius in me proficiet fraudulentæ tuæ superpellex, nihil mihi nocebunt vlla illa tua arma, nullæ artes. Intendisti arcum tuum, seminasti inuidiæ zizaniam, plantasti ingrati tudinis spinam, concitasti populi furorem, excæcasti iudices, animasti carnifices, consummasti omnem malitiam: instinctu tuo Deum prodidit discipulus, despexerunt amici, crucifixerunt milites: iam vacuata pharetra est tua: Aperuisti lacum quem effodisti, sed incidet in eum: In verticem tuum iniq uitas tua descendet. Nedum enim nihil habebis in me, sed etiã multa millia per me amittes, virtus tua extenuabitur, regnum tuum vastabitur, nequitia consummabitur. Vincet sapientia tuã malitia. Ecce enim per me iam consummatum est (laus Deo) quicquid Pater statuit, perpeßum est quicquid lex & Prophetæ prædixerunt, quicquid humanæ salutis necessariũ vel conducibile fuerat. Sacrificiũ factũ, figuræ impletæ, vmbre sublatae sunt: consummatum est Patris præceptũ, consummata est scriptura, con

summata est tua potestas, qua in hominẽ vsus fuisti: imò abusus: consummata est Iudæorũ ira & violẽtia in me, consummata est malitia, ad summũ vsq; peruenit, vt maior ne cogitari quidẽ possit, consummata est iustitia & charitas, nã & ipsa ad summũ peruenit: consummatũ est sacrificiũ, quo solo Deus placari potuit. Deniq; omnia iã parata sunt, finem habet peccatum, iã orietur iustitia sempiterna: finẽ habet lex, succedet Euangelium: iam redemptus est homo, & Deo reconciliatus. Nihil prætermissum est, nihil non strenuẽ peractũ, nihil me prepedire potuit aut retrahere, quo minus consummaretur mysteriũ humanæ redemptionis. Iam finem habet regnum tuum, incipiet regnum Christi & Dei. Deinceps non adeo formidabilis eris, neque tãtæ potestatis super terrã: Non timebit te, o Assur, populus habitator Sion: Leuabũt etiam pueri virgas, percutient & flagellabũt te. Fide enim mea confirmati, nihil tua pertimescent tentamẽta, imò te totum obterent & cõculcabunt, quia consummatũ est. Hoc verbo Christi confirmatur nostra fides contra omnes hereticos, & Antichristũ etiã ipsum. Hoc verbo licebit nobis gloriari contra omnes aduersarios, quocunq; nomine vocentur. Si enim peccati libidine tentamur, si mors, si infernus irruerint, obijciendum est: Quid tu nunc insanis? Nõne audis paratã esse victoriam? & consummata esse omnia? Nã vt maximè illa etiam nunc sentiantur, sunt tamen veluti serpens sine veneno, & apis sine aculeo. Licet igitur confidenter dicere: Absorpta est mors in victoria. Vbi est mors victoria tua? &c. Ad hæc, quum antea per legem incerti essemus de futuro hospitio post hãc vitam, imò certi essemus in infernum nos tradendos: nunc per hãc consummationem certi effecti sumus, hospitium nostrum esse cælum, si modo per fidem Christo insiti fuerimus. Cæterum consummata omnia dicebat esse Christus eo modo, quo agnus dicitur occisus ab exordio mundi: non quòd tunc manifestè occidebatur, sed quòd occisio Christi semel facta, sparsa est antrosum vsq; ad ipsum Adã, & retrorsum spargetur vsq; ad consummationem sæculi.

Rom. 5. Sic & nostra salus consummata est, nō dum plenē in re, sed in spe. Cœptus est enim iustificari & sanari homo, interim autem dum iustificatur & sanatur, non imputatur illi quod reliquū est in carne peccatum propter Christū, qui cū sit sine omni peccato, iam vnum cū homine factus, interpellat pro eo apud Patrem. Nihil igitur damnationis est his, qui sunt in Christo Iesu, &c. Post illud autem verbum, quo dicitur: Consummatum est, non expectent Iudæi alium, qui plura faciat, quā Christus fecit: Sequitur:

Et inclinato capite tradidit spiritum.]

Caput inclinavit, quasi valefaciens mundo, itemque per hoc nos etiam consolari voluit, ut sciamus eum non aversum à nobis. Sighanter autem non dicitur mortuus esse, sed tradidisse spiritum, quia potestatem habuit ponendi animam suam. Deinde etiam ideo dicitur tradidisse spiritum, ut sciamus animas nostras carne solutas, tanquam in manus charissimi Patris, diuinæ bonitati commendari, id quod summè nos consolatur. Sic igitur innocens Abel à fratre occisus fuit, sic Isaac immolatus, sic Ioseph ab adultera pallio carnis spoliatus, ad paternum refugium nudus au fugit, sic summus sacerdos noster sacrificium vespertinum consummauit, sic vita mundi mortua est, origo veri luminis extincta est, sic fons omnis vitæ, in quo omnia viuunt, defecit, ut morti obnoxios liberaret, sic cœlestē illud con nubium sanctissimæ animæ carnisque mundissimæ, per gladium mortis dissolutum est, ut nos damnati reuocaremur ad indissolubile vnionem beatitudinis suæ. Sic organū diuinitatis, cythara veri David, dulcissima vox Iesu cōticuit diræ mortis silētio, sic cœlestia illa lumina oculorum gratiosissimorum obscurantur in morte, sic pectus sacratissimū sapientiæ æternæ & thesaurorū gratiæ contentium priuatur vita, sic Christus tanto pretio, quo inter creaturas nihil maius, peccata nostra redemit, sic Patri tali obedientia vsq; ad mortem, pro nostra inobediētia satisfecit. O quātus dolor, ubi sanctissima illa anima, corpori indissolubili vinculo dilectionis vnita, ab eo debebat violēta morte separari, & illa vita sanctissima mori. Nūquam mors vlla fuit acerbior, quā nullus tam perceptibiliter eā persensit. Væ igitur tibi impla synagoga, quæ omni fera crudelior, vitā deuorasti Iesu, qui tibi Pater & spūs, à paterna pietate transmissus fuit. O quā dura erit accusatio tua, laceratio corporis Christi. Sed & væ tibi cor ingrātū, omni lapide durius, quod ad tāti piaculi recordationē non scinderis, quā disstrictè requireretur sanguis ille innocens à te. Hic igitur, o homo, o genus Adæ, tunde pectus tuum, & hanc mortem considera: hic summū bonum pendet in cruce: hic nudā se videri sine æterna sapientia: hic lignum portat thesaurum, pretium totius mūdi: hic moritur filius Dei. O peccatores, hic, inquit, moritur filius altissimi, Rex cæli & Dominus terræ, & moritur in cruce vt malefactor, in medio latronū, in summa miseria, angustia & ignominia. Ad hanc tā indigna, o filij hominū, nos perduximus iustū hūc, peccata nostra causa fuerunt magnæ huius passionis. Hic verificatur verbum sacramenti: Hoc est corpus meū, quod pro vobis tradetur: Hic est sanguis meus, qui effundetur pro multis in remissionem peccatorū. Hic iam intelligis, quid sibi voluerit Christus his sacro sanctis verbis, quando omnia hic oculis videntur. Hic fundatus est articulus sanctissimæ fidei nostræ: passus sub Pontio Pilato, crucifixus, mortuus & sepultus. Hæc cogita homo, hæc cor di imprime, ut experiatur interiora tua, quomodo nos homines, nos peccatores, huius mortis rei simus. Nos, inquam, oportebat in cruce pendere & mori, imò in inferno æternaliter comburi: at pñssim⁹ ille Dominus noster in mundum veniens, dixit: Ego in cruce pendere debo, & moriar pro omnibus hominibus: Me accipite, me percutite vt pastor rem, oues autem dimitтите: Ego soluam quod nō debeo, ego aliena debita in me recipiam, ego omnia cōplanabo, ego pacē restituā, & oīa ad bonū finē perducā. Hæc cogitare fideles, placeat vobis, imò magni æstimate hoc Christi ministeriū: Hæc enim mors est vita nostra. Sic mori nobis est viuere, mortē euadere: hæc infirmitas, virtus, & fortitudo nostra est: hæc

hæc vulnera & liores, sanitas nostra sunt: hæc maledictio, est nobis benedictio: hæc ignominia, est nostra gloria: hæc crux est cæleste palatium nostrum: hi clauis, salus nostra sunt. Leuate corda vestra, o fideles, leuate corda in considerationem mirabilium horum. Ortum fuerat bellum inter Christum & diabolum, pugna facta est, victoria parta per Christum. Agamus igitur ei gratias, qui per immensam charitatem suam nos tam laboriosè redimere voluit. Circa hæc autem expirationem Christi, primò vides verum esse, quod in Ioanne prædixit: *Potestatem habeo ponendi animam meam.* Secundò vides hic, Dei opera esse supra rationem. Quis enim audiens, Christum esse Filium Dei, vidensq; tanta eius miracula, quæ prius fecit, credere vnquam posset, Deum vsque adeò impijs conntuere, vt tantum virum trucidet? Rursus, quis videns hunc tam turpiter mori, crederet tunc veram vitam initium suum habuisse? Sed hæc est antiqua Dei operum consuetudo, vt sub alieno & aduerso opere suum opus promoueat. Volebat quidem Deus ingentes ramos ex hac Christi arbore producere, volebat Ecclesiam edificare & viuificare: accipit igitur alienum à vita opus, quod est mors, & ex ipsa Ecclesiam viuificauit. Huc pertinet & illud: *Nisi granum frumenti mortuum fuerit, nullum fructum affert.* Non apparuit quidem tunc Christo adhuc in ligno pendente, Ecclesiæ edificium: nihil enim hic vides, nisi mortem & sepulturam, quemadmodum nec initio semetis, apparet futurus fructus. Sed vt æstatis tempore fructus seminis erumpit, ita post resurrectionem ex arido Christo prorupit viuia Ecclesia. Tertiò circa expirationem Christi diligenter cogitandum, quæ nos supplicia mansura sint, si in impletate perseuermus, quandoquidè De⁹ innocentem Filium propter peccata aliena tam inclementer tractari permiserit. Filia Hierusalem, inquit, nolite flere super me, sed super vos, id est, ex meo supplicio discite, quid vos commeriti sitis. Si hoc in me insonte fit, quid vobis fontibus fiet?

Judei ergo, quoniam Parasceue, &c.] De morte Domini Iesu satis audis.

uimus: restat ipsius sepultura, quam Iudei quidem attentabant. Verum Deus eam sanctis & pijs hominibus reseruauerat adimplendam. Erat ipsa dies, quæ hæc facta erant, Parasceue, id est, præparatoria dies ad sabbatum sequens, quod dicebatur sabbatum Paschæ, quia intra hebdomadam Paschalem incidere rat, vnde & celebrius habebatur, quam alia sabbata: hoc Euangelista quoque ostendit, quum dicit:

Erat enim magnus ille dies sabbati.]

Dupliciter enim festiuus erat, tum propter sabbatum, tum propter hebdomadam Paschalem: quæ tota festiua erat. Instante igitur hoc sabbato, indignum videbatur sanguinarijs illis, si corpora occisorum ante portas omnium oculis opposita essent. Ne igitur festi religio tam lugubri spectaculo obnubilaretur, volebant, vt ante exordium festi quoquo modo tollerentur. Verè peruersa & præpositera religio, quod intendunt festum tam sanctè celebrare, cuius profestum tanta impletate inquinauerant. Volebant legem seruare, & iam dominum legis occiderant. Lex autè, quæ iam teneri volebāt, hæc erat, Vbi Dominus præcepit cruci affixos eadem nocte sepelire. Hæc lex vel maximè propter Christum data erat. Propter istum enim vnum tunc crucifigendum, lex digito Dei scripta, omnibus crucifixis, vt sepeliretur eadè die, prouidit, quum de alijs qui vi occiderentur, nihil tale mandatum esset. Et poterat quidem Deus corpus Christi etiam insepultum custodire à quacunque ignominia vel violentia. Verum sic expediebat corporibus sanctorum, vt eis hoc corpus Christi mortui coniungeretur in sepulchris, per quod resurrectionem consequi possent. Nam sicut animam Christi ad inferos descendere expediebat, ad liberandas animas patrum: sic & ad corpora eorum corpus ipse peruenire oportebat, vt illa resuscitaret, sicque perfecta resurrectio sperari posset. Hanc igitur legem nunc præstendunt impij, iam & religionem festi cogitant, quasi hactenus omnia rectè fecissent. Sic enim hypocritæ solas cæremonias attendunt, interim

AAa ij *malora*

Mat. 25. maiora iustitiæ relinquant, ac omnia sibi salua esse putant, quantumcunque peccent, dummodo caeremoniarum nihil omittant. Sic hi legem illam, quæ tantummodo ciuilitatis & humanitatis erat, summo studio obseruant, interim totam altoqui legem præuaricantes. Quis autem hos non sanctos dixisset? Quis potuisset ex tanta illius legis obseruantia suspicari, ipsos Christum contra legem occidisse? Verum sic solet hypocritis suas palliare impietates.

Rogauerunt Pilatum, vt frangerentur eorum crura, &c.]

Hoc prætendebant coram Pilato, verum aliud ipsos mordebat: Timebāt, ne propter signa, quæ fiebant in morte Christi, populus facti poenitens, crederet in Christum. Audiebant enim iam tunc varia hominum iudicia de Christo & miraculis eius, ideo tollere & sepelire eum festinant. Sperabant enim omnem eius memoriam perituram, si ab oculis hominū tolleretur, neminemque amplius futurum, qui necem tanti hominis illis exprobraret: Sed frustra laborāt. Nec enim vel Christi gloriam, vel suam infamiam occultare potuerūt. Cæterum impij ab impio iudice facile impetrant quod volūt. Sequitur enim:

Venerunt ergo milites, & primi quidem frangerunt crura, &c.]

Ad sunt impij milites Iudæis gratificaturi, & pendentibus latronibus crura confringunt, iamque etiam percussuri erant Christi corpus, quum vident eum iam mortuum esse, quæ res ipsos repressit, non misericordia. Nec enim opus erat, vt super dolorem vulnerū eius quicquam apponerent, in quo iam sensuum nihil restabat. Sicut autē Christus, quamuis mortuus sit, ossa tamen eius non confringuntur: sic pii affliguntur quidē, sed non perduntur, & quemadmodum omnes capilli eorum numerati sunt, sic & omnia ossa eorum custodiuntur, vt illis nihil accidere possit citra bonā Dei voluntatem. Ideo autē Christus crura sibi frangi noluit, quia ossa, quæ in scripturis mysticè virtutes & fortitudinem significāt, nihil nobis mysterij prædicarent, in eo quod frangerentur: sed e contra in eo,

quod crura illius integra permanserunt, illud nobis significatur, quod vniuersæ viæ eius (quæ per crura designantur in Canticis) rectæ & inuolabiles sunt. Cæterum quantumuis causam non haberent confringendi ossa Christi, vt qui mortuus esset:

Vnus tamen militum lancea latus eius aperuit.]

Hoc quamuis à Pilato commissum non erat, tamen Deo disponēte factum est, tum vt scriptura Zachariæ, quæ paulo post citabitur, impleretur: tum vt figura dormientis Adæ exprimeretur, cui dormienti costa ablata, in mulierem formata fuit. Signanter autē latus Christi non vulneratum, sed apertum fuisse dicitur, vt sciamus nobis viam apertam esse ad cor Domini. Hoc enim est refugium nostrum, vt in cauernā huius penetra nos abscondamus: illic enim & non alibi tuti erimus. Item apertio huius lateris significat apertā nobis esse ianuam vitæ, vnde Sacramenta nobis profluxerunt, sine quibus nemo ad veram vitam peruenire potest. Sicut enim ex latere Adæ dormientis formata fuit Eva: sic ex latere Christi in cruce morientis formata est Ecclesia. Ideo & hic dicitur, quod transfixo latere Christi:

Continuò exiuit sanguis & aqua.]

Hic autē effluxus & miraculosè contigit, & magnum mysterium præfigurauit. Sanguine enim redimimur, aqua abluimur. Tam redemptionē igitur quam abluionē nobis attulit mors Christi. Obseruandum autē, quod nec solus sanguis, nec sola aqua exiuit. Nihil enim posset aqua sine sanguine, nec quicquā prodesset nos redēptos esse, si permaneremus, quales prius eramus, & non etiam ablueremur. Vt ergo esset vnde à peccatis lauaremur, aqua, quæ corporales tantum abluit sordes, sanguini, qui est pretium nostræ redemptionis sociata est, & ex eius societate virtutem sumpsit, vt ad abluēdas inuisibiles sordes peccatorum, digna sit sancto cooperari spiritu. Hoc est quod Propheta prædixit. Erit fons patens domui Dauid, in Zachariæ. Vbi per peccatorē intelligitur Gentilis populus: per menstruam autem Iudæam.

Mat. 10.
Plal. 33.

Iudaicus, qui in legem peccauit. Sanguis igitur & aqua, duo certissima fidei nostrae & Ecclesiae Sacramenta sunt, nempe: Missa & Baptismus. Sanguis effusus est in remissionem peccatorum: & Baptismus institutus est in remissionem peccatorum: tam magna salus ex hoc vultu Domini nobis profluxit. Per hanc enim duo Ecclesia aedificata est. Nam per aquam regeneramur: sanguine nutritur. Vel aliter, duo haec, sanguis scilicet & aqua, significant & vitam & consolationem nobis: passionem Christi profluxisse. Sanguini enim inest vita, & aqua in scripturis plerumque consolationem significat. Confirmamur igitur non solum dum viuimus, sed etiam dum morimur, ut credamus & in morte vitam esse, & vitam nostram in Deo absconditam esse. Merito igitur hic exclamat Augustinus: O mors, unde mortui reuiuiscunt. Quid isto sanguine mundius? Quid vulnere isto salubrius? Cur autem hoc factum sit, ut & Christo ossa confracta non sint, tamen latus eius apertum fuit, Ioannes duo testimonia adfert: alterum ex lege, alterum ex Prophetis. Primum autem suo ipsius testimonio affirmat, haec ita se habere, ut cui incredibile videretur, quod dixit de effusione sanguinis & aquae: latere Christi mortui. Est enim contra naturam, quod sanguis & aqua profluant ex latere hominis mortui, ideo Ioannes dicit:

Et qui vidit, testimonium perhibuit.]

Quod autem verum sit testimonium eius, patet ex eo, quod non tantum gloriosa, sed etiam humilia de Christo haec tenus scripsit. Alia autem duo testimonia adducit. Ut in ore duorum aut trium testimonium stet omne verbum. Testimonium legis est:

Os non comminuetis ex eo.]

Nep̄e ex agno Paschali, Et quis est ille agnus, nisi crucifixus, & immolatus in cruce Iesus? Hic enim est Pascha nostrum, ut Paulus ait. Ex hac autem citatione manifeste patet, Ioannem non tam historiam voluisse recensere, quam monere, quid significaret haec historia, quod scilicet hic Iesus verum Pascha fuit per agnum legalem significatus. Iam vero & haec

scriptura etiam nos confirmat, quod scilicet ossa agni Paschalis non confringuntur. Potestas siquidem tenebrarum facere quidem potest in Christum, eate nus, ut vitam & gloriam ei eripiat coram mundo: Porro ossa, id est, vitam & gloriam coram Deo eripere non potest. Idem fit in omnibus sanctis: scilicet impii quantūlibet volunt, tamen ossa piorum non conterent, id est, nulla vis tanta erit, quam fides non superet: Est enim virtus Dei ad salutem omni credenti. Testimonium alterum est Zacharia sumptum est:

Videbunt (inquit) in quem transfixerunt.]

Et hoc quidem primo ad pios referatur, qui Christum crucifixum intuentur, & agnoscunt se peccatis suis ipsum confixisse. Huc pertinet & illud eiusdem Zachariae: Aspicient, inquit, in eum, quem confixerunt, & plangent eum quasi planctu super unigenitum, &c. Potest autem locus hic citatus etiam ad impios referri, & tunc eadem erit sententia cum eo, quod alibi dicitur: Mea est vindicta, & ego retribuam. Cum enim ultio diuina in longum se differat, voluit Dominus his & similibus verbis ostendere, impios quidem in hoc mundo praeualere & superiores esse, sed ita, ut suo se iugulent gladio. Quod magis enim in suis conatibus prosperantur, eo iustiores suam causam arbitrantur. Excecati igitur in grauitissimum Dei iudicium ruunt. Quae admodum enim in somno accidere solent, ubi quis somniat pugno se hostem petere: excitatus autem sentit, quod se suis ipsis pugnis percussit: Ita qui pio iniurias infert, videtur quidem esse superior, vel propter ipsius imbecillitatem, vel propterea, quod ultio in longum differatur: si vero rem bene consideres, suo se gladio ferit. Pharaon Israelitas oppressus sit, at si verius loquaris, eo facto seipsum oppressit. Saul Dauidem persecutus est, at verius dixeris, quod seipsum eo facto persecutus sit. Iudaei Christum transfixerunt, at reuera sua ipsorum corda transfixerunt. Iuxta illud: Qui in altum mittit lapidem, recidet in caput eius. Videbunt igitur impii in quem confixerunt, nempe quod non iustos, sed seipsos occiderunt & damnarunt.

AAa iiij Post

Rom. 1

Zac. 13

Deu. 32

Ecc. 47

Post hæc autem rogauit Pilatum Ioseph, &c.]

Aderat tempus, vt sepeliretur corpus Christi. Non tamen videbatur quenquã hoc facile ausurum, propter rabiem Iudeorũ. Et ecce hic se offerunt duo quasi ex improviso, verũ non sine Dei consilio & præordinatione. Diligenter autem Euangelistæ describunt & personã vtriusq; & studium in sepeliendo Christo. Erat enim & est res vt non sine periculo, sic notatu dignissima ad exemplũ nostrum. Primus igitur Ioseph dicebatur, à ciuitate Arimathia oriundus. Erat autem hic Ioseph & honestus, & iustus, & diues, quæ tria pulchrè quidem simul stant, verũ raro simul inueniuntur. Nicodemus non tanta laude hic insignitur, quia aliàs in Euangelio eius non semel mentio fit. Fuit autem hic legisperitus: ille autem, nempe Ioseph, senator. In hoc concordabant, quod vterq; Christi doctrinam amabat, eamque verbum Dei esse iudicabant, malebant tamen oculis, quàm publicè discipuli Christi esse: hoc nimirum in ipsis fecerunt & diuitiæ & gloria, quibus præ alijs conspiciuerant, quas relinquere nolebãt, cùm tamen interim nec doctrinã Christi abijcere cogitarent. Quod autem vterque Christum dilexerit, facta ipsorum probant. Nam & Nicodemus olim Christũ defenderat in concilio Phariseorum, & Ioseph apertè nolebat consentire in

Joan. 7. necem Christi. Fuerunt reuera iusti homines, magnis donis naturæ præditi, in quibus & spiritus Domini iam scintillabat. Quorum vtinam multi nunc similes essent in concilijs, comitijs, conuentibus, capitulis, qui malis obssisterent, vt vel id facerent, quod duo illi fecerunt. Diligenter igitur considerandæ sunt hæc duæ personæ. Hic enim primò vides mus, quod nullum tempus tam malum est, quin Dominus suos seruet & liberet, vt saltem aliqui boni remaneant. Sic tempore Heliae, cùm omnia plena essent idolis & falsis cultibus, reseruauit tamẽ Deus sibi septem millia virorum, qui non curuauerãt genua ante Baal. Ita & mortis Christi tempore omnia plena erant scandalo, impietate & diffidentia in Christum. Alij enim impiè conuulsi

bantur, alijs abnegabant, alijs scandalizati de ipso tam turpiter mortuo, nihil amplius boni vel suspicabantur. Duo autẽ illi, Ioseph & Nicodemus prodũt se hoc loco, qui nihil moti aliorum vel impietate, vel diffidentia, in fide perstiterunt. Admiranda certè horum fides fuit, id quod ex antithesi manifestũ sit. Ambo erant diuites, ambo potentes, ambo iusti coram mundo habiti: hic senator, ille Phariseus. Omnia tamen hæc, diuitiæ, potentia & existimatio, itemq; dignitates mūdane ab ipsis negliguntur, & vt Christo etiã mortuo inferuiãt, periculo exponuntur. Quis eos huc coëgit? Nũc amicitia in Iesum? At amicitia ciuiliis tantũ vsq; ad aras durat. Sola igitur fide huc perducti sunt, quæ tantæ est potentie, vt credentem abstrahat ab omnibus sensibilibus, & imponat in insensibilia. Sensibiles res erant diuitiæ, potentia & senatoria dignitas: sed fides hos ambos ab his rebus auulsos, in æternam potentiam & diuitias collocauit. Eandem fideli energiam vides in Abrahamo, qui patriam, opes paternas & amicos reliquit, ac incerta, inuisibilia, quæ Deus promittebat, secutus est. Hac igitur fide instigatus & confortatus Ioseph, constanter adiit Pilatum, & ausus est petere corpus Iesu, quod nullus discipulorum ausus fuisset petere. Diuina autem volente & agente gratia, Pilatus facillè consentit. Nam inuitus Christum morti ad iudicauerat. Nec solũ personas horum duorum describunt Euangelistæ, sed etiam vtriusq; studium, & quid quisque appor

Ioseph (inquit) mercatus est sindonem, Nicodemus autem mixturam myrrhæ & aloës, quasi libras centum.]

Commendatur hic Nicodemus aliàs in Euangelio, quod & ad Christum nocte venerit, & quod ipsum coram Pharisæis defenderit. Bene igitur inceptũ opus feliciter consummat. Voluit autem Christus gloriosam habere sepulturam: primò, quia satisfactum erat pro peccato hominis, & tam tempus erat, vt gloria eius inciperet. Secundò, vt scriptura elus gloriosum. Tertiò, vt sciamus à morte incipere gloriam nostrã. Nam munda

3. Re. 18.

mundanorum gloria finitur in sepultu-
ra. Quartò, vt sciamus legitimè certan-
tibus certam repositam coronam post
pugnam, quemadmodum Paulus dice-
bat: Bonum certamen certavi, cursum
cōsummaui, fidem seruauī. In reliquo
reposita est mihi corona iustitiæ, quam
reddet mihi Dominus iustus iudex.

Acceperunt autem corpus Iesu, &c.]

Mali abeunt, pijs relinquitur Iesus,
sed crucifixus. Accipiunt igitur duo illi
pro magno munere & thesauro corpus
Iesu, nec pudet eos mortuum de cruce
& patibulo tollere, quem viuum dis-
lexerant: nec curant, quid alijs de ipsis di-
cant, quod tam vili ministerio tam no-
biles homines se occupent, sed omnibus
his contemptis, corpus Christi sine du-
bio cum magnis & multis lachrymis de
cruce deponunt. Sic nimirum fratres, si
Christiani & verè Euangelici volumus
esse, non oportet nos erubescere de hu-
iusmodi humilibus ministerijs.

*Et ligauerunt eum linteis cum aroma-
tibus.]*

Sic enim purissimo huius corpori cō-
ueniebat, quod adeò mundum erat, vt &
ipsam sindonem mundaret. Addunt au-
tem vnguenta & aromata, quæ apud Iu-
dæos in hoc adhibebantur, ne corpora
putrescerent. Hoc autem signum erat,
quod hi duo imperfectam adhuc fidem
habebant. Nihil enim altius de Christo
sentiebant, q̃ quod fuisset homo probus
& innocens, & Propheta. Cæterum Chri-
stus etiam Deus erat, quod ipsi nescie-
bant: deniq; & propediem resurrectur⁹.
Nihil igitur huiusmodi condimentis
opus habuisset. Interim tamen hoc sibi
fieri voluit, vt & mors ipsius gloriosior
esset, & vt nos hinc disceremus, quomo-
do eū suscipere debeamus, nempe sindo-
ne munda & aromatibus, id est, puro cor-
de & odorifera cōuersatione. Cæterum,
si hic affuisset Iudas quispiam, procul-
dubio exclamasset, quod alter Iudas du-
dum dixerat. Vt quid perditio hæc? Po-
terant aromata hæc vendi multo, & dari
pauperibus. Quid prodest mortuo, etiā
si aromatibus conditur? Verum Chri-
stianus non debet hunc sumptum vanū
dicere. Non enim tam sumptus, quàm
fides istorum hominum spectanda est.

Perditio certè est, quicquid non ex fide
fit. Hic autem nihil minus fuit quàm
perditio, imò verè bonum opus, quo
isti fidem suam declarabant, palamque
ostendebant, se omnes fortunas suas in
discrimen propter Christum posuisse.
Nam oportebat ipsos futurum Phari-
sæorum odium, & bonorum omnium
direptionem propter hoc opus expe-
ctare. Maximum igitur opus est, nec
vllis hypocritarum operibus comparan-
dum. Nam hypocritæ sumptum quidē
faciunt, non tamen ex fide & abnegati-
one bonorum, sed ex impietate & bo-
norum ambitione. Cæterum nullum
opus ē sumptu vel specie æstimandum
est, sed ē fide. Sic in Euangelio vidua duo
minuta offerens, plus omnibus alijs
obtulisse dicitur, quia ex fide & indigen-
tia fecit. Sic & hoc opus non maximum
est sumptu, sed fide, qua omnia alia bo-
na sua propter Christum abnegarunt,
& in discrimen posuerunt. Porro condi-
mentis manifestum sit, quid in Christo
quæsierunt. Condimenta enim à putre-
factione conseruant corpus. Quærunt
ergo vitam in Christo. Sed quomodo?
Sub morte, sub corpore arido: atque ea-
dem vera fides est. Nam facile est vi-
tam in viuente Christo quærere, sed in
mortuo, arido & contempto quicquam
sperare, hoc opus, hic labor est.

*Erat autem in loco, vbi crucifixus est,
hortus.]*

Describunt Euangelistæ non modicū
tantum sepulturæ Christi, sed etiam lo-
cum. Et hæc quidem videtur casu facta,
sed reuera diuina ordinatione sic omnia
disposita fuerunt. In horto Christus pas-
sionem incepit, in horto etiam eandem
consummauit, quia & Adā in horto pec-
cauerat. In horto etiam sepelitur Chri-
stus, in signum, quod per ipsum reditus
nobis pateret ad Paradisum, non quidē
terrestrem, sed cælestem. Quod autem
in alieno sepulchro sepelitur, paupertas
eius indicat, qui nec in vita, nec in
morte habuit, vbi caput suū reclinaret.
Simul autē damnatur nostra curiositas, Matt. 23.
qui tanta cura & expensis, imò cū tanta
superbia ædificamus nobis sepulchra,

Et in horto, monumentum nouum.]

Signanter de sepulchro Christi
dicitur,

dicatur, quod nouum fuerit, & quod nullus adhuc in illo sepultus fuerat, ad tollendam omnem suspicionem, ne alius quisquam inde resurrexisse credatur. Sic enim nasciturus Christus, vterum sibi virginalem præparauit, ad quem vir non accesserat: sic resurrector in nouo sepulchro sepeliri voluit, in quo nondum quisquam positus fuerat. Nouum autem illud sepulchrum præsignabat nouum quid & inauditum fiendum, nempe, quod sepultus in sepulchro iterum ad vitam rediturus esset. Itemque, quod mors mutanda esset in somnum, maxime quo ad pios, è quo somno, suo tempore quasi in horto delitioso resurrectori essent. Obseruandum autem, quod in sepultura Christi nullus discipulorum affuisse scribitur (tamen si creditum sit Ioannem affuisse, quod tamen ex litera non patet) ne putarentur corpus Christi abstulisse, & in alio loco condidisse.

Ibi ergo posuerunt eum.]

Hunc igitur honorem sepulturæ passus est sibi Christus fieri ab honoratis viris, ne hostes eius dicere possent, huic Nazareno, non nisi viles & nullius momenti homines adhæsisse: quamuis etiā hic honor admodum paruus est, si ad eum comparatur, quo nunc in omni terra, in omnibus Ecclesijs honoratur, non tantumquam homo, sed tantumquam Deus & homo, qui non amplius in sepulchro iacet, sed in cælo ad dexteram Dei sedet, & tamen nihilominus in hunc usque diem manet sepulchrum eius tam honorabile, vt non Christiani tantum, sed multi etiam Gentiles admirationis gratia à longinquis terris ad id ipsum videndum Hierosolymam petant. In summa sepulchrum Moysis ignoratur, nec admodum refert, vbi sepultus sit: sepulchrum autem Christi ab omnibus scitur, & sic etiam necesse est, vt ex ipso discamus, & nostram sepulturam & resurrectionem. Sicut enim passio Christi nostra est, sic & sepultura Christi nostra est: Consepulti enim sumus cum ipso per Baptismum in mortem, &c. Hactenus igitur de his, quæ Christus mundi creator & Dominus, à tot & tantis in eum tam crudeliter sæuentibus passus est, vt pro tot

& tantis perpetuæ damnationis infelicitatibus poenis, quæ nostris peccatis debebatur, diuinæ satisfaceret iustitiæ, satis dictum est: restat, vt gratias agamus benignissimæ charitati ipsius, deinde vt cum fiducia accedamus ad hunc thronum gratiæ, quo misericordiam inueniamus in tempore opportuno. Præterea, vt caueamus, ne vnquam tantæ rei oblitiscamur, quin potius vulnera illa, sanguis ille, passio illa, mors illa semper ob oculos nobis præstò sint, cordaque nostra indefinenter irrigent, duritiam eorum tollant, liquefaciant, atque inter prospera & aduersa ducatum tutissimum nobis præstent. Postremo, vt studeamus etiam deinceps in omni timore conuersari: quandoquidem non corruptibilibus auro & argento redempti sumus, verum pretioso sanguine agni immaculati Christi: sicque procul à nobis omnem mundi corruptionem arceamus, vt cum Christus redierit, nosque tertia die resurrexerimus, hoc est, post primum diem vitæ huius, & alterum diem quietis, ad thesauros gratiæ, quos hic recipimus, etiam beatitudinem animæ & thesauros gloriæ nobis cõferat, vt similes ei & cõfigurati corpori claritatis eius in æterni regni hæreditatem cum ipso felicissimè ingredi mereamur. Amen.

Caput XX.



HACTENUS IN Christi passione nihil aliud extrinsecus in Christo animaduertimus, quàm hominem extreme abiectum, & à Deo longissime derelictum: nunc autem resurrectione declaratur manifestè, quod sit Filius Dei, quemadmodum Paulus ait: Ab hinc igitur, o Iuda, laudabunt te fratres tui. Iuda, inquam, magne & fortis, qui resurgens à mortuis, confessionem & decorem induisti immortalitatis & incorruptionis. Laudabunt te fratres & amici tui, hæredes & participes regni tui: quia manus tuæ in ceruicibus inimicorum tuorum, & sicut catulus leonis à Gen. 49 prædam ascendisti, infernumque debellasti.

Deu. 34

Rom. 6.

Rom. 1

Palas

Gen. 49

lasti. Cæterum, quia in resurrectione Christi omnis spes nostra consistit, opere pretium duxi, ante enarrationem historię, paucula quædã de ipsa Domini resurrectione præmittere, quò maiore inde & fructum & cõsolationem reportare possimus. Quatuor igitur modis eadem Christi resurrectio à nobis consideranda est. Primò vt certa & indubitata historia, ac res quæ certò & infallibiliter sic facta est. Ob id enim Euangelistæ tam diligenter & diè, & horã, & modũ descripserunt huius resurrectionis, quibusq; & quoties Christus post resurrectionẽ suã apparuerit, quid egerit aut locutus sit, &c. ne quis de historia aut certitudine rei dubitare possit. Atq; hoc ceu fundamentũ primo loco ponendum est. Secundo cõsideranda est resurrectio Christi, vt speciale quoddã opus diuinũ, quod agnosci vult Deus. Huc pertinet quod Apostoli frequenter dicunt: Deus eum suscitauit, &c. Vt scias Dei opus esse. Hic igitur videbis, quàm mirabilis sit Deus in operibus suis, & quæ sit vera ratio operũ ipsius. Opera Dei sunt, exaltare pios, humiliare impios. Exaltare autem incipit, cum in summas miseras hominem coniecit, quemadmodum in Christo videm⁹, eiusq; passione & resurrectione. Sic eduerso, humiliare incipit, cum impijs externè omnia ad nutũ & voluntatẽ ipsorũ permittit. Qui autem hanc operũ Dei rationẽ attendit, discet in cruce sperare, in prosperis autem timere. Præter hoc autem opus Dei, etiã aliud quiddã videmus in resurrectione Christi, nempe q̃ potẽter Deus suos etiã ex maximis periculis eripere possit, & quàm gloriose insuper eos, qui diuinæ voluntati seipsos totos dedũt, quemadmodũ Christus fecerat, remuneret: Omnia autẽ ad cõsolationẽ piorũ. Tertio loco cõsideranda est Christi resurrectio vt Euangelij ac lætissimũ quoddã nuntium, quo nobis adnũtiatur, quòd Christus nedum passione & morte sua debita nostra soluit, verũ etiã resurrectione sua omnia nobis bona restituit. Mortu⁹ est, inquit, propter peccata nostra, & resurrexit propter iustificationem nostrã. Deinde etiã hoc læto nũtio nos Christi resurrectio exhilarat, quòd ex ea videmus, & quidem clarissimè, Christum regem & Dominum nostrum, victorem esse peccati, mortis & inferni, atq; adeò omnium malorum, quæ nos olim premebant, atq; etiam nunc premunt. Quid autem lætius nobis nuntiari posset? Vt interim taceam, quòd ex resurrectione Christi etiam nostra nobis resurrectio adnũtiatur. Si enim credimus, ^{1. The. 4} quòd Iesus mortu⁹ est, & resurrexit, certò etiam credere possumus, nos cũ ipso in anima nunc resurrexisse, & per ipsum olim etiã corpore resurrecturos esse. In hunc modũ resurrectio Christi nobis est Euangelium & lætum nuntij. Ea ipsa tamen quarto loco etiã nobis præponenda & consideranda est vt exemplũ, in hunc videlicet finẽ, vt quẽadmodum Christus surrexit à mortuis, ita & nos in nouitate vitæ ambulemus. Huc pertinet totũ caput sextum Epistolæ ad Romanos. ^{Colos. 3} Itemque illud: Si cõsurrexistis cũ Christo, quæ sursum sunt quærite, vbi Christus est, in dextera Dei sedens. Itemque illud Petri: Christus peccata nostra in corpore suo portauit super lignum, vt peccatis mortui, iustitiæ viuamus. In hunc igitur modum considerata Christi resurrectio, ingentem nobis & cõsolationem & fructum adferet, quòd vel paucis admonuisse sufficiat. Sed de his aliàs plura. Cæterum, quòd etiam Ioannes resurrectionis Domini meminisse, quamuis sciret alios abundè de ea scripsisse, ideo factum est: Primò, quia resurrectio Domini potissimus articulus est Euangelij & fidei nostræ, imò nullũ esset Euangelium, si Christus non resurrexisset. Quomodo enim scire possem⁹ victam esse mortem & peccatũ, si Christus in morte permansisset? Sicut igitur per totum Euangelium Ioannes diuinitatem Christi declarauit, sic nunc in fine etiam resurrectionẽ Christi non omittit. In his enim duobus vel maxime sita est omnis spes & cõsolutio nostra. Iuxta hoc tamen ne tædio afficiat lectorẽ, ea tantum adfert, quæ alij Euangelistæ omiserant, Digna enim erant, quæ ad notitiam hominum conscriberentur.

[Vna Sabbati.]

Primò omnium Euangelistæ diem

&c.

& tempus resurrectionis Christi quàm diligentissimè describunt, tum vt probarent verborum Christi veritatem, quibus sæpè prædixerat, se tertia die resurrecturum. Vt cum dixit: Soluite templum hoc, & in triduo excitabo illud. Item, Sicut fuit Ionas in ventre ceti, &c. Item, Tradetur filius hominis, &c. & tertia die resurget. Hoc idem tempus & in Prophetis prædictum fuit. Viuificabit (inquit) nos post duos dies, in die tertia suscitabit nos. Deinde tempus resurrectionis tam diligenter describunt propter mysterium, quod in illo triduo latet. Tres siquidem dies nobis ordinauit Deus: diem laboris in hac vita, diem quietis post mortem, diem resurrectionis in nouissimo die. Hoc triduum Christus in seipso expressit: ideo non ultra tertium diem in sepulchro mansit, vt & nos hoc triduo contenti simus. Nam alias filij Adam quartum diem addere volunt, diem scilicet otij, gaudij, in hac vita. Hunc diem Deus non fecit, & ideo fuerent quatruiduani, vt de Lazaro dicitur. Cæterum, quod dicit: [Vna Sabbati,] idem est, quod prima Sabbati. Hebraei enim dies hebdomadæ exprimunt secundum Sabbatum, quemadmodum nos secundum Férias, & Pagani secundum planetas. Primam autem Sabbati vel septimanæ diem Christus resurrectioni suæ elegit. Primò, vt opus redemptionis responderet operi creationis. Sicut enim prima die lucem creauit eternam, & diuisit lucem à tenebris, sic hoc prima die hebdomadæ verus sol ortus est, & pii ab impijs diuisi & segregati. Secundò ideo prima die surrexit, vt doceret resurrectionem suam esse exordium nouæ vitæ & auri sæculi, &c. Quod autem Ioannes non dicit prima Sabbati, sed vna Sabbati, phrasis est Hebraica. Sic enim & in Genesi dicitur: Factum est mane & vespere dies vnus, hoc est, primus. Deinde etiam ideo non prima, sed vna Sabbati dixit, propter singularitatem & vnicam eius diem gloriam. Est enim verè festus dies, verè beata dies, nobilitas anni, mensis decus, arma dierum. Pulchritudine huius diei Paradisus refulsit, cælum purpuratum est, Angeli candidati, homines exhilarati. Denique hæc est illa dies, quam fecit Dominus.

Venit Maria Magdalena, &c.]

De alijs mulieribus nihil scribit Ioannes, quia hoc satis in alijs expressum est. De Maria autem, quod alij omiserunt, in medium profert. Nam Marcus quidem dicit, quod Christus primò apparuit Mariæ huic, sed quomodo hoc sit factum, non exprimit, ideo Ioannes hæc diffusius scribere voluit. Est enim historia notatu digna. Nec mirum, quod Christus huic mulieri primò apparuit: quod enim aliàs de ipsa dicitur, quod dilexit multum, hoc verè etiam hic in ipsa videmus. Sicut igitur prius multa ei peccata dimissa sunt, eò quod dilexit multum: sic nunc ei singularis gratia præstita est, quia dilexit multum. Primum dilectionis signum est, quod vix Sabbato quieuit, omne ei tempus lögum erat sine Christo, alijsque gaudentibus, ipsa solum Christum cogitabat. Denique statim post Sabbatum surgit ad ministrandum Christo. Secundum dilectionis signum est, quod nec nocte quieuit. Si enim (vt hic dicitur) mane, dum adhuc tenebræ essent: peruenit ad monumentum, certum est, quod nocte exiuit: maximè, quia non Hierosolymis, sed Bethaniæ habitabat. Est & hoc non paruum dilectionis signum, quod sicut Christum viuum, docentem, operantem, patientem, quoad poterat secuta erat: sic nunc etiam mortuum sequitur: quo vel vno facto omnes nos confundit. Pauci siquidem sunt, qui vel docentem Christum sequuntur: pauciores, qui operantem: paucissimi, qui patientem sequuntur, ne dicam morientem.

Vidit lapidem reuolutum.]

Apud Marcum mulieres colloquuntur. Quis reuoluet nobis lapidem? Appropinquantes autem viderunt eum reuolutum. Nam secundum Matthæum, Angelus Domini eum reuoluerat, non vt Christus exire posset, sed vt mulieres sepulchrum corpore vacuum videre possent. Quod autem mulieribus illis contigit, etiam nobis cōtingit: pergentibus enim ad sepulchrum Christi, hoc est, ad pœnitentiam, qua Christo conspiciamur, multa nobis obstracula occurrunt, quæ videntur impossibilia: cum autem persequamur

Joan. 1.
Mat. 12

Mat. 20

Joan. 11.

Genes. 1.

Ibidem.

Psal. 117

perseueramus, videbimus ea omnia per Dei gratiam facilia, tantum ne statim difficultate poenitentiae territi, retrocedamus. Præterea, quod Magdalena vidit lapidem reuolutum à monumento, fructus est resurrectionis Christi. Per ipsam enim etiam nostra monumenta aperta sunt, certaque spes resurgendi nobis data. ^{1 The. 4} Si enim credimus, quod Iesus mortuus est & resurrexit: ita & Deus eos qui dormierunt, per Iesum adducet cum eo.

Cucurrit ergo ad Simonem Petrum.]

Aperto sepulchro nihil aliud in mentem veniebat ei, quam corpus Christi sublatum esse: (sic enim afflictis semper maiora mala occurrunt) nec tantum gaudium sperare poterat, Christum scilicet resurrexisse. Oblita itaque suipsius, nec cogitans an decorum sibi vel indecorum esset, currit ad Apostolos, ut certius aliquid cognosceret de Iesu. Vrgēbāt eam metus & spes: metus, ne Iudæi ignominiam aliquam corpori Christi irrogarent: spes autem, si forte discipuli corp⁹ abstulissent, aut certius aliquid de ipso compertum haberent. Hæc sunt duo calcaria, quibus vrgemur ad cursum, timor & spes. Vide autem prudentiam mulieris. Non Iudæis nuntiat Christū ablatum, ne inde gauderent hostes: sed nec omnibus discipulis hoc nuntiat, ne nimium terrentur: verum tantum priores: Petro & Ioāni. Hi enim duo primi erant inter discipulos, denique sibi inuicem familiares & frequentius cōfuentis. Simul enim Christum comprehensum secuti sunt, simul quoque principibus sacerdotum responderunt: Obedire oportet Deo magis quam hominibus: simul ascenderunt in templum ad horam orationis nonam: simul quoque ad Samaritanos missi sunt.

Tulerunt Dominum, & nescimus ubi posuerunt.]

Quam longè aliter affecta fuit mulier hæc, quam nos. Pro summo damno ducit perdidisse Christum, hinc ipsius lacrymæ, dolor, querelæ, & sollicitudo: nobis longè alia mens est, temporalia damna statim sentimus & defleamus, de spiritualibus nihil curamus. Obserua hic, quomodo Deus suos incipiat cō-

solari. Dixerat Christus: Post tres dies resurgam. Item: Iterum videbo vos, & gaudebit cor vestrum. Nunc autem cum tertia dies adesset, primò omnium audiunt, etiam corpus Christi sublatum esse à monumento, & quod maius est, nec quenquā scire, quò peruenerit. Quid hic putas animi fuisse Apostolis, aliorum qui satis conturbatis, propter mortem Christi! Hoc tam triste exordiū habuit Paschalis solennitas, quo ad discipulos. Sic incipit Deus consolari. Non abs re igitur de ipso scribitur: Dominus prius mortificat, deinde viuificat: Deducit ad inferos, & reducit. Verè enim hoc Magdalene nuntio, quasi in infernum eos duxit, sed postea reduxit, ut sequeretur infra.

Exierunt ergo, & venerunt ad monumentum.]

Etiā ipsi inter spem & metum fluctuabant, nec cuiquam eorum in mentem veniebat, quod Christus tam sæpè dixerat se resurrecturum. Tanta est vis tentationis, quod facit obliuisci omniū, quæ audiuius. Merito igitur admonuit Christus: Orate, ne intretis in tentationem. Videmus etiam hic, quam arduum sit in tentatione bene sperare aut credere, ut verè hic impletum sit, quod Christus dixit: Cum venerit Filius hominis, putas inueniet fidem in terra? Si in Apostolis non inuenit, quid de nobis sperandum est? Videmus item, quibus se hoc die Apostoli occuparunt. Summum eorum studium & desiderium erat, Christum vel inuenire, vel inuestigare quò peruenerit. Bonum studium.

Currebant autem duo simul, &c.]

Non leuitatis erat, sed pietatis cursus ille. Non enim ad vanitates mundi, sed ad sepulchrū Christi festinabant. Quod Ioannes præcucurrit, Christianū feruorem indicat, quo quisque pro virili sua contendere debet ad Christum. Vnde Paulus: Sic currite, ut comprehendatis, &c. Dilectissima Christus in sepulchro reliquit, tum quia resurgens, ad immortalitatem nihil opus habebat huiusmodi externis tegumentis, cum iam decorē indutus esset & fortitudinem, quæ vera vestis est, sine qua nunquam satis nos obtegere possumus, etiam si coram ho-

minibus egregiè videamur vestiti & testatum etiam ad testimonium fidei linteamina reliquit, contra Iudæos, qui mentiebantur Apostolos furatos esse corpus Christi. Hoc enim si fecissent Apostoli, nec linteamina reliquissent, imò nec tantum temporis habuissent ea à corpore separare, ut quæ ipsi corpori propter myrrham agglutinata essent. Ioannes ergo videns sola linteamina, non introiit: non enim linteamina, sed corpus Christi quærebat: Petrus autem, etsi diligentius cuncta perscrutaretur, videretque nedum linteamina, sed & sudarium separatim positum, &c. quod vel solum docere poterat non furto ablatum esse corpus, nihil tamen vel ipsi vel alteri discipulo tale in mentem venit, sed simpliciter credebant corpus Christi ablatum, cuius causam subdit.

Nondum enim sciebant scripturas, &c.]

In Prophetis enim frequens fit mentio de resurrectione Christi. Sic in Psalmo: Non derelinques animam meam in inferno, nec dabis sanctum tuum videre corruptionem. Et iterum: Tu autem Domine miserere mei, & resuscita me, & retribuas eis. Et Sophonias: Expecta me in die resurrectionis in futurum. Et Osee: Vivificabit nos post duos dies, in die tertia suscitabit nos. Cæterum, per hos duos discipulos currentes ad sepulchrum Christi, duo populi signantur. Per Ioannem, qui citius cucurrit, & prior ad monumentum peruenit, visis tamen linteaminibus non introiit, signantur Iudæi, qui priores ad Christum pervennerunt, sed videntes linteamina, non introierunt, quia videlicet, tribulationes passionis Dominicæ, quibus quasi linteaminibus cinctus & ligatus fuit, intantum erubuerunt, ut resilirent etiam eorum qui iam crediderant ex eodem populo plurimi, fieretque illis Christus crucifixus lapsa offensionis, & petra scandali. Per Petrum autem, qui posterior quidem venit, sed introiit, nec tantum linteamina, sed etiam sudarium vidit, signatur Gætilis populus, qui tardè quidem ad fidem peruenit, verum Iudæis foris remanentibus, credendo introiit, nec solum attendit, quid pro hominibus

pertulit Dei Filius ex infirmitate humana, sed etiam illud, quod est & erat Deus, antequam fieret vel assumeret de nostro, in quo pateretur. Sudarium namque, quod fuerat ad caput eius, rectè illud significat, quod erat in principio verbum, quod erat apud Deum, quod erat Deus. Hoc utrumque videt & adoratur, qui posterior venit Gentium populus. Adorat, inquam, & confitetur, quia Christus Dominus & verbum Patris est, per quod factus est mundus: & caro vel Filius hominis est, per cuius passionem salvatus est mundus. Iudæi tantum vident linteamina, hoc est, humanitatem Christi, non autem sudarium, hoc est, divinitatem eius, ideo offenduntur in ipso. Rectè autem dicitur sudarium illud non fuisse positum cum alijs linteaminibus, sed separatim, quia scilicet in Christo etsi passibilis fuit humanitas, impassibilis tamen permansit ipsius Deitas. Quod autem sudarium etiam involutum fuisse dicitur, significat Christum si divinitatem nec initium habere, nec terminum, quomodo rei quæ involuta est, nec initium, nec finis cernitur. Dicitur autem involutum in vnum locum, quo significatur, quod Deus in scissura mentium non est. Vna enim columna, vnum est corpus Christi, Ecclesia scilicet. Et in hoc solo & unico loco Sacramentum & veritas est, quæ scindi vel diuidi non potest. Vel per Ioannem præpropera devotio significatur, quæ non durat: per Petrum autem firma & conflians devotio, &c.

Abierunt ergo iterum discipuli ad semetipsos.]

Non inuenerant Christum, sed nec Angelos viderant, nec aliquem qui eis ostendere posset Christum. Iterum igitur abeunt, desperatiores quàm in morte Christi fuerant. Præsentem enim corpore, allaqua spes affulgebat vel ex mortuo. Sed quid spei reliquum erat, postquam non solum viuum, sed & mortuum corpus ablatum putabant? Omnia igitur desperata videbantur. Vbi iterum videmus, quod Deus cum suis agat, corda discipulorum accendit ut querant, & differt tamè ne inueniant, ut infirmitas animi ipso suo imperore cruciata, purgatior fiat ad inveniendum, & tunc validius

validius teneat, quanto tardius inuenit quod quærebat. Deinde, etsi præsens corpore aderat, tamen ab oculis eorum subduxerat corpus suum, ut discerent in ipso non carnalia aut visibilia quærenda pro ratione carnalis charitatis, sed spiritualia. Possumus quidē & debemus etiam externa à Christo quærere & sperare, verum nō carnali desiderio, sed spirituali fide. Quæcunque enim ex fide quærentur, spiritualia sunt, etiamsi maxime per sese corporalia sint. Abierūt, inquit, ad semetipsos: quo enim aliās irent, cum omnibus propter Christum infensi essent? Verè item quum nondū scirent scripturas, abiisse dicuntur ad semetipsos. Nam econtra, ubi scripturas intellexerunt, abierunt supra semetipsos, loquentes Christi sensu, non suo, & probantes, quia non tulerunt Dominū de monumento, sed quia Dominus surrexit de sepulchro, solutis doloribus inferni. Iuxta quod impossibile erat, teneri ipsum ab eo, &c.

Maria autem stabat ad monumentum.]

Aestuans amore, nesciebat quid faceret, sine Christo non poterat viuere, nec eum ibi inueniebat, & ubi quæreret, ignorabat. Stabat igitur: tanto enim cordis ferebatur incendio, ut nec tenebrarum caligine, nec Iudæorum immanitate retraheretur à sepulchri visitatione, & recedentibus discipulis non recederet. Vnde contigit, ut eum sola tunc videret, quæ remāsit ut quæreret. Virtus enim boni operis in patientia est. Pulchre autem hanc præ omnibus mulieribus, manus resurgentis pio desiderio ligatam, ad sepulchrum suum retinuit, ut secundæ resurrectionis ipsa nuntia fieret, in qua primæ resurrectionis opus notissimū atq; celeberrimum factum fuerat. Prima autem resurrectio est resurgence à peccatis, qua resurrectione mulier hæc prima vel notissima respirauit: quia cum esset in ciuitate peccatrix, ut aliqui volunt, lachrymis laute pedes Christi. Perdito igitur Domino, dulce ei erat, vel in loco manere, ubi ille fuerat. Stabat autem plorans: quid enim aliud faceret? Tunc tempus est plorandi, cum Dominum perdimus. Hinc Hieremias: Ideo ego plorans in nocte, quia longē factus

est à me consolator, &c. Non frustra autem se ad lachrymas conuertit: quicquid enim vnquam voluit, lachrymis obtinuit. Flendo obtinuit peccatorum remissionem, itemque fratris resurrectionem. Fructum igitur lachrymarum experta, etiam nunc se ad lachrymas conuertit: nec eam fefellit spes eius. Lachrymis enim etiā nūc extorquet consolationem de resurrectione. Ex hoc loco discimus, quod triplices sunt lachrymæ quæ Deo placent: compunctionis scilicet, compassionis, & deuotionis. Cæterum in eo quod foris stabat plorans Maria, Ecclesiæ de gentibus typum præ se ferebat. Primitiua namque Ecclesia, scilicet à iusto Abel, vsque ad illum, qui in cruce confessus est latronem, iam intra Sacramentum Dominicæ passionis recepta, peccatrix gentilitas foris remanserat: quia videlicet non illam sanguis Christi à peccatis lauerat, quæ fidem eius non habuerat. Et quamuis nōdum ploraret, plorare tamen habebat confitendo peccata. Sic Eunuchus ille foris ad monumentum stabat: scripturam enim Esaiæ, quam legebat, non intelligebat. Sic & Cornelius Centurio foris stabat, faciens eleemosynas, & deprecans Deum, nihil tamen adhuc de Christo sciebat.

Ioan. 12.

Acto. 8.

Acto. 12.

Dum autem fletet prospexit in monumentum.]

Sæpè in monumentum prospexit, quia semper sperabat eum inuenire, ubi eum sepellerat. Sic enim & nos, quum aliquam rem perdidimus, quamuis huc illucque discurremus, tamen sæpè ad eum locum respicimus, in quo habuimus. Amanti enim semel aspexisse non sufficit, quia vis amoris intentionem multiplicat inquisitionis, & quanto minus inueniebat, tātō magis ardebat: quia sancta desideria dilatione crescunt, si autem deficiunt, desideria non sunt.

Vidit duos Angelos in albis sedētes.]

Obserua primò, quod Apostoli etsi iam sepulchrum visitassent, nullum tamen Angelum viderunt, quia statim recesserunt: hæc autem, quia permansit, Angelos vidit, non vnum, sed duos, imò etiam Christum ipsum: quo docemur,

BBb ij quod



quod qui in vocatione Domini perdu-
rant, nunquam desperati relinquuntur.
Exo. 16. Sic filij Israel in deserto cibo & potu des-
tituti, auxilium accipiunt à Domino.

3. Re. 17. Idem contigit Heliæ, &c. Sic & Maria
hæc, quia Christum spirat, Christum
desiderat, nondum quidem fide, sed cha-
ritate eximita, non discedit à sepulchro,
manet in officio, proinde consolationi-
bus non destituitur. Obserua secundò,
quod apud omnes Euāgelistas leguntur
Angeli apparuisse in resurrectione Do-
mini. Tunc enim per sanguinem Christi

Colo. 1. pacificata erant quæ in cælis, & quæ in
terra sunt. Duos autem vidit Angelos,
quia duo sunt Angelorum officia, assi-
stere scilicet, & ministrare, quæ ex eo tē-
pore nobis exhibere cœperunt pfectius,
quàm prioribus temporibus. Sedentes
autē vidit Angelos, quia quicquid apud
Deum est, quiescit. Vestes albæ, & natu-
ræ ipsorum puritatem, & gaudium præ-
se ferebant. Apparuerunt autem seden-
tes, ad caput alter, alter ad pedes, vt mu-
lieri trāslatum corpus Domini putāti,
significarent neminem potuisse sanctis-
simo corpori vim inferre, quod ab An-
gelis defendebatur. Sicut autem ploran-
do inclinata mulier hæc Angelos vidit,
& percunctantes audire meruit, sic futu-
rum erat, vt gētilitas peccata sua deslen-
do se humilians, sanctis Apostolis vel

Malac. 3. prædicatoribus (qui vtiq; Angeli Do-
mini exercituum sunt) innotesceret, &
ab illis dulcedinē æternæ consolationis
acciperet. Rectè autē per duos Angelos
ad caput & ad pedes sedentes, intelligun-
tur Apostoli & prædicatores, quia vide-
licet vnum eundemq; Christum, & Deū
esse ante sæcula, & hominem factū præ-
dicant in fine sæculorum. Et vtriusq; vo-
cibus Testamenti incarnatum, passum,
mortuum, & sepultum, ac resuscitatum
probant verum Dei Filium. In cuius fi-
guram etiam duo Cherubin, qui propi-
tatorium tegebāt, sese inuicem aspicie-
bāt, versis vultibus in propitatorium.
Cherubin plenitudo scientiæ dicitur.
Duo igitur Cherubin, vtrunq; Testamē-
tum: propitatorium eū significat, qui

1. Ioan. 2. est propitiatio pro peccatis nostris. Dū
igitur verus Testamentum hoc facien-
dum denuntiat, quod nouū de Domino
factum clamat, quasi vtraque Cherubin

se inuicem aspiciunt, dum vultus in pro-
pitatorium vertunt. Nec enim à suo as-
pectu discrepāt, quæ dispensationis eius
mysterium concorditer narrant.

Mulier, quid ploras?

Non lachrymarum causam querunt,
quam certè non ignorabāt, sed vt respla-
pater, ne lachrymetur admonent. Quasi
dicerent: Plorare noli: non enim habes
causam plorandi, sed potius gaudendi.
Nam mortē & interitū destructo, lachry-
marum tempus non est. Et quum Do-
minus resurrectione sua humanum gē-
nus ad vitam reuocauērit, cur tibi plo-
randum est ò mulier! Plorent aliq, qui
Christum crucifixerunt, qui pœnitentia
non egerunt, quibus imminet æter-
nus luctus: tu noli plorare, cuius conso-
latio in ianuis est. Nam non tristitia, sed
læta venimus nuntiare tibi, &c.

Quia tulerunt Dominum meum, & nescio, &c.]

Causam luctus sui exprimit, & quid-
dem iustissimam. Magnus, inquit, me do-
lor flere compellit, magna tristitia visce-
ra mea coartat. Quod vnum mihi elege-
ram, modò perdidit. Tulerūt Dominum
meum: Meum, inquam, quem elegi, cui
me addixi, à quo omnia speravi, &c. Vi-
de propter quid hæc mulier ploret, non
propter amissas diuitias, sed propter abs-
sentiam Domini. Nobis longè alia mēs
est, &c. Emphasim autem habet quod di-
cit. [Dominum meum:] Etsi enim Do-
minus sit omnium, specialiter tamen est
Dominus pœnitentiū: Iuxta illud: Non
veni vocare iustos, sed peccatores ad pœ-
nitentiā. Specialiter item est Dominus
luculentium. Iuxta illud: Tibi derelictus
est pauper, &c.

*Hæc cum dixisset, conuersa est retror-
sum.]*

Retrospectit, vel quia splendorem An-
gelicorum vultuū & vestium diu ferro
non potuit, vel vt ex impatienti amorē
re hinc inde prospiceret, si quid fortè de
Christo percipere posset: vel potius
quia vidit Angelos cuidam retro eam
assurgere & reuerentiā exhibere. Vel
etiam ideo retrospexit, quia non satisfa-
ciebat ei Angelorū cōspectus. Nō enim
Angelos

Ioan. 6. Angelos, sed Christum quærebat. Magis
num quidem est, Angelos videre, audire,
&c. nondum tamen cor nostrum certifi-
catur, donec Christus seipsum nobis
reuelet. Oportet enim omnes esse à Deo
doctos. Cæterum exemplo huius mulieris
etiam nos oportet conuerti à creaturis,
si volumus Dominum videre. Qui enim,
inquit, non renuntiat omnibus quæ possidet,
non potest meus esse discipulus.

Vidit Iesum stantem, & nō sciebat, quia Iesus est.

Psal. 43. Hic vides, quā verè dictū sit: Prope
est Dominus his, qui tribulato sunt corde,
itemq; omnibus inuocantibus eum in
veritate. Et iterum: Non longè est ab
vnoquoq; nostrum. In ipso enim viuimus,
mouemur, & sumus. Putabat mulier
hæc Christum longè abesse, imò omnino
perditum, & ecce proximus adstat ei.
Sic de nobis. Nunquā prior adest Deus,
quā cum putatur abesse. [Vidit autem
Iesum stantem.] Resurgens enim à mortuis,
iam non moritur, mors illi ultra non
dominabitur, &c. In hunc modum etiam
Stephanus vidit eum stantem à dextris
Dei. Adstat quippe Christus nobis. Assistit
& vultui Dei pro nobis. Quod autem
Iesum non cognouit, incredulitas fecit:
quia enim fidem de resurrectione nondum
habebat, ideo talis apparuit ei Christus in corpore,
qualis apud eam erat in mente. Amabat
& dubitabat, ideo videbat & nō cognoscebat.
Videmus etiam hic, quid Deus agat cum suis.
Adest eis, & tamen plerumq; se occultat,
non ob aliud, quā vt ardentius quæratur,
requisitus cum gaudio inueniatur, inuentus
cum sollicitudine teneatur, tentus non dimittatur.

Mulier, quid ploras? quem quæris?

Iterum eam reuocat à fletu, id quod
& Angeli fecerant. Quid, inquit, ploras
in tanto gaudio, quod hodie mundo obuenit?
Quem quæris, cum præstò sim? Aliud
tibi deest, & videbis me: nihil aliud
tibi deest, q̃ quod fidem nō habes. Absterge
igitur lachrymas, habes itā quæ quærebas,
ego tibi causa sum lachrymarum, quasi mortuus
& è monumēto sublatus: verum quoniam
vivo & adsum, omisso fletu gaude iam & triumphas,
&c. Vides

hic iterum, quid Deus agat cum suis,
interrogat eam, quasi nesciat quid ploraret,
quidq; quærat, cum tamen omnia sciret:
sic nobis interdum videtur ignorare nostras
& angustias & desideria, quā tamen nihil
minus ignoret.

Domine, si tu sustulisti eum, dicito mihi, &c.]

Non respondet ad interrogata, sed quasi amore ebria, putat omnes scire quid
ipsa doleat. Ob hanc causam non dicit, Quæro Iesum, aut, Si tu Iesum
sustulisti, &c. sed tantum: [Si sustulisti eum,
&c.] Sic & duo illi discipuli euntes in Emaus,
quum ipsi de Christo solliciti essent, putabant
omnes idem facere. Tu solus, inquit, peregrinus
in Hierusalem, & nescis ea quæ acta sunt: Vide
autem huius mulieris amorem & audaciā, Ioseph
non fuit ausus tollere corpus Iesu, nisi noctu
& consensu Pilati: hæc autem non noctem
præstolatur nec Pilatum reueretur, sed audacter
promittit: Ego tollam, quum tamen hoc supra
vi res ipsius esset. Verum hæc est natura
amoris.

Dicit ei Iesus, Maria.]

Non se diutius potuit continere Iesus,
quin se ostenderet tā studiosè quærenti
& ardenter amanti. Non enim oblitus
est misereri Deo. Huius figura præcessit
in Ioseph, qui quum alium se simulasset
esse erga fratres suos, tandem compassione
victus, seipsum continere non potuit, quin
se ostenderet. Proprio autem nomine eam
compellat, vt verū appareat, quod dixit de
pastore bono: Proprias oues vocat nominatim.
Et iterum: Ego cognosco oues meas, &c. De
inde vides, quod Christus potissimum verbo
se indicat & manifestat: alioquin etiam si
præsens sit, non tamen cognoscitur, nisi
verbo se aperiat. Si igitur vis Christum
videre & cognoscere, audi verbum eius:
nam factem eius hoc tempore videre non
poteris.

Raboni, quod dicitur Magister.]

Optima responsio agnoscere Christum
vt magistrum & doctorem, quādoquidem
se verbo manifestat. Hic vide mutationem
dexteræ excelsi, quā facile Deus omnem
tristitiam

- Pfal. 76.** auferre potest. Vnum verbum dixerat, & statim conuersus est dolor magnus in gaudium magnum, lachrymæ doloris in lachrymas amoris. Miram siquidem dulcedinē ex verbo Christi sensit, vnde & statim eum agnouit. Bene igitur Petrus dixit: Domine, ad quē ibimus? verba vitæ æternæ habes. Sicut igitur vnū Christi verbum tantæ fuit efficaciz, vt Magdalene omnem auferret tristitiam, sic verē vnum Dei verbum fide arreptū, potens est hominē à desperatione præseruare, &c. Discamus exemplo huius mulieris, plorare propter Christi absentiam, desiderare præsentiam, amare, quærere, nihil externum formidare, nec aliā consolationem admittere, præter eam quæ à Deo est.
- Noli me tangere, nondum enim ascendi, &c.]*
- Ex hoc verbo colligimus, quod Magdalena non contenta Christum vidisse audisseque, sed etiam tangere eum cupiebat, id quod cōsueuerat. Sic enim & ante passionem pedes eius vnxit & lauit: hæc enim est natura charitatis. Iuxta illud: **Pfal. 41.** Qui edunt me, adhuc esurient, &c. Sic David: Quemadmodum, inquit, desiderat ceruus ad fontes aquarum, ita desiderat anima mea ad te Deus. Videmus etiam hic ingenium hominis in angustia positi, is nō cōtentus est verbo Domini, sed insuper cupit videre & habere Deū: quam ob causam Deus verbo suo externa signa addidit, vt vel sic imbecillitati nostræ condescenderet. Cæterum, quod Christus Magdalenam tam ardentem amantem à contactu suo repulit, durum videtur, cum ante passionem suam nullum omnino quārumvis immundū repulerit. Nunquid igitur alius effectus est Christus post resurrectionem, q̄ prius fuit? Et qui prius benignē omnes ad se inuitarit, nunc etiam sanctissimos à se repellat? Nequaquam. Non auersatur Magdalenam. Quomodo enim ipsi præ alijs diligenti negaret, quod alijs mulieribus eo ipso die concesserat. Accesserūt **Matt. 28.** (Inquit Matthæus) & tenuerunt pedes eius. Nec ad ipsam solum pertinet verbum hoc. Imò nec de corporali tactu hic loquitur, id quod patet ex eo, quod subdit: Nondum enim ascendi ad Patrem meum, quasi postquam ascenderit, eū in terra posita tangere potuisset. Aliò igitur tendit verbum hoc. Ac prius mò quidem verē est verbum gloriæ ac gloriosæ victoriæ. Quasi diceret: Hactenus etiam impij hoīes verberibus & spiritibus me tangere potuerūt, imò & mors ipsa me inuasit, &c. nunc omnibus aduersarijs dico: [Noli me tangere.] Nihil enim amodo in me poterunt. Secundò est verbum consolationis. Quasi diceret: Nunc quidem perfectē mihiungi desideras, sed frustra, sine vt prius ascendam ad Patrem, sine vt prius transeat sæculū hoc: in alio sæculo me plenē habebis, interim contenta sis oportet verbo meo. Nam in hac vita me visibilibus præsentem non habebis. Tertiò hoc verbo etiam nos docet, quomodo deinceps eum æstimare debeamus. Quasi diceret: Hactenus me ipsum adeò exinanīui, vt homo factus, inter homines conuersatus, tangi & videri potuerim, imò & vtero matris concludi: nunc autē latior effectus sum, quàm vt manibus apprehendi possim. Huc pertinet, quod Paulus ait: Vt possitis comprehendere, quæ sit longitudo, latitudo, sublimitas, & profundum, &c. Hæc autem longitudo, latitudo, sublimitas, & profunditas Christi, nihil aliud est, quàm quod sedet ad dextram Patris, hoc est, tam latè regnum occupat, quàm Pater occupat, estque eiusdem potētiz, sapientiæ, & maiestatis cum eo. Docet itē hoc verbo, se deinceps velle omnīū maximè cultu spirituali coli. Quasi diceret: Hactenus ante passionem me lauitisti, vnixisti, mihi corporaliter ministrasti: nunc alius & perfectior cultus exigitur, internus scilicet & spiritualis, nempe fides, spes, charitas, his me deinceps tangere & comprehendere cura, nō manibus corporalibus. Præterea hoc verbo præostendere voluit, quod Genialitas, quæ per Magdalenam (vt supra dictum est) significata est, eum visura & comprehensura non esset, nisi post ascensionem suam. Docuit item hoc verbo, quomodo suos hic tractare velit, nempe eo modo, quo Magdalēnā, cui aliquid quidem consolationis indulxit, sed non quantū ipsa voluit. Sic in hunc vsq̄ diē agit Deus etiā nobiscū. Demū hoc verbo monētur oēs impij, ne temere in Christū peccent:

peccent: [Noli (inquit) me tãgere.] Du
A. 20. 9. rum enim est contra stimulum calcitra
re, &c.

Nondum enim ascendi ad Patrem meum]

Causam reddit, cur contactum pro
hibuit: [Nondum (inquit) ascendi,] hoc
est, nondum credis me ascendisse ad Pa
trem & Deo æqualem esse, quia adhuc
me inter mortuos quæris. Quomodo
igitur mihi placere posset externũ tuũ
obsequium, cum internus cultus tibi de
sit, fides scilicet? si verè me colere vis,
crede me ad Patrem ascendisse. Deinde
nondum ascendi ad Patrem, hoc est, nec
dum Spiritum sanctum misi: sine Spi
ritu autem sancto nemo dignus est tan
gere Christum: imò sine Spiritu sancto
nescimus quidẽ quo modo verè Deus
colendus sit. Prius igitur quære Spiri
tum sanctum, is te docebit, quomodo
Christum tangere & colere debeas, imò
dignum te faciet, vt audeas Christum
tangere.

Sed Vade.]

Hic iterũ vides, quid cum suis agat.
Mariam & voce & suo conspectu conso
latus fuerat: nunc autẽ se denuò abscon
dit, ac diutius cum ipso permanere cup
ientem, abire iubet, & alijs quoq; nun
tiare quæ ipsi reuelata erant. Sic pius
quisque solius Dei contemplationi in
hærere cuperet, ac etus dulcedine per
frui, interim autem Deus eum mittit ad
proximum suum: Vnicuique enim Deus
mandauit de proximo suo. Cæterum,
etsi Dominus Mariæ negauit cõtactum
corporis sui, illicò tamen duplicem mer
cedem perseverantiæ & lachrymarũ illi
reddidit. Nam in ea prima vniuersum
mulierum genus à mœrore & lachrymis
ad lætitiã reuocauit. Quemadmodum
enim in Paradiso mulier, quia Diabolo
ministrauerat, audiuit in doloribus se
parituram filios: ita nũc in horto à ma
ledictione liberata, plorare prohibetur.
Altera merces est, quia mittitur ad disci
pulos nuntia, vt hoc Euangelium eis
perferret. Et quemadmodum prima mu
lier nũtium mortis attulit viro, sic hæc
contra nuntium vitæ & salutis.

Dic ad fratres meos.]

Fratres eos nominat. Primò, vt ostē
dat se veram carnem, integram, totam
que humanam naturam habere post res
urrectionẽ, sicut & ante habuit. Secun
dò, vt det ipsis fidutiã ad se redeundi,
qui propter fugam ab ipso poterant for
midare plus æquo. Tertio propter nos
tram instructionem, ne exaltati despi
ciamus eos, cum quibus tempore parui
tatis nostræ conuersabamur. Maxime
autem hoc cognomine, [Fratres,] indi
cat suæ resurrectionis communionem.
Quid enim hoc aliud est, quàm Apосто
los & quotquot per verbum ipsorum
credunt, resurrectionis Christi partici
pes esse? Nam si fratres sumus, oportet
& coheredes esse. Et quid maius melius
que nobis contingere potuisset, quàm
vt fratres Christi simus? Hic est autem
verus fructus resurrectionis, &c. Obser
ua, q. solis his qui fratres Christi sunt,
tam lætum nuntium perfertur: Ad so
los enim eos pertinent promissiones
Euangelicæ. Quare non est, quòd imple
viuentes de eisdem promissionibus glo
rientur.

*Ascendo ad Patrem meum, & Patrem
vestrum.]*

Sensus est: Dic Apostolis, me per re
surrectionem in gaudium & gloriam
Dei Patris intrare, me in omnia paterna
bona ingredi, & possidere regnum
Dei Patris. Vide autem Emphasim ver
borum. Primò magnum est quòd dicit:
[Ascẽdo] Hoc enim omnes appetimus,
sed non omnes scimus veræ ascensio
nis viam. Hinc est, quòd & Angelus &
homo ascendere cupientes, ceciderunt.
Quilibet ipsorum dixit: Ascendo, sed
falsò. Solus enim Christus verè dicere
potuit, Ascendo, ideo ipsum securè pos
sumus imitari. Signanter autem dicit:
[Ascendo ad Patrem.] Hoc enim verè
est ascendere, Deo appropinquare. Quò
magis à Deo recedis, eò magis descẽdis.
Vis ascendere? appropinqua Deo. Ad
dit: [Et Patrem vestrum,] ad consolati
onem nostram. Quasi diceret: Mea
passione iam effeci, vt qui Pater meus
erat, etiam Pater vester sit. Non igitur
est, quòd timeamus, si tam potentem
habemus Patrem: Si Deus pro nobis, Rom. 8.
quis contra nos? Signanter autem dicit:

BBb iij Pa

Patrem meū & vestrum,] cum potuisset dicere: Ascēdo ad Patrem nostrum. Verū et si Deus etiā Pater noster sit, longē tamē aliter Pater noster est, q̄ Pater Christi. Ipsius siquidem Pater est secundum naturam, noster autē per adoptionem: ad hoc significandum tam distinctē loquitur: [Ascēdo ad Patrem meum, & Patrem vestrum.] Obserua, quod ante passionē dicit: Vado ad Patrem, hic exprimit, quod etiam noster Pater sit: hic est enim fructus passionis. Addit Deum meū & Deum vestrum. Deum suum nominat, propter humanitatem. Sicut enim sua nobis dedit, sic & nostra assumpsit. Sed quid (inquis) hoc ad nos, quod ipse ascendit? &c. Multum per omnem modū. Hinc enim primō scim⁹ nos habere aduocatum apud Patrem, &c. Secundō speramus etiā nos eō peruenturos, quō Christus ascendit. Caput enim sequentur membra, & vbi fuerit corpus, congregabuntur & Aquilae. Præterea hinc discimus, quō tendere debeamus, nempe eō, vbi Christus est in dextera Dei sedēs. Obserua autem quod Christus sicut imminente passionē primū dixit. Vado ad Patrem, sic post resurrectionem primū dixit, [Ascēdo.] Non enim pater a litus ad vitam, nisi post mortem. Nisi enim granum frumenti moriatur, solum & in-frugiferum manet.

Venit Maria Magdalena & nuntiavit.]

Hic iterum vides, quod Deus magnifica sua opera per humiles & abiectos exequitur & perficit, vt ipse solus glorificetur: Quæ infirma sunt mundi accipit, vt confundat fortia. Vide item, q̄ diligenter Maria inlunctum Domini mandatum exequitur, nihil amplius responsat, nihil causatur, sed simpliciter vadit & nuntiat: Vidi Dominum, & hæc dixit mihi. Hinc discat quilibet vocationi suæ inferuire, quā potest diligentissimē, &c.

Cum autē esset sero die illo, vna Sabbatorum.]

Hactenus discipuli tota illa die fuerant in mœrore, tristitia, & dubitatione: nunc autem tandem apparēte Christo, omnia hæc tolluntur, & succedunt gaudium & hilaritas. Vide autem hic primō, quid Deus cum suis agat.

Summo mane surrexerat Christus, & tamen cum iam sero esset, primū Apostolis apparuit, quos tota die dubios reliquerat, quique iam desperabant se Christum ea die visuros. Sic & nobiscum agit Deus. Mane surgit, imō semper paratus est adiuuare, sed interdum sero venit, cum omnia videntur desperata. Iam quantumcunque sero veniat, certō tamen venit ad suos, nec eos incōsolatos relinquit. Hinc Propheta monetur: Si moram fecerit, expecta eum, quia veniens ventet. Deinde, etsi Christus sero quidem venit, interim tamen tota illa die crebris nuntiis discipulorum corda excitat, paulatimque noctem tristitiæ excutit. Sic primō veniunt & nuntiant mulieres, deinde duo discipuli ab Emmaus. Sed & hoc inter discipulos auditum erat, quod Dominus surrexerat & apparuerat Simoni. Tot tantisque nuntiis discipulorum corda interim excitabat, etiam antequam ipse veniret. Sic nobiscum quoque agit, etsi non statim nos liberat a malis, interim tamen, si attendimus, non parua beneficia nobis præstat, quæ quasi nuntii sunt Domini sui tempore certō venturum & adiutorum. Præterea ante noctem suos consolatur, ne abundantiori tristitia absorberentur, quandoquidem nox seipsa horroris plena est. Congruē autē tunc primū Apostolis in communi apparuit, cum iam sero esset, quia scilicet nō in principio, non in medio, sed in fine & vltima ætate mundi apparuit mundo saluator. Iam enim vespera est mundi, quam certō sequetur nox, & statim. Vide igitur ne tantillum diel, quod superest, infructuosē transire permittas. Hinc Christus: Me oportet operari, diel est, venit nox, in qua nemo potest operari.

Et fores essent clausæ, vbi erant discipuli.]

Timent adhuc discipuli, quia eorum nondum erat spiritu obsecratum. Postea verō spiritu reuelato, non solum fores aperiunt, sed etiam fortis Christum publicē prædicant, non timentes nec minas nec mortes. Sic nimirum natura nostra in periculis trepidat, gratia autem & charitas per Spiritū

Rom. 5. Spiritum sanctum diffusa in cordibus, foras mittit timorem. Vel etiam ideo clauseraunt fores, quia sermonem interesse volebant. Vel etiam ideo, ut se cretius orare possent, iuxta praeceptum Domini: Intra in cubiculum, & clauso ostio ora Patrem. Vide autem, quid agant discipuli. Tempestas passionis ipsos disperferat, nunc autem statim iterum in vnum congregantur. Legerant enim, melius esse duos simul habitare, quam vnum. Item, quod frater, qui adiuvatur à fratre, tanquam ciuitas firma. Cæterum, sicut prius unitatem & concordiam amant, sic impij discordiam. Ad dicit autem Lucas, discipulos de Domino Iesu collocatos, ideo & statim eis apparuit. Vbi enim hæc tria sunt, timor, studium concordiae, & sermo pius, ibi Christus prope adest.

Venit Iesus, & stetit in medio eorum.]

Matt. 18. Sic enim promiserat: Vbi duo vel tres congregati fuerint in nomine meo, in medio eorum sum. Stetit autem in medio, ut verus mediator Dei & hominum. Deinde, ut omnes eum viderent ac consolationem reciperent. Præterea, ut ostenderet se non longe esse ab unoquoque nostrum, imò omnibus ex æquo adesse, non minus pauperibus, quam diuitibus: non minus Gentibus, quam Iudæis. Non enim est acceptor personarum Deus, sed in omni genere qui timet eum & mandata eius servat, acceptus est illi, id quod summè nos consolatur. Olim in angulo stabat Deus, cum in Iudæa tantum esset notus, videbaturque acceptor personarum, nunc autem in medio stat.

Pax vobis.]

Non casu aut fortuito hanc salutationem attulit victor mortis Christus, cum primum ingrederetur conuentum Apostolorum post victoriam, sed propter rei significationem. Primum enim quia Apostolis dixerat: In quamcunque domum intraueritis, primum dicite: Pax huic domui, congruè & ipse hoc seruauit. Secundò sic eos salutauit, quia paulò ante dixerat: Pacem relinquo vobis, &c. Quod igitur tunc reliquit, nunc attulit & auxit. Tertiò pacem discipulis

optat, quia pace maxime indigebant, quoniam multipliciter territi & turbati erant, propter præteritam scilicet Christi passionem, propter Iudæorum odium & crudelitatem, & propter proprij cordis dubitationem. Quarto pacem optat, quia pax est maximè & optimè bonum, quod omnes appetunt, propter quod etiam agunt omne quod agunt. Id est, si etiam externa pax tantum bonum est, ut sine ea nihil sit dulce, quanto magis pax conscientiae, pax cum Deo? Hanc pacem hocque bonum, ut & nos magnè pendamus & quæramus, vel quærere discamus, Christus sic suos salutauit. Maxime autem Christus hac salutatione indicauit & indicare voluit fructum passionis suae: quia enim pertrulerat peccata nostra in corpore suo super lignum, & quia christographum peccati de medio tulerat, affigens illud cruci, & expolians principatus & potestates traduxerat, confidenter palam triumphans in semetipso, congruè discipulis dicit: [Pax vobis.] Quasi si diceret: Quandoquidem pro vobis mortuus sum, ecce Patrem placui, iam vobis reconciliatus est, id est vos amat, iam securè potestis accedere, & dicere: Pater noster, qui es in celis. Quod igitur Christus in passione sua impetrauit, pacem scilicet conscientiae nostrae, hoc nunc verbo distribuit. Dona enim Christi nondum propterea mea sunt, quia impetrata sunt: hæc enim ratione essent & Sanae: sed quia verbo mihi distribuuntur, & fide à me accipiuntur. Ex hoc igitur loco videmus, vnde nobis tantum bonum contigerit, ut pacem habeamus cum Deo, nepe non à nobis ipsis, sed à Christo: Per ipsum (inquit) habemus accessum ad Patrem. Ipsi igitur accepto fecimus, non nostræ iustitiae aut meritis. Verè igitur magnum est à Christo audire: [Pax vobis,] alioqui quis non desperaret de peccatis suis, quibus Christum crucifixum, nisi ipse diceret, [Pax vobis?] Summa, hæc salutatio optimè decuit Christum, maxime post resurrectionem suam. Decuit item & Apostolos & omnes Euangelij præcones, qui & ipsi verè sunt Angeli, hoc est, nuntij pacis.

Et cum hoc dixisset, ostendit eis manus &c.]

Huius

Huius causam ponit Lucas: Putabant (inquit) se spiritum videre, ideo ostendit eis corpus, imò ut idem dicit, palpare eos iussit, ut sciret corpus eum habere. Signanter autem ait: Ostendit manus & latus, ut non solum scirent eum corpus habere, sed idem corpus, quod prius habuerat, & quod in cruce pependerit. Plurimum autem refert, imò tota spes nostra est, scire, quod idem Christus, qui in cruce mortuus est, surrexit, & cum eodem corpore: alioqui quomodo nos resurrectionem sperare possemus, si Christus proprium suum corpus non suscitasset? Huc pertinet, quod Paulus diffusè scribit ad Corinthios.
 2. Co. 15. Fuerunt autem hæretici, quorum alii qui dicebāt Christum sine corpore surrexisse, alij cum corpore alio. Utroque refellit Christus, quod discipulis ostendit manus & latus. Ob eandem causam non illis apparuit in gloria, nec gloriam corporis ostendit eis (Nihil enim plus eam ferre potuissent, quam cum transfigaretur in monte coram eis, ubi omnes in terram cecidisse leguntur) sed vulnera corporis ostendit, ad certitudinem, ut dixi, veræ resurrectionis. Deinde signa illa vulnerum dispensatoriè in corpore suo seruauit, ceu margaritas quasdam victoriæ, & splendida pacis, quam attulerat, ornamenta vel testimonia. Poterat quidem virtute, qua surrexit, & de verè mortuo corpore viuū in veritate reddidit, clauorum & lanceæ penitus extirpare vestigia, sed seruanda erant oculis paternis, decencia filiū charitatis & obedientiæ signa, veneranda nostræ causæ patrocinia, nostrique amoris æterna incitamenta, & horroris impiorū perpetua incendia. Christi enim vulnera & impijs suam incredulitatem exprobrant, pijs spem præbent, omnēque desperandi causam admittunt, quando quidē tam insigniter & manifestè Christi amorem ad nos indicant. Spiritualem autem etiam nunc Christus non cessat nobis ostendere manus suas, hoc est sancta opera sua: & latus suū apertum & amore vulneratum, ut & ad amorem & ad pia opera nos excitet.

Gaui sunt ergo discipuli, viso Domino.]

Quidni gauderent? Magnum enim est, videre Dominū. Magnum item est, habere veram illam pacem. Iam igitur mulier illa parturiens, Ecclesia scilicet fidelium, per triduum magnis angustijs vexata, nato & resuscitato Domino, incipit obliuisci pressuræ quam pertulit, quemadmodum Christus prædixit. Hic igitur vides fructum passionis Christi, qui est pax & gaudium in Spiritu sancto. Obserua item, unde gaudeant discipuli, non de diuitijs, non de vanitatibus sed de visione Domini. Sicut enim absentia Christi, doloris, sic & præsentia eius gaudij eorum causa fuit. Vides etiam hic, quā verè dictum sit de Deo. Post tempestatem tranquillum factis, & post fletum gaudium inductis.

Dicit eis iterum: Pax vobis.]

Videbat enim eos territos & turbatos, itemque mirantes, ac non se capientes præ gaudio, ut Lucas ait: Deinde ideo iterum imprecatur pacem, ut sciāt non fabulā aut vana verba fuisse, quod supra de pace inter Deum & hominem facta dixerat, sed certi essent verè Deum reconciliatum. Præterea bis pacem operatur, quia & pacem gratiæ, & pacem gloriæ nobis impetravit & donauit. Postremo hac repetitione pacis, excitare omnes nos voluit, ad quærendam pacem, quoniam nihil in cordibus hominum suauius, nihil in moribus aptius, nihil in virtute altius, imò in beatitudine erit pax totum quod possidebimus.

Sicut misit me Pater, et ego mitto vos.]

Hoc verbo rationem reddit, cur bis dixit: [Pax vobis,] nepe, ut insinueret & pacem se fecisse Apostolis, & pacem per illos mittere nobis. Primum igitur, Pax vobis, ad Apostolos pertinet. Secundum ad nos omnesque credentes. Hinc Paulus: Deus erat (inquit) in Christo, mundum reconcilians sibi, &c. Christus, mundum reconcilians nobis, itemque dedit nobis ministeriū reconciliationis. Legatione enim fungimur pro Deo, &c. Hoc igitur verbo Christus etiā nostri memor fuit. Quasi diceret: Non satis est, quod vos me vidistis, quod pacem adepti estis, nō propter vos tantum veni, ideo etiam alij pro

providendum est. Sicut igitur me misit Pater, ut pacem facerem, sic vos mitto, ut pacem annuntietis. Vbi observa ineffabilem Dei misericordiam, qui nostri memor fuit, nobisque doctores & ministros salutis providit antequam nati essemus.

Deinde hoc verbo Apostolis dat auctoritatem prædicandi. Quomodo enim prædicabunt, nisi militantur? ne viderentur propria auctoritate prædicare, quemadmodum Pseudoprophetae, de quibus dicitur: Ipsi currebāt, & non mittebam eos. Denique manifestè dat Apostolis auctoritatem prædicandi, ne dubitemus ipsis credere. Præterea hoc verbo constituit eos dispensatores mysteriorum & honorum suorum, ut Paulus ait: Est enim sensus. Impetrata quidem sunt per me remissio peccatorum, vita, iustitia, cælum & omnia bona, sed nondum distributa.

Vobis itaque munus distributionis commendo: Ite in orbem universum, prædicare, &c. Hoc item verbo pulchrè Apostolorum officium describit, maxime in eo, quod dicit: [Sicut Pater me misit.] Misit autem Pater Filium, non ad perdendas, sed ad salvandas animas:

non ut iudicet mundum, sed ut salvet mundum. Hinc Christus ait: Non veni vocare iustos, sed peccatores. Item Filius hominis venit quærere & saluum facere quod perierat. Sic & Apostolos misit ad vocandos peccatores ad poenitentiam, curandos corpore simul atque spiritu male habentes, & ut in dispensatione rerum spiritualium non suam, sed Patris voluntatem perficiant, quemadmodum Christus: Descendi (inquit) de cælis, non ut faciam voluntatem meam, sed voluntatem eius, qui misit me, &c.

Demum ex hoc verbo videmus etiam, quales esse debeant Apostoli eorumque successores: [Sicut (inquit) misit me Pater, &c.] Misit autem me, non ut mihi ministretur, sed ut ego omnibus ministrum, etiam usque ad effusionem sanguinis & positionem animæ, sic ego non dominos, sed servos vos constituo: Qui maior est vestrum, sit vester minister, &c.

Misit me, non ut voluptatibus studeam, sed ut crucifigat: sic ego mitto vos, non ut bellè in hoc mundo vivatis, sed ut omnibus malis subiiciamini. Memoretur igitur sermonis quæ dixi, quod non est servus

maior Domino suo, &c. Denique misit me Pater, non ut somnia aut nugæ annuntiem, sed ut Evangelium prædicem, sic ego mitto vos, &c.

Cum hoc dixisset, insufflauit.]

Nusquam aliàs hoc legitur Christus fecisse, quàm hic. Vide igitur, quod non sine caeremonijs Apostolos instituit, ut maior eorum auctoritas æstimaretur, in quem modum etiam nunc caeremoniæ in ordinibus conferendis observantur. Imò & sacerdotes Levitici non sine quadam solennitate instituebantur. Pri-

mo enim lauabantur aqua, deinde arietem immolato, eius sanguine dextræ eorum auriculæ ungebantur, &c. Ungebantur etiam oleo, &c. Christus autem ad veritatem figuras legis transponens, ministros Ecclesiæ per seipsum perficit. Ipse namque consummationis aries est. Perficit autem sanctificationes non unctione olei, sed vera participatione spiritus sui, ad diuinorem virtutem & gloriam homines reformans. Insufflauit autem Christus non tanquam homo, sed tanquam

Deus: & qui in creatione hominis insuff-

flauerat, ut fieret homo in animam viventem, nunc idem insufflauit, ut anima viventis hominis Spiritum sanctum acciperet, & ad intelligendum scripturas sensum apertum haberet. Cæterum quod

Christus suos afflauit, etiam alia ratione factum est, nempe ut sciamus donationem Christi duabus rebus distribui, verbo scilicet & Sacramento. Ita & hoc loco

Apostolis datur Spiritus sanctus verbo dicentis: Accipite Spiritum sanctum, &c. & flatu seu medio Sacramento. Eodem modo & remissionem peccatorum, gratiam, imò & corpus suum, nobis distribuit per verbum & Sacramenta.

Accipite Spiritum sanctum.]

Mos est beneficiis, ea quæ nuper acquisierunt communicare cum charis, & quamvis Christus tunc spiritum futuræ resurrectionis non dederit, spiritum tamen primæ resurrectionis concessit, ut

resurgere possimus à peccatis, quæ est resurrectio prima. Observa autem, quod antequam Apostolos emittit, Spiritum sanctum eis dat, ut ostendat, Spiritum sanctum necessarium esse ei, qui Apostolico fungit

Exod. 28

Gen. 2

- frangitur officio. Spiritum igitur dat Apostolis, alioquin non intellexissent omnino mysterium Christi, nec alios recte docuissent, nisi Spiritu sancto edocti.
- 1 Cor. 12. Nemo enim potest dicere, Dominus Iesus, nisi in Spiritu sancto. Deinde nunquam potuissent facere quæ Deo placent, nec peccatorum vitare laqueos, nisi superiorem induti virtutem, ad diuinum robur, animi eorum firmati esset.
- 1 Reg. 9. Vnde & ad Saulem dicebat Samuel: Infiliet in te spiritus Domini, & mutaberis in virum alium. Huc pertinet, quod
- 1 Cor. 15. & Paulus cum dixisset: Plus omnibus laboravi, statim addidit: Non ego autem, sed gratia Dei mecum. Itemque Esaias: Qui confidunt in Domino, mutabunt (inquit) fortitudinem, &c. Cæterum, quamvis in die Pentecostes primum perfecte impletum sit illud Propheticum. Effundā de spiritu meo super omnem carnem, &c. Christus tamen etiam nunc Spiritum sanctum dat Apostolis, ut ostendat & se spiritus datorē esse, & hoc facto quasi præludat ad generalem illam Spiritus sancti effusionem, quæ futura erat in proximo. Sic enim & multa alia generaliter se facturum pollicitus est, quæ tamen ex parte etiam ante fecit, ut credamus verē ipsum etiam vniuersaliter ea perfecturum. Prædixit, omnes
- Iohan. 5. se mortuos suscitaturum. Venit, inquit, hora, ut omnes qui in monumentis sunt, audiant vocē filii Dei, &c. Hoc autem etiam tunc particulariter ostēdit in Lazaro & alijs, quos mortuos suscitauit. Prædixit gloriosissimā futuram sanctorum resurrectionem: Tunc (inquit) fulgebunt iusti sicut sol, &c. quod
- Mat. 13. Mat. 17. ut firmiter crederent, præuenit, & hanc gloriam discipulis in transfiguratione ostēdit. Eodem modo & hic, cum se missurum ad omnes Spiritum sanctum supra dixerit, postquam ad Patrem redierit, primitias tamen pollicitationis & quasi arrabonem nunc discipulis dat. Qui quamuis & prius habuerint Spiritum sanctum. (Alioquin Christum non secuti essent) tamē nunc perfectius eum accipiunt. Vide autem, quā potestati uē loquatur. (Accipite (inquit) &c. quo verbo docemur, Spiritum sanctum etiam à Filio procedere. Item, etiam Filium esse largitorem Spiritus sancti. Obserua
- autem, quod his dedit Spiritum sanctum: nunc quidem in remissionem peccatorum, postea autem in distributionē donorum, in die Pentecostes. Item, semel dedit Spiritum sanctum in terra adhuc positus, quo doceremur diligere proximum, semel etiam à caelo dedit Spiritum, quo excitaremur ad dilectionem Dei.
- Quorum remisistis peccata, remittuntur eis.]*
- Hoc verbo indicat, quomodo & in quem usum eis dederit Spiritum sanctum hac vice, nempe in remissionem peccatorum, nec pro ipsis Apostolis tantum, sed ut eundem spiritum eandemque remissionem peccatorum, verbo prædicationis & Sacramentis verbo annexis distribuere. Est enim sensus, quasi diceret: Ego à Patre impetraui remissionem peccatorum, id quod longē omnium donorum maximum est. Nam cui remissa sunt peccata, is beatus est, habet Deum fauentem, habet conscientiae pacem, caret omni molestia, mortem non videbit, vitam æternam possidebit. Quod enim irascatur Deus hominibus ex peccato fit: quod homines omni molestia, cruce, afflictione, morte afficiantur, ex peccatis nascitur, quorum auctoramenta sunt crux & mors. Proinde peccato remisso, utcumque adhuc afflictio & mors tumultuentur, nihil tamen incommo dabunt. Vos itaque eligo & corda uestra in verbum Euangelij. Spiritu sancto ob signo & confirmo, ut euntes in mundum, annuntietis Euangelium hoc de remissione peccatorum omni creature: imò eam ipsam remissionem distribuat per verbum Euangelij, & per Sacramenta, quæ quicumque à vobis acceptauerit, tam certus sit remissionis peccatorum, quā si idem verbum ex ore meo audiret. Hinc igitur patet, quod quemadmodum legatus non suo, sed mittentis verbo mandat & agit omnia, ita Apostolus dicens: Ego remitto tibi peccata vel absoluo te, non suum tibi verbum denūtiat, sed Christi. Itaque si verbo hoc credideris, credis Christo. Atque hoc est potestas & autoritas Apostolorum, cui nulla mundana potestas comparari potest. Talis, inquam, potestas, pro qua

nunquam satis gratias agere possumus. Quid enim iucundius auditu? quid magis nobis necessarium erat, quam hæc potestas? De hac potestate securè gloria mur contra diabolum in confessione si dei nostræ, cum dicimus: Credo in sancta Ecclesia esset remissionē peccatorum, &c. Cæterum, quamvis Dei proprium opus sit remittere peccata, dicuntur tamen etiam Apostoli remittere non simpliciter, sed quia adhibent media, per quæ Deus remittit peccata. Hæc autem media sunt verbum Dei & Sacramenta. De quibus medijs in Matthæo dicitur: *Mat. 28.* Euntes docete, &c. Baptizantes eos, &c. Signanter autem in hoc verbo fundatur absolutio sacerdotalis (quā nos Sacramentum poenitentiae dicimus) & ex consequenti etiam confessio vocalis vel auricularis, quando quidem certum est ex scripturis, nulli, nisi confitenti, remitti peccata, id quod alio loco diffusius ostensum est, &c. Cæterum ne quis putet se pro suo libitu posse absolvere vel remittere peccata & retinere, præmisit Christus: Accipite Spiritum sanctum. Nullus enim absoluedus est, nisi quem Spiritus sanctus absolui iubet in verbo Dei. Et his solis retinenda peccata, quos Spiritus non absoluit.

Thomas autem unus ex duodecim, &c.]

Non casu hoc factum est, ut hic discipulus abesset, sed dispensatione Dei, ut Christus sæpius occasionem haberet apparendi, ac resurrectionis suæ veritatem ostendendi. Sic Deus etiam nunc quicquid nobiscum agit, siue benefaciendo, siue aduersa immittendo, siue præcipiendo, siue comminādo aut prohibendo, &c. ideo facit, ut occasionem habeat nobis benefaciendi. Ob eandem causam, si ex nobis ipsis Deū non querimus, aduersa immittit, ut vel sic cogamur eum querere, quo occasionem habeat benefaciendi nobis.

Dicunt ei alij discipuli: Vidimus Dominum.]

Gaudium quod supra ex apparitione Domini perceperunt, nunc etiā Thomæ communicant, id quod veræ charitatis est. Non autem exprimūt, quantum consolationis ex visione Domini perceperint, sed contenti dixisse: [Vidimus Do-

minum,] ipsi cogitandum relinquunt. Nō enim deesse potest gaudium & consolatio, ubi Deus videtur, maxime in ea forma, qua sanctis apparet. Hinc Iob abscondente se Domino, magna tristitia absorbebatur, quæ tamen denuo apparente Domino effugata est: Nunc (inquit) oculus meus videt te, &c.

Iob. 42.

Nisi videro in manibus eius fixurā, etc.]

Videtur Thomas hic admodū pro caciter obistere nuntiantibus Domini resurrectionem, non tamē mirū est. Nā & Apostoli homines fuerūt. Et Petrus ante Christi passionē non minus pro caciter Christo obistebat. Etiā (inquit) *Mat. 26.* si oportuerit me mori tecū, non te nego. Imō, quod Thomas hic facit, etiam alij discipuli fecissent. Nā & ipsi etiā ap parente Domino & cum ipsis loquēte, ac ad videndum & palpandū inuitate, adhuc putabant se spiritū videre, nec audebant credere, ut Lucas testatur: ut in- *Luc. 24.* terim taceam, quod mulieribus nō crediderant, & verba earū quasi deliramenta spreuerant. Noli igitur altum temere iudicare, cum vides eum in tentatione succumbere. Tu enim, si hic esses, forsitan maiora perpetrare mala. Cæterum, quemadmodum Euāgelistæ multis verbis descripserunt Petri lapsum, non libidine exprobrandi errati, sed ut doceremur vanam esse carnis præsumptionem: sic Ioannes hic Thomæ incredulitatem describit, ut vel hinc discamus carnis naturam. Qualis enim Thomas hic fuit, tales sumus omnes ex natura. Nunquā persuaderi possumus, ut credamus, nisi videamus & tangamus. Soli enim verbo nō credimus. Videmus etiā hic iudicia Dei, quæ etiā suos labi permittit, tū ut postea liberati, manum & misericordiam Dei manifestius agnoscant, tum ut alij ex hoc terreantur. Cæterū Thomas etiam Iudaici populi figuram præfert, qui à diebus Apostolorum, qui resurrectionis Dominicæ primi testes fuerunt, dicentes: [Vidimus Dominum (quod & nunc per os vniuersalis Ecclesiæ dicere non desinunt) pertinaci duritia resistit, & nisi viderit, non credit.

Post dies octo iterū erāt discipuli intus]

Non relinquit Dominus suos in errore.

rore. Sicut enim in passione Petri post negationem aspexit, sic & hic Thomam instruit, ut verum appareat illud Psalmi: Iustus si ceciderit, non collidetur, quia Dominus supponit manum suam. Obserua autem, quod non statim apparet ei Christus, sed octo diebus eum probat. Tandem autem, cum Thomas iam desperare potuisset Christum amplius apparitum, tunc venit. Sic Deus tunc vel maxime apparet, cum omnia videtur desperata, interim differt & probat, non tamen deserit in finem. Quod autem ante octauam diem non rediit Christus, docere voluit, quod quamdiu tempus huius seculi, quod septem diebus circumagitur, durat, non perfecte videbimus Deum: cum autem octaua dies illuxerit, tunc videbimus eum sicuti est & cessabit omnis dubitatio. Iterum igitur erant discipuli congregati: semel enim experti erant charitatis & concordiae fructum, & quod Christus tunc vel maxime praesentem se exhibet, ubi in nomine eius congregantur homines, frequentius nunc in unum conueniunt, sperantes Dominum rediturum, nec fessit eos spes eorum. Quod si & nos fructum concordiae, & malum seu dānum discordiae expendemus, non sic Ecclesiam scinderemus. Erat autem & Thomas cum eis. Semel enim a congregatione discedens, magno seipsum bono priuauerat, nempe visione Christi. Igitur nunc in congregatione manet, atque ideo Christum videt.

Venit Iesus ianuis clausis, &c.]

Ex hoc loco, quo dicitur (Clausis ianuis) Christum ad discipulos intrasse, Manichaeus concludere voluit, corpus Christi non verum, sed phantasticum fuisse: nec considerat miser, quod Christus iam corpus immortale & gloriosum assumpserat, & quod Ioannes non loquitur de puro homine, sed de omnipotente Filio Dei, qui quoniam de nihilo cuncta creauit, & cuncta, quasi inane & nihilum comparata sunt ei, in potestate sua habet agere quicquid voluerit, & trahere quicquid voluerit, imò hoc potius mirum esset: si hoc non posset. Sic enim cum voluit, aperta est terra, & deglutiuit Dathan, & operuit super congregationem Abiron. Sic cum voluit, mare celsit Israelis,

Noli esse incredulus, sed fidelis.]

Fidem adhibe promissis meis, etiam si tibi impossibilia videantur, quandoquidem iam hoc vides, quod incredibile putabas. Haec

Infer digitum tuum huc, & vide manus, &c.]

Statim ad Thomam se conuertit, quia is magis indigebat instructione. Deinde non auersatur eum, quia sciebat eum non ex malitia, sed infirmitate peccasse. Hic Paulus monet: Tentatio vos non apprehendat, nisi humana. Cur autem Christus signa clauorum & lanceae etiam post resurrectionem seruauerit, supra dictum est. Nemo igitur ex hoc suspicet, quod etiam in nobis maculae corporum nostrorum post resurrectionem permansurae sint. Immortalitas enim omnes maculas delet. Scriptum est enim: Fulgebunt iusti sicut sol in regno Patris. Ceterum & dicitur: [Infer digitum tuum huc, &c.] Ostendit senosse absentia, & scire quod pertinaciter locutus sit. Inuitat ad tactum, ut vel sic crederet, & per tactum externum sanaretur vulnus mentis in eo, nostraque fides stabilis firmaretur, ut si alii qui Christum tantum viderunt, credere dubitamus, saltem huc credamus, qui testis est. Post fidem enim consubstantiatione Domini consistit. Hinc Paulus: Si confiteris Iesum filium Dei, Deo scilicet Patri aequalem, & credideris in corde tuo, quod Deus eum suscitauit a mortuis, saluus eris.

Hæc autem est regula omnibus Christianis præfixa, ut non sint increduli, sed fideles. Non abs re autem monet, ne simus increduli. Nam incredulitas nedum tepidos, sed & rebelles facit, id quod pluribus exemplis scripturæ probari posset.

Dominus meus & Deus meus.]

Vide Dei mirabilia, Quis credidisset ex tam pertinaci incredulitate tantam futuram fidem? Sic nemo credidisset latronem saluandum, & Saulum futurum Apostolum, & tamen utrunque contigit. De nullo igitur desperandum est, quamdiu hic uiuit. Duo autem acciderant huic Thomæ præter spem. Videbat enim Christum verè resurrexisse. Ad hæc, audiebat eum non latere, quæ ipse prius dubitando dixerat, ideo eum & Dominum & Deum confitetur. Dominum, quod mortem vicerit: Deum, quod occulta sciret & prænosset. Hæc est autem vera & perfecta confessio fidei nostræ, non absimilis ei, quam Petrus aliquando fecerat: Tu (inquiens) es Christus Filius Dei uiui. Quauis Thomas clarius omnia exprimat, non solum eum Dominum, sed & Deum confitetur, nec simpliciter, sed Dominum suum & Deum suum. In hoc enim latet vis. Non satis est credere, quod Dominus & Deus sit, nisi credas, quod Dominus tuus & Deus tuus sit, hoc est, in ipso confidas, ac omnia bona ab ipso speres.

Beati, qui non viderunt, & crediderunt.]

Tacite vocationem gentium prædicat. Quasi diceret: Quod tu non credideris, alijs credendi occasio erit. Gentes enim credent meam resurrectionem, quam tamen coram oculis non viderunt: Tanto igitur beatiore erunt, quanto minus viderunt. Hoc autem verbum summè nos consolatur, quod scilicet hi qui Christum non viderunt & tamen credunt, æquè saluandi sunt, ut hi, qui viderunt. Præterea hoc verbo præcludit viam incredulis, ne putent Christum etiā ipsis de nouo appariturum, sicut Thomæ apparuit. Tibi (inquit) hoc datum est, ut tibi apparerem: alijs non dabitur, sed verbo contenti sint oportet: [Beati, qui non viderunt, & crediderunt.]

Multa quidē & alia signa fecit Iesus.]

Ac si diceret, De multis apparitionibus, quibus Christus post resurrectionem suam se viuum ostendit, hæc duo scripsisse sufficiat, quandoquidem in lege scriptum est, quod duorum hominum testimonium verum est.

Hæc autē scripta sunt, ut credatur, &c.]

Deut. 19

In hunc finem omnia tendunt, quæ hæcenus scripsit, nimirum ut credamus, nec solum ut Iudæi, sed ut signanter hoc credamus, quod Iesus est Christus ille promissus & Filius Dei, & ut per eam fidem vitam habeamus. Hinc discamus, quid in Euangelijs & in Christo quærere debemus, nempe non carnalem libertatem, sed vitam æternam. Discamus quomodo uti debeamus signis & miraculis, quæ fecit Christus, nempe, ut fidem per ea confirmemus: ideo enim & facta & scripta sunt. Alia est igitur miraculorum, alia Sacramentorum ratio. Nam miracula verbi sigilla sunt: Sacramenta autem sunt verbi instrumenta, quibus bona Christi promissa distribuuntur. Nomen autem Christi, in quo vitam habemus, est Filius

Dei, redemptio, vita, sanctificatio, iustitia, quorum omnium verè fit particeps quisquis per fidem & dilectionem membrum Christi fuerit effectus.

Caput XXI.



In hoc capite, ne quis fortè contentiosus auditor, duobus testibus non contentus, maiora & plura requirat, diligens ac dilectus Euangelista tertium addit testimonium Dominicæ resurrectionis, ut nihil desit, quia, ut supra dictum est, in ore duorum aut trium testium stabit omne verbum. Et quamuis potuisset plura addere, tribus tamē testimonijs contentus

Deut. 19

tus est, quibus qui non credit, nec alijs crederet, etiam si plura adducerentur. Præclarus autem & auditu dignus est huius miraculi sermo fidelis, quo nedum resurrectio capitis declaratur, sed insuper etiam corporis, id est, totius Ecclesiæ resurrectio præfiguratur. Vide autem diligentiam Euangelistæ, qui talia de multis, quæ fecit Iesus in conspectu discipulorum suorum, tria signa elegit, quæ in superficie historica resurrectionem Domini contestando, simul etiam mox subsequendam vocationem Gentium, & futuram in fine sæculi saluationem reliquiarum Israel, & vniuersalem omnium resurrectionem mysticè prædicarent. Nam quod Magdalene foris stanti apparuit, itemque discipulis potestatem remittendi peccata dedit, ad vocationem Gentium pertinet. Quod autem finaliter etiam incredulo Thomæ apparuit, ad reliquias Iudæorum pertinet, à quibus & suo tempore auferetur velamen. Quod autem in hoc capite discipuli rete plenum piscibus ad litus trahunt, & statim prandium paratum inueniunt, futuram resurrectionem præmonstrat, &c. Atque hæc tria notatu dignissima sunt, Vocatio Gentium, Conuersio finalis, quamuis sera, Iudæorum: & omnium hominum resurrectio generalis: hæc nobis Ioannes iuxta resurrectionem Domini inculcare voluit.

Post hæc manifestauit se iterum Iesus.]

Diuinæ enim bonitati non satis est, semel suos visitasse, vt verum appareat, quod sapientia Dei dicit: Delitiæ meæ esse cum filiis hominum. Deinde iterum se manifestat, quia supra quidem veritatem resurrectionis ostendit, nunc autem etiam potentiam suam ostendit: alioqui quid prodesset scire, Christum verè resurrexisse, nisi sciremus ei potestatem in cælo & terra datam esse? hoc enim nos vel maxime consolatur.

Erant simul Simon Petrus, &c.]

Iterum commendatur charitas & concordia, qua nihil antiquius fuit Apostolis. Iterumque res ipsa declarat, Christum non deesse, ubi studium vnitatis & concordie viget. Numerum autem A-

postolorum non solum idcirco Euangelista posuit, quia tantus est, vt rectè manifestatio dici possit, quod eis Dominus apparuit: verum etiam idcirco, quia septenario numero rectè sancta Ecclesia figuratur, vtpote congregata vel ordinata sancto septiformi spiritu.

Vado piscari.]

Quāuis Petrus à piscatura piscum per Christum euocatus fuerit ad capiendos homines, dixeritque pro se & alijs: Eccenos reliquimus omnia, & secuti sumus te, &c. bono tamen spiritu nunc ad piscaturam rediit. Non enim est otiaudum, sed aut laborandum manibus, aut laborandum in publica functione. Iuxta illud: Qui furabatur, non amplius furetur, magis autem laboret manibus suis, &c. Nihil igitur contra hoc factum discipulorum facit, quod Christus dixit: Nemo mittens manum suam ad aratrum, & aspiciens retro, aptus est regno cælorum. Non enim retrospecterunt discipuli. Primò, quia artificium illud ex se licitum erat. Secus autem fuisset, si Matthæus ad Theloneum, Zachæus ad publicanatum, Magdalena ad lasciuiam, latro ad latrocinia, redissent: hoc esset retrospicere, quia prohibita sunt, hic autem non. Deinde Apostoli nondum laborabant in ministerio verbi, imò prohibebantur vsque ad aduentum spiritus. Sedete, inquit, in ciuitate, donec induamini virtute ex alto. Proinde ne otientur, redeunt ad laborem manuum, quem Dominus præcepit & ad vitandum otium, & vt sit benedictionis instrumentum. Præterea nec manus à semel arrepto aratro amouent: quamuis enim manibus laborarint, semper tamen præsentis animo Christi vocatio nem sequi parati erant. Ita licet temporis ratione vti opibus, artificijs, potestate, & id genus donis, sed vt cor non apponamus, voluntati autem diuinæ obsequamur. Tribus igitur de causis laborandum est. Primò, quia Deus præcepit. Secundò, quia necessitas vitæ huius hoc exigit. Tertiò, ne otemur.

Illam nocte nihil prendiderunt.]

Tanquam

Tantisper enim labor noster irritus est, dum sine Christo laboramus, & in labore Dominum non videmus & attendimus. Nam & hæc est causa, cur ferme, qui maximis laboribus premuntur, alijs multo pauperiores sunt. Non enim in labore Deum vident, non cogitant Deum, non ex fide laborant. Hinc Sapiens monet: In omnibus vijs tuis cogita Dominum, & ipse diriget gressus tuos. Ceterum, per hunc irritum discipulorum laborem in mari, ostenditur frustra eos laborare, qui se totos huic mundo dant, ac in fluctibus huius maris luctantes, celsis patriis obliuiscuntur. Hinc David de huiusmodi: Dormierunt, inquit, somnum suum, & nihil inuenerunt diuitiarum in manibus suis. Et ipsi impij in inferno clamant: Quid nobis profuit superbia? &c. Transferunt omnia velut umbra.

Mane autem facto, stetit Iesus in littore.]

Supra apparuisse legitur timidis & lugentibus, hic apparet laborantibus, ad consolationem nostram, ne labore frangamur, quum audiamus Christum laborantibus assistere. Sicut autem nox consolationem significat, sic mane vel dies significat diuinam consolationem. Iuxta illud: Ad vesperum demorabitur fletus, & ad matutinum lætitia. Permittit igitur Deus electos suos in nocte huius seculi, hoc est vitæ præsentis, quæ tribulationibus, culpis, & miserijs plena est, multipliciter affligi & sudare, ut tandem quietem sortiti plenus iocundentur. Iuxta illud: Lætari sumus pro diebus, quibus nos humiliasti, &c. Mane autem facto, hoc est, consummato huius vitæ cursu, apparet Christus taliter laborantibus, educitque eos de hoc mari magno & spatiofo, ad portum securitatis æternæ, ubi verus sol incessabiliter oritur, nec dies tendit ad occasum aliquando, nec aliquod flagellum appropinquabit tabernaculo iustorum. Ad literam autem, stetit Iesus in littore, non super aquæ fluctibus, quia volebat discipulos suos paulatim ad suam cognitionem perducere. Si autem stetisset super aquam, obstupescerent & territi, æstimassentque se phantasma videre, quod & ante fecerunt. Mystice verò stetit in littore, ad in-

linuandum, quod amplius non erat cum eis in aquis tribulationum, & fluctibus huius mortalis vitæ, sed ad impassibilem tranquillamque vitam resuscitatus consisteret.

Et non cognouerunt, quod Iesus esset.]

Partim propter distantiam loci, partim propter dubiam adhuc lucem, maximè autem, quia nolebat adhuc cognoscere Christum. Sic & nobis sæpè adest Christus, & tamen non cognoscitur. Hinc Israelitis impropertur: Cognouit bos possessorem suum, Israel autem me non cognouit, &c. Itemque Cyro regi: Exaltaui (inquit) te, & non cognouisti me.

Pueri nunquid pulmentarium habetis?]

Pueros eos nominat, non propter ætatem, sed propter puritatem, simplicitatem, & innocentiam, quo modo & Paulus dicit: Maltitia paruuli estote, non sensu. Deinde hoc verbo alludit ad illud Esaiæ: Ecce ego & pueri mei, quos dedit mihi in signum & portentum. Ceterum sicut Magdalene apparuit in specie hortulanti, sic nunc Apostolis ad mare apparet in specie emere volentis. Ideo quærit, num habeant quod ad esum vendere possint: Qualis enim quisque est, talis ei apparet, aut videtur Deus. Hinc David de Deo: Cum sancto, inquit, sanctus eris, &c.

Mittite in dextram, & inuenietis.]

Hoc verbo docet, quomodo laborandum sit, ut fructus sequatur, nempe ut ad dextram, hoc est, ad spiritalia tendamus. Nihil enim aliud impedit fructum laboris nostri, quam quod plus æquo ad sinistram tendimus, hoc est, ad temporalia, quæ per sinistram intelliguntur. Iuxta illud: In sinistra eius diuitiæ & gloria. Quod igitur Christus hic dicit: [Mittite in dextram, &c.] eundem sensum habet cum eo, quod alibi docuit: Primum quærite regnum Dei & iustitiam eius, & hæc omnia adiicientur vobis.

Miserunt, & iam non valebant illud trahere.]

Vides quid possit verbum Dei, item quid possit obedientia,

CCc liij item

Mat. 14.

Esaiæ. 1.

Esai. 45.

1. Co. 14.

Esaiæ. 8.

Psal. 17.

Prou. 9.

Mat. 6.

itemque quàm nō infructuosus sit labor noster, si ad dextram tendamus. Hoc enim facto nobis declaratum est, ut certifiamus benedictionem Domini fortunare quicquid ex fide in verbum Dei agamus. Simile huic miraculum etiam in Luca habemus.

Dicit ergo discipulus ille, quem diligebat Iesus, Petro.]

Lucæ. 5.

Omnes capti, omnes mirantur, nullus tamen ex hoc agnoscit Dominum nisi Ioannes, id quod & nunc fit etiam nobiscum. Nec mirum, Deum nemo cognoscit in operibus suis, nisi Ioannes, hoc est, in quo est gratia. Ergo igitur, quia magnus ille puerorum suorum appellator, tam veraciter prophetauerat: Mittite, & inuenietis, in mentem discipulo huius venit, quod Dominus esset. Hoc autem Petro dixit præ omnibus, quæ gauisurum sciebat præ omnibus. Bene autem, quia cito acquieuerunt ei præcipienti, statim etiā cognouerunt eum. Obserua autem, quod non dicit, Iesus est, sed Dominus est, & nō noster vel quorumcūque desinit, sed indiffinitè: Dominus (inquit) est. Cur enim suum particulariter Dominum diceret, quia sic in præsentiarum palam fecerat, quod etiam maris Dominus esset, imò & stando in immortalitatis littore probauit, quod mortis victor & vitæ dominator existeret. Ex hoc autem verbo discamus, non nobis, sed Deo fructum laboris nostri ascribere. Dominus, inquit, est. Non noster labor hoc efficit, sed Dei beneficentia. Sic Dauid ait: Non

Psal. 43.

Psal. 126

Acto. 3.

in arcu meo sperabo: nec enim gladius meus saluabit me. Et iterum: Nisi Dominus ædificauerit domum, in vanum laborauerunt qui ædificant eam. Hinc & Petrus: Quid nos intuemini, quasi nostra virtute fecerimus hunc ambulare? Deus Abraham, &c. hoc fecit per Iesum, &c.

Petrus quum audisset, quia Dominus est, &c.

Vno verbo admonitus ad Christum properat, unde constat, non frustraneam aut inutilem esse externam & vocalem prædicationem. Hic autem vide naturam charitatis, non expectat so-

clum, non timet periculum, cupit quidem alios sequi, sed propter tardes sequentes ipse morari minimè vult. Nusquam enim maius periculum in mora, quàm dum ad Christum properamus. Nescimus enim quamdiu tempus currendi habebimus. Quilibet igitur summo studio festinet, neccuret, si alios viderit cessantes: Fugite de Babylone, & saluet unusquisque animam suam, ait scriptura. Charitatis quidè est, etiam alios ad Christum trahere, sed propter alios nemo seipsum negligat. Pastoris item est, exemplo Petri plus alijs festinare ad Christum, ut vel sic sequi incipiant.

Misit se in Mare.]

Primò tunica succinxit se. Noluit enim nudus coram Christo apparere. Væ enim ei, qui in conspectu Domini nudus apparet. Hinc cuidam dicitur: Apoc. 17. Suadeo tibi emere à me aurum, &c. ut locuples fias, & vestibus albis induaris, ne appareat confusio nuditatis tue. Deinde in mare se misit. Agnito enim Christo, nullum periculum timeretur. Cæterum, mare umbram habet omnium afflictionum. Nam ut mare non fert nauis, ita nemo potest in afflictionibus perdurare, nisi præsidio aliquo conseruetur. Est autem humanum præsidium admodum fallax & euanidum. Nam ut in mari non liberamur orta tempestate per nauigium & rates, quibus vehimur, propterea quod præ magno procellarum turbine carina ac tota nauis structura disrumpatur: ita reuelato Dei iudicio, in afflictione nullus liberatur, si humano solus præsidio innixus fuerit. Sic enim Dauid canit: Non saluatur rex per multam virtutem, &c. Fallax equus ad salutem, &c. Et Esaias: Aegyptius homo, & non Deus: Et equi eorum caro, & nō spiritus, &c. Proinde, ut possis citra facturam mare afflictionum calare, eodem tibi opus erit nauigio, quo Petrus supra mare ambulat: Ad Christum non submersus venit, sola fide pro nauigio vectus, ita si fide in Christo

Christum aut verbum Dei in afflictio-
nibus versemur, illæsi ex omnibus ma-
lis enauigabimus. Hoc nauigio penetra-
runt Israelitæ per mare rubrum, &c.
Hinc Ioannes ait: Hæc est victoria, quæ
vincit mundum, fides nostra.

Alij autem nauigio venerunt.]

Diversis medijs ad Christum veni-
tur, alius egregijs donis, alius vili artifi-
cio, quod coram mundo vsque adeo con-
temptum apparet, vt nec donum iudi-
cetur. Sic Petrus ad Christum venit, sed
miraculo, & dono in oculis mundi ad-
mirando. Alij discipuli communi me-
dio ad Christum nauigant, non tamen
minus perueniunt ad eum quam Pe-
trus. Non enim refert quibus donis, sed
qua fide Christum accedas, Tantum cu-
remus, vt per id quod accepim⁹, ad Chri-
stum properemus. Quod autem subdi-
tur: Non longè erant à terra, consolatio
nostra est, vt sciamus non longè nos esse
à portu, etiam si in medijs etiamnum flu-
cibus luctemur.

*Vt descenderunt in terram, vident prus-
sas.]*

Multa miracula in hac manifestatio-
ne fiunt. Primum, quod tantam multi-
tudinem piscium comprehendunt. Se-
cundum, quod rete non scinditur. Ter-
tium, quod Petrus supra mare ambulat.
Quartum, quod citra cuiusvis hominis
operam inueniunt paratas epulas. Hæc
autem non solum ad resurrectionis ma-
nifestationem facta sunt, verum etiam
vt doceremur, quid fructus & emolumen-
ti è fidei labore proueniat. Ex hoc igitur
loco videmus, temporalia præsidia, &
victualia non deesse, nec vnquam defu-
tura his, qui diligenter vocationem suam
sequuntur, & è fide laborant. Hoc idem
videmus in Israelitis, qui dum vocatio-
nem suam sequerentur per desertum, &
manna de cælo, & coturnices vento
adductas, & aquam è petra acceperunt.
Sic Moyses vocationem Domini in mō-
tem sequens, quadraginta diebus nec pa-
ne, nec aqua, sed verbo Dei alitus fuit.
Helias vocationem Domini sequens, à
coruo, alioqui aue rapaci pastus est. Om-
nia hæc ad consolationem nostram scri-
pta sunt.

Afferte de piscibus quos prendidistis.]

Non ait: Quos ego prendere vos fe-
ci. Sic enim & aliàs solet spiritus in scri-
ptura nobis opera ascribere, nō vt hinc
nobis placeamus, sed in officio continea-
mur. Cæterum, quamuis epulas iam pa-
ratas à Christo inueniunt, iubentur ta-
men afferre de piscibus, &c. Vult enim
Deus opera nostra coniungi suis, vt si-
mus cooperatores Dei. Deinde poterat
omnes saturare de pisce superposito pru-
nis, voluit tamen vt de piscibus captis
afferrent, quia dum aliud habemus aut
habere possumus, non debemus ad mi-
racula confugere, nec supernaturalia es-
flagitare præsidia. Hoc enim esset Deū
tentare. Vel ideo iubet afferre de pisci-
bus, vt ex numero piscium, miraculum
conspicius fiat, sicque vtrinque confir-
marentur Apostolorum animi, ex mul-
titudine scilicet piscium, quos coeperāt,
& ex præparato cibo, quem in littore
inuenerant.

*Ascendit Simon Petrus, & traxit re-
te, &c.]*

Præsummo studio è mare propes-
savit ad Christum, nunc denuò remita-
ritur ad mare. Sic nobiscum agit Deus,
ex vna tentatione nos eripit, & interim
ne torpescamus, in altam nos conijcit,
vt & inde nos liberet. Militia enim est
vita hominis super terram, &c. Nume-
rus autem piscium exprimitur ad decla-
rationem miraculi, itemq; propter my-
sterium, vt infra patebit. Sed nec illud
miraculum tacetur, quod tot & tantis
piscibus non fuit scissum rete, quod ta-
men aliàs ruptum legitur in prima ca-
ptura: verum & hoc mysterio nō caret.

Venite, prandete, &c.]

Peraçto labore & obedientia, vocat
eos ad prandium, Apposuit autem & pa-
nem & piscem. Panis ipse est Christus,
qui in Euangelio loquitur: Ego sum pa-
nis viuus. Piscis, qui sub aqua viuit, tri-
bulationem significat. Hæc enim duo
sic cōmiscet Deus, vt nūc quidē cōsola-
tionē, nūc tribulationē habeāt pñ, nec
vnq̃ vel panem solū vel piscem solū ap-
ponit. Ita enim cōsolatur pios, vt tamen
non omnino ab omnibus malis liberi
sint. Et ita eos in tribulationem conij-

est, vt tamen non desit panis consolatio-
tionis.

Hoc iam tertio manifestauit se Iesus, etc.]

Deut. 19
Ex hoc verbo patet, quod Ioannis in-
tentio fuit, legitimo testium numero
auditorum Euangelij confirmare in fide
resurrectionis Iesu Christi: In ore enim
duorum vel trium testium, stat omne
verbum secundum legem. Ideo priori
capite duo testimonia posuit, nunc in
hoc capite propter contentiosos addi-
dit tertium. Et quia qui his tribus non
credit, nec multis alijs crederet, si cōscri-
berentur: ideo cōtentus est hęc tria tes-
timonia posuisse, atq; hoc verbo con-
cludit. Hoc iam tertio, &c.

ALLEGORIA HVIVS historiæ.

Ioan. 4.
Luce 5.
MARE est mundus hic. Apostoli præ-
dicatores sunt. Horum princeps Pe-
trus, cui prima cura demandata est, dicit
& dicere debet: Vado piscari: hoc enim
eius officium est. Aliorum autem est, vt
dicant: Venimus & nos tecum. Exeun-
tibus autē necessaria est nauicula & rete.
Nauicula Ecclesia est: Rete verbū Dei,
Piscaturi deinde cum Petro tunicam
deponant, vt ab omni temporalium cu-
ra nudi sint. Quantumcunque autem ha-
beant & nauiculam & rete, insuper &
succincti sint ad opus, sine tamen Chris-
to nihil capiunt. Interim Christus è cæ-
lo clamat, ac pisces ab eis exigit: hic e-
nim cibus eius est, vt animæ saluentur:
Pueri, nunquid pulmentarium habetis?
&c. Frustra autem laborantibus dicit, vt
in dexteram mittant rete, hoc est, ad ele-
ctos. Bis enim Apostoli leguntur retia
laxasse. Et primo quidem simpliciter di-
xit: Laxate retia, &c. Vnde & tunc qui-
dem magnam piscium multitudinem
cœperunt, sed sine numero, nec ibidem
expressum est, magnæ an parui fue-
rint. Denique qualescunque fuerunt,
certè ruperunt rete. Hic autem ad dex-
tram mittere iubentur, & solos ma-
gnos pisces capiunt, & numeratos, qui
tamen rete non ruperunt. Prima piscas-
tio ad omnes pertinet, tam bonos quàm
malos, quorum plerique parui admo-
dum & lubrici sunt, alij rete, vnitatem
scilicet fidei & verbi Dei sciunt, alij
etiam permanentes finaliter eiiciuntur,
vt in Matthæo dicitur. Hęc autem pis-
catio ad solos electos pertinet. Hi enim
pertinent ad dextram, & omnes magni
sunt apud Deum, quantumuis parui a-
pud mundum videantur. Deinde omnes
numerati sunt: Eorum enim qui saluan-
di sunt, nomina scripta sunt in libro vi-
tæ. Signanter autem sub tribus illis nu-
meris continentur, quorum centenarius
significat obseruationem mādatorum,
quingagenarius remissionem peccato-
rum, ternarius autem fidei, spei & chari-
tatis obseruationem. Piscibus igitur ca-
ptis, restat, vt ad portum festinent & li-
tus. Huc igitur aliqui per medios fluctus
contendunt, hoc est, per martyrium: alij
quietè in nauicula veniunt, qui scilicet
in pace requiescunt & obdormiunt. Ita
tamen ad portum contendere debent, vt
& pisces captos secum adducant. Hinc
eis dicitur: Afferte de piscibus, &c. Ap-
propinquantes littori, primo videbunt
Christum adstantem, & conuiuium æ-
ternum paratum. Iuxta illud: Venite be-
nedicti Patris mei, percipite regnum, &c.
Illic primò ad gloriam ipsorum cedit,
quod tot pisces ceperunt, & eam gloriā
ipsis cōcedet Dominus, quanquam ipse
pisces cœperit, non illi. Deinde audiente
Venite, prandete. Edent enim & bibent
super mensam eius in regno suo. Et au-
diat seruus fidelis: Euge serue bone, in-
tra in gaudium Domini tui. Appone-
tur autem eis & panis & piscis assus. Pa-
nis est dulcedo diuinæ visionis: Piscis
assus natura est Filij hominis excocta
igni passionis. Vtrunq; accipient, quia
vtriusq; visione naturæ reficiet confor-
tes regni sui. Tunc non opus erit inter-
rogare, quis sit. Sciunt enim quia Iesus
est, & perfectè cognoscent, quod nunc
ex parte cognoscent.

Quum ergo pransi essent, dixit Simoni Petro.]

Simoni Petro nesciēti, quid per eum
Dominus fecisset, in eo, quod tunica suc-
cinxit se, & misit se in mare, itemque,
quod ad iussu eius ascendit, & traxit
rete plenum piscibus. Nesciente, inquā,
actus sui mysterium, vel quid sibi velleret
talis tripliciter distinctus numerus pise-
cium, ipse Dominus & magister, qui
hęc

hæc disposuit, nunc aperire incipit. Et primò quidem, quod tertio pastoris illi officium iniungit, arcanam piscium causam respicit. Deinde dicendo: Quum esses iunior, cingebas te, &c. prenuntiat, quid cingendo se, licet nesciens præfiguraverit. In eo autem, quod nunc agnos, nunc oues Petro commēdat, & alterum eorum bis dicit, triplicem illam piscium distinctionem subostēdere voluit. Petrum autem potissimū alloquitur, ei quæ oues suas specialiter cōmendat, ut memoriā abnegationis penitus ex animo eius aboleret: quia enim grauius, quā alij lapsus erat, & obstinatius Christum negauerat, opus habebat peculiari commēdatione, ne recordatione abnegationis, putaret cōmunem Apostolatus commēdationē nihil ad se pertinere. Deinde etiam ideo potissimum ad Petrum hæc loquitur, quia primus & præcipuus erat inter discipulos. Vnde & peculiari quodā modo præ alijs cura ei pastoralis iniungenda erat. Quod autem Petrus maior fuerit alijs Apostolis, ex pluribus patet. Primò ex eo quod ad primum statim cōspectum Christus ei nomen mutauit. Mutatio autem nominis semper magnū aliud quod mysterium præ se fert. Deinde, quod quamuis non primus fuerit in uocatione (nam Andreas prior Christum sequutus est) ab omnibus tamen Euangelistis in numero Apostolorum primò semper ponitur. Huc pertinet quod ipsi dictum est: Tu es Petrus, & super hanc petram ædificabo Ecclesiam meā, &c. Item, Ego pro te rogavi, ut nō desiciat fides tua. Hinc ad Petrum nomina missæ sunt mulieres ab Angelis, in resurrectione Domini apparētibus. Ipse etiam primus monumentū intrauit, &c. Deniq; post ascensionem Domini planè patuit, ab omnibus discipulis ei concessum fuisse primatum. Ipse siquidem ad electionem Mathiæ exhortatus est, ipse post acceptum Spiritum sanctū, prædicauit publicè, ipse primum miraculum fecit, ipse Ananiam corripuit: de solo ipso legitur, quod umbra sua sanauerit infirmos, de alijs autem tantum, quod per manus Apostolorum fiebant signa, &c. Ipse diacones eligere persuasit, ipse in conciliò primus sententiam dixit, &c. Quæ omnia arguunt in Petro quādam

prærogatiuam præ alijs. Merito igitur & nunc peculiariter ei oues commendat Christus. Præterea etiam ideo Petrum alloquitur, ut per eum, quem nouerat, præ cæteris esse ardentioris animi, exprimeret alijs Apostolis, eorumq; successoribus specimen veri perfectique pastoris. Sic enim & aliàs solet Petrus efficere Apostolorum, & per hunc audiri uoluit Dominus, quid cæteri quoque profiteretur. Si quidem huius uoce edita totius Ecclesiæ professio iam pridem promeruerat sponsonem clauum regni cælestis. Itidem & nunc huius uoce uoluit edicere summæ se charitatis professorem, ut per unum cæteri cognoscerent quales ad curam dominici gregis debeant accedere.

Simon Ioannis diligis me plus his?

Opportunè satis antiquo eum nomine, addito etiam Patris nomine, compellat, tum ut admoneret eum pristinae humilitatis, ac doceret ea quæ nunc accepturus erat, non ex natura, sed ex gratia habere, ne aliquando superbiret: tum etiam ideo sic eum nominat, ut vel sic & ipsum & successores eius admoneret officij sui, quod est obedientem esse gratiæ, id quod hæc duo nomina præ se ferunt: Simon enim obediēs, Ioannes gratia est. Hæc autem duo alitè infixæ esse debent animis pastorum, ut & propriæ humilitatis & suscepti officij memores sint semper: sic enim nunquam superbient, sed nec segnes efficientur. Interrogat autem eum Christus non de diuitijs, aut generis nobilitate, quæ nihil ad rem faciunt, nec interrogat de scientia, quæ in pastore quidem requiritur, uerum non sola, sed tantum interrogat de charitate. Hæc enim uel maxime necessaria est ei, qui pascendas oues rationales suscipit. Signanter autem addit: Diligis me plus his? Non uulgarem enim ab ipso charitatem exigit, tum quia Petrus ingentia de seipso promiserat: Etsi omnes, inquit, scandalizati fuerint in te, ego nunquam scandalizabor. Deinde etiam ideo maiorem ab ipso dilectionem exigit, quia plura ei remiserat peccata. Cui autem multum remittitur, multum etiam diligere debet. Potissimum autem ideo dicit: *[Diligis me*

Mat. 16.

Luc. 76

me plus his?] vt offenderet summam dilectione exigi & requiri in pastore. Huc pertinet, quod in veteri lege filijs Israel contententibus de sacerdotio, solus ille à Deo pronuntiatur sacerdos, cuius virga in tabernaculo posita flores & frondes, & fructus proferret, id quod soli Aaroni contigit. Is igitur pastoris nomine & officio dignus est, cuius fides & charitas non est infructuosa, sed germinat & folia verborum, & fructum bonorum operum. Summa, nullus bene præerit ouibus Christi, nisi impensè & ardentè diligat Christum. Docet igitur Christus hoc verbo, quales assumendi sint ad officium pastoratus, non qui nobiliores aut ditiores sunt, sed qui meliores & magis diligant. Ter autem interrogat Christus, num se diligat plus quàm alij. Primò, quia ter negauerat Christum. Deinde, quia tria requiruntur ad amorem Dei, vt scilicet diligatur toto corde, tota mente, tota anima. Tria item pertinent ad dilectionem proximi, vt diligatur affectuosè, discretè, ordinatè. Præterea etiam ideo non semel, sed teritiò hoc quærit, ad ostendendum, quòd sæpè & diligenter discutiendi sunt, qui ad regimen Ecclesiæ assumuntur. Demùm ideo toties dilectionem stipulatur: sciebat enim exorituos, qui non amore Iesu, sed sui commodi gratia curam animarum susciperent, imò arriperent, qui pro pastoribus agerent tyrannos & prædones. Hos autem Christus hoc verbo corripit, &c.

Domine tu scis, quia amo te.

Optima & verè Christiana responsio, quam qui verè & ex animo dicere potest, hic verè beatus est. Vide autem modestià Petri. Non dicit sicut Helias: Re-
 3. Re. 19. lictus sum ego solus, &c. Nec dicit, Dilego plus his. Hoc enim esset temerè aliorum conscientias iudicare, nec in seipso confidit, id quod ante passionem fecerat, sed iudicio Christi se committit: [Domine tu scis, quia amo te.] Idque non semel, sed teritiò fatetur, ex causis supra assignatis. Quanquam vltimò nonnihil turbatus fuerit, nec mirum. Videbatur enim Dominus toties interrogans, parum aliquid de ipso sentire. Et quanquàm sibi conscius esset, quòd vehemèter Do-

minum amaret, tamè post tam magnificam promissam ter abnegatus Dominus, faciebat vt ipse quoque sibi diffideret, timeretque, ne fortè Christus eum iterum casurum præsciret. Prior enim lapsus eum & modestiam docuerat, & deducerat sui fidutiam.

Pasce agnos meos.

Hic tandem ostendit, quibus rebus Petrus testari debeat amorem suum erga Christum. Non enim satis est diligere in corde, nisi & re ipsa dilectionem nostram testemur. Et quanquam omnes Christiani teneantur dilectionem suam testari obseruatione mādatorum, iuxta illud: Si diligitis me, mandata mea seruare: à Petro tamen eiusque successoribus Ioh. 14 aliud quiddam & maius exigitur, nempe vt pascant. Vide autem emphasim verborum. Nō dicit, Occide, aut lanam & lac accipe, sed: [Pasce,] Nec dicit, postestatem in eos exerce tyrannicam, sed: [Pasce,] Inter vos, inquit, non erit sic, sed qui maior est vestrum, sit minister. Pascere autem primò includit curam, sollicitudinem & laborè, id quod in Iacob Patriarcha præostensum est, qui pastor ouium existēs: Nocte, inquit, & die gelu- Gen. 28 vrgebat & æstu, & fugit somnus ab oculis meis, &c. Deinde pascere omnia illa includit, quæ pastores Iudæorum apud Ezechielem arguuntur, omisisse: Quod infirmum (inquit) fuit, non consolidasti, &c. Teritiò autem dicit: [Pasce,] vt ostendat magnam se sollicitudinem habere pro ouibus suis, & quàm sollicitè velit eas custodiri, quamque districtè rationem exacturus sit à pastoribus, si negligentes fuerint. Deinde ter iubet pascere. Debet enim prælatus commissas sibi oues pascere prece mentali, instructione vocali, & operatione virali, imò si opus sit, etiam sustentatione corporali. Quanquam Græci secundo loco non habent, Pasce, sed ποιμαίνε, hoc est, rege non gladio externo, sed virga pastoralis. Pastoris enim est & obedientes pascere, & inobedientes corrigere. Sic Paulus: Vultis (inquit) in virga veniam ad vos, an in spiritu mansuetudinis? Sic idem autoritate pastoralis, fornicarium exclusit ab Ecclesia. Obseruandum autem, quòd tantum semel iussit regere, bis

bis autem pascere, ne quis de solo regis mine gloriatur. Obseruandum & hoc, quod primò committit ei agnos pascendos, deinde bis oues, sic enim Græci habent. Agni sunt imperfectiores, quibus adhuc lacte opus est, & horum maior pars est in Ecclesia, & hi signatur per centenarium numerum piscium. Deinde etiam oues commendat, idque non semel tantum, sed bis: sunt enim in duplici differentia. Aliqui iam aliquantum profecerunt, sed nondum perfecti sunt: hi per quinquagenarium numerum signatur. Alii autem adeo profecerunt, ut & alios Christo generare possint: hi ternario numero signatur. Non enim admodum multi sunt. Omnes igitur fideles qualescunque sint, sine personarum acceptione, & incipientes & proficientes & perfecti, Apostolis commendati sunt. Hinc Paulus: Sapientibus & insipientibus debitor sum. Ouis autem comparat fideles suos, ut sciant pastores sibi non ostiendum esse: nam ovis animal est, quod alterius cura indiget. Deinde, ut sciant ad quid subditos sibi commissos dirigere debeant, nempe, ut oues sint, hoc est, mites, innocentes, simplices, &c. non rapaces, ut lupi, non mordaces, ut canes, non fraudulentum, ut vulpes, non immundi, ut porci, non superbi, ut equi, &c. Obseruandum autem, quod ubique addit: [Meas.] Meæ (inquit) sunt, ego sanguine meo eas redemi, ego eas diligo, & pro eis curo. Non igitur eis pro libitu tuo imperabis, pastorem ages, non dominum. Si ego tibi charus sum, erunt & tibi charæ quas habeo charissimas.

Cum esses iunior, cingebas te, &c.]

Hoc verbo Christus subindicare voluit, quid sibi veller ter iterata dilectionis professio. Qui pro salute gregis Dominici contemnit facultates suas, negligit honores huius mundi, negligit affectus suos, magnum quidem de se synceræ amoris affectum præbet: ceterum, qui pro salute gregis non dubitat vitam suam in discrimen ponere, is absolutæ charitatis certissimum documentum dedit. Id olim facturum Petrum, hoc verbo prædixit. Magnæ autem gratiæ opus est audire, se in gratia usque in finem perseveraturum, id quod Petrus hic audiuit. Deinde hoc verbo etiam genus mortis Petro expressit, nempe crucem. Pulchrè autem mutat personas: quamvis enim in tertia persona dicat: Alius te cinget & ducet, tamen in secunda persona præmisit, Tu extendes manus tuas, &c. quo verbo promptam ipsius Petri ad moriendum voluntatem indicat. Nec obstat, quod addit. Ducet te, quod tu non vis. Hoc enim non ad spiritum Petri, sed ad eius naturam & carnem refertur, cui mors nunquam adlubescit. Nolle enim mori, carni cognatum est. Hunc autem carnis & naturæ affectum, Mat. 26. Christus in humeros suos transtulit, ut vinceret (siquidem totum se in nostris sordibus volutauit, ut nos à sordibus liberaret.) Itaque vicit, ut hoc nolle mori, quamvis in carne maneat, non tamen damnet, alioqui damnaturum, nisi victum esset. Cæterum, sicut Christus hunc affectum vicit, ita & nos eundem affectum vincere & dedit & docuit. Quæ admodum enim infirmus amarum potionem horret quidem & non vult, propter sanitatem tamen recuperandam eam accipit. Vult igitur, & non vult: sic & pius vult crucem secundum spiritum, qui promptus est: non vult autem eam propter carnem, quæ infirma est. Præterea hoc verbo prædicit Petrum non amplius tam pertinacem futurum, quam lis ante passionem fuit. [Cum (inquit) esses iunior,] videbaris tibi admodum fortis, præsumebas de tuis viribus, dicens: Et si oportuerit me mori tecum, non te negabo. Nunc autem cum senueris & Spiritum sanctum acceperis, alius te cinget, &c. Dei arbitrio & voluntati te subijces, ac ducentem gratiam sequeris, etiam in his, quæ naturæ contraria sunt. Ad hæc, Christus hoc verbo, metaphora sumpta ab ætatibus carnalibus, fidei ætates describit. Nam in rebus humanis ita comparatum est, ut pueri suos habeant lusus & iocos. Aetas enim illa promissa ac nucibus, &c. multò facilius in officio obedientiæ continetur, quam dura & importuna parentum austeritate. Concéduntur verò hæc ludicra, donec grandæscant, & labores ferre possint. Nam tunc quò nolunt ducuntur, hic ad literas, ille ad agrum colendum, alius ad artificium manuarium. Ita & in fidei æta-

ætatibus fieri solet. In veteri Testamen
to pueritiæ tempus erat, vt Paulus ait:
Lex pædagogus noster fuit in Christo.
Galat. 3. Et iterum: Cum essem paruulus, loque
1. Co. 13. bar vt paruulus, &c. Hinc est, quod in ve
teri Testamēto patres puerilibus rebus
educati sunt. Nam præ vita æterna, præ
iustitia vera & spirituali, præ regno æ
terno, nonne puerilia sunt terra Cha
naan, iustitia legis, & regnum carnale?
Nouum autem Testamentum senectus
1. Co. 10. tis tēpus est. Nos enim sumus, in quos
fines sæculorum peruenerunt. Hoc au
tem tempore ductimur ad crucem, quo
nolumus. Non enim iam ob oculos no
bis ponitur terra Chanaan, regnum cor
porale & iustitia legis, sed crux. Qui vult
Mat. 16. me sequi, inquit Christus, tollat crucem
suam, &c. Hanc igitur veteris & noui
Testamenti differentiā hoc verbo Chri
stus insinuauit. Et quod de vniuerso pi
orum genere dictum est, hoc de singulis
intelligi potest. Initio enim fidei ludi
cris educamur promissionibus & merce
dibus, donec grandescamus, vt possimus
crucem ferre. Igitur, qui in fide iam se
nuit, extendat manus suas, & sinat se du
ci quod non vult, hoc est, ad crucem quā
Psalm. 10. natura fugit, & dicat cum Psalmista: Pa
ratum cor meum Deus, paratum cor
Matt. 6. meum, &c. Et iterum: Fiat voluntas tua.

*Hoc autem dixit, significans qua mor
te, &c.]*

Quemadmodum pii clarificant Deū
piè viuendo, quia in sua conuersatione
ostendunt, quod Deus sit sanctus & iu
stus, sanctitatem & iustitiam diligens:
sic pro iustitia moriendo, ipsum clarifi
cant, quia testantur Deum tantæ esse ve
ritatis, dignitatis, bonitatis, vt potius sit
moriendum, quàm ab eo vllō modo re
cedendum. Hinc Paulus: In omni fidu
Philip. 1. tia magnificabitur Christus in corpore
meo, siue per vitam, siue per mortem.
Mihī enim viuere Christus est, & mori
lucrum.

Sequere me.]

Iam Petro verbis prædixerat, quod
crucifigendus esset, nunc id ipsum etiam
facto præsignat, dum surgit, procedit,
ac Petrum sequi iubet. Quasi diceret:
Per hanc materialem sequelam, ad quam

te moneo, hoc designo, quod spirituali
ter imitaturus es me, sustinendo mortē
crucis propter iustitiam, sicut & ego.
Quemadmodum enim Prophetæ in
terdum prophetauerunt verbis, aliquan
do etiā factis (vt patet de Hieremia, ca.
Hier. 17. thenas ligneas in collo ferente) sic Chri
stus nunc verbis, nunc factis aliqua præ
nuntiavit. Deinde, quod iam in futuro
dixerat, Extendes manus, & alius te vn
get, &c. hoc nunc in præsentī exprimit:
[Sequere me:] Iam (inquit) tempus est.
Et quamuis sequela hæc referri possit
ad eam, qua discipulus sequitur magi
strum, potissimum tamen intelligitur
de imitatione charitatis & passionis.
Hæc enim duo tam Petro specialiter in
culcauerat. Est igitur sensus, Meo exem
plo discite diligere oues tibi commissas,
meo item exemplo discite etiam animam
& vitam tuam contemnere, ac in mor
tem offerre pro ouibus. Se autem ponit
in exemplum, & se sequi iubet, vt Petrus
vel sic & incitaretur ad charitatem, & cō
fortaretur ad sustinendum crucis sup
plicium. Quem enim nō moueret exem
plum Christi, qui tantum nos dilexit,
& tam sponte seipsum pro nobis obtu
lit? Cæterum hoc verbo mira quadam
suauitate præteritæ concertationis me
Joan. 13. minit, qua cum dixisset: Quò ego vado,
non potes me modò sequi, sequeris autem
postea, Petrus respondit: Quare
non possum te sequi modò? &c. Huius
inquam, concertationis nunc benigne
Dominus meminit, quasi diceret: Iam
de eo quod dixi tibi, Quò ego vado, nō
potes me modò sequi, tu ter negando
veracē me comprobasti: superest, vt nū
hilomin⁹ de eo q̄ adieci: Sequeris autē
postea, meus sermo verus appareat. Se
quere ergo me, hoc est, deinceps paratus
eris propter me in carcerem & in morte
me ire.

*Conuersus Petrus vidit illum discipu
lum, &c.]*

Non reclamatione Petrus, non effugium
quærit, non obmurmurat, sed contētus
est sua vocatione. Interim autem sollicit⁹
est de condiscipulo suo, quem vnice
diligebat, sciebatq; Domino charum,
denique quem videbat iniussim sequi.
Cæterum, quod Ioannes noster & hic &
alias

aliās saepe commemorat, se à Domino dilectum, non ad iactantiam facit, sed vt tanto beneficio gratus existat: & quia dulcissimū sibi erat, hanc Christi dilectionē recolere. Magis igitur est extenuatio sui, & admiratio diuinæ dignationis, quā iactantia, quandoquidem nulla sua merita commemorat, sed tantū Christi dilectionē.

Hic autem quid?

In Petro manifestē se prodit natura carnis. Solet enim caro semper in alienā vocationem respicere, & suam negligere, id quod grauissimē in vxore Loth puni-
tum est, vt meritō eo exemplo admoneamur, ne semel admota manu ad aratrum retrospiciamus, quemadmodum Christus docet.

Sic eum volo manere, donec veniam.]

Ex hoc verbo videmus, quod pro significatione passionis, Petro dixit: Sequere me: alioqui Ioannē nō exclusisset, qui & ipse, vt discipulum decet, Christū secutus est. Verū nō de hac sequela dixerat Christus, sed de imitatione & forma passionis & mortis. Cæterū, Græci hunc locum legunt conditionaliter: Si eū velim manere, quid ad te? Quasi diceret: Etia si istum vellem minimē mori, quid tu ex hoc emolumentū, quidque consolationis inde consequeris? Latini autem assertiuē legunt, Sic eum volo manere, hoc est, nolo vt in cruce moriatur, sicut tu. Nec obstat, quod alibi de Ioāne & Iacobō dicitur: Calicem quidē meum bibete, vel gladio non occubuerit, verē tamē calicem Domini bibit. Primō, cū sub cruce Domini staret. Deinde cū à Domitiano in dolum olei feruētis positus est.

Quid ad te?]

Audisti Petre, quæ ad te pertinet, cur aliena quæris? cur diuinæ iustitiæ secreta rimaris? Respice tu in tuā vocationē, nō alienā, ego de alio curabo. Si is manserit, nec turpi morte occūbat, mihi manserit: si non manserit, mihi non manserit, quid tua refert? Optandū esset hanc sententiā omnium mentibus insculptā esse, vt vnusquisque disceret in suā vocationem respicere. Vnde & Paulus: Tu quises, qui iudas alienum seruū? Suo Domino stat aut cadit. Bonū quidem est, etiam proximo curam agere. Vnicuique enim man-

dauit Deus de proximo suo. Et secundū Paulum, debemus singuli quærere, non quæ nostra sunt, sed quæ aliorum: nō tamē debemus anxari vel curiosē scrutari, quid Deus ordinauit de proximis nostris, quo ad genus mortis, & quo ad ocula futura. Vnde & alijs Apostolis dixit: Nō est vestrum nosse tēpora vel momenta, &c. Et Sapiens: In omnibus operibus Dei non sis curiosus, sed quæ tibi præcepit cogita. Cæterū non sine magno diuinitatis consilio factum est, vt hic dilectus discipulus triumphalem proprii martyrii purpurā non perciperet, alioqui putare quis posset, solos martyres saluandos. Nūc autem videmus, etiam alteram vitam & viā nobis patere. Isti enim duo Apostoli, Petrus & Ioannes, præcipuæ sanctorū columnæ sunt, & in altero quidē vitæ actiuæ fortitudo, in altero contemplatiuæ prænitet pulchritudo. Etenim, quod in Martha satagente circa fratrem quens ministeriū, & in Maria sedente & audiente verbum Domini, præfiguratū est, hoc iam tūc his duobus cceptum est, dum alteri cura mandatur de pascendis Dominicis ouib⁹, alter supra pectus Domini recumbens, verbi incarnati notitia plenius imbuitur. Sic ergo rectē sancta Ecclesia rubētes amplectitur martyrii rosas, vt nihilomin⁹ cōcelebret amica Christo candidæ confessionis lilia.

Exiit ergo sermo inter fratres, &c.]

Hoc addit, vt plenius declaret verbū Christi, ne & à nobis perperā intelligatur. Ideo dicit: Non dixit Iesus: Nō moritur. Nemo enim sententiam mortis euadere potest. Omnes morimur, & sicut aqua dilabimur, &c. Ideo nec Christus simpliciter dixit: Sic eum volo manere, sed addidit: Donec veniā, eum scilicet per mortem vocaturus ad vitam æternam. Veniet quidem Christus in fine mundi, sed interim in morte cuiuslibet venit, & de hoc aduentu hic loquitur.

Hic est discipulus ille, qui testimonium dedit, &c.]

Hic Ioannes Euangeliū suū concludit. Ac primō certificat nos de veritate omnium quæ in hoc Euāgelio audiuius, & hoc dupliciter. Primō ex persona sua. Ostēdit enī se testē idoneū & fide dignū, tum quia discipulus Christi fuit, tū quia

Ddd omnia

Eccle. 17
1. Co. 12

A Ro. 12
Eccle. 3

Luc. 10

2. Re. 14

Gene. 19
Luc. 19

Mat. 20

Ioan. 19

Ro. 14

omnia vidit & audiuit. Dupliciter autem Verbum caro factum est. Tertium, Esti
testimoniū perhibuit veritati. Primo vi
ua voce, deinde scriptis. Addit: Et scimus
quia verū est testimonium eius, quo ver
bo nos certificat de testimoniū veritate.
Duo enim ad iustum testimonium requi
runtur. Primò vt persona sit idonea. Se
cundò, vt vera sint quæ dicit, vtrunque
Ioannes ponit. De persona eius dubita
re non possumus, cum is fuerit, quem Ie
sus specialiter dilexit, &c. Sed nec de re ip
sa dubitare possumus: scimus enim quia
verum est testimonium eius, & experti su
mus, nec hactenus quisquam eum men
daciū insimulare potuit. Restat igitur, vt
credamus, & testimonium eius accipia
mus fiducialiter.

Sunt et alia multa, quæ fecit Iesus, etc]

Hoc verbo rationem reddit, cur non
plura scripserit: Nō æstimes (inquit) me
omnia scripsisse, nam plura alia fecit &
dixit. Quòd autem tam pauca è pluribus
scripsi, non negligentiae meae est, sed dif
ficultatis nimiae. Si enim scribantur per
singula, nec ipsum mundū arbitror cape
re posse libros, qui scribendi essent. Hoc
autem dupliciter intelligitur. Primò de
capacitate intellectus. Totus mūdus non
posset capere, hoc est, intelligere, id quod
irrefragabiliter verū est. Ecce enim hunc
solum librum, qui ab hoc discipulo scri
ptus est, mūdus capere non potest, & cū
vnus homo pugillo eum cōtinere queat,
vniuersitas hominum totā mysteriorum
eius profunditatē capere non valet: quan
tò magis, si vniuersa cōscriberentur, non
caperet mundus! Quòd si verbum hoc
(Totus mundus capere non posset) de
externa capacitate intelligamus, hyper
bole est, quam figuram sæpè in scripturis
inuenimus. Ideo autem hoc loco hanc hy
perbolen posuit, vt magni æstimemus &
ea quæ de Christo dicta, & quæ dicenda
sunt. Deinde vt excitet & feruorē quærē
di accendat. Iam vt epilogo Euangelium
hoc Ioānis claudamus, quinque nos per
ordinem docere voluit Ioannes in Euan
gelio. Primum, quòd Christus non sim
pliciter exordium sumpsit ab incarnatio
ne sua, sed ab æterno fuit Deus. Huc per
tinet: In principio erat verbū, &c. Secun
dum, Ille ipse omnipotens Filius Dei, in
tempore factus est homo. Huc pertinet:

Verbum caro factum est. Tertium, Esti
humilem illam formam serui Christus
in se recepit, non tamē cessauit esse Deus,
imò māsit quod erat. Huc pertinet, quòd
etiam in terra positus, Deū tamen se ve
re ostendit, vt cū dicit: Pater meus vsq
que modò operatur, & ego operor, &c.
ad longum. Quartum, Christus post ex
pletam illam voluntariē susceptam obe
dientiam, suam gloriam, quam ad tēpus
dissimulauerat, resumpsit, imò & huma
nitas eius super omnia exaltata fuit. Hic
dicit: Ascendo ad Patrem, &c. Quintum,
Christus est verus ille saluator, & Filius
Dei, per quem solum nobis omnia bona
prouenerunt. Huc pertinet, quod Ioan
nes suprā dixit. Haec scripta sunt, vt cre
datis, quòd Iesus est Christus Filius Dei,
& credentes vitam habeatis, &c. Haec, in
quam, sunt, quæ Ioannes in Euangelio
suo docere nos voluit, & verè notatu di
gnissima sunt. Ideo autē haec potissimū
scribere voluit. Primò, vt nō dubitemus
de promissis Christi, cū audiamus eum
non solū hominē esse, sed Deum. Secun
dò, vt eò confidentius accedamus, cū au
diamus ipsum non solū Deum esse, sed
etiam hominem & fratrem nostrum. Ter
tiò, vt eò feruētius eum diligamus, quem
videmus tantum charitatis & gratiae no
bis impendisse. Quartò, vt eò promptius
obediamus diuinis praeceptis, quibus
Christus ipse tam promptē obediuit.
Quintò, vt eò diligentius eius nos domi
nio subiiciamus, quem scimus habere po
testatem in cælo & in terra. Sextò, vt eò
cautius ambulemus, cū sciamus eum
etiam iudicem omnium à Deo consti
tutum. Haec, inquam, sunt, quæ ex
Euangelio Ioannis obseruanda no
bis sunt. Quod vt fiat, praestet is
à quo omne datū optimum,
&c. Deus, cui laus & im
perium in saecula saec
ulorum, Amen.

A N N O T A T I O N V M F.
Ioannis Feri, in Euangelium
Ioannis, Finis.

IN EPISTOLAM DIVI

IOANNIS PRIOREM, PIAE ET ERVDI-

TAE, IVXTAQVE DOCTRINAM CATHO-

licam Enarrationes, Moguntiae in summo Templo pro

Concione explicatae, & in hoc Compendium

reductae. ANNO M. D. L.

PER FRATREM IOANNEM FERVM,

summæ apud Mogunt. Aedis Concionatorem, &

Cœnobij Diui Francisci Guardianum.

I. CORINT. XIII.

Et si habuero omnem fidem, ita vt montes transferam, Charitatem autem non habuero, nihil sum.

i. Timo.i.

Finis Præcepti est charitas de corde puro, conscientia bona, & fide non ficta.

I. PET. II.

Ante omnia mutuam in vobismetipsis charitatem continuam habentes, quia charitas operit multitudinem peccatorum.

IN EPISTOLAM DIVI IOANNIS EVANGELISTAE PRIO- REM, PROLOGVS.



Vemadmodum vino vendibili non opus esse suspensa hædera prouerbio dicitur, ita nec mea, nec cuiuspiam alterius cõmendatione indiget hæc Epistola, vt quam vel solum authoris nomen omnibus pijs, atque adeo toti Ecclesiæ Dei iãdudum & cõmendatissimã fecerit, & etiam nũc fa-
ciat. A diuo enim Ioãne prodijt Epistola, imò potius thesaurus hic, & ab eo Ioanne, qui ab exordio cū Christo fuit, & vsque ad crucem cum Christo persenerauit: quique præ alijs discipulis à Christo dilectus, in nouissima illa cœna
Ioan. 13. etiã super pectus eius recubuit, è quo & hausisse non dubitatur, quæ postea omnibus cre-
dentibus tam largiter effudit. Hic idem Ioannes iã prius ex Euangelio suo ita pijs omnia
bus cognitus est, vt vel solum nomen ipsius auditũ, pium quẽque merito excitare debeat.
Si enim (vt prouerbio dicitur) vni oculato testi plus creditur quàm auritis decem, quis nõ
videt, quanta fides Ioanni huic tribuenda sit, qui coram & Christum vidit, & omnibus
per eum gestis dictisq; interfuit? Imò quandoquidẽ hic idem Ioannes semel atque iterum
præ alijs Apostolis, cū solo Petro & Iacobo, ad maxima quæq; mysteria à Christo admis-
sus & exhibitus fuit (vt patet Matthæi ix. xij. & xxvi.) nihil non magnũ et insigne
nobis ab ipso polliceri debemus. Et certè vel solum ipsius Euangelij satis documento esse
potest, quid in hac Epistola ab ipso nobis expectandũ sit. Quo enim spiritu Euangelium
suũ scripsit, eodẽ et Epistolã hanc scripsisse, tã ex rerum in ea contentarũ magnitudine,
quàm ex verborum ipsius dulcedine manifestissimè apparet. Quemadmodum enim in E-
uangelio altissimè super alios Euangelistas volitans, maxima quæque, et quæ magis ne-
cessaria videbantur et sunt, fidei nostræ mysteria aperuit: ita et in hac Epistola nihil hu-
mile aut triuiale, sed ipsam Euangelicã doctrinã summã breuissimè complectens, planè
docet non tantum quid de Christo credendum & sentiendum, verum etiam quo modo in
Christo et secundum Christum ambulandum et viuendum sit. A fide enim Epistolã hanc
incipit, cum pia fidelium conuersatione eam promouet: in charitate autem concludit. Et
hæc omnia non nisi electissimis, et reuera cor penetrantibus verbis, vt nemo non et lectũ
dignam, & scitu necessariam hanc Epistolã iudicare possit: maximè hisce tempori-
bus, quæ innumeros nobis & in fide et moribus Christo dignis, errores et scandala, atq;
etiam hæreses et schismata cum magno Ecclesiæ totius detrimento et incommodo inue-
xerunt. Atque vtinam omnibus Christianis vbiujs Gentiu constitutis, vel vna hac Epi-
stola quàm penitissimè insigi et inculcari possit: hoc enim ni fiat, altera doctrinã Chri-
stianæ pars (charitas videlicet, piãque cõuersatio) penitus in obliuionem et contemptum
abibit: id quod iam dudum apud plerosque, heu, nimium factũ esse, pijs omnes deplorant.
Quis enim non videt quòd pro maiori nunc parte, nihil aliud quàm verbotenus Chri-
stiani simus! Christum videlicet ore confitentes, opere autem et tota vita dia-
bolo seruientes, pro Christianis et Euangelicis nos venditantes, cùm ta-
men nihil ad Christianum pertinens, præter nudum nomen in no-
bis conspicitur. His autem malis et pulchrè et efficaci-
ter occurrere ac mederi, vel vna hac Epistola
posset. Qua de re diligenter nobis at-
tendenda est. Eam autem in
hunc modum exorditur
Diuus Ioannes.

Caput Primum.



*Quod fuit ab initio, quod
audimus, quod vidimus
oculis nostris, quod per-
speximus & manus no-
strae contrectauerunt de
verbo vitae, & vita ma-
nifestata est: & vidimus & testamur, et
annuntiamus vobis vitam aeternam, quae e-
rat apud Patrem, & apparuit vobis.]*

Non solum eodem modo, sed ferme etiam eisdem verbis, Ioannes hanc Epistolam exorditur, quibus & Euangelium suum auspicatus fuerat. Vtrinque enim à summo incipit, statimque omni postposita praefatione rerumque proponendarum commendatione, nullis prorsus ambagibus auditores suspendens, rem ipsam aggreditur. Illic quidem hunc in modum exorsus: In principio erat verbum, &c. & verbum erat apud Deum, & Deus erat verbum, &c. Hic autem: Quod fuit ab initio, &c. Haec autem conuenientia exordiorum, planè arguit eundem fuisse & auctorem huius Epistolae, qui & auctor fuit eius Euangelij. Imò per hoc exordium Epistolae, Ioannes ante omnia ad Euangelium suum nos remittere voluit, ac planè indicare, Epistolam hanc Euangelio suo connecti debere, nec vlllo modo alterum ab altero seiungendum esse, ne videlicet osor aliquis bonorum operum sufficere sibi putet Euangelium Ioannis, nihil autem ad se pertinere, quid postea in Epistolis scripserit, quemadmodum & nunc plerique solam fidei doctrinam amplectuntur, cam autem quae est charitatis & operum bonorum, omnibus modis, quasi nihil ad se pertinètem, auerfantur & execratur. Hos autem Ioannes statim hoc Epistolae suae exordio reuertit, quasi diceret: Ipse ego, cuius nomen Euangelium editum est, etiam me huius Epistolae auctorem profiteor. Itaque qui in Euangelio meo legis, quid de fide in Dominum Iesum Christum docuerim, legas & hic, quid de Charitate & Christianorum vita ac conuersatione sentiam. Idem ego vtrinque & scripsi & docui, nec est quod quis suspicetur, me nunc de operibus scribentem, alio spiritui duci, quàm quum de fide scriberem, vel certè oblitum esse, quid prius de fide scripserim. Nequaquam, vel ipsum enim huius Epistolae exordium argumèto est, me recenti etiamnum memoria tenere, quem in Euangelio scopum praefixerim. Fidem docui, nunc opera doceo, fidem vt dignum erat praemisi, nunc opera bona necessario substituo. Vtrinque enim ad Christianam doctrinam pertinet. Et haec quidem ratio est huius exordij. Simul autem & exemplum praedicatoribus omnibus dare voluit, quo modo & ordine de charitate & bonis operibus docere debeant, nempe, vt primò omnium fidei fundamentum ponant, nec nisi eoritate posito, ad doctrinam operum transseant, alioqui frustra aedificaturi & laboraturi. Cæterum, quemadmodum diuus Ioannes non contentus Euangelium suum de fide in Christum scripsisse, eidem Epistolam hanc de charitate & operibus bonis annexuit, ita & diuus Lucas Euangelio suo Acta Apostolorum adiunxit. Prae-
uidebāt enim iam tunc sancti Apostoli, olim exoriturus, qui fidē ab operibus seiungeret, & alterū quidē mordicus tenerent, alterū autē penitus contēpturi essent. Hoc inquam, & prauidebāt Apostoli, & praeuire suis scriptis volebant, sed frustra. Dormientibus enim pastoribus, venit inimicus, & superseminauit zizania, & tam multa quidē, vt non possint omnia eradicari, sed plerumque diuino iudicio relinquenda & committenda sint. Verū & ipsa Apostoli nostri verba discutiamus. Breuiter igitur Ioannes paucis his verbis indicat, non tantum quis sit Christus, sed etiam quid vel quale sit Euangelium nostrum, quid in eo nobis annuntietur, quàm certum & solidum, denique & ad quid nobis vtile sit. Primò itaque Christum nominat verbum, imò id ipsum verbum, quod ab initio non modo apud Deum, verum etiam Deus erat. Ideo autem eum nominat verbum, quod ab aeterno è Patris substantia natus sit, cuius & virtus & sapientia, imago & figura substantiae, splendorque gloriae est, & quod per ipsum omnia facta sunt. Obserua deinde, quod Ioannes Christum non solum nominat verbum, sed verbum vitae, propterea quod & vita, & veritas, & lux ab ipso profluunt. In ipso, inquit, vita erat, & cæter.

Ioannes igitur primò omnium confite-
tur Christum esse Deum. Deinde per hoc
quod adiungit, & se & alios Apostolos
hoc verbum vitæ vidisse, audisse, & etiam
manibus cōtrectasse, planè indicat, Chri-
stum non solum Deum, verum etiam ho-
minem esse. Deus enim vel Dei verbum
videri & cōtrectari non potest, nisi in
humana natura. Itaq; primo statim ver-
bo Ioannes nos docere voluit, quid de
persona Christi credere debeamus, nem-
pe, quòd & æternum illud verbum Dei
sit, & tamen humanam naturam assum-
pserit, in qua videri & cōtrectari, imò
mori & crucifigi posset. Audiuius (in-
quit) eum docentem, vidimus eum & mi-
racula facientem & etiam morientē: cō-
trectauimus eum manibus nostris post
ipsius resurrectionē. Cæterum, quod Io-
annes hic dicit de verbo vitæ, non tantum
de persona Christi intelligi debet, verum
etiam de toto negotio Christi, hoc est, de
ipsius doctrina, vita, morte, resurrectione
& ascensione. Hæc enim oīa verbū vitæ
nominari possunt & debent: in his enī vi-
ta nostra consistit. Et iuxta hunc sensum
etiam Euangelium nostrum, verbum vi-
tæ nominari potest. Primò enim non hu-
manum, sed verè diuinum verbum est,
verbum quod & viuū & viuificat: vel
(vt Paulus ait) viuū & efficax est, om-
nīq; gladio ancipiti penetrabilius, pertin-
gens vsque ad diuisionem animæ & spiri-
tus, &c. Sic Christus ipse: Verba, inquit
quæ loquor, spiritus & vita sunt: Hinc
igitur videmus, quanti Euangelium no-
strum nobis æstimandum sit, & quàm
longè omnes alias doctrinas præcellat,
quinimo Paulus etiam legē Moyse mor-
tuam literam nominat, si ad Euangelium
nostrum conferatur. Nam Gētilium scrip-
ta cum eo ne comparari quidem dig-
na sunt. Deinde etiam ideo Euangelium
nostrum nominari potest verbum vitæ,
quia in ipso manifestatur vita, non tamē
quæcunque, non carnalis illa vel tem-
poralis, sed quæ apud Deum erat, item-
que ea quam Deus electis suis dat per
Christum & in Christo, insuper & ea vi-
ta, quæ ad Deum nos ducit. Omnia hæc
prius erant abscondita, nunc autem in
Euangelio nobis reuelata sunt. In Euan-
gelio siquidem videmus Christum, qui
verè vita nostra est. In Euangelio vides

mus, quæ sit vera & æterna vita, ad
quam tendimus: in Euangelio denique
videm⁹, quæ sit illa vita, quæ & Deo pla-
cet, & ad Deum nos ducit, deniq; & quæ
Deus à nobis exigit. Atque hinc videre
licet, quantus thesaurus sit Euangelium
nostrum. Quid non agerent, paterentur,
ac expenderent mundani, vt vitam emē-
re possent? At nobis offertur vita etiam
gratis. Plantauerat Deus olim in Paradī-
so etiam lignum vitæ, quo si homo vsus
fuisset, poterat perpetuo viuere: at quia
lignum scientiæ boni & mali ligno vitæ
prætulit, iustè etiam negatus fuit ei ac-
cessus ad lignum vitæ. Deus autem nos
bis dedit verbum vitæ, hoc est, Christum
qui verbum & vita est. Dedit insuper &
Euangelium, in quo vera nobis vita an-
nuntiat & offertur. Merito igitur pro
hoc tanto bono gratias agimus. Euan-
geliumque nostrum omnium hominum
verbis & scriptis præferentes, toto corde
amplectimur, audimus, & suscipimus.
Vt autem tertio loco etiam videamus,
quàm certum sit Euangelium nostrum,
Ioannes tria illa ponit, quæ nulli non fi-
dem faciunt in quacunque etiam re: Vi-
dimus (inquit) audiuius, & cōtrecta-
uimus. Atque hoc ipsum non semel tan-
tum, atque iterum, sed tertio etiam repe-
tit, vt de certitudine Euangelij nullus du-
bitare possit. Quàm certo enim Christus
est Filius Dei, & verbum illud vitæ, tam
certum etiam est Euangelium nostrum.
Non, inquam, nouum aliquod verbum,
vel doctrina noua est Euangelium no-
strum, sed est verbum illud, quod fuit ab
initio, quod etiam primo homini in Pa-
radiso prædicatum fuit, dum ei promit-
teretur per semen mulieris caput Diaboli
conterendum. Deinde nec incertum
quid, & de quo quis merito dubitare pos-
sit, est Euangelij nostrum, imò tam certa-
tum, vt non audiri tantum, sed etiā videri
& palpari possit: nec vlla alia scientia, si-
des, religio aut doctrina, Euangelio nostro
in hoc conferri potest. Omnia enim illa
testimonio hominū, & rationi humanæ
innituntur, nostrum autem Euangelium
adeò summæ & infallibili veritati inni-
tuntur. Sequitur:

Vt & vos societate habeatis nobiscū.

Genet.
Genet.

Genet.

In omnibus videlicet bonis illis, quæ per spiritum sanctum accepimus & habemus. Est autē sensus huius verbi. Quæ nos Apostoli hactenus soli habuimus, ea nunc per Euangelium etiam vobis annū-
Psal. 132 tiantur & communicantur, nempe vt nobiscum habeatis eundem Deum, eandē fidem, eundem Baptismum, Spiritum & Christum, qui vnus omnibus nobis sufficit. Nos quidem prima corporis ipsius membra, sed non ideo totum corpus sumus, & futurum est, vt vnctio illa, Spiritus sancti videlicet gratia, quæ à Christo capite primū in nos vt proximiora membra defluxit, etiam vsque ad oram vestimenti, hoc est, etiam ad nouissima & infirma membra huius mystici corporis defluat. Hoc igitur est cum Apostolis communionem habere & societatem. Et dō verē gloriosam societatem. Quis enim nescit, quā ingentia bona Christus Apostolis suis promiserit? Noli (inquit) timere pusillus grex, quia complacuit Patri vestro vobis dare regnum. Et iterum: Ego dispono vobis regnum, sicut disposuit mihi Pater meus, &c. Et in Ioanne: Iterum veniam ad vos & assumam vos ad me ipsum, vt vbi ego sum, & vos sitis. Et iterum: Pater, volo, vt quos dedisti mihi, sint mecum, &c. Huiusmodi promissionum plena sunt omnia Euangelia. Atqui Ioannes planē asserit, nō in alium finem nobis prædicatum esse & etiam num prædicati Euangelium, quā vt cū Apostolis omnia hæc communia habeamus. Atque hinc etiam videre licet, quid Apostoli prædicando Euangelium quæserint, solum videlicet honorem, modum & salutem nostram, non autem proprium honorem aut commodū. Atq; hoc signo vel nota, etiam adhuc discerni possunt veri à falsis doctoribus. Apostoli nostri in hunc finem prædicarunt Euangelium, vt conscientiaē consolarentur, omnesq; Christiani cum Deo & Ecclesia, hoc est, societate & communione fidelium vnirentur, & vniti manerent. Itaque qui doctrinam suam eō dirigit, vt & conscientiaē perplexaē reddantur, & Ecclesia vel communio fidelium scindatur, hominesq; & à Deo & ab ijs quæ diuina sunt abducantur, &c. is profectō Apostolorum spiritu non ducitur. Quis autem non videt, si secūdum hoc iudice-

tur, quā multi etiam eorū, qui se Apostolis proximos arbitrantur, olim pseudo prophetis reijciendi sint? In summa, Apostoli iam in hæreditatem bonorum Christi asciti & positi erant, nos tamen etiam in tantæ hæreditatis socios & participes assumpserunt. Sciebant enim nihil ob hoc ipsis decessurum. Hæreditas enim Christi nihilo minor efficitur, etiā si plures de eadem participant. Hinc igitur est, quod Paulus nobis acclamat: Iam non estis hospites & aduenæ, sed ciues sanctorum & domestici Dei, &c. Imò hoc est quod Christus ipse etiam eos beatos dixit, qui etsi non viderunt, tamen crediderunt: propterea quod nihil minus habent, quā hi habuerunt, qui Christū ipsum viderunt. Sequitur.

Et societas nostra sit cum Patre, & Filio eius Iesu Christo.]

Non (inquit) ob id tantū vobis annuntiamus Euangelium, vt nobiscum, verū etiam vt cum Deo Patre & Filio eius societatem & communionem habeatis. Cum Deo autem communicare, est ipsius gratiam habere & fauorem, dilectione & amicitia dignum reputari, item in fœdere esse, quod Deus nobiscum pepigit, insuper & omnia bona eius participare, de quibus Petrus ait: Quoniā omnia nobis diuinæ virtutis, &c. donata sunt. Itemq; maxima illa & pretiosa promissa, adeo, vt etiam diuinæ virtutis participes effecti simus, &c. Vel certē iuxta verbum Pauli: Cum Deo cōmunionem habere, est ipsius spiritū accepisse, in quo clamamus, Abba, Pater.

Et hæc scribimus, vt gaudeatis, & gaudium vestrum sit plenum.]

Non tantū ob id annuntiatur nobis Euangelium, vt societatem & communionem habeamus & cum Apostolis & cum Deo: verū etiam, vt perfectum & plenum gaudium consequamur. Ad hoc enim omnia tendunt, vt & conscientiaē pacificentur, & corda exhilarentur. Hanc autem pacem, hoc gaudium nemo consequi potest, nisi & cum Deo & Ecclesia, hoc est, quibuscunque credētibus, societatem & cōmunionem habeat. Obseruandum hic, quā pulchrē Ioannes verum ordinem seruet, in eo, quod primō

Ddd iij prædis

p[er] p[re]dicationem Apostolorum, deinde cō
munionem cum Apostolis, tertio loco,
communionem cum Deo, postremo au-
tem gaudium cordis ponit. Sic enim de
vno ad aliud nobis ascendendum est. A
p[re]dicatione enim Apostolorum susce-
pta, peruenitur in ipsorum societatem &
communionem: ab eadem autem in so-
cietatem & communionem Dei, & ea des-
mum perfectum nobis gaudium affert.
Ex hoc autē ordine manifestē colligitur,
nullum hominem posse cum Deo socie-
tatem habere & cōmunionem, nisi prius
societatem habeat cum Apostolis & Ec-
clesia. Nemo cum Deo concordare pos-
test, qui à proximo suo discordat: Relin-
que (inquit) munus tuum, & vade prius,
Matt. 5. reconciliare fratri tuo. Cum Christo pa-
cem habere non poteris, si cum Ecclesia
illius non conuenias. Hoc autem primū
contra eos militat, qui se Deo proximos
esse putant, quum tamen non cessent &
seip[s]os, & alios ab Ecclesia Christi abstra-
here. Deinde etiam contra eos, qui sibi
ipsis gratiam & amicitiam Dei pollicen-
tur, cum tamen odio & liuore erga fra-
tres pleni sint. Atqui Ioannes noster ali-
ter docet. Omnia enim eo dirigit, vt &
cum Christo, & cum Ecclesia credētium
societatem & cōmunionem habeamus.
In exordio igitur huius Epistolæ Ioan-
nes tria hæc nobis inculcare voluit, quod
nihil malus aut excellentius sit persona
Christi, nihil certius quàm Euangelium
nostrum, nihil denique beatius Christi-
ano homine. Et quidem summam illam
excellentiam Christi probat, quod ab
initio, imò ab æterno fuit & est vita &
lux. Certitudinē Euangelij probat, quod
Ioannes toties repetit & inculcat verba
hæc: Audiui[m]us, vidim[us], contrectauim[us], &c. Felicitas autem Christiani ho-
minis hinc probatur, quod & cum Deo
& Apostolis, atque adeo cum tota cre-
dentium Ecclesia societatem & commu-
nionem habet. Optimo autem & neces-
sario consilio Ioannes tria hæc statim in
exordio inculcare voluit. Nisi enim ma-
gna de Christo sentiamus, nunquam nos
illi commendabim[us]. Et nisi Euangelio,
firmissimē inhæreamus, nunquam con-
scientiæ pacem consequemur. Denique
etiam eo minus cogitabim[us], quid nobis
faciendum sit, si nō diligenter prius con-

siderauerimus, quanta nobis p[re]stiterit
Deus. Congruē igitur Ioannes tria hæc
p[re]misit. Sequitur.

*Et hæc est annuntiatio, quam audiui-
mus ab eo, & annuntiamus vobis, quoni-
am Deus lux est, & tenebræ in eo nullæ
sunt.]*

Posito fundamento, Ioannes nūc su-
perædificare incipit. Duo autē sunt, quæ
huic fundamento fidei superædificare in
animo habet: primū est, puritas vel san-
ctitas vitæ, alterum autem charitas vel
dilectio Dei, & proximi. Et hæc duo per
totam hanc Epistolam vrget ac persua-
dere conatur, & id quidem non solū pul-
cherrimis verbis, verum etiam efficacissi-
mis argumentis: interim tamen fidei &
meritorum Christi mentionem subinde
interferens, ne videlicet videatur fidei ob-
litus, sola opera docere. Non enim est,
aut esse vult in eorum numero, qui vel
solam & nudam fidem, vel sola & nuda
opera docent. Fundamentum igitur, quod
in hac Epistola ponit, est quod Deus sua
gratia & beneficijs nos p[re]uenit, Et quid
inde colligit? Vt & nos erga talem tan-
tumque benefactorem grati simus, eamq[ue]
gratitudinem puritate vitæ, dilectione &
obedientia, p[re]ceptorumque eius obser-
uatione testemur. Hæc erit & est summa
huius Epistolæ. Cæterum, quod hic dicit,
Deum esse lucem, & talem, quæ omnium
tenebrarum expers sit, ad fundamentum
pertinet: quod autem inde colligit, ad æ-
dificium. Interim tamen quod Deum lu-
cem esse dicit, non de externo aliquo lu-
mine, vel solis, vel lunæ, vel stellarū, in-
telligendum est. Inter Deum enim & so-
lem tanta differentia est, quāta inter crea-
torem & creaturam. Solummodo igitur
similitudine quadam nos hic ducere vo-
luit Ioannes. Quemadmodum enim lu-
ce nihil pulchrius, purius & iucundius
est, vel ipso Tobia teste: Quale mihi (in-
quit) gaudium esse potest, qui lumē cæli
non video, ita Deo nihil purius, sanctius,
amabilius. Contra, Sicut tenebris nihil
tristius, inamœnius, terribilius, ita & pec-
catis erroribusque nihil tetrius & dam-
nabilius. Deus igitur lux est, hoc est ipsa
veritas, sanctitas, innocentia, iustitia, &
summa puritas, totus bon[us], totus iustus,
totus

totus irreprehensibilis. Nos autem ex natura sumus mali, tenebricosi, immundi, iniusti, tam peccatis quam erroribus inquinati. Itaque si cum Deo, qui ipsissima lux & puritas est, societatem & communionem habere cupimus, necesse est, ut & peccatis & erroribus omnibus renuntiemus. Quæ enim conuëctio potest esse iustitiæ ad iniustitiam, lucis ad tenebras? Hinc toties Israelitis acclamat Deus: Sancti estote, quia sanctus sum Dominus Deus vester. Huc pertinet & illud, quod Deus ipsi Abrahamo olim dixit: Ambula coram me, & esto perfectus. Itaque quod ad Moysen dicebatur: Ne appropinques huius: Solue calceamentum de pedibus tuis. Locus enim in quo stas, terra sancta est. Hinc & David quaerit: Domine quis habitabit in tabernaculo tuo? &c. Et respondet: Qui ingreditur sine macula, & operatur iustitiâ. Eandem quaestionem eodem modo & proponit & absoluit Esaias: Quis, inquit, nostrum habitare poterit cum igne deuorante, &c. Respondet autem: Qui incedit sine macula, &c. Hinc itaque patet, quod Ioannes maxime hoc verbo usus est contra eos, qui & de cognitione & amicitia Dei gloriatur, interim tamen perpetuo in peccatis manent, eaque subinde augent.

Si dixerimus, quoniam societatem habemus cum eo, & in tenebris ambulamus, mentimur & Veritatem non facimus.]

Hic apertissime videmus, quam misere errent, se ipsos decipiant, qui ex eo, quod videntur in Christum credere, persuasissimum habent, se cum Deo societatem & amicitiam habere, cum tamen interim nihilominus & in peccatis & in erroribus perseuerent. Quemadmodum enim errat, qui extra Christum gratiam & salutem se consequi posse credit, ita etiam errat, qui de fide tantum & Baptismo praesumptionem suam irreprehensibili vita testatam & probatam facit. Et audet Diuus Ioannes huiusmodi hominem etiam mendacij arguere, tantum abest, ut falsam eius persuasionem probet.

Si autem in luce ambulamus, sicut & ipse est in luce, societatem habemus ad inuicem.]

In luce ambulare, est ab omnibus tenebris errorum & vitiorum se abstinere. Et hoc quidem diuus Ioannes necessariū esse iudicat ad hoc, ut societatem & communionem habeamus cum Deo: imò palam pronuntiat, nullam nobis communionem & societatem cum Deo esse posse, quam diu in erroribus & vitijs manemus. Quis autem non hic videt, quam non conueniant hæc ad tempora & mores nostris? Imò quis non videt, Ioannem nostrum planè pugnare cum plerisque concionatoribus huius sæculi, qui asserunt Deum nihil curare quomodo viuamus, sed tantum ut credamus. Atqui Ioannes contrarium asserit. Vtris igitur potius credendum, huic, an illis?

Et sanguis Christi emundat nos ab omni peccato.]

Ne quis ex verbis præcedentibus terribitus dicat: Si nemo Deo sociari potest, nisi qui ita purus & lucidus est, ut ipse, iam omnibus nobis desperandum erit. Quis enim ad tantam puritatem pertingere potest? Respondet Ioannes hoc verbo, quasi diceret: Nihil te hoc moueat, nec est quod ideo desperes, etiamsi plurimum tenebrarum adhuc in te vides. Sanguis enim Christi ideo effusus est, ut nos emundaret à peccatis. Tu tantummodo cura, ut eiusdem sanguinis particeps fias. Quod tu non potes ex teipso, hoc potest sanguis Christi. Noli igitur dicere. Non possum purus esse à peccatis. Rectè quidem miseriam tuam confiteris. (Hic enim primus gradus est ad salutem) non tamen ideo desperandum: Sanguis, inquit Christi emundat nos. Obserua, quod non quæcunque sanguinem, sed sanguinem Christi nominat: nullus enim alius sanguis hoc potest aut potuit vnquam. Signanter autem addit: Sanguis Christi Filij Dei. Ex hac enim appendice apparet, unde sit, quod solus sanguis Christi à peccatis mundare possit, nepe, quod Christus ipse est Filius Dei. Quemadmodum enim mundus iam inde ab exordio maius & mirabilius nihil vnquam vidit, quam passionem & mortem Christi Filij Dei, ita & nulla certior medicina est contra omnia peccata, quam sanguis Christi. Ideo & Ioannes hic expressè dicit sanguinem Christi, non ab aliquibus

- aliquibus tantum, sed ab omnibus peccatis nos emundare. Hoc idem fatetur & alius Ioannes, Baptista scilicet: Ecce (quit) agnus Dei, ecce qui tollit peccata mundi. Et hic igitur non in singulari de vno aliquo peccato, sed in plurali de multis, imò omnibus peccatis loquitur. Hæc autem omnia eo tendunt, ne quis cum desperato Cain dicat: Maior est iniquitas mea, quam ut misericordiam consequi possim: maiora sunt peccata mea, quam ut sanguis Christi ea emundare possit: maior est immunditia mea, quam ut unquam sperare possim, me societatem & communionem cum Deo habiturum. Omnia hæc Ioannes vno hoc verbo excludit, cum dicit: Sanguis Christi Filius Dei emundat nos ab omni peccato. Fons igitur, in quo ablui possumus à peccatis, iam dudum paratus est. Non autem aliud est, quam pretiosus ille sanguis Christi, Et hæcenus quidem Ioannes eorum pusillanimitati occurrit, qui ex eo quod dixerat, neminem nisi mundum & purum, cum Deo societatem habere posse, terreri poterant ac dicere: Durus est hic sermo, quis potest eum audire? Quis gloriabitur semper habere cor? Itemque: Si sic se res habet, quis potest saluus fieri? Huiusmodi homines Apostolus sanguinis Christi comonefacit. Quasi diceret: Tu quod tuum est facito, quod reliquum est, efficiet & præstabit sanguis & meritum Christi. Sic itaque Ioannes nos docet, non tantum quales esse debeamus, sed etiam unde sumendum sit, ut tales esse possimus. Mundos nos vult habere Deus, hoc autem quia ex nobis ipsis non possumus nec habemus, ad sanguinem Christi nobis recurrendum est. Qui enim per Christum non abluitur, nec partem cum ipso habere poterit in regno eius.
- Si dixerimus, quod peccatum non habemus, ipsi nos seducimus, & veritas in nobis non est.]*
- Et hic quoque videmus, quanta discretionem Ioannes loquatur. Ex utraque enim parte sollicitè curat, ne cuiquam vel pusillanimitatis, vel præsumptionis occasionem præbeat. Et quidem ipsi, qui pusillanimes sunt, iam respondit, imò & Christi Filius Dei sanguinem ipsis in consolationem proposuit. Nunc autem præsumptoribus hypocritis obuiat, qui putant se Christi sanguine nihil opus habere, propterea, quod iusti sibi esse videntur, atque adeo digni & societate & amicitia Dei. Tales erant Pharisei apud Iudæos, qui se adeo mundos esse putabant, ut Christo dicerent: Nunquid nos cæci sumus? Imo etiam ipsi Christo vitio dabant, quod & sineret se à peccatoribus trice tangi, & cum peccatoribus manducaret. Quin & audebant propriam iustitiam etiam coram Deo iactare. Sic enim vnus ex eis dicebat: Gratias tibi ago, quod non sum sicut cæteri hominum, &c. Tales olim erant & Nouatiani, qui & Catharos sese nominabant, adeoque mundi esse volebant, ut relapsis post Baptismum etiam poenitentiam negarent. Huiusmodi hypocritarum nunc plena sunt omnia, tam in sectis quam in Ecclesiis, &c. qui cum de peccatoribus agitur, nihil ad se pertinere putant: ubi autem de promissionibus diuinis mentio incidet, de quibus futuris piorum præmijs, hic se etiam in primo loco collocant, & se solos tantis præmijs dignos iudicant. Contra omnes igitur huiusmodi, tam veteres quam novos hypocritas, Ioannes hoc verbo pugnat, ac etiam ipsos peccatores esse, atque adeo sanguinis quoque Christi eos indigere conuincit: imò si hoc proteruè negare vellent, etiam aperte mendaces eos nominat, quandoquidem scriptura omnes homines sub peccato & incredulitate concludit, ut nemo gloriari possit, nisi in sola gratia Dei. Magnam autem vehementiam habent verba hæc: Nos ipsos seducimus, & veritas in nobis non est. Vbi tamen interim obseruandum, quod Ioannes non alios tantum peccati accusat, verum insuper etiam seipsum inter peccatores connumerat. Non enim dicit: Si tu hoc dixeris, &c. Sed: Si dixerimus. Per hoc igitur ostendit, se in genere de omnibus hominibus loqui. Quod si Ioannes & seipsum & alios Apostolos inter peccatores connumerat, quis ex nobis seipsum iustum & sine peccato pronuntiare audebit?
- Si confiteamur peccata, fidelis est & iustus, ut remittat nobis peccata nostra, & emundet nos ab omni iniquitate.]*
- Etiam hæc verba diuine Ioannem probant

probant fidelem doctorem esse. Omnes scens & confitens, quàm hypocrita sibi quidem nos peccato subdidit in verbo ipsi de propria iustitia complacens. Qui præcedenti: nunc autem, ne quis desperet, enim peccatorem se agnoscit, simul etiã iterum consolatione, & quidem certissimè fatetur se indigere gratia Dei, id quod ma, nos subleuat. Et sic etiam necessariè verè est honorare Deum, qui autem sibi um erat. Qui enim reum peccati se esse ipsi iustus videtur, simul etiam fatetur se conscientia accusante sentit, facile terre non opus habere gratia Dei, id quod verè est Deum inhonorare ac contemnere. Vult igitur Ioannes, vt nullus homo quantūcūq; peccauerit, desperet de Dei gratia, quàm diu audit Euangelium de remissione peccatorum. Ediuerso, vt nullus vnquam ita de iustitia propria superbiat, quantumcūque etiam profecerit in ea, quasi nulla in se peccata habeat, ad quæ abluenda Christi sanguine indigeat. Hoc enim esset Deum mēdacij arguere, atq; adeo summā eum cōtumelia & ignominia afficere.

Caput Secundum.



Oeperat Diuus Ioannes argumentis probare, ad Christianissimum non tantū fidem, verū etiã puritatem & sanctitatem vitæ pertinere:

lohel. 2
Esa. 43
Ezec. 18
Phil. 50
Si dixerimus, quod non peccauimus, mendacem facimus Deum, & verbū eius non est in nobis.]

(inquit) Dominus qui deleo iniquitates tuas propter me. Itēq;: Si conuerterit se impius, &c. omnium iniquitatum eius nō recordabor. Obserua autem, quod Ioannes non simpliciter dicit, Deum remittere peccata, sed addit: Si confiteamur. Hoc enim exigit Deus. Itaque, si cum Dauide cupis, vt Deus faciem suam a peccatis tuis auertat, disce prius cum eodem etiam dicere, Iniquitatem meam ego cognosco, & peccatum meum contra me est semper. Tibi soli peccaui, &c. Quod si peccata confiteri dedignaris, nec Deus ea tibi remittet, sicq; te ipsum hoc tanto bono priuas, &c. Sequitur.

primum autem eius argumentum fuit: Deus lux est, itaque qui cum Deo societatem habere desiderat, omnes a se tenebras excutiat. Antequam autem idem Ioannes ad alia argumenta trāsiret, prius occurrere voluit quibusdam obiectionibus, quæ fieri possent, partim ab ijs qui pusillo sunt animo, partim etiam a præfractis quibusque & presumptuosis. Et illos quidem insigniter consolatus est ne desperarent: hos autem egregiè cōpescuit, ne plus æquo sibi ipsis placerent. Cæterum, quia & remissionis peccatorum & sanguinis meritorumque Christi obiter mentionem fecerat, nunc in exordio huius capituli plenius quiddam de his rebus, antequam ad propositum suum redeat, disserere voluit, neque id abs re. Nisi enim fundamentum hoc de fide, remissione peccatorum, meritis & sanguine Christi ritè præiacum fuerit, nihil solidi de bonis operibus, charitate & puritate vitæ doceri potest.

Magna verborū vehementia etiã hic Ioannes noster propositum suum vrget. Planè enim hic ostendit, quod qui peccatorem se esse confitetur, Deum honoret, qui autem peccatorem se esse negat, Deū mendacij arguat, qui omnes homines sub peccato conclusit. Atque adeo hinc docemur, quod Deo multo amplius placet peccator iniustitiam suam agnos-

potest. In hunc igitur modum de remissione peccatorum incipit.

Filioli mei, hæc scribo vobis, vt nō peccetis.]

Diligenter obseruanda cordibusq; inscribenda sunt verba, quæ in exordio huius capituli ponuntur. Nam & conscientias nostras supra modum consolatur, & simul etiam præcludunt viam ad vltiora peccata. Vtrumque autem necessarium nobis est, quandoquidem ita affecti sumus, vt vlex consideratione peccatorum nimium pusillanimes, vlex consideratione gratiæ Dei per Christum, plus æquo securi & perfracti reddamur. Vtrinque autem periculum est, si vel de gratia Dei desperemus, vel gratia Dei & facilitate remissionis ad vltiora peccata abutamur. Vtrumque cordibus nostris eximere conatur Ioannes. Et primò, vt fortius moneat, subindicat se omnia hæc ex mera dilectione & sincero, verèq; paterno affectu scripsisse ac scribere, nec quicquam se aliud quærere, quàm commodum & salutem nostram. Ideo filiolos nos nominat, verbisque nedum nō duris aut minacibus, sed admodum blandis vtitur, vt eò facilius persuadeat. Sic enim & Paulus orabat, obsecrabat, blandiebatur, admonebat, denique nihil nō agebat, vt omnes lucrificeret: Omnibus (inquit) omnia factus sum, vt omnes lucrificerem. Et iterum: Nō quæro vestra, sed vos. Et iterum: Etsi multos habetis pædagogos, non tamen multos patres. Quin & idem Paulus, imò & ipse Petrus quoque, vt plurimum conciones suas hoc verbo auspiciabantur: Viri fratres filij generis Abraham, &c. nimirum vt auditorum beneuolentiam captarent. Sic & ipse Lothipessimos etiam Sodomitæ fratres nominabat, vt vel hac blanditia verborum eos à nefando illo scelere abduceret. Et nos igitur mouere debent affectuosa illa verba Apostoli nostri. Cæterum, quòd dicit: Hæc scribo vobis vt non peccetis, potest vel ad præcedentia vel ad sequentia referri. Nam primò ne quis ex eo quòd dixerat, ad iniuriam Dei pertinere, si peccatores nos esse negem, subinferre posset, ergo eò licentius peccabo, ne Deum mendacem faciam. Hoc inquam, præuenire voluit Diuus Ioannes: Non, inquit, ideo hæc scribo, vt eò plus pecces, sed vt peccare desinas. Peccatorum enim satis superque habes, etiam si nō alia addas. Quin potius gratias age, quòd præterita peccata ex gratia tibi condonata sint & condonantur, & quò maior rem in te gratiam Dei expertus es, eò diligentius cauendum tibi, ne tam benefici Patris iram prouoces, &c. Potest etiam ad sequentia referri, id quòd textus noster innuere videtur, verbum hoc à præcedentibus disiungendo. Dicturus enim Ioannes, quòd etsi peccemus, tamen aduocatum nos habere apud Patrem, &c. necessariò hoc præmittendum duxit, se ideo hæc scribere, non vt eò liberius peccemus, sed vt plañe non peccemus. Quasi diceret: Magnū quiddam dicturus sum de gratia Dei & mediatore Christo, verum præmoneo, ne quis occasionem inde accipiat licentius peccandi. Hic igitur vide quàm cautè Apostolus hic noster de gratia & meritis Christi differat, neq; id abs re facit. Carnalis enim homo, quò magis audit commendari gratiam, eò minus sibi displicet aut timet in peccatis. Euangelium itaque gratiæ ea discretionem prædicandum est, vt non peiores, sed meliores inde reddantur homines. Hinc & Paulus, cum in Epistola ad Romanos fidem in Christum & gratiam Dei per Christum ad summū vsque commendasset, videretque aliquos hinc errandi, imò proteruendi occasionem sumere posse, vt dicerent: Si veritas Dei in meo mendacio abundat in gloriam ipsius, quid adhuc ego tanquā peccator iudicor? Faciamus, ergo mala, vt eueniant bona, &c. statim subintulit: Horum damnatio iusta est. Atq; vtinā plerique & scriptores & concionatores huius temporis hanc Apostolorum & prouidentiam & discretionem sibi ipsi imitandam proposuissent, nunquam certe vultus Christianorum in tantam morum & vitæ dissolutionem deuenisset. Ex crebra enim & sola commendatione gratiæ & fidei, hoc secutum est, quòd plerique nunc sine omni timore peccent, & in peccatis maneant. Quòd si à quoquam ob id arguatur, statim responderet, Christus pro nobis satisfecit, &c. sicq; Euangelio gratiæ Dei non nisi in velamen malitiæ abutuntur, &c. Certissimè autem errant. Nō enim

1. Co. 9
2. Co. 12

Apo. 12

Gen. 16

enim ideo Christus mortuus est, nec ideo Evangelium gratiæ nobis prædicatur, ut peiores inde reddamur, sed ut porro non peccemus. Deus per Evangelium gratiæ manum suam nobis porrigit, educturus nos è limo profundi, in quo non est substantia, hoc est, è profundo peccatorum & desperationis: & nobis igitur connitendum est, ne frustra gratiæ suæ manum protexerit, alioqui si nos lutum illud nostrum mordicus teneamus, nec ab eo auelli nos sinamus, etiã Deus ipse manum suam tandem retrahet, nõsque perire permittet.

Sed etsi quis peccauerit, aduocatum habemus apud Deum, Iesum Christum iustũ.]

Hoc est Evangelium illud gratiæ, quo ne quis ad malum abutatur, Ioãnes omnes nos præmonere voluit. Est autem verbum hoc summè consolatorium, ac verè summa & scopus totius Evangelij. Profectò enim quisquis vnum hoc verbum rectè intelligit & credit, nunquam desperabit: qui autem vnum hoc verbum vel non credit, vel non intelligit, huic planè Christus adhuc incognitus est, etiamsi alias totum Evangelium memoria teneat. Obserua quòd Ioannes hoc verbo primum ijs respondere voluit, qui dicere possent: Si Evangelium nobis ideo prædicatur, ut non peccemus, & tamen vel te ipso teste, nemo sine peccatis sit aut esse possit, ergo impossibilia nobis præcipis, atque adeò rectà ad desperationem nos ducis. Nequaquam (inquit Apostolus noster) non hoc volo, quòd sine omni peccato nos esse oporteat, sed ne temerè quis peccet, atque eò licentius, quò magis audit gratiam Dei & meritum Christi commendari: imò, ne eum quidem à gratia Dei excludit, qui ex temeritate mera & voluntariè peccauit, dummodo vel adhuc à peccatis cesset. Et si enim quis peccauerit, aduocatum habemus apud Patrem, &c. Obserua secundò circa huic locum, quòd Ioannes ita quis & peccantes consolatur & contra desperationem eos præmunit, ut tamen non in arenam, sed in veram illam & firmissimam petram ædificet. Non enim dicit, Si quis peccauerit, oret ad Deum, vel ego pro ipso orabo, &c. verũ certius

quiddam nobis demonstrat, quòd fallere non potest, nempe Christum, quem & ita nobis depingit, ut nemo non videre possit, ipsum esse veram illam petram, cui tuto inniti & debeamus & possimus. Quot enim laqueis diabolus, nos ad desperationem adigere satagit, tot consolationibus verbum hoc desperationi occurrit. Atqui non omnes homines eandem pusillanimitatis & desperationis causam habent. Aliqui enim inde pusillanimes fiunt, quòd etsi multa bona audiant in scripturis, putant ea non ad se, sed ad solos sanctos pertinere. Alij dubitant an vera sint quæ in scripturis de remissione peccatorum dicuntur. Alij quidem credunt ea vera esse, sed nesciunt per quem hoc fiat. Alij sciunt etiam Christo nominatim potestatem peccata remittendi datam, dubitant tamen, an solus ad hoc sufficiat. Alij credunt, quòd hoc possit, sed dubitant an velit. Alij credunt quòd Christus possit & velit peccata remittere, sed dubitant an Deus ratum habiturus sit, quòd Christus nobiscum agit. Tot igitur laqueis diabolus homines ad pusillanimitatē & desperationem trahit. Atqui vno hoc verbo Ioannes omnes hos laqueos dissipat & rumpit. Nam primo non dubitanter Ioannes hac de re loquitur. Non dicit, Si peccauerimus, forsitan inuenietur, qui nos Deo reconciliet. Territa enim conscientia ad plenũ pacificari nequit, ubi res adhuc in dubium ponitur, sed certũ quiddam habere vult. Ideo & Ioannes hic planè & certitudinaliter, nihilq; omnino dubitans pronuntiat, nos iam dudum habere certum quendam aduocatũ apud Patrem: Non (inquit) expectamus eum venturum, quemadmodum veteres illi, nec opus est, quòd ultra mare ipsum quaeramus, aut magno pretio vel seruitio ipsius patrocinium nobis comparemus. Ipsum nanque iam habemus, & quidem paratũ & promptum. Deinde Ioannes etiã personam huius tam necessarij aduocati nominat: Aduocatum (inquit) habemus Iesum Christum. Huic consonat illud Petri: Certissimè sciat omnis Israel, quia Dominum & Christum fecit Deus hunc Iesum, quem vos crucifixistis. Et iterum: Hic est lapis, qui à vobis ædificantibus reprobatu est, &c. Nec est in aliquo alio

Act. 3

Act. 4

Ecc

alio salus. Non enim est aliud nomen sub
 cælo datū hominibus in quo oporteat
 nos saluos fieri, &c. Et iterum: Hic est qui
 constitutus est à Deo iudex viuorum &
 mortuorum. Præterea non tantum per
 sonam huiusmodi aduocati nostri Ioānes
 nominat, verum etiā & conditiones eius
 describit, quarum prima est, quod nomi
 nat eum Iesum Christum iustum. Verè
 necessaria conditio. Si enim ipse iustus nō
 esset ac sine peccatis, quomodo nos ius
 tificare à peccatis posset: Hinc Paulus:
 Decebat, vt talis nobis esset Pontifex,
 sanctus, innocens, impollutus, segrega
 tus à peccatoribus, qui non haberet ne
 cessitatem, quemadmodum alij sacer
 dotes, primò, pro suis, deinde pro po
 puli delictis orare. Omnes igitur alij ho
 mines peccatores sunt, omnes alij sacer
 dotes etiam pro proprijs peccatis orare
 coguntur, Christus solus iustus est, vt
 qui peccatum non fecit, nec inuentus est
 dolus in ore eius, vnde & solus dicere
 potuit: Venit princeps huius mundi, &
 in me non habet quicquam: eò confiden
 tius Deū accedere potuit, eoque facilius
 omnia nobis impetrauit, deniq; & eò se
 curius in ipsum confidimus. Demū Di
 uinus Ioannes nec his, quantumuis magna
 sint, contentus, etiam aliud & maius
 quiddam addit.
 Et ipse (inquit) propitiatio est pro pec
 catis nostris.]
 Hoc verbo omnem nobis pusillan
 mitatem eximere voluit: Non, inquit,
 sibi soli tantum iustus est hic Iesus Chris
 tus, non sibi soli tantum profuit iustitia
 sua, quæadmodū alij homines, qui sua ius
 titia nec filios suos, sed solas animas pro
 prias liberāt. In iustitia enim quisque sua
 viuere & nō morietur: Christi autē iustitia
 etiā nobis profuit & prodest, imo ipsius
 iustitia est nostra iustificatio: Nā aliorū
 hominum quisq; pro seipso rationē red
 det, Christus autē stat pro omnibus no
 bis. Ideo & Dauid dicit, Deū iurasse, quòd
 sacerdotium Christi in perpetuum ma
 nere debeat. Et Paulus dicit, Eum ingres
 sum in cælum, vt appareat vultui Dei
 pro nobis, & quòd in perpetuum illic vi
 uat ad interpellandum pro nobis. Cæte
 rum, quòd Ioannes hoc loco de inter
 pellatione & meditatione Christi differēs,
 morem & cōsuetudinem fori expressit,
 vbi quatuor personæ concurrunt, iudex
 scilicet & reus, accusator & aduocatus,
 quasi Deus Pater iudex sit, homo reus,
 Diabolus accusator, Christus aduocat?
 nō hoc voluit, quòd in cælo hæc reip
 sic fiat. Nullū enim in cælo est forū iudi
 ciale, nullæ lites, aut accusantiū & defendē
 tiū accusationes: sed tantū Ioannes noster
 hoc exēplo & allusione vtitur, vt diuina
 & spiritualia rectius & facilius intelliga
 mus. In iudicio enim humano, eius qui vt
 reus accusatur, omnis fiducia est, & cōfide
 st in fideli aduocato, huic etiā omnem
 suam causam cōmittit, hic si vicerit, libe
 ratur reus: si autē victus fuerit, actum est
 de reo: In hunc modum Ioannes nobis
 Christum proponit, tanquā fidelissimū
 aduocatum coram Deo, & cui securè
 omnem causam nostram cōmittere pos
 sumus. Ob id nominat eum propitiato
 rem pro peccatis nostris. Ob eandē cau
 sam & Paulus ipsum nominat mediatorē
 rem inter nos & Deū. Nec ob aliā causam
 Dauid ipsum nominat sacerdotē in æter
 nū permanentē. Omnia autē hæc cōten
 dunt, vt sciamus vitam & salutem nostrā
 in vno Christo consistere. Nam si Deus
 secundū iustitiam suam nobiscum agere
 vellet, omnibus nobis pereundum esset:
 Non enim iustificatur coram eo quisquā
 viuens. Opus igitur habemus aduocato,
 qui & fortior & acceptior Deo sit, quā
 nos, & cui Deus nihil negare vnquā ve
 lit, hic autem solus est Christus noster: ip
 sic, inquit, est Filius meus dilectus, ipsū
 audite. Cæterum, quia de mediatione &
 interpellatione hic mentio incidit, vnde
 plerique & olim & nunc ansam perperā
 sentiēdi sumpserūt, paulò latius res hæc
 explicāda est. Primò igitur Arrianus ex eo,
 quòd scriptura Christum aduocatum &
 mediatorē inter nos & Deū nominat, et
 rorem & impietatem suam probare &
 confirmare nitebantur, nēpe, quòd Chris
 tus filius Dei, etiam secundum diuinam
 naturam minor esset Patre, quemadmo
 dū in iudicio humano constat aduoca
 tum iudice minorem esse. Interim tamē
 prædicti hæretici volebant attendere,
 quòd Christus ipse non semel tantū, idq;
 apertissimis verbis, se dixit Patri æqua
 lem, atque adeò non tantum aduoca
 tum, sed etiam iudicem: Ego, inquit, &
 Pater

Ago. 10

Hebr. 7

1. Pet. 2

Ioan. 14

Eze. 14.

Eze. 18

Psa 109

Hebr. 9

1. Tim. 2

Psa 111

Matth. 23

Pater vnum sumus. Et iterum: Pater omne iudicium dedit Filio, ut omnes honorificent Filium, sicut honorificant Patrem. Et iterum: multa habeo de vobis loqui & iudicare. Hæc, inquam, verba planè indicant, Christum non tantum aduocatum coram Patre, sed etiam iudicem nostrum cum Patre esse, atque adeo etiam Deo Patri æqualem. Nam alioqui Deus gloriam suam nulli extra se dat. Nostro hoc tempore plerique sunt, qui audientes Christum aduocatum & mediatorem nostrum esse, nihil altius cogitant, quàm quod pro nobis oret, precibusque intercedat: & quia putant vnius Christi officium esse, ac ad solum ipsum pertinere, ut pro nobis oret, colligunt inde non necessarium esse, ut ipsi oremus, quandoquidem tale intercessorem habeamus: imò putant se iniuriam Christo inferre, eiusque gloriam sibi ipsis usurpare, atque adeo ex officio suo ipsum depellere, si vel ipsi pro se orent, vel aliorum, siue hominū, siue Angelorum, pro se orationes expeterent. Interim autem non videt, vel potius videre nolunt, quod oēs electi iam inde ab exordio Ecclesiæ, quamvis firmissimè crederent & confiterentur, & docerent, Christum vnicū esse aduocatum & mediatorem nostrum, nihilominus tamen & pro se ipsi orarunt, & aliorum etiam pro se orationes expetierunt: id quod vel ex vno Pauli exemplo manifestissimè probatur. Sed nec hoc videre volunt, quod vel vniuersa Catholica Christi Ecclesia per totū orbem diffusa, iam inde ab initio constantissimè Christum verum mediatorem & aduocatum nostrum esse confessa est & docuit, nullo tamen vnquam tempore omisit omnium amicorum Dei, Angelorum & hominum, tam in terra adhuc degentium quàm cum Christo iam regnantium, orationes expetere. Denique nec hoc attendere volunt, quàm longè inter se differant, orare, & mediatorem agere. Orare siquidem pro alijs omnes possunt: at hominē peccatorem cum Deo reconciliare, soli Christo cōpetit. Et qui hoc sibi ipsi arrogat aut alijs ascribit, is verè Christum blasphematur, gloriæque nomini & officio eius derogat. Mediator inter Deū & homines non nisi vnus est & esse potest, nepe Christus. Iuxta hoc tamen plures esse precatores possunt, quemadmodum omnes

Christiani pro se mutuo orant, interim tamen vno ore omnes Christum vnicū illum mediatorem & aduocatum nostrum esse & credunt & confitentur. Idcirco cū audis Christum esse mediatorem nostrum, noli carnaliter cogitare, quod flexis genibus, quemadmodum olim in monte Oliuæ fecisse legitur, pro nobis ad Deum oret, aut quod oratio eius pro nobis verbi fiat, quemadmodum nostra, Nequaquam. Christi enim pro nobis oratio est, quod ipse incarnatio, passio, mors, sanguinis effusio & meritum, atque adeo ipsemet omni tempore coram Deo præsens est, nec vnquam coram Deo in obliuionem venit, quid idem Christus pro nobis & fecerit & passus sit. In hunc modum Christus pro nobis orat & intercedit: Ingressus est (inquit) in cælum, ut appareat vultui Dei pro nobis. Deinde, cū audis Christum aduocatum & mediatorem nostrum esse, non sic intelligas, quod tantum oratio & intercedendo inter nos & Deum medius stet, quemadmodum Moyses, Samuel & alij inter populū & Deū seipsos interponebant, orando pro ipsis. Absit enim, ut de Christo tam humiliter sentiamus, quasi nihil aliud possit, quàm pro nobis orare, id quod & alij fecerunt & etiamnum faciunt, neque id sine fructu. Christus autem ideo aduocatus & mediator est & dicitur: Primo, quia solus & ex seipso Deo Patri placet & acceptus est. Secundo, quia propter ipsum vnum & solum, Deo placent aliorum hominum orationes & opera. Tercio, quod solus ipse est, per quem nobis ad Deum patet accessus. Quarto, quod solus ipse etiam medium est & via, diuinas promissiones, æternamque salutem consequendi. De plenitudine enim eius omnes accipiunt & gratiam pro gratia: Et in ipso sunt omnes promissiones Dei. Amen & etiam. Præterea, cū audis Christum pro nobis interpellare, non ideo malum esse putes, si vel pro teipso oraueris, vel aliorum pro te orationes expetis. Alioquin enim & Paulus malè egisset, quem legimus & orasse, & aliorum pro se orationes expetisse. Postremo cū audis Christum aduocatum nostrum esse, non carnaliter imagineris, Deū more iudicis sedere in folio, Christum autem coram eo, ut aduocatum astare, verum sic est aduocatus

Ecc ii noster,

Luc. 22

Hebr. 9

Ioan. 14

Ioan. 1

2. Cor. 13

Gala. 3.

noster, quodd [Ipse est propitiatio pro peccatis nostris.] Quo verbo Diuus Ioannes clarè ostendit, in quem modum Christus sit aduocat⁹ noster. Nō(inquit) verbis agitur hæc res, sed ipsemet Christus est propitiatio, sanctificatio, sacrificium, satisfactio, & solutio pro peccatis nostris. Addit autem Ioannes:

Non pro nostris tantum, sed etiam pro totius mundi peccatis.]

Vt videamus Christi vnus passionē & merita omnibus hominibus sufficere, ne vllus nobis desperandi locus relictus sit. Ne quis autem dicat. Audio, quidem & credo, quodd Christus causam nostram agat coram Deo. Quis scit autem, num Deus hoc ratū habere voluit? Adhæc pusillanimitatē cordibus nostris eximendā, Ioannes etiam signāter hoc addit, Iesum scilicet esse aduocatum nostrū, non apud iudicem Deum, sed apud Patrem. Quasi diceret, Nihil est quodd verearis, in Deo nulla mora erit. Non enim coram iudice, sed coram piissimo Patre Christus causam nostram agit. Iam si is, qui causam nostram agit, pro omnibus nobis sufficiens & efficacissimus mediator est, & is, corā quo causa nostra agitur, Pater est, planē nullus nobis relictus est pusillanimitatis & desperationis locus. Ex his igitur videre licet, quā diligenter & exactē Ioannes nobis articulum de remissione peccatorum & meritis Christi exposuerit, quantumq; consolationis in eo articulo nobis repositum sit, eō magis dolendum, quodd plerique hoc nostro tempore, his tam consolatorijs verbis tam multipliciter abutantur. Nam sunt qui audientes Christum aduocatū nostrum esse, statim inferunt: Quid igitur opus habemus intercessione sanctorum, imō etiam eorum, qui adhuc nobiscū in terra morantur? Putant enim ad solum Christum pertinere, vt pro nobis oret: alioqui aduocatus & mediator noster esse nō possit. Deinde ad maiora progredientes, damnat etiam quicquid Ecclesia circa inuocationem sanctorum agit & credit, quasi contrarium sit & huic verbo Ioannis, & officio Christi, cū tamen superius clarè ostensum sit, quodd orationes fidelīū pro se mutuō, siue in corpore adhuc, siue extra corpus sint, officio Christi nihil dero-

gent. Hi enim nihil aliud quā orant, Christi autem officium longē maius quiddam habet, vt dictum est. Cæterum non hi tantum, de quibus modo dictum est, verbo hoc Christi abutantur: verum etiam alij quidam, & in alium etiam finē. Audientes enim Christum esse propitiationem pro peccatis nostris, statim colligunt, Nihil ergo amplius ad nos pertinet dictum illud: Facite fructus dignos poenitentiae. Putant enim sibi iam non opus esse, vt pro peccatis suis doleant, orent, ieiunent, elemosynas dent, iniuste acquisita restituant, peccantibus in se res mittant, imō persuadent sibi per hoc derogari gloriæ Christi, atq; hoc esse Christum ē suo officio depellere. In hunc modum, nobilissimum vereq; dulcissimum hoc verbum Ioannis, Diabolus multis hominibus inutile reddidit, cū tamen idem Ioannes hoc ipsum data opera praeuenire voluerit: Hæc(inquit) scribo vobis, vt non peccetis. Non ob id poenitentia vel abijcienda vel omittenda est, quodd Christus dicitur & est propitiatio nostra. Non enim ideo se in mortem dedit, vt nobis nulla iam amplius poenitentia opus sit, sed quodd morte sua hoc nobis meruit, vt poenitentia nostra Deo placeat, alioqui ex se nihil valitura. Quemadmodum enim annulus ferreus ex seipso nullius aut parui valoris est, propter gemam tamen in eo inclusam, magni æstimationatur magnoq; pretio venditur: ita & passio Christi gema illa est, propter quā poenitentia nostra Deo placet: nō tamen ideo poenitentia abijcienda, quodd ex se ipsa Deum placare non possit, sed curandum, vt gema illā in se habeat, meritum videlicet Christi, veri propitiatoris. Christus igitur mediatorem nostrū esse credamus & confiteamur, interim tamen etiam strenuē poenitentiam agamus, sed in fide vel fiducia meritorum Christi. Sequitur.

In hoc scimus, quia cognouimus eum, si præcepta eius seruamus.]

Hactenus Apostolus noster paulisper digressus, articulū de remissione peccatorum & merito Christi obiter explicauit, nunc reuertitur ad propositum, & quodd inchoauerat de puritate vitæ docenda, prosequitur. Duo autem nominat ad hanc

hanc rem pertinentia, vt scilicet præcepta Dei obseruemus, & vt ambulemus, quemadmodum Christus ambulauit. Vtriusque autem suum contrarium connectit, vt opposita iuxta se posita, magis elucescant. Denique etiam eandem rem interdum semel atque iterum repetit, vt fortius animis nostris infigat. Neque enim Apostoli ornatum sermonis, sed fructum & salutem nostram in suis scriptis quaesierunt. Cæterum, quod Ioannes hic dicit, nihil aliud est, quàm declaratio eius, quod in Euangelio suo tradidit. Vult enim, vt & Deum & Christum semper nobis proponamus, & quantum possibile est, eis vita & opere conformemur. Cōgruè autem verbum hoc cōnexuit ei, quod de remissione peccatorum dixerat, ne carnalis quispiam audiens Christum pro peccatis nostris satisfecisse, omnem ex animo sollicitudinem eiciat, quasi deinceps nec peccatorum perpetratio obesse, nec præceptorum Dei observatio quicquam ei prodesse possint. Sic enim nunc solemus gloriari, gaudere, & gratias etiam agere, quod nunc tandem Christum verè cognouerimus. Hinc enim persuademus nobis, nihil de cætero opus esse ea sollicitudine vel vitandi peccata, vel bona agendi, quam prius nobis nescio qui ingerebant, &c. Atqui si hoc tibi persuades, reuera nōdum scis, quid sit cognoscere Deum, vel etiam Christum: In hoc (inquit) scimus, quod cognouimus Deum, si præcepta eius seruamus. Ergo cognoscere Deum, est præcepta eius implere, atque adeo pie viuere: cognoscere Christum, est Christum imitari, eiq; conformiter viuere. Hoc Ioannes apertè hic vult, nec est quod quisquam prætexere possit. Si cognoscis Deum summum bonū esse, summamque veritatem, iustitiam, itemque & Dominum omnium, certè ipsum, vt tantum amabis, timebis, coles, eiusque præcepta nō contēnes. Hoc si non facis, profecto Deum non vt talē cognoscis. Quomodo enim possibile esset, vt quis summum bonum cognitum non diligeret, summam iustitiam cognitam non timeret, summæ veritati cognitæ non crederet, denique & supremi omnium Domini præcepta contemneret? Vides igitur quā seiplos decipiant, qui nunc de perfectiori, imò perfectissima Christi & Dei

cognitione gloriantur, cum nullo vnquam tempore apud ullos vnquam homines in maiori neglectu, ne dicam contemptu, præcepta Dei fuerint: nulloque vnquam tempore licentius ac minori cum timore contra præcepta Dei peccatum sit. Et veres quidem Christiani nunc traducuntur, quasi Christum nunquam verè cognouerint. Atqui si secundum hoc verbū Ioannis iudicandum fuerit, ipsi certè inuenientur verè cognouisse Christum, hi autem nihil minus. Veteres, inquam, illi legebant & credebant Deum esse summum bonum, summam veritatem, &c. Verum non hoc tantum, sed insuper etiam, vt talem amabant, timebāt, colebāt, deniq; & in omnibus ipsi obediebāt. Nihil autem nūc simile in iactatoribus illis videtur, &c. Sequitur,

Qui dicit se nosse Deum, & mandata eius non seruat, mendax est, & in eo veritas non est.]

Quid apertius dici potuisset: Vides hic nullum tergiversandi locū tibi relictum. Quis enim hunc tantum Apostolum, credat verba hæc temere & sine causa protulisse? Imò vt videamus non temere hæc illi excedisse, eandem sententiam per suum contrarium denuo exprimit.

Qui autem seruat verbum eius, verè in hoc charitas eius perfecta est.]

Vides quā diligenter Ioannes hoc nobis inculcatum velit, nempe eum tantum verè Deum cognouisse, qui præcepta eius obseruat. Infideles ergo, ne quid durius dicam, doctores sunt, qui mandatorum Dei nunquam vel minimam mentionem faciunt. Iam, si iuxta hoc verbū Ioannis, qui præcepta Dei seruant, certè sunt, quod & charitatem Dei in se habeant, & insuper etiam in Deo sint & maneant: consequitur, eos qui præcepta negligunt, nec in charitate aut gratia, nec in Deo esse. Vbi igitur manet gloriatio nostra? Videsne hic, quantum requiratur ad veram Dei cognitionem?

Qui dicit se in Christo manere, debet sicut ille ambulauit, & ipse ambulare.]

Optimè dictū. Cui enim seruus qui sicut est, eius & colorem in veste gestat. Nemo

ratione vtens, se vel Stoicū vel Peripateticum nominat, qui eiusmodi sectarū placita ignoret. Ab omnibus ridetur & exhibetur, qui se artificē mentitur, & tamen ignorat quid ad ipsum artificium pertineat. In veteri Testamento nullū ferebāt, qui Iudæum se diceret, & tamen legem Moysi ignoraret. Quanta igitur nedum cæcitas, verum etiam amentia est, se Christianum iactare, & Christi præcepta pedibus conculcare! Obserua quod Ioannes non dicit: Qui dicit se in Christo manere, debet eadem miracula facere, quæ ille fecit, sed: [Debet ambulare sicut ille ambulauit] Satis enim superq̃ nobis ostensum est, in quibus debeamus Christū imitari: *Matt. 11* Discite inq̃t à me, quia mitis sum & humilis corde. *Matt. 5* Et iterū: Estote misericordes, sicut & Pater vester cælestis misericors est. *Ioan. 13* Et iterum: Si ego Dominus vester & magister, laui vestros pedes, & vos debetis alter alterius lauare pedes, Exemplum enim dedi vobis, &c. Et paulo post: Mandatum nouum do vobis, vt diligatis inuicem, sicut ego dilexi vos, &c. Et Paulus: Estote imitatores Dei sicut filij charissimi, & ambulate in dilectione, sicut & Christus dilexit nos, &c. Non quod eum perfectionis gradum attingere possimus, in quo videmus Christum constituisse, sed quod pro sua quisque virili, vel à longē Christum imitari studeat, sed dicitis: Hoc si verum est, quod Ioannes hic docet, certē pauci homines salui sūt. Respondēdo, Eo minus nobis cessandum est, eoque magis ad eum nobis recurrēdum est, quem audiuius supra & adiutorem & propitiatorem nostrum esse. Si enim Deus nō tantum baptizatum & credentem, verum etiam sanctum populum habere vult. Atque hoc ipsum hactenus tribus argumentis probauit Ioannes. Primum, Deus lux est, ideo qui societatem cum eo habere vult, oportet vt tenebras relinquat. Secundum, qui dicit se nosse Deum, necesse est vt observatione mandatorū eius testetur se eum pro Deo habere. Tertium, Qui gloriatur se esse Christianū, oportet vt Christi doctrinam opere exprimat, nec fide tantū suscipiat.

Charissimi, non mandatum nouum scribo vobis, sed mandatum verus, quod habuistis ab initio.

Hoc verbo Ioānes noster alterū illud t̃git, de quo in Epistola hac tractare proposuit. Duo siquidē à nobis post fidem & ex fide exigit, puritatem videlicet vitæ & charitatē. Et de priori quidē hactenus, nūc ac alterū persuadēdū accingitur. Breuiter tamē hic & summatim tantū de charitate loquitur: nā in sequentibus capitulis latius de eadē tractabit. Primū itaq̃ asserit, se nō nouū aliquod mandatū adferre, &c. quo verbo & officium & auctoritatem suam contra detractores defendit. Apostolis enim vel maximē inuidiā & odiū à mundo cōciliabat, quod viderentur noua & inconsumta docere, atque rerum nouandarū studio ducti. Hoc autē Ioannes repellit, quum dicit se nihil noui adferre, sed ea annūtiare quæ ab exordio annuntiata fuerint: Nihil, inquit, nouare intendo, sed volo vt maneat quod Deus per Moysen & Prophetas iā dudum toti mundo annuntiari iussit. In hunc modū Ioannes calumniatoribus hoc verbo respondere voluit. Non minus tamen etiā eos hoc verbo tangit, qui prædicatione fidei & gratiæ allecti, sermonem de charitate & bonis operibus fastidiebāt, vel non necessarium putabant. In qua persuasione nūc fermē omnes sumus, quamquam hoc vel maximē tempore mirandum nō sit, quod ad charitatis & bonorum operum mentionem obstupescant, qui tot iam annis nihil aliud, quā de sola & nuda fide audierunt. Nihil igitur nouum est, iuxta fidem & ex fide, etiam charitatem & vitæ sanctitatem docere. Omnes enim Prophetæ hoc docuerūt: quod qui negat, seipsum prodit, quod scripturam non legerit. Cæterum, quod Ioannes hic dicit, se nihil nouum docere, etiam Christus non semel, quamuis si obsecrē, ostendere voluit. Huc pertinet, quod Pharisæo cuidam interroganti, quid faciens dum sibi esset, vt vitam æternam consequeretur, nihil aliud quā vetus illud mandatum legis imitandum proposuit: Diliges, inquit, Dominū Deum tuum, &c. Eodem modo & alterū quendā expiscari volentem, quid noui doceret, ad legem remisit: Præcepta, inquit, nostri! &c. Eodem modo & Nicodemum nouitatem doctrinæ suæ admirantem, ad legem remisit: Sicut (inquit) Moyses exaltauit serpētē in deserto, sic exaltabitur Filius hominis, &c. Sic &

Acto. 17 Sic & Paulus cum Athenis interrogaretur, quæ esset hæc noua doctrina, pluribus respondit, se nihil noui adferre. &c. Quis autem vulgo Christianorum huius temporis persuadebit, doctrinam charitatis & bonorum operum, non esse doctrinam nouam, sed eam quæ ab exordio in Ecclesia fuit? Tam pestiferum & damnosum est, doctrinam Christianam truncatim proponere. Quicquid enim non subinde inculcatur, hoc vulgus Christianorum non putat ad Euangelicam doctrinam pertinere. Ioannes autem non dimidiatum, sed totum & integrum Christum nobis proponit. Sequitur:

Iterum mandatum nouum scribo vobis, quod verum est, & in ipso & in vobis.]

Videtur hoc contrarium esse ei, quod iam dixerat de veteri mandato, verum Ioannes sibi ipsi non contrariatur. Quod enim hic docet, & vetus & nouum est. Verus, quia etiam Prophetæ sic prædicauerunt, nouum autem, quia per Christum renouatum est. Hinc & Christus ipse mandatum dilectionis nouum nominat, cum tamen Moyses longè ante de diligendo proximo præceptum dedisset. Alia siquidem præcepta legis antiquata sunt, per Christum: ipse enim liberauit nos à lege: solum autem dilectionis mandatum renouauit. Interim tamen etiam alia ratione præceptum hoc charitatis nouum dicitur, quia videlicet non veterascit, sed semper nouum & recens manet, quantumcunque enim & quotiescunque charitatem fratri ostendero, statim eiusdem dilectionis iterum debitor sum. Hoc autem mandatum & in ipso verum est (ipse enim prior charitatem ostendit, & quidem in summo gradu) & in nobis verum esse debet, vt videlicet & nos diligamus. Subdit autem causam eorum quæ iam dixit,

Quia tenebræ transferunt, & verum lumen nunc lucet.]

Idem est cum eo, quod Paulus dicit: Nox præcessit, dies autem appropinquauit. Abijciamus ergo opera tenebrarum, &c. Et iterum. Eratis aliquando tenebræ, nunc autem lux in Domino, vt filij lucis ambulate, fructus autem lucis est in omni bonitate, &c. Pulchrè autem Ioan-

nes omnem nobis viam præclusit. Nam alioqui obijcere quis posset. Si vetus est hoc mandatum, iam cum alijs abrogatum est: sin autem nouum quid adfers, non tibi credendum est, &c. Ioannes autem vtranque excusationem adimit, cum præceptum charitatis & vetus & nouum nominat.

Qui dicit se in luce esse, & fratrem suum odit, in tenebris est vsque adhuc. Qui autem diligit fratrem suum, in lumine manet, et scandalum in eo non est. Qui autem odit fratrem suum, in tenebris est, et in tenebris ambulat, et nescit quò vadat, quia tenebræ obcæcauerunt oculos eius.]

Hoc est mandatum illud, quod Ioannes & vetus & nouum nominat, nempe charitas. Est etiam vnum mandatum & plura mandata, quæadmodum infra suo loco dicitur. Hic autem D. Ioan. iterum eandem sententiam per contraria explicat: Qui diligit, inquit, fratrem, in luce est nec offendit, quia discipulus eius est, qui dicit: Ego sum lux mundi, qui sequitur me, non ambulat in tenebris, &c. Qui autem fratrem suum odit, etiam si baptizatus est, in tenebris tamen ambulat, & vbique offendit, quia tenebræ, odium, liuor, &c. obcæcauerunt oculos eius. Obserua circa hoc verbum quod præceptum charitatis non tantum exigit, vt proximo nihil mali facias, verum etiam vt diligas eum, omnemque iram & inuidiam & corde ejicias. Sic enim & Christus ipse docuit: Qui (inquit) irascitur fratri suo, reus erit iudicio. Et iterum: Sic faciet vobis Pater meus, si non remiseritis quilibet fratri suo, &c.

Scribo vobis filioli, quoniam remittuntur vobis peccata vestra propter nomen eius.]

Iterum consolatione & blanditia verborum mitigat, quod videri poterat durius dixisse. Hoc enim frequenter agere consuevit. Cæterum hoc loco nedum omnes in genere, verum etiam singulos cuiuscunque sexus, ætatis, status, & conditionis sint, alloquitur, & quæ singulis statibus conueniunt, breuibus verbis complectitur, omnibus & singulis congratulatur de bonis acceptis: ita tamen, vt simul etiam moneat, quid cuique agendum sit.

Ecc iiiij fides

fidelem interim & prouidum doctorem in hoc referēs, qui interdum plus laudando & gratulando, quàm seueriter minando in discipulis efficit. Hoc autem verbum omnibus in genere dictū putemus. Iterum igitur nominat nos filios ex causa quam suprà ostendi, vt paterno hoc suo affectu & acclamatione fortius moueat. Gratulatur autem nobis remissionem peccatorum, nimirum subindicans, vt hoc ipsum pro maximo dono & gratia reputemus: interim tamen & obiter ostendit, eam remissionē peccatorū non ex meritis nostris, sed propter nomē eius nobis contigisse. Omnia autem eò dirigit, vt considerando quid acceperimus, facilius etiam & promptius proximis, quæ in nos commiserunt, remittamus. Obserua autē, quod nō in præterito dicit: Remissa sunt vobis peccata, sed: Remittuntur, in præsentī, ne quis cū Nouatianis putet Deū non nisi semel tantū peccata remittere. Et hactenus quidem in genere omnibus locutus est. Sequitur:

Scribo vobis Patres, quia cognouistis eum qui ab initio est.]

Hoc verbo seniores & ætate confectos alloquitur, ac blandis sermonibus Patre eos nominat. Congratulatur autem eis, non tam quod sapientiores & prudentiores sint iuuenibus, multaque in mundo experti sint, quàm quod Deum verum cognouerūt. Quasi diceret: Si gloria senum est, quod multa per ætatē didicerunt & experti sunt, quæ iuniores ignorant, meritō vobis gaudendum est, & ego quoque vobis congaudeo, quod eū cognouistis, qui ante omnem creaturā, imō ab æterno fuit, nec eum tantū, sed & voluntatem eius. Hoc summæ gratiæ loco ducere debetis: plus enim gloriæ & veræ utilitatis adfert, quàm quicquid aliarum rerum tota vita vestra experti estis. Hanc ipsam Dei cognitionem etiam filiis vestris inculcare debetis, &c. Hic vnde senibus gaudendum sit. Cæterum, quod dicit: Cognouistis eum qui ab initio fuit, potest intelligi tam de Deo Patre, quàm de Deo Filio. Vtrunque enim cognouisse, nedum magna gratia, verum etiam ipsa æterna vita est. Hoc igitur Ioannes senibus cogitandum proponit, & paulo post hoc idē repetit. Signanter au-

Ioan. 17.

tem addit: Eum qui erat ab initio, ne quis putet non alium esse Deum, quàm eos quos Gentiles pro dijs colebant. In repetitione tamen alio epitheto Deum exprimit: Cognouistis, inquit, Patrem. Quasi diceret: Deus de quo loquor, & quē cognouistis, non in tempore cœpit vocari Deus, quemadmodum dii gentium, sed ab æterno fuit Deus, nec terrenus aut carnalis, sed cœlestis Pater est, primus & nouissimus, & ω, initium & finis omnium rerum. Sequitur:

Scribo vobis adolescentes, quoniam uicistis Malignum.]

Adolescentes vel maximē delectat, & etiam ornat fortitudo corporis, atq; hoc vnum est, in quo senes præcellūt. Et hinc igitur Ioannes sumit occasionem ipsos exhortandi ad fortitudinem spiritus, & pugnam aduersus insidias Diaboli. Itaq; gratulatur illis non tam fortitudinē corporis, quàm firmitatem spiritus. Quasi diceret: Gaudeant alij de fortitudine corporali, sint sanē fortes corpore & mēbris pugnent contra homines, vos habetis veram fortitudinem, hanc vobis adesse gaudeo, hanc vt contra Diabolum exerceatis, moneo: hæc etiam certam vobis dabit victoriam contra spirituales hostes &c. Pulchrē autem huius spiritualis pugnæ adolescentes commonefacit, atque adeo etiam ad eandem ipsos hortatur. Nulli enim hominum ætati ita insidiat Diabolus, vt adolescentiæ, quod eam ætas ex se ipsa prona sit ad malum, & quod abūdē habeat ea, quibus vitia aluntur. Obseruandū tamen, quod Ioannes nō tam eos ad spiritualement hanc pugnam incitat, quàm certam illis victoriam pollicetur: imō, quod minus timeant contra Diabolum & vitia pugnam inire, victoriā iam consecutos esse pronuntiat: Vicistis, inquit, malignum, adeo certam eis victoriam pollicetur, quasi eā iam in manibus haberent. Et hæc quidē adolescentibus dicta sunt. Sequitur:

Scribo vobis infantes, quoniam cognouistis Patrem.]

Infantibus & pueris nihil magis necessarium est, quàm vt Patrem habeant, aut alium qui Patris officio erga eos fungatur. Atqui Christianorum pueris Ioan.

Ioannes annuntiat, quod nunc tandē veditas terrenorum. Hanc enim etiam Paulus nominat radicem omnium malorum. Omnibus igitur ijs, quos iam & in genere & in specie pro sua cuiusque ætate, & senes, & adolescentes, & pueros admonuerat, hoc verbum inclamat. Nolite diligere mundum, &c. Hoc enim est, quod nos vel maximè à bono retrahit, huic luto omnes filij adam immersi hærent, nec se extricare possunt. Cæterum, mundi vocabulo interdū significatur tota illa mundialis machina, cælum, terram, & mare complectēs. In hunc modum Paulus de mundo loquitur, cum dicit: Elegit nos ante mundi constitutionē, &c. Et iterum: Deus condidit mundum, & omnia quæ in ipso sunt, &c. Interdum mundi nomine omnes homines significantur, ut cum Ioannes dicit. In mundo erat, & mundus ipsum factus est, & mundus eū nō cognouit. Aliquoties, imò ut plurimum mundus in scriptura pro malis & impijs hominibus accipitur, ut cum Christus dicit: Me odit mundus. Et iterum: Pro eis rogo, non pro mundo, &c. Cæterum Ioannes nihil horum hoc loco mundi nomine intelligit. Non enim docet, ut creaturam Dei vel etiam malos homines odiamus: quandoquidem Christus præcipit, ut etiam inimicos diligamus: Mundi igitur nomine Ioannes hoc loco nihil aliud intelligit, quam inordinatum illum amorem, & cupiditatem earum rerum, quas in mundo conspiciamus, id quod etiam subsequētibz verbis aperte indicat.

1. Tim. 6

Ephes. 1.
Acto. 17.

Ioan. 1.

Ioan. 7.
Ioan. 14.

Omne enim quod est in mundo, aut est concupiscentia carnis, aut concupiscentia oculorum, aut superbia vitæ.]

Hæc sunt quæ Ioannes mundi nomine intelligit hoc loco: hæc enim mundus vel maximè quærit, in his etiam maximè cōfidit: diuitiæ, voluptates, honores, tria hæc vel maximè mundanos delectant. Atqui Ioannes docet hæc non esse vera bona, quæ constare possint, atque adeo innuit nobis meliora & maiora bona apud Deum reposita esse, maius videlicet gaudium, maiores diuitias, maiores honores. Nolite igitur diligere mundum. Hanc eandē sententiam Dauid alijs verbis exprimit. Filij hominum, inquit, vsc̃ quo graui corde: ut quid diligitis vanitatem?

Psal. 41
Ecclesi.

tem!

Scribo vobis iuuenes, quoniam fortes estis, & verbum Dei manet in vobis, & viciſtis malignum.]

Iterum ad iuuenes se conuertit, quia hi maiori & fortiori admonitione indigent, quo magis insidias hostis & incertina carnis experiuntur. Cum primis autem ostendit, unde spiritualement illam fortitudinē habeant & habere possint: Non inquit, ex vobis eam fortitudinem habetis, sed ex eo, quod verbum Dei in vobis manet: hoc enim vel maximè in hac pugna fortem reddit hominem. Nō enim vel corporis robur, vel animi audacia, vel temeritas quicquā in hoc certamine agit, sed fortitudo animi, quam verbum Dei & fides adferunt. Hæc (inquit) est victoria, quæ vincit mundum, fides nostra. Quanquam ad eam victoriā non parum etiam conferant, temperantia, timor Dei, constantia, cum primis autem virtus & operatio Spiritus sancti. His, inquam, armis vincitur & diabolus, & mundus, & caro. Sic igitur Apostolus cuiuslibet hominum ætati, quæ ei maximè cōgrua sunt, & quibus vel maximè ad pietatem incitari possit, semel proposuit. Senibus enim nihil magis congruit, aut etiam eos decet, quam ut de Deo cogitent & loquantur. Iuuenes omnium maximè decet, ut contra diabolum & vitia fortitudinē suam ostendant. Pueris nihil vtilius, quam ut verum Patrem in cælis cognoscere & invocare discant. Vult igitur Ioannes, ut quilibet quod bonum accepit, agnoscat & recogitet, eo que rectē vtatur. Quis autem non in omnibus statibus nunc contrarium videt? &c. Omnibus autem his malis vel sola Epistola hæc mederi & occurrere potuisset, &c.

Nolite diligere mundum, neque ea quæ in mundo sunt.]

Hic Ioannes tandem ipsam omnis mali radicem ē cordibus nostris euellere nititur. Ea autem est, amor mundi, & cupis-

tem: Et Salomon: Vanitas vanitatum, *Patris in eo.]*

& omnia vanitas. Ioannes igitur vt amo-
rem Dei cordibus nostris inserat, prius

Matt. 6. hi duo amores simul esse non possunt:

Nemo enim potest duobus dominis ser-
uire, Deo & Mammonæ. Et qui vult esse

amicus sæculi, inimicus Dei constituitur:

*Iacob. 4.
1. Co. 6.*

Amicitia enim huius mundi, inimica est

Deo. Sic & Paulus asserit, inter lucem &

tenebras nullam esse posse conuersionem.

Obserua, quod Ioannes non dicit: Exite

ẽ mundo, sed: Nolite diligere mundum.

Fieri enim potest, vt quis à mūdānis cor-

pore segregatus, in medio tamen mūdo

versetur, imò mundum in corde gestet,

per amorem eorum quæ mundus suspi-

cit & quærit. Ediuerſo, Dauid etsi in ma-

Psal. 39.

gnis diuitijs esset, verè tamen dicere po-

tuit. Ego autem mendicus sum & pauper.

Sic & Esther etiam regalibus ornamen-

Esth. 1.

tis pro tempore vtens, ea tamen in corde

suo abominabatur: Et Tobias etiam con-

uiuia cum amicis celebrans, captiuitatis

tamen & miseræ populi sui non obli-

uiscabatur. Ioannes igitur mundum, hoc

est, amorem diuitiarum, honorũ, volup-

tatũ ẽ corde expellere satagit. Alioqui es-

nim, etiamsi homines fugias, in deserto

te abscondas, externè in moribus, vesti-

bus, &c. mundo te dissimilem præbeas,

&c. nondum tamen mundum reliquisti,

quamdiu desideria mūdāna in corde tuo

viuant. Non igitur in mundo esse, sed

mundum diligere Christiani prohiben-

tur. Creaturis & bonis huius mundi vti li-

cet, verũ ad necessitatem, non ad volu-

ptatem, aut superfluitatem, multò mi-

nus ad iniustitiam & impietatem. Cæte-

rũ, quis non videt etiam hic, quàm non

respondeat vita nostra huic doctrinæ di-

ui Ioannis? Quò magis Ioannes ab amo-

re mundi, hoc est, diuitiarum, honorum

& voluptatum nos auocat, eò insanius

ea quærimus, & pro his nunquam non

contēdimus, digladiamur, belligeramus,

cælumque terræ miscemus. Cum tamen

diuus Augustinus inter duodecim abu-

sionum gradus etiam Christianum con-

sentiosum numeret: & diuus Paulus suos

1. Co. 16.

Corinthios acriter increpet, quod pro

temporalibus inter se coram incredulis

litigarent.

Si quis diligit mundum, non est charitas

Offendit quod suprà admonui, duos
hos amores Dei & mundi, simul esse non
posse, atque hæc quidem vna causa est,
cur Ioannes nos dehortatur ab amore
mundi. Altera causa, quia mundus nihil
habet quod animæ commodare possit.
Nam voluptas carnis tātũ corpusex-
hilarat, diuitiæ tantummodo oculos pa-
scunt, honores mundani tantummodo
externè hominem conspicuum faciunt.
Nihil autem horum animæ quicquam
prodest, quin potius officit. Quale autē
gaudium est, vbi corpus gaudet, anima
autem non? Quales diuitiæ, quæ oculos
pascunt, non autem cor? Qualis honor
aut gloria est, quæ nos tantum hominib-
us commendat, non Deo? Tertia causa,
propter quam diuus Ioannes nos ab a-
more mundi dehortatur est, quia:

Transit mundus & concupiscētia eius]

Nihil solidum aut constās est in mun-
do. Si solidum quicquam mundus has-
beret, Christus mundi bona non cōtem-
psisset, nec ab eisdem suos auocasset. At
qui Christus ne tantillum quidē in mun-
do habere voluit, vbi vel caput suum
reclinaret. Et sequentibus se apertè dixit:
Nisi quis renuntiauerit omnibus quæ
possidet, non potest meus esse discipulus.
Si transit mundus, quomodo manere
possunt quæ in mundo sunt? Quid igitur
stultius, quàm ea diligere quæ retinere
non possis: imò, etiamsi mundus perpe-
tuò duraret, tu tamen non semper neq-
admodum diu viuere potes. Quid est ho-
mo, nisi bulla? Quid sunt omnia tempo-
ralia, nisi aqua decurrens, & ab vno ad panis
alterum defluens? Transferuntur enim
& regna & imperia ab vno ad alium. Om-
nia quæ videntur, temporalia sunt, quæ
autem non videntur, æterna. Sequitur:

*Qui autem facit Veritatem Dei, manet
in æternum.]*

Quarta causa est, cur Ioannes nos ab
amore mundi dehortatur, quasi diceret:
Nemo non cupit & perpetuò manere &
bonis perfrui: Atqui mundus hoc præ-
stare non potest, sed solus Deus. Eius igitur
voluntatem fac, & manebis in æter-
num. Vides igitur, quàm nihil Diuus Io-
annes omiserit, quo nos ab amore mūdā
auocet

auocaret. Et sic etiam necessarium erat. Nam cum ita creati simus, quod naturae liter bona & magna appetamus: mundus autem speciem quandam bonorum habet, toto impetu ad huiusmodi bona du-
cimur, in illis haeremus, nec facile auelli nos sinimus. Hoc autem videns & sciens diabolus, nunquam non facies & fomen-
ta subministrat, quod amor mundi & ter-
renorum magis in nobis augeat. Merito igitur tot argumentis diuus Ioannes in-
diuersum nos pertrahere conatus est. Se-
quitur:

Filioli, nouissima hora est.]

Iterum diuus Ioannes affectum suum ostendit, nominando nos filiolos, ut magis moueat, & ut certi simus, magni res-
ferre, quod & iam dixit, & mox dicturus est. Nam verbum hoc, & ad praecedentia & subsequenda referri potest. Primum enim hoc verbum vel maxime nos ab amore mundi auocare debet. Quid enim tam anxie quaerimus diuitias, voluptates, ho-
nores mundanos? Quid ita quaerimus & diligimus vanitatem & mendacium? Quid ita aggrauamus contra nos densum lu-
tum? quum sciamus nouissimum tempus esse, nec solum mortem, verum etiam finem mundi appropinquare, nec superesse nobis nisi vnam horam. Stulte, hac nocte tollent animam tuam, & quae parasti cuius erunt? In eundem modum & Paulus monet: Tempus (inquit) breue est. Res-
liquum est, ut qui vtuntur hoc mundo, sint tanquam eo non vtantur, & caeterum diuus Ioannes hoc verbo etiam pios, qui mundi bona contempserunt & reliquerunt, consolari voluit: veletiam eos, quibus graue videtur bonis huius mundi carere. Non (inquit) graue tibi vi-
deatur his rebus carere, quas mundus mi-
ratur: cogita, quod nouissima hora est. Quis autem non libenter re aliqua ad ho-
ram carere cupiat, ut ea in perpetuum postea frui possit? Non igitur tantum eo spectandum est, quae mundus bona ha-
beat, sed quae in futurum nobis reposita sunt. Praeterea diuus Ioannes hoc verbo etiam pigros & desides corripit, qui con-
uersionem suam de die in diem differunt & procrastinant, semperque aliquid excusa-
tionis praeseferunt, quod minus & a ma-
gis se auellant, & bonis inuigilent. Quid

ita differs conuersionem tuam o impru-
dens homo! quid adeo tibi ipsi longam vi-
tam polliteris, quum iam nouissima ho-
ra sit? &c. Monet hoc verbo Ioannes, ut omnem horam velut nouissimam repute-
mus. Denique & totum tempus vitae non nisi vnam horam nominat, nec quaecum-
que horam, sed nouissimam. Iam enim pro-
pmodum dies exacta est, iam instat tem-
pus, ut operarijs sua persoluantur merces. Quid igitur nos cessamus? Festinemus igitur antequam ianua claudatur, ne pos-
sita frustra pulsandum nobis sit. Curra-
mus, dum adhuc in stadio sumus, & bra-
uium propositum videmus. In hunc mo-
dum & Paulus hortatur: Hora, inquit, est nos de somno surgere, &c. Et iterum: Dum tempus habemus, operemur bonum. Et Christus: Adhuc modico tempore lux vobiscum erit. Ambulate igitur dum lucem habetis, ut non tenebrae vos com-
prehendant. Et iterum: Veniet nox, in qua nemo poterit operari. Summa, nihil magis nos decipit, quam spes longioris vi-
tae. In hunc igitur modum verbum hoc diui Ioannis referri potest ad praecedentia. Caeterum, possumus verbum hoc etiam ad sequentia referre, quasi diceret Ioannes: Moneo vos o filioli, ut diligenter obser-
uetis quae hactenus de fide, puritate vitae, dilectione, & contemptu mundi docui. Nam in nos fines saeculorum deuenerunt, nos in tempora illa nouissima & pericu-
losa incidimus, de quibus & Christus & Paulus nos praemonuerunt, eò attentius igitur vigilandum nobis est, ne seducamur.

Et sicut audistis, quia Antichristus venit, nunc Antichristi multi facti sunt. Atque hinc scimus, quoniam nouissima hora est.]

Hic videmus, quod Ioannes ipse verbum praecedens huic textui adaptet. Praemonere nos voluit à Pseudoprophetis, ac docere, ut & constantes simus & prudentes: constantes in sana doctrina, prudentes contra Pseudoprophetas. Nec solum tamē Ioannes nos ab huiusmodi seductio-
nibus praemonuit, verum etiam Christus ipse, Matthaei xxiii. Et Petrus ij. Petri ij. Et Paulus i. Timothei quarto, ij. Timothei tertio. Et Iudas Thadæus in Epistola sua: Quin & in veteri Testamento Ezechiel, & Hieremias subinde contra Pseu-

Mat. 20

Mat. 25
1. Cor. 9Rom. 13
Galat. 6
Ioan. 12

Ioan. 9

Mat. 24

2. Tim. 3

Pseudoapostolos clamant. Et Moyses
 Deut. 13. contra eosdem legem posuit, eosque oc-
 cidendos mandauit. Non temere autem
 toties præmoniti sumus, vt falsos Pro-
 phetas caueamus. Nusquam enim maius
 periculum est, quàm in doctrina. Ea enim
 si sana est, omnia salua sunt, sin autē cor-
 rupta est, nihil boni vel sperari potest:
 nam fides innititur doctrinæ: Quod si
 doctrina falsa est, & fides falsa erit. Vbi
 autem fides certa non est, illic nec
 spes nec charitas esse potest. Vbi au-
 tem hæc absunt, impossibile est, vt se-
 quatur pia & Christiana vita. Doctrina
 igitur radix est, vnde & omnia bona &
 mala prodeunt. Bona, si doctrina sana sit:
 mala autem, si doctrina corrupta est. Ob-
 seruandum hic, quod Ioannes de Anti-
 christo primum in singulari, quasi de v-
 no, deinde in plurali, quasi de multis lo-
 quitur. Primum, inquam, loquitur de vno
 Antichristo, quemadmodum & Christus
 ipse: Alius (inquit) veniet in nomine suo
 hunc recipietis. Et Paulus eundē nomi-
 nat hominē peccati & filium perditionis.
 Cæterum, quod Ioannes statim à singula-
 ri numero ad pluralem transit, plerique
 sic intelligunt, quod sit expositio prioris
 verbi, vt videlicet quæ Ioannes de aduen-
 tu Antichristi dixit, non de vna aliqua &
 certa persona, sed de toto grege & nume-
 ro eorum, qui iam inde ab exordio non
 tantum Ecclesiæ, verū etiam mundi, con-
 tra Christū aut verbum Dei pugnarunt.
 Negant igitur, quod Antichristus certa
 aliqua & vnica persona futurus sit. Atqui
 veteres Ecclesiæ doctores verba illa Io-
 annis exponunt vt iacent, faciuntque dis-
 crimine inter vnum illum, & plures
 hos Antichristos: credunt & tenent An-
 tichristum, de quo Christus, Paulus, Io-
 annes, & etiam Daniel loquūtur, certam
 aliquam personam futuram. Interim ta-
 men cum Ioanne omnes illos, qui Chri-
 sto contraria vel docent vel agunt, Anti-
 christos nominant. Sic enim & Irenæus
 Valentinianos & Martionitas: Hilarius
 Constantium Cæsarem & Arrianos: Cy-
 prianus Nouatianos, Antichristos nomi-
 nant, non tamen ob id negarunt vnicum
 illum Antichristum futurum. Quemad-
 modum enim de tyrannis dicere solemus,
 Turcā habemus nobiscū: & de malis
 hominibus, Homo hominī Diabolus
 est, non tamen propterea negamus Tur-
 cam regnare Constantinopoli, aut vltos
 dæmones alios esse quàm homines ma-
 los: ita & hic Ioannes de multis Anti-
 christis loquendo, non ideo negauit vnū
 cum quendam, certum & insignem An-
 tichristum vēturum. Cæterum quisnam
 ille futurus sit, diuinare quidē possumus,
 verū nihil certi affirmare. Christus so-
 lummodo dicit, venturum quendam, cui
 Iudæi adhæsurī sint. Et Paulus tantum-
 modo dicit, eum futurum hominem pec-
 cati & filium perditionis, nec quicquam
 aliud de persona huius Antichristi asse-
 rit. Vnde etiam Ioannes quæ futura sunt
 Deo committit. Nostro quidem tempo-
 re non desunt, qui personam Antichristi
 audent nominare, magis tamen ex inui-
 dia quàm ex vero iudicio. Quicumque
 enim à dogmatibus, imò & hæresibus
 eorum dissentit, easque impugnat, eum
 statim pro Antichristo traducunt, inter-
 rim non videntes omnia illa quæ & Pau-
 lus & Daniel de Antichristo prædixe-
 runt, in eos vel maximè retorqueri pos-
 se. Sunt enim ex illis qui festucam in alio-
 rum oculis vident, trabem autem suam
 non considerant. Sed de his satis. Anti-
 christum illum vnicū & certum credi-
 mus quidem cum patribus: quis autem
 futurus sit, quando & quomodo ventu-
 rus sit, Deo committimus. Ad Pseudo-
 prophetas igitur reuertamur. Nā & hos
 Ioannes nominat Antichristos, hoc est,
 Christo contrarios vel aduersarios. Duo
 bus autem modis Christo aduersari quis
 potest: doctrina videlicet & vita. De vtro-
 que etiam locus hic intelligi potest: quan-
 do quidem etiam viuētibz adhuc Christo
 stolis inuenti sunt, qui nedum Christo
 contraria docerent, vt Ebiō, Cherinthus, ^{Apoc. 1.}
 verum etiam qui contra doctrinam Chri- ^{Philip. 3.}
 sti viuerent, vt Simon Magus, & Nico-
 laus ille vnus ē septem Diaconis, à quo
 Nicolaitæ nomen acceperunt: denique
 & hi, quos Paulus deslebat vt inimicos
 crucis Christi, & qui ventrem suum pro
 Deo haberent, &c. Ioannes igitur non lo-
 quitur de Iudæis & Paganis, qui aperte
 se hostes Christi profitebantur, sed de ijs,
 qui nomen Christi profitentur, contra-
 ria tamen Christo & docent aut agunt.
 Non igitur est, vt inter nos contendamus,
 qui sint illi Antichristi. Quisq; con-
 sideret

Ioan. 5.
2. The. 2.

Dani. 11.

Apoc. 1.
Philip. 3.

2.Co.10
sideret conscientiam, vitam, fidem & doctrinam, & statim inueniet num contra vel cum Christo sentiat. Facile enim est seipsum pro Euangelico & catholico vendicare: At verò non qui seipsum comendat, ille probatus est, sed quē Deus commendat, atque adeo cui propria conscientia attestatur, se nihil contra doctrinā Christi docere vel agere. Merito itaque terrena nos debet, quod Ioannes de vno illo Antichristo loqui exorsus, statim subintulit: nunc autem Antichristi multi sunt.

Ex nobis exierunt, sed non erant ex nobis.]

Hic clarè videmus Ioannem loqui de ijs, qui vel Christiani fuerunt, vel etiam nunc sub nomine Christi contra Christum pugnant. Terribile autem est, quod Christus nedum Iudæos & paganos, ac Diabolum ipsum hostes habet, verum etiam inter eos, qui de suo nomine gloriatur, habere dicitur aduersarios & contradictores, id quod diu ante etiam per Dauidem & prädixerat & conquestus fuerat. Qui iuxta me erant (inquit) aduersum me steterunt. Et iterum: Qui edebat panes meos, magnificè supplantauit me. Ne mo hominum aut daemonum, nullus Iudæus aut tyrannus Ecclesiæ maiora damna intulit, quàm qui ex nobis exierunt. Nihil Ecclesiæ maiorem perniciem inuexit, quàm falsa doctrina & mala vita. Persecutiones enim Iudæorum & Gentilium adeo nihil nocuerunt Ecclesiæ, vt inde etiam fortius cresceret & proficeret. Hæretici autem post tyrannos in Ecclesiam irruentes, ipsam in pluras sectas sciderunt: atque hoc erat initium malorum. Accedebat & aliud malum æquè pestilens, postquam in Ecclesiam introducta fuit illa mundana pompa & diuitiarum abundantia: nunc enim incepit in Ecclesia etiam mala vita, maxime Ecclesiasticorum, qui neglectis ijs quæ officii pastoralis exigebat, solis temporalibus se occupabant, non Episcopi sed Principes vocari gaudentes: non Christo, sed mundo seruientes. Hoc erat ipsissimum venenum Ecclesiæ. De vtrisque igitur, hoc est, tam de hæreticis quàm de malis pastoribus, intelligi posset verbum hoc: Ioannes tamen potissimum loquitur de hæreticis. Hi enim ab Ecclesia se se-

parant, vt verissimè de ipsis dici possit. Ex nobis exierunt. Si enim in & cū Ecclesia mansissent, hæretici & Antichristi non essent. Mali pastores, etsi propter vitā impiam Antichristi nominari possint, tamen non se separant ab Ecclesia, neque tam grauiter nocent Ecclesiæ, vt hæretici. Et quia in Ecclesia manent, facile conuerteri possunt: hæreticorum autem proprium est, primum Ecclesiam contēnere, deinde ab Ecclesia seipsos separare, consequenter & alios abducere, sicque nouas Ecclesias, imò sectas ædificare. [Ex nobis exierunt.] Nullus nō hæreticorum ab Ecclesia desciiuit, oēs in Ecclesia fuerunt, sed nō permanserunt. Et alios, quidem seduxit nimia superbia & arrogantia, quod de sua scientia nimium præsumebant, suasque opiniones Ecclesiæ decretis præferrent: alij offensum mala vita Ecclesiasticorum, ab Ecclesia se separarunt, quæadmodū olim Donatus in Aphrica, post Vuiclephus in Anglia, & nunc plerique etiam nostris temporibus. Et vae quidem omnibus illis, qui mala sua vita occasione alijs præstant discedendi ab Ecclesia. Melius enim illis esset, vt mola asinaria suspenderetur collo eorum, & demergeretur in profundum maris, quàm quod vel vni ex membris Christi tale offendiculum præbeant. Interim, tamen desertores illi non sunt excusati. Malum enim corrigi debet, nō propter ipsum ab Ecclesia apostatandum. Noli (inquit Cyprianus) ab Ecclesia fugere, quod multum zizaniorum & palearum in Ecclesia vides, sed cura, vt tu ipse bonum frumentum sis, & nihil tibi oberunt zizania & paleæ. Sic Dauid nō ideo se ab Ecclesia Israelitarum segregauit, quod videret impiū Saulem in ea regnare, quin potius conquerebatur, quod non tutò sibi liceret in eadem congregatione habitare: Male dicti (inquit) sunt, qui me eiciunt, ne habitent in hæreditate Domini, dicentes: Vade serui dijs alienis. Sic Prophetæ quicquid mali in populo fideli videbant, verbis quidem acriter arguebant, non tamen ob id, etiam cum non omnia emendare possent, se ab eodem populo separabant, id quod apertissimè videmus in Helia, Hieremia, & alijs. Hoc fecerunt Augustinus, Cyprianus, & alij veteres, ideo Catholici permanserunt, hæretici autem exeunt.

Fff Quia

Quia non erant ex nobis.]

Hoc addit Ioannes, ne quis miretur aut etiā propterea turbetur, quod plerique se ab Ecclesia separant. Charitas quidem huiusmodi casum & defectionē deplo-
 Rom. 9
 Philip. 3
 Ioan. 6

rat, quemadmodum Paulus Iudaeorum defectionem, & aliorum etiam quorundam, qui ex Christianis inimici crucis Christi effecti, ventrem pro suo Deo habebant: verum iudiciū hoc Deo committendum est, ipse nouit qui sunt eius. Nonne (inquit) ego vos duodecim elegi, & vnus ex vobis Diabolus est? Quem

Luc. 22.
 Math. 3.

admodum enim Satanas electos varijs persecutionibus cribrat, sic & Christus ventilabro, hoc est, occulto iudicio suo aream suam purgat, vt paleae decendant, triticum maneat. [Si enim fuissent ex nobis, permansissent vtique nobiscū.] Mali tantum corpore in Ecclesia sunt, non spiritu. Ecclesiae igitur nihil decedit, etiam si singulis diebus aliqui excidat, imo potius eo purgatio & mundior redditur, quemadmodum tritico nihil obest, si zizania exarescant & pereant. Impij enim non aliter sunt in Ecclesia, quam zizania inter triticum, vt utrumque simul crescit, si mul in aream conuehitur, & semper maior pars est palearū & straminis, per ventilabrum autem discernuntur, & a se invicem separantur. Deinde impij etiā ita in Ecclesia sunt, vt mali humores in corpore, qui si eiiciantur, adeo non obest corpori, vt vel ipsius certa sanitas sit, &c. Haec duo exempla ponit diuus Augustinus, quorum vtrunque pulchrè conuenit cum hoc verbo Ioannis. Vult igitur Ioannes, vt non miremur aut turbeamur si videamus aliquos ab Ecclesia desiscere. Insuper etiam terrere nos vult, ne facile, imo ne vnquam nos propria temeritate aut leuitate ab Ecclesia vniuersali & Catholica separemus, aut seisingi patiamur. Hoc quidem nostris temporibus à plerisque parui aestimatur: at Ioannes palam pronuntiat eos qui ab Ecclesia se separant, ad Christianos & electorum numerum non pertinere, nec vnquam pertinuisse. Non (inquit) erāt ex nobis. Qui autem ad electos, hoc est, ad ecclesiā primitiuorum in caelis ascriptorum non pertinet, nec cum Christo quicquam communis habet. Magni igitur refert, vt in Ecclesia maneamus. Atqui (dicit aliquis) si

Hebr. 12

tantum refert, cur Deus permittit aliquos excidere? Audi quod sequitur.

Vt manifesti sint, quoniam non sunt omnes ex nobis.]

Verbum est, ad quod non immerito obstupefcimus, idem autem est cum eo, quod Christus ait: Multi sunt vocati, pauci vero electi. Christus in iudicium venit in hunc mundum, & alijs quidem est illuminatio, alijs obcaecatio: Positus est (vt Simeon ait) in ruinam & resurrectionem multorum. Officium eius est discernere inter pios & impios, & hoc quidem perfecte fiet in iudicio futuro. Tūc enim dicet messoribus suis: Colligite primum zizania, &c. Tūc sagma ad littus trahetur, & boni pisces in vasis recondentur, mali autē foras proicientur. Tūc separabit Christus ipse agnos ab oecidis, &c. Quicumque in agro & area Domini non bonum triticum est, vel à seipso excidit, vel per ventilabrum eicitur, hoc est, ligatis manibus & pedibus proicitur in tenebras exteriores. Sic Christo de spiritali cibo corporis sui praedicante, multi discipulorum eius retro abierunt. Sic vnus estiam è numero Apostolorū excidit. Sic Paulus pluribus verbis describit excisio-

Mat. 10
 Ioan. 9

Luc. 4

Mat. 13

Mat. 13

Mat. 13

Ioan. 6

Rom. 11

1u. Co. 10

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

Rom. 11

corrigen-
la. Si nullus vnquam lupus sese conspi-
ciendum praeberet, omnem curam & so-
licitudinem pastores abijcerent. In Eccle-
sia Dei iam dudum inualuerunt abusus
ferme omnium rerum, denique variae su-
perstitiones, & insuper etiam mali mores
ad summum vsque: verum Deus huius
saeculi Mammon, itemque ambitio ita
nobis obcaecauit, vt tanta Ecclesiae mala
ne videre quidem possimus, tantum ab-
est, vt ea tollamus. Permissu igitur adeo
que iusto iudicio Dei, subinde se inge-
runt, quibus haec mala & deordinatio-
nes ansam occasionemque praebent nihil
non attentandi, vt desides illi pastores es-
tiam si nolint, cogantur tamen Ecclesiae
commodis prospicere, &c. Ad hoc nobis
profunt haereses & schismata. Sicut mali
mores occasionem & causam praebent,
vt bonae leges sanciantur: ita & ab anti-
quo haereses & schismata ansam praebue-
runt patribus, multa in commodum Ec-
clesiae scribendi, quae alias fortassis ne co-
gitassent quidem.

*Sed vos vñtionem habetis à sancto, &
nostis omnia.]*

Mitigat quod dixerat. Primo enim,
ne quis ex eo quod dixerat, multos esse
Antichristos, trepidus & pusillanimis
subinferret: Si tam multi seductores no-
bis imminet, quis igitur securus esse po-
terit? Respondet Ioannes: Non te hoc mo-
ueat pie homo, multa quidem damna
haeretici Ecclesiae intulerunt & etiamnum
inferunt, securus tamen es & manebis, si
doctrinam Spiritus sancti, quam accepis-
sti, in te conseruaris. Quicquid enim ad
salutem necessarium est, hoc iam dudum
spiritus Ecclesiae, & verbo Euangelij, &
occulta sua inspiratione manifestauit,
Vñtionem igitur habetis à sancto, &
scitis omnia. Non est igitur quod haere-
ticos reueramini. Animi constantia & fi-
de vobis opus: sic enim nihil praeualebunt
impostores, &c. Deinde, ne quis ex eo,
quod Ioannes dixit, multos excidisse qui
prius in Ecclesia fuerant, subinferret: Si
tot & tanti ceciderunt, quid mihi ergo spei
relictum est, maxime cum audiam ne
nunc quidem omnes ad nos pertinere,
qui inter nos degunt? Respondet Ioan-

nes: Nec hoc te conturbet. In te enim situm
est, num ab Ecclesia desciscere velis vel
non. Habes enim vñtionem gratiae Dei
& ab eo habes qui sanctus est, ad haec et-
iam scis omnia: quia igitur nec gratia nec
cognitio veritatis tibi deest, satis munis-
tus es, ne facile excidere possis, si velis:
tantummodo vide, ne gratia hac & cog-
nitione abutaris. In hunc igitur modum
Ioannes praecedentia verba mitigat. Ob-
seruandum autem, quod Ioannes & gra-
tiam & cognitionem vel doctrinam Spi-
ritus sancti vñtionem nominat. Primo
enim per hoc significatum nominis nos-
tri nobis insinuare voluit. Nam Christianus
ni dicimur à Christo. Christus autem vñctus
interpretatur. Et quidem in veteri Testa-
mento reges & sacerdotes vñcti diceban-
tur, ab externa illa vñctione, qua & in re-
gnum & sacerdotium inaugurabantur.
Saluator autem noster, & ipse in scriptu-
ra rex & sacerdos pronuntiatur, atque
ideo etiam Christus vel Messias vel vñ-
ctus nominatur: oportet igitur, vt & ipse
vñtionem habeat, propter quam nomi-
ni suo respondeat. Eius autem vñctio,
Spiritus sanctus est. Propterea (inquit)
vñxit te Deus, Deus tuus oleo laetitiae
prae participibus tuis. Et Esaias: Requies-
cet (inquit) super eum Spiritus Domini,
&c. Et iterum in persona Christi: Spiritus
Domini super me qui & vñxit me, euan-
gelizare pauperibus misit me, &c. Quae
admodum igitur veteres illi reges & sa-
cerdotes ita vñgebantur, vt oleum vel ip-
sa vñctio à capite etiā in barbā & vesti-
menta deflueret: ita & spiritalis, imò cae-
lestis & diuina haec vñctio, Spiritus san-
ctus videlicet, à Christo capite defluit,
non in barbā tantum, verum etiā in or-
ram vestimenti eius, hoc est, non tantum
in eos, qui de proximo ipsi adhæserunt,
aut cum ipso fuerunt, verum etiam in infi-
ma quæque membra eius, idque vsque ad
finem mundi: Vidimus (inquit) eum ple-
num gratia & veritate: Et de plenitudi-
ne eius omnes accepimus. De hac igitur
vñctione hic loquitur Ioannes. Docere
itaque vult, quid à Christo habeamus:
Habetis (inquit) vñctionē à sancto, hoc
est, gratiam & veritatem per Spiritum san-
ctum. Et scitis omnia, hoc est, quae scire
vos conuenit. Nam alioqui nemo est, qui
omnia sciat: Difficile (inquit) cognoscere

Psal. 44
Esai. 11
Esai. 61

Psal. 132

Ioan. 14

Sapi. 9

Fff ij mus

mus quæ in terra sunt, quæ autem supra nos sunt, quis inuestigabit? Sic & Salomon, et si sapientissimus esset, plæraque tamen se ignorare dixit. Et Paulus: Ex parte cognoscimus, & ex parte prophetamus: videmus nunc per speculum, &cæ. Et iterum: Quæ Dei sunt, nemo nouit nisi Spiritus Dei. Et iterum: Quis cognouit sensum Domini, aut quis consiliarius eius fuit: &c. Itaque quod Ioannes hic dicit: Scitis omnia, solummodo de ijs intelligendum est, quæ scire nos conuenit, vel quæ scitu necessaria sunt. His itaque duobus verbis. Vñctionem habetis à sancto, Et scitis omnia, Ioannes non tantum pio consolatur, verum insuper pigris omnem excusationem adimit. Si enim vñctionem habemus, hoc est, gratiam, nulla erit excusatio, si dicas: Nō possum hoc vel hoc facere. Si omnia scitu necessaria nobis reuelata sunt, nulla erit excusatio, si dicas: Hoc nesciebam, &c. Vides igitur quā vndique nos constingat & vrgeat Apostolus noster. Ea enim quæ vel maximè hoc tempore desiderat, imò malitiæ nostræ præteximus, Ioannes his duobus verbis penitus eneruat, &c. Sequitur:

Non scripsi vobis quasi ignorantibus, sed quasi scientibus veritatem, et quoniam omne mendacium ex veritate non est.]

Verbum hoc vel ad literam accipi potest, vel per Enallagen, vt res pro persona, mendacium pro homine mendace, veritas pro homine vero & solido intelligatur. Docet igitur per hoc, vnde Antichristi vel maximè cognosci possint.

Vult autem sic colligere, Christus est ipsa veritas, & ita, vt nihil vel falsitatis aut doli tam in verbis quàm in factis eius vñquam deprehensum sit, aut etiam nū deprehendi possit. Itaque ex Christo esse non potest, cui aliquo modo mendacium placet, siue hoc sit mendacium in doctrina, siue hypocrisis in vita. Quæadmodum enim duplex est veritas, doctrinæ & vitæ, sic & duplex est mendacium. Ioannes autem dicendo, omne mendacium, vtrumque comprehendit.

Quis est mendax, nisi qui negat quod Iesus sit Christus? Hic est Antichristus, qui negat Patrem & Filium.]

Per hos negatores Christi, non tantum intelliguntur Iudæi, qui dicebant: Hunc nescimus vnde sit. Et: Non est hic homo à Deo. Nec tantum Ebion & Ioan. 9. Cherinthus, qui dicebant Christum non fuisse ante virginem matrem. Nec tantum Valentiniani, qui asseriebant Christum corpus non ex Maria sumptum, sed à cælo attulisse. Præterea nec soli etiam Arriani, qui Christum negabant Deo Patri æqualem, verum etiam omnes qui aliam viam ad salutem quærunt quàm per Christum. Omnes (in Rom. 1. Coloss. 2.) tales negant Christum. Ipsum enim vñum & solum proposuit Deus propitiatorem per fidem in sanguine eius. Per ipsum placuit Deo omnia reconciliare, & quæ in cælo & quæ in terra sunt. Nec est aliud nomen sub cælo datum hominibus: in quo oporteat nos saluos fieri, &cæ. Hoc autem negant qui aliam sibi viam ad salutem quærunt. Postremò & hi Christum negant, qui ipsi contrariè viuunt. Sic enim Paulus de Tit. 1. quibusdam dicit, quod Deum quidem ore confiteantur, verum factis negent. De vtraque igitur confessione, tam oris quàm operis, intelligendum est illud Evangelicum, Qui me confitebitur coram hominibus, confitebor & ego eū coram Patre meo. Et ediuerso: Qui me erubuerit coram hominibus, & cæ. Diuus Augustinus nus verbum hoc vel maximè torquet in suos Donatistas, aliosque schismaticos, qui Christum quidem verbis confitebantur, iuxta hoc tamen Christi Ecclesiam scindebant, &c. Sequitur.

Omnis qui negat Filium, nec Patrem habet: qui confitetur Filium, & Patrem habet.]

Iudæi putabant se iniuriam Deo inferre, si faterentur ipsum habere filium. Sic & Arriani Deo iniuriosum putabāt, si Filiū confiteretur Patri æqualem: vtrique persuasi erant, satis esse si Deum Patrem confiterentur. Atqui Ioannes plāne asserit, eos qui negant Christum, nec Patrem habere. Itaque qui Filium spernit, spernit & Patrem: qui Filium honorat & suscipit, suscipit & Patrem. Nam Pater in Filio cognoscitur: Ipse enim est splendor gloriæ & figura substantiæ eius: Vnde & Christus ipse dicit: Qui

Hebr. 4
Ioan. 14
Qui videt me, videt & Patrem meū. Qui igitur à communione Christi se separat, is ad Ecclesiam, quæ est corpus Christi, non pertinet. Omnia hæc Ioannes nobis inculcata vult, vt sciamus, nihil damnosius esse, quàm Christum vel verbis vel factis negare: ipsum autem fide & vita cōfiteri, summam & certissimam salutem esse. Qui enim Christum negat, nec Patrem habet, & econtra. Sequitur:

Vos quod audistis ab initio, in vobis permaneat, sic enim & in Filio & in Patre manebitis.]

Fidele consilium dat, quid agendum nobis sit, vbi Pseudoprophetae & Antichristi in Ecclesiam irruperint. Nam alio qui frustra prænuntiasset venturos esse tales impostores, nisi simul etiam subindicasset, quomodo vitari possint. Consilium autem eius est, vt maneamus in eo quod ab initio audiuius. Optimū sanè consilium: quàm primū enim dubitare incipimus de his, quæ ab exordio edocti sumus, erroribus aditū præbemus. Hinc Christus toties huiusmodi verba discipulis inculcat: Manete in me, & ego in vobis: Videte ne quis vos seducat. Si dixerint, hic est Christus, vel illic, nolite credere, &c. Et Paulus: Tu autem permane in his quæ didicisti, sciens à quo didiceris. Et iterum: Doctrinis varijs & peregrinis nolite abduci. Et iterum: Ne moueamini omni vento doctrinæ. Et iterū: Si Angelus à cælo euāgelizauerit aliud, q̃ quod audistis, anathema sit. Cæterum, quæ ab initio edocti sumus, hæc sunt: fides in Christum, spes, charitas, obedientia, patientia, contemptus mundi, desiderium ad superna, observatio mandatorum Dei, &c. De his, inquam, ab initio edocti sumus, tam ex Euangelio quàm ex Epistolis Apostolorum. Atque hæc etiam ad omnes nos pertinent. Hinc Paulus: Tu autem affecutus es meam doctrinam, institutionem, propositum, fidem, longanimitatem, dilectionē, patientiam, &c. Et iterum: Scitis quæ præcepta dedero vobis per Dominum Iesum. Hæc est enim voluntas Dei sanctificatio vestra, vt abstineatis à fornicatione, &c. Ab initio igitur edocti sumus, non tantum quæ ad fidem, verumetiam quæ ad pie-

tatem & sanctitatem vitæ pertinent. In his qui permanserit, & in Filio & in Patre manebit, atque adeo à seductoribus quoque securus erit. Obseruabis hic, quāti nobis æstimanda sit Christiana doctrina ac verbum Dei. Hinc enim & ad summum honorem perducimur, & summam etiam vtilitatem consequimur.

Quis autem maior homini honor contingere posset, quàm manere in Patre & Filio? Atqui hunc honorem consequitur qui permanet in doctrina Christi & Apostolorum. Hinc & Christus ipse: Qui diligit (inquit) me, sermones meos seruabit, & Pater meus diliget eum, & veniemus ad eum, &c. Nec ab honesto tantum Ioannes sumit argumentū, verumetiam ab vtili, vt constantiam & perseverantiam in sana doctrina nobis persua-deat. Sic enim subdit.

Et hæc est repromissio, quam ipse pollicitus est, nempe vita æterna.]

Hæc est vtilitas sanæ doctrinæ & verbi Dei, vita scilicet æterna. Et quid maius vel optare posses? Ad summum igitur & vtile & honestum est, in sana doctrina & verbo Dei, perstare. Vtrunque autem Ioannes subindicat, vt fortius moueat & persua-deat.

Hæc scripsi vobis, de his, qui vos seducunt.]

Pluribus verbis vsus est, quia astutiā Satanæ nemo satis præcauere potest. Et magni periculi res est, abduci à sana doctrina. Per hoc enī & à Deo & ab æterna vita excidimus. Subindicat itaq; Ioannes hoc verbo, se quod suum est, fecisse, quemadmodum & Paulus Ephesijs dicebat: Contestor vos hodierna die, quod mundus sim à sanguine omnium vestrum. Non enim subterfugi, quo minus annuntiare vobis omne consilium Dei.

Et vñctio quam accepistis ab eo, manet in vobis. Et non habetis necesse, vt aliquis vos doceat: sed sicut vos vñctio docet de omnibus, verum est & non est mendacium.]

Per vñctionem (quod & supra monuimus) Spiritum sanctum intelligit. Is enim & docuit nos omnia, & etiam num verus Ecclesiæ doctor est.

FFF in Non

Ioan. 14

Acto. 20

Ioan. 15.
Mat. 24.
2. Tim. 3.
Hebr. 2.
Ephes. 4.
Galat. 1.

1. Tim. 3.

1. The. 4.

Ioan. 14
2. Cor.,

Non enim qui plantat, est aliquid, neque qui rigat, sed qui incrementum dat. Non tamen hoc vult Ioannes, quod Spiritus sanctus sine medijs nos doceat, solaque interna inspiratione: id quod Anabaptistae sibi persuadent, qui & dupliciter in hoc verbo errant. Primo quod per spiritum & vñctionem non intelligunt Spiritum sanctum, sed proprium suum spiritum, proprias cogitationes, propriam rationem, vel potius melancholiam insanam proprii capitis & sensus. Deinde quod externam verbi Dei praedicationem vel omnino tollunt, vel minus necessariam ducunt, à solo spiritu citra vllum medium doceri volentes, sicque Spiritum sanctum à scriptura & verbi Dei praedicatione externa separant. Cū hoc sit verum illud medium, quo Spiritus sanctus nos docet, nepe scriptura & externa verbi Dei praedicatione. Sic enim loquente Petro cecidisse legimus Spiritum sanctum super eos, qui verbum Petri audiebant. Et de Apostolis legitur, quod exiitantes praedicauerunt, Domino cooperante. Docet igitur Spiritus sanctus, sed per verbum: docent Apostoli, sed per cooperationem Spiritus sancti. Spiritum sanctum igitur à scriptura sacra separare nemo debet. Docuit Spiritus sanctus veteres Prophetas ut plurimum occultis inspirationibus, vel imaginarijs visionibus, citra externam praedicationem: docuit Apostolos, verba Christi illis suggerendo, & quae dudum audierant iterum ad memoriam revocando: docet nos per medium scripturae sacrae & verbi: Et qui hoc medium contemnit, frustra expectat Spiritus sancti novam & internam instructionem: Imò ideo scriptura sacra nobis data est, cum certa quaedam regula Christianae doctrinae, ne proprius nos seduceret spiritus. Quod si nulla certa doctrinae sacrae regula nobis praefixa esset, quis non videt confusum chaos futurum? Si enim scripturam sacram ut certissimam sanae doctrinae regulam, ob oculos nobis positam habentes tam dissimilia tamen docemus, quid fieret sublata scriptura? Ioannes igitur non hoc vult, quod de caetero nulla scriptura, aut externa verbi Dei praedicatione opus habeamus, sed quod ipsa veritas tam aperte & sufficienter per Apostolorum doctrinam & scripta, & tradita sit, ut Pseudoprophetarum novis dogmatibus, visionibus & revelationibus, & caetera, nihil opus habeamus. Vñctio in vobis manet (dicere vult) videte ut eam retineatis. Spiritus sanctus non mutatur, ut nunc aliter doceat, quam olim, verum idem semper manet, semperque si bijsi constat. Denique & nunquam docere cessabit: sic enim & Christus futurum praedixit: Manebit (inquit) vobiscum in aeternum. Refelluntur igitur hoc Martinion & Manichaeus, qui asseriebant Spiritum sanctum post Apostolorum tempora cessasse Ecclesiam docere, in se autem eundem Spiritum sanctum reuixisse, id quod etiam nunc plerique de seipsis asserere audent, cum Ioannes aperte dicat, Vñctionem illam quae ab exordio Ecclesiam docuit, perpetuo manere, nec unquam à docendo cessasse aut cessare: Damnatur hoc verbo etiam impius Martinus, qui assererat Spiritum sanctum alia docuisse per Moysen, alia per Iesum Nazarenum: Nunc autem etiam per se novam legem instituisse. Hoc autem ipsius figmentum non tantum hoc loco refellitur, verum etiam per id quod Ioannes supra dixit: Nouissima hora est, quo verbo interpretatur: Nouissima hora est, quo verbo inter alia significare voluit, post publicationem Euangelij, nullam aliam novam à Deo doctrinam expectandam. Quod si etiam ipsa vñctio, ipse Spiritus sanctus immutabiliter in Ecclesia manet, ut hic dicitur: certum est etiam scripturam sacram & doctrinam Evangelicam nunquam immutandam. In fine circa hoc verbum etiam aliud quiddam diuinus Ioannes innuit, nempe Spiritum sanctum longè alio modo docere quam homines doceant. Homo siquidem nihil aliud quam verba auribus ingerit & in clamat, Spiritus autem sanctus eadem cordibus inscribit: Homo plantat & rigat, Spiritus sanctus incrementum dat. Effectus itaque & fructus est sana doctrina proveniens, non humano operi, sed vñctioni Spiritus sancti ascribi debent, id quod diuinus Paulus nusquam non facit, omnia in Deum referendo, &c.

Et nunc filioli manete in eo, ut cum apparuerit habeamus fiduciam, & non confundamur ab eo in aduentu eius.]

Haecenus Ioannes per digressionem de Pseudopropheta

Matt. 23
Ibidem

Pseudoprophetae differunt: nunc ne existimetur instituti sui oblitus, recurrit ad id quod in exordio huius capituli dixerat, nempe, quod ad Christianismum non fides tantum, verum etiam vita Deo digna pertineat. Iterum igitur filios suos nos nominat, ut ostensione affectus sui fortius moueat. Manere autem nos iubet in eo, quod videlicet vnctio nos docuit & docet: vel in eo, hoc est, in ipso Deo, per fidem videlicet & imitationem. Hoc enim est manere in Deo, ut supra ostensum est. Addit autem Ioannes etiam huius rei vtilitatem, id quod & supra fecerat. Multis enim hactenus promissionibus ad pietatem nos trahere conatus est: nunc autem fortius quiddam addit, in eo quod etiam iudicii futuri & secundi aduentus Christi nos communes facit. Quasi diceret: Non tantum nobis cogitandum est, quis fructus sequatur pietatem, & quae praemia promissa sint pie viuientibus: verum etiam, imò vel maximè, quonam modo coram iudicio Dei consistere valeamus. Huc (inquam) omnia nostra studia referenda sunt, ut si fiduciam habeamus in die iudicii. Audistis nouissimam iam horam esse, scitis iam dudum iudicii diem omnibus hominibus indictam & denuntiata: Omnes enim nos stare oportet ante tribunal Christi, ut referat vnusquisque quod gessit in corpore, siue bonum, siue malum. Magni igitur refert, qua fiducia illic compareamus. Quemadmodum enim nihil terribilius est, quam malè sibi conscium coram iudice apparere, ita nihil laetius, quam bona conscientia iudicium adire. Atqui hanc talem tantamque fiduciam coram iudicio Dei (cuius oculis omnia nuda & aperta sunt, & in quo iudicio nulla, vel excusatio vel appellatio locum habebit) nulla sub caelo res praestare potest, quam post fidem, & ex fide, pia vita & bona conscientia, vnde & Paulus testimonium bonae conscientiae, pro summa & vnica gloria ducit. Sic & Sapiens dicit: Secura menses quasi iuge conuiuio. Et iterum: Fugit (inquit) impius nullo persequente, at iustus confidit ut leo. Sic & David de eo qui timet Deum, etiam hoc scribit: In memoria aeterna erit iustus, ab auditu malo non timebit. Denique vel Christo ipso teste, fidelis quisque seruus olim au-

diturus est. Euge serue bone & fidelis, intra in gaudium Domini. Quia & omnes electi audient: Venite benedicti Patris mei, percipite regnum, &c. In hoc igitur docet nos Ioannes omne studium nostrum insumere, ut hanc coram Dei iudicio fiduciam habeamus: eam autem sola fides non praestat. Bonum quidem est, imò & necessarium, ut fidei fundamentum ante omnia ponamus: ceterum quod supra illud fundamentum aedificamus, ignis probabit. Nisi enim quod superaedificamus, fuerit vel aurum, argentum, aut lapides pretiosi, coram iudicio consistere non poterit. Nam lignum, fenum & stipulam ignis ille consumet. Multi itaque in eo iudicio confundentur, qui nunc videntur sibi egregie stare. Multi (inquit) dicent mihi in die illa, Domine, nonne in nomine tuo prophetauimus? &c. Et respondebo illis: Nescio vos, discedite à me operarii iniquitatis, &c. Maneamus igitur in Deo per fidem & obedientiam: alioqui quo ore Patrem illum nominare audebimus, si perpetuo filij inobedientes & rebelles inueniamur? Si manseritis (inquit) in sermone meo, verè discipuli mei eritis, &c.

1. Co. 3

Matt. 7

Ioan. 8

Si scitis quoniam iustus est, scitote quoniam & omnis qui facit iustitiam, ex ipso natus est.

Verbum hoc inter praecipua illa argumenta reputari debet, quibus Ioannes probare nititur, post fidem etiam charitatem, itemque & vitae sanctitatem à nobis exigere: Deus (inquit) iustus est. Itaque qui Dei filium se esse gloriatur, iustitiae & ipse insistat operibus: alioqui iusti Dei filius dici non potest, si non & ipse iustitiam diligat. Hoc autem contra eos militat, qui perpetuo de iustitia Christiana scribunt, docent, pugnant & contendunt, interim tamen in summa iniustitia viuunt. Deum iustum & sanctum esse omnes credimus, & fatemur: at quod etiam iustitiam diligat, eamque à filiis suis exigit, nemo attedit. Per fidem filij Dei efficitur, atqui per opera iustitiae, quod filij Dei simus, comprobamur. Ideo & diuus Petrus vult, ut bonis operibus fidem & vocationem nostram certam reddamus. Iacet igitur fide quisque vult & quantum vult, nemo tamen in iudicio Dei securior erit quam is, qui iustitiam facit & operatur, ex fide tamē

2. Pet. 1

men: Ex verbis igitur his Apostoli nostri sequitur, quod duo hæc, credere, & iustitiam operari, iustitiam Christianam perficiunt. Non quod huiusmodi iustitia in nobis pro hoc tempore omnino perfecta esse possit: nam vita Christiana non est iustitia, sed perpetua iustificatio. Tunc autem perfecta erit iustitia nostra, cum nullum iam amplius malum nobis adlusecet, nulla concupiscentia titillabit, nulla inter spiritum & carnem pugna erit. Hoc autem tunc fiet, quum nouissimè inimica destruetur mors, & nos plenè de hostibus nostris triumphabimus. Quamdiu enim hic viuimus, & ferimus hostem & ferimur ab eo, vincimus ac vincimur. Tunc autem ad plenum vincetur hostis, abolebitur in nobis peccatum, regnabit autem iustitia sempiterna.

1. Co. 15

Danie. 9

Caput Tertium.



Actenus diuus Ioannes quatuor argumētis probauit, ad Christianum hominem non tantum pertinere vt credat, verum etiam vt piè & sanctè viuat. Horum primum est, Deus lux est, ideo qui societatem cum eo habere vult, necesse est, vt omnes à se tenebras depellat. Secundum, Deus verax est, imò ipsa veritas, ideo qui gloriatur se nosse Deum, non mendacio, sed veritati studere debet. Tertium, Christus est propitiatio pro peccatis nostris: qui igitur in Christo manere & partem cum ipso habere vult, ambulare debet, quemadmodum & Christus ambulauit & vixit. Quartum argumentum, Deus iustus est, igitur iustitiæ inuigilare nos oportet, si eius filij esse cupimus. Et hæc quidem hætenus audiuius. Sequitur:

Videte qualem charitatem dedit nobis Pater, vt filij Dei nominemur, & simus.]

Hoc verbo Ioannes iterum pro suo more mitigat, idque ingenti cōsolatione, quod alicui duriusculè dictum videri poterat, Carnali siquidem homini blandius irrepit, & dulcius sapit, quàm audit credentem iustum reputari coram Deo, quàm

quum audit eum iustum esse, qui iustitiā operatur, vt Ioannes hic dixit, Ne igitur resiliat, clametq; durum esse hoc verbū, Ioannes considerare nos docet, quātum dilectionis & gratiæ præ omnibus alijs hominibus Deus nobis ostenderit: Videte, inquit, quantus honor sit, vocari & esse filium Dei: Hoc autem neque ex natura, neq; ex meritis nostris habemus, sed tantum ex mera gratia & dilectione Dei. Nulli igitur graue aut durum videatur, ita vitam suam instituere, vt huic tam magnifico nomini & muneri respondeat. Emphasim autem habet quod dicit: Videte, quasi diceret: Nihil incertum hic dico, nihil in hac re fingo, imò tam certa sunt quæ dico, vt & videri & contrectari possint, si modo oculos aperiāmus & animum intēdamus, etc. Obseruandum, quod non tantum dicit: Vt filij Dei minemur, sed insuper addit: Vt filij Dei simus. Nam alioqui & Iudæi vocari volebant filij Dei, quum tamē Christus palam conuinceret eos non Dei, sed diaboli filios esse. Aliud enim est nominari, aliud esse filium Dei. Nihil proderit magnum nomen, si defuerit res.

Ioan. 6.

Ioan. 8.

Propter hoc mundus non nouit nos, quia non nouit eum.]

Hinc vel maximè probatur, nos nedū nominari, verum etiam esse filios Dei. Si enim de mundo essemus, mundus quod suum est, diligeret: nunc autem quum aliunde nati simus, originemq; & genus nostrum è cælo & ex Deo habeamus, mundus nos nō nouit. Itaq; hoc verbo Ioannes nos contra scandalum crucis confortat. Nam alioqui vix & difficulter credi potest, quod filij Dei simus, quū ipse Deus mūdo tantū licētiæ, tantū malitiæ, tantū crudelitatis in nos exercere permittat. Atqui nihil hæc te moueāt (inclamat Apostolus noster) imo nullum certius signum habere potes, te esse filium Dei, quàm si mundus te odiat, citra tamen culpam tuam. Mundus enim nihil aliud est, quàm sæx illa hominum, qui nihil nisi quod terrenum est, diligunt, nullum agnoscunt, præterquam sibi similes, vadeo, vt nec verum illum & naturalem Filium Dei agnoscere voluerint, propterea, quod non in forma Dei, sed forma & habitu serui appareret: deinde, quod etiā ipse

Ioan. 15

Phil. 2.

ipſis diſſimilis eſſet, diuerſaque via ince-
deret, inſuper & vitia eorum redargueret:
In mundo, inquit, erat, & mūdus eū nō
cognouit: In propria venit, & ſui eum nō
receperunt. Quid igitur mirum, quōd
mundo etiam nos adoptiuos filios Dei
non agnoſcit aut recipit, qui naturalem
illum Dei Filium nec agnouit nec rece-
pit? Imo mundus nec ipſum Deum
cognoscit, qui tamen omnia & creauit
& regit, operaturq; denique nec longē
eſt ab vnoquoque noſtrum: nam in
ipſo viuimus, mouemur, & ſumus. Huc
pertinet quod etiam Petrus dicit de filiis
huius ſæculi, aut mundi amatoribus. Ad-
mirantur, inquit, de vobis, quōd non cō-
curratis in eandem luxuriæ conſuſio-
nem, atque ideo vos blaſphemant. Ad-
idem facit illud Pauli: Omnes qui piē
volunt viuere, perſecutionem patientur.
Vnde & idem Paulus fidenter dicit: Si
adhuc hominibus placerem, Chriſti ſer-
uus non eſſem. Obſerua hic, quōd Ioan-
nes iterum hoc verbo magnam differen-
tiam facit inter filios Dei & mundum.
Cura igitur, vt non inter mundanos, ſed
inter filios Dei inueniaris. Si filius Dei es,
agnoſces & alios Dei filios, denique &
vita eorum tibi probabitur. Quōd ſi nec
filios Dei agnoſcis, nec vita eorum tibi
probat aut placet, proſectō ad mun-
dum pertines.

*Chariſſimi, nunc filij Dei ſumus, & nō-
dum apparuit quid erimus.]*

Summa hic bona Chriſtianorū enu-
merat, idque verbis ad ſummum vſque
conſolatorijs. Primō autem iterum nos
filios Dei nominat, & cū emphati: Nūc
(inquit) ſumus filij Dei: iam enim ſpiri-
tum adoptionis accepimus, in quo ſi-
denter ad Deum clamamus, Abba, Pa-
ter. Et is idem etiam ſpiritus testimoniū
reddit ſpiritui noſtro, quōd ſumus filij
Dei. Hoc, inquam, bonum iam accep-
imus, iam habemus, poſſidemus, ac eo
fruiſimur, quantum uis mundus illud non
credat, nondum enim apparet. Sumus ad-
huc in prælio, dtes autem triumphi no-
ſtri hoc manifeſtabit, & adeo, vt etiā im-
pij olim non ſine admiratione & tremore
dicturi ſint: Hi ſunt quos aliquādo ha-
buimus in deriſum, &c. Nos inſenſati vi-
ram illorum putabamus eſſe inſaniam,

ecce quomodo computati ſunt inter fi-
lios Dei, & inter ſanctos ſors illorum eſt.
Magna itaq; ſunt quæ accepimus, verū
longē maiora expectamus. Oculis non
vidit, nec auris audiuit, quæ præparauit
Deus diligentibus ſe. Quæ autem ſunt
illa bona?

*ſcimus (inquit) quoniam cū apparuerit,
ſimiles ei erimus, quoniam videbimus eum
ſicuti eſt.]*

Ad eundem modum & Paulus ait: Cū
apparuerit Chriſtus vita veſtra, tunc &
vos ſimul cū ipſo apparebitis in gloria.
Obſerua autem, quōd nec Paulus expli-
cat quæ futura ſit illa gloria, nec Ioānes
quæ & qualis futura ſit illa ſimilitudo
Dei. Vtrunque enim planē inenarrabile
eſt. Cæterum quod Ioannes hic dicit: Si-
miles ei erimus, referri poteſt ad Chriſtū,
vt ſicut eius imagini hic conformes ſu-
mus in cruce, ſic & ei illic conformes fu-
turi ſimus in gloria: & ſicut cum ipſo pa-
timur, ſic & cum ipſo cōregnemus. Quōd
autem addit: Videbimus eum ſicuti eſt, 2. Co.
intellige, non ſicut ſe in hoc mundo vi-
dendum præbuit. Non, inquam, in forma
ſerui eum videbimus, ſed in forma Dei.
Impij in ſola eum humana natura viden-
bunt: ſic enim veniet, quemadmodū A-
poſtoli viderunt eum aſcendentem. Itaq;
etiam impij videbunt, in quem compun-
xerunt: Videbunt, inquam, gloriā Chri-
ſti hominis, ſed ex hac viſione confundē-
tur. Nec gloriā Deitatis eius vnquam
videbunt: Tollatur (inquit) impius ne
videat gloriā Dei. Nos autem videbi-
mus eum ſicuti eſt, in ea videlicet forma,
de qua Ioannes in Euangelio ſuo dicit:
In principio erat verbum, & verbū erat
apud Deum, &c. Deinde verbum hoc: Si-
miles ei erimus, etiā de ipſo Deo intelligi
poteſt, vt ſit ſeſus: Similes ei erimus, hoc
eſt, liberi & ſecuri ab oībus morbis, mor-
te, miſeria, mutabilitate, & corruptione,
quēadmodū ipſe ab oībus hiis liber eſt.
Vidēdo enim diuinā illā vitā, liberi erim⁹
ab omnibus morbis, & ipſa etiā morte
vidēdo diuinæ voluntatis immutabili-
tatem, liberabimur ab omni mutabilita-
te noſtra: vidēdo diuinæ ipſius ſubſtan-
tiæ incorruptibilitatem, liberabimur &
ipſi ab omni corruptione. Videbimus
enim eū non in ſpeculo, ſed facie ad faciē:
Non

Eza. 64

Coloſ. 3

2. Co.

Apo. 1

Ioan. 19

Eſa. 26

Ioan. 1

Galat. 4

Rom. 8

ſap. 7.

1. Co. 13 Non tantum in operibus suis ut nunc, sed in seipso. Vide autem quam magna diuus Ioannes paucis his verbis comprehendat. Ideo autem futura & caelestia tantumtopere nobis commendat, ut eò minus terrenis & transitorijs inhæreamus, iteq; ut tanto diligentius & feruentius pietati insistamus. In hunc enim finem & scopum Ioannes omnia haec scribit & dirigit. Sequitur.

Et omnis qui habet hanc spem, sanctificat seipsum.

Hic videmus quam commodè Ioannes argumenta sua ad propositum applicet. Videtur quidem varijs digressionibus delectari, verum nunquam deflectit à scopo. Videmus etiam hic, in quem finem verbum gratiae diuinarumque promissionum nobis adnuntiet, nempe ut meliores, & ad omnem pietatem promptiores instructioresque reddamur. Et in eum etiam finem Euangelium gratiae Dei praedicari debet, quod qui non faciunt, Euangelio planè abutuntur. Diuus Ioannes, sicut promissione diuinæ similitudinis & visionis credentes quosque erexerat, ita spe eiusdem consequendae ipsos ad sanctificationem vel sanctitatem vitae excitat: Beati enim mundi corde, ipsi enim soli Deum videbunt. Et qui Deo similis esse cupit in gloria, studeat eidem nunc assimilari in sanctitate & iustitia. Huc pertinet quod Paulus ait: Estote imitatores Dei, sicut filij charissimi, &c. Et Christus ipse: Estote misericordes, sicut & Pater vester caelestis misericors est. Et iterum: Diligite inimicos vestros, ut sitis filij Patris vestri, qui solem suum oriri facit super bonos & malos. Obserua quod Ioannes non dicit: Qui hanc spem habet, studeat seipsum sanctificare, sed: Sanctificat (inquit) seipsum, hoc est, ex seipso hoc agit, nec opus habet admonitione, ipsa spes consequendae similitudinis & visionis Dei eum trahit & urget. Obserua secundò, quod non dicit: Qui hanc spem habet iam sanctus est, sed: Sanctificat seipsum, quo verbo palam ostendit, veram sanctitatem non in sola fide consistere. Ad eundem modum & in alio loco dicit: Qui sanctus est, sanctificetur adhuc: & qui iustus est, iustificetur adhuc. Obserua & illud quod Ioannes non dicit: Qui hanc spem habet, hunc Deus sanctificat, aut pro sancto & iusto eum habet, non imputando ei peccata sua propter fidem & spem. Non enim loquitur Ioannes hic de iustitia, quam supernè accipimus, & qua Deus nos iustificat, sed de iustitia & sanctitate, in qua homo seipsum exercet. Denique & hoc obseruandum, quod Ioannes non de aliquibus tantum in specie, sed de omnibus in genere loquitur. Nec dicit, Aliqui hanc spem habentes, qui videlicet speciali gratia praediti sunt, se ipsos sanctificant: sed, Omnis qui hanc spem habet, seipsum sanctificat. Apud Ioannem igitur certissima regula est, quod qui verè credit & sperat, seipsum sanctificet, hoc est, ab omni vitiorum inquinamento mundum se conseruet, in omni autem pietate se exerceat. Nec in hoc falsatur diuus Ioannes. Astipulantur enim huic assertioni omnium verè credentium exempla, tam veteris quam noui Testamenti. Sic enim & Abraham tam pie & sanctè vivebat inter Chananæos, ut princeps Dei ab ipsis vocaretur. Sic Isaac, Iacob, Moyses, aliique Patres & Prophetae, tanto studio pietati inuigilabant, ut Paulus nedum ipsos in genere hoc encomio celebret: Sancti per fidem vicerunt regna, operati sunt iustitiam, adepti sunt promissiones, sed etiam subinferat, mundum ipsorum cohabitatione non fuisse dignum. Sic de Apostolis nostris, aliisque primitiuæ Ecclesiae credentibus scriptum legitur. Erant autem perseverantes in doctrina Apostolorum, & communicatione fractionis panis & orationibus. Et paulò post: Quotidie perseverabāt unā nimitè in templo, collaudantes Deum, & habentes gratiam ad omnem plebem. Et iterum: Omnes qui credebant, erant pariter, & habebant omnia communia, possessiones & substantias suas vendebant, & diuidebant illa omnibus, prout cuique opus erat. Similia de ipsis & in quarto capite legimus. Quid autem hoc aliud est, quam sanctificare seipsum? Eundem verè pietatis spiritum, idemque iustitiae, omnisque sanctitatis studium, etiam in alijs qui post Apostolorum tempora fuerunt credentibus fuisse, nedum Ecclesiastica Eusebij, verum etiam omnes aliae historiae apertissimè tradunt. Nec unquam ausus fuit quisquam pro sancto & iusto se vana

se venditare, qui non omnibus viribus iustitiæ & factitati inservierit, præter solos huius temporis schismaticos, qui propter solam & nudam fidem citra omne piæ vitæ studiū, se & pro sanctis & iustis, atque adeo electissimis filiis Dei habent, certamque salutē sibi pollicentur. Atqui si verum est, quod Ioānes hic dicit, planē consequitur, quod qui seipsos non sanctificant, nec fidem, nec spem veram habent. Miserē itaque seipsos decipiunt, qui in sola, eademque nuda fide sibiipsum placentes, omne pietatis bonorumque operum studium negligunt. Caterum, quia diuus Augustinus hoc dictum Ioannis vel maximē in eos torquet, qui negant etiam in regeneratis & credentibus liberum esse arbitrium, libet hic verba eius ascribere: Videte, inquit, quē admodum Ioannes non abstulit liberum arbitrium: quandoquidem dicit: Qui sanctificat seipsum. Deus quidem reuera est, qui nos iustificat & sanctificat. Iuxta illud: Fide purificās corda eorum. Et iterum: Pater, sanctifica eos in veritate: verum Deus te nolentem non sanctificat. Ergo, si adiungis Deo voluntatem tuā, teipsum sanctificas, non quidem de te, sed de illo qui venit ut habitet in te. Tamen quia & tu ibi aliquid agis voluntate, ideo, & tibi aliquid tributum est, ut dicas cum Dauide: Adiutor meus esto, ne derelinquas me. Si dicis: Adiutor meus esto, aliquid agis. Nam si nihil agis, quomodo ille te adiuuat? Hæc Augustinus. Facit ad hoc etiā illud Pauli: Qui se emundauerit ab his, erit vas in honorem. Sequitur.

[Omnis qui facit peccatum, & iniquitatem facit: & peccatum est iniquitas.]

Hoc verbo diuus Ioannes, quod dixerat de sanctificatione, qua credentes seipsos sanctificant, fortius virget, insuper & obiectionibus Pseudochristianorum pulchre occurrat. Nā hoc verbo primū viā præcludit iis, qui fatentur quidem Christiani hominis esse, ut seipsum sanctificent, interim tamen sibiipsum ex eo blandiuntur, quod nemo in hac vita perfectus est, atque adeo quāuis nō sine peccatis sint, peccata tamē sua leuia putāt: propterea, quod neque fures, nec latrones aut adul-

teri sint, atque adeo nulla ciuili lege peccatores cōuinci possint. Potissimū autē diuus Apostolus hoc verbo eos coarguit qui pro sua temeritate etiā maxima peccata humanæ infirmitati adscribunt, omnemque suam proteruiam, etiam nephādisima crimina, rebellionem, seditiones, adulteria, oppressiones pauperum, tyrannidem, &c. per hoc excusare volūt, quod homines sunt. Contra hoc vel maximē hic pugnat Ioannes, ostendens, aliud esse peccatum, aliud iniquitatem: aliud ignoranter, aliud scienter peccare: aliud ex infirmitate, aliud ex malitia peccare. Subindicat igitur se hoc loco non agere de iis peccatis, quæ ex ignorantia vel humana infirmitate, sed quæ scienter & ex malitia fiunt. Hæc enim non tantū peccata sunt, sed iniquitas. Et huiusmodi peccans non tam peccator dici meretur, quā iniquus, contemptor Dei, & præuicator diuinæ legis, iuxta illud Davidis: Præuariçates reputaui oēs peccatores terræ. Aliud est autem peccare, aliud præuariçare legem Dei. Peccatores sunt etiā Pagani, sed nō præuariçatores, propterea, quod nō habēt legē Dei, Christianus autē malē agens, nō tantū peccator, sed etiam præuariçator est. Vnde & peccatum eius multo grauius est, etiā in eodem genere peccati, q̃ Pagani alicuius. Seruus enim qui non cognouit voluntatem Domini, & fecit digna plagis, vapulabit paucis: qui autem cognouit voluntatē Domini, & non fecit voluntatem eius, vapulabit multis. Peccatum igitur Christiani hominis, nō tantū peccatū est, verum etiā iniquitas & præuariçatio, eoq̃ grauius. Ad eundem modum & Paulus dicit, gentes quidem peccasse, verā sine lege: Iudæos autē contra legem. Et Christus ipse planē ostendit, peccatum Iudæorum longē grauius fuisse, quā peccatū Pilati. Discant igitur Christiani ex hoc verbo Ioannis, sua peccata non cōtemnere vel leuia æstimare. Nemo enim grauius peccat quā Christianus. Peccatum enim eius etiā iniquitas est. Certissimi igitur & perniciosissimi seductores sunt, qui peccata Christianorum nimium alleuiant, aut leuia dicunt & prædicant, sicq̃ puluillos peccantibus consuunt, sub omni cubito, ut sine omni timore in peccatis conquiescant. Longē alium spiritum vides hic in Io

Psal. 113

Luc. 12

Roma. 2

Ioan. 19

Eze. 13

in Ioanne. Sequitur.

Et scitis, quia ille apparuit, ut peccata tolleretur. Et peccatum in eo non est.

Sup. c. 2
Verbum hoc tripliciter intelligi potest. Primum, ut sit expositio eius, quod supra dixit de remissione peccatorum & mediatore Christo, contra eos, qui dicere possent: Quid enim si peccamus? Si Deus confitentibus peccata remittit, & in hoc Christum misit, ut esset propitiatio pro peccatis nostris: ergo dum vivimus & valemus, cupiditatibus nostris inferuiemus, sub tempus mortis cessaturi, &c. Contra hos primo militat hoc verbum: Non (inquit) venit Christus vitia plātare, sed auferre & eradicare, primo sua morte sanguinis effusione, deinde etiam doctrina & suo ipsius exemplo, ut qui iniustum nihil docuit, & insuper peccatum non fecit, nec inuentus est dolus in ore eius. Hoc autem non temere adiecit: Et peccatum in eo non est. Nam si in Christo peccatum fuisset, à peccato nos liberare non potuisset, insuper & Pseudo christianus quisque ex hoc peccatis suis excusationem prætexere posset. Necessario itaque Ioannes utrunque coniunxit, & quod Christus venerit peccata tollere, & quod peccatum in eo nullum fuerit. Deinde Ioannes hoc verbo etiam mitigare voluit, quod iam de gravitate peccatorum dixerat, ne quis plus iusto hinc pusillanimis fiat ac dicat: Si Christianorum peccata tam gratia sunt, omnibus nobis desperandum est, &c. Nequaquam (inquit Ioannes:) nam scitis quod Christus venit tollere peccata. De ipso enim dictum est: Vocabis nomen eius Iesum: Ipse enim liberabit populum suum à peccatis eorum.

1. Pet. 2
Math. 1
Ioan. 1
1. Pet. 2
Colof. 2
Et iterum: Ecce agnus Dei, ecce qui tollit peccata mundi. Et: Ipse portavit peccata nostra super lignum in corpore suo. Et Paulus: Ipse sustulit chirographum damnationis nostræ, affigens illud cruci, &c. Præterea Ioannes hoc verbo ceu notio quodam argumento, nos à peccatis ad iustitiam vitæque sanctitatem inducere conatur: Christus (inquit) omnibus modis hoc egit, ut odium peccati, amorē autem & studium pietatis & sanctitatis omnium cordibus infingeret. Ideo enim venit, ideo seipsum exinanivit usque ad formam servi, imò usque ad mortem crucis.

cis. Ideo prædicavit, seipsum in exemplum omnis munditiæ & sanctitatis posuit: Discite (inquit) à me, quia mitis sum & humilis corde. Itemque, Exemplum dedi vobis, ut quemadmodum ego feci, ita & vos faciatis. Itaque qui etiamnum in peccatis & in iustitia vivunt, planè nesciunt vel non attendunt, ad quid Christus venerit. Obserua hic duas causas aduentus seu incarnationis Christi. Venit enim, ut morte sua pro peccatis nostris satisfaceret: venit item, ut verbo & exemplo nos à peccatis ad vitæ sanctitatem induceret. Ideo & naturam nostram assumpsit, non autem peccatum: Peccatum (inquit) in ipso non est.

Omnis qui in eo manet, non peccat.

Declarat seipsum, quod præcedens verbum intellexerit & scripserit de doctrina & exemplo Christi, quibus ad sanctitatem vitæ nos invitavit: Ideo (inquit) venit, ut doctrina & exemplo suo peccata tolleretur, & iustitiam plantaret, iustitiam enim docuit, & iuste vixit. Nam peccatum in eo non fuit. Itaque etiam qui in eo manet, non peccat, sed doctrina & exemplo illius permotus, à vitijs se retrahens, pietati & sanctitati inseruit. Obserua, quod Ioannes eandem rem sæpius quidem repetit, semper tamen alijs verbis vtitur, & quod alibi obscurius dixerat, alibi clarius explicat. Eandem enim sententiam habet quod hic dicit: Omnis qui in eo manet non peccat, cum eo quod supra dixit: Omnis qui hanc spem habet, sanctificat seipsum. Cæterum, quod illic obscurius dixerat de sanctificatione seipsum, clarius explicat per verbum illud: Non peccat. Sanctificare enim seipsum, est non peccare. Et quod hic obscure dictum videri posset: Omnis qui in eo manet, illic clarius explicat per verbum: Omnis qui hanc spem habet. Hoc enim est in Christo manere, credere & sperare. Obserua quod Ioannes non dicit: Omnis qui in ipso manet, habet remissionem peccatorum. Hoc enim nihil novum esset. Nam in Euangelio Christus expresse hoc promissit: Si manseritis (inquit) in sermone meo, cognoscetis veritatem, & veritas liberabit vos, à peccatis videlicet, quemadmodum ex sequentibus patet. Et iterum: Si manseritis in me, & verba mea in vobis

bis manserint, quodcunque volueritis petetis, & fiet vobis. Atqui Ioannes hic aliud quiddā vult. Nō enim de remissione, sed vitiatione peccatorum loquitur. Et remissionē quidē peccatorū certō habet, qui in Christo manet, eundē tamen diuus Ioannes etiā ad euitationē peccatorum inducere conatur: Omnis (inquit) qui in Christo manet, nō contentus est se remissionem peccatorum accepisse, verum insuper sollicitus inuigilat, ne porro peccet. Cæterum quod Ioannes hic dicit, eum qui in Christo manet, non peccare, de eo peccato intelligendum est, quod nō tam peccatum quā iniquitas est, nec ex ignorantia aut humana infirmitate, sed ex malitia & animi perversitate procedit. In hunc autem modum non peccat qui in Christo manet, quantumvis aliā sine peccato non sit, nec esse possit. Septies enim in die etiam cadit iustus. Vnde & hic noster Ioannes suprā dixit: Si dixerimus, quia peccatum non habemus, nos ipsos seducimus, & veritas in nobis non est. Peccat igitur in Christo manens, & non peccat. Peccat & labitur ex infirmitate: nō peccat ex malitia, vel ad mortem, vt infrā dicitur: alioqui nō maneret in Christo. Huc etiam pertinet totū caput sextum Epistolæ ad Romanos, vbi Paulus aperte docet, quomodo manens in Christo nō peccet: Nescitis, inquit, quod omnes qui in Christo baptizati sumus, in mortem ipsius baptizati sumus, &c.

Omnis autem qui peccat, nec vidit, nec cognovit eum.]

Etiā hoc verbum intelligendum est de eo, qui nō ex ignorantia vel infirmitate, sed ex malitia peccat, atq; adeo in peccatis se oblectat, ac lætatur cum malefecerit, exultatque in rebus pessimis. Hic enim certō Christum nec vidit nec cognovit, hoc est, nec fidem nec cognitionē viam Christi habet, nihilque planē intelligit de negotio Christi. Nam si vel in minimo intelligeret, quanta dignitas sit Filium Dei esse, ē diuerso autem quā horrendum, Diabolo addictum esse, nō se sineret à tam pio patre ad tantum tyrannum, itemq; à tanta felicitate in tantam miseriam pertrahi. Verissimē igitur dicitur: Omnis qui peccat, nec vidit nec cognovit Christū. Quod si Christū non

noscit, nec Deum cognoscit, Patrem enim nemo videt, nisi Filius, & cui voluerit Filius reuelare. Qui autē Deū non cognoscit, fidē nō habet. Nam fide videtur & cognoscitur Deus, pro statu isto: Fide enim ambulamus nō in specie. Qui autem fidem non habet, Ethnicus & Paganus est. Vides quomodo alterum ex altero consequatur. Attendant hoc qui de fide & cognitione Christi in immensum gloriantur, interim tamen omnibus vitijs sese commaculant, idque citra vllam conscientiam & timorem Dei. Omnes enim hos Ioannes hoc verbo mendaciū cōvincit, & mēdaces esse pbat. Sequitur.

Filioli, nemo vos seducat.]

Congruē exhortationem adiungit, idq; verbis & affectum & amorem ipsius indicantibus, vt eō fortius persuadeat, ne seduci nos sinamus. Magni enim periculi res est, in his quæ salutis sunt seduci, vel à via veritatis abduci. Ideo etiam Christus Apostolis inlamar: Videte, ne seducamini. Et Paulus: Nemo vos decipiat inanibus verbis. Obserua, quod quidam pro eo quod nos legimus. Nemo vos seducat, quasi à solis hominibus cauere debeamus, alijs legunt, Nihil vos seducat: Non enim homines tantum, verum etiā & dæmones, & mundus, & caro nos seducere possunt. Vult igitur, vt ex omni parte cautē ambulemus, &c.

Qui facit iustitiam, iustus est, sicut & ille iustus est.]

Hic tandem summam totius negotij ponit. Non verba, inquit, sed opera exigit Deus: Non qui audit, credit, vel etiā loquitur de iustitia, sed qui facit iustitiam iustus est. Hic vides, quod Ioannes bona opera à iustitia Christiana non excludit, sed includit, imò charitatem operaq; bona docet esse perfectionem iustitiæ. Per fidem quidem iustificamur, vt Paulus ait: Et, Ex fide sua viuit iustus. Per charitatem autem & bona opera, quæ fidē cōsequuntur, iustitia enutritur, augetur, cōseruatur, & ad perfectionē adducitur. Nō igitur inter se pugnant, quod Paulus dicit, credentem iustificari: Ioannes autē eum iustū pronuntiat, qui facit quæ iusta sunt. Paulus enim docet, vnde iustitia in nobis incipiat: Ioannes autē, quomodo

Ggg

in nobis

in nobis perficiatur, itemque quibus rebus probetur, nos per fidem iustificatos esse. Neutrū igitur sine altero arripiendū, sed vtrunque simul, quantumvis hoc dictum Ioānis durius videatur quā illud Pauli. Ioannes (inquam) vtrunque cōiūgi vult, vtrunque etiā docuit. In Euangelio enim suo iustitiā fidei aptissimē docuit, id quod nemo non videt: Dedit, inquit, eis potestatem filios Dei fieri, his qui credunt in nomine eius. Nunc autem post iustitiam fidei, etiam operum iustitiam exigit, vt planē videamus, fidem solā ac nudam nec ad salutem sufficere, nec plenam perfectamque aut consummatā iustitiam præstare. Hoc diui Ioannis exemplo, etiam omnes orthodoxi scriptores iam inde ab exordio, & fidem & opera simul docuerunt. Sciebant vtrunque Dei verbum esse: Qui credit iustificatur. Et: Qui iustitiā operatur, iustus est. Credebāt igitur & bene operabātur. Cæterū, quod Ioannes hic dicit: Qui facit iustitiam, iustus est, in Ezechiele multis verbis explicatur. Perrinet etiā huc quod Paulus ait, non auditores, sed factores legis iustos esse. Vnde & diuus Iacobus monet, vt simus factores verbi, & nō auditores tantū. Qui enim, inquit, auditor est verbi, & nō factor, comparatur viro consideranti vultum natiuitatis suæ in speculo, &c. Quod autem Ioannes addit: Sicut & ille iustus est, seipsum explicat & ostendit, se nō de quauis iustitia loqui, sed de ea tantū quæ ex Deo est, eiusque & verbo & exemplo conformis est. Atqui suprà audiuius, quod Deus lux est, & tenebræ in eo nullæ sunt. De Christo autē aperte dicit Petrus, quod peccatum non fecit, nec inuentus fuit dolus in ore eius. Et Christus ipse: Exemplum dedi vobis, vt quemadmodum ego feci, ita & vos faciatis. Et Paulus: Estote imitatores Dei. Hanc iustitiam Ioannes exigit, vultque vt quantum per humanam fragilitatem licet, huic exemplo Christi & Dei conformemur. Hoc est facere iustitiam, atq; adeo iustum esse. Sequitur.

Qui facit peccatū, ex Diabolo est, quoniam ab initio Diabolus peccat.]

Hoc enim certō consequitur ex eo, quod præcedit. Si enim qui iustitiā facit, iustus est & ex Deo natus, certō sequitur,

quod qui peccat ex Diabolo est, nō creatura, sed imitatione. Sic enim & pius quisque filius Abraham dicitur, non generatione, sed imitatione: Si (inquit) filij Abraham estis, opera Abraham facite. Et Ioannes: Potens est Deus etiam ex lapidibus istis suscitare filios Abraham. Hinc & Christus Iudæos conuincit ex patre Diabolo esse, propterea quod eum imitarentur: Vos (inquit) ex patre Diabolo estis, &c. Sicut igitur Deus nedom iustus est, verumetiam omnis iustitiæ fons & origo, ita & Diabolus nedū iniustus est, verūetiā omnis iniustitiæ fons & origo. Cæterū, ne verbum hoc nimium nos terreat, obseruandum & memori mentē tenendum, quod Ioannes etiam hic non aliter de peccato loquitur, quā vt suprà audiuius. Non enim simpliciter omnis qui peccat ex Diabolo est, sed qui peccat ex malitia, proteruitia, & contemptu Dei: denique & obstinatē & perseveranter. In hunc enim modum filij Dei non peccāt, quod & supra admonui.

In hoc apparuit filius Dei, vt dissoluat opera Diaboli.]

Mitigat quod iam dixerat, ne qui alia quando se voluntariē & ex malitia peccasse agnoscit, omnem sibi consequendam veniā apud Deum spem amputatam esse se putet: Non (inquit) est quod desperes o homo, etiam si aliquando ex certa malitia peccasti, atq; adeo veraciter ex Diabolo te esse comprobasti. In hoc enim venit Filius Dei, vt dissoluat opera Diaboli. Itaque si Diaboli opus in te vides & sentis, accurre ad Christum. Is enim ideo venit, vt quæreretur & saluum faceret quod perierat. Atque hæc est vna causa, cur incarnationis Dominicæ hic meminit. Altera est, vt per eam magis nos à peccatis absterreat, & ad pietatē excitet. Si enim ideo venit, vt dissoluat opera diaboli, certe Christiano homini non cōuenit, vt ea diaboli opera in se nutriat, foueatq;. Opera autē Diaboli sunt, peccatū, mors, omnisq; & impletas, & cōsequens miseria. Diabolus enim ab initio fuit mēdax & pater mendaciū, hoc est, peccati, quod verē mendacium & nihil est. Sic & inuidia Diaboli etiam mors intravit in orbem terrarum. Iam si Christus venit, vt dissoluat opera Diaboli, certum

certum est, quod ipsi neque peccatum, neque consequens miseria placet. Vnde & nihil horum in electis suis patitur: peccatum enim expellit, mortemque abolet, iustitiam autem & vitam substituit. In summa, ubi Christus habitat, illic Diabolus & quicquid Diabolicum est, cedat necesse est. Quæ enim conuëctio lucis ad tenebras, iustitiæ ad iniustitiam. Christi ad Belial?

2. Cor. 6

Omnis qui natus est ex Deo, non peccat: quoniam semen ipsius in eo manet.]

Hoc & supra dixit. Hic autem addit causam: Ideo, inquit, non peccat, qui ex Deo natus est, quia semen Dei, hoc est, verbum & spiritum Dei, è quibus regeneratus est, in se habet. Verbum autem Dei, ad omne bonum ipsum dirigit, spiritus impellit. Quale igitur semen est, tales & fructus profert. Verbum spiritusque Dei bona sunt: non igitur possunt malos fructus facere. Hinc Paulus: Fructus, inquit, spiritus sunt, charitas, gaudium, pax, patientia, &c. Et iterum: Fructus lucis est in omni bonitate & sanctitate veritatis. Cæterum, quod Ioannes subdit.

Galat. 5
Ephes. 5

Et non potest peccare.]

Contrarium ei videtur, quod alibi scriptum legimus: Non est homo qui non peccet. Itemque, Septies in die cadit etiam iustus. Ideo verbum hoc Ioannis variè exponitur. Apud omnes tamen constat, Ioannem non hoc velle, quod qui ex Deo nati sunt, filijque eius effecti, ita in gratia confirmati sint, quod amplius cadere non possint. Nullus enim in hac vita sic confirmatus est in bono, ut desicere ac ad malum declinare non possit. Hinc Paulus omnib⁹ inquit: Qui stat, videat ne cadat. Itemque: Considerans te ipsum, ne & tu tenteris. Gal. vi. Et iterum: Tu fide stas, noli altum sapere, sed time. Vnde & Salomon beatum eum pronuntiat, qui semper est pauidus. Diuus igitur Augustinus verbum hoc Ioannis, quod qui filius Dei est, non possit peccare, de solo eo peccato intelligit, quo & charitas læditur, & Christiana concordia atque Ecclesia scinditur. Hoc, inquit, peccatum filij Dei facere non possunt. Si enim omnib⁹ Dei & proximi dilectione & coram deus suis eijcerent, iam filij Dei non essent.

In hunc modum etiam hoc quod Christus de Iudæis dicit: Si non venissem peccatum non haberet, de vno tantum peccato incredulitatis, obstinationis, & malitiæ in Christum intelligi vult idem Augustinus. Hoc enim peccatum non habuissent, si Christus non venisset, licet sine alijs peccatis non essent. Aliqui verbum Ioannis ita exponunt.

Ioan. 12

Qui ex Deo natus est, non potest peccare, videlicet ad mortem, quod vel maxime fit per desperationem. Atque huc adducunt illud verbum Christi: Oves meas nemo potest rapere de manu mea. Potest & verbum hoc etiam in hunc modum intelligi: Qui ex Deo natus est, non potest, hoc est, non debet peccare. Vel sic, Non potest peccare, hoc est, non delectatur in impietate. Vel denique in hunc modum: Non peccat, quatenus scilicet Dei filius est, verum in quantum homo est, subinde labitur & peccat. Ex Deo habet spiritum & gratiam: eatenus igitur non peccat. Quatenus autem ex Adamo carnem & sanguinem habet, peccatis obnoxius est. In Christiano igitur duo spectanda sunt, natura & gratia. Natura non peccare non potest, quia omnes sensus hominis proni sunt ad malum ab adolescentia sua: gratia autem à peccatis retrahit.

Ioan. 10

Genes. 6

In hoc manifesti sunt filij Dei & diaboli. Omnis qui non est iustus, non est ex Deo.]

Hoc verbo Ioannes hoster concludit & absoluit primam partem Epistolæ, quantum ad puritatem & sanctitatem vitæ attinet, atque adeo quæ hactenus pluribus argumentis probauit & euicit, vno hoc verbo cõplectitur. Est enim sensus, Quod sicut qui filij Dei sunt, certo Patrem suum, imitatione omnis puritatis & sanctitatis, referunt: ita in quibus nihil tale, sed potius contrarium conspicitur, frustra se ex Deo natos & Dei filios esse gloriantur. Hæc igitur quisque secum expendat, vitamque & conscientiam suam consideret. Stat enim sententia, Qui non est iustus, tam scilicet iustitia fidei quam charitatis & operum, non est ex Deo. Diuus Ioannes enim (ut supra dictum est) non de inchoata tantum, sed de perfecta iustitia loquitur. Sequitur.

Et qui non diligit fratrem suum.]

Supple, nec ipse ex Deo natus est. Atque hoc verbo diuus Ioannes orditur

Ggg ij alteram

altetam Epistolæ partem, de charitate scilicet Dei & proximi, ad quam deinceps vsque ad finem quarti capituli pluribus, eisdemq; efficacissimis verbis cohortatur. Pulchrè autem vtrunque partem Epistolæ connectit. Quod enim dicit: Omnis qui non est iustus, nō est ex Deo, priorem partem Epistolæ, hoc est, quæ ad puritatem & sanctitatem vitæ pertinet, concernit: quod autem statim subnectit: Et qui non diligit fratrem suum, ad posteriorem Epistolæ partem, quæ de charitate tractat, pertinet: vtrunque autē coniungit, & ita quidem, vt palam significet filium Dei non esse, cui alterum horum defuerit, tantum abest, vt filij Dei esse possint, qui neutrum curant, hoc est, neque vitæ sanctitatem, neq; charitatē, sola & nuda fide sibi ipsis placentes. Obseruandum igitur diligenter, quod Ioannes duabus his notis, tanq̃ certissimis indicij, puritate videlicet vitæ & charitate, filios Dei discernit à filiis diaboli. Nulla alia signa quæcunque tandem prætexi possunt, tam certò inter vtrosque discernunt. Si hæc duo in te conspiciuntur, præeunte tamen fide, certò & tibi & alijs persuadere potes, te filium Dei esse. Sin autē duo hæc defuerint, frustra gloriaris & de fide & de Baptismo, denique & de Christiano nomine.

Quoniam hæc est annūtiatio, quam audistis ab initio, vt diligatis alterutrum.]

Hoc ceu primo argumento nos ad dilectionem inducere nititur, quod dicit se nihil in hac re de suo adferre, sed hoc ipsum esse caput Christianæ doctrinæ, quod & ab exordio ipsis annuntiatum sit. Sic enim & Christus ipse author Euangelij Christianæque doctrinæ, de hac re pronuntiat: Mandatum nouum do vobis, vt diligatis inuicem, sicut dilexi vos. In hoc cognoscent omnes, quod discipuli mei estis, si dilexeritis vos mutuo. Hæc est illa annūtiatio, ad quam Ioannes nos hic dirigit. Quod enim Christus mandatum suum nouum nominat, hoc Ioannes dicit esse annuntiationem illam, quam ab exordio audiuius. Obseruandum autem, quod signanter hic non dicit, Vt diligamus fratres nostros, sed Vt diligamus alterutrum, ne quis scilicet sufficere sibi putaret, si fratres & cognatos, &c.

diligat: Si, inquit, fratres vestros tantum diligitis, quam mercedem habebitis, imò ^{Matt. 5} quid amplius facitis? Nonne & ethnici hoc faciunt? &c. Charitas enim Christiana ad omnes se extendit, etiam ad inimicos, &c. Deinde etiam hoc verbo (Diligamus alterutrum) docere voluit, charitatem Christianam debere esse mutuam & reciprocam alterius ad alterum. Quod ego tibi in negotio charitatis debeo, hoc & tu mihi debes.

Non sicut Cain, qui ex maligno erat, & occidit fratrem suum. Et propter quid occidit eum? Quoniam opera eius maligna erant, fratris autem iusta.]

Quemadmodum nihil iucundius, sanctius, diuinius charitate fraterna, ita nihil detestabilius magisq; diabolicū odio fraterno. Exemplo igitur duorum fratrum, ostendit differentiā inter filios Dei & diaboli. Cain & Abel fratres erāt, eiusdē naturæ & generis, dissimilitudine tamē ^{Gen. 4} morū tā longè à se inuicem seiuncti fuerunt, vt alter diaboli, alter Dei filius efficere tur. Et quia primi ex hominibus nati fuerunt, omnibus hominibus in exēplū præponuntur, alter quidē credentibus, alter incredulis. Cain erat ex maligno (inquit Ioannes.) Et vnde hoc cōprobatur? Ex eo quod occidit fratrem. Et quid eum ad huiusmodi fratricidium permouit? Inuidia, videbat & dolebat fratris sui opera esse bona, & sacrificia eius Deo accepta. Atq; hæc inuidia planè probat eum fuisse filiū diaboli, cuius peccatū vel maxime fuit inuidia. Nam in cælo ante casum inuidebat filio Dei æqualitatē cū Deo, post casum autem suum inuidit homini suam felicitatē. Ex hac igitur inuidia diaboli mors processit, & venit in mundū. ^{Sapientia} Vbi autem inuidia est, ibi charitas locum habere nō potest: charitas enim nō æmulatur, nec cogitat malū. Inuidia igitur probat ipsum Cain fuisse ex maligno. Ecce autē, nisi charitas in Abele fuisset, Deus ad ipsius sacrificium nō respexisset. Deus non attendit ad munera, qualia & quanta sunt, sed ad cor & charitatem, vnde procedunt. Si charitas in corde magna est, etiam quantumcūq; parua Deo placet: sin autem charitas in corde nulla est, nec maxima quæque Deo placent. Nuda igitur verba & magnæ gloriationes nihil coram Deo agunt: Imo nec ipsa

ipsa opera, quæ tamen nudis verbis & gloriationibus meritò præferuntur, quicquam agunt, nisi ex fide & charitate procedant. Ad hoc igitur Ioannes nobis exemplū duorū fratrum proposuit. Sequitur.

Nolite mirari fratres, si odit vos mundus.

Hoc verbum Diuus Ioannes exēplo duorum fratrum annectit, idq; non sine causa. Nam alioqui exemplum hoc infirmiores quosq; à pietatis studio abstergere posset. Sicut enim & mundani, videntes, quod pijs aliquando malè, impijs autem omnia prosperè succedunt, putant vanum esse seruire Deo, dicuntque id quod in libro Iob legimus: Quis est altissimus, ut seruiamus ei? Et quid nobis prodest, si orauerimus eum? Huic igitur scandalo infirmorum Ioānes hic occurrere voluit. Nolite, inquit, mirari, si odit vos mundus, quasi diceret: Non nunc primū incipit, ab exordio hoc fecit, ut patet ex hoc exemplo duorum fratrum: quid igitur, si etiam nunc sui similis esse pergit & perseuerat? Mundus non aliud induet ingenium: qualis ab exordio fuit, talis & in finem permanebit. Non igitur ob odiū mundi cessandum à pietate, imò eò fortius insistendū, quandoquidem videmus nihil noui, aut inconsumti nobis accidere, sed quod omnibus pijs iam inde ab exordio mundi contigisse legimus, id quod Paulus multis exemplis probat in Epistola ad Hebræos, & in fine subdit: Tantam ergo habentes nubem testium, curramus ad propositum certamen, &c. In eūdem modum & Christus suos Apostolos consolatur: Si mundus, inquit, vos odit, scitote, quia me priorē vobis odio habuit, &c. Et iterum: Si patrem familias Beelzebub vocauerunt, quanto magis domesticos eius. Eodem modo & Mathatias filios suos exemplis patrū consolatur contra tyrannidem Antiochi. Obseruandum hic, quantum Apostolus noster discipulis faciat inter mundum & veros Christianos: imò quasi duo quædam omnibus modis contraria ea ponit, & quæ in nullo conuenire possint. Omne enim quod est in mundo, aut est concupiscentia carnis, aut concupiscentia oculorum, aut superbia vitæ: Regnum autem Dei est iustitia, pax & gaudium in spiritu

sancto, itemque fructus eorum qui in luce ambulant, sunt iustitia, veritas & sanctitas. Quomodo autem hæc inter se conuenirēt? Aut quomodo quis se Christianum appellare audet, qui adhuc corde & animo, affectu & voluntate in mundo hæret? Certè Christus certò prædixit Apostolos in mundo pressuram habituros. Et in Matthæo apertè pronuntiat, neminem posse duobus dominis seruire. Huic consonat & illud Iacobi: Amicitia huius mundi, inimica est Deo. Et qui amicus huius mundi esse vult, Dei inimicus constituitur. Sed dicis, Ergo pietatis nullus est fructus aut remuneratio in hoc mundo. Audi quid Ioannes noster subinferat.

Nos scimus, quoniam de morte translati sumus ad vitam, quoniam diligimus fratres.

Hanc nobis consolationem Ioannes dat, contra odium & persecutiones mundi & mundanorum. Quasi diceret. Odiat sanè nos mundus & persequatur, sufficiat nobis scire, quod de morte translati sumus ad vitam, hoc nobis mundus auferre nequit. Vbi obseruandum, quod non dicit: Credimus aut speramus, sed Scimus, nec dicit: Scimus nos transferendos, sed translatos è morte ad vitam. Omnia hæc ad maiorem rei certitudinem. Tam certæ enim sunt promissiones Dei, ac si iā impletæ essent. In hunc modum & Christus loquitur: Qui credit in me, in iudicium non venit, sed transiit à morte ad vitam: non dicit, transibit, sed transiit: Sic & Paulus in præterito loquitur: Deus, inquit, qui diues est in misericordia, simul cum Christo nos resuscitauit, & simul etiam cum ipso sedere nos fecit in cælestibus. In eum modum & in alio loco dicit: Spe salui facti sumus. Et iterum: Non ex operibus iustitiæ quæ fecim⁹ nos, sed secundum misericordiam suā saluos nos fecit, &c. Quemadmodum enim arbores in autumnno vidētur mortuæ, propterea, quod neque folia, neque flores, nec fructus in ipsis videntur, interim tamen omnia hæc in se abscondita habent, id quod adueniens æstas reuelat: sic regnum Dei etiam nūc in nobis est, verum absconditum, suo autē tempore reuelabitur. Huc pertinet illud Pauli: Mortui estis, & vita vestra abscondita est cum Christo in gloria, cum

Ioan. 16
Matt. 6.
Ioan. 4

Ioan. 5

Eph. 2

Tit. 3

Luc. 17

Colos. 3

cum autem apparuerit Christus vita vestra, tunc & vos cum ipso apparebitis in gloria. Ob hanc igitur causam etiam Ioannes hic in præterito loquitur: Iam, inquit, translati sumus à morte ad vitam. Quod si etiam nunc & vitam & regnum Dei, imò & Deum ipsum habemus, quid nobis obesse posset odium mundi? Scimus, inquit, Ioannes, &c. Et quid Christianum hominem terrere aut turbare posset, si vnum hoc verbum animo infixum haberet? Quid aliud sanctos Apostolos & martyres tam patientes tamque constantes reddidit, quam quòd cum Ioanne dicere poterant: Scimus, quoniam de morte translati sumus ad vitam? Et cum Paulo, Certus sum, quòd neque mors neque vita separare nos potest à charitate Dei, &c. Itemque Scio cui credidi, & certus sum, quia potens est depositum meum servare, &c. Itemque: Bonum certamen certavi, &c. de reliquo reposita est mihi corona iustitiæ, &c. Itemque: Scimus, quoniam si terrestris domus hæc nostra dissoluta, ædificationem habemus in cælo, &c. Huiusmodi (inquam) verbis sancti Apostoli & martyres nostri, animos suos obfirmarunt contra omnes persecutiones & odia mundi. Nec aliud nos in aduersis tam trepidos facit, quam quòd non cogitamus, quanta bona per fidem à Deo accepimus, ac certa spe nedum expectamus, sed iam tenemus. Obserua autem, quid Ioannes huic tam certæ asseuerationi annectat. Quoniam, inquit, diligimus fratres. Hoc enim non tantum verum & certum, sed etiam vnicui illud indicium est, spirituale illam vitam vel viuam fidem in nobis esse. Nam alioqui facile dictu est, Credo. Quid autem diuus Iacobus: Ostende, inquit, mihi fidem tuam ex operibus. Sic enim & Abraham non tantum credidisse legitur, verum etiam fidem suam operibus, & quidem admodum arduis comprobasse. Nam & fide in verbum & promissionem Dei reliquit patriam & parentes, insuper ex eadem fide etiam vnicuique genitum filium, in quo tota spes posteritatis suæ consistebat, paratus erat immolare. Ex huiusmodi (inquam) operibus comprobatur, ipsum verè credidisse Deo, alioqui nihil tale fecisset. Ita cum & nos diligimus fratres, comprobatur vera & viuam in nobis esse fidem, ut verè

dicere possimus: Scimus, quoniam de morte translati sumus ac vitam. Sic charitas certos nos reddit, quod non frustra credamus. Sequitur.

Qui non diligit, manet in morte. 1

Hoc ex præcedenti verbo sequitur.

Quemadmodum enim anima vita est corporis, ita & Deus est (cæteris tamen paribus) vita animæ. Atqui ubi nulla fides est, illic nec Deus est. Fides autem vera & viuam esse non potest, nisi charitatem indiuiduū comitem secum habeat. Verissimè igitur colligit diuus Ioannes, quòd qui non diligit, maneat in morte. Atque hic iterum vides, quam frustra hoc tempore plerique de sola fide gloriantur, ut in quibus ne minimū quidem charitatis fraternæ indicium notari possit: Atqui Ioannes satis apertè hic loquitur. Ab hoc autem loco Ioannes noster incipit commendare charitatem, & ita quidem ut imprudens quis suspicari posset omnia in sola charitate consistere, quemadmodum & plerique ex Euangelio eiusdem Ioannis, itemque ex aliquibus Epistolis diui Pauli colligunt, omnia in sola & nuda fide consistere. Obserua igitur, quòd diuus Ioannes non alijs Epistolam hanc scripsit, quam quibus prius scripserat Euangelium suum. Vnde certum est, quantumcunque charitatem hic commendat, de ea tamen sola charitate ipsum loqui, quæ ex fide procedit: quæ admodum & in Euangelio quantumcunque Galat. 5. que fidem commendat, nullam tamen aliam fidem intelligit, quam eam quæ per dilectionem operatur. Et ob hoc etiam & euangelium suum Epistolæ præmisit, & Epistolam Euangelio substituit, ut vtrinque videatur, qualem & fidem & dilectionem fidelibus prædicatam & inculcatam velit. Nemo igitur miretur Ioannem hic charitati ascribere quod Christus in Euangelio fidei ascripsit. Nam Christus dicit: Qui credit in me, transiit à morte ad vitam. Ioannes autem: Si diligimus fratres, scimus nos translatos esse de morte ad vitam. Sic Christus dicit: Qui non credit, iam iudicatus est. Ioannes autem dicit: Qui non diligit, manet in morte. Et hæc quidem videtur omnino inter se contraria esse, verum ihs tantum, qui non confide-

Roma. 8
1. Tim. 1

1. Ti. 4
2. Cor. 5

Iacob. 2

Gen. 12
Gen. 22

rant, de qua fide & charitate Ioannes vtrunque loquatur. Sicut enim non de qualibet fide, sed de ea sola, quæ per dilectionem operatur, ita nec de qualibet charitate, sed de ea sola quæ ex fide procedit, loquitur. Nec enim alia vera est vel fides vel charitas. Nihil itaque refert, vtri è duobus illis vita & salus ascribitur, quandoquidem alterum in altero includitur. Si fidei ascribitur vita, certum est, etiam charitatem in ea fide includi: si charitati ascribitur vita, certum est etiam fidem in ea præsupponi & includi. Non igitur sibi contrariantur Christus & Ioannes. Ex his igitur planè colligitur, quod nemo Euangelium Ioannis rectè intelligere potest, nisi simul & Epistolam hanc consideret: nec quisquam Epistolam hanc rectè intelliget, nisi prius Euangelium Ioannis legerit. Qui enim solummodo Euangelium legit, putat Ioannem omnia in sola & nuda fide reponere: contra, qui solam Epistolam legit, putabit Ioannem omnia charitati ascribere. Qui autem vtrunque coniungit, in neutro errabit.

Qui fratrem suum odit, homicida est.]

Hactenus diuus Ioannes eandem sententiam & affirmatiuè & negatiuè, vel per duo contraria expressit. Si diligimus (inquit) translati sumus è morte ad vitam: Qui non diligit, manet in morte. Ideo autem eandem sententiam bis expressit, vt eò profundius corda penetret. Nunc adhuc vehementius loquitur, homicidio comparans odium fraternum: quo quid vehementius dici potuisset? Verum non solus Ioannes hoc dicit, sed Christus ipse: Audistis (inquit) quia dicitur est antiquis, Non occides: Qui autem occiderit, reus erit iudicio. Ego autem dico vobis, omnis qui irascitur fratri suo reus est iudicio, &c. Obserua autè, quod Ioannes non dicit, Qui odit fratrem suum, damnatus & à Deo abiectus est, sed homicida est. Peccatum enim aggrauat vel graue ostendit, neminem tamen ad desperationem adigit, aut à Dei gratia excludit.

Et scitis, quoniam omnis homicida non habet eternam vitam in se manentem.]

Certissime verum est, intelligendum tamen quàm diu talis in homicidio im-

pœnitens manet. Quomodo enim vitam in se habere posset, qui opera mortis facit? Obserua hic, quantum peccatum sit inuidia & odium, & quicquid ex eodem oritur, vt est diffamatio, detractio, &c. Atque huc pertinet quicquid in scriptura contra huiusmodi vitia dicitur. Sequitur.

In hoc cognouimus charitatem Dei, quoniam ille animam suam pro nobis posuit, & nos debemus pro fratribus animas ponere.]

Hic Ioannes modum veræ charitatis ponit, quatenus videlicet se extendat, & vnde exempla huius charitatis petenda sint. Primò omnium autem charitatem erga nos Dei in exemplum ponit, nimis rum vt eò fortius nos trahat. Atque ex hoc etiam satis ostendit, se non de naturali aliqua vel sociali, vel etiam carnali, sed de sola Christiana, atque adeò diuina charitate loqui. Christianam autem charitatem dico, quæ secundum exemplum Christi formata est, qui in Euangelio dicit: Ego sum pastor bonus, & animam meam pono pro ouibus meis. Et iterum: Pro eis sanctifico vel in sacrificium offero meipsum, vt & ipsi sancti sint in veritate. Hæc est forma Christianæ charitatis, & eiusdem etiam summus gradus. Maiorem enim dilectionem nemo habet, quàm vt animam suam ponat quis pro amicis suis. A summo autem charitatis gradu incipit, primò ostendere volens, quod charitas Christiana omnem aliam dilectionem inter homines excellere debet: adeò, vt parata sit pro eo quem diligit, etiam vitam impendere, qua tamen nihil dulcius aut pretiosius iudicatur.

Quam enim dabit homo commutationem pro anima sua? Deinde etiam ideo à summo gradu incipit, quia quantumcunque charitatem itidemque fidem vrangeat scriptura, in vtroque tamen vix infimum gradum attingimus, id quod vel ipsa experientia probari posset. Nihilominus tamen scriptura vtrunque vel maxime vrget, vt vel sic cognoscamus imperfectionem nostram. Non tamen ob id desperandum, si nō statim vel in fide vel in charitate summum gradum perfectionemque attingimus. In magnis enim & voluisse sat est, Si non possumus summum

Ioan. 10
Ioan. 17.

Ioan. 13.

Matth. 16.

gradum attingere, saltē pro viribus con-
nitamur vel aliquousque in dilectione
proficere. Cæterum, ne quis audiens es-
tiam animam & vitam pro fratribus po-
nendam, resiliat, & dicat: Durus est hic
sermo, quis potest eum audire? præ-
Ioan. 6. misit Ioannes exemplum Christi: Ille
(inquit) animam suā pro nobis posuit,
atque hinc tandem colligit, Et nos des-
bemus pro fratribus animas ponere. Et
quis est Christus? qui sumus nos? In
his enim verbis tota vis huius argumen-
ti consistit. Potuisset diuus Apostolus es-
tiam aliquorum Gentilium exēpla pro-
ponere, qui aliquando pro alijs morti
se obtulerunt, verum hic longē aliud est.
Christus enim nedum omnium rerum
Dominus est, verum etiam Deus: nos
autem homines sumus, peccatores & ser-
ui. Iam, etsi seruos Inuenias, qui pro do-
minis suis morti se offerant, nullus ta-
men Dominus seruum suum tanti æsti-
mat, vt pro eo moriatur. Sic etsi inueniā-
tur, qui se pro amicis periculo obiciāt,
nemo tamen pro hoste suo hoc facit. Sic
iuxta Pauli verbū, pro iusto aliquis mori
posset: At Christus pro seruis, pro ini-
iustis, pro inimicis mortuus est. Atq; hoc
ipsum, inquit Ioannes, scimus & cognos-
cimus, nulli non manifestata est hæc tan-
ta dilectio: eo fortius igitur mouere de-
bet. Neq; enim satis est, vt hæc sciamus,
nisi & imitemur. Hinc Christus: Mandas-
Ioan. 13. tum nouum do vobis, vt diligatis inui-
Ioan. 21. cem, sicut dilexi vos. Et Petro: Si diligis
me, pasce oues meas.

*Qui habet substantiam huius mundi, et
viderit fratrem suum necesse habere, &
claudit viscera sua ab eo, quomodo chari-
tas Patris manet in eo?]*

A summo gradu dilectionis recurrit
ad infimum. Si summum gradum attingere
non potes, saltem infimum apprehen-
dende: imò, si summum gradum attingere
cupis, incipe ab infimo. Summus gra-
dus dilectionis est, pro fratribus vitā im-
pendere. Pellem enim pro pelle, & omnia
quæ habet homo, dabit pro anima & vi-
ta sua. Infimus gradus dilectionis est,
substantiam huius mundi indigenti fra-
tri impendere. Quod si infimum hunc di-
lectionis gradum nondum attigisti, nun-
quam peruenies ad summum: si graue

videtur pro fratre pecuniam impendere,
nunquam pro eo impendes vitam. Cha-
ritas non statim perfecta est, verum hoc
nobis agendum, vt ea semper in nobis au-
gescat. Quæadmodum enim in his quæ
mala sunt, dicere solemus: Qui spernit
minima, paulatim incidit in maiora: ita
in bonis, qui se in minimis exercet, pau-
latim ascendet ad altiora & perfectiora.
Assuescam⁹ igitur quæ minima sunt pro
fratribus exponere, vt tandem etiam mi-
res postulet, possimus & audeamus &
vitam eis impendere. Obserua, quod Io-
annes non dicit: Si videris hominem, sed:
Si videris fratrem tuum necesse habere.
Nec dicit, Quomodo charitas Dei, sed:
Quomodo charitas Patris, manet in eo:
Atque his duobus verbis vel maximè
nos ad charitatem incitare vult. Quasi di-
ceret: Cogita, quod is qui necessitatem
patitur, frater tuus est: itēq; quod Deus
Pater tuus est, & nihil tibi graue videbi-
tur. Quid autem sit viscera sua à fratre
indigente claudere, nusquam melius vi-
deri potest, quàm in Lazaro illo, cui in
summa egestate posito diues ille nec mi-
cas panis dabat, quamuis eum quotidie
videret, eiusque necessitatem sciret, id
quod & peccatum illius vel maximè ag-
grauabat. Huius igitur nos admonere de-
bet verbum hoc: Qui claudit viscera sua
à fratre, &c. Iudæus Iudæum, ethnicus
ethnicū in necessitate non despicit, quan-
tò minus Christianus Christianum des-
picere debet. Sequitur:

*Filioli mei, non diligamus verbo neque
lingua, sed opere & veritate.]*

Hoc verbo iterum affectum suū verè
paternum indicat, atq; adeo fidelem do-
ctorem se probat. Deinde etiam ipsam
charitatis naturam subindicat, quæ nun-
quam otiiatur habita occasione. Sed sem-
per se in opere ostendit, vt verissimè dixit
D. Gregorius: Charitas (inquit) ope-
ratur magna si est, si autē operari renuit,
charitas non est. Cæterum Ioannes hoc
verbo alludit ad illud Pauli: Regnū Dei
non est in sermone, sed in virtute. Item
que ad illud Christi. Non omnis qui
dicit mihi, Domine Domine, intrabit
in regnum cælorum, sed qui facit vo-
luntatem Patris mei, & cæ. Pulchrè
autem Ioannes in dilectione exhibenda,
opus

opus & veritatem coniungit. Nam plures qui nomine tantum & specie, & inter eos qui reuera Filij Dei sunt. Sequitur:

Et in conspectu eius suadebimus corda nostra.]

Altera vtilitas & honestas ex charitate proveniens, est securitas & fiducia etiam Deum accedendi & orandi. Per charitatem, inquit, certificamur Deum nobis reconciliatum, hocque ipsum persuadere possumus cordibus nostris in conspectu eius. Quo quid maius vel optari posset? Qui enim post fidem etiam in charitate erga proximum se exercet, is in conscientia sua securus & quietus est. Atque qui nullum maius bonum sub sole, quam animus quietus & securus conscientia. *Secura mens* (inquit Salomon) quasi iuge conuiuium.

Quoniam si reprehenderit nos cor nostrum, maior est Deus corde nostro, & novit omnia.]

Vel hic vide, quantum bonum sit securus & quietus conscientia: Etiam (inquit) si cor nostrum nos reprehendit, ac peccata praeterita memoriae obijcit, scimus tamen & certam fiduciam habemus, quod Deus maior est corde nostro, hoc est, misericordia eius maior est quam omnia peccata nostra, meritumque Christi plus potest quam nostra praeviationis. Aliqui verbum hoc contra eos exponunt, qui charitatem vel tantum simulant, vel omnino negligunt: Si (inquit) reprehenderit nos cor nostrum, si conscientia nos propria convicerit, quod vera charitate vacui simus, nulla proderit vel simulatio vel excusatio, quia Deus maior est corde nostro, omniaque nuda & aperta sunt oculis eius. In hunc igitur sensum verbum hoc & contra simulatores aut hypocritas, & contra proteruos Christianos militat. Hypocrita quippe id unum spectat, ut speciem pietatis habeat: protervus autem quisque etiam ipsam conscientiam suam conatur suppressere, excusationes in peccatis quaerendo. Sed frustra: Deus enim maior est corde nostro: Ipse scrutatur corda & renes, ideo nec simulatione pietatis, nec excusatione & tectioe peccatorum decipi potest. Nolite igitur errare: Deus non irridetur ait Paulus. *Secura mens*

qui nomine tantum & specie, & inter eos qui reuera Filij Dei sunt. Sequitur:

Et in conspectu eius suadebimus corda nostra.]

Altera vtilitas & honestas ex charitate proveniens, est securitas & fiducia etiam Deum accedendi & orandi. Per charitatem, inquit, certificamur Deum nobis reconciliatum, hocque ipsum persuadere possumus cordibus nostris in conspectu eius. Quo quid maius vel optari posset? Qui enim post fidem etiam in charitate erga proximum se exercet, is in conscientia sua securus & quietus est. Atque qui nullum maius bonum sub sole, quam animus quietus & securus conscientia. *Secura mens* (inquit Salomon) quasi iuge conuiuium.

Quoniam si reprehenderit nos cor nostrum, maior est Deus corde nostro, & novit omnia.]

Vel hic vide, quantum bonum sit securus & quietus conscientia: Etiam (inquit) si cor nostrum nos reprehendit, ac peccata praeterita memoriae obijcit, scimus tamen & certam fiduciam habemus, quod Deus maior est corde nostro, hoc est, misericordia eius maior est quam omnia peccata nostra, meritumque Christi plus potest quam nostra praeviationis. Aliqui verbum hoc contra eos exponunt, qui charitatem vel tantum simulant, vel omnino negligunt: Si (inquit) reprehenderit nos cor nostrum, si conscientia nos propria convicerit, quod vera charitate vacui simus, nulla proderit vel simulatio vel excusatio, quia Deus maior est corde nostro, omniaque nuda & aperta sunt oculis eius. In hunc igitur sensum verbum hoc & contra simulatores aut hypocritas, & contra proteruos Christianos militat. Hypocrita quippe id unum spectat, ut speciem pietatis habeat: protervus autem quisque etiam ipsam conscientiam suam conatur suppressere, excusationes in peccatis quaerendo. Sed frustra: Deus enim maior est corde nostro: Ipse scrutatur corda & renes, ideo nec simulatione pietatis, nec excusatione & tectioe peccatorum decipi potest. Nolite igitur errare: Deus non irridetur ait Paulus. *Secura mens*

Charitas

opus & veritatem coniungit. Nam plures qui nomine tantum & specie, & inter eos qui reuera Filij Dei sunt. Sequitur:

Et in conspectu eius suadebimus corda nostra.]

Altera vtilitas & honestas ex charitate proveniens, est securitas & fiducia etiam Deum accedendi & orandi. Per charitatem, inquit, certificamur Deum nobis reconciliatum, hocque ipsum persuadere possumus cordibus nostris in conspectu eius. Quo quid maius vel optari posset? Qui enim post fidem etiam in charitate erga proximum se exercet, is in conscientia sua securus & quietus est. Atque qui nullum maius bonum sub sole, quam animus quietus & securus conscientia. *Secura mens* (inquit Salomon) quasi iuge conuiuium.

Quoniam si reprehenderit nos cor nostrum, maior est Deus corde nostro, & novit omnia.]

Vel hic vide, quantum bonum sit securus & quietus conscientia: Etiam (inquit) si cor nostrum nos reprehendit, ac peccata praeterita memoriae obijcit, scimus tamen & certam fiduciam habemus, quod Deus maior est corde nostro, hoc est, misericordia eius maior est quam omnia peccata nostra, meritumque Christi plus potest quam nostra praeviationis. Aliqui verbum hoc contra eos exponunt, qui charitatem vel tantum simulant, vel omnino negligunt: Si (inquit) reprehenderit nos cor nostrum, si conscientia nos propria convicerit, quod vera charitate vacui simus, nulla proderit vel simulatio vel excusatio, quia Deus maior est corde nostro, omniaque nuda & aperta sunt oculis eius. In hunc igitur sensum verbum hoc & contra simulatores aut hypocritas, & contra proteruos Christianos militat. Hypocrita quippe id unum spectat, ut speciem pietatis habeat: protervus autem quisque etiam ipsam conscientiam suam conatur suppressere, excusationes in peccatis quaerendo. Sed frustra: Deus enim maior est corde nostro: Ipse scrutatur corda & renes, ideo nec simulatione pietatis, nec excusatione & tectioe peccatorum decipi potest. Nolite igitur errare: Deus non irridetur ait Paulus. *Secura mens*

In hoc cognoscimus, quoniam ex veritate sumus.]

Etiam hic videmus, quam nihil intentatum relinquit diuus Ioannes. Pluribus iam verbis ab odio & duritia erga fratres & proximos nos abstergere voluit: nunc ex fructibus verae charitatis nos trahere & allicere ad compassionem & misericordiam conatur. Argumenta autem sumit ab honesto & utili, ostendens nihil esse quod maiorem nobis & vtilitatem & honestatem adferat, quam si charitatem proximo exhibeamus: Per hoc, inquit, scimus, quod in veritate, hoc est, vere Filij Dei sumus. Haec est prima vtilitas & honestas ex charitate proveniens. Quid autem honestius & magnificentius, quam non tantum dici, sed reuera esse Filium Dei? Atqui charitas certissima nota est, qua nedom hic, verum etiam in iudicio futuro Filij Dei a filiis mundi & Diaboli discernentur. Venite (dicit ad plures) benedicti Patris mei, &c. Esuriui enim, & dedistis mihi manducare, &c. Ad reprobos autem: Ite maledicti, &c. Esuriui enim, & non dedistis mihi manducare, &c. Ex charitate igitur cognoscimus, quod ex veritate, hoc est, vere Filij Dei sumus. Hoc autem verbo Ioannes subindicat, magnum esse discrimen inter eos, qui

Galat. 6

Matt. 6.

Prou. 15

Hebr. 4

Galat. 6

Matt. 25.

Charissimi, si cor nostrum non reprehenderit nos, fidutiam habemus ad Deum.]

Hoc verbo expressius indicat alterutram illam vtilitatem & honestatem charitatis, de qua paulò ante diximus. Ea autem est securitas conscientiae, & fidutia ad Deum: Hanc, inquit, securitatem conscientiae & fidutiam ad Deum certò habemus, si cor nostrum nò nos reprehenderit, hoc est, si charitas in nobis perfecta fuerit: ita ut proximum nullo respectu proprii commodi, sed tantum quia frater & proximus est, & quia Deus ita mādāt & praecepit, diligamus. Ex hoc autem iterum videre licet, Ioannem non de qualibet, sed de vera charitate loqui.

Et quicquid petierimus, accipiemus ab eo.]

Concordat cum eo, quod Christus dicit: Beati misericordes, quoniam misericordiam consequentur. Itemque: Date, Luc. 6 & dabitur vobis: Nolite iudicare, & non iudicabimini: Remittite, & remittetur vobis. An non autem magna vtilitas charitatis, quòd per eam certi reddimur, nos nihil non à Deo impetraturos? Sic & magna eiusdē charitatis honestas est, quòd ea suffulti, fidutialiter Deum accedere audemus.

Quia mandata eius custodimus, & ea quae placita sunt ei, facimus.]

Diligendo videlicet proximos. Hoc autem ideo repetit, ut sciamus hos fructus non fidei solum, verumetiam charitati adscribendos, in suo tamen ordine, Quem autem non incitarent ad dilectionem proximi hi tāti fructus? Quid aliud in mundo quaerunt filij Adam quàm honores, diuitias, gaudia? At quid sunt omnes mundi honores, si ad filiationem Dei? quid sunt omnes mundi diuitiae, si ad gratiam Dei? quid sunt omnia mundi gaudia, si ad gaudium securae conscientiae conferantur? Appellentur alij reges, principes, &c. longè tamen honorificentius est, appellari Filium Dei. Cōgregent alij diuitias, currant ad gaudia, longè tamen plus verorum bonorum & gaudij habet, qui gratia Dei & securae conscientiae praeditus est: Atqui vera haec bona non aliter, quàm per fidem & charitatem acquiruntur, ut iam dictum est.

Et hoc est mandatum eius, ut credamus in nomine Filij eius Iesu Christi, & diligamus alterutrum, sicut dedit mandatum nobis.]

Hoc verbo diuus Apostolus iterum se declarat, ac planè ostendit, quòd docendo charitatem, nedum non velit fidem excludere, verum eandem cum primis & ante omnia in hoc negotio habere: ideo vtrunque coniungit, ita tamen quòd fidem praepōnit. Quia enim mandatorum Dei mentionem fecit, necessarium duxit ostendere, de quibus mandatis loquitur. Nam & Iudaei sibi ipsis persuadent, se habere & seruare mandata Dei, propterea, quòd circumciduntur & Sabbata sua obseruant. Sic & hypocritae videntur sibi quòd seruient Dei mandata: Deus (inquiūt) gratias tibi agimus, quòd non sumus sicut ceteri hominum, &c. Ioannes autem vtriusque viam hoc verbo pracludit. Nam per hoc quòd dicit, Hoc est mandatum Dei, ut credamus in Filium eius Iesum Christum, punit Iudaeos, planeque ostēdit, ipsos non seruare mandata Dei, nisi credāt in Christum. Quòd autē subdit: Et ut diligamus alterutrum, tangit omnes Pseudochristianos. Quem admodum enim Iudaei, quantumcunque in lege sua laborent, tamē praecepta Dei non seruant, nisi credant in Christum: ita Christianus, quantumcunque credat, nihil agit, nisi proximum diligat. Obseruandū, quòd Ioannes paulò ante de mandatis Dei locutus est in plurali, quasi de multis: hic autem in singulari, de eisdem loquitur, quasi de vno: interim tamen & fidem & charitatem nominat, ut vel hinc videamus, quòd duo haec ab inuicem separanda nō sint. Oculum igitur nequam habent, qui quòd de fide dicit vident, charitatem autem fidei indiuisibiliter adiungam videre nolunt. Non igitur mirum, quòd & ipsi errant, & alios in errorem inducunt: Si oculus (inquit) tuus nequam est, totum corpus tenebrosum erit. Erit lumen quòd in te est, tenebrae sunt, ipsae tenebrae quātae erunt? Sequitur: [Et qui seruat mandata eius, in illo manet, & ipse in eo.] Etiam hic obseruandum, quòd Ioannes de fide & charitate, ut de vno & pluribus loquitur, ne quis elabi possit, alterum ab altero separando. Vtriusque autem

tem eundem quidem fructū, verū lon-
gè maximum ascribit: Qui, inquit, man-
data eius seruat, in eo manet, & ipse in eo.
Hæc autem longè maiora sunt, quàm
Deut. 28 quæ Moyses suam legem obseruantibus
promisit.

*Et in hoc scimus, quoniam manet in no-
bis de spiritu quem dedit nobis.]*

Roma. 8 Et quodnam certius nobis signum
diuinæ præsentiae & inhabitationis dari
potuisset? Qui spiritum Christi nō
habet, hic non est eius, ait Pau-
lus. Per contrarium ergo,
qui spiritū Dei habet,
& ipse Dei est, & ad
Deum pertinet.

Caput Quartum.



Actenus diuus Ioannes
summo studio nos ad
charitatem fraternā in-
duxit, eamque summe
commendauit, totum
autem eum sermonem

vno hoc verbo conclusit: Hoc (inquit)
est mandatum Dei, vt credamus in no-
men Filij eius Iesu Christi, & diligamus
alterutrum. Quo vel solo verbo satis in-
nuit, ita quidem charitatem bonaque o-
pera docenda esse, vt semper fides præ-
cedat. Vnde consequitur, quod nec Iu-
dæi, nec ethnici quicquam certi de chari-
tate operibusque bonis docere possunt,
propterea, quod fidem non habent cog-
nitam, sine qua impossibile est placere
Deo. Rectè autem & ex ordine Ioannes
de vtroque docet, & scribit. Verū de his
satis. Sequitur:

*Charissimi, nolite omni spiritui credere,
sed probate spiritus, num ex Deo sint.]*

Hic diuus Ioannes paululum à propo-
sito suo digreditur, iterumque Pseudo-
prophetas nobis cauendos docet & ex-
hortatur, id quod & suprā fecerat. Nec
Sup. c. 2 est quod quis superuacaneum aut minus
necessarium hoc esse putet, imò tanta est
infernalis illius serpentis astutia, vt nemo
satis cautus esse possit. Deinde & tanta
eius est malitia, vt nunquā nō circumeat,
quærens quem deuoret. Omnium maxi-
1. Petr. 5 me autem sanam doctrinam impugnât,

& labefactare conatur, vnde & maxime
nobis in hac parte inuigilandū est. Quā-
diu enim doctrina sana est, parum in nos
potest Diabolus: doctrina autem vitata
vel corrupta, potenter in nos, & pro sua
libidine dominatur. Quia igitur Ioannes
in fine capituli tertij summam Christianæ
doctrinæ vno hoc verbo proposue-
rat: Hoc est mādatum Dei, vt credamus
& diligamus, congruè nunc monet, vt ca-
ueamus à Pseudoprophetis. Quod enim
maiores diuitiæ, eò magis cauendum à
furibus & latronibus. Hinc Christus reg-
num cælorum comparat thesauro abs-
condito, pretiosæque margaritæ, quæ
etiam diuenditis omnibus alijs compara-
ri debeant. Præterea, quia idem Aposto-
lus noster de spiritu Dei mentionem fe-
cerat, omnesq; etiam Pseudoprophetæ
de spiritu Dei gloriantur, necessariū fuit,
vt vel notam aliquam, vnde spiritus Dei
à spiritibus erroris discerni posset, osten-
deret. Atque hæc fuit potissima causa hu-
ius digressionis. Nulla enim re facilius
mouentur simplices quique, quàm vbi
crebro audiunt iactari verbum & spi-
ritum Dei. Huc igitur pertinet verbum
hoc Ioannis, quod vt fortius moueat,
sincero affectu verò amore se duci insti-
nuat: cum præmittit, Charissimi. Ob eā-
dem enim causam etiā suprā nō semel fi-
lios nominauit, vt non dubitemus om-
nia ex sincero affectu profluxisse, quæ
cunq; in hac Epistola scripsit. Cæterum
vocabulo (Spiritus) nihil hic aliud intel-
ligit, quàm doctrinā & persuasionem. Mo-
net igitur, ne cuius spiritui, hoc est, cuius
uis doctrinæ & persuasioni credamus.

Quemadmodum enim diuersi sunt spi-
ritus, sic & diuersæ sunt doctrinæ & per-
suasiones. In Saule enim scriptura tra-
dit fuisse spiritum malum, in Prophetis
Achab spiritum mendaci, iij. Reg. xxij.
Legimus & de spiritu soporis & verti-
ginis, insuper & in nobis ipsis experia-
mur, quid suadeat spiritus mundi &
carnis. Non igitur omni spiritui cre-
dendum, ideo Paulus nobis inclamat:
Omnia probate, quod bonum est tes-
nete. Sic & Moyses veteres illos præ-
monuit, ne quibusuis Prophetis creden-
rent. Et Christus ipse à falsis Prophetis
cauere nos iussit. Non igitur mirum,
quod Ioannes idipsum quoque facit.

Nam

Matt. 13.

1. Reg. 18
Esai. 29
& 19.

Thes. 2
Deut. 18
Matt. 7.

Sup. c. 2. Nam vt supra dixit, iam tunc contra Ecclesiam veramq; doctrinam se crexerant aliqui Pseudoprophetae: Nunc (inquit) Antichristi multi sunt. Sequitur:

Omnis spiritus, qui confitetur Iesum in carnem venisse, ex Deo est.]

Non solum monet cauendos Pseudo prophetas, verum etiam ostendit, quibus notis & signis agnosci, ac à veris Prophetis discerni possint, vt vlex hoc fidelem & verum Christi Apostolum agnoscas. Caeterum, quod Ioannes hic dicit, non sic intelligendū est, quod omnes ex Deo sint, qui contentur incarnationem Christi, alioqui & Arrius & plerique haeretici ex Deo fuissent. Obserua igitur, quod Ioannes hic non tantum de confessione oris loquitur. Nam sunt qui ore contentur, factis autem negant. Deinde non simpliciter dicit, omnes eos ex Deo esse, qui Christum incarnatum contentur. Non defuerunt enim, qui Christum quidem hominem esse crederent, volebant tamen admittere, quod idem Christus a liunde, hoc est, è caelo in carnem venerit. Ideo verbum hoc Ioannis multo plus in recessu habet, quam primo aspectu praefert. Confiteri Christum hoc loco, non tantum est laudare: aut praedicare Christum (in quem sensum, contentur diu verbum frequenter in scripturis vsurpatur) sed eundem & corde amplecti, & voce confiteri, & in super etiam imitatione vitae referre. In hunc modum de confessione loquitur Christus: Qui confes-

Matt. 10 sus (inquit) me fuerit coram hominibus, confitebor & ego eum coram Patre meo.

Huc referri potest & illud Pauli: Corde

Rom. 10 creditur ad iustitiam, ore autem confessio fit ad salutem. Christum igitur confite-

tetur, qui & in eum credit, & tota fiducia se in eum coniecit, & perseveranter eum

verbo & vita coram mundo confitetur. Vera igitur confessio Christi non ore tan-

tum fit: hoc enim possent etiam mali. Caeterum, Christum in carnem venisse, est

ipsum incarnatum vel hominem factum esse. Hoc autem quamvis plerique ha-

eretici videantur credere, Christum vident licet hominem fuisse, non tamen credunt

ipsum aliunde in carnem venisse, & quod prius etiam Christus filiusque Dei fue-

rit, antequam carnem assumeret. Tales

autem fuerunt Ebion & Cherinthus. At qui multo aliud est dicere, Christus homo fuit, & Christus in carnem venit.

Quod enim homo fuerit, nemo non videre potuit: caeterum, ipsum in carnem

venisse, indicat, quod prius etiam fuerit, quam carnem indueret. Hoc negabant

haeretici Ebion & Cherinthus, &c. Nolebant credere, quod Christus ab aeterno

fuisse Deus & Filius Dei, postea autem humanam naturam assumpsisset, atque

adeo simul & verus Deus & verus homo esset. Non igitur Ioannes hic de natura tantum humana in Christo loquitur, sed de toto Christo, Deo scilicet &

homine, in duabus illis naturis, salva tantum vnitate personae consistente, id quod

diuus Athanasius in symbolo suo pie & ingenuè fatetur: Qui licet (inquit) Deus

sit & homo, non duo tamen, sed vnus est Christus, &c. Confiteri igitur Christum in carnem venisse, est credere & fa-

teri, quod Iesus Christus Dei Filius, factus sit hominis filius & homo: in humana nobiscum natura conuersatus, vt homo

pro nobis mortuus & crucifixus sit, vt Deus & homo à morte resurrexerit,

& in caelum ascenderit, solusq; omnium nostrum salus & resurrectio. Itemque (vt

Paulus ait) iustitia, sapientia, sanctificatio & redemptio nobis factus sit. Quicumq;

igitur spiritus haec de Christo credit, contentur, docet, nec aliqua tantum, sed omnia, hic verè ex Deo est. Sequitur:

Omnis autem spiritus, qui soluit Iesum, ex Deo non est. Hic est Antichristus, de quo audistis, Quia venit in mundum, & nunc iam in mundo est.]

Hic exprimit Ioannes, à quibus spiritibus nobis cauendum sit, nempe ab iis, qui Christum solvunt & diuidunt, nec integrum, sed dimidiatum proponunt, docentes eum vel tantum hominem, vel tantum Deum fuisse, itemque aut non mortuum esse, aut non resurrexisse, itemque

qui doctrinam Christi non integram, sed dimidiatam, hoc est, in vno & non in altero accipiunt: vel denique in Christo con-

corpus à capite separant, Christum contentur negantes: vel corpus, hoc est, Ecclesiam in seipsa scindunt & di-

uidunt. Ab his (inquam) spiritibus cauendum nobis est. Seductores igitur spiritus fuerunt

fuerunt Ebiō & Cherinthus, quia Iesum soluebāt, afferentes ante Mariā nō fuisse, atque adeo non Deum, sed tantum hominem esse. Seductores itē spiritus sunt, qui Christum verum hominem fuisse negant: itēque in genere omnes, qui aliā quid illorum negant, quæ vel Apostoli vel Prophetæ de Christo scripserunt, quæq; Christus in carne vel docuit vel gessit. Sic & nostro tempore spiritus seductores sunt, qui Christum vel tantum vt donum, vel tantum vt exemplum proponunt, hoc est, qui vel solam fidem vel sola opera docent. Nam & hoc est Christus soluere, & dimidiatū tantū Christum prædicare. Integrū autem Christum prædicat, qui non tantū docet, quid Christus ab æterno fuerit, verū etiam quid in tempore pro nobis factus sit. Item non tantum quæ Christus docuit, sed etiā quæ fecit. Item, qui non tantum docet, quid Christus nobis meruerit, sed etiam quid à nobis exigit, &c. Horum enim alterum si omittas, Christum soluis: Diuus Augustinus verbū hoc vel maxime in eos torquet, qui vel ab Ecclesia se scindunt, vel vnitatem Ecclesiæ nouis dogmatibus diuidunt. Ecclesia enim est corpus Christi: Qui igitur vel Ecclesiam à capite suo Christo, vel seipsum ab Ecclesia, vel denique Ecclesiam in seipsa separat & diuidit, is verē Christum soluit, atque adeo Antichristus est, quia scindit quod Christus vnitum esse vult. In huiusmodi schismaticos Augustin⁹ multis verbis inuehitur. Ex omnibus igitur his conuincitur verum esse, quod Ioānes hic dicit, Antichristum iādudum & fuisse, & etiamnum esse. Sequitur:

Vos ex Deo estis filioli, & viciſtis eū.]

Mitigatio est eius quod dixerat, itēque & consolatio, ne quis dicere posset. Si tāta est seductōrū & multitudo & peruersitas, quis eos omnes cognoscere vel vitare potest? &c. Vos (inquit) ex Deo estis, qui non patietur vos seduci. Si enim vos cum sitis mali, nostis bona data dare filiis vestris, quanto magis Deus dabit spiritum bonum petentibus se? Impossibile igitur est, vt qui electi sunt, seducantur. Oues enim Christi nemo potest rapere de manu eius. Augēt Ioānes consolationem in eo quod subdit: Et vi-

cistis eum, Antichristum videlicet, vel ipsum etiam Satanam: Certam, inquit, habetis victoriam, veruntamen non ex vobis ipsis. Neq; enim vel vestra sapientia, vel vestra fortitudine tot tentationum & seductionum laqueos euadere possitis. Ideo addit:

Quoniā maior est qui in vobis est, quā qui in mundo.]

Et hoc verbum ad cōsolationem nostram facit: quantumuis enim multos seductores excitet diabolus, Deus tamen qui per fidem & dilectionem in nobis habitat, fortior est diabolo. Confidite (inquit) ego vici. Et iterum, In me pacem habebitis. Deinde hoc verbo docemur, ne de nostris ipsorum viribus gloriemur, nec Petrū in hoc imitemur, qui de viribus suis præsumēs, magna pollicebatur, quæ tamen præstare non poterat. Quin potius cū Paulo dicamus: Omnia possum in eo qui me confortat. Sic igitur diuus Ioānes nedum docet, verum insuper etiam admonet & consolatur, nihilq; omittit quod ad fidum doctorem pertinet.

Ioan. 19.

Mat. 26
Phil. 4

Ipsi de mundo sunt, ideo de mundo loquuntur, & mundus eos audit.]

Veris coloribus depingit Pseudoprophetas: Ex his enim tribus vel maxime cognosci possunt, quod è mundo sunt, hoc est, mundanis rebus, honoribus, diuitijs, voluptatibus afficiuntur. Deinde, quod de mundo loquuntur, hoc est, docent & annuntiant quæ carnalibus gratæ & accepta sunt. Præterea, quod mundus eos audit, propterea, quod affectibus eorum conuenientia docent. Vnde & mirum non est, quod minor semper numerus hominum veris doctoribus adhæret.

Nos (inquit) ex Deo sumus, et qui nouit Deum, audit nos: qui non est ex Deo, nō audit nos: In hoc cognoscimus spiritum veritatis, et spiritum erroris.]

Verissima sententia. Duabus enim ijs notis verī Apostoli à spiritibus erroris discernuntur. Primò quia ex Deo sunt, atque adeo nihil aliud docent, quā spiritualia, cælestia & diuina. Secundò, quia

Hhh

fili

filij Dei eos audiunt, & hi quidem soli. Nam mūdus eos non audit: nihil tamen per hoc Apostolorum auctoritati decedit, quod mūdus, atque adeo maior pars hominum ipsos non audit, quin potius per hoc, quod à mundo despiciuntur, vel maxime probantur esse veri doctores. Si enim de mundo essent & mundana docerent, mundus quod suum est diligere. Pulchrè igitur diuus Ioannes nedum à spiritibus seductoribus nos præmonuit, verum insuper etiam ostendit, quibus signis & indicij cognosci possint. Quod Apostoli prius doctores Ecclesiae, iam inde ab exordio docuerunt & scripserunt, Deum & pietatem, quod autem haeretici docuerunt & docent, carnem & mundum sapit: id quod nemo non deprehendit, nisi omnino nullius iudicij sit.

Charissimi, diligamus inuicem, quia charitas ex Deo est.]

Hic Ioannes reuertitur ad propositum, & quidem satis concinnè. Doceant (inquit) alij quod libet, iacent spiritum ut volunt, nos diligamus inuicem. Hac enim vel vna nota probabimus nos esse veros Christianos, in spiritu & via veritatis incedentes. Hinc igitur colligi potest, diuum Augustinum non temerè & sine causa, quæ Ioannes de spiritibus, qui soluunt Iesum, dixerat, in eos detorsisse, qui Ecclesiam scindunt. Cōtra hos enim Apostolus hic noster vel maxime pugnat. Hi enim sunt qui reuera sectas perditionis introducunt, propterea quod vnitatem Christianæ doctrinae scindunt, atque adeo Ecclesiam in sectas diuidunt, quæ in fide & doctrina nec inter se, nec cum Ecclesia conueniunt. Vbi autem vnitatis doctrinae seruetur, ibi etsi non omnibus sit idem modus viuendi, non tamen per hoc sectæ perditionis introducuntur. Quemadmodum enim ciues eiusdem oppidi, etsi diuersos inter se habeant status, officia, artificia, &c. sub eodem tamen regimine ac eisdem legibus & ordinationibus viuunt, atque adeo diuersitas illa artificiorum, & statuum, ciuilem illam concordiam non scindit, nec quisquam alterum ob huiusmodi diuersitatem artificiorum non ferendū in ciuitate putat, quādiu sub eisdem legibus viuunt. Eū autem nemo in ciuitate ferre posset, qui contemptis legibus, quibus omnes alij vtiuntur, nouas induceret. Is enim ciuilem concordiam scinderet, atque adeo ut seditiosus ab omnibus expelleretur: sic in Ecclesia diuersitas statuum, officiorum, vocationū, ordinum, ministeriorum, &c. non scindit vnitatem Ecclesiae: quantumuis enim non omnibus sit idem modus viuendi, in eadem tamen fide, doctrina, Sacramentorum participatione, caeremonijs, legibus & constitutionibus viuunt & manent, cum alijs Ecclesiae membris, vbicunque per orbem terrarū dispersi sint. Qui igitur diuersos in Ecclesia viuendi modos vel ordines, sub vnitatem tamen fidei & doctrinae instituerunt, non introduxerunt sectas perditionis, quia per hoc nullū ab vnitatem Ecclesiae abducunt: qui autem noua dogmata catholicae Ecclesiae incognita inuehūt, contemptisque Ecclesiae non tantum doctrina & disciplina, verum etiam caeremonijs, constitutionibus, &c. novos pro sua libidine & in contemptum Ecclesiae ritus inducunt, hi verè Ecclesiam scindunt, ac sectas perditionis introducunt. Charissimi, diligamus inuicem, dicit Ioannes. Huc vel maxime nobis spectandum est. Non enim refert cuius vel sexus, conditionis, aut officij quisque sit, quem sibi viuendi statum elegerit, quibus cibis vescatur, aut quem colorem in veste praeferat, dummodo in vnitatem Ecclesiae ac doctrinae catholicae maneat. Obserua, quod Ioannes non dicit: Charissimi, diligite inuicem, sed: Diligamus inuicem. Quod enim alijs praecipit, etiam à seipso exigit. Non enim satis est alios docere, nisi & teipsum doceas: Castigo (inquit) corpus meum, ne cum alijs praedicauero, ipse reprobus efficiar. Sic & in alio loco seipsum in exemplum proponit: Imitatores, inquit, mei estote, sicut & ego Christi. Deinde Ioannes non dicit: Diligamus inuicem, sed in genere: Diligamus enim inuicem, quemadmodum enim nullos in specie nominat, sic nullos excludi vult. Charitas enim Christiana ad omnes homines se extendere debet, ad amicos & inimicos. Non enim persona proximi, sed natura & necessitas attendenda sunt. Signanter autem dicit: Diligamus

Ioan. 15.

2. Pet. 2.

1. Cor. 9.

1. Cor. 11.

Diligamus inuicem, vel mutuo, quo ver-
bo innuit, quod Christiana charitas de-
bet esse reciproca. Alter, inquit, alterius
Galat. 6. onera portate. Qui beneficium recipit,
beneficium etiā reddat. Quod proximo
lege charitatis debes, hoc & ipse tibi de-
bet. Cæterum Ioannes etiam causam an-
nectit, cur tantopere charitatem vrgeat:
Charitas, inquit, ex Deo est. Verè ingens
& magnifica commendatio: Et quidem
charitas etiam in alijs locis magnificè
cōmendatur, vt cum Christus dicit. Dis-
mittuntur ei peccata multa, quoniam di-
Luca. 7. liget multum. Itemque: Qui diligit me,
Ioan. 14. diligitur à Patre meo, & ego diligā eum.
1. Pet. 4. Et Petrus: Charitas operit multitudinē
1. Cor. 13. peccatorum. Et Paulus: Et si habuero om-
nem fidem, &c. Charitatem autem nō ha-
buero, nihil sum, &c. Ioannes tamē cha-
ritatem adhuc excellentius commendat,
cū dicit: Charitas ex Deo est, hoc est, verè
sanctum quid & diuinū. Ex Deo est, quia
per spiritum Dei transfunditur in corda
Rom. 5. nostra: Ex Deo est, quia ipse prior chari-
tatem suam erga nos ostendit. Denique ex
Ioan. 13. Deo est, quia sublata lege Moyfi, hoc vs-
num mandatum dilectionis nobis dedit
& confirmauit. Et quid ex hoc colligere
vult Apostolus noster? Sequitur:

*Et omnis qui diligit fratrem suum, ex
Deo natus est, & cognoscit Deum: qui non
diligit, non nouit eum.*

Hoc certò sequitur ex præcedenti ver-
bo. Si enim charitas ex Deo est, etiam
is ex Deo est, qui charitatem habet: Si
charitas ex Deo est, ergo qui charitatem
non habet, ex Deo esse non potest. Quid
autem maius est, quàm ex Deo natum
esse? Quid fortius in omni tentatione
consolari nos potest? Ex Deo aut quē
quàm esse, nullo certiori signo probatur,
quàm charitate. Nam omnia alia, videli-
cet orare, leiunare, elemosynas dare,
Imò & Baptismum aliaque Sacramenta
percipere, fide etiam montes transferre,
denique & corpus ipsum igni & tormen-
tis subijcere, &c. fallere possunt. Omnia
enim hæc etiam mali facere possunt: At
charitas mala esse non potest. Est enim
1. Cor. 13. patiens, benigna, non æmulatur, non a-
git perperam, non inflatur, non est ambi-
tiosa, non irritatur, non quærit quæ sua
sunt, non cogitat malum, non gaudet su-

per iniquitate: Omnia credit, omnia spe-
rat, omnia sustinet. In summa, charitas
ex Deo & verè diuinū quid est, & quod
omnia alia excedit.

Deus (ipse) charitas est.

Quemadmodum enim malum & sce-
lestum hominem, ipsam malitiam & ip-
sum scelus nominamus, ita Ioānes Deū
nominat ipsam charitatem, tum quia
charitas omnium perfectissimè in ipso ap-
paruit, tum etiam quia sicut Deus etiam
essentialiter non tantum bonus, iustus,
verus, misericors, verum etiam ipsa boni-
tas, iustitia, veritas, sapientia & miseri-
cordia est, sic & essentialiter etiam chari-
tas est. Et quid hinc colligitur? Primò,
quod qui charitate vacuus est, ex Deo
non est. Deinde, quod qui in vel contra
charitatem peccat, contra Deum peccat:
Quo quid terribilius esse posset? Horren-
dum est incidere in manus Dei viuentis,
ait diuinus Paulus: Et Heli sacerdos ille: Hebr. 10
Si peccauerit, inquit, vir in virum, propi- 1. Reg. 2
tiabitur ei: si autem in Deum peccauerit,
quis orabit pro eo? Obserua igitur, quan-
tum Ioannes noster duo hæc exaggeret:
quàm dulciter enim nos ad charitatem
inuitat, tam diligenter nos à contrario,
hoc est, omni crudelitate, durtia, &c. in
proximum absterret. Quantum igitur al-
licere nos debet verbum illud: Qui dili-
git fratrem suum, ex Deo est, tantum ter-
rere nos debet quod subdit: Qui non di-
ligit fratrem, non nouit Deum, imò pec-
cat cōtra Deum, quia Deus charitas est.
Bone Deus quàm nihil horum vel cogi-
tat vulgus Christianorum: quid minus
inter nos conspicitur, quàm vera & syn-
cera charitas? quid fortius in mūdo, imò
& inter Christianos vel maximè regnat
quàm durtia, perfidia, crudelitas, inimici-
ciæ, seditiones, bella? &c. Verissimè ea-
nim nunc in nobis impletur illud Osee: Osee. 4
Non est veritas, non est misericordia in
terra, sed maledictum, blasphemia, &c.
inundauerunt, & sanguis sanguinem te-
tigit. Et illud Esaiæ: Veritas in plateis
E sai. 59
corrui, iustitia non potuit ingredi, &c.
Nec video quibus hanc Christianorum
peruersitatem, & nihil minus quàm Chri-
stianam vitam, accepto ferre debeam? q̃
ijs, qui viā veritatis & salutis tam facile
faciunt, ac si nihil ad Christianismū per-
tineret, præter vnicā solam & nudā fidē.

Si enim quæ Ioannes in hac Epistola de charitate & pia cōuersatione tradidit, tā fideliter populo inculcassent, quēadmodū ea quæ in Euangelio de fide scripsit, nunquā populus in tantā licentiam & leuitatem vitæ deuenisset. Sequitur:

In hoc apparuit charitas Dei in nobis, quoniam Filium suum misit in mundum, ut viuamus per eum.]

Iterū exēplo Dei Patris ad charitatē nos inuitat, imō & opere & exēplo pbat, quod iā dixerat, charitatem ex Deo esse, itēque quod Deus ipsa charitas sit, quasi diceret: Quæ iam dixi, non verba tantū, non aliqua opinio, sed fides & veritas sunt. Ut ostēderet enim Deus charitatem suā, etiam Filiū suum misit in mundum. Et quo certiori signo charitatem erga nos suam ostēdere potuisset: Israelitæ in Aegypto olim seruiētes, magni æstimabant, quod Deus pro liberatione eorum Moysen misisset. Audierūt, inquit, quod respexisset Dominus afflictionem illorum, & proni adorauerunt. Quin & Dauid hoc ipsum magnis laudibus celebrat: Cōfitemini (inquit) Domino, & inuocate nomen eius, annūtiāte inter gentes opera eius. Et paulo post: Misit Moysen seruū suum Aaron quem elegit ipsum, &c. Et iterū: Clamauerunt ad Dominum cū tribularentur, & liberauit eos: Misit verbum suum, & sanauit eos, &c. Et hæc quidē magna erant diuinæ dilectionis indicia. At Ioannes maius quiddā, & quidē in infinitū maius: Deus, inquit, misit Filiū suum. Quin & hoc ipsum Christus adhuc vehementius exprimit: Sic, inquit, Deus dilexit mūdum, ut Filium suum vnigenitum daret. Et Paulus adhuc vehementius: Proprio, inquit, Filio suo nō pepercit Deus, sed pro nobis omnibus tradidit illum. Emphasim habent & hæc verba, quod non Filium tantū suū misit Deus, sed vnigenitum, hoc est, summam suam voluptatē, summumque cæli decus: itemq; quod eū in mūdū misit & mūdo dedit, hoc est, inimicis suis nihil boni de se meritis. Et quis hoc fecit? Deus, ac is ipse Deus, qui in nullo nostri indigebat, imō qui iure nos poterat punire & dānare. Iam si Abrahā cōmendatur, quod ex fide & obedientia filiū suum offerre voluit, quātō magis hæc Dei chari-

tas nobis in pretio esse debet? Quod enī Abraham Deo offerre volebat, prius à Deo acceperat: Tua, inquit David, sunt omnia, & quæ ē manu tua accepimus, tibi offerimus. Quis autem Deo aliquid prior dedit, ut retribuere ei? In fine Ioannes etiā addit causam, cur De⁹ tāta charitatē nobis præstiterit mittēdo & dādo Filiū suū: Ut, inquit, viuamus per eum. Et hoc igitur illustriore reddit charitatē Dei. Nō enim misit Deus Filiū suum, ut iudicet mūdum, sed ut saluetur mūdus per eū. Non, inquā, misit Deus Filiū suū in mūdum, quēadmodum & olim Angelos duos miserat ad subuertēdam Sodomā: itemq; alterum quendā Angelū in castra Assyriorum: sed, ut viuamus per eum. Ad hoc autē multo labore illi opus erat & impensis, imō moriendum illi erat, ut vita ad nos perueniret. Nam Ideo & in Esaia ad quemlibet nostrū: Seruare me fecisti peccatis tuis, & laborem mihi præbuiisti iniquitatibus tuis. Ex his igitur vides quā insigniter Ioannes charitatem Dei nobis cōmendat, quanquam verum sit, quod suprā dixit, charitatē ex Deo esse. Si enim (ut Gregorius dicit, & verissimē dicit) exhibitio operis, probatio est charitatis, indicium profecto summæ charitatis est, quod Deus Filium misit, & eo modo, ut iam dictum est.

In hoc est charitas, non quasi nos dilexerimus Deum, sed quoniam ipse prior dilexit nos, &c.]

Pertinet etiā hoc ad amplificationem diuinæ erga nos charitatis, imō ex hoc vel maximē probatur, charitatem erga nos Dei summā & fuisse & esse quod ipse prior dilexit nos, hoc est, nullis nostris meritis prouocatus, sed ex mera gratia. Cum enim adhuc inimici essemus, reconciliauit nos sibi per mortem Filij sui. Vnde & Christus ipse: Non vos me elegistis, sed ego elegi vos, & cæc. Non igitur nostra merita, verū Dei charitas commendanda est. Addit autem Ioannes:

Et misit Filium suum propitiationē pro peccatis nostris.]

Hoc addit, ne quis parui æstimet, quod Deus Filium suū misit, quasi hoc facile & cæ-

Exod. 4

Psa. 104

Ioan. 3

Rom. 8

Gene. 22

- oculis corporeis videtur, temporale est. In eundem modum & Paulus dilectionem Plus igitur & optanda & quaerenda nobis est pro tempore huius vitae, inuicibilis eius praesentia & inhabitatio, quam visibilis eius conspectus. Hoc enim in hac vita consequi non possumus, illud autem
- Ioan. 14** Deus vltro nobis offert: Ad eum, inquit veniemus, & mansionem apud eum faciemus. Obserua igitur, quantus thesaurus sit charitas, quae & nos Deo, & Deum nobis coniungit & vnit. Obserua item, quantum Deo placeat charitas, quod ubique eam esse vides, illic & ipse esse vult.
- Matt. 18** Huc pertinet quod etiam in Matthaeo dicit: Vbi duo vel tres fuerint congregati in nomine meo, ibi ego in medio eorum sum. Et, Vbi duo inter se consenserint, quicquid petierint a Patre, impetrabunt. Quod si tantopere Deo placet charitas, facile coniungi potest, quam ei displiceant, quae charitatem & unitatem inter credentes laedunt, scindunt, rumpunt, & contemnunt: Verè enim non est Deus dissensionis, sed pacis. Atque hinc facile colligitur, quantum seipso decipiant, qui se vel solos pro veris Christianis venditant & iactant: interrim tamen omnes conatus suos eo dirigunt, ut Christianam unitatem scindant: omnibus viribus obstitunt, ne Ecclesiae unitas vnquam reparetur, aut reparari possit, &c. Hos igitur Ioannes vel maxime hoc verbo, impietatis & mendacii conuincit.
- Et charitas eius in nobis perfecta est.]*
- Dupliciter intelligi potest, actiue & passiuè. Primò, ut sit sensus, Si inuicem diligimus, & Deus in nobis manet, certi sumus, quod nos diligit. Secundo, ut sit sensus: Si Deus per dilectionem in nobis manet, etiam nos subinde perfectiores in dilectione facit. Tunc autem charitas perfecta est, vel summam suam perfectionem attigit, cum non tantum amicos, verum etiam inimicos diligimus. Circa hoc autem obseruandum, quod etsi Ioannes tantum his duobus verbis utatur, Diligamus inuicem: Diligamus fratres: non tamen eo referri debent haec verba, quasi tantum amicos & nobis fauētes diligere debeamus. Christus enim charitatem multo latius extendit: Audistis, inquit, quia dictum est antiquis, Diliges proximum tuum, & odio habebis inimicum tuum. Ego autem dico vobis, Diligite inimicos vestros, &c.
- Christianam etiam ad hostes & aduersarios nostros extendit: Si esurierit, inquit, inimicus tuus, ciba illum, &c. Per hoc autem quod Ioannes in hac Epistola tantummodo fraternam & mutuam charitatem nominat, de inimicis diligendis nullam inuentionem faciens, primò ostendere voluit naturam charitatis, quae velut ignis prius ea quae prope sunt corripit, quam ea quae à longè distant, attingere possit. Qui enim proximè sibi iustos non amat, inimicos nunquam diligit. Deinde fratrum nomine, iuxta morem scripturae, omnes homines intelligit. Omnes enim fratres sumus, ex eodem patre Adā originem trahentes. Postremo etiam ideo Ioannes tantum de dilectione fraterna loquitur, quia etiam inimici nostri, non ut hostes, sed ut fratres attendendi & amandi sunt. Odiendum enim est in ipsis, quod malum est, diligenda autem natura. Diligendus est inimicus, non quia inimicus est, & malefactor, sed ut bonum fiat. Sic Deus dilexit nos cum adhuc inimici essemus, non ut inimici maneremus, sed ut amici efficeremur. Ob has igitur causas Ioannes nullam de diligendis inimicis, sed tantum de mutua & fraterna charitate mentionem facit, ne quis dilectionem inimicorum sibi mandari audies, dicere posset: Durus est hic sermo, &c. Per dilectionem igitur mutuam & fraternam paulatim etiam nos ducere vult ad dilectionem inimicorum. Attende igitur inimicum tuum ut hominem & in Christo fratrem, & non videbitur tibi durum aut graue ipsi benefacere, eumque diligere.
- In hoc cognoscimus, quod in ipso manemus, & ipse in nobis: quoniam de Spiritu suo sancto dedit nobis.]*
- Hunc itaque spiritum si in te sentis, certè & tu in Deo es, & Deus in te manet. Sicut enim spiritus corporis nostri omnia membra inter se coniungit & vnit, eque multis vnum corpus efficit: ipse autem non tam in toto corpore, quam in singulis membris habitat & operatur: ita & spiritus Dei nedum nos Ecclesiae fidelium, atque adeo omnibus credentibus, verum etiam Deo vnit & Deum nobis, ut & nos in ipso & ipse in nobis sit, quo quid felicius vel cogitari posset?

Et nos vidimus & testamur, quoniam Pater misit Filium suum saluatorem mundi.]

Hoc verbo Ioannes iterum prudenti cautela utitur, fidem scilicet adiungens & commiscens charitati, ne quia tam magna hic tribuit charitati, suspicari quis posset, ipsum esse oblitum eius, quod in Euangelio suo de fide scripserat. Fidem itaque hic admiscet, ut videamus eum de nulla alia dilectione loqui, quam de ea quæ ex fide provenit, & quod in tota hac Epistola fidem & charitatem à se inuicem seungi & separari nolit. Sicut igitur nemo non fateri cogitur, quod Ioannes neque solam & nudam fidem, neque solam charitatem doceat, sed utrumque simul: sic nemo non videt, quod idem Ioannes multo aliter de fide loquitur, quam hoc tempore plerique faciunt. Obserua quod non semel tantum atque iterum, sed etiam tertio iam commemorauit, quod Deus miserit Filium suum. Ideo autem toties hoc repetit & inculcat, ut eò magis ineffabilem illam Dei erga nos dilectionem aestimare & admirari possimus. Nam ea Dei dilectio diligenter considerata, summam in omnibus aduersis consolationem nobis præstat. Qui enim proprium filium dedit, quomodo non omnia cum ipso donaret? Deinde eadem dilectio etiam nos eò fortius ad charitatem Dei & proximi excitabit. Non igitur frustra toties repetit, Deum misisse Filium suum. Obserua & illud, quod Ioannes quamuis eandem Filij Dei missionem tertio repetat, semper tamen speciale quiddam annectit, quod causam eius missionis nobis insinuat. Primo, inquit, misit Filium suum, ut viuamus per eum. Secundo, misit Filium suum propitiationem pro peccatis nostris. Tertio, misit Filium suum saluatorem mundi. Et hæc igitur summam nobis consolationem præbent. Si enim Deus ideo misit Filium suum, ut per eum viuamus, non est quod timeamus mortem. Si Filius misit propitiationem pro peccatis nostris, non est quod propter peccata nostra desperemus. Si Filium misit ut saluet mundum, certe in eum credentes eique adherentes perire non possumus. Non est igitur cur queramur super huiusmodi repetitione, sed est unde gratias agamus. Quod autem Ioannes se aliosque Apo-

stolos omnium horum testes, non qualescunque, sed oculatos testes asserit, confirmatio est eorum, quæ iam dicta sunt: Vidimus, inquit, & testamur. Conuenit autem cum eo quod in exordio Epistolæ dixit: Quod fuit ab initio, quod vidimus quod audiuiimus, quod manus nostræ contrectauerunt, &c. annuntiamus vobis. Ad eundem modum & in Euangelio suo dicit. Vidimus gloriam eius, &c. Sic & Petrus: Non indoctas fabulas sequuti, annuntiamus vobis Domini Iesu virtutem, &c. sed speculatores facti magnitudinis eius, &c.

Quisquis confessus fuerit, quod Iesus est Filius Dei, Deus in eo manet, & ipse in Deo.]

Hic iterum vides, quomodo fidem & charitatem coniungat. Quod enim prius charitati, hoc nunc fidei ascribit: Dixerat: Qui manet in charitate, in Deo manet, & Deus in eo. Et iterum: Si diligimus, Deus in nobis manet. Nunc autem dicit: Qui credit quod Iesus est Filius Dei, Deus in eo manet, &c. Et quis non ex hoc videt, quod utrumque, hoc est, tam fidem quam charitatem quam coniunctissima esse vult? Magna igitur temeritas sit necesse est, quod aliqui fidem & charitatem tam procul ab inuicem disjungunt, ut alterum moribus teneant, alterum omnino negligant. Si attendere nosti, quod Ioannes hic dicit: Qui credit, &c. Deus in eo manet, &c. cur non attendis, quod idem Ioannes etiam supra dixit: Si diligimus, Deus in nobis manet? An oculus tuus nequam est, tantum ea videns quæ tibi arrident? Aut putas diuum Ioannem sibiipsum non constare, qui quod hic fidei tribuit, superius charitati ascripsit? Erras si hoc de Ioanne suspicaris. Verè enim sobrietatis & veritatis verba loquitur. Fidei ascribit salutem ut radici, charitati autem ut perfectioni. Fides iustificationem incipit, charitas eam perficit & certam reddit.

Et nos cognouimus & credimus charitati Dei, quam habet Deus in nobis.]

Sensus verbi est, Sicut nihil de fide in Christum docuimus, nisi quæ certa, vera & indubitata sunt, sic & vera, certa & indubitata sunt quæ de charitate docemus. Vidimus quod Deus misit Filium suum,

Hhh iij

credimus

credimus etiam quod ex sola charitate eum miserit.

Deus charitas est: Et qui manet in charitate, in Deo manet, & Deus in eo.]

Vel hic vide, quàm efficacibus & penetratiuis verbis Ioannes vtatur in describenda charitate. Quod dulce & iucundum est, hoc sæpius commemorare solemus. Nec dubium est, quin Ioannes tam affectuosè de charitate scribens, singularem aliquam & magnam ex hoc in corde dulcedinem persenserit. Nec aliam ob causam non hic tantum, verum etiam supra: Deum ipsum charitatis nomine appellauit, quàm vt videamus huiusmodi verba non imprudenti sibi excidisse, quin potius omnibus modis inculcatum & infixum nobis esse vult, quod Deus sit charitas, & quod qui in charitate maneat, etiam in Deo maneat, &c. Quid igitur felicius & ditius esse potest homine charitatem habente? Is enim & in Deo manet, & Deum in se manentem habet. Vtrinq; autem vtilitas, & quidem summa ad eum hominem redit. Nam Deus nostri non eget. Ipse nobis dat, nos illi nihil dare possumus. Nihil illi accedit, si in ipso manemus: nec quicquam illi decedit, si in ipso non sumus. Nostra vtrinq; est vtilitas, siue ipse in nobis, siue nos in ipso maneamus. Ipsius enim præsentia & in habitatione, mundamur, cōsolamur, roboramur, conseruamur: ipse infirmis est medicina, cæcis lux, perditis salus, mortuis vita: Dixi (inquit) Domino, Deus meus es tu, quoniā bonorū meorum non eges.

Psal. 15

In hoc perfecta est charitas Dei nobiscum, vt fidutiam habeamus in die iudicij.]

Iterum ascribit charitati, quod aliàs fidei ascripsit, nempe fidutiam & securitatem coram iudicio Dei. Et hanc quidē potissimum præstat fides, quemadmodum Christus ipse testatur: Qui credit in me, in iudicium non venit. Et iterum: Qui credit in Filium Dei, non iudicatur. Nihilominus tamen Ioannes hanc fidutiam ascribit charitati. Vnde iterum colligitur, quod charitatem à fide seiungi & separari nequaquā vult: Imò in his duobus non separatim, sed coniunctim com-

Ioan. 5.

Ioan. 3

prehendit totam summam Christianæ religionis & doctrinæ. In Euangelio quidem ita loquitur de fide, quasi omnia in sola fide consistant: in Epistola autem ita plærūque commendat charitatem, quasi omnia in sola charitate consistant. Cæterum, sicut illic charitatem non excludit à fide, sic nec hic fidem excludit à charitate. Vbicunque enim de fide loquitur, eam solam intelligit, quæ per dilectionē Dei & proximi se exerit & operatur. Ea enim sola, viuā & vera fides est. Vbicūq; autem de dilectione loquitur, eam solam dilectionem intelligit, quæ nedum virtutem & operationem, verum etiam radicem suam & originem ex fide habet. Ideo nunc fidem, nunc charitatem commendat, semper tamen alterum in altero intelligit. Sic cum hoc loco charitati fidutiam & securitatem coram Dei iudicio ascribit, non intelligendum est, quasi charitas sola & citra fidem in Christum hoc possit. Quomodo enim nostra opera ex seipsis tantam securitatem nobis præstare possent, nisi fides & fidutia in Iesum Christum præcedat? Fides igitur & charitas simul & coniunctim, hanc fidutiam & securitatem præstant. Fides vt fundamentum, exordium & radix: charitas autem vt fructus & perfectio. Iam qui fructum & finem alicuius rei commendat, is exordium & radicem non excludit. Et si spiritum charitatis in nobis sentimus, certi sumus, quod fides nostra viuā & efficax est, atque adeo etiā certi sumus, nos securos esse & fore coram iudicio Dei. Vbi enim fides & charitas in homine conueniunt, ibi pace & plena securitate perfruitur conscientia, nec vel timor vel angustia vel desperatio locum habere potest. Huc pertinet quod Christus dixit: Qui credit in me, non esuriat, &c. Et: Qui biberit de aqua, quam ego dabo ei, non sitiet in æternum.

Timor non est in charitate, sed perfecta charitas foras mittit timorem, quia timor poenam habet. Qui autem timet, non est perfectus in charitate.]

Duo contraria Ioannes hic inter se cōfert, timorem & fidutiam, & inter vtrūq; mediam ponit charitatem, vt quæ alterum expellit, alterum confert. Atq; adeo per timorem, hic primò intelligit trepidationem

Ioan. 5
Ioan. 4

dationem & angustiam conscientiae, iteq̃
pusillanimitatem & desperationem cor-
dis. Hic enim est timor, qui reuera pœ-
nam habet, & quidem summam: nihil
enim magis cruciat quàm perturbata cō-
scientia. Charitas autem hunc timorem
secum non patitur, sed eum expellit, quia
fidem, qua Christum vitam, propitia-
tionem, & saluatorem nostrum appre-
hendimus, probat & confirmat, certamq̃
reddit. Quomodo enim timere & trepi-
dare posset, qui credit Christum suā esse
vitam, propitiationem & certissimam
salutem? Cor igitur fidens & conscientia
intrepida, certum signum est, charitatem
in nobis esse perfectam. Deinde etiam il-
lud indicium est perfectæ charitatis, si
Christo conformiter viuamus. Nam &
hoc Ioannes annectit: In hoc (inquit)
perfecta est charitas, non tantū si fidutiā
habemus in die iudicij, sed etiam si ita sus-
mus in mūdo quemadmodum ipse fuit,
hoc est, si ita viuimus & ambulamus, si-
cut ipse ambulauit. Sic enim & sup̃a do-
cuit: Qui dicit se in Christo manere, des-
bet ambulare sicut ipse ambulauit. Potest
autē verbū hoc etiam intelligi de timore.
seruili, vbi videlicet tātum timore dam-
ni aut pœnæ, vel malū vitatur, vel bonū
peragitur. Charitas enim etiam hunc ti-
morem expellit. Nā aliud est timere Deū
aliud timere pœnam: aliud est timere Pa-
trem, aliud timere iudicem. Filius timet
Patrem, simul tamen etiam eū diligit, fur-
timet iudicem, simul autem etiā eū odit.
Et hic igitur seruilis timor est, ille autem
filialis dicitur. Charitas autē filialē timorē
nō expellit, sed omnibus modis fouet: Ti-
mor enim Domini sanctus permanet in
sæculum sæculi. Hic timor vbiq̃ in scri-
pturis cōmendatur, vt cū dicitur: Bea-
tus vir qui timet Dominū, &c. Et Salo-
mon: Time Deū, & obserua eius mādata,
hoc est omnis homo. Et Ecclesiasticus:
Qui timet Deū, nō erit incredulus verbo
eius, insuper & inquirer quæ placita sunt
illi, &c. Et iterum: Qui timet Deum, fa-
ciet bona, &c. Hunc igitur timorem non
expellit charitas, sed seruile illum timo-
rem nō patitur secum. Seruus enim non
manet in domo in æternum, sed filius. Et
lata est sententia: Eijce ancillam & filiū
eius. Non enim erit hæres ancillæ filius
eius, cum filio liberæ. Nec Deus seruos vult

habere, sed filios. Vnde & Paulus: Non
accepimus spiritum seruitutis iterum in
timore, sed spiritū adoptionis filiorū. In-
terim tamen etiam seruils timor ad hoc
nobis prodest, quod per ipsum filialis ti-
mor introducit. Qui enim primò discit
Deum timere vt iudicē, paulatim ad hoc
perducitur, vt etiam discat eū timere vt
Patrem. Huc pertinet illud Psalmi: Inis-
tiū sapientiæ timor Domini. Sicut enim
acus filium introducit in vestem, ita tamē
quod filiū maneat, acus exeat, sic timor
seruils cordibus nostris introducit timo-
rem filialē, ita tamen, quod filialis timor
in corde manet & augetur, seruils autē
subinde magis euanescit.

*Nos ergo diligamus Deum, quoniā ipse
prior dilexit nos.]*

Vno hoc verbo Ioannes omnia quæ
hactenus dixit, complectitur. Diligamus,
inquit. Hoc volo, hoc quæro, hoc inten-
do, charitas Christianum vel maxime
debet & ornat: charitas est virtus illa, quæ
Deo summè placet: charitas est vestis illa
nuptialis, ad mensam nuptialis conuiuij
pertinens, charitas est oleum illud, quo
lampades nostræ fouentur, & conseruā-
tur vsque in aduentum spōsi: charitas est
vnicum illud opus, secundum quod om-
nes homines olim iudicandi sunt: Ergo
(inquit) diligamus. Cæterū inter ea quæ
diligenda sunt, primo loco Deū ponit.
Et merito quidem. Is enim & suapte na-
tura hedū bonus, sed & verum summūq̃
bonum est. Denique & prior nos dilexit,
quo verbo Ioannes iterum, quasi oleū
igni iniiciens, dilectionem nostram exci-
tare & accendere conatur. Nihil enim ef-
ficacius ad accendendum in nobis chari-
tatis ignem, quàm diuinæ erga nos cha-
ritatis diligens & crebra meditatio. Sed
nunquid satis est diligere Deū? Vtiq̃ satis
est, vbi charitas vera est. Qui enim Deū
diligit, præcepta eius seruat. Interim ta-
mē solet se hypocrisis sub hoc prætextu
occultare, vt sint qui persuadeant sibi se
Deū diligere, propterea, quod cū alijs ver-
bū Dei audiūt, cū alijs Deū laudāt, deniq̃
externū cultū promouēt, aut aliud quip-
piam externè pro Dei honore faciunt,
cū tamen interim nedum nihilo meli-
us agant, verū insuper summa iniuria, &
crudelitate proximos afficiāt. Cōtra hos
igitur

Rom. 8

Psalm. 118

Matt. 22

Mat. 25

Ioan. 14

Sup. c. 2

Psalm. 118

Psalm. 118

Eccle. 12

Eccl. 2

Eccl. 15

Ioan. 8

Gala. 4

igitur Ioannes consequenter inuehitur. misit. Qui igitur Deum verè diligit, is

Qui dicit (inquit) quoniam diligo Deum, & fratrem suum odit, mendax est.]

Hic vides, quantum abominetur Ioannes omnem hypocrisim: non vult vt Dei dilectionem verbis iactemus, sed vt opere eam testemur. Sicut enim fidem probari & agnosci vult ex dilectione Dei, ita dilectionem Dei probari vult ex dilectione proximi. Hinc verissimam sententiam subiicit.

Qui enim fratrem suum quem videt nō diligit, Deum quem non videt, quomodo potest diligere?]

Sup.c.3. Si non te mouet quod vides, nunquā te mouebit, quod videre non potes. In eundem modum etiam suprā dixit: Qui habet substantiam huius mundi, & videt fratrem suum necessitatem habere, & claudit viscera sua ab eo, quomodo charitas Patris manet in eo? Si enim id quod magis videtur inesse, nō inest: multo minus id quod minus videtur inesse, inerit. Congruè igitur subdit.

Et hoc mandatum habemus à Deo, vt qui diligit Deum, diligat & fratrem suū.]

Hoc verbo concludit sermonem suū de dilectione, optima certè & conuenientissima conclusione. Idem autem est cum eo, quod Christus dicit: Diliges Dominū Deū tuū ex toto corde, &c. hoc est primum mandatum. Alterum autem, si-
Mat.22 mile huic est: Diliges proximum tuum sicut teipsum. In his duobus mādatis vniuersa lex pēdet & Prophetæ. In eundem modum & Salomon, quæ in Ecclesiaste suo scripserat, vno verbo in fine completitur: Finem (inquit) sermonis omnes
Eccle.12 audiamus, Deum time, & mandata eius obserua, hoc est omnis homo. Pulchrè autem & id ipsum verbum Salomonis cum hoc verbo Ioannis conuenit. Etsi enim Ioannes omnia ad charitatem, Salomon omnia ad timorem Dei referat, non tamen sibi contrariantur: Loquitur enim Salomon non de timore serui, sed filiali, quem charitas (vt supra dictum est) nedum non expellit, verum indiuiduum comitem secum habet, & habere vult. Hunc enim timorem Deus ipse cordibus suorum fidelium se infusurū pro-

certò etiam cum vt filius patrem timeret & obseruat. Et hactenus quidem Ioannes & de innocentia vitæ & de charitate disseruit.

Caput Quintum.



N hoc vltimo capite Ioannes noster ostēdere vult, quomodo intelligenda sint quæ hactenus de charitate vitæ Christiana docuit. A fide

de exorsus est Epistolam, è fide docuit charitatem & Christianam vitam. Nunc in fine etiam totam Epistolam in & cum fide concludit, nimirum docere nos volens, vt omnia quæ agimus, finaliter in Deum dirigamus, imò etiam si fecerimus omnia quæ nobis præcepta sunt, tamen seruos inutiles nos reputemus, ac cum Dauide dicamus: Non nobis Domine, non nobis, sed nomini tuo da gloriam, super misericordia & veritate tua, &c. Atque hinc etiam nobis petēdus est, verus modus & forma Christianè docendi, vt videlicet primò fides, deinde bona opera doceantur, & ea tamen ipsa iterum in fidem & fidutiam meritorum Christi dirigantur. Sunt enim qui fidem egregiè quidem docent, verum charitatis & bonorum operum nulla vnquā apud ipsos fit mentio. Atqui Deus non tantum à suis exigit honorem, verum etiam obedientiam: Quid (inquit) dicitis mihi Domine, Domine, & non facitis quæ dico? Sunt alij qui post fidem & cum fide strenuè etiam opera bona vrgent, verum quia non simul docent in quem finem ea ipsa opera dirigenda, & quantum ipsis tribuendum sit, causam præbent, quod simpliciores plerique in opera sua confidunt, sicq; in arenam ædificāt. Neutri igitur veram Christianè docendi formā modiq; tenent. Eo diligentius à Ioanne huius exemplum petendum est. Quod autem idem Ioannes in commedatione & prædicatione fidei in Christum, Epistolā hanc suam concludit, primò se verum Christi Apostolum probat, ad cuius officij pertinet, nedum post fidem opera bona docere, verum etiam ostendere, quod ea opera non

Luce.17
Psal.115

Luce.60

non aliunde suam vim, virtutem, radicē danū, sed cælestē, qui suos ē peccato, mor- & originem habeant, quā ex fide. Et te & tyrannide diaboli liberare, cæloque hoc quidem vel maximē necessarium inferere possit: & sacerdotem, qui vnico est. Nam alias etiam Philosophi multa suo sacrificio aeternā nobis redemptio- de virtutibus tradiderunt, quæ tamen nem inuenerit, adeoque proprio sanguine suo in tabernaculum illud suum, non omnia, quandoquidem ex fide non pro- manufactum, cælum videlicet intrauerit, cedunt, mortua sunt, nec quicquā pro- vt assistat vultui Dei pro nobis, cuique desse possunt. Deinde etiam ideo Ioannes ab eo die data sit omnis potestas in cæ- in fine Epistolæ virtutem fidei paulò la- lo & in terra, nomenq; supra omne no- tius explicat, quia etsi hactenus sæpe & men, vt in nomine Iesu huius, omnia om- fidei & meritorum Christi, redemptio- niū in cælo, terra, & subtus terram viuen- nisq; & reconciliationis per eum factæ tium genua flectenda sint. Hoc (inquam) mentionē fecerit, in negotio tamen cha- est credere quod Iesus sit Christus. Hoc ritatis versans, plenum aliquid & perfe- credidit & confessus est Petrus cū dice- ctum de his rebus differere non potuit: ret: Tu es Christus, Filius Dei viui. Hoc ideo vel nunc in fine, etiam fidei negotiū vt & nos credere possemus, Ioannes hic aliquanto fufius tractat, ne quis ei obij- noster totum Euangelium suum scri- cere possit, quod fidei, quam in Euan- psit: Hæc (inquit) scripta sunt, vt cre- gelio tantopere commendasset, oblitus, datis quod Iesus est Christus, & vt cre- nunc nihil nisi opera doceat. dentes vitam habeatis in nomine eius.

Hebr. 9.

Matt. 28

Phil. 2

Matt. 16

Ioan. 20

Mat. 16

Ioan. 1

Rom. 5.

Rom. 10

Mar. 11

*Omnis qui credit, quod Iesus est Chri-
stus, ex Deo natus est.]*

Hoc verbo diuus Ioannes & caput fi- dei nostræ exprimit, & simul etiam sub- indicat, eam fidem, de qua loquitur, non esse otiosam aliquam qualitatem in ani- ma residentem, sed viuam & efficacem Dei virtutem & operationem, ē qua duo illa maxima, de quibus hactenus egit, innocentia scilicet vitæ & charitas, nas- cantur. Cæterum, illud quod Ioannes hic primo loco ponit, & quasi caput, non tantum fidei nostræ, sed etiam omnis bo- ni pronuntiat, leuiculum videtur igno- rantibus vim verborum. Quis enim non sibi ipsi persuadet, se credere quod Iesus sit Christus? Atqui vis omnis in hoc vo- cabulo (Christus) sita est & consistit. Christus autem Hebræis Messias, nobis vnctus interpretatur. Idem igitur sunt & sibi volunt hæc tria vocabula. Ad- monemur autem his vocabulis vnctio- nis illius, quæ olim in & sub lege sacer- dotibus & regibus conferebatur. Crede- re igitur, quod Iesus ille Nazarenus vera- citer Christus, Messias, & vnctus ille sit, est credere eum & sacerdotē & regē esse: nec tamen qualemcunque, sed qualem eum scriptura depingit, & Prophetæ præ- dixerunt, & eum quem Deus ipse regem constituit super Sion montem sanctum suū, vnctū oleo lætitiæ præ participib; suis. Regē (inquā) nō terrenum aut mun-

con.

Luc. 4 confessus est, dæmones autem inuiti & coacti, imò & odientes Christum confessi sunt. Ideo Petri confessio commendatur, dæmonum autem reprobat: In crepans (inquit) non sinebat eos loqui. Itaque non ex verbis, sed ex fide confessio hæc vim & laudem suam habet,

Et omnis qui diligit eum qui genuit, diligit & eum qui natus est ex eo.]

Galat. 5 Ex dilectione ergo probatur, qui verè credant & confiteantur Christum. Charitas enim est opus fidei: Nam fides per dilectionem operatur. Per fidem efficiamur filij Dei: Filius autem diligit Patrem, & simul etiam omnes, qui secum ex eodem Patre progeniti sunt. Horum primus est Christus, secundum diuinitatem vnigenitus, ex Deo ante secula nat⁹. Huic per adoptionem adiuncti sunt omnes credentes, vt sit ipse primogenitus in multis fratribus. Qui igitur Deum Patrem diligit, & Christum & omnes credentes diligit, tanquam ex eodem patre genitos. Hinc igitur iterum videre licet, fidem non esse otiosum quid in homine latens, sed viam quandam virtutem, quæ nunquam non se exerit, vbicunque occasionem habet & inuenit.

In hoc cognoscimus, quoniam diligimus natos Dei, cum Deum diligimus, & mandata eius seruamus.]

Latius declarat quod dixerat, propter eos qui nimium sibi ipsis credunt & persuadent, se habere quod non habent. Vult autem quod sola dilectio Dei probet in nobis esse veram fidem, itidem & dilectio proximi, probet in nobis esse dilectionem Dei. Duo igitur signa diuinæ dilectionis hic ponit Ioannes. Primum, si diligamus filios Dei: tam naturalis videlicet quam adoptiuos. Secundum, si præcepta Dei seruamus. Obseruandum hic, quod Ioannes prius in singulari, quasi de vno filio Dei, locutus est: Qui diligit, inquit, eum qui genuit, diligit & eum qui natus est ab eo. Hic autem loquitur in plurali de filiis Dei, quasi de multis: In hoc, inquit, cognoscimus, quod diligimus natos Dei, nimirum manifestè alludens ad illud Pauli, quod Christus sit primogenitus in multis fratribus.

Quanta autem gratia, imò quanta gloria est, quod Filius Dei nedum bona sua, verumetiam nomē suum nobis communicat? Vade (inquit) dic fratribus meis, Ascendo ad Patrem meum & Patre vestrum, &c. Et Paulus: Non confunditur, inquit, eos vocare fratres suos. Ad perpetuam igitur consolationem nostram Ioannes hic vnigenito Filio Dei adoptiuos nos coniungit, ne vnquam de Dei erga nos dilectione dubitemus. Deinde etiam docere voluit, quod hæc tria inseparabiliter sibi inuicem connexa sint & cohæreant, Deus, Christus, & Ecclesia seu vniuersitas credentium, adeo vt qui vnum ex his vel diligit vel odit, omnia diligit aut odit. Huc pertinet quod Christus ait: Qui vos recipit, me recipit: & qui me recipit, recipit eum qui me misit. Et in alio loco: Qui vos spernit, me spernit: & qui me spernit, spernit eum qui me misit. Itemq: Cognoscetis quod ego in Patre, & vos in me, & ego in vobis. Et iterum: Pater, volo, vt sicut tu in me, & ego in te, ita & ipsi in nobis vnum sint, &c. Hinc & Paulus: Vos, inquit, estis Christi, Christus autem Dei. Et iterum: Caput viri Christus, caput autem Christi Deus. Hinc & Christus eos qui in se credentes diligunt, etiam suos dilectores agnoscit: Quod, inquit, fecistis vni ex minimis istis, mihi fecistis. E diuerso autem Ecclesiae & membrorum suorum persecutorem Saulum, vt in se contumeliosum, etiā à caelo increpat: Saule, Saule, inquit, quid me persequeris? Ex hoc arguit Donatus. Augustinus vehementer urget Donatistas suos, atque adeo etiam quoscunque alios Hæreticos & Scismaticos, qui se iactant de fide & dilectione Christi, cum interim perniciosissimè Ecclesiam Christi scindant, lacerent, rideant, contemnant, blasphemant, persequantur & scandalizant. Qualis autem fides & dilectio esse potest, Christum adorare, & ore tenus predicare, corpus autem & membra eius persequi, Caput Christi osculari, & pedem eius calcare? Nonne enim etiam pes ad corpus & caput pertinet? Quis ferret osculum sibi caput, qui simul etiam pedem ei calcaret? Quanto minus Christo placebit, quod simulata fide eum adoras, & fucatis verbis eum glorificas, si non vnum eius membrum, non pedem, sed totum eius

eius corporis, totam Ecclesiam conculces, legem non implet. Non enim coactum
 dissipas, rumpas! In hunc modum plura & inuitum, sed hilarem diligit Deus. Cae-
 Augustinus contra Donatistas, quæ non terum, qui asserunt etiam Christiano res
 minus competunt in Schismaticos non generato & credenti præcepta Dei obser-
 stri temporis, qui Christum semper in uatu impossibilia esse, primum indiscre-
 ore habent, Ecclesiam autem summè cõ- tẽ loquuntur, quia per hoc simplices
 temunt: veruntamen non cõtra solos à præceptis Dei retrahunt. Nemo enim
 Schismaticos, verũ etiam contra quos- facillẽ rem aggreditur, quam audit sibi im-
 cunq̃ pseudochristianos hæc verba ob- possibilem. Deinde etiam apertè falsum
 seruanda sunt. Et hi enim quantumvis se dicunt, Nam qui in Christum credit, is
 iacent de fide & dilectione Christi, intẽ accipit Spiritum sanctum, per quẽ chari-
 rim tamen non cessant eos, qui membra tas in cor eius diffunditur, quæ & om-
 Christi sunt, fraudare, grauare, opprime- nium præceptorum (vt iam diximus) si-
 re, persequi, &c. Sciant igitur, quod quic- nis & impletio est. Credenti igitur omnia
 quid mali proximis inferunt, in ipsum possibilia sunt, vt Christus ipse dicit. Et
 Christũ, & Deũ Patrẽ se peccare. Quod Paulus dicit se omnia posse in eo, qui ip-
 autem Ioãnes etiam obseruantiam man- sum confortat. Longè igitur aliter lo-
 datorum Dei, dicit esse alteram notã & quendum est de incredulis, quàm de
 signum diuinæ dilectionis, iã supra satis credentibus. Quod autem credenti-
 ostensum est. Cæterum quod annectit, bus præcepta Dei nedum non impos-
 Et præcepta eius grauiora non sunt.] sibilis, sed ne grauiora quidem sint, testa-
 tur ipse Christus, qui iugum suum suau-

2. Cor. 9

Mat. 17
Phil. 4Mat. 17:
Deut. 30

1. Co. 13

Psal. 16

Plurisque huius temporis ceu para-
 doxũ aliquod videbitur, qui nouo quo-
 dam dogmate sibi ipsis persuaserunt præ-
 cepta Dei non modò carnalibus grauiora,
 verum etiam omnibus hominibus, quan-
 tumcunq̃ etiam pijs, obseruatu prorsus
 impossibilia esse. Et quidem si de incre-
 dulis sermo esset, planè cõstaret illud do-
 gma. Illis enim, quia fidẽ non habent, verè
 impossibilia sunt præcepta Dei. Nã quia
 fidem non habent, nec spiritum Sanctũ
 habent: Vbi autẽ deest Spiritus sanctus,
 illic nec charitas est: ea enim per solum
 spiritum diffunditur in corda nostra. Cha-
 ritas autem sola implet legem & præce-
 pta Dei: Finis enim legis est dilectio, ait
 Paulus. Et qui proximum diligit legẽ im-
 pleuit. Nam nõ adulterabis, Nõ occides,
 &c. & si quod est aliud mandatum, in hoc
 verbo instauratur, Diliges proximũ tuũ.
 Et Christus ipse: In his duobus mandatis
 vniuersa lex pendet & Prophetæ. Qui
 igitur charitate vacuus est, nullum man-
 datũ implet. Vnde & ipsis Iudæis Chris-
 tus improperat, quod legem quidẽ acce-
 pissent, nemo autem ex eis legem faceret
 aut obseruaret. Et Petrus legem nominat
 onus importabile, propterea quod tem-
 pore legis spiritus nondum erat datus,
 atque adeo nec charitas in cordibus ho-
 minum diffusa. Solo igitur spiritu seruis
 tutis & timoris ducebantur, qui spiritus

Omne quod natum est ex Deo, vincit
 mundum. Et hæc est victoria quæ vincit
 mundum, fides nostra.]

Iij

Hic

Hic primò videmus Ioannem verè dixisse, quòd præcepta Dei grauià nō sint. In seipſis enim verè grauià non sunt credenti & amanti. Quòd autem grauià videntur, facit mundus, caro & diabolus. Nam mundus offert & obijcit appetibilia, diuitias, honores, voluptates, gaudia, &c. Caro appetit quæ sibi conueniunt, refugit quæ sibi disconueniunt: diabolus autem crucem & persecutiones, nihilque non malorum excitat contra credentes. Atque hinc est, quòd præcepta Dei grauià videntur. Quid autem dicit Ioannes? Omne quod natum est à Deo, vincit mundum, hoc est, incitamenta mundi, atque adeo etiam & tentationes carnis & malitià diaboli. Vincit autē non propria virtute, sed per fidem: Hæc, inquit, est victorià quæ vincit mundum, fides nostra. Merito autem fidei hæc victorià tribuitur, quia fides innititur ei qui omnia potest. Huc pertinet quod & suprà ex Paulo adduxi: Omnia possum in eo qui me confortat. Et quod Christus ipse dicit, credenti omnia esse possibilia, adeò vt etiam montes transferre possit. Itēq; contra petram fidei nec portas inferorū vnquam præualituras. Huc pertinet exempla patrum, quæ Paulus adducit in epistola ad Hebræos: Sancti, inquit, per fidem vicerunt regna, operati sunt iustitiā adepti sunt repromissiones, obtinuerunt ora leonum, &c. Fides enim in omnibus aduersis suggerit consolatio-
Phil. 4
Mar. 11
Matt. 16
Heb. 11
Mat. 19
Mat. 5
Rom. 14
1. Pet. 5
Ioan. 15

nes. Amittenti temporalia, suggerit: Thesaurum habes in cælo. Perferenti paupertatem, exilium, &c. dicit: Pater tuus in cælo scit quibus rebus indigeas. Persecutionem patienti, dicit: Tuum est regnum cælorum. Morienti dicit: Siue viuimus, siue morimur, Domini sumus, &c. Fide igitur omnia vincimus. Ideo & Petrus vult, vt fide aduersario nostro diabolo resistamus. Obseruandum autē hic, quàm ordinatè Ioannes omnia proponat. Primò enim nominat filios Dei, vel quod ex Deo natū est. Deinde mundum. Tertiò, quodnam inter hæc duo fortius sit. Quarto, in quo consistat illa fortitudo. Quintò, quæ sit illa fides, qua vincitur mundus. Per Christū igitur, qui vnigenitus filius Dei est, efficimur & nos filij Dei, vt suprà ostensum est. Propter Christum odit nos mundus: Si de mūdo

essetis, inquit, mundus quod suum erat diligeret: sed quia ego vos è mundo vocauī, ideo odit vos mundus. Sicut autē propter Christū odium mundi patimur, sic in Christo & per Christum mundum vincimus. Atq; in hunc modum & patiendo & vincendo, efficimur conformes imaginie eius. Vincimus autem sola fide in ipsum Christum: Confidite, inquit, ego vici mundum. Huc pertinet quod sequitur.

Quis est autem qui vincit mundum, nisi qui credit, quòd Iesus est filius Dei?

De hac fide sola loquitur Ioānes. Sola etiam hæc & nulla alia vincit mundum. Itaq; si credis quòd Christus iustitia nostra est & propitiatio, non te angustia bunt peccata: Si credis Christum esse vitā, nō te terreat mors: Si credis Christū mūdo fortio rem, non curabis odium mūdi: Si credis Christum esse cæli & terræ Dominum, non timebis exilium: Si credis Christum esse filium Dei, non timebis filios hominum, &c. Quis est, inquit, qui vincit mundum? &c. Sic igitur diuisio Ioānes fidei duo hæc cōnectit & substituit: dilectionem videlicet Dei & proximi, & victoriā mundi. Ex his enim duobus fides probatur esse vera & viuā. Ea autem fides, quæ se nec per charitatem exerit, nec mūdo vincit, sed à mundo & carne vincitur, nec viuā, nec vera fides est. Non igitur satis est dicere, Credo. Nam & diabolus credit & contremiscit. Imò, qui diligit se credere in Christum, nec tamen diligit, & insuper etiam vinci se patitur à concupiscentijs mundi & carnis, ex illis est, de quibus Paulus ait: Confitētur se nosse Deum, factis autem negant.

Hic est qui venit per aquam & sanguinem Iesus Christus. Non in aqua solum, sed in aqua & sanguine.]

Hic Ioannes redit ad institutum suū. Incœperat in exordio huius vltimi capituli summam & capud fidei nostræ proponere, nempe Christum esse vitā & salutem nostram. Hoc igitur nunc latius probare vult. Pulchris autem vtitur argumentis, quibus probat Christum esse verum & vnicum mundi seruatore. Hoc primum est, quòd dicit eum venisse per aquam & sanguinem. Per aquā aliqui

Rom. 8
Ioan. 6
Jacob. 2
Tit. 1

intelligunt baptismum, quē & Christus prior suscepit, & deinde etiam nobis instituit: per sanguinem autem ipsius mortem. Christus igitur venit per aquam & sanguinē, hoc est, baptismū suscepit & instituit in remissionē peccatorum nostrorum: deniq; & seipsum Deo Patri in cruce obtulit ad reconciliationem nostram. Et ex duobus his probatur & conuincitur esse verus & vnicus seruator mundi. Baptizari voluit, vt innocentiam nobis restitueret; mori voluit, vt viam ad immortalitatem nobis aperiret. Aliqui sic intelligunt verbum hoc: Hic est qui venit per aquam, hoc est, congregauit sibi populum (nam aquae multae significant populos multos). Non solū autem per aquam venit, hoc est, homines sibi aggregauit, verumetiā per sanguinem, hoc est, eos etiam ad se congregatos homines & populos à morte redemit, atque adeo longe maiora potuit & effecit, quā Moyses. Nam & ipse venit quidem per aquam, hoc est, aggregauit sibi populum Israëliticum: verum non venit per sanguinem: nec enim à morte aeterna eos redimere potuit, imò nec ex Aegypto ipsos liberare potuit, nisi sanguine alieno, agni scilicet immolari, qui Christū figurabat. Alij aquam & sanguinem intelligunt, de duobus Sacramentis, Baptismo videlicet & Eucharistia. Nam & ex hoc certo conuincitur, Christum esse verum & vnicū saluatorem mundi, quod nedū in baptismo credētes in se, à peccatis lauat, verum in super etiam corpore & sanguine suo eos pascit. Alij per aquam intelligunt diuinā illam & caelestem doctrinam & sapientiam, quā Christus nobis attulit. Ea enim non incongruē per aquam significatur, propterea, quod in se munda est, & insuper nos & reficit & consolatur: denique & è supernis fluit, nec fluere cessat vsq; in finem mundi. Et sicut ex aqua fermē omnia viuētia nascuntur, vegetantur, conseruantur, sic & nos caelesti illa doctrina & verbo Dei regeneramur & vegetamur: Voluntariē, inquit, genuit nos verbo veritatis. Et, Non in solo pane viuit homo, sed in omni verbo quod procedit de ore Dei. Christus igitur per aquam venit, quia caelestem nobis doctrinam attulit: venit & per sanguinem, quia pro nobis seipsum obtulit hostiam Deo in

odore suauitatis: venit nedū vt doctor, verumetiam vt redemptor. Atque in hoc longē excellit Moysen, qui & ipse quidem doctor fuit, & caelestem doctrinam attulit, legem scilicet, verū non fuit redemptor, non potuit à peccatis redimere eos quos docebat. Per solam igitur aquam venit, non per sanguinem, atque hoc est discrimen inter Moysen & Christum. Vterque enim per aquam vel cum aqua, hoc est, caelesti doctrina venit: At solus Christus per aquam & sanguinem venit, solus & docere & redimere potuit.

Et spiritus est qui testificatur, quod Iesus est Veritas.]

Ad maiorem confirmationē fidei nostrae, etiam alia testimonia adfert Ioānes, & quidem plura. Spiritus autem, de quo Ioannes hic loquitur, vel est Spiritus ille sanctus, qui in specie columbae super Christum apparuit, dum baptizaretur. Per hunc enim Ioannes certificatus fuit, hunc Iesum esse Christum & Messiam: vel est Spiritus ille sanctificationis, qui Iesum suscitauit à mortuis. Nam & per hunc Paulus dicit Christum declaratum esse filium Dei. Vel est energia illa & vera diuina virtus, quae in Christo, omnia busque quae agebat & docebat, operabatur: adeo, vt quod instituebat, nemo impedire potuerit, quemadmodum & discipulis dicebat. Ego dabo vobis os & sapientiam, cui non poterunt resistere & contradicere omnes aduersarij vestri. Et Gamaliel: Si ex Deo est negotium hoc non poteritis ipsum impedire, &c. Et hic igitur spiritus vel energia, testimonium apertissimē perhibet, quod Christus est Veritas, hoc est, quod nihil in eo fictum, fucatum, aut dubium, sed omnia in ipso vera, certa, indubitata & infallibilia sunt: In ipso enim omnia sunt, Amen & etiā. 2. Cor. 1

Quoniam tres sunt qui testimonium dant in caelo, Pater, & Verbum, & Spiritus sanctus. Et hi tres vnum sunt.]

In ore duorum aut trium testium stabit omne verbū, ait Moyses. At Christus non duo tantum aut tria, verum sex testimonia habet: tria è caelis, tria à terris. Testatur de ipso Pater, cū dicit: Ij ij Hic

Mat. 27

Ioan. 1

Rom. 1

Luc. 21

Act. 5

2. Cor. 1

Deut. 17

Hic est Filius meus dilectus, in quo mihi complacui. Testatus est Christus de seipso, primum omnipotenti verbo suo, quo nihil non potuit. Deinde etiam miraculis quam plurimis: Et si ego, inquit, testimonium perhibeo de meipso, testimonium meum verum est, quia solus non sum, &c. Hinc & aduersarios suos ad miracula sua dirigit. Si mihi (inquit) non creditis, operibus credite, &c. Itemque: Opera quae ego facio, illa testimonium perhibent de me. Et iterum: Si non facio opera Patris, nolite credere mihi, &c. Spiritus autem sanctus de Christo testatus est, primo cum super ipsum apparuit in specie colubae. Secundo, cum in transfiguratione apparuit in forma nubis lucidae. Tercio, cum super discipulos apparuit in igneis linguis, ipsosque ita accendit, ut publice praedicarent Christum esse verum Messiam & saluatorem mundi. An non autem ingentia & fide digna sunt testimonia haec? Et hi tres, inquit, vnum sunt, non tantum in natura, sed quia vniuniformiter Christo testimonium perhibent.

Et tres sunt qui testimonium dant in terra: Spiritus, aqua, & sanguis. Et hi tres vnum sunt.]

Haec tria testimonia etiam supra posuit, verum repetit ea ad maiorem confirmationem. Quanquam aliqui priora illa testimonia referant ad diuinitatem Christi, haec autem posteriora ad eius humanitatem, testimonium, inquam, Patris, Spiritus sancti, & verbi vel operum, quae virtute omnipotentis verbi facta sunt, probant Christum esse verum Deum. At Spiritus, quem Christus moriens in manus Patris tradidit, itemque sanguis & aqua, quae de latere eius profluxerunt, testatur ipsum verum fuisse & esse hominem. Omnia autem haec testimonia inter se conueniunt: Alioqui, si inter se dissiderent, nihil probareretur. Ideo utrinque addit: Et hi tres vnum sunt. Pater igitur, Verbum, & Spiritus sanctus testantur, Christum non solum esse hominem, verum etiam Deum: Spiritus autem, aqua & sanguis testantur eum non solum esse Deum, verum etiam hominem. Et talis etiam nobis necessarius erat Saluator, qui ut verus homo pro peccatis nostris mori posset, & ut verus Deus a mortuis resurgere, remissionemque peccatorum, Spiritum

sanctum, vitam, iustitiam & salutem committere posset. Solus autem Christus haec testimonia habet, ideo & solus ipse verus Saluator noster est, nec est in alio aliquo salus. Non enim est aliud nomen, sub caelo datum hominibus, in quo oporteat nos saluos fieri, nisi nomen Iesu. Atque hic vide, quanta sit certitudo fidei nostrae. Nulla enim alia fides tot & tanta habet testimonia. Caeterum, quemadmodum Christus testimonium habet ex caelo & in terra, quod solus ipse sit verus & vnicus Saluator mundi, sic & Christianus quisque eadem testimonia habet, se esse filium Dei. Hoc enim testatur Deus Pater, cum dicit: Erunt mihi in filios & filias, & ego ero eis in Patrem. Hoc ipsum testatur & Christus, cum dicit: Scit Pater vester in caelis, quod his omnibus indigetis. Itemque: Ipse Pater amat vos, &c. Insuper & Spiritus sanctus testimonium perhibet spiritui nostro, quod sumus filij Dei, facitque ut clamemus, Abba, Pater. Hoc idem (quod videlicet filij Dei sumus) testatur etiam Baptismus, quod abluti sumus in nomine sanctae Trinitatis, Sacramentum corporis & sanguinis Christi, quo pascimur: & Spiritus sancti instinctus, quem interne sentimus. Quid igitur Christiano homine beatius, qui tanta testimonia habet!

Si testimonium hominum accipimus, testimonium Dei maius est.]

Argumentum à minori. Si hominibus adhibetur fides, de quibus scriptum est: Omnis homo mendax, hoc est, qui fallere & falli possunt, quanto magis Deo adhibenda est fides, qui ipsa veritas est, & cuius verbum in aeternum permanet. Non enim est Deus ut homo, qui mentiri possit. Non, inquit, reuertetur verbum meum ad me vanum.

Qui credit in filium Dei, habet testimonium Dei in se.]

Hoc est, non innititur homini, sed Deo: non rei dubiae, sed certissimae & infallibilis veritati, atque adeo non in arenam, sed supra firmissimam petram aedificat.

Qui autem non credit, mendacem facit eum, quia non credit in testimonium, quod testificatus est Deus de Filio suo.]

Credere Christum esse filium Dei, ut summam homini

homini adfert vtilitatem, & Deū quoque summo afficit honore: ita & nolle credere, Christum esse Dei filium, & certam affert homini perniciem (qui enim non credit, iam iudicatus est) & Deo summam irrogat ignominiam, quia mendacem eum facit. Summum enim exhibet honorem Deo, qui infallibilem ei veritatem tribuit, & tota fiducia verbo eius innititur. E diuerso, summè Deum contemnit, qui de verbo & veritate eius dubitat. Hinc itaque est, quod fidei tantū tribuit Scriptura: Qui me, inquit, glorificat glorificabo eū: At fides glorificat Deū, dum ei certissimam veritatem tribuit. Credentem igitur etiam Deus glorificat, remissione peccatorum, & varijs donis gratiarum. Qui autem Deum dignum non iudicat, cuius verbis securè credi possit, is verè Deum inhonorat, atque adeo nec honoratur, sed in ignominia & peccatis perire permittitur: Qui me contemnunt, erunt ignobiles.

Et hoc est testimonium, quoniam vitam æternam dedit nobis Deus. Et hæc vita in Filio eius est.]

Hic tandem diuus Ioannes Epistolam suā cōcludere, & quæ dixerat, in epilogū cōtrahere incipit. Summa autem omnium quæ dixit est, quod credentes in Christū certò vitam habemus, neque tamen per alium quàm per Christum. Atque adeo in hac sua conclusionē, idem Apostolus fructus fidei recenset. Horum primus est vita æterna. Vita enim æterna in Filio Dei est: ergo qui Filium Dei habet, etiam vitam æternam habet: In ipso enim inhabitat omnis plenitudo diuinitatis. In ipso ab æterno vita erat: Ipse est via, veritas, & vita, itemque & resurrectio: In ipsum igitur omnis gloria referenda est, & referri debet.

Hæc scribo, vt sciatis, quoniam vitam habetis æternam, qui creditis in nomine filij Dei.]

Repetit quæ dixerat, vt magis animis nostris inhæreant. Hæc enim duo vel maximè nobis inculcata vult, quod per fidem vitam habeamus, idque per solum Christum. Nemo igitur quicquam sibi ipsi ascribat. Christus factus est nobis à Deo iustitia, sanctificatio, & redemptio: Absit igitur, vt in aliquo alio gloriemur,

præterquam in cruce Domini Iesu Christi. Hæc igitur scire, summa Christianorum sapientia est, qua maior vtiliorue ne cogitari quidem potest: Cōfiteor, inquit, tibi Pater & Domine cæli & terræ, quia abscondisti hæc à sapientibus & prudentibus huius seculi, & reuelasti ea paruulis.

Et hæc est fiducia, quam habemus ad Deum, quia quodcunque petierimus secundum voluntatem eius, audit nos.]

Alius fructus fidei, certa scilicet fiducia, quod à Deo exaudiamur in orationibus, id quod & Christus ipse non semel credentibus, & quidē cum iuramento, promisit: Amen, amen, inquit, dico vobis, si quid petieritis Patrem in nomine meo, dabit vobis. Quæadmodū enim qui Christum habet, vitam habet, propterea, quod Christus ipse vita est, ita & qui Christum habet, etiā oīa à Deo impetrat, propterea, quod solus ipse est, in quo Deus summè sibi complacet. Et quid maius vel optare quidem posset homo? Addit tamen, Si secundum voluntatem eius, hoc est, si quæ bona & sancta sunt, petamus. Nam voluntas eius bona & sancta est. Hanc ipsam autem fiduciam, imò certitudinem impetrandi à Deo quæcunque petimus, iterum atque tertio quoque repetit, ad maiorem videlicet confirmationē: Scimus, inquit, quia audit nos, quicquid petierimus. Et Scimus, quoniam habemus petitiones, quas postulamus ab eo: vt vel hic videas, quantum in fide nobis situm sit.

Qui scit fratrem suum peccare, peccatum non ad mortem petat, & dabitur ei vita, peccanti non ad mortem.]

Vel hic vides, quantum possit coram Deo, qui in Christum credit. In fide enim orans, non sibi tantum, verum etiam alijs impetrat vitam, & quod plus est, etiam peccatoribus, verum tamen ijs tantū, qui etsi peccant, non tamen ad mortem peccant, hoc est, nō ex malitia aut contemptu Dei, non ex obstinatione aut desperatione, sed vel ex ignorantia aut infirmitate humana, & quorum peccatum non diabolicum, sed humanū est. Sic Moyses etiā peccanti populo, & Stephanus sæuienti Saulo impetrauerunt vitam.

Est peccatum ad mortem, non dico, vt pro illo roget quis.]

Iij iij

Ad mortem

Galat. 6

Mat. 17.

Ioan. 16

Mat. 17

Mat. 17

Mat. 17

Colof. 2
Ioan. 1
Ioan. 14
& 11.

Exo. 32

Acto. 7

1. Cor. 1

Ad mortem peccat, qui non ignoranter, sed scienter, obstinatē & perseveranter peccat, adeoque de peccatis non poenitet: ut etiam veritati reclamet, hoc est, peccatum ad mortē, peccatū nō humanū, sed diabolicum: peccatum in Spiritum sanctum, quod neq; in hoc, neq; in futuro saeculo dimittetur. Vnde & Ioannes non vult, ut pro huiusmodi oremus, cui consonat & illud Christi: Sinite illos, cæci sunt, & duces cæcorum. Itemq;: Si frater peccans, neq; te, neque Ecclesiā audierit, sit tibi sicut Ethnicus & Publicanus. Huc pertinet & illud Pauli: Hæreticum hominem post vnam aut alteram admonitionē deuota. Et illud Christi: Si nō receperint vos, etiā puluerē qui adhæsit pedibus vestris excutite, in testimonium illis. Cur enim pro illis orādum esset, qui pro se orari nolunt: aut quid illis daret Deus, qui eum cōtemnunt, ac dona eius respiciunt? Peccant quidem etiā pī, & interdū admodū grauitur, ut in Dauide videmus, 2. Reg. 11. verum non peccāt ad mortem. Quia etsi septies in die cadat iustus, tamen resurgit, Pro. 24. adeoque etiam cadens nō colliditur, quia Psal. 36. Dominus supponit manum suam.

Scimus, quoniam omnis qui natus est ex Deo, non peccat: sed generatio Dei conseruat eum, & malignus non tangit eum.

Non peccat, videlicet ad mortem, hoc autem non habet ex seipso, sed ex eo, quod per fidem & Baptismum regeneratus est in filium Dei. Hæc enim regeneratio conseruat eum: nā fide efficitur filius Dei, fide mundatur à peccatis, fide cōseruatur in adepta iustitia, fide vincit mundum, carnem, & diabolum: fide etiā post lapsum resurgit, ideò nec Satan eum tãgere potest. Tentare quidē potest & auferre etiam pios. Sic enim & Christum ipsum tentare ausus fuit: denique etiā interdum ad casum impellit iustos, quemadmodum videmus in Dauide & Petro: finaliter tamen, quemadmodum nihil in Christo habere potuit, sic nec sanctis praeualere potest. Nemo enim Christo oues suas ē manibus rapere potest. Vnde & Ioan. 14. iturus ad passionem, omnes in se credentes Deo Patri commendauit. Ioan. 10. Ioan. 17.

Scimus, quoniam ex Deo sumus, & mundus totus in maligno positus est.

Magnum inter credentes & nō credentes discrimen facit. Illi ex Deo sunt, ideò non peccant. Mundus in maligno positus est, ideò non potest nō peccare. Ego quod apud Patrem meum vidi (ait Christus) hoc facio. Vos autem quæ apud patrem vestrum vidistis, facitis. Ille erat homicida ab initio, & in veritate non stetit, &c.

Scimus, quoniam Filius Dei venit, & dedit nobis sensum, ut cognoscamus Deum verum, & simus in vero Filio eius. Hic est verus Deus, & vita æterna.

Conclusio est omnium quæ dixit, & summa totius Christianæ doctrinæ, scire videlicet, quod Christus venit, & quod per ipsum agnouimus & verum Deum, & quæ sit vera religio: Insuper & quomodo in ea religione viuendum sit: Hæc est, inquit, vita æterna, ut cognoscant te solum Deum, & quē misisti Iesum Christum.

Filioli, custodite vos à simulachris.

Hunc appendicem non incongruē nec sine causa annexuit Epistolæ suæ: quia enim docuerat vnum & solum verum Deum esse, qui & seipsum in Filio suo manifestauit, & per eū nos docuit, quod verus Dei cultus in fide, spe, & charitate, itemque puritate & sanctitate vitæ consistat: necessariò nunc monet, ut in ea fide & vero Dei cultu permaneamus, & ab omni idololatria caueamus. Sic igitur in tota hac Epistola, Ioannes duo hæc nos docere voluit, quod videlicet vnus tantum est verus Deus, & vna tantum vera religio. Iesus Christus cum Patre & Spiritu sancto vnus & verus est Deus: Christiana autem religio verus & vnicus est cultus Dei. Ea enim religio & Deo omnem gloriam per Christum ascribit, & nobis per eundem Christum vitam & salutem adfert. Agnoscit Christum verum Deum esse, & talem Deum, qui non externis

& visibilibus rebus tantum, non in specie & hypocrisi, verum in spiritu & veritate, hoc est, fide, spe, charitate, & pia cōuersatione coli vult & adorari.

F I N I S.

INDEX EORVM QVAE NOTATV DIGNISSIMA IN HISCE ANNOTATIONIBUS OCCURRERUNT.

Numerus prior paginam, alter versum indicat: a vero columnam priorem, b, secundam significat.

- A**braham quadrupliciter vidit diem Christi. 259.b.15.
Adorare quid sit, 115.a.51.
Adorare Patrem in veritate. 116.a.3.& 116.b.15.
Adorari Filius Dei quomodo debeat. 276.b.2.
Adoratio vera proprium opus est Spiritus Sancti 116.a.38.
Aduentus seu incarnationis Christi causa duplex 646.b.9.
Adulator etiam cum blanditur, hostis est. 663.b.5.
Aegyptii pastores ouium abominantur. 300.a.32.
Aeternitas Christi probatur. 7.b.32.
Affectus humanus cessare debet ubi negotium Dei agitur. 573.a.7.
Affligimur non in perditionem nostram, sed in gloriam Dei. 261.b.40.& 263.b.16.
Afflictio impiis perditio est, piis vero disciplina. 138.b.21.
In afflictione duo consideranda 118.b.12.
Afflictiones nostras potissimum voluntate, & opere Dei diutius durare, vt Dominus in nobis tandem glorificetur. 134.a.45.
Afflictiones quemadmodum nobis accidat. 262.b.31.
Afflictorum consolatio esse debet quod Dominus eos videt. 134.b.33.
Agni utilitas. 34.b.2.
Ambitio ubi est, ibi non est vera & viuua fides. 161.b.42.
Ambulare in luce quid. 610.b. versu primo.
Amen particula pro ipso nomine veritatis quae est Filius, posita. 69.a.16.
Amicus verus in necessitate probatur. 332.a. ultimo.
Amor duplex 60.b.50.
Amor mundi & Dei simul esse non possunt. 632.a.5.
Anabaptistarum error. 103.b.40.& 640.a.6.
Angelorum officia duo. 590.a.16.
Anima saepe pro toto homine capitur in scriptura. 21.b.27. aliquando pro vita corporali & naturali. Ibidem. 34. versu.
Animarum regimen ars est artium. 103.b.36.
Anni & mensium principium aliter apud Iudaeos, aliter apud Christianos. 393.a.3.
De Antiocho quid sentiendum. 634.a.18.
Anichristi. 7.a.11.
Apellis error. 321.a.41.
Apollinaris error. 21.b.2.& 313.b.51.
Apostoli non ornatum sermonis, sed fructum & salutem nostram in suis scriptis quaesierunt. 627.a.9.
Aqua nomine crux & tribulatio intelligitur aliquando. 71.a.25. nonnunquam & populi. 673.a.19.
Per aquam quare regeneramur. 73.a.1.
Aquila conditiones. 5.a.28.
Arrii error. 7.a.41. ibidē b.44.& 10.a.33.& 11.a.28.& 24.a.10.& 124.b.40.& 143.b.49.& 150.b.47.& 319.b.41.& 454.a.36.& 459.a.35.& 478.b.41.& 624.b.40.
Arundo in manibus Christi quid significet. 550.a.11.
Ascendere in caelum quomodo possumus. 83.b.3.
Avaritiae tyrannis 246.b.43.
Auriculae Malchi amputatio allegorica 521.a.6.
Baptismus primum sacramentorum. 71.b.1.
Baptismus non reiteratur. 73.b.12.
Baptismus Apostolorum ante passionem Christi non habuit totam suam efficaciam. 94.b.19.
Baptismi sanctitas & efficacia non pendet a ministro. 38.b.49.
Baptismi Ioannis & Christi differentia. 32.a.7.& 38.b.16.
Ad Baptismum perfectum tria pertinent 31.b.46.
Baptismum quare Christus recepit. 34.a.24.
In Baptismo quare Christus aquam & spiritum coniunxit. 72.b.134.
Baptizat Christus in spiritu dupliciter. 38.b.13.
Baptizari in Spiritu Sancto quid. 37.b.36.
Baptizari cur Christus voluerit. 673.a.12.
Baptizatus baptismo Christi etiam a malo ministro non rebaptizatur. 38.b.47.
Baptizatos a Ioanne quare Paulus Baptizauit, ibidem versu. 404.
Barrabas filius Patris interpretatur. 544.b.19.
Beneficiorum Ecclesiasticorum captatores taxantur 302.a.25. & deinceps.
Bethania domus obedientiae interpretatur. 335.a.49.& 349.b.& 362.b.52.
Blasphemia quid. 311.a.6.
Brachium Domini. 392.a.31. & 392.
Calcamentum Christi. 31.b.33.
Capharnaum villa consolationis interpretatur. 202.b.32.
Caro in scriptura quomodo accipiat. 202.b.32.
Caro interdum totum hominem significat. 21.b.17.
Carnis nomine nonnunquam homines intelliguntur. 500.b.11.
Carnis natura est, affectibus & cupiditatibus suis bonam aliquam speciem praeseferre. 26.b.49.
Caeleumensis Hebraeorum Nouembri respondet. 316.a.2.
Catonis Elogium de matrimonio. 500.b.29.
Cephas Syriace Petros Graece. 43.b.27.
Charitas locum non habet ubi est inuidia. 650.b.41.
Charitatis gradus tres. 469.b.43.
Cerinti error. 7.b.28.& 12.a.32.& 638.b.50.
Cherubin plenitudo scientiae dicitur. 590.a.48.
Christianismus raro in aulis principum. 335.a.5.
Christianus malus nihilo melior est Iudaeis & Ethnicis. 517.b.49.
Christiani officium. 93.a.29.
Christiani vocatio quae 483.a.6.
Christiani quibus armis se tueri debeant. 511.b.49.
Christiani veri qui 46.a.38.
Christianorum quatuor genera. 65.a.25. & sequentibus.
Christianorum perfectio non in scire, sed in operari consistit. 415.a.20.
Christus quare sic appellatur 42.b.42.
Christus Hebraeis messias, nobis vnctus interpretatur. 668.
Christus quare incarnatus, & non Pater vel Spiritus Sanctus 112.a.50. & 21.a.31.
Christus ante Ioannem Baptistam tripliciter factus 32.b.23.
Christus eleemosinis hominum sustentabatur. 369.a.50.
Christus in quibus excellat omnes creaturas. 99.a.26.
Christus tripliciter clamauit 29.b.44.
Christus quando oculos leuare dicitur, semper magnum aliquod opus sequitur 166.a.35.
Christi duplex officium 434.a.47.
Christus quare non baptizabat sed discipuli. 103.b.13. & 45.
Christus quare se viti comparauerit 458.a.15.
Christus eisdem affectibus obnoxius fuit, quibus obnoxia

INDEX OPERIS.

- obnoxia sunt corpora aliorum hominum 105.b.23.
Christus decē passus a militibus 548.a.17. & deinceps
Christus quare crucifigi voluerit 566.a.19. & deinceps
Christus quare inter latrones pati voluerit 568.a.9
Christus quare mori voluerit 673.a.12
Christus quare mortis tempus illud elegerit quo mortuus est 401.a.1. & deinceps
Christus quare Apostolos suos mori secum noluit 519.b.42.
Christi corpus in Sacramento quomō adfit. 371.b.27.
Christus ubique est, & ubique omnia potest, & sola voluntate cuncta perficit 130.b.50.
Christus panis vel cibus cōgruē dicitur 183.b.20.
Christus non est panis corpus reficiens, sed animam viuificans ibidem b.43
Christi sanguis tantum nos liberat 34.b.48
Christus aduocatus noster apud Patrem 83.b.1. & 625.b.2.
Christus quare agnus Dei dictus a Ioanne 34.a.23. & 32. & deinceps, & 251.b.32.
Christus quomodo lux dicitur 19.b.5
Christus sponsus cur dictus 97.b.34
Christum verbum cur potius nominauerit Ioannes quam Filium 5.b.36. & 6.a.29
Christus verbum vitæ 616.a.4
Christus manifestat se dupliciter 446.b.49
Christū quonam pacto cognoscimus 435.b.17
Circuncisio nihil aliud erat quam aperta professio expectandi seminis scilicet Christi 72.a.10
Clamoris nomine in scriptura plarunque intelligitur vehementia affectus 355.b.40
Coecus tabernaculi bis tictus, quid significet. 349.b.32
Cognitio certissima est quæ ex Dei reuelatione habetur 81.a.7
Cognitio Dei initium, perfectio, & finis salutis nostræ 108.b.27
Cognoscere Deū quomodo dicamur 627.a.44
Cognoscere Christum qui dicantur 311.b.5
Comminatio vere magna, quando Dominus comminatur se relictorum hominem 221.a.27
Communicare cū Deo quid sit 617.b.26. & 44
Communicare cum Deo nemo potest, nisi prius societatem habeat cū Apostolis & Ecclesia 613.a.13
Concionatores incircumspecti taxantur 437.a.8
Concordare cum Deo nemo potest, qui a proximo suo discordat. ibidem versu. 15.
Confiteri Christum quomodo accipiat 658.a.29
Confiteri Christum in carnē venisse quid sit, ibidem versu 15.
Cōsciētia perturbata sæua semper præsumit 185.b.37
Consolatio ingens Deū habere ducem & præcessorem 4.b.43.
Consolatio Spiritus Sancti nihil aliud est quam remissio peccatorum 451.a.5
Consuetudo dimittendi vnum vinculum in Pascha vnde profluxit 544.a.8
Cor hominis nunquam satiatur, sed maiora querit 183.b.30
Corona Christi spinea quid significet 550.a.2
Corpus Christi tripliciter potest esse in loco 202.a.32
Corpus Christi esse in Sacramento 193.a.31
Corpus Christi dupliciter māducatur 192.b.ultimo, tripliciter etiam 196.b.39
Creatura nulla mala per naturam 10.a.42
Creaturis & bonis huius mundi vtiliter ad necessitatem, non ad voluptatem 932.a.36
Credere quid 19.b.42. & 50
Credere in Deum 430.b.28
Credere Deum, Deo, & in Deum differunt. 180.a.47.
Credere nolle sine signis est contra naturam fidei 128.a.48
Credere difficile possūt qui gloriā mūdi amāt 66.b.6
Credenti triplex premiū promittit Deus 149.a.9
Crux schola pietatis 508.b.15
Crux carnis 568.a.52. Mundi ibidem b.2. Spiritus ibidem b.6
Crucem portantium quatuor genera 563.b.21.
Cultus diuinus in quibus consistit 110.a.8. & deinceps. & 676.b
D Amnatur nemo certius & grauius quam malus Christianus 477.b.1
Descendere Dei quomodo accipiat 37.b.6
Desiderium duplex 111.a.3
Dei nomen trifarium in scriptura dicitur 321.b.24
Deus quomodo cognoscitur 221.a.38
Deus creatione seipsum manifestauit, vt ex inuisibilibus innotesceret eius virtus & diuinitas 9.b.19
Ad Dei cognitionem nisi per carnem Christi peruenire possumus 6.b.32
Deum videre magnum præmium 33.b.43
Deus quomō videatur 25.a.9. & 435.a.7. & 437.b.29
Deus quomodo visus patribus oli 157.a.8. & 150.b.37
Deum quoniam videant 52.a.2. & deinceps
Deū videre si cupis, attende eius charitatē 63.b.30
Deus dupliciter manifestatur 512.b.20
Dei proprium semper esse & consistere 7.a.41
Deus ubique per essentia, præsentia, potentia 17.b.35
Dei solius est videre & intueri corda hominum 216.b.10.
Deus fallere nequit 64.b.32
Quod Deus dat, non ex debito, sed ex gratia dat. 56.b.53
Deus quare nobis plus dat q̄ opus habemus 170.a.9
Deum contemnit qui de verbo eius & veritate dubitat 663.a.35
Dij quotuplices sint 501.a.38
Diabolus calumniator interpretatur & deorum fluens 208.a.52
Diabolus quomodo dicatur princeps mundi 386.b
45. & 455.a primo
Diabolus præuallere non potest in eum qui in Deū confidit 16.b. primo
Diaboli conatus omnes ad bonum electorum conuertit Deus 96.b.21
Diei apud antiquos diuisio 130.a.50
Diei nomine allegoricē quid intelligatur 262.a.10
Discipuli Christi officia 380.a.22
Dilectionis gradus 409.b.44
Dilectionis summus & infimus gradus 654.a.43
Ad dilectionē Dei & proximi tria requiri 608.a.39
Diligere in corde non est satis, nisi & re ipsa dilectionem testemur 606
142.a.43
Docere vera non est satis nisi ædificent 210.a.37
Doctrina a Deo esse quānam dicatur 254.b.28
Doctrinam tria probant 99.b.5
Doctrina Christi omnes alias excellit 99.b.5
Doctrinæ hominum nihil quā mortua litera sunt, nisi Christus sua cælesti voce viuificet. ibidem
versu primo. 46.b.9
Dolus quid 159.b.20
Dominus fidelis & promissa seruans 22
Domus Dei est quilibet fidelis 60.a.13. & Ecclesia creditur. ibidem 147.a.51
Domus Dei 103.b.35
Donati error 39.a.3. & 73. b.22. & 103.b.35
Dona Dei gratuita, si non adfit fides, magis obliunt quam profunt 352.a.32
Dona Christi duabus rebus distribui 197.b.36
Donis Dei non abutendum 170.a.18
E Bionis error 7.b.28. & 55.b.35. & 638.b.6
Ecclesiasticorum auaritia taxatur 308.b. primo & deinceps.
Ecclesiasticorum superbia, & fastus & ambitio taxantur 414.a.28
Eleemosina hic excrecit in futuro 170.a.39
Encomia, festum ludæorum 315.b.42
Episcopi & pastores mali taxantur 30.a.7
Eruditio frustranea est quæ non pietatis amore auditur 553.b.33
Euangelium lætū nunciū interpretatur 34.a.15
Euangelium nobis Deū aliter proponit q̄ lex 264.a.3. Euan-

INDEX OPERIS

- Euangelij Ioannis summa 4.2
 Eutychetis error 381.b.27
 Excommunicatio duplex 270.a.ultimo
 Excommunicatio quando ferri debet 274.b.38
- F**esta tria in quibus omnes Iudaei convenire tenebantur ex lege 210.a.4
 Fides donum Dei est 189.b.17. & 190.a.44
 Fides radix bonorum operum 180.a.5. & 90.b.36
 Fides summa iustitiae Christianae 15.b.41
 Fides nulla certa esse potest, nisi quae innititur viuo & vero Deo 7.a.1
 Fides firma quae 64.a.15
 Fides ubi nulla est, ibi nec Deus est 652.b.11
 Fides facit discipulum Christi, charitas autem ostendit & probat 427.a.26
 Fidei energia 86.b.6
 Fidei natura quae 129.b.49
 Fidei perfectae requisita 394.b.49
 Fidei salutem Christus ascribit triplici modo 90.b.15.25.33
 Fidem tuam defendere nil tibi prodest, nisi & fidei tuae conformiter viuas 193.b.39
 Filij Dei appellationes & epitheta 6.a.7 & sequent.
 Filij Dei quomodo nascimur 20.a.4
 Filij Dei duplices 322.a.8
 Fratres cognatos sacra scriptura appellare solet 57.a.2.4. & 210.a.52.
 Fratrum quatuor genera in scriptura. ibidem 33
 Fratrum nomine oēs homines intelligitur 664.b.14
 Fuga Christi ne tex fieret 172.a.6
- G**abatha Hebraice Latine locus eminens 557.b.23
 Galilaea mundum allegorice significat 126.a.6
 Galli cantas praefiguravit bonum resurrectionis dominicae nuntium 425.a.versu primo.
 Gignere quid 6.a.52
 Gladij & Euangelij munera non sunt inter se contraria 235.a.24
 Gladium non ministrat Euangelium sed auctoritatem confirmat 234.b.49
 Gloria quid 22.b.29
 Gloria appetitus magni obstatculi ad salutem 161.b.54
 Glorificationis nostra tempus est post mortem 376.b.10
 Gratia magna est cum Deus a peccato impedit 219.b.47
 Gratus cur Christus egerit 169.b.29
 Golgoet Hebraice, vel Caldaice Golgota quid significet 563.b.37
- H**ereticorum mos, consuetudo & proprium 24.a.13. & 454.a.40. & 655.b.9
 Haereticorum proprium, ea non videre quae contra ipsos sunt 145.a.13
 Heluidij error 57.a.23
 Hominis vocabulo qui digni 66.a.8
 Hominis prerogativa praeter ceteris creaturis 12.b.48
 Hominum triplex formatio 76.b.16
 Hominum tria genera in Ecclesia Dei 366.a.versu primo.
 Hominum quatuor genera in Ecclesia 226.b.8. & 267.a.12
 Hominum quinque genera in Ecclesia versantur 309.b.18
 Hofanna idem quod saluifica obsecro 374.b.23
 Hydria vas aquae capiendae destinatum 54.a.31.
 Hydriarum moralis interpretatio 55.b.22. & deinceps
- I**esus idem quod saluator 45.b.11. & 440.a.37
 Impietas ut seipsam defendat, nec Deo, nec sanctis parit 158.versu ultimo.
 Impius neque Deus neque homines veretur 518.a.30
 Impij semper proficiunt in peius 260.b.11. & 320.a.2
 Impiorum numerus maior impiorum 206.a.24.
 Impios Deus exaltat ut profundius deiciat 490.b.versu penult.
 Incredulus quis 102.a.47
 Incredulitas radix omnium malorum 91.a.46
 Instabilis quisque ut facile mouetur ad dilectionem, ita facile mouetur ad odium 171.a.8
- I**nvidia non potest audire laudes eius quem odit 221.b.22.
 Invidia tantum mala attendit in eo quem odit, non etiam bona 137.b.43
 Ioanna gratiam significat 43.a.43
 Ioannes plus vidit quam omnes philosophi 5.a.16
 Ioannes cur filius tonitruus dictus 5.a.22. aquila cur comparatus. ibidem 28
 Ioannes baptista quare nomen suum a gratia sortitus est 15.a.43. & 23.b.18
 Ioannes Baptista quare Helias dictus 29.a.3
 Ioan. Baptista quare plus quam propheta dictus. ibidem 47
 Ioannes Baptista quomodo Christum agnouit 36.b.6. & 37.a.25. & 38.a.5.
 Iona columba interpretatur 43.a.44
 Ira Dei plerumque pro supplicio accipitur 102.b.12
 Isaac a risu nomen accepit 255.b.11
 Israel potens Dei vel cum Deo interpretatur 489.b.versu ultimo.
 Israel videns Deum interpretatur 79.b.31
 Israelitae veri qui 46.b.31
 Iudaea allegorice confessionem significat 94.a.46
 Iudaeorum in nos calumnia refutatur 7.b.30
 Iudas quomodo electus in numerum Apostolorum 415.b.4
 Iudas filius perditionis quare dictus 520.a.45
 Iudae cur oculos Christus permiserit 369.a.21
 Iudae quare Christus diabolum nominauerit 208.a.43
 Iudex qualis qualis sit, bene iudicat, si secundum legem & verbum Domini iudicat 234.a.8
 Iudicis est boni veritatem inquirere non calumniam 130.b.20.
 Iudicis boni conditio 153.a.43. & officium 154.a.13
 Iudices admonentur sui officij 556.a.32
 Iudicare apud scripturam quid significet 895.a.versu primo.
 Iudicat Deus diuersimode ibidem b.15
 Iudicium duplex 277.a.20
 ad iudicium rectum quae pertineant 219.a.9
 Iudicium tripliciter pervertitur 229.a.versu ultimo.
 In iudicio quatuor considerantur 146.b.18
 Iudicia Dei & verba sunt semper timenda 429.a.19
 Iustitia nostra quando erit perfecta 642.a.8
 Iustitiae duae partes 509.a.6
 Iusti flagellantur ad probationem, iniusti propter peccata 138.b.20
 Iustificacionis primus gradus est mortificatio 71.a.35
 Secundus viuificatio. ibidem 41.
- L**aborandum tribus de causis. 602.b.48
 Lachrymae triplices quae Deo placeant. 589.b.10
 Lateris Christi apertio mystica significatio. 580.b.22.
 Latrocinia olim apud Germanos nullam habuere infamiam. 132.a.44.
 Lex spiritualis est, nam non operibus tantum exten- nis, sed fide in Christum impletur. 157.b.2
 Lex data est non ut iustificet, sed ut ostendat peccatum 179.b.40
 Legis nomine quid intelligatur 321.b.14
 Legis transgressor non est, qui intentionem legislatoris seruat, etiam si a litera legis discedat 108.a.3
 Legis & Euangelij differentia 233.a.29
 Liberare quid. 246.b.14
 Lithostrotos, latine stratus. 557.b.22
- M**ahumeti error. 640.b.22
 Malorum in Ecclesia causa quae. 80.a.3
 Manducare quid. 192.b.41
 Manducare carnem Christi & bibere sanguinem quis vere dicatur. 196.b.11
 Manichaei error 10.a.48. & 11.a.30. & 21.a.10. & 21.b.35. & 52.a.versu primo.
 Manna panis angelorum dictus 182.b.2
 Manus potestatem significat 101.b.14
 Mare vocant Hebraei quascunque aquarum congregationes 164.b.30
 Maris nomine mundus intelligitur 165.a.39
 Ma-

INDEX OPERIS.

Martionistarum error.	640. b. 12.	Pasce festum primo mense celebrabatur	209. a. 19
Matrimonia etiam veteres cum quadam solennitate inchoasse.	49. b. 14.	Passionis dominicæ quatuor præcipui fructus	
Matrimonia clandestina raro bonum sortiuntur exitum ibidem.	17.	Passionem suam calicem cur Christus appellauerit	607. b. 7
Mendacium est quod non constat	542. b. 12	Pastor quis dignus sit	303. a. 21
Mercedis spes hominem ad laborem trahit	122. a. 25	Pastor verus	303. a. 21
Messias Hebraice, Græce Christus, Latine vnctus interpretatur	42. b. 38	Pastoris officium	222. b. 7. & 300. b. 53. & 303. a. 8. & 531. a. 13
Messis allegoricus intellectus	121. a. 36	Pastoris oriosi taxantur	607. b. 32
Milites nostri temporis taxantur	547. b. ver. penult.	Pastorū animis quæ in fixa esse debeant	7. b. 18
Miracula quæ dicantur	84. b. 51	Pater principium cur dicatur	8. a. versu penultimo.
Miracula operandi facultas, donum Dei gratuitum est non iustificans	208. b. 46	Patri passiani	462. b. 28
Miracula faciendi tempus	53. a. 42	Pax Christi remissio est peccatorum	600. b. 16
Miracula cur Deus ediderit	48. b. 9	Pax triplex	645. b. 24
Miracula fecerunt propheta orando. Christus præcipiendo	135. b. 34	Peccare aliud est quam præuicari	222. b. 7
Misericordia magna Dei, quod etiam impijs ad tempus parcat, vt habeat spaciū conuertēdi se	138. b. 38	Peccare grauius est scientem q̄ ignorantem	357. b. 33
Morbi plerumque ex peccato proueniunt	138. b. 6	Peccare ad mortem quis dicatur.	625. a. 47
Mori in peccato tripliciter intelligitur	240. b. 30.	Peccator dupliciter in Christum	472. b. 45
Mortis hora cuiuslibet præfinita	401. a. 41	Peccatorem cum Deo reconciliare soli Christo com petit	350. b. 12
Mortem videre, & mori differunt	257. b. 2	Peccatores duplices sunt	335. a. 31
Mortuorum duo sunt genera quæ Pater suscitatur	145. b. 15	Peccatorum tres gradus, in quorum typum Christus tres mortuos suscitauit	645. b. 32
Mosis sepulchrum & corpus quare Iudæis occultata	324. a. 39	Peccatorum quatuor gradus	535. b. 30
Moyse de Christo scripsit tripliciter	45. a. 42	Peccatū Christiani grauius est q̄ pagani	409. a. 12
Mundus quo modis accipitur	17. b. 45. & 385. b. 23	Peccatū quod per penitentiam non diluitur, semper suo pōdere ad maiora trahit	422. a. 44. & 535. a. 30.
Mundi amor, & cupiditas terrenorum radix omnis mali. ibidem 2.		Peccata nostra non excusamus ob sanctorum lapsus.	535. b. 30
Munera non attendit Deus sed cor, & charitatem vnde procedunt	650. b. 47	Pedum lotio allegorice quid significet	97. a. 36
Mysteria Dei superbis & arrogantibus, & sua querentibus occultantur	25. a. 18	Perfecti quantumcunque sumus homines tamen nos agnoscamus	43. b. 40
		Petrus quare sic dictus	607. a. 24
		Petri prærogatiua	528. b. 30
		Petri negatio est peccatoribus consolatio & doctrina	
		Phariseus diuisus vel segregatus interpretatur.	
		Phase transitus interpretatur	361. b. 30
		Pius constanter Deum glorificat nedum in prosperis sed & in aduersis	180. b. 11
		Planctus mortuorum.	342. b. 27
		Penitentia strenue agenda, sed in fide vel fiducia mentis	626. b. 42
		Pontificis officium.	105. b. versu ultimo
		Pontifex cur laminam in fronte gerebat.	4. a. 49.
		Pontifices impij taxantur.	571. a. 19
		Prædestinati & reprobi qui.	187. b. 43
		Prædicatoris officium.	16. a. 20.
		Prædicatoris est rationē reddere doctrine sue, & omni specie mala abstineri, & omni suspicionē mala carere debere	56. b. 21
		Prædicator quid docere debeant	80. b. 26
		Præteritum pro futuro in scriptura sæpe ponitur propter certitudinem.	29. a. 35.
		Prophetarum officium.	215. b. 29
		Prophetæ certa tantum doceant	304. b. 33.
		Proverbum quid	107. a. 14
		Proximus peccatū primū occulte arguendus	107. a. 14
		Proximus ita diligendus vt tamen potior sit Deus	520. a. 10
		Proximi cura vera quæ	ibidem linea vitima.
		Pseudopastores taxantur.	662. a. 29
		Pseudopropheta quomodo cognoscatur	22. b. versu penult.
		Q	
		Qualis dictio, nonnunquam confirmationis & definitionis.	
		Redemptio generis humani quare per Filium.	172. a. 10.
		Regnum Christi.	73. a. 40
		Renatus quis dicatur.	149. b. 40
		Resurrectio duplex in scripturis inuenitur	597. b. 49.
		Resurrectio prima est peccatis resurgere.	136. b. 47
		S	
		Sabbati vera ratio.	268. b. 10
		In Sabbato quodnam opus prohibeatur	319. b. 42
		Sabellij error refellitur.	8. a. 41. & 2. a. 30. & 319. b. 42
			Sacer.



INDEX OPERIS

Sacerdotum auaritia taxatur	58.b.9.	Temeritatis est velle peruestigare diuini consilij ar-	
Sacerdotū veteris testamenti officiū triplex	499.a.3.	canum	181.b.6
Sacramentorum error	201.b.10. & 484.b.44	Templum Dei est quilibet fidelis	60.a.14. & Eccle-
Sacramento nihil efficaciam dat vel adimit minister		sia credentium.	ibidem 21.
46.a.5. & 107.b.46.		Tēporalia a Deo quærere malū non est	176.b.12. sed
Samaria metropolis fuit in regno decem tribuum.		quomodo quærenda.	ibidem 21.
104.b.25		Tenebrarum nomine quid intelligatur	13.b.5. & de-
Samaria allegorice Gentilitatē significat.	107.a.33.	inceps & 93.a.9.	
Samaritani odiosi Iudæis.	ibidem b.25	Testamenti veteris & noui principia sibi mutuo cō-	
Sanctificare quot modis dicatur	509.a.12	sonantia 5.b.3. & deinceps.	
Sanctificare seipsum est non peccare	646.b.40.	Noui prærogatiua.	ibidem.
Sancti honorandi sunt, sed nō æquādi Deo	182.a.4	Testimonio triplici opus est Christiano	157.b.6
Sanctificatio vera	537.a.25	Tentare quomodo dicatur Deus	167.a.32
Sanguinis & aquæ e latere Christi mysteriū	580.b.34	Tentatur Deus dupliciter	200.b.38
Schuermerorum error	203.b.3	Tentatio grauissima est cum Deus omnino se ab-	
Scriptura tripliciter Christo testimonium perhibet		scondit	173.a.42
158.b.20.		Testamenti veteris & noui differentia	121.b.15.
Scripturarum præposterī lectores taxantur	193. b.	Testimoniū iusti duo requisita	612.a.6
20. & 226.b.21.		Testimoniū idonei requisita	479.b.53
Scripturas lecturus seponat affectus	490.a.30	Tiberiadis, mare Galileæ, & stagnum Genezaret,	
Scrutatio scripturarum duplex	157.b.51	idem 164.b.25.	
Stare in veritate	253.b.3	Timor bonus	174.a.49
Stultus est q in diuitijs & potētia spē reponit	127.a.16	Tribulatio optimos in nobis parit fructus	14.a.36
Seditionē mouens cōtra potestatem peccat	172.a.34	Tunica inconsutilis allegorice qd significet	570.b.15
Sepulchra sibi ante mortem præparasse sanctos ve-			
teris testamenti	345.b.49	V	
Sequitur Christum duobus modis	236.b.51.	Alentinianorum error 21.a.11. & 83.b.48. & 321	
Serpens æneus quare in signū veteribus datū	85.a.26	a.41. & 528.b.9.	
Serpentis morsus, duobus modis, peccatum dicitur		Venire ad Christum est credere in ipsum	189.b
ibidem	15	12. & 184.a.2.	
Seruitus & captiuitas vera quæ	246.b.20.	Venter caret oculis	171.a.41
Sichar ciuitas	104.b. versu vltimo.	Ventris cura quosuis sollicitat	170.b.38
Signis quatenus credendum	438.b.35	Ventris cura & fides inter se nō cōueniūt	184.b.4.
Siloe interpretatur missus	265.b.39	Verbum quid	5.b.45
Simō interpretatur audiēs vel obediens	44.a.11	Verbi nomine omnia intelliguntur qua de filio di-	
Sitis Christiani	225.a.30	ci possunt	6.a.3.
Sitis Dei quæ	106.b.51	Verbum Christum cur potius nominauerit Iōānes,	
Somnus varijs modis in scriptura accipitur	332.b.	quam Filium	5.b.37.
41. & deinceps.		Verbum, Dei substantia, non accidens	6.a.48.
Spinard Christi allegorica interpretatio	548.a.38	Verbum Dei in consolationem & doctrinam nobis	
Spiritualia dona ad quid quærenda	176.b.47	datum	13c.b.10.
Spiritus in scriptura quid	72.b.36	a Verbo viuo Dei nihil procedit nisi bonū	6.b.15
Spiritus sæpe in scripturis pro vento ponitur	76.b.	Verba substantiua de Deo dicta non significant mo-	
versu primo & sequent.		tus temporales	7.a.49.
Spiritus Sanctus quare paracletus dicatur	442.a.6.	Veritas duplex & mendacium	652.a.49
& 449.b.33. & spiritus veritatis	442.b.20.	Veritas plarunq̃ negligitur vbi contentionibus	
Spiritus sanctus nihil aliud est q̃ virtus Dei omni	77.b.	res agitur	95.b.17
viuificatrix, forrix, & consummatrix		Veritatis prærogatiua & excellentia	245.b.20.
versu primo.		ex Veritate esse quis dicatur	542.b.16
Spiritus sanctus quare in specie columbæ super Chri-		Vestimenta Christi allegorice scripturas significant	
stum apparuit	37.b.23	570.b.6.	
Spiritui malorum duo genera in Ecclesia ibidē	17.	Vestis purpurea Christi quid designet	549.b.23
Sponsæ nomine, Ecclesia, vel quælibet anima fidelis		Videre Dei est misereri	261.b.50
intelligitur	98.a.4	Vita oīs Christianorū pœnitētia esse debet	94.b.49
Supplicium cur sumatur de fontibus	232.a.38	Vita vera & beatitudo hominis in quo consistat	
Supplicio vltimo afficiendi apud Romanos prius	546.a.2	501.a.6.	
flagellis cedebantur	210.a.3	Vita sæpe pro cōsolatione accipitur	205.a.7
		Vitam nostram cur abbreviauit Dominus	164.b.
		versu penultimo.	
		Vnctio spiritus sancti	637.b.13.
		Voluntas Dei quæ	216.a.3.
		Z	
		Elus quid	60.b.45. & est duplex
		ibidem	49.

F I N I S.

K 46.

